

ՍՏԵՓԱՆ ՊՈՂՈՍՅԱՆ

**ՀԱՅՈՑ ՑԵՂԱՍՊԱՆՈՒԹՅԱՆ
ՊԱՏՄՈՒԹՅՈՒՆ**

III

**ՄԵԾ ԵՂԵՌՆԸ
ԱՐԵՎԱՏՏՈՅԱՆ ՀԱՅԱՍՏԱՆԻ ՆԱԶԱՆԳՆԵՐՈՒՄ**

**ԵՐԵՎԱՆ
ԵՊՀ ՀՐԱՏԱՐԱԿՈՒԹՅՈՒՆ
2011**

ՀՏԴ 941 (479.25)

ԳՄԴ 63.3 (2Հ)

Պ 797



FUNDAÇÃO CALOUSTE GULBENKIAN

Պողոսյան Ստեփան

Պ 797 Հայոց ցեղասպանության պատմություն / Ստեփան Պողոսյան.- Եր.: ԵՊՀ
հրատ., 2011, III հատոր: Մեծ եղեռնը Արևմտյան Հայաստանի նահանգնե-
րում.- 672 էջ:

Երբորդ հատորն ընդգրկում է 1915 թվականից հետո չարունակվող թուրքիայի հայաջինջ
քաղաքականությունը:

ՀՏԴ 941 (479.25)

ԳՄԴ 63.3 (2Հ)

ISBN 978-5-8084-1400-6

© ԵՊՀ հրատարակչություն, 2011 թ.

© Պողոսյան Ս. Կ., 2011 թ.

ԲՈՎԱՆԴԱԿՈՒԹՅՈՒՆ

ԳԼՈՒԽ ԱՌԱՋԻՆ

Վան-Վասպուրական.....	5
Վանի Հերոսամարտը.....	30

ԳԼՈՒԽ ԵՐԿՐՈՐԴ

Էրզրում-Կարին	76
Երգնկա	112
Բաբերդ	126
Դերջան	132
Քղի	133
Խոսորջուր	134

ԳԼՈՒԽ ԵՐՐՈՐԴ

Սվագ-Սեբաստիա	142
Ամասիա	165
Մարզվան	166
Շապին Կարահիսարի աստղային ժամն ու մայրամուտը	170

ԳԼՈՒԽ ԶՈՐՅՈՐԴ

Խարբերդ-Մամուրեթ ուլ-Աղիզ	178
Խարբերդ քաղաք	184
Մալաթիա	197
Արաբկիր	199
Դերսիմ	215

ԳԼՈՒԽ ՀԻՆԳԵՐՈՐԴ

Դիարբերիր-Տիգրանակերտ	221
-----------------------------	-----

ԳԼՈՒԽ ՎԵՅԵՐՈՐԴ

Բիթլիսի-Բաղեշի նահանգ	249
Մուշը՝ նահատակ	335
Մարտնչող Սասուն	352

ԳԼՈՒԽ ՑՈԹՆԵՐՈՐԴ

Կիլիկիա	388
---------------	-----

ԳԼՈՒԽ ՈՒԹԵՐՈՐԴ	
Տրապիզոն.....	438
ԳԼՈՒԽ ԻՆՆԵՐՈՐԴ	
Մուսա լեռ	465
ԳԼՈՒԽ ՏԱՄՆԵՐՈՐԴ	
Կենտրոնական Անաստովրա	476
Յողովաթ.....	496
Կաստամոնու	527
ԳԼՈՒԽ ՏԱՄՆՄԵԿԵՐՈՐԴ	
Արևմտյան վիլայեթներ	531
ԳԼՈՒԽ ՏԱՄՆԵՐԿՈՒԵՐՈՐԴ	
Ուժա (Ուոհա).....	560
ԳԼՈՒԽ ՏԱՄՆԵՐԵՔԵՐՈՐԴ	
Հարավային վիլայեթներ	588

ՎԱՆ - ՎԱՍՊՈՒՐԱԿԱՆ

Վանը Արևմտյան Հայաստանի այն մեծ քաղաքներից է, եթե ոչ միակը, որտեղ առաջին աշխարհամարտի նախօրյակին հայերը ազգաբնակչության բացարձակ մեծամասնություն էին կազմում: Հենրի Մորգենթաուն գրում է, թե Վանն իր «չորրդ 30.000 բնակչութեամբ կը ներկայացնէր թրքական կայսրութեան ժողովուրդներու ամենէն խաղաղ, երջանիկ եւ բարգաւաճ մէկ համայնքը»¹: Նա գտնում է, որ թեև Վանում ևս կեղեքումներն ու բռնություններն անպակաս էին, բայց «իսլամ լուծը համեմատաբար աւելի թեթև կերպով ծանրացած է ժողովուրդին վրայ»: Նա Վանի համայնքի այդ համեմատական բարփոք վիճակի պատճառներից մեկը համարում է այն, որ վալին Թահսին փաշան էր՝ «Թիւրք պաշտօնատարներու ամենէն լուսաւորուած դեմքերէն մէկը»: Չնայած իրողությանը, որ քաղաքի «լաւագոյն մասին մէջ» բնակվում էին հայերը, իսկ թուրքերն ու քրդերը զբաղեցնում էին «իսլամ թաղերու տղմուտ հիւղակները», քրիստոնյա և մահմեդական համայնքների միջև «գոյութիւն ունեցող յարաբերութիւնները տանելի կերպով գոհացուցիչ եղած են բազմաթիւ տարիներու ընթացքին»²:

1914-ին արդեն Վանը կարծես թե լրիվ բուժվել էր ոչ վաղ անցյալի դժբախտություններից: Հաջողվել էր վիլայեթում ինչ-որ չափով վերականգնել կարգուկանոնը: Համաձայն բարենորոգումների ծրագրի՝ Վանում թուրքական ժանդարմերիայի ղեկավար նշանակվեց ֆրանսիացի կապիտան Մարասեն, որը շատ չուտով ընդհանուր համակրանքի արժանացավ: Թվում էր, թե վատ օրերը մնացել էին անցյալում: Հայերը ձեռնամուխ եղան նաև մշակութային կյանքի զարգացմանը, կառուցեցին զբաղարան, կազինո, թատրոն, ակումբ, ստեղծեցին դպրոցների ցանց, միայն Համբարձում Երամյանի վարժարանում դասավանդում էր 20 մանկավարժ, որոնց թվում կային նաև եվրոպայում կրթություն ստացածներ: Գործում էր ֆրանսիական դպրոց աղջիկների համար: Հանրի Բարբին նույնպես նշում է, որ Թահսինը քաղաքում կարգուկանոն մտցրեց, եվրոպական սպաներ նշանակվեցին ժանդարմերիայի հրահանգիչներ, ինչը հայերին վստահություն ներշնչեց և նրանց մղեց ստեղծագործ աշխատանքի:

Վանի վիլայեթն ուներ նաև մի քանի ուրիշ առանձնահատկություններ, որոնք էին ձևավորում տեղի հայկական կազմակերպությունների աշխատանքի բովանդակությունը: Դա նաև սահմանամերձ լինելն էր, Ռուսաստանի ու Պարսկաստանի հետ կապերի հանգույցում գտնվելը:

¹ Ամերիկեան դեսպան Մորգենթաուի յիշատակները եւ հայկական եղեռնի գաղտնիքները, Եր., 1990, էջ 242-243:

² Նույն տեղում:

Զի կարելի աչքաթող անել, որ քաղաքում գործում էր իթթիհաղի ուժեղ կազմակերպություն. ազդեցիկ էին նաև քրդական աշխրեթներն ու ավագակալսմբերը:

Վանի հետագա իրադարձությունների վրա վճռորոշ ազդեցություն ունեցան «պատերազմական Հարկատվությունը»՝ «Թեքյալիֆի-Հարպիեն», որին ժողովուրդն անվանեց «Թեքյալիֆի» ու նաև այն, որ նահանգի «ղիրքը զայն անխուսափելիօրէն ժամոր կը դարձնէ զինուորական գործողութիւններու եւ հայ ժողովուրդին գործունէութիւնը մշտապես կամկածի նիւթ եղած է»: Վասպուրականը ղեպի Փոքր Ասիա ուսուական արշավանքի ամենահարմար ուղիներից էր: Հայերի տրամադրության վրա էական ազդեցություն ունեցան «զորահավաքի զագանային եղանակները» և հայ զինվորների հանդեպ խորականությունները, որի ուղղակի հետևանքը զասալքությունն էր, ինչը զուգակցվում էր հայ բնակչության հանդեպ բռնությունների, սանձարձակ վերաբերմունքի, սպանությունների ու թալանի համակարգով:

Վանի վաճառականները հեռագրեցին Կ. Պոլիս, թե տեղում «20.000 ոսկիի ապրանք գրաւուած է ոչ մեկ դրամ վճարած ըլլալով հանդերձ ... սկսած են գրաւել նաև այն վաճառականներու ապրանքները, որ դեռ ճամբան կը գտնուէին, բռնի բանալ էրգրումի եւ Վանի մէջ անոնց ունեցած պահեստները եւ բռնագրաւել զանոնք»¹:

Մի առանձնահատկություն ևս.

Վանից ու Վասպուրականից արևելք ընկած շրջանների հայաթափումը հիմնականում տեղի էր ունեցել մինչև առաջին աշխարհամարտը: Եթե 1880-ական թվականներին հայ էր Աղբակի բնակչության 50 տոկոսը, ապա 20-րդ դարասկզբին՝ միայն 25-30 տոկոսը: Հաքիարիի վիլայեթն ամբողջությամբ դարձել էր քրդաբնակ: Ընդ որում, Պարսկաստանին սահմանակից շրջանների ամբողջական հայաթափումը կատարվեց աշխարհամարտի առաջին ամիսներին: Աղբակի 10.000 հայից 8000-ը բնաջնջվեց:

Զի կարելի աչքաթող անել նաև այն, որ Օսմանյան սահմանադրությունը կայսրության այս ծայրամասում անակնկալ էր անգամ հայերի ու նրանց քաղաքական ուժերի մի մասի համար, որոնք երկար ժամանակ չկարողացան «հարմարվել» նոր պայմաններին: Դրանով է րացատրվում նաև սահմանադրության հանդեպ հակասական, ոչ քիչ ղեպքերում իրարամերժ մոտեցումները. ոմանք այն մերժում էին. մյուսները՝ փառաբանում, ոմանք համարում էին ծուղակ, մյուսներն՝ աղատության արշալույս: Երկրորդներն ավելի մեծ թիվ էին կազմում, և դա բնական էր, որովհետեւ դարավոր անիշխանությանը և իրավագրկությանը փոխարինելու էր եկել հալածանքների զաղարը, բանտերից հայ գործիչների ազատ արձակումը. նրանց հանդեպ իշխանությունների ընդգծված հարգալից վերաբերմունքը²:

Սահմանադրության հանդեպ ՀՀ Դաշնակցության պաշտոնական կարծիքը

¹Զավեն Արք., Պատրիարքական յուշերս, վաւերագիրներ եւ վկայութիւններ, Գահիրէ, 1947, էջ 54:

²Արամ. Մահուան 50-ամեակի առթիվ: Տես Ա. Աստվածատրյանի «Արամը», Ե., 1991, էջ 61:

Վահան Փափազյանը ներկայացնում է հետևյալ կերպ. «...Օսմանեան սահմանադրական շարժումը պէտք է նկատել իրեն դրական երեւյթ եւ միւս ազատական տարրերու հետ գործակցաբար պաշտպանէր զայն: Առ այժմ խուսափիլ մասնաւորելու որեւէ քաղաքական կամ վարչական պահանջ»¹:

Կողմնորոշումը կողմնորոշում էր. բայց իրական կյանքն իրենն էր թելադրում: Սահմանադրությունը նոր էր, բայց նրա գործադրողները սուլթանական վարչակարգից ժառանգություն մնացած էին պաշտոնյաներն էին, որոնք «ղեռ մոտ անցեալում ծարաւ էին հայերի արեան» և որոնց անկեղծությանն անհնար էր վատահել: Այնուամենայնիվ, երբ երիտթուրք գործիչ նաջին այցելեց Վան, հայ գործիչները նրան ներկայացրեցին հետևյալ պահանջ-առաջարկները՝ հրավիրել արևելյան նահանգների համագումար, ապահովել պետական մարմինների գործունեության վրա վերահսկողությանը ՀՀ Դաշնակցության մասնակցությունը, հողային հարցը կարգավորելու համար ստեղծել խառը հանձնաժողով, զինաթափել ավագակախմբերին, գյուղերում ստեղծել պահակախմբեր, խորհրդարանում հայերին հատկացնել այնքան տեղեր, որոնք համապատասխանեն էրզրումի, Վանի և Տարոնի հայ բնակչության թվին²:

Այդ կողմնորոշման ամենաբնորոշ արտահայտությունն էր Արշակ Վոամյանի, Իշխանի և Արամ Մանուկյանի գործելակերպը:

Զգալով, որ երիտթուրքերի հակահայ կեցվածքի հետևանքով հայ-թուրքական հարաբերությունները գնալով սրվում են՝ նրանք փորձեցին դրա առաջն առնել: Օսմանյան խորհրդարանի անդամի հանգամանքով Վոամյանը ստորագրեց Վանի Դաշնակցության հուշագիրը հասցեագրված Թալեաթին, որում նկարագրվում էր ստեղծված կացությունը, այն բնութագրվում վտանգավոր, և միջոցներ էին առաջարկվում վիճակը շտկելու համար:

«Վերջին անգամ էր, որ հայ տարաբախտ գործիչը յուսահատ կոչ կ'ուղղէր թիւրք ջարդարար փաշային... ըմբռնել տալու համար, վերջապէս, հայ եւ թիւրք ժողովուրդներու իրական, ընդհանուր շահերը»³:

Կ. Պոլսում այս նամակը կնքվեց «Նոտա» սաղրիչ անունով ու դեն նետվեց: Համենյան դեպս դա կյանքի կոչելու ուղղությամբ քայլ չարգեց:

Մի իրողություն ևս. Մեծ եղեռնը սկսվեց ոչ թե արևմտահայերի, այլ արևելահայերի և պարսկահայերի ջարդերով: Դա վկայություններից մեկն է, որ, ի տարբերություն Արդուլ Համիդի, երիտթուրքերը ծրագրել էին իրականացնել ոչ միայն արևմտահայերի (թուրքահայերի), այլև արևելահայերի (ուստահայերի ու պարսկահայերի) ոչնչացում, այսինքն՝ խոսքը ողջ հայության ամբողջական բնաջնջման մասին էր՝ անկախ հպատակությունից: 1914 թ. վերջերին յաթաղանի զոհ են դառնում Պարսկահայրի, Ատրպատականի, Բասենի, Արդվինի, Արդահանի և մի քանի ուրիշ գավառների հայերը:

Այդ իրողությունը չեն ժամանում նաև իրենք՝ թուրքերը:

1914-ի վերջին գործողության մեջ դրվեց Ուրմիայի նեստորական ասորի-

¹ Փափագեան Վ., Խմ յուշերը, Հ. Բ, Պէյրութ, 1952, էջ 24:

² Արամ..., էջ 63-64:

³ «Հայրենիք» ամսագիր, 1924 թ. հունիս:

Ների բնաջնջման ծրագիրը: Խնդիր էր դրված վերացնել այն բոլոր ոչ թուրք տարրերին, որոնք անջատում էին թուրքերին Բաքվի և Իրանական Աղրբեջանի թուրք-թաթարական բնակչությունից¹:

Թերին Ալփի կարծիքով՝ Իրանի բնակչության 1/3-ը թուրքական արյուն ուներ և պետք է վերադառնար իր ցեղակիցների գիրկը: Խսկ զրա Համար պարտադիր պայման էր այդ տարածքներից նաև Հայերի անհետացումը: Թուրքերը մեծ թվով Հայերի, արաբների, անգամ պարսիկների արյուն Հեղեցին հենց այդ տարածքներում: «Ես սեփական աշքերով տեսա,- զրում է ոռուական առաջին բանակի փոխՀրամանատար Կ. Մատիկյանը, - Հարյուրավոր ծակծկված դիակներ ընկած փոսերում, գարշահոտություն, որ վարակել էր օդը, տեսա գլուխը Հատած դիակներ, քարերի վրա կացինով կտրված ձեռներ, սրուկներ, պոկված մատներ, դուրս քաշված գանգեր, դիակներ փլատակների և տամյակ զոհվածներ ցանկապատերի տակ...»

Սպանություններ կատարվել են Հայկական շատ գյուղերում»²:

Աբաղայի յոթ գյուղերում փրկվեց բնակչության միայն 5-6 տոկոսը, ոչնչացվեց մոտ 10.000 մարդ³: Զարդում էր ոչ միայն թուրքական բանակը, այլև մահմեղական ամբոխը, մասնավորապես քրդերը:

Թուրքիայի արևելյան սահմանամերձ շրջանների, ինչպես նաև ոռութուրքական և պարսկա-թուրքական սահմանամերձ շրջանների Հայերը սկսած 1914 թ. նոյեմբերից զանգվածաբար փախչում էին Ռուսաստան՝ յաթաղանից փրկվելու համար: «Մշակը» 1915 թ. մարտի 15-ին տպագրեց Հետեւյալ տեղեկատվությունը. «Ուրմիայից Սալմաստ հասած լուրերով 750 հոգի Հայեր ամբողջությամբ մորթուտված են, կանայք՝ առևանգված: Դիլմանում ևս նույն թվով սպանված Հայեր կան, որոնց նահատակությունը սարսափելի էր: Կենդանի մարդկանց ոտքերը կտրել են սղոցով, նույն կերպ կտրել են դաստակները, մտրակով կտրատել են քթերը, այտերը, շրթունքները: Դադել են մարմնի այն բոլոր մասերը, որոնք ավելի դյուրագգաց են: Սարսափելի տանջանքներով սպանել են թե՛ ծերերին, թե՛ երիտասարդներին՝ առանց սեռի խտրության: Մենք տեսանք և անծայր գաղանությունների հետքեր, կարմրած շամփուրները անց են կացրել կանանց և տղամարդկանց սեռական օրգանները և այդպես մեղքել: Ակնհայտ է, որ սահմանափակում չի եղել այն գաղանությունների համար, որոնք կատարվել են թուրք և քուրդ գինվորների ձեռքով»:

Հենրիի ֆիրբյուխերը նկարագրում է՝ Սալմաստում ջրհորներից Հանեցին 850 գլխատված դիակ: «Ինչո՞ւ: Թուրքական ջոկատների գլխավոր Հրամանատարը քրիստոնյայի յուրաքանչյուր գլխի համար վճարում էր որոշակի գումար: Ջրհորները լցված էին քրիստոնյաների արյունով: Միայն Գաստեվանից Սոուջը ուղարկվեցին 500 անպատված կանայք ու աղջիկներ... Կանայք տեսնելով, թե ինչպես օրը ցերեկով ավագակները բռնաբարում էին իրենց քույրերին, հարյուրներով նետվում էին խորը գետը»⁴:

¹ «The Round Table» (London), June, 1917.

² ՀԱԱ, ֆ. 4712, ց. 2, գ. 2, թ. 1:

³ "Русские ведомости", 14 апреля 1915 г.

⁴ Verbiugicher H., Was die Kaiserliche Regierung den Deutschen Untertanen Verschwiegen Hat. Armenien 1915. Hamburg, s. 68-69.

Հովհ. Թումանյանն ու Ալ. Շիրվանղաղեն 1914 թ. նոյեմբերին լինելով Արևմտյան Հայաստանում ներկայացրեցին այն սահմոկեցուցիչ իրավիճակը, որ տիրում էր Հայկական շրջաններում: Շիրվանղաղեն մոլլա-Սուլեյմանի մասին գրում է. «Առաջին օրը մեր կողակները արյունաշաղախ փողոցներում ժողովեցին 17 ծերերի, 19 կանանց և 25 երեխաների դիակներ... Անարգված, Հոշոտված, պղծված: Այստեղ գլուխներ, այստեղ նրանց մարմինները... Ծերերի աչքերը դուրս բերված: Մանուկների բազուկները կտրված, երեխ մայրերի փեշերից պոկելու համար»¹:

«Տաճկահայաստանը,- գրեց Հ. Թումանյանը,- ավերակների ու դիակների աշխարհ», որտեղ թուրքերը սոսկ չեն սպանել ու կողոպտել, այլև գազանային զվարձություններ են հնարել: «Երեխաների ճակատներին մեխ են զարկել, կենդանի մարդկանց զանազան մասերը կտրատել են, զանազան կերպ դասավորել, խաչեր են արել, մինչև կեսը դրել են պղինձն ու կեսից ներքև եփել, որ մյուս մասը կենդանի տեսնի ու զգա, չիկացած երկաթներով կտրել են մարմնի զանազան տեղերը և կրակի վրա խորովել, կենդանի խորովել են: Ծնողների առաջ երեխաներին են կոտորել, երեխաների առաջ՝ ծնողներին»²:

Օսմանյան խորհրդարանի Վանից ընտրված թուրք պատգամավորներից մեկը հայտարարեց. «Իթթիհաղը թաքուն գրգում էր մահմեղական ժողովրդին, որ Հարձակվի քրիստոնյա ժողովրդի վրա»³:

Զնայած թուրքական վայրագություններին, ՀՅ Դաշնակցության տեղական կոմիտեն շարունակեց գործակցել Իթթիհաղի ու թուրքական իշխանությունների հետ:

Խորհրդարանական ընտրություններում Վանում Դաշնակցությունը դրեց Վ. Փափառյանի թեկնածությունը: Արամ Մանուկյանը գերադասեց կենտրոնանալ Վանում և ամբողջությամբ նվիրվել Վանի և Վասպուրականի Հայության շրջանում տարվող աշխատանքներին:

Կողմնորոշված լինելով հօգուտ իթթիհաղի հետ համագործակցության, ՀՅ Դաշնակցությունը դա բացարձակացրեց մինչև այն աստիճանի, որ Հաշտվեց անգամ նրա ամենամեծապետական, Հայատյաց ձեռնարկումների հետ: Այդ կողմնորոշումն առանձնակի որոշակիությամբ դրսնորվեց Վանի դաշնակցականների շրջանում՝ ի հակադրություն Հայուկների, ովքեր ոչ միայն թերահավատ էին սահմանադրության հանդեպ, այլև գտնում էին, որ երիտթուրքերի քաղաքականությունը բացի աղետից, այլ բան չի տա հայ ժողովրդին: Հետագա իրադարձությունները հաստատեցին ոչ թե Դաշնակցության, այլ Փիդայիների ճշմարիտ լինելը:

Դա առաջին անգամ ցցուն արտահայտվեց զորահավաքի գործընթացում: Իրադարձությունների ժամանակակից, Վանի ինքնապաշտպանության ղեկավար մարմնի քարտուղար Օննիկ Միսիթարյանը իր «Վանի ինքնապաշտպանությունը»⁴ հուշերում, որը ստեղծվել է Արամ Մանուկյանի հանձնարարու-

¹ Շիրվանղաղեն Ա., ԵԺ, Հ. IX, էջ 174:

² Թումանյան Հ., ԵԼԺ, Հ. VI, էջ 212-213:

³ İbrahim Asrafın Hatıraları, «Yeni İstiklal», 21-ը ապրիլի 1965 թ.:

⁴ «Հայրենիք» ամսագիր, 1924 թ. ապրիլ:

թյամք և օգնությամք, ձեռքի տակ ունենալով այդ շրջանի փաստաթղթերը, գրում է. «Տարապայման ծառայութիւնը՝ հասցրած մինչեւ եզիպտական հին դարերը յիշեցնող ստրկական վիճակը, չարաշուր ծեծը, անողորմ բռնութիւնը եւ ամենափոքր կասկածով իսկ մահուան պատժի գործադրումը հայ զինուորի հանդէպ՝ անխուսափելի եւ բնական երեւոյթ էր: Սովորական էր նաեւ ամենօրեայ ծաղրի ու հայհոյանքի առարկայ դարձնել հայ զինուորի ցեղային պատիւր, լեզուն ու կրօնական հաւատալիքները»:

Ռուսական բանակի հաղթանակները Կովկասյան ուազմաճակատում ողբերգական անդրադարձ ունեցան անպաշտպան հայ բնակչության վրա, որը ենթարկվեց կոտորածի, իսկ հայկական բնակավայրերը՝ թալանի ու ավերածությունների:

Ընդհանուր առմամք պատերազմն ու դրան առնչված միջոցառումներն ավելի ցցուն դարձրեցին թուրքական իշխանությունների քաղաքականության հակահայ ուղղվածությունը: Բանակի կարիքները բավարարելու համար բռնագրավումներից ամենաշատ տուժեցին հայերը: «Հայերը պարտաւորուեցան լուսականատեսներ ըլլալ, որ թիւրք սպաները գրաւեն իրենց բոլոր արջառները, իրենց ամբողջ ցորենը, իրենց ամեն տեսակ ինչքերը»: Ընդհանուր զինակոչի թուրքական տարբերակը նույնպես հայերի մեջ կասկածներ առաջացրեց, մասնավանդ, երբ լուրեր էին ստացվում հայ զինվորների վիճակի մասին ու նաև այն, թե թուրքերը ուազմաճակատում իրենց անհաջողությունների մեղքը բարդում էին հայերի վրա, որ ոռուսական բանակի կազմում կովում էին զգալի թվով հայեր: Դեռ ավելին. «Թիւրք կառավարութիւնը չափազանցրեց Վանի հայութեան «ղաւաճանական» ընթացքը եւ մինչեւ իսկ զայն իրը չքմեղանք ծառայեցուց ամբողջ ցեղին հանդէպ իր վարմունքին»: Թուրքը մնում է թուրք: Տասնամյակներ շարունակ հայերին հարստահարելուց, ուժացնելուց, կրոնափոխելուց, արտամղելուց ու ջարդելուց հետո էլ հափակնում էր, որ նրանք պատերազմում թուրքական «հայրենասիրության բռնկում էին ունենալու»: Եթե որեւէ հայ զասալքում կամ անցնում էր ոռուսների կողմը, որակվում էր «պատերազմական ոճիր»՝ կատարված ամբողջ հայ ժողովրդի կողմից: Հասկանալի է, որ դասալքության այդ փաստերը չէին թուրքական ջարդարարության իսկական պատճառը, այլ իթթիւհաղի ցեղասպան ծրագիրը, որը գործողության մեջ էր դրվել 1914-ի ամռանը: Զնայած դրան, հայերն «ինքնզսպողութեան հիանալի ընթացքով շարժեցան», քաջ գիտենալով, որ թուրքական զրգումները խնդիր ունեին հայերին «զործողությունների մղել» և դապատրվակ գործածել ջարդարար քաղաքականությունն առաջ տանելու համար: Հայ ղեկավարների կողմնորոշումն էր. «Եթէ նոյնիսկ անոնք մեր մէկ քանի գիւղերը կրակի տան, փոխվրէմի մի՛ դիմէք, որովհետեւ աւելի լաւ է, որ մէկ քանի գիւղեր ոչնչանան, քան ամբողջ ազգը կոտորուի»¹:

«Վանի մէջ,- զրում է Ռուրենը,- պատերազմից առաջ եւ մանաւանդ պատերազմի ընթացքին չի եղել որեւէ լուրջ ձեռնարկ, որ թահսին պէյը կատար ածած լինի առանց Դաշնակցութեան գործոն աջակցութեան: Դաշնակցութեան

¹ Մորգենթաու Հ., նշվ. աշխ., էջ 246:

ղեկավար գործիչները, առաւելապէս Արամը, տաւուլ-գուռնան ետեւը ձգած, ողեւորում ու հրահանգում էր ժողովուրդին ճակատ մեկնելու...»¹:

Պատերազմն սկսվելուց հետո Թահինը հետ կանչվեց և վալի նշանակվեց էնվերի փեսա Թահիր Զեղեթը: Նա միաժամանակ նշանակվեց Պարսկաստանի սահմանին տեղակայված թուրքական զորքերի հրամանատար: Դա ևս հայերին զգաստացրեց: Բարձր Դուռը սովորություն ուներ ջարդերից առաջ «կաղրային փոփոխություններ» կատարել, այսինքն՝ լիբերալ գործիչներին փոխարինել ջարդարար հակումներ ունեցողներով: Զեղեթին Մորգենթաուն անվանում է «Բաշկալեյի մսագործ»:

Գերմանիայի բարեգործական միահայի աշխատակից Սփյորիի վկայությամբ՝ Զեղեթի գալլ վատ նշան էր: Զնայած դրան՝ հայերը նրան ջերմ ընդունելություն ցույց տվեցին, ինչը նոր վալուն շատ հուզեց²: Բայց դա չխանգարեց, որ նա իր գործունեության հիմքում դներ հայ բնակչության տեղահանությունն ու կոտորածը:

Ո՞վ էր Զեղեթը:

1896–1905 թթ. Վանի վալին Թահիր փաշան էր: Նա ծագումով առնառուտ (ալբանացի) էր և իր կանանցից մեկից ուներ մի որդի: Թահիր փաշան իսկական արևելյան բոնապետ էր, սակայն չար մարդ չէր: Իսկ որդին՝ Զեղեթը, որն իր մանկությունն ու երիտասարդությունն անցկացրել էր Լոնդոնում, չարագործ բնագործության տեր պաշտոնամոլ էր: Անհավասարակշիռ անձնավորություն էր, ատում էր հայերին: Նա շատ արագ բարձրացավ պաշտոնական սանդուղքներով: Իր կարիերան սկսեց ոստիկանական ծառայությունից, ապա նշանակվեց գայմագամ:

Դավոյի դավաճանության հետևանքով 1908 թ. գարնանը խուզարկվում է Վարագա լեռան Հյուսիսային լանջին գտնվող Ս. Գրիգորի վանքը: Հայտնաբերվում է մեծ քանակությամբ զենք ու զինամթերք: Բացառված չէ, որ զենքը կուտակված էր նաև Իթթիհաղի գիտությամբ և աջակցությամբ ու կոչված էր օգտագործելու սուլթանական վարչակարգը տապալելու համար պայքարում:

Խուզարկություններ կատարվեցին նաև Վանում և վիլայեթի շատ ուրիշ բնակավայրերում, որոնք ուղեկցվում էին վայրագություններով: Մեծ թվով հայեր բանտ նետվեցին, դաժան խոշտանգումների ենթարկվեցին: Այդ ամենում աչքի ընկապ Զեղեթը: «Գավառային փոքրիկ պաշտոնատարը շատ լավ էր հասկացել, թե կառավարությունն ինչ վերաբերմունք ունի հայերի հանդեպ և ինչ ծրագիր է իրականացնում»:

Նրա ջանասիրությունը գնահատվեց: Զեղեթը առաջ քաշվեց ու նշանակվեց Բաշկալեի գայմագամ: Նա «կուսակալի մը զաւակ ըլլալու իրողութեանը եւ իր ֆիզիքական առաւելութիւններուն կը պարտէր էնվեր փաշայի քեռայրն դառնալու իր շանսը... որուն չնորհիւ էր, որ նա ունեցաւ պաշտօնի այդքան արագ բարձրացում: Ան շատ հեռու էր ներկայացնելէ խելքն ու խորագիտութիւնը...»³:

¹ Ռուբէն, Հայ-թրքական կնճիոր, Գահիրէ, 1924, էջ 89:

² Ussher C., Knapp G. An American physician in Turkey. New York, 1917, p. 234.

³ Թեղիպաշեան Ա., Անդրանիկ, Փարիզ, 1942, էջ 153:

Թահիր փաշայից հետո Կ. Պոլիսը Վանի վալի ուղարկեց նույնպես ալբանցի Ալի փաշային, որը հայերի հանդեպ դաժան քաղաքականություն էր վարում: Հայերը հետապնդում էին նրան ենթարկելու ահարեկչության և գործը զլուս բերեցին Սև ծովի նավահանգիստներից մեկում: Ալին Դեր Զորի մութեսարիփ հայերի արյունախում Զեքիի հայրն էր:

Ալիի հակահայ գործունեությանը մեծ ծառայություն մատուցեց Զեղեթը: Օրինակ, հանրահայտ է նրա վայրագությունը Աբաղայի Խաչան գյուղում: Նա Պետրոս Փիրումյանին, որ հեղինակություն վայելող գործիչ էր, սկզբում դաժան ծեծի ենթարկեց, ապա մերկացնել տալով ժամերով վրան սառը ջուր լցրեց: Դրանից հետո զլսիվար կախել տվեց առաստաղից: Ոստիկանները նրա մարմինը շիկացրած շերով այրեցին, վարտիքի մեջ երկու կատու զցեցին ու սկսեցին հարվածել՝ հարկադրելով հոշոտելու դժբախտի մարմինը: Մի օր անց Պետրոսը մահացավ:

Զեղեթը դրանով չբավարարվեց: Նա խոշտանգեց Պետրոսի 13 տարեկան որդուն, նրան նալել տվեց և հարկադրեց իր առջելից քայլել ու ցույց տալ զենքերի թաքստարանը: Այստեղից «մարդ նալբանդ» մականունը, որ նա վաստակեց ոչ միայն այս, այլ նաև նմանատիպ մի քանի գործողություններ հեղինակելու համար¹: Նրա հետ Վան գնաց 2000 գինվոր թնդանոթների հետ:

Մինչև վալի նշանակվելը Զեղեթը բանակում էր, կովում էր ոռւսների դեմ, և որովհետև համոզված էր, որ ոռւսների առաջիսադացման դեպքում հայերն անցնելու էին նրանց կողմը, ավերեց Սալմաստ, Խոսրավա, Բաշկալե բնակավայրերն ու կոտորեց դրանց հայ բնակչությանը: Վերադարձի ճանապարհին նրա հրամանով սպանեցին իրենց ուղեկցող 20 հայ զինվորներին: Ապա ջարդեց Արձեշի, Հայոց ձորի հայությանը: Հայերը Զեղեթի հայատյաց, անհավասարակիոն, ջարդարար բնավորության մասին գիտեին, բայց ամեն ինչ անում էին հարաբերությունները չսրելու համար: Երբ Զեղեթը Վան գնաց վալու պաշտոնը ստանձնելու, նրան դիմավորելու համար մինչև կուռուպաղ գյուղ գնացին հայ հասարակության մեծ թվով ներկայացուցիչներ: Անձրևոտ օր էր, գրում է Ա. Թերգիբաշյանը, բայց դա «արգելք չեղաւ, որ ձեւտէթ պէյ եւ Վոամեան աղէկ մը ժպտէին իրարու երեսին: Անշուշտ բառ մը չմնաց, որ անոնք չգործածեցին իրարու հասցէին եւ, եթէ ձեւտէթ պէյը հետը չունենար մինչեւ ակունին զինուած չերքէզ կամաւորներու ստուար խումբ մը, մեր առաջին տպաւորութիւնը այնքան ալ գէշ չպիտի ըլլար»²:

Ավստրիո-Հունգարիայի ռազմական ներկայացուցիչ Պոմիանկովսկին իր հուշերում Զեղեթին անվանում է «իսկական ճիվաղ մարդկային կերպարանքով»³:

Զեղեթը համոզված էր, որ Հայկական հարցը լուծման մի եղանակ ուներ՝ բնաջնջել հայերին: «Կասկած չի կայ, թէ ան Վան եկաւ այդ նահանգին հայերը բնաջնջելու որոշ հրահանգներով...»: Համաձայն այդ հրահանգների՝ Զեղեթը «կազմակերպեց իթթիհատի մասնաճիւղեր, քլուպներ», անոնց համար իրը

¹ "Армянский вестник", 1916 г., № 21.

² Թերգիբաշյան Ա., նշվ, աշխ., էջ 148:

³ Pomiankowski J., Der Zusammenbruch des Osmanischen Reiches, Wien, 1928.

անդամ ընտրելով «գարշելի, կասկածելի եւ յետաղիմական ու մոլեռանդ տարբեր, ու անոնցմեն «երեւելիները» դրավ վարչական ղեկավարութեան զլուխ, իբրեւ «սահմանադրական ղեկավարներ...»¹:

Անդրե Մանդելշտամը նրա մասին գրում է. «Զեղեթ բեյն անթափանցելի նկարագիր ուներ: Նա երեսն երդում էր, թե չի կամենում անպատճել իր հոր հիշատակը, որը դժվար ժամանակներին հաջողությամբ էր կառավարել Վանում, իսկ երեսն էլ բղավում էր՝ եթե հայերը չհամաձայնվեն հանձնել զենքերն ու դասալիքներին, նրանց բոլորին կոտորել է տալու»²:

Ի դեպ, մինչև Մուշ գնալը Զեղեթը հասցրեց ջարդել Բաղեշի հայությանը, 900 կին և երեսա խեղղել տվեց Տիգրիսում, 51.000 մարդ տարագրեց գավառից, որոնց ոչնչացնել տվեց ճանապարհին: Երբ Աղանայի վալի նշանակվեց և մեկնեց նշանակման վայրը, Ռաս ու Այնի մերձակայքում ոչնչացնել տվեց 70.000 բռնագաղթված հայի³:

Քաղաքը լցվում էր գուղերից կանչված քուրդ հրոսակախմբերով և աշիրեթներով: Զենք ու զինամթերք էր բաժանվում քաղաքի արվարձանների թուրքերին: Վանի զանազան մասերում տեղադրվում էին թնդանոթներ: Իշխանությունները ուղղմական նախապատրաստական աշխատանքներ էին ծավալում նաև քաղաքից դուրս: Մարտ ամսին սկսվեցին ամենատարբեր առիթներով ձերբակալություններ նաև քաղաքում: Զեղեթը կատարվածի մասին հայերի հարցումներին պատասխանում էր, թե տեղյակ չէ և կձեռնարկի համապատասխան միջոցառումներ:

1914 թ. վերջերին նա հեռագրեց Թալեաթին. «Սիրմասի շրջանի բոլոր հայերը համագործակցում են ոռուսների հետ: Սահմանի ամրող երկայնքով գործող ավագակներին ղեկավարում է Հայտնի Անդրանիկը»:

Սակայն այդ ճիշդաղը նաև շատ խորամանկ էր: Նա, մի կողմից, սիրաշահում էր հայերին, իսկ մյուս կողմից, օգտվելով «հայերին զորակոչելու պատրվակից», ամեն ինչ անում հասարակական կարծիքն ուղղելու հայերի դեմ՝ սադրելով «հայկական ապստամբություն»:

Գյուղերի հայ բնակչության հոսքը Վան Զեղեթը գնահատում էր երկակի՝ գյուղաբնակները «քեռ էին» դառնում քաղաքաբնակների համար՝ նրանց սնել, օթևանել էր պետք: Նրանք միաժամանակ վտանգավոր էին կառավարության համար, որովհետև հզորացնում էին քաղաքաբնակների ուազմական ուժը: Այդ էր պատճառը, որ նա մերժ խրախուսում էր գյուղացի հայերի հոսքը քաղաք, երբեմն ինքն էր զա կազմակերպում, մերժ էլ քայլեր էր կատարում գյուղացիներին հետ ուղարկելու իրենց բնակավայրերը: Նա հայտարարեց, թե հայերը կարող են իրենք որոշել՝ բանակում ծառայե՞լ, թե՞ ոչ, և վանում կուտակվածներին կոչ արեց վերադառնալ իրենց գյուղերն ու զբաղվել դաշտային աշխատանքներով: Այդ քայլը նպատակ ուներ հայերի ուժերը ցրել, ջլատել և նրանց կոտորել առանձին-առանձին⁴:

¹ Փափագեան Վ., նշվ. աշխ., էջ 27-28:

² Зареванд, Турция и пантюркизм, предисловие А. Манделыштама, Париж, 1930 г.

³ «Ժամանակ», 27 նոյեմբերի, 1918 թ.:

⁴ "Кавказское слово", 29 апреля 1915 г.

Երբ ստացվեց Էնվերի հրամանը, որ բոլոր հայ զինվորները պետք է ուղարկվեն ուղղմաճակատ, Զեղեթը Վուայանի բնակարան գնաց այդ հարցը քննարկելու: Զրույցը բարեհամբույր ընթացք ուներ, բայց Զեղեթը հանկարծակի ընդհատում է այն և «խսթր ունեմ» ասելով շտապ մեկնում է, իսկ մի քանի օր անց, երբ մի քանի հայեր լինում են նրա մոտ, ասում է. «Այդ օրը Վուամեան էֆենտիի տունը խմած քոնեաքին վրայ, յանկարծակի խիթեր ունեցայ... Բժիշկը ստամոքս լուաց և անոր պարունակութիւնը քննելով՝ ինծի յայտնեց, թէ թունաւորուած էի»¹:

Զեղեթի մտածողության արտահայտություն էին նրա հետևյալ խոսքերը. «Խենթություն է ուղմաճակատ ուղարկել այսպիսի տրամադրություն ունեցող հայերին, ովքեր այլ բան չեն անելու, եթե ոչ իսլամ զինվորի ոգին մեղցնելը»:

Այդ օրերին Էնվերը գրեց Թալեաթին. «Խնչպե՞ս վարվել Վանա լճի շրջանի խոռվարար հայերի հետ՝ արտաքսե՞լ ուսւական սահմա՞ն, թե՞ Անատոլիայի խորքերը, իսկ նրանց տարածները բնակեցնել ուրիշ վայրերի մահեղական-ներով»²:

Վանում հտալիայի հյուպատոսական գործակալը 1915 թ. մայիսի 31-ին գրել է, որ Զեղեթը բեց Սալմաստում. Խոսրավայում և Բաշկալեյում քրիստոնյաներին կոտորելուց հետո Վանի տղամարդկանցից պահանջեց գորակոչվել բանվորական գորամասերի համար: Սակայն իրականում նրանց հավաքում էին, «որպեսզի ոչնչացնեն, ինչպես մեկ անգամ Զեղեթը բեցն արդեն արել էր, հրամայելով դավաճանաբար գնդակահարել իր հրամանատարության տակ եղած բազմաթիվ հայ զինվորների»:

Ըստ եվրոպական թերթերի՝ Վանն աղետալի վիճակում էր: Ֆրանսիական դեսպանը Բարձր Դուռնից պահանջեց Վանում զորքեր ավելացնել հայերին քրդերի հարձակումից պաշտպանելու:

Հյուպատոսությունների աշխատակիցների անվտանգությունն ապահովելու համար իշխանությունները նրանց նախապես տեղափոխեցին Միջնաբերդ: «Թան» թերթը գրեց. «Վանի խոռվության պատասխանատուն միայն հայերը չեն: Կայսերական պատվիրակ Սաուդին փաշան. որ Վանում էր, մի քանի ամսից ի վեր նկատել էր վտանգը... փոխանակ դիմելու բանակին ու ստիկանությանը, հարաբերությունների մեջ մտավ քրդերի հետ, մտածելով, որ կկարողանա ճարպկորեն նրանց միավորել և ձեռքի տակ մեծ ուժ ունենալ հայկական հեղափոխությունը ճնշելու համար: Այդ ժանտ ավարառուները դեպքից առաջ արդեն վիստում էին քաղաքի շուրջը»:

Վանում գտնվող դոմինիկյան միսիոներների ղեկավար դը Ֆրանսը ահազանգ հնչեցրեց՝ քրդերը շարժվում են Վանի վրա:

Զեղեթը ավազակներով համալրեց ոչ միայն ստիկանության, այլև զինվորականության շարքերը: «Գործի» վերադարձվեցին համիդիեականները:

Թուրքական բանակից դասալքությունը գանգվածային բնույթ էր կրում: Դասալքում էին նաև հայերը: Զեղեթը սպառնաց հայերին՝ բանակ վերադարձ-

¹ Թերգիպաշեան Ա., նշվ. աշխ., էջ 157:

² Kâmurân Gürün, Le Dossier Arménien, Ankara, 1983, p. 242.

նել դասալիքներին: Վանեցինները հասկացան, որ այդ արվում էր հայ երիտասարդությանը ոչնչացնելու դիտավորությամբ:

Իշխանությունները հետևողականորեն խստացնում էին վերաբերմունքը հայերի հանդեպ, հրաժարվում նախկինում տված խոստումներից: Զեղեթի կողքին էր գնդապետ, Վանի թոռուցիկ զորապահների հրամանատար Քյաղըմ էողալփը, որ հետագայում դարձավ Թուրքիայի Ազգային Մեծ ժողովի նախագահ: Վ. Փափազյանը գրում է, որ նա «աննշմարելի կերպով բացասական մեծ դեր կը կատարէր... հայտեաց էր, դաժան...»¹:

Այն, ինչ նախապատրաստվում էր, գրում է Արշավիր Շիրակյանը, օգտվելով պատերազմի ընձեռած Հնարավորությունից. «Բոլորովին տարբեր էր համբուեան շրջանի ջարդերէն, որոնք Հայկական Հարցը մարելու կամ ժողովուրդին վրայ սարսափ տարածելու բնոյթը ունէին: Այս մէկը կը ձգտէր Հայկական Հարցը միանգամ ընդմիշտ թաղելու՝ բնաջինջ ընելով ամբողջ հայութեան»:

1915 թ. հունվարին, երբ Կովկասյան ճակատում թուրքական բանակը հարձակողական գործողություններ էր ծավալել, թուրքական զորքը՝ համիղիեն ու չեթենները, կենտրոնացան Ալաշկերտի դաշտում և սկսեցին հայերին կոտորել: Այս կոտորածները տարածվելով հասան Վանի նահանգ և Ուրմիա լճի շրջանները: «Էնվերի փեսան՝ արինարբու ձեւտեթ եւ ազգական Խալիլը՝ թրքական բանակի գլուխն անցած ասպատակեցին Հիւսիսային Պարսկաստան եւ հայկական ու ասորական գիւղերը իրենց յարձակումներուն թիրախ հանդիսացան: Գիշատիչներէ հալածական թոշուններուն նման հայերը փախուստ կու տային ամեն ուղղութեամբ՝ ապաստան գտնելու համար»:

Այդ ընթացքում զորք է բերվում էրզրումից, որին հանձնարարվում է կոտորել Արձեշի և Հայոց ձորի հայությանը, իսկ ինքը՝ Զեղեթը հարձակում է պատրաստում Վանի հայկական թաղերի վրա²:

Վասպուրականի հայության ճակատագիրը դասավորվեց շատ դառնաղետ: Այլ կերպ լինել չէր կարող, որովհետև հակառակորդն իր ռազմական հզորությունը գործածում էր հայերին ոչնչացնելու համար: Ինչպես ամենուրեք, Վասպուրականում ևս հայերը նախաձեռնությունը թողեցին կառավարությանը, փորձեցին այլևայլ միջոցներով խույս տալ բախումներից և չնախապատրաստվեցին դրանց, մանավանդ, որ հայ զյուղացին պատերազմելու փորձ չուներ, չուներ ռազմական գործին ծանօթ, մարտեր վարելու գիտելիքներ ու հմտություններ ունեցող ղեկավարներ, նաև քաղաքական առաջնորդներ:

«Русские ведомости» թերթի մայիսի 9-ի համարում Ն. Օգանովսկին պատմում է Արձեշի ինքնապաշտպանության մասին: Նա գրում է, որ «մասնավոր սպանություններն ու թալանը սկսվեցին մարտ ամսին»: Թուրքերն առանձնակի դաժանությամբ էին գործում Արձեշի կազայում: Բանտերից ազատված հանցագործներից ձևավորեցին չեթեական ավագակախմբեր, որոնք գործում էին նաև էրզրումում, Մուշում, Բիթլիսում, Դիարբեքիրում և Կիլիկիայի մերձակա շրջաններում: Կոտորածները գնալով ծավալվեցին և

¹ Փափազեան Վ., նշվ. աշխ., էջ 291-292:

² Շիրակեան Ա., Կտակն էր նահատակներուն, Պէյրութ, 1992, էջ 42:

ապրիլի սկզբներին դարձան գրեթե համընդհանուր և պարբերական:

Սուլթանի իրաղեռվ՝ բոլոր հայ զինվորները զինաթափվեցին և ուղարկվեցին աշխատելու ճանապարհաշխնությունում: Երկուշաբթի օրը, ապրիլի 6-ի կեսօրին, ժանդարմներն ու չեթեները ձերբակալեցին քաղաքի (Արճեշի) փողոցներում հանդիպած բոլոր հայերին ու տարան բանտ և զորանոցներ: Գիշերը ձերբակալեցին տղամարդկանց, որոնց փոքր խմբերով միմյանց կապեցին, քաղաքից հանեցին և հայտարարելով, թե ուսւների հանդեպ համակրանք ունենալու համար նրանք ենթակա են մահապատժի՝ սկսեցին սպանել:

Հաջորդ օրը չեթեները շարժվեցին գյուղերի վրա: Ամենուրեք արու բնակչությանը լցրեցին զորանոցները: Գիշերները 20-30 հոգանոց խմբերով զուրս էին տանում նրանց ու գնդակահարում: Նույն ժամանակ քրդերը խուժում էին հայերի տները, բռնաբարում կանանց ու աղջկներին, երիտասարդներին իրենց հետ տանում, մնացածներին եփում էին կաթասաներում, նետում թոնիրները, ոտներին հագցնում շիկացրած պայտեր և այլն:

Քաղաքից փրկվեցին միայն մի քանի ուժեղ տղամարդկիկ: Նրանք անցան Ռուսաստան ու միացան հայկական կամավորական գնդերին:

Հինգ օր անց Գևորգ 5-րդ կաթողիկոսը գրեց Սերգեյ Սագոնովին. «Վասիլի վիլայեթում թուրքական ժանդարմները զորահավաքի կամ հասարակական աշխատանքների պատրվակով հայ տղամարդկանց հավաքում են և հարազատ վայրերից հեռու տեղերում զանգվածաբար գնդակահարում, իսկ կանանց ու երեխաներին առևսանգում են»¹:

ՈՒՏԱՆ. - 1914 թ. նոյեմբերին Ռուսանի գայմագամ Շուքրին, պատրվակ բռնելով հեռագրալարի կտրվելը, հարձակում գործեց հայկական թելլու գյուղի վրա: Հայերը մի քանի օր համառ դիմադրություն ցույց տալուց հետո դեկտեմբերի 5-ին հարկադրված եղան հեռանալ գյուղից: Թուրքերը գյուղը կողոպտեցին ու հրդեհեցին:

ՎԱՐԱԳ. - Վարագա լեռան փեշերին կողանց, Դարման և Շուշանց հայկական գյուղերն էին, Վարագա վանքի համայիրը, որոնք Գալիբա և Շուշանց բարձրագագաթներով պատվար էին ոչ միայն տեղի, այլև Վանի հայության համար: Զեղեթը Վարագի դեմ տարավ 1500 զինվոր և թնդանոթներ:

Ապրիլի սկզբին Վասպուրականի կոտորածներից փրկվածների զգալի մասը 6000 մարդ, կուտակվել էր Վարագում:

Վարագը Այգեստանի համար առանձնակի նշանակություն ուներ, քանի որ քաղաքում ձախողվելու դեպքում վանեցիների փրկության միակ վայրը Շուշանց ու Վարագն էին: Նաև վտանգ կար, որ կոտորածների միջով անցած ու Վարագա լեռներում հավաքված մարդկային զանգվածը լցվելու էր Այգեստան: Ահա թե ինչու Ռազմական մարմինը միջոցներ ձեռնարկեց Վարագի պաշտպանությունը կազմակերպելու համար: Այդ գործի դեկավարությունը հանձնարարվեց մեծ հեղինակությունից օգտվող խառակոնիսցի Շիրինին, որը հաջողեց փախստականներին կազմակերպել, քաղաքի օգնությամբ զինել, կարգավորել մատակարարման գործը և Շուշանց ու Վարագը պաշտպանել մինչև ապրիլի 25-ը:

¹ АВПР, Политархив, д. 3508, л. 16.

Ապրիլի 18-ին թուրքերը հաջողում են գրավել Սղբագյուղն ու Շուշանցը և Վարագն առնել խաչաձև կրակի տակ: 25-ին թուրքերը մեծաթիվ ուժերով հարձակում են գործում Շուշանցի վրա: Հայերը լուրջ դիմադրություն ցույց տալ չեն կարողանում և փախչում են լեռները: Շրջապատվում է Վարագը: Հաջողվում է բնակչությանը տեղափոխել անվտանգ վայրեր, իսկ կովողները շրջափակման օղակը ճեղքում են ու անցնում Այգեստան: Շուտով քաղաք խուժեցին նաև ծերերի, կանանց ու երեխաների շատ խմբեր: Այգեստանի ուղմական մարմինը, հայթայթիչ, նպաստաբաշխ հանձնախմբերը, քաղաքապետարանը և կանանց միությունը հարկադրված էին զբաղվելու նաև փախստականների սննդի կազմակերպման ու տեղափորման հարցերով: Իսկ Վարագում թուրքերը թալանեցին Ս. Գրիգորի վանքն ու ապա հրդեհեցին:

ԱՐՁԱԿ. - Վասպուրականի ապրիլյան ջարդերն ու ինքնապաշտպանական կոփները հատկապես մեծ ծավալներ ունեցան Արճակում: Հայերի ինքնապաշտպանությունը ղեկավարում էր նույն ինքը՝ Շիրին Հակոբյանը: Նոր գայմագամ նշանակված Քյամիլին էր հանձնարարված Արճակի հայության բնաջնջման գործը: Նա ապրիլի 5-ին իր մոտ Հրավիրեց Շիրինին, բայց վերջինս հրաժարվեց գնալ, որովհետև գիտեր թուրք պաշտոնատարի դավադիր նպատակի մասին: Նա շրջակա գյուղերի մարտական ուժերը կենտրոնացրեց Խառնակոնիս գյուղում. դիրքավորվեց և որոշեց կոփ տալ թշնամու դեմ:

Ապրիլի 6-ին Քյամիլը 150 զինվորով ու թնդանոթներով սկսեց հարձակումը: Հարձակմանը միացան Խանասորցի Շարիֆը, Մակուցի Նաջիրն ու Շավրցի Արիֆն իրենց հրոսակախմբերով: Նրանց ղեմ կանգնած էին 100 գյուղացիներ: Հայերը երկու օր շարունակ հետ են շպրտում թշնամու հարձակումները, նրան պատճառում գգալի մարդկային զոհեր: Բայց ավելին անել չհաջողվեց: Ժողովրդին փրկելու համար Շիրինը Արճակա լճի հյուսիսային փեշով Արճակի Արտավեզ, Ազիզգյողալ, Կոճ, Կյուսնեն, Խառաշիկ, Սեմերեկ, Քեռիքարիկ և մի քանի ուրիշ գյուղերի հայ բնակչությանը բարձրացրեց կրղջա լեռան Չոմախլու գագաթը, որտեղ ապաստանեցին նաև Բերկրիի և Վերին Թիմարի գյուղացիները: Ապրիլի 9-10-ին հայերը հետ շպրտեցին թուրքերի գրոհները, առաջ գիշերն իջան Թիմարի Ավերակ գյուղը, որտեղ հավաքվեց շուրջ 2000 հոգի: Ապրիլի 11-ին Ավերակը շրջապատվեց ու գնդակոծվեց: Հատկապես կատաղի մարտեր մղվեցին գյուղի հարավային մասում՝ Դոմաքարի դիրքերում: Հայերը տվեցին 100 սպանված: Փոքր չէին նաև թուրքերի կորուստները: Գիշերն արճակցիները թողնում են գյուղն ու շարժվում ղեպի Այգեստան: Հաջորդ օրը թուրքերը հարձակվեցին Դուրման ու Կողպանց գյուղերի վրա, որտեղ կուտակվել էիմ Լիմ, Զարանց, Սեուն, Էրմանց, Պախելիկ, Ֆուռուղ, Ուկիրակ և մի քանի ուրիշ գյուղերի բնակիչները (հայեր և ասորիներ), թվով 3000 հոգի: Այս գյուղերում ևս ուժեղ մարտեր մղվեցին, որից հետո հայերը նույնպես շարժվեցին Վան:

ԱԼՃԱՎԱԶ. - 1915-ի փետրվարին Ամարե Զայտոյի և Հյուսեինի քրդական հրոսակախմբերը հարձակվեցին կազայի հայկական գյուղերի վրա (21 գյուղ): Ամարեն՝ հայերի սպանած Բչարա Զաթոյի որդին և Հյուսեինը՝ եղբայրը, վրեժինդրությամբ էին լցված հայերի հանդեպ: Այդ վայրենիները անլուր

բոնություններ գործադրեցին Կոճեր, Խոռանց, Ղաղել և մի քանի ուրիշ գյուղերում: Հայերը Օհան Դարրինյանի և Մկրտիչի (Մկոյի) ղեկավարությամբ զենքի դիմեցին: Հատկապես կատաղի ճակատամարտ տեղի ունեցավ Առեն գյուղում, որտեղ սպանվեցին նաև Ամարեն և Հյուսեինը: Քրդերը փախուստի դիմեցին: Փետրվարի 16-ին գյուղի վրա հարձակում գործեց թուրքական բանակը թնդանոթների հետ: Գյուղի հայությունը բնաջնջվեց:

Ապրիլի 6-ի առավոտից սկսած Արձեշի գայմագամը հրավերներով և զանագան պատրվակներով կառավարչատուն է բերում քաղաքի բոլոր հայերին: Սակայն եկողներն այլևս հետ չէին դառնում: Ովքեր կառավարչատուն էին մտնում՝ խուզարկվում էին, ձեռքերը կապում էին, պարանով ընդհանուր շղթայի էին կցվում: Այդպես կապեցին արու սեռի 12 տարեկանից բարձր բոլոր մարդկանց: Ապա նրանց տարան Օրորան գետն ու ափին բոլորին գնդակահարեցին: Սպանվեց 1200 հոգի: Սպանդն անձամբ ղեկավարում էր գայմագամ Ալի Ռիզան:

Քաղաքը հրդեհվեց:

Օգտվելով ստեղծված հնարավորությունից՝ բաշիբողուկներն ու քրդերը խուժեցին տները, կանանց բոնաբարեցին ու տարան իրենց հետ, երեխաներին շպրտեցին հրդեհի բոցերի մեջ:

Ն. Օգանովսկին «Русские ведомости»-ի 1915 թ. մայիսի 12-ի համարում գրում է, որ Վանա ծովի հյուսիսային ափին գտնվող այդ քաղաքում մասնակի սպանություններն ու կողոպուտները սկսվեցին մարտ ամսից: Կոտորածները ծավալվեցին և ապրիլի սկզբին դարձան ընդհանուր և պլանավորված: Բոլոր հայ զինվորներին զինաթափեցին և ուղարկեցին ճանապարհ կառուցելու: Ապրիլի 6-ին ժանդարմներն ու չեթեները տղամարդկանց ձերբակալեցին և կեսգիշերին խումբ-խումբ ոչնչացրին: Հաջորդ օրը ջարդերը տեղափոխվեցին գյուղերը:

Ականցի, որտեղ բնակվում էին 300 տուն հայ և 700 տուն մահմեղական, ապրիլի 6-ի գեպքերի մասին պատմում է որմնադիր է. Սիմոնը: «...Հանկարծ կառավարական մունիստիկն անցնելով փողոցներով, 15 տարեկանից բարձր հայ բոլոր տղամարդկանց հրավիրեց հյուքյումեթ:

Միաժամանակ ժանդարմները փողոցներում և նույնիսկ տները մտնելով առաջին իսկ պատահած հային քշում էին հյուքյումեթ: Վերջիններից մեկը ես էի: Ավելի քան 400 չափահաս տղամարդ և երիտասարդներ տարվեցին հյուքյումեթ և փակվեցին առանձին սենյակներում և բանտում: Երբ արդեն տեղ չկար, ձերբակալված հայերին սկսեցին քշել զորանոցները... Այնտեղ ավելի շատ մարդ հավաքվեց, քան մենք էինք: Գիշերվա կեսին ներս մտավ բանտապահ Ալին: Նա մերոնցից տասնմեկին հանեց միջանցք, նրանց շարեց և կապեց բոլորի ձեռքերը: Այդ շարքում էի և ես: Հետո հանեց ևս ութ մարդ և նրանց ևս իրար կապեց: Նույն կերպ վարվեց նաև երրորդ խմբի հետ, որը կազմված էր ինը հոգուց:

... Երբ այդ գործողությունն ավարտվեց, բանտապահը դիմեց ժանդարմներին (8-10 հոգու) և ասաց.

- Սրանց հանձնում եմ ձեզ, տարե՛ք զորանոց:

Ժանդարմները մեղ... զորանոցի փոխարեն տարան դեպի նավահանգիստ: Տղաներից մեկը խնդրեց մի փոքր թուլացնել թևերի կապը, ժանդարմը խզակոթով այնպես հարվածեց նրան, որ տղան ցավից ճշաց ու կախվեց պարանից:

Հարքեն զյուղի ներքեսում մի կիրճ կա, որի միջով հոսում է Դարա-Զամին անունը կրող գետակը: Նոր էինք տեղ հասել, երբ ժանդարմները մի կողմ քաշվեցին և հրացանները մեղ ուղղելով սկսեցին կրակել...

Անցավ մի քանի րոպե. մարեցին ողբն ու ճիշերը, միայն ծանր տնքոց էր լսվում: Այդ ժամանակ մոտեցան ժանդարմները և սկսեցին մեղ մեկ առ մեկ շոշափել և պարաները քակել: Ես գիտակցությունս կորցրեցի: Ժանդարմներից մեկը վառված լուցկին մոտեցնում էր ընկածների ղեմքերին: Կրակում էին նրա վրա, ով կենդանության նշան էր ցույց տալիս: Այդ պահին հեռվում կրակեցին... կրակում էին մեր ուղղությամբ: Բարձրացավ աղեկտուր ճիշերի նոր աղմուկ... ժանդարմները մեղ թողեցին ու փախան:

Շուրջը ձյուն էր, մի մեծ քարի տակ տեսա սև տեղ և գնացի չունչ առնելու: Սարասակը նորից ինձ պատեց, երբ քարերի հետևում տեսա մարդկանց: Նրանք ինձ նման փախստական հայեր էին՝ 123 հոգի, մեր շրջանի Սոսկուն գյուղից: Լսելով Ակունցի կոտորածի մասին՝ գյուղից փախել էին:

Քաղցած ու հոգնած հասանք Դիմին, որտեղ ուստական զորքն էր»¹:

Ականցի կոտորածի մասին պատմում է նաև Հրաշքով վերապրած Մկրտիչ Հովհաննիսյանը: Քսան տարի առաջ Մկրտիչը բնակվում էր Հայրենի (Արձեշի Բանոն) գյուղում իր երիտասարդ կնոջ և մեկ տարեկան դստեր հետ: Նա Բենոնի ամենահարուստ տներից մեկից էր... 1896 թ. կոտորածների ժամանակ... Բենոնը թալանվեց ու ավերվեց: Մկրտիչի կինն ու աղջիկը, ավագ եղբոր՝ Ասլանի կինն ու երկու աղջիկը. մյուս եղբոր՝ Հարությունի տղան ու աղջիկը սպանվեցին: Իսկ Մկրտիչը փախսավ սարսափների երկրից և ապաստան գտավ Արարատյան դաշտում: Այստեղ ամուսնացավ, երեխաներ ունեցավ: Թուրքական սահմանադրության հոչակումից հետո ընտանիքի հետ վերադառնում է Բանոն, որտեղ 40 տների փոխարեն տեսավ հինգ խղճուկ հյուղակներ:

«1915-ի ապրիլի 2-ին լուր տարածվեց, թե տասնապետ Ալին 7-8 ժանդարմների հետ գյուղերում դասալիքներ էր փնտրում: Հետաքրքրասիրությունից մղված, մասսամբ էլ գործ ունենալու պատճառով գնացի Գանձակ,- պատմում է Մկրտիչը:- Նոր էի տեղ հասել, երբ տասնապետ Ալին ինձ ձերբակալեց: Ես ազատված էի զինվորական ծառայությունից: Ալին դրան ուշադրություն շդարձեց, գրպանը դրեց ծննդյան վկայականս, ինձ խառնեց ուրիշ ձերբակալվածների հետ, ասելով, թե հրամայված է 18-ից բարձր տարիքի բոյոր տղամարդկանց քաղաք տանել:

Ապրիլի 4-ին հասանք Ականց քաղաքը, որտեղ մեղ ուղիղ գորանոց տարան: Այնտեղ տեսանք շատ հայերի: Նրանց թիվն անընդհատ ավելանում էր և հասակ 800-ի:

¹ "Армянский вестник", 1916 г., № 10.

Ապրիլի 5-ին մի քանի հոգու ուղարկեցին ոստիկանատուն, որտեղ մեղ գրեցին ոստիկան։ Սակայն հաջորդ օրը բերեցին հետ և ասացին, թե տանելու են Դիարբեքիր։

... Զորանոցի առջև հրապարակում հավաքված էր բավական թվով միլիցիա՝ ծեր թե ջահել։ Եկավ նաև զայմագամ Ալի Միրզա բեյը, որը միլիցիոներներին ինչ-որ հրամաններ տալով, ուղարկեց տարբեր ուղղություններով։

Լուր տարածվեց, թե թեմի առաջնորդի տեղապահն ու մյուս հեղինակավոր հայերը քաղաքից հանվել ու սպանվել են։ Շուտով մեր կացարանի դուռը բացվեց և 39 հոգու տարան։ Քառորդ ժամ անց դուռը կրկին բացվեց և ես նույնքան մարդ դուրս հանվեց... Երբ 50 հոգով դուրս եկանք՝ զորանոցի միջանցքում ժանդարմները զաղանի նման հարձակվեցին մեր վրա։ Մեզ ժանդարմներով շրջապատված ու միմյանց կապած քաղաքից հանեցին։ Տարան կուրաչի Յուրդի գետափի։ Հեռվում, մթության մեջ նշմարեցի մի քանի դիակ... Սկսվեց իրարանցում։ Ժանդարմներն ու միլիցիոներներն այդ նկատելով անմիջապես կրակ բացեցին։ Շատերն ընկան, առաջացավ դիակների կույտ, և ես մնացի այդ կույտի տակ ... Երկար ճամփա անցա և հաջորդ օրը հասա մեր տուն։ Այնտեղ մնալն անհնար էր։ Քաղաքից սարսափելի լուրեր էին հասնում կոտորածների մասին, հարևան քուրդ ցեղերի շրջանում շարժում սկսվեց, մի քանի զուղեր հարձակման ու թալանի ենթարկվեցին։ Ես սպասեցի մինչև երեկո և գիշերը վրա հասնելու հետ բախտի քմահաճույքին թողնելով կնոջս ու երեխաներիս, գնացի Ալաղաղի ուղղությամբ»¹։

ԹԻՄԱՐ. - Թիմարի 50 զուղերից 30-ը հայաբնակ էր։ Գավառն ինքնապաշտպանության համար ուներ հարմար դիրք։ Լիմ և Կտուց անապատները լավ հնարավորություններ էին ընձեռում պատսպարզելու, դիմադրություն կազմակերպելու և փրկելու մեծ թվով մարդկանց։ Գայմագամ Զիան Բերկրիի հայությանը ջարդելուց հետո իր հարյուրավոր միլիցիոներներով, Արձեշից եկած հրոսակախմբերի և տեղի թուրք ու քուրդ խուժանի հետ մտավ Թիմար։ Մարտի սկզբին թուրք ժանդարմները հարձակվեցին էթերին, Ալյուր և Խավենց զուղերի վրա։ Նորից ավեր, թալան, սպանություն։ Թիմարցիները Ռուբեն Խորյելյանի ղեկավարությամբ դիմեցին ինքնապաշտպանության։ Հայերի և 500 հոգու հասնող թուրքական զորամասի միջև գլխավոր բախումը տեղի ունեցավ մարտի 10-ին Բողանց գյուղում։ Թուրքերին չհաջողվեց հայերի դիմադրությունը հաղթահարել և «հաշտություն» առաջարկեցին։ Կատաղի մարտեր տեղի ունեցան նաև Տիրամեր (Աստվածածին), ինժշկ և Մարմենդ զուղերում։ Ապրիլի 12-ին թուրքական զորքերը հարձակվեցին Թիմարի ամենամեծ զուղի՝ Ալյուրի վրա, որի 343 տուն հայերին գումարվել էին մերձակա զուղերի բնակիչները։ Հայերը Ալյուրցի Արիսողոմի և Սարգիս Մարդոյանի զիսավորությամբ համառ դիմադրություն ցույց տվեցին թշնամուն։ Թուրքերը առաջարկեցին դադարեցնել դիմադրությունը՝ խոստանալով զուղին չվնասել։ Դա տարբնթացություն առաջացրեց հայերի շրջանում, ինչից օգտվեց թշնամին և լցվեց զուղը։ Երկու օր շարունակ Ալյուրը թալանվում ու կոտորվում էր։

¹ "Армянский вестник", 1916 г., № 21.

Այնուամենայնիվ, Հայոց ձորի հայության զգալի մասը փրկվեց:

Թիմարից զինված ջոկատները, Շիրինի հրամանատարությամբ, փոքրիկ ընդհարումներով Վարագի վրայով անցան Վան: Թիմարում ողջ մնացածներից 12.000 հոգի հեռացավ Լիմի վանք և այնտեղ մնաց մինչև Հայ կամավորների դալը:

Զեղեթի հրամանով՝ Թիմարի կանանց, երեխաներին և ծերերին տեղափոխեցին Վան, որպեսզի հնարավորին չափ արագ սպառվեն Հայերի մննամթերքի պաշարները: Վանեցիներն այդ թույլ չտվեցին և նրանց ուղարկեցին Փեսանդաշտ: Ծնորհիվ Լևոն Նաղյանի հնարամտության ու ջանքերի՝ թիմարցիների այդ հատվածը փրկվեց՝ 1915-ի հուլիսին գաղթեց Արևելյան Հայաստան: 1917 թ. 1200 հոգի վերադարձավ Հայոց ձոր, բայց նույն տարում հարկադրված եղավ նորից հեռանալ հարազատ վայրերից:

«Կավկազskoe slovo» թերթը ապրիլի 29-ին անդրադառնալով Վասպուրականում ծավալված իրադարձություններին, գրում է, որ Թիմարի գյուղերում տեղակայված ասկյարները զբաղվում էին թալանով ու հրկիզումներով: 370 ասկյարներ շրջափակեցին Մերմետ գյուղը: Վանից գյուղին օգնության ուղարկվեց 70 մարդ: Ընկնելով խաչաձև կրակի տակ, թուրքերը վերացրեցին շրջափակումը: Նույն ժամանակ նրանք երեք թնդանոթով հարձակվեցին Բողանդ և Նարաթ գյուղերի վրա, սակայն Հայերը նրանցից խլեցին թնդանոթներն ու սպանեցին թուրքերի հրամանատարին:

Բանդե Մահու գետի կիրճի խորխորատը գայմագամ Զիան դարձրեց Հայերի գերեզմանոց: Ապրիլին Բերկրիում հավաքված շուրջ 1000 հայ տղամարդկանց 50-100-ական հոգանոց խմբերով տարան այդ կիրճը և սպանեցին կամ կենդանի նետեցին խորխորատները: Մասնավորապես շատ տուժեցին Խաչան, Ղայմագ, Սընդ, Պղտիկզեղ, Գործոթ գյուղերը: Միայն Գործոթի գյուղացիները փորձեցին պաշտպանվել:

ԳԱՎԱՇ. – 1914 թ. դեկտեմբերի 6-ին Բելլու գյուղում ոչնչացվեց շուրջ 100 մարդ, ինչը ցնցեց Հարևան գյուղերի հայ բնակչությանը: Աթանան գյուղի վրա հարձակում գործեց Ռուսաստանից եկած 150 հոգինոց ժանդարմերական մի ջոկատ: Հայերը դիմեցին ինքնապաշտպանության: Մասնավորապես կատաղի մարտեր տեղի ունեցան դեկտեմբերի 6-7-ին: Հայերի պաշտպանությունը դեկավարում էր խառակոնիսցի Լևոնը: Թուրքերն այդպես էլ չհաջողեցին կոտրել հայերի դիմադրությունը և «Հաշտություն կնքեցին»: Այդ կոկվներում հայերը կորցրին 700 մարդ: Գավաշի բնակչության մեծ մասը զնաց Փեսանդաշտ և Մոկս: Երբ ուստական բանակն ազատագրեց Վասպուրականը, շատ գավաշցիներ վերադարձան և սկսեցին վերաշնել իրենց ավերված շենքը: Սակայն ուստական բանակի հուլիսյան նահանջը գավաշցիներին էլ նետեց Արևելյան Հայաստան:

ՀԱՅՈՑ ԶՈՐ. Այստեղի բնակչության 80 տոկոսը (12,000 մարդ) հայ էր: Կազմայի 38 գյուղերից 30-ի բնակիչները հայեր էին: Ապրիլի 5-ին թուրքերը հարձակվեցին Հիրճ գյուղի վրա, 50 հայի լցրեցին Ռաշիդ աղայի ախոռը, սրախողի արեցին և դիակները հորը ցցեցին: Դա զգաստացրեց Հայոց ձորի բնակչությանը: Նրանք ինքնապաշտպանության դիմեցին:

Ապրիլի 6-ին թուրքական մի զորախումբ էղջեմի հրամանատարությամբ հարձակվում է Վարին Հայոց ձորի վրա: Թշնամին ավերեց Պլթենց գյուղը, ապա հարձակման անցավ Սպիտակ վանք և Աթանանց գյուղերի վրա: Մի քանի բնակավայրերի բնակիչների հաջողվում է քաշվել Քերծի լեռ:

Գյուղը ոմբակոծելու հետ միաժամանակ թուրքերն այն առան օղակի մեջ: Բայց երբ փորձեցին մոտենալ Պլթենցի տներին, ընկան հայերի ուժեղ կրակի տակ և փախուստի դիմեցին: Հայերը հետապնդեցին նրանց: Քիչ անց թշնամին նոր հարձակում սկսեց: Հայ մարտիկները հետ քաշվեցին գյուղ և կազմակերպեցին բնակչության տեղափոխությունը Աթանանց գյուղ: Բայց այնտեղ երկար մնալ չկարողացան և նահանջեցին Խարականց, Քյոշք, Խորգում և Իշխանի գոմ գյուղերը: Ստացվում է հրահանգ՝ բախումների տեղիք չտալ, տղամարդիկ պետք է քաշվեին լեռներ, իսկ կանայք ու երեխաները մնացին գյուղերում: Սակայն տեղի ղեկավարները չկատարեցին այդ հրահանգը և դիրքեր բռնեցին Իշխանի գոմ գյուղում:

Նույն ժամանակ Վերին Հայոց ձորում սկսել էր մոլեգնել Ահմեղի հրոսակախումբը: Սակայն հայերն այնպիսի հակահարված տվեցին, որ քրդերը փախան:

Հաջորդ օրը կատաղի մարտեր եղան Կեմ և Անգղ գյուղերում: Հայերը գնացին նահատակության՝ թշնամու վայրագություններից փրկվելու համար:

Թուրքերը շարժվեցին իշխանի գոմ գյուղի վրա: Հարձակմանը մասնակցում էր 1000 զինվոր և չորս թնդանոթ: Այդ ուժի ղեմ կանգնած էր շուրջ 100 կովող հայ:

Կոիվն սկսվեց ապրիլի 7-ի առավոտյան: Իշխանի գոմը երեք կողմից շրջապատված էր և ոմբակոծվում էր չորս թնդանոթներով, որոնք գործում էին գերմանացի զինվորականների հրամաններով: Գյուղը լրիվ շրջափակելու թշնամու փորձերը հայերը ձախողեցին:

Հայերի փամփուշտների պաշարը չնչին էր, և նրանք կրակում էին «իրենց լինելը հաստատելու համար»: Կոիվը տեսեց մինչև մութն ընկնելը, որից հետո գյուղի բնակչության մի մասը շարժվեց ղեպի Արտամետ՝ Վան անցնելու համար, սակայն այստեղ հարձակման ենթարկվեց ու ինքնապաշտպանության դիմեց: Նրանց մի մասը հաջողեց կոիվներ տալով բարձրանալ Վարագ, որտեղ հասել էր նույն գյուղի բնակիչների մի ուրիշ խումբ: Հայկական մարտական ջոկատներից մեկը Վարագից վերադարձավ Կիմ և Իշխանի գյուղ ու տեղում մնացած բնակչությանը նույնպես հասցրեց Վարագ:

ԿԱՐԿԱՌ. - Այս կազմայում կար 18 հայաբնակ գյուղ, որոնցում իշխանությունները դասալիք զինվորներ հայտնաբերելու համար գործադրում էին զագրելի կամայականություններ: Դրանք առանձնակի դաժանությամբ իրականացվեցին Ձկոր և Հուկուրածու գյուղերում: Հայկական մի քանի գյուղեր Գալուստ Պողոսյանի և Վուշիկ Գալոյի ղեկավարությամբ թուրքերին հակահարվածներ հասցրեցին: Գյուղում մարտերը շարունակվեցին մի քանի օր, որից հետո գյուղի բնակիչները քաշվեցին Մոկս ու Գավաշ: Հայկական գյուղերն ավերվեցին: Գալոն զոհվում է: Թուրքերը գտնում են նրա դիակը, զլուխը կտրում ու բարձրացնում ցցի վրա:

Այս գավառի որոշ գյուղեր մեկ ամիս չարունակ պաշտպանական մարտեր մղեցին: Քրդերի հետ մի քանի բախումներ ունեցան նաև Սպարկերտի հայերը և տեղափոխվեցին Գավաշ:

ՇԱՏԱԽ. - 1914 թ. բնակչության 53%-ը (6600 մարդ) հայ էր: Զեղեթը զլխավոր հարվածն ուղղեց Շատախի դեմ: Թուրքական զորքերը թնդանոթների հետ մտան Շատախի կենտրոն Թաղ ավանը, որի Վերին և Ներքին թաղերը հայարնակ էին: Ուժեղացվեցին ոստիկանական ջոկատները գյուղերում: Զեղեթը հանձնարարեց գայմագամ Համդիին բնաջնջել հայերին:

Շատախի ինքնապաշտպանության նախապատրաստական աշխատանքներն սկսվել էին դեռ 1912 թ., երբ ստեղծվեց «Անտառ» անունը կրող զինվորական մարմինը, որը լուծեց երեք խնդիր՝ ամբողջ Շատախի կյանքը ծառայեցրեց ինքնապաշտպանության պահանջներին, հաշվառեց զավաոի տնտեսական կարողությունները, որոշեց յուրաքանչյուր գյուղացու նյութական մասնակցության հնարավորությունը զինամթերքի ու զենքի ձեռքբերման գործին: 1915-ի ապրիլին Շատախն ուներ նոր մակնիշի 120 հրացան, 70 «Մառուցեր», 50 ատրանակ, 100 «Բերդանկա» հրացան: Կուտակված էր մեծ քանակությամբ վառող, կապար: Գյուղերից զուրս ստեղծվել էին զենքի թաքստոցներ:

1915-ի հունվարի 7-ին զինվորական մարմինը որոշեց ինքնապաշտպանության զիրքերը, դրանց ղեկավարներին: Պաշտպանական այդ գծի երկարությունը 50 կմ էր: Պահեստավորվեց 300 հոգու համար վեց ամսվա պաշար: Ստեղծվեցին թուցիկ խմբեր, որոնցում երիտասարդությունը ուղղված պատրաստության հմտություններ ու գիտելիքներ էր ձեռք բերում:

Փետրվարին իշխանությունների վարձած մարդիկ զավադրաբար սպանում են խիզախ խմբապետ Պետրոսին: Մարտի 30-ին խմբապետների ժողովը որոշում կայացրեց՝ թուրքերի հետ համաձայնության հասնելու փորձերը համարել ապարդյուն ու վնասակար, հայտարարել ուղղմական դրություն և խղել բոլոր կապերն իշխանությունների հետ:

Սկսած փետրվար ամսից Շատախում տեղի ունեցան մի շարք ձերբակալություններ ու սպանություններ: Դրությունն ավելի վատթարացավ, երբ ապրիլի 3-ին Հիրճում սպանվեցին Իշխանն ու նրա ուղեկիցները: Սպանություններն ու սովորական ջարդերն անխոսավելի դարձան: Շատախիցիները վտանգը զգալով գործի անցան: Կազմվեց Ռազմական մարմին, որի մեջ մտան Տիգրան Բաղրամյանը, Ազատ Սիմոնյանը, Սամվել Մեսրոպյանը և այլոր:

Թաղի հայությունը կենտրոնացավ Վերին և Ներքին թաղերում, իսկ մահեղականները՝ Զրադացի թաղում, որտեղ գտնվում էին նաև կառավարչատունը, ոստիկանատունը և այլն: Ապրիլի սկզբին ավանի հայ և մահեղական բնակչության միջև կապն խսպառ խզվեց: Ապրիլի 4-ին թուրքերը կրակ բացեցին հայերի վրա: Նրանք հաջողեցին գրավել թաղի մերձակա, Բոլս, Այգի, Սոլվանց և մյուս գյուղերը, շրջափակել ավանը:

Հայերը ըրնկճվեցին: Նրանք եկեղեցում կազմակերպեցին զենքի արտադրություն, նույնիսկ թնդանոթներ շինեցին, որոնցով ոմբակոծում էին թշնամու դիրքերը և նրա շարքերում խլրտումներ առաջացնում: Ապրիլի 27-ին գայմագամը խոստովանեց. «Երջակայ գիւղերը գրաւելով մէկտեղ, թաղի մէջ մեր ան-

յաջողութիւնը, մեր բոլոր շարժումները ցաւալի կերպով անարդինք թողուցին»¹:

Հայերը կովում էին խելահեղ անձնուրացությամբ: Հերոսացան նաև շատ կանայք: 12-ամյա Սրբուհին և 50-ամյա Ասմարը անսահման նվիրումով էին կատարում բոլոր հանձնարությունները, նրանք նաև հետախոյզ էին ու կապավոր:

Հայերի դեմ կովում թուրքական զորքերը մշտապես ստանում էին քրդական համարումներ: Մասնավորապես զագրելի էր նորագյուղի գայմազամ Խալիֆի հրամանատարության տակ գտնվող քրդական հրոսակախումբը:

Հայկական շատ գյուղեր վերածվեցին ավերակի: Դրանց բնակիչները հավաքվեցին կազայի հյուսիսային մասում գտնվող Փեսանդաշտում: Այդ շրջանում հավաքվեց 6000 հայ և ձեռնամուխ եղավ ինքնապաշտպանության: Ունեին 150 հրացան և 70 ատրճանակ: Փամփուշտների պաշարը մեծ չէր:

Ապրիլի կեսերին թուրքական 600 հոգանոց մի զորամաս հաջի Դարվիշի գլխավորությամբ հարձակման անցավ: Բայց Պարագոտիկի տակ հակահարված ստացավ և կորուստներ տալով նահանջեց: Թուրքերն անընդհատ համարում էին ստանում: Շատախի Ռազմական մարմինը կոչով դիմեց հայերին. «Յուսահատուելու կարիք չկայ երբեք... թշնամին իր վերջին ճիգն է թափում... Աշխատենք, ուրեմն, մեր սերունդին փառաւոր պատմութիւն մը թողնել»²: Այդ լավատեսությունը հիմքից գորկ չէր: Ռուսական զորքերը մոտենում էին: Թշնամին նահանջեց: Մայիսի 6-ին շատախցիները վերագրավեցին Սողվանցը: Մայիսի 10-ին Համդին ու թուրքերը փախան: Երկու օր անց հայ կամավորները մտան թաղ: Փրկվեցին նաև Փեսանդաշտում շրջափակված և սովի մատնված 6000 հայերը: Շատախի հերոսամարտը տևեց 42 օր, և թուրքական յաթաղանի դեմ հայ ժողովրդի պայքարի ամենափայլուն էջերից է:

ՄԱՄՐՏԱՆՔ. - Տեղի հայ ղեկավարները տևական բանակցությունների մեջ էին քուրդ աշխիրեթապետների հետ, որպեսզի միասնական ջանքերով գավառը գերծ պահեին կոտորածներից: Նահանգի իշխանությունները համառորեն հանձնարարում էին Սպարկերտի մյուղիրին քրդերի միջոցով կոտորել տեղի հայերին: Քրդերը երկար դիմադրեցին, խուսափում էին հայերին հաշվեհարդարի ենթարկելուց, թուրքերի շահերի համար արյուն թափելուց: Բայց ի վերջո տեղի տվեցին և հայերին անակնկալի բերելով պարտության մատնեցին: Հայերը փախան Սպարկերտ և Մոկս: Այստեղ նրանք կովի մեջ մտան քրդերի հետ: Սակայն կոտորածներ տեղի չունեցան, որովհետև քուրդ առաջնորդ Աբդուլլահը թույլ չտվեց: Դրա չնորհիվ Մոկսը վերածվեց ոչ պատերազմական՝ չեղոք գոտու, որտեղ մեծ թվով հայեր ապաստան գտան՝ մինչև որ տեղ հասան հայ կամավորները:

«Русские ведомости»-ն 1915 թ. ապրիլի 24-ին գրեց. «Վանի վիլայեթը բռնված է ապատամբությունով... Վասպում են հայերի գյուղերը: Զորահավաքի

¹ Վասպուրական: Վան-Վասպուրականի ապրիլեան հերոսամարտի 15-ամեակին առթիւ. 1915-1930, Վենետիկ, 1930, էջ 70:

² Ա-Գօ, Մեծ դէպքերը Վասպուրականում, Եր., 1917, էջ 431:

պատրվակով սարսափելի բաներ են կատարվում: Աղքաբնակչությունը համատարած ջարդերի մղձավանջի մեջ է: Վանդալիզմն ամենաեռուն վիճակում է...»: Զորս օր անց ուստի դիվանագետներից մեկը արտաքին գործերի նախարարություն գրեց. «Հայերը Վանից նամակ ստացան, գրաբերի հագուստի աստաղի մեջ կարված, որի բովանդակությունը հետևյալն է. նահանգում սպանված է մոտ վեց հազար մարդ: Վանն ու Շատախը համառորեն դիմադրում են, արկերը քաղաքին շատ չեն վնասում: Հավաքում ենք մեր վերջին ուժերը: Սպասում ենք ուստական օգնության: Աղաչում ենք, շտապե՛ք: Հետո ուշ կլինի: Այս նամակը գրված էր ապրիլի 15-ին»¹:

«*Кавказское слово*»-ն ապրիլի 29-ին տպագրեց Դուխովի հողվածը Վանի վիլայեթի մասին, որում գրում է. «Թաշիչայ հասան Վանի վիլայեթից մոտ 200 հայ գաղթականներ, որոնք ֆրկվել էին թուրքական կառավարության և զորքերի՝ հայերի հանդեպ կիրառած սարսափելի գործողություններից... Մեծ պասից 10 օր առաջ թուրքական կառավարությունը Վանի հայ երևելիներից պահանջում է հանձնել 6000 հայ դասալիքների, որոնք թաքնվում էին քաղաքում»: Միաժամանակ Զեղեթը ասկարներ ուղարկեց քաղաքի մերձակա գյուղերը՝ դասալիքներ բռնելու և հայերին զինաթափելու համար: Սակայն սրանք թիմարում զբաղվել են թալանով և հրդեհել հայերի ունեցվածքը: «Մարտի 19-ին Վանում լուր ստացվեց, որ Մարմետ հայաբնակ զյուղը շրջապատվել է 370 ասկարներով և զյուղացիները նրանց համառ դիմադրություն են ցուց տալիս: Գյուղացիներին օգնության է ուղարկվում 70 հոգի, որոնք թիկունքից հարվածեցին թուրքերին և հարկադրեցին վերացնել զյուղի շրջափակումը: Նույն պահին լուր է ստացվում, որ ասկարները երեք թնդանոթներով հարձակվել են Բոլսանց և Նարաթ զյուղերի վրա»: Զինված հայերի խումբը գնում է օգնության և թուրքերից խլում է թնդանոթները: Զեղեթը հարկադրված եղավ բանակցություններ սկսել: Նա հայտարարեց, թե «սուլթանական բոլոր հայերն ազատված են զինապարտությունից» և կոչ արեց Վանում հավաքած մերձակա զյուղերի բնակիչներին՝ «վերադառնալ իրենց զյուղերը և լծել դաշտային աշխատանքներին»: Ակնհայտ էր, որ վալին «ուղղում էր իր մխալը», ձգտում էր զյուղացիներին հեռացնել Վանից:

Լրված զյուղերում բաշիրողուկների ու քրդերի ավաղակախմբերը խուժում էին տները, բռնաբարում անպաշտապան կանանց ու աղջիկներին, նրանց տանում իրենց հետ: Եղել են երեխաներին կրակը նետելու ղեպքեր:

Փրկվածներից մեկը պատմել է, թե հրաման եղավ հայ տղամարդկանց հավաքել «ամելե թարուրի» համար, ապա սկսվեց կոտորածը, մերձակա զյուղերը հրդեհվեցին: Ընդ որում՝ հայերի ճնշող մեծամասնությունը, վտանգավոր որևէ բան չկակածելով, մասնակցեց զորահավաքին, որովհետև զատարածվում էր նաև թուրքերի ու քրդերի վրա: Սակայն զորակոչված մահմեդականներին անմիջապես ազատ արձակեցին և նրանց հրամայեցին ջարդել զյավուրներին:

Ընդհանուր առմամբ, Վասպուրականի հայության ջարդերը հիմնականում

¹ АВПР, Политархив, д. 3505, л. 4.

տեղի ունեցան 1914 թ. դեկտեմբերից մինչև 1915 թվի ապրիլի սկզբները: Ոչնչացվեց 16.000 մարդ, գրեթե նույնքան հայ էլ ապաստանեց Վան քաղաքում: Նույն ժամանակ սկսվեց հայ զինվորների զինաթափումն ու ոչնչացումը»¹:

Վասպուրականի գյուղերում գորակոչը քող դարձվեց հայ երիտասարդությանը ոչնչացնելու համար, գրում է «Հնչակը» 1915 թ. օգոստոսին (№ 3):

Վանի բանտում սպանվեց 150 հայ, որոնց թվում էին գրող Ասոն (Տիգրան Օտյանը), ուսուցիչներ, հասարակական գործիչներ: Թուրք-պարսկական սահմանամերձ գյուղերի բոլոր տղամարդիկ սպանվեցին, կանայք ու աղջիկները սեփականացվեցին քրդերի կողմից: Երեխաններին սպանում էին մայրերի գրկում, կանանց մերկացնում ու ծեծում էին: Հայկական գյուղերը հարձակմանը չէին նախապատրաստված և լուրջ դիմադրություն ցույց տալ չէին կարողանում: Կոտորածները սարսափելի էին հայոց ձորում: Շատախում հայերը կատաղի դիմադրություն ցույց տվեցին: Նրանց ոչնչացնելուն էր կոչված «մսագործների բրիգադին» Ձևելթի հրամանը՝ «Գնա՛ Շատախ և բնաջնջի՛ր այնտեղի ժողովրդին»²: Մինչև մայիս նահանգում բնաջնջվեցին 100 գյուղերի հայեր³:

1915 թ. ապրիլի 15-ին Վանից հայտնեցին՝ Վասպուրականում տեղի ունեցած կոտորածների մասին, որ Վանի շրջապատում և Շատախում սպանվել էր 6000 մարդ: Այդ մասին Ռուսաստանի դեսպանը տեղյակ է պահում Ֆրանսիայի արտաքին գործերի նախարարին: Իսկ երբ Խոյում Ռուսաստանի հյուպատոսը Պետրոգրադ հայտնեց Բաշկալեռում, Շատախում և մի քանի այլ վայրերում տեղի ունեցած կոտորածների մասին, Վաշինգտոնում Ռուսաստանի դեսպան Մ. Բախմետևը հանձնարարություն ստացավ այդ մասին տեղյակ պահել Հենրի Մորգենթաուին, առաջարկելով հանդես գալ հետապնդվող հայերի պաշտպանությամբ⁴:

Նահանգի գյուղաբնակ հայերի վիճակն անտանելի դարձավ Վանը ոմբակոծելու նախօրյակին: Կազանների բոլոր հայ պաշտոնատարները, մտավորականներն ու հեղինակություն վայելող անձինք գնդակահարվեցին կամ խեղդվեցին:

Գերմանացի հոգևորական ֆիշերը պատմում է. «Վանի շրջանում տեսա այնպիսի բաներ, որ լավ կիններ, եթե տեսնեին նրանք, որոնք հայերին են համարում անկարգությունների մեղավորներ: Աղջիկների մի խմբի կախեցին ծառերից ու սկսեցին քերթել... Մեզ մոտ եկած մի կնոջ երեխայի մարմինը բաժանել էին կտորների և այդ կտորները մտցրել էին մոր բերանը, շատ աղջիկներ որբանոցներում սարսափելի վիճակում էին... Մի անգամ անցնում էի թուրքական սահմանագծի երկայնքով և տեսա, որ ծառից ինչ-որ մուգ բան էր

¹ «Տարօնի արծի», 1950 թ., № 30, էջ 11-15:

² Usher C., Աշվ. աշխ., p. 238.

³ Beylerian A., Les Grandes Puissances. l'Empire Ottoman et les Arméniens dans les Archives Francaises. 1914-1918, Paris, 1983, p. 25.

⁴ АН Арм. ССР. Документы французских архивов о геноциде армян, Еր., 1985, с. 9.

կախված... Դա մարդ էր, որի մաշկն ամբողջությամբ հանել էին»¹:

«Անցած աշնանը վերապարձած քրդերը, գրում է Արամ Մանուկյանը, մորթեցին և թալանեցին Բերգինի, Արչակի, Սարայայի, Բաշկալեի և Սալմաստի շրջանների հայկական գյուղերը: Ռուսների հեռանալուց հետո հենց այս քրդերը մորթեցին Բաշկալեի հայ տղամարդկանց սկսած 10 տարեկանից, թալանեցին ու կրակի տվին նրանց ողջ ունեցվածքը: Այդ նրանք Արանք գյուղում հավաքեցին Փանդ, Փիս, Ալաս, Սետան, Ռուսուլան և մյուս հայկական գյուղերի տղամարդ ազգաբնակչությանը և դաշտ քշելով մորթեցին ավելի քան 500 հոգու, բոնությամբ տարան ու բոնաբարեցին կանանց ու երեխաներին, շատերին բոնությամբ մահմեղականացրին: Անցյալ տարվա դեկտեմբերից սկսած նրանք ավերեցին ու կրակի տվեցին Աղըլջեվազի, Արճեշի, Բերկրիի, Սարայի, Բաշկալեի, Խոչաբի, Հայոց Ճորի, Խարաքարայի և Կարձկանի բոլոր հայկական գյուղերի տներն ու եկեղեցիները: Հրդեհեցին հետևյալ նշանավոր վանքերը՝ Տեղ-Ռսկան Վերդի (ա. Ստեփանոս), Բաշկալեի մոտերքում և. Բարդուղիմեոսի, Կարձկանում և. Սորպ և Ուրանցի. և. Գրիգոր, Կարմրավոր, Վարագա...»²:

Սկզբից ի վեր պաշտոնական թուրքիան աղավաղում էր իրողությունը, փորձում կատարվածի մեղքը բարդել հայերի վրա: Հենց Եղեռնի տարիներին մշակվեց այդ խնդրում թուրքական ստահոդ հայեցակարգը, որը լեշի նման քարշ է դալիս մինչև օրս: Այդ հայեցակարգը մշակողն ինքը թալեաթն էր: Ահա թե նա ինչպես է ներկայացնում Վասպուրականում կատարվածը. «1915 թ. Թիմար գյուղում ոչխարների զիխաքանակի հաշվառման ժամանակ տեղի ունեցավ խոռվություն, մոտավորապես 1000 հայ հարձակվեց մահմեղականների վրա և սպանեց ոստիկաններին...»

Ինքնապաշտպանության նպատակով մահմեղական գյուղերի շրջապատում գտնվող գյուղերի հայերը փոխադրվեցին հայաբնակ վայրեր և սկսեցին հեղափոխություն պատրաստել: Երիտասարդ հայերը հիմնական դիրքերն էին զրադաշտում, իսկ կոմիտեի մնացած անդամները զենքի տակ էին առնվում... գյուղերում ձեռնարկում են սպանել մուսուլման ժողովրդին... Իմանալով, որ կառավարությունը նահանգի կենտրոնից զինված ջոկատներ է ուղարկել Շատախի, Հայոց Ճորի, Թիմարի և Գավաշի ապստամբական շարժումները զսպելու համար, վանեցի հայերը հրդեհում են Համմուղ աղայի զորանոցը, ոստիկաննական շենքերը և քաղաքում վայրենի կոտորած սարքում:

Միայն Վան քաղաքում ապստամբած հայերի թիվը հինգ հազարից ավելի էր և բոլորն ել զինված էին նոր տեսակի զենքերով: Սրանք մինչեւ վերջը պաշտպանում էին իրենց դիրքերը: Քաղաքում քանդել էին կառավարական շենքը, զինվորական հաստատությունները, Հանրային պարտքի շենքը, Օտոմանյան բանկի մասնաճյուղը և ուրիշ շինություններ, կրակի էին տվել իսլամական թաղերը: 700-ի չափ ապստամբներ ձեռնառումքերով պայթեցրել էին Վանի ամրոցը: Ապստամբական այս շարժումները շարունակվեցին մինչև ապրիլ ա-

¹ Deutsches Zentralarchiv, Historische Abteilung P, Akten № 2/3340, B1, 192.

² Կալխան Գր., Կրանք գիրք, Ռոտով նա Դոնու, 1919, с. 116.

միսը: Ոուս սպաների հրամանատարության տակ առնվազն 400-ական մարդուց բաղկացած հայ հրոսակների խմբերը ապրիլի կեսերին սկսեցին անցնել սահմանը: *Տեղի ունեցած բախումների հետևանքով գրավվել են «Անկախ Հայաստան» վերտառությունը կրող դրոշներ* և «Վրեժ» բառը պարունակող տախտակներ»¹:

Հարկ է նկատի ունենալ, որ Թալեաթի այս և նման շատ այլ հարցադրումները չնվեցին նրա հուշերը գրելու ընթացքում: Դրանք դեռ մինչև պատերազմի մեջ Թուրքիայի մտնելը քարոզչական միջոցներով տարածվում էին ոչ միայն կայսրությունում, այլև նրա սահմաններից դուրս և հաճախ էին գործածվում տերությունների դիվանագիտական խաղերում:

Թուրքական քարոզչությունը սկսած 1910-ական թվականների սկզբներից թուրքերի (ու նաև ոչ թուրքերի) մեջ այն տրամադրությունն էր ներարկում, թե Թուրքիայի բոլոր հայերն են կայսրության համար վտանգավոր, բայց վտանգներից ամենավտանգավորը սպասվում է Վան-Վասպուրականում:

1912 թ. սեպտեմբերի 17-ին Տրապիզոնից հաղորդեցին, թե Վանի վիլայեթում Դաշնակցությունն աշխույժ գործունեություն է ծավալում հայերին կազմակերպելու և անլեզալ գործող պարտիզանական խմբերի միջոցով նրանց պաշտպանելու համար: Հայերը զինված են ժամանակակից հրազենով և ուսմբերով: Նրանք լուրջ վտանգի պահին կունենան նաև փորձառու ղեկավարներ: «Պարտիզանական խմբերը պարբերաբար այցելում են հայկական գյուղերը, վերցնում են ուղղամատուգանք, պատճում են անհավատարիմ հայրենակիցներին և հայերին պաշտպանում են քրերից: Ասում են, թե վերջնական նպատակը իշխանության հասնելն է... Այնտեղ հայերը միայն քրերի հետ գործունեն, որովհետև թուրքերը փոքրամասնություն են կազմում»²:

Երկար տարիներ Արևմտյան Հայաստան աշխատած ամերիկացի միսիոներ Քլարենս Լյըրը ուրիշ տեսքով է ներկայացնում իրավիճակը: Նա գրում է, թե հայերը պարտավոր էին տանել մահմեղականների քմահաճույքները, իսկ երբ ընդդիմանում էին, գործը վերջանում էր հայկական բնակավայրերի վրա հարձակումներով³: Նա Վանի իրազարձությունների նախապատրաստության ժամանակաշրջանը ձգում է մինչև երիտթուրքերի Սալոնիկի 1911 թ. համաժողովը: Այդ ժամանակ էր, որ Վանի կայազորի գորքերը 8 գումարտակից հասցվեցին 32-ի:

Որ հայերի հանդեպ բռնությունների ծննդոց հայկական չէր, այլ բխում էր երիտթուրքերի գաղափարախոսական և քաղաքական սկզբունքներից, վկայում են նաև թուրքական և օտար շատ ուրիշ աղբյուրներ:

Հանրի Բարբին գրում է. «... 1914 թ. նոյեմբերի 15-ին վիլայեթի քարտուղարը և ժողովրդական լուսավորության տնօրենը ոստիկանական գործակալների ուղեկցությամբ, առանց ֆրանսիական հյուպատոսական աշխատողի, ներկայացան Դոմինիկյան հայրերին և օրդենի քույրերին... ու պահանջեցին

¹ **Թալեաթ,** Հուշեր, անտիպ: ԳԱԱ. Արևելագիտության ինստիտուտի գրադարան, էջ 71:

² Wien, HHSTA PA XXXVIII 357, Trapizont, 17 September 1912.

³ Usher C., նշվ. աշխ., էջ 156:

անմիջապես հեռանալ վանքից և բոլոր դպրոցական շենքերը ու բարեգործական հիմնարկները հանձնել օսմանյան կառավարությանը»:

Հոգևորականները հարկադրված եղան թողնել իրենց կացարանները: Միսիայի բոլոր շենքերը կնքվեցին: Հրաման արձակվեց 24 ժամվա ընթացքում վիլայեթից դուրս վոնդել ֆրանսիացի միսիոներներին¹:

1917 թ. Թիֆլիսում լույս տեսավ «Մի թուրք սպայի հիշատակարանից» օրագիրը: Հեղինակը թուրքական բանակի 44-րդ գնդի 4-րդ վաշտի չափուչ, սալոնիկցի Հազղն է: Նա պատմում է 1915 թ. մայիսին նաև Վանի վիլայեթում կատարված ղեպքերի մասին, երբ իրենց գունդը պարսկական սահմանից մեկնում էր Դիարբեքիր:

«Զինվորներից մեկը,- գրում է Հազղը,- պատմում էր, որ հայերի դիակներն ընկած էին խառնիխուռն... ոմանք էլ հոգեվարքի մեջ էին: Նա տեսել էր ժանդարմի, որը հինգ հայի առաջը զցած տարել էր քաղաքից դուրս և հանկարծակի... մասւգեր հրացանից կրակ էր բացել հայերի թիկունքին և բոլորի մեջքներին պատուհան բացելով գետին էր փոել՝ «Փչացածնե՛ր, վերցրե՛ք ձեր անկախությունը»... Մի ժանդարմ ինձ ասաց, թե փոքր երեխաներին մահմեղականացնում են, երիտասարդ աղջկներին իրենց են վերցնում, իսկ տղամարդկանց ու ծերերին կոտորում են...

Ասում են, որ մենք պետք է մինչև Բիթլիս գնանք խանգարելու ոռուսների առաջխաղացումը... Ահա տե՛ս Բաշկալեից գաղթող թուրք գաղթականների թշվառ վիճակը... Ռուսները հրդեհում են Բաշկալեն... Հայ կամավորները հարձակվել են այդ կողմի գաղթականների վրա ու բոլորին կոտորել են ու նրանց հոտերն էլ գավթել են... Զինվորների վիճակը ծանր է: Նրանց մի բուռ ցորեն ենք տալիս և նրանք երեք օր ճանապարհ են գնում, մեռնում սովից ու հոգնածությունից... Նրանք խոտ են ուտում: Սկսել է տիֆը: Զինվորներն իրար հետեւից մեռնում են:

Այսօր ճանապարհին տեսանք մի սատկած ձի: Զինվորներն խակույն վրա թափվեցին, նրանք բոկոտն էին և քերթեցին տրեխ կարելու համար... զինվորները հում միս են կրծոտում... նրանցից մահ հոտ է գալիս, որովհետև պարկերում հում միս են պահում:

... Սղերդում կոտորել են 2000 հայ»:

Չնայած իր թիժու թուրքականությանը, այս չափուչը ներկայացնում է իրերի վիճակը, այն ավելիներն ու քայրայումները, որոնց ստեղծման գործում հայերը որևէ ղեր չեն խաղացել, մանավանդ թուրքական բանակի քայլայման և դասալքության գործում: Նրա պատմածները լրացուցիչ վկայություն են, որ թուրքական բանակը կործանվում էր ոչ թե մարտերում, հայ «ապատամբների» դեմ կովում, այլ մատակարարման բացակայությունից, քաղցից ու համաձարակներից:

¹ **Барбиз А.** В стране ужасов. Мученица Армения, Тифлис, 1919, с. 143-144.

Երբ հրապարակվեց զորակոչի հրամանը (1914 թ. հուլիսի 27-ին), Վանի հայ երիտասարդությունը չղիմաղրեց, մասնակցեց զորահավաքին: Դրությունը բարդացավ հետո, երբ հայտնի դարձավ, թե թուրքական բանակում ինչպիսի վայրագությամբ էին վերաբերում հայ զինվորներին: Խնդիրը Վանում ավելի սուր բնույթ ստացավ նաև այն պատճառով, որ քաղաքում զինվորագրվածների մեծ մասը այլևայլ պատճառներով նշանակման վայր չէր մեկնել, օրինակ, ուսուցիչները մնացել էին մինչև նրանց փոխարինողների հարցի լուծումը, արհեստավորները մնացել էին բանակի համար հազուստ, կոչիկ, հանդերձանք պատրաստելու համար, շատերը բանակից ազատվել էին զինվորական հարկ (50 ոսկի) վճարելու միջոցով: Շուտով հայտնի դարձավ, որ որոշ թվով երիտասարդներ դասալքել էին: Խրանց հետապնդող ոստիկանների ու հայ բնակչության միջև հաճախ էին միջաղեաբեր ծագում:

Սակայն իրավիճակն արմատապես սրվեց Զեղեթի գալուց հետո, հասկանալի պատճառով՝ որովհետև նրան վայր էին նշանակել նահանգի հայությանը բնաջնջելու հանձնարարականուվ:

Վան քաղաքը բաժանվում էր երեք մասի՝ Քաղաքամեջ, Նավահանգիստ և Այգեստան: Քաղաքամեջը լից բաժանում էր նեղ, ճահճապատ լճափը, որի վրա կախված է վիթխարի զառիթափը՝ հին բերդի ավերակներով: Այդ մասում էր կառավարչատունը, որ վարչական կենտրոնն էր: Այստեղ կային 300-500 հայկական տներ: Նավահանգիստը գյուղ-արվածան էր: Այգիները, դաշտերը և լճի երկայնքով ձգվող մյուս տարածքները պատկանում էին մահմեղականներին և Քաղաքամեջը միացնում էին Այգեստանին: Այգեստանի մուտքը Խաչփողան շուկան էր, որից էլ սկսվում էին հայկական թաղերը:

Վանում կար թուրքական երկու գորանոց: Մեծը հայկական թաղամասի կենտրոնում էր՝ Խաչ-փողանի մերձակայքում:

Այգեստանը Քաղաքամեջից բաժանված էր 5-6 կմ լայնությամբ և մահմեղականներով բնակեցված տարածքով: Այգեստանում բնակվում էր 20.000, իսկ Քաղաքամեջում՝ 3.000 հայ:

Վանի պաշտպանության գլխավոր ամրոցը դարձավ Այգեստանը և դա հասկանալի էր, որովհետև՝ ա) Այգեստանը թուրքերի ղեմ պայքարում երբեք չէր պարտվել, բ) Այգեստանում բնակվում էին միայն հայեր: Այստեղ հավաքվեցին նաև ծայրամասերի և քաղաքի թուրքախառը թաղերի հայերը: Այգեստանում, բացի անզիփական հյուպատոսարանի և Համմուդ աղայի զորանոցի պահապան զորաջոկատներից, ոչ թուրք կար և ոչ էլ քուրդ, այլ զորաջոկատներն էլ կովի հենց սկզբին վերացվեցին, գ) Այգեստանի ուղմանակատային դիրքերն «ավանդական» էին, հայերը բազմիցս էին այդ դիրքերից կովել թշնամու ղեմ և ժամանակ չպահանջեց պաշտպանական գծի ձևավորման համար:

1915 թ. մարտի 13-ին Վռամյանը գրում է Զեղեթին. «Այստեղ կառավարութեան հանդէպ ո՛չ մէկ անպատեհութիւն յառաջ չգալուն համար պատւոյս վրայ կը վստահեցնեմ, ինչպէս որ ամիսներ յառաջ մեր անհատական ջանքերով ապացուցինք: Այս առմիւ կառավարութիւնն ալ ներկայ կացութեան շրջանին,

Հայերը ապահովցնելու համար պետք եղած միջոցները ձեռք առնելու է»¹: Ձեղեթի պատասխանը թունոտ էր, թե «իմ կրկնակի ազդարարութիւններուն հակառակ կասկածոտ վերաբերուելով, ձեր հազարաւոր ցեղակիցները ուսւերու ծրագրով գայթակղեցնելով, թշուառութեան մատնեցիք... կառավարութեան բռնելիք արդար և ուղղամիտ դիրքին բոլորովին ապահով եղէ՛ք, այդպէս էլ յայտնեցէ՛ք ժողովուրդին...»:

Իրավացի է Ա-Դոն, երբ գրում է. «Ձեղեթը վարպետ էր, վարպետ չարագործությունների, զավադրական ծրագրերի և միևնույն ժամանակ կեղծելու, խարելու արհեստի մեջ»: Նա մի կողմից հայ ղեկավարներին հավաստիացնում էր, որ իշխանությունները որևէ չարամիտ դիտավորություն չունեին հայերի հանդեպ, իսկ մյուս կողմից «քաղաք էր բերում ուղմական ուժ, դավադրություն էր նյութում... կազմակերպում էր ջարդեր...»²:

Ահա ջարդերի սարսափազզու վտանգն էր, որ հայերին մղեց գործողությունների, որոնք որքան համեստ, նույնքան էլ մասնակի էին, որպեսզի կարողանային հօգուտ հայերի որևէ լուրջ խնդիր լուծել: Դրանք մասնավորապես թուրքական իշխանությունների, մասամբ նաև բանակի հայահալած գործողությունների վրա խափանարար ազդեցություն ունեցող ձեռնարկումներ էին: Օրինակ՝ Գավաշի Բելլու գյուղի մոտ հայերը կտրեցին հեռազրագիծը, կտրեցին նաև Գավաշը Հայոց ձորին կապող հեռազրագիծը, քանդեցին Անգղի կամուրջը, հեռազրագիծը կտրեցին նաև Փեսանդաշտի մոտ և այն³:

Թե ի՞նչ խնդրի էին ծառայում նման ձեռնարկները, դժվար է ասել. դրանք ո՞չ պարտիզանական կոփ էին, ո՞չ ինքնապաշտպանության և ո՞չ էլ սաղրանք⁴: Բացարձակ ակնհայտ էր, որ դրանք «կենտրոնից» կազմակերպված դիվերսիոն գործողություններ չէին, այլ պարզապես խեղզվողի ճիչ, անելանելի վիճակից մղված հակազդեցություն: Միանգամայն ճշմարիտ է էրզրումում Գերմանիայի հյուպատոս Շոյբներ Ռիխտերը, երբ գրում է. «Առանձին պատահարներ, ինչպիսիք էին հեռավոր գյուղերում բռնազրավումներին զինված դիմադրությունը, հայ աղջիկներ ու կանայք պահանջող թուրքերի սպանությունները, հեռազրային և հեռախոսային գծերի կտրելը, դրանց աշխատանքը խափանելը, ինչպես նաև լրտեսությունը, նկատի ունենալով, որ այդ ամենը տեղի էր ունենում պատերազմի ժամանակ և խառը բնակչություն ունեցող շրջաններում, արտակարգ ոչինչ չէին նշանակում... Թուրքերը մշտապես սխալներ են թույլ տվել հայերի հանդեպ իրենց վարքագծում»⁵:

Վահագն Տատրյանը ճիշտ է նկատում, որ հայերի հակաթուրքական գործունեությունը աննշան ողորմելիություն էր համեմատած քրդերի հակաթուրքական գործունեության հետ՝ ուսւական բանակին զրեթե անթաքույց աջակցություն, թուրք բնակչության թալան, կոփներ թուրքական այլսայլ ուժերի

¹ Ա-Դօ, նշվ. աշխ., էջ 147:

² Նույն տեղում, էջ 150-151:

³ Ա-Դօ, նշվ. աշխ., էջ 150-151:

⁴ Էջո, Թուրքահայ յեղափոխութեան զաղափարաբանութիւնը, Հ. Բ, Փարիզ, 1935, էջ 143-144:

⁵ FO AA Botschaft Konstantinopel K-168, № 9 (3224).

ղեմ, հարկեր բացարձակապես չվճարել և այլն: Մինչդեռ թուրքական իշխանությունները քրդերի ղեմ ոչ միայն պատժիչ լայնամասշտար գործողություններ չէին ձեռնարկում, այլև դրանց առաջ աչք էին փակում: Հայ կամավորների շուրջ թուրքերը համաշխարհային աղմուկ բարձրացրին և մինչեւ օրս էլ աղմկում են, իսկ որ հրեաները ստեղծեցին Հրեական զորագունդ, որը մասնակցեց Դարդանելի կոփիներին թուրքերի ղեմ, որ հրեական կամավորական ուժերը նշանակալից դեր խաղացին Պաղեստինի ազատագրության գործում, որ հրեաները հակաթուրքական լրտեսական լայն ցանց էին ստեղծել, կ. Պոլիսը ոչ միայն հրեաների ղեմ լուրջ քայլերի չդիմեց, այլ պարզապես լոեց, իսկ հայերի հանդեպ ծրագրեց ու իրականացրեց համընդհանուր բնաջնջման քաղաքականություն¹:

Սակայն դժվար է համաձայնվել Վ. Տատրյանի հետևյալ մտքի հետ. «Վանի ինքնապաշտպանութեան դրուագը արդարացիօրէն ապստամբութեան հանգամանք ստացաւ...»²: Ինքնապաշտպանությունը երբեք ապստամբություն լինել չի կարող և այն, որ ինքնապաշտպանական կովում հայերը հաղթեցին, չփոխեց դրա բնույթը, այլ մնաց ինքնապաշտպանական հաջող կոփի, որը ժողովրդի այդ հատվածին փրկեց բնաջնջումից:

Նաև նշենք, թե ինչ բնույթ էլ այն ունենար, ինչպես Ա. Չոպանյանն է գրում. «Յուսատու, գեղեցիկ, ուժեղ ինչ որ ունինք կովկասի հայկական կամաւորներու բանակն է եւ Վանայ ապստամբութիւնը: Ապրի՛ հայ ժողովուրդը»³:

* * *

Վասպուրականի հայերի «Հարցի լուծումը» երկակի նշանակություն ուներ: Նախ, բնաջնջվում էր Վասպուրականի հայությունը, որը թե՛ թվային տեսակարար կշռով, թե՛ հստակ ընդգծված ազգային կեցվածքով և Ռուսաստանի հետ մշտական կապի շնորհիվ առանձնապես էր անհանգստացնում թուրքական իշխանություններին և, երկրորդ, առանց Վասպուրականի հայության բնաջնջման շատ դժվար էր Վանի հայ բնակչության ոչնչացումը: Պահանջվում էր Վանը շրջափակել և քաղաքի գյավուրներին հարկադրել ենթարկվելու Մահմեդի հետևորդների կամքին:

Զեղեթը հրաման արձակեց, որ 18-45 տարեկան արու բնակչությունը պարտավոր էր անմիջապես ներկայանալ զորահավաքի կետեր և զորակոչվել որպես ամելե (շինարար զինվոր): Հայերը պահանջեցին իրենց զորակոչել ոչ թե ամելե թարուրների կազմում շինարարությամբ զբաղվելու, այլ գործող բանակ՝ իսկական զինվորական ծառայության, նաև համաձայնվել, որ թուրլատրվի դրամական հատուցման միջոցով (50 օսմանյան ոսկի) գերծ մնալ զինվորական ծառայությունից:

Զեղեթը մերժեց: Հայերը խնդրեցին թուլ տալ, որ իրենք զորակոչվեն ոչ թե

¹ Տատրեան Վ., Հայկական ցեղասպանութիւնը խորհրդարանական եւ պատմագիտական քննարկումներում, Ուսումնական պատմություն, 1995, էջ 52-53:

² Նույն տեղում, էջ 54:

³ Չոպանյան Ա., Երկր, Ե., 1988, էջ 125:

միանգամից, այլ մաս-մաս: Վալին համաձայնվեց պայմանով, որ ամեն չաբաթ պետք է զորակոչվեր 500 Հայ և զորակոչը ավարտվեր երկու ամսում: Այսինքն՝ բանակին պետք է տրամադրվեր 4000-5000 մարդ:

Ապրիլի 1-ին Վանում տեղի է ունենում մի ժողով Հայկական բոլոր կուսակցությունների և առաջնորդարանի ներկայացուցիչների մասնակցությամբ, որը պարտադրված էր Համաձայնվելու վայրու պահանջի հետ: Ժողովն անգամ հանձնաժողով է ստեղծում Հայ երիտասարդության զորակոչը կազմակերպելու համար: Քաղաքի երիտասարդությունն ընդվզեց այդ որոշման դեմ ոչ միայն այն պատճառով, որ թուրքական իշխանություններին չէր վստահում, այլ նաև գտնելով, որ «այդ ձեւով զինուորագրուած երիտասարդութիւնը կորուստի է ենթարկուելու»: Երիտասարդությունը պահանջում էր անհապաղ ձեռնամուխ լինել ինքնապաշտպանության:

«Միևնույն է,- ասում էին նրանք,- մեռնելու ենք, ինչպես մեռան մեղանից առաջ մեկնողները... Մեզ անգեն ուղարկելու ինքնին բացատրում է Զեղեթի դիվային մտադրությունը: Ուրեմն, թույլ տվեք զեն ի ձեռքն մեռնինք պատվավոր կերպով, մեր ժողովրդի համար»¹:

Մարտի 29-ին լուր հասավ, որ Հ. Զոլոյանի և նրա ընկերների անհարկի ձերբակալության պատճառով Շատախի երիտասարդությունը զենք է վերցրել:

Հաջորդ օրը երիտասարդության նախաձեռնությամբ Հրավիրված ժողովում սուր բանավեճ ծագեց: Դաշնակցական գործիչները մեղադրվեցին Հարմարվողականության, իշխանությունների հետ գործարքի համար:

Մերժելով այդ քննադատությունը, Վոամյանն ասաց. «Դուք կը խօսիք կառավարութեան դաւադրութեան մասին: Այո, ես գիտեմ, որ օր մը իմ դիակը փոռուած պիտի մնայ Այգեստանէն քաղաք տանող ճամբուն վրայ... Գիտեմ, որ քաղաքը պաշարուած է արդէն և օր մը թնդանոթներով պիտի քանդեն այս գեղեցիկ չենքը («Աշխատանքի տունը»)... Գիտեմ, որ այս 500 ամելէները, զոր մենք խոստացեր ենք տալ առաջին իսկ առիթով դէպի անստոյդ ապագայ մը, թերեւս զեպի մահ կ'առաջնորդենք: Բայց... մենք չպիտի սկսինք... որովհետեւ մենք ապստամբներ չենք եւ ապստամբութիւնը ինքնին բաւական է ամբողջ Հայկական բարձրաւանդակը գերեզմանի վերածելու: Եւ վերջապէս, մենք համոզուած ենք, որ Հակառակ մեր բոլոր զիջումներուն ու խաղաղասիրական ձգտումներուն, օր մը աշարկու փոթորիկը պիտի պայմի մեր զլխուն: Այդ օրերը մօտեցած են»: Մի ելք կա՝ Համբերել: «Միայն վերջին րոպէին, երբ այլեւս ոչ մէկ ճամբայ կը մնայ եւ թշնամի սուրը կ'երկարի ամբողջ ազգին պարանոցին..., այն ատեն ոչ ոք պիտի մեղադրէ ձեզ, եթէ դուք ևս դիմէք ձեր առաջարկած ինքնապաշտպանութեան զէնքին...»²:

Անձնազուհի, բայց տարօրինակ տրամաբանության, պարտվողականության հավասարում, ճակատագրապաշտության, բացառված չէ նաև՝ վախկոտություն քողարկված անձնազուհության մասին խոսքերով: Դա կործանման

¹ «Վան-Վասպուրականի հերոսամարտը», Ե., 1990, էջ 20:

² «Հայրենիք» ամսագլու, 1924 թ. ապրիլ:

բանաձև էր, որի առաջին գոհերից մեկը դարձավ ինքը՝ Արշակ Վուամյանը (Թննիկ Դերձակյան):

Իսկ ամենաառաջին գոհը եղավ Իշխանը (Նիկողայոս Միքայելյան):

Զեղեթը Իշխանին խնդրեց գնալ Շատախս՝ լուծելու հայերի ու քրդերի միջն ծագած վեճը: Պատմում է ականատեսար. «Յանկարծ քրքիջի աղմուկով մը, իրար ետեւէն ներս մտան Ճեւտեթ պէյ, Վուամեան, Արամ, Իշխան: Անոնց խորհրդակցութեան եղրակացութիւնն այն եղած էր, որ Իշխանը ոստիկանութեան տնօրէն Վեֆիդ պէյի հետ յաջորդ առաւօտը Շատախս պիտի մեկնէր...»¹: Նման գործուղման նախաղեպեր Վանում եղել էին: Ավելի վաղ նույնանման խնդիրներով Բելլու էր գնացել Վուամյանը, իսկ Թիմար՝ Արամը: Այսինքն՝ Իշխանը այդ առումով կասկածելու հիմք չուներ: Իշխանն ըմբռատ ոգի էր, քաջ: Նա զեմ էր Զեղեթի հետ համազործակցելուն, առավել ևս դառնալ նրա հանձնակատարը, բայց ի շահ որդեգրած «զիջումների քաղաքականության»՝ համաձայնվեց գնալ: Մինչդեռ Զեղեթը Իշխանին ուղարկում էր սպանվելու: Նրա հանձնարարությամբ՝ ապրիլի 3-ին Շատախսի Հիրջ գյուղում Իշխանն ու նրա երեք թիկնապահները՝ Վ. Խոանյանը, Քոթոթ Պողոսն ու Մ. Տեր-Մարգարյանը սպանվում են քուրդ դավադիրների կողմից:

Զեղեթը երիտժուրքական «բարոյականության» կերտվածք էր: Նա Իշխանին նահատակելով չբավարարվեց: Հաջորդ օրը, ապրիլի 4-ին «եղբայրական ջերմ ողջույն» հղեց Ա. Վուամյանին ու Ա. Մանուկյանին և հրավիրեց լուծելու «հրատապ հարցեր»: Առաջինը գնաց Վուամյանը: Վալին ասաց, թե հանձնարարություն ունի նրան ուղարկելու Կ. Պոլիս:

Մինչև վալու մոտ գնալը Վուամյանը երկտողով այդ մասին տեղյակ է պահում Ա. Մանուկյանին, ինչը և վերջինիս փրկեց իր ընկերների ողբերգական ճակատագրին արժանանալուց: Կա նաև կարծիք, որ Արամին զգուշացրել էր Վուամյանին վալու մոտ տարած կառապանը²:

Նույն օրը մերձակա գյուղերի մի խումբ քրդեր հայ ղեկավարներին հայտնում են, որ թուրքերը ծրագրել են ապրիլի 6-ին ընդհանուր կոտորած կազմակերպել քաղաքում և գյուղերում:

Արամն հտալիայի հյուպատոսի միջոցով անմիջապես բանակցությունների մեջ է մտնում Զեղեթի հետ, Վուամյանին ազատ արձակելու և հայ-թուրքական ընդհարման առաջն առնելու համար:

Վուամյանի հարցում Զեղեթը չքմեղանում է, թե նրա ազատումը իր իրավասություններից վեր է: Նա հյուպատոսին ասաց. «Վուամեանը երեսփոխան է եւ պէտք է իր պարտականութեան գլուխն անցնի... Արամ էֆէնտին կանչեցի՝ չեկաւ եւ լաւ ըրաւ, որ չեկաւ... Այեւս զոմիթէներու հետ գործ չունիմ եւ անոնք պէտք չէ խառնուին պետութեան գործերուն»³: Նույն գիշեր նա Վուամյանին ճանապարհ հանեց:

¹ Թերգիապաշեան Ա., նշվ, աշխ., էջ 155:

² Տես «Հերոսամարտեր», Լու Անջելես, 1985, էջ 18:

³ Թերգիապաշեան Ա., նշվ, աշխ., էջ 158

Վուամյանի հետ կատարվածի մասին ԱՄՆ-ի ներկայացուցիչ Լևիս Հեսկը 1919 թ. հունվարի 21-ին գրեց, որ Վուամյանին ոչ թե ուղեկցել էին Կ. Պոլիս, այլ Բիթլիսի «սարսափելի զնդաններից մեկը, լրիվ մերկ, մարմնին բազմաթիվ վերքեր, աչքերը խամրած ու հիվանդ»։ Նրան զրկել էին սննդից։ Դրա փոխարեն ոստիկանական զորանոցի բակում հասցրել էին գավաղանի 50 հարված։ «Քթից ու բերանից արյուն էր հոսում»։

Երկու շաբաթ այդպես պահելուց հետո 50 ժանդարմների ուղեկցությամբ նրան ձեռները կապած քշեցին դեպի «Արարական կամրջի կիրճը՝ ճանապարհին անընդհատ հարվածներ հասցնելով»¹։ Նրան սպանեցին Մուֆարկինում դարանակալած քուրդ ջարդարարները Բիթլիսից Դիարբեքիր տանող ճանապարհին՝ Բաթմանսու կամրջի մոտ²։

Այս առնչությամբ Ա. Մանդելտամը նկատում է. «Կառավարությունը մի շարք անգամներ օգտագործեց Դաշնակցության կուսակցության ղեկավարներին՝ հայերին հանգստացնելու և որևէ վտանգավոր ապատամբություն թույլ չտալու համար։ Այսպես, Վուամյանին իրեւ հաշտարար միջնորդ ուղարկեց Ոստան և Բայրաք, որտեղ հայերը պաշտպանվում էին քրդերի հարձակումներից։ Ռազմածակատից վերադառնալուց հետո Զեղեթը շնորհակալություն հայտնեց Վուամյանին։

Սակայն այդ նույն Զեղեթին չխանգարեց Շատախի խոռվությունների ժամանակ սպանել տալ Իշխանին և նրան ուղեկցող հայերին... դավաճանաբար ձերբակալել Վուամյանին և ալլոց...»³։

Վանի հայության ղեկավարների ոչնչացումը մի նպատակ էր հետապնդում՝ հեշտացնել վիլայեթի հայերի բնաջնջման գործը։ Այդ ողբերգական իրադարձությունները ակնհայտ դարձեցին, որ փրկվելու միակ հնարավորությունն ինքնապաշտպանությունն էր։ Ապրիլի 5-ին Այգեստանի երիտասարդությունը մտավ դիրքեր։

Շոյբներ Ռիխտերը 1915-ի մայիսի 15-ին տեղեկացրեց, որ Վանի «խոռվությունների արտաքին դրդապատճառը... մի քանի ականավոր հայերի, հատկապես Իշխանի և երեսփոխան Վուամյանի, որոնք հայերի շրջանում հարգանք էին վայելում, ձերբակալությունն ու սպանությունն է...»։ Դա հայերի հանդեպ թուրքերի սխալ քաղաքականության հետևանք է։

Արտակ Դարբինյանը նկատում է, որ Վանում հասունացող իրադարձությունների պայմաններում թե՛ Արամ Մանուկյանը և թե՛ Վուամյանը «...շատ ջանք էին թափում, որ ինչ-որ չափով գոհացում տային կառավարության պահանջին»⁴։

Սակայն այդ չխանգարեց, որ Իշխանից հետո Արամն ու Վուամյանը դառնային Զեղեթի թիրախը։

¹ US National Archives Record Group. 256, 867, 4016/3.

² FO AA Botschaft Konstantinopel K-168, № 9 (3224).

³ Յարևանդ, նշվ. աշխ., շ. 26-28.

⁴ Դարբինյան Ա., Հայ աղատագրական շարժման օրերէն, Փարիզ, 1947, էջ 260։

Վանի հայությունը իմանալով, թե թուրքական իշխանություններն ինչպիսի հաշվեհարդարի էին ենթարկում զյուղաբնակ հայերին և տեսնելով, թե որքան է կոշտացել վերաբերմունքն իրենց հանդեպ, հասկացան, որ փրկության մի հնարավորություն կա՝ կոիվ, ինքնապաշտպանություն: Բայց նաև չէին ուզում այրել բոլոր կամուրջները: Ապրիլի 4-ին Արամի նախաձեռնությամբ գումարվում է հայերի խառը (ոչ կուսակցական) ժողով, որը որոշում է ևս մի փորձ անել բախումը կանխելու համար՝ դիմել վալուն և փորձել ցրելու առճակատման մթնոլորտը: Ժողովականների խնդրանքով միջնորդի առաքելությունն իրենց վրա վերցրեցին ամերիկյան միախոներներ Յարսունն ու Ըշըրը:

Զեղեթը համաձայնեց ընդունել հայերի պատվիրակությանը: Բայց դա արդեն նախկին սիրալիր Զեղեթը չէր: Նա ոչ թե լսեց հայերին, այլ աշխատեց սպառնալիքներ տեղալով նրանց ահարեեկել: Պահանջեց, որպեսզի 24 ժամվաընթացքում հայերը հանձնեն բոլոր զենքերը, այլապես Այգեստանում «քարը քարի վրա չի թողնի»: Նա իր պահանջները համատեղում էր հայերի հասցեին լցիրչ արտահայտություններով: Վերջում հոխորտաց. թե եթե հայերը դիմադրեն՝ «քաղաքն ամբողջությամբ կկործանեմ՝ չթողնելով ծնկիցս բարձր ոչ մի երեխա»¹:

Ըշըրը հայերին խորհուրդ տվեց. «Ձեզի կը մնայ պաշտպանել ձեր կեանքը, վասն զի ամեն յոյս վերջացած է...»²:

Ընդհանուր վտանգը միավորեց հայերին, հետին պլան մղեց կուսակցական, դավանաբանական և այլ հակասությունները:

«Կուսակցական խնդիրը, - պատմում է իրադարձությունների մասնակիցը, - կոռի ամբողջ ընթացքին վերացուած էր մեր միջն: Միեւնոյն ազգին զաւակներն էինք բոլորս եւ միեւնոյն ճակատագրին մատնուած եւ կենաց ու մահուան պայքարն էր մերինը, պէտք է կա'մ միասին ապրեինք եւ կա'մ միասին մեռնէինք»³:

Վանի ինքնապաշտպանության հաջողության գլխավոր գրավականներից մեկը հենց այն էր, որ քաղաքի ամբողջ հայությունը, անկախ կուսակցական պատկանելությունից, դավանանքից, սոցիալական վիճակից, համոզված էր, որ փրկության ուրիշ ելք չկար, բացի ինքնապաշտպանությունից:

Հայերի և թուրքերի միջև հարաբերությունները գնալով սրվում էին և ի վերջո դադարեցին: Բախումն անխուսափելի էր: Հայերի կողմից դեռևս մարտական բնույթի որևէ շարժում չկար, երբ թուրքերն սկսեցին խրամատներ կառուցել ու զորքեր տեղաբաշխել:

Զեղեթը ուազմական ուժեր է տեղադրում Այգեստանի կողքով հոսող Ուրբաթ առվի ափին եղած խրամատներում: Նա հոխորտաց, թե հայերը խոռվություն են բարձրացրել և ինքը ամեն եղանակով ճնշելու է այն: «Եթե

¹ Knar C., *The Mission at Van in Turkey in War Time*. New York, 1915, p. 16. նաև տես Երամեան Հ., Յուշարձան Վան-Վասպուրականի, Հ. 1, Աղեքսանդրիա, 1929, էջ 324:

² Արամ..., էջ 76:

³ Կէորկիզեան Ա., Վասպուրականի հերոսամարտը, Պէյրութ, 1965, էջ 6:

ապստամբները,- Հայտարարեց վալին,- բաց թողնեն թեկուզ մեկ գնդակ, բոլոր քրիստոնյաներին՝ տղամարդ, կին, թե երեխա, ոչնչացնելու եմ»: Թուրքերը հայկական թաղերը շրջափակեցին:

Ամերիկյան քաղաքացիներին պաշտպանելու պատրվակով նա փորձեց զորք մտցնել Այգեստան: Հայերը թույլ չտվեցին: Նա միաժամանակ իրականացնում էր բոնի գորահավաք և այդ անում էր այլանդակ եղանակներով՝ նպատակ ունենալով սաղրիչ գործողություններով Հայերին մղել ապստամբության և զա պատրվակ դարձնել կոտորածների համար:

Հայերն, իսկապես, միանգամայն հակառակ դիրքորոշումն ունեին, սակայն հակամարտությունը խաղաղ միջոցներով լուծելու նրանց ջանքերը թուրքերը ձախողեցին:

Եվ դեռ մինչև ուազմական գործողությունների սկսվելը Վանի հայությունը հոչակվեց ապստամբ: Մինչդեռ Հայերը պաշտպանական միջոցառումներ սկսեցին իրականացնել միայն այն բանից հետո, երբ ակնհայտ դարձավ, որ բախումն անխուսափելի էր:

Ապրիլի 5-ին Վանում գավառից նամակ է ստացվում, որ պատմում էր Իշխանի սպանության և սկսված կոտորածների մասին: Այլս պարզ էր՝ անգամ կարծեցյալ խաղաղությունը փրկելն էր անհնար: Ապրիլի 6-ին կապը խզվեց ոչ միայն Վանի ու գյուղերի, այլև Քաղաքամեջի ու Այգեստանի միջև:

Հայերը սկսեցին պատրաստվել մարտական գործողությունների:

Ապրիլի 5-ին ստեղծվեց Վասպուրականի հայ ինքնապաշտպանության Զինվորական մարմին, որին տրվեցին անսահմանափակ լիազորություններ վելայեթի հայության ինքնապաշտպանությունը կազմակերպելու համար: Այդ բարձրագույն մարմնի մեջ մտան Արմենակ Եկարյանը, Բուլղարացի Գրիգոր և Կայծակ Առաքելը:

Մինչև ապրիլի 10-ը ձեսվորվեցին նաև օժանդակ և տնտեսական խնդիրների լուծմանը կոչված մարմիններ՝ Հայթայթիչ, Պարենավորման, Կարմիր խաչի, զենքերի հավաքման խմբեր, ինչպես նաև Տեղեկատու դիվան (ղեկ. Հմ. Մանուկյան), Զինաբաշխ մարմին (ղեկ. Դ. Փափազյան), հաշվառման խումբ: Ձեսվորվեցին նաև Կանանց միությունը, Ոստիկանական վարչությունը, Քաղաքապետարանը, Դատարանը:

Վանի ինքնապաշտպանության իրական ու ամբողջական դեկավարն ու ոգին Արամ Մանուկյանն էր:

Ի դեպ, Զինվորական մարմնի կազմի մասին տարրեր տվյալներ կան: Վկայվում է նաև, որ Ա. Մանուկյանը նույնպես այդ կառուցյի անդամ էր: Զինվորական մարմնի անդամների թշում նշվում են նաև Գաբրիել Սեմերջյանը, Հրանտ Գալիկյանը և Փանոս Թերլեմեզյանը:

Զինվորական մարմնի ղեկավար Ա. Եկարյանը նրա անդրանիկ նիստում ասաց. «Վանը առաջին անգամը չէ, որ ցոյց պիտի տայ իւր Համերաշխ ոգին, երբ գործ ունի ընդհանուր թշնամիին հետ... Այս անգամ ալ պիտի տանինք այս կոիւր միեւնոյն համերաշխ ոգով... Մեր ուղելով չէ, որ պիտի կոուինք, ան մեղ պարտադրուեցաւ: Երկու ճամփայ ունինք... կա՞մ դլուխ ծոել բռնաւորին առջեւ

եւ բնաջնջուիլ անպատիւ մահով եւ կա'մ անվեհեր ու բաց ճակատ դուրս գալ անոր առջեւ...»¹:

Իրար դեմ կանգնած էին երկու ուժեր, որոնցից թուրքերը մտնում էին Հայությանը բնաջնջելու խնդիրը լուծող պատերազմ, իսկ Հայերը պայքարում էին գոյատևման համար:

Զեղեթը մարդումի և սպառագինության նորանոր համալրումներ էր ստանում, մասնավորապես ստացավ գերմանական նորագույն մակնիշի թնդանոթներ, թուրքական թաղերից մինչև Հայկական դիրքերը խրամատներ փորել տվեց:

Այգեստանը բաժանվեց հինգ ռազմական գոտիների, յուրաքանչյուրն ուներ իր հրամանատարն ու կովող ուժը: Կովում էր 73 դիրք՝ 1053 մարտիկներով:

Առաջին գոտին ամենաերկարն էր, ձգվում էր Թութունջյանների թաղամասից մինչև Արարուց հրապարակ և ապա մինչև Հաջի Բերիրի զորանոց: Այդ գոտու մեջ էին մտնում արևմտյան ճակատի կեսը, հարավային թևն ու հարավարեւյան ճակատի զգալի մասը: Գոտու հրամանատարությունը հանձնվեց Ն. Նալբանդյանին: Գոտին ուներ 20 դիրք, 209 զինվոր, 127 հրացան, 109 մաուզեր և 26039 փամփուշտ: Շուտով այս գոտին կիսվեց և Դարդանելի շրջանը հանձնվեց Ա. Պարսամյանին:

Երկրորդ գոտին ձգվում էր Ավոյի ձորից և հասնում թաղա-թաղիզի ծայրը և զբաղեցնում էր հարավարեւյան ճակատը: Հրամանատարն էր Ռ. Խաչատրյանը: Ուներ 14 դիրք, 252 զինվոր, 143 հրացան, 128 մաուզեր, 28536 փամփուշտ:

Երրորդ գոտին ձգվում էր Շան թաղից մինչև Զավուշ Բաշին և զբաղեցնում էր Հյուսիսային և Հյուսիսարեւյան ճակատը: Հրամանատարն էր Հ. Մանուկյանը: Ուներ 10 դիրք, 114 զինվոր, 40 հրացան, 55 մաուզեր, 10012 փամփուշտ:

Չորրորդ գոտին ձգվում էր Պողպատի դարից մինչև Խաչ-փողանը և զբաղեցնում էր Հյուսիսային ճակատը: Հրամանատարն էր Մ. Էյնաթանյանը: Ուներ 13 դիրք, 215 զինվոր, 89 հրացան, 119 մաուզեր, 25117 փամփուշտ:

Հինգերորդ գոտին ձգվում էր Խաչ-փողանից մինչև Թութունջյանների թաղամասը և զբաղեցնում էր արևմտյան ճակատի մեծ մասը: Հրամանատարն էր Փ. Ժամհարյանը: Ուներ 16 դիրք, 263 զինվոր, 106 հրացան, 138 մաուզեր, 24229 փամփուշտ:

Այսպիսով, Այգեստանն ուներ 5 գոտի (շրջան), 11 հրամանատար (շրջանապետ), 1053 զինվոր, 505 հրացան՝ 74824 փամփուշտ, 549 մաուզեր՝ 39089 փամփուշտ: 40 հոգանոց մի խումբ 40 հրազենով ու 6000 փամփուշտով գործում էր անմիջապես Ա. Մանուկյանի հրամանատարության տակ:

Հայկական այս փոքրաթիվ ուժերի դեմ Զեղեթն ուներ 6000 կանոնավոր զորք, 12 լեռնային և ծանր թնդանոթ, տասնյակ հազարավոր քուրդ և թուրք ամբոխ: Միայն ապրիլի 7-ին գիշերը թուրքերը սպառեցին ավելի քան մեկ միլիոն փամփուշտ: Զեղեթը Այգեստանի հարավային ճակատի դեմ Հաջի Բերիրի բարձրադիր զորանոցներում տեղադրել էր 500 զինվոր և 4 թնդանոթ,

¹ Կէորկիզեան Ա., նշվ. աշխ., էջ 93:

կառուցել խրամատներ, որոնք ձգվում էին մինչև Ուրբաթ առվի բլուրները և վտանգում Շուշանցին: Կլոր Դարի և Արարուց աղբյուրի մերձակա թաղի հայերի և թուրքերի դատարկված տներում զորքեր էին տեղադրված: Արևմուտքից թուրքերի դիրքերը հասնում էին մինչև հայերի պաշտպանության գիծը: Այստեղ դրված էր 3 թնդանոթ: Նույն դրությունն էր նաև մյուս մասերում: Այգեստանը շրջափակված էր, բացի մեկ կետից, որտեղ ամերիկյան և գերմանական միախոներների շենքերն էին: Զեղեթը փորձեց այդ հիմնարկների պաշտպանության պատրվակով դրանց շենքերում նույնպես զորքեր տեղադրել, բայց միախոներները թույլ չտվեցին: Դա այգեստանցիներին հնարավորություն էր ընձեռում կապ ունենալ Շուշանցի, Վարագի և քաղաքի արվարձանների հետ: Դրա փոխարեն թուրքական հրամանատարությունը Համմուդ աղայի զորանոցում ու շենքերում, որոնք հայկական թաղերի սրտում էին գտնվում, 200 մարդկան չեթեներ տեղավորեց: Հայերին լուրջ վտանգ էր սպառնում նաև Թոփրաք-Կալեի կողմից:

Հայերի հանդեպ թուրքերի ուղմական մեծ գերակշռությունը ակնհայտ էր բոլոր առումներով: Այդ գերակշռությունները կարելի է խմբավորել հետևյալ կերպ: Թուրքերն ունեին ըստ պահանջի զինամթերք և սննդամթերք, ինչպես նաև ցամաքային և ջրային կապ դրսի հետ, ինչը հնարավորություն էր տալիս ստանալ թե՝ մարդկային ուժի և թե՝ սպառազինության և սննդամթերքի համարումներ: Հայերը փամփուշտները համբերով էին օգտագործում, մշտապես սննդամթերքի սուր կարիք կար, Շուշանցի անկումից հետո նրանք լրիվ շրջափակվեցին:

Հայ կովողները արհեստավորներ էին, խանութպաններ, մտավորականներ, պաշտոնատարներ, հողատերեր, քաղաք լցված զյուղացիներ: Ընդ որում, քաղաքում կար 18.000 մահեղական բնակչություն: Զեղեթի տրամադրության տակ էին նաև 6000 զինվոր ու սպա, 5000-6000 համբեականներ և չեթեներ, 125 լեռնային ծանր թնդանոթ, նավահանգիստ ու նավատորմ: Հայերն ունեին 800 զինվոր, որոնց միայն կեսը հրացան ուներ, մյուսները կովում էին մասուցերներով¹: Մի քանի օր անց, ի հաշիվ քաղաք եկած զյուղացիների, հայ կովողների թիվը դարձավ 1053, որոնք ունեին 505 հրացան և 549 մասուցեր²:

Այդ նույն ժամանակ քաղաքում հայերի թիվը հասել էր 70.000-ի, որոնցից 40.000-ը «մերկ ու անօթի փախստականներ» էին³:

Հստ Ռաֆայել Նողալեսի, որը ծառայում էր օամանյան բանակում, Վանում թուրքական զորքերի թիվը հասնում էր 12.000-ի⁴: Հրաչ Տասնապետյանը նշում է, որ սկզբում Վանի հայկական թաղերը պաշարել էր 6.000, ապա 10.000 զորք, իսկ հայերն ունեին 800 կովող, որից 400-ի ձեռքին նոր մակնիշի հրացաններ էին:

¹ Միկիթարեան Օ., Վանի հերոսամարտը, Սովիա, 1930, էջ 65:

² «Վասպուրական: Վան-Վասպուրականի ապրիլեան հերոսամարտի 15-ամեակին առթիւ», էջ 30:

³ Երամեան Հ., նշվ. աշխ., Հ. Բ., էջ 324:

⁴ Nogales R., Memoirs of Soldier of Fortune. New York, 1932, p. 271.

Պրոֆեսոր Ա. Համբարյանի տվյալներով, երբ Թիմարի, Հայոց ձորի և մյուս գավառների զյուղացիները լցվեցին Վան, հայ մարտիկների թիվը հասավ 1053-ի 505 մարտական հրացանով¹:

Թուրքերն ամեն օր Այգեստանի վրա նետում էին շուրջ 300 արկ ու ոռոմբ:

Այդ ընթացքում շարունակվում էր Վասպուրականի հայության ջարդը: Ապրիլի 13-ի երեք օրում կոտորվեց 24.000 հայ:

Հասկանալով, որ վալու միջոցով դրությունը փրկելու ջանքերը դատապարտված էին, Զինվորական մարմինը փորձեց ինչ-որ համաձայնության հասնել շրջանցելով նրան: Ապրիլի 5-ին տարածվեց մահմեղականներին ուղղված կոչ. «Արիւնառուշտ առնառութ կուսակալ մը երկիրը պատերազմի աղէտներուն ենթարկելէ եւ անմիտ յարձակումներով մեր մօտաւորապէս 16.000 հայ զինուորներու արիւնը զուր տեղը հոսեցնելէ ետք, այսօր կ'ուզէ այդ անզգամութիւնը ծածկել վանեցիներու արեան մէջ: Ասոր համար է, ահա, որ սահմանին վրայ գտնուող զինուորները քաշելով՝ տեղւոյս անմեղ ժողովուրդը ոչնչացնել կ'ուզէ:

Խորհեցէ՞ք, թէ ինչպէս ինքը կ'ըսէ. «անիկայ այս երկրի մէջ ձի մը ունի միայն»: Հետևաբար անիկայ երկու ազգերուն արիւնը հոսեցնելէ ետք, իր ձին հեծնելով՝ երկրէն դուրս կ'ելլէ ու փախչելով երկիրն ու, մանաւանդ ձեզ, սահմանն անցնող թշնամիներուն ձեռքը պիտի յանձնէ: Գիտէք, որ այս կուսակալը ծառէն ճիւղ մը կտրելու համար կացինը արմատին կը զարնէ... Եթէ լսէք կուսակալին, երկու ազգերու միջեւ ահարկու անդունդ բանալուն օգնած կ'ըլլաք: Ուստի զանց առէք ձեւտեթ պէյի գործակալներու քարոզները, մի՛ իյնաք անոր լարած թակարդը: Եղեր են ժամանակներ, որ մենք ենք օգներ ձեզ, այժմ դուք, զոնէ ձեր չէզոքութեամբ օժանդակէք մեղ»²:

Նույն օրը կոչեր հզկեցին նաև հայ բնակչությանը. «Մեր համար թշնամիի անհանդուրմելի պահանջներուն տեղի տալը անկարելի ըլլալով եւ մանաւանդ դառը փաստերով համոզուած ըլլալով, որ ան իւր հայաջննջ դիւային ծրագիրը անպայման իրագործել կ'ուզէ, ուստի հակառակ մեր խաղաղասիրական ջանքերուն եւ զգացումներուն, պարտաւորուեցանք ակամայ կոուի ասպարէզ դուրս գալ պաշտպանելու համար մեր ազգային գոյութիւնը, չխնայելով մեր արեան վերջին կամիլը»³: Եվ ապա. «... եթէ երկրի փրկութեան եւ երջանկութեան փափաքող էք, անմիջապէս սկսիք գործիլ: Ըսէք ձեւտեթ պէյին, թէ տեղէ մը կառավարութիւնը կրնայ վերացուիլ, բայց ազգերը մնայուն կը մնան: Ըսէ՞ք, թէ երկու ազգեր պէտք չէ իրար զարկել տալ: Ըսէ՞ք, դուք հիւր եք, իսկ մենք ընդմիշտ աս երկրին մէջ պիտի ապրինք, հետեւաբար, պահանջեցէք, որ նա այս երկրէն ելլէ երթայ, պաշարումը վերցնէ եւ գաւառներու մեջ տեղի ունեցող դէպքերուն անմիջապէս վերջ տայ: Հակառակ պարագային գործը իւր ելքին պիտի յանզի եւ վախճանը աղէտալի պիտի ըլլայ»⁴:

¹ «1915. Հայոց ցեղասպանության պատմության և պատմագրության հարցեր»: Տե՛ս Համբարյան Ա., Վանի 1915 թ. հերոսամարտը, Եր., 1995:

² Մխիթարեան Օ., նշվ. աշխ., էջ 71, 241-242:

³ Նույն տեղում, էջ 54:

⁴ «Յուշամատեան Մեծ Եղեռնի. 1915-1965», Պէյրութ, 1965, էջ 733:

Ապրիլի 6-ին կայացավ հայ Զինյալ ուժերի ղեկավարների խորհրդակցություն: Բուլղարացի Գրիգորն ասաց. «Մեր առջեւ կանգնած է թշնամին, որն անհամեմատ ուժեղ է մեզնից, բայց նրան պակասում է այն բարոյական ուժը, որ մենք ունենք, դա մեր մեռնելու պատրաստակամութիւնն է: Մեզ համար... այս կոիւր մէկ նշանաբան պիտի ունենայ՝ մեռնել միայն մեր դիրքերու վրայ»¹:

Հայերի բարոյական առավելության հսկայական նշանակությունը կովի ընթացքի վրա նշում են շատերը:

Այսպիսով, ինչպես գրում է Փ. Թերլեմեզյանը. «Վանի հայութիւնը... համոզուեց, որ թուրք կառավարութիւնը որոշել է ամբողջովին բնաշնչել մեր ցեղը: Ուրեմն կոուիլն անխուսափելի դարձաւ»: Վանեցին «չուզեց իր վիզը դնել թուրքական եաթաղանի տակ եւ վճռեց կոուել: Որովհետեւ հերոսական կյանքը թէ՛ պարտաւոր եւ թէ՛ պարտավորիչ էր»: I Հերոսամարտը «ժողովրդական պատերազմ էր». այլ ոչ թէ որևէ կուսակցության գործ: «... Ամենքն իրենց բաժին աշխատանքն ունեցան եւ ուս-ուսի կովեցան»²:

Ապրիլի 6-ին մի խումբ թուրք զինվորներ բռնեցին Շուշանց գյուղից քաղաք մտած մի քանի հայ կանանց: Երկու հայ մարտիկներ խրամատներից բարձրացան այդ կանանց օգնելու համար, բայց անմիջապես գնդակահար ընկան: Դա ազդանշանի նշանակություն ունեցավ:

Փ. Թերլեմեզյանը հաստատում է կովի սկսվելու նշված իրողությունը: Նա գտնում է. «Հայ մարտիկներից երկուսը՝ Եղյանը և Թյուրդյանը տեսնելով, որ թուրքերը փորձում են բռնաբարել Շուշանցի կանանց, ատրճանակը ձեռքերում դուրս թռան մարտական տնակից, բայց անմիջապես սպանվեցին»: Այդ տեղի ունեցավ զերմանական որբանոցի դիմաց: Միսիոներուհի Սպերին թուրքական հրամանատարին հասցեագրված նամակում գրում է. «Սեփական աշքերով տեսա, որ առաջինը դուք սկսեցիք և պահպանջում եմ, որ դուք էլ առաջինը կոիվը կանգնեցնեք...»³: «Այդպէս սկսուեց Վանի դիւցազնական կոիւր»⁴:

Նախորդ օրը մարտական խմբերին բաժանվել էին Զինվորական մարմնի հրահանգները մարտեր վարելու և զինվորական կարգապահության վերաբերյալ: Գիշերը բոլոր խմբապետները ժողովի հավաքվեցին և ստացան վերջին հրահանգներն ու մաղթանգները:

Թուրքերի արձակած գնդակին հետևեցին համընդհանուր կրակահերթեր: Թշնամու թնդանոթները գործի անցան ամրող հզորությամբ: Այգեստանը գնդակոծվում էր սկսած Խաչ-փողանից մինչև Հակոյսներ: Հայերը պատասխանում են իրենց ունեցած զինամիջոցներով: Հրապարակում հայտնվում է վարժապետանոցի «Շեփոր» նվազախումբը, հնչում է «Մեր հայրենիքը»:

Հայերը մարտնչում էին խելահեղ: Գիտակցարար, թե ենթագիտակցարար համականում էին, որ Վանում թուրքական իշխանություններն ու բանակն իրենց վերջին օրերն էին ապրում, որ ուսական բանակի գալուն երկար չեն սպասե-

¹ «Վասպուրական...», էջ 34:

² ՀԱԱ, ֆ. 30, գ. 423, թ. 412:

³ «Армянский вестник», 1916 г., № 18.

⁴ ՀԱԱ, ֆ. 30, գ. 423, թ. 404:

լու: Եվ վանեցիներն այդ սարսափելի ամիսը վերածեցին հայ ժողովրդի պատմության ամենահերոսական էջերից մեկի:

Դոկտոր Հշըրը գրեց, թե վանահայերի վարքագիծը պատիվ կրերեր յուրաքանչյուր ժողովրդի, իսկ այն, ինչ արեցին թուրքերը՝ սազում է քինախնդիր վախկոտներին: Թուրքերի փախչելուց հետո ուստաները հավաքեցին ու այրեցին հայերի 55.000 դիմակ:

Վանում «Հեղափոխության» մասին պատմությունը, գրում է Բարբին, ես չարադրեցի ոչ միայն որովհետև այն մի ամբողջ ժողովրդի վերացնելու փորձի առաջին էտապն էր, այլ նաև նրա համար, որ այդ կոփները մշտապես թուրքերի կողմից վկայակոչվում են իրենց գաղանություններն արդարացնելու համար: Թալեաթը, էնվերը և մյուսները մշտապես Վանի «Հեղափոխութիւնը» ներկայացնում են որպես հայկական ուխտադրժության օրինակ: Մինչդեռ այդ «Հեղափոխությունն այլ բան չէր, եթե ոչ հայերի վճռականությունը՝ փրկելու իրենց կանանց պատիվը, իրենց սեփական կյանքը, և դա այն բանից հետո, եթե թուրքերը ոչնչացնելով վանեցիներին հարևան հայերին, հասկացրեցին, թե ինչ է սպասում նաև նրանց:

Վանում Խոտալիայի հյուպատոս Գ. Սրորդոն պատմում է. «Ապրիլի 1-ին շաբաթ օրը, հայկական թաղամասերը հանկարծակի շրջապատվեցին զորքերով ու թնդանոթներով: Կիրակին ու երկուշաբթին անցան վալու հետ իմ անարդյունք բանակցություններով: Երեքշաբթի, մի քանի հայի սպանության հետեանքով, որոնք պաշտպանել էին քրիստոնյա գաղթական աղջկան, որին բռնել էին թուրք զինվորները, հուզումները համընդհանուր են դառնում: Բոլոր զորանոցներից զինվորներ են զուրս գալիս ու կրակ բացում բնակչության վրա: Սկսվում է ոմբակոծությունը»:

Կառավարության տրամադրության տակ կար 12 թնդանոթ և վիթխարի քանակությամբ ուազմամթերք, 6000 զինվոր (թուրք, քուրդ, չեռքեղ), հինգ զորանոց, լճում նավահանգիստ, ոչ մեծ շոգենավ և շատ առագաստանավեր:

«... Հայերը թնդանօթ չունեին, իսկ մարտիկներ ունեին՝ 100-120 հոգի Քաղաքում և 1500 հոգի Այգեստանում... Թուրքերի համար շրջապատման ամբողջ գործողությունը հանգում էր օր ու գիշեր Քաղաքամէջը եւ Այգեստանը գնդակոծելուն, նաեւ հայերի տները հրդեհելուն... եւ հայերի դիրքերը գրաւելուն»¹:

Թերլեմեզյանը նույնպես հետաքրքիր է գնահատում կովող կողմերի ուժերի փոխարարերությունը: «Թուրքերն ունեին 6-8 հազ. զինվոր, 13 թնդանոթ և հակայական քանակությամբ ուազմամթերք: Մեր առավելությունն էր անսահման հավատն ու ցանկությունը ապրելու և շարունակելու մեր նախնիների ժառանգած մշակութային, ստեղծագործական աշխատանքը»²:

Ապրիլի 7-ի առավոտյան մարտերն սկսվեցին բոլոր դիրքերում: Թշնամին նորից գործի դրեց թնդանոթները, որոնց ոմբակոծություններից ավերվում էին հայերի դիրքերը, նրանց տներն ու այգիները: «Անհնարին է փողոցով անցնիլ:

¹ Պարպի Հ., Սարսափի երկրին մէջ. Նահատակ հայաստան, Կ. Պոլիս, 1919, էջ 148-149:

² "Армянский вестник", 1916 г., № 18.

Ամեն քայլափոխը կապուած է մեծ վտանգի մը հետ: Ոչ միայն հրացանի գնդակները կը սողան անվերջ, այլեւ թնդանօթներու հարուածները որոտալով կը պայթին բարդիներու գլխուն ու կը ցրուին փողոցի երկայնքի ու լայնքի վրայ»¹: Շատ տեղերում գնդակների կարկուտ էր տեղում, ամենուրեք ծուխ էր, վառողի հոտ: Բայց Հայկական դիրքերը մնում էին կանգուն, Հայերը կովում էին աներեր, Հակահարված տալիս առաջանալու թշնամու փորձերին:

Կոփվը շարունակվեց մինչև օրվա երկրորդ կեսը: Փ. Թերլեմեզյանը «Արմահակ»-ի 1916 թ., թիվ 18-ում գրեց, որ Վանի ինքնապաշտպանությունն սկսվեց ապրիլի 7-ին: Դա սկսվեց, որովհետև «վերջին ամիսների ծանր իրադարձությունները լցրեցին Համբերության բաժակը»: Հայերն այլս չէին ուղում իրենց որդիներին Հանձնել դահիճ կառավարության ձեռքը, որովհետև իմացան, որ «ճամբարներում նրանց մի մասը գնդակահարվել էր»:

Հայերի անձնազոհությունն արտահայտվում էր Հաղթանակի կերտման գործում առավել ներդրում ունենալու նրանց բուռն ձգտման մեջ: Այգեստանի տներն ու ցանկապատերը հողաշեն չէին, բայց չէին դիմանում ականների Հարվածներին: Վիճակը փրկում էին անձնազոհ քարագործներն ու գյուղացիները, որոնք քանդված պատերը նույն օրը վերականգնում էին «կովելու Համար բոլոր Հարմարություններով»: Վանեցի վարպետները բազմաթիվ ստորգետնյա անցուղիներ փորեցին թշնամու դիրքերի կամ շինությունների տակ՝ դրանք գրավելու կամ հրդեւելու համար: Հայկական դիրքերի շուրջ գյուղացիների փորած ամրաշերտը Հայերին պաշտպանում էր ոմբակոծություններից: «Մեզանում, - շարունակում է Փ. Թերլեմեզյանը, - շատ գիտակից, կենսախինդ անձինք սպասում էին իրենց հերթին՝ զոհված մարտիկի տեղը զբաղեցնելու, իսկ թշնամին իր զինվորներին ճիպուտի Հարվածներով էր Հարկադրում մարտի գնալ կամ բորբոքում էր կրոնական մոլեռանդությունը»:

«Շեփոր» նվազախումբը վաղ առավոտից մինչև ուշ գիշեր դիրքերում էր: «Անզամ մեր Հինգ տարեկան երեխաներն էին աշխատում», նրանք հավաքում էին թշնամու զորածած գնդակները և Հարմարեցնում մեր զենքերին: Թշնամու արձակած ամեն մի ոռոմքից Հայերն ստանում էին 5-7 ֆունտ վառող: Բեռնակիր Մուկուչն իր տան միակ անկողինը տարավ խրամատներ, որպեսզի մարտիկները չմրսեին:

Վանի հերոսամարտի մասնակից Ա. Փոխարյանը Հայերի «թիկունքի» աշխատանքը ներկայացնում է հետևյալ կերպ: Կովողների սննդի, կոչիկի և մյուս կարիքները հոգալու համար ստեղծվեց «Հայթայթիչ» Հանձնախումբը, որը ոչ միայն հոգաց կովողների, այլև Այգեստան լցված Հազարավոր սովալլուկ ժողովրդի, կոտորածից ճողովրած կանանց ու երեխաների կարիքները: «Հայթայթիչն» իր տրամադրության տակ ուներ ջրաղաց, փոեր, սպանդանոց, խոհանոցներ և այլն: «Հայկական Կարմիր խաչը» մատակարարում էր գեղորայք, վիրաբուժական գործիքներ, Հիվանդանոցը ապահովում մահակալներով, շտապ օգնության հասնում ճակատում վիրավորվածներին: «Վասպուրականի

¹ Մխիթարեան Օ., նշվ. աշխ., էջ 72-73:

Հայ կանանց միությունն» իր գործունեությունն ամբողջովին ենթարկեց ինք-նապաշտպանությանը, որի մասնակիցներին էին ծառայում նրա արհես-տանոցները (կարուձնի), հավաքած նվիրատվությունները:

Կազմակերպվեց նաև «Ամրաշեն խումբ», որի կազմում աշխատում էին շուրջ 500 արհեստավորներ, որոնք կովի ամենավտանգավոր տեղամասերում էին, ու բահու ու բրիչով վերականգնում էին արկերի գործած ավերածությունները: Նրանք Այգեստանը շրջափակեցին խրամատներով, շինեցին թունելներ և հաղորդակցության ստորգետնյա ուղիներ: Ստեղծվեց նաև հրկիզող ու պայ-թեցնող սարք՝ «Թուլումբա»:

Հայերը ցուցաբերում էին նաև անձնական հերոսության փայլուն օրինակ-ներ:

Իննը հոգանոց մի խումբ 8 օր շարունակ հետ մղեց թշնամու մեծաթիվ ուժերի կատաղի գրուները: Թշնամին մեծ կորուստներ էր ունենում հայ հրա-ձահարի նշանառու կրակից: Հայերը թափանցում էին թշնամու ճակատային գիծ ու թիկունքը և հրկիզում ու ավերածություններ գործում: Ինքնապաշտ-պանության շահերին էր ենթարկված ամեն ինչ, վերջին ունեցվածքը:

Փանոսի արհեստանոցը օրվա ընթացքում արտադրում էր 2000 փամ-փուշտ: Ոսկերիչներն ու փորագրիչները վառող էին պատրաստում: Այգեստանի ջրաղացները մնացել էին թշնամու ձեռքը, հարկ եղավ շտապ վերանորոգել լքվածները և կառուցել նորերը:

Կանայք զբաղվում էին հագուստ ապահովելով՝ կարկատում էին հները, կարում նորերը, սնունդ պատրաստում ու կրակի տեղատարափի տակ հասց-նում կովողներին: Մի քանի կանայք զբաղվում էին նաև հետախուզությամբ, անցնում թշնամու թիկունքը և արժեքավոր տեղեկություններ բերում: Նրան-ցից 19-ամյա Խսկուհի Համբարձումյանը (Սևո) նույնպես պարզեցատրվեց Զին-վորական մարմնի «Պատվո խաչ» շքանշանով: Պատանիներն ու երեխաները վնասազերծում էին թշնամու արձակած ոռումբերը և տալիս զինագործներին՝ դրանց վառողը օգտագործելու համար, հրկիզում էին թշնամու դիրքերը և շի-նությունները: 14 տարեկան Արամը հրկիզեց ֆրանսիական հյուպատոսարանը, որտեղ դիրքավորված էին թուրքերը:

Ուսուցիչ Հ. Մկրտչյան-Գյուլօղյանի ստեղծած «Քանքար (Շեփոր)» նվա-գախումբը, որը ոգևորում, բարձրացնում էր կովողների մարտական ոգին, այնքան էր անհանգստացրել Ձեղեթին, որ նա պոռթկաց. «Նրանք իրենց երաժշտությունով ինձ կիսելագարացնեն»:

Գյուղերից հայերի հոսքը քաղաք շարունակվում էր. գալիս էին Շահբաղից, Արձակից, Խառակոնիսից, Կուռուպաշից և այլ գյուղերից: Քաղաքում գյուղա-ցիների թիվը հասավ 40.000-ի, ինչը պարենավորման լրացուցիչ դժվարու-թյուններ ստեղծեց: Փախստականների հանդեպ հոգատարությունն ու նրանց ուժերի օգտագործումը կենսական, բախտորոշ խնդիր էր: Ա. Մանուկյանը փայ-լուն լուծեց այդ խնդիրը. Նրանց երեխաներին, ծերերին, ինչպես նաև հիվանդ-ներին տեղավորեցին ուներում: Կազմակերպվեցին գաղթականական խոշոր ապաստարաններ օրիորդաց դպրոցում և բարեխրականի մանկապար-տեղում: Գյուղացիների մի մասը կովի մեջ մտավ Այգեստանի դիրքերում,

մյուսներից ձևավորվեց ամրաշինական երկու բրիգադ¹:

Մարդկանց մի խումբ էլ զբաղված էր ածուխ և ծխավոր վառող ստանալով, զենքեր վերանորոգելով և պատրաստելով: Մ. Գարիամանյանն ու Ա. Պոռողանձյանը բացեցին դինագործարան, որտեղ Բուլղարացի Գրիգորը ձուլեց առաջին թնդանոթը: Երբ Զեղեթն այդ թնդանոթի կրակը լսեց՝ սարսափեց, կարծեց թե ոռուսներն արդեն Վանում էին:

Ապրիլի 7-ի ցերեկային ոմբակոծությունները արևամուտին դադարեցին:

Պայքարի ելան բոլոր հայերը՝ անկախ տարիքից ու սեռի: «Վանի հայությունը, - գրում է Փ. Թերեմեղյանը, - համոզվեց, որ թուրքական կառավարությունը վճռել է ամրողօվին բնաջնջել մեր ցեղը: Ուրեմն կովելն անխուսափելի դարձավ... Հերոսացումը այս կամ այն կուսակցությանը վերագրելը հիմնովին թյուրիմացություն է, ամենքն իրենց բաժին աշխատանքն ունեցան և ուս-ուսի կովեցան»²:

Երեկոյան հայկական և թուրքական դիրքերում տարօրինակ լոռություն էր, գրում է ժամանակակիցը, քաղաքում կարծես որևէ շարժում չկար: Միայն Խաչփողանն էր անհանդիստ, այնտեղ հայերի տներն էին այրվում: Սակայն խորհրդավոր լոռությունը միայն կես ժամ տևեց և քաղաքը նորից սուզվեց հրանոթային գնդակոծության, մարդկային ճիշերի, լացի, ողբի դժոխային աղմուկի մեջ: Ամենուրեք հնչում էին հրացանային համազարկեր, ականջ էր ծակում պատուհանների փշրվող ապակիների խշոցը, օդն էին ճեղքում լուսարձակների փնջերը: Հայ հրամանատարությունը խկույն հասկացավ, որ Զեղեթը ահաբեկելու խրախնանք է կազմակերպել և որոշեց որևէ կերպ չարձագանքել դրան: Ռմբակոծություններն ու կրակահերթերը վնասեցին տներին, այլև շինություններին, բայց ո՞չ կովող ուժին, որն իր զսպվածությամբ ու սառնասրտությամբ ձախողեց նալբանդի պլանը:

Նաև հարկ է նկատի ունենալ, որ հայերը ստեղծել էին լրացուցիչ հնարավորություններ՝ տասնյակ կետերում թշնամուն հակահարված տալու համար:

Այգեստանի արևմուտքում գտնվող Աղիսե ձոր թաղամասում Սահակ բեյի և Թոփմայանի կարսոր դիրքերն ուժեղ ոմբակոծության ենթարկվեցին: Միաժամանակ թուրքերը դարձան էին մտել 25 մետր հեռավորության վրա: Նրանց կողմից այդ դիրքերի գրավելը ոչ միայն բացասական առումով հոգերանական խոշոր նշանակություն կարող էր ունենալ, այլև Այգեստանը փաստորեն բաժանելու էր երկու մասի: Քիչ անց ոմբակոծության տակ էին հայերի բոլոր դիրքերը: Հրանոթները խփում էին հաջի Բեքիրի զորանոցից ու Թոփրախ-Կալեի բարձունքներից: «Կրակ կը տեղար չուրջերնիս, - գրում է Արմենակ Եկարյանը, - կրակի առաջին մկրտութիւնն էր... Շուրջերնիս չփոթ, աղմուկ ու աղաղակ, ողբ ու կոծ... Ընկերներուս հետ Շտապը նստած, սրտատրոփ կը սպասենք դժբախտ լուրերու, ո՞ր դիրքը ինկաւ արդեօք...

Բայց ահա, ով հրաշք, ամեն կողմէ լրաբերներ կը հասնին. «Մենք մեր դիր-

¹ «Հայրենիք», 1924, № 2, նոյեմբեր:

² Հայաստանի պետական պատկերասրահ, ֆ. 30, ինվ. 423, թ. 412:

քերու վրայ ենք, յառաջացումի ոչ մէկ փորձ թուրքերու կողմէ...»: Շունչ մը կ'առնենք: Ժողովուրդէն շատերը գինիի կամ օղիի շիշերը առած, ուտելիքներու հետ կը դիմեն դիրքերը, կոուողներուն ոգեւորելու եւ իրենց գոհունակութիւնը յայտնելու...»¹:

Ձևեթը փրփրել էր: Նա շտապում էր. Դիմանում Խալիլը խայտառակ պարտություն էր կրել ոուսներից: Վերջիններիս առաջ բաց էր Վանի ճանապարհը:

Դա հաղթանակ էր, հաղթանակ կամքի, հմտության և սառնասրտության: Բայց մինչև հանգուցալուծումը դեռ շատ օրեր ու փորձություններ կային: Զինվորական մարմինն այդ նկատի ունենալով ապրիլի 7-ի գիշերը գիմեց ինքնապաշտպանության մասնակիցներին. «Պատիկ յաջողութիւն մը թող չի հեռացնէ զձեզ խոհեմութենէ. ամեն բանի վերջն է զովելի: Թշնամին ուժեղ է եւ խորամանկ, ձեր անվեհերութեանը միացուցէ՛ք զգուշութիւն եւ խոհեմութիւն: Մի՛ հայհոյէք թշնամիի կրօնքին, ատիկայ անվայել է մեզի համար... Եղէ՛ք կարգապահ»²:

Ապրիլի 8-ին բոլոր ճակատներում կոիվն ավելի է բորբոքվում: Դաշտի հայկան զյուղերը ավերմունքի են ենթարկվում զորանոցի թնդանոթային ոմբակոծությունից: Կոիվը կատաղի է դառնում Խաչ-փողանում, որտեղ թուրքական գերակշու ուժերը մի պահ ընկճում են հայերին: Թուրքերը հրդեհում են մերձակա հայկական գյուղերը: Նույնը նրանք անում են Խաչ-փողանում: Բոցերը անցնում են ս. Հակոբի թաղը, թալանվում ու հրդեհվում է նաև Ս. Հակոբի եկեղեցին: Ժողովրդի մեջ իրարանցում սկսվեց: Սակայն հայերի մյուս դիրքերն աներեր էին:

Զինվորական մարմինը հետևյալ հայտարարությունը հրապարակեց. «Երէկ գիշերուան ամբողջ թնդանօթաձգութիւնն ու թշնամիի կողմէ վատնուած հարիւր հազարաւոր զնդակներն ու հայկական տուներու հրդեհումները նպատակ ունեցան միայն վախցնել ժողովուրդը... Խուճապի պէտք չի կայ»³:

Հաջորդ օրը թուրքերը ուժեղ ոմբակոծություն սկսեցին ու հարձակման անցան Դարդանել թաղամասում: Ականատեսը նկատում է, թե «Հրազէններու լոյսին տակ ամբողջ գիշերը հնարաւոր էր կարդալ ու գրել...»: Կես գիշերին փորձ արվեց ճեղքելու Սահակ բեյի և Թովմայանի դիրքերը: Սակայն հայերը հակահարված տվեցին, ու թուրքերը մեծ կորուստներ կրելով հետ քաշվեցին: Զալողվում են հարձակումները նաև Խաչ-փողանի վրա: Գործը ձեռնամարտի հասավ Հայնկույսերի շրջանում՝ թուրքերը հաջողում են գրավել Շահբենդերյանի դիրքերը, սակայն մի քանի ժամ անց օգնության հասած հայերը թուրքերին դուրս են շպրտում: Ցերեկը թշնամին հաջողում է, չնայած հայերի համառ դիմադրության, հետ գրավել այդ դիրքերը: Իսկ երեկոյան տիրեց լուսություն, միայն լսվում էին Քաղաքամիջի դիրքերը ոմբակոծող թնդանոթների խուլ որոտները:

¹ «Յուշամատեան Մեծ Եղեռնի», էջ 734:

² Նույն տեղում, էջ 736:

³ Նույն տեղում, էջ 734:

Սակայն դա չարագույժ լոռություն էր: Կես ժամ անց, գրում է Օ. Մխիթարյանը. «ԱՀեղասաստ կայծակի որոտի ուժգնութեամբ բոլոր դիրքերու վրայ կը լսուի դժոխային աղմուկ մը... Մարդկային լսելիքը ուղղակի խլութեան կը դատապարտուէր եւ ամեն մարդ անգիտակցօրէն կը փակէր իր աչքերն ու ականջները... Բայց ահա ծառերու խշտուքը՝ հրացաններու գնդակներու տակ, լուսամուտներու ապակիներու անընդհատ դղրդոցը, կայծակնային փայլը կամ օդին մէջ զիկզակ եւ ալետատան հրթիռները, եւ վերջապէս, այս արի մարդիկ, որոնք ամբողջ օրը այնքան քաջարար կոռւեցան եւ որ այս անդունդային որոտին մէջ դալկացան ջղային անընդհատ կծկումներով»¹:

Հայկական թաղերում ու նրանց շուրջը թուրքերն ունեին զինվորական և ոստիկանական հսկչ կետեր, որոնք նեղում էին հայերին: Թուրքերը նաև փորձեցին մտնել հայերի տները և կովել զրանցում: Մասնավորապես մեծ վնաս էին հասցնում անզիական հյուպատոսարանում դիրքավորված թուրքերը: Բուլղարացի Գրիգորի խումբը հաջողում է շենքը հրդեհել: Թուրքերը դուրս են փախչում և ընկնում հայերի կրակի տակ: Սա մեծ հաղթանակ էր՝ նախ թուրքերը զգալի զոհեր տվեցին և ապա, այդ շենքից թշնամին վերահսկում էր հայերի մի քանի դիրքերի վրա: Գործողության մասնակիցները պարզեցրեցին եռագույն երիգներ ունեցող «Պատվո խաչերով»:

«Հայ ազգային ինքնապաշտպանութեան կեղրոնական մարմինը, գնահատելով ձեր աննման արիութիւնը... յարգանօք կը նուիրէ ձեզ ներփակ «Պատույ խաչը», որուն կատարելապէս արժանի ըլլալնիդ փառաւոր կերպով ապացուցեցիք»²:

Ֆրանսիական հյուպատոսարանի շենքը ևս վտանգավոր դիրք էր հայերի համար, որտեղ 70 զինվոր կար, ինչպես նաև Համմուդ աղայի զորանոցը 650 զինվորով: Այստեղ կենտրոնացած էին ջեղեթի լավ մարզված չեթեները: Նրանք անընդհատ կրակի տակ էին պահում հայկական դիրքերը և անհնարդար դարձնում որևէ շարժում: Մանավանդ, որ զորանոցը կապ ուներ արևելյան մասի հայկական դիրքերի վրա իշխող տների հետ: Համմուդ աղայի զորանոցին հայերը դշլա էին կոչում. նա վանահայի համար թուրքական բռնության խորհրդանիշ էր: Գրոհով զորանոցին տիրանալ հնարավոր չէր, համենայն դեպս մեծ զոհեր կպահանջվեր: Բուլղարացի Գրիգորի առաջարկով՝ երկու օրում փորվեց ստորգետնյա անցք, որով պայմուցիկ նյութեր փոխադրեցին զորանոց և այն հրդեհեցին: Թուրքերը խեղդվում էին շենքի ներսում կամ զրսում զառնում թիրախ: Վանեցիները նրանց հետապնդում էին, հրդեհում նաև մի քանի ուրիշ շենքեր: Առավոտյան հայերը տոնախմբության մեջ էին: Հրապարակեց Զինվորական մարմնի կոչը հաղթանակի առթիվ: Դա ապրիլի 10-ն էր:

Հաջորդ քայլը հայերի դիրքերին մոտ գտնվող թուրքական կետերի ոչընչացումն էր: Դրանցից մեկը Արարուց հրապարակի վրա գտնվող ոստիկանա-

¹ «Հայրենիք» ամսագիր, 1924 թ., № 11, էջ 84:

² «Յուշամատեան Մեծ Եղեռնի», էջ 766:

տունն էր: Ապրիլի 13-ին վարժապետ Տիգրանը հաջողում է թշնամու կրակի տարափի տակ մոտենալ ոստիկանատանը և հրդեհել մերձակա խանութները: Սակայն գիշերն անձրև է տեղում և թուրքերը հաջողում են հրդեհը հանգնել: Երկու օր հետո Տիգրանը նորից սողաց այդ դիրքերը, բայց երբ տեղ հասավ, չները հաչալով աղմուկ բարձրացրեցին, և թուրքերը զանգվածային կրակ բացեցին: Սակայն դա չի խանգարում մի քանի խանութներ հրկիղելուն: «Թուրքերը, - գրում է ականատեսը, - տեսնելով, որ այլեւս անհնար է դիմանալ, թողեցին իրենց հրդեհուող դիրքերն ու փախան», իսկ Տիգրանն անվնաս վերադարձ և արժանացավ «Անվեհեր հրձիգ» կոչմանը¹: Նույն օրը հրկիղվում է նաև Շան թաղում գտնվող թրքական դիրքը, ապա նաև Խաչ-փողանի հրապարակի վրայի Խուլի տունը: Թուրքերը հարկադրված լրում են Սարաճյանի դիրքերը, որին անմիջապես տիրանում են Հայերը:

Մանր մարտեր են գնում Փոս թաղի, Խաչ-փողանի ու Նալբանդյանի դիրքերի շրջանում: Նույն ժամանակ Հայերը ոչնչացնում են թուրքերի ուժեղ հենակետերից մեկը՝ Թոփալ Մոլլայի տունը՝ նորից ստորգետնյա անցումով հրդեհելու միջոցով: Նման եղանակով Հայերի դիրքերը ոչնչացնելու թուրքերի փորձը ձախողվեց. ստորգետնյա անցք փորողները նկատվեցին ու ոչնչացվեցին:

Ապրիլի 15-ին Զինվորական մարմինը նամակ ուղարկեց ոռոսական հրամանատարությանը, որում նկարագրվում էր իրավիճակն ու նշվում. «Ամեն օր սպասում ենք ոռոսական օգնության: Խնդրում ենք շտապել: Հետո ուշ կլինի»²:

Ապրիլի 23-ին Կովկասի փոխարքայի գրասենյակից ԱԳ նախարարին գրեցին, թե մինչեւ ապրիլի 15-ը Զեղեթը քաղաքի վրա նետել էր 1700 ական, Վանի շրջակայքի 100 զյուղերի Հայերը մորթված էին, կանանց տարել էին լեռներ: Շրջափակված Հայերի ուժերը սպառվում էին³: Մեկ օր անց «Русские ведомости» թերթը գրեց, որ Վանի վիլայեթում վառվում են Հայկական գյուղերը, «զորահավաքի պատրվակով սարսափելի բաներ են կատարվում: Ազգաբնակչությունն ահավոր վիճակում է, համընդհանուր կոտորած է»⁴:

Այդ ընթացքում քաղաք են լցվում Վասպուրականի Հայության ջարդարար Հրոսակները: Լրացուցիչ թնդանութներ ու ոազմամթերք են բերվում Բիթլիսից:

Ապրիլի 16-ին թուրքերը զանգվածային ոմբակոծության տակ առան Սահակ բեյի դիրքերը, ապա հարձակման անցավ հետևակը: Վիճակը ծանր էր, բայց Հայերն անսասան էին, նրանք թշնամուն մեծ զոհեր պատճառելով փախուստի մատնեցին, ինչը հնարավորություն տվեց ժամանակ շահել սեփական դիրքերն ամրացնելու համար: Այդ օրը ոմբակոծվեցին Այգեստանի Հայկական բոլոր դիրքերը, մասնավորապես Փոս թաղը և Լավանդ օղին: Հաջորդ օրն ավելի սաստիկ մարտեր տեղի ունեցան հատկապես Սահակ բեյի և Թովմասյանի դիրքերի շրջանում: Հայերը թշնամուն թողնում էին մոտենալ և հանկար-

¹ «Յուշամատեան Մեծ Եղեռնի», էջ 740:

² «Геноцид армян в Османской империи», Ереван, 1982, с. 281.

³ АВПР, Политархив, д. 3505, л. 2.

⁴ «Русские ведомости», 24 апреля 1915 г.

ծակի հակահարձակումով նրան ոչնչացնում էին: Թուրքերն անխնա ոմբակո-
ծության են ենթարկում Արարքի հայոց դիրքերը, ապա զրոհի են անցնում 300
զինվորներով: Փոքրաթիվ հայեր Ալես Պարսամյանի հրամանատարությամբ
հաջողում են նրանց հետ շպրտել: Թուրքական 200 հեծյալներ շարժվում են
դեպի Շուշանցի՝ Վարագա դիրքերը: Սակայն նորից անհաջող:

Ապրիլի 18-ին ոմբակոծվեցին Այգեստանի ոչ միայն դիրքերը, այլև տները,
փողոցները, դպրոցները, եկեղեցիները՝ արձակվեց 400 ոռոմբ, եղան զոհեր:
Ռմբակոծությունների շարունակվեց գիշերը:

Գլխավոր հարձակումը սկսվեց ապրիլի 19-ին: Խաչ-փողանում ոմբակոծ-
վում էին Նալբանդյանի և Օթելի դիրքերը: Տների վերնահարկերն ավերվեցին:
Ռմբակոծությունների կարկտի տակ հայերը վերականգնում են ավերված
դիրքերը:

Հայ նշանառուները որոնում էին թուրք թնդանոթաձիգներին: Թշնամին
զրոհի է անցնում, հրդեհում հայերի դիրքերը, խուճապ առաջացնում: Հայերը
հավաքելով վերջին ուժերը՝ թշնամուն փախստի են մատնում: Խաչ-փողանը
հարձակման ենթարկելու հետ միասին ոմբակոծվում է Այգեստանի ամբողջ
արևմտյան հատվածը: Ավերածությունները մեծ էին: Թուրքերը ամրանում են
կլոր դարի այգիներում ու չորս թնդանոթներով ավեր տարածում: Հայերը
մինչև մութն ընկնելը դիմադրեցին, ապա վերականգնեցին ավերված դիրքերը:

Թաղաքեահրեզում Դարդանելի դիրքերի հայերը բաց կովի դուրս եկան՝
օգտվելով այգիների հողե պարիսպների ընձեռած հնարավորությունից: Թշնա-
մու թնդանոթներն անընդհատ ոմբակոծում էին: Հայերի դիրքերից մի քանիսը
լրիվ ավերվեցին: Վանեցիները հարկադրված էին խրամատներ փորել: Իսկ օր-
վա երկրորդ կեսին 500 թուրք զրոհի է անցնում, որպեսզի ճեղքի, երկու մասի
բաժանի հայերի այգիներում եղած դիրքերը: Առաջին հարձակումը հետ է
մղվում, երկրորդի ժամանակ թուրքերն ընդհուպ մոտենում են այդ դիրքերին
(20 մետր), սակայն նորից հետ են շպրտվում: Հետեւում է 3-րդ հարձակումը,
թշնամին նույնիսկ հասնում է դիրքերին: Սկսվում է հուսահատ կոփի, որը թուր-
քերից խում է 40 կյանք: Նրանք հարկադրված նահանջում են:

Թոփրախ-Կալեի գորանոցից նույն օրը ավերիչ ոմբակոծության է ենթարկ-
վում Հակոյսները. թշնամին հարձակման է անցնում, բայց զոհեր տալով
նահանջում է: Թուրքական ստվար ուժերը նորից զրոհում են Շուշանցի դիր-
քերը և նորից անհաջող:

Զինվորական մարմինը թոռուցիկ տարածեց, որում այդ օրվա հարձակում-
ներն անվանվում էին հուսահատ՝ «ապացոյց նախ թուրքերի անզօրութեան
եւ ապա՝ մեր փառաւոր յաղթանակի»¹:

Կոփներն ավելի սաստկացան ապրիլի 20-ին: Արարքի շրջանում հաջող-
վում է սպանել թշնամու թնդանոթաձիգներին: Սահակ բեյի ու Թովմասյանի
դիրքերի վրա նետվում է 100 ոռոմբ: Ամբողջ Այգեստանը ոմբակոծության տակ

¹ «Թուշամատեան Մեծ Եղեռնի», էջ 748:

Էր: Ապրիլի 21-ին թշնամին գրոհի է անցնում Հայնկույսների շրջանում, հայերը, մեջքները պատին, կրակի տակ են առնում թուրքերին ու փախուստի մատնում: Մի այլ դիրքում թուրքերը հաջողում են քանդել այգու պատը: Հայերը հարկադրված հակահարձակման են անցնում: Սկսվում է ձեռնամարտը: Այդ կովում սպանվում է 1535 բաշխրողուկ՝ թուրք և քորդ¹:

ՔԱՂԱՔԱՄԵՋԸ. - Քաղաքամեջի և Այգեստանի միջև կապը լրիվ խզվեց ապրիլի 4-ին: Խզվեց կապը նաև գյուղերի հետ: Այսինքն՝ Քաղաքամեջը հենց սկզբից մեկուսացված էր: Ապրիլի 4-ին հայերի զինված ուժերը մոտենում են պաշտպանական գծին, որպեսզի կարողանան անմիջապես դիրքեր գրավել:

Քաղաքամեջը նույնպես հերոսամարտի կանգնեց, կովեց ոչ թե միայն հանուն գոյատևման, այլ նաև հանուն ազատության, կովեց թուրքական լուծը թոթափելու համար:

Քաղաքամեջում ու Այգեստանում մարտական գործողություններն սկսվեցին գրեթե միաժամանակ: Ինչպես Այգեստանում, այնպես էլ Քաղաքամեջում առաջին իսկ պահից կոիվն ընդունեց համընդհանուր բնույթ: Ապրիլի 7-ին Քաղաքամեջի տները բարբարոսական ոմբակոծության ենթարկվեցին: Թվում էր, թե ամեն ինչ ավերվեց, թաղում կենդանի էակ չմնաց: Սակայն այդպես թվում էր միայն առաջին պահին: Երբ թուրքերը գրոհի անցան՝ ավերակները կենդանացան, հայերը բոլոր կետերից կրակ բացեցին թշնամու վրա և նրան հարկադրեցին հետ փախչել: Հայերը հետապնդեցին փախչող թշնամուն ու գրավեցին նրա «Թեքյալիֆի Հարբիե» կոչվող պաշտպանական ամրությունը: Հաջողվեց պայթեցնել զորանոցը:

Զեղեթը հասկացավ, որ վանեցիների ղեմ կոիվը օրհասական է լինելու: Վանի պաշտպաններին ահարեկելու համար նա տիրահռչակ չերքեղ Ահմեդին հանձնարարեց ոչնչացնել գյուղերում մնացած հայերին:

Վանի Քաղաքամեջում համառ մարտեր գնացին ապրիլի 10-ից մինչև 20-ը: Զեղեթը նորից դիմեց խորամանկության: Նա լուր տարածեց, թե Այգեստանը դադարեցրել է դիմադրությունը, ապա քաղաքի հայերին առաջարկեց նույնպես հանձնվել: Հայերը սկզբում երկմտեցին, մարտերը օրուկես դադարեցվեցին: Բայց հաջողվում է համոզվել, որ Զեղեթը նորից ստում էր: Մարտերը վերսկսվում են ու շարունակվում մինչև թուրքերի անսպասելի փախուստը:

Քաղաքամեջում նույնպես ստեղծվեց Զինվորական մարմին: Այստեղ ինքնապաշտպանությունը ղեկավարում էին Շուշանյան վարժարանի տեսուչ Հ. Կոսոյանը, խանութպան Դ. Սարգսյանը, առևտրական Լ. Գալայջյանը, Հ. Ներկարարյանը, Ս. Շահինյանը, Մ. Թորոմանյանը, Մ. Միրզախսանյանը, Եղնիկ վարդապետը:

Մինչև մարտական գործողությունների սկսվելը Զինվորական մարմինը երկու անգամ եղնիկ վարդապետին բանակցությունների ուղարկեց Զեղեթի մոտ: Վերջինս պատասխանեց. «Այս երկիրը կարող է մնալ հային կամ թուրքին,

¹ Մխիթարեան Օ., նշվ. աշխ., էջ 146:

Երկուսի մեկտեղ բնակվելն արդեն անհնար է»: Այսինքն՝ պատերազմ:

Քաղաքամեջը Այգեստանից հեռու է 5-6 կմ: Ընկած է դրանից արևմուտք և անջատված թուրքաբնակ թաղերով: Այն պատմական Շամիրամաբերդն է՝ Վանա լճից 1,5 կմ հեռավորության վրա: Ուներ 400 տուն (3000 հոգի) հայ բնակչություն և 250 տուն (1500 հոգի) թուրք բնակչություն: Քաղաքամեջում էին հայոց առաջնորդարանը, 7 եկեղեցի, ծխական դպրոց, գրադարան-ընթերցարաններ, Վանի շուկան, նաև հանգապետի գրասենյակը, ոստիկանատունը, դատարանը և վիլայեթի ու քաղաքի մյուս պաշտոնատները:

Քաղաքամեջում նույնպես հայերը նախապատրաստվեցին դիմակայելու ամբողջական բնաջնջման աղետին: Այստեղ ստեղծվեցին նաև Զինական (զենքերի հաշվառում, զինապահեստ), Մարտական (զինված ուժի տեղաբաշխում, դրանց ղեկավարում), Մատակարարման հանձնախմբեր: Պատերազմի մեջ թուրքիայի մտնելուց անմիջապես հետո Քաղաքամեջը ձեռնամուխ եղավ նախապատրաստվելու ինքնապաշտպանության և կարողացավ իր զինուժը կրկնապատկել: Հայերն ունեին 80 մասուցեր 200-ական փամփուշտով և 84 հրացան 150-200-ական փամփուշտով: Կոփն սկսվելուց հետո մասուցերների թիվը հասավ 90-ի, իսկ հրացաններինը՝ 101-ի: Ունեին նաև 120 որսորդական հրացան ու ատրճանակ: Ռազմամթերք գնելու համար հանգանակվեց 23340 դրուչ:

Այստեղ պաշտպանական գիծը բաժանված էր չորս գոտու.

ա) Թավրիզի գոան գոտի, ուներ վեց հիմնական և մի քանի օժանդակ դիրքեր: Հրամանատարը Վ. Սարգսյանն էր, կովողների թիվը՝ ավելի քան 50 հոգի:

բ) Թերյալիֆի հարրիեթ. սա գլխավոր գիծն էր և ընդունվում էր ուազմաճակատի հարավային մասը: Ուներ 8 դիրք: Հրամանատարն էր Հ. Ներկարարյանը, զինվորների թիվը՝ 52:

գ) Յաղմալուի և Խանի տակ (հարավ-արևմուտք), ուներ 5 դիրք: Հրամանատարն էր Մ. Թորոմանյանը: Կովողների թիվը՝ 43:

դ) Ամբարի գոտի (արևմուտք), ուներ 6 դիրք: Հրամանատարը Մ. Միրզախանյանն էր. կովողները՝ 26 հոգի:

Թուրքերն ամրացել էին մինարեթներում, քարաշեն մզկիթներում, զորանոցներում և բերդում: Հայերի յուրաքանչյուր գոտու գեմ թշնամին ուներ մեկ թնդանոթ. Բերդից ոմբակոծում էին 3 նոր և 4 հին մակնիշի թնդանոթներ: Հայերի զոհերի 90 տոկոսը ընկավ Բերդից արձակված ոռումբերից: Թուրքերն ունեին 1000 զինվոր:

Ապրիլի 21-ի կոփների մասին լրատու դիվանը ապրիլի 22-ին թուուցիկ տարածեց՝ «Երէկուայ մեր փառաւոր յաջողութիւնը» անունով. «Երէկ թշնամին կատարեց ամենաբուռն յարձակումը մեր հիւսիսարեւելեան ամբողջ գծին վրայ, խուժելով այգիները»¹: Թոփիրախ-Կալեի զորանոցում պայմեց մի թնդանոթ, զոհվեց չորս մարդ: Ապրիլի 19-21-ի կոփներն «իրենց կատաղութեամբ

¹ «Յուշամատեան Մեծ Եղեռնի», էջ 750:

ոչ նախընթացն ունէին եւ ոչ ալ այլեւս կրկնուեցան»¹: Օրական հայկական դիրքերի ու տների վրա ընկնում էր 400 ոռում, ժամում արձակվում էր 10.000 փամփուշտ²:

Զեղեթը էրզրումից հրավիրել էր գերմանացի զինվորական մասնագետի, որը սակայն վիճակը փրկել չկարողացավ և մեկնեց հայտարարելով, թե «ես չեմ սպասում այդպիսի դիմադրություն»³:

Ապրիլի 22-25-ին եղան մասնակի կոիվներ: 22-ի գիշերը հայերը հրդեհեցին թուրքերի Աղալուսի և Համդիի դիրքերը: Ընդ որում՝ վերջինի հրկիզման գործողությունների ընթացքում դրա մասնակիցները (բացի մեկից) զոհվում են: Ապրիլի 25-ին թուրքերը հաջողում են հայերին անակնկալի բերել և գրավել Շուշանցի դիրքերը:

Այդ նույն օրերին Դիլմանում թուրքական բանակը խայտառակ պարտություն կրեց, տալով 20 հազար սպանված: Զեղեթն այս մասին չգիտեր: Թուրքերը հենց հայ էին տեսնում՝ յաթաղանի հարվածով գլուխը կտրում էին⁴:

Ք. Ըշրու վկայում է, որ ուզմական շտաբն արգելել էր ոգելից խմիչքներ գործածելը, մահմեղական կանանց ու երեխանների վրա կրակելը:

Հայերը կովում էին բարձր տրամադրությամբ. «մահացածի համար ոչ մի սուս»: Նոգալեսը նկատում է, որ հայերը կրակում էին դիպուկ, հատկապես մառլերից: Նրանք շաղափների միջով անցքեր էին բացում որպես հրակնատներ: Նա Վանի կոիվն անվանում է «բացառիկ», «հրեղեն սպանդանոց»: Անհնար էր չսարսուալ, երբ Բերդից տեսնում էի «այրվող գյուղերն ու ագռավների սև երամները, որոնք չների հետ վիճարկում էին», թե իրենցից ո՞ւմն են պատկանելու «հայերի ու թուրքերի անկենդան մարմինները, որոնցով ծածկված էին Վանի նեղ փողոցներն ու մերձակա դաշտերը»⁵:

Գործում էին ինքնապաշտպանությունն ապահովող ծառայություններ (սակրավորների, բժշկական): «Ստեղծվեցին կոմիտեներ, որոնք զբաղվում էին անակնկալներով... մի մարդ տվեց իր ամբողջ ցորենը... Ապահոված էր հասարակական փոխ աշխատանքը, բաժանվում էին հացի քարտեր, բացվեց տաք կերակուրների խոհանոց, օրապարեն էին տալիս ... բոլորին, ով դրա կարիքն ուներ»:

Կովողներին զենքով ապահովելու խնդիրը լուծելու նպատակով զինարանից բացի ստեղծվեցին փամփուշտարան, վառողարան, որտեղ աշխատում էին մասնագետ արհեստավորները, ինչպես նաև քիմիկոս-պրոֆեսոր Միքայել Մինասյանը, որոնք հին զենքերը նորոգելու հետ միասին պատրաստում էին նորերը:

Սակայն վանեցինները կովում էին ոչ միայն մարտական զենքով, այլև «եղունգներով, ատրճանակներով, որսի հրացաններով եւ կը դիմադրէին

¹ Միկիթարեան Յ., նշվ. աշխ., էջ 146:

² Եկարյան Ա., Յուշեր, Գահիրէ, 1947, էջ 320:

³ Բարձ Ա., նշվ. աշխ., էջ 76:

⁴ Nogales R., նշվ. աշխ., էջ 64:

⁵ Նույն տեղը, էջ 270:

Կրուպափի թնդանօթներուն, որովհետեւ հաւատոն իրենց կուրծքերէն բրոնզի պատճէշներ կերտեց»¹:

Կովում էին ոչ միայն տղամարդիկ, այլև կանայք, ոչ միայն չափահաները, այլև երեխաները (Ասլանյան Ասլան, Խսաջանյան Բարկեն, Ատոմյան Անդրանիկ, Գյոլողյան Մարտիրոս, Հայդույյան Հակոբ, Թովմասյան Արամ-Լեռ Կամսար): Իսկ Կիրակոս Կիրակոսյանն անցավ թշնամու դիրքերը, սպանեց երկու թուրք զինվորի ու նրանց գենքերը վերցրած հետ եկավ: Կիրակոսը պարզեատրվեց «Պատվո խաչով»: Երեխաները վերցնում էին զեռ չպայթած ոռւմբը, վնասագերծում և տալիս զինագործներին՝ վառողն օգտագործելու համար:

Թուրքերը գժգոհում էին ամերիկացիներին. «Մենք բան չենք կարող անել այդ հայերի զեմ: Նրանք կովում են իրենց պատերի հետևից... Նրանք սպանում են մեզ»²: Իրենց անզորությունը թաքցնելու համար հնարում էին, թե հայերը գործածում էին թունավոր և պայթուցիկ ոռւմբեր:

Դրա փոխարեն հայերը փոքրիկ շան զգից կապում էին վառվող լապտեր և քչում թուրքական թաղեր, թուրքերը սկսում էին բոլոր կողմերից կրակ բացել: Կամ ձիու պոչից տակառ էին կապում և աղմուկ-աղաղակով քշում դեպի թուրքերը: Աղմուկն ընդունելով որպես հակառակորդի հարձակում, նորից սկսում էր հրացանաձգություն:

Նոգալեար հայերի գործողություններն ու անձնագոհությունը անթաքույց հիացմունքով է նկարագրում: Նա թուրքական գումարտակը հարձակման է տանում և զրավում մի քանի տներ, որտեղ տեղադրում է ուղիղ նշանառությամբ կրակող թնդանոթներ: Դրանք քարուքանդ արեցին հայկական մի շարք ամրություններ: Հայերը կոփվը շարունակեցին ավերակներում: Երբ նոգալեար մարտի է նետում իր վերջին ուժերը հեշտ հաղթանակի վստահությամբ, այդ հարձակումը նույնպես ձախողվում է, հարձակվողների մեծ մասը սպանվում կամ վիրավորվում է: «Դանդաղորեն և համառորեն հայերը պահում էին քաղաքը, կատաղի հուսահատությամբ պաշտպանվելով իրենց քանդվող... բոցավովող տներում»:

Թե որքան հնարամիտ, ուազմավարական առումով գրագետ էր կազմակերպված Այզեստանի պաշտպանությունը, երեսում է նաև այն փաստից, որ ցարական բանակի շտաբը ուսումնասիրելով պաշտպանական այդ համակարգը, կազմեց քարտեղ և այն ներկայացրեց զլիսավոր հրամանատարությանը՝ որպես ուազմավարության լավագույն նմուշ: Գեներալ Նազարեեկովը ծանոթանալով ինքնապաշտպանության մանրամասներին, ասաց. «...Հպարտ եմ, որ հայ եմ»³:

Մեկ անգամ ևս նշենք, որ Վանի և Վասպուրականի հերոսամարտերում վիթխարի էր կանանց ներդրումը: Նրանցից մեկն էր Սախոյենց նանոն, որն Այգեստանի կովի ժամանակ դրսեորեց անսահման նվիրվածություն և անվախություն: Նա սուրհանդակ էր և անընդհատ դիրքից դիրք էր անցնում, հետախուզության գնում, հայրենասիրական երգերով ոգեշնչում կովողներին:

¹ «Վան-Տոսպ», 1916 թ., № 22-23:

² Կոպր Շ., նշվ. աշխ., էջ 31:

³ «Գրքերի աշխարհ», 30-ր հունիսի 1990 թ.:

«Բնութիւնը կ'երգէ, երբ զարուն է, իսկ ես կ'երգեմ, որովհետեւ շուտով բացուելու է մեր ազատութեան արշալոյսը»¹:

Աշխենը (Ազգային մայրիկ) հիսուն տարեկան կին էր, բայց անսպառ եռանդով: Մեծ աշխատանք ծավալեց Վասպուրականի հայ կանանց միությունում: Նրա ղեկավարությամբ էր աշխատում կարի արհեստանոցը: Նա եռանդուն մասնակցություն ունեցավ հայ զաղթականների տեղափորման, նրանց սննդի կազմակերպման գործին:

Շատախում հայերի ամենակարևոր դիրքը Սողուանց գյուղն էր: Ապրիլի 26-ին գյուղը պաշարվում է և սկսվում է կատաղի կոփի: Կտրվեց կապը մյուս դիրքերի հետ: Սուրհանդակ էր պետք: Ահա այդ պահին 10 տարեկան Սրբուհին իր ծառայությունն է առաջարկում: Գնդակների տեղատարափի տակ աղջնակը ընկնելով, վերկենալով. թաքնվելով ու սողալով տեղ է հասնում և տեղեկություններ հավաքելով վերադառնում է: Թաղի կովում նույն բանն է անում մի ուրիշ աղջնակ՝ Ասմարը:

Կանայք ցուցաբերեցին անձնական խիզախության, հերոսության, անսահման նվիրվածության փայլուն օրինակներ: Նման օրինակներից էր նաև Աղավնի Վարդանյանի վարքագիծը, որ ինքնամոռաց հանդգնությամբ մինչև վերջ պաշտպանելով ուղմաձակատի ամենահանգուցային դիրքը, դրանով փրկեց ամբողջ քաղաքը: Նա հայ մարտիկներին թաքուն անցկացնում էր թշնամու դիրքերը՝ հանկարծակի հարձակման համար:

Պատանյակ Արամ Կապուտիկյանը ոռումքը ձեռքին թշնամու գնդակների տարափի տակ երեք անգամ մտավ թուրքական դիրքերը, դրանք հրղեհեց և հայերի համար նպաստավոր վիճակ ստեղծեց: Կարապետ և Մարտիրոս Մուրադյանները հրկիղեցին փոստ-հեռագրատունը՝ դրանցում եղած զինվորների հետ միասին: Պատանի հերոսները հրկիղեցին նաև օսմանյան բանկի տեղական բաժանմունքի շենքն ու կառավարչատունը: Զեղեթը խոստովանեց՝ «կառավարության նամուսը քաղաքում կործանվեց»²: Հայ վրիժառուները պայթեցրին պետական գինապահեստը:

Ահա՝ նաև ինքնապաշտպանության ղեկավար Հայկակ Կոսոյանը՝ սառնարյունություն, կամքի անսասանելի ուժ, հմտություն:

Զեղեթը հայերի մոտ նորից պատվիրակներ է ուղարկում և առաջարկում հանձնվել, զենքերը հանձնել, խոստանալով ապահովել նրանց անձի անվտանգությունը: Հայերը պատասխանում են. «Ե՛կ վերցրո՞ւ»:

Երբ Քաղաքամեջում սնունդը սպառվելու վրա էր և հուսահատության ալիքներ էին նշմարվում, թուրքերի մոտ աշխատող մի հայ արհեստավոր թաքուն ունկնդրում է երկու սպաների զրույցը, թե Դիմանում ուսւաները հաղթել են և թե թուրքերը նահանջում են: Նա անմիջապես այդ լուրը հասցնում է հայերին, ինչը մեծ ոգևորություն է առաջացնում:

Վանեցիների համար դադարել էին գոյություն ունենալուց «Զեմ կարող», «Դժվար է» հասկացությունները. այն ինչ հարկավոր էր կովի համար, անվե-

¹ Զեյթլեան Ա., Հայ կնոջ դերը Հայ յեղափոխական շարժման մէջ, Պէյրութ, 1968, էջ 95-96:

² Համբարյան Ա., նշվ. աշխ., էջ 51:

րապահ պետք է արվեր: Վանեցին դարձել էր նվիրյալ: Մ. Փորթուգալյանի, Մ. Ավետիսյանի, Պետոյի հեղափոխական մկրտության բուրայով անցած տարեց մարդիկ Հովհաննես Մկրտչյանն իր սիրած նվազախմբի առաջն ընկած գնաց Զինվորական մարմնի նստատեղին և պատվով մեռնելու երդում տվեց. «Կեանք ու մահուան օր է, հայրենակիցնե՛ր. պատուով մեռնելու գերազոյն ժամը... Յառաջ, դէպի դիրքեր, դէպի ազատ կեանք ու անմահութիւն»¹: Ամրաշեն ջոկատի անդամները Գրիգոր Պանիրյանի գլխավորությամբ գործում էին անձնվիրությամբ. «Յաճախ շարք մը դիրքեր... միեննոյն օրուան մէջ վեց-եօթը-ութը անդամ քանդուեցան եւ... նոյնքան անգամ նորէն վերաշնուեցան ճարտար եւ անձնազոհ ամրաշէն բանուորներու աշխատանքով»²:

Այնուամենայնիվ Վանի ինքնապաշտպանության վիճակը գնալով ծանրանում էր: Սկսած ապրիլի 12-ից սուրհանդակներ էին ուղարկվում Կովկաս՝ ոռուսական բանակի ծրագրերի մասին լուրեր ստանալու համար, սակայն նրանցից միայն մեկը հաջողեց տեղ հասնել: Դրանք երեք հոգի էին, ուղարկված Արամի կողմից հայտնելու, որ ապրիլի 15-ից «բոլոր հայերը փակված են քաղաքի թաղերում: Զեղեթ փաշան ոմբակոծում է քաղաքը, արձակվել է 1700 արկ: Երջապատի մոտ 100 հայկական զյուղեր մորթված են, կանանց տարել են լեռներ..»³: Ապրիլի 20-ից հետո ուղարկված բանագնացները չէին հաջողում Բերկրիից այն կողմ անցնել:

Բայց թե՛ Այգեստանը ու թե՛ Քաղաքամեջը մնում էին կանգուն և խիզախարար հետ էին մղում թշնամու գրոհները⁴:

Ապրիլի 20-ին մի թուրք սպա դիմեց հայուկ Շատախցի Ավոյին, թե հայերն ի՞նչ են պահանջում: Ավոն պատասխանեց. «Էսօր մեր նամուսի համար թվանք ձեռքիս կկուիմ. քանի Զեւդեթը կայ, կուզեմ անոր զյուխը, հասկցա՞ր»⁵:

Հաջորդ օրը Զեղեթը երկու հայ կանանց միջոցով նամակ է ուղարկում Զինվորական մարմնին և պահանջում զինաթափվել ու հանձնվել, այլապես «այսօր Գաւաշէն եկող հրետանիները ... ամբողջովին քաղաքի վրայ պիտի ուղղեմ... ձեզ փրկութիւն չկայ»⁶: Հայերը մերժեցին այդ պահանջը ևս: Մերժվեց Զեղեթի նաև ապրիլի 22-ի նույնաբնույթ վերջնագիրը: Սկսեց Քաղաքամեջի անխնա ոմբակոծությունը: Հայերն աննկուն էին: Վալին նորից գնաց սաղրանքի: Նա զյուղերից եկած 500 հայի քշեց Քաղաքամեջ՝ այնտեղ սով ու համաճարակ առաջացնելու դիտավորությամբ:

«Յուսահատական դրութեան մէջ էինք, - գրում է Ա. Եկարյանը, - լուր չունեինք նաեւ Քաղաքէն, վերջապէս յաջողուեցաւ տեղեկանալ, որ Քաղաքի մեր տղաքը իրենց դիրքերու վրայ էին միշտ»⁷:

Իսկ կոփիները շարունակվում էին: Թուրքերն իրենց բոլոր ուժերը կենտրո-

¹ «Զերոսամարտեր...», էջ 27:

² Նույն տեղում, էջ 29:

³ ԱՅՊՐ, Պոլիտարքիւ, Ճ. 3505, Լ. 2.

⁴ «Վան քաղաքի ժողովրդային հերոսապատումը», Թեհրան, 1916, էջ 121:

⁵. Նույն տեղում, էջ 125:

⁶. Նույն տեղում, էջ 126:

⁷ «Յուշամատեան Մեծ Եղեռնի», էջ 756:

նացրին Քաղաքամեջի ու Այգեստանի վրա: Նրանք նոր ուժեր ու ուղմամթերք էին բերում: Նախապատրաստվում էին նաև Հայերը, ստեղծվեցին մի քանի թռուցիկ խմբեր նեղն ընկած դիրքերին օգնելու: Սակայն «այս անգամ, - Հայունում է Եկարյանը, - յաջողութեան շատ յոյս չունէինք: Մեր ամբողջ ուժն անոր մէջ էր, որ որոշած էինք կոուիլ մինչեւ վերջին բոպէն, վերջին փամփուշտը»¹: Քաղաքի Հյուսիսից մինչև արևելք՝ Սղոց գյուղը, 5-6000 թուրք զինվոր Հավաքվեց: Ակսվեց օրհասական կոփվ²:

ԱՅԳԵՍՏԱՆ. - Ապրիլի 27-ին կոիվները շատ բուռն էին Արարքի Հատվածում. Հայերի դիրքերն ավերվում են: Թուրքերը նորից գրոհի են անցնում ու նորից Հետ մզկում: 28-ին թուրքերը ձեռնարկեցին վերջին ու վճռական գրոհը: Չորս թնդանոթներ անընդմեջ ոմքակոծում էին Թաղաքեահրիդի Հայնկույսների Հատվածները: Մի շարք դիրքեր մինչև կեսօր լրիվ ավերված էին: Թուրքերը նետվում են սվինամարտի, սակայն ավերակների միջից նորից Հառնում են հերոսները և թշնամուն Հետ շպրտում: Նույն ժամանակ Հարձակում է սկսվում Մրույանի և Աղունիկյանի դիրքերի վրա: Արդյունքը նույնն էր: Կոփվը շարունակվում է գիշերը: Հաջորդ օրը խաղաղ է անցնում: Թիմարից (Այսուր) եկած մի կին պատմեց, թե իրենց գյուղացիներից «ով որ կրցաւ՝ փախաւ, մնացեալ տղամարդիկ անխնայ կոտորուեցան: Իսկ փոքր մաս մը ջահել եւ գեղեցիկ կիներ ու աղջիկներ քիւրտերու բաժնեցին: Ես թուրքին քով էի եւ մի քանի օրէ ի վեր կով կը կթէի ու այգիին մէջ քաղհան կ'ընեի, երբ տեսայ, որ մեծ իրարանցում մը ինկաւ թուրքերուն մէջ: Քիչ ետք տանտերը եկաւ եւ սկսաւ ձեռքերով գլուխը ծեծել, թէ «քեաֆիր Մոսկով կելեճէք»: Կիներն ու երեխաները սկսան լալ, աղաղակել ու մազերնին փետել: Ես կծկուեցայ այգիին թուփերուն մէջ... Միեւնոյն աղմուկն ու իրարանցումն ինկաւ դրացի տուներուն մէջ եւս: Իմ տան տիրուհին սկսաւ խմոր շաղել, իսկ Հայր ու որդի սկսան բեռները կապել: Նոյնը կը կատարուէր նաեւ դրացի տուներուն մէջ... Գլուխս առի ու փախայ: Ճանապարհին տեսայ քիւրտերու քարաւաններ...»³: Փախստականներից շատերն էին Հայտնում նման լուրեր:

Իսկ Վանում թշնամու դիրքերը լոռում էին: Դրանք մասսամբ դատարկվում էին. թուրքերն ու քրղերը հեռանում էին Արտամետի ուղղությամբ:

Զինվորական մարմինը ապրիլի 29-ին Հայտարարեց. «Զանազան աղրիւրներէ կ'իմանանք, թէ թուրքերու մէջ խուճապ կը տիրէ եւ թէ անոնք իրենց դիրքերը կը լրեն»⁴:

Սակայն թուրքական դիրքերը գրավելու Հայերի փորձերը Հանդիպեցին ուժեղ Համազարկի: Միայն Այգեստանի «գլխավոր պողոտան եղող Խաչ-փողանի վրայի դիրքերը գրաւուեցան եւ Հնչեց Հայոց նվազախմբի խրոխտ նուազը»⁵:

Կոփվն աշխուժացավ մայիսի 2-ին, վերսկսվեցին ոմքակոծությունները: Մայիսի 3-ին դրանք ավելի կատաղի դարձան: Ռմբակոծում էին բոլոր կետե-

¹ «Յուշամատեան Մեծ Եղեռնի», էջ 756:

² Եկարյան Ա., նշվ. աշխ., էջ 212-215:

³ «Յուշամատեան Մեծ Եղեռնի», էջ 760:

⁴ Նույն տեղում:

⁵ Եկարյան Ա., նշվ. աշխ., էջ 223:

րից, ոմբակոծում էին նաև Այգեստանի ներսի խաղաղ թաղերը: Ռմբակոծությունը շարունակվեց մինչև ժամը 16-ը: Հայնկույսների հատվածում հայերը հակահարձակման անցան: Նույնը կատարվեց Դարդանելի դիրքերում: Թշնամին փախուստի դիմեց: Հայերը մտան Թոփրախ-կալեի զորանոց ու հրդեհեցին: Նրանք գրավեցին նաև Զըմզըմ Մաղարայի բարձունքը՝ դրանով իսկ տեր դարձան Այգեստանի ելք ու մուտքի վրա հսկող կետերին: Գրավեցին ու հրկիղեցին Հաջի Բեքիրի զորանոցը, ապա առաջ շարժվեցին հինգ մղոն երկարություն ունեցող Խաչ-փողանով՝ Այգեստանն ու Քաղաքամեջը միմյանց կապելու համար:

Այդ ընթացքում Զեղեթը հասցրել էր փախչել: Նրա լրված տանը գտան տեղի խողական փոխհյուպատոս Բ. Սպորտոնիին հասցեագրված մի երկտող. «Պատերազմական հարկադրութեանց պատճառով քաղաքը կը թողում: Ճիշդ է, որ ցաւի արժանի վիճակ մըն է եղեր խոռվութեանց մէջ գտնուող երկրի մը մէջ նախագահութիւն ընելը: Աչքի առջեւ գտնուող երախաններուն գթալը արգելեց մեզի գիշերային յարձակումներ գործել: Ռուսերը կացութենէն օգտուեցան: Աստուած փորձանք հասցնէ դաւաճան քոմիթաճիններուն»¹:

Մայիսի 3-ը ազատության օր էր: Հայերի ձեռքին էին Շամիրամի տակից սկսած մինչև քաղաքի հեռավոր արվարձանները, Հայկավանքից մինչև պատմական բերդը, Թավրիզի դուռը և Քաղաքամեջը: Գիշերը բոլոր տները դրավված էին, բոլոր շենքերը քողարկված, շատերն էլ հրկիղված:

Մայիսի 4-ին Այգեստանի և Քաղաքամեջի պաշտպանները միացան իրար: Ճառով հանդես եկավ Փանոս Թերլեմեղյանը. «Մենք բերեր ենք ձեզ Այգեստանի ձեր զինակից ընկերներու համբոյրն ու հիացմունքը: Երկու տեղն ալ փառքով յաղթանակեցինք, թշնամին անզօր ու խայտառակ փախաւ»²:

Խորհրդանշական մի փաստ: Գեներալ Նիկոլաևը երբ տեսավ հայերի կառուցած դիրքերը, հարցրեց. «Արդյոք ձեր շարքերուն մէջ զինուորական ամրութեանց կառուցման մասնագէտներ եղած են: Որովհետև այս դիրքի (Թեքյալիֆի-հարբիեի ամրոցի) վիճակը, անոր նկուղային ամրացումը... կը յիշեցնէ Փորթ-Արթուրի բերդային ամրութեանց...»³:

Կոիզների ընթացքում թուրքերը հայերի վրա արձակել էին 16.000 արկ, որից 10.000-ը՝ Քաղաքամեջում⁴:

Վանում խողական գործակալի տվյալներով՝ թուրքերը սպանել էին 100 կին ու երեխա և մի քանի տղամարդ, իսկ իրենք գրոհներից միայն մեկի ժամանակ կորցրել էին 60-70 մարդ: Ա-Դոն գրում է, որ Քաղաքամեջում հայերից սպանվել էր 43 և վիրավորվել 71 մարդ: Այգեստանում հայերի կորուստներն անհամեմատ մեծ էին⁵: Զ. Կոսոյանի տվյալներով Քաղաքամեջում սպանվել էր 34 և վիրավորվել 69 հայ⁶, իսկ Ա. Եկարյանը նշում է, որ Այգեստանում հայերի

¹ «Յուշամատեան Մեծ եղենի», էջ 766:

² Կոսոյեան Հ., նշվ. աշխ., էջ 162:

³ Նույն տեղում, էջ 175-176:

⁴ **БарձԱ, В стране ужасов. Мученица Армения, стр. 75.**

⁵ Ա-Դո, նշվ. աշխ., էջ 364:

⁶ Կոսոյեան Հ., նշվ. աշխ., էջ 166-169:

Կորուստները կազմում էին 250 մարդ, որից կովողներ՝ 145 մարդ¹: Շոյքներ Ռիխտերի տվյալներով Վանում թուրքերը կորցրեցին 1000, իսկ Հայերը՝ 300 մարդ²:

Գրավվեց նաև քաղաքի բանտը, որի հայ բանտարկյալներին, սակայն, թուրքերը հասցրել էին սպանել: Մայիսի 4-ին և 5-ին Վանում հրդեհ էր ու կողոպուտ: Պահանջվում էր կերակրել 70 հազար կիսաքաղց մարդկանց: Ոչնչացվում էին զորանոցները, ոստիկանատունը, բանտերը, մարտական դիրքերը՝ անակնկալներից խուսափելու համար: Հրդեհվեցին թուրքական թաղերը, որպեսզի դրանց տերերն այլևս չվերադառնային, իսկ քաղաքում մնացած թուրք բնակչության հանդեպ ցուցաբերվեց միանգամայն ուշադիր վերաբերմունք՝ նրանց բոլորին անվնաս հանձնեցին ամերիկան ու գերմանական միահաների ներկայացուցիչներին:

Մայիսի 5-ի երեկոյան քաղաք են մտնում հայ կամավորները: Հաջորդ օրը ժողովրդին դիմում է Զինվորական մարմինը. «Ամիս մը առաջ, այսօր, երբ թշնամին վատարար կոի յայտարարեց քաղաքակրթութեան եւ արդարութեան դէմ, մեր դէմ. մենք հաւատքով փարեցանք գէնքին եւ մեր հոգիին խորէն զգացինք, որ յաղթանակը մերը պիտի ըլլայ այս կոուին մէջ, վասնզի մեր կոիւր խաւարին դէմ էր, տգիտութեան եւ բռնութեան դէմ՝ ճշմարտութեան եւ արդարութեան համար...»

Մեր զինուորի արի ու անսասան դիմադրութիւնը ամեն տեղ թշնամիին զգացնել տուաւ, որ մեր երակներուն մէջ չէ դաղրած, կը հոսի տակաւին արիւնը ազատութեան ու կոուի...»

Արբած ենք մենք եւ աստուածային խենթութեամբ լեցուած, որովհետեւ հազարաւոր տարիներու մեզ թալանող, կողոպտող, խաչողն է, որ գլխապատառ կը փախչի այսօր եւ հազարաւոր տարիներու մեզի թալանողին եւ խողխողողին է, որ կը թալանենք, կը կոտորենք, կը խաչենք մենք:

Վրէժի անողորմ, բայց արդար աստուածն է, որ նստած է մեր ներսը եւ մեր գլխավերեւը: Վրէժի ձայնն է, որ կը լսենք մենք հիմա եւ այդ ձայնը կու զայ հազարաւոր տարիներու ընթացքին սրախսողխող հայ սերունդներու, թոնիրի մէջ խորովուող մանուկներու եւ բռնարարուած կոյսերու սասանեցնող եւ աղեկուր կամչերու մէջէն...

Այսօր, ուրեմն, տօնն է ոչ միայն մեր ամսօրեայ պայքարին եւ յաղթանակներուն, այլևս նախատօնը Հայկական Ազատութեան բոլոր բռնաւոր լուծերէն, բոլոր յոշոտած ճիրաններէն»³:

Հայ կամավորների պաշտոնական մուտքը տեղի ունեցավ մայիսի 6-ին, երբ նրանք Շահքաղի գուղից ձգվեցին մինչև Այգեստան: Ամբողջ ժողովուրդը նրանց դիմավորում էր քաղաքից դուրս՝ 60 հազար մարդ նվազախմբի հետ:

Սահակ Ջանգոյանը բարձրացավ Վանա բերդի պարիսպը և դեն շպրտեց

¹ Եկարյան Ա., նշվ. աշխ., էջ 228:

² Lepsius J., Berichte über die Lage des Armenischen Volkes in der Turkei, Potsdam, 1916, s. 65.

³ Եկարյան Ա., նշվ. աշխ., էջ 268-269:

օսմանյան դրոշակը և տեղն ամրացրեց Հայկական դրոշակ:

Վանեցիների հաղթանակն առաջին հերթին ճշտ կողմնորոշման արդյունք էր՝ Հային բնաջնջել նպատակադրած թշնամու Հետ միայն մեկ Հարաբերությունն է արդյունավետ՝ կովել ոչ թե Հանուն կյանքի, այլ Հանուն մահվան: Մեծ նշանակություն ունեցան նաև կուսակցական ներհակությունից ձերքագատվելը, գերազանց կազմակերպվածությունն ու կարգապահությունը, ճշտ մարտավարությունը՝ ոչ թե Հարձակում, այլ ուժեղ պաշտպանություն, ուղղական Հիանալի ամրությունների ստեղծում, ու նաև այն, որ իրական հույս էր Հայ կամավորների ու ոռուսական բանակի մոտալուտ գալը:

Վանի հերոսամարտը փրկեց Հայության վարկը, նրա մարտունակության համարումը, ինչպես նաև 150-200 հազար Հայի կյանք:

«Երկու իրադարձություն՝ Վանի Հայերի օրինական ինքնապաշտպանությունը նրանց սպառնացող ջարդին դեմ Հանդիման և ոռուսների առաջխաղացումը իրար Հետ որևէ կապ չունեն և չեն կարող դիտվել որպես պատճառ և Հետևանք... Իրենց ինքնապաշտպանությամբ Վանի Հայերը լոկ նպատակ էին Հետապնդում՝ փրկել Հարագատաների կյանքը»¹: Այսինքն՝ կառավարության դեմ Վանում կանխամտածված շարժում գոյություն չուներ: «Կանխամտածված էին միայն այն Հալածանքները, որոնք իրականացվում էին Հետևողականութեն»²:

Վանում Հայերի դեմ կովում էին նաև 1200-1300 քրդեր Սուլեյման բեյի Հրամանատարությամբ: Նոգալեսը պատմում է մի ընդունելության մասին. «Նահանգապետը երեկոյան լավ հագուստով նստած էր դիմացս... Կապիտան Ռաշիդ բեյը ձախ կողմում էր անթերի Համազգեստով: Նա լազերի գումարտակի Հրամանատարն էր և նահանգապետի աջ ձեռքը... Նրան այստեղ տեսնելով... ինչպես կարող էի պատկերացնել, որ այդ նրբագեղ մանիկուր արված և գահագարդ ձեռները կարող էին թրջված լինել մեծաթիվ անմեղ զոհերի արյունով: Ձենտրմեն կոչվող Ահմեդ բեյը.. իր ազնվական շարժուձևով ... նման էր պճամոլի.. Բայց նա ոչ այլ որ էր, եթե ոչ տիրահոչչակ Զերքեզ Ահմեղը, որ Հետո սպանեց Զոհրապին, Վարդգեսին և Տաղավարյանին...»³:

Քրդերի ախորժակը գրգռելով նրանց մարտունակությունը բարձրացնելու համար Զեղեթը խոստացել էր նրանց տալ ամբողջ ավարը: «Ֆախրէտտին փաշայ իւր ներկայութեան ձեմալ պէտք բերանը բացաւ կտրուկ եւ ահաւոր յայտարարութիւնով, Վան, Տեղթ-Եղը և Զեյթուն իրար խառնեց, որպէս թէ Վանայ 10.000 Հայերու օգնութեամբ կովկասցի 25.000 Հայ կամաւորներ յաջողած են քաղաքը գրաւել»⁴:

Մայիսի 4-ին Վանը լրիվ աղատագրված էր: Հաջորդ երեք օրերին քաղաք մտան Հայ կամավորական գնդերը: Ի պատիվ նրանց՝ թուրքերից խլված թնդանոթներից 50 Համազարկ արձակվեց:

¹ Lepsius J., նշվ. աշխ., էջ 129:

² Նույն տեղում, էջ 198:

³ Nogales, նշվ. աշխ., էջ 73-74:

⁴ «Կիլիկեան կակիծներ». Վաւերագրեր Կիլիկիոյ կաթողիկոսական դիւանէն. 1903-1915, Պէլրութ, 1927, էջ 191-192:

Մայիսի 5-ին Վան մտան Խեջոյի, Ա. Մելիք-Մուսյանի և Դալի Ղազարի կամավորական ջոկատները: Գիշերը և հաջորդ օրը տեղ է հասնում Դրոն: «Մայիսի 6-ին,- գրում է Ա. Բարբին,- ոռոսական բանակը մտավ Վան: Դրանից առաջ Վան մտավ Հայկական ջոկատը Վարդանի ղեկավարությամբ, որը միավորում էր Քեռու, Համազասպի ու Դրոյի գնդերը, որոնք քիչ անց նորից բաժանվեցին ու Հարձակվեցին քրդերի վրա: Ապա Դրոն շարժվեց դեպի Մուշ, մտավ Խնուս ու ջախջախիչ Հարվածներ հասցրեց թուրքերին»:

Հանդես գալով ոռոսական բանակի պատվին կազմակերպված ճաշկերութում, Արամ Մանուկյանն ասաց. «Երեք ամիս առաջ մենք հույս չունեինք ոռոս զորքի գալու վրա: Մեր դրությունն անելանելի էր. կա'մ թույլ տալ, որ մեզ մորթուտեն ոչխարների պես, կա'մ կործանվել «Տիտանիկ» նավի նման՝ երաժշտության հանդիսավոր հնչունների տակ: Մենք գերազասեցինք վերջինը և մենք կը կործանվեինք, բայց մեզ օգնության եկաք դուք, եկաք անսպասելի կերպով և մեր հաղթանակների կեսը ձեզ ենք պարտական»:

Պետրոգրադն ի լուր աշխարհի Հայտնեց, որ ոռոսական բանակը «Վանում բռնագրավել է 26 հրետանի, մեծ քանակությամբ ուղղմամթերք, կառավարական գանձերը: Հայ բնակչությունը խանդավառությամբ ընդունեց ոռոսական զորքին»¹:

Նույն օրը Հրապարակվեց ինքնապաշտպանության մարմնի դիմումը Հայ ժողովրդին. «Ամսօրեայ պայքարը, զոր տարինք փառքով ու պատուով, այսօր իր կատարելիութեան մեջ կը վայելենք... Այսօր ահա Հայկական դրօշակն է, որ Հաղարաւոր տարիներու ընթացքին առաջին անգամն է կը ծածանի, ու բռնութիւնը Հայ զինուորի գնդակէն Հալածական կը փախչի»²:

Նիկոլաևը հեռագրեց բանակի հրամանատարին. «Ծնորհի զինուած Հայ ժողովրդի եւ ոռոսահպատակ Արամի ղեկավարութեամբ, Վանը մէկ ամիս պաշտպանուեցաւ եւ երեք օր առաջ միայն Հայերը գերակշռեցին, ու թուրքերը սկսան նահանջել: Քաղաքը այրուած է: Ազատ են մնացեր քանի մը Հայարնակ թաղեր եւ ոռոսական հյուպատոսարանը: Հայերը յանձնեցին բերդի բանալիները: Ժողովուրդը եւ Վանի պաշտպանները, եպիսկոպոսի եւ Հոգեւորականներու առաջնորդութեամբ կազմակերպեցին Հանդիսաւոր ցոյցեր»³:

Նիկոլաևի ներկայացմամբ՝ ոռոսական բանակի հրամանատարությունը մայիսի 7-ին հաստատեց Ա. Մանուկյանի նշանակումը Վանի ժամանակավոր նահանգապետ: Այդ առթիվ զեներալ Օգանովսկու հեռագրերում ասվում է, որ որպես նահանգապետ Ա. Մանուկյանին է հանձնվում «Վանի շրջակայքի կառավարութիւնը: Ան կազմելու է վարչութիւն միմիայն Հայերէն եւ յենուելու է Հայ երկրապահներու վրայ...»: Հավանաբար ավելի բարձր ղեկավարությանը չուրախացրեց նման նշանակումը, մանավանդ այն, որ Հայի էր հանձնվում ամբողջ նահանգի նահանգապետությունը և Վանի ղեկավարությունը կազմը-

¹ «Բնօրբան», 1995 թ., № 1, էջ 13:

² Կէորկիզեան Ա., նշվ. աշխ., էջ 198:

³ «Հայունիք», ամսագիր, 1925 թ., մայիս, էջ 86:

ված էր լինելու «միմիայն հայերէն եւ յենուելու էր հայ երկրապահներու վրայ»: Աշա թե ինչո՞ւ նա Նիկոլակին ուղարկում է երկրորդ հեռագիրը, որում ասվում է, թե Արամը նահանագապետ է նշանակվում «պայմանով, որ ան ենթարկուի զինուորական իշխանութեան, այսինքն՝ բերդապահ զօրքի զիսաւորին...»¹:

Մայիսի 8-ին Ա. Մանուկյանը կոչով դիմում է ժողովրդին, որում մասնավորապես ասվում է. «Ծուսական յաղթական բանակի առաջիշտացումը նոր դարագլուխ եւ իրաւակարդ կը բանայ մեր քաղաքի եւ գաւառի իրաւագուրկ ժողովուրդին համար...»²:

Ներկայ պատմական պատասխանատու օրերուն մէջ հայ ժողովուրդը միայն մէկ նշանաբան պիտի ունենայ՝ համախմբուիլ ամբողջ եռանդով կառավարութեան չուրջը՝ վերակազմակերպելու կեանքը ... արժանի լինելու համար քառորդ դարէ աւելի մղուած պայքարին մեջ ինկած հերոսներու յոյսերուն եւ յիշատակին...»³:

Ա. Մանուկյանը մեծ եռանդով ձեռնամուխ եղավ ավերված քաղաքի ու նահանգի վերածնման գործին: Ընդամենը մի քանի օրում նա կարողացավ ձեավորել կառավարական մարմինները: Դա Արևմտյան Հայաստանի տարածքի վրա առաջին հայկական կառավարման համակարգն էր: Ստեղծվեցին նահանգային վարչություն, տնտեսական մարմին, քաղաքական վարչություն, կրթական տեսչություն, երկրագործական, առողջապահական, առևտուրի մարմիններ, ոստիկանական տեսչություն, դատական մարմիններ: Զեսավորվեց 14 գավառների ղեկավարությունը, նշանակվեցին գավառապետներ: Թե՛ նահանգային և թե՛ գավառային կառավարման ղեկավարներ նշանակվեցին միայն հայեր: Ոստիկանության կազմում կար 360 մարդ: Կազմվեց նաև 1915 թ. մարտ-ղեկտեմբեր ամիսների բյուջեն, որի եկամտային մասը պլանավորված էր 178,340 ռուբլի:

Դարավոր ստրկական լուծը թոթափած հայն աներեսակայելի եռանդով լծվեց իր երկրի վերաշինության գործին:

Վան են զալիս արևելահայ մտավորականության նշանավոր ներկայացուցիչներ: Սկսեց ձեսավորվել քաղաքի մշակութային կյանքը. կազմակերպվում էին տոնախմբություններ, հանդեսներ, համերգներ, մեծարման երեկոներ (Հ. Թումանյան, Ռոստոմ):

Սակայն Վան է գալիս նաև զիսավոր հրամանատարի տեղակալ Յուղենիչը: Ա. Մանուկյանը գնում է նրա զալուստը ողջունելու, բայց ոռուսական թթու մեծապետականության այդ ոչ շարքային ներկայացուցիչը նրան չի ընդունում: Հետագա իրադարձությունները վկայեցին, որ ցարական կառավարության համար Հայաստան անունով երկիր գոյություն չուներ, այլ կար միայն ոռուսական բանակի նվաճած տարածք, որի վրա, բացի ոռուսից, ուրիշ ոչ ոք որևէ իրավունք կամ հավակնություն չէր կարող ունենալ:

Մայիսի 20-ին ոռուսական գործող բանակից Վ. Շչերբինը Պետրովրադ գրեց. «Մեր փառապանծ հերոսների արագ երթը ծայրաստիճան ծանր պայմաննե-

¹ «Արամ...», էջ 466:

² Նույն տեղում, էջ 467:

րում՝ անկանոն մատակարարում և ճանապարհների բացակայություն, ժամանակին օգնություն հասցրեց Վանի պաշտպաններին մի այնպիսի բախտորոշ պահին, երբ նրանք ապրում էին իրենց վերջին օրերը: Փամփուշտները լրիվ սպառված էին, հաց չկար, երբ Զեղեթ փաշան, գրավելով քաղաքի բերդը, և Վանա լճի այն կողմում գտնվող Դատվանի միջոցով օգնություն ստանալով, անդադար կրակի տակ էր պահում իրամատներում գտնվող հայերին:

Հարմար արտահայտություններ չկան նկարագրելու Վանի հայությանը համակած ոգևորությունն ու եռանդը մեր զորքերի Վան մտնելու պահին: Զորքերը ծածկվեցին ծաղիկներով: Մատուցվեցին հաց ու աղ, ինչպես նաև քաղաքի բանալին, տրվեց հրանոթային համազարկ...

Մեր կողմից Վանի գրավումն ունի շատ կարևոր քաղաքական նշանակություն: Մերն է ծաղկուն երկրամաս կուլտուրական ազգարնակչությամբ, Թուրքա-Հայաստանի հին մայրաքաղաքով, որը ոռուսական բանակը գրավում է առաջին անգամ...»¹:

«Ռուսական ուղղմական իշխանությունը, - գրեց «Կավկազskoe слово»-ն, - Վանում և նվաճած նահանգում ստեղծեց քաղաքացիական վարչություն պատերազմական ժամանակի իրավունքներով, որի ղեկավար նշանակվեց Վանի ինքնապաշտպանության հերոս Արամը: Կյանքը քաղաքում աստիճանաբար հունի մեջ էր մտել, երբ հանկարծ էվակուացիայի հրաման ստացվեց: Վանի ու Վասպուրականի հայությունը բռնեց գաղթի ճամփան»²:

Ռուսական զորքերը Վանից լճի հյուսիսային և հարավային ափերով շարժվեցին ղեպի Դատվան, ապա նաև՝ ղեպի Բիթլիս և Մուչ: Բայց ոչ Բիթլիս հասան և ոչ Էլ Մուչ, հուլիսի 1-ին նահանջեցին Սորբ ու Ախլաթ: Օգտվելով դրանից՝ քրդերը հարձակման անցան Մոկսում և Շատախում: Թուրքերը եռանդուն զործողություններ ծավալեցին նաև Օլթի, Ալաշկերտի և Սարիղամիշի ուղղություններով, ինչը հայերի շրջանում խուճապ առաջացրեց:

Հուլիսի 18-ին ռուսական հրամանատարությունը հայերին տեղյակ պահեց, որ իրենք նահանջում են և առաջարկեց, որ Վանի ժողովուրդը նույնպես թողնի քաղաքն ու մեկնի Կովկաս: Սկսվեց «Վասպուրականի մեծ գաղթը»: Դա վանեցիների առաջին գաղթն էր:

Վանի հայկական իշխանությունն ունեցավ 70 օրվա կյանք:

Երբ պարզ դարձավ, որ Վանը թողնվելու է թուրքերին, Ա. Մանուկյանը առաջնորդարանում ժողով հավաքեց և այդ մասին տեղյակ պահեց քաղաքի ավագանուն: Վանեցիները հուսալքվեցին, մանավանդ, որ անգամ ճամփա ընկնելու համար նախապատրաստվելու ժամանակ չտվեցին: Վանեցիների գաղթը չես ասի, թե կազմակերպված բնույթ ուներ: Գործում էր. «Ով կարող է, թող փրկվի» սկզբունքը: Հեշտ է ասել, Բերկրիի կիրճն անցնելու համար վանեցիները երեք օրում պետք է կտրեին 100 կմ: Զկային փոխադրական միջոցներ, ինչն անելանելի կացություն էր ստեղծում ծեր, հիվանդ կամ փոքր երեխա ունեցող ընտանիքների համար:

¹ АВПР, Политархив, д. 3505, л. 29.

² «Кавказское слово», 1 января 1916 г.

Գաղթում էր 150.000 մարդ, գաղթում հիմնականում հետիոտն: Քայլում էին արևի այրող ճառագայթների տակ, ամպի վերածված ճանապարհի փոշու միջով: Քարավանը մշտապես հարձակման էր ենթարկվում թուրքերի ու քրդերի կողմից, նա արագ մաշվում էր, փոքրանում, մեռնում էին քաղցից, հոգնությունից, հիվանդություններից, զոհ դառնում թշնամու հարձակումներին:

Ռուսական սահմանն անցան ավելի քան 100.000 Վան-վասպուրականցի փախստականներ, որոնց Համլենն ու Բրոնը անվանում են «ցեղասպանությունից փրկված բացառություններ»¹: Դրանք իսկապես բացառություններ էին, որովհետև այդ գաղթը նշանակեց նաև տասնյակ հազարավոր վանեցիների ու վասպուրականցիների կոտորած ու մահ: Շատախի, Մոկսի, Գավաշի հայության առջևը թշնամին կտրեց ջանիկի կիրճում, տեղի ունեցավ ահոելի կոտորած:

Հուլիսի 19-ին, երբ հազարավոր հայեր փորձում էին անցնել Բերկրիի կիրճը, հրաձգություն սկսվեց: Ժողովուրդը խուճապի մատնվեց: Սակայն այդ պահին տեղ հասան Դանիել վարդապետ Զաղոյանի և Հովհաննես վարդապետ Հուսյանի զինված խմբերը, որոնք երեք կողմից գրոհեցին թշնամու վրա: Բայց ժողովրդին փրկել չկարողացան: Կոտորվեց 12 հազար մարդ: Կամավորական գնդերը գաղթող հայերին լուրջ օգնություն ցույց տալ չկարողացան, քանի որ Անդրանիկի և Դրոյի գնդերը Արճեշի վրայով նահանջեցին դեպի Իգդիր, իսկ Քեռին ու Համազասպը Բաշկալեի վրայով՝ դեպի Խոյ:

Ամենաուշ հեռացողներն էին Արամ Մանուկյանը, Արմեն Գարոն և Նրանց ուղեկցող զինյալ խմբերը²:

«*Կավկազское слово*» թերթի 1915 թ. հունիսի 24-ի համարում Գուխովը գրում է. «Հարյուրավոր վերստ երկարությամբ, Օրգովից մինչև Վան, Կարաքիլիսայից մինչև Ալաշկերտ և դրանից հարավ՝ անցնում են յաթաղանից փրկված սովահար հայերը... Արճեշի, Բաթնոսի, Ալաթի, Կոփի և Խնուսի կազաներում ու սանջակներում թուրքերը վալիների հրամանով շատ տեղերում ջարդել են մի քանի հազար կանանց ու երեխաների... Միպան լեռան մերձակայքում թափված է հայ կանանց ու երեխաների մոտ 2000 դիակ: Բոլոր այդ շրջաններում մոլեզնում են տիֆը, ջրծաղիկը և ուրիշ հիվանդություններ... Միայն Մանազկերտում կա տիֆով հիվանդ ավելի քան 1000 մարդ»:

«Վանում ամրող հայ բնակչությունը, - 1915 թ. օգոստոսի 24-ին գրում է Թուրքիայում Գերմանիայի դեսպան ի. Համամջիկը, - որ չի հաջողել փախչել, - տեղի մուսուլմանները սրի են քաշել: Խնայվել են միայն յոթ տարեկանից ցածր երեխաները, որոնց տեղավորել են առանձին շենքում, հավանաբար թուրքացնելու նպատակով»³: Զյուռնիայի իշխանությունները տեղի մահեղականներին հաշվառում են, որպեսզի բնակության ուղարկեն Վան:

¹ Համլեն Ա., Բրոն Ժ., Վերականգնված հիշողություն, Ե., 1995, էջ 104:

² «Տարօնի արծիւ», 1950 թ., № 30, էջ 11-15:

³ Соփյա, ԱՃԱ, ֆ. 321, օպ. 1, հ. 2464, լ. 24.

Արտասահմանյան պետական գործիչներից ու դեսպաններից Վանի իրադարձությունների մասին առաջինը տեղյակ դարձավ Վանգենհայմը:

Ապրիլի 11-ին նրան հրավիրում են Թուրքիայի ՆԳ նախարարություն և խիստ գաղտնի հայտնում, որ Վանում ապստամբություն է բռնկվել և ձեռնարկվում են Համապատասխան հակամիջոցներ: Դեսպանը հույս է հայտնում, որ կառավարական ուժերը կարդ ու կանոն հաստատելիս կխոսսափեն քայլերից, որոնք կարող են համարվել քրիստոնյաների ջարդ: Նախարարության պաշտոնատարը կիսարերան պատասխանում է. «Վանի կայազորը կազմված է վատ վարժված ջոկատներից և հազիվ թե հնարավոր լինի ամբողջովին խուսափել ծայրահեղություններից»¹: Կարինում Գերմանիայի հյուպատոսը հաջորդ օրը հեռագրեց՝ Վանում և շրջակայքում խոռվություն է ծագել, հավանաբար ոուսական գրգռությունների հետևանքով: Փողոցային կոփվներ են ընթանում: Հեռագրական գծերը ոչնչացված են, Պարսկաստանի հետ հաղորդակցությունը՝ խզված: ՆԳ նախարարությունը հաստատում է նշված լուրի ճշտությունը, սակայն խնդրել է առայժմ հրապարակման չտալ: Գերմանական դեսպանության տվյալներով՝ թուրքերը Վանում կորցրել են 600 մարդ:

Ռումբերի մեծ պաշարներ են հայտնաբերվել Կեսարիայում և Դիարբեքիրում, որի հետևանքով «կառավարութիւնը նախազգուշական լայն միջոցառումներ է ձեռնարկել հայկական շարժման տարածումը կանխելու համար: Կարինում ձերբակալուած է 200 հոգի: Մեծ բնակավայրերից հայերի տարագրությունը շարունակում է: Տարագրուածների տեղերը զբաղեցնում են մահմեղական գաղթականները»²:

Այսպիսով գերմանական դիվանագետները համահունչ էին Զեղեթի և երիտթուրքական մյուս պարագլուխների հետ՝ Վանում կատարվածը ոչ թե ինքնապաշտպանություն էր, այլ ապստամբություն: Ահա այդ «ապստամբությունը» հիմք դարձրեցին հիմնավորելու հայերի զանգվածային ջարդերը: Մեծ եղեռնին վերաբերող թուրքական որեւէ հուշագրություն, պատմագիտական ուսումնասիրություն կամ լրագրային հողված չկա, որում Վանի իրադարձությունները չներկայացվեն որպես Հայոց ցեղասպանության գլխավոր պատճառներից մեկը:

Նախորդ գրքում օգտագործված վավերագրերը հիմնովին հերքում են թուրք-գերմանական այդ թեզը: Անգամ Կարինի գերմանական հյուպատոսի վերը նշված հեռագիրն է դա հերքում հետևյալ արտահայտությամբ. «Մեծ բնակավայրերից հայերի տարագրությունը շարունակվում է»:

1915 թ. հունիսի վերջին Բարձր Դուռը Հայտարարեց, թե Վանի վիլայեթում մնացած 150 հազար մահմեղականների ճակատագիրն անհայտ է, իսկ օգոստոսին էնվերը պնդեց, որ հայերը նրանց բոլորին սպանել են: Երկու ամիս անց Բեղլինում թուրքական դեսպանությունը «ոչնչացված» մահմեղականների թիվը 180 հազարի հասցը:

¹ FO Turkei 183, BL 36, Վանգենհայմի 11/24-ը ապրիլի 1915 թ. հեռագիրը:

² Տաշեան Հ., նշվ. աշխ., էջ 48:

Թուրքերն ու գերմանացիները, մասնավորապես արդի պատմաբանները, պնդում են, որ Վանի իրաղարձությունները ոչ թե թուրքական իշխանությունների քաղաքականության հետևանք էին, այլ ուստաների թելաղրանքով տեսական ժամանակաշրջացքում նախապատրաստված ապստամբություն։ Այդ միտքը հիմնավորելու համար նրանք օգտագործում են նաև հայ որոշ գործիչների ու պատմաբանների մտքերը։

Անաշառ ականատեսներն ու ժամանակակիցները հակառակ կարծիքին էին: «Այսպես կոչված Վանի ապստամբությունը, - զրում է Լեփսիուսը, - օրինական պաշտպանության սովորական գործողություն էր, մի դրվագ (Հայերի) ջարդի պատմության, բայց ոչ մի գեպքում դավաճանություն, ինչը հաստատում են նաև պաշարման ականատես գերմանացիները»¹:

Էլիզարեթը նկատում է. «Չնայած վալին այդ (ինքնապաշտպանությունն) անվանում է ապստամբություն, իրականում այն հայերի տներն ու կյանքը պաշտպանելու փորձ էր»²:

Ամերիկյան միսիոներների վկայությամբ՝ հայերին գրգռել էր Զեղեթը, որպեսզի պատրվակ լիներ նրանց ջարդելու համար: Գրեթե նույն միտքն է հաստատում Բրայյոր. «Հայերը Վանում չեն ապստամբել, այլ պարզապես պաշտպանվել են»³: Զեղեթը հայերին գորակոչում էր ոչ թե բանակում ծառայելու, այլ նրանց կոտորելու նպատակով⁴:

«New York Times»-ը մայիսի 25-ին գրեց. «Վանը Թուրքա-Հայաստանում և Ուրմիան Պարսկաստանում մի քանի ամիս շարունակ հալածանքի և հարձակման էին ենթարկվում թուրքերի և քրդերի կողմից: Դրությունն այնքան լրջացավ, որ եվրոպական պետությունները բողոք ներկայացրեցին»:

Նանսենը հեզնում է հայերի պատամբության մասին թուրքական թեզը: Նա զրում է. «... Պայթեց Վանի ըմբռատությունը, որ թուրքերն անվանեցին «Հայկական դավադրություն»... Այսպես կոչված Վանի «ապստամբությունը» թուրքերը շահարկեցին որպես հայերի դավաճանության իրական ապացույց»⁵:

Թուրք գործիչ ԱՀմեդ Ռեֆիկը գտնում էր, որ «Վանի հայերի պատամբությունը, ուազմական գործողություններին խոչընդոտելը երիտթուրքերին պատրվակ ընձեռեցին ազգային իդաերի իրականացման համար: Իրավական և ուժեղ պետությունում, նման իրավիճակներում, կառավարությունը կսահմանափակվեր հակակառավարական ելույթների ճնշումով, սակայն երիտթուրքերն ընտրեցին հայերի ֆիզիկական բնաշնչման և այդ եղանակով արևելյան վիլայեթների հարցի վերացման ուղին»⁶:

Վանի հերոսապատումը ծնեց կարծիքների ու տեսակետների ավելի քան բազմազանություն: Թուրքիայում տարածված է այն կարծիքը, որ Վանում կատարված տեսական ժամանակ նախապատրաստված ապստամբություն էր:

¹ Lepsius J., նշվ. աշխ., էջ 128-129:

² Barrows J., In the Land of Ararat, London, 1916, p. 128.

³ Bryce J., նշվ. աշխ., էջ 627:

⁴ Մորգենթաու Հ., նշվ. աշխ., էջ 298:

⁵ Նանսեն Ֆ., Խարված ժողովուրդ, Ե., 2000, էջ 251:

⁶ Refik A., Iki komite. Iki kitab, Istanbul, 1919, s. 19.

Քյամուրան Գյուրունը գրում է, որ այդ մասին Զեղեթին հայտնի էր, դեռ 1914 թ. նոյեմբերի 29-ին¹: Ըստ նրա՝ Վասպուրականը Հեղեղված էր «Հայկական ավազակախմբերով»: Մարտի 20-ին Զեղեթը հեռազրել էր. «Նահանգի բոլոր մասերում զինված բախումները չարունակվում են... Ենթադրվում է, որ ապստամբների թիվը 2000-ից անցնում է»²:

Ալի Խսհանի կարծիքով՝ վանեցիների կոիվը նպաստեց «Դիմանում ուսւների հաղթանակին»: Էնվերը պահանջում էր ոչնչացնել Վանը, ուստաներին մեղադրում էր մահմեղականներին աքսորելու մեջ և առաջարկում էր նույն կերպ վարվել Հայերի հետ: Նոգալեար կատարվածի մեղքը բարդում էր հնչակյան և ուամկավար կուսակցությունների վրա, ժխտում, որ թուրքական բանակը մասնակցել է Հայերի ջարդերին, որ Թալեաթի՝ «այրել, ավերել, սպանել» կոչող հեռազիրը կոտորածների վրա որևէ անդրադարձ չի ունեցել: Ըստ նրա՝ Հայկան թաղերի վրա նետվեց 16.000 արկ³:

«Ապրիլի 14-ին Գևորգ կաթողիկոսը հեռազրեց Վորոնցով-Դաշկովին, որ Թավրիզի առաջնորդից տեղեկություն է ստացվել, թե Թուրքիայում ապրիլի 10-ից սկսվել է համատարած ջարդ: 10.000 Հայեր զենք են վերցրել և կովում են քրդերի ու թուրքերի դեմ: Կաթողիկոսը խնդրում էր, որ փոխարքան փութացնի ուսւ զորքի արշավանքը դեպի Վան»: Սրանից Լեռն եղրակացնում է, թե «վաղօրոք եղել է պայմանավորվածություն՝ ապստամբություն և արշավանք Վանի վրա»⁴:

Վանի վրա արշավող ուսսական բանակի առաջնամասում, - չարունակում է Լեռն, - գնում էր Վարդանի «Արարատյան» կամավորական գունդը, որի կազմում կար 2000 մարդ: Գունդը մայիսի 6-ին մտնում է Վան:

Մենք ձեռքի տակ վկայություններ չունենք ուստաների հետ վանեցիների նախնական պայմանավորվածության մասին և չենք բացառում, որ ուստաների շահագրգուվածությունը նրանց մղած կիխնի Հարաբերություններ հաստատելու իրենց սահմանի վրա գտնվող Վանի հայ գործիչների հետ: Սակայն նաև ակնհայտ էր, որ այդ կապը ոչ թե ջարդերի պատճառ էր, այլ բնաջնջելուց փրկվելու օժանդակ հնարավորություն, որովհետև Հայերը ո՛չ նպատակ ունեին թուրքական լուծը զինված պայքարի միջոցով տապալելու և ո՛չ էլ նախահարձակ են եղել:

Վանում պարտվելուց հետո Զեղեթը շարժվեց դեպի Հարավ-արևմուտք: Սկզբում նրա «ղասար-թարուրները» (ղահմների գումարտակ: Նա ինքն էր իր զինված ուժերին այդպես անվանում) Հարձակվեցին Սղերդի վրա և մորթութեցին տեղի հայ և ասորի բնակչության մեծ մասին: Հուլիսի 25-ին նա կազմակերպեց Բիթլիսի Հայության ջարդը: Կանայք ու երեխաները, ինչպես անասունների հետ են վարվում, բաժանվեցին քրդերին ու թուրքերին: Զեղեթը, - գրում է Քրիստոֆեր Ուոլկերը, ոչնչացրեց Սալնո ձորի ամբողջ Հայությանը, ապա շարժվեց Մուշի ու Սասունի վրա⁵:

¹ Gurun K., The Armenian File, London, 1985, p. 96.

² Նույն տեղում, p. 61:

³ Bryce J., նշվ. աշխ., էջ 627.

⁴ Լեռ, Անցյալից, Թիֆլիս, 1925, էջ 320:

⁵ Walker Ch., The Survival of a Nation, New York, 1980, p. 4-5.

Երբ գարնանը ոռուսները նահանջեցին, թուրքերը դա համարեցին բարենպաստ պայման հայերին հաշվեհարդարի ենթարկելու: «Հետեւարար, փոխանակ նահանջող թշնամիին հետեւելու, թիւրք բանակը եւ զարձաւ եւ Վանի հողամասը արշաւեց: Փոխանակ ոռուսական մարզուած զինուորներով բանակին դէմ կոռուելու, թիւրքերը իրենց հրացանները, զնդացիրները եւ ուրիշ զէնքերը դարձուցին Վանի գիւղերը բնակող կիներուն, տղոց եւ ծերերուն դէմ»: Սկսվեցին խժդժութունները, «չորս օր անընդհատ ջարդ կատարեցին: Ապրիլի 15-ին (2-ին) 500-ի չափ երիտասարդ հայեր կանչուեցան Ականցէն, լսելու համար սուլթանին մէկ հրամանը. արեւմուտին, անոնք քաղաքէն դուրս հանուեցան եւ անխղճօրէն հրացանազարկ սպանուեցան»¹: Վանա լճի հյուսիսային մասում գտնվող գյուղերում երեք օրում 24,000 հայ սպանվեց:

Մահմեղականների հանդեպ Վանում հայերի «գազանությունների» մասին լուրերը տարածվում էին բոլոր միջոցներով՝ բանավոր, թե գրավոր: Վիեննա ուղարկված լրտեսագրերից մեկում կարդում ենք. թե «էրգորումի մի երեսփոխան, որը երիտթուրքական կոմիտեի ազդեցիկ անդամներից է (հավանաբար Բ. Շաքիրը), ասաց ինձ, որ կառավարաթյունը մեծագույն ջանքեր է թափում, որպեսզի Վանի շրջանում հայերի կատարած գազանությունները թուրքական հասարակությանը հայտնի չդառնան, որովհետև, եթե դառնան, հետեւանքը թուրքական վրեժիսնդրության սարսափելի պոռթկումը կլինի: Ասում են, թե հայերը Վանում թուրքերին, անդամ կանանց ու երեխաներին, այնպես էին կոտորում, որ ոռուս սպաները փորձել են վերջ տալ այդ արյան բաղնիսին՝ ծանր պատիճներ սահմանելով»²:

Փաստերն ու վավերագրերը լրիվ հակառակն են ասում: Երբ ոռուսները գրավեցին Վանը, ամերիկյան միսիոններների մոտ թաքնված 3000 հայեր դուրս եկան ու նրանց տեղը թաքնվեցին 1000 թուրք կին և երեխա: Հայ կամավորները միսիոններներին հանձնեցին նաև մի թուրքի, որը պարծենում էր, թե 20 հայ է սպանել:

Ահա թե ինչ են պատմել Ըշըրը և Վանի գերմանական որբանոցի տնօրեն Շպյորին. «Մեր հողամասում կան հազար թուրք կանայք և երեխաներ, որոնց մեզ մոտ են բերել հայ զինվորները, որովհետև սա թուրքերի համար լավագույն ապաստանն է... Հայերն, ընդհանրապես, թուրք գերիների նկատմամբ հիացմունքի արժանի ինքնազապում են դրսերում, եթե հիշենք, թե ինչպես էին նրանց վերաբերվել թուրքերը»³:

Վերը նշված 150 հազար մահմեղականների առնչությամբ Լեփսիուսը գրում է. «Վանի վիլայեթում կա 180 հազար մահմեղական, որից 30 հազարը թուրք է և 150 հազարը՝ քուրդ: 30.000 թուրքեր ոռուսական բանակի առաջնապացման ժամանակ փախել էին Բիթլիսի վիլայեթ... Վանի վիլայեթի 150.000 քրդերը, որոնք հիմնականում ապրում են հարավային և հարավարևելյան

¹ Մորգենթաու Հ., նշվ. աշխ., էջ 247:

² Wien, HHSTA PA XII 272 Konst. 15 August 1915.

³ Lepsius J., Der Todesgang des Armenischen Volkes: Bericht über das Schicksal des Armenischen Volkes in der Türkei während des Weltkrieges. Potsdam, 1919, s. 96.

շրջաններում, շարժվեցին Ղավի վերին հովիտ՝ Տիգրիսի հոսանքն ի վար, մնացել էին ոռուսական ճակատի հետևում և ուազմական գործողությունների շրջանում չեն եղել: ...Այդ 150.000 մահմեղականներին ընդհանրապես ոչինչ և ոչ ոք չի սպառնացել, ուր մնաց, թե կոտորված լինեին հայերի կողմից...»¹:

Նույն խնդրի մասին ֆայեղ էլ-Ղուսեյնը գրում է. «Ես զրադվել եմ այդ գործով, հարցուփորձ եմ արել Դիարբեքիր եկած Վանի բնակիչներին ու պաշտոնյաներին, թե Վանում կամ վիլայեթի որևէ մասում հայերը մահմեղականներին սպանել են: Բոլորը մխտողական պատասխան տվեցին և ասացին, որ կառավարությունը մինչև ոռուսների գալը ...քաղաքն ազատել էր տվել մահմեղական բնակչությունից»²:

Ինչ վերաբերում է մեծաթիվ թուրքերի ոչնչացմանը, ապա դա հնարավոր չէր նաև այն պատճառով, որ նրանք Վանի վիլայեթում «բնակչության միայն չնչին մասն էին կազմում»³:

Նոգալեսը գրում է. «Եթե Վանում շրջափակված 3000-4000 հայերը գինվորական նվազախմբեր ստեղծելու, ժամանակավոր կառավարություն կազմելու և մեղալներ ու զինվորական շքանշաններ պատրաստելու փոխարեն զանգվածային գրոհ ձեռնարկած լինեին, ո՞վ գիտի, թե մեր վիճակն ինչ կլիներ»⁴: Հայերը չէին հարձակվում, որովհետև ոչ թե պատերազմի մեջ էին թուրքերի դեմ, այլ պարզապես պաշտպանվում էին ոչնչացումից:

Դրա փոխարեն, երբ ոռուսները նահանջեցին, թուրքերը վերադառնալով Վան (օգոստոսի 11-ին) հայտարարեցին, թե «Վանի գրավումն ավելի շատ հայերի, քան ոռուսների արածն էր» և հայերին սպասում է «սարսափելի դատաստան»: Երբ Պալավիչինին Մեծ վեղիրին խնդրեց մեղմացնել հայերի հանդեպ քաղաքականությունը, նա խոստացավ, բայց չարեց և հայերի վիճակն ավելի ողբերգական դարձավ: Սրի քաշվեցին քաղաքում ու գյուղերում մնացած բոլոր հայերը, որոնք հիմնականում ծերեր, հիվանդներ և երեխաներ էին: Երբ ոռուսական զորքերը երկրորդ անգամ մտան Վան, քաղաքում և գյուղերում 55.000 դիմակ հավաքեցին և այրեցին:

Բրայսը բերում է օրիորդ Կնափի վկայությունը՝ նրա նամակները գրված Բարտոնին 1915 թ. մայիս-հունիս ամիսներին, ինչպես նաև Ե. Ռշտունու՝ «Կոչնակ» թերթում 1916 թ. տպագրված հոդվածաշարը: Վանի ինքնապաշտպանության մասին նյութեր կան նաև ականատեսներից Մելարինի «Բիթլիսի ողբերգությունը» գրքում, Ուշելինի (1917 թ.) նամակներում, Դ. Քլարեսի «An American Physician in Turkey» (Boston, 1918) գրքում, Հոլանդական նպաստամատույց հանձնաժողովի հրատարակած «Mastaling der Armeniers in Turkija, naar Berichten, Van Joggelingen Urtgegeven Door het Niderlandisch Comite ist Halpbetoon aan de Needlijdende Armeniers»-ում (Haarlem, 1918):

¹ Lepsius J., Deutschland und Armenien 1914-1918, Sammlung diplomatischer Aktenstücke. Potsdam, 1919, s. LXXIV.

² El-Ghassein F. S., Die Turkenherrschaft und Armeniens Schmerzenschrei. Zürich, 1918, s. 95.

³ Wien, HHSTA PA XXXVIII 375, Trapezunt, 17 September 1912.

⁴ De Nogales, Vier Jahre, s. 57.

Կարևոր սկզբնաղբյուր է ինքնապաշտպանության ժամանակավոր Զինվորական մարմնի «*La Défense Lezuque de Van*» (Génève, 1916) ժողովածուն, որում զետեղված են նաև Զեղեթի նամակները, ինքնապաշտպանության կոմիտեի հրամանները և նման այլ նյութեր: Արժանահավատ նյութեր կան Հայաստանի և Ռուսաստանի արխիվներում, այլևս այլ հրապարակություններում և ուսումնասիրություններում:

«Երկար ժամանակ,- գրում է Շպյորին,- թուրքերը, քրդերն ու չերքեղները կեղեքում էին տեղի հայերին: Թալանը, սպանությունները, բռնություններն այնպիսի արագությամբ էին հաջորդում միմյանց, որ շատերը հարկադրված փախան կովկաս: Վանի վալի Զեղեթ բեյը ... խոստացավ վերջ դնել այդ անիրավություններին, մեղավորներին պատժել: Նա կարգուկանոն հաստատելու համար իր մոտ հրավիրեց հայ համայնքի ակնառու ներկայացուցիչներին, որոնց թվում՝ երեսփոխան Վուայանին, բայց դավադրաբար բոլորին կոտորել տվեց: Այսպես սկսվեցին Վանի դեպքերը: Քաղաքն ուներ մոտ 50,000 բնակիչ, որի 3/5-ը հայեր էին... Թուրքական զորքերը գրոհում էին քաղաքի վրա, իսկ բնակչությունը դիմադրում էր: Սկսվեց պաշարումը: Հաջորդ 15 օրերին Զեղեթ բեյն իր մարդկանց հրամայեց հարձակվել մոտակա բնակավայրերի վրա: Թալանվեց ու ավերվեց 258 գյուղ, մոտ 26 հազար հայ կոտորվեց, տներն ու այգիներն ավերակի վերածվեցին: 10,000 փախստականների Զեղեթ բեյը թույլատրեց քաղաք մտնել, որպեսզի հայերի թիվը ավելացնելով արագացնի սովամահությունը»:

Ապրիլին սկսվեցին անկարգությունները Վանում,- վկայում է գերմանական մի այլ աղբյուր,- այնտեղ ապրիլի 15-ին հայ երկու գործիչ սպանվեց, երբ վալու հանձնարարությամբ թուրքական ժանդարմների ուղեկցությամբ գնում էին վիլայեթի լեռնային շրջանը: Երրորդ զեկավարը՝ Արամը, զգուշանալով ընդհանուր ջարդից, հայկական թաղը ամրացրեց պաշտպանության համար: Նա հաջողեց 30 օր դիմադրել թուրքական զորքերին, մինչև որ մայիսի 5-ին Վանը հանձնվեց ռուսներին¹:

Եթե ուրուգվայական «*El Tempro*»-ն գրեց. «Թուրքիայի վիճակն ավելի է բարդանում: Վան նահանգի և նույնանուն քաղաքում պայմանական ապատամբությունը: Բնակչությունը գտնվում է ապստամբների իշխանության տակ», ապա Սազոնովը լսելով Վանի իրադարձությունների մասին Փարիզի և Լոնդոնի իր դեսպաններ իզգումկուն և Բենկենդորֆին հայտնեց, որ հայերի զինված դիմադրությունը հանդիսանում է թուրքական ավազակախմբերի և քրդական հորդաների կողմից իրականացվող բռնությունների ու կոտորածների հետևանք ու դրանց պատասխան: Նոյն օրը հայտարարություն հրապարակվեց, որ Սազոնովը հերքում է Սալոնիկում Ֆրանսիայի հյուպատոսի կարծիքը, թե հայերի զանգվածային ջարդերը կազմակերպվել են ի պատասխան Վանի և Զեյթունի ապստամբությունների: Հենց այդ ժամանակ Սազոնովը միտք հղացավ հանդես գալու հայտարարությամբ Օսմանյան կայսրությունում

¹ R 14098, Ab. 39028.

Հայերի հալածանքների ու ջարդերի դեմ: Նա Բենկենդորֆին ու Իզվոլսկուն հղած հեռագրերում անհրաժեշտ համարեց այդ հարցում Անտանտի երկրների կառավարությունների համատեղ հանդես գալը, նաև շարադրեց այդ հայտարարության հիմնական դրույթները¹:

Բենկենդորֆը Սագոնովին տեղեկացնում է, որ ինքը Նիկոլսոնին հայտնել է Վանի ղեպերի մասին: Նիկոլսոնն ասել է, որ անգլիական կառավարությունը կատարվածից անտեղյակ է, սակայն եթե դա հաստատվի, ապա Թուրքիան այդ իրադարձությունների մեջ կտտնի ապացույց՝ հաստատելու, թե հայերը ապստամբություն են բարձրացրել: Ռուսաստանի ղետպանը պատասխանել է, որ հավանաբար արյունալի սաղրանքներից հետո հայերին այլ ելք չեր մնում: Նա գտնում է, որ թուրքերի նմանօրինակ փաստարկները զուրկ են որևէ նշանակությունից²: Սագոնովը մայիսի 2-ին հեռագրում է. «Լիովին հավանություն ենք տալիս Նիկոլսոնին ձեր տված պատասխանին: Տարակույս չկա, որ Վանում հայերի ապստամբությունը հարուցված է կոտորածով, և ոչ ընդհակառակը, որովհետև հայերի համար իմաստ չուներ մինչև մեր զորքերի տեղ հասնելը սկսել շարժում քրդերի և թուրքերի գերակշիռ ուժերի դեմ»³: Բենկենդորֆը Գրեյի հետ ունեցած զրույցի մասին մայիսի 7-ին գրում է. «Երբ ես նրան ասացի, որ այսպես կոչված Վանի ապստամբությունը չի կարելի նկատի առնել, քանի որ այն, ակնհայտորեն, հաջորդել է կոտորածներին, Գրեյը չառարկեց»⁴:

Նույն օրերին «Berliner Tagenblat» թերթը տպագրեց իր թղթակցի հարցագրույցը թուրքական խորհրդարանի նախագահի հետ: Վերջինս, գրում է թերթը, հայերին համարում է դավաճան, թեև ընդունում է, որ իրենք որոշ սխալներ թույլ տվել են, որի համար ցավում է: Թուրքերի և քրդերի հակահայկական հալածանքները նա բացատրում է թշնամիների հետ հայերի համագործակցելու դիտավորությամբ»⁵:

«Ձեռքի տակ ունենք ականատես գերմանացի և ամերիկացի միսիոներների վավերական գրությունները: 1915 թ. փետրվարին Վանի Զևեթ բեյը թուրքերի մի ժողովում հայտարարել է. «Բնաջնջեցինք Աղրբեջանի հայերին ու սիրիացիներին, բնաջնջենք և Վանի հայերին»: Հօգուտ բանակի բոնագրավումներ կատարելու նպատակով, հայերին ամոթալի միջոցներով կողոպտեցին, շրջակա գյուղացիները քրդերի և ոստիկան-զինվորների ավագակությանը և բոնարարումներին ենթարկվեցին:

... Զևեթ բեյը հարձակում պատրաստեց Վանի հայկական թաղերի վրա, միաժամանակ հրամայեց ջարդեր կազմակերպել Արձեշի և Հայոց ձորի գյուղերում: Կանանց և երեխաներին պաշտպանելու համար հայերը քաշվեցին Վանի իրենց թաղերը...

¹ "Документы французских архивов", с. 9.

² «Հայաստանը միջազգային դիվանագիտության և սովետական արտաքին քաղաքականության փաստաթղթերում», Ե., 1972, էջ 370:

³ Նույն տեղում, էջ 374:

⁴ Նույն տեղում, էջ 376:

⁵ «El Tempor» 27 հոկտեմբերի 1915 թ.:

Թուրքերը Հայկական թաղերը ոմբակոծեցին թնդանոթներով ու հրացան-ներով: Հայերը պաշտպանվեցին, ինչպես կարողացան: Միայն մի քանի ատրճանակ ու հրացան ունեին, ուազմամթերք չունեին: Իրենց ձեռքերով զենքեր, փամփուշտներ և ոռոմեր պատրաստեցին: Թուրք գինվորներն ու քրդերը ավերում են Վանի շրջակայքը, այրում են տները, կոտորում ծերերին, կանանց ու երեխաներին:

... Պաշարումն ու ոմբակոծումը տևեցին չորս շաբաթ: Մայիսի 16-ին (ն. տ.) դրանք Հանկարծ դադարեցին և Ձևդեմք բեյն ու թուրքերը փախան: Ի՞նչ էր պատահել: Խուսական մի զորաբանակ էր մոտենում Վանին: Հայերը նույնիսկ լուր չունեին:

Մայիսի 18-ին (ն. տ.) ոռոսական առաջապահ գնդերը մտան Վան, ահավոր եղելության մասին ոռուսները ևս տեղեկություն չունեին...

Թուրքական Հարձակման դեմ Վանի Հայկական ինքնապաշտպանությունը ունեցավ իր պատմիչը՝ Էնվեր փաշան: Թուրքական կառավարությունը Բեղինում հրատարակեց մի տեղեկագրություն, որն ուղարկեց նաև այլ երկրներ: Ըստ այդ տեղեկագրության, ըմբոստ Հայերի խմբերը հարձակվել էին մահմեղական ժողովրդի վրա: Վանի վիլայեթի 180 հազար մահմեղականներից միայն 30 հազարը ճողովրեց մահից:

Ավելի ուշ, 1915 թ. Հոկտեմբերի 1-ին, Բեղինի թուրքական դեսպանատունը Հայտարարեց, որ «ոչ պակաս, քան 180 հազար մարդ սպանված է: Դրանից հետո մահմեղականները վրեժ են լուծել և ի՞նչ Հարկ կա զարմանալու: Հարձակման պահին սպանված 18 թուրքեր դարձել են... 18 հազար...»

Վանի դեպքերը բնորոշ օրինակ էին Հայերի նկատմամբ թուրքերի կեցվածքի ու ողջ գործելակերպի՝ իրողությունները խեղաժյուրելու, Հայտարարելով, թե Հայերը գործել են որպես զավաճաններ և ըմբոստներ: Բոլոր մյուս փաստերը, որ թվարկում են երիտթուրքերը իրենց արարքները արդարացնելու համար, նույն բնույթի են¹:

Լսենք թուրքական «Սարահ» թերթի խմբագիր, իրադարձությունների ժամանակակից Ա. Քեմալին.

«Ի՞նչ պետք է անենք... Ներո՞ւմ պիտի խնդրենք:

Վանում կեղեքիչ ոճիրներ գործեցին մի քանի անհատներ, և կառավարական ուժը պարտավոր էր բնաջնջել միայն այս ոճիրների հեղինակներին, մինչդեռ մեր կառավարությունը որոշեց ջարդեր կատարել, մորթել տվեց մարդկային զանգվածների, կողոպտել տվեց նրանց ունեցվածքը և հրապարակեց լրյալ գույքերի օրենքը՝ գրավելու համար այն կալվածքները, որոնք հնարավոր չեր եղել Հայկակեն:

Մեր՝ թուրքերիս առաջ քաշած պատճառաբանությունները, համաձայն որոնց Վանում Հայերն են մեր վրա նախահարձակ եղել և որ մենք Անատոլիայում փոխվեժի դիմեցինք, գոհացում կարող է տալ միայն նրանց, ովքեր «զգացմունքայնությամբ» և ոչ թե գիտական ու իրավական տրամաբանությամբ են գործում»²:

¹ Նանաեն Ֆ., Հայաստան և Մերձավոր Արևելք, Վերիսոն, 1956, էջ 253-255:

² «La Renaissance», 1 մարտի 1919 թ.:

Անդրե Մանղելշտամը գրում է, որ մի ամերիկուհի՝ միսս Գրաս Հիգլեյ Կնապպը, Վանի Հայկական թաղի թուրքական պաշարման միջոցին գտնվում էր «Ամերիկայի տանը»: Նրա վկայությունն ամենաարժեքավորն է: Նա Ժստում է, թե Հայերը գրգռեցին թուրքերին. ճիշտ Հակառակը, նրանց ղեկավարներն աշխատում էին արգելել բախումը: Իրականամ բախման պատճառը նահանգապետ Ջեղեթ բեյն էր: Տեսնելով իրենց ղեկավարների ոչնչացումը «Հայերն այլևս ամեն վստահություն կորցրին կուսակալի հանդեպ, և մերժեցին տալ նրան այն 3000 զինվորները, որ նախապես խոստացել էին, փոխարենը առաջարկեցին 400 հոգի: Ջեղեթը, սակայն, պնդեց 3000-ի վրա և Հայտարարեց, թե ինչ էլ որ լինի, պիտի ճնշի «ապստամբությունը», չնայած այդպիսին դեռ չկար: Կուսակալը Հայոց թաղը շրջապատեց խրամատներով: Հայերը վճռեցին իրենց կյանքը ծախել որքան Հնարավոր է թանկ, պատրաստեցին պաշտպանական գիծ: Գործողություններն սկսեցին թուրքերը՝ 1915 թ. ապրիլի 20-ին (Ա. Մ.), բայց թուրքական զենքերը փառքով չպասակվեցին: Մինչ Վանի 1500 Հայերը Հաջողությամբ պաշտպանում էին իրենց թաղը օսմանյան կանոնավոր զորքի դեմ, թուրքերն ու քրդերը հրդեհում էին շրջակա գյուղերը և կոտորում տղամարդկանց, կանանց և երեխաներին...»:

Միսս Կնապպի պատմածը Հաստատում է պարոն Յարոն՝ ամերիկան վարժարանի տնօրենը: Թուրք Հիշատակազրի Հավաստիացնելը, թե ոուսների կողմից Վանը գրավելուց հետո «քաղաքում մնացած իսլամ բնակչությունը կոտորվեց», պարզապես թուրքական սուտ է: Ընդհակառակը, խլամները՝ մեծ մասամբ ոուսների գրաված վայրերից փախստականներ՝ շուրջ 1000 հոգի, խնամվեցին ամերիկացի միսիոներների ու կոմսուհի Տոլստոյայի կողմից և ոուս զորագարի միջոցով տեղափորվեցին գյուղերում: Վանի ինքնապաշտպանության մասին Հայ պարոն Ռշտունու Հետաքրքրական պատմությունից ուշադրության ենք առաջարկում հետևյալ դեպքերը. «Հենց որ գերմանացիները պատերազմ Հայտարարեցին ոուսներին, թուրքական կառավարությունը պաշարողական գրություն Հայտարարեց Վանում և զենքի տակ կանչեց 21 տարեկանից մինչև 45 տարեկան բոլոր այր մարդկանց՝ առանց ցեղի և կրոնի խտրության: Հայերն իրենց գլխավորների հորդորով պատրաստակամ արձագանքեցին այդ կոչին: Սկզբում նրանց Հարաբերությունը թուրքերի հետ բավական լավ էր: Բայց և այնպես, Հայ ու ասորի զինվորների մեծ մասը մնաց առանց զենքի և զինվորական Հանդերձանքի, նրանց տալիս էին վատ մնունդ, որը դասալքություն առաջ բերեց: Թուրքիայի՝ պատերազմի մեջ մտնելուց հետո կառավարությունն սկսեց Հայերին կասկածանքով վերաբերվել¹:

Որպես Մեծ Եղեռնի իրողություններից ու տրամարանությունից հետևություն են Հնչում Ա. Ջիվելեգովի հետևյալ խոսքերը. «Վանա լճի ափերից, Հարավից, արևմուտքից, անգամ արևելքից և Հյուսիսից, Մուշի ու Բիթլիսի շրջակայրից, պարսկական սահմանից պոկվեցին ու շարժվեցին այս անգամ արդեն զինված կանայք, երեխաներ, ծերեր: Տղամարդիկ ... գնացին լեռներ, որպեսզի

¹ Յարևանդ, նշվ. աշխ. Ա. Մանղելշտամի առաջարանը:

պարտիզանական կովով խաղաղեցնեն թուրքերին և քրդերին մինչև ոռւսական զորքերի վերազարձը: Տեղերում մնացածները չհասցրեցին հեռանալ, հավանաբար այլևս չեն ապրում: Նրանք բոլորը մորթվել են»¹:

Միանգամայն ճշմարիտ բնութագրություն: Նրանից սակայն հետևող է հանգում, ինչի հետ համաձայնվելն անհնար է, որովհետև սխալ է ու վտանգավոր: «Այն բանից հետո,- եղրակացնում է Զիվելեգովը,- երբ Վանում հայերը չցանկացան իրենց վիզը ինքնակամ դնել դահճճի դանակի տակ, կամավոր ձևով խայտառակության և տաճանքների հանձնել իրենց կանանց ու երեխաներին, երիտթուրքերը ընդունեցին որոշում: Այն, ինչի առաջ ընկրկել էր անգամ արնախում Համբիղը՝ գաղանային արարքների նկարիչը, ձգտում են իրականացնել քաղաքագետներ, ովքեր իշխանությանը տիրել և իրենց ձեռքում պահում են գերմանական սվինների օգնությամբ: Նրանք որոշեցին ընաջնջել հայ ժողովին, արմատահան անել քրիստոնեական ուսաւյին, որի գոյությունը ներկայումս արդեն լրջորեն սպառնում է Օսմանյան կայսրության ամբողջականությանը»²:

Անհնար է համաձայնվել երկու պատճառով. ա) հայերի բնաջնջման վերաբերյալ երիտթուրքերը որոշում կայացրել էին Վանի իրադարձություններից ամիսներ, անգամ տարիներ առաջ և այդ իրադարձությունները պարզապես պատրվակ գործածվեցին, բ) հայերի գոյությունը Օսմանյան կայսրության ամբողջականության համար սպառնալիք չի եղել և չէր լինի, եթե թուրքական տիրապետությունը չսպառնար հայերի բուն գոյությանը: 1914-1916 թվերին տեղի ունեցածն ասում է, որ անգամ բնաջնջման վտանգի առկայության պայմաններում ոչ թե առաջինը հայերն ինքնապաշտպանական կովի ելան, այլ թուրքերը ձեռնամուխ եղան ամրողական բնաջնջման ծրագրի գործադրմանը: Վանի իրադարձությունների հստակ և օբյեկտիվ գնահատականը տվել է Հ. Մորգենթաուն: Նա այդ իրադարձություններն անվանում է «ամբողջ ազգ մը բնաջնջելու կազմակերպուած փորձի մը առաջին» քայլ ու թուրքերի համար նաև «արդարացում իրենց յաջորդ ոճիրներուն... Ամեն անգամ, երբ Հայերու նպաստին կը դիմէի էնվերին, Թալէաթին եւ նմաններուն, անոնք անփոփոխելիորէն կը յիշէին Վանի «յեղափոխականները», իբրեւ օրինակ «դաւադրութեան»: Մինչդեռ այդ «յեղափոխութիւնն» այլ բան չէր, եթէ ոչ «հայերի դիմադրութիւն», որոնք որոշել էին «ապաշտպանել իրենց կիներու պատիւը եւ իրենց կեանքը...»³:

Միանգամայն իրավացի է նաև Ա. Շիրակյանը. «Յետազային թրքական կառավարութիւնը պիտի չահագործէր Վանի դէպքը, զայն ներկայացնելով որպէս ծրագրուած հայկական ընդհանուր ապատամբութեան փորձ մը, որուն նպատակն էր թիկունքէն հարուածել թիւրք բանակը: Վանի հերոսամարտի նկարագրութիւնը... ցոյց կու տայ, որ հայերը, տեսնելէ ետք, թե ինչեր կը կատարուին շրջաններու մէջ, լոկ ինքնապաշտպանութեան էին դիմած: Արդեն

¹ "Русские ведомости", 24 августа 1915 г.

² Նույն տեղում:

³ Մորգենթաու Հ., նշվ. աշխ., էջ 249:

պատերազմական ճակատի, սահմանային շրջաններուն կոտորածները, ինչպէս նաև ԶԵյթունի տեղահանութիւնը աւելի կանուխ տեղի ունեցած էին. շատ աւելի կանուխ, քան Վանի Հայութեան կարծեցեալ ապատամբութիւնը, որ իբր թէ պատճառ եղած է Հայութեան ընդհանուր տեղահանութեան ու ջարդին»¹:

* * *

Ուստական բանակի նահանջը կարձ տևեց, ընդամենը 3-4 օր: Այդ 3-4 օրում Հայերի արյունը գետի նման հոսեցնելուց հետո Զեղեթը նորից բռնեց փախուստի ճամփան: Ականատեսներից Հեղինե Խեցինովան պատմում է, որ թուրքերի մեջ միատեղված էին դաժանությունը, ընչափաղցությունը և մարդասպանությունը... Մեր վիրավոր կողակներից մեկն ասաց. «Սրանց հարկ է կախել, միայն թե նախապես պետք է ներողություն խնդրել ծառի այն ճյուղից, որից կախելու ես...»²:

Թուրքերն ու քրդերը փախան, Հայերը վերադարձան: Նրանց դիմավորեց ավերված, դիակներով ծածկված Վանը: Գեներալ Զերնողուրով հեռագրեց Պետրոգրադ, թե քաղաք մտնել Հնարավոր չէ դիակների գարշահոտության պատճառով: Վանը «ամբողջությամբ ավերված է: Լավագույն շինությունները հրկիզված են, իսկ կավաշենները՝ փլված: Փողոցներում և բակերում ամենուրեք թափված են կենդանիների ու Հայերի դիակներ... Թուրքահայաստանի՝ իր ծավալով նախաղեալ չունեցող, ոչնչացումը, ինչը վերջին ժամանակներս թուրքական կառավարությունը վերածել է Համակարգի, տեղի է ունենում ... թուրքական բանակի հանկարծակի հարձակումներին զուգընթաց... Դրանք ծայր աստիճանի կործանարար են Հայ ժողովրդի համար և նպատակ ունեն Հայ ժողովրդին ջնջել աշխարհի երեսից»³:

«Մուսական իշխանությունների օգնությամբ,- պատմում է իրադարձությունների մասնակիցներից մեկը,- Արամը իր չուրջը Հավաքեց չուրջ 100 հեծյալ ու հետևակ զինված երիտասարդների և ուղարկեց Վան: Նրանց հետևեցին ուրիշները, և ժողովուրդն սկսեց աստիճանաբար վերադառնալ Հարազատ քաղաք: Չնայած իշխանությունների հանձնարարականին՝ վերադառնան միայն տղամարդիկ, գնացին նաև կանայք ու երեխաներ: Փախստականներն ու Արամն իր ջոկատով մեծ դժվարությամբ վերադարձան Վան, որն արդեն ոռաների ձեռքին էր: Արամը միջոցներ ձեռնարկեց մարդկանց տեղավորելու, կարգուկանոն հաստատելու համար և կանխարգելու ամեն տեսակի տհաճություններն ու թալանը: Քաղաքի մի մասը առաջին նահանջի ժամանակ ավերվել էր, սակայն շատ տներ կանգուն էին և հնարավոր եղավ աստիճանաբար վերականգնել»:

Բայց այդ հերոսական բնակչությանը բախտ չվիճակվեց ապրելու հարազատ քաղաքում: Առաջին խակ օրերից նրանք տեսան, որ ոստական զորքերը

¹ Շիրակեան Ա., Կոտակն էր նահատակներուն, Պէյրութ, 1965, էջ 44:

² «Հայրենիքի ձայն», Յ Հոկտեմբերի 1984 թ.:

³ «Դեյն», 6 սեպտեմբեր 1915 թ.

վախեցած են և ամեն պահի պատրաստ էին նահանջելու: Մի անգամ ոռւսների շրջանում լուր է տարածվում, թե ղեպի Վան են շարժվում թշնամու խոչոր ուժեր, և նրանք որոշում են նահանջել Խոչաբ: «Ռուս հրամանատարը Արամին առաջարկում է դիմյալների և զորքի հետ քաշվել ղեպի Խոչաբ»:

Քաղաքում խուճապ սկսվեց: Բնակչությունը նորից ամեն ինչ լրեց ու հետիւտն շարժվեց ղեպի Երևան: Երբ հասան Խոչաբ, ոռւս հրամանատարությունը ասաց, թե թուրքերի հարձակման մասին լուրերը ճիշտ չեն և որոշվել է վերադառնալ Վան: Հոգնած, տանջանար ժողովուրդը վերադարձավ: Սակայն նույն օրվա գիշերը հրաման ստացվեց նահանջելու: Ռուսական զորքն ամեն ինչ լրելով փախչում էր: Արամը ժողովրդին հորդորեց մեկնել Երևան: Նորից գաղթ¹:

Դա 1915 թ. սեպտեմբերի 26-ին էր: Հայերը շարժվեցին ղեպի Իգդիր: 1916-ի սկզբներին ոռւսները նորից գրավեցին Վանը: Նրանց հետևից վերադարձան նաև Հայերը: Ա. Գորոգեցկին 1916-ին լինում է Վանում և գրում. «Այն զգացումը, որով կանգնած ես ջարդի վայրում, չի կարող համեմատվել և ոչ մի վշտի հետ: Անուղղելի դժբախտություն, չմաքրվող խայտառակություն, անհուն զայրովթ մարդկային ոգու անարգման համար՝ ահա՝ առաջին զգացումները, որ տալիս է թուրքիան: Նրա զոհն է տանջված, փոքրիկ Հայաստանը»²:

1917 թ. Սալմաստից ոռւսական բանակի հեռանալուց հետո համաթուրանական իղձեր փայփայող որոշ տարրեր աշխրեթապետ Սմկոյին հանձնարարում են սպանել ասորիների առաջնորդ Մար-Շիմոնին: Սմկոն վերջինիս հրավիրում է Հին քաղաք ավան և դավադրաբար սպանում իր 80 զինվորների հետ: Ուրմիայից Մելիք Խոչապան և Աղա Պետրոսը, Սալմաստից Աղա Դավուզը, Մահլամից Զիբրայել Վարդանյանը, Հայդուկ Զիբրոն հարձակվում են ջարաբերդի վրա և Սմկոյին պարտության մատնում: Սմկոն 150 հեծյալով փախչում է Խոյ, գրավում Կոթուրի բարձունքները՝ Վասպուրականի հայությունից վրեժինդիր լինելու համար: Դրա շնորհիվ մարտի 29-30-ը Սալմաստ հասած 18.000 հայեր փրկվում են³:

1917 թ. ոռւսները ստեղծեցին Վանի հայկական վարչությունը Կոստի Համբարձումյանի գլխավորությամբ, որը գործեց մինչև Հայության երրորդ նահանջը՝ 1918 թիվը:

Մինչև ոռւսական բանակի ու վանեցիների երրորդ նահանջը Վանը հիմքեր ուներ վերադառնալու իր երբեմնի կարգավիճակին: Նա դառնում էր Արևմտյան Հայաստանի վարչական կենտրոնը:

Բայց ավաղ...

¹ ЦГВИАР, ф. 521, д. 492, л. 46а-46б.

² Городецкий С., Об Армении и армянской культуре, Ер., 1974, с. 23-24.

³ «Տարօնի արձիւ», 1950 թ., № 30,էջ 16-18:

ԷՐԶՐՈՒՄ-ԿԱՐԻՆ

Էրզրում քաղաքը մինչև 19-րդ դարի կեսերը լինելով Արմենիա էյալեթի կենտրոնը, փաստորեն այդպես էլ մնաց Արևմտյան Հայաստանի քաղաքական, նաև տնտեսական, որոշ առումներով նաև վարչական կենտրոնը:

Պատերազմի նախօրյակին էրզրումի վիլայեթում բնակվում էին 11 աղ-գությունների 630.000 ներկայացուցիչներ, որոնցից հայեր էին 220 հազարը¹: Հայերը հիմնականում բնակվում էին էրզրումի (Կարին), Երզնկայի, Բայրուրդի (Բաբերդ), Քեմախի (Կամախ), Դերջանի, Քղիի, Խսդիր-Թորթումի, Հասան-Կալեի, Ալաշկերտի, Բայազետի վարչական միավորումներում, և կազմում էին 10 հոգեսոր թեմեր: Այդ թեմերը պահպանել էին միլիեթների համակարգով Հայ եկեղեցուն տրված իրավասությունների փշրանքները:

Էրզրումի վիլայեթում նույնպես հայերի հանդեպ խստությունները ուժեղացան պատերազմի նախօրյակին: Դրա արտահայտություններից էր հայ ուսուցիչների համատարած զորակոչք: Հայերի ունեցվածքի բռնագրավումներն էլ վիլայեթում սկսվեցին պատերազմի նախօրյակին:

Նաև հարկ է հաշվի առնել, որ հայերի հանդեպ քաղաքականության խստանալը տեղի էր ունենում ամրող ազգաբնակչության սոցիալ-տնտեսական ծանր վիճակի համայնապատկերի վրա: Քաղաքների համառուսական միության Սարիղամիշի լիազոր Արդութինսկին գրում է. «Թուրքական տիրապետության շրջանում ամեն ինչ արվեց, որպեսզի էրզրումը վերածվի նրա բնակչության առողջությանն ու կյանքին մշտապես սպառնացող վարակի օջախի... Թուրքական սանհիտարական ծառայության տվյալներով՝ 100.000 բնակիչ ունեցող էրզրումում մի ժամանակ բծավոր տիֆով հիվանդ էր 40.000 մարդ, մահացությունը կազմում էր 50-60 տոկոս»²:

Էրզրումի վիլայեթը 1915 թ. մուտք գործեց, երբ հարևան շատ շրջաններում հայերի բնաջնջումն արդեն իրողություն էր: 1914 թ. գեկտեմբերին թուրքերն իրականացրին Արդահանի ու դրա գյուղերի (Մեթիյամ, Սազարա, Խելավան, Սեղերեկ, Ուր, Պանդիս, Օլչակի, Կերմակ, Դաղագյուլ, Ռեազ, Շեղեվան, Զիկովա, Կեղեղաման, Ալարա) հայ բնակչության ոչնչացում: Դրանից մեկ ամիս առաջ բնաջնջվել էր Արդվինի հայ բնակչության կեսը:

Էրզրումի նահանգի հայաթափումն ավելի շուտ սկսվեց, քան մյուս վիլայեթներում: Օրինակ, Երբեմնի հայաշատ Ալաշկերտում պատերազմի նախօրյակին մնացել էր միայն 22 հայաբնակ գյուղ: Դրա պատճառներից մեկը ուս-

¹ "Армянский вестник", 1916 г., № 23.

² Նույն տեղում:

թուրքական սահմանի վրա գտնվելն էր: Ի դեպ, Ալաշկերտի և Հարևան շրջանների հայաթափմամբ շահագրգուպած էր նաև Ռուսաստանը, և պատահական չէ, որ երբ 1916-ին եղեռնից վերապրած ալաշկերտցիները ուզեցին վերադառնալ իրենց գյուղերը, ուստական հրամանատարությունը թույլ չտվեց:

Հայր Հակոբոս Տաշյանը գրում է, որ պատերազմի մեջ Թուրքիայի մտնելուց «Հազիւ քանի մը շաբաթ ետք ... Կարինը դարձեր էր գորշ ու հսկայ մեռելատուն մը: Մահն իր մանգաղը սրած ման եկաւ փողոցներուն մէջ եւ կոտորեց անխնայ: Հազարաւոր զինուորներ մեռան մայթերու վրայ, ուրիշներ՝ փողոցներուն մէջ մնացին սառած»: 1915 թ. «Կարինի մէջ Հավաքուած թիւրք գունդերէն ... երրորդ մասը հիւանդացած է,- գրում է Շոյնբեր Ռիխտերը,- եւ ուրիշ երրորդ մաս մըն ալ... դասալիք եղած է»¹:

Ուրուգվայական «El Dia» թերթը ապրիլի 28-ին գրեց, «Էրզրումում օրական 1000 մարդ է մեռնում տիֆից ու ծաղկախտից: Քաղաքի փողոցներում թափած են անթաղ դիակներ: Շատ տների դռներն այլևս չբացվեցին, որովհետև դրանց բոլոր բնակիչները մեռել էին:

Ռուսաները վարանում էին էրզրումի ուղղությամբ առաջանալ, վախենալով վարակիչ հիվանդություններից, որոնք ավերում էին քաղաքը»:

Սկսած 1914-ի կեսերից, շուրջ 30-35 հազ. հեծյալ և հետևակ համիդիեներ ապրում էին Հայերի տներում, իսկ Հայ տղամարդկանց տարան զորանոցներ:

Էրզրումի 1914 թ. քաղաքական կյանքի ամենանշանակալից իրադարձություններից մեկը ՀՅ Դաշնակցության 8-րդ Համագումարն էր: Դրա մասնակիցներից Վահան Մինախորյանն իր «1915 թուականը: Արհաւիրքի օրեր» հուշերում անդրադառնում է այդ Համագումարի աշխատանքներին: Այն բացվեց էրզրումի դաշնակցական կազմակերպության ակումբում: Համագումարը պետք է քննարկեր ու լուծեր բարենորոգումներին առնչվող մի շարք հարցեր և լսեր տեղական կոմիտեների զեկուցները: «Տիսուր փաստերով լի էին այդ զեկուցումները: Բոնագրաւումներ, մասնակի տեղահանութիւններ, անհաշիւ սպանութիւններ... իրաւագրկման այնպիսի դէպքեր, որ առանց կսկիծի՝ անհնար էր լսել»²:

Խոսքը 1914 թ. հուլիսի ու գրանից առաջ ընկած ժամանակաշրջանի մասին է, երբ ո՞չ պատերազմ կար և ո՞չ էլ «պատերազմական անհրաժեշտություն»: Թուրքական իշխանությունները պարզապես «կատարում էին» Հայկական բարենորոգումների վերաբերյալ 1914 թ. փետրվարի 6-ի ոռու-թուրքական պայմանագիրը: Պատմությունը կրկնվում էր. Բեռլինի 1878 թ. դաշնագրի 61-րդ հոդվածը ծնեց Հայերի «փճացման» զուլումի քաղաքականությունը, իսկ 1914 թ. փետրվարի Համաձայնագիրը՝ նորից Հայերի «փճացման» ուղղված միջոցառումների մի ամրող համակարգ: Դա կյանքի էր կոչվելու՝ անկախ սկավելու էր Առաջին աշխարհամարտը, թե՞ ոչ: Պատերազմը պարզապես նպաստեց այդ քաղաքականության կիրառմանը, դրա Համար ստեղծեց բարենպաստ պայմաններ:

¹ Տաշեան Յ., Հայ ազգային տարագրութիւնը գերմանական վավերագիրներուն համեմատ, Վիեննա, 1921, էջ 171-172:

² Մինախորյան Վ., 1915 թուականը: Արհաւիրքի օրեր, Վենետիկ, 1949, էջ 66:

Եվ որպես վաղվա չարագույժ իրողություն, համագումարին ցնցեց աշխարհամարտը սկսվելու լուրը և այն հարկադրված էր ամբողջությամբ վերակառուցվել «պատերազմի ոգով»: Դեռ մինչև թուրքական պատվիրակության երևալը համագումարն սկսեց քննարկել բախտորոշ հարցը՝ ոռուս-թուրքական պատերազմ սկսվելու դեպքում (իսկ ոչ ոք չէր կասկածում, որ դա սկսվել էր), հայությունն ի՞նչ դիրքորոշում էր ունենալու:

Համագումարի մեծամասնությունն այն կարծիքին էր, որ եթե թուրքիան պատերազմի մեջ մտնի, հայությունը պետք է կատարի իր քաղաքացիական պարտքը: Իսկ եթե թուրքիան պատերազմի մեջ մտներ Ռուսաստանի⁸ հետ: Ինչպիսի՞ն էր լինելու հայության երկու հատվածների կեցվածքը: Մեծամասնությունն այն կարծիքին էր, որ թե՛ արևամտահայությունը և թե՛ կովկասահայությունը պարտավոր էին կատարել իրենց քաղաքացիական պարտքը որպես Ռուսաստանի քաղաքացիներ: Դա նշանակում էր, որ հայ ժողովուրդի երկու գլխավոր հատվածները մի կողմ էին դնում համազգային խնդիրները և ռազմակատի երկու կողմերում կովկելու էր միջանց դեմ՝ հանուն Ռուսաստանի և թուրքիայի, այլ ոչ թե սեփական ազգային շահերի: «Ժողովականները գիտակցում էին այս դրութիւնից բխող անհեթեթութիւնները: Զիօսելով եղբայրը եղբօր դէմ հանելու գործնական գժուարութիւնների մասին... կար քիչ առաջ բարենորոգումների շուրջը ծնունդ առած համազգային շարժման հմայքը»¹:

Ահա թե ինչու համագումարը պառակտվեց: Ոմանք (Հ. Սրվանձտյան, Տ. Խաչիկյան) առաջարկում էին Արևմտյան Հայաստանում ընդհանուր ապատամբություն կազմակերպել, իսկ Ռ. Տեր-Մինասյանն առաջարկեց «կամաւորական գնդեր ստեղծել եւ միանալ թրքական բանակին՝ ոռուների դէմ»²:

Համագումարը մերժեց թե՛ մեկ և թե՛ մյուս առաջարկությունները և որոշեց մնալ չեղոքության դիրքերում: Այդ ժամանակ համագումարի պատվիրակների հետ բանակցություններ սկսեցին Բեհաէդղին Շաքիրն ու Նաջին: Նրանց հետ բանակցում էին Ա. Վուայանը, Ռուսական Ակնունին: «Քաղաքացիական պարտականությունները բարեխսիղ կատարելու 8-րդ համագումարի որոշումը թուրքերի համար ընդունելի չէր», նրանք պահանջում էին, որ հայերն անվերապահորեն կանգնեն թուրքերի կողքին, հրաժարվեն Հայկական հարցից:

Հայերը մերժեցին թուրքական առաջարկությունը և բանակցությունները ձախողվեցին:

Երկու օր անց ուստիկանաթյունը պահանջեց համագումարի մասնակիցների ցուցակը, չնայած այն էրզրումում գումարվել էր Թալեաթի առաջարկությամբ:

Դրան հաջորդեցին անսանձ բռնությունները հայերի հանդեպ: «Արման-սկий վետհիկ»-ի 1916 թ. թիվ 44-ում կարդում ենք. «Կառավարական ավագակների խումբը գորքերի համար պարեն հավաքելու պատրվակով մտնում էր հայերի տներն ու այլանդակություններ կատարում: Հայկական գյուղերից քանչեցին անասունների ամբողջ հոտեր՝ հայտարարելով, թե դրանք ձեռք են բերվել Ռուսաստանում»: Հիմնարկների դռները փակվեցին հայ հոգևորականների

¹ Մինախորյան Վ., նշվ. աշխ., էջ 68:

² Նույն տեղում, էջ 69:

և պաշտոնական անձանց առաջ: «Իսկ քիչ անց հայերի դիակներով ծածկված կովի ղաշտում թուրքական զորքերն ու ամբոխը ընկածների արյունով էր հագեցնում ծարավը»:

Հոկտեմբերի սկզբներից սկսած Ալաշկերտում ամեն օր տեղի էին ունենում հայ զործիչների ձերքակալություններ և աքսորներ: Հայերի տներում խուզարկություններ էին կատարվում՝ ցանկանալով սպառնալիքների միջոցով հարկադրել ասելու գոյություն չունեցող ոռւս լրտեսների թաքստոցները: Եվ դա՝ մինչև ոռւս-թուրքական պատերազմը: Տանը միայնակ մնացած կանայք և ծերերը լրտեսներ թաքցնելու մասին նույնիսկ մտածել չէին կարող: Սակայն կառավարությունը «կասկածում էր» և դա բավական էր, որպեսզի տանջեին ու սպանեին հայերին:

Հայ պաշտոնատարներից մեկն այն հարցին, թե «զյուղերի հայ բնակիչներին վերադարձվելո՞ւ են թալանված ունեցվածքն ու կանանց, որոնց տարել էին համիլիեները», արցունքն աչքերին պատասխանեց. «Պարո՞ն, կառավարությունից որևէ լավ բան մի՛ սպասեք... Իմ հարազատները նույն բախտին են արժանացել: Նրանք մեզ վերջնականապես կիսժուն, լրիվ կոչնչացնեն: Մեր բոլոր դիմումներին ու խնդրանքներին նրանք միայն մի պատասխան ունեն՝ «Հայը, նրա կինը, նրա ունեցվածքը, այդ ամենը պատերազմի համար են»:

Ալաշկերտում, ինչ-որ ժամանակ հայկական հոծ բնակչությամբ գավառում, 1914 թ. մնացել էր 22 հայկական գյուղ: 1914-ի դեկտեմբերի գաղթի օրերին ոչնչացվեց Մոլլա-Սուլեյման և Զետյկան գյուղերի բնակչությունը:

Այդպես էր վիճակը ոչ միայն Ալաշկերտում, այլ ամբողջ Բասենում, որտեղ հայ բնակչության թիվը 8-10 հազարից չէր անցնում, իսկ հայարնակ էր մնացել ընդամենը 57 գյուղ: Բասենի առաջին խոշոր արտագաղթը տեղի ունեցավ 1914 թ. նոյեմբերի 22-24-ին՝ կապված ոռւսական բանակի նահանջի հետ: Վերին Բասենը դատարկվեց 1915 թ. մայիս-հունիսին:

1915 թ. մարտի 15-ին ոռւս դիվանագետ Սերաֆիմովը տեղեկագրեց, որ էրզրումի մերձակայքի 17 գյուղերից կանգուն են միայն երեքը»¹:

Ալաշկերտի երեք գյուղերում ոչնչացվեց 490 ընտանիք, ոռւսական սահմանն անցան չորս գյուղերի բնակիչները²:

1914 թ. սեպտեմբերի 18-ին իշխանություններն սկսեցին զենք բաժանել վիլայեթի մահմեդական ամբողջ բնակչությանը:

Ռուսաստանի փոխհայուպատուսի տեղեկագրերից մեկում նշվում է. 1914 թ. հոկտեմբերին Բայազետում իշխանությունները զինել էին քրեական հանցագործներին՝ հայերին բռնությունների ու հալածանքների ենթարկելու համար: Դրանից խուսափելու համար շատ հայեր արտագաղթեցին: Մեկ ամիս անց ոռւսական զորքերը գրավեցին Բայազետը, բայց չուտով այն թողեցին: Ռուսական զորքերի հետ հեռացան մեծ թվով հայեր: «Արմանսկий վեստնիկ»-ի թղթակիցը 1914 թ. օգոստոսին լինում է Բայազետում և նշում, որ այդ քաղաքում և գավառի գյուղերում «վիճակն աղետալի էր: Ամբողջ համայնքից մնացել

¹ АВПР, Политархив, д. 3504, л. 19.

² "Русские ведомости", 14 апреля 1915 г.

Էին միայն կանայք ու երեխաներ... Իրենց գործն սկսեցին նաև համիդիե գնդերը: Հայկական զյուղերում թագավորում էին բացարձակ կամայականությունն ու ավերածությունը: Քյոփրի-Քեռի, Յուղերանի և Վալի-Բարանի բնակչությունը ենթարկվեց աներևակայելի տանջանքների»¹:

Թե՛ Բայազետում և թե՛ Ռուսաստանին սահմանակից մյուս շրջաններում 1914 թ. երկրորդ կեսին տեղի ունեցան հայ բնակչության թե՛ արտաքսում, թե՛ խոշտանգումներ և թե՛ զանգվածային սպանություններ: Դա ցեղասպանության թուրքական քաղաքականությունն էր, որը գործողության մեջ դրվել էր պատերազմի մեջ թուրքիայի մտնելուց և, առավել ևս, Վանի իրադարձություններից ամիսներ առաջ:

Թուրքերը հայերի բռնագաղթի առաջին պատճառը համարում էին ոչ թե Վանի հերոսամարտն ու Զեյթունի ինքնապաշտպանությունը, այլ Սարիղամիշի ճակատամարտը: Սարիղամիշից հետո էր, որ էնվերի հրամանով հայ զինվորներին զինաթափեցին, իսկ բժիշկներին ձերբակալեցին և կոտորեցին էրզրումերզնկա ճանապարհին:

Գիշերային ժամապահները 1914 թ. հոկտեմբերի 14-ին, այսինքն՝ մինչև թուրքիայի՝ պատերազմի մեջ մտնելը, փոխերեց Հ. Տեր-Մինասյանին տնից դուրս հանեցին և նրա մարմինը մանր մասերի բաժանեցին: Այդպես վարվեցին մեկի հետ, որը չնայած մտահոգություն ուներ, որ հայերը ենթարկվելու էին կողոպուտի ու կոտորածի, երեք ամիս շարունակ իշխանություններին մատուցել էր ամենատարբեր ծառայություններ՝ բանակի կարիքների համար հայերից հավաքել էր հացահատիկ, վարսակ, յուղ, հագուստ: Նրան մեղաղբեցին «ոռուների հետ կապի մեջ»: «Ոչ որ չէր համարձակվում նրա դիակի մնացորդները հավաքել ու թաղել: Միայն երբ ոռուսական զորքը գրավեց Ալաշկերտը և ոռու գնդապետի հրամանով հավաքեցին զոհվածների դիակները, թաղեցին նաև Տեր-Մինասյանի դիակը»²:

«Ռուսական զորքերը հնարավորություն ունեցան ականատես լինել, թե ինչպես էր մերկ ու սոված հայերի ամրությ թափառում դաշտերում և ուտելիք փնտրում: Դրանք ավերված հայկական զյուղերի բնակիչներն էին:

Դեկտեմբերյան նահանջից երկու ամիս անց ոռուսական զորքերը նորից գրավեցին մի քանի օր առաջ իրենց թողած վայրերը և արդեն ականատես եղան ոչ թե եղակի դիակների, այլ դրանց ամրող սարերի եկեղեցիներում ու տներում, որտեղ նրանք ապաստան էին փնտրել թուրքական զազանություններից փրկվելու համար: Թուրքական զորքերը չէին հանդուրժում ոչ մի հայի գոյությունը: Բնակավայրերից մեկում հայ կանայք չտանելով թուրքական զինվորների կողմից խայտառակությունը, թիթիսի շեյխի ներկայությամբ ինքնասպանություն գործեցին: Հայկական Զիթիլան և Մոլլա-Սուլեյման զյուղերում մորթվեց մոտ 40 հայ ընտանիք, սկսած օրորոցի երեխայից մինչև զառամյալ ծերը: Ալաշկերտի բնակչությունը «մի այլ շեյխի ներկայությամբ մոխրի վերածվեց համիդիե սպանների ու շարքայինների կողմից»: Հրաշքով փրկվեց մի

¹ "Армянский вестник", 1916 г., № 44.

² Նույն տեղում, տե՛ս Փախստականի հոդվածը:

քանի մարդ, որոնք վկայեցին. «Երբ թուրքերը ոռւսական նահանջից հետո մտան Ալաշկերտ, սպաների զլխափորությամբ կազմակերպեցին հետևյալ թատերական ներկայացումը: Քաղաքի բոլոր հայ կանանց ու աղջիկներին լրիվ մերկացրին, իրար կողքի կանգնեցրին և հերթով բռնաբարեցին, իսկ նրանց ամուսիններին, որոնք ներկա էին, սպանեցին, որից հետո միայն սպանվածների պատվագրկված կանանց ազատ արձակեցին»¹:

1914-ի նոյեմբեր, դեկտեմբեր և 1915-ի հունվար ամիսներին մամուլում տպագրվեցին բազմաթիվ պաշտոնական և ոչ պաշտոնական հաղորդագրություններ, որոնք հաստատում են, թե հայերի հանդեպ թուրքական գաղանությունները Ալաշկերտում, Բայազետում և Բասենում ծայր էին առել ապրիլյան իրադարձություններից շատ առաջ:

Բայազետ-էրզրում ճանապարհի երկու կողմերի գյուղերը վերածվել էին ավերակների կույտերի, արտերում բազմաթիվ փոսեր լցված էին թուրքական զինվորների սպանած հայերի դիակներով²:

«El Dia» թերթը 1915 թ. հունվարի 1-ին գրեց, «Էրզրումի կառավարիչը հրամայել է բնակչությանը՝ հեռանալ քաղաքի ուղղական ամրոցների շրջակայրից»:

Ուստի զորահրամանատարներից է.-ն 1915 թ. հունվարի սկզբներին գրում է Ա. Խատիսյանին. «Հայկական մի շարք գյուղեր, որոնցով մեր հարձակման ընթացքում ես անցա գնդի հետ, տառացիորեն մորթված են: Ահավոր տեսարան էր: Դիակներ, դիակներ, դիակներ... տղամարդիկ, կանայք, կրծքի երեխաներ: Հաշմված, այլանդակված, գաղանաբար պղծված: Անհնար է արցունքը զսպել: Միայն Մոլլա-Սուլեյման գյուղում ... ականագերծողները թաղեցին ընդհանուր գերեզմանում 13 կին, 14 երեխա, 18 տղամարդ»³:

Կարինում կենտրոնացված էր 150,000-անոց մի բանակ, որը նույնպես մատակարարվում էր հայերին կողոպտելու միջոցով: Զինվորների մի մասը տեղավորված էր հայերի տներում ու ձրի ապրում էր նրանց հաշվին: Ով զինվորների «կարիքները հոգալ չեր կարողանում... անարգվում էր: Հրապարակավ գանակոծումը սովորական երևոյթ էր»: Հազարավոր փախստականներ հեռանում էին Հայաստանի խորքերը: 100,000 փախստական հասել էր ոռուսական սահման: Թուրքերին սպառնում էր խստագույն պատիժ, եթե փորձեին ինչ-որ կերպ պաշտպանել իրենց հայ ծանոթներին⁴:

Ուստիսաստանում բնակվող իր համախուների հետ կապերի համար խոշտանգեց Վյուջի թեմի առաջնորդը, իսկ ս. Հովհաննեսի վանքի վանահայրը փրկվեց փախչելու, անհետանալու միջոցով:

Այդ պայմաններում օրեցօր ավելի ու ավելի թուլանում էր հայերի քաղաքական կառուցների աղղեցությունը: Խուզարկվում էին հայ պաշտոնատարների տները, նրանց հաճախ էին տնից հանում ու խոշտանգում: Դրությունն

¹ "Армянский вестник", 1916 г., № 44.

² Նույն տեղում:

³ ՀԱԱ, կոլեկցիոն ֆոնդ, գ. 1, գ. 200, թ. 13:

⁴ Bryce J., նշվ. աշխ., էջ 237:

անտանելի դարձավ, երբ թուրքական բանակը ռազմական անհաջողություններ կրեց¹:

Դեռ Հունիսին Կարին էր գնացել Բեհաչդին Շաքիրը և իր ձեռքը վերցրեց արևելյան նահանգների, առաջին հերթին էրզրումի վիլայեթի՝ Հայության ջարդի նախապատրաստական աշխատանքների ղեկավարությունը:

Ստեղծվեց այդ աշխատանքների կազմակերպման հատուկ մարմին, որի մեջ մտան Բ. Շաքիրը, վալի Թահափինը, Օսմանյան խորհրդարանի անդամ Սեյֆուլլահը, նրա որդի Նեջեթը, Զաֆեր Մուստաֆան, Քիրզա օղլի Աղիլը, Նալչաջ օղլի Հաջին, Արդուրուսման օղլի Իբրահիմը, Քոթորճու օղլի Խուլուսին, Մալաթիայի կառավարիչ Ֆոււադը, Երզնկայի կառավարիչ Մեհմեդը, քուրդ ցեղապետներ Հաջի Բեղիրը, Զեյնալը և ուրիշներ²:

1914 թ. Հուլիսի 21-ին էրզրումի պատերին երևացին կարմիր գույնի Հայտարարություններ «սեֆեր-բերլիքի» (ուղմական դրության) մասին: Այս Հայտարարությունը պատրաստված էր պատերազմից երկու ամիս առաջ և պահպում էր Համապատասխան Հիմնարկներում: Հուլիսի 22-ին էրզրումի ամբողջ Հայ բնակչությունը ողբում էր իր վիշտը: Չնայած թուրքական կառավարությունը երեք տարի առաջ Հավաստիացրել էր, որ «նկատի ունենալով Հայերի զինակոչի ծանրաբեռնվածությունը ուղմական չափից մեծ հարկերով, նրանցից զինակոչի ենթակա են միայն 28-30 տարեկանները», պահանջվեց ներկայանալու 20-45 տարեկան բոլոր Հայերը: Նշված ժամկետին չներկայացողներին սպառնում էին մահապատիժով:

Այդ ամենը տեղի էին ունենում ապրիլյան իրադարձություններից 10 ամիս առաջ: Սկսվեց խանութների կողոպուտը: Հայերը պետք է անտրտունջ ականատես լինեին սեփական ունեցվածքի թալանին: Հայոց «առաջնորդարանը լեփլեցուն էր, մասնավորապես գյուղացիներով, որոնք եկել էին իրենց քահանաների գլխավորությամբ: Սարսափելի տեսարան էր: Լացն ու ողբը բռնել էին ամրող քաղաքը: Շուտով ստացվեց մի գրություն, որը եկավ կարծես խեղելու այդ ողբը լացողների կրծքերում»:

Առաջնորդարանում ստացվում էին էրզրումում այս կամ այն պատճառով գտնվողների անունով Հազարավոր Հեռագրեր: Խնդրում էին անմիջապես վերադառնալ տուն: «Սակայն, ավանդ, նրանք բոլորը վաղուց ձերբակալված էին թուրքական ժանդարմերիայի կողմից»³:

ՀՅԴ 8-րդ Համագումարի ելույթներում խոսվեց բռնագրավումների, մասնակի տեղահանումների, անհաջիվ սպանությունների և կյանքի, ունեցվածքի, պատփի վտանգվածության, իրավազրկության այնպիսի ղեպքերի մասին, որ առանց ցասման ու կսկիծի անհնար էր լսել: Համագումարը նշեց, որ սպառնացող արհավիրքների հանդեպ Հայությունն անզեն էր ու անպաշտպան: Սակայն նաև ակնհայտ էր, որ «Դաշնակցութիւն-իթթիհատ մեղրալուսինը թուրքը վերահասու էր դարձուցեր Հայկական ներքին կեանքին...»⁴: Համագումարը

¹ "Армянский вестник", 1916 г., № 44.

² Ակունի Ս., Միլիոն մը Հայերու ջարդին պատմութիւնը, Կ. Պոլիս, 1921, էջ 138-139:

³ "Армянский вестник", 1916 г., № 44.

⁴ «Յուշամատեան Մեծ Եղեռնի», էջ 442:

գտավ, որ «արեւմտահայութիւնը չպէտք է ապստամբուի, պատերազմին ընթացքին յստակ ազգային խնդիր չպէտք է յարուցանի, իր վրայ ընկնող բոլոր քաղաքացիական պատասխանատութիւնները պէտք է կատարի բարեխիղճ...»¹: Կարին եկավ Նաջի բեյի 27 հոգանոց (լազեր, չերքեղներ, պարսիկներ) պատվիրակությունը: Մինչ այդ թուրքերը համաձայնության էին եկել վրացիների, աղրբեջանցիների և Հյուսիսկովկասյան լեռնականների հետ²: Սակայն համագումարը մերժեց թուրքերի առաջարկը՝ համագործակցել իրենց հետ ոռուսների դեմ և գտավ, որ Հայերը պետք է մնան չեղոր ու բարեխղճությամբ կատարեն օսմանյան և ոռուսական հպատակի իրենց պարտականությունները:

Հանրի Բարբին նկատում էր, որ Սարիղամիշի պարտության պատճառը թուրքերը համարեցին այն, որ «բանակում Հայեր կային (սկսած 1915 թ. մարտից)՝ նրանց զինաթափում և ցրում էին թիկունքի զանազան քաղաքներ, որտեղ նրանց գործածում էին կա՛մ ամրությունների կառուցման աշխատանքներում և կա՛մ որպես ոստիկան պահակներ՝ էրզրում-Երզնկա, Դերջան-Տրապիդոն և Երզնկա-Սըրվաս ճանապարհները պաշտպանելու համար»:

Ընդ որում մահմեղական մոլեուանդ ագիտատորները քնած չէին: Նրանք թե՛ բանակին և թե՛ թուրք ժողովրդին տրամադրում էին Հայերի դեմ: Նման քարոզչության հետևանքն եղավ «Հայ մտավորականության կոտորածը: Սակայն մարդատյացների համար այդ քիչ էր: Նրանք ուզում էին ամեն տեսակի զրկանքներով ու բռնություններով Հայերին մղել ծայրահեղությունների, բողոք առաջացնել, և դրանք պատրվակ դարձնել նրանց ոչնչացման համար»:

Հայերին հրամայեցին ոչնչացնել 1878 թ. պատերազմի զոհերի հիշատակին նվիրված և ոռուսների կառուցած հուշարձանը³: Հետևեց նոր հրաման՝ Հայերը պետք է ազատեին իրենց տները, որոնք գործածվելու էին որպես Հանգստարաններ ու զինվորական հիվանդանոցներ, իսկ երբ Հայերը խնդրեցին այդ չանել, նրանցից պահանջեցին սեփական միջոցներով հոսպիտալ կառուցել: Հայերը համաձայնվեցին և յուրաքանչյուրը վճարեց 50.000 ֆրանկ: Սկսեցին ձեսավորվել Հակահայկական քարոզչական ու ավազակային խմբեր:

1915 թ. ապրիլի 18-ին քաղաքից դուրս տեղի ունեցավ մահմեղականների ժողով: Նաջին Հայտարարեց՝ քանի դեռ թեկուզ մեկ Հայ կենդանի է, կիսալուսինը հաղթանակի երես չի տեսնի: Երիտթուրք գործիչ Հիմքի փաշան էր Հրահրում Հայերին ոչնչացնելու տրամադրությունները: ԱՀարեկված Հայերը դիմում են Յ-րդ բանակի Հրամանատար Քյամիլ փաշային: Սա Հայ երևելիներին խորհուրդ տվեց կամավոր տեղահանվել, Հեռանալ քաղաքից: «Գուցե դա Հանգստացնի մահմեղականներին»: Հայերը դիմեցին Գերմանիայի Հյուպատոսի օգնությանը: Պատասխանը եղավ. «Կատարվածի համար ձե՛ղ մեղաղըք: Ձեր Հանդեպ թուրքերի վերաբերմունքը տրամաբանական է»⁴:

¹ Մինախորյան Վ., նշվ. աշխա., էջ 71:

² Անտոննեան Ա., Մեծ ոճիրը. Հայկական վերջին կոտորածները և Թալէալթ փաշան, Ե., 1990, էջ 118-120:

³ Բարձի Ա., նշվ. աշխա., էջ 2:

⁴ Նույն տեղում, էջ 3:

Ապրիլի 31-ին երիտթուրքերի տեղական կոմիտեն նոր հանրահավաք անցկացրեց, որտեղ Հայերը հոչակվեցին «Թշնամի, դավաճան և թուրքական կայսրութեան քայքայումին բաղձացող... Մահմեդական խուժանին տրվեցին խստագույն հրահանգներ և սպառնալիքներ տեղական այն բոլոր թուրքերին, որոնք պիտի համարձակվեին նվազագույն պաշտպանություն ու օգնություն տալ իրենց Հայ բարեկամներին»¹:

Նման մի ժողով էլ տեղի ունեցավ մայիսին քաղաքից դուրս՝ Փաշա Քեռչքը անունը կրող վայրում: Դրան մասնակցած մի թուրք պատմել է, որ ժողովին ներկա էր 10.000-ից ավելի մարդ: Վալին՝ Թահամինը, ասաց. «Հայերը մեր ձեռքէն Վանը Խլեցին եւ յանձնեցին մեր թշնամիին... Որտեղ Հայ կայ, Հոն վտանգ կայ Վանայ տիսուր իրականութեան կրկնումին»: Ապա փաշան հարցրեց ամբոխին՝ ինչպե՞ս վարվել Հայերի հետ: «Բոլոր ժողովուրդը պոռացին. «Կոտորենք, ոչնչացնենք կեավուրներուն»: Ելույթ ունեցողներից Սեֆիրն ասաց. «Մենք 1895-1896-ին խնայեցինք երեխաներուն եւ որքան սխալուեցանք: Մեր խնայած այդ երեխաները այսօր մեծցան, իրը կամաւոր, մեր դէմ կապար կը նետեն, մեզ կը կոտորեն. Վանը կ'առնեն մեր ձեռքէն...»: Հանրահաւաքը միաձայն վճռեց անխնայ կոտորել Հայերուն... Բանաձեւը ստիպողական հեռագրով կը ծանուցուի Պոլիս»²:

Մի ուրիշ թուրք էլ պատմել է, թե էրզրումում զինվոր էր, երբ բանակում Հայերին առանձնացրեցին ու «զինաթափ ընելով մեզի գնդակահարել տուին»: Երբ սկսվեցին ձերբակալությունները «շատերը փախած էին: Շուներով զանոնք կը հալածէինք լեռներուն վրայ եւ բռնելով կը սպաննէինք»³:

Հ. Ֆիրբյուխերը պատմում է էրզրումում կազմակերպված հրոսակախմբերի մասին, որոնք «սարսափելի խոշտանգումների էին ենթարկում այն Հայերին, որոնց կասկածում էին զենք պահելու մեջ: Մի Հայ տղամարդու այնպես ծեծեցին, որ այլևս քայլել չէր կարողանում: Բանտում աքցաններով քաշեցին նրա ատամները և մազերը:

Գյուղերում Հայերին կտտանքների էին ենթարկում և Հարկադրում քրդերից զենքեր գնել ու Հանձնել: Մոլլահ գյուղի գյուղացիներին դաժանորեն ծեծեցին ու նետեցին զետրը: Եկեղեցում պատարագը կանգնեցրին ու քահանային խոշտանգեցին: Կտրեցին մի գյուղացու երկու մատները: Եթե ամուսինը պահանջված տեղեկատվությունը չէր տալիս, կնոջը բռնաբարում էին⁴:

Էրզրումում ԱՄՆ-ի հյուպատոս Սթեփլուտոնը և ամերիկյան հիվանդանոցի տնօրեն Քեյսը վկայել են, որ վիլայեթի իշխանությունները թուրքերին Հայերի դեմ ավելի զրգուելու նպատակով Հայտարարեցին, թե էրզրումից օսմանյան խորհրդարանի երեսփոխան Գարեգին Բաստրմաջանը (Արմեն Գարոն) կովում է ոռոսական բանակի կազմում: Դրան հետեւց Ա. Գարոյի եղբոր ահարեկումը⁵:

¹ Երևան Հ., նշվ. աշխ., էջ 237:

² ՀԱԱ, ֆ. 57, գ. 1, գ. 632, թ. 17-18:

³ Հոչեան Ա., Կարմիր դրուագներ Հերոսներու կեանքն. 1915-1918, հ. Ա, Պուբլէ, 1938, էջ 101-106:

⁴ Փիրբյուխը Գ., Արմենիա 1915, Սովորություն Տուրցիայի կողմէ առ 1991, էջ 50-51.

⁵ "Կավկազու լուսական", 6, 9 և 17-րդ մարտ 1916 թ.

Այդ առնչությամբ Լեփսիուսը գրում է. «Արդեն պատերազմի սկզբներից էրզումի վիլայեթից Հյուպատոսությունները բողոքներ էին ստանում թուրքական ժանդարմների ու չեթենների կատարած կողոպուտների և հայ գյուղացիների նկատմամբ նրանց բոնությունների մասին: Այդ բոնությունների հեղինակները գավառային քաղաքների իթթիհաղական ակումբներն էին: Փետրվարի 10-ին էրզումի օսմանյան բանկի տնօրեննի հայ տեղակալը դավադրաբար սպանվեց: Սպանողները հայտնի էին, բայց չձերբակալվեցին»:

Նույն խնդրի մասին գերմանացի սպա Շտանգեն 1915 թ. օգոստոսի 23-ին գրում է. «...Այս տարվա փետրվարի 10-ին երեկոյան ժամը 6.00-ին մարդաշատ փողոցում սպանեցին 2-րդ օսմանյան բանկի տնօրեննին... Այժմ արդեն ակնհայտ է՝ սպանությունը բացառապես քաղաքական նպատակներ էր հետապնդել: Նույն օրը երգնկայում սպանեցին հայ եպիսկոպոսի»¹:

Քիչ անց քաղաքի կայագորում ծառայող հայ զինվորներին զինաթափեցին և ուղարկեցին սևագործ աշխատանքի: Նույն ժամանակ Կարին-Երզնկա ճանապարհի շինարարության վրա աշխատող հայ զինվորներից ամեն օր 200-300 հոգի պակասում էր: Նրանց հանձնում էին Բ. Շաքիրի ավագակներին պատճառաբանելով, թե կրակել են «իրենց թուրք ընկերների վրա»: Դա, իհարկե, զրաբարտություն էր այն պարզ պատճառով, որ հայ զինվորները զենք չունեին: Կարինի բերդապահ զորքի հրամանատարը մայիսի 9-ին հայտարարեց. «...Անկարելի է, որ հայ զինուորները իրենց թիւրք ընկերներու վրայ կրակած ըլլան. հայերը միշտ ճակատին ետեւը կը գործածուին»²:

Նորից առաջ քաշվեց հայերի մեծ տները ուազմական և այլ նպատակներով օգտագործելու խնդիրը: Քաղաքի տասն ամենահարուստ հայերից պահանջեցին ազատել իրենց տները: Զերբակալությունից խուսափելու համար վերջինները 1.5 միլիոն լիրա փրկագին վճարեցին: Բայց ապարդյուն, որովհետև մի շաբաթ անց աքսորվեցին և իշխանությունները տիրացան նրանց ունեցվածքին:

Քաղաքում ստեղծվեց անորոշ, հեղձուցիչ մթնոլորտ: Կարինի հայության վիճակի վատացմանը նպաստեց իթթիհաղի և ՀՅ զաշնակցության միջև էրզումում ընթացող բանակցությունների ձախողվելը: Իսկ երբ Անտանտի պետությունների հյուպատոսները պատերազմի մեջ թուրքիայի մտնելու հետևանքով հեռացան քաղաքից, հայերի հանդեպ վերաբերմունքը վերածվեց վայրագությունների: Նոյեմբերի 20-ին կախաղան հանեցին ուստական հյուպատոսարանում աշխատող երեք հայի, իսկ անզիփական և ֆրանսիական հյուպատոսարաններում աշխատող հայերին բանտ նետեցին:

Թուրքերը մինչ այդ հայերի բնաջնջման մասին շշնջում էին, իսկ պատերազմի մեջ թուրքիայի մտնելուց հետո նման խոսակցությունները դարձան բացահայտ ու առօրյա:

Նոյեմբերի 20-ին «Ճամբորդական նպատակների համար» բոնագրավեցին հայերի անասունները (ձի, ջորի, եղ, ցուլ), ինչպես նաև փոխադրամիջոցները: Գյուղացին մնաց առանց քաշող ուժի³: Օր չէր անցնում, որ մի քանի հայ բանտ

¹ "Армянский вестник", 10 марта, 1992 г.

² Տաշեան Յ., նշվ. աշխա., էջ 10:

³ «Արարատ», Լոնդոն, 1914 թ., էջ 83:

չնետվեր ամենաչնչին պատրվակներով, անգամ՝ առանց պատրվակի: Ծեծը, խոշտանգումները, բոնարարությունները, սպանությունները, կախաղանները սովորական դարձան, մանավանդ, որ զենքերը հավաքելու գործը հաջողություն չէր արձանագրում:

Բացարձակապես ակնհայտ էր, որ հայերի հանդեպ բոնությունների ասատկացումը ոչ թե մահմեղական զանգվածի մոլեուանդության պոոթկում էր, այլ՝ ծրագրված էր և կազմակերպված իշխանությունների կողմից:

Էրզրումում կառուցվող երիտթուրքական ակումբի մասին Թեհլիրյանը պատմում է, որ դա մի կիսակառուց էր հայկական գերեզմանատան կողքին և «կոչուած էր լինելու իմթիհատականների ամենամեծ ակումբը, խաղարահներով, մարզանքի բաժիններով, լիճով, ճեմելիքներով եւ այլն... Շէնքի երկու մեթրաչափի պատերը կառուցուած էին հայկական գերեզմանատունէն բերուած տապանաքարերով»¹:

Ի գեալ, որոշ աղբյուրների վկայությամբ, բոնագաղթից հետո քաղաքում բացի հայ արհեստավորների 20-22 ընտանիքներից մնացել էին նաև 50 որմնադիրներ, որոնց հարկադրեցին հայկական գերեզմանաքարերով և խաչքարերով, ինչպես նաև եկեղեցիների սրբատաշ քարերով կառուցել այդ ակումբը: Շինարարության ավարտից հետո նրանց նույնպես ոչնչացրեցին:

Ատրպետը «Արմանսկի վեշտիկ»-ի 1916 թ. № 25-ում հրապարակեց էրզրումի հայ գյուղացիների պատմաճները զորահավաքի մասին: Զորակոչվում էին 17-50 տարեկան բոլոր տղամարդիկ, բացի նրանցից, որոնք բեղել էին վճարում: Գյուղացիները վաճառում էին ամեն ինչ՝ այդ գումարը հավաքելու համար:

Մի քանի ամիս անց ժանդարմները լցվեցին գյուղերը բանակի կարիքների համար «նվիրատվություններ» հավաքելու: Գյուղացուց խլում էին ինչ ցանկանային, և որևէ մեկն ընդգիմանալ չէր կարող:

Հինգից վեց օր գյուղը վերածվում էր «նվիրատվությունների» հավաքման դժոխքի: Ոչ քիչ դեպքերում նույն գյուղից «նվիրատվություն» հավաքում էին մեկից ավելի անդամներ: Օրինակ, Քրդաշենի գյուղացիներին լրիվ կողոպտելուց հետո ժանդարմները հեռացան, և հայերը կարծեցին, թե դրանով պետական կողոպուտն ավարտվեց: Բայց ոչ: Հենց Թուրքիան պատերազմի մեջ մտավ՝ մի քանի տասնյակ ժանդարմներ նորից լցվեցին գյուղը:

Քաղաքում ստեղծվել էր մի իրավիճակ, երբ հայ կար, բայց հայկական կյանք՝ ոչ:

Բուլղարական «Болгарская трибуна» թերթի թղթակիցը 1915 թ. մայիսի 13-ին էրզրումից հաղորդել է. «Բասենի շրջանը վերածվել է անապատի: Որոշ գյուղերում կենդանի մնացած բնակիչները տեղահանված և աքսորված են դեպի երկրի խորքերը: Երեկ սկսվեց նաև հանգի նաև բոլոր գյուղերի հայերի տեղահանությունը: Կ. Պոլսից տրված կարգադրությունները ... պարտադիր են ամբողջ գավառի համար»: Երեք օր անց նույն թղթակիցը գրեց. «Ավելի քան 15.000 հայ էրզրումի դաշտի գյուղերից աքսորված են կայսրության խորքերը...

¹ Թեհլիրեան Ս., Վերյիշումներ. Թալէաթի ահարեկումը, Գահիրէ, 1956, էջ 83:

Լրպած գյուղերը թալանված կամ բնակեցված են թուրք գաղթականներով, որոնք ամեն տեսակի բռնություն գործադրելու ազատ են: Գաղթի ճանապարհին Հայերը թալանվում են Խթթիւատի կազմակերպած ավագակախմբերի կողմից... Նահանգի ողջ բնակչությունը կոտորվելու է... Մի մայր հուսահատության պահին իր նորածին երեխային զցել է Եփրատը: Խթթիւադական շատ զեկավարներ (Հիլմի, Բ. Շաքիր, Սեյֆուլլահ) ... էրզրում եկան կազմակերպված ավագակախմբերով: Նահանգապետ Թահամին բեյը ... Հայտարարում է, թե հրամանը տրված է Կ. Պոլսից»: Զորս օր անց բուղարացի դիվանագետ Կոլոչեր գրեց. «Հայերին կոտորելը վերջնականապես վճռված է»: Ուսւ զինվորին նվիրված Հուշարձանի քանդումը գլխավորում են ոստիկանները, փողոցներում Հայերին բռնում ու տանում են Հայոց գերեզմանատան մատուռն ավերելու: Նրանց վիրավորում են, ծեծում և այդ ամենն արվում է «ժողովրդին զրգուելու» և ինչ-որ գործողության մղելու դիտավորությամբ, որը պատրվակ է դարձվելու «Զարդերը սկսելու Համար»: Մայիսի 25-ին բուղարացի դիվանագետը գրեց. «Երգնկայի, Քղիի և Բայրուրդի շրջանները դարձել են անմարդաբնակ՝ Հայքնակչության բռնի տեղահանության պատճառով»: Խիստ հրաման ստացվեց, որ Հայերը թողնեն էրզրում քաղաքը¹:

Երբ «էրզրումում զորահանդես էր անցկացվում, գերմանացի սպաները Հայերի զենքերը վերցնում էին» և նրանց ուղարկում տաժանակիր աշխատանքի, իսկ վերջում բոլորին կոտորում: «Նամարդ թշնամին այս ձևով ոչնչացրեց մեր մարտական ուժերը...»: Ականատեսի վկայությամբ՝ միայն 2000 Հոգու Հաջողվեց ճեղքել ուղամաձակատային գիծը և անցնել ուսւների կողմը²:

Քաղաքի Հայ բնակչությունը պաշարողական դրության մեջ էր, տնից դուրս գալը նրանց Համար անվտանգ չէր, էրզրումը, բատի իսկական իմաստով, վերածվել էր վիթխարի զորանոցի: Այնտեղ կուտակված էին Հակայական զինվորական ուժեր, որոնք ուղարկվում էին ուղամաձակատ: Մարդկային այդ զանգվածը անվում (ոչ քիչ դեպքերում՝ նաև Հագնվում) էր Հայ զյուղացու, Հայ մարդու Հաշվին:

Կարինում և գավառական այլ քաղաքներում պետական և անձնական շենքերը խճանված են ինքնակոչիկներով,- պատմում է ժամանակակիցը: «Զօրակայաններու շուրջ կարելի է տեսնել 18-65 տարեկան մարդեր, որոնց տիսեղծ դեմքերէն յայտնի է, որ կա'մ վատ սնունդէ եւ կա'մ ալ սնունդի պակասէն կը տառապին: Կ'ըսեն թէ անոնցմէ շատեր կոյր, կաղ, կամ ձեւով մը պակասաւոր են»: Զինվորներից շատերը կոշիկ չունեին, բորիկ էին և քրջերի մեջ: Ո'չ անկողին կար և ո'չ էլ ճաշ: «Զինուորական իշխանութիւնները կը պահանջեն, որ զօրակոչիկներն իրենք Հայթայթեն իրենց զգեստն ու Հինգ օրուան սնունդը»: Եվ՝ Հայը թալանվում էր: «Անոնք, որոնք իրենց պէտքերը չեն կրնար Հոգալ՝ կ'անարգուէին սպաներու կողմէ: Ընդհանուրին առջև գանսակոծումը սովորական է»³:

¹ Գеноցիդ նադ արմենութե..., ֆ. 321, օպ. 1, հ. 2462, լ. 76.

² «Արմանսկий вестник», 1917, № 7.

³ Տէրտէրեան Ի., Հայկական գոյամարտ, Թեհրան, 1957, էջ 233:

Չնայած այդ ամենին՝ «էրզրումի վիլայեթի գորակոչին ամբողջ հայերը ընդառաջ գացին. բոլոր տեսակի պետական ու արտակարգ զինուորական տուրքեր տալիս էին, տանում ամեն տեսակի զրկանքներ ու հարստահարութիւններ, հրաժարում որեւէ, թէկուզ արդարացի, ընդդիմութիւնից եւ դիմադրութիւնից»¹:

Դրությունն է՛լ ավելի ծանրացավ, երբ սկսեցին էրզրում բերել վիրավորներին: Նրանց հետ քաղաք մտավ նաև ժամանակաշտուր: Մի քանի շաբաթ անց էրզրումը նմանվեց մեռելատան: Հազարավոր զինվորներ մեռան փողոցներում, հանգեցին բազմաթիվ օջախներ, հիվանդություններից ու ցրտից մեռածների թիվը 1915-ի սկզբին հասավ 10 հազարի: Էրզրումում եղած բանակի կազմի 1/3-ը,- հունիսի 2-ին գրում է Գերմանիայի Հյուպատոսը իր դեսպանին,- հիվանդացել է, իսկ 1/3-ն էլ՝ դասալիք է²:

Գարնան սկզբին թուրքական բոնություններն անհավատալի չափերի հասան: Բ. Շաքիրի ուժերն առաջին ծանր հարվածը հասցըին Տուիկ, Պազիչին, Թարդունի, Հինձկ, Զիթոն գյուղերին: Հայերի գանգատին Կարինի բերդի գերմանացի հրամանատար Պոսսելթ փաշան արձագանքեց՝ անմիջապես զինաթափել բոլոր հայ զինվորներին, նրանց ուազմաճակատից հետ բերել և ճանապարհինարարական աշխատանքներում օգտագործել³:

Լուրեր էին տարածվում, թե Աղանայում հայերն ապստամբել էին: Մթնոլորտը շիկացած էր: Պոլսից ժամանեցին պատվիրակներ Զեմալն ու Սեյֆուլլահն, և վալի Թահասինի բնակարանում խորհրդակցություն ունեցան: Պատվիրակները պահանջեցին անմիջապես սկսել ջարդերը, իսկ Թահասինը երկմտում էր և առաջարկեց ժամկետների հարցը որոշել մի անգամ ևս Պոլսի հետ խորհրդակցելուց հետո: Որոշվեց նախ լրիվ զինաթափել հայ բնակչությանը: Էրզրումի վիլայեթի հայության բոնագաղթի վերաբերյալ գաղտնի հրամանն ստացվել էր մայիսի 5-ին: Մենք ձեռքի տակ վկայություն չունենք, բայց համոզված ենք, որ այդ հրամանը բերել էին նշված երկու երիտթուրք գործիչները, քանի որ մյուս նահանգներում, համենայն գեպս դրանց մեծ մասում, տեղահանության հրամանները բերում էին իթթիհաղի պատասխանատու քարտուղարը կամ իթթիհաղի կենտրոնի ներկայացուցիչը: Սեյֆուլլահն ու Զեմալը նման ներկայացուցիչներ էին: Սկսվեցին ձերբակալությունները, որոնք փորձնական նշանակություն ունեին, և ձերբակալվածների հիմնական մասը մի շաբաթ անց ազատ արձակվեց: Որոշվեց նրանցից 30 հոգու աքսորել և, ինչպես նկատում է Գերմանիայի Հյուպատոսը, «անկարելի չէ, որ ասոնք ճամբան սպաննուին»⁴: Էրզրում հասան նաև Բարերդում տեղի ունեցած ձերբակալությունների լուրերը՝ եպիսկոպոսի հետ ուժ հոգու մայիսի 15-ին տարել էին Ուրդաջի օղլու դերե վայրը և խողխողել: Հայտարարեցին, թե «անոնք դաւաճաններ էին... թշնամիին դրամ էին դրկեր և աշխատեր ժողովուրդը ըմբոստու-

¹ Ռուբեն, նշվ. աշխ., էջ 89:

² Տաշեան Յ., նշվ. աշխ., էջ 171-172:

³ Bryce J., նշվ. աշխ., էջ 222:

⁴ Տաշեան Յ., նշվ. աշխ., էջ 11:

թեան մղելու»: Ինչ վերաբերում է մնացած Հայերին, ապա «նրանք վախենալու պատճառ չունեն»¹:

Մայիսի 4-ին Հասավ Վանի անկման լուրը, իսկ ոռոսական բանակը սրբնթաց առաջ էր շարժվում, քանի որ թուրքերը փախչում էին առանց դիմադրություն ցույց տալու և ինչպես Սթեփրլտոնն է նկատում, այլևս բանակ չկար, այն վերածվել էր Համազգեստ կրող թուրքական ու քրդական խուժանի: Ահա այդ ավազակախումբը մայիսի 19-ին կոտորեց Խնուսի Հայությանը²: Նույն ժամանակ տեղահանվեցին Մանազկերտի ու Բաղեշի 38 գյուղեր, որոնց բնակչությանն ուղարկեցին Կարին: Այդ տարագիրներին Հարկադրեցին մնալ քաղաքից դուրս, ցրտին ու անձրևի տակ, իսկ տասը օր անց քշեցին Երգնկա և ոչնչացրեցին: «Մեզի Համար վատթարագոյնը, - կարդում ենք ամերիկյան օգնության կոմիտեի տեղեկագրում, - եւ ամենաաներեւակայելի սարսափիները վերապահուած էին (Արեւմտեան) Եփրատի եզերքներու վրայ և Երգնկայի դաշտին մէջ, - պատմում է մի Հայուհի, - կիներու, աղջիկներու եւ մանուկներու յօշոտուած մարմիններ սարսուցուցին բոլորը: Զեթէները ամեն տեսակի սարսափելի արարքներու ենթարկեցին մեզի Հետ եղող կիներուն եւ աղջիկներուն, որոնց աղաղակները երկինք կը Հասնէին: Եփրատի մոտ չեթէները եւ ոստիկան զինուորները գետը նետեցին տասնհինգէն վար մնացեալ բոլոր մանուկները: Անոնք, որոնք կրնային լողալ՝ գնդակահարուեցան...»³:

Մայիսի 26-ին Կարինում բռնում էին պատահած մարդուն, պատահած վայրում: Զերբարկալություններն սկսվեցին մայր Եկեղեցու մերձակայքի շուկայում: Մինչեւ ճաշ շուկայում եղած բոլոր Հայերը ձերբակալված էին: Ապա անցան թաղից թաղ և կողոպտեցին: Սրբապղծվեցին անգամ մեռեները:

Հաջորդ մի քանի օրը խաղաղ անցավ, քանի որ ջարդարաններն զբաղված էին Խնուսով: Կարինահայերը չեին հավատում, որ իրենք նույն բախտին էին արժանանալու, որովհետև նախ մեծաթիվ էին, և ապա Կարինը Թուրքիայի արևելյան մայրաքաղաքն էր: Տեղի վերնախավի մի մասը առաջնորդ Սմբատ արք. Սաաղեթյանի գլխավորությամբ գտնում էր, որ աղետից հնարավոր է խուսափել իշխանություններին սիրաշահելու միջոցով:

Մայիսի վերջերին առաջնորդին կանչեցին կառավարչի մոտ, որն ասաց, թե քաղաքական ու սոցիալական նկատառումներով ստիպված է 170 Հայ երևելիների ուղարկել Երգնկա: Ուղարկվողների ցուցակը կազմելու էր առաջնորդարանը: Առաջնորդարանում գումարված ժողովը պառակտվեց: Երիտասարդությունը պահանջեց ինքնապաշտպանության կանգնել: Սակայն այդ առաջարկությունը չանցավ: Ժողովը Համաձայնվեց կատարել կուսակալի պահանջը պայմանով, որ երաշխավորվի այդ 170-ի կյանքի և ունեցվածքի անվտանգությունը: Տասն օր տրված ժամկետի ավարտին ճամփա հանվեց 50 առեւտրական իրենց ընտանիքներով ու շարժական ունեցվածքով: Նրանց ժանդարմները

¹ Bryce J., նշվ. աշխ., էջ 244:

² Նույն տեղում, էջ 222-223:

³ Toynbee A., Armenian Atrocities, The Murder of a Nation. With a Speech Delivered by Lord Bryce, London, 1916, p. 11: Տե՛ս «Յուշամատեան Մեծ Եղեռնի», էջ 1012:

օղակի մեջ առած տարան Խարբերդի ուղղությամբ: Դրան հաջորդեց 160 հոգանոց խումբը, որին տարան Երզնկայի ուղղությամբ: Խարբերդ ճանապարհ հանեցին ևս 300 հայ հարուստ ընտանիքների և Մուշի ու Քղիի վրայով քչեցին դեպի Բալու: Ճանապարհին նրանց մորթեցին ու կողոպտեցին, քարավանի միայն 10 տոկոսը հասավ Ուրֆա: Այս քարավանի հետ պատահածի մասին 1918 թ. դեկտեմբերի 14-ին Մյունիրը՝ էրզրումի նոր վալին, հեռագրեց. «Կարինէն Քղիի ճամբով զրկուած հարուստներու կարաւանը սպաննուեցաւ եւ կողոպտուեցաւ իթթիհատի ընդհանուր կեղրոնի անդամներէն Պ. Շաքիր պէյի կազմած չեթէներու եւ տերսիմցիներու կողմէ»:

Չեթեներին օգնեցին Երզնկայի իթթիհաղական պատվիրակ Մեջիդը, դեղագործ Մահմեդը և օսմ. խորհրդարանի անդամ Խալեղը¹:

Ժամանակակիցներից մեկը գրում է, որ Հունիսի 4-ին Կարինի դաշտի 100 հայկական զյուղերից պահանջեցին Երկու ժամ անց ճանապարհ ելնել: Երկու օր անց ուղարկվեց Երկրորդ քարավանը: Թե՛ առաջին և թե՛ Երկրորդ քարավանները ջարդվեցին ճանապարհին: Նույն օրերին Բարձր Դուռը հայտարարեց՝ «բացարձակ սուս է, թե Հայերի սպանություններ ու ջարդեր են տեղի ունեցել»: Մինչդեռ Վանգենհայմը Բեոլին գրեց, որ «Հայկական տեղահանությունները միայն ուղամական նպատակ չեն, որ հետապնդում էին»:

Ատրպետը «Արմանսկի վեստնիկ»-ի 1916 թ. № 114-ում գրում է, որ էրզրումի նահանգի զյուղաբնակ Հայերի տեղահանությունն սկսվեց 1915 թ. մայիսին: «Սկսած Կանից և Մութուրջոյից վերջացրած Կարմիր Վանքով, Բաշկալեով ու Մամախաթունով՝ բոլոր շրջանների Հայկական զյուղերի բնակիչներին դուրս հանեցին և 10-20 վերստ հեռավորության վրա մորթեցին»: Խնայեցին միայն գեղեցիկ կանանց, աղջիկներին ու երեխաններին, որպեսզի «դարձնեն իրենց Հարեմների զարդեր»: Բոնագրավեցին ազգաբնակչության ոչ միայն ունեցվածքն ու անասունները, այլև շորթեցին բոլոր թանկարժեք իրերը, զարդերը, խոստանալով, որ դրանք հանձնելու դեպքում նրանց կյանքը կիսնայի:

Նույն բանը կատարվեց Կեսրիմի, Նարիմանի, Բասենի, Սպերի, Քղիի, Դերջանի, Բայրուղի կազմաներում:

«Համաձայն նախագետ կազմված ընդհանուր պլանի, ամենուրեք նախձերբակալեցին Երիտասարդներին, խուզարկեցին կանանց, գինաթափեցին բոլորին, ապա միայն տարան անպաշտպան կանանց ու երեխաններին»: Ամենուրեք նույն պատճառաբանությունն է՝ «Հեռացնում են լրտես Հայերին և հեղափոխական տարրերին»: «Վանի պաշտպանությունը և Հայերի ու ուսուների համերաշխ գործողությունները պատրվակ էին կոտորածների համար»: «Կարճ ժամանակում, - գրում է Շտանգեն, - մարդկանց անխղճաբար սեփական տներից, դաշտերից դուրս շպրտեցին, զրկեցին սննդից ու ապրելու բոլոր միջոցներից և ժանդարմների հարփածների տակ քչեցին անջուր անապատներ... Հայերին ուղեկցող զինվորականների թողտվությամբ և օգնությամբ Բարձր Հայքի Հայերին ջարդեցին չեթեները, աշիրեթները և դրանց

¹ Անտոննեան Ա., նշվ. աշխ., էջ 291-292:

² Ակունի Ս., նշվ. աշխ., էջ 148:

նման թափթփուկները»: Հյուպատոսությունների աշխատակիցները տեսել էին այսուանդին թափված բազմաթիվ դիակներ:

Տեղահանությունն իրականացվեց դաժան, բարբարոս եղանակներով և հանդիսացավ ապօրինության, կամայականության, գաղանության օրինակ: «Թուրքական կառավարությունը բան չձեռնարկեց աքսորվողներին օգնելու համար: Բարձրագույն իշխանությունների տրամադրությունները հայտնի էին ժանդարմներին, ովքեր, իրենց հերթին, ամեն ինչ արեցին, հայերին առավելագույն տանջանք ու զրկանք պատճառելու համար: Բոնագաղթն օր օրի ձեռք էր բերում ահազնացող բնույթ...»¹:

Նատ հաճախ բոնագաղթի վերաբերյալ հրամանը ստորագրվում էր ուշ երեկոյան և գործադրվում հաջորդ առավոտից...»¹:

Երզրումի նահանգում սկզբում տարագրեցին գյուղացիությանը: Երրորդ բանակի հրամանատար Քյամիլ փաշայի հրամանով նախ բոնագաղթվեցին երզրումից հյուսիս ընկած գյուղերը:

Ու. Մթեփրլտոնի վկայությամբ «Երզրումի վիլայեթի հայերին աքսորելու մասին հրամանը տրվել է հունիսի 1-ին, քիչ անց նման հրաման տրվեց նաև էրզրում քաղաքի հայերի վերաբերյալ»: «Վային ինձ ասաց,- շարունակում է հյուպատոսը,- կառավարության նպատակը ոչ միայն հայերին աքսորելն էր, այլև տեղափոխելը «ուազմական նկատառումներով»²: Այն, որ ոմանք Կարինի դյուդերի բոնագաղթի հրամանի ստացվելը նշում են հունիսի 1-ին, իսկ ուրիշները՝ հունիսի 4-ին հետևանք էր Բասենի բնակչության տարագրության տարբեր ժամանակների՝ Վերին Բասենն ավելի շուտ տարագրվեց:

Նույն հյուպատոսը հունիսի 2-ին հաղորդում է, որ բարձրագույն հրամանատարության հետ իր բանակցությունը որևէ դրական արդյունք չունեցավ:

Կա՞զ արդյոք էրզրումի վիլայեթում հայկական ապատամբության վտանգ:

Գերմանական ուազմական միսիայի անդամ գեներալ Պոսալթը ապրիլի 26-ին հայտարարել է, որ հայերի վարքը «անբասիր էր»:

ԱՄՆ-ի հյուպատոսը դա հաստատում է և նշում. «Քանի որ այստեղ հայերի խոռվություն (ապստամբություն) չի սպասվում, այս սարսափելի և բացառիկ միջոցառումն անհիմն է և վրդովմունք է առաջացնում»:

Ներքին գործերի նախարար Թալեաթ բեյը, որի առաջ դեսպանը հարց է բարձրացրել արտաքսման միջոցառումները մեղմելու մասին՝ «չի համաձայնվել», պատճառաբանելով, որ հենց էրզրումում մայիսի 29-ին գտնվել են հայերին մերկացնող թղթակցություններ, զենքեր և ոռոմքեր: Այդ մասին դեսպանության հարցումին հյուպատոս Շոյնբեր-Ռիխտերը պատասխանեց. «Էրզրումում և նրա շրջակայքում ոռոմքեր և նման բաներ չեն գտնվել, դա կարող է հաստատել նաև վային»:

«Կիլիկիայում և էրզրումի վիլայեթում,- զրում է Լեփսիուսը,- դեպքերը իրենց հունով ընթացան: Կապ գոյություն չուներ: Թվում էր, թե կայսրության հայ բնակչության դեմ ընդհանուր միջոցառումների մտադրություն չկար:

¹ "Голос Армении", 10 марта 1992 г.

² **Барձ Ա,** նշվ. աշխ., էջ 9-10:

Էրդրումի վիլայեթում նույնպես մինչև մայիսի վերջերը ջարդեր տեղի չունեցան, եղան միայն արտաքսումներ...»:

Ռազմական անհրաժեշտության պատճառաբանությամբ էրդրումի հայկական բոլոր գյուղերը դատարկվեցին կանանցից և երեխաներից, իսկ տղամարդիկ բանակ էին զորակոչվել: Հրամանն արձակել էր 3-րդ բանակի գլխավոր հրամանատար Քյամիլ փաշան,- գրում է Լեփիտուսը,- էրդրումի վալի Թահսին բեյը, որը դեմ էր այդ միջոցառումներին, անզոր գտնվեց: 1915 թվականի մայիսի 18-ին Շոյնբեր-Ռիխտերը հեռագրում է Վանգենհայմին. «Աքսորվող հայերի շրջանում թշվառությունը ծայրաստիճան է: Հազարավոր կանայք և երեխաներ առանց սննդի տեղափորվում են քաղաքի շրջակայքում: Անհիմն աքսորը բուռն զայրույթ է առաջացնում: Թույլ կտա՞ք այդ առթիվ միջոցներ ձեռնարկել...»:

Պատմում է քրդաղեմցի տարագրվածներից մեկը. «...Եկան ժանդարմներ և հրամայեցին պատրաստվել, քանի որ մի քանի օր հետո մեզ արտաքսելու էին մեր գյուղից, իսկ թե ուր՝ չգիտեինք:

... Չնայած սպառնալիքներին, գյուղացիներն ակզրում փորձեցին դիմադրել, սակայն ժանդարմները հայտարարեցին, թե հետագա դիմադրության դեպքում Կիսկիմից զորքեր կդան ու բոլորին կմորթեն:

... Ժանդարմներից մեկը, որին մեր գյուղացիներն անձամբ ճանաչում էին, խորհուրդ տվեց անվտանգության համար մահմեղականություն ընդունել»: Բացի հինգ ընտանիքներից, մյուս բոլորը գյուղի տերտերի գլխավորությամբ երդվեցին մեռնել քրիստոնյա: «Մահմեղականություն ընդունածների թվում էի նաև ես: Մեզ գյուղում թողեցին, իսկ բոլոր քրիստոնյաներին... քշեցին դեպի երգնկա: Ըստ որում ճանապարհին, բացի գեղեցիկ կանանցից, բոլորին անխղճորեն մորթեցին: Կանանց ժանդարմներն իրար մեջ բաժանեցին:

Մի ամիս անց մեզ ևս տեղափոխեցին երգնկա: Մի քանի տասնյակ ուղղով գնեցինք ժանդարմներին և հայտնվեցինք ազատության մեջ՝ փախանք երգնկայից ոչ հեռու գտնվող մի լրաց գյուղ: Այստեղ մնացինք մի քանի ամիս քաղցած և մշտական սարսափի տակ, մինչև որ ոռւսական զորքերը գրավեցին երգնկան ու մեզ ազատեցին»¹:

1915 թ. մայիսին էրդրումի կուսակալը կանչում է չեթերաշի Ամրվանլի էյուր օղլի Կաղիրին և ցույց տալով Կ. Պոլսից եկած հրամանը՝ ասում. «Տեղի հայերին հանձնում եմ քեզ, նրանց անվնաս կհասցնես Քեմախ, այնտեղ բաշիրողուկները հանկարծակի կհարձակվեն: Դու կձևացնես, թե ուզում ես պաշտպանել հայերին, մի երկու անգամ կկրակես հարձակվողների վրա, ապա կհասկացնես, թե չես կարող գլուխ հանել, կմթողնես ու կվերադառնաս»: Փոքրինչ մտածելուց հետո Կաղիրն ասում է. «Դու ինձ հրամայում ես ձեռներն ու ոտները կապված ոչխարներին և ուկերին սպանդանոց տանել: Այդպիսի դաժանությունը վայել չէ ինձ... Երբեք չեմ համաձայնի ձեռներս կեղտոտել անմեղ մարդկանց արյունով»:

Ուստաները սլանում էին դեպի Կարին: Թուրքերն աշխատում էին այն հայե-

¹ "Армянский вестник", 1916, № 25.

րից ազատել մինչև ոռւսների գալը: Ահա թե ինչու Թահսին փաշան հունիսի 9-ին Հայերից պահանջեց Հեռանալ քաղաքից: Քաղաքը թողեցին նաև թուրքերն ու Հույները: Շոյնքեր-Ռիխտերն իսկույն հասկացավ, որ Հայերի համար տեղահանությունը հավասարազոր է ոչնչացման և խնդրեց Վանդենհայմի միջամտությունը: Ստացավ պատասխան՝ գերմանացիներն իրավունք չունեն խառնվելու Թուրքիայի ներքին գործերին:

Իշխանությունները հրաման արձակեցին, որ Հայերը քաղաքը թողնեն անմիջապես: Ռ. Սթենիրլտոնի համար ջանքերի չնորհիվ հաջողվեց գաղթին նախապատրաստվելու համար 15 օր ժամանակ տրամադրել:

Գավառներում կատարված գաղանությունները ահարեկեցին էրգումի բնակիչներին, որոնք արդեն զգում էին, որ չուտով հերթն իրենց է հասնելու: Դրա համար էլ շատերն ուզում էին կամավոր հեռանալ Միջազետք կամ այլուր, սակայն կառավարությունը թույլ չտվեց և դատարկ խոստումներով հանգստացրեց, նրանց գգոնությունը բժացրեց:

«Հունիսի սկզբներին Կ. Պոլսից՝ կենտրոնական կառավարությունից հրաման ստացվեց՝ էրգրումի բնակչությանը աքսորել Միջազետք:

... Յուրաքանչյուրը մոլորված, միջոցներ էր փնտրում, որպեսզի արյուն և սարսափների երկրից փախչելու միջոցով փրկի իր և իր ընտանիքի կյանքը թուրքի յաթաղանից: Գիշատիչ պաշտոնատարները չորթեցին Հայերի տնտեսությունը, նրանց թանկարժեք իրերն ու հողերը որպես պարզ այն բանի, որ նրանց ցույց տվեցին Խարբերդի, Դիարբեքիրի, Մուրֆայի և Ուրֆայի ճամբան: Իսկ երիտասարդությանն ու մտավորականությանը պարզապես ոչնչացրեցին»¹:

Արդեն մայիսին քաղաքի Հայ երիտասարդությունը ձերբակալվում էր անկախ նրանց քաղաքական կեցվածքից: Բանտերում ակսվեցին թաքուն սպանություններ և ոչնչացվեց ողջ երիտասարդությունը: Թաշխանեի Սարայի և Բերդի բանտերում այդ երիտասարդությունը պարզապես հոշոտվեց:

Դրան հաջորդեց հրամանը քաղաքի ամբողջ Հայ բնակչությանը տեղահանելու վերաբերյալ: Վալին Հայերին համոզում էր, թե նրանց տեղափոխում է «մի ապահով վայր, որ խուժանը չվնասի»: Ապա պահանջում է տնային իրերը և ունեցվածքը հանձնել կամ պահ տալ: Հայերը գերադասում են զարդերը, թանկարժեք իրերը պահ տալ ԱՄՆ-ի հյուպատոսին, միսիոներական դպրոցին, Հայոց եկեղեցուն...²:

Էրգրում քաղաքի Հայերի առաջին քարավանը մեկնեց Հունիսի 16-ին: Քարավանում եղածներից Խարբերդ հասավ մեկ տղամարդ և քառասուն կին: Ամենամեծ քարավանը քաղաքից մեկնեց Հունիսի 19-ին: Վերջին քարավանն, այդ թվում Հոգևորականները, մեկնեցին Հուլիսի 28-ին³: Մինչ տարագրվելը քաղաքի հարուստ Հայերը հիմնավորապես կողոպտվեցին հատկապես մութեարիֆ Ռեշիդի, գնդի Հրամանատար Համդիի և ոստիկանապես Արդուլլայի կողմից:

¹ "Армянский вестник", 1916, № 14.

² «Մշակ», 9 մարտի 1916 թ.:

³ Եաբօ Ա, նշվ. աշխ., էջ 9-11:

Նրանց ավագակարարո կեցվածքից ոգևորված ամբոխը հարձակվեց հարուստ հայերի տների վրա ու կողոպտեց: Բազում անգամներ քուրդ բեկերը հայ ուներներից մեծ գումարներ վերցրեցին՝ խոստանալով պաշտպանել նրանց կյանքն ու ընտանիքը, բայց հենց նրանք բռնարարեցին աղջիկներին, իրար մեջ բաժանեցին կանանց ու երեխաներին: Այդ աղջիկներից մեկի օրագրում նկարագրված է, թե Բալուում քրդերն ինչպես էին խորտակում տարագիրների կացարանների պատերն ու տանում աղջիկներին: Հարյուրավոր երիտասարդ կանայք ու աղջիկներ նետվեցին Արածանի գետը:

Էրզրումի հայ հարուստների և միջին կարողության տեր մարդկանց քարավանը հունիսի 10-ին ճանապարհ ընկավ դեպի Մամախաթուն և Երզնկա: Քարավանը գիշերելու համար ճանապարհին կանգ առավ թուրքարնակ գյուղում: Գիշերը քրդերը հարձակվեցին քարավանի վրա՝ սպանեցին, բռնարարեցին, կենդանի մնացած կանանց ու երեխաներին իրար մեջ բաժանեցին:

Հունիսի 14-ին ճանապարհ ընկավ արհեստավորների քարավանը և նույն բախտին արժանացավ: Հունիսի վերջին քաղաքից հանվեցին որբեսայրի կանայք, որբերը, աքսորվածների երեխաները, հաշմանդամները, հիվանդները: Այդ դժբախտներին Քեմախում նույն դաժանությամբ ջարդեցին: Քաղաքում մնաց արհեստավորների 22 ընտանիք, որոնց վեց ամիս շարունակ օրը 18 ժամ աշխատեցնում էին, մինչև որ ոռուսները գրավեցին Հասան-Կալեն: Այդ 22 ընտանիքներին տեղահանեցին Ալաշկերտ և 1916 թ. հունվարին մորթեցին: Արհեստավորները մաշն ընդունեցին հապատ, թուրքերին մեղաղրեցին գաղանային արարքների համար: Նրանց քարկոծում էին, բայց առանց դրա վրա ուշադրություն դարձնելու, հայերը շարունակում էին մեղաղրանքներ տեղալ: Միայն յաթաղանի հարվածները կարողացան նրանց լուցնել:

2500 հայ ընտանիքներից միայն 22-ը հաջողեց ապաստանել ամերիկյան հյուպատոսարանում:

Կարինի կաթողիկ հայերի առաջնորդ Հ. Մելիքսեմյանը հունիսի 14-ին գրեց Շոյնբեր-Ռիխտերին. «Ժամերն ու օրերն արդեն վերջանում են և շատ մոտ է այն պահը, երբ այս քաղաքի 20.000 հայ ընակչությունը (չհաշված 30.000 հայ գյուղացիները), անմեղ ու անզետ կատարվածից, գնան կործանվելու, մեռնելու»:

Ուրֆա մեկնելու հրաման ստացած հայ ժողովուրդը կազմված էր մեկ ամսականից մինչև 13 տարեկան երեխաներից, ինչպես նաև չափահաս ու դեռահաս աղջիկներից, կանանցից և որբեսայրիներից, յոթանասունից ավելի տարիք ունեցող ծերերից ու հիվանդներից և, վերջապես, ուժասպառ դարձած մարդկանցից և հոգի կանանցից:

«Ինչպես երևում է, այս տեղահանությունը տևելու է երեք ամիս: Խեղճ ժողովուրդն ինչպես է երեք ամիս շարունակ քայլելու անձրևի և արևի կիղիչ ճառագայթների տակ, առանց դրամի, ուտելիքի պաշարի, փոխադրամիջոցի... Տարագրությունը դառնալու է հոգեվարքի տանջանք»¹:

Կարինի հայության տարագրության վերաբերյալ աղբյուրները համեմա-

¹ R 14088, Ab. 28584.

տարար շատ են: Դրանց բովանդակությունները հիմնականում համընկնում են: Բայց նաև պարունակում են տարբերություններ, նոր մանրամասներ ու փաստեր:

Ընթերցողին առաջարկում ենք էրզրումի տեղահանությունների վերաբերյալ վկայաթյունների ևս մի տարբերակ:

Թահսին փաշան 1915-ի հուլիսի 15-ին հեռագրում է Կ. Պոլիս, «ֆայխտանունով յիսնապետ մը յափշտակած է Արապեանի չորս աղջիկները: Յիսնապետ Քեամիլ էֆէնտին ալ գողցած է 1863 ոսկի, 35 թեռ կարասի եւ շատ մեծ քանակութեամբ գոհարեղէն: Դրամի եւ կնոջ համար գործադրուած խայտառակութիւնները ծայրահեղօրէն ամօմալից են եւ հակառակ մարդկութեան:... Պէտք է առաջն առնել այս կացութեան, եւ մանաւանդ վերջ տալ ամեն կողմ թեշքիլաթի Մախսուսէ անունին տակ գործող չեթէներուն: Խարբերդի կուսակալը կը գրէ, թէ բոլոր ճամբանները լեցուն են կիներու եւ երեխաններու դիակներով, ժամանակ չենք գտներ թաղելու զանոնք: Լաւ կ'ըլլայ եթէ պահենք մեր վեհանձնութիւնը եւ աղգային պատմութիւնը»¹:

Կարինի վերջին՝ հինգերորդ քարավանը 7000 հոգուց էր և մեկնարկեց հունիսի 18-ին: Այստեղ էին ձերբակալված մտավորականները, ինչպես նաև առաջնորդ Սահակ արք. Սաաղեթյանը, Ներսես վարդապետը: Մամախաթունի մոտ բաց դաշտում մտավորականներին ու հոգևորականներին կոտորեցին, իսկ մյուսներին առաջ տարան: Մալաթիայի Ֆրնճըլար վայրում քարավանը վաճառվեց քուրդ Զեյնալ աղային: Ֆրնճըլարի բացատը շրջապատվեց զինված քրդերով: Ով մտներ բացատ՝ բռնվում ու կապվում էր: «Մէկ քանիներ, - գրում է Ղաղար, - Հազիւ դիմադրութիւն ցոյց տուած, գնդակահար, թոպամահ կամ քարկոծուած ինկան: Կալանաւորներու ընտանիքները գաւազանի հարուածներով եւ հրացանի կոթով ստիպուած կ'ըլլային առաջ շարժուիլ, հեռանալու համար ոճիրի այդ վայրէն: 2-3 ժամուայ մեջ Հազարաւոր այր մարդիկ արդէն կապուած էին: Զեյնալը նստած բացատի մը մէջտեղը՝ յանձն կ'առնէր կողոպտուած իրեղէնները, զարդերն ու ոսկիները»²: Կանանց ու աղջիկներին ոչ միայն առևանգեցին, այլև առաջին անգամ նկատվեց վերջինների ինքնակամ ամուսնություն թուրքերի ու քրդերի հետ: Այդպիսիներից մեկը գրում է. «Թիւրք խնամիական կապերը կը սկսէին կապուիլ. Հայ կիները սկսան կամաւ իրենց աղջիկները տալ թուրքերուն, ճարահատեալ իրենց ցարդ կրած տառապանքէն:

Յաճախ թուրք փեսայ մը բոլոր ընտանիքը կը տանէր իր հետ... Գեղեցիկ աղջիկներ կը տրուէին տարեց այրերու՝ անոնց երկրորդ կինը ըլլալու համար, դեռահաս աղջիկներ ալ գացին ամուսնանալու»³:

Ականատես կինը եղրահանգում է. «Առաջին (սպանութեան) արդիւնքը պիտի ըլլար անհատներու ֆիզիքական մահը, քանի մը հարիւրները կամ հազարները պիտի պակսէին, բայց երկրորդին մեջ կար բարոյական փճացում, աղջային այլասերում, որ շատ աւելի մահացու հարուած պիտի տար աղգին, քան

¹ Անտոննեան Ա., նշվ. աշխ., էջ 285-286:

² Զաքըզ Ղ., Յուշամատեան Բարձր Հայքի. Կարինապատում, Պէյրութ, 1957, էջ 479:

³ Նույն տեղում, էջ 461:

առաջինը: Ֆրնճը լարի դժոխքը հայ ազգին գերեզմանը եղաւ, որովհետեւ ողջը մեռելին խառնուեցաւ ու հայն ալ՝ թուրքին»¹:

Քեմախում Եփրատի կամրջի վրա հազարից ավելի երիտասարդներ նահատակվեցին, իսկ 400 երեսաներ կենդանի թաղվեցին հորերի մեջ²:

Կարինում մնացին հայ կաթոլիկները, ովքեր վայելում էին Ավստրո-Հունգարիայի հյուպատոսարանի պաշտպանությունը: Սակայն նոյեմբերին, ըստ Մթեփրլուսոնի, նրանք էլ տեղահանվեցին: Կառքերով հասցրեցին երգնկաև ցրեցին տարրեր ուղղություններով: Մի մասը հասավ Պոլիս ու մտավ Ավստրո-Հունգարիայի ղետանատան պաշտպանության տակ³, իսկ մի փոքր մասը, ըստ Հիասինթ Սիմոնի, հասավ Միջազգետք և Տարածագույն նետվեց Դահրե արքայի կառուցած ջրամբարները, իսկ ով փրկվեց՝ 1915 թ. սեպտեմբերի 22-ին ջարդվեց Խալիլի ներկայությամբ⁴:

Կաթոլիկների մի խումբ էլ գնաց Հալեպ:

Ֆայեղ ալ-Ղուսեյնի նկարագրությամբ՝ այդ խումբը կազմված էր հիմնականում կանանցից՝ «իրենց աղջիկներով եւ քանի մը հիւանդուտ մարդոցմով: Այս դժբախտները ողբալի վիճակի մը մէջ կը գտնուէին, որովհետեւ երգրումէն Սրում ճանապարհը ոտքով կտրած էին... իրենց ընկերացող զինուորները ընդհանրապէս զիրենք ամայի տեղեր կ'առաջնորդէին, ուր զանոնք կը ձգէին առանց ջուրի:

Անոնք, որոնք ծննդաբերութիւն կ'ունենային ճամբաներու ընթացքին, պէտք է որ լրէին իրենց զաւակները, որովհետեւ ոյժ չունէին շալկելու, կամ մնային անապատին մէջ՝ մեռնելու անոնց հետ: Եւ այսպէս, այս դժբախտ զոհերը անգութ քիւրտերու յանձնուեցան, իրենց կեանքն ու պատիւր... Անոնց մէ շատեր նախընտրեցին անձնասպանութիւնը, քան թէ այս քիւրտերուն յանձնուիլ»⁵:

Վատիկանի նվիրակ Հ. Հոփերը էրգրումում ականատես լինելով հայերի հալածանքին 1915 թ. հոկտեմբերի 26-ին գրում է. «Տեղահանում (բռնագաղթ) բառը նշանակում է.

1. Լիակատար բաժանում ամուսիններին իրենց կանանցից, մայրերին՝ իրենց երեխաներից: 2. Թուրքերի սպառնալիքներ ու չողոքորթություններ հայերին մղելու հավատափոխության: Հավատափոխվածներին ... անմիջապես տանում են մահմեղական բնակավայրեր, որտեղից այլս վերադարձ չկա: 3. Այն կանանց, ովքեր իրենց մարմնական հատկանիշներով հարմար են հարեմներին վաճառելու կամ ազնվականների ու պահանջմերի ստոր ցանկությունները բավարարելու համար, առևանգում են: 4. Փոքր աղջիկներին դարձնում են աղախիններ թուրքերի տներում, ովքեր պարտավոր են այդ երեխաներին տալ համապատասխան մահմեղական կրթություն: Նրանցից ոմանց նույնիսկ Կ. Պոլիս են բերել: Բոլոր քրիստոնյա տղաներին թլպատում և տանում են թուրքերի տները:

¹ Փայլածու Ա. - Գարուանեան Ցաւակ, Նիւ Եորք, 1923, էջ 98:

² Ակունի Ս., նշվ. աշխ., էջ 143:

³ Bryce J., նշվ. աշխ., էջ 225:

⁴ Նազիեան Հ., Յուշեր: Մերձաւոր Արևելքի 1914-1918 թթ. շրջանի կրօնական-քաղաքական դէպքերու մասին, Պէյրութ, 1960, էջ 181:

⁵ Ղուսեյն Ֆ., Հերոսական հայութեան անցեալեն, Գահիրէ, 1960, էջ 6:

Թուրքական հայրենիքի համար մարտնչող հայ զինվորների կանանց ու աղջկներին հավաքում են թուրքական գյուղերի վրա բաշխելու համար:

Այս ընտրությունը կատարելուց հետո, մնացածներին ստիպում են լքել իրենց ամրող ունեցվածքը՝ տները, դրամը և զնալ երկրի խորքերը: Մեծ մասսամբ բիրտ ժանդարմների ուղեկցությամբ, առանց հագուստի, նրանց տանում են գյուղից գյուղ, Հարթավայրից Հարթավայր, դեպի անհայտություն: Տառապանքից ու բաժանման ցավից ցնցված նրանց օրգանիզմն այլևս անկարող է տանելու վատ եղանակն ու զրկանքները և շատերը մեռնում են ճանապարհին: Մյուսներին պարզապես սպանում են»¹:

Շոյնքեր Ռիխտերը օգոստոսի 5-ին գրեց Վանգենհայմին. «Մինչև մայիսի սկիզբը հայերը այստեղ անվրդով ապրում էին և հսարավորություն ունեին իրենց գործերով զբաղվել: Առանձին զեպքեր, ինչպես, օրինակ, բանկի տնօրեն Բաստրմայանի սպանությունը, թվում էին անցողիկ երևույթներ»: Թուրքերից սպասվող ջարդի վախը, սակայն, միշտ էլ կար և հիմք ուներ, բայց հայերին թվում էր, որ գեներալ Պոսալթի, ինչպես նաև գերմանական հյուպատոսի ներկայությունը և գործունեությունը կխոչընդոտեին վայրագությունները:

Մայիսի սկզբին Վանում տեղի ունեցած իրադարձությունները հանգեցրին այն բանին, որ կառավարությունը և ուղմական մարմինները ձեռնարկեցին մեծ և խիստ պատիժներ հայերի նկատմամբ: Հայ զինվորականներին հեռացրեցին բանակից և հարկադրեցին ծառայել աշխատանքային գումարտակներում, էրզրումի և Բասենի հարթավայրի բնակիչները, որոնք բաղկացած էին կանանցից, երեխաներից և ծեր տղամարդկանցից, քշվեցին իրենց գյուղերից դեպի Միջազգետք: «Ռազմական նկատառումներով հիմնավորված այս միջոցառումները անցկացվում են դաժան և ոչ շրջահայաց ձեռվով»:

Հունիսի սկզբին տարագրվեց էրզրումի հայ երեսելինների առաջին խումբը: Մոտ 500 մարդ հունիսի 13-ին թողեց էրզրումը և լեռներով Խարբերդի վրայով անցավ Ուրֆա: Նրանցից միայն 14 մարդ ողջ մնաց: «Երկրորդ խումբը, մոտ 3000 մարդ, հունիսի 19-ին և 20-ին թողեց էրզրումը, Բայրուդի մոտ նրանց մի մասը, հատկապես տղամարդիկ, խմբից բաժանվեցին... նրանք պետք է, որ սպանված լինեն: Մյուսները համել են երգնկա...»:

Հունիսի 19-ին մեկնած քարավանը պահակախմբին և դրա հրամանատար Քյամիլին վճարեց և առանց լուրջ պատահարի հասավ Քեմախ, որտեղ Քյամիլը 200 հոգու անունները կարդաց ու հայտարարեց, որ նրանք սպանվելու են: Քարավանը հասավ Մալաթիա: Տեղի իշխանությունները հայերից խլեցին 400 վրան: Քարավանը Մալաթիան նոր էր թողել, երբ հետապնդող քրդերը իրենց շեյխերի՝ Զաջի Բաղրի և Զեյնալի զլիսավորությամբ բոլոր տղամարդկանց (2115 հոգի) հավաքեցին մի փոքր Հարթության վրա, իսկ մյուսներին հարկադրեցին առաջանալ: Քրդերը հայ տղամարդկանց ասացին. «Դա կառավարության պահանջն է»: Նրանց կապեցին, ապա մեկառմեկ մոտեցրեցին Զեյնալին: Հայերից ամեն ինչ խլեցին և տասը քայլ այն կողմ բոլորին սպանեցին դանակով ու կա-

¹ Wien, HHSTA PA XII 464. Wien, 26 Oktober 1915.

ցինով: Սպանվեց մոտ 2000 մարդ: Հրաշքով փրկվեց 114 հոգի¹:

«Արտաքածների երրորդ խումբը, մոտ 300 ընտանիք, հունիսի 26-ին թողեց էրզրումը. նրանք լավ վիճակով տեղ են հասել երգնկա: Զորրորդ խումբը, մեծ մասամբ արհեստավորների ընտանիքներ, որոնք նախապես կառավարության կողմից ստացել են մնալու թույլտվություն, բայց այդ թույլտվությունը հետագայում բանակի գլխավոր հրամանատարի հրամանով չեղալ էր հայտարարվել, նույնպես Բայրուրդի վրայով հաջողությամբ հասել էր երգնկա»: Այսպիսով, մինչև հուլիսի 15-ը համարյա բոլոր հայերը էրզրումից տարագրվեցին: Միայն քչերը հիվանդության և այլ պատճառներով կառավարությունից ստացել էին մնալու թույլտվություն: «Էրզրումից իմ և վալիի բացակայության ժամանակ այդ թույլտվությունը բանակի գլխավոր հրամանատարի կողմից չեղալ էր հայտարարվել: Նրանք պետք է կարձ ժամանակում թողնեին էրզրումը. նրանցից շատերը չեն կարողացել իրենց հետ վերցնել ճանապարհի համար անգամ ամենաանհրաժեշտը»: Վերջին խումբը Ալբաների և Բայրուրդի մոտ մասամբ կողոպտվել էր²:

Գերմանացի դիվանագետի կարծիքով՝ «տարագրման ընթացքում էրզրումի բնակչության հետ ավելի լավ են վերաբերվել, քան մյուս քաղաքների հայերի հետ: Ծնորհիվ վալու ընդառաջելուն և իմ ջանքերով, նրանց ընձեռվեցին հետեւյալ դյուրությունները. 1) Մեծ մասին 14 օր ժամանակ տրվեց ճանապարհի նախապատրաստվելու համար, 2) Թույլ տրվեց իրենց հետ իրեր վերցնել ու վաճառել, 3) Վաճառականների մի մասը և վերնախավը հնարավորություն ստացավ ապրանքները և թանկարժեք իրերը հայկական եկեղեցու միջոցով հանձնել օսմանյան բանկի պահպանությանը, 4) Կառավարությունը շատ չքավորների հատկացրեց եղան սալլեր, 5) Այն տղամարդիկ, որոնց ընտանիքները մնացել էին առանց արական սեռի, ազատվեցին աշխատանքային գումարտակներից և իրավունք ստացան ուղեկցելու իրենց ընտանիքներին»:

Էրզրում քաղաքում տարագրությունն սկսվեց մայիսի 15-ին և, ի տարբերություն Կիլիկիայի, անմիջապես լայն ծավալ ընդունեց:

Կարելի է նշել էրզրումի տարագրության նաև ուրիշ առանձնահատկություններ, սակայն հազիվ թե հնարավոր լինի համաձայնվել գերմանացիների այն թեղի հետ, թե «տարագրության ընթացքում էրզրումի բնակչությանն ավելի լավ են վերաբերել»: Եվ դա մի պարզ պատճառով, որ ամենամեծամիջիկ կորուստներ ունեցել են էրզրումից բռնագաղթվածների քարավանները: Եթե խոսք է լինում բնակչության ամբողջական ոչնչացման մասին, ապա դա առաջին հերթին վերաբերում է Կարինի հայությանը:

Այսպիսով էրզրումի վիլայեթի հայության ոչնչացման գործընթացը ներկայացնում է հետեւյալ պատկերը: 1914-ի օգոստոսից սկսած բանակ զորակոչվեցին 15-65 տարեկան հայ պատանիներն ու տղամարդիկ: 1915-ի սկզբին հայ զինվորականները զինաթափվեցին, վերածվեցին չինարար բանվորների և մտցվեցին ամելե թարուրների մեջ: Վիլայեթի քաղաքների ու գյուղերի հայ համայնքներում մնացին միայն կանայք, երեխաներ ու ծերեր: Սկսած 1914 թ.

¹ Kons / Ankara, 171, Ab. Zu, № 25-27.

² Lepsius J., Berichte, s. 116-121.

Հոկտեմբերից հայ ծառայողները պաշտոնաթող արվեցին: 1915-ի ապրիլին ձերակալվեցին ու ոչնչացվեցին հայ մտավորականության ու Հոգևորականության ներկայացուցիչները: Սկսած 1914 թ. երկրորդ կեսից էրզրումի նահանգի տարբեր մասերում, մասնավորապես արևելյան գավառներում տեղի էին ունենում հայերի արտաքսումներ ու խմբակային սպանություններ:

1915-ի մայիսի կեսերին սկսվեց բռնագաղթը: Դա նախ սկսվեց նահանգի գյուղերում, ինչը թուրքերն իրականացրին «ամենաղաժամ եղանակներով» (Շտանգե), որովհետև գյուղերում ժամանակ չտրվեց վերցնելու ճանապարհի համար ամենաանհրաժեշտ բաները:

Ապա սկսվեց քաղաքների հայության բռնագաղթը: Երգնկայից առաջին քարավանը ճանապարհ ելավ հունիսի 7-ին: Միաժամանակ տեղի ունեցան էրզրումի հայության «փորձնական առաքումները», որոնք այլ բան չէին, եթե ոչ քաղաքի աղղեցիկ դեմքերի բռնագաղթեցում ու ոչնչացում: Էրզրումից քարավաններ ուղարկվեցին հունիսի 7, 8, 9 և 10-ին, այսինքն՝ 20-25 հազ. մարդ: Եվ այդպես մինչև հունիսի կեսերը (Հ. տ.):

Հետևանքն այն եղավ, որ երբ 1916-ին ոռուսական բանակը մտավ Կարին, քաղաքի 120.000 հայից մնացել էր շուրջ 200 մարդ¹:

«New York Times»-ը 1916 թ. մարտի 6-ին գրում է. «Ռուսները էրզրումում գտան միայն 16 կենդանի հայ 40.000-ի փոխարեն»:

Էրզրումի հայության բռնագաղթի քարավանների մեկնարկների տարեթվերը հուչագրություններում տարբեր են: Ոմանք գտնում էին, որ ամենամեծաթիվը հունիսի 9-ին ուղարկված քարավանի տարագիրների թիվն էր 25.000 մարդ: Քարավանը հունիսի 14-ին թալանվեց, ապա չորս ժամ շարունակ կոտորվեց: Դա Քեմախի մերձակայքում էր: Կոտորածից մազապուրծ եպրաբսիա Յանդյանը հիշում է. «Ժանդարմները հարևան վրանի տակ գեղանի Արմենին առևանգելու համար մորթեցին նրա հորը, եղբորը, նրա որդիներին: Արմինեն այլևս չվերադարձավ»:

Երկու ժանդարմներ սվինահարելով սպանեցին Ա. Գասպարյանին ու նրա կնոջն առևանգեցին: Երբ վեց տարեկան երեխան լաց էր լինում հոր արյունաթախ դիակի վրա, նրա հետույքը մի ձող մտցրեցին և ժողովրդին ցույց տալով բղավեցին. «Ահա ձեր դրոշակը»:

Հաջորդ օրը Արարկիրի մոտակայքում հայերին վրաններից հանեցին ու քշեցին մի ամայի վայր, որտեղ,- շարունակում է պատմել ե. Յանըպյանը, «որդուս՝ Լսոնին, մորթեցին դստերս ծնկների վրա, ապա նրան առևանգեցին»:

Մի կին ծննդաբերության ցավերի մեջ էր: Ոստիկանը նորածնին մոր արգանդից դուրս քաշեց և երկու մասի բաժանեց: «Տե՛ս, - ասաց զազանը երեխայի մորը, - երկվորյակ ունեցար»: Քիչ անց ծննդաբերող կինը մեռավ:

«...Թուրքերը մշակեցին պլան,- պատմում է Հ. Բարբին, - էրզրումի և շրջակայի ամբողջ հայ բնակչությունը պետք է աքսորվեր Միջազետք: (Դրա) իսկական պատճառն էր՝ ամբողջ հայերին միաժամանակ քաղաքից աքսորելու միջոցով հեշտացնել նրանց բոլորի կոտորածը»:

¹ "Армянский вестник", 1916, № 7.

Պատրաստվելու համար տրված էր 15 օր: Հայերն իրենց ունեցվածքը լցնում են եկեղեցի և հանձնում ամերիկյան հյուպատոսությանը և ամերիկացի դոկտոր Քեյսին:

1915 թ. հունիսի 16-ի գիշերը զինվորները հայերին տներից հանեցին, երեխաներին ու կանանց բաժանեցին տղամարդկանցից: Փոքր խմբերի բաժանված էրզրումցիները լացով ու կոծով բռնեցին բռնագաղթի երկար ճամփան: Շուտով թույլերը հոգնեցին և ընկնում էին՝ «իրենց մարմնով գծելով քարավանների անցած ուղին»: Սկսվում է սովը, իսկ քիչ անց նաև կոտորածը: «Երևում են քրդերի ավաղակախմբերը և գայլի նման նետվում անզենների վրա»: Խլում են կանանց ու աղջիկներին, ինչպես նաև ամրապինդ պատանիներին՝ ստրուկ դարձնելու համար: Մնացածներին մորթում են: Քչերին է հաջողվում փրկվել և ուժասպառ հասնել Քեմախ, որտեղ ևս կոտորած է տեղի ունենում: «Եփրատի ջրերն արդեն այնքան շատ դիակներ են տանում: Տեղ-տեղ դիակները կուտակվելով վերածվում են ամբարտակի և խանգարում գետի ազատ հոսքին»:

Կենդանի մնացածները Մոսուլ են հասնում բացարձակապես առանց ոչնչի, սակայն երբ դիմում են էրզրումի բանկին իրենց դրամը ստանալու, դրանց առաքումն այնքան է քաշըշվում, որ մինչև տեղ էին հասնում, տերերն արդեն քաղցից մեռած էին լինում¹:

Կոտորածների սկզբում հնարավոր էր փրկվել ընդունելով խլամը: Կամաթե ակամա ոմանք հրաժարվեցին իրենց կրոնից: Նրանք բոլորն ստացան նոր անուն՝ Աբդուլլահ (գերմանացիների մտահղացումն էր՝ հետագայում կրոնափոխներին իմանալու համար): Սակայն շուտով այդ էլ չէր փրկում: Հայը, անկախ կրոնական պատկանելությունից, աքսորվում էր:

«Սարսափից խելագարված մայրերին դահիճները հարկադրում էին խմելու հենց նոր միայն իրենց աչքի առաջ մորթված փոքրահասակների տաք արյունը: Լկտի դաժանությունը հասնում էր «նրբագեղության»: Բոնագաղթված հայերի խումբը հանդիպեց մի մութեարիֆի որը «խղճահարությունից դրդված» դարձավ ուղեկցող... Արտաքնապես բարեհամբույր ու բարեհամ այդ թուրքը խմբին առաջնորդեց դեպի մի նեղ կիրճ, որտեղ հանգիստ և ժպտերես հրամայեց ժանդարմներին բոլորին մորթել»:

Քաղաքում մնացին միայն 50 հայ կոչկակարներ և դերձակներ բանակին սպասարկելու համար: Բայց երբ հարկադրված եղան էրզրումը թողնել նրանց բոլորին (բացի հրաշբով փրկված մի ծերունուց) խեղեցին: Հայկական եկեղեցին ավերվեց, հայ բնակչության ունեցվածքը կողոպտվեց: Սեպտեմբերի 28-ին հրաման ստացվեց հայերի ունեցվածքն աճուրդի հանելու մասին, որից առաջացած գումարները մուծվեցին պետական գանձարան:

Իսկ գերմանացի սպաներն այդ ամբողջ ժամանակ զբաղված էին խնջույքներ սարքելով: «Հափշտակելով քաղաքի բարեկեցիկ ընտանիքներին պատկանող մի քանի երիտասարդ հայուհիների, գերմանացիները նրանց վերածեցին իրենց քմահամույքներին հնազանդ ստրուկների: Հետագայում հեռանալով

¹ **Բարձր A, նշվ. աշխ., էջ 3-4:**

Էրզրումից, այդ ղժբախտներին իրենց հետ տարան»:

Պատերազմի նախօրյակին էրզրումում բնակվող 20 հազ. հայից, երբ ոռուսները քաղաք մտան, մնացել էր 120-ը՝ հիմնականում կանայք և երեխաներ¹:

Նրանց փրկել էր Ռ. Սթեփրլտոնը: Վերջինս և ամերիկյան հիվանդանոցի վարիչ Քեյսը պատմում են. «Արդյոք աշխարհում կա՞ն ուրիշ կանայք ու մայրեր, որոնք կրած լինեն այնքան տանջանքներ, որքան հայ կանայք: Նրանց մահը վրա էր հասնում միայն դաժանագույն տանջանքներից, անտանելի զրկանքներից, սարսափելի հուզմունքների անվերջանալի օրերից հետո»: Առանց հանգստի, առանց հացի ու ջրի, արևի այրող ճառագայթների և ուղեկից դահիճների ճիպոտների հարվածների տակ նրանք ձգվում էին Անատոլիայի անապատների միջով, որոնք ծածկված էին նրանց ու երեխաների դիակներով: Այդ ճակատագրից ազատվում էին երիտասարդ կանայք և աղջիկներ, որոնք նախատեսված էին Հարեմների, կամ «ավելի վատ հաստատությունների համար»: Ողբերգության հենց սկզբից Փոքր Ասիայում ամենուրեք քաղաքների դարբասների տակ կաղմակերպվեցին ստրուկների շուկաներ, որտեղ վաճառվում էին կանայք, աղջիկներ և երեխաներ, որոնք գաղթի ճանապարհին հափշտակվել էին քուրդ ու թուրք ավազակախմբերի կողմից:

Խարբերդում ԱՄՆ-ի հյուպատոսը 1915 թ. հուլիսի 11-ին գրել է.

«Հուլիսի սկզբներին Խարբերդ եկան էրզրումից ու Երզնկայից աքսորվածների առաջին խմբերը՝ քրջերի մեջ, սովոր, հիվանդ: Նրանք ճանապարհը, մոտ երկու ամիս, անցել էին առանց սննդի ու ջրի: Ծղոտ բերեցին: Նրանք այնքան քաղցած էին, որ ազահությամբ վրա ընկան այդ կերին, սակայն զափթիեները ճիպոտի հարվածներով հեռացրին՝ մի քանի մարդու վերջը տեղում տալով: Մայրերն իրենց երեխաներին առաջարկում էին ցանկացողներին: Թուրքերը բժիշկներ ուղարկեցին աղջիկներին բժշկական քննության ենթարկելու, որպեսզի նրանցից ամենագեղեցիկներին ընտրեին Հարեմների համար»:

Հայերի մեծամասնությունը սպանվել էր ճանապարհին քրջերի կողմից, իսկ շատերը մեռել էին սովից ու հյուծվածությունից:

Էրզրումի քարավաններից մեկում էին երեք քույրեր, որոնք խոսում էին անգլերեն: Նրանց ընտանիքի 25 անդամներից 11-ը սպանվել էր ճանապարհին, իսկ արու անդամներից կենդանի էր միայն 8 տարեկան մի տղա:

«Էրզրումից դուրս գալիս բռնագաղթվածներն ունեցել են թե՛ ձի, թե՛ ծանրոցներ և թե՛ դրամ: Սակայն ճանապարհին այդ ամենը նրանցից խլել են, խլել են նույնիսկ նրանց վրա եղած հագուստները, աղջիկներից մեկը լրիվ մերկ էր: Էրզրումի բողոքական քահանայի դուստրը ևս այդ խմբում էր, նրանց ընտանիքի բոլոր անդամներին սպանել էին քուրդ ավաղակախմբերը...»: Քարավանում կար վեց երեխա ունեցող մի կին: Հոգնած ու հյուծված այդ կինը երեխաներից երկուսին զրկած էր տանում, իսկ մնացած չորսը քարշ էին գալիս բռնած նրա փեշերից: Երեխաներից մեկն այլևս քաշել չկարողանալով, ընկավ, մայրը թեքվեց դեպի ընկածը, բայց հետեւցին ճիպոտի ուժեղ հարվածները՝

¹ Բարձ Ա, նշվ. աշխ., էջ 5-8:

դահիճները նրան հարկադրեցին առաջ գնալ «զետնին թողնելով իր երեխային, որն, իհարկե, ընկած տեղը մեռավ: Քարավանը դանդաղ առաջ էր գնում, բայց հանկարծ տանջանքի ու սարսափի աղմուկ և անկասելի փախուստ... Լեռներից իջնող քրդերը կրակ բացեցին... Զոհերը ընկնում ու ընկնում էին... Մայրերից մեկն իր երեխաների հետ ջուրն է նետվում, իսկ մի ուրիշը, տանջանքներից խելագարված, խեղդում է իր փոքրիկներին...»:

Թուրքերն ու քրդերը կշտացած սպանելուց, խեղելուց, փորեր թափելուց և բոնարարելուց, սկսեցին հնարել զժոխային կտտանքներ, որպեսզի հոչոտեն իրենց զոհերի նաև հոգին: «Իրար կողքի շարված մայրերին հարկադրում էին ականատես լինել իրենց երեխաների փորերը թափելուն, որոնց հետո կախում էին պատերից, ինչպես մսավաճառի կրպակում՝ միաը, ապա ճիպոտի հարվածով քշում էին սարսափից սպացող և ողբացող զժրախտ կանանց... Բոնագաղթվածներին լցնում էին եփրատ: Ժանդարմները մայրերի գրկից ուժով պոկում էին երեխաներին և բարձում գերանների լաստի վրա, որոնք կապված էին պարաններով:

- Կտրե՛լ պարանները, - հետևում էր հրամանը:

Ժանդարմները կտրում էին և լաստերը քշում դեպի գետի արագ հոսանքը, որտեղ գերաններն իրարից հեռանում էին, և երեխաները զլորվում էին ջրի մեջ: Մի քանի գերաններ դրանց կառչած երեխաների հետ մոտեցան ափին, սակայն ժանդարմները նորից հրեցին գետի խորքը: Փոքրիկները ձեռքները մեկնում էին իրենց մայրերին, բայց ջուրն էին ընկնում: Բոլորը խեղդվեցին¹:

«*Кавказское слово*» թերթը 1916 թ. մարտի իր երեք համարներում (6, 9, 17-ը) նույնպես անդրադարձել է էրզրումի տեղահանություններին ու ջարդերին:

Էրզրումի հարուստների մի քանի հարյուր հոգուց կազմված քարավանը ահավոր վիճակում հասավ Մամուրեթ-ուլ-Ազիզ և տեղավորվեց մի լրված շենքում: Պատումում է Խարբերդում Ամերիկայի Հյուպատոս Դևիսը, որ անձամբ է եղել տարագրվածների ճամբարում: «Նրանք էրզրումից դուրս էին եկել մի ամիս առաջ: Ճանապարհին հենց նրանց աչքի առաջ քրդերը տղամարդկանց կոտորել էին», կանանց կողոպտել, անգամ հագուստները լսել, շատերին լրիկ մերկ թողել, իսկ ուղեկցող ժանդարմները ձևացրել էին, թե անզոր էին ավազակներին դիմադրել:

Ամռան ընթացքում Խարբերդ հասան շատ քարավաններ էրզրումից ու մյուս նահանգներից: Դրանցից առաջիններից մեկը կանգ առավ քաղաքի ծայրամասի դաշտում, բարկ արես տակ: «Բոլորը ցնցուտիներով էին, ոմանք՝ գրեթե մերկ»: Տարագրիները հյուծված էին, տանջված, հիվանդ, կեղտոտ, ողլոտ, «ավելի շատ վայրի գաղանի, քան մարդկային էակների էին նման»: Շաբաթներ շարունակ նրանց անասնահոտի պես քշել էին, ուտելիք գրեթե չէին տվել: Տղամարդիկ շատ քիչ էին, նրանց մեծ մասին ոչնչացրել էին մինչև Խարբերդ հասնելը: Քիչ չի եղել նաև սպանված կամ մեռած կանանց ու երեխաների թիվը:

¹ Եաբն Ա, նշվ. աշխ., էջ 42-44:

«Զնչին մասն էր Խարբերդ Հասել, նրանք էլ շուտով մեռան»: Երբ ինչ-որ օտար մտնում էր ճամբար, մայրերը «մեկնում էին զավակներին, խնդրում տանել, տիրություն անել կամ փորձում էին վաճառել մի քանի պիաստրով (պիաստրը մոտավորապես 4 սենթ է)»:

Այդ քարավանները մի քանի օր Խարբերդում մնալուց հետո շարունակում էին ճանապարհը: Յուրաքանչյուր քարավան հեռանալիս զգալի թվով բռնագաղթվողներ մնում էին տեղում, անզոր ճամփան շարունակելու: «Ամենասահմուկեցուցիչը, որին ականատես եմ եղել երեսէ, որը գերազանցում է նույնիսկ Գանթեի նկարագրած դժոխքը, նրանց վիճակն էր, որոնք քարավանի շարժվելուց հետո մնացել էին ճամբարում», որը լին էր «Հարյուրավոր մեռյալներով ու մեռնողներով», մեծ մասը հողին էր պառկած: Ճանապարհի մեջտեղում մեջքի վրա ընկած էր միջին տարիքի տղամարդու զիակ: Ամենուրեք թափած էին «կանանց, երեխաների բազմաթիվ զիակներ, ամեն քայլափոխի հիվանդներ ու մահամերձներ», ծերերն անզոր էին տեղից շարժվելու: «Գղղղված մազերով, փոս ընկած աչքերով կանայք նստել-քարացել էին»: Նրանք այնքան էին հյուծված ու նիշար, որ «գլուխը գանգ» էր թվում: Բոլորը մահամերձ ջղագարության մեջ էին: «Ուսած փորով երեխաները թաղվել էին աղտեղության մեջ, ոմանք ներքին ջղակծկումներից ցնցվում էին»:

Մի քանի քայլ այն կողմ փոս էր փորված, ուր ժանդարմներն ամեն օր նետում էին «մահացածներին կամ ում մահացած էին համարում»¹:

Էրդրումից քարավանները հասան նաև Խարբերդ ոչ այնքան կողոպտված ու հոշոտված, բայց նրանք էլ սպանվեցին Խուլազյաշի ճամբարից դուրս գալուց մի քանի օր անց:

Ամռան վերջին հասած քարավաններին տեղավորեցին քաղաքի հայկական գերեզմանատանը, որի ծայրին մի խորը փոս էր փորված, ուր նետում էին մեռածներին²:

Վանի իրադարձություններից հետո սկսված կոտորածը,- գրում է «Կավկազskое слово»-ն 1916 թ. մարտին,- քողարկվում էր բռնագաղթով: «Իշխանությունները չեին համարձակվում անմիջապես սկսելու հայերի զանգվածային ցեղասպանությունը, նկատի ունենալով մուսուլմանական լայն խավերի տրամադրությունը»:

Կովկասյան ուղղմածակատում թուրքական բանակի պարտությունները թուրքերի շրջանում ցասում էին առաջացրել երիտթուրքերի հանդեպ: Երիտթուրք պարագլուխները «վախենում էին, որ Հայաստանից հայերի համատարած արտաքսումը կարող է հարուցել մուսուլմանների բողոքը», ուստի որոշեցին գործել զգույշ քողարկել իրենց հսկական նպատակը»:

Նախ, տարագրեցին զյուղացիությանը: Ապա խուժանն սկսեց կոչ անել զիսովին բնաջնջելու հայերին: Մահմեդական զանգվածների տրամադրությունները սպառնալից դարձան, և Թահսին փաշան, որը համեմատաբար հաշտ էր տրամադրված հայերի նկատմամբ, որոշեց քաղաքի մեծամեծների հետ

¹ Թեիս Լ., Սպանդի նահանգը, Ե., 2001, էջ 158-160:

² Նույն տեղում, էջ 161-162:

քննարկել, թե ինչ անել: Ժողովը տեղի ունեցավ քաղաքի Թախտե-Քյոշք ար-վարձանում: Որոշվեց կոտորել բոլոր հայերին: Սակայն, վերջնական վճռի գալու համար հարցը հանձնվեց հատուկ հանձնաժողովի քննարկմանը: Վայրին հա-ջողեց հայերին ոչ թե կոտորել, այլ տարագրել Միջազետք: Հայերի և օտարերկ-րացիների բազմաթիվ վկայություններով՝ տարագրիներին՝ ծեր թե երեխա, կին թե հիվանդ, հարկադրում էին քայլել: Որոշ ժամանակ անց ճանապարհի դժոխային դժվարություններից հյուծված տարագրյալները դեն նետեցին այն բոլոր իրերն ու հագուստները, որոնք չալակած էին տանում: «Գաղթա-կաններին «պաշտպանելու համար «Հոգատար» իշխանությունները պա-հակախմբեր էին կազմել հասարակության տականքներից, բանտերից ուղարկ-ված ոճրագործներից ու ուրիշ մութ անձերից, որոնք մտել էին չեթեական ջո-կատները»: «Երգնկայից հետո առաջին իսկ կանգառին հայերից խլեցին մժեր-քի պաշարները... Հետո պահակներն սկսեցին բացեիթաց փող պահանջել, սպառնալով չտալու գեպքում կոտորել բոլորին»: «Կողոպտում էին միմյանց փոխարինող բոլոր պահակախմբերը և չուտով տարագրյալները մնացին ա-ռանց որևէ բան, զորկ անգամ հաց գնելու հնարավորությունից: Փողերը լրիվ չորթելուց հետո պահակներն սկսեցին աղջիկ ու կին պահանջել, չխնայելով անգամ 5-10 տարեկաններին: Դիմադրության աննշան փորձն իսկ դաժանորեն պատժվում էր»:

Գաղթականների խմբերը բաղկացած էին ծերերից, կանանցից ու երեխա-ներից: Վանի իրադարձություններից հետո նրանց մեջ երեսացին նախկին զին-վորականներ, որոնց մեծ մասին կոտորեցին տարրեր վայրերում, իսկ փրկված-ները բառացիորեն մերկ էին և կանայք նրանց հազարում էին իրենց քրծերից:

«Գաղթականների ամբողջ ուղերթի բոլոր գյուղերում գործում էին թուրք չեթեների ջոկատներ... Դրանք նախապես դիրքավորվում էին գաղթականների ուղերթին և այդտեղից կրակում էին քարավանների վրա կամ պարզապես հարձակվում էին ու կոտորում: Նման դարան էր սարքել օրինակ, Զաղահ բնակավայրում՝ երգնկայից ոչ հեռու, որտեղ չեթեները հարձակվում էին ան-պաշտպան մարդկանց վրա և շատ քչերին էր հաջողվում փրկվել: Հայերին նույն արյունոտ «բաղնիքն» էր սպասում Քեմախ քաղաքի մերձակա կիրճում: Փրկվածներին մահ էր սպասում նաև բուն Քեմախում, որտեղ գետը նետեցին գրեթե բոլորին, չխնայեցին անգամ երեխաններին»:

«Հայերի բնաջնջումը համընդհանուր ընդգրկում ուներ: Դա իրականաց-վում էր ամբողջ Հայաստանում և ձգվում էր մինչև Մոսուլ... Հայերը հալածվում էին անկախ հպատակությունից: Օրինակ, էրզրումում մեծ թվով ամերիկա-հպատակ հայեր սպանվեցին, չօգնեցին անգամ դիվանագիտական միջամտու-թյունները»¹:

«Армянский вестник»-ն անդրադառնալով եղեռնի տարիներին քրդերի վարքագծին, գրում է. «...Քանի անգամ քուրդ բեկերը հարուստ հայերից ստա-ցան 1000 լիրա, խոստանալով պաշտպանել նրանց ընտանիքն ու կյանքը, սա-

¹ "Кавказское слово", 6, 9 и 17-го марта 1916 г.

կայն քիչ անց իրենք բռնաբարեցին անմեղ աղջիկներին, երեխաներին ու կանաց իրար մեջ բաժանեցին»:

Հարյուրավոր երիտասարդ կանայք ու աղջիկներ նետվեցին Մուրադ-չայի (Արածանիի) կամուրջներից՝ իրենց պատիվը գաղաններից պաշտպանելու համար:

«Մի դժբախտ աղջնակ հանուն իր հարազատների փրկության ոչ միայն մտավ թուրքական հարեմ, այլև ընդունեց իսլամ»:

Էրզրումի հարուստների երկրորդ խումբը Մամախաթունով մեկնում էր Երզնկա: Հայերը գերազասեցին կանգ առնել ոչ թե քրդական, այլ թուրքական գյուղում, սակայն թուրքերը քրդերից ոչ պակաս դաժանությամբ նրանց կոտորեցին, բռնաբարեցին, իրար մեջ բաժանեցին:

«Որբերը, աքսորվածների կանայք, երեխաները, կաղերը, կույրերը, հաշմանդամները թուրքական կառավարությանը որևէ վնաս պատճառել չէին կարող, սակայն այդ դժբախտներին ևս կոտորեցին անլուր դաժանություններով»¹:

Բռնագաղթվածների բնաջնջման խնդրում իշխանություններն ու մահմեդական խուժանը համախումբ ու ներդաշնակ էին գործում, նրանց աշխատանքը համակարգված էր թե՛ Հայերի բնակավայրերում և թե՛ աքսորի ճանապարհների:

«Հենց մեր գնացքը շարժվեց,- պատմում են գթության քույրերը,- մենք տեսանք իրար հետևից շարժվող գնացքները լեփ-լեցուն այդ դժբախտ մարդկանցով, որոնց անապատ էին տանում: Դրանք բոլորը ապրանքատար գնացքներ էին: Կողքի գոները լայն բացված էին, և մենք տեսնում էինք ծերերին, պառավներին, երիտասարդ մայրերին մանուկների հետ, տղամարդկանց, կանանց և երեխաների: Բոլորն իրար էին սեղմվել ինչպես ոչխարները կամ խողերը: Այս մարդկային էակների հետ ավելի վատ էին վարվում, քան անասունների հետ:

Պառավները ողբում էին: Երեխաները լաց էին լինում: Մենք սարսափով էինք նայում նման դաժանությանն ու նման տանջանքին: Մեզ պատմեցին, որ երբ գնացքն անցնում էր գետի վրայով, 20 կրծքի երեխաների նրանց մայրերը շպրտեցին գետը, որովհետև այլևս չէին կարողանում տանել իրենց սոված երեխաների տառապանքները: Մի երիտասարդ կին վագնում ծնեց երկվորյակներ և նրանց հետ միասին գետը նետվեց...»²:

Էրզրումի տարագիրների քարավանին ուղեկցող գայմագամը Երզնկայում իր 400 զինվորի հետ «անհայտացավ» և մոտ 30 հազ. հայ դեմ դիմաց մնաց ավազակախմբերի հետ: Գրում է ականատեսը. «...Դաշտը ծածկուած էր քիւրտերէ, թուրքերէ եւ զինուորներէ կազմուած խուժանով մը, որոնք խառնուած էին անպաշտպան ժողովուրդին... կը կողոպտէին, կը կոտորէին եւ կ'առեւանգին: Ճիչ, աղաղակ, ցաւի եւ յուսահատութեան գոչիւններ կը խառնուէին թշնամիին ՀայՀոյութիւններուն եւ ծաղրանքներուն... Շատերը ոտքի տակ կոխուած էին: Մանուկներ, ծեր կիներ դեռ նոր մորթուած սիրելիներուն կառ-

¹ "Армянский вестник", 1916, № 14.

² ՀՍՍՀ ԳԱ, Խնֆորմացիոն բյուլետեն, 1982 թ., № 4:

չած՝ կու լային եւ կը ճուային: Հազարաւոր դիակներ փռուած էին ամեն կողմ: Փոքր մաս մը արդէն մեծ բազմութենէն ցաք ու ցրիւ եղած էր լեռներու եւ դաշտերու մէջ, իրար կորսնցուցած, խելակորոյս վիճակի մէջ...»¹:

Հալեպի գերմանական հյուպատութ 1915 թ. օգոստոսի 15-ին գրում է, որ «անընդհատ նոր հասնող տեղեկութեանց համեմատ Արեւելքի մէջ (Կարին եւ այլն) արդէն այսօր հայերը գրեթէ լիովին ոչնչացած են: Արեւելքէն եկողները, որոնցմէ հոս իբր 6000 հոգի կան եւ օրական ալ 300 հոգի կու գան՝ բան մը չեն ընդունիր»²: Այսինքն՝ սնունդ չէին ստանում:

«Դժբախտ աքսորյալների առաջին քարավանը դեռ չէր հասցրել մոտենալ Զիբեյ-Զեյիի լեռան,- պատմում է ականատեսը,- երբ բալաբան քրդերի 50 հեծյալներով երևաց Խալիլ աղան և պահանջեց 5000 թուրքական ֆունտ՝ դիմացը խոստանալով հովանավորություն»: Ստանալով այդ գումարը, նա հեռացավ: Երկու ժամ անց քարավանի վրա հարձակվեց 200 քուրդ և սկսվեց կոտորածը, որ տևեց չորս ժամ³: Քրդերն իրենց հետ առնելով գեղեցիկ կանանց ու աղջկներին, հեռացան:

«Այսպիսով, էրգրումի ամբողջ բնակչությունից Մամախաթուն հասավ միայն 5000-ը»: Այս քաղաքի գայմազամը խոստանալով տարագիրներին մինչև եփրատ անվնաս հասցնել՝ շորթեց ևս 300 ֆունտ: Հունիսի 22-ին քարավանը Դերջանի Փիրիչ գյուղում էր: Հաջորդ օրը երբ նրանք գյուղից դուրս եկան, երևացին չափաք քրդերը: Գայմազամը, թե քրդերը եկել են քարավանը պաշտպանելու ու ուղեկցելու: Սակայն նա հենց որ հեռացավ, «քրդերը սկսեցին կոտորել խեղճերին ու մարմինները նետել գետը: Մոտ երկու ժամ անց, սպանդից փրկված մի քանի պառակ ու երեխա հետ փախան գյուղ և պատմեցին կատարվածի մասին: Հունիսի 24-ին քրդերը հարձակվեցին գյուղի վրա և կոտորեցին այնտեղ մնացած հայերին»:

«Դիարբեքիրի վիլայեթում,- գրում է Ֆայեղ ալ-Ղուսեյնը,- մի իջևանատուն լեփ-լեցուն էր հայ կանանցով ու փոքր երեխաներով: Նրանք թշվառ վիճակում էին, քանի որ էրգրումից մինչև Սրուջ անցել էին ոտքով: Նրանք պատմեցին, թե ժանդարմները իրենց բերել էին ամայի վայրերով, թողնելով առանց ջրի... Կանաք ստիպված էին նորածիններին նետել բախտի քմահաճույքին՝ անմարդարնակ վայրում: Ոմանք էլ ... իրենց մանկիկների հետ միասին զոհվում էին անապատում»⁴:

Կարինի հայության բռնագաղթն ու ոչնչացումը անմիջականորեն ղեկավարում էր Բեհաէղդին Շաքիրը, հայության ամենաոխերիմ թշնամին, բռնագաղթի ու բնաջնջման գաղափարախոսը և դրանց իրականացման անմիջական ղեկավարներից մեկը: Ակսած 1914 թ. կեսերից նա Կարինը դարձրեց իր գործունեության կենտրոնը: Պատահական չէ, որ նա Կարինից էր պատգամավոր օսմանյան խորհրդարանում: Երիտթուրքական ղեկավարությունը նրա վրա էր դրել Արևմտյան Հայաստանի հայության բնաջնջման և, ընդհանրապես, Կ.

¹ Լեռն Մեսրոպ. 1915. Աղէտ եւ վերածնունդ, Փարիզ, 1952, էջ 104-105:

² Տաշեան Յ., նշվ. աշխ., էջ 103-104:

³ Եարբի Ա, նշվ. աշխ., էջ 13-14:

⁴ Ghoussein F., նշվ. աշխ., էջ 20-22:

Պոլսի արևելյան քաղաքականության իրականացման դեկավարությունը: Այդ նա էր, որ փետրվարի 18-ին բացեց վիլայեթի բանտերի դռները և ավազակներից ձևավորեց չեմեական խմբեր: Նրա ղեկավարությամբ իրականացվեցին նաև բռնագրավումները: Յուրաքանչյուր զինվորի հաշվով բռնագրավվեց 30-120 կտ հաց և ուրիշ սննդամթերքներ¹:

Հ. Բարբին էրզրումի նահանգում բռնագաղթի ու կոտորածների գլխավոր կազմակերպիչներից է Համարում նաև Յ-րդ բանակի հրամանատար Քյամիլին և շտարի պետ Գուղին, գերմանացի զնդապետ Ստաղեշին, գերմանական Հյուպատոս Շոյքներ Ռիխտերին, հրետանու հրամանատար գերմանացի Շտանկեին: Ակունին ավելացնում է վալի Թահասինին, օսմանյան խորհրդարանի անդամ Սեյֆուլլահին, նրա որդի Նեշղեթին, ինչպես նաև Զ. Մուստաֆային, Ք. Աղիլին, Հաջի աղային, Արդուլուշման Իբրահիմին և այլոց, բայց գրեթե բոլոր հեղինակները մոռանում են գլխավոր ղերակատարներից երիտթուրքերի էրզրումի պատասխանատու քարտուղար Հիլմիին և Կ. Պոլսից էրզրում որպես կենտկոմի ներկայացուցիչ ուղարկված Զեմալին: Որ էրզրումի նահանգին իթթիհաղի ղեկավարությունն առանձնակի նշանակություն էր տալիս, վկայում է նաև այն, որ Եթե բռնագաղթը կազմակերպելու համար ուղարկվում էր մի ներկայացուցիչ կամ ոչ ոք, ապա էրզրում ուղարկվեց երկու հոգի՝ Սեյֆուլլահն ու Զեմալը:

Ա. Արդութինսկի-Դոլգորուկին 1916 թ. սկզբին էրզրումում լինելուց հետո ասաց. «Մինչեւ 600 հազ. բնակչություն ունեցող այդ քաղաքը գրեթե դատարկ էր: Ռուսներն այնտեղ գտան ոչ ավելի քան 20-25 հազ. մարդ, մնացած բնակչությունը փախել կամ տարագրվել էր... Բոնագաղթն սկսվել էր 1915-ի հունիսին և տեսել մինչև օգոստոս: Կառավարությունը հայերին առաջարկել էր տեղափոխվել Երզնկա ... տարագրվածներին խոստացել էին փոխադրական ու այլայլ աջակցություն: Տեղահանվեց ավելի քան 20 հազ., մարդ՝ տղամարդ, կին, երեխա, իրենց հետ տանելով ունեցվածքի մի մասն ու թանկարժեք իրերը: Սակայն նշանակման վայր հասավ բռնագաղթվածների միայն մի մասը, նրանք հիմնականում զոհվեցին ճանապարհին, կոտորվեցին թուրքերի ու քրդերի կողմից: Հայերի թողած ունեցվածքը պահպում է թաքուն տեղերում կամ բարեկամ թուրքերի մոտ: Բայց մեծ մասը թափված է հայոց եկեղեցում՝ ապրանքներ, տնային իրեր, մի քանի միջիոն ուրբաթներ...»²:

Արդութինսկի-Դոլգորուկին պատմել է Մորգենթաուին, թե ինչպես հարյուրավոր երեխաների թուրքերը սվինահարել ու գետն էին նետել, թե ինչպես էին մերկացրել կանանց ու տղամարդկանց, հարյուրներով միմյանց կապել, զնդակահարել ու զցել զետը: Երզնկայի մոտ գետի մի հատվածում հագարավոր դիակներ այնպիսի մեծ թումք էին կազմել, որ Եփրատը 100 յարդ իր ընթացքը փոխել է³:

«Խօսօք օրօն» թերթը փետրվարի 24-ին տպագրեց նամակ էրզրումից: Նամակի հեղինակը 20 տարի այդ քաղաքում աշխատած ամերիկացի բժշկուհի

¹ Բարձի Ա., նշվ. աշխ., էջ 16:

² Bryce J., նշվ. աշխ., էջ 237:

³ Մորգենթաու Հ., նշվ. աշխ., էջ 264:

Է: Նա նկարագրում է էրզրումահայերի բռնագաղթը. «Մենք միջնորդեցինք վալուն, պնդեցինք, խնդրեցինք չտարագրել այս կամ այն հային, տեղահանվածներին մատակարարեցինք, սայլեր տրամադրեցինք ճանապարհի համար, որը նրանցից բազում հազարների համար դառնալու էր մահվան ճանապարհ, երեք ամիս պահանջինք նրանց ունեցվածքը:

Ապա լուրեր ստացվեցին հայերի կոտորածների մասին Դերջանում, Քեմախում, Քղիում, Տրապիզոնում մի խոսքով՝ ամենուրեք... էրզրումում թուրքին ջարդից հետ պահեց վրեժի սարսափը ոռուսներից...»: Խոսքն այն մասին է, որ Կարինի թրքությունը համեմատաբար ձեռնպահ մնաց հայերի ջարդին մասնակցելուց: Էրզրումի հայերին բռնագաղթեցրին չորս խմբով: Մայիսի 8-ին տարագրեցին մոտ 20.000 գյուղացու, որոնք կոտորվեցին Խարբերդի և Դիարբեքիրի արանքում՝ Բերմազ լեռան փեշերին: Էրզրումի 70 հարուստ ընտանիքներ մորթվեցին հունիսին Բալու և Խարբերդ քաղաքների արանքում, Բայազետի մութեսարիֆի ղեկավարությամբ:

Հուլիսի 6-20-ը էրզրումում հայ չմնաց...¹:

Կարինի հարուստ հայերն իրենց ունեցվածքը Սթեփրլտոնին և ամերիկան Հիվանդանոցի պատասխանատու Քեյսին հանձնելուց բացի հակերով լցրեցին մայր Եկեղեցի: Ամերիկացիներին հանձնվեց 1400 հակ՝ 10-15 հազ. թրքական լիրա արժողությամբ: Նրանց հանձնեցին նաև 5559 թրքական հնչուն ոսկի, մեծ գումար, արծաթե ոռուրիներ, զարդեղեն, որից 5000 թրք. ոսկի հետագայում տրվեց Պոլսի գաղթականների կարիքների համար, իսկ մնացածը Սթեփրլտոնի անունով պահ տրվեց օսմանյան բանկին²:

Ոստիկանների համար հայերի քարավանների կողոպտելը մեծ հարստություն կուտակելու միջոց էր: Նրանք չէին խորչում կողոպտելու անպաշտպան կանանց ու աղջիկներին, դրամաշորթությամբ ու թալանով զբաղվել: Եղան ոչ քիչ զեպքեր, երբ նրանք թալանն ավարտելուց հետո քարավանը վաճառում էին: Օրինակ, Մալաթիայի մերձակայքում Կարինի մտավորականության քարավանը վաճառվեց քուրդ ցեղապետ Զեյնալին:

Կարինի Յ-րդ քարավանից ողջ մնացածներին Սեբաստիա տանելու փոխարեն, քշեցին Արարեկիրի ուղղությամբ: Քեմախում տղամարդկանց բաժանեցին, կանանց հարվածների տակ առաջ քշեցին, քիչ անց տղամարդիկ հարձակման ենթարկվեցին ու խողխողվեցին, իսկ կանայք ըրբի գազաթից դրա ականատեսը դարձան: Զարդվածների դիակները նետեցին Եփրատ:

Այդ քարավանը քաղաքից մեկնել էր հունիսի 29-ին, ուներ 8000 հոգի: Այն առաջին անգամ ջարդվեց Կարինի մերձակայքում: Աշկալեյում՝ սպանվեց 300 երիտասարդ: Մնացածներին երկու օր շարունակ առաջ քշեցին, առանց որևէ հանգստի: Այդպես քարավանը հալվեց, փոքրացավ:

4-րդ քարավանը (9000 հոգի) ճամփա ելավ հուլիսի Յ-ին: Սա ևս Աշկալայում կոտորվեց՝ 100 զոհ տվեց: Երբ Երգնկայից շարժվում էր Քեմախ՝ Բ. Շաքիրի ավազակախումբը՝ ժանդարմները, զինվորները, թուրք ու քուրդ մեծաթիվ

¹ "Кавказское слово", 20 февраля 1916 г.

² Վալխուսյան Գր., նշ. աշխ., էջ 151-153:

խուժանը հարձակման անցավ: Բոլորն սպանվեցին, բացի 400-500 երեխաներից ու կանանցից, որոնք կիսամեռ վիճակում հասան Միջազգետք¹:

Պատմում է ականատեսը. «Կարինի 5-րդ քարավանը երգնկայի դաշտում փոփած դիակների կողքին մնաց երկու օր: Ոստիկաններն ասացին, թե այլևս սայի ճանապարհ չկա և կարող եք պահել միայն եղները: Մի քանի օր անց հավաքեցին տղա երեխաներին: Գնալով շատանում էին կանանց առևանգումն ու կողոպուտը, ով այլևս անզոր էր քայլել՝ սպանում էին: Քեմախի կամրջին հերթապահող զինվորներն սկսեցին ձերբակալել տղամարդկանց: Քաղց, Հոգնածություն, դժվարանցանելի տեղանքներ, բայց քայլել, անընդհատ քայլել: Ակնի ճանապարհին քարավանի վրա կրակ բացեցին դերսիմցի քրդերը: Ակնը դատարկ էր, ավերակ, գետափին հենց նոր կացնահարված դիակներ էին ընկած: Մեկ ժամ հետո մի ավելի սահմոկեցուցիչ տեսարան. «արյունաթաթախս ուռած մարդկային դիակներ, ցիրուցան մաղերով, խոշտանգված կրծքերով կանայք, ցնցոտի հագած մանուկներ... մեծ մասամբ կացնահար եղած անհաշվելի դիակներ...

Գնալով ավելի շատ ծեր ու երեխաներ էին թողնվում ճանապարհին, ուն էին նետվում նաև ավելորդ համարվող իրերը: Այլևս ուժ չկար: Մալաթիայի ճանապարհի շինարարության վրա աշխատում էին քաղցից հյուծված հայ տղամարդիկ: Հասանք ֆուրունձուլար վայրը, որտեղ մնացինք 17 օր դիակների խրձերի հարեւանությամբ: Մեռնում էին նաև մեղանից շատերը: Այստեղ հավաքեցին այս կամ այն կերպ փրկված բոլոր տղամարդիկ ու տղաները՝ 500 հոգի, որոնց միացրին Խոտրջրից բերված կաթոլիկ Հոգևորականներին ու սպանեցին: Մնացին կանայք ու երեխաները: Աղյամանի մերձակայքում՝ Սամսաթ գետի ափին մնացածներին ջարդեցին»:

Ս. Թեհրիբյանի դատավարության ժամանակ Վ. Թերդիբաշյանը ցուցմունք տվեց, որ 1915 թ. Հունիսին էրզրումում «նախ ոստիկանների ու պաշտոնյաների միջոցով քաղաքի հարուստներին լուր տրվեց, թե քաղաքը պիտի դատարկվի, որովհետև գտնվում է ուազմազծի վրա, և քաղաքացիները պետք է հեռանան: Քաղաքի հարուստները 8 օր առաջ լուր ստացան, իսկ մյուսները՝ տեղահանումից մեկ ժամ առաջ: Ապա իմացան, որ եղածը խարեւություն էր, և միայն հայ բնակչությունը պիտի արտաքսվեր: Չորս խմբով՝ 8 օրում: Ես երկրորդ խմբում էի: Մեր ընտանիքը բաղկացած էր 21 անձից: Նրանցից մնացել են միայն 3-ը... Իմ աչքերով տեսա բոլորի կորուստը... Երդում եմ, որ Կ. Պոլսի հրամանով տեղահանվեցին:

Երբ թողեցինք քաղաքը և Կարնո բերդի դռների առջև էինք, եկան ոստիկանները: Զենք էին փնտրում: Դանակ, անձրևանոց և այլն առան մեղնից: Կարինից եկանք Բաբերդ: Երբ անցնում էինք այս քաղաքի կողքով, գեղագեղ դիակներ տեսանք: Ես ստիպված էի դիակները կոխել անցնել, այնպես որ ոտքերս արյունով ներկվեցին... Հասանք երգնկա... Նույնիսկ ջուր խմելու հրաման չէին տալիս: Ստիպված էինք նույնիսկ եղները հանձնել... Երբ առաջ գնացինք, խմբերից 500 երիտասարդներ ջոկեցին ... և ջարդեցին ... իրար կապեցին և

¹ Լեւոն Մեսրոպ, նշվ. աշխ., էջ 104-105:

ջուրը գցեցին... և հոսանքն այնպես սաստիկ էր, որ բոլորին ջուրը քշեց-
տարավ... Բայց լացել անգամ թույլ չէին տալիս, սվիններով առաջ էին մղում 80
ոստիկան և մի ջոկատ զինվորներ...

Ինչ որ կարող էինք շալակել, դրանով Մալաթիա եկանք: Այնտեղ մեղ լե-
ռան վրա հանեցին ու տղամարդկանց կանանցից բաժանեցին ... և 10 մետր
հեռավորության վրա կացիններով սպանեցին ու ջուրը նետեցին:

Երբ մի քիչ մթնեց, եկան ոստիկանները, ընտրեցին ամենագեղեցիկ կա-
նանց ու աղջկներին և որպես կին առան... Հնազանդվել, տեղի տալ չուզողնե-
րը սվիններով էին խոցվում, և նրանց սրունքներն էին պատառութվում: Նույ-
նիսկ փշում էին հղի կանանց կողերը և դուրս էին հանում երեխաններին... եղ-
բորս գլուխն էլ կտրեցին: Երբ մայրս տեսավ այդ, գետին ընկավ ու մեռավ...
Մի թուրք վերցրեց որդուս ու մի կողմ նետեց ինձ... Հեռվից ծուխ նշմարեցի ու
գնացի ծխի ուղղությամբ»¹:

Երբ էրզրումի վերջին քարավանը շարժվում էր դեպի Ուրֆա, Մալաթիայի
ճանապարհին աշխատում էին «խումբ մը կիսամերկ մարդիկ՝ կմախքացած ու
անձանաչելի», նրանց հսկում էր զինված ոստիկանը: Հենց քարավանը մոտե-
ցավ, նրանք սկսեցին հաց մուրալ: Դրանք Սանասարյան դպրոցի նախկին սո-
վորողներն էին:

«Արեւի կիզիչ ճառագայթներուն տակ,- պատմում է տարագրյալներից
մեկը,- կը բարձրանայինք դէպի վեր, բոպիկ քալելով մէյ մը խճոտ գետնի, մէյ
մը՝ ցեխոտ, մէյ մը տաք ու չոր ավազի վրայ, ու մէյ մը՝ ճահիճի մէջէն: Կը
զգայինք, որ մեզ կը դարձնէին նոյն օղակի մէջ, իրենց նպատակը չէր մեղ տեղ
հասցնել, այլ՝ յոգնեցնել: Ճանտարմաները իրենք կ'ըսէին, թէ պիտի տանէին
մինչեւ Սամսաթ ու հոն գետը պիտի թափեին մեղ»: Ուրֆայի մերձակայքում
տղամարդկանց քարավանից հանեցին ու տարան՝ իրը տանում էին Մալաթիա՝
բնակարաններ ճարելու²: Իրականում, այդ 170 տղամարդը «քիւրտ պէյի հրա-
մանով չարաչար մահուամբ փակեցին իրենց աչքերը իրենց սիրելիներու
ներկայութեամբ իսկ... Աչքովս տեսայ ամեն մեկուն սոսկալի սպանուիլը կամ
տառապանքէ ու անոթութենէ մեռնիլը...»³:

Մի ուրիշ նամակում կարդում ենք. «...Տղաքը զարկեր են, իսկ հարսս ...
թրբացուցին... Մեծերը զարկեր են, պղտիկները ողջ են... ոմանք փրկուեր են՝
քիւրտերու մեջ կը մնան... Կերածներս անալի խոտն է... Շատ գաղթականներ
անօթութենէ, ցուրտէ եւ ամեն բանէ զուրկ մեռան հոս, թուրքերը մեղ անսնկ
կողոպտեցին, որ քովերնիս զրամը բոլորը առին ու մերկ թողուցին»:

«Ռուսաստան անցած ուրիշ մարդ չունինք,- զրում է գաղթական Ս.
Կարապետյանը,- միայն ես երկու երեխան աղի, մահս աչքս առի, ձիւներու եւ
ձորերու մէջէն քալելով ... ազատեցայ»⁴:

Մի ուրիշ նամակ. «Եթե քո տնեցիներուդ հարցունես, ոչ ոք մնացած է,
միայն Ասատուրին կինը մնացեր էր, ան ալ քիւրտերը առած են... Մեր տնեցի-

¹ «Թեհիրեան արդարահատուցը», Պէյրութ, 1981, էջ 63-65:

² «Արարատ», 3 մայիսի 1985 թ.:

³ «Նաւասարդ», 1990 թ., № 92:

⁴ Նույն տեղում:

ներէն մէկը չէ ազատեր...»: Քաղվածքներ ևս երկու նամակից. «Եթէ ձեր տնեցինսրը հարցնէք, յոյսերնիդ կտրեցէ՛ք բոլորովին...»: «Եթէ ձեր տունը հարցունես՝ յուսահատիր... Մինակ դուն մնացեր ես...»:

«Միայն սեպտեմբերին,- գրում է Սթեփըլտոնը,- ինձ հասան առաջին լուրերը աքսորվածների մասին: Գրել էին կանայք ու Հարցնում էին, թե ինձ ի՞նչ է հայտնի իրենց ամուսինների մասին: Քիչ անց այդ բոլոր կանանց ուղարկեցին Սրուջ, Ուրֆա, Խարբերդ: Երգնկայում աքսորյալներից փոխադրամիջոցները բռնագրավել էին և ուղերթը փոխել ու քշել Քեմախ:

Դեպի Խարբերդ մեկնած քարավանը դարձել էր աննկարագրելի գաղանությունների զոհ: Էրզրումի իմ բարեկամներից մեկի՝ բժիշկ Թաշճանի դուստրը սարսափներից խելագարվել է և այժմ իր քրոջ հետ Խարբերդի հարեմներից մեկում է»¹:

Պատմում է Կարին քաղաքի բնակիչ Ա. Քրմոյանը. «Մեզ Կարինից տարան 4-րդ քարավանով: Երգնկա չհասած՝ դաշտում շատ դիակներ տեսանք: Երկու օր անց, ճանապարհները նեղ լինելու պատճառով սայլերը խլեցին: Հետո հավաքեցին քարավանի տղա երեխաններին:

Հետզհետե կանանց առևանգումը, կողոպուտն ու գողությունը, քայլելու անկարող և ճանապարհներին մնացողների սպանությունը ամեն օր պատահող սովորական դեպքեր դարձան:

Դժվարություններով հասանք Եփրատի վրա կառուցված Քեմախ կամուրջը, որն անցնելու ժամանակ հավաքվեցին բոլոր տղամարդիկ: Շատ չանցած քարավանի վրա հարձակվեցին դերսիմցի քրդերը: Հասանք Ակն: Մեռելային լություն է. կան միայն հենց նոր կացնահարված դիակներ: Ծարավ ենք, բայց թույլ չեն տալիս ջուր խմել: Հաջորդ օրը հասանք մի տեղ՝ արյունաթաթախ..., ուռած մարդկային դիակներ, ցիրուցան մազերով, խոշտանգված կրծքերով կանայք, ցնցոտի հազար մանուկներ՝ ոմանք խոտերի, մյուսները՝ ճահիճների մեջ, մեծ մասամբ կացնահար արված անհաշիվ դիակներ:

Օգոստոսի 21-ին հասանք Արարկիր: Մալաթիայի մոտերքում հանդիպեցինք տղամարդկանց, որոնք ճանապարհ էին կառուցում: Սոված էին. նրանց ոսկորն ու կաշին էին մնացել: Քիչ անց Ֆրընճըլար վայրում էինք, շատ դիակներ կային: 17 օր այդ գարշահոտության հարևանությամբ մնացինք: Այդ տեղում սննդի ու ջրի պակասից շատերը մահացան: Այսեղ վերջնականապես հավաքեցին բոլոր տղամարդկանց և պատանիներին ու բոլորին սպանեցին: Մնացին կանայք ու երեխանները: Մեր գողգոթան քարչ գալով հասավ Աղըյաման: Կանք առանք դաշտում: Հաջորդ օրը Սամսաթ գետի եզերքին պետք է բոլորին սպանեին:

Մայրս մի ոստիկանի կաշառեց և մեղ ուղարկեցին մի չեչենի տուն, որը քրեական հանցագործ էր և բանտից ազատվել էր հայերին ոչնչացնելու համար: Նա պարծենում էր, թե «այս դաշույնով մեկ օրում 60 կարնեցի եմ սպանել»: Մեզ հայտնաբերեցին և ոստիկանները տարան Խան: Շատ հայեր էին այդտեղ հավաքված: Բոլորի ներկայությամբ կանանց բռնաբարում էին: Նորից

¹ ԵարձԱ, նշվ. աշխ., էջ 11:

կաշառք տալով դուրս եկանք և ընկանք գայմազամի բնակարանը, որի կինը թրքացած հայ էր: Նոյեմբերին գայմազամից գաղտնի փախանք Մալաթիա»:

1916 թ. փետրվարի 13-ին Կարինը թողեց Գերմանիայի, ապա Պարսկաստանի հյուպատոսը: Թահսինը Սթեփըլտոնին ասաց, թե հաջորդ օրը թուրքական իշխանության մարմինները թողնելու են Կարինը և խնդրեց ոռուսական հրամանատարության առաջ բարեխոսել, որպեսզի խնայեն թուրք ազգաբնակչությանը, քանի որ Կարինի թուրքերը հայերի ջարդերում մեղք ու պատախանատվություն չունեն: Այս խնդրանքը կատարվեց: Ոռուսական բանակի հետ քաղաք մտան նաև հայ կամավորները, որոնց ջանքերը քաղաքում հայ գտնելու որևէ արդյունք չտվեց, բացառությամբ չորս հայ աղջկա՝ թուրքերի տներում և Սթեփըլտոնի մոտ եղածները¹:

Հայերի բոլոր տներն արդեն բնակեցված էին թուրքերով: 1916-ի ամռանը Կարինում ստեղծվեց Գաղթականական կոմիտե, որն զբաղվում էր հայահավաքությամբ, վերապրող հայերին հայրենի բնակավայրերում վերահաստատելու գործով: Մոսկվահայերի նախաձեռնությամբ էրզրումում սկսեց գործել Մոսկվայի հայկական կոմիտեի մասնաճյուղը, որի ուժերով բացվեցին որբանոց և հիվանդանոց: Էրզրումում աշխատանքներ ծավալեցին նաև Քաղաքների, Եղբայրական օգնության միությունները և այլն:

Աստիճանաբար քաղաքը վերակենդանանում էր, աշխուժանում էր հայ աղքային կյանքը: Էրզրումը հավակնությունը չէր կորցրել դառնալու ազատ չայաստանի քաղաքական կենտրոն: Այդ միտումը առավել նկատելի էր սկսած 1917 թ. կեսերից: 1918 թ. սկզբին ստեղծվեցին 500 հոգանոց պաշտպանական ջոկատ, Զինվորական միություն և կամավորական կոմիտեներ: 1918 թ. հունվարի 30-ին թորգոմը հոչակագիր հրապարակեց, թե վերականգնվում է հայկական պետականությունը էրզրում մայրաքաղաքով, ինչն առաջացրեց ոռուսական հրամանատարության զայրույթն ու թորգոմը բանտ ընկավ: Քիչ անց հայերը թողեցին Կարինը:

ԵՐՉՆԿԱ

Երգնկա քաղաքն ու Կամախի 52 զյուղերը միասին ունեին 30.000 հայ բնակիչ, որից 20.000-ը քաղաքում: Սանջակի բնակչության թիվը հասնում էր 55.000-ի: Դրանք հիմնականում քրդեր, կարափափախներ, թուրքեր, լազեր ու հույներ էին: Եղբ 1916-ին ոռուսները մտան Երգնկա՝ այնուեղ գոտան միայն մի քանի տասնյակ հայուհիներ, որոնք օգտվելով խառնաշփոթից, փախել էին հարեմներից²:

Տեղի հայերի տեղահանության նախապատրաստման հարցով Երգնկա մեկնեցին իմթիհաղական գործիչ Մեջիդը և օսմանյան խորհրդարանի անդամ Խալեղը³:

Տեղացի Ս. Իրրահիմի վկայությամբ՝ մինչև բոնազաղթը բանտերից հանվե-

¹ «Յուշամատեան Մեծ Եղեռնի», էջ 348-353:

² "Армянский вестник", 1916, № 7.

³ Ակունի Ս., նշվ. աշխ., էջ 148:

ցին քրեական հանցագործները: Այս վկայությունը հաստատեցին մեծ թվով չեթեներ¹:

Երզնկայի Հյուրանոցի տնօրենը մտերիմների շրջանում ասել է. «Կ.Պոլսում որոշում է ընդունված, որ այս (Հայ) կանայք ու երեխաները պիտի մեռնեն»²:

Սկզբում ձերբակալեցին 2000 տղամարդու, որոնց գիշերը քաղաքից հանեցին ու գնդակահարեցին³:

Առանց դատի ու դատաստանի ոչնչացվեց մտավորականությունը: Մայիսի սկզբին Եփրատի ափին գտնվող Մահմուտցիկ գյուղը ենթարկվեց 800 քրդերի հարձակման: Հայերի մի մասը ինքնապաշտպանվեց ու զոհվեց հերոսաբար կովելով, մյուսներին գերի վերցրեցին ու խեղղեցին Եփրատում: Իսկ երբ Բաբերդի բոնագաղթվածները հասան Քեմախ (Կամախ), որը Եփրատի բազուկի առաջացրած խոշոր կիրճ էր և հանդիսացավ Հայ քարավանների բնաջնջման սարսափաղողու կետերից մեկը, «Հոն իթմիհաղի պատուիրակ Ճեմալ Էֆէնտիի կազմակերպած յելուզակային խմբերը,- գրում է Բրայսը,- յարձակուեցան Հայ խլեակներու վրայ ու մաքրագործեցին զանոնք: Քեմախ հասած Հայերէն շատեր փրկելու համար իրենց Հայու անունն ու պատիւր՝ նետուեցան գետը՝ նախընտրելով ջրախեղդը ըլլալ, քան թէ թուրքին սուրին եւ կրակին զոհ դառնալ»⁴:

Բայց Քեմախ Բողազում Հայերը ոչ միայն ինքնասպան էին լինում, այլև զանգվածաբար ոչնչացվում: Գերմանական «Algemeine Missions Zeitschrift» հանդեսը 1915 թ. իր № 11-ում ներկայացնում է Հայերի բոնագաղթի և ոչնչացման սխեման: «Բոնագաղթի սկզբնական կետ, ապա միջանկյալ քաղաք, որոնցով էին անցնում աքսորյաների ամրոխները, և վերջապես, անապատ...»: Հանդեսը ճիշտ է նկատել, որ Հայերի տարագրությունը եռաստիճան էր՝ տեղահանության մեկնարկ, միջանկյալ բնակավայր և վերջնագիծ: Եթե առաջին և երրորդ աստիճանները թվական փոփոխություն չէին կրում՝ մշտապես մեկնարկն ու վերջնագիծը մեկական էին, ապա երկրորդը՝ այսինքն միջանկյալ կայանը, կարող էր լինել մեկ կամ մի քանիսը: Նման միջանկյալ կայանները խնդիր ունեին «թեթևացնելու» քարավանները՝ միջանկյալ ջարդեր ու սպանություններ կազմակերպելու միջոցով: Այդպիսի միջանկյալ կայաններից էր ոչ այնքան Կամախ (Քեմախ) բնակավայրը, որը գտնվում էր Երզնկա քաղաքից հարավ արևմուտք, Արևմտյան Եփրատի ձախ ափին, նրա Թանաձոր վտակի վրա, որքան նրա կողքին գտնվող Քեմախ-Բողազը: Այստեղով էին անցնում ոչ միայն Արևմտյան Հայաստանի, այլև Անաստորիայի Հայ տարագիրների քարավանների մեծ մասի (Կ. Պոլիս, Նիկոմեդիա, Իկոնիա, Կեսարիա, Պարտիզակ), մասնավորապես Երզրումի, Բաբերդի, Երզնկայի, Խարբերդի, Տարոնի բոնագաղթվածները: 1915-ի Հունիսին այստեղ այնքան մարդ էին նետել գետը, որ կամրջի առաջ առաջացել էր խցանում, արնագույն ջուրը դուրս էր եկել ափերից: Մեծ թվով Հայ կանայք միայնակ, թե իրենց երեխաների հետ այդ կամրջից էին գետը նետվել հետագա տանջանքներից փրկվելու համար: Առաջին հերթին Քեմախը

¹ Վալխուսյան Գր., նշվ. աշխ., էջ 87:

² Bryce J., նշվ. աշխ., էջ 248:

³ «Յուշամատեան Մեծ Եղեռնի», էջ 502:

⁴ Ակունի Ս., նշվ. աշխ., էջ 121:

նկատի ունենալով էր թալեաթը հանձնարարություն հանձնարարության հետեւից տալիս՝ դիակները գետը չնետել, այլ թաղել: Մոտավոր հաշվարկով՝ Եփրատում խեղդամահ էր արվել 55-60 հազ. հայ, որի կեսը՝ Քեմախում: Կաթողիկոսին հասցեագրված նամակներից մեկում կան հետևյալ տողերը. «Ընդհանրապես էրզրումի վիլայեթի բնակչության մեծ մասը կոտորվեց Մամախաթունի և Քեմախի միջև ընկած տարածքում¹:

Քեմախի մասին Հ. Ֆիրբյուխերը գրում է. «Երգնկայի և Սրբագի արանքում է գտնվում Քեմախի կիրճը: 1915 թ. հունիսան օրերին աննկարագրելի տանջանքներից հետո վիթխարի բարձունքներից այստեղ նետեցին տասնյակ հազարագոր կենդանի կանանց ու երեխանների: Հարկ էր այս կիրճն անվանել Դանթեական: Նա իրապես վերածվել էր անեծքի հուշակոթողի, որ նկարագրել է Դանթեն իր զժոխքում, որոնք անիծում են պատերազմը: Հարկ է միավորվել և մարդկանց մղել ուխտի գնալու Քեմախ-Բողազ: Այստեղ ուխտագնացները իրենց հոգում պետք է վերապրեն 1915-ին կատարվածը, ունկնդրեն խորխորատի գերեզմանին, և իրենց մեջ հարություն տալով այդ աներևակայելի, բայց իրական սարսափին, մարդկանց մեջ վճռականություն ներարկեն երբեք այդպիսինը թույլ չտալու»:

Մայիսի երկրորդ կեսին Քեմախում ոչնչացվեց մի մեծ քարավան: Ականատեսը պատմում է, որ չեթեներն ու ոստիկանները գետը նետեցին 15 տարեկանից ցածր բոլոր երեխաններին: Ով փորձում էր լողալով դուրս գալ, գնդակահար էր լինում:

Պատմում է ուղտապահ Ալի Մեհմեդը. «Ես ուղմամթերք կը փոխադրէի երգնկայէն կարին: Մէկ անգամ 1915 յունիսի մէջ, երբ եկայ Խոթուրի կամուրջին մօտ, ահոելի տեսարան մը ներկայացաւ իմ աչքերուն: Անթիւ, անհամար մարդու դիակներ մեծ կամուրջին 12 կամարները լեցուցած էին, ոէմ էին առած եւ ջուրը իր ընթացքը փոխած՝ կամուրջէն անտին կը վազէր: Սոսկալի էր տեսնելը, երկար սպասեցի քարավանովս, մինչեւ որ այդ դիակները քաշուեցան եւ կարողացայ կամուրջէն անցնիլ: Սակայն կամուրջէն մինչեւ ձինիս ամբողջ ճանապարհը լեցուն էր դիակներով, ծերեր, կիներ, երեխաններ, արդէն հոտած, նեխուած եւ ուռած: Այնպիսի գարշահոտութիւն մը կար, որ անցնիլ այդ ճանապարհով անհնար էր: Իմ երկու ուղտապահններս այդ հոտէն հիւանդանալով մեռան եւ ես ստիպուեցայ ճանապարհս փոխել: Անլուր եւ զարհուրելի ոճրագործութեան զոհեր եւ հետքեր էին ասոնք, իսկ բոլոր դիակները հայեր, թշուառ հայեր էին»²:

Երգնկայի բնակչությունը տեղահանվեց հունիսի 7-10-ը: Երեք քարավանով բոնագաղթվեց քաղաքի զրեթե ամբողջ բնակչությունը: Նախապատրաստվելու համար տրվեց ընդամենը 24 ժամ ժամանակ: Միայն մի քանի հարուստներ կառք վարձեցին, մնացած ամբողջ բնակչությունը տարագրվեց հետիոտն: Քաղաքի բնակչությունը տարվեց Քեմախ, որտեղ էլ նրանք ոչնչացվեցին: Այդ ջարդերից սարսում էին նաև իրենք՝ թուրքերը:

¹ ՀԱԱ, ֆ. 57, ց. 5, գ. 126, թթ. 20-24:

² Նույն տեղում, ց. 1, գ. 632, թթ. 17-18:

Քեմախի կոտորածի հեղինակը մի հեծելազորային գունդ էր Խալիլ բեյի հրամանատարությամբ¹: Երգնկայի բնակչությանը խեղղեցին Եփրատում, որը «ընդհանուր լողացող գերեզման» դարձավ երգնկացիների համար:

Օգոստոսի կեսերին քաղաքի 1800 ընտանիքներից կազմված քարավանը քրդերը հոշոտեցին Նաքրագ դաղի կիրճում: Քարավանին ուղեկցող ոստիկանները միացան ավագակներին: Տղամարդկանց կոտորեցին, կանանց մերկացրին և հագուստները տարան: Երբ քարավանը Մարաշ հասավ՝ ընդամենը 30 տղամարդ էր մնացել: Մեծ թվով ծերեր, հիվանդներ, երեխաներ ընկած մնացին ճանապարհներին: Բայց բղկտված քարավանը շարունակում էր առաջանալ դեպի հարավ:

Փիզվանում (Երգնկայից վեց վերատ հեռավորության վրա) սպանվեց 4000 հայ զինվոր²: Քեմախի կամրջից հազարավոր երիտասարդների վար նետելով թուրքերն ու քրդերը չէին հազենում, նրանք «400 երեխայի ողջ-ողջ թաղեցին հորերի մեջ»:

Ներկայացնում է Հ. Բարբին. «Էրդրումից ուղարկված առաջին քարավանը, - պատմում է ջարդից փրկված Սուքիայանը, - թվով 1200 ընտանիք, 200 զինվորների ուղեկցությամբ գնաց դեպի Խարերդ: Քարավանը կոտորվում է թորթումի և Դուլի հարթավայրում: Երբ այդ լուրը հասավ Էրդրում, դեռևս չտեղահանված հայերը հրաժարվեցին քաղաքը թողնել: Սակայն գայմագամը նորից հաջողեց հայերին խարել: Տարագիրների ևս մի խումբ շարժվեց Երգնկայի ուղղությամբ, դրան հաջորդեց 3-րդ խումբը: Սակայն հենց որ վերջին քարավանը թողեց էրզրումը, Երգնկա հասածներին մորթեցին Քեմախի կամրջի մոտ և մարմինները նետեցին Եփրատ, իսկ 3-րդ խումբը նույնիսկ Երգնկա չհասավ ու ոչնչացվեց Ճորոխի ափին: Ես անձամբ ներկա էի այս սպանդին, որին զինվորների հետ միասին մասնակցում էր նաև թուրք բնակչությունը... Երբ կոտորածն ավարտվեց, իշխանությունները Բասենից, Վանից, Մանագկերտից, Նարանից ու Թորթումից կանչեցին թուրքերի ու նրանց բաժանեցին հայերի տներն ու ունեցվածքը»³:

Թուրք զինվորներից մեկը պատմել է, որ Բայրուրդից տեղահանվածների քարավանը երթաղաղար էր արել Քեմախում: Քարավանի բոլոր հայերին մեկը մյուսի հետևից սպանում ու նետում էին կիրճը: Միաժամանակ բղավելով. «Սպանե՛ք, սպանե՛ք, նորեն են գալիս»: Սպանելուց առաջ կանանց ու աղջիկներին բռնաբարում էին, ջախջախում էին երեխաների գլուխները, երբ նրանք լաց էին լինում կամ այլևս քայլել չէին կարողանում: Ուղեկցող զինվորն ինքն էր բռնաբարել մի հայ աղջնակի: «Այստեղ երեք մերկ աղջիկների դիակներ էին ընկած, - շարունակեց նա, - ես զրանց թաղեցի բարի գործ կատարելու համար»⁴: Քեմախի շրջանում ոչնչացվեց էրզրումի տղամարդկանց մնչող մեծամասնությունը, այնտեղ մորթեցին էրզրումցի 700 ընտանիքի անդամների, 800 երեխայի կենդանի թաղեցին, իսկ 500-ին նետեցին ջուրը: Քեմախում ոչնչաց-

¹ Lepsius J., Berichte..., s. 309.

² Չալխության Գր., նշվ. աշխ., էջ 82-83:

³ Բարբի Ա., նշվ. աշխ., էջ 15-16:

⁴ Bryce J., նշվ. աշխ., էջ 248:

վեց էրզրումից բռնագաղթվածների 70 տոկոսը:

Կոտորածների բնմթացքում էրզրում-Սվագ խճուղին կառուցող մոտ 3000 հայ երիտասարդներ նույնպես այդ վայրերում՝ Սանասար դարասում (էրզրումի ու Մամախաթունի արանքում) ոչնչացվեցին:

Մի ջարդարար պատմել է. «Անգամ մը կամուրջի մը վրայ հայեր սուխնա-Հարելով գետը կը նետէինք, որովհետեւ մէկ հայը գնդակ մը չարժէր, ըստ հրամանի: Հայ մը շատ պաղատեցաւ, որ ժանտարման զինք գնդակով սպաննէ եւ անոր քանի մը կարմիր ոսկի խոստացաւ: Համաձայնեցան: Հայը ոսկիները վճարեց: Ժանտարման նորէն սուխնով զարկաւ ու գետը նետեց զայն»¹:

Երզնկացիների ջարդին եռանդուն մասնակցություն ունեցավ նաև օսմանյան խորհրդարանի անդամ, տեղի չեթեների հրամանատար Ալաթը:

«Երզնկայի կողմերում հայերի գեմ գործադրված արարքները, - ասել է տեղի թուրքերից մեկը, - ոչ Ղուրանն է ընդունում, և ոչ էլ Շերիաթը»: Երզնկայի կառավարիչ Մեհմուդ բեյը հայերին կոտորելով 50.000 լիրայի տեր դարձավ և առաջ քաշվեց ու նշանակվեց Կաստամոնուի վալի: Երզնկա քաղաքի շրջակայքում բնաջնջվեց մոտ 30.000 հայ, «կանայք ու երեխաները թաղվեցին ողջ-ողջ: Հարյուրավոր կանայք ու կույսեր նետվեցին Եփրատ», հայ երեխաները բաժանվեցին թուրքերին²: Նույն միտքը հաստատում է նաև Ե. Գեղամյանցը: Նա գրում է, որ Երզնկայի 30.000 հայությունը բնաջնջեց, ցաք ու ցրիվ արեց Մեհմեղը (Մահմեղը)³:

Առաջին քարավանը Երզնկայից մեկնարկեց մայիսի 27-ին: Նա Հիմնականում կազմված էր ունենող մարդկանցից, որոնք փոխադրամիջոց վարձելով ի վիճակի էին: Նրանք խկապես հասան տեղահանման երթուղու միջանկալ վայրը՝ Խարբերդ: Հունիսի 8, 9 և 18-ին նոր քարավաններ մեկնեցին՝ ընդհանուր թվով մոտ 20.000 հոգի: Շուտով լուր ստացվեց, որ քրդերը հարձակվել են անպաշտպան քարավանների վրա և նրանց լրիվ կողոպտել: Այդ լուրերի ճշտությունը հաստատեց մի թուրք խոհարարուհի: Նա «արցունքների միջից պատմեց, որ քրդերը պատվազրկել են կանանց և ապա սպանել, իսկ երեխաներին նետել են Եփրատ»: Հունիսի 11-ին զորքեր ուղարկվեցին քրդերին պատժելու: Սակայն այդ անելու փոխարեն զորքը կոտորեց անպաշտպան քարավանը, որը Հիմնականում կազմված էր կանանցից ու երեխաներից: Կոտորածին մասնակցած թուրք զինվորը վկայեց, թե «կանայք ինչպես էին ծնկաչոք աղաչում խնայելու և թե ինչպես նրանցից մի քանիաը իրենց երեխաներին գետը նետեցին: Մենք սարսափած հարցրեցինք. «Եվ դուք կրակո՞ւմ էիք կանանց ու երեխաների վրա»: Հետևեց պատասխանը. «Խսկ մենք ի՞նչ պետք է անեինք: Դա հրաման էր: Ծանր էր կատարվածին նայել: Եվ ես չկրակեցի»⁴: Կոտորածից հետո մի քանի օր շարունակ Երզնկայի շրջակայքի ցորենի դաշտերում, որտեղ պետք

¹ Քոչեան Ե., Հողը փլաւ մեր գլխուն. Էջեր հայաջնջ սարսափներէն, Փարիզ, 1986, էջ 97:

² Lepsius J., նշվ. աշխ., էջ 51-54, "Армянский вестник", 1916, № 7, Статья П. Бурыскина "В Эрзруме":

³ Գեղամյանց Ե., Հայերի աղատագրական շարժումները 20-րդ դարում, մաս 2-րդ, Բաքու, 1917, էջ 668:

⁴ АН Арм. ССР, Информационный бюллетень, 1982, № 4, с. 17-18.

է, որ թաքնված լինեին ինչ-որ թվով հայեր, մարդկանց որս էր տեղի ունենում¹:

Հունիսի 8-ին, 9-ին և 10-ին Երգնկայից մեկնած քարավանները,- գրում է «Algemeine Missions Zeitschriften»-ը.- արտաքնապես վատ տպավորություն չէին թողնում (Երեխաները տեղափորված էին ձիասայլերին՝ ապահովված ջրով), ուղեկցում էին զինվորականները: Սակայն նրանց միայն մի մասը հասավ հաջորդ կայան: Քաղաքից արևելք դեպի Խարբերդ տանող ճանապարհի հարթավայրային մասը դեռ չանցած՝ քարավանը բարձրանում է Եփրատի գետափնյա բարձունքները: Ճանապարհն անցնում էր լեռների փեշերով, գետի ոլորաններին զուգահեռ:

Ուղիղ գծով մինչև Քեմախ 16 կմ էր, իսկ այդ պտույտների հետեանքով հասնում էր 55 կմ-ի: Այդտեղ քարավանները հարձակման են ենթարկվում և ընկնում աքցանի մեջ՝ մի կողմում քրդերը, մյուսում զինվորները: Տղամարդիկ գրեթե չկային, միայն անզեն կանայք ու երեխաներ էին: Սկզբում բոլորին լրիվ կողոպտեցին, ապա ահավոր եղանակներով մորթեցին և դիակները նետեցին գետը: Հազարավոր մարդիկ կոտորվեցին Երգնկայի կայազորի և մութեսարիփի նստելատեղի Քեմախի կիրճում, որը քաղաքից միայն 12 ժամ հեռավորության վրա էր:

Երգնկայում էր նաև 3-րդ բանակի հրամանատարությունը: Այն, ինչ Քեմախում կատարվեց հունիսի 10-14-ին, գրում է մի օտարերկրացի, տեղի ունեցավ իշխանությունների գիտությամբ ու համաձայնությամբ:

Երկու երիտասարդ ուսուցչուհիներ հետևում են Քեմախով անցնող քարավաններից մեկին, որը հունիսի 10-ին ընկավ խաչած կրակի տակ: Առջեից ճանապարհը փակել էին քրդերը, հետևում՝ Թեշքիլաթի-մախսուսեի ջոկատները: Հայերը սարսափած նետվեցին գետին, իսկ երբ հրացանաձգությունը դադրեց, աղջիկներն ու նրանցից մեկի փեսան, որը քողարկվել էր կնոջ հագուստի մեջ, կարողանում են զարտուղի ճանապարհով հասնել Երգնկա: Այստեղ ժանդարմներից մեկը աղջիկներից փեսացու ունեցողին ուղեցավ տանել: Փեսան առարկեց և գնդակահար եղավ: Աղջիկներին տարան մի հարուստ թուրքի տուն, որտեղ նրանցից պահանջեցին մահմեղականություն ընդունել:

Գերմանացի բուժքույրեր Տ. Վեդելն ու Ե. Էլվերսը Երգումից հետո աշխատանքի են անցնում Երգնկայում: 1915 թ. Հունիսի սկզբին միսիայի ղեկավար Քոլեյը նրանց ասում է, որ Հայ բնակչությունը Երգնկայի ծայրամասերից տեղափոխվելու է Միջազգետք, սակայն որևէ կոտորած տեղի չի ունենալու: Տեղահանվածների սննդի հարցը լուծված է, նրանց անվտանգությունն ապահովելու են զինվորական ջոկատները: Կատարվեց լրիվ հակառակը: Կարմիր խաչի անձնականմին արգելվեց շփումներ ունենալ տեղահանվածների հետ: Հայերին մի քանի օր ժամանակ տվեցին իրենց գույքը վաճառելու: Դրանք գնվեցին ծիծաղելի գներով: Բնակարանների բանալիները հանձնեցին կառավարչատուն: Շուտով Հեռագիր ստացվեց, որ քարավանը հասել էր Խարբերդ²: Քաղաքում շարունակվեց բռնազաղթը: Շատ Երեխանների տիրացան մահմեղական ընտա-

¹ «Algemeine Missions Zeitschrift», 1915, № 11.

² АН Арм. ССР, Информационный бюллетень, 1982, № 4, с. 17-18.

Նիքները: Սակայն ավելի ուշ նրանք ևս ուղարկվեցին: Ուղարկեցին նաև տիֆով հիվանդ մի կնոջ: Հերթապահ Հայ զինվորներից մեկն ասել է. «Շուտով կղառնամ 46 տարեկան, բայց վերցրել են զինվորական ծառայության, չնայած ամեն տարի բանակից ազատվելու համար վճարվել է... Երբեք կառավարության դեմ որևէ բան չեմ արել, այժմ ինձնից խում են ամբողջ ընտանիքս, իմ 70 տարեկան, դժբախտությունից խեղճացած մորս, կնոջս և հինգ երեխաներիս: Եվ ես չգիտեմ, թե նրանց ո՞ւր են տանում»: Նա երեխայի նման լաց էր լինում, իսկ հաջորդ օրը եկավ միանգամայն հանգիստ և ասաց. «Այժմ գիտեմ, նրանք բոլորը մեռած են»: Զինվորը ճիշտ էր:

Թե՛ւիրյանի զատապաշտպան ԱղողՓ Փոն Գորդոնը զատարանում ասաց. «1915 թ. Հունիսին Երզնկա հասավ Կ. Պոլսի Հրամանը և մունետիկն աղդարարեց Հայերին. «Դուք պետք է մի քանի օրում կապեք այն իրերը, որ կարող եք ձեր հետ վերցնել, որովհետև տեղահանվելու եք»: Տեղահանությունը սկսվեց Հունիսի 10-ին: Նախ Հերթը հարուստներին և ունեորներին էր, որոնք ձի ու կառք ունեին, սա առաջին խումբն էր: Երկրորդ խմբին էր պատկանում Թե՛ւիրյանն իր ամբողջ ընտանիքով: Թե որքանով էր մեծ այդ խումբը, Թե՛ւիրյանն ի վիճակի չէ ասելու: Այս երկու խմբերին հետևեցին ուրիշ շատերը: Քաղաքի դռների մոտ սրանց միացան գյուղերից հավաքված բազմաթիվ հայեր:

Նրանք դեռ չեին հեռացել, երբ հարձակման ենթարկվեցին: Ո՞ւմ կողմից: Ժանդարմների, ինչպես նաև զանազան տեղերից հավաքված խուժանի՝ քրդերի, թուրքերի և այլոց կողմից: Նրանք նախ Հայերից պահանջեցին հանձնել զենքերը: Խլեցին մինչև իսկ հովանոցները, ապա սկսեցին դրամ, ոսկի, ուտելիք փնտրել, իսկ կանանցից առան ամենից թանկագինը՝ իրենց անասնական կրքերին հագուրդ տալու համար: Դեռատի աղջիկներին, այդ թվում նաև ամբաստանյալի 15-16 տարեկան քույրերին, քարշ տվեցին թփերի մեջ, փոսի միջից ծնողների և եղբոր ականջին հասան այդ երկու երեխաների աղեկտուր ճիշերը... Աղջիկներն այլևս չերևացին: Քույրերից մեկի դիակն ամբաստանյալը կարողացավ տեսնել, երբ արթնացավ ուշաթափությունից: 22 տարեկան եղբոր գլուխը ... ճեղքված էր կացնով: Նրա աչքի առաջ մայրը գետին ընկապ՝ հավանաբար գնդակահարված»: Ընտանիքի մյուս անդամներն անհայտ կորան: Նա ինքն էլ հարված ստացավ գլխի հետևի մասում: Վիրավորվեց թևից ու ծնկից, որոնց հետքերը մնացել են¹:

Երզնկացիների քարավաններից մեկը երեք օրում հասավ Քեմախ: Հաջորդ օրն իսկ, Հունիսի 14-ին քարավանը հարձակման ենթարկվեց ու կողոպտվեց, առևանգեցին կանանց, աղջիկներին ու երեխաներին, սպանվեցին մեծ թվով մարդիկ: Ականատեսի վկայությամբ՝ ջարդեցին չորս ժամ շարունակ և այդ, ըստ Լեփսիուսի, «Քեմախի կառավարիչի բարի կամեցողութեամբ եւ երրորդ բանակի հրամանատարի գիտութեամբ»²:

Պատմում է մի վերապրած Հայ կին. «Երբ Քեմախի կիրճ հասանք՝ ժանտարմաներուն վերաբերմունքը փոխուեցաւ, սկսան հաւաքել այն հարստու-

¹ «Թե՛ւիրյան արդարահատոյցը», էջ 159-161:

² «Յուշամատեան Մեծ եղեռնի», էջ 454:

թիւնը, որ իրենց հետ տարած էին տարագրեալները: 50.000 ոսկի եւ դէղ մը զարդեղէն յանձնուեցաւ զինուորներուն... Կողոպտուած ժողովուրդը ժանտարմաներու հրամանին համաձայն դուրս ելաւ կիրճէն. անմիջապէս քիւրտերու խուժանը դիմաւորեց մեզ: Կիներն ու այրերը բաժնեցին իրարմէ եւ այրերը, որոնք բոլորովին անդէն էին, առաջնորդեցին մերձակայ բլրակի մը մօտ, ուր սկսան կոտորել անխնայ՝ բիրերով, քարերով, չարաշար սպանելով եւ գլուխները ջախջախելով... Քիւրտ խուժանը ... եկաւ կիներուն խումբին քով: Երբ ընտրեցին գեղեցիկ աղջիկները ու տարին, այն ատեն ժանտարմաները մեղ առաջնորդեցին մեծ աղբխրի մը մօտ եւ Հոն արգիլեցին մեզ ջուրին մօտենալ... Մինչեւ երեկոյ այս դրութեան մէջ սպասելէ ետք ստիպուեցանք մէջտեղ հանել թագցրուած դրամ եւ զարդեղէն եւ կաշառել ժանտարմաները, որով միայն հաւանութիւն առինք ջուր խմելու»¹:

Այդ երգնկայում էր, որ բժշկական փորձարկումներով հայերին մեռցնում էին: Նման փորձեր արվում էին մասնավորապես քաղաքի կենտրոնական հիվանդանոցում բծավոր տիֆով հիվանդների չաղտազերծված արյունը ներարկելով առողջ հայ երիտասարդներին, հիմնականում բանակ զորակոչվածներին²:

«Ալեմդար» թերթը 1919 թ. հունվարի 8-ին գրում է՝ «Հարկ է, որ նկատի առնվի «աշխարհամարտի տարիներին հայերի վրա գործադրված ոճրագործություններն ու անգթությունները»: Անպատճելիության գերիշխանության հետևանքով էր, որ «երգնկայում հայերի վրա բծավոր տիֆի փորձեր արվեցին: Մեր ասածը հաստատելու համար ունենք բավարար փաստեր...»

Ինչպես հայերի տարագրության, ջարդին և կողոպուտին պատճառ եղողները, այնպես էլ այս գործին մասնակցողները պատասխանատու են... Ճշմարտությունը ոչ թե թերթերի այունակներում, այլ դատարանում պետք է հաստատվի»:

Երգնկայի վարժարանին 70 հայ սաների գիշերը տարան և դպրոցի պատի տակ փորված փոսերում կենդանի թաղեցին: Մի հինգ տարեկան տղա հպարտությամբ պատճել է. «Ես ժամանակին գյավուր էի, ինձնից փոքր մի եղբայր էլ ունեի: Մահմեդական մորս հետ գյուղի վերևի ժայռը բարձրացանք, մայրիկս ինձ մի դանակ տվեց ու ասաց. «Այս դանակով եղբորդ գլուխը կտրի՛ր, որ լավ մահմեդական դառնաս և նրա համեղ կերակուրները ևս դու ուտես»: Կտրեցի եղբորս գլուխը: Նրան ժայռից վայր գցեցի ու տուն վերադարձա»:

Շոյբներ-Ռիխտերը 1915 թ. օգոստոսի 5-ին իր կրկնակի հաղորդագրությունում նշում է. «Էրզրումի և Բասենի հարթավայրերում, ճանապարհին, Մամախաթունի, Սանասարի, Եփրատի կամրջի վրա և Պերեսում, բացառապես երեխաների և ծերերի վրա, որոնց երգնկա էին աքսորում, հարձակվեցին քրդերը և թուրք կամավորները: Վերջիններս հայերին կողոպտեցին ու սպանեցին: Զոհերի թիվը կազմում էր 10.000-20.000, մինչդեռ կառավարությունը պնդում է, որ այդ թիվը ընդամենը 3000-4000 էր»³:

¹ Լեւոն Մեսրոպ, նշվ. աշխ., էջ 214-215:

² «Թյուրքի Ստանբուլ», 22 և 23 դեկտեմբերի 1918 թ.:

³ Lepsius J., Berichte, s. 116-121.

Երգնկայի հարթավայրի բնակիչները, թվով մոտ 20.000-25.000 հայեր, Խարբերդի ճանապարհին, ուր նրանց քում էին ոմն Թալեաթը, ոստիկաններն ու քրդերը, այն պահին, երբ նրանք անցնում էին Քեմալսի նեղ անցումով, ընկան թուրք զինվորների ճանկը: Բոլորին «կողոպտեցին ու ոչչացրեցին, կանանց առևանգեցին»: Պետք է կարծել, որ Երգնկայի եպիսկոպոսն էլ զոհերի թվում է եղել: «Դիակները դարսվեցին սայլերի վրա, որ հենց այդ նպատակով էին պատրաստվել, և նետվեցին Եփրատի ջրերը: Այս կոտորածները տեղի ունեցան 1915 թ. հունիսի 10-19-ը»:

«Կապույտ զրքի» նախարանում Բրայսը գրում է. «Այս հիշողություններն ապացուցում են, որ դա (երիտթուրքական քաղաքականությունը) փորձ էր բնաջնջելու մի ամբողջ ազգ, առանց տարիքի և սեռի տարրերության»:

«Թուրքերը,- Բրայսը մեջբերում է կատարում եղեռնը վերապրածներից մեկի պատմածից,- Հավաքեցին բոլոր կանանց և երեխաներին, բոլոր ծերերին և նրանց, որոնք ի վիճակի չէին քայլելու, սպանեցին: Մոտ 100 քուրդ պահակներ շրջապատել էին մեզ, և մեր կյանքը կախված էր նրանց ողորմածությունից: Շատ հասարակ բան էր նրանց համար բոնարարել աղջիկներին մեր ներկայությամբ: Շատ հաճախ նրանք բոնարարում էին 8 կամ 10 տարեկան աղջիկներին, և քանի որ դրա հետևանքով շատերը ի վիճակի չէին լինում քայլելու, սպանվում էին: Մեր քարավանը դանդաղորեն առաջ էր շարժվում՝ ետևում դիակների կույտեր թողնելով...»:

Զարուհի անունով մի մեծահասակ տիկին, որին նետել էին Եփրատը, փրկվեց՝ կառչելով գետաքարերից: Նա սարսում էր վերհիշելով, թե ինչպես հարյուրավոր երեխաներ թուրքերի կողմից «սվինահար էին լինում և նետվում Եփրատը, թե ինչպես տղամարդկանց ու կանանց մերկացնում էին, հարյուրներով միասին կապում, կրակում և նետում գետը»:

Զարդերից մեկի մասին պատմում է ոստիկան Մստոն. «Քիւրտերը այս լեռները կտրեր են ձեզ կողոպտելու համար: Ձեր դրամները եւ զարդեղէնները բերէ՛ք մեզի պահ տուէ՛ք, որպէսզի Արարկիր հասած ատեն վերադարձնենք» ասացինք հայերին:

«Յորենի դէզի պէս ուկեղէն եւ արծաթեղէն կուտակեցաւ հոն: Երեք ջորի բեռցան զանոնք ու ետ, Տիվրիկ դրկեցին: Հասանք Արարկիր: Անկէց անդին անջրդի դաշտ մը կար: Ժողովուրդը ճարաւէն հոն թափուեցաւ: Հայրանեանի կինը Արարկիր չհասած ճամբան մեռաւ: Շատերը թոյն ունէին իրենց քով ու անձնասպան կ'ըլլային: Ես չէի երեւակայէ, որ մահն ալ այդքան դիւրին է: Ժողովուրդին 1/4-ը հազիւ մնացած էր, երբ Մալաթիա հասանք: Այնտեղ ծանօթացայ թիւրքի մը հետ, որ իր գոհարեղէնները Սրվաս ծախելու կը տանէ: Հարցուցի անոր, թէ ուսկի՞ց են ատոնք: Մարդը պատասխանեց.

- Եփրատի վրայ մակոյկավար էի: Հոն բերին Կարնոյ եւ Երգնկայի հայերուն մնացորդները: Կարաւանը կանգ կ'առնէր գետափին վրայ: Տեսնելու բան էր անոնց խեղճութիւնը: Կարելի չէր, որ անկեղծ միւսիւլման մը չհրձուէր ատոնք տեսնելով: Երբ սպաննելու ժամը գար, ոստիկանապետը կը հրամայէր, որ մնացած այրերը, ծերունիները մէկ-մէկ սիկար վառեն: Անոնք կը հնազանդէին: Յետոյ բոլորին ալ հրաման կ'ընէր, որ աղօթեն: Աղօթքի պահուն կը գոռար

«աթէ՛շ»: Ու ժողովուրդը շղթայող ժանտարմաները կը սկսէին գնդակ թափել անոնց վրայ: Բոլորը ինկած կը հոնդային: Այն ատեն ժանտարմաներու ետեւը սպասող խուժանը կը յարձակէր անոնց վրայ քարերով, մահակներով, կացին-ներով ու մանգաղներով: Քիչ վերջը դիակներուն ջարդուփչուր կոյտը ափունքին վրայ սփոռւելով՝ կը սեւցնէր զայն: Մենք, բազմաթիւ մակոյկավարներ, ջուրին վրայէն այս բոլորը կը դիտէինք մեր սովորութեան համեմատ, մինչեւ որ մեր գործելու կարգը գար: Այդ բոլոր դիակները մակոյկներով կը տանէինք գետին մէջտեղը ու կը թափեինք ջուրը: Այս գոհարեղէնները, ահա՛, այդ դիակներուն վրայէն հաւաքած եմ»¹:

«Армянский вестник»—ը 1916 թ. իր № 41-ում տպագրեց Ա. Վեղել-Յարլսբերդի պատմածը Բասեն-Եփրատ շրջանում իր և իր ընկերունու դեգերումների մասին:

1914 թ. աշնանը, Ռուսաստանի հետ Թուրքիայի պատերազմի մեջ մտնելուց անմիջապես հետո, էրզբումում թաքուն պլաններ մշակեցին հայերին լրիվ ոչնչացնելու համար: Սակայն եղան ազնիվ թուրքեր, որոնք բժիշկ Թաշչյանի (ուազմական հոսպիտալում աշխատող) միջոցով այդ մասին տեղեկացրին գերմանուհի քույրերին: Քույրերը, իրենց հերթին, հայերին սպառնացող վտանգի մասին տեղյակ պահեցին գերմանական պարետին, որն այն ժամանակ հայ բնակչությանը կոտորածից փրկեց, սակայն հարկադրված եղավ հրաժարական տալ:

Որպեսզի օտարերկրացիներից թաքցվեր այն ամենն, ինչ տեղի էր ունենում հայկական նահանգներում, Փոքր Ասիայում աշխատող բոլոր միսիոներներին արգելվեց նամակներով իրար հետ կապվել: Նրանց թույլատրված էր հեռագրեր ուղարկել և այն էլ միայն դրամական խնդիրներով ամերիկյան միսիայի ղեկավար Պիտոտին, որը բնակվում էր Կ. Պոլսում: Երբ 1915-ին երգնկայում սկսվեցին զանգվածային հիվանդություններ, քույրերը շտապեցին այնտեղ՝ հայկական կոտորածների մասին չարագույն լուրերի ճնշող տպագորություններով: Զանցած մի ամիս սկսվեցին հարուստ և մտավորական հայերի ձերբակալությունները: Մի քանի օրվա ընթացքում նրանց բոլորին ուղարկեցին Խարբերդ, սակայն քչերը տեղ հասան: Քույրերի կարծիքով՝ մեծամասնությունը կոտորվեց ճանապարհին: Չորս օր անց երգնկայից դուրս եկան երկրորդ, ապա նաև երրորդ քարավանները և քաղաքում գրեթե հայ չմնաց: Երբ այդ քարավանները հասան Քեմախի կիրճ և ոտ զբեցին կամրջի վրա, նրանց ուղեկցող զինվորները հրացանային կրակ բացեցին հայերի հետևից, իսկ առջևից՝ կամրջի այն կողմը գտնվող ժանդարմները: Այդ ամենի մասին հետագայում քույրերին պատմեցին իրենք՝ ժանդարմները, արդարանալով, որ իրենք լոկ կատարել են պետերի հրամանը:

Երգնկայում քույրերն ապրում էին բարձրադիր տեղում, որն իշխում էր էրզբումի, Բայլըրուրդի և Դերջանի ճանապարհների հանգուցի վրա: Նրանք ամեն օր տեսնում էին հայերի երկար քարավանները, որոնք գնում էին անհայտ էր, թե ուր: Երբ քույրերն այդ մասին հարցրեցին ժանդարմներին, վերջինները

¹ Քոչեան Ե., նշվ. աշխ., էջ 74-75:

պատասխանեցին, թե դա բացարձակապես նշանակություն չունի, քանի որ այդ հայերից որևէ մեկը նշանակված վայրը չի հասնի: Քարավանները, ասացին ժանդարմները ավելի մարդաշատ են եղել, ճանապարհին նրանց աստիճանաբար «կրճատում են»: Եվ երբ քույրերից մեկը շատ հոգված բղավեց. «Աստված իմ, արդյո՞ք նման բարբարոսություն հնարավոր է», ժանդարմները անտարբերությամբ պատասխանեցին.

- Այդ ի՞նչ է որ: Եթե դուրս գայիք ճանապարհի վրա, այնտեղ հայերի դիակներն այնքան շատ են, որ շարժվել չես կարող:

Քույրերն սկսեցին համոզել ժանդարմներին, որ անպաշտպաններին սպանելը ծանր մեղք է և դրա համար էլ նրանք պետք է այդ անելուց ձեռնպահ մնան...

Ամեն անգամ, երբ Երզնկայի կողքով նոր քարավան էր անցնում, մահմեղական ամբոխը դիվային ցնծությամբ դուրս էր նետվում քաղաքից և ամեն մեկը վերցնում էր իրեն դուր եկած աղջիկներին ու երեխաներին: Ի վերջո քույրերը ևս որոշեցին իրենց համար երեխա վերցնել, որպեսզի այդպիսով գոնեմի քանիսին փրկեն: Նրանց հաջողվեց ստանալ չորս տղա և երկու 8-14 և մեկ չորս տարեկան աղջնակի: Վերջինին նրանք տվեցին մի թրքուհու՝ հիվանդանոցի խոհարարուհուն, խնդրելով նրան տանել հիվանդանոց և հոգալ մինչև իրենք վերադառնան: Սակայն հիվանդանոցի վերակացու թուրքը դժբախտ երեխային փողոց էր նետել, իսկ խոհարարուհուն՝ ծեծել:

Երբ քույրերը երեխաների հետ վերադարձան հիվանդանոց, նրանց ներս չթողեցին:

Այդ ժամանակ Երզնկայով պետք է անցներ հայերի վերջին քարավանը: Քույրերը որոշում են նրանց հետ գնալ, որպեսզի քրդերի կամ թուրքերի հարձակման դեպքում համոզեն ձեռք չտալ դժբախտ աքսորյալներին: Մինչ այդ նրանք գնացին մութեսարիֆի օգնականի մոտ՝ հայտնելու իրենց խնամքի տակ վերցված երեխաների մասին: Պաշտոնատարը իմանալով երեխաների տարիքն ու սեռը, հարցրեց, թե ինչո՞ւ նրանք աղջիկներից բացի տղաներ են վերցրել, ապա հրամայեց երեխաների քրիստոնեական անունները փոխել մահմեղական անուններով: Հաջորդ օրն առավոտյան քույրերը ներկայացան մութեսարիֆին, որը նրանց ընդունեց կոպիտ հայոցանքով:

- Լսեցի, որ դուք ցանկանում եք գնալ քարավանի հետ: Այդ ես երբեք թույլ չեմ տա... Հենց այժմ դուք պետք է այստեղից մեկնեք:

Նա ծառաներին հանձնարարեց գնալ հյուրանոց և այնտեղից տանել քույրերի վերցրած երեխաներին:

Իմանալով, որ որոշված է իրենց արտաքսել թուրքիայից, քույրերը կառք վարձեցին և նույն օրը մեկնեցին Սվազ:

Հիվանդանոցի վերմանացի ծառայողներից մեկը նրանց հրաժեշտ տալով հայտնեց, որ մի հայի լրված տանն ինքը տեսել է ավելի քան 50 երեխա, որոնց թվում էին նաև մութեսարիֆի խլած վեց երեխաները և որ վերջինիս հրամանով նրանք բոլորը մորթված են:

Հասնելով էնդերեզ՝ քույրերը գիշերը հրացանների համազարկի ձայն լսեցին: Առավոտյան նրանց բացատրեցին, որ «ազատվել են զաղթականներից

և այն երիտասարդ հայերից, ովքեր աշխատում էին ճանապարհաշինության վրա»: Թուրքերը միշտ այդպես էին վարվում՝ աշխատանքն ավարտելուց հետո սպանում էին դա կատարող հայերին: Ժանդարմները քույրերին պատմեցին, որ այդ գիշեր իրենք իշխանությունների հրամանով 350 մարդ են սպանել:

Քանի որ ստորադաս պաշտոնյաները և ժանդարմները գիտեին, որ այդ քույրերը գերմանուհիներ էին և թուրքերի բարեկամ, դրա համար էլ նրանց սրտաբաց պատմում էին այն ամենի մասին, ինչ կատարվել էր հայերի հետ: Քույրերին հաջողվեց, օրինակ, իմանալ, որ «Երգնկայից մինչև Սվագ ընկած ամբողջ տարածքի մահմեղականներին հրամայված էր սպանել ձեռք ընկած բոլոր հայերին»:

Քույրերի հետ Սվագ գնացին երկու սպա: Նրանց ուղեկցող ժանդարմները անընդհատ փնթփնթում էին, թե սպաներին ևս «պետք է ուղարկեին նրանց մոտ»: Երրորդ օրը սպաների կառքն այլևս չերևաց: Քույրերը հարցուիորձ անելով իմացան, որ այդ սպաները և նրանց կառապանը հայեր էին: Թուրքերը կառապանին հարկադրել էին կառքը ճանապարհից հանել և սպանել էին թե՛ նրան, թե՛ սպաներին:

Հունական մի գյուղով անցնելիս քույրերը տեսան մի գինված թուրքի, որը հապարտությամբ հայտարարեց, որ «ինքը կառավարության կողմից նշանակված է ոչնչացնելու բոլոր այն հայերին, որոնք ապաստան կինտրեն գյուղում»:

Քույրերը «նեխսող դիակների հոտ առան, իսկ շուտով նկատեցին բազմաթիվ դիակներ թափված ճանապարհի երկու կողմերին»:

Էնդերեզից մինչև Սվագ քույրերը անընդհատ հանդիպում էին հայերի մեծ խմբերի, որոնք աշխատում էին ճանապարհների նորոգման վրա: «Այդ բոլոր դժբախտները շուտով կոտորվեցին»:

Գյավուր Կազում արական սեռի որևէ հայ չէր մնացել: Քոջաջիքում քույրերը լսեցին կառավարական շենքի մոտ հավաքված ամբոխի խոսակցությունը՝ «Բոլորին կոտորեցին, մնաց միայն Հովհաննեար, որին գտնել չկարողացան»¹:

Տրապիզոնցի մի կին վկայել է, որ Երգնկայում գետինը պատված էր կտրված գլուխներով, մարդկանց ձեռքերով ու ոտքերով, կանանց մազերով. «Եփրատը տանում էր բազմաթիվ մարդկային դիակներ»: Երգնկայի մութեսարիփ Մահմուղը փոս էր փորել տվել ու նրանում 450 հայ երեխա ողջ-ողջ թաղել²:

Ահա մի քանի քաղվածքներ դատարանում Թեհլիրյանի տված ցուցմունքներից. «Ծնողներս միշտ պատմում էին, որ ... (1915-ին) միշտ ահ ու դողի մեջ էինք, թե նորից տեղի են ունենալու ջարդեր, բայց պատճառները հայտնի չէին... Մայիսին լուր տարածվեց, թե դպրոցները պետք է փակվեն ու քաղաքի մեծամեծներն և ուսուցիչները խմբով այլ տեղ պիտի առաքվեն... Այս խմբերին արդեն տարել էին, երբ լուր տարածվեց, որ նախորդ տեղահանվածներն արդեն սպանվել են...

Հունիսի սկզբին հրաման տրվեց, որ ժողովուրդը պատրաստվի քաղաքից

¹ "Армянский вестник", 1916, № 4.

² Bruse J., նշվ. աշխ., էջ 246:

դուրս գալու ... Երեք օր Հետո առավոտյան շատ կանուխ ժողովուրդը քաղաքից դուրս հանվեց: ...Քաղաքից դուրս եկած օրն իսկ ծնողներս սպամվեցին ... Երբ խումբը քաղաքից մի քիչ հեռացավ, կանգնեցրին, ժանդարմները սկսեցին կողոպտել... Կողոպուտի ժամանակ քարավանի առջևից մեզ վրա կրակեցին: Այդ պահին ժամդարմներից մեկը քաշեց-տարափ քրոջս: Մայրս սկսեց գոռալ. «Աչքերս կուրանան»... Քրոջս տարան ու բռնաբարեցին... Զինվորներն ու ժամդարմները սկսել էին ջարդը, երբ վրա հասավ խուժանը, և այդ ժամանակ կրտսեր եղբորս գլուխը ճեղքեցին, իսկ մայրս ընկավ... Գլխիս մի հարված ստացա ու ընկա գետնին. դրանից հետո ոչ մի տեղեկություն չունեմ... այդպես մնացի գուցե երկու օր: Երբ բացեցի աչքերս, շուրջս լի դիակներ տեսա, քանի որ ամբողջ քարավանը սպանված էր... Մորս դիակը տեսա երեսնիվայր ընկած, իսկ եղբորս դիակն ընկած էր ինձ վրա... Սրունքս վիրավոր էր, թևիցս արյուն էր հոսում».

Լեռների մեջ մի գյուղ գնացի: Այնտեղ մի պառավ (քրուհի) ինձ իր տունն առավ, բայց երբ բուժվեցին վերքերս, ասացին, որ ավելի երկար ինձ պահել չեն կարող, որովհետև կառավարությունն արգելել էր. նրանք, որոնք իրենց մոտ հայեր էին պահում, պատժվում էին մահվամբ... Շատ բարի մարդիկ էին այդ քրդերը և ինձ խորհուրդ տվեցին անցնել Պարսկաստան: Ինձ քրդական հին հագուստներ տվեցին: Անցա Պարսկաստան:

Լուր ստացվեց, որ ուսւները գրավել են երգնկան... 1916-ի վերջին էր... Երբ երգնկա հասա, մեր տան բոլոր դռները խորտակված էին, մի մասը կործանված էր, իսկ երբ ներս մտա, ընկա գետնին... Երբ ուշի եկա, գնացի երկու խալամացած ընտանիքների մոտ, սրանք ամբողջ քաղաքում միակ աղատվածներն էին»¹:

Հ. Ֆիրբյուխերը «Freidens Ward» ամսագրի 1930 թ. համարում նկարագրելով երգնկայի հայության ջարդը Քեմախում, գրում է. «Այն, ինչ տեղի ունեցավ այնտեղ բազմահազար հայերի հետ, ներկայացնում էր աներևսակայելի գաղանության ու դաժանության մի պատկեր, որը, թվում էր, հազարամյակների խելահեղության խտացումն է... Անիծված հողի այդ պատառիկին այն հառնեց վիթխարի հրեշի կերպով հունիայան շոգ օրը՝ հանդիսավոր հաստատելով, որ ողջ քաղաքակրթությունը թվացյալ շղարշ է, որն ամեն օր ու պահ կարող է պատովել երկոտանի գաղանի դաժան կամքով»: Հունիսի 8-ին Քեմախում մի թուրք վեց տարեկան երեխային մորից խեց, մեխեց փայտե խաչին ու կանչեց. «Զեր Քրիստոսն ու խաչը թող ձեզ աղատեն»²: Թուրք ժանդարմը բացականչեց. «Դա սարսափելի էր (Քեմախում տեսածը)»³:

«Երգնկայում,- գրում է Դուխովը,- տեղաբնակ հայերից միայն մի քանի տասնյակ կին էին մնացել, որոնք մեր (ոսւսական) բանակի կողմից քաղաքը գրավելուց հետո դուրս էին պրծել հարեմներից: Երգնկայի հարթավայրում և մերձակա լեռների փեշերին մինչև այժմ թափված են տասնյակ հազարավոր

¹ Թեհլիրեան Ս., Վելյիշումներ, էջ 8-29:

² «Յուշամատեան Մեծ Եղեռնի», էջ 538:

³ Bryce J., Աշվ. աշխ., էջ 248:

մորթված հայերի ուկորներն ու գանգերը, այդ թվում նաև երեխաների: Դրանք այն հայերի մնացորդներն էին, որոնք անցյալ տարվա հունիսին բռնագաղթվել էին էրզրումից, Խարբերդից, Բայրուրդից և այլ վայրերից»¹:

Երբ ուստական գորքերը մտան երգնկա, նրանց հրամանատարին ներկայացն մի քանի հայեր, և մի աղջիկ՝ Հեղինե Ասատրյանը: Նա պատմեց. «Մարդի հարյուր հազարավոր հայերից փրկվել են մի քանի հարյուր պղծված ու ստորացված աղջկներ ու երեխաներ... Մենք պատվազուրկ եղանք, նաև զրկվեցինք ճնողներից, հարազատներից, ունեցվածքից... Նետվել ենք բախտի քմահաճոյքին»²:

Քաղաքը դատարկ էր, չուկան՝ կողոպտված ու ավերված: Երգնկայի կազման վիթխարի գերեզմանոց էր, որտեղ իրենց մահկանացուն կնքեցին 200 հազ. հայ բոլոր վիլայեթներից: Քղից ոչ հեռու մորթվեցին տասնյակ հազարավոր էրզրումցիներ: Մամախաթունի և երգնկայի միջև գտնվող Սանսարդարասիում ջարդվեցին էրզրում-Սվագ ճանապարհը կառուցող անգեն հայ զինվորները՝ ինը գումարտակ: Այստեղ մի փոսում կենդանի թաղել էին 1-5 տարեկան ավելի քան հազար երեխայի: Նրանց ուկորներն ու գանգերն ասում էին թուրքերի գազանությունների մասին: Երգնկայից 20-25 վերատ հեռավորության վրա գտնվող Խան զյուղի մոտ թափված էին էրզրումի զյուղերի բնակիչների ուկորներն ու գանգերը:

1915 թ. հունիսին ժանդարմների հսկողությամբ Տրապիզոնի, Օրդուի, Սամսոնի, Կիրասունի, Բայրուրդի, Սվագի, Խարբերդի, Քղի, էրզրումի հայերին քշեցին երգնկայի ուղղությամբ, ճանապարհին շատերին սպաննելով քարավանները հասցրեցին Քեմախ, որի կիրճում զոհերին սպասող ժանդարմներն ու ասկարները մի անգամ ևս քարավանները մաքրազարդեցին՝ հանեցին հայերի հագուստները, մայրերի աչքի առաջ բռնաբարեցին գուստրերին, նրանցից գեղեցիկներին տարան իրենց հետ, մյուսներին միմյանց կապելով սպաննեցին սառը զենքերով և դիակները եփրատ նետեցին: «Երբ ես ուստական զորքի հետ մտա երգնկա,- զրում է Հ. Բարբին,- տեսա փողոցներում թափված մարդկային ուկորները», որոնք ժամանակի ընթացքում սպիտակել էին: Այդպիսիք հազարներով կարելի էր տեսնել երգնկայի հարթավայրում և այն շրջափակող լեռների լանջերին»³: «Արմանսկի վետնիկ»-ն իր 1916 թ. թիվ 26-ում նույն իրողությունը արձանագրելուց հետո ավելացնում է, թե զրանք ոչ միայն երգնկայի, այլև էրզրումի, Խարբերդի և ուրիշ այլ նահանգների տարագրվածների ուկորներն էին:

Ուստաները 1916-ին գրավեցին երգնկան: Նրանք թուրքերի մեջ գտան ավելի քան 300՝ տասից բարձր տարիքի երեխա, որոնց մահեղականացրել էին: Նրանցից շատերը մոռացել էին իրենց անունը և հայերեն չէին խոսում: Նույն ձեռք փոխվել էին մի քանի տասնյակ հայուհիների անունները: Նրանցից շատերը հղի էին⁴: Ուստական բանակի գրավումից հետո Փիդայիները՝ Սեբաս-

¹ "Кавказское слово", 31-го июля 1916 г.

² Նույն տեղում, 1-го августа 1916 г.:

³ Բարբի Ա., նշվ. աշխ., էջ 52:

⁴ "Армянский вестник", 1916, № 32.

տացի Մուրադ, Կայծակ Առաքել, Վարդան Շահպաղ, ձեռնամուխ եղան Հայա-Հավաքման գործին:

Զգալի թվով Հայեր վերադարձան իրենց բնակավայրերը, մասնավորապես, շատ Հայեր գնվեցին Դերսիմի քրդերից: Ըստ Բրեստ-Լիտովսկում 1917 թ. դեկտեմբերի 2-ին կնքված Համաձայնագրի, դեկտեմբերի 5-ին ոռուսական կովկասյան և թուրքական երրորդ բանակների հրամանատարները Երզնկայում նույնպես կնքեցին զինադադարի պայմանագիր, ըստ որի՝ մինչև Եփրատ ընկած շրջանները մնում էին ոռուսներին:

1918-ի հունվարին թուրքական բանակը օգտվելով Ռուսաստանի կովկասյան ռազմաճակատի վլուզումից, ընդհանուր հարձակման անցավ, որի առաջին դոհերից մեկը դարձավ Երզնկան:

ԲԱԲԵՐԴ

Բաբերդ քաղաքում և Սպերի Հայկական 29 գյուղերում կար 15.000-16.000 հայ:

Բաբերդի գավառում միշտ ուժեղ է եղել թուրքական հալածանքների դեմ պայքարը: Աշխարհամարտի նախօրյակին գավառում մեծաթիվ Հայություն խմբեր կային, որոնց անդամներից շուրջ 550 հոգի հետագայում հայ կամավորական գնդեր մտավ:

1914 թ. դեկտեմբերին չեթեները խուզարկեցին Լուսհոնք գյուղը և 16 հոգու ձերբակալեցին դասալքության մեղադրանքով: Ասպա բանտերից ազատ արձակվեցին քրեական հանցագործները, որոնցից 500 հոգին իրականացրեցին Քսանթա, Քարավերակ, Խայեկ, Սպասա, Լուսհոնք գյուղերի կողոպուտն ու ջարզը: Ընդ որում՝ այդ գյուղերը հիմնովին ու վերջնականապես հիմնահատակ արվեցին: Բաբերդի բոլոր եկեղեցիները վերածեցին զինվորական հիվանդանոցի ու մզկիթների, մեծ թվով մտավորականներ ոչնչացվեցին բանտերում: Մայիսի 26-ին Բաբերդ են գնում մի խումբ թուրք և գերմանացի սպաներ: Հաջորդ օրը Հայկական բոլոր գյուղերը շրջապատվում են: Ականատեսներից մեկը պատմում է, որ հունիսի 1-ին Բաբերդի գյուղերը շրջափակվեցին և մեկ շաբաթում բոլորը կողոպտվեցին ու ավերվեցին: Երրորդ բանակի 4000-5000 զինվորներ նախ գյուղերից հեռացրեցին մինչև 50 տարեկան տղամարդկանց, որոնց քիչ անց սպանեցին¹:

Կ. Պոլսից ստացված մի հեռագիր հավաստում էր, որ Բաբերդում մայիսի վերջին վեց-յոթ օրում 15 տարեկանից բարձր տարիք ունեցող ամբողջ արու բնակչությունն սպանվեց, իսկ մյուսները տեղահանվեցին երեք քարավաններով: Բացի զորանոց կառուցող 20 որմնաղիր վարպետների ընտանիքներից, բոլոր Հայերը տեղահանվեցին, որոնց հինգ օր շարունակ խոշտանգելով հասցըրեցին Կարաղուլաղի դաշտ: Այստեղ բոլոր տղամարդիկ առանձնացվեցին ու հանձնվեցին թուրք խուժանին, որը նրանց հաշվեհարդարի ենթարկեց Այ-Տողան լեռան ստորոտում: Մեծ թվով կանայք ու աղջիկներ նետվեցին ձորոխ գետը, շատերը ոչնչացվեցին Երզնկա-Քեմախ-Խարբերդ գծի վրա:

¹ Lepsius J., Berichte, s. 4.

Քաղաքի բնակչությունը տեղահանվեց Հունիսի 3-ին: Նրանց առաջին քարագանից 260 երիտասարդի սպանեցին Սորդանի կիրճում, թեմի առաջնորդ Անանիա ծ. վրդ. Հազարապետյանին կախաղան Հանեցին: Իսկ տարագրվածների մեծ մասին ոչնչացրեցին Դերջանի Կոտուր գյուղի մերձակայքում ու Քեմախում: Բարերդում ըռնազգաղթն ու ջարդը անձամբ ղեկավարում էր գայմագամը, որին քիչ անց ոռւսական զորքերը գերի վերցրեցին: Լսելով Բարերդի տեղահանության մասին, թուրքական բանակում ծառայող մի խումբ սպերցի երիտասարդներ լուսնոնքի Մ. Արտանյանի ղեկավարությամբ փախուստի դիմեցին և, ձևավորելով 60 Հոգանոց մարտական ջոկատ, մեկ ամիս շարունակ հաջող կոփվ մղեցին թուրք ջարդարարների դեմ: Նրանք հաջողեցին Խըրխոյաթաղ լեռան մոտ ճեղքել թշնամու պաշարողական գիծը և միանալ ոռւսական բանակին, մտնել Անդրանիկի կամավորական գունդը:

1916-ին ոռւսական բանակը գրավեց Բարերդը: Եղեռնից փրկված սպերցիները վերադարձան իրենց բնակավայրերը: Գավառապետ նշանակվեց Սեպուհը, որը, երբ 1916-ին ոռւսները նահանջեցին, իր 350 մարտիկներով դեմ դիմաց մնաց թուրքական բանակի հետ: Սեպուհը հաջողեց բարերդցիներին, այդ թվում 70 որբերի, փրկել ու հասցնել Արաքսի մյուս ափի:

«Армянский вестник»—ը 1917 թ. իր №№ 48-49-ում Բարերդի մասին գրում է. «Հարկ կա՞ ավելորդ անգամ հիշեցնել, թե այս գեղեցիկ, հարուստ և բերդի երկրամասը ներկայումս այցելուին ներկայանում է ամենից առաջ ավերակներով ու մոխրակույտերով, վհատ կանանցով ու որբ երեխաներով: ... Բայբուրդից 50 կմ հեռավորության վրա Մամախսաթունի ուղղությամբ մի ոչ մեծ բարձունք վերածվել էր մարդու սպանդանոցի... Ամենուրեք շարունակում են թափած մնալ դեռևս չթաղված հաղարավոր երեխաների, կանանց ու տղամարդկանց դիակներ, որոնց միակ մեղքն այն էր, որ հայ էին ծնվել:

Կաթողիկոսին հասցեագրված մի նամակում նշվում է. «Բարերդի հայությունը Կոթերի կամքի մոտ հարձակման ենթարկվեց չեթեական խմբի կողմից ու ամբողջությամբ ոչնչացվեց»¹:

Վկայում է Բբայսը. «Բարերդի և շրջակայի մի քանի տասնյակ հաղար հայեր քշվեցին երգնկայի ուղղությամբ, «առավելապես ծերերէ, անկարներէ, կիներէ, աղջիկներէ եւ մանուկներէ կազմուած այս խումբը ենթարկուեցաւ յարձակման: Ելուզակները եւ քիւրտերը սուրբ անցուցին բոլորն ալ, երբ միւս կողմէ անոնց պարապ ձգած տուներն ու գիւղերը կը յանձնուէին թիւրք ներգաղթողներուն»²:

Եղեռնից մազապուրծ Սուքիայանը ականատես է դառնում մի քանի վայրերում հայերի բնաջնջմանը, այդ թվում նաև Բարերդում, որտեղ թուրք «բնակչությունն ու զորքը բոլոր հայերին հատ-հատ կոտորեցին ու նետեցին ձորու: Մերձակա գյուղերի հայերը նույնպես սպանվեցին»³:

«Մանր տեսարան էր,— պատմել է բարավաններին ուղեկցող մի ոստիկան,— շատ կանանց ու երեխաների թունավորեցին դաշտերում, շների

¹ ՀԱԱ, ֆ. 57, ց. 5, գ. 126, թ. 20-24:

² Բբայս Զ., նշվ. աշխ., էջ 255 կամ «Կոչնակ», 4 Հոկտեմբերի 1915 թ.:

³ Նույն տեղում:

միջոցով»: Բարերդից բերվում էին կանանց ու երեխաների խմբեր և ամեն օր 10-20 հոգու ընտրում և սպանում էին, զիշերը նետում գետք: «Բացում են փոքր երեխաների գանգերը»: Պատմողն ինքն էր թաղել հինգ կնոջ, որոնք մեռել էին ծննդաբերության ժամանակ¹:

«Տասնհինգ տարեկանից վեր որևէ արու անհատ ողջ չմնաց», - պատմել է ականատեսը: Քաղաքից երկու ժամ հեռավորության վրա քարավանը հարձակման ենթարկվեց «Հրացաններով ու կացիններով» զինված խուժանի կողմից²:

Բարերդցի մի հայ կին, որ հարուստ ընտանիքից էր, պատմել է, թե իր աղջկա հետ տարագրվել է Հունիսի 14-ին մեկնած քարավանի կազմում, որում կար 400-500 մարդ: «Քարավանին ուղեկցում էին 15 ժանդարմներ: Երկու ժամփա ճամբար էին անցել, երբ քարավանը շրջապատեցին զինված զյուղացիները: Ժանդարմները այդ կնոջ ձիերը խլում ու վաճառում են մուհաջիրներին: Ապա խլեցին մոտաւ եղած փողերը, գուստրիս գարզեղենն, ամբողջ սննդամթերքը»: Քարավանից բաժանեցին տղամարդկանց և մի քանի օրում բոլորին սպաննեցին: Սպաննեցին նաև երկու հոգեսորականի, բոլոր գեղեցիկ աղջիկներին ու կանանց տարան լեռներ: «Ճանապարհին թափված էին տարրեր սեռի դիակներ, դեղերում էին ուժասպառ ծերեր ու երեխաներ: Գիշերները զյուղերում անցկացնելն արգելված էր, քնում էինք բաց երկնքի տակ, գետնին և հաճախ էինք հարձակման ենթարկվում»:

Ճանապարհին քարավանը հանդիպում է պատերազմում ամուսիններ կորցրած թրքուհիների խմբի: Նրանցից մեկը գրպանից հանում է դանակը և սպանում մի հայ տղամարդու: Այդ թրքուհիներից յուրաքանչյուրն իր հետ ուներ տասը տարեկան և ավելի փոքր հինգ-վեց հայ աղջնակներ: Տղաների չեմ վերցնում, գերադասում էին նրանց սպանել՝ անկախ տարիքից³:

Բայրուրդի քարավանը երգնկա հասավ հուլիսի 18-ին և գիշերը անցկացրեց բացօյյա: Թուրք ժանդարմի պատմածով՝ առավոտյան «Հայերին անասունների նման խփելով էին քաղաքից քշում: Ամեն օր սպանում ու Քեմախի կիրճն էին նետում 10-12 տղամարդ: Քարավանի հետ գնալ չկարողացող երեխաների զանգերն էին փշրում: Փախցնում էին կանանց և անպատիվ անում: Հաջորդ օրը, - շարունակում է ժանդարմը, - մենք քայլում էինք դատապարտված մարդկանց հետևից: Նրանց ողբն աննկարագրելի էր: Մնացել էր միայն երկու տղամարդ»: Որոշ կանայք խելազարվել էին: Նրանցից մեկը բացականչում էր. «Մենք ցանկանում ենք դառնալ մահմեղական, մենք ցանկանում ենք դառնալ գերմանացի, ինչ-որ դուք ուզում եք, միայն փրկեք մեզ: Այժմ նրանք մեզ կտանեն Քեմախի ու կմորթեն...»: Անցնում ու անցնում էին մարդկային զանգվածները, միայն մի քանի տղամարդ, մնացածները կանայք և բազում երեխաներ: «Նրանցից շատերը բաց գույնի մազերով և մեծ, երկնազույն աչքերով նայում էին մեզ այնքան լուրջ և այնքան չգիտակցված փառահեղ հայց-

¹ Կալխոսյան Գր., նշվ. աշխ., էջ 66:

² Lepsius J., Berichte, s. 54-56.

³ R 14093, Ab. 21766.

քով, կարծես երկնային հրեշտակներ էին: Նրանք դանդաղ ու լուռ առաջ էին գնում, փոքր ու մեծ, ընդհուպ մինչև պառավ կանայք, որոնց դժվարությամբ էր հնարավոր պահել ավանակի վրա: Առաջ էին գնում բոլորը, որպեսզի իրար կապված, բարձր ժայռերից նետվեին Եփրատի ալիքների մեջ»:

Դիակները գետի հոսանքով լողում էին վար: Հարցին, թե ինչո՞ւ հայերին տեղում չեն սպանում, այլ այդ անում են տեղահանելու ընթացքում, ժանդարմը պատասխանել է. «Այսպես ճիշտ է, նրանք պետք է դառնան ողորմելի: Եվ բացի դա, ի՞նչ ենք անելու նրանց դիակների հետ: Նրանք վարակի բույն են»¹:

Բարերդում, պատմում է մի ուրիշ ականատես, հունիսի 14-ի գիշերը ոստիկաններն ու ելուզակները, առանց նախապես զգուշացնելու, մտան հայերի տները ու նրանց անկողիններից դուրս քաշեցին, նույնիսկ չթողեցին հազնվել: Քարավանը հարձակումներից պաշտպանելու համար առաջին օրը ոստիկանները պահանջեցին երկու աղջիկ և 50 ոսկի. երկու հայ աղջիկներ մյուսներին փրկելու համար հանձնվեցին, տրվեց նաև ոսկին: Երկրորդ օրը պահանջեցին 500 ոսկի և 5 աղջիկ և այսպես շարունակ՝ կողոպուտ ու բռնաբարություն: Երգնկայի մերձակայքում բոլորին մերկացրին և թողեցին միայն ներքնահպուտով: Քեմալի ճանապարհին քարավանի վրա հարձակվեցին չեթեները, հայերը փորձեցին հետ փախչել երգնկա, բայց ընկան ոստիկանների կրակի տակ: Քարավանի 9/10 մասը ոչնչացվեց: Մնացածները հասնելով Քեմալի, այնտեղ հարձակման ենթարկվեցին: Շատերն իրենց գետը նետեցին անպատիվ մեռնելուց ազատվելու համար: Հունիսի 19-ին Բարերդ հասավ Կարինից բռնագաղթվածների երկրորդ քարավանը, որին միացել էին նաև ուրիշ տեղերից բերվածները՝ 15.000 մարդ: Մի քանի օր մնալուց հետո քարավանը շարժվեց դեպի երգնկա: Այստեղ ոստիկանները, որոնք ուղեկցելու համար մեծ գումարներ էին վերցրել, անհետացան: Ահա այդ ժամանակ, պատմում է ականատեսը, «Դաշտը ծածկվեց քրդերով, թուրքերով ու խուժանով, որոնք խառնվեցին անպաշտպան ժողովրդին... Կողոպտում էին, կոտորում և առևանգում... Հաջորդ օրը, կենդանի մնացածներին տարան Քեմալի ուղղությամբ: Այստեղ տղամարդկանց առանձնացրեցին, իսկ մյուսներին սվինների ու փայտերի հարվածներով առաջ քշեցին: Հայերը բլրի վրայից տեսան, թե ինչպես են սրախողխող անում իրենց հայրերին, եղայրներին, ամուսիններին ու որդիներին: Դիակները թափվեցին Եփրատ: Իսկ կանանց ու երեխաների քարավանը, մեռնելով ու բռնաբարվելով, հալվելով ու մաշվելով գնաց մինչև Հալեպ»:

Կ. Պոլսում լույս տեսնող թուրքական «Թերջումանը հակիկաթ» թերթը 1920 թ. օգոստոսի 5-ին ընդարձակ նյութ տպագրեց Բարերդի բռնագաղթի վերաբերյալ ուղղմական ատյանում Հարցի քննության ու վճռի մասին: Մի քանի քաղվածքներ այդ հողվածից, նաև դատավարությունից:

Բարերդում բռնագաղթը զեկավարելու համար ուղարկված էր Նեջաթին, որի տրամադրության տակ 30-40 հոգանոց մի ջոկատ կար: Հասան օղու էոմերը դատարանում վկայություն տվեց. «Բայրուրդի աշխատանքային վաշտի

¹ R 14095, Ab. 4543.

Հրամանատարի տեղակալ Ք. Քյաշիֆը..., Է. Սաբիտը և մի քանի ուրիշ անձինք քարավան առ քարավան հայերին թշվառ վիճակում Բաբերդից տարագրեցին: Տարագրողները երկու ժամից վերադառնան՝ իրենց հետ բերելով քարավաններում եղած հայ երեսաներին... Այդ մանուկները 1-5 տարեկան էին... ձանապարհներին, տարագրած հայերի մոտ եղած իրեն ու դրամները կողոպտելուց հետո նրանց սպանել են»:

Մի այլ վկա՝ Ալին, ցուցմունք տվեց. «Մեկ գիշերվա ընթացքում, առանց նախազգուշացնելու, գայմազամ նուսրեթ բեյի հրամանով, ոստիկաններով ու ժանդարմներով, գոռում-գոյզունով, առանց մարդկային որևէ զգացմունքի, բոլորին տարագրեցին»: Նուսրեթը, լինելով էրգորումի վալի թահսին բեյի բարեկամը, չէր խորշում ամեն տեսակ արարքներ կատարելուց: Բայբուրդի հայերին 15 օրում տարագրեցին: Նրանց ուղեկցում էին ժանդարմներ, զինվորներ և բաշիրողուկներ: Վկան լսել էր, որ հայերին ճանապարհներին սպանել էին: «Նուսրեթ բեյը շուրջ 150 փոքր աղջկ ու տղա որբերի բերել լցըրել էր Բին Բաշի խան կոչված վայրը և թուրք ժողովրդին տեղյակ պահել, որ գնան ու իրենց հավնած տղաներին և աղջիկներին ընտրեն ու գնեն: Հետագայում Նուսրեթ բեյը խամաների մոտ գտնվողներին (հայ որբերին) հավաքել տվեց ու տարագրեց»:

Բաբերդի նախակին գայմազամ Զիա բեյը վկայեց. «Բաբերդի տարագրությունը և ջարդը կատարողները եղան այնտեղ եկած Սաազի բեյը, որ ծերակուտական ԱՀմեդ Ռիզա բեյի քրոջ որդին և ծերակուտի քարտուղարներից մեկն էր... Նրա հետ էր նաև Պիրե Մեհմեդ կոչված Նեջաթի էֆենդին, և լսել էի, որ նրանք էին ղեկավարում ջարդերը»:

Էրգորումի ժանդարմական գնդապետ Աղիլը վկայեց, որ Բաբերդի հայերի տարագրողը Մ. Նեջաթին էր, որը 24 ժամում ժողովրդին դուրս հանել տվեց և Բաբերդից երկու ժամ հեռավորության վրա, Դեյիրմեն կոչված վայրում, Թեշքիլաթի մախսուսայի զինվոր-չեթեների հետ հարձակվեց ու սպանեց նրանց: Ինքը պաշտոնի բերումով հետաքննություն է կատարել ... և տվյալները ուղարկել է վալի թահսին բեյին:

Բաբերդում եղած զորամասի փոխհրամանատար, փոխգնդապետ Մեհմեդ Ալիի վկայությամբ՝ Նեջաթիի՝ հայերի նկատմամբ կատարվածի մասին ինքը տեղյակ է պահել վերադաս մարմիններին:

Մի շաբաթ վկաներ ցուցմունք տվեցին, որ չեթեների ղեկավար Նուսրեթը Բինբաշի և Հինդի խաներում հետևել է քարավաններին, մտրակով հարվածել տարագրվածներին, նրանցից դրամ է պահանջել: Զարդերի ժամանակ ներկա է գտնվել ու ժանդարմաների հետ փախցրել է գեղեցիկ աղջիկների:

«...Բաղմաղան վայրերում տեղի ունեցած ողբերգական ջարդերի մասին,- գրում է թերթը,- մինչև հիմա ուղղմական ատյանների եղրակացությունը այն է, որ այդ բոլոր ոճիրները նախապես իթթիհաղ վե թերաքը կուսակցության ընդհանուր կենտրոնում ծրագրված ու որոշված էին: Նշված կենտրոնի անդամներից դոկտ. Բեհաէդղին Շաքիր կոչված արյունարրու անձնավորության նախագահությամբ և «Թեշքիլաթի մախսուս» անունը կրող խմբերի կողմից մի շաբաթ ամենասատոր և ամենազոեհիկ արարքներ գործեցին, վերոհիշյալ որոշումը (բոնագաղթի վերաբերյալ) հատուկ պաշտոնյաների միջոցով գավառների պե-

տերին, պաշտոնատար անձանց հայտնեցին և ստացան նրանց մեծամասնության հավանությունը...

Հետո, ըստ ստացած հրամանների, քրեական տարրերի միջոցով ղեկավարել են տարագրություններն ու ջարդերը:

Դրանք ուղմական ատյանի ունեցած տեղեկանքների փաստերով և սկզբունքային նշանակություն ունեցող փաստաթղթերով հաստատված են:

Նուսրեթը տեղյակ լինելով այդ ողբերգական իրադարձություններին, դրանք արգելելու համար քայլ անգամ չանելուց բացի, վերը նշված վկայությունները իր վերադաս մարմիններին նույնիսկ հաղորդելը հարկ չի համարել և «Երգնկա ուղարկած» անձանց համար էլ ստացական չունենալու մասին լոեց, իսկ հարցաքննության ժամանակ ասաց, թե առաջին քարավանը պաշտոնագրով էր ուղարկել երգնկա, բայց այդ գրությունների պատասխանները չի ստացել: Այն հարցին, թե ինչո՞ւ դրա դեմ չի բողոքել, պատասխանել է, թե «այդ ժամանակ ամեն ինչ արգեն վերջացած էր»:

Ժողովուրդը նրան անվանում էր «Երկաթե ճանկերով կառավարիչ»:

«Նուսրեթը Բաբերդի տարագրությունն ավարտելուց անմիջապես հետո առաջ է քաշվում ու նշանակվում երգնկայի փոխկառավարիչ, որից հետո՝ Արդնիի մութեսարիֆ: Երբ հեռավոր վայրերից տարագրված հայերը, ճանապարհների բազմատեսակ դժվարություններից ու թշվառություններից հետո, ուժասպառ հասնում էին Արդնի, Նուսրեթը, լսելով, որ նրանք 2 կամ 3 օր խաներում են մնալու.... բոլորին չարաչար աշխատացրեց և օրավարձ անգամ չտվեց: Նա Արդնիի մութեսարիֆի պաշտոնում կենդանի մնացած հայ պատանիներին ու մանուկներին՝ «Դիարբեքիր պետք է ուղարկվեն» ասելով, հանձնել է Տիգրանակերտի արյունուղաւոր վալի Ռեշիդի վայրագություններին: Արդնիից հետո նշանակվեց Ուրֆայի մութեսարիֆ և երկրի տարբեր կողմերից այնտեղ հասած 15-20 հազ. հայ տարագրյալների դեմ ողբերգական արարքներ կատարեց: Այստեղ ևս պաշտոնի բարձրացում ստանալով, շարունակեց ոճրագործների հետ գործակցելը...»

Նուսրեթ բեյը հայտնել էր, թե «Հրաման էր ստացվել, որ որևէ հայ կենդանի չպետք է մնար, այլապես սպառնում էին մահապատիժով»:

Բաբերդի կառավարչատան գանձապահ Հովակիմ Էֆենդու ընտանիքը մահեղականություն էր ընդունել և գերծ մնացել տարագրությունից:

«...Նուսրեթը նրանց տուն գնալով, պահանջել է, որ նրա աղջիկներն իրեն հանձնվեն և սպառնացել, թե մերժման դեպքում ընտանիքը տարագրվելու է: Նկատի ունենալով, որ տարագրության ժամանակ, ենթարկվելու էին տարագրյալներին բաժին հասած զաղանություններին՝ ջարդվելու ու բնաջնջվելու էին, Հովակիմի կինը, դուստրերը և քույրը թույն են խմում ու մեռնում, իսկ ինքը և իր որդին կախվում են»:

Նուսրեթը Արդնիում բոնաբարել էր դեռահաս Նոյեմին և նրա քրոջը՝ Ֆիլոմենին:

«Նուսրեթի հետ նեջաթի էֆենդին ևս, Բաբերդի հայերին տարագրելու պատրվակով, նրանց սպանել էր ու ունեցվածքները կողոպտել...»:

Նրանք երկուսն էլ մահապատժի դատապարտվեցին: Բաբերդի ջարդերի

գործով 26 հոգի դատապարտվեց բանտարկության:

Սակայն թուրք մեծապետականությունը դրա հետ հաշտվել չէր կարող: Դատավճռից 15 օր անց թուրքական իշխանություններն սկսեցին ձերբակալել վճիռներ ստորագրած թուրք դատավորներին: Քյաղիմ Կարաբեքիրը Հայաստանի Հանրապետության վրա հարձակման օրերին, 1920 թվականի նոյեմբերի 8-ին ձերբակալեց պատերազմական ատյանի դատավոր Մուստաֆային ու նրա դործնկերներին, իսկ գեկտեմբերի 7-ին սկսվեց նրանց դատավարությունը: Նուսրեթին ներկայացված մեղադրանքներն ու նրա դատավճիռը չեղալ հայտարարվեցին, իսկ դատողները՝ դատվեցին¹:

ԴԵՐՁԱՆ

Այստեղ ջարդերն սկսվեցին 1915-ի ապրիլի առաջին օրերին: Բոլոր հայարնակ գյուղերը տեղահանվեցին ու աքսորվեցին մայիսի 1-17-ն ընկած շրջանում: Բոնագաղթվածների մեծ մասը ջարդվեց երգնկայի մերձակայքում ու Քեմախում: Մայիս-հունիս ամիսներին Դերջանում ոչնչացվեց Բաբերդի և Էրզրումի գյուղերի հայ բնակչության մի մասը:

Մայիսին ընդամենը տասը տուն ունեցող Սուլթան Թորոս գյուղը ուղարկվեց 40 չեթե ոմն Օսմանի հարամանատարությամբ՝ «Հայերին զինաթափելու և բռնագաղթեցնելու համար»: Որպեսզի զենքերի թաքստոցների տեղերը իմանան, չեթեները հայերին հարկադրում էին կանգնել կրակի վրա կամ նրանց վրա էին կրակ չաղ տալիս: Ոմն Սուլեյման հաջողեց հայերին «Համոզել» դառնալու մահմեղական:

Այդ ջարդարարը նաև հաջողում է գյուղ բերել լեռներում թաքնված հայ տղամարդկանց, որոնց անմիջապես գնդակահարեցին, իսկ կանանց ու երեխաներին, «կին ընտրելուց հետո» թափեցին Եփրատ:

Նույն գյուղի բնակիչ Հրանուշ Թորոսյանը պատմում է, որ ինքը Եփրատի այդ մասում տեսել է կրծքի երեխաների «լողացող» դիակներ²:

Դերջանում կանգուն մնացին միայն չորս եկեղեցու պատերը: Բացի մի Ավետարանից, այդ եկեղեցիների ամբողջ սպասքն ու գրքերը կողոպտվեցին:

Այս ամենով հանդերձ էրզրումի վիլայեթում քիչ թե շատ փրկվեցին Դերջանի հայերը՝ 11.000-ից 2000-ը: Փրկվածները ուստական բանակի կողմից 1916 թ. այդ գավառը գրավելուց հետո իրենց՝ ավերակի վերածված բնակավայրեր վերադարձան: Նրանցից շատերը կամավորական գնդերը մտան³:

Մամախաթունի շրջանում տեղի ունեցած ջարդերից մաղապուրծ Կարապետ Գևորգյանը Գերմանիայի հյուպատոսին պատմել է, որ «Բասենի և Էրզրումի հարթավայրերի 13 գյուղերի 9.000-10.000 բնակիչներ հաջողությամբ հասնում են Եփրատի կամրջին: Նրանց ուղեկցում էր գայմագամը՝ 10 ժանդարմների և 20 չեթեների հետո: Զիվիդե լեռան նեղ ոլորապտույտներում բոլոր կողմերից քարավանի վրա կրակ բացվեց: Գայմագամը հրամայեց հետ դառնալ, սա-

¹ Ղազարեան Հ., Ցեղասպան թուրքը, Պէյրութ, 1968, էջ 292-302:

² Վալշուտիք Իր., նշվ. աշխ., էջ 87:

³ ՀԱԱ, ֆ. 57, ց. 5, գ. 126, թ. 20-24:

կայն լեռան բարձունքների թվերի տակից դուրս թուան քրդերն ու հարձակվեցին քարավանի վրա: Սկսվեց խուճապ, նույնիսկ պահակախմբի անդամները փախան: Սակայն չեթեներին (Հայոդուկներին) հաջողվեց փրկել 100 սաղ և հայերի մեծ մասին, որոնք ճանապարհը շարունակեցին Բայրուրդի ուղղությամբ: Եփրատի ափին քրդերը նորից հարձակվեցին: Սկսվեց խուճապ, մի մասն անցավ գետի մյուս ափը, շատերին խեղղեցին գետում: Որևէ սայլ փրկել չհաջողվեց: Առավոտյան մահմեղական չեթեները կենդանի մնացածների վրա կրակ բացեցին: Կանանց որսացին ու փակեցին մարագում, իսկ տղամարդկանց զնդակահարեցին: Քարավանի մնացորդները հավաքվեցին Մամախսաթունում: Կանայք կիսամերկ էին: Քրդերը նրանցից շատերին սպանեցին, ոմանց էլ տարան իրենց հետ: Մամախսաթունի մերձակայքում այդ հայերը նորից հարձակման ենթարկվեցին: Շատերին սպանեցին, շատերին գերի տարան, մնացածները փախան տարրեր ուղղություններով»¹:

ՔՂԻ

Մայիսի սկզբին Քղիում ձերբակալվեց 50 մտավորական: Գավառի հայության բոնագաղթը դեկավարում էր Համիդ բեյը: Նրա հրամաններով մինչև մայիսի 29-ը մի քանի քարավաններով տեղահանվեց գավառի ամբողջ հայ բնակչությունը, որի մեծ մասը կոտորվեց «Կամախ Գուրուչայ նահիեի տարածքում», Քեմախի կիրճում և Մեսքենեում: Մի խումբ երիտասարդներ փախուստի դիմեցին թուրքերի դեմ կռվելու և իրենց հայրենակիցներին փրկելու համար, սակայն տեղի եպիսկոպոսը համոզեց հնագանդվել, ասելով, թե իշխանությունները խոստացել են նրանց նկատմամբ բոնարարդներ չգործադրել: Սակայն երբ հանձնվեցին, բոլոր այդ երիտասարդներին կոտորեցին: Քղիի 26373 հայերից ցեղասպանության զոհ դարձավ 23149-ը: Քղիի տարածքում ոչնչացվեցին էրդումի և Բիթլիսի վիլայեթներից բոնագաղթված 53600 հայեր:

1915 թ. վերջին Կարինից «Հորիզոնին» գրեցին. «Հենց նոր այստեղ եկան ութ հայ փախստականներ, որոնք հաստատում են, թե Քղիի շրջանում կզլաշների մոտ փրկվել է 8000 հայ... Այս լուրը ճշմարտությունից զուրկ չէ, քանի որ հաստատվում է նաև ուրիշ աղբյուրների կողմից»:

1916-ին Քղի հասան հայ կամավորները: Ողջ մնացած քղիցիները 1917 թ. վերադարձան իրենց բնակավայրերը: 1918-ին թուրքական հարձակման ժամանակ քրդերը թիկունքից փակեցին Քղիի և Երզնկայի հայ գաղթականների ճանապարհը: Սակայն Սերաստացի Մուրաղի և Մ. Թուրիկյանի ջոկատների ջանքերով հաջողվեց թշնամու օղակը ճեղքել և գաղթականներին հասցնել էրդում:

¹ R 14088, Ab. 28584.

Կիսկիմի կազայի ամենահարուստ և ամենախոշոր գյուղը Խոտորջուրն էր, որն ուներ 12 թաղ՝ 1500 ծուխ: Այս կազայում ոչնչացվեց 5000 հայ:

Պատերազմն սկսվելուց հետո յուրաքանչյուր տղամարդուց վերցնում էին 500 ոսկի՝ բանակից ազատելու համար: Հայերից բռնագրավեցին ոսկի, արծաթ, թանկագին քարեր, մեղր, անասուն, աննդամթերք: Ապա վրա տվեցին լազերը և կողոպտեցին ինչ որ չէին տարել իշխանությունները: Այս կազայի հայ երիտասարդության մեծ մասը արտազնա աշխատանքի էր Անդրկովկասում: Թերեւս այդ էր պատճառներից մեկը, որ գյուղերում բռնություններն ու կողոպուտը մեծ չափերի հասան: Դրա վկայությունն Մեսրոպ վրդ. Թաթամյանի գրություններն են Խոտորջրի շինությունների պատերին: Ահա՝ զրանցից մի քանիսը:

«10 հունիս 1915. Արդեն 7-րդ օրն է, որ մեզ պաշտոնապես հայտարարել են աքսորելու մասին: Ամենուրեք լացուկոծ է: Մեզ տանում են դեպի հաստատ մահ: Քիրմանի վանահոր ձեռները կապեցին ու տարան էրսիս, այսինքն՝ մյուղիրի նստավայր:

13 հունիս. Ահա և վերջապես հասավ վաղաժամ կործանման պահը և Խոտորջուրը ավերվում է: Քիրմանի բնակիչներն արդեն ուղարկված են Խուլ Մարինի ուղղությամբ: Ծ, դժբախտներ, դեռ ինչպիսի սարսափներ եք կրելու...

22 հունիս: Մեր տունը նույնպես կնքեցին: Միջին թաղից լսվում է լաց ու աղմուկ... Հանդաձորի բնակչությունը պատրաստվում է մեկնելու: Երեկ բնակիչներն առաջին անգամ գիշերը անցկացրին իրենց օջախներից դուրս... Պետությունը մեզ աքսորում է: Մեզ տանում են մորթելու: Հարևան թուրքերը մեզ զգուշությամբ թալանում են, գործն ավարտում են ավազակները: Բնակչությունը կարկամած է, և չի գիտակցում, թե ինչ է կատարվում:

Կառավարության հրամանն աննախաղեպ է, թուրք հարևանների վարմունքը՝ զզվելի: Գառներին քշել են գայլերի հոտի մեջ... Հիշե՛ք մեզ: Ապրե՛ք որպես մարդ: Նրանց հետ վարվե՛ք այնպես, ինչպես նրանք վարվեցին մեզ հետ...

23 հունիս. Ժողովուրդը դեռևս Միջին թաղում է... Ծ, Աստված, խելազարվում եմ: Ինչ անարդարություն, ինչ անմարդկային հալածանքներ: Դո՛ւ, Հիսուս Քրիստո՛ս, փրկի՛ր երեխաներին, խղճա՛ նրանց և մի՛ թող առանց ցավակցանքի... Այսօր Հանդաձորի բնակիչները պացան Միջին թաղ... Խոտորջուրը կործանվեց: Մի շարք դարեր գոյություն ունեցող այս հարուստ շրջանը զրկված է բնակիչներից, որոնք երկար շարանով գնում են դեպի անդունդ: 7-8 հազար հոգու՝ չափահաս երեխա, տղամարդ և կին, տանում են դեպի մահ՝ ամեն օր նրանց ենթարկելով անասելի բարոյական տանջանքների: Անհրաժեշտ է վրեժ լուծել հավերժ հանցագործներից...

24 հունիս. Մեր տեղահանությունից երեք օր անց ես և վանահայր Պ. Գարագաշյանը մտանք այստեղ... Մեր հանրահայտ հայրենակիցները մի կողմ էին քաշվել, մենք, հոգևորականներս, նրանց հետ միասին, ձեռքներս ծալած նստել էինք: Մենք մեղավոր ենք լինելու պատմության առաջ:

26 հունիս. Ժողովուրդը հեռանում է, այստեղ մնում է միայն 150 հիվանդ...

Հունիսը Խոտորջրի համար դժոխային տանջանքների ամիս էր: Քրմանի բնակիչներն արդեն դուրս են եկել Լեհանի կիրճը: Գիշերը նրանց վրա հարձակվել են ավազակները և մի տղա սպանվել է: Ժողովուրդը սարսափած է: Ով Աստված, ինչպես է այս սատանայական կառավարությունը վարվելու մեր ժողովրդի հետ... ժողովուրդը շրջապատված է վայրի զաղաններով: Կատարվում են սարսափելի հանցագործություններ:

27 Հունիս. Եղբայրներ, մենք ապրեցինք շատ սարսափելի օրեր, մենք անտանելի վիճակում ենք... Մեր հոյսն Աստվածն է:

Մնացեք բարով, մենք գնում ենք մեռնելու: Թող Աստված նրանց պատժի:

28 Հունիս. Վարդավառի նախօրյակին վարդապետ Պ. Գարագաշյանի հետ վերադարձանք Միջին թաղ: Անտառում թաքնված ավազակները հարձակումներ են գործում: Մենք հին եկեղեցում թաքուն պատարագ կարդացինք: Այս, Աստված, այս ի՞նչ օրեր են. Հայրենի հողին ոտք դնելն արգելված է, եկեղեցում աղոթելն արգելված է:

30 Հունիս. Հնարավոր է, որ սա մեր վերջին այցելությունն է Խոտորջրին: Մեզ չեն թողնում մեր հայրենի հողերը: Երբ մութն ընկավ, մենք գյուղ մտանք և անմիջապես հետ դարձանք: Չտա՛ Աստված, որ մեզ տեսնեն թուրքական պաշտոնյաները»¹:

Պատմում է ուազմաճակատայինը, թե ոուսական բանակում ինչպես իմացան, որ հայերին ջարդում են. «Թուրքական զորքերի ճակատային գծից անցան մարդիկ՝ զզզզված, տանջահար, վիրավոր, դեմքերին մահվան դիմակը, աչքերում անիմանալի սարսափը: Նրանք առաջին լրաբերներն էին, որ պատմեցին հայկական կոտորածներն սկսվելու մասին: Խելազար աչքերով, վերքերի արյունով նրանք ավելի շատ բան էին ասում, քան բառերով... Նրանք հեռու չգնացին, մնացին մեր մեջ ինչպես համր, բայց չարագույժ ստվերներ: Նրանց սկսեցին տանել Ռուսաստան: Մեկնում էին հայացքները երկար հառած հարպատ վայրերին»:

Մի տարի անց էրզրումի ուազմաճակատի մերձակայքում թուրք սպան, պատասխանելով հայկական սպանդի մասին տրված հարցին, ասաց. «Հայերն ավելի մեծ աղետի են արժանի: Եթե չիներ նրանց համակրանքը Ռուսաստանի հանգեց, ոչ թե դուք էիք կանգնած լինելու էրզրումի պարսպի տակ, այլ մենք վաղուց տիրացել էինք Կարսին»²:

1916 թ. փետրվարին ոուսական բանակը գրավեց Խոտորջուրը, որի վերապրած բնակիչները վերադարձան իրենց գյուղը: 1918-ի սկզբներին թուրքերը վերագրավեցին Խոտորջուրը: Հայերն ինքնապաշտպանության կանգնեցին և հերոսարար կովեցին, իսկ ապա հեռացան Արևելյան Հայաստան և այլուր:

¹ "Армянский вестник", 1916, № 25.

² Նույն տեղում:

Հայոց Յեղասպանության, ընդհանրապես և Բասենի Հայության բնաջնջման գործում, մասնավորապես, առաջնակարգ դեր է պատկանում գերմանական դիվանագիտական և ուղղմական գործիչներին: Այդ դերը պաշտոնապես կողմնորոշված է եղել Հօգուտ բնաջնջման թուրքական քաղաքականությանը: Սակայն միայն են նրանք, որոնք այս Հարցում Բեովինի և Կ. Պոլսի քաղաքականությունը նույնացնում են: Եթե թուրքական կառավարությունը Հայերին բնաջնջելով լուծում էր աշխարհաքաղաքական առաջնային նշանակության և բախտորոշ խնդիր, ապա Գերմանիայի շահերը չեն թելադրում Հայերի բնաջնջում, այլ Հայ բնակչության բոնազաղթի օգտագործում տնտեսական և քաղաքական այլևայլ խնդիրներ լուծելու համար:

Դրանով է բացատրվում Բեովինի և նրա շատ գործիչների երկիմաստ մոտեցումները Հայերի հանդեպ թուրքական քաղաքականությանը:

Գերմանիան մի կողմից խրախուսում էր երիտթուրքերին՝ բոլոր Հնարավոր միջոցներով Ռուսաստանին զրկելու Հայկական գործոնն իր շահերին ծառայեցնելու Հնարավորությունից, իսկ մյուս կողմից՝ ամեն կերպ աշխատում էր «Ճեռքերը չկեղտոտել» թուրքական արյունարրու քաղաքականության թոհուրուում:

Մի կողմից, բարբարոսական Հրձվանք, որ թուրքերը վիթխարի արյան բաղնիք էին ստեղծել, իսկ մյուս կողմից, զգուշություն, զսպվածություն, տագնապ ու նաև զզվանք դրանց հանդեպ:

Հ. Բարբիի կարծիքով՝ տեղահանության կազմակերպմանը ու ղեկավարմանը մասնակցել է նաև գերմանացի գնդապետ Ստաղենի, փոխհյուպատոս և թուրքական ավագակախմբերի հետ Համազործակցող Շոյնբերգ-Ռիխտերի և Հրետանու Հրամանատար Շտանգեի, ինչպես նաև շտաբի պետ թուրք Գուղի բեյի մասնակցությամբ ձևավորված խումբ¹:

Երբ Բ. Շաքիրի ավագակախմբերը խժդժություններ սկսեցին էրգրումի Դառիք, Բագիչին, Թարգունի, Հինձք և Զիթու գյուղերում, վերջինների գյուղացիները օգնության խնդրանքով դիմեցին Կարինի բերդի գերմանացի Հրամանատար Պոսիլդ փաշային, որը Հայերին օգնելու փոխարեն թուրքական Հրամանատարությանն առաջարկեց անձիջապես զինաթափել Կարինի և շրջակայքի գորամատում եղած Հայ զինվորներին ու նրանց քշել շինարարական աշխատանքների²:

Էրգրումից երկրորդ՝ Հարուստների, քարավանին Թահաինը խոստացել էր իր օժանդակությունը, որի դիմաց Հայերը վճարեցին 1000 «թրքական Հնչունուկի»: Ավելի մեծ գումարը վճարեցին այն 40 ժանդարմների Համար, «որոնք որպես թե պիտի պաշտպաններն Հայերին մինչև նրանց տեղ հասնելը»³:

Հայերից դրամ, զարդեր և այլևայլ Հարստություններ չորթելու գործում գերմանացիները թուրքերից հետ չեն մնում և այդ անում էին «քաղաքակիրթ եղանակներով»:

¹ Բարբի Ա., նշվ. աշխ., էջ 34:

² Bryce J., նշվ. աշխ., էջ 222:

³ Նույն տեղում, էջ 238-239:

Քեմախի զազրելի ջարդերի ականատեսներից մեկը պատմել է, որ այդ մարդարարի ընթացքում «մեղի մօտեցան քանի մը գերմանացի «գթութեան քոյրեր» ու սկսան քահ-քահ ծիծաղի շատ զուարձալի գտնելով քրիստոնեայ ցեղի անմեղ զաւակներուն այսպիսի զազանային ոչնչացումը»¹:

Էրզրումում, ավելի քան մի ուրիշ տեղ, դրամորվեց գերմանացիների, մասնավորաբար գերմանական զինվորականության երկդիմի վերաբերմունքը Հայկական ջարդերի հանդեպ: Եթե Շոյնբերգ-Ռիխտերի տեղեկագրերում «օրյեկտիվության և սրտացավության դրամորումներով» Բեռլինի քաղաքականության իսկական դեմքը շաղախված էր զանազան դիմակահանդեսներով, ապա գերմանացի սպաների վարքագիծը շատ ավելի որոշակի էր՝ նրանք անվերապահորեն պաշտպանում էին թուրքական հայաջննջ քաղաքականությունը: Գերմանացի սպաները, գրում է ժամանակակիցը, խրախուսում էին իշխանության քաղաքականությունը և իրենք էլ էին մասնակցում կոտորածին: Այսպես, ոմն կապիտան Շիրները հանդիսացավ այն «չեթէներու կազմակերպիչ, որոնք անոր հետ միասին գացին Մոսուլ՝ հայերուն կոտորելու... Ան մորթեց շատ հայեր եւ անձամք իր համար տարաւ երեք հայ աղջիկներ: Մեկներով էրզրումէն՝ Քարլ Վերթը... բոնի կերպով իր հետ տարաւ տեղի հարուստ հայ Զիլինգարեանի աղջկան: Մայոր Սթաշենսքին եւ էրզրումի ամրութիւններու պետ զնդապետ Շթանկէ... օրը ցերեկով իրենց հետ տարին, ինչպէս իրենք կ'ըսէին, որպէս «յիշատակ» մի քանի աղջիկներու, «չնայած անոնց ծնողներու արցունքներուն եւ աղայանքներուն»²:

Դրա փոխարեն, ինչպես 1915-ի հունիսի 30-ին Վաշինգտոն հեռագրեց Հ. Մորգենթաուն, Լեփսիուսն ուներ «հավաստի տեղեկատվություն, որ էրզրումի օկրուգից աքսորված հայերը, մեծ մասամք կանայք և երեխաներ, կոտորվել էին Քեմախի մոտ, երգնկայի ու Խարբերդի միջն... Դոկտորն ուզում է նշված գործը հանձնել Միջազգային կարմիր խաչին, որպեսզի այդ կազմակերպության հետ միասին ստիպի Գերմանիային՝ ազդելու իրավիճակի վրա և վերջ տալու սարսափներին»³:

«Բոնագաղթի սկզբին, - գրում է Շոյնբերգ-Ռիխտերը, - ես բողոք ներկայացրեցի էրզրումի քաղաքացիական և զինվորական իշխանություններին: Ընդ որում, իմ արտահայտություններում մնացի (դեսպանի) հրահանգով նախատեսնվող բարեկամական խորհուրդներ տալու շրջանակներում և հրաժարվեցի որևէ պաշտոնականությունից:

Վալին ընդունեց հայերի հանդեպ բոնությունների, թալանի և սպանությունների վերաբերյալ իմ նկատառումները, սակայն ասաց, որ դրանց պատասխանատվությունն ընկնում է ոչ թե իր, այլ բանակի զիսավոր հրամանատարության վրա, որի ենթակայության տակ է ինքը գտնվում: Հրամանատարը հրամայեց, թե «չնայած ճանապարհները ակնհայտորեն անվտանգ չեն, հայերին տարագրել առանց հոգ տանելու նրանց պաշտպանության մասին»: Դրա հետևանքով հայերին աքսորելու միջոցառումը վերածվեց վրեժինդրության,

¹ Թորլաքեան Մ., Օրերու հետ, Լոս Անձելոս, 1953, էջ 329:

² «Գеноոգրամքն...», ս. 387.

³ Նույն տեղում, էջ 366:

ոչնչացման ու թալանի» գործողությունների: «Թուրք բնակչության լրջմիտ շրջանակների, հատկապես Հողատերերի կողմից նույնպես կոտորածները հավանության չեն արժանանում: Նրանք նկատում են Հայկական հարցի լուծման այս նոր եղանակի պարունակած տնտեսական ու քաղաքական մեծ վտանգը:

Հողագործ թուրքերը հաճախ հարցնում են, թե «ինչո՞ւ գերմանական կառավարությունը թուրքական կառավարությանը մղեց նման գործողությունների... Հարգանք վայելող մի ազգեցիկ բեյ ասաց, որ կարող է և նախկիններում նույնպես հայերի ջարդեր տեղի ունեցել են, սակայն դրանք չատ հաճախ սահմանափակվում էին տղամարդկանց կովով: Ներկայումս, հակառակ Ղուրանի պահանջների, ոչնչացվում են հազարափոր անմեղ կանայք ու երեխաներ: Սա ոչ թե զրոված ժողովրդի աքսոր է, այլ՝ Կոմիտեի կառավարության հրամաններով, հայերի հետևողական ոչնչացում... Թուրքական և հայկական կրթված շրջաններում պատմում էին, թե պրոֆեսոր Ռոհրեալսը կայզերին գեկուցելու ժամանակ մատնանշել է, թե հայերը չատ հարմար տարր են բնակեցնելու Միջագետքի ոչ մարդաշատ տարածքները, որոնցով անցնում է Բաղդադի երկաթուղին: Այս Հիմքի վրա գերմանական կառավարությունը թուրքական կառավարությանը մղեց հայերի աքսորին»: Այս մտայնությունն այն տարիներին չատ տարածված էր թուրքական շրջաններում, և դժվար է հաստատ պնդել՝ դա համոզմո՞ւնք էր, թե՞ Կատարվածի հրեշավորության գիտակցում և դրա մեղքը թուրքիայի վրայից վերցնելու ցանկություն:

Մանավանդ, որ թուրքերի գիտակից մասը քաջ գիտեր, որ հայերի վարքագիծը նման վայրագ վերաբերմունքի որևէ հիմք չէր տալիս:

Շոյնբերգ-Ռիխտերը գրում է. «Իմ կարծիքով՝ նախապես մտածված և նախապատրաստված հայկական ընդհանուր խոռվության իրողությունը հաստատող որևէ ապացույց գոյություն չունի: Օրինակ, էրզրումի վիլայեթում ո՛չ զենք գտան և ո՛չ էլ հայերին մեղադրելու համար պիտանի փաստաթուղթ»:

Եթե այստեղ խոռվություն պլանավորված լիներ, ապա դրա համար ամենահարմար պահը հունվար ամսին էր, երբ ոսւմները կանգնած էին քաղաքից 35 կմ հեռավորության վրա, էրզրումի կայազորում կար ընդամենը մի քանի հարյուր մարդ և դա այն ժամանակ, երբ միայն բանվորական գումարտակներում ընդգրկված էր 3000-4000 հայ: Զարմանալի չէ, որ սեփական կառավարության կողմից ճնշված ու վատ վերաբերմունքի արժանացած և այդ պատճառով այլ ազգության ու հավատի պատկանող սահմանամերձ շրջանների դժգոհ բնակչությունը միանում է հավատակից և հաղթականորեն առաջ շարժվող թշնամու բանակին, որն իրեն ներկայացնում է որպես աղատարար, խոստումներով գրավում է բնակչությանը: Ինձ թվում է, թե դա արժանի է ափսոսանքի, սակայն նաև միանգամայն բնական է: Նման իրողություններ տեղ են գտել նաև ուղարկան գործողությունների մլուս թատերաբեմերում: Սակայն ինձ անբնական և ոչ պարկեշտ է թվում, որ քաղաքակիրթ երևալու հավակնություն ունեցող կառավարությունը որևէ միջոց չի ձեռնարկում կանխելու ժողովրդի իրապես դժգոհ որոշ մասի կանխատեսելի խոռվությունը համապատասխան ուղմական միջոցառումների, կամ քաղաքական բանակցությունների միջոցով:

Հենց նրա անգործությունը, ոստիկանական մարմինների և չեթեների սաղրիչ վարքագիծը այդ ժողովրդին տրամադրում են իր դեմ: Դրանով նա սեփական ժողովրդի լայն շրջաններին դատապարտում է վերածվելու անսանձահարելի զանգվածի, տոգորված ուսայական ատելությունով և «վրիժառության խելահեղությամբ»: Սակայն Հետո նույն այդ կառավարությունը օգտագործում է հարմար պահը, որպեսզի ... ջարդի և բնաջնջի մի ամբողջ ժողովրդի»:

Շոյնբերգ-Ռիխտերը փորձում է սեփական անգորությունը քողարկել իրենից դուրս գոյություն ունեցող հանգամանքներով: Այդպիսի ցանկությունը նրան մղում է տարօրինակ եղրահանգման ոչ թե իրավական վիճակը աղճատելու, այլ ազգամիջյան բախսման միջոցով հանգուցալուծում գտնելու ձգտման առումով:

«Այն, որ այդ ջարդը հնարավոր է,- զրում է նա,- որ տասնյակ հազարավոր հայեր, ինչպես այստեղ եղավ, ոչ մեծ թվով քրդերին ու պարտիզաններին թույլ տվեցին իրենց արյունահեղ հաշվեհարդարի ենթարկել... նույնպես ապացույց է, թե այդ ժողովուրդն իրեն որքան ոչ բավարար մարտունակ և ոչ բավարար հեղափոխական է դրսեռորդում: Հայերը, մասնավորապես, քաղաքաբնակները, մեծ մասամբ ընդունակ առևտրականներ ու ոչ հեռատես քաղաքագետներ են, սակայն, որքանով ես նրանց ուսումնասիրել եմ, չեն հանդիսանում եռանդուն հեղափոխականներ: Սովորաբար ամենուրեք տեղահանությունը ընթացավ առանց որևէ միջաղեպի, քանի որ հայերը աստվածապաշտ հնագանդությամբ թույլ տվեցին իրենց կոտորել...»: Հյուպատոսը նաև փորձում է նեղացնել, անգամ նենգափոխել Հայոց Յեղասպանությունը ծնող պատճառները: Իհարկե, սուրբյեկտիվ գործոնները Մեծ Եղեռնում դեր խաղացել են, սակայն՝ ոչ զիլավոր: Նրա կարծիքով՝ «Երիտթուրքերի տեղական կոմիտեում կա մի ոչ մեծ, բայց մյուսներին ահաբեկող, ստորին մտածողության տեր անձանց խումբ, որը դեկավարվելով անձնական շահերով և շահադիտությամբ, քարոզում է կոտորել հայերին... Այդ մարդկանց համար, «սրբազն պատերազմը» վերածվել է բռնությունների ու կողոպուտի քողի... Դժբախտաբար, կոմիտեի այս կամածելի սաղրիչների ազդեցությունն ավելի ուժեղ է, քան հակառակ վարքագիծ դրսերողներինը... Հայկական Հարցի հանդեպ վերաբերմունքի բնույթը ակնհայտորեն ցույց տվեց, թե ինչպիսի վտանգավոր գործիք է հանդիսանում իշխանությունն այնպիսի մարդկանց ձեռքում, որոնք որևէ պատասխանատվություն չեն զգում, այլ միայն անձնական շահեր են ճանաչում»¹:

Կարինի արևելյան գավառների հայությունը փաստորեն ջարդվեց մի քանի անգամ: Օրինակ, Ժամանակավոր կառավարության 1917 թ. հունիսի 5-ի որոշումից Հետո, որը թույլ էր տալիս արևմտահայերի վերադարձը իրենց նախկին բնակավայրերը, կենդանի մնացածներից շատերը վերադարձան, սակայն 1918 թ. թուրքական հարձակման ժամանակ նրանց մի մասը ոչնչացավ, իսկ մյուս մասը հեռացավ Կովկաս:

«Հայերի ոչնչացման հետևանքով Անատոլիան զրկվեց ամենաարժեքավոր աշխատող ուժից, - շարունակում է հյուպատոսը:- Թուրքերը հայերին փոխա-

¹ R 14088, Zu Ab. 28584.

ըինել չեն կարող նաև այն պատճառով, որ բանակ զորակոչվելու հետևանքով նրանց թիվը պակասել է, իսկ քրդերը մինչև ընտելանային աշխատանքի, տասնամյակներ կանցներ»: Կարծում եմ, ասում է Ռիխտերը, որ «կրթության տեսչող հայ ժողովրդին հնարավոր է կարձ ժամանակում մեր կողմը թեքել գերմանական դպրոցների միջոցով»:

Դրա համար էլ, նաև գործնական նկատառումներով, նպատակահարմար կլիներ բռնագաղթված հայերին թույլատրել վերադառնալու իրենց բնակավայրերը: Հայերի ընդունակությունները հնարավորություն կտան կարձ ժամանակում իրենց ձեռքը վերցնել Մերձավոր Արևելքի տնտեսական կյանքը և խաղաղ հրեաների դերը:

«Հազիվ թե հնարավոր լինի լուծել Հայկական Հարցը հայերին Միջազգետք տարագրելու միջոցով: Նրանք կձգտեն վերադառնալ և այդ կանեն Ռուսաստանի և մյուս տերություններին դիմելու և նրանց աջակցությունն ստանալու միջոցով, ինչը կհանգեցնի Թուրքիայի ներքին գործերին նոր միջամտության»:

Միանգամայն խելամիտ այս դատողությանը հետևում է իմպերիալիստական գիշատչին բնորոշ առաջարկությունը՝ միավորել Հայաստանի երկու մասերը, բայց միավորելու ոչ թե Ռուսաստանի, այլ՝ Թուրքիայի կազմում: Նա գրում է. «Նպատակահարմար է ոռուսական սահմաններին մերձակա շրջանները միավորել Ռուսահայաստանի հետ, որի կենտրոնը կարող է լինել Էջմիածինը: Որոշակի ինքնավարություն տալու դեպքում հայ ժողովուրդն իրեն լավ կզգա և թուրքական արդար կառավարման դեպքում կպահպանի իր մշակութի առանձնահատկությունները, ինչն անհնար է Ռուսաստանում»¹:

Կարինն ու վիլայեթը, մի կողմից, դատարկվում էին հայերից, իսկ մյուս կողմից, բնակեցվում մահմեղականներով: Քաղաքն ու նահանգը ստանում էին բոլորովին այլ տեսք ու բովանդակություն: «1914-ին 215.000 հայ բնակչութիւն հաշուող Կարինը եւ շրջակայքը յեղակործօրէն առեր էին սեւ քղամիղը թրքութեան: Լքուած աւերակոյտի վերածուած տեսք մըն էր ամբողջ նահանգին ունեցածը, որուն հիմա կարօտով կը նայէր ոռուսական սահմանէն Կովկաս անցած իւրաքանչիւր կարինէցի, քղեցի, բարերդցի կամ երզնկացի: Անոնք, որոնք կարող էին հասնիլ Միջազետքի եւ Սուրիոյ անապատները, ցաւով կը յուսային այն օրը, երբ պիտի արդարութիւն ըլլար կոտորակուած, բղկտուած, խորտակուած հայութեան»²:

Երբ ոռուսական բանակը 1916-ին նորից գրավեց Բարձր Հայքը, այն համընդհանուր ավերակ էր: Եկեղեցիները հիմքից քանդած էին: Հարյուրավոր կիլոմետրերի վրա միայն փլատակներ էին: Բարձր Հայքը վիթխարի գերեզմանատուն էր: Ավերակների մեջ երբեմն հանդիպում էին միայն նիհար, զրեթե սատկած կատուներ, չներ: Այդ ամենը թուրքերը հասցրել էին անել մեկ ամսում: Տարել էին ամբողջ բերքն ու անասունը:

Ամբողջ նահանգում հավաքվեց ընդամենը 300-400 հայ, այն էլ՝ միայն կանայք ու երեխաներ: Տղաներից ոմանք փրկվել էին աղջկա հագուստ հագնելով:

¹ Kons/Ankara 176, Ab. Zu, № 2725.

² «Յուշամատեան Մեծ Եղեռնի», էջ 463:

Մի գյուղում գայմագամը հրամայել էր սպանել բոլոր տղա երեխաներին¹:

Թուրքերը մինչև Կարինից հեռանալը հրդեհեցին մի շարք շինություններ (մասնավորապես շուկաները), և «գարերով կուտակված անմաքրությանն ավելացավ այրված տների աղբը»: Ռուսները քաղաք մտնելուց հետո անմիջապես ձեռնամուխ եղան մաքրման աշխատանքներին:

Տեղի գաղթականները բաժանվում են երկու խմբի՝ թուրքական ջարդարարներից հրաշքով փրկված հայեր և ռուսական զորքերի գրաված վայրերից արտաքսված մահմեղականներ՝²:

Մի երկխոսություն հայի և թուրքի միջև Կարինի թեյարաններից մեկում: Հայի խոսքին, թե էրգումն առաջներում գեղեցիկ քաղաք էր, թուրքը պատասխանում է. «Այո՛, հայերու ժամանակ այդպէս եղած է: Բայց ի՞նչ ընենք ... էրգումը վերաշինելու համար հայե՞րը բերենք... Մէյ մըն ալ սա քոմիթաճի Անդրանիկը ... Այդ աւազակը այս կողմերը թիւրք չէ ձգած, ջարդեր է»: Քաղաքում հայ չկա: «Ասոր դիմացը եկեղեցի մը ունէին, հիմա ախոռի եւ միզարանի վերածուած է... Քանդեր ենք բոլորը, պտղատու ծառերն անգամ կտրեր վառեր ենք... որպեսզի հայու հետ չը մնայ...»³:

Ատրպետը «Արմանսկի вестник»-ի 1916 թ. № 14-ում տպագրած «Резня в районе Эрзериума» հոդվածում ներկայացնում է Լարջինգյան քույրերին, որոնք 1915-ի մայիսից ապրել էին էրգումի ամերիկան հյուպատոսարանում, այսինքն՝ սեփական աչքերով էին տեսել եղեռնը: Նրանք գրում էին, որ էրգումի գյուղերից հայերի տարագրությունն սկսվեց 1915 թ. մայիսին: Նրանց բոլորին տարան 10-20 վերատ հեռու և ոչնչացրեցին, բացառությամբ գեղեցիկ կանանց ու երեխաների: Թուրքերը ոչ միայն խլեցին հայերի ունեցվածքն ու անասունները, այլև խաբեությամբ շորթեցին նաև նրանց թաքցրած դրամն ու զարդեղենը: Բոնագաղթն իրականացվում էր հետևյալ նշանաբանով՝ հեռացնել լրտես հայերին և հեղափոխականներին՝ հանուն երկրի անվտանգության:

¹ "Кавказское слово", 31 июля 1916 г.

² "Армянский вестник", 1916, № 12-13.

³ Սահակեան Յ., Հայ դատը, Պէյրութ, 1984, էջ 90:

ՍՎԱԶ - ՍԵԲԱՍՏԻԱ

Սեբաստիան Հայկական ամենամեծ նահանգն էր, հայ հոծ բնակչությամբ, նաև նաև Արևմտյան Հայաստանի ամենաբարեշեն ու խիտ բնակեցված երկրամասն էր: Սեբաստիայի նահանգը Փոքր Հայքն էր: Ուներ չորս սանջակ՝ Սեբաստիա, Թոփսամի, Ամասիա, Շապին Կարահիսար: Վիլայեթում կար 28 կազա, 257 գյուղախումբ և 4761 գյուղ: Միայն Սեբաստիայի սանջակի տարածքը երկուսուկես անգամ ավելի մեծ էր, քան Հայաստանի Հանրապետության ներկայիս տարածքն է: Նահանգը գրաղեցնում էր 83.000 քառ. կմ տարածություն:

1845 թ. նահանգում բնակվում էր 300.000 մարդ: Պատրիարքարանի տվյալներով 1878 թ. վիլայեթում կար 280.000 հայ (առանց Շապին Կարահիսարի, որն այն ժամանակ մտնում էր Տրապիզոնի վիլայեթի մեջ): Վ. Քիններ հենվելով թուրքական վիճակագրության տվյալների վրա, նշում է, որ 1890-ին նահանգում կար 170423 հայ: 1906 թ. թուրքական սալնամեն նշում է 149465 թիվը, իսկ ըստ պատրիարքարանի՝ 1911 թ. միայն Սեբաստիայի սանջակում բնակվում էր 255430 հայ, որից լուսավորչականներ՝ 249201 հոգի: Կարապետ Գաբրիելյանն սանջակի հայ բնակչության թիվը նշում է 192164 հոգի: Թուրքական աղբյուրներով՝ հայերը կազմում էին նահանգի բնակչության 60 տոկոսը: Պատրիարքարանը հայ բնակչության նախապատերազմական շրջանի թիվը նշում է 225.000, իսկ հայոց Ազգային պատվիրակությունը՝ 165.000 հոգի, առանց նահանգի հյուսարձելյան մասի: Մաղաքիա արք. Օրմանյանի տվյալներով՝ նահանգում բնակվում էր 192750, որից Սեբաստիայի սանջակում՝ 86.000 հայ:

Բերված թվերն ասում են, որ Սեբաստիայի նահանգի հայ բնակչության թվի հարցում կարծիքների մեծ բևեռացում կար: Այդ թիվը տատանվում է 180.000-ից 418.000-ի միջև¹:

Մի բան որոշակի էր՝ վիլայեթի բնակչության 38.9 տոկոսը հայ էր, իսկ 26.24 տոկոսը՝ թուրք: Հայերը գրում է Լեփսիհաուսը, «Թուրք շրջաններուն մէջ... ամեն տեղէն գերակշռող են»²:

Սեբաստիա քաղաքում տարագրության նախօրյակին կար 11.500 տուն, որից 7000-ը հայերինն էր: Ոստիկանության տվյալներով՝ 1915 թ. հունիսի 15-ի վիճակով քաղաքում բնակվում էր 47.500 հայ, որի 90 տոկոսը տարագրվեց: Որոշ աղբյուրներում քաղաքի բնակչության թիվը նշվում է 36.000 հոգի, ինչը ճիշտ չէ:

Սեբաստահայերի կենսամակարդակը ոչ միայն վիլայեթում, այլև Արևմտյան Հայաստանում ամենաբարձրն էր:

¹ Արգումանյան Մ., Դարավոր գոյամարտ, Ե., 1989, էջ 378:

² «Der Christliche Orient», 1913 թ. մայիս-հունիս, կամ «Հորիզոն», 26 հունիսի 1913 թ.:

Ֆրանսիայի դեսպանի հանձնարարությամբ թարգմանիչ Մ. Անսուրյանը հայերի տնտեսական վիճակի մասին տեղեկագիր է կազմում (1911–1914 թթ.), ըստ որի՝ Սերաստիայի արհեստավորների և առևտրականների 90 տոկոսը հայ էր: Սերաստիա քաղաքում խանութպան էին 600 հայ և 5 թուրք, մանուֆակտուրատեր՝ 18 հայ, ոչ մի թուրք: Վիլայեթում՝ խանութպան և արհեստավոր էին 6800 հայ, 2550 թուրք, արտահանող առևտրական՝ 127 հայ, 23 թուրք, ներմուծող առևտրական՝ 141 հայ, 13 թուրք, գործարան-արհեստանոցի տեր՝ 170 հայ, 25 թուրք, սեղանավոր՝ 32 հայ, 5 թուրք: Սրանք Գր. Զոհրապի տվյալներն են: Նույն 1913 թ., երբ Փարիզում լույս էր տեսնում նրա գիրքը, Ալեքսանդր Մյասնիկյանը Մոսկվայում կարդացած զասախոսություններից մեկում նշեց, որ Սերաստիայի նահանգում եթե հայերը կազմում էին բնակչության 35 տոկոսը, ապա հայ էր առևտրականների 85 տոկոսը, արհեստավորների 70 տոկոսը, արդյունաբերական արտադրության տերերի 85 տոկոսը²:

Նահանգի 17700 բանվորից հայ էր 14.000-ը:

Թուրքերը մեծամասնություն էին կազմում կալվածատերերի մեջ: Նրանք էին զբաղեցնում քաղաքացիական և զինվորական պաշտոնների մնշող մեծամասնությունը³:

Ինչպես մի քանի այլ քաղաքներում, այնպես էլ Սերաստիայամ, հայերին մեղադրեցին զենքերի՝ հրացանների ու ռումբերի պահեստներ ունենալու համար:

«United Press» թերթը գրում է, որ Սվագում հայերի գեմ սաղրանքներն սկսվեցին 1915-ի սկզբներից: Ավելի քան 1000 մարդ նետվեց բանստ: Քաղաքի հայ բնակչությունը շփոթմունքի մեջ էր, որևէ մեկը չգիտեր, թե վաղն ի՞նչ է կատարվելու իր հետ: Վալին օտարերկրացիներին խորհուրդ էր տալիս հեռանալ Սերաստիայից, այլապես նրանց անվտանգությունը, այդ թվում նաև բանտում չհարձակելը, երաշխավորել չէր կարող:

Բոլորն զգում էին, որ քաղաքը զժրախտ իրադարձությունների շեմին էր, բայց միայն քչերն էին ենթադրում, որ լինելու է հայերի զանգվածային բռնագաղթ⁴:

Սերաստիան այն նահանգներից էր, որտեղ հայերը բնաջնջում էին առանձնակի դաժանությամբ: Վիլայեթը ստացել էր «սև Հողեր» անունը: Երիտթուրքերի հավաքներից մեկում նախագահողը թաքրիր (զեկուցագիր) է ներկայացնում թալեաթին, որում նկարագրված էին հայերի հանդեպ գործադրված դաժանությունները և պահանջվում էր զատաքննություն սկսել տեղական իշխանությունների մի շարք ներկայացուցիչների դեմ: Դիմումում Ռեշիդի, Զեմալ Ազմի, Սարիթի, Աթրֆի, Իբրահիմի հետ միասին նշված էր Սերաստիայի վալի Մուամմերի անունը: Թալեաթը մի կողմ շպրտեց դիմումը, որովհետև դրանում թվարկված ջարդարարները իր դրածոներն ու կամակատարներն էին⁵:

¹ Leart M., *La Question Arménienne à la Lumière des Documents*, Paris, 1913, p. 65-67.

² «Հորիզոն», 25 դեկտեմբերի 1913 թ.:

³ ՀԱԱ. Քաղվածքների Փոնդ, գ. 3, թ. 334:

⁴ Bryce J., նշվ. աշխ., էջ 303:

⁵ «Հայերի ցեղասպանությունը բատ երիտթուրքերի դատավարության փաստաթղթերի», Ե., 1988, էջ 45, «Takvim-i Vekai», № 3540:

Էնվերը 1915 թ. ապրիլին Սեբաստիայով անցնելիս կանգ է առնում Կեմերիկ գյուղաքաղաքում, որի 13.000 բնակչից 10.000-ը հայեր էին: Դահճը հրամայեց ոչնչացնել հայերին Սարիղամիշի «դավաճանության» համար¹:

Ի դեպ, Սարիղամիշում էնվերին գերի ընկնելուց փրկել էին սեբաստացի հարյուրապետ Հ. Ակինյանը և Մ. Զամեյանը:

Սեբաստիա նահանգում ստեղծված գաղթականական հանձնաժողովի 1919 թ. փետրվարի 27-ին կազմած տեղեկագրում նշվում է, որ վիլայեթում հայերի սպանություններն սկսվեցին 1914-ի նոյեմբերին ու շարունակվեցին մինչև 1915-ի մայիսը: Դրանք մինչ բռնագաղթը տեղի ունեցած ջարդերն էին: Նույն տեղեկագիրը վկայում է, որ նահանգում բռնագաղթի հրամանն ստացվեց հունիսի 17-ին²:

Ոչ միայն այս, այլ նաև մի քանի նման վկայություններ հաստատում են, որ տարածված կարծիքը, թե հայերի բնաջնջման գործընթացն ունեցել է համապարփակ ընդգրկումով սխեմա, ճիշտ չէ: Ամենուրեք չէ, որ բռնագաղթը նախորդել է կոտորածին կամ այդ երկուսը միաժամանակ են տեղի ունեցել: Ու նաև այն, որ հայերի զանգվածային ջարդերը մինչև ապրիլի 24-ը ամիսներ շարունակ տեղի են ունեցել ոչ միայն Արևմտյան Հայաստանի արևելյան, այլև արևմտյան նահանգներում:

Սեբաստիան նաև այն նահանգն էր, որտեղ հայերի տարագրությունը կազմակերպվեց շատ արագ: Անթալիայի մութեսարիֆին Բ. Շաքիրի ուղարկած հայտնի ծածկագրում այն նահանգների թվում (էրզրում, Վան, Բիթլիս, Դիարբեքիր, Տրապիզոն), որտեղ «ոչ մի հայ չէր մնացել և բոլորն արտաքսվել էին Մոսուլի և [Դեր] Զորի կողմերը», նշվում է նաև Սեբաստիան³:

Ղանի բյի՛ Սեբաստիայում երիտթուրքերի պատասխանատու ներկայացուցի, կարգադրությամբ էր, որ օգոստոսի 6-ին կարգաշարի ձորում Յողղատի առաջին քարավանի 472 տղամարդու կոտորեցին ու նետեցին գետը⁴: Նույն քարավանի կոտորածին մասնակցեց նաև Մուամմերի ուղարկած հրոսակախումբը: Դահճները չորսական հայի միջյանց կապեցին, նախ կողոպտեցին, ապա սպաննեցին⁵:

Յողղատի փոխմութեսարիք Քեմալը հոխորտացել էր. «Մենք հայերին բնաջնջելու որոշակի հրաման ունինք եւ որեւէ մէկի վրայ ուշադրութիւն չենք դարձնելու. Մուամմերին, Ռեշիդին եւ ինձ որոշակի հրաման է տրուած եւ որեւէ այլ հրաման չեմ ընդունում»⁶:

Սեբաստիայի հայության բռնագաղթին և բնաջնջմանը Կ. Պոլսում առանձնահատուկ նշանակություն էին տալիս: Կոտորածը ղեկավարում էին նաև Բ. Շաքիրին ու Յ-րդ բանակի հրամանատար Քյամիլը: Վերջիններիս նախաձեռնու-

¹ Թիւրքապեան Յ., Դրուագներ հայկական եղեռնէն եւ վերաճնունդ. 1915 թ. ջարդերու մասին տեղեկագիրներ եւրոպական, ամերիկեան եւ հայկական աղբիւրներու. Փարիզ, 1946, էջ 90-92:

² Այս փաստաթուղթը պահպամ է Փարիզում, Նուրարյան գրադարանում:

³ «Հայերի ցեղասպանությունը...», էջ 47: Երիտթուրքերի դատավարության, Հարցաքննությունների թղթապահնակ, էջ 44:

⁴ «Ժամանակ», 6 մարտի 1919 թ.:

⁵ Դե, Հ., 519:

⁶ «Ժամանակ», 12 փետրվարի 1919 թ.:

թյամբ առաջին աշխարհամարտի նախօրեից սկսած վիլայեթի ղեկավար կաղ-
րերի կազմը գրեթե ամբողջությամբ «թարմացվեց»:

Այդ փոփոխությունները կապված էին նաև 1913 թ. երիտթուրքական պե-
տական հեղաշրջման և իթթիհաղի կուսակցական բռնապետության հաստատ-
ման հետ: Պետական պաշտոններում աշխատանքի առաջ քաշվեցին արմատա-
կան իթթիհաղականներ, այլամերժներ, վրիժառու կաղրեր՝ հիմնականում սեր-
ված Ռումելիայից:

Այդպիսի հայատյացներից էր Մուամմերը (Մուամմար), որը Սերաստիայի
վալի նշանակվեց 1913 թ. մարտի 16-ին: Նրան կնքել էին «օձ ու կարիճ» մա-
կանունով: Մուամմերը սիրում էր ասել, «եթե Սերաստիան Աղանայեն գեշ
չընեմ, փուփ թող ըլլայ անունս»¹: «Հայ ժողովուրդին արիւնը գաւաթ առ
գաւաթ խմելով էր հարբում»²:

Մուամմերը նույնպես Մալթա աքսորված երիտթուրքական գործիչներից
էր, բայց հաջողացրեց փախչել ու անհետանալ:

Նույնանման արյունարբու հայատյաց էր կաղ Աբդուլ Ղանին, որին Կ. Պոլ-
սից 1914 թ. նոյեմբերին ուղարկեցին իթթիհաղի Սերաստիայի կոմիտեի ղեկա-
վար: Նա իր հետ բերեց տեղահանության հրամանը: Սերաստիայի հայության
դահիճների ղեկավարներն էին նաև 10-րդ գնդի հրամանատար Փեթեն, երես-
փոխաններ՝ Ֆազրլը, Ռահիմը, Մ. Մութենելիզաղեն, Զաջի Էմինը, ժանդարմների
պետ Խալիլը, ժանդարմերիայի հազարապետ Շեֆիզը, «Թեշքիլաթի» ղեկավար
Խալիսը, մութեսարիֆներ ու գայմագայմներ Մ. Լյութֆի, Ահմեդ, Զասան-Հյուս-
նի, Իբրահիմ, ուազմական դատարանի նախագահ Մ. Սարրի, ոստիկանապետ
Ռիֆաթ:

Նրանց հետ համերաշխ էին Սերաստիայում Գերմանիայի Հյուպատոս Կ.
Վերթն ու գերմանացի զինվորականները³:

1914 թ. օգոստոսին սկսվեց զորահավաքը, բանակ զորակոչվեցին անզամ
դեռահասները, որոնք այլևս չվերադարձան⁴: Սերաստիայում նույնպես՝ բռնա-
գրավումները տնտեսական կյանքն ավերեցին, հայության լայն գանգվածներին
թշվառության մատնեցին: Այստեղ նույնպես՝ հայերին զինաթափեցին: Զենքեր
բռնագրավողները հայերի աչքի առաջ դրանք վաճառում էին մահմեղա-
կաններին:

Մուամմերի հրամանով՝ նահանգի դատախազը 1914 թ. նոյեմբերին Բինկ-
յանի բանտից ազատ արձակեց 124 ոճրագործի: Հանցագործներ ազատ ար-
ձակվեցին նաև ուրիշ բանտերից: Նրանցից կազմվեցին ավագակախմբեր՝
հայերին ոչնչացնելու համար:

1914 թ. վերջերին մեծ թվով սերաստացիներ քշվեցին հարկադիր աշխա-
տանքի և կոտորվեցին: Ոչնչացվեցին նաև բազմաթիվ հայ զինվորականներ:

1915 թ. փետրվարի 3-ին, Բ. Շաքիրի հրամանով բանտերից հանված հան-
ցագործների մի հրոսակախումբ հարձակվում է Ալիս հայկական գյուղի վրա,

¹ Աբգումանյան Մ., նշվ. աշխ., էջ 379:

² «Յուշամատեան Մեծ Եղեռնի», էջ 370:

³ Bryce J., նշվ. աշխ., էջ 82:

⁴ Նույն տեղում, էջ 2-3:

բայց հակահարված է ստանում: Ավագակներին օգնության են հասնում զորքերը: Գյուղի հայությունը ջարդվում է:

Սեբաստիայում նույնպես իրականացվեցին բռնագրավումներ: Բռնագրավվեցին վանքեր, եկեղեցիներ, հիվանդանոցներ, գործարաններ, ջրաղացներ, մեծ տներ: Էրդրումից Սեբաստիա տեղափոխված Սանասարյան վարժարանի համար բերված շինանյութերով և հայոց գերեզմանատան քարերով ու հայ վարպետների ու բանվորների ձրի աշխատանքով կառուցեցին թուրքական հիվանդանոց և զորանոց:

Զորակոչեցին մինչև 45 տարեկան, 110 սանտիմետրից բարձր հասակ ունեցող բոլոր արական սեռի հայերին: Դրանց մեջ պատահում էին նաև 10-12 տարեկաններ: Զորակոչվածներից փրկվեցին միայն արհեստավորներն ու իսլամացածները: Սակայն, երբ վերջիններիս թիվը մեծացավ, հայտարարեցին, թե «Ճեննէթին մէջ իսլամացման տոկոսը փակուած է»¹:

Ազգային պաշտպանության անունով հանձնաժողովը (Հ. Սուկեյման, Ջ. Բեկիր, Ա. Սարիի, Հ. Մուստաֆա) մի անգամ էլ՝ խանութներում եղած ապրանքները հաշվառեց և դրանց մի մասը բաժանեց թուրքերին:

Դեկտեմբերի 18-ին Սահակ ծ. վրդ. Օղաքայանը, որը Մուսամմերի երաշխավորությամբ նշանակվել էր երգնկայի առաջնորդ, չեթեների մի խմբի կողմից (Զառացի Մահիր, Խալիս, Էթհեմ, Ալի) ճանապարհին սպանվում է: Լուր տարածվեց, թե հայերը թունավորել էին թուրք զինվորների հացը:

Նույն դեկտեմբերին, Սարիդամիշի պարտությունից հետո, զինաթափեցին հայ զինվորներին և որոշ ժամանակ անց թաքուն սպաննեցին:

Հայերին զինաթափելու համար թուրքերը գործադրեցին առավել զաժան միջոցներ՝ Խուրախոն զյուղում մի մարդու գործածեցին որպես ձի, երկու հոգու ստիպեցին իրենք իրենց սպաննել:

1915-ի փետրվարի 2-ին բռնագրավեցին հոչակավոր Ս. Նշան վանքը: Մարտի 6-ին կախաղան հանվեցին կուրինցի վեց հայեր, իբրև դասալիքներ: Ճանապարհներին սպանվեցին շատ անգեն զինակոչիկներ՝ «փախչելու փորձի համար»:

Նահանգի իշխանությունը նախապես կազմել էր հայերի ընդհանուր մահացանկը:

Մարտի 15-ին ձերբակալվեց 40 հայ գործիչ, որոնց 40 օր բանտում պահելուց հետո, Մուսամմերի հրամանով գնդակահարեցին Յողղատի ճանապարհին՝ Մաշատլար Յերի վայրում:

Հայերի ապստամբությունը կանխելու պատրվակով ապրիլի վերջերից սկսած զորքերը շրջափակեցին քաղաքի հայկական թաղերը և ձերբակալեցին 500 մտավորական, որոնց մի մասին խումբ-խումբ գնդակահարեցին Ալիս գետի ափին՝ Փաշա Զայիր վայրում: Կախաղան հանվածների թվում էին Բ. Դարրինյանը, Գորու Նշանը, Բիձա Մկրտիչը: Հունիսի 3-ին ձերբակալվեց 3500, նույն ամսի 11-ին՝ շուրջ 600 հայ և գնդակահարվեց Մայրագոմի Ղարլը վայրում՝

¹ «Յուշամատեան Մեծ Եղեռնի», էջ 370:

Մուամմերի ներկայությամբ: Տնային կալանքի ենթարկեցին եպիսկոպոս Գ. Գալեմքերյանին:

Սկսեցին այս ու այն կողմ ցրել Հայ գինվորներին: Օրինակ՝ Թոխաթի ամելեղին վորներին տարան Թոնուով կամ Սեբաստիայի մոտերքը, իսկ Սեբաստիայից ուղարկում էին Ղանղալ կամ Թոխաթ, Ամասիայից՝ Նիկոսիա, այսինքն՝ աշխատանքային վաշտերը հեռացնում էին իրենց ծննդավայրերից ու մեկուսացնում:

Հունիսի 2-ին սպանեցին Թոխաթի առաջնորդ Շավարշ ծ. վրդ. Սահակյանին: Սպանությունն իրականացրել էին չեթեները՝ Մուամմերի հրամանով: Հաջորդ օրն սկսվեցին Սեբաստիայի և մերձակա բնակավայրերի Հայ բնակչության զանգվածային բանտարկությունները: Տասն օրում բանտ նետվեց 5000 մարդ: Սեբաստիա բերվեցին գավառների երևելի անձինք: Բանտերին հատկացված շենքերը, մի կողմից, սպանություններով դատարկվում էին, իսկ մյուս կողմից, նոր ձերբակալություններով լցվում: Սեբաստիայում ոչնչացվեցին ոչ միայն այդ նահանգի, այս անգամ Անկարայի նահանգի Յոզղատի 500 հայեր՝ առաջնորդ Ներսես եպիսկ. Դանիելյանի հետ: Նրանց սպանեցին Դաշլը Դերե վայրում:

Սեբաստացի Մուրադ. – Սեբաստիայի քաղաքական և ուղղմական գործիչների շարքում, իհարկե, ամենանշանավորը Սեբաստացի Մուրադն էր, որը ծնվել է Կովուն գյուղաքաղաքում 1874 թվին:

Մուրադն Հայուկային կյանքի փառավոր ուղի էր անցել: Նա Սասունի 1904 թ. ինքնապաշտպանական կոփիների ղեկավարներից էր: Մի տարի անց Սյունիքում ղեկավարեց Հայերի ուղղմական գործողությունները Հայ-թաթարական կոփիներում: Երբ հոչակվեց օսմանյան սահմանադրությունը, Մուրադը դրա երիտմուրքական նշանակությանը չհավատաց, գնաց Սեբաստիա և ղեկավարեց ինքնապաշտպանության գործը: 1913 թ. նա Մուամմերի ներկայությամբ Հայտարարեց. «Իթմիհազը չէ շեղած սուլթաններու քաղաքականութենէն...»: Մուամմերը փորձեց Զերքեզ Ահմեդի միջոցով նրան սպանել, բայց ձախողվեց:

Երբ Սարիղամիշի ճակատամարտից հետո Էնվերն անցնում էր Սեբաստիայով, Մուրադը նրան ասում է. «Փաշա', ինչպես որ մենք՝ թիւրքահայերս կը կատարենք մեր պարտականութիւնը օսմաննեան Հայրենիքի հանդէպ, նոյնպէս ուսասահայերն ալ ստիպուած են կատարել իրենց պարտքը ուսւ պետութեան նկատմամբ»: Էնվերը պատասխանում է՝ «Թիւրքահայերն ալ կամաւորներ ունեին, որոնցմէ մեր ձեռքը գերի ինկածներ ալ կան... Վստա՛՛ եղէք, շատ խիստ պիտի պատժուիք»¹:

Երբ նահանգում սկսվեց կուսակցական գործիչների ձերբակալությունը, ամենից առաջ փորձեցին Մուրադին ձերբակալել, բայց ձախողվեցին: Մուրադը յոթ հոգով բարձրացավ Ղավրազ լեռը: Նա նամակ գրեց իրենց գյուղի Հայրենասեր գործիչներին և օգնություն խնդրեց, որովհետև իշխանությունները տեղի գինվորական ուժերին, ոստիկանությանն ու ժանդարմերիային ոտի էին հանել նրան բոնելու: Մուրադի օգնության կանչին նրա համախոհները բանտից պատասխանեցին. «Քաղաքը պաշարուած է, որեւէ օգնութիւն հասցնելու հնա-

¹ Գանգրունի Հ., նշվ. աշխ., էջ 293:

բաւորության չկայ, հաւանաբար այս պատասխանը քեզի հասնելու պահին մենք մեռած ըլլանք»¹:

Նյու-Յորքի «The New Armenia» թերթը 1916 թ. մարտի 1-ին անդրադառնալով Մուրադի փախուստին, գրում է, որ նա հայրենի գյուղ վերադարձավ 1914 թ. դեկտեմբերին: Բայց այն, ինչ տեսավ ու լսեց, նրան հավասարակշռությունից հանեց: Մեկնեց Սեբաստիա՝ տեղեկատվություն ստանալու համար: Բոլորին տարել, ոչնչացրել էին: Վերադարձավ ու մի խումբ մարտիկների հետ գյուղից հեռացավ: Նա լեռան բարձունքից սեփական աչքերով տեսավ իր հարազատ գյուղի բնակիչների և իր ընտանիքի բոնագաղթը: Սահար սարում թուրքական հեծյալ զորքերը նրան շրջապատեցին, բայց Մուրադը կարողացավ ծուղակից դուրս գալ: Նա ծանր վիրավոր պառկած էր Խանճախ գյուղում, երբ լուր բերեցին, որ թուրքական մեծ ուժեր են զալիս: Խնդրեց իրեն տեղափոխել լեռան գագաթը, որտեղ նա մտավ անտառ ու անհետացավ: Թուրքերը կեղծ լուր տարածեցին, թե Մուրադի խմբում 1000 մարդ կար: Նրան բռնելու համար դրամական պարզե նշանակեցին: Մուրադը 1915-ի աշնանը շարժվեց Սամսոնի ուղղությամբ²: Նրան միացավ ևս 10 հոգի:

Դժվարությամբ հասնում է Բաթումի: 1916-ին ձեռնամուխ եղավ որբահավաքությանը: Զոհվեց 1918 թվին Բաքվում, երբ կովում էր կոմունայի բանակի շարքերում:

Սեբաստիայի հայ գյուղացիության ջարդերը, յաթաղանի դեմ հայ մարդու պայքարը պարզաբանելու համար անգնահատելի նյութ է պարունակում Սեբաստիա (Խրիմյան) Մուրադի օրագիրը: Ինքը՝ Մուրադը, առանձնահատուկ երևույթ է արևմտահայության ազատագրական պայքարի գործիչների համաստեղության մեջ: Նա ինքնատիպ, առաջին հայացքից հակասական գործիչ էր: Գնաց մեռնելու ռուսների շրջապատում, բայց նաև գրում էր. «Հայերուս ապիկարութիւնը ալ այս է, որ այս պատերազմին ռուսաց կողմը բռնեցին եւ մասնակցեցան բացարձակ կերպով: Սխալ էր: Թէ՛ Թիւրքիան եւ թէ՛ մենք չէզոք մնալու էինք, որպէսզի մեր գոյութիւնը պահպանէինք... Ռուսիան հայի գոյութիւնը չի ուղեր: Ազգերն իրենց անկախութիւնը կը կորսնցնեն խելքի պակասութենէն»³:

Մուրադն օժտված էր բացառիկ բարեմասնություններով, ահաբեկիչ էր, բայց նաև պետական մտածողության տեր վիթխարի անհատականություն:

Ուներ տեսնելու, զգալու հազվադեպ տաղանդ: Նրա օրագիրը կյանքի ոչ թե «իմի» դիրքերից դիտարկում է, այլ մարդասերի ափսոսանք, մարդկային առաքինության առջև ծնկադրություն:

Պատմում է դեռահաս օրիորդի՝ Խանումի մասին, որն ականատես լինելով իր յոթ եղբայրների վայրագ սպանությանը, անմիջապես կտրում է իր երկար հյուսքերը, հագնում տղամարդու հագուստ և հինգ ընկերների հետ փակվում քարայրում: Ջրի գնացող նրա ընկերներն ընկնում են հրացանային կրակի տակ:

¹ Ղազարեան Հ., նշվ. աշխ., էջ 93:

² Bryce J., նշվ. աշխ., էջ 317-318:

³ Եսայեան Զ., Մուրադի ճամփորդութիւնը, Ե., 1990, էջ 8:

Խանումը նետվում է գետակը և կրակահերթով պաշտպանում նրանց: «Երկու ժամ կոփէն վերջ,- Հիանում է Մուրաղը,- կը զարնուի Հինգ տեղէն ու կ'իյնայ անշացած: Պատիւ ու յարգանք քեզ, Հերոսուհի!»¹:

Դեմ էր Հիմնավորված «քաջություններին», բայց նաև համոզված, թե «ժողովուրդ մը, որ ինքինքը պաշտպանելու միջոցներ չունի եւ ոչ էլ քաջութիւն դիմադրելու, միշտ ենթակայ է ջարդուելու...»²:

Տաք էր, բոնկուն, բայց նաև հաշվենկատ: Ականատեսն էր հայերի նկատմամբ քրդերի բոնությունների, բայց իրեն նվիրեց հայ-քրդական համագործակցության ձեւավորման պայքարին:

Ահեղ երեսով էր: Ո՞չ բանակ ուներ և ո՞չ էլ իշխանություն, բայց իշխանավոր էր: Նույնիսկ այնպիսի հայատյաց արյունախում, ինչպիսին Մուամմերն էր՝ ընկրկում էր նրա խոսքի առաջ: Նրան սիրաշահում էր անզամ ինքը՝ էնվերը:

Պատահական չէ, որ երբ երիտթուրքերը գործողության մեջ դրեցին իրենց հայասպան ծրագիրը, նախ ձգտեցին «Հեղոքացնել» երկու Մուրաղներին՝ Մեծ Մուրաղին և Սերաստացի Մուրաղին:

Երկրորդ Մուրաղը հարկադրված եղավ հեռանալ իր հայրենի Կովտունից և սկսել մի ողիսական, որ պատիվ կրերի մարդկությանը հայտնի ամենախիզախս գործիչներին: Մարտերի ու թափառումների երկարաձիգ ամիսներին նա սեփական աչքերով տեսավ հայ ժողովրդի նահատակվելը և ամեն օր, ամեն ժամ առասպելական արդար վրիժառուին վայել խիզախությամբ ու հնարամտությամբ ոչնչացրեց դահճճներին:

Նրա այդ ողիսականը Սերաստիայից մինչև Սև ծով նաև հանդիսացավ թուրքական վայրագություններին ականատես լինելու մի տանջալից գողգոթա:

Թուրքական իշխանությունները նրան ոչնչացնելու համար ոտի էին հանել մեծաթիվ ոստիկանական և զինվորական ուժեր, քրդերի ու թուրքերի: «Կառավարութիւնը խիստ հրամաններ եւ ոստիկաններ արձակած էր ամեն կողմ. գիւղերը պաշարուած էին եւ լեռան ձամբաները՝ բոնուած: Կառավարութիւնը յայտարարած էր, որտեղ որ զիս եւ իմ խումբս գտնային, գիւղը ոչնչացնել եւ ետքը, խոտերը անզամ պիտի հրդեհէին»: Բայց անզամ այդ դաժան սպառնալիքն անզոր գտնվեց հետ պահելու հարյուրավոր մարդկանց ապաստան տալու, սնելու, հոգալու իր առասպելական հերոսի ու նրա մարտական խմբի կարիքները, հարկ եղած դեպքում նրանց թաքցնել, հետախուզության գնալ, նրանց կողքին կովի մեջ մտնել:

Մուրաղի փախուստից հետո Կովտունում ձերբակալում են 12 հոգու, որոնց օրական գավաղանի 120 հարված էին հասցնում Մուրաղի տեղը հայտնելու համար: Ապարդյուն: Խոշտանգվողները մինչև վերջ լուեցին:

Ասում են, թե լուսապսակ ունեցողները երջանիկ են բոլոր առումներով: «Իմ մասին երբեք մի՛ մտածեր,- զրում է Մուրաղի կինը,- ես ինքինքս կը սպաննեմ: Խնդրեմ գրէ՛ դեղագործին, որ ինծի քիչ մը թոյն տայ»: Եվ զրում է՝

¹ Եսայեան Զ., նշվ. աշխ., էջ 10:

² Նույն տեղում, էջ 11:

Հավատալով կնոջ ճակատագրական նվիրվածությանը: Մանր հիվանդացավ, իսկ թշնամին քայլ առ քայլ հետապնդում էր: Ընկերները պատզարակ են պատրաստում և ուսերի վրա պահած էին նրան տանում:

Իսկ գյուղերից ստացված լուրերը մեկը մեկից ողբերգական էին ու սահմոկեցուցիչ: Տուղասարը «պաշարուած է, անդադար հրացանաձգութիւն կ'ընեն գիւղին վրայ եւ տուղասարցիները կ'ենթարկեն սոսկալի չարչարանքի: Կառվայ գիւղին մէջ կիները կը բռնաբարեն... Արիկ քահանային ոտքերը եւ թեւերը ջախջախուած են եւ գիւղացիք կը խնդրեն, որ գէնք մը ճարէք տաք, որպէսզի զինուորներուն յանձնեն եւ հանգստանան ու Խոռիսոն գիւղն ալ աւերած էին եւ քանի մը մարդ սպաննել»: Սպանեցին նաև Մուրադի մեծ եղբորը և «վիրաւոր վիճակի մէջ տարեր թաղեր էին աղբանոց մը եւ հոն ենթարկեր էին ամեն տեսակ տանջանքի»: Խարվազ գյուղում մի օրում սպանել էին ութ հայե:

Մուրադի խմբին Հայկի գոմերում ոստիկանները շրջապատում են: Մուրադը չնայած դեռ չէր ապաքինվել, գոմից դուրս է գալիս և թշնամու կրակի տակ բարձրանում է սարը: Ապա շուր է գալիս ու կրակ բացում: Երեք հոգի գետին գլորվում են, իսկ մյուսները փախչում են: Լուրն իսկույն հասնում է Սեյֆե և Սեբաստիա: Մուրադի դեմ ուղարկվում է 140 զինվոր և ոստիկան: Բայց նրան այդպես էլ չեն գտնում:

Երբ այդ կովի լուրը հասնում է Մուրադի կնոջը՝ նա ամուսնուն գրում է. «Ուրախութեանս սահման չկայ կոռոի յաջողութեանդ համար: Ոստիկանները գիշեր ցերեկ կը հսկեն մեր տանը վրայ, բայց անհո՛գ եղիր, քու զաւակներդ լաւ կը պահեմ»:

Զառայի գայմագամությունում մահմեղականներին թույլատրել էին հայ գյուղացիների ունեցվածքը ոչնչացնել: Կոթնի գյուղում ամենուրեք ոստիկաններ էին. «սայլով դիակներ կը բերէին, ասոնք սպաննուած հայեր էին... Գիւղը մնացած էին չորս այր մարդ միայն»: Հայ դասալիք զինվորները պատմեցին, թե «ինչպէս կը սպաննեն ճամբաններու վրայ աշխատող հայ զինուորները: Գիշեր էր արդէն... երբ մէկալ երեք կիներ, ներս մտան», մեզ կերակուր էին բերել:

Խորսան գյուղում Հարություն անունով մի երիտասարդի խոշտանգում են՝ աքցանով միսր պոկում, պայտում, որպեսզի ասի Մուրադի թաքստոցը: Տղան ոչ միայն հրաժարվում է ասել, այլև սկսում է հայՀոյել թուրքերին ու նրանց կրոնը: Նրան չսպանեցին և շարունակեցին խոշտանգել այնքան, որ այլևս ուժ չունեին և Հարությունը դրանից օգտվելով դուրս թռավ տնից ու անհետացավ: Նույն գյուղի տանուտեր Նիկոլի ատամները քաշել էին, թևերը ջարդել: Գյուղից տարել էին 46 մարդ: «Մաթերէի մօտիկ սպաններ էին՝ չաթալ չեքիճով»: Տղաներից մեկը կապանքից պոկվել, հարձակվել էր ոստիկաններից մեկի վրա և կծել կոկորդը: Այդ «տղուն մատները, ձեռքերը մաս-մաս կտրելով, սպաներ էին»: Խուժանը 140 հոգի էր, որոնց մի մասը վալու հեծյալներն էին: Սպանեցին Խառվազում 25, Տաղասարում 32, Կովտունում 42 հոգու: Պատկերը նույնն էր հայկական բոլոր գյուղերում:

Ոստիկանները հանկարծակի հայտնվում են գյուղում ու կանգ առնում այն շինության դռանը, որտեղ թաքնված էր Մուրադի խումբը: Վիճակն անելանելի

Էր: Բայց մոտենում է մի երիտասարդ կին ու ոստիկաններին ճաշի հրավիրում, այդպիսով փրկում Հայոցուկներին:

Պատրին գյուղում էին Մեհրալի անունով քուրդ ավագակապետն ու նրա եղբայր Ալին: Մեհրալին 1877-78 թթ. պատերազմի ժամանակ Բաքերդի, Դերջանի, Երզնկայի շատ գյուղեր ավերելուց հետո Հաստատվել էր այդ գյուղում, տիրացել Հայերի Հողերին և նրանց դաժանորեն չահագործում էր: Ավագակ էր նաև Ալին, որը կառավարական փոստը կողոպտելուց հետո փաշայի տիտղոսի էր արժանացել:

Մուրադի խումբն այդ գյուղում լինում է այն օրերին, երբ թուրքական իշխանությունները եղեռնից վերապրած Հայերին խարեւությամբ որսալու համար «ներում էին Հայտարարել»:

Մուրադը նկատում է, որ մերձակա սարով 500 հոգանոց քարավան է անցնում: Պարզվում է, որ Կովտունից տարագրվածներն էին: Անմիջապես մոտենում են քարավանին: Սակայն որևէ բան անել չեն կարողանում: Մուրադը հաջորդ օրն իմանում է, որ քարավանում է եղել նաև իր մայրը: Կովտունցիներին տարագրեցին երեք քարավանով: Մուրադը գրում է, թե ինքն այդ օրը լիապես համացավ, որ կատարվածը «ընդհանուր Հայկական հալածանքներու ծրագիր մըն էր, որ կը գործադրէին»: Նրա մտքի մեջ զծագրվեց այդ ծրագրի ամբողջ փիզիոգիան. «Մարդիկը նախապէս ձերբակալուած, գէնքերը գրաւուած էին. գիւղը մնացեր էին միայն պատանիներ, անոնք ալ փախստական վիճակի մէջ», իսկ մնացածներին տեղահանում էին¹: Նա իր ընկերների հետ բարձունքից դիտում էր անցնող քարավանները: «Ետ կը բերէին խումբ-խումբ Հայեր ոստիկաններով շրջապատուած ... Ետքը իմացանք, որ կ'առաջնորդէին դէպի ձորերը եւ հոն կը սպաննէին»:

Անցան նաև քաղաքից տարագրվածները. «Զի կարելի բացատրել, թէ ինչպէս կը թալլէին այդ խեղճերը եւ կը չարչարէին: Տասը տարեկանէ վեր գտնուող տղամարդիկը բաժնուած էին եւ տարած ուրիշ ուղղութեամբ... Մենք մեր աչքովը կը տեսնէինք գրեթէ խմբական սպանութիւններ եւ առանձին սարսափելի ոճիրներ»²: Անզեն ու անպաշտպան ժողովրդին թափում էին ճանապարհներին: «Դրացի վայրերէ խուժանը կու գար, կը թալլէր զիրենք: Ժողովուրդին ճիշը, աղաղակը, լացը եւ հեծեծանքը կը բռնէր արար աշխարհ... Քանի անգամ ապարդիւն կերպով ուղեցի գիտնալ, թե կինս ու երեխաներս ո՞ր խումբին մէջ էին...»³:

Մուրադը պատմում է նաև մի ղեպքի մասին, որը նույնպես վկայում է թե թուրքական իշխանություններն ինչպես էին բթացրել մահմեդական ժողովրդի ուղեղը: Նրա խմբի գերի վերցրած մի ոստիկան այն հարցին, թե այս կողմերում «զյավուրներ մնացե՞լ են», պատասխանեց. «Ո՛չ»: «Կեավուրը կատղած է, Վան, Մուշ եւ Զէյթուն իսլամ չի թողուցին, մենք ալ պիտի զիրենք բնաջինջ

¹ Եսաեան Զ., նշվ. աշխ., էջ 46:

² Նույն տեղում, էջ 47:

³ Նույն տեղում, էջ 48:

ընենք»¹: Զիմանալով իրենց բռնողների ինքնությունը, ոստիկանները մանրամասը պատմեցին, թե «Հայերը մեծ խումբերով կը տանէին եւ ձորերու մէջ կը սպաննեին»:

Մի երիտասարդ Մուրադին խնդրում է խմբում պահել իր երկու քրոջն ու Հորեղբոր դատերը, այլապես քրդերը նրանց կառևանգեին: Նրա Հայրն ու Հորեղբայրը սպանված էին, իսկ մյուս Հորեղբայրը ողջ էր մնացել, մահմեղականություն ընդունելով:

Հայ զինվորներից մեկը ճանապարհի վրա աշխատելիս անցնող քարավանի մեջ նկատում է իր կնոջը և գնում ու փաթաթվում է նրան: Ժանդարմը երկուսին էլ զնդակահար է անում: «Այդպես կային Հազարներ, Հարիւր Հազարներ ասդին, անդին զարնուած եւ թաղուած»²:

«...Ճամբուն վրայ կար 5000 Հոգիէ բաղկացած ժողովուրդ մը, զատեր էին այրերը եւ երեխանները եւ, անոնք իրարու կապելով, շղթայ մը կազմած էին. Կէոչուորներուն դիմաց նստեցուցած՝ մէկ-մէկ կը զարնէին, եւ ով որ Հրացանի գնդակէն ողջ կը մնար, Կ'երթային, քարով զլուխը կը ջախջախէին,... իսկ իրենց կարգին, մահուան սպասող կապկապուած զոհերը աղիողորմ ճիշեր կ'արձակէին»³:

«Երեկոեան,- շարունակում է Մուրադը,- թիւրք ոստիկաններու տարագով ձերբակալեցինք երեք ոճագործներ եւ առաջարկեցինք, որ մեզի բերեն մէկ քանի կեավուր կիներ:

- Անթիւ են,- ըսին,- եւ ինչ կիներ... Կան, որ կը խօսին ֆրանսերէն, անգլերէն...»: Ապա պատմեցին իրենց «Քաջազործությունների» մասին, թե ինչպես են «Քարերով ջախջախսեր մահամերձներու զլուխները»⁴:

Մուրադին լուր են բերում, որ նախորդ օրվա քարավանում եղել է նաև նրա կինը՝ «Ապակած սայլի վրայ: Ոստիկանները Հարցուցեր են, թէ ո՞րն է Մուրադի կինը»: Որպեսզի փրկեն նրան ժողովուրդը պատասխանել է, թե նա հետո է գալու:

Ծարվա գյուղից Խանում անունով մի 18-ամյա աղջկա յոթ եղբայրներին սպանել էին, և աղջիկը խնդրում էր մտնել Մուրադի ջոկատը՝ նրանց վրեժը լուծելու համար: Խանումը Մուրադի կողքին նստած էր, երբ կոփկ սկսվեց Հայդուկների ու ժանդարմների միջև: Մազերը կտրած, տղամարդու շորեր Հազած Խանում Շահինյանը խկույն Հասնում է կովի վայրը, դիրք է գրավում առվի մեջ ու կրակ բացում թուրքերի վրա: Նա ծանր վիրավոր ընկնում է:

Մարտից Հետո 40 Հոգանոց ժանդարմական ջոկատը սկսում է կողոպտել զոհված Հայերի դիակները: Մուրադի խումբն ականատես եղավ Սամսոնի, Մարդկանի, Թոխաթի, Կեսարիայի, Կիրասոնի Հայերի տարագրությանը: Ղազը Մազրայի փախստականները պատմեցին, թե ոստիկաններն ինչպես դհոլ զուռնայով, Հրացանային Համազարկերով տարել էին «իրենց Հաւնած Հարսերն ու աղջիկները»:

¹ Եսաեան Զ., նշվ. աշխ., էջ 48-49:

² Նույն տեղում, էջ 50-51:

³ Նույն տեղում, էջ 51:

⁴ Նույն տեղում:

Մուրադի խմբի վրա հուլիսի 25-ին հարձակվում է մի մեծ հրոսակախումբ, որն իրեն ձեւցնում էր, թե տարագիրներից էր: Մուրադը թույլ է տալիս, որ նրանք մոտենան: Ապա նրա ջոկատը շրջանցում է թուրքերին ու բոլորին ոչնչացնում: Զոկատի վրա հարձակվում է մի ուրիշ ավաղակախումբ կազմված 500 հոգուց, բայց սա էլ մի քանի զոհ տալուց հետո հեռանում է: Նույն օրերին Մուամմերը Մուրադի ջոկատի դեմ է ուղարկում «100-ի չափ սայլ լեցուն զինուորներ, 7 թնդանօթովվ...»: Լուրեր էին տարածել, թե հայդուկային խմբում կար 700 մարդ, մինչդեռ իրականում ընդամենը իննը հոգի էին: Թեջեր սարի վրա ջոկատը շրջապատվում է: Թուրքերը բերել էին նաև թնդանօթներ: Սակայն յոթ օր այդպես, առանց հարձակման անցնելու, կանգնած մնալուց հետո հեռացան:

Թոխաթի շրջանում ջոկատը բռնում է յոթ դասալիք թուրք զինվորների: Նրանցից մեկը, կարծելով, թե իրենց բռնողները թուրքեր էին, պատմել է, թե մի հայ աղջիկ ինչպես է դիմադրել իրեն բռնաբարել փորձողներին, հարկադրված են եղել այդ աղջկան տալ մի թուրքի: Աղջիկը գիշերը ածելիով կտրում է թուրքի կոկորդն ու փախչում: Յոթ օր հետո նրան բռնում են ու բռնաբարելով սպանում:

Հույները հայերին ասում էին. «Համոզուած ենք, որ թուրքերը ոչ միայն ձեր, այլեւ մեր թշնամիներն են. վաղը, միւս օրը նոյն բաները մեզի ալ պիտի ընեն»¹:

Մուրադը պատահմամբ հանդիպում է 170 անգեն դիվրիկցու սպանած Յուսուֆին իր խմբի հետ: Սկսվում է կոփվը: Յուսուֆը սպանվում է, սպանվում է նաև նրա ավաղակախմբի մեծ մասը: Այդպես Մուրադը պարտիզանական կոփվներով կտրեց անցավ Փոքր Ասիայի հյուսիսային մասը և իր խմբի հետ անցավ Ռուսաստան:

* * *

Մայիսի 27-ին, ամիսներ տևած խոշտանգումներից հետո, հայ քաղաքական գործիչներին ձեռները կապած տարան իթ Մեզար և գնդակահարեցին, որին նորից ներկա էին Մուամմերը, ժանդարմների հրամանատար Ալի Շեֆիկը, իթթիչաղի պատասխանատու քարտուղար Ղանին: Նրանք գնդակահարության վայրում լուսանկարվեցին, հավերժացրեցին իրենց «քաջագործությունը»:

Քաղաքի այդ 150 երեսելի հայերի թվում էր վիլայեթում բացարձակ հեղինակությունից օգտվող, կառավարական շրջաններում մեծ ազդեցություն ունեցող բժիշկ Հայրանյանը, որին Մուամմերը սպառնացել էր. «...Դուք (հայերդ) երես առնելով շատ առաջ գացիք ու չափը անցուցիք: Հիմա սպասեցէ՛ք եւ տեսէ՛ք, թէ ձեզի ինչե՞ր պիտի ընենք»:

Հունիսի 3-16-ը 5000 հայեր շարունակում էին փակված մնալ բանտերում ու մեղրեսներում (Գեով Մեղրեսե, Շիֆայի, Մուղաֆերէղին):

Ղանի բեյը կ. Պոլսից բանավոր հրաման բերեց և հունիսի 22-ին սկսվեց բռնազաղթը, որն ավարտվեց հուլիսի 9-ին: Դրանից հետո, հուլիսի 11-ին,

¹ Եսաեան Զ., նշվ. աշխ., էջ 67:

Հայերի նոր ցուցակագրում կատարվեց, որն ավարտվեց 19-ին: Սկսած հուլիսի 20-ից, մինչև օգոստոսի 4-ը, ըստ կազմված ցուցակների, բանտերից օրական հանգում էին 250-300 ձեռները կապված մարդիկ և այլ վայրեր տեղափոխելու պատճառաբանությամբ տարվում էին քաղաքից 5-10 մղոն հեռավորության վրա ու տարբեր վայրերում չարաշար խոշտանգումներով սպանվում: Սպանությունները կատարվում էին հիմնականում հետեւյալ վայրերում՝ Ակորենի ձորեր, Կարտաշլարի ստորոտ, Կայա (Գայա) Դիրի և Տավրան Բողազի ձորեր, Իշխան Թագավոր վայր, Մուտ Արասը գյուղի ձորեր, Գյուն Գյորմեզ և Ղարլիսը վայրեր, Մերիլյումի ստորոտ, Մերեմ Օվա, Նյումունե Զիփտիկ, Շունկուրակի Զալլը, Զելերիկերի ձորեր, Խնդրականի վանքի մերձակայք, Զերչի Դերե, Զարչի խան Կրչլա գորանոցի հետև, Սեյրան Թեփիեսիի մոտ, Սեյֆեի ձանապարհ, Դիվրի, Վարի Բալահոռ, Վերին Բորողուտ, Սեյիղիկ խանի հետև, Դաշլ Դերե, Փորսուր և Ֆաթլամ:

Մտավորականների թվում էր Սեբաստիայի թեմի Քաղաքական ժողովի անդամներից մեկը, որի ճակատագիրը պարզելու համար գերմանական դեսպանատնից ստացված Հարցմանը Կառլ Վերթը 1917 թ. փետրվարի 22-ին պատասխանել է. «...Որոշ ժամանակ տեղի բանտում է գտնվել, ապա ուղարկվել է անհայտ ուղղությամբ... Նրա մասին, նրա գյուղոյուն ունենալն ապացուցող որևէ լուր չկա»: Հայերի տները գույքի հետ կնքվում էին, սակայն տեղի բնակչությունը միջոց գտնում էր ներս մտնելու և տները կողոպտելու: Գույքի մի մասն էլ տեղափոխվեց մայր եկեղեցի՝ աճուրդի հանելու համար:

Կողոպտեցին մայր եկեղեցին, Ս. Սարգիս, Ս. Փրկիչ, Ս. Մինաս եկեղեցիները, Ս. Նշան հին վանքը և այլ վանքեր, տարան եկեղեցական սպասները, ս. Նշանի հնությունների գանձարանը և 293 ձեռագիր: Այդպես 9 վանք, 90 եկեղեցի: Զիրկվեցին նաև կաթոլիկների ու բողոքականների աղոթարանները, ֆրանսիական և ամերիկան դպրոցները, շվեյցարական որբանոց-դպրոցը: Իսկ Սեբաստիայի նահանգը դպրոցների բավական զարգացած ցանց ուներ: 1902 թ., տվյալներով՝ Սեբաստիայի սանջակում կար 70 դպրոց, որոնց թիվը 1915-ին հասավ 95-ի, որի մեջ չէին մտնում կաթոլիկական և բողոքական դպրոցները: Նշված դպրոցները 1902 թ. ունեցել են 5025 արական և 797 իգական սեռի երեխաններ, 113 ուսուցիչ:

Մինչև 1916-ի հունիսը Սեբաստիայում և շրջակա գյուղերում կային 10 հազար հայ գինվորներ, որոնք տաժանակիր աշխատանք էին կատարում գինվորական կայաններում, այսուրի գործարաններում, շինարարության վրա, արհեստանոցներում: Հայերի գերեզմանոցի քարերով կառուցեցին թուրքական դպրոցի ուսուցչանոց, երեք գորանոց, հիվանդանոց, իթթիհաղի ակումբ, պանդոկ, կագինո: Բանվորական վաշտերի հետ զինվորները ճամբարներ կառուցեցին Սեբաստիայում, Ղանղալում, Թոխաթում, Ռեշաղիեռում, Կեսարիայում և այլն: Շինարարությունն ավարտելուց հետո այդ զինվորներին կոտորեցին: Նաև նրանց 20 օր բանտում պահելով ուժասպառ արեցին, իսկ 1916-ի հունիսի 22-ից հուլիսի 3-ը բոլորին վայրագաբար սպանեցին Գայա Դիրի, Շար Կըշլա վայրերում, Սեբաստիայի և Կեմերեկի մոտերքում: Կարինից արևմուտք սպանեցին մի անգամ 2000, մի այլ անգամ՝ 7000 զինվորի: 1000-ական զինվոր-

Ներ սպանվել են Զառայում, Ռեշաղիեռում (Թոխաթի սանջակ) և Ռեֆայեռում (Շապին Կարահիսարի սանջակ): Մեծ թվով մարդիկ սպանվեցին Մայրագումի լեռներում Ս. Հակոբի վանքի վերևում՝ Ղարլըս վայրում, Զելեբիկերի ձորում:

Հայ զինվորների արգելափակումների մասին Վերթը 1916 թ. Հունիսի 27-ին Հեռագրեց իր դեսպանին. «Երեկ երեկոյան դեռևս այստեղ թողնված Հայերից ճանապարհ և կամուրջ կառուցողները, նաև այն Հայերը, որոնք արհեստների վարժարանում (այսինքն՝ Սերաստիայի Արամյան վարժարանի չորս Հարկանի մեծ շենքում էին, որտեղ մինչև պատերազմը սովորում էր 1500 աշակերտ: Շենքը 1914 թ. դեկտեմբերի 12-ին բռնազրավիել և վերածվել էր զինվորական արհեստանոցի)... Նրանցից հույներն ու իսլամություն ընդունած Հայերն այսօր սաստիկ ծեծից հետո ազատ արձակվեցին: Մյուս Հայերին առաջարկելու են իսլամանալ: Եթե մերժեն՝ ուղարկելու են...», այսինքն՝ կոտորելու են:

Նույն հյուպատոսը 1916 թ. Հունիսի 23-ին իր դեսպանին Հաղորդեց. «Այսօր, ազգային տոնին (աահմանադրության օր) բոլոր Հայ բժիշկներին սպառնալիքների Հարկադրանքով իսլամացրին: Նրանք Հարկադրված եղան կրոնափոխվել»¹: Այս օրը մանուկներին թլպատելու հանդեսներ կազմակերպվեցին: Թուրքերը սպանեցին ավելի քան 1000 Հայ բժիշկների և դեղագործների:

1915-ի մայիս-Հունիս ամիսներին ձերբակալվեցին Սերաստիայի, Եվղոկիայի, Մարզվանի, Ամասիայի, Զիկեի, Նիկարի, Հերեկի և այլ բնակավայրերի Հարյուրավոր մտավորականներ ու գնդակահարվեցին Սերաստիայի մերձակայքում: Կովտունի շատ բնակիչներ ջուրը նետվեցին Ալիս գետի կամրջից:

Սերաստիայի գյուղացիների ստվար մասին ոչնչացրին Պունազի ձորում: Դաշտերը հնձելու համար բռնազաղթից ազատվեցին միայն Դավոու (300 տուն), Բրգնիք (500 տուն), Ուլաշ (400 տուն) և Դղմաձ (300 տուն) գյուղերի բնակիչները: Նրանց տեղահանեցին սեպտեմբերին և կոտորեցին Վերան-Շեհիրի ճանապարհին:

1915 թ. սկզբներից Հակահայկական քարոզությունը սանձարձակ բնույթ ստացավ, որին եռանդուն մասնակցություն էին ունենում նաև թուրքական խորհրդարանի անդամները: «Մեր բուն թշնամիները, - ասում էին նրանք, - մեր մօտ են, մեր քովը, մեր մէջ են՝ Հայերը, որոնք բոլոր աշխարհը այսօր մեր դէմ Հանած են, մեր արիսնը թափել կու տան, մեր պետութեան ու Հայրենիքի հիմները կը քանդեն. ուստի պէտք է, որ նախ մեր այդ ներքին թշնամիները մաքրենք, բնաջնջենք մեր մէջն»²:

Հունիսի 3-ի, 10-ի և 15-ի բանտարկություններից հետո միայն Հունիսի 18-ին պատերին փակցվեց տեղահանության հրամանը. «Կայսերական բարձրագոյն Հրամանով եւ չեյլս ուլ իսլամի շերիական ֆեթվայով որոշուած է Հայերի մշտնջենական տարագրումը Միջագետք, արաբական անապատներ, ոչ ոք չպիտի մնայ»³: Այնուհետև թվարկվում էին տարագրության պայմանները.

«1. Բարձրագույն Հրամանով Զեղիրե և Դեր Զոր եք մեկնելու: 2. Անվտանգ

¹ Հազարեան Հ., նշվ. աշխ., էջ 101:

² Գարիկեան Կ. (Գումկան Սերաստիոյ). Եղեռնապատում, Պութոն, 1924, էջ 53:

³ Նույն տեղում, էջ 92:

Եք գնալու ուղեկցողների հսկողության տակ; 3. ձանապարհին ձեզ հետ բան չի պատահի; 4. Այս տեղահանությունը պատերազմի պատճառով է; 5. Եթե ընդդիմանալու փորձ արվի, բնաջնջվելու եք; 6. Թաղ առ թաղ եք մեկնելու; 7. Գարագոլներին հայտնված է; 8. Կարող եք վարձել կառք, ձի, էջ; Զունեորների գույքը տեղափոխելու համար կառավարությունն է կառք վարձելու»¹:

Հայերի աղաչանքին՝ հետաձգել տեղահանությունը Մուամմերը պատասխանեց. «Եթէ գիտնամ մազերուս մէկուն մէջ գութի նշոյլ մը կայ, կը փրցունեմ կրակը կը նետեմ»²:

Հունիսի 18-ից հուլիսի 4-ը, այսինքն կես ամսում, երեք քարավանով տեղահանքեց Սեբաստիա քաղաքի հայ բնակչությունը՝ 5850 ընտանիք՝ շուրջ 28,000 մարդ. Քաղաքում թողնվեցին մի քանի տասնյակ արհեստավորներ, որոնց աքսորեցին հոկտեմբերի 2-ին և Կ. Պոլսի ճանապարհին սպանեցին:

Մրագրված էր Սեբաստիա քաղաքից տարագրել 47500 հայ և այդ անել 17 քարավանների միջոցով: Թվերի միջև եղած տարբերության պատճառը դժվար է ասել: Կամ քաղաքում 50.000 հայ չէր բնակվում և կամ տարագրվածների թիվը գիտակցաբար փոքրացված էր: Հավանականը երկրորդն է:

Մուամմերը ուղամական ատյանին գրեց. թե Սեբաստիայում 30.000 հայ պատրաստվել էին ապստամբելու: Այս գրությունը հրապարակվեց ոչ միայն ժամանակի մամուլում, այլ նաև «Ermeni komitelerin amale ve hareket ihtiliyesi» (Կ. Պոլիս, 1916 թ.) փաստաթղթերի ժողովածում (Էջ 190-194):

Սեբաստիայում Բ. Շաքիրն ու Քյամիլը բռնագաղթն սկսեցին նրանով, որ Քյամիլը ավելի քան հազար հայ աղջիկներ նվեր ուղարկեց Կ. Պոլսի ընկերներին, որոնց մեծ մասը պարզապես վաճառքի հանվեց: Սեբաստիա բերվեցին 1700 ուսւագերին, որոնց աշխատեցնում էին քաղցած, որպեսզի հյուծեն: Երբ հայերը օգնություն ցույց տվեցին նրանց, իշխանությունները հայերի դեմ հանեցին ամբոխին³: Այնուամենայնիվ, հայերն իրենց վտանգելով, ոռւս զինվորների դիակները հողին հանձնեցին:

Բ. Շաքիրը Սեբաստիայի ջարդարարներին հանձնարարել էր հայերին չխնայել:

Մի քանի օրում հողին հավասարեցրեցին Փոքր Հայքի շեն գյուղերը, կոտորեցին բնակիչներին, իսկ հուլիսի 5-ին անցան քաղաքի հայերի հարցի լուծմանը:

Մահմեդականություն ընդունելու պահանջին ընդառաջ գնացող հայերին առաջարկեցին թուրքական որբանոցներ հանձնել մինչև 12 տարեկան տղաներին և վերաբնակվել այնտեղ, որտեղ իշխանությունները նպատակահարմար կհամարեն: Սակայն շուտով հետ կանգնեցին անզամ այդ տարբերակից և նրանց նույնպես բռնագաղթեցին ու ճանապարհին մեռցրեցին⁴: Ամերիկյան միսիոներ Ու. Ջեքսը Մալաթիա-Սեբաստիա խճուղով անցնելու ժամանակ իննը

¹ Ղազարեան Հ., նշվ. աշխ., Էջ 94:

² Նույն տեղում:

³ Միրագենց Վ., Հայկական ջարդերու փաստաթուղթերը. Մաս Ա, Կ. Պոլիս, 1920, Էջ 133:

⁴ Ակունի Ս., նշվ. աշխ., Էջ 96:

ժամ շարունակ տեսել էր միմյանց կապված երկուական կամ հինգական դիակների (հիմնականում արու սեռի) խիտ շարքեր¹:

Ամենաղաժան բախտ բաժին ընկալ տարագիր կանանց, երեխաներին և ծերերին: Լսենք օտարերկրացի ականատեսներին:

1915 թ. մայիսին Սեբաստիայի ձերբակալված անվանի Հայերին հասցրեցին Դիարբեքիր, որտեղ նրանց միացրեցին տեղի մտավորականներին և այդ 1200 հոգուն 30 լաստերով Տիգրիսով տարան ու ջրախեղդ արեցին: Հաջորդ օրը զոհերի հագուստները վաճառվում էին Դիարբեքիրի շուկայում²:

Ամերիկացի միախոներ Մ. Գրաֆֆան, որն ուղեկցել էր տարագիրներին, նկարագրում է Սեբաստիայի հայության մի քարավանի հետ կատարվածը: Քարավանում հավաքված էին կանայք, աղջիկներ ու երեխաներ: Վալու հրամանի պատճառով շատերը ճանապարհ ելան բացարձակապես առանց որևէ նախապատրաստության: Քարավանը գիշերեց բացօյյա: Արդեն հաջորդ օրը հայերի մեծ մասն այս ուտելու բան չուներ և սկսեց վաճառել ունեցածը, այդ թվում նաև փոխադրամիջոցները՝ ավանակ, ձի, եղ: Գայմագամի հանձնարարությամբ՝ մյուղիրը կազմեց տղամարդկանց ցուցակը, ապա նրանց առանձնացրին և տարան: Մի օր անց վերադարձավ միայն մեկը, որը պատմեց, թե իրենցից վերցրին ունեցած դրամը և պատանդ պահպանեցին:

Կանգալ գյուղում հայերի մեծ մասին ոչնչացրեցին:

Գնալով մեծանում էր որը մնացած երեխաների թիվը: Կանգալից հետո քարավանում կենդանի էին մնացել միայն մահեղականացածները³:

Կաղի Մահարա դաշտավայրը, որ խիտ բնակչություն ուներ, դատարկված էր⁴: Նա լցված էր մարդկանց դիակներով: Հարազատներն իրար կորցրել էին:

Առանց ամուսնու մնացած կանանց (30-35 տարեկան) տիրացել էին⁵: Երիտասարդ կին և երեխա չէր մնացել, բոլորին տարել էին թոքաթ (թոխաթ): Երեխաներին տարել էին առանց ծնողների: Թոքաթում երեք օր նրանց ուտելու որևէ բան չտվեցին:

Կանգալը թողնելուց մեկ օր հետո զայմագամը քարավանը հանձնեց քրդերի տնօրինությանը: Վերջինները իրավասու էին հայերի հետ վարվել ինչպես ցանկանային: Կանայք ու երեխաները հազիվ էին քայլում, նրանք հետ էին ընկնում: Մյուղիրը պահանջեց Սեբաստիա վերադառնալու համար տղամարդիկն առանձնացնել: Սակայն քարավանում տղամարդ չէր մնացել: Ոստիկանները կանանց ասացին, թե «Թոքաթուում ձեզ սպանելու են, ունեցած դրամը և զարդերը տվեք մեզ, որպեսզի ձեզ հետ գանք ու փրկվեք»: Քարավանի հանդեպ ամենաղաժանը վերաբերվում էր զինվորների հրամանատարը: Քրդերը շարունակում էին սպանել ու բռնաբարել⁶:

Թոքաթուում շոգ էր, բայց թույլ չտվեցին ջուր խմել: Քրդերը ջուրը վաճա-

¹ Լեփսիոս Յո., Գաղտնի տեղեկագիր..., էջ 63:

² Bryce J., նշվ. աշխ., էջ 25:

³ Նույն տեղում, էջ 305, «Missionary Herald», դեկտեմբեր, 1916 թ.:

⁴ Bryce J., նշվ. աշխ., էջ 305, «Missionary Herald», դեկտեմբեր, 1916 թ.:

⁵ Նույն տեղում, էջ 306:

⁶ Նույն տեղում, էջ 307:

ոռում էին: Ամեն տեղ թափված էին դիակներ, մեռնում ու մեռնում էին: Գրաֆ-ֆան անձամբ տեսել է 49 հոգու, որոնք հոգեվարքի մեջ էին: Քարավանի հետևից գալիս էր քուրդ ամբոխը: Հենց հասան կամրջին, սկսեցին հայերին նետել գետը:

Ոստիկանությունն ամեն կերպ աշխատում էր օտարերկրացիներին հեռացնել հայերի քարավանների երթուղիներից՝ ջարդերը թաքուն պահելու համար¹: Սակայն այդ նրանց չէր հաջողվում: Կատարված վայրագությունների ականատես օտարերկրացիները «անզգա, խելագար էին դարձել»:

Տասը տարեկանից բարձր բոլոր հայերը ոչնչացվեցին:

Բոնագաղթի ճանապարհները վերածվել էին ոչնչացման հրապարակների: Սեբաստիա քաղաքի առաջին քարավանից՝ մոտ 6000 հոգուց, ձալեպ հասան 350 կին և երեխա:

«United Press» թերթում Հ. Վուդը գրում է, որ Սեբաստիայում մինչև տարագրելը, թուրքերը հայերին կողոպտում էին, միաժամանակ հաշվառում էին, ցուցակներ կազմում: Հայերի տներից անզամ հատակին փոված կարպետներն էին տանում: Երեխաներին անկողիններից հանում էին և հարկադրում ականատես լինել, թե ինչպես էին սպանում իրենց ծնողներին²:

Արտասահմանցի (ամերիկացի) թղթակիցներից մեկը 1915 թ. հունիսի 13-ին գրեց, որ Սեբաստիայի բնակչությունը ահարեկված հեռանում էր քաղաքից, այդ թվում նաև բողոքականները, հեռանում էին նաև որք երեխաները, ամերիկան հոսպիտալի աշխատողները³: Նա գրում է, որ վիլայեթում գրեթե հայ չմնաց:

Երկուշաբթի օրը, նկարագրում է Վուդը, ուղարկեցին հայերի առաջին խումբը: Իսկ բողոքականներին զգուշացրեցին, որ տարագրությունը շարունակվելու է չորեքշաբթի օրը: Բողոքականներին տեղափոխելու համար միախոներուհի Գրեյֆը վագոններ ու ավանակներ վարձեց:

Դիմեցինք Մորգենթաուին՝ որք երեխաներին Սեբաստիայից դուրս հանելու: Դեսպանը խոստացավ:

Իսկ երբ հասանք Կ. Պոլիս, հասկացանք, որ այն ինչ կատարվում էր Սեբաստիայում, հրամայված էր Կ. Պոլսից:

Հայերը բոնագաղթվելիս իրենց հետ տարան միայն մի քանի օրվա մննդամթերք, իսկ դրամ քիչ վերցրեցին, վախսենալով, որ ճանապարհին կխեկին⁴:

«Թալասի ճանապարհին մենք հանդիպեցինք երկու գյուղերից բոնագաղթվածների, որոնց մի մասը գնում էր ոտքով, մյուսները՝ ավանակներով: Նրանք ոչ ուտելիք ունեին և ոչ էլ քնելու տեղ: Տղամարդիկ ու կանայք հազիվ էին ոտի վրա մնում, երեխաները լաց էին լինում, քաղցած էին, ծարավ»:

Անզամ թուրք ոստիկանները չէին թաքցնում, որ այդ բոնագաղթի նպատակը բնաջնջումն էր. «Իթթիհատը որոշած է հայը բնաջինջ ընել,- ասաց նրանցից մեկը հայ տարագիրներին,- Հայաստան անունը սրբել աշխարհացոյց-

¹ Bryce J., նշվ. աշխ., էջ 307:

² Նույն տեղում, էջ 2-3:

³ Նույն տեղում, էջ 302-303:

⁴ Նույն տեղում, էջ 303-304:

ներու վրայէն, Թիւրքիան թիւրք-իսլամական աշխարհ մը ընել: Մի՛ կարծէք, որ որոշեալ տեղ մը կը դրկուիք ու Հոն Հաստատ բնակութիւն մը կունենաք: Ոչ երբեք, ամենդ ափտի սպանուիք, ջարդուիք, բնաջինջ պիտի ըլլաք: Իթ-թիւհատը ձեզի այս ընելէն վերջը նոյնը պէտք է ընէ քիւրտերուն, արաբներուն, կըզլպաշներուն, վերջապէս՝ երկրին բաղկացուցիչ որեւէ տարրերուն, ալ Թիւրքիան պիտի ըլլայ զուտ թիւրքերուն. այս է Իթթիւհատի ծրագիրը, Հետապնդած նպատակը»¹:

Սերաստիա-Խարբերդ խճուղու վրայի Հասան-Զելերի գյուղը նոյնպես դարձավ Հայերի սպանդանոց: Իթթիւհաղականները դիմեցին այդ գյուղի մահմեղականներին. «Եկե՛ք, ձեր Հայրերը, ձեր զավակները պատերազմի մեջ սպանողները գերի բերեր ենք: Եկե՛ք դուք Էլ նրանց ջարոեք, ձեր վրեժը լուծեք, սրտներդ Հովացրեք»: Եվ եկան. «Սպանութիւնները կը կատարուէին խիստ մարդախողիսող եղանակով՝ մանգաղներով, նաջախներով, մահակով, կացնով, սրածայր ձողերով, սղոցով: Խեղճ զոհերը ինքզինքնին բարեբախտ պիտի Համարէին, եթէ, զնդակով մը մէկ անգամէն սպաննեն զիրենք, բայց այդ իսկ կը խնայեն, մէկ զնդակին երկու ոսկի զին ուզելով: Ժամերով կը տուայտէին, կտապլտկեին, կը չարչարուէին արեան ճապաղեաց մէջ, ահոելի Հոնդիւններով, ոզորումներով, գալարումներով: Զոհերուն զգեստները, վրանուն եղած դրամ, ժամացոյց կը բաժնէին ջարդարարներուն, իսկ արիւնոտ չուվանները կը դարձնէին կարաւանի տէրերուն»²:

Քարավաններից մեկի 4000 երեխայի թուրքերը Եփրատ թափեցին: Երեխաններին խլում էին «մայրերու գրկերէն, քարերուն Հարուածելով կը սպաննէին, սրունքներէն գեմ դիմաց քաշելով՝ մեջտէղէն կը հերձէին, ի մի Հարուած գլուխը իրանէն կը բաժնէին, արգանդներ կը պատռէին, գեռ արեւաշխարհը չտեսած, դուրս կը քաշէին, սուրերու ծայրը անցուցած կ'զուարձանային. «Կեավուրին Հաւկիթն ալ ջախջախեցէ՛ք, ոտնահարեցէ՛ք, - կ'ըսէին, - չըլլայ, որ մէջէն աքաղաղ ելլէ, արու արմատ դուրս գայ»³:

Պատմում է ականատեսը. Այստեղ ևս եղեռնը սկսվեց մտավորականության և երելի անձանց ձերբակալությունով: Հետո Հավաքեցին 16-ից բարձր բոլոր տղամարդկանց, բայց ոչ բանակի, այլ զանաղան աշխատանքների Համար: Այդ մարդահավաքը մեկուկես ամիս տևեց: Ապա Հրաման եղավ երեք օրից պատրաստ լինել տեղահանության Համար: Ասում էին, թե տեղափոխում էին Մալաթիա, որտեղ արդեն տարված տղամարդիկը տներ են կառուցում նրանց Համար: Եփրատի ափին Հավաքեցին քարավանը: Գետի վրա Հոսում էին դիակներ, իսկ օդում ևս ազուակներն էին ճախրում: Լաստերով դիակները գետից Հանում էին և լցնում խորը փոսերը: Դիակները միմյանց կապված էին:

Մալաթիայի ֆուրունձըլարից տարագիրներին տարան Ուրֆայի ուղղությամբ: Քարավանն ուղեկցող ժանդարմները իրենց պարտականությունը Հանձնեցին չեթեներին: Ճանապարհին նույնպես դիակներ էին թափված,

¹ Գարիկեան Կ., նշվ. աշխ., էջ 138-139:

² Նույն տեղում, էջ 169:

³ Նույն տեղում, էջ 248:

գարշահոտություն էր: Բոնազաղթվողներն ամբողջ օրը ծարավ էին մնացել: Երեկոյան մահմեղական դյուլացիները ջուր բերեցին և ամանը մեկ մեջիղիեյով վաճառեցին: Կիզիչ արև էր: Քարավանն անընդհատ հարձակումների էր ենթարկվում: Տղամարդկանց ու երեխաներին առանձնացրեցին և տարան բլրի հետևն ու գնդակահարեցին, իսկ ժանդարմները ժողովրդին հարվածելով առաջ էին քչում:

Մերի Գրեյֆը, լսելով տեղահանման լուրը, գնեց եղան տասը սայլ, երկու ձիակառք, վեց ավանակ՝ որբանոցի սաներին տեղափոխելու համար: Սակայն հենց առաջին կանգառին քարավանի վրա հարձակման ժամանակ դրանք բոլորը, ինչպես նաև ամբողջ սննդամթերքը խլեցին: Մի քանի օր անց սկսվեցին թոցնել որրերի հազուստները, անգամ ներքնազգեստները:

Երբ Մ. Գրեյֆը բողոքեց զրա դեմ, ժանդարմները հոհոալով պատասխանեցին. «Ի՞նչ ես դողդողում սրանց վրա: Մեկ-երկու օրից ամենքն էլ պիտի առևանգվեն, ջարդվեն, վերանան»:

Թոխմա գետն անցնելիս կանգնած թուրքերը ջոկում էին տղաներին ու աղջիկներին, իսկ ով դիմադրում էր, գետն էին նետում: Նրանց ետևից ճշալով իրեն գետը նետեց Մ. Գրեյֆն ու սպանաց թուրքերին. «Զհամարձակվե՛ք սաներիս մազին անգամ դիպչել... Հիմա ձեր գագանությունների մասին իմ երկրի (ԱՄՆ) դեսպանին հեռագիր եմ ուղարկելու»: Թուրքերն ընկրկեցին, որրերն անցան: Հավանաբար այս և նման դեպքերի մասին լուրերը հասնում էին Կ. Պոլիս և ստացվեց Թալեամի հանրահայտ հեռագիրը տարագրության վայրերից օտարերկրացիներին հեռացնելու մասին:

Մ. Գրեյֆին ևս հեռացրեցին, սակայն նա համառ էր՝ սկսեց որրերի հավաքը և որրերի հետ վերադարձավ Սերաստիա:

Հետագայում նա թուրքերի վայրագությունների վերաբերյալ իր Հուշագրությունները տպագրեց ամերիկյան «Missionary Herald» լրագրի 1915 թ. դեկտեմբերի համարներում, որոնք փաստորեն Մեծ եղեռնի մասին առաջին հուշագրական հրապարակումն էին և ցնցող տպագորություն գործեցին: Մարդասեր կինը հանգանակություն կազմակերպեց հօգուտ որրերի և Սերաստիայում որրանոց բացեց: Նա զյուղից զյուղ էր անցնում, որրեր փնտրում, նրանց գնում էր և տեղավորում Արամյան վարժարանի սերտարանը, քանի որ երեխաներից շատերն արդեն հայերեն չգիտեին: Այդպես նա փրկեց ավելի քան 1000 երեխա: Բոնազաղթված հայերի պահ տված ուկիներով նա աղջիկների համար գործվածքային արհեստանոց բացեց, ստեղծեց կարպետների արտադրություն: Նաև կազմակերպեց լեռներում մաքառող ֆիդայիներին սննդամթերք, դեղորայք հասցնելու գործը:

Սակայն 20 տարի իր կյանքը հայությանը նվիրած Մ. Գրեյֆը երկար չղիմացավ: Մանր հիվանդացավ և կնքեց իր մահկանացուն: Նրան թաղեցին Աստղ լեռան վրա:

Պատմում է ականատեսը: Հունիսյան մի վաղ առավոտ քաղաքի փողոցներ խուժեցին հեծյալ ժանդարմները: Պատերին փակցվեցին ազդագրեր, թե հայերը «պետք է 5 օրում նախապատրաստվեն մեկնելու»: Արգելվեց փողոցներում հավաքվել ու շուկա գնալ: Նաև արգելվեց բանկից դրամ հանել: Տեղյակ պահ-

վեց, որ ճանապարհի համար թույլատրվում է վերցնել միայն ամենաանհրաժեշտ բաները: Խիստ պատիժ էր սպառնում նրան, ով չկատարեր իշխանությունների հանձնարարականները: Երկու օր անց հայերին առաջարկվեց իսլամությունն ընդունել: Վերջինները միահամուռ հրաժարվեցին:

Սկսվեց տարագրությունը: Սկզբում տղամարդիկ գնում էին ընդհանուր քարավանի հետ: 20-րդ օրը նրանց քաժանեցին ու սպանեցին: Ժանդարմները հարձակվեցին անպաշտպան քարավանի վրա, կողոպտեցին, շատերին լրիվ մերկ թողեցին: Մի քանի օր անց քարավանի կողքին մանգաղով ու բահով սպանվեց տղամարդկանց մի ուրիշ քարավան:

Հաջորդ օրերին նրանք տեսնում էին ճանապարհներին թափված բազում դիակներ¹:

Թուրք բժիշկ Ազիզը վկայում է, որ Մարզվանի կառավարիչ Ֆայիկը «քաղաքի 13.000 հայի կոտորել տվեց կացնով». Հայերն առանց երկմտելու իրենց վիզը երկարում էին դահիճներին: Այդ թուրքը ծաղրով, թե լուրջ ասում է. «Հնարավոր չեր չհիանալ մահվան հանդեպ նրանց արի կեցվածքով, վախի ամենանվազ արտահայտությունից գերծ վերաբերմունքով»²:

Ականատես օտար լրագրողներից մեկը 1915 թ. օգոստոսի 29-ին գրեց. «Սվազում գրեթե մարդ չի մնացել: Կանգուն է շվեյցարական մանկատունը, Սանսարյան դպրոցը: Մնացել էին միայն հաշմանդամները, վիրավորները և թուրքերի մոտ ծառայող մասնագետները (բժիշկ, արհեստավոր և այլն)»³:

Սիրիացիների և Հայերի օգնության ամերիկյան կոմիտեն 1916 թ. մարտի 10-ին հաղորդեց, որ մի ամերիկուհի Թալաս-Մենզել երկաթուղագծի երկայնքով տեսել էր մեծ թվով ամենատարբեր տարիքի մարդկանց դիակներ: Երկաթուղու երկայնքով հազարավոր տարագիրներ էին կուտակվել: Սեբաստիայում մնացածները մահմեղականացվել էին: Մեծ թվով հայ աղջիկների թուրքերը կնության վերցրին: Շատ աղջիկների ու երեխաների հետ բերեցին Սեբաստիա, մտցրեցին որբանոցներ կամ փակեցին դատարկ տներում: Մահվան սպառնալիքի տակ աղջիկներին հարկադրեցին իսլամանալ և ամուսնանալ մահմեղականների հետ⁵:

Թուրք զինվորները հարձակվում էին տարագիր հայերի վրա ու անարգելք սպանում: Մեկին խաչել էին պատին ու կացնի հարվածներով կտոր-կտոր էին անում: Մի խմբի երեք օր փակեցին առանց հացի ու ջրի:

Թորաթում նույնական աղջիկներին փակում էին տներում՝ առանց հաց ու ջրի: Հայ գաղթականները եվրոպացիներին ասում էին, որ իրենց բոլորին չուտ թե ուշ սպանելու էին:

Թղթակիցն ականջալուր էր եղել հոջաների զրույցին, որոնք մեծ ափսո-

¹ «Der Orient», 1920 թ. № 1/2, էջ 46-49:

² Վանգենհայմի 7-ը հուլիսի 1915 թ. № 433 տեղեկագիր, նաև «Հայրենիք», 24 հունվարի 1987 թ.:

³ Bryce J., նշվ. աշխ., էջ 309:

⁴ Նույն տեղում, էջ 313-314;

⁵ Նույն տեղում, էջ 314:

սանքով էին խոսում Հայերի հետ կատարվածի մասին: Կայսերի մերձակայքում Հայ կանայք երեք շաբաթ կովում էին քուրդ ավազակների ղեմ և պաշտպանում իրենց երեխաներին¹: «Մենք լսեցինք, - գրում է նա, - որ այս ճանապարհի վրա եղած բոլոր գյուղերի Հայ բնակիչները սպանվել էին»:

Սերաստիա-Թալաս ճանապարհին թակարդներ էին ստեղծել: Հայերը իրար կպած էին քայլում, վախենում էին միմյանցից բաժանվել: Հայտարարության մեջ ասվում էր, որ Հայերին թույլ չէին տվել իրենց հետ սննդամթերք վերցնել, որ քաղցից չուտ մեռնեին²:

Կ. Վերթը 1916 թ. ապրիլի 20-ին գրում է. «Էրզրումից Սվագ գնալիս ականատես եղա զանազան սարսափելի ղեպքերի՝ խեղճ, ղեռես կենդանի, բայց թալանված ու սպանված Հայ տղամարդիկ, թալանված ու առևանգված Հայ կանայք: Ոչ միայն նրանց, այլ նաև աղջիկներին փախցնում էին թուրք գյուղացիները՝ Հարեմների Համար»:

Հայերի Հանդեպ թուրքերի վրեժիննդրությունը էրզրումի անկումից հետո նոր բռնկում ունեցավ: Թուրք գաղթականներն ասում էին, որ այդ պատիժը Աստված է իրենց ուղարկել բռնագաղթելու, կողոպտելու և մորթելու համար, հիմա իրենք թուրքերն են փախչում ուսւներից: Որևէ մեկը նրանց որևէ դժբախտություն չի պատճառել, բայց և այնպես շատերը ճանապարհին մեռնում են ցրտից ու քաղցից³:

Կրոնական գործիչ Քրիստոֆերը 1916 թ. ապրիլին Սվագից գրում է, որ ինքը վերջին Հայ քրիստոնյաններին տեսել է էրեյլիում, որտեղից մինչև Սերաստիա բոլորին հիմնավորապես «մաքրել են», «աքսորել կամ կրոնավորիսել են և կամ ոչնչացրել: Այլս որևէ տեղ ոչ մի Հայ բառ չէր լսվում»⁴:

Վերթը 1918 թ. հուլիսի 23-ին հեռագրեց. «Մի շաբաթ առաջ այստեղ կախաղան Հանվեցին երկու Հայեր, իսկ այսօր առավոտյան կառավարչատան առաջ՝ ևս չորս տղամարդ: Թորամում վերջին ժամանակները նման պատիժներ հաճախ են գործադրվում»⁵:

Սերաստիայի Հայերի մի մասին կոտորեցին Հալեպի ճանապարհին և Դեր Զորում: Ըստ Թեոդիկի՝ փրկվեց 16800 սերաստահայ, որոնց մի մասը 1918-20 թթ. վերաղարձավ իր բնակավայրերը:

«... Տարագիրներու քարաւաններուն մեջ, - գրում է Մուստաֆա Նեղիմը, - տղամարդիկ շատ սակաւ էին: Էրիկ մարդ բոլորովին չկար Խարբերդէն և Սվաղէն եղածներուն մէջ:

Սերաստիայի կուսակալ, դահիճ դասակարգի անսիրտ, այլանդակ ներկայացուցիչ Մուստամեր փաշան կոտորել տուեր է Սերաստիոյ մեջ գտնուող բոլոր այլ մարդիկը»:

Մ. Նեղիմը նկարագրում է Հալեպ Հասած սերաստացիների քարավանը.

¹ Bryce J., նշվ. աշխ., էջ 315:

² Նույն տեղում, էջ 316:

³ R 21019, Ab. 12155.

⁴ Lepsius J., նշվ. աշխ., փաստ. № 287:

⁵ R 14192, Ab. 19989.

«... Օր մը փողոցին մէջ տեսայ մարդկային հօտ մը բաղկացած ծերերէ, տղաք-ներէ, հիւանդներէ, որոնք մեծ դժուարութեամբ կը քալէին շրջապատուած բի-րերով, սուխններով, մտրակով զինուած ոստիկաններէ: Շատերուն ոտքերը ուռած՝ տանջանքով քայլ կը նետէին, կարգ մը մարդիկ, անդամները նոյն այդ կարաւանին, մտած էին հիւանդներուն թեւը, զորս կը տանէին կոր պարզապէս քաշկոտելով»¹: Տեղի իշխանությունները մահմեղական բնակչությանը համո-զում էին, որ հայերը ոխերիմ թշնամիներ են, նրանք ձգտում են կործանել կայս-րությունն ու Շերիաթը: Հայերից շատերը փորձում էին ապացուցել, որ իրենք անմեղ էին, բայց իզուր: Զոհերը բախտավորություն էին համարում, եթե գնդակահարվում էին: Կացնահարում էին անզամ երեխաներին, նրանց ողջ-ողջ շպրտում գետն ու անդունդները: Շատ կանայք ու աղջիկներ անարգանքից խուսափելու համար ինքնասպան եղան:

Բոնագաղթկած Հայերին «սպասարկելու համար» գոմերում ստեղծվեցին «բաղչաներ» (հիվանդանոցներ), որտեղ ոջիլ ու աղտեղություն, քաղց ու հա-մաճարակներ էին «բաժանում» տարագրյալներին: Մահացածների դիակները թափում էին փողոցներում ու դառնում շների կեր, իսկ «բաղչաներում» թա-զում էին նրանց, որոնք համառում էին՝ չէին մեռնում, հաճախ հարկադրելով, որ գերեզմանափոսերը վարեն նրանց հարազատները:

Հայերին դիտավորյալ այնքան էին քաղցած պահում, որ նրանցից ոմանք գաղանի նման հոչոտում էին դիակները:

Սերաստիայի մի քարավանից կենդանի մնաց 450 հոգի, որից 60-ը՝ տղամարդ: Բոնագաղթկածներից Վերոնիկա Քեռչեյանը պատմել է, որ հուլիսի 4-ին 25 կանանց ու աղջիկներին լցրեցին գետն ու խեղեցին: Քարավանին 12 ժամ թույլ չտվեցին ջուր խմել, և ինքը դատեր մեղն է խմել:

Հերմոն Հովսեփյանը պատմել է, որ հուլիսի 1-ին Մալաթիայի մերձա-կայքում ընկած էին 23 աղջկա մերկ դիակներ, որոնց սեռական օրգանների մեջ քարեր էին խցկված:

Նա հիշում է. «15 ժամ ծարավ մնալուց հետո շատերը նետվեցին առաջին իսկ հանդիպած ջրհորը և այլևս դուրս գալ չկարողացան»²:

Սերաստացի մի փոքրիկ աղջիկ միսիոներ Բարլետին պատմել է, որ «թուր-քերն իր հորն ու մյուս տղամարդկանց միմյանց կապեցին, կտտանքների են-թարկեցին ու սպանեցին»:

Մուամմերը Հայերի բնածնջման գործում լայնորեն ներքաշեց չերքեղներին, որից հետո նրանց նույնպես ոչնչացրեց³:

Սերաստիայում 1916 թ. սեպտեմբերին նոր ջարդ է տեղի ունենում: Կենդա-նի մնացած 6000 հայից 5000-ին ոչնչացրեցին⁴: «Անհայտ պատրվակով Սվա-զում ծագել է հայկական նոր կոտորած»: Դա արդեն 1917 թ. հունիսին էր⁵:

¹ Նետիմ Մ., Իմ վկայութիւններս եւ Տոքթ. Նազարեան Ա., Այաշի բանոր: Պէլրութ, 1978, էջ 84, 89:

² «Յուշամատեան Մեծ Եղեռնի», էջ 543:

³ «Ալիք», 24 մայիսի 1986 թ.:

⁴ «Արմանսկի վետնիկ», 1916, № 39.

⁵ «Արմանսկի վետնիկ», 1917 թ., № 26.

«Թագուհի անունով սերաստացի մի աղջիկ վեց տարեկան է լինում, երբ սկսում է բռնագաղթը,- զրում է Նեղիմը:- Իրենց ընկերակցող ոստիկաններէն մին փորձեր է բռնաբարել իր քրոջ, հազիւ 13 տարեկան աղջկան մը կուսութիւնը: Աղջիկը ընդդիմացեր է բուռն կերպով, ոստիկանը կը կատղի եւ Գրզը Ըրմաք կը նետէ զայն. աղջկան երկու եղբայրները, մին ութ, միւսը տաս տարեկան: Ասկից ազգուելով, կ'անիծեն ոստիկանը եւ կը հայհոյեն: Անգութը սուխնահար կը սպանէ գանոնք ալ, ջարդելով անոնց թոքերը: Այս եռեակ աղէտները կը փճացնեն իր եղկելի մայրը, որ վեց տարեկան աղջկան ձեռքէն բռնած լաց ու կոծով կու գայ մինչև Հալէպ. Հազար դժուարութեամբ ինքզինքը ընդունի կու տայ աշխատանոցը: Ատեն մը ետք, երբ կ'անհետանայ Թագուհին, կը խելագարի եւ կը դրուի ամենավատ յիմարանոցը:

Իմ անխախտ համզողումն այն է, որ այսքան աղեխարշ ոճիրներէ ետք, Աստուած անպատիժ չի պիտի ձգէ անոնց հեղինակները եւ զործադրողները:

Եթէ զրի առնէի իմ տեսածներս եւ իմացած բոլոր դէպքերս, քանի մը հազար էջնոց գիրք մը մէջտեղ կու զար»¹:

Հալեպում, -շարունակում է Մ. Նեղիմը, - սկսեցին վատ լուրեր ստացվել: Մի օր Էլ փողոցում տեսա մարդկանց մի հոտ՝ բաղկացած ծերերից, երեխաններից, հիվանդներից... Մոտեցա ոստիկաններից մեկին ու հարցրի.

- Ովքե՞ր են սրանք:
- Հայ գաղթականներ:
- Որտեղի՞ց են զալիս:
- Սերաստիայից:

Ինչի՞ հետևանք է այս տարագրությունը: Սերաստիայի կողմերում դեռ պատերազմ չկա: Բացի դա, բիրի, մտրակի ուժով են գնում տարագիրները: Դա ի՞նչ է նշանակում: Նույն պահին հանդիպեց մի բարձրաստիճան զինվորական: Տեղի ունեցավ հետևյալ խոսակցությունը:

- Սրանք գաղթակա՞ն են, զալիս են Սերաստիայի՞ կողմերից: Նման գաղթականությունը չհասկացա: Ի՞նչ կա Սերաստիայում:

- Սրանք գաղթական են: Սերաստիայում բան չկա:
- Այդ դեպքում ինչի՞ց է առաջացել տարագրությունը:
- Հայերին իրենց երկրից հանում են. կառավարությունը նրանց ուրիշ կողմ է ուղարկում:

- Հավ, պատճա՞ռը:

- Խոռվությամբ են զբաղվել, բնականաբար՝ պատերազմի ժամանակ ներքին հոգսերի առիթ չի տրվում:
- Որտե՞ղ են խոռվություն բարձրացրել:
- Ամեն տեղ:

Հասկացա: Հավանաբար ինչ-որ մի տեղ 2-3 զինվոր զառանցել են ու պատրվակ փնտրող կառավարությունն էլ դա պատճառ է համարել գողության և ոճրագործության առաջ նոր դռներ բանալու համար: Ակներև էր, որ պաշ-

¹ Նեղիմ Մ., նշվ. աշխ., էջ 116:

տոնյաները, ոստիկանները, քաղաքապահ գորքերը ջանալու էին օգտվել այդ պատճառներից ու պատրվակներից, որովհետև առաջին դեպքերի (1894–96թ. ջարդերի) համը բերաններն էր մնացել¹:

ԱՄԱՍԻԱ

1915թ. ապրիլին ձերբակալվեցին քաղաքի 16հայ կուսակցական գործիչներ, մայիսին բանտ նետվեցին ուսուցիչները, հոգևորականները, մյուս մտավորականները, որոնց խմբերով քաղաքից հանեցին և Սաղղաղի ձորում կացնահարելով սպանեցին: Հունիսի 15-ին հրապարակվեց տեղահանության հրամանը: Մի խումբ երիտասարդներ լեռ բարձրացան, մարտնչեցին ջարդարարների դեմ ու այդպես զոհվեցին: Հունիսի 20-ից ամասիացիները բռնագաղթվեցին երեք քարավաններով: Քաղաքում թողնվեցին միայն մի քանի որակյալ արհեստավորներ: Տարագրվածների առաջին քարավանը ջարդեցին թոքաթի ճանապարհին՝ Սարը Կըշլա վայրում և Մալաթիայում: Երեխաններին խլում էին ծնողներից ու վաճառում մահմեղականներին: Կենդանի մնացածներին երեք ամիս շարունակ քշեցին հարավ:

Երեք ամիս անց ամասիացիների քարավանների մնացորդները հասան Սուրում: Սուրումում սկսվեց համաձարակը: 20.000 տարագրվածներից Սուրումում 1915թ. դեկտեմբերին մնացել էր 1800 հոգի, որոնց մի մասին 1916-ի գարնանը քշեցին Դեր Զոր:

Որ Ամասիայի հայության բնաջնջումը թելաղրված էր պետական մարմինների կողմից, վկայում են Ամասիայի ոստիկանապետ Նուրիին Մուամմերի հեռագրի հետևյալ տողերը. «Հայերին ուղարկեք կարճ ճանապարհով, շրջանցելով Եվղոկիան»²: Բայց քանի որ Եվղոկիան շրջանցելը գործնականում անհնար էր, ապա հեռագիրը պահանջում էր ոչնչացնել աքսորվողներին: Երբ Մարզվանում մի միսիոներ քաղաքի հշխանությանը բողոքեց տեղի ունեցող չարագործությունների դեմ, նրան պատասխանեցին, թե հայերին վերացնելու վերաբերյալ հրամանը վերևից է տրվել³:

Ամերիկյան «Current History Magazine» ամսագիրն իր 1917թ. նոյեմբերի համարում հրապարակեց Մարզվանի Անատոլիական քոլեջի տնօրեն Զ. Ռույթի վկայությունները՝ «Թուրքերը հայերին սպանում են կացնով» վերնագրի տակ:

1915թ. օգոստոսի 13-ին Ամասիայի Օրթա Քեոյ և Հաջի Քեոյ բնակավայրերից հավաքեցին տարբեր սեռի և տարիքի 700 հայի: Նրանց քարավանը օգոստոսի 22-ին հասավ Բողապյան: Այստեղ քարավանն ուղեկցողներին միացավ մահմեղական ամրություն: Թենի խան վայրում տղամարդկանց առանձնացրեցին քարավանից ու տարան մի լրված իջևանատուն, որտեղ նրանց մոտ

¹ Նետիմ Մ., նշվ. աշխ., էջ 84–86:

² Ղազարեան Հ., նշվ. աշխ., էջ 107:

³ Լեփսիուս Յո., նշվ. աշխ., էջ 67:

եղած դրամն ու իրերը խլեցին և բոլորին հանձնեցին զինվորներին և մարդասպանների խմբերին: Վերջինները նրանց խմբերով միմյանց կապեցին և ոչնչացրեցին: 250 Հոգու սպանեցին կանանց ու երեխաների ներկայությամբ: Քարավանում մնացին միայն կանայք, ծերեր և երեխաներ, որոնց քշեցին էսքիչեցիր (Կայսերիից հյուսիս), որտեղ թուրքերը հափշտակեցին զեղեցիկ կանանց, աղջիկներին ու տղաներին: Մնացածին տարան Աղանայի ուղղությամբ: Ճանապարհին ժանդարմները յուրաքանչյուր ընտանիքից պահանջեցին 40 դուրուց¹:

«Literary Digest» թերթի 1919 թ. հունիսի 7-ի համարում մեջբերված են Բարլետի խոսքերը. «Սվազում մի փոքր աղջիկ պատմեց, որ թուրքերն իր հորն ու մյուս տղամարդկանց միմյանց կապեցին, խոշտանգեցին և ապա սպանեցին»:

Երբ 1918 թ. գարնանը անզիացիները գրավեցին Սիրիան, փրկվեց 1800 ամասիացի հայ, որոնցից 650-ը վերադարձավ հայրենիք քաղաք: Ստեղծվեց Ազգային վարչություն, որը գործեց մինչև 1923 թ. և գրաղվում էր ամասիացիների տունդարձի խնդիրներով: Սակայն դա երկար չտևեց: Շուտով Ամասիան լրիվ հայաթափվեց:

ՄԱՐԶՎԱՆ

Մարզվանի 22.000 բնակչից 12.000-ը հայ էր: 1915 թ. մայիսի սկզբից տեղի ունեցան զանգվածային ձերբակալություններ: Տեղի ամերիկյան քոլեջի միսիոները գրում է, որ հայերի դեմ մահմեղական բնակչությանը գրգռելու համար իշխանությունները խոշտանգումների միջոցով մի քանի հայի հարկադրեցին «խոստովանել», թե հայերի մոտ մեծ քանակությամբ զենք կար: Լեփսիուսը վկայում է. «Անոնք, որ չարչարանքներն ի գործ կը դնէին, առաջուց գոհին կը հաղորդէին, թէ ի՞նչ տեսակ խոռվութիւններ կը սպասէին իրենից եւ կը ծեծէին զայն, մինչեւ որ իրենց սպասածը ձեռք անցունէին»²:

«Current History Magazine»-ը 1917 թ. նոյեմբերին գրում է, թե Մարզվանում «ըստազաղթն սկսվեց գիշերը: Գեղեցիկ կանանց ու աղջիկներին առանձնացրեցին և վաճառեցին 2-4 դոլարով... իշխանությունների կարգադրությամբ՝ քաղաքի հայոց գերեզմանատունը հերկեցին ու հացահատիկ ցանեցին»:

Միսիոներներից մեկը Մարզվանի տեղահանության մասին պատմում է, թե ժանդարմները գիշերը կապեցին 300 ձերբակալվածների ձեռները՝ իբր Ամասիա տանելու համար, սակայն Ձիկե գյուղի մոտ կացիններով ջարդեցին: Թուրք պաշտոնատարն ասաց, որ այդ եղանակով ոչնչացվեց 1215 մարդ: Այն վրանից, որտեղ հարցաքննում ու խուզարկում էին գոհերին, քիչ հեռու մեծ փոս փորեցին: Հինգական հայի, մերկ ու ձեռքերը կապած, բերում էին փոսի մոտ, ծնկի իջեցնում և կացնով կամ սրով սպանում էին: Սկզբում կանանց ու երեխաներին

¹ R 14088, Ab, 30012.

² Լեփսիուս Յո., նշվ. աշխ., էջ 65:

աղատ արձակեցին, բայց հետո Մոսուլ ուղարկեցին¹:

Հունիսի սկզբներին Մարզվանում,- վկայում է Հ. Ֆիրբյուխերը,- կարմրած երկաթի և աչքեր հանելու միջոցով հարկադրում էին ասելու գենքերի թաքստոցների տեղերը, և երբ խոստովանությունը ստացան, այդ մասին լուրը լայնորեն տարածեցին մահմեղական բնակչությանը գրգռելու համար: Ապա հավաքեցին «բոլոր տարիքի և խավի պատկանող տղամարդկանց, ինչպես նաև հիվանդներին, որոնց դուրս քաշեցին անկողնուց: Նրանց բաժանեցին 30-150 հոգիանոց խմբերի և աքսոր քշեցին: Ճանապարհին նրանք բոլորը անխնա կոտորվեցին: Կանանց ու երեխաներին թույլատրեցին իրենց հետ սննդամթերք վերցնել միայն մեկ օրվա համար: Քաղաքի 12.000 հայից միայն մի քանի հարյուրը փրկվեցին:

Վիրավոր հայ զինվորը ուղամաճակատից վերադառնալիս հայրենի Ծիլեհա գյուղում տեսավ, թե ինչպես էին Սեբաստիայի թեմի առաջնորդին պայտել: Վալին ցինիկաբար հայտարարեց, թե «չէր կարելի թույլ տալ, որ եպիսկոպոսը մեկներ հետիւտն»: Ծիլեհա գյուղի տղամարդկանց իրար կապեցին, քշեցին գյուղի կենտրոն և սպանեցին բոլորի աչքի առաջ: Մի կնոջից պահանջնեցին մահմեղականություն ընդունել, և երբ հրաժարվեց, սվինահար արեցին երեխաների աչքի առաջ²:

* * *

Նահանգի կառավարական մեքենան ամբողջությամբ, բանակը, ոստիկանությունը, մահմեղական խուժանը, քրդական և չեչենական ավաղակախմբերը մասնակցեցին Փոքր Հայքի 370.000 հայության ջարդին:

Մուամմերը Սեբաստիայի նահանգից տեղահանվածների վերաբերյալ նԳ նախարարությանը ներկայացրել էր հետեւյալ տվյալները:

Սեբաստիայի սանջակ՝ ընդամենը 77.037 հայ, որից Սեբաստիայի կենտրոնական կազա՝ 23455. Ազիգիեի կազա՝ 939, Թոնուղեն՝ 13113, Ենի խան՝ 1366, Կոչասար՝ 11347, Զառա՝ 5978, Տիվրիկ՝ 8262, Դերենդե՝ 2783, Կյուրին՝ 7606, Ղանդալ՝ 3088 հայ: Ըստ Մուամմերի հեռագրի՝ Ամասիայից տեղահանվել էին 22871, Թոքաթից՝ 20403, Շապին Գարահիսարից՝ 20271 հայ:

Մուամմերի հեռագրի (1915 թ. Հուլիսի կես) մեջ կան հետեւյալ տողերը. «Վիլայեթում տարագրությունն ավարտված է: Տարագրված-քշված հայերի թիվը վիլայեթում նախատեսված էր 160 հազար: Սակայն հայերի մի մասը Գարահիսարի և Ամասիայի դեպքերի ժամանակ բնաջնջվել ու սպանվել է, դրա համար էլ վիլայեթից տարագրվածների թվի մասին տոմարներում արձանագրված ընդունելի է»³:

Սեբաստահայության կոտորածների իրականացմանը մասնակցել են ժանդարմներ, չեթեներ, ոստիկաններ, սպաներ և նրանց հետ գործակցող հազարա-

¹ R. 14093, Ab. 24663.

² Փարճօքեր Դ., Արմենիա 1915, Ep., c. 54-55.

³ Ղազարեան Հ., նշվ. աշխ., էջ 106-107:

վոր թուրքեր: Սակայն գլխավորն էր Յ-րդ բանակի հրամանատար Մահմեդ Քյամիլը: Սանդերսի բնութագրմամբ՝ նա որպես զինվորական ոչնչություն էր, բայց նաև հայակեր էր, Բ. Շաքիրի մերձավոր գործակիցն էր, որը էրգրումում գերմանական հյուպատոս Շոյնբերգին ասաց. «Պատերազմից հետո այս վայրերում որևէ հայի գոյությունը ցանկալի չէ»: Նա եռանդուն մասնակցություն ունեցավ ամբողջ Արևմտյան Հայության բնաջնջման գործին, որն ավարտելուց հետո մեկնեց Կ. Պոլիս ու դարձավ Էնվերի խորհրդականը:

Սերաստիայի հայերին հասցված նյութական վնասը կազմեց 500 մլն. դոլար: Հաշվում է, որ յուրաքանչյուր սերաստացի հայն ուներ 50 օսմանյան ոսկուն համարեք ունեցվածք, ընդամենը 18.5 միլիոն ոսկի: Հ. Նազգաշյանն այս թվերի իրական լինելն ապացուցում է հետևյալ կերպ:

1914 թ. հուլիսի 21-ի զինվորագրությունից ազատվելու համար հայերը վճարեցին 12 քարյուղի թիթեղ ոսկի: Թեքելիֆի-Հարբիք անվան տակ իշխանությունները վերցրեցին մեծ քանակությամբ մթերք: Տեղահանությունից առաջ հայերն ամերիկացի միախոներներին հանձնեցին մեծ քանակությամբ ոսկեղան և գոհարեղեն, շատ հարստություններ թաղեցին տների հատակներում, այգիներում և այլուր: Թուրքական կառավարությունը տիրացավ օսմանյան բանկերում հայերի ավանդներին: Հայերից բռնագրավված ունեցվածքի չնչին մասը զինադադարից հետո հանձնվեց առաջնորդարանին: Հայերը մեծ գումարների ավանդներ ունեին միջազգային խնայողական և ապահովագրական հիմնարկներում: Գոյություն ունեին վիթխարի թվով պարտամուրհակներ, որոնց մեջ մեծ տոկոս էին կազմում կառավարության պարտքերը հայերին: Քարավանների անվտանգության համար ամեն օր մուծվում էր 30-50 ոսկի: Այդ քարավաններից կողոպտվեց մեծ քանակությամբ հարստություն:

Մի քանի վկայություն:

Ամասիայի հայերի վախճանի մասին Հեղինե Իգնատոսյանը պատմել է. «1915 թ. հուլիսի 25-ին... տեղի գայմագամը մեր քարավանից 1500-ի չափ աղջիկներ ընտրեց և վաճառեց զբուղացիներին... Ամասիայից 18 հազար հոգի տարագրվեց: Ութ տղամարդ և իննասուն կին միայն մնացին»:

«12 ժամ շարունակ,- զրում է նա,- որևէ կաթիլ ջուր չէինք խմել: Զուր խմելու թույլտվություն խնդրող 25 կանանց գետում խեղղեցին: Այդ գիշեր ծարավից մեռավ 205 հոգի... Օգոստոսի 10-ին ստիպեցին, որ կրծքի երեխաներին զցենք: 500 երեխա ողջ-ողջ թաղեցին... Տեսա մի երեխայի, որ մեռած մոր կուրծքն էր ծծում»:

Լուսի ժամկոչյանը պատմում է, որ երկու վարդապետների և 15 այլ հոգևորականների թոքաթի բերդում սոսկալի տանջանքների ենթարկելուց հետո, նրանց աչքերը փորեցին, քիմն ու ականջները կտրեցին և ապա այրեցին: Մեր քարավանի վրա հարձակվեցին 25 ձիավոր թուրքեր, կողոպտեցին հագուստները, դրանք մեր աչքի առաջ վաճառեցին քրդերին և մեզ հարկադրեցին ճանապարհը շարունակել մերկ վիճակում:

Հուլիսի 26-ին ցեղապետ Հաջի Բեղրին և իր մարդիկ մեր քարավանից տղամարդկանց առանձնացրեցին և մեր աչքի առաջ մորթեցին, իսկ մեզ այդ նույն ժամանակ հարկադրում էին բղավել. «Կեցցե՛ Փաղիշահը»:

Մի քանի օր արևի տակ լրիվ մերկ քայլելուց հետո, այլևս չդիմանալով, շատ կանայք իրենց գետը նետեցին:

Հերմոն Հովսեփյանը պատմել է. որ Մալաթիայի ու Աղբյամանի միջև ընկած մի վայրում տեսել է 23 հայ աղջիկների մերկ դիակներ, որոնց սեռական օրգանների մեջ քարեր էին մտցված: Ռաս ուլ-Այնի անապատը դիակներով էր ծածկված: Մի քանի թուրքեր այրում էին այդ դիակները և դրամ ու ոսկի փնտրում:

Ազիրեկ անունով մի բժիշկ պատմել է հետևյալը, «Երբ ինքը գտնվում էր Սվաղի վիլայեթի Մարզվան կազայում, իմանալով, որ մի խումբ հայեր սպանվելու են ուղարկվում, գնաց գայմագամի մոտ և խնդրեց, որ իրեն թույլատրեն ներկա գտնվելու այդ գործողություններին: Թույլտվություն ստանալով, նա գնում է ղեպքի վայրը և տեսնում չորս զահիմների, որոնցից յուրաքանչյուրի ձեռքին կար մի երկար դանակ: Դատապարտյալներից 10-ական մարդ առանձնացնելով, ժանդարմները նրանց մոտ էին ուղարկում: Դահիմները հայերին մորթում էին ոչխարի նման: Բժիշկը հայտնում է իր զարմանքը, թե ինչպես էին հայերը մեռնում՝ առանց որևէ խոսք ասելու: Ինչ վերաբերում է կանանց ու երեխաներին, ապա ժանդարմները նրանց կապելով՝ բարձունքից ցած էին գլորում..»¹:

Բոնագաղթի 3000 հոգիանոց քարավանն ուղեկցող թուրք ժանդարմը խոստովանել է. «Բոլորը զոհվեցին, բոլորը մեռած են»²:

Թուրքական բարբարոս իշխանությունները հայասպանության գործի մեջ ներքաշել էին ամրող հասարակությանը: Մահմեդական զանգվածները հոժարակամ էին գնում զրան, որովհետև շահ ունեին՝ հարստությունների էին տիրանում ու նաև հագուրդ տալիս մահմեդական իրենց այլամերժ, մոլեռանդ կրքերին: Սերաստիայի ճանապարհներին վիստում էին մահմեդական մարդասպանները: Նրանք այդ վայրերում գտնվում էին իշխանությունների հանձնարարությամբ կամ ինքնակամ և, ինչպես նրանցից մեկը խոստովանեց, ճանապարհներին հերթապահում էին «սպանելու անցնող հայերին» և այդ սրիկան արդեն հասցրել էր սպանել 250 հոգու³:

Էնդերեսում մի հայի տան պատին մեծ տառերով գրված էր.

«Մեր տունը լեռնագագաթն է:
Մեզ այլևս սենյակ պետք չէ:
Մենք խմել ենք մահվան դառը բաժակը
Դատավոր մեզ այլևս պետք չէ»⁴:

Բոնագաղթը Սերաստիայի նահանգում նշանակեց, եթե մինչև աշխարհամարտը նահանգում բնակվում էր 225.000, ապա պատերազմի վերջին՝ 16800 հայ⁵: Սակայն դա՝ շատ կարճ ժամանակ: Շուտով Սերաստիան լրիվ հայագրկվեց:

¹ Bryce J., նշվ. աշխ., էջ 248-250:

² Նույն տեղում:

³ Նույն տեղում:

⁴ R 14092, Ab. 20411.

⁵ «Ամէնուն տարեցոյցը», ԺԶ. տարի (1922 թ.). Հայ միտքը երէկ եւ այսօր:

ՇԱՊԻՆ ԿԱՐԱՀԻՍԱՐԻ ԱՍՏԵՂԱՅԻՆ ԺԱՄՆ ՈՒ ՄԱՅՐԱՄՈՒՏԸ

Շապին Կարահիսարի սանջակն ուներ 16 գյուղ: Պատերազմի նախօրյակին վարչատարածքում բնակվում էր 95.000 մարդ, որից 25.000-ը՝ հայ: Սանջակում բնակվում էին նաև թուրքեր, քրդեր, չերքեզներ և հույներ:

Դեռ 1914 թ. օգոստոսին բանակ զորակոչվեց 300 հայ: Նրանց ոչ միայն զենք չտվեցին և ուղարկեցին շինարարության վրա աշխատելու, այլև թուրք սպաները հայ տղաների համար անտանելի պայմաններ ստեղծեցին: Վիրավորում էին նրանց արժանապատվությունը, ծեծում էին, ամեն տեսակի վիրավորանքներ հասցնում: Հայերը նման վերաբերմունքին պատասխանեցին դասալքությունով: Իշխանություններն սկսեցին նրանց հետապնդել ու դաժանորեն պատմել: Դրան զուգահեռ, թուրքական բանակում ծառայող հայ զինվորները զինաթափում ու ոչնչացվում էին: Դասալիքներ և զենք գտնելու պատրվակով խուզարկություններ էին կատարվում, բանտ էին նետվում բացարձակապես անմեղ մարդկեր:

1915 թ. սկզբներից զանգվածային ձերբակալություններն սկսվեցին, բանտ տարվածների մեծ մասը ոչնչացվեց: Մայիսի վերջերին ձերբակալությունները զանգվածային բնույթ ստացան:

Սկսվեց հայերի կողոպուտը: Բոնագրավեցին նրանց ողջ ունեցվածքը՝ խանութներից մինչև օրվա հացի պաշարը: Դրա հետևանքով քաղաքի մատակարարումը ձախողվեց, խանութները դատարկվեցին: Անելանելի դրությունից քաղաքի բնակչությանը հանեց տեղի առաջնորդ Վաղինակ ծ. վրդ. Թորիկյանը, որը հաջողեց բավարար քանակությամբ սննդամթերք քաղաք ներմուծել:

Մեծ թվով տղամարդկանց, ծերերի և ղեռահամերի վերածեցին շալակավորների և գործածեցին ուղմական բեռներ տեղափոխելու գործում: Նրանցից շատերն սպանվեցին ճանապարհներին:

Շապին Կարահիսարը մեկուսացած էր հայկական շրջաններից, ինչը նույնպես դեր խաղաց, որ տեղի հայությունը մատնվի ծանր կացության: Ամեն օր ձերբակալություններ, խուզարկություններ: Հայերի զենքերը խլում էին, իսկ թուրքերին զենք էին բաժանում: Ոստիկանատուն է կանչվում թեմի առաջնորդն ու զավադրաբար սպանվում: Հայերը դրանից հետո էլ հույսը չէին կտրում, թե հնարավոր էր լեզու գտնել, խուսափել արյունահեղությունից:

Շապին Կարահիսարը ուղմածակատամերձ տարածք էր, որտեղ կուտակված էին մեծ թվով զորքեր ու ուղմական տեխնիկա: Բանակը և թուրք, քուրդ չերքեզ մոլեռնաղ զանգվածը շրջապատել էին սանջակը:

Դեռ 1914 թ. հոկտեմբերին թուրքական զորքերը (մոտ 15000 զինվոր) Ահմեղի հրամանատարությամբ տեղակայվեցին Էստերես, Քյուրք, Մեսարա, Աղրավես, Քերմանոս, Վերի Ածատեր, Վարի Ածատեր և մի քանի ուրիշ զյուղերում: Ասկարիները կողոպտում էին հայ գյուղացիներին, սպանություններ գործում: Հայ բնակչության վրա հարձակումներ էին գործում նաև Սեբաստիայում մարզված չեթեական երկու գնդերը (4000 մարդ):

Բանտերից հանեցին մահեղական քրեական հանցագործներին և նրանց նույնպես ուղղեցին հայերի դեմ: Զեթեների հետ էր Քել Հասանն իր ավագակախմբով, որը պատուհաս դարձավ հայ բնակչության համար: Օր չէր լինում

առանց կրակոցի, սպանության և բռնարարքների: Վաղինակ վրդը դեռ 1914 թ. սեպտեմբերի 20-ին գրել էր պատրիարքին. «Հայոց հանդէպ անբարեացակամ վերաբերմունքը որոշակի կը շետուի ամեն օր քաղաքիս եւ չրջակայ հայաբնակ գիւղերու մէջ՝ բռնի գրաւումներն ու տարապարհակը ամենէն աւելի ու վերջին ծայր խստութեամբ կը գործադրուի: Գնալով քաղաքին՝ վնասուողներուն ամենամեծ մասը դարձեալ հայն է, որովհետեւ գրաւուած առարկաները՝ շաքար, պայտ, կոտոր, քարիւղ մոմ, բրինձ եւ այլն, եւ այլն, հայ խանութներէն առնուեցան, մինչդեռ թիւրքերուն նախապէս լուր տրուելով՝ անոնք կա'մ պահեցին, կա'մ խանութնին գոցելով իրենք պահուեցան, իսկ հայերու գոցուած խանութները բռնութեամբ բացին եւ ուղաճնին առին»¹:

Ինքնապաշտպանության նվազագույն փորձ համարվում էր ապստամբություն ու նաև՝ աջակցություն ուսւաներին: Չնայած Շապին Կարահիսարի հայությունը ուսւամետ գործունեությամբ չէր զբաղվում, բայց թուրքական բարբարոսություններն անպայման ուժեղացնում էին նրանց հակվածությունը դեպի ուսւաները. «Մենք ի՞նչ խղճով կոռի պիտի ելլենք մեր ազատարարի դէմ, ասում էին նրանք:- Նախապատի կը համարեմ կախաղան բարձրանալ, քան թէ Ռուսիոյ դէմ կոռի, զնդակ արձակել անոնց զինուորներուն վրայ, որոնց շարքերուն մէջ կան նաև հայ զինուորներ, մեր ազգակից ուսւահայ եղբայրներ...»²:

Զարդերի հրամաններ չեթեներին տրվել էին 1914 թ. նոյեմբերի 16-ին, 20-ին և գեկտեմբերի 16-ին:

Հունվարին խզվեց կապը քաղաքի ու գյուղերի միջև, միմյանցից մեկուսացվեցին նաև գյուղերը:

Փետրվարի 8-ին չեթեները հարձակվեցին Բյուրքի գյուղի վրա: Հայերը համառ դիմադրություն ցույց տվեցին: Դա բավական էր, որ Մուամմերը Բարձր Դոնից թույլտվություն խնդրեր «ջախջախելու հայերի ապստամբությունը»: Էնդիրեսի գաղանաբարո գայմազամն սկսեց գյուղացիների խոշտանգումները՝ դադում էին շիկացած երկաթով, քաշում եղունգները, փորում աչքերը: Դրանք ընդգումներ առաջ բերեցին: Եղիայի լեռներում ձևավորվեց հայդուկային խումբ: Դրան հետևեց Բյուրք գյուղի կանանց ու երեխաներին թունավորելով մեղնելը: Մայիսի 12-ին, 23-ին և 31-ին Կ. Պոլսից գաղտնի հրամաններ ստացվեցին հայերի հանդեպ ներողամիտ չիննել, նրանց չիննայել: Շապին Կարահիսար քաղաքում երևացին ուստիկանական ուժեղացված ջոկատներ, լուրեր տարածվեցին Վանի և Կ. Պոլսի իրաղարձությունների մասին:

Աղետ էին գուժում կայսրության տարրեր վիլայեթներում հայերի տեղահանությունները³: Առնողի թոյնրին նկատում է, որ ոչ թե ըմբռոստություններն էին տեղահանությունների պատճառը, այլ տեղահանություններն ու ջարդերն էին շապինկարահիսարցիների ընդգլման պատճառը: 4000-ի հասնող հայ բնակչությունը չէր կարող չմտահոգվել իր փրկության համար, զենքով չհաստատել գյոյատելու իր իրավունքը⁴:

¹ Զաւէն Արք., նշվ. աշխ., էջ 62:

² Տէր-Յարութիւննեան Հ., Շապին-Գարահիսարի ապստամբութիւնը, Թիֆլիս, 1917, էջ 46-47:

³ Bryce J., նշվ. աշխ., էջ 629:

⁴ Toynbee A., Armenian Atrocities..., p. 70-71.

Բանտերից ազատված հանցագործները ոստիկանների ուղեկցությամբ հարձակում գործեցին քաղաքի շուկայի վրա: Հրոսակապետ Քել Հասանը 200 ավագակներով սկսում է կողոպտել ու սպանել: Քաղաքի հայկական թաղերն աստիճանաբար դատարկվում էին:

Գրեթե միաժամանակ քաղաք լցվեցին արհեստավորներ, գյուղացիներ, կանայք, երեխաներ, ծերեր: Նրանց մեջ կային նաև զենք ունեցողներ և անմիջապես ձեւավորվեց աշխարհազոր՝ թուրքերի և ոստիկանության ոտնձգություններից պաշտպանվելու համար¹: Մայր առան փողոցային մարտեր: Հունիսի 2-ին հայկական թաղերը շրջափակվեցին, ոչնչացվեց 400 հայ: Դա հայերին մղեց ինքնապաշտպանության, որը կազմակերպված կերպարանք ստացավ մարտերի ընթացքում: Ակնհայտ էր, որ թուրքերը դիտավորություն ունեին բնաջնջելու հայ բնակչությանը, ինչը համախմբեց նրանց: Տարբեր քաղաքական կուսակցությունների ներկայացուցիչներ՝ Ղուկաս Դեռլիթյան (Ղուկաս Աղբար), Ավագ Տուրիկյան, Շապուհ և Խորայել Օղանյաններ, Գարեգին Կարմիրյան, Վահան Հյուսիսյան, Հմայակ Կարապյողյան, Գասպար Ղուկասյան, Ժողովի հավաքվեցին:

Ձևավորվեց Ռազմական խորհուրդ: Խորհուրդը քաղաքի հայությանը ինքնապաշտպանության կոչեց, որոշեց պաշտպանության կետերը, դրանց պատասխանատունները: Բնակչության սննդի գործը կազմակերպելու համար առանձին հանձնաժողով ստեղծվեց: Շ. Օղանյանին հանձնարարվեց կազմակերպելու հայ բանտարկյանների փախուստը, ընթերցվեց Մուրադի նամակը, թե ինքնապաշտպանության նպատակով 2000 հոգով լեռ են բարձրացել և մտադրություն ունեն շարժվել դեպի ոռուսական սահման: Մուրադը շապինկարահարցիներին առաջարկում էր միանալ իրենց: Ժողովը չարձագանքեց այդ առաջարկին, որովհետև քաղաքը շրջափակված էր և ժողովրդին քաղաքից հանելն՝ անհնար: Ինքնապաշտպանությունն երկրնտրանք չուներ:

Սահմանվեց խստագույն կարգապահություն. ով փորձեր կուսակցական վեճեր հրահրել, ենթակա էր մահապատժի, արգելվեց քաղաքից հեռանալ առանց Ռազմական խորհրդի գիտության:

Սկսեցին տներն ամրացնել, պաշտպանական պատճեններ ստեղծել: Քանդեցին փողոցների սալահատակները ու դրանցով դիրքեր կառուցեցին, դիրքերի վերածեցին մի շարք տներ: Նշանաբանն էր՝ «Բնաջնջուելէ առաջ՝ բնաջնջել»:

Հունիսի 2-ին 200 ոստիկան շրջապատեց հրապարակը: Քել Հասանը թաղից թաղ էր անցնում ու փնտրում «գյուղերից եկած փախստականներ»: Նա ձերբակալում է 20 հոգու, ապա միանում շուկայի վրա հարձակվողներին, սպանություններ կատարում, զրագում կողոպուտով:

Հայերի դեմ գործում էր թուրքական 6000 հոգանոց ուղամական ուժ: Հունիսի 3-ին սկսվում է հայկական թաղերի ոմբակոծությունը, սակայն հաջողվում է կասեցնել թուրքերի առաջխաղացումը: Շ. Օղանյանի ջոկատն անցնում է թշնամու թիկունք, մտնում է բանտ, բայց այնտեղ եղած բոլոր հայերն սպանված էին: Շ. Օղանյանը սպանվում է, իսկ ջոկատը հաջողում է վերադառնալ:

¹ Կիտուր Ա., Պատմութիւն Ս.-Դ. հնչակյան կուսակցության, հ. Ա, Պէյրութ, 1962, էջ 449:

Հայերի տները փայտաշեն էին և թուրքերը հաջողում են հունիսի 5-ին դրանք կրակի տալ: Հայերը հարկադրված են լինում բնակչությանը մաս-մաս տեղափոխել բերդ: Թուրք խուժանը լցվում է հայոց թաղերն ու սկսում կողոպտել այրվող տները:

Թշնամին 12 թնդանոթից անդադար ոմբակոծում էր հայկական թաղերը: Մի քանի օրում հրո ճարագ դարձավ ու ավերվեց 3000 տուն: Հայերը քաշվեցին բերդ՝ հետները տանելով ինչ-որ քանակությամբ պարեն, զինամթերք, անառուներ: Բերդում ապաստանեց 5032 հոգի:

Բերդ տեղափոխվածներից տղամարդ էր միայն 1500 հոգին, իսկ կովող՝ 150-ը:

«La Campana» թերթը 1915 թ. հոկտեմբերի 27-ին գրում է. «Կարահիսար քաղաքը կողոպտվել և հրկիղվել է զորքերի կողմից: Հայկական թաղամասը վերածվել է մոխրակույտի: Այրվեցին նաև դրա հարևանությամբ եղած 800 թուրքի տները: Եկեղեցին և առաջնորդի բնակարանը հրդեհեցին»:

Թուրքերը հարձակվում են միջին մասի թաղերի վրա: Հայերը նրանց կրակի տակ են առնում ու շատերին ոչնչացնում, ապա հրկիղում են թուրքերի տները: Նահատակի ձորում թուրքերը ծանր կորուստներ են կրում:

8500 հայեր ամրանում են բերդում ու ժայռերում, ծերպերում ու քարանձավներում: Բերդի կարեսոր կետերի պաշտպանությունը հանձնվեց 5-25 հոգանոց մարտական խմբերին: Բնակչությունը հավաքվել էր բերդի պարսպի հետեւ և դա վերածել պաշտպանության առաջին գծի: Երգնկայից ու Սեբաստիայից Նեղեթի հրամանատարությամբ նոր զորքեր են գալիս:

Քաղաքի բերդը կառուցված էր ապառաժների վրա, այնտեղ հնարավոր էր մտնել միայն հայկական թաղով, որն իշխում էր քաղաքի վրա: Բերդի կենտրոնում միջնաբերդն էր, որը կարող էր տեղափորել 1200 հոգանոց զորք: Միջնաբերդի մոտ խոր ջրհոր կար:

Հայերն ունեին 320 հրացան, 330 ատրճանակ, շուրջ 500 ձեռնառումք և զենքեր, որ նրանք վերցնում էին սպանված թուրքերից:

Կոփն ընթանում էր յուրաքանչյուր տան և դիրքերի ամեն մի հատվածի համար: Կոփները զնալով ավելի ու ավելի արյունահեղ էին դառնում¹:

Հունիսի 9-ին մութեսարիփը մի հայ կնոջ միջոցով առաջարկում է հանձնվել՝ խոստանալով խնայել հայերի կյանքը: Ռազմական խորհուրդը մերժում է այդ առաջարկը: Հունիսի 10-ին թուրքերը վերսկսում են ոմբակոծությունը, սակայն բերդը գրավելու նրանց բոլոր փորձերը ձախողվում են:

Հունիսի 15-ին վալի Մուտամմերը նոր բանագնաց է ուղարկում առաջարկելով հանձնվել, այսապես «թնդանօթներով հիմքն կործանելու է բերդը»²:

Հայերը նորից են մերժում: Երկու օր շարունակ բերդը ոմբակոծվում է, բայց ապարդյուն: Չնայած մեծ ավերածություններին, բերդը կանգուն մնաց, թշնամին մեծ զոհեր տալով հետ քաշվեց: Սակայն հայերի պաշարներն սպառվում էին, անթաղ դիակները՝ նեխում, համաձարակը թակում էր բերդի բնակչու-

¹ Ակունի Ս., նշվ. աշխ., էջ 216

² Արամ Հայկագ, Շապին-Գարահիսարը և իր հերոսամարտը, Նիւ Եռոք, 1957, էջ 207:

թյան դռները: Թշնամու անընդմեջ ոմբակոծությունները թույլ չէին տալիս մեռածներին ու սպանվածներին թաղել:

Հունիսի 19-ին Մուսամմերը նոր բանագնացներ է ուղարկում հանձնվելու պահանջով: Սովոր ու ծարավն արդեն տիրապետող էին, հայերի մեջ եղան մարդիկ, որոնք պատրաստ էին թուրքերի հետ բանակցություն սկսելու, սակայն մեծամասնությունը գտնում էր. «Մեռնելու երկու ձեւ կայ, պատուաւոր եւ անպատիւ մահ. թող աշխարհը լսէ, թէ՝ շապինգարահիսարցիք պատուով մեռան»¹:

Թշնամին ավելի մեծ ուժեր է մարտի նետում: Հունիսի 23-ին զինվորները թնդանոթային կրակի պաշտպանությամբ չորս ուղղություններով գրոհի են անցնում: Հայերը համառ դիմադրություն են ցույց տալիս, թշնամուն ծանր կորուստներ պատճառում, սակայն թուրքերից 70 հոգի հաջողում է հյուսիսային կողմից մազլցել բերդը: Թշնամուն կանգնեցնելու մի միջոց կար, միջնարերդի վերևում կանգնած հացթուխ կանանց հատվածը, որոնք, սակայն, ուումբեր չունեն: Ռումբ նրանց հասցնում է 14-ամյա Հմայակ Թևեքելյանը որը քիչ անց զոհվում է: Կանայք ուումբը նետում են թուրքական խմբավորման վրա և խուճապի մատնում:

Բերդը վերածվել էր կրակի հսկա օղակի փոթորկախառն անձրևի նման տեղացող գնդակների տարափի տակ. համատարած ծուխ, քանդված ու կիսաքանդ տներ, ածխացած գերաններով անանցանելի դարձած փողոցներ, խավարի մեջ կորած հսկա ժայռ: Օրական հայերի վրա 300 ուումբ էր նետվում:

Դիմադրությունը թե՛ սոսկալի էր և թե՛ խելահեղ. կյանքի ու մահվան անհավասար պայքար հզոր թշնամու դեմ: Բերդն ու ծողովուրդը դիմադրում էին 6000 կանոնավոր զորքի և 10.000 բաշիբողուկի հարձակումներին: Հետ մղվեց չորս ընդհանուր զոհ: Հայերը կովում էին երգելով, կովում մեծ խանդավառությամբ: Նրանք կարծես ուրախ էին, որ հնարավորություն է ստեղծվել կովելու, զենք արձակելու հարյուրամյակներ շարունակ իրենց ձնշող, նվաստացնող ուժերի դեմ:

Սակայն նրանց վիճակն ավելի քան ծանր էր, այլևս չկար ո՛չ պարեն, ո՛չ ուազմամթերք, իսկ ուուսական բանակն էլ ուշանում էր:

Հարցը քննարկվում է Ռազմական խորհրդի նիստում: Կարծիքները բաժանվում են. մի մասն առաջարկում է ճեղքել պաշարման գիծը և դուրս գալ, իսկ մյուսները դա վտանգավոր են համարում և պահանջում անձնատուր լինել: Հունիսի 25-ին, այսինքն՝ ինքնապաշտպանական կոիկների 23-րդ օրը, առաջին առաջարկության կողմնակիցները (800 հոգի) Ղուկաս Դեռվլեթյանի և Վահան Հյուսիսյանի գլխավորությամբ հնարամիտ սրբնթաց հարձակումով ճեղքում են թշնամու օղակը և բարձրանում են էնդերես լեռը: Իսկ մյուս առաջարկության կողմնակիցները մնում են բերդում: Առավոտյան բերդի վրա սպիտակ լաթ կախվեց: Բերդից դուրս եկածները պարտիզանական կոիկներ են մղում, թշնամուն կորուստներ պատճառելով և իրենք էլ կորուստներ տալով շարժվում են դեպի Կիրասոն-Օրդու: Զոհվում են Ղուկաս Աղքարը, նրա զինակիցներից շատերը, իսկ մնացածները կարողանում են միանալ ուուսական բանակին²:

¹ «Յուշամատեան Մեծ Եղեռնի», էջ 777:

² Տե՛ս Տէր-Յարութիւնեան, նշվ. աշխ.:

Ճակատագրական ճակատամարտը տեղի ունեցավ Հունիսի 20-ին: Թուրքական թնդանոթների ուժակոծություններին հայերը պատասխանում էին հրացանային համազարկերով:

Քանդվում են հայերի գիրքերը, գոհվում են հայ մարտիկները, սպառվում է ուղղմամթերքը, բայց դիմադրությունը շարունակվում է: Թուրքերը խորամանկում են, նրանց մի խումբ ներկայանում է որպես հայ փիղայի, խարում է պատանի պահապաններին ու մտնում է բերդ: Սկսվում է ձեռնամարտ: Թուրքական ոռումը է ընկնում բերդի այդ մասում և «թուրք փիղայիները» սարսափահար փախչում են:

Թշնամուն հանձնվելու փոխարեն, բերդում մնացածները թույն են ընդունում: Սակայն երկու օր թուրքերը չեն համարձակվում մտնել բերդ: Միայն Հունիսի 29-ին նրանք խուժեցին ներս և կոտորեցին կենդանի մնացած կանանց, ծերերին ու երեխաներին: Մայրերը երեխաներին գրկած նետվում էին ժայռերից:

Թշնամուն ուժեղ դիմադրություն ցույց տվեցին նաև մի քանի հայկական գյուղեր:

Ահա թե ինչպես է Շապին Կարահիսարի իրադարձությունները ներկայացնում թալեաթը. «Կոմիտեները (Հայկական կուսակցությունները) իրենց անդամներից շատերին այստեղ էին ուղարկում իրք ուսուցիչ և հոգևորական, որոնք ապստամբական մտքեր էին տարածում... Մի հոգևորական ամբողջ նահանգը շրջագայելով ժողովրդին զինված ապստամբության էր գրգռում: 1915 թ. Հունիսի 2-15-ին հայկական թաղամասում զենք գտնելու համար խուզարկություններ կատարող ոստիկաններն սպանվեցին», հեռազրալարերը կտրեցին ու քաշվեցին բերդի ներսը: «Այստեղ հավաքված էր մեծ քանակությամբ ռազմամթերք ու պարեն: Կրակի տրվեց ամբողջ քաղաքը, հազիվ 100 հոգի ազատվեց: Դրսից բերված զորամասերը պաշարեցին բերդը: Հայերը 25 օր պաշտպանվեցին... 300 հայ կարողացավ փախչել: Մյուսները կանանց ու երեխաների հետ հանձնվեցին... Սպանվեց երկու սպա և 84 զինվոր (թուրքերից)»¹:

Իրադարձությունների նկարագրության հարցում թալեաթի հետ կարելի է և չվիճել, բայց անհնար է չասել, որ այդ դահիճը ստում էր, երբ ամեն ինչի պատճառը համարում էր հայ կոմիտեների ու հոգևորականների ապստամբական քարոզությունը: Ա. Թոյնըին գրում է, որ Շապին Կարահիսարում 4000 հայեր, ի պատասխան արտաքսման պահանջի, զենքի դիմեցին և թուրքական զորքին դիմադրեցին մայիսի կեսերից մինչև Հուլիսի սկիզբը: Թուրքերը համարումներ և հրետանի բերեցին և քաղաքը հեշտությամբ կործանեցին²:

Կոիվները շարունակվում են մինչև Հունիսի 28-ը, երբ կովելն արդեն անհնար էր: Ո՞չ կովող էր մնացել, ո՞չ փամփուշտ և ո՞չ էլ սննդամթերք:

Ականատեսը Շապին Կարահիսարի պաշտպանության վերջին օրվա՝ Հունիսի 29-ի մասին պատմում է. «Այսօր ամենքն ալ ոտքի վրայ ելած են: Բերդին մէջ եղած բոլոր պաշարը հատած է եւ ամեն յոյս կորած: Բոլորին ալ յայտնի է, որ այսօր վճռական օր է: Տղամարդիկ կազմ ու պատրաստ կը սպասեն

¹ Թալեաթի Հուշերը, էջ 75:

² Τογհեռ Α., նշվ. աշխ., էջ 69-72:

Հրամանի: Կիներն ու փոքրիկ տղաները, շրջապատած անոնց չորս բոլորտիքը՝ կու լան եւ կ'անիծեն իրենց սեւ բախտը: Վայնասունը ինկած է ամբողջ բերդին մէջ: Աղիողորմ ճիչերն ու սրտմաշուք հառաջանքները քարերն անգամ կը յուղեն: Անմեղ հրեշտակի պէս սիրուն երեխաները՝ բնազդմամբ փաթթուած իրենց ծնողներուն՝ չեն ուղեր բաժնուիլ, ամենքը ապրիլ կը բաղձան, ամենքը ազատուել կուզեն, սակայն ազատութիւնը ծածկուած է սեւ քօղով: Շատ մը կիներ, իրենց ամուսիններէն բաժնուելէն առաջ թոյն ընդունած են արդէն եւ սոսկալի տանջանքներով գետնին վրայ կը տապլտկին՝ իրենց վերջին հրաժեշտը տալով աշխարհին, այն աշխարհին, որ դժոխք մը եղաւ իրենց համար: Անոնց չորս բոլորը սփոռուած են երեխաներու թունաւորուած դիակներ: Տղամարդերէն շատերը՝ անկարող տեսնելու և դիմանալու այդ աննկարազրելի տանջանքները, կիներեն կիսնդրեն, որ իրենց մեկնելեն վերջ ընդունին թույնը»¹:

Գերմանացի սպա Շուլենբուրգը Կարահիսարի մասին պատմում է, որ նա շատ գեղեցիկ քաղաք է, ծովի մակերևույթից 1500 մ բարձրության վրա՝ երկու բարձունքներով, որոնցից մեկն հին բերդն է: Առևտրի աշխույժ կենտրոն էր: Ինքնապաշտպանության (1915 թ.) ընթացքում քաղաքը գրեթե ամբողջությամբ հրդեհվեց՝ 5000 տնից կանգուն մնաց չուրջ 100-ը: Բերդում ամրացան 4000 տղամարդ, կին, երեխա ու կրակի տակ առան քաղաքը: Պահանջվեցին 20 օրվա մարտեր, 9-ը դաշտային թնդանոթներ և 2500 հետևակ՝ բերդը գրավելու համար: Բոլորն սպանվեցին, բացի աղջիկներից, որոնց տարան և այժմ նրանց կարելի է գտնել տարածքի բոլոր հարեմներում որպես ծառաներ: Հայերը քարերից ստեղծել էին ամուր պաշտպանական գծեր, որոնք հետագայում չուռ տվեցին զոհվածների վրա: Ամենուրեք թափված են հագուստի մասեր, գանգեր, կանանց կտրված մազեր և մարմնի այլ մասեր: Բերդում ընկած էին մի քանի հարյուր դիակներ:

Կովում էին ծեր ու մանուկ: Կովողներին ոգևորելու համար գպրոցականները հայրենասիրական երգեր էին երգում: Դիրքերում հաճախ էին հնչում «Կեցցե՛ Անդրանիկը», «Կեցցե՛ Շապին Կարահիսարի փառքը» նշանախոսքները:

Ոչ միայն Ամասիայում ու Շապին Կարահիսարում, այլև մի քանի ուրիշ բնակվայրերում հայությունը համառ դիմադրություն ցույց տվեց ջարդարաներին: Զարևանդի «Տյրզա և ուսումնական աշխատավայր» (Փարիզ, 1930) գրքի առաջաբանում Ա. Մանղելշտամը գրում է. «Սեբաստիայի վիլայեթի Դուղասար, Գավրա, Խոսան, Խանձոր և այլ վայրերի հայերը պատերազմի սկզբին ամեն ինչ արեցին թույլ չտալու հայ-թուրքական որևէ բախում, բայց երբ տեսան, թե իրենց այս կրավորական դիմադրությունը որևէ օգուտ չունի, դիմեցին զենքի և երկար օրեր պաշտպանվեցին: Շապին Կարահիսարի և Ամասիայի հայերը հաջողեցին մինչև իսկ թուրքերին քշել իրենց քաղաքներից, բայց գերակշիռ ուժերի կողմից նրանք ոչնչացան մինչև վերջին մարդը: (Մուրադի պատմածը. Կապույտ գիրք): Շապին Կարահիսարի գեպքը թուրք հիշատակագիրը պատմում է այնպիսի լոկիր ու այլանդակ կերպով, որի գաղտնիքը միայն թուրքերը գիտեն. «Այս տարվա հունիսի սկզբներին հայերը հանկարծակի և առանց որևէ շարժառիթի

¹ Տէր-Ցարութիւննեան, նշվ. աշխ., էջ 103:

Հարձակվեցին Շապին Գարահիսար քաղաքի վրա և հրդեւեցին խլամների թաղը: Ուժ Հարյուր ապստամբներ, որոնք փակված էին քաղաքի միջնարերդում, լսել անգամ չուզեցին կայսերական կառավարության հայրական խորհուրդները և հաշտարար առաջարկները: Նրանք պատճառ եղան հարյուր հիսուն մարդու սպանության, որոնց թվում և ժանդարմերիայի հրամանատարի»:

Սերաստիայի և Յողատի 200 հայեր չենթարկվեցին թուրքական ոճապործություններին, 1915-ին քաշվեցին Ալիս զետի հյուսիսային կողմում գտնվող Ակդաղ լեռը և մինչև 1918 թ. զինադաղարը մարտնչեցին ջարդարարների դեմ: Ակդաղի հերոսամարտի մասնակիցների մի մասը կարողացավ միանալ Անդրանիկի հրամանատարության տակ գործող զորքերին: Ակդաղի քաջարի լեռնականները, առանց դրսէ օգնություն ստանալու, հին ու սակավաթիվ հրացաններով, հաճախ քաղցած, մարտնչում էին կանոնավոր բանակի, հրանոթների դեմ և հաղթանակում: Անգամ ճակատամարտի պահերին էին ջոկատի անդամները զենք հայթայթում. պատանիները սողում էին դեպի սպանված թշնամիները և վերցնում նրանց զենքերն ու փամփուշտները: Այդ մանկահսակներն էին խմբին ապահովում նաև սննդով՝ բերելով մերձակա գյուղերից: Քաջությամբ առանձնապես աչքի ընկավ Գյուլբենկ Գույանը:

Խումբն անընդհատ համարվում էր ջարդերից մազապուրծ մարդկանցով, հաճախ գալիս էին նաև վիրավորներ, ծերեր, կանայք, երեխաներ: Նրանք խնամքի, սննդի կարիք ունեին: Անհրաժեշտ էր նրանց ուղամաճակատային գիծն անցկացնել՝ ուղարկել Ռուսաստան: Այս ամենը գնալով դժվարանում էր: Մի կողմից կողոպտված, ավերված գյուղեր, մյուս կողմից՝ թուրքերի չղաղարող հարձակումներ: Սկսեցին ուղամաճերք ու սննդամթերք լուել բանակից ու ելուզակներից:

Արամ Զավուշի դեկավարած խումբը հարձակվեց Զաթում հանգրվանած ոստիկանների վրա: Զնայած վերջինների մեծաթվությանը, հայդուկների հարձակմանը չդիմացան ու փախուստի դիմեցին: Հայերի դեմ զորքեր ուղարկվեցին: Մինչև կոկորդը դիմաված հեծյալներին դիմակայում էր կիսաքաղց փախստականների մի փոքրիկ խումբ, որը ժայռերի հետևեց կրակ բացեց թշնամու վրա: Կոփը երեք ժամ տևեց: Թշնամին 12 սպանված և մի քանի տասնյակ վիրավոր տալով փախուստի դիմեց: Ճակատամարտին մասնակցող կանայք բարձունքից քարե կարկուտ էին թափում թշնամու գլխին:

Թուրքերը որոշեցին սովամահության մատնել հայդուկներին ու ծնկի բերել: Նրանք կտրեցին մթերք հայթայթելու բոլոր ուղիները, հրդեւեցին հացածիկի դաշտերը: Սակայն հայդուկները չհանձնվեցին: Նրանք հավաքեցին այրված արտերի հատիկները և դրանցով սնվեցին: Թուրք գնդապետը բացականչեց. «Այս ժողովրդին նվաճել անկարելի է, ամեն նեղության տոկում և քարից հաց է ստեղծում»:

Չորս տարի թուրքերը չկարողացան ընկճել հայդուկներին: Արամ Զավուշի, Հաջի Փափազյանի, Բենիամին Եփրեմյանի և նրանց ընկերների անունները հայ ազատագրական շարժման հերոսների անունների թվում են¹:

¹ Տե՛ս Գալուստեան Գ., Գաբրիկեան Ն., Ագ-Տաղի քառամեայ գոյամարտը, Մարսել, 1932:

ԽԱՐԲԵՐԴ - ՄԱՄՈՒՐԵԹ ՈՒԼ - ԱԶԻԶ

Նահանգի վարչական և ռազմական կենտրոնը Խարբերդ քաղաքից մի քանի կիլոմետր հեռավորության վրա գտնվող Մեղիրե (Մամուրեթ ուլ-Ազիզ) փոքրիկ քաղաքն էր: Այն վալու և 11-րդ դորաբանակի հրամանատարության նստատեղին էր:

Խարբերդի դաշտում ավելի քան 100 գյուղ կար, յուրաքանչյուրը՝ 50-500 տնով: Գյուղական բնակչության մեծամասնությունը նույնպես հայեր էր¹: Սակայն թե՛ հայկական բնակվայրերի թվի ու թե՛ հայերի թվաքանակի տվյալներում խառնաշփոթ է տիրում:

Ի՞նչ էր Խարբերդի նահանգը մինչև Առաջին աշխարհամարտը: Նա գրադայնում էր 37800 քառ. կմ տարածություն, ուներ երեք սանջակ՝ Խարբերդ-Մեղիրե, Մալաթիա, Դերսիմ: Կենտրոնական սանջակի կազմի մեջ էին մտնում Խարբերդի, Արաբկիրի, Կեպան-Մատենի և Ակնի կազաները:

Թուրքական տվյալները նահանգի հայ բնակչության թվի վերաբերյալ հետևյալն են: 1891 թ.՝ 74.206, պատերազմի նախօրյակին՝ 168.000 (բնակչության ընդհանուր թիվը կազմում էր 575.000): Մահմեղական բնակչությունից 275.000-ը քրդեր էին, 136.000-ը՝ թուրքեր: Համաձայն նույն վիճակագրության՝ Խարբերդ քաղաքի 30.000 բնակչից հայ էր 10.000-ը, Մալաթիայի 35.000-ից՝ 23.000-ը: Նահանգի 360 բնակվայրերից հայաբնակ էր 65-ը:

Տարագրության ընթացքում նԳ նախարարության ներկայացրած տեղեկանքում Խարբերդի վայի Սարիթը կենտրոնական սանջակի հայ բնակչության թիվը նշում է 50.024, Մալաթիայի և Դերսիմի սանջակներինը համապատասխանաբար՝ 11.323 և 12.859 հոգի: Ամբողջ նահանգում՝ 74.206 հոգի: Նա գրում է. «Վիլայեթի հայերի թիվը պետք է համարել 60.000, քանի որ թե՛ նահանգում, թե՛ աքսորավայրերում և թե՛ ուրիշ նահանգներից այստեղով անցածները, քանի որ դիմադրել էին կառավարական ուժերին՝ ապստամբել են, մի մասն ընդհարումների ժամանակ զոհվել է: Այդ պատճառով տարագիրների թիվն ավելի է պակասել: Վիլայեթում տարագրությունն ավարտվում է: 52.000-ն արդեն ուղարկված է, 14.000-ի առաքումն ընթացքի մեջ է»²:

Անդրագաննք հայկական տվյալներին: Ըստ պատրիարքարանի՝ հայերի թիվը 1882 թ. 270.000, 1913 թ.՝ 168.000 հոգի էր: Նույն թիվն է նշում նաև Մարսել Լեարդը (Գր. Զոհրապը): Մաղաքիա արք. Օրմանյան՝ երեք սանջակներում՝ Խարբերդ, Մալաթիա, Դերսիմ, համապատասխանաբար՝ 57.000, 23.000, 18.500

¹ Գևիտ Լ., Սպանդի դաշտը, Ե., 2001, էջ 82:

² Ղազարեան Հ., նշվ. աշխ., էջ 121:

Հողի: Ինչպես նաև Զմշկածակում՝ 9.000, Արարկիրում՝ 19.500, Ակնում՝ 10.200 Հողի: Ընդամենը՝ 137200 Հայ: Հայոց Ազգային պատվիրակությունը Խարբերդի Հայերի թիվը նշում է 204.000 Հողի:

Բրիտանական հանրագիտարանի 12-րդ հրատարակության 30-րդ հատորի 197-րդ էջում կարդում ենք, որ 1914 թ. վիլայեթում բնակվում էր 130.000 Հայ:

Եթե թուրքական աղբյուրները նահանգի հայարնակ բնակավայրերի թիվը նշում են 67, ապա հայկական աղբյուրները՝ 180:

Այսպիսով, վիլայեթի հայերի, ինչպես նաև հայարնակ բնակավայրերի թիվի հարցում թուրքական և հայկական աղբյուրների տվյալների միջև տարրերությունը կազմում է 2.5-3 անգամ: Թուրքերը, հավատարիմ իրենց «վիճակագրական» ավանդույթներին, հայերի թիվը կրճատում էին մի քանի անգամ:

20-րդ դարի առաջին տասնամյակին Խարբերդի նահանգում գործում էր 210 եկեղեցի, 18 վանք, 82 հայկական դպրոց 6882 աշակերտով և 157 ուսուցչով: Այս թվերի մեջ չեն մտնում կաթոլիկների, բողոքականների, ամերիկացի միսիոներների, գերմանական որբանոցների և դպրոցների, ամերիկան քոլեջի («Եփրատ») հայ աշակերտների, ուսանողների և ուսուցիչների ու դասախոսների թիվը:

Ինչպես ամբողջ Օսմանյան կայսրությունում, այնպես էլ Խարբերդում հայերի իրավաքաղաքական և սոցիալ-տնտեսական վիճակը ծանր էր և գնալով դառնում էր անտանելի:

Սիամանթոն 1914 թ. հոկտեմբերին գրում է. «Այս յուսահատութեան, զզուանքի, անկարելի ստրկութեան, պոռնիկ համակերպումի ... օրերուն մէջ, բովանդակ ծաղիկ հայ երիտասարդութիւնը ծեր «բորբնիները» զինուոր տարին... մինչև 45 տարեկան... Դէպի մահ... Ալեւս հայ եւ յոյն վաճառական կամ վաճառականութիւն չէ մնացած: Կառավարութիւնը բոլորն ալ հաւաքեց, թալանեց, կողոպտեց եւ գրաւեց, նոյնիսկ ստացագիր չի տալով: Ամեն կողմ գրաւում, ոչ թէ ալիւր կամ կերպաս, այլ ինչ գտնեն... ամեն բան: Արդէն կը մոլտան, պիտի կոտորեն բոլոր քրիստոնեանները»¹:

Երուխանը 1914 թ., հունվարի 29-ին գրում է. «Անցեալ օրը տեղւոյս նախնական դատարանին դատաւորը ... յայտարարեց հայերոն, որ եթէ ընտրութեանց չմասնակցին, ահոելի կերպով պիտի ջարդեն հայերը, ինչպէս ըրին Ատանայ: Եւ այդ իմթիհատական սրիկան դատաւոր է...»²:

Խարբերդն ու նրա նահանգը ընկած էին կայսրության խորբերում և ոչ միայն ուղմաճակատային շրջան չէին, այլև գրեթե կտրված էին արտաքին աշխարհից: Այն ժամանակ Խարբերդը նավահանգիստներից «նուազագոյնը տասներեք, չոգեկառքի կայարաններէն տասնութ օրուայ հեռաւորութիւն ունէր»: Հավանաբար դա էր պատճառներից մեկը, որ այդ վիլայեթն «ընտրուեց սպանդի վայր»: «Հոն կը կուտակէին եւ ապա կը բնաջնջէին ոչ միայն տեղւոյն, այլեւ Արեւմտեան Հայաստանի տարբեր գաւառներէն եւ նահանգներէն քշուած քարաւանները»: Դա հիմք տվեց ԱՄՆ-ի հյուպատոս Լեալի Դեիսին Խարբերդի վիլայեթն անվանելու «Սպանդի նահանգ»:

¹ Գումկան Սերաստիոյ..., էջ 302, 304:

² «Լրաբեր» ԳԱ հասարակական գիտությունների բաժանմունքի, 1966 թ., № 8, էջ 67:

Նահանգում տուրքերը հավաքում էին ոստիկանները հայ երևելիների օգնությամբ՝ ծեծով, բիրերով, կեղծ մուրհակներով։ Տուրքերը բազմաթիվ էին՝ հողի, անապունների, գինու և խմիչքների, արական սեփին պատկանողների, ճանապարհների, կրթության և այլն։ Որոշակի տարիների հաշվառում էին արական սեռին ու զինվորական հարկ նշանակում։ Գյուղացիները տղա երեխաներին թաքցնում կամ ծննդյան թիվը փոխում էին։ 1915-ին շատ երիտասարդների գրանցեցին 18 տարեկանից փոքր՝ բանակ զորակոչվելուց ազատելու համար։

Յուրաքանչյուր հայ 15-60 օր պետք է իր բնակավայրից հեռու ձրի, առանց սնունդ ապահովելու աշխատեր բանակի կարիքների համար։ Խարբերդի գյուղերից մեկում մի գրագետ, թուրքերն լավ իմացող Հակոբ անունով քահանա կար։ Նա աղքատներին կեղծ փաստաթուղթ էր բաժանում հարկերից ազատվելու համար։ 1915 թ. գյուղի տեր Հաջի բեյը կրակում է քահանայի վրա, սակայն նա չի տուժում, որովհետև ամբողջ կուրծքը ծածկել էր գրքերով։ Բայց քահանան չի փրկվում, նրան բիրերով սպանում են ու ապա այրում։

Թուրքերը սովորություն ունեին ձրի աշխատեցնել հայերին։ Թուրքերի և հայերի միջն լինում էին նաև ընդհարումներ, միմյանց սպանելու դեպքեր. իշխանությունները միշտ թուրքերի կողմն էին։ 90-ական թվականներին հարյուրավոր հայ կանանց ու աղջիկների փախցրին։ Նրանցից շատերը 1915 թ. դեռ կապի մեջ էին իրենց ազգականների հետ։ Մի առավոտ քրդերն ու թուրքերը դանակներով ու յաթաղաններով զինված խուժեցին գյուղ։ Հայերի մի մասը փախավ Մեզրեի ուղղությամբ, մյուսները թաքնվեցին թուրքական գյուղերում։

1914 թ. ամռանը գյուղերում հայտարարություն փակցրեցին, որով զորացավարի էին կանչում 20-40 տարեկաններին։ Հաջորդ օրը գյուղացիները գնացին Մեզրե՝ զինվորագրվելու։ Քաղաքի բոլոր դպրոցներն ու մեծ շենքերը բռնազրավկվեցին։ Հայերը մասնակցեցին սեփերբերլիքին ու թեքալիֆի-հարբիերին միայն մի պատճառով՝ որպեսզի չսրեին հարաբերությունները ոչ միայն իշխանությունների, այլ նաև հենց թուրքերի հետ։ Բայց պարզվեց, որ նրանց նման զիրքորոշումը թե՛ իշխանություններին և թե՛ թուրք բնակչությանը գոհունակություն չպատճառեց։ Հայերի հանդեպ կամայականություններն աճում էին ժամ առ ժամ։ Դասալիքներ և զենքեր գտնելու պատրվակով կողոպտում, ոչ քիչ դեպքերում, նաև սպանում էին անմեղ մարդկանց։

1915-ի մայիսին տեղի իշխանությունները Դատեմ գյուղից պահանջեցին 35 սայլ և 40 սայլվոր։ Հայերը տրամադրեցին։ Նրանց տարան Հաբուս գյուղի ուղղությամբ, բայց չթողեցին գյուղ մտնել և ոչ էլ ուտելիք ու ջուր տվեցին։ Հաջորդ օրը Եփրատի ափին հավաքվել էին հարյուրավոր սայլեր, որոնցից յուրաքանչյուրին բարձեցին չորս սնդուկ զենք ու տարան Տարոնի ուղղությամբ։ Ճանապարհին ոստիկանները խլեցին սայլվորների մոտ եղած սննդամթերքը։ Խնաշ գյուղի ճանապարհի երկու կողմերում թափված էին դիակներ։ Դիակներ էին թափված նաև ճանապարհի ամբողջ երկայնքով։ 300 սայլից կազմված քարավանին ուղեկցում էր հիսուն ոստիկան։ Օսմանի հրամանատարությամբ։ Մեկնելու երկրորդ օրը 30 սայլվորի տարան ձորն ու սպանեցին։

Գրեթե նույն ժամանակ, բանակում ծառայող հայերի մեծ մասին փակեցին կարմիր կոնակի շենքում։ Մինչ այդ նրանց զինաթափել էին, մի քանի օր քաղ-

ցածու ծարավ պահել, խոշտանգել էին: Գիշերը նրանց շենքից հանեցին, ասելով, թե տանում են Ուրֆա՝ ճանապարհներ կառուցելու: Այլևս նրանցից և նրանց մասին որևէ լուր չստացվեց: Հետո պարզ դարձավ, որ բոլորին սպանել էին:

Սակայն Խարբերդում հայերի տեղահանումն իրողություն դարձավ, երբ սկսեցին ավերել հայկական կրթական հաստատությունները: Սկսած 1915 թ. մարտի 28-ից դրանք բոլորը փակվեցին, այդ թվում նաև «Եփրատ» քոլեջը՝ հայտարարելով, թե «Համաձարակ կա»: Ուսումնական շենքերը գորանոցների ու գինվորական հիվանդանոցների վերածվեցին:

Քաղաքի հայերից մեկի տանը հավաքել էին հարյուրավոր հայ որբեր, որոնք մեռնում էին ցրտից, սովոր ու համաձարակից: Գերմանուհի Դանթե Հելենեն, արհամարհելով վախը, զնում է այդ երեխաներին կորատից փրկելու: Թուրքերը նրան այնքան են ծեծում, որ մեռնում է:

Թուրքերն իրենց չեին զրկում ազգեցիկ մտավորական գործիչներին գաղանարար սպանելու հաճույքից: Նույն բանտի բակում հունիսի 25-ին դահիճներն այրելով մեռցրեցին բժիշկներ՝ Ն. Նահիկյանին, Վեգնեջյանին և Վ. քնն. Ապանյանին¹: Խարբերդի ամերիկան դպրոցի դասախոսներին մեռցրեցին կտտանքներով: Այդ կտտանքները տեսնելով՝ դասախոսներից մեկը խելազարվեց: Պրոֆեսոր Լյուլեջյանի խոշտանգումներին մասնակցում էր նաև վալին: Նա՝ ինքը քաղաքի լավագույն մտավորականին այնքան ծեծեց, որ հոգնեց ու դիմելով ներկա գտնվող թուրքերին ասաց. «Ով սիրում է իր կրոնն ու ժողովրդին, կարող է շարունակել»²:

Խարբերդն ու նրա գյուղերը դատարկվեցին, ավերակ դարձան: Բնակավայրերում միայն գաղազած չների կաղկանձն էր լսվում: Մնացել էին միայն հատուկենտ, կմախքացած որբուկներ: Ոչ միայն սպանդանոցային վայրերում, այլ ամենուրեք՝ ճանապարհի եզրերին ու փողոցներում, քարերի ու թփերի ետևում ընկած էին դիակներ, մարդու մարմնի մասեր, փշրված գանգեր:

Երիտթուրք պարագուխները հասկանում էին իրենց քաղաքականության գարշելիությունը: Դրա համար էլ խոստովանում էին, թե «Հայրենասիրական մղումներից դրդված են ստանձնում այն խայտառակության պատասխանատվությունը, որ սեացնելու է օսմանյան պատմությունը»:

Պատմում է խարբերդի Կ. Ժամկոյյանը. «Մի օր նատած եմ մեր գյուղի ատաղձագործի մոտ, երբ մոտեցավ գյուղի գինվորական հրամանատարն ու ասաց. «Սեփերբերլիկը (զորահավաքը) սկսված է»: Եթե հայերը բարձր տրամադրությամբ էին զինվորագրվում, ապա քրդերը խուսափում էին զորակոչից: Մամուրեթ ուլ-Ազիդում դպրոցները գրեթե փակ էին: Քաղաքի հայության շրջանում ձնչիչ մթնոլորտ էր, մասնավանդ, երբ Պոլսից լուր ստացվեց հնչակյանների ձերբակալության մասին:

¹ Ակունի Ս., նշվ. աշխ., էջ 509:

² Փարծոչքը Շ., նշվ. աշխ., էջ 55:

Հայ երիտասարդությունը բանակ մեկնեց անտրտունջ, սակայն նրան գենք չտվին կամ տվածները հետ առան: Եվ այդ հայերն առավոտից մինչև երեկո արևի ու անձրևի տակ, հաճախ առանց սննդի ու ջրի, պարտավոր էին քարեր ջարդել և ճանապարհ կառուցել¹: Մի մասին էլ գործածում էին որպես փոխադրամիջոց. նրանք օրեր շարունակ շալակով ծանր բեռներ էին փոխադրում տեղից տեղ: Զորակոչվածներից շատերին զբաղեցրին զյուղատնտեսության մեջ: Ճնշումների, հարստացարությունների հետևանքով տնտեսական կյանքը գնալով հանգչում էր: Թեքալիֆի հարրիե (պատերազմական տուրք) անվան տակ հայերից խլում էին ամեն ինչ: Ապա հայերին սկսեցին կողոպտել փախրստականներ բռնելու պատրվակով: Դրան հաջորդեցին զենքեր հավաքելու խժոժությունները: Ոչ քիչ դեպքերում պլան էր իջեցվում, թե ո՞ր բնակավայրը որքան զենք պիտի հանձնի: Ժողովրդի խոշտանգումներին վերջ դնելու խնդրանքով հայերի մի պատվիրակություն դիմեց վալուն: Վերջինս պատվով երդվեց, որ եթե հայերը կամովին հանձնեն զենքերը բռնություն չի գործադրվի: Դրան հավատաց անգամ գերմանական հաստատությունների տնօրեն է հմանը, որը նույնպես սկսեց հորդորել հայերին՝ հանձնելու զենքերը: Եվ հանձնում էին: Խարբերդցիները խաղաղ մարդիկ էին, զենքին անծանոթ ու անախորժ, մանավանդ, երբ ներքաշվեցին միսիոներների ազդեցության ոլորտը:

Ռուսական մի փաստաթղթում նշվում է, որ 1915-ի գարնանը հայ զինվորները զինաթափկեցին և տարվեցին բանվորական գումարտակներ (ամելե-թարուրի): Արդեն մարտի 15-ին «զորքերում ծառայող ոչ բոլոր հայերը զինաթափկած» էին²:

Հայ զինվորների զինաթափմանը հաջորդեց հարձակումը քաղաքացիական բնակչության վրա: 1915 թ. ապրիլ-մայիսին տեղի ունեցան զանգվածային խուզարկություններ ու ձերբակալություններ: Հայ մտավորականությունն, այդ թվում Հովհաննես Թլկատինցին, Երուխանը, ինչպես նաև քաղաքական գործիչներ ու ազգեցիկ դեմքեր բանտ նետվեցին: Երբ Խարբերդի քոլեջը խուզարկում էին, տնօրեն Հովհաննես Պուճիգանյանը (Սոկրատը) զանգը փշրեց ու խուզարկողներին ասաց. «Անոր ոռումքը զանգին մեջ է»: Զերբակալվեց քաղաքի ու վիլայեթի մանկավարժական կազմի մեծ մասը: Նրանց ահավոր տանձանքների էին ենթարկում՝ ածելիով կտրտում մարմինները և աղ ու քացախ լցնում վերքի վրա, մազերն ու եղունգները քաշում, տանջամահ անում: Մի քանի քաշանաների պայտեցին, կուսակցական գործիչների նետեցին ցցերի վրա³:

Չնայած դրան՝ բանտարկվածները չեին ընկճվում, չեին հանձնվում դահիճների կամքին: Երբ զիշերը ոստիկանները փորձեցին նրանց դուրս հանել, նրանք ասացին՝ «Մեզմէ ոչ ոք զիշերով դուրս կու գայ, իսկ եթէ բռնութեամբ զմեզ պիտի հանէք, համեցէ՛ք, եթէ կրնաք»: Բանտարկյալները որպես բողոքի նշան այրում են իրենց անկողինները, որից հրդե՛ է առաջանում: 37 հոգի նահատակ-

¹ «Յուշամատեան Մեծ Եղեռնի», էջ 378:

² ԱՐԵՎԱՆ, գ. 2000, ոռ. 1, գ. 385.

³ «Յուշամատեան Մեծ Եղեռնի», էջ 383:

վում է: Կենդանի մնացածներին տանում են Դիարբեքիր և Դսե-բոյնու վայրում կացնահարելով սպանում: Մի ուրիշ անգամ հայ բանտարկյալներն իրենց հագուստներին նախապես յուղ են քսում ու, երբ գալիս են իրենց տանելու, իրենց հրդեհում են ու զոհվում:

Ձենքերի բռնագրավումները, զորակոչը, հայ զինվորների զինաթափումն ու ձերբակալություններն 1915-ի սկզբներից տեղի էին ունենում գրեթե միաժամանակ: Այդ բոլոր միջոցառումները միտված էին հայ արու սեռի աստիճանական ոչնչացմանը, որի համար ի գործ էին զրվում ամենատարբեր առիթներ ու պատրվակներ:

Հայ զինվորներին սպանում էին նաև առանց առիթի, սուտ պատրվակներ հնարելով: Խարբերդի Սուրսուրի գյուղից երեք հայ երիտասարդներ ծառայում էին բանակում: Մի ուրբաթ գրավոր թույլտվությամբ այցելում են իրենց ծնողներին: Նրանց բռնում են, թույլտվության թղթերը վերցնում և գնդակահարում, միաժամանակ հրդեհելով նրանց տները ունեցվածքի հետ:

Մունետիկները, ընկած հայկական գյուղերն ու թաղերը, բղավում էին՝ պահանջվում է հանձնել բոլոր հին ու նոր զենքերն ու ռումբերը:

Խուզարկությունն սկսելուց առաջ ոստիկանները գյուղը կամ քաղաքը պաշարում էին, որպեսզի որևէ մեկը չկարողանար փախչել: «Այսուհետև ուրիշ ոստիկաններ ներխուժում էին տներն ու բնակիչներին հրամայում զենքերը հանձնել»:

«Ես բազմաթիվ տներ եմ տեսել,- գրում է Լ. Դեկսը,- որոնց հատակը զինվոր-ոստիկանները փորել, հատակները քանդել են»¹, իբր զենք գտնելու համար: «Խուզարկությունները այնպիսի բռնություններով էին ուղեկցվում, որ մարդիկ ... ոստիկաններին խոչոր գումարներ վճարելով հին հրացան, ատրճանակ էին գնում...»²: Մթնոլորտը մեղմելու համար հայ կանայք սկսեցին բանակի համար գուպաներ, բաճկոններ գործել:

Բանվորական վաշտերից մեկի զինվորը պատմում է. «Մենք ճամփաներ չենք շիներ հոն, այլ խրամատներ կը բանանք, այսինքն՝ երկար գերեզմանափսեր, դրանց մեջ թաղվելու համար: Մեր աշխատանքը ուազմաճակատին մերձակայ շրջաններում չէ, այլ լրիվ ամայի վայրերում... եթե մի բան ասացիր՝ հրացանի խզակոթն իջնում է զլիսիդ և ընկնում ես փոսը: Ապա ընկերներիդ հարկադրում են վրադ հող լցնել: Քանիսները այդպես թաղվեցին»²:

Բանտերը լեփ-լեցուն էին, իսկ բանտարկությունները գնալով սաստկանում էին: Եթե հայ վաճառողը ապրանքի համար թուրքից փող էր ակնկալում, ուրեմն իրեն անպայման վտանգում էր. հայի երեսին չպրտում էին «թուրքի կողոպտիչ, խարերա, զյավուր» պիտակները ու սպառնում՝ «կգա՛ օրը»:

¹ Դեկս Լ., նշվ. աշխ., էջ 101:

² «Յուշամատեան Մեծ Եղեռնի», էջ 561:

ԽԱՐԲԵՐԴ ՔԱՂԱՔ

Հունիսին Խարբերդում բռնություններն աներևակայելի բնույթ ստացան: Քաղաքում այս կամ այն չափով հեղինակություն ունեցող բոլոր հայերը բանտում էին: Նրանց բրածեծ էին անում, մեջքերը մերկացնում էին ու խարազանում, եղունգները, մազերը, բեղերն ու մորուքը քաշում, ժամերով ձեռքերից կախում, օրերով քաղցած պահում:

Հունիսի 23-ի գիշերը նրանց եզան սայլերով քաղաքից հանեցին ու տարան անհայտ ուղղություններով: Նրանց թվում էր նաև տեղի թեմի առաջնորդը: Որոշ ժամանակ անց հայտնի դարձավ, որ ողջ մտավորականությանը ջարդել են Արխանա Մաղենի մոտերքում, Խարբերդ-Դիարբեքիր ճանապարհի գրեթե միջին մասում: Այդ օրվա ձերբակալությունների մասին Դեկտ հունիսի 11-ին գրեց Վաշինգտոն. «Շշուկներ են պտտվում, որ բոլորին սրախողիսող են արել ու շատ քիչ հավանականություն կա, որ այդպես չէ»¹:

Հուլիսի 5-ին, այսինքն՝ տարագիրների երկրորդ քարավանի մեկնելուց երկու օր անց Խարբերդում, Մամուրեթ ուլ-Ազիզում և մերձակա գյուղերում ձերբակալվում է 800 մարդ: Նրանց առանց որևէ մեղադրանք ներկայացնելու բանտ են նետում: Հուլիսի 6-ի գիշերը մյուղիրի հրամանով այդ մարդկանց ևս դուրս են հանում, բակում շարում, 14-ական հոգու իրար կապում ու տանում քրդական ինչ-որ գյուղ, որտեղ նրանց առանց հաց ու ջրի փակում են մզկիթում և հարակից շինություններում: Հաջորդ օրը տանում են մի հովիտ, հրամայում են նստել ու այդպես նրանց գնդակահար ու սվինահար են անում²:

Վկայում է Մորգենթաուն. Հուլիսի սկզբին 2000 ամելեների Խարբերդից տարան ճանապարհներ կառուցելու: Հայերը վալուն խնդրեցին «խնայել»: Վալին հավաստիացրեց, որ նրանց բան սպառնում և էջմանին պատիվի խոսք տալով, թե նախկին զինվորները պիտի պաշտպանվեին, բայց բոլորին ջարդեցին: Նրանց մարմինները նետվեցին նկուղի մեջ»: Մի քանի օր անց 2000 հոգու էլ ուղարկեցին Դիարբեքիր:

«Որպէսզի անոնք դիմադրելու կամ փախուստով ազատուելու յոյս չունենան... կանոնաւոր կերպով անօթի կը պահուէին», ապա նախապես քրոքերին տեղյակ պահեցին նրանց գնալու մասին և հանձնարարեցին «կատարել իրենց սրտահաճոյ պարտականութիւնը: Ոչ միայն քիւրտ ցեղի այրերը լեռներէն վար կը խուժէին... այլ նաև քիւրտ կիները կու գային մսագործի դանակներով, որպէսզի Ալլահի աչքին շահին այն արժանիքը, որ քրիստոնեայ մը սպանելէն առաջ կու գայ»³:

Վերենում բերված փաստերը վկայում են, որ Խարբերդի նահանգում նույնպես ջարդերը սկիզբ առան 1914 թ. վերջերից, որ այնտեղ էլ գործողությունների հերթականությունն այնպիսին չէ, ինչպիսին ավանդաբար ընդունվում ու հրամցվում է:

Հավանաբար հարկ կա այս առումով բոնագաղթն ու ջարդերն, ինչպես

¹ԱՄՆ ՊԴԱ 59 խմ., տասնորդական թղթապահակ № 867, 4016/122:

²Դեկտ Լ., նշվ. աշխ., էջ 131-132:

³Մորգենթաուն Հ., նշվ. աշխ., էջ 251-252:

նաև դրանց բաղադրիչ հանդիսացող միջոցառումները միմյանցից տարանջատել: Արևմտյան Հայաստանի երեք նահանգներում (Էրզրում, Սերաստիա, Խարբերդ) բռնագաղթը ոչ միայն սկսվեց Համաձայն Կ. Պոլսից ստացված հրամանների, այլև դրանց ժամկետները նույնպես (չնշին շեղումներով) որոշվում էին թալիսաթի գրասենյակում: Ինչ վերաբերում էր խուզարկությունների, բռնագրավումների, մտավորականության ու Հասարակության ազդեցիկ մասի ձերբակալությունների և այլնի, այդ թվում նաև զանգվածային ջարդերի, ժամկետները, ապա դրանք որոշվում էին նահանգներում:

Ով էլ լիներ դրանք գործողության մեջ դնողը, այդ բարբարոսություններն ամենուրեք Հայությունն ընկալեց որպես բնաջնջման միջոցներ, ինչը նրան զգաստացրեց: Դրանով է բացատրվում այդ միջոցառումների հանդեպ հայերի վերաբերմունքի մեջ կատարված կտրուկ շրջադարձը: Թե՛ զորահավաքի և թե՛ զենքերի հանձնման գործում հայերը որդեգրեցին խուսանավման, ժամանակ շահելու միջոցով դրանք ձախողելու քաղաքականություն: Դժբախտաբար այդ խնդրում հայ համայնքների ղեկավարները ճկուն չգտնվեցին: Դեռ ապրիլի վերջերին Խարբերդում ոստիկաններից մեկն իր հայ ծանոթին ասել էր. «Մի քանի օրէն հայերու զլիսին շատ ծանր բան է պայմելու»¹: Երբ այդ մասին տեղյակ են պահում ՀՅ Դաշնակցության տեղի կազմակերպության ղեկավարին և Պատակ վարդապետին, ստանում են պատասխան՝ զենքերը թաքցնել ու համբերել: Մի քանի օր անց սկսվեցին մտավորականների ձերբակալությունները: Իրը գաղտնիքներ կորզելու համար նրանց այլանդակ խոչտանգումների ենթարկեցին, սպանեցին, կամեցին: Խոշտանգվածներից ոմանք խելագարվեցին: Կուսակցական կազմակերպությունների ղեկավարներին նստեցրեցին ցցին, ինչն առաջացրեց օտարերկրացիների զայրույթը: Եփրատ քոլեջի տնօրեն է. Ռիկոր մեկնեց ԱՄՆ և պատմեց կատարվածների մասին: Բայց չհաջողվեց դրսում բողոքի շարժում ձևավորել: Խարբերդի վային կանչում է հայոց առաջնորդ Պատակ վարդապետին, գերմանական համայնքի ղեկավար էհմանին, հայ ավետարանականների Հովհիվ Վ. Ամիրխանյանին և սպառնալից տոնով ասում. «Եթե ժողովուրդը կուզե բանտի մեջ եղող չեղոքները շուտ արձակուած տեսնել, քովերնին եղած որևէ զենք և ուզմամթերք շուտով մեղի հանձնելու են...»:

Հրավիրվածները հավատացին վալու ասածներին և սկսեցին նորից հորդուել ժողովրդին զենքերը հանձնելու: Խնդրի լուծումը հեշտացնելու համար «խորամանկ կառավարությունը հաջողեցավ թշնամանք և դժոհնանք սերմանել ժողովրդյան մեջ. կուսակցականները և ոչ կուսակցականները ... սկսան զիրար խծրեն, մեղաղուել, որուն հաջորդեցին կարգ մը անախորժ ղեպքեր...»:

Տեղի առաջնորդը զյուղերը մարդիկ ուղարկեց, նամակներ գրեց, որ զենքերն անմիջապես հանձնեն: Զենքերը հանձնեցին: Դիմադրողները ոչ միայն ենթարկվում էին իշխանությունների բռնություններին, այլև հայ ջոջերի հալածանքներին: Զենքերի հավաքումը տևեց մայիսի վերջերից մինչև Հունիսի 10-ը: Դրանից անմիջապես հետո աքսորեցին բանտում եղածներին, մոտ 1500-1600 մարդ: Խարբերդի ու գյուղերի միջև երթևեկությունը կանգ առավ, փողո-

¹ «Յուշամատեան Մեծ եղեռնի», էջ 381:

ցում Հանդիպած տղամարդուն անմիջապես ձերբակալում էին, ծեծում, գլխի, բեղերի, մորուքի մազերը փետում: Տնից տուն գնալն անգամ անվտանգ չէր: Պասկ վարդապետին նույնպես բանտ նետեցին և 15 օր քաղցած պահելուց հետո 900 մտավորականների հետ տարագրեցին:

1915-ի գարնանը ձերբակալվեցին նահանգի երևելի Հայերը, այդ թվում «Եփրատ» քողեջի դասախոսները: Նրանց մեղքնելու աստիճան տանջեցին: Մի կին պատմում է, որ 1915-ի մայիսի 1-ին ձերբակալվեցին Հայ մտավորականությունն ու վերնախավը: Նրանց խոշտանգում էին, որպեսզի ցույց տային զինապահեստները: Երբ դրանից բան դուրս չեկավ, բանտ նետեցին Հարուստ ընտանիքներին պատկանող մի խումբ կանանց: Սակայն կանայք նույնպես չբավարարեցին դահիճների հետաքրքրությունը: Կանանց բանսից Հանելու համար Հայերն որոշ քանակությամբ զենք Հանձնեցին¹: Կանանց աղատեցին, իսկ տղամարդկանց՝ ոչ: Նրանցից շատերը դաժանություններին չղիմացան ու մեռան բանտում, ոմանք խելագարվեցին²: Դիմանալն իսկապես անհնար էր, ձերբակալվածների «զլուխները զնում էին մամլիչի տակ ու ճզմում, աքցանով եղունգները, անգամ մատերն էին պոկում, ձեռների մեջ յուղ լցնում ու վառում»: Որոշ ժամանակ անց ասացին՝ «Հեռագիր ունինք՝ չեղոքները պիտի արձակենք, իսկ կուսակցականները թեթևորեն պիտի պատմենք. ժողովուրդը գրգռելու չէ»:

Խարբերդում շարունակվում էր տղամարդկանց ձերբակալությունը, իսկ զյուղերում զանգվածային ջարդեր էին ընթանում: Կանայք դիմեցին էհմանին, թե «Մեր էրիկներու արիւնաթաթախ հագուստները դիտմամբ մեր զոները կը ձգեն»: Ստացան պատախան. «Զեմ Հաւատար ձեր խօսքերուն, կառավարութիւնը մեզի վստահեցուցած է, թէ աքսոր պիտի ըլլայ, բայց ոչ ջարդ»: Երբ էհմանը կուսակալին հիշեցրեց, որ պատվո խոստում է տվել, վերջինս պատախանեց. «Եթէ մենք գերման կառավարութեան հրահանգը գործադրենք, աւելին ընելու ենք»³:

Գերմանացի գործարարներից Ֆ. Շուխարդը գրում է. «Մամուրեթ ուլ-Ազիզի վալին մեր այնտեղի կայանի պետ էհմանին խոստացել էր, թե բոլոր Հայերը բացարձակապես անպատիծ կմնան, եթե Հաջողվի նրանց Համոզել Հանձնելու զենքերը: Էհմանը ստանձնեց այդ գործը, սակայն ժողովուրդը կոտորվեց ու ջարդվեց»⁴:

Հունիսի 15-ին մունետիկները շրջում էին քաղաքի փողոցներով ու բղավում «Բոլոր Հայերը, կաթսակերից մինչև խորը ծերունիները, առանց բացառության, պետք է զաղմեն Ուրֆա»: Թաղերը մեկը մյուսի հետևից զատարկվում էին, Հայերին քչում էին Դիարբեքիրի ու Մալաթիայի ուղղությամբ: Քաղաքից խումբ-խումբ Հանվող Հայերին ժամուկես ճանապարհ կտրելուց հետո կանգնեցնում էին Գյոլջուկ լճի ափին, լեռների գրկում և կողոպտում ու ջարդում էին այլանդակ եղանակներով, այն էլ կանանց, ծնողների, երեխանների աչքի առաջ:

¹ Տե՛ս «На пути от Харбера до Урфы», М., 1917:

² Նոյն տեղում:

³ «Յուշամատեան Մեծ Եղեռնի», էջ 384:

⁴ Lepsius J., նշվ. աշխ., էջ 213:

Հուսեյնիկում «շատ երիտասարդների գանակոծեցին, որպեսզի զենքեր հանձնեին: Այստեղ ևս հայերը հարկադրված եղան թուրքերից զենքեր գնել ու տալ կառավարությանը»¹:

«*Армянский вестник*»-ն իր 1917 թ. № 4-ում տպագրեց հետևյալ փաստաթուղթը: 1915 թ. Հունիսի 26-ին մունետիկը Խարբերդի փողոցներում գոչում էր. «Հեյ, լսեցե՛ք, խոսքս գյավուրներին է վերաբերում: Մեր պանծալի պետության և թագավորաց թագավորի հրամանով որոշված է Խարբերդի բոլոր գյավուրներին Ուրֆա ուղարկել: Օրորոցի մանուկից մինչև ամենավերջին ծերը ճամփորդ պիտի դառնա: Ով չհնազանդվի օրենքին, իր տան առջև կախաղան է բարձրացվելու: Խսամնե՛ք, լսեցե՛ք, ով իր տանը հայ պահի, ինքն էլ հայի հետ կախաղան է հանվելու, ա՛յս է մեր թագավորի հրամանը»²: Զինվորներն անմիջապես շրջապատեցին քաղաքը, գրեթե ամեն քայլափոխի «հրացանը ձեռքին զինվոր էր հայտնվում ու հարցաքննություն կատարում: Քաղաքում տղամարդ գրեթե չէր մնացել: Մունետիկը Մահմեդ Զավուչն էր, որը գոչում էր թմրուկ խփող մի տղայի հետ փողոցից փողոց անցնելով:

Հայտարարեցին, որ առաջին քարավանը ճանապարհ է ընկնելու հունիսի 1-ին, երկրորդը՝ հուլիսի 3-ին: Մեկնելու էին թաղ առ թաղ: Մամուրեթ ուղաղի և Խարբերդի օտարերկրյա ներկայացուցիչները՝ Լ. Դեկար, Զ. Էհմանը օսմանյան բանկի փոխտնօրեն ավստրահայտակ Շ. Պիլիտոն, ամերիկացի երեք միախոներներ լինում են վալու մոտ և խնդրում, որ գաղթին նախապատրաստվելու համար նախատեսված ժամանակը երկարացվի: Վալին խոստանում է՝ առանց տղամարդու մնացած ընտանիքներին, թույլատրել տարագրվելու վերջին քարավանով, իսկ մյուսները պետք է մեկնեին համաձայն հաստատված գրաֆիկի: Նա մերժեց նաև խնդրանքը՝ թույլ տալու, որ քարավաններին միսիոներներ ուղեկցեն:

Իրարանցում սկսվեց: Մոլորված հայերը շարժական ունեցվածքը վաճառքի հանեցին և վաճառում էին «իրենց առաջարկված» գնով: Փողոցները լցված էին թուրքերով, որոնք «չնչին գներով ձեռք էին բերում երգեհոններ, կարի մեքենաներ, կահույք, գորգեր»: 200 դոլար արժեցող երգեհոնը գնվում էր 5 դոլարով, իսկ 25 դոլար արժեցող կարի մեքենան՝ 50 սենթով, թանկարժեք գորգը՝ մեկ դոլարով: Հայերի ունեցվածքի մեծ մասը մահմեղականները պարզապես ձրի տարան: «Տեսարանը, - գրում է Լ. Դեկար, ինձ հիշեցնում էր որսին գիշանգղների հետապնդելու տեսարանները: Թուրքերի համար իսկական տոն էր, նրանք զուգված-զարդարված ելնում էին փողոց, ցնծում էին, հրճվում ուրիշի դժբախտությունով»³: Ամենատարեր միջոցներով (բանկ, օտարերկրացի, ծանոթ, մուսուլման) պահպանության էին հանձնում իրենց թանկարժեք իրերն ու զարդերը, ինչպես նաև դրամը: Ի վերջո, այդ ամենի մեծ մասը անցավ լրված գույքերի հանձնաժողովին: Եվ կատարվեց այն, ինչ հնարավոր էր ենթադրել: «Հարյուր հազարավոր դոլարների տիրանալուց հետո հանձնաժողովը ճիշտ ժամանակին «կորցրեց» հաշվեգրերը» և հայտարարեց, թե ամբողջ գումարը

¹ Bryce J., նշվ. աշխ., p. 68:

² Վահե Հայկ, Խարբերդ եւ անոր ոսկեղէն դաշտը, Նիւ եորք, 1959, էջ 1420:

³ Դեկար Լ., նշվ. աշխ., էջ 113-114:

ծախսվել է Հայերի ունեցած պարտքերը մարելու վրա^{1:}

Այսպիսով, Խարբերդի Հայության տեղահանման հրամանը տեղ հասավ Հունիսի 26-ին, այն բերեց Իթթիհաղի նահանգային ներկայացուցիչ Ղանին: Խարբերդում բոնագաղթի իրականացման գործում առաջնային դեր խաղաց 11-րդ բանակաթեր, որը տեղահանման հրամանի հրապարակման օրը բերվեց քաղաք: Բանակը մասնակցել էր թե՛ Հայ գործիչների ձերբակալություններին, թե՛ խուզարկություններին, թե՛ գենքերի բոնագրավումներին և թե՛ տղամարդկանց ոչնչացմանը: Փաստորեն, Հունիսի 3-24-ը Խարբերդում վերը նշված միջոցառումների իրականացման ամենաեռուն օրերն էին: Այդ ընթացքում սպանվեցին քաղաքի լուսավորչական, կաթոլիկ և բողոքական կրոնական ղեկավարները: 800 տղամարդիկ Հերոդի լեռան ստորոտին հրացանազարկ եղան Հունիսի 24-ին: Սկզբում Բերդակում, ապա նաև բոլոր կազաներում ոչնչացվեց մի քանի հազար տղամարդ: Այսինքն Խարբերդի վիլայեթում Հունիս ամիսը ոչնչացման առաջին շրջանից՝ խմբակային ոչնչացումից, երկրորդ շրջանին՝ ամբողջական բնաջնջմանն անցնելու ամիս էր: Այդ երկու շրջանները միմյանցից բաժանում էր միայն մի օր՝ Հունիսի 25-ը, որովհետև հաջորդ օրը ոչ միայն մունետիկը ազդարարեց զանգվածային բոնագաղթի մասին, այլև համապատասխան հրամաններ երևացին շինությունների պատերին: Իսկ չորս օր անց արդեն քաղաքից դուրս ելավ տարագիրների առաջին քարավանը:

Հավանաբար այդ անցումը նկատել էր կամ դրա մասին տեղյակ էր Կ. Պոլսում Գերմանիայի դեսպանատունը, որը Հունիսի 24-ին Հայտարարեց. «Խարբերդի, Աղանայի և Սվագի Հայերը բնաջնջվում են»^{2:}

Խարբերդի տարագիրների մի քանի քարավանների Զոր աղբյուրի ճանապարհով տարան արևմուտք, իսկ մյուսներին՝ Դեվե-բոյնուի ճանապարհով՝ դեպք:

Իւս ուլ-Այն հասան միայն այդ քարավաններից մի քանի խյակները: Զինայեցին որևէ մեկի, անգամ որբերին: 700 որբից քաղաքում մնացին 13-ը: Խարբերդի Հայության հիմնական մասը ջարդվեց Քեղին Խանում, Գյոլջուկի մոտ, Խուլբենիքում, Քյոմեր խանում, Շուրկահանում:

Բայց ամենասարսափելին տեղի ունեցավ Մալաթիայի սանջակում, որտեղով անցան տարբեր վիլայեթների շուրջ 500.000 տարագիրներ, հիմնականում կանայք ու երեխաններ: Նախաճիրները կատարվեցին Մալաթիա քաղաքից Հարավ-արևելք ընկած Քյախտա անմարդաբնակ լեռներում ու ձորերում, Կանլը Դաղի զագաթներին ու փեշերին: (Դիակները թափեցին Կանլը դերե վիհը, որը 2000 ոտք խորություն ունի): Այստեղ դիակները թափած մնացին մինչև զինադադարը:

Խարբերդ քաղաքում թողեցին մի քանի Հարյուր երիտասարդ կին ու աղջիկ, որոնց մի մասին գործածեցին քաղաքում բացված հասարակաց տանը՝ թուրքերի կրքերին հագուրդ տալու համար^{3:}

¹ Դեկս Լ., նշվ. աշխ., էջ 118:

² Ղազարեան Հ., նշվ. աշխ., էջ 130:

³ Նաղեան Յ., նշվ. աշխ., էջ 295:

Խարբերդում և Մեղրեում Հայ բնակչությունը ենթարկվեց ահավոր տան-ջանքների: Հանում էին «տղամարդկանց աչքերը, դուրս քաշում եղունգները կամ ձիերի նման պայտում, կտրում կանանց կրծքերը: Այդ ամենն արվում էր զիշերը բանտի պատերից ներս: «Խոշտանգվածների ճիշերը խլացնելու համար զինվորները թմրուկ էին խփում»: Ապա հրաման տրվեց, հայերին հավաքվել որոշակի կետերում: Երբ հավաքվեցին, նրանց բոլորին բանտ նետեցին, իսկ 1-2 օրից խմբերով իրար կապեցին և քշեցին հարավ և հարավ-արևելք:

Մեկին ասում էին, որ «իրենց քշում են Մոսուլ, իսկ մի ուրիշին՝ Բաղդադ: Հայերին ժամանակ չտվեցին ոչ գործերն ավարտելու, ոչ հրաժեշտ տալու... Առաջին իսկ կանգառին մի խուլ վայրում նրանց սպանեցին»: Այսպես տղամարդկանց վերջը տվին: Ապա հավաքեցին կանանց ու երեխաներին, որոնց նույնպես քշեցին հարավ: «Նրանց մեծամասնությունը զոհ դարձավ ճանապարհի դժվարություններին, ինչպես նաև ուղեկցողների դաժանության ու հեշտանքներին»: Քրդերին իրավունք էին տվել հարձակվել տարագրության քարավանների վրա: Յուրաքանչյուր գետանցը, մասնավորապես Եփրատի գետանցը, ուղեկցվում էր զանգվածային սպանություններով: «Թուրք զինվորները կանանց ու երեխաներին քշում էին ջրի մեջ ու ջրասույզ անում. Եթե որևէ մեկը լողալով հեռանալու փորձ էր անում, հրացանազարկ էին անում»: Փոքրաթիվ կենդանի մնացածները հալեպ հասան լրիվ մերկ, քանի որ զինվորները նրանցից վերցրել էին մինչև վերջին թելը: Հալեպ հասած կանանց մեջ այլևս չկար այս կամ այն չափով գեղեցիկ կին, ճանապարհին նրանց բոլորին տարել կամ սպանել էին: Թողել էին միայն տգեղներին: «Եփրատի ափերը ու էրդրումի հարթավայրը ծածկված էր կանանց և երեխաների այլանդակված դիակներով»:

Լսենք Է՛՛մանին, ծանոթանանք նրա և Վանգենհայմի գրագրությանը:

Որոշ ժամանակ անց բանակից հանեցին Հայ զինվորներին, նրանց զինաթափեցին և հարկադրեցին զբաղվելու ֆիզիկական աշխատանքներով: Այդ նպատակով ստեղծվեց ամելե թարուր: Հայ զինվորները քար էին ջարդում, ճանապարհ կառուցում: Գործում էր նաև զրաաթ թարուր (երկրագործական բանակ) և զբաղվում զյուղատնտեսական աշխատանքներով: Թեքելիթի-հարրիե (պատերազմական տուրք) անվան տակ տողովրդին ուղղակի թալանում էին: Ոչ մի Հայ ընդդիմանալու իրավունք ուներ: Հայերից խլեցին ամեն ինչ: Բոնագրավածը տեղափոխելու պատրվակով հավաքեցին ձիերը, ջորիները, էշերը, եղները, կովերը և վերջապես երիտասարդներին և նույնիսկ կանանց:

Բանակում տարածվեց ողիլը, դրա հետ միասին ժանտախտը, որ առաջ բերեց դասալքություն, ամենից շատ դասալքում էին թուրքերն ու քրդերը: Դասալիքների մեջ կային նաև Հայեր: Դրանց վնտրելու պատրվակով ոստիկանությունն ամենուրեք բռնություններ գործադրեց:

1915 թ. մայիսի 5-ին Է՛՛մանը գրեց. «Մի քանի օր է, որ քաղաքի ու շրջակա գյուղերի քրիստոնյաների տներում խուզարկություններ են կատարվում: Կառավարության աչքում կասկածելի թվացող անձննք ձերբակալվում են և քրիստոնյաներից պահանջվում է զենքերը հանձնել: Այդ պատճառով քրիստոնյա ողջ ազգաբնակչությունը սուկումի մեջ է, վախենում է վատթարագույն հետեւանքներից: Այս երկում իմ անցկացրած 18 տարիների փորձից ու ճշգրիտ

տեղեկություններից ելնելով ցանկանում եմ Ձերդ մեծության ուշադրությունը հրավիրել այն իրողության վրա, որ այս կուսակալության բնակչության բացարձակ մեծամասնությունը կառավարությանը հնագանդ է և երբեք մտքով չի անցկացրել նրա դեմ ապստամբել: 20-45 տարեկան տղամարդիկ, առանց որևէ դժվարություն հարուցելու, արդեն զորակոչվել են: Քրիստոնյա բնակչությունը հնարավոր ամեն ինչ արել է զինվորական բռնագրավումների խնդրում կառավարությանը ընդառաջ գնալու համար: Ընդհանուր կառավարիչը նույնպես համոզված է՝ այստեղի քրիստոնյաները խաղաղասեր են: Սակայն վտանգը կա ու մնում է, որ հայատյաց ուժերը գերիշխեն և վատթարագույն քայլեր կատարեն...»¹:

Թուրք ազգարնակությանը հայերի դեմ գրգռելու համար զանազան միջոցներով ձեռք զցած զենքերը կախում են հրապարակում և դրանց առաջ հայերին նկարում՝ իրը նրանք են այդ զենքերի տերերը: Արկղներով ածելիներ էին ցուցադրում և թուրքերին հայտարարում. «Այս զենքերով կառավարություն էին տապալելու, իսկ ածելիներով մեր մայրերին, կանանց ու աղջիկների ստիճաններն էին կտրտելու»:

Հունիսի 17-ին Վանգենհայմը էհմանին հեռագրում է. «Բնական ու հասկանալի է, որ կառավարությունը Վանի ցավալի դեպքերի հետևանքով առանձին նախազգուշական միջոցների դիմի և այս առիթով երբեմն խաղաղ բնակչություն էլ տառապի»²:

Վանգենհայմը ստում էր կամ թյուրիմացության մեջ էր, քանի որ այդ նույն օրերին Կարինի տարագրյալների առաջին քարավանն արդեն հասել էր Խարբերդի նահանգ: «Մուշէն եկաւ գերմանուհի մը,- գրում է էհմանը,- որ միամտութիւն ունեցած էր ընկերանալու գաղթողներուն: Պատմութիւններն իրարմէ աւելի փշաքաղ էին: Պիթիաէն գաղթողներուն ընկերացող ամերիկացի միսիոներ միսթր Նեփը սպաննուած է: Սասունն ապստամբած է կ'ըսուի, իսկ Վանը՝ կոտորուած»³: Նա զարմանքով նշում է, թե հայերը նույնիսկ փորձ չարեցին զավաների միջև կապեր հաստատել: Իսկ իշխանաթյունները գործում էին: Բանտերից ազատ էին արձակվում ոճագործները, իսկ հայ զինվորները պարտադրված էին քաղցած ու ծարավ քարշ գալ անմարդաբնակ վայրերում: Ով փորձում էր պատահած աղբյուրից ջուր խմել, վար էր զիրովում արյունաշաղախ:

Էհմանը նորից է հեռագրում դեսպանին. «Քրիստոնեաներն իրենց ունեցած զէնքերը յանձնեցին: Քաղաքներուն մէջ անմեղները կը կազմեն ստուար մեծամասնութիւն... Առեւտրական խոշոր համայնքը քաղաքական գործունէութեան հանդէպ բոլորովին օտար եւ անմասն է»⁴: Վանգենհայմը պատասխանում է. «ՆԳ նախարարութեան տուած տեղեկութիւններով՝ այդտեղի բնակչութեան տարագրութիւն չի մտադրուած»⁵:

¹ «Յուշամատեան Մեծ Եղեռնի», էջ 380-381:

² Նույն տեղում, էջ 382:

³ Lepsius J., Deutschland und Armenien, 1914-1918. Sammlung diplomatischer Aktenstücke. Potsdam, 1919, LXXX+541s.; Bremen, 1986, էջ 380-384.

⁴ «Յուշամատեան Մեծ Եղեռնի», էջ 385:

⁵ Նույն տեղում:

Վահե Հայկի վկայությամբ՝ քրիստոնյաները 44 օսմանյան ոսկի էին վճարում և զորակոչից ազատվում: Շատերը վճարեցին: Որոշ ժամանակ անց նորից 44 ոսկի ուղեցին... Այդպես՝ մի քանի անգամ: Դա քողարկված կողոպուտ էր: Սակայն չուտով սկսվեց նաև բացահայտ կողոպուտը: Մահվան սպառնալիքով հավաքում էին զենքերը: Սկսվեցին խոշտանգումները: Տներում անգամ դանակ և ուրագ չէին թողնում: Բնակչությունից խլում էին ամեն ինչ, այդ թվում մեծ տները, գոմերը, մարազները և վերածում զինվորական հիվանդանոցների: Դրանք լրիվ կահավորում էին հայերը:

Ահա թե Դեմիսն ինչպես է ներկայացնում բոնագաղթի սկիզբը Խարբերդում: «Շաբաթ օրը, Հունիսի 28-ին, հրապարակայնորեն հայտարարեցին, որ հինգ օր անց բոլոր հայերն ու ասորիները պետք է հեռանան այստեղից: Մամուրեթ ուլ-Ազիզ և Խարբերդ քաղաքները բաժանել են թաղամասերի, յուրաքանչյուր տան բնակիչներին տեղյակ պահել, թե ե՞րբ պիտի ճամփա ընկնեն: Մամուրեթ ուլ-Ազիզի հայերին, նախապատրաստվելու համար երկու օր էր հատկացված՝ Հուլիսի 1-3-ը: Խարբերդոցիներին՝ երեք՝ Հուլիսի 4-8-ը: Խոսքը, ըստ Դեմիսի, երկու քաղաքներում բնակվող 17.000 հայերի՝ մոտ 3000 ընտանիքների մասին էր: Գյուղերում բնակվում էին անհամեմատ մեծ թվով հայեր, որոնք նույնպես 4-5 օրից թողնելու էին իրենց բնակավայրերը: Նախապատրաստվելու համար տրված օրերը Դեմիսը պետքարտուղարությանն ուղարկված տեղեկանքում ներկայացնում է հետևյալ կերպ: Թուրքերն, օգտվելով իրավիճակից, «գրեթե ձրի ինչ ուզում, գնում են: Խարբերդունն ու կողոպուտը երբեք այսքան բացահայտ չեն եղել: Թուրքերը՝ տղամարդ թե կին, մտնում են հայերի տները, ցանկացած իր չնչին դրամով գնում»: Շատ հայեր գոհ էին լինում, երբ «ընդհանրապես որևէ բան են ստանում իրենց ապրանքի կամ ունեցվածքի դիմաց: Փողոցները լցված են թալանը տեղափոխող ուղտերով... Դժվար է պատկերացնել ավելի ճնշող տեսարան, քան այն, ինչ այժմ տեղի է ունենում մեղանում»¹:

Հուլիսի 1-ին հայերի առաջին քարավանը (2500 մարդ) Մեզրեից դուրս է հանվում, տղամարդկանց առանձնացնում ու կոտորում են, իսկ մյուսներին քշում առաջ: Ուղեկցող ժանդարմների վայրագություններին քարավանի կանայք ու երեխաները պատասխանում են բոյկոտով՝ հրաժարվում են նրանց հրամանները կատարել: «Ոստիկանները,՝ պատմում է Աղավնի Պոյաճյանը,՝ տեսնելով, որ զմեզ չեն կրնար համոզել ու մենք մեր տեղէն չենք շարժիր, սկսան փայտերով, խարազաններով ու հրացանի կոթերով մեզի զարնել: Բոնութեամբ զմեզ ճամփայ հանեցին... Հոս շատ աղջիկներ ծեծելով, քաշելով տարին: Ոստիկանները մայրերուն կուրծքերէն փոքրիկներ բոնի քաշելով կ'առնէին ու դրամով արաբներուն կը ծախէին»²: Քարավանը ոչնչացվեց Եփրատի ձորում, Քեչինխան վայրում և Շապկահան գյուղի ձորակում:

Երկրորդ քարավանը Խարբերդից դուրս եկավ Հուլիսի 3-ին: Այնուհետև քարավաններ մեկնեցին Հուլիսի 9-ին, 18-ին և 19-ին: Երկու քարավաններում

¹ԱՄՆ ՊԴԱ 59 խմ., տասնորդական թղթապանակ № 867, 4016/269:

²Վահե Հայկ, նշվ. աշխ., էջ 1421:

մարդկանց թիվը հասնում էր 10.000-ի: Ականատեսներից մեկը պատմում է. «Ես երկնից տակ չեմ լսած այդքան ցաւագին ու այդքան սրտապատռ լաց ու ճիշեր, որքան այդ բռնագաղթի մեծ քարաւանին՝ սուխններու, փայտերու եւ խարազաններու ստիպման տակ քշուող, արեւէն խանձուած անպաշտպան որբերուն ու որբեւայրիններուն լացն ու ճիշերը»: Այդ մեծ քարավանից Հալեպ հասավ 68 հոգի¹:

3000 հոգուց կազմված 2-րդ քարավանն գնդապետի, մի քանի հարյուր ժանդարմների և Հուսեյնիկի կառավարիչ, երիտթուրք Ֆայիկ բեյի ուղեկցությամբ ուղարկեցին մինչև Խան գյուղը, որտեղ Ֆայիկ բեյը իր հետ տանելու համար ընտրեց կանանց և վերադարձավ Խարբերդ: Մալաթիայի ճանապարհին Փրունջըլար գյուղի մոտերքում մայրերից խլեցին բոլոր երեխաններին՝ որբանոցներում տեղափորելու պատրվակով, որոնք իրը բացվել են կառավարության կողմից: Փրունջըլարի մոտերքին քարավանին միացան 11 հազ. հայեր՝ Սամսոնի, Սվագի, Ամասիայի բնակիչները: Նրանց հանձնեցին Աղյաման քաղաքի կաղին՝ Բաղիր բեյին, որը քարավանն «անվտանգ» ուղեկցելու համար տարագիրներից չորթեց 20 հազար ոսկի լիրա: «Բեզզաղ և Վան-դաղ լեռների վեցերին թուրքերը մորթեցին քարավանում եղած բոլոր տղամարդկանց: 15-16 հազար հոգուց Ռաս ուլ-Այն հասավ 3.5 հազարը: Տասն օր անց սովից ու ծարավից մեռավ 2000 հոգի: Արարաբնակ շրջաններում գիշերները հայերի վրա հարձակումներ էին գործում արաբները և նույնպես առևսանգում գեղեցիկ և երիտասարդ կանանց: Վերանշեհիրից հետո քարավանում մնաց 300 կին, Ռաս ուլ-Այն և Հալեպ հասավ միայն 23 տղամարդ..»²:

Երկրորդ քարավանի մասին ականատեսը պատմում է, որ Մամուրեթ ուլ-Ազիզից ամենաբազմամարդ քարավանը հունիսի 3-ինն էր, որին տարան ղեպի Մալաթիա: Մինչև քաղաք մտնելը ժանդարմները տղամարդկանց առանձնացրել և ճանապարհից փոքր-ինչ հեռացնելով սպանել են: «Տղաներին, կանանց ու աղջիկներին բռնաբարեցին նույն այդ ժանդարմները, ինչպես նաև ճանապարհին հանդիպած քրդերն ու արաբները»: Քարավանը ամրողջությամբ թալանվեց, անգամ հագուստները խլեցին: Քարավանի մի մասը հաջողեց հասնել Ուրֆա, Նիզիրին, Հալեպ և Բաքրա: Սակայն թույլ չտվեցին մի վայրում հաստատվել, այլ տեղից տեղ քշեցին, ի վերջո տարան Դեր Զոր, որտեղ մի տարի դիմացան ծայրահեղ թշվառության մեջ և ապա ջարդվեցին քաղաքի մերձակայքում:

Խարբերդի հունիսի 1-ին մեկնարկած քարավանի հետ կատարվածը բռնագաղթի տեխնոլոգիայի դասական օրինակ է: Այդ է պատճառը, որ այդ քարավանի հետ վտարվածների մանրամասը նկարգրությունը տեղ է գտել ցեղասպանության պատմությանը նվիրված մեծ թվով աշխատություններում:

Քարավանը, որում կար 3000 մարդ, մեծամասամբ կանայք, երեխաններ ու ծերեր, Խարբերդը թողեց 70 ոստիկանների ուղեկցությամբ, որոնց ղեկավարում էր վիլայեթում մեծ աղեցություն ունեցող թուրք Կ. բեյը: Քարավանը

¹ Ճիզմէճեան Մ., Խարբերդ եւ իր զաւակները, Ֆրեզնօ, 1955, էջ 424:

² Վալխուշեան Գր., նշվ. աշխ., ստր. 84.

Հաջորդ օրը, առանց միջաղեպի հասնում է Խանքոյ: Բեյը հայտարարում է, որ Մալաթիայում քարավանին վճարելու է 400 լիրա և ուղեկցելու է մինչև Ուրֆա: Սակայն նույն օրը նա անհայտացավ հետը տանելով խոստացած դրամը:

Երրորդ օրը քարավանը հասավ Թաղիփեն, որտեղ արարներն ու քրդերը փախցրեցին կանանց ու աղջիկների: Քարավանը պաշտպանելու կոչված ժանդարմներն, իրենք հրահրեցին բարբարոսներին կատարելու կողոպուտ, սպանություն, առևանգումներ:

Տասնհինգերորդ օրը, երբ քարավանը մեծ դժվարությամբ բարձրանամ էր լեռան թեք լանջով, քրդերը 15-90 տարեկան 150 տղամարդու քարավանից հանեցին, տարան քիչ հեռու և բոլորին սպանեցին, ապա վերադարձան ու սկսեցին կողոպտել կենդանի մնացած կանանց ու երեխաներին: Նույն օրը տարագրության մի ուրիշ քարավան, որում կար 300 տղամարդ ու մի քանի հազար կին և երեխա (Սեբաստիայից, Թոքաթից), միացավ խարբերդցիներին և առաջացավ 18,000 հոգուց կազմված մի մեծ քարավան:

Տասնյոթներորդ օրը այդ քարավանը ճամփան շարունակեց քուրդ բեյի ուղեկցությամբ, որը լեռներից կանչեց իր մարդկանց, որոնք հարձակվեցին քարավանի վրա ու կողոպտեցին:

Երեսուներկուերրորդ օրը քարավանը մտավ Քիաղհի գյուղը և այնտեղ մնաց երկու օր: Այդ գյուղում նույնպես առևանգեցին կանանց ու աղջիկների:

Քառասուներրորդ օրը քարավանը մոտեցավ Մարաշ գետին, որտեղ տեսան 200 դիակ, որոնց ջրի հոսանքը քշում էր: Ավին թափված էին արյունոտ հագուստներ: Հարեան գյուղի ավագը տարագիրներից փրկագին հավաքեց՝ նրանց գետը չնետելու համար:

Հիսուներկուերրորդ օրը քարավանը հասավ մի ուրիշ գյուղ, որտեղ քրդերը նրանց կողոպտեցին լրիվ մերկ թողնելու աստիճանի: Հաջորդ հինգ օրերին նրանք այդպես մերկ քայլեցին կիղիչ արեկի տակ: Հաջորդ հինգ օրերին տարագիրները չատացան «ոչ մի կտոր հաց և ոչ էլ մի բաժակ ջուր»: Նրանք ծարավից ու քաղցից թուլացել, հյուծվել էին և ճանապարհին մեռնում էին հարյուրներով: Նրանց լեզուն սև էր, ածուխի նման: Իսկ երբ մի քանի օր անց մոտեցան աղյուրի ու նետվեցին դեպի այն, ժանդարմները փակեցին նրանց ճանապարհը: Նրանք ջուրը վաճառում էին բաժակը 1-3 լիրայով: Սակայն դրամն ստանալուց հետո էլ նրանց թույլ չտվեցին մոտենալ ջրին: Երբ 70-րդ օրը քարավանը հասավ Հալեպ՝ 18,000 հոգուց մնացել էր 150 կին և երեխա¹:

Խարբերդի հայերի վիթխարի զանգվածներին, - «Кавказское слово» թերթի 1916 թ. Հուլիսի 23-ի համարում գրում է Դուխովը, - տարագրեցին և «Մալաթիայից ոչ հեռու մի վայրում բոլորին թալանեցին, ամեն ինչ լսեցին, իրար մեջ բաժանեցին առավել գեղեցիկ կանանց ու աղջիկներին, իսկ մնացածներին հազարներով կոտորեցին ու դիակները եփրատը նետեցին: Շատ քիչ երջանիկներին հաջողվեց հասնել աքսորավայր՝ Միջագետք, որտեղ նրանց սպասում էր մահը՝ համաձարակներից, կլիմայական պայմաններից և, գլխավորապես քաղցից...»

¹ НАН РА, Из истории Геноцида армян, Еր., 1984, с. 15-16.

Մինչև տարագրությունը 300 հայուհիներ խսլամ ընդունեցին և նրանց թույլատրվեց ապրել Խարբերդում...»:

Զէին բռնագաղթում որոշ թվով գեղջկուհիների, որպեսզի կատարեին զյուղատնտեսական աշխատանքներ, մասնավորապես, հավաքեին բերքը: Սակայն ի վերջո նրանք էլ չփրկվեցին:

1915 թ. նոյեմբերին Խարբերդից հանվեց ևս մի քարավան և քաղաքում մնաց մոտ 200 հայ, որոնց մի մասը թաքնվել էր «Հայերու բարեկամ թուրքերուն քով»:

Լսենք ժամանակակիցներին ու ականատեսներին:

«...Խարբերդի կուսակալը,- զրում է Մ. Նեղիմը,- տղամարդկանց զատել էր իրենց ընտանիքներից և Խարբերդի ու Մալաթիայի միջև գտնվող Քեռմուրիսան վայրը տանելով զնդակահարել ու դիակները Եփրատ էր նետել»:

Գերմանիայի հյուպատոսը հուլիսի 11-ին (ն. տ.) զրեց. «Հուլիսի 1-ին սկսվեց Հայերի մի մեծ խմբի տեղահանությունը: Դրան հետեւց ևս 300 մարդ: Հուլիսի 11-ին Հայուարարվեց, թե բոլոր Հայերը առանց բացառության, պետք է քաղաքը թողնեն: Հուլիսի առաջին օրերին Խարբերդում երևացին էրգրումի աքսորյաների առաջին քարավանները՝ ցնցուիների մեջ, կեղտոտ, սովորակ. Հիվանդ մարդիկ: Նրանք երկու ամիս գտնվել են ճանապարհին զրեթե առանց սննդի ու ջրի: Նրանց, ինչպես անասուններին, ուտելու համար ծղոտ տվեցին: Այնքան քաղցած էին, որ նետվեցին ծղոտի վրա, բայց ժամարմները նրանց մահակներով քշեցին, իսկ ոմանց էլ սպանեցին: Մայրերն իրենց երեխաներին առաջարկում էին բոլոր նրանց, ով ուզում էր վերցնել...»:

«Զորքերը շրջապատեցին մեր թաղամասերը, - պատմում է խարբերդցի մի կին, - ոստիկանները մտան տները բոնելու ու ձերբակալելու բոլորին (սկզբում միայն տղամարդկանց): Բանտում մոտ 1000 հոգու ձեռները կապեցին, ապա խմբերով միմյանց շղթայեցին ու գիշերը դուրս հանեցին քաղաքից»: Հայերն առավոտյան այդ մասին իմացան և մեծ աղմուկ բարձրացրեցին, սակայն ոստիկանները նրանց ցրեցին Հրացանների խզակոթերով ու մտրակներով: Մի քանի օրում քաղաքի բոլոր տղամարդիկ աքսորվեցին, ապա Հավաքեցին կանանց ու երեխաներին և 1000–1500 հոգանոց խմբերով քաղաքից դուրս տարան:

Բանտում մնաց շուրջ 200 տղամարդ, մեծահարուստներ, որոնք մեծ կաշառք տալով թույլտվություն էին ստացել բռնագաղթվելու իրենց ընտանիքների հետ:

Քաղաքի ունեորներից ու մտավորականներից կազմված քարավանը, որին ճամփա էին հանել հունիսի 14-ին, հինգերորդ օրը, Խզոլի զյուղում կողոպտեցին, նրանց մոտ եղած բոլոր մթերքները խլեցին:

Գյուղի կողքով հոսում էր Եփրատը, և մենք տեսնում էինք, «թե ինչպես հոսանքը քշում տանում էր այլանդակված, ուսած դիակներ՝ երկուական դիակ միմյանց կապված: Դրանք այնքան շատ էին և տեսարանն այնպես սարսափելի, որ մենք աշխատում էինք գետի կողմը չնայել»¹:

Երբ երեկոն վրա հասավ՝ տղամարդկանց առանձնացրին: Նրանց առան-

¹ "На пути от Харбера до Урфы", с. 12-15.

ձին-առանձին կամ երկուական հոգով տարան գետափ և սպանելու սպառնալիքով ոսկի պահանջեցին: Ով ոսկի չուներ՝ սպանեցին ու դիակը գետը նետեցին¹:

Տասը-տասնմեկ տարեկանից բարձր տարիք ունեցողներին արգելում էին սայլ նստել, շատերի ոտնամանները խլել էին և նրանք քայլում էին ոտարորիկ՝ բոլորը հյուծվել էին, քաղցած: Ուժասպառ ընկածի զիսին քացով հարվածում էին ու դիակը թողնում տեղում:

Մալաթիայում առանձնացրին տասը տարեկանից բարձր բոլոր տղաներին ու տղամարդկանց, իսկ կանանց տեղափորեցին իջևանատներում: Որևէ մեկի մոտ դրամ չէր մնացել, բոլորը խլել էին:

Հաջորդ օրն սկսվեց խուզարկությունը, կանանց մեկ առ մեկ մերկացնում էին, մոտեցնում մութեսարիփին, հրամայում չուռ գալ, կունալ, լկուի խոսքեր էին ասում:

Կանանց ու երեխաների այդ քարավանին ճամփա հանեցին դեպի Ուրֆա: Սայլերն ու ձիերը խեցին, ուստի մայրերը երեխաներին շալակներն առան: Ուտելու համար միայն հաց էին տալիս: Լացող երեխաներին խլում էին մայրերից ու քարերի հարվածներով մեռցնում: Գիշերները բոնարարությունները սովորական դարձան, յուրաքանչյուր 10 զինվորի հատկացնում էին մեկ կին, որին լլկելով 2-3 ժամ զվարձանում էին, ապա կիսամեռ վիճակում թողնում հեռանում: Բոնարարում էին անգամ 8-10 տարեկաններին. «Որպեսզի փրկվեին հետապնդումներից, շատերը վերքերով այլանդակում էին իրենց դեմքն ու մարմինը, կեղտոտում, զզվելի դարձնում իրենց արտաքինը: Քարավանն այսպես առաջ գնաց երկու ամիս շարունակ: Բոլորը ցնցոտիների մեջ էին, շատերը՝ զրեթե մերկ: Մերկությունը ինչ-որ բանով ծածկելու համար տերևներից ու խոտից գոտիներ էին հյուսում: Երբ հասան Ուրֆա՝ քարավանում մնացել էր 200 հոգի (2000-ից)»²:

Առաջին (հուլիսի 1-ի) քարավանի ճակատագրի մասին մանրամասը տեղեկություններ կան նաև դիվանագիտական տեղեկագրերում: Քարավանին ուղեկցում էր 70 ժանդարմ, գրում է Մորգենթաուն, որոնք ապացուցեցին, որ «հայերուն պաշտպանները չեն, այլ՝ խոշտանգիչները եւ դահճները»: Նախ քարավանապետ բեյը շորթեց 400 ոսկի և անհետացավ, հայերին թողնելով ոստիկան-զինվորների «փափկազգաց գթասրտութեանը»: Նրանց աջակցությամբ, քրդերը շատ անգամներ հարձակումներ գործեցին քարավանի վրա, «աղջիկները կը փախցնէին»: Կանանց բոնարարությանն ու սպանությանը այդ ժանդարմները մշտապես մասնակցում էին:

Նրանք 13 օր շարունակ ...«իրենց պաշտապանեալները կողոպտելէ, ծեծելէ, բոնարարելէ եւ սպաննելէ ետք» լրեցին: Որից հետո քարավան են խուժում քրդերը և հավաքում այն բոլոր արու անձերը, որոնք դեռ ողջ են: Գտնում են 15-90 տարեկան 150 հոգու և տանում մորթում են³:

¹ «На пути от Харбера до Урфы», с. 12-15.

² ՀԱԱ, ֆ. 57, ց. 5, գ. 125, թթ. 13-15: Տե՛ս Խարբերդից Ա. Խաչիկյանի նամակը կաթողիկոսին (28. XI, 1916):

³ Մորգենթաու Հ., նշվ. աշխ., էջ 264-265:

Այդ քարավանի մասին պատմում է նաև Լ. Դեկիսը. «Հուլիսի 1-ի առավոտյան զարմանքով նկատեցի, որ տեղահանվող հայերը ամենաչնչին դիմադրությունն իսկ ցույց չեին տալիս»: Պատճառն այն էր, որ գրեթե տղամարդ չէր մնացել, իսկ մնացածներն էլ «հուսահատված ու ընկճված էին»: Ոչ ոք խույս չովեց բոնագաղթից: Այդ 3000 հոգանոց քարավանում գնում էին ոմանք եղան սայլերով, ոմանք ջորիներով ու ավանակներով, ոմանք իրենց ունեցվածքը բարձել էին կովերին: Բայց մեծ մասը գնում էր հետիոտն՝ իրերը շալակին, երեխաները գրկին: Որոշ ժամանակ անց «ջորիներն ու ավանակները, որ կառավարությունն էր տրամադրել, վերադարձան»¹:

Թուրք սպա Ասիմ բեյի վկայությամբ՝ Խարբերդից տարագրված 60 հազ. հայից Մոսուլ հասել էր 15.000-ը: Մարդինից մի քուրդ հայտարարեց, թե Խարբերդում, Դիարբեքիրի, Մարդինի ու Վերանչեհիրի բոլոր հայերը մորթված են²:

«Ակսած մայիսից,- պատմել են տեղի միախոներները,- սկսվեցին ահավոր խոշտանգումները: Բանտարկված, ամբարների մեջ փակված հայերի ոտքերին մեխ էին խփում և պայտում, ինչպես ձիերի, դուրս էին քաշում մորուքի մազերը, հոնքերը, մատների եղունգները, ատամները, գլխիվայր կախում էին և այլն: Հասկանալի է, որ շատերը մահացան... Որպեսզի խոշտանգումների աղմուկը դրսում չլսվի, բանտի մոտ նվազում էին դհու և զուռնա... Առաջինը ձերբակալվեցին զենք հանձնողները: Հունիսի 18-ին աքսորեցին 2000 զինվորի և ուղարկեցին Հալեպ՝ ճանապարհներ կառուցելու, սակայն բոլորին սպանեցին Մուշի մերձակայքի կիրճում: Այս մասին լուրեր հասան Խարբերդ, հայերի շրջանում հուզմունքն ահազնացավ:

Հաջորդ օրը ևս 2000 հոգի ուղարկվեց Դիարբեքիրի ուղղությամբ՝ իրարուկապված:

Քանի որ այս քարավանից մի քանի հոգու հաջողվեց փախչել, դրանից հետո տեղահանվածներին երեք օր քաղցած էին պահում, ուժասպառ անում և ապա միայն ուղարկում:

Հուլիսի 3-ին Հարուստ ընտանիքների 6000 անդամներ (ոչ միայն Խարբերդից) ճամբա հանեցին մի քարավանով, բոլոր տղամարդկանց սպանեցին և միայն մի քանի կնոջ հաջողվեց հասնել Ուրֆա:

Օգոստոսի վերջերին Մամուրեթ ուլ-Աղիզով անցավ 8000 հոգանոց մի քարավան, որը նույնպես ոչնչացվեց թուրք բնակչության միջոցով»³:

Հուսեյնիկ գյուղի բնակչութի Մ. Քեչեջյանը 1915 թ. նոյեմբերի 2-ին պատմել է, որ Խարբերդում ու մերձակա գյուղերում մեծ թվով հայերի ձերբակալեցին ու բանտերում խոշտանգեցին՝ ծեծեցին, դուրս քաշեցին մազերն ու եղունգները, տանջեցին տաքացրած երկաթներով: Զինվորներից մեկը նստեց Հղի կնոջ փորին, իսկ մյուսները նրան ծեծեցին, որպեսզի հայտնի ամուսնու տեղը⁴:

Հայ բնակչության ոչնչացումը նաև ուղեկցվում էր ստոր շահարկումներով

¹ Դեկիս Լ., նշվ. աշխ., էջ 124-125:

² R 14088, Ab. 30012.

³ R Konst/Ankara, 98, Ab. 10299.

⁴ Դեկիս Լ., նշվ. աշխ., ն. տ.:

ու խարդավանքներով, սաղրանքներով ու խարեռություններով:

Երբ ամբողջ Հայությունն արդեն տարագրված էր, թուրքական կառավարությունը հայտարարեց, թե որոշ խավերի համար բացառություն է արվում, այսինքն՝ արտոնություն էր տրվում այն ժամանակ, երբ այլևս դրանից օգտվող չկար: Օրինակ, կաթոլիկները չտարագրելու մասին հրամանը հայտնի դարձավ այն ժամանակ, երբ նրանք արդեն տարագրված էին:

Հուլիսի վերջին տեղահանվեց 40 հոգանոց մի խումբ, որի մեջ էին քաղաքի բարձր խավի ներկայացուցիչները, այդ թվում՝ կաթոլիկ թեմի առաջնորդ Ստեփանոս Եպս. Խարայելյանը, վալու անձնական ծանոթներ ու մտերիմներ: Վալին տպավորություն էր ստեղծում, թե ամեն ինչ անում է, որ այս խումբը անվտանգ տեղ հասնի: Բայց երբ Քյազլմ խան հասան, հայերին հավատացրին, որ նախապես որոշված երթուղին վտանգավոր է և տարան ուրիշ ճանապարհով: Քիչ անց տարագիրներին հրամայում են կառքերից իջնել: Հայերն անմիջապես շրջափակվում են քրոքերի ու ժանդարմների կողմից: Նրանց թևերը կապում են, խճուղուց դուրս հանում և սպանում:

Երկու ամսում ոչ միայն Խարբերդ քաղաքը, այլև նահանգի հայաբնակ մյուս քաղաքներն ու գյուղերը դատարկվեցին, դրանցում մնացին միայն հատուկենտ սովոր որբեր: «Պաշտոնական սպանդանոցներէ դուրս գրեթէ ամեն ցանկապատի տակ, ամեն փոսի, քարերու կամ թուփերու ետեւը, ճամբաներու եղերը, ամայի տեղերը՝ ամեն կողմ դիակ, կտրուած մարմնոյ անդամներ, փշրուած գանգեր»¹:

ՄԱԼԱԹԻԱ

Մինչև Մեծ Եղեռնը Մալաթիայի սանջակում բնակվում էր 25.000 հայ, որից քաղաքում՝ 15.000-ը: 1914 թ. աշնանը գաղանաբար սպանվում է տեղի մութեսարիֆը՝ կոտորածների նախապատրաստության վերաբերյալ Կ. Պոլսից ստացված հրահանգի մասին հայերին տեղյակ պահելու համար:

1915 թ. փետրվար-մարտ ամիսներին Զիփթիկ և Մամուրան վայրերում ոչնչացվեցին ճանապարհ կառուցող 1500 հայ զինվորներ:

Մարտի 10-ին սկսվեց զենքերի հավաքումը: Հայերը հանձնեցին ունեցած բոլոր զենքերը, ոմանք անգամ 20 ուսկով թուրքերից զենք գնեցին ու տվեցին: Ապրիլին ձերբակալվեց 80 մտավորական: Նրանց բոլորին սպանեցին բանտում: Մայիսին քաղաքի մոտակայքում չեթեները ոչնչացրեցին Խարբերդի մտավորականության քարավանը: Հունիսին իշխանությունների ձեռքն է ընկնում տեղի դաշնակցականների ցուցակը և սկսվում է նրանց ձերբակալությունը: ՀՅԴ և Հնչալյան կուսակցության 350 անդամներ գնդակահարվում են նույն ամսվա 10-ին:

Այդ օրերին զինաթափվում ու Փունար Բաշի վայրում ոչնչացվում է ևս 1200 հայ զինվոր, 500 հոգու ել գնդակահարում են Օրդուզ զետի ափին:

¹ «Յուշամատեան Մեծ Եղեռնի», էջ 391

Հունիսի 30-ին սկսվեց Մալաթիայի հայության տարագրությունը: Առաջին քարավանը կոտորվեց Եփրատն անցնելիս, ինչպես նաև Սուրուճում և Դեր Զորում: Երկրորդ քարավանը ջարդվեց Ֆուրնջըլարի կիրճում: Նույն օրերին Դեյրմեն գերեսի ձորում և Ուրֆայի շրջանում ոչնչացվեց աղըյամանցիների մեծ մասը: Մալաթիացիների երրորդ քարավանը ոչնչացվեց Ֆուրնջըլարի ձանապարհին:

1916 թ. նոյեմբերի 3-ին Թալեաթն այցելում է Մալաթիա և տեսնում, որ քաղաքում հայ բոլորովին չի մնացել: Նա հանձնարարում է ոչնչացնել ջարդերի վերաբերյալ Կ. Պոլսից ստացված բոլոր փաստաթղթերը: Հրեշը կարգադրեց ջարդել նաև մահմեղականացված հայերին, որոնց ոչնչացրեցին Գյոչենեի մերձակայքում:

Սպանում էին ամենավայրենի եղանակներով, պատմում է Մարիա Յակոբսոնը, օրինակ, «ցից մը կը գամեն գետնին, ցիցին զլուխը կը տաշեն կը սուրցնեն, երիտասարդը կը նստեցնեն վրան, երկու ուսերէն կը չոքեն, չարչարանքով կը մեռցնեն, այդպէս ցցուած կը թողուն գետնին»¹:

Մալաթիա-Եփրատի կիրճ գիծը ստացավ Կանլը դերե (Արյան ձոր) անունը: Այդ ձորում հայերի արյունը գետ կազմեց: Այստեղ գործադրվեցին սպանության ամենաղաման եղանակները: Ժանդարմը նկատելով, որ մի հայ կին ուկի կու տվեց, անմիջապես թրատում է նրան ու ուկին հանում: Այս և նման գաղանություններն օրինակներ չեին, այլ սպանության կերպ, մոլեռանդ մարդասպանների գործողությունների եղանակ:

Հայ բժիշկ Ա. Ճեպեցյանը 1916 թ. սեպտեմբերին լինում է Մալաթիայում ու գրում. «Այստեղ ալ հոս-հոն կը հանդիպէինք հայ գաղթականներու: Դէպի Բալու մեր ճանապարհին առաջին կանգառը եղավ Խապուսէ հայկական գիւղը՝ ամբողջովին պարպուած... Մնացած էին հինգ ընտանիք միայն... Այս կողմեր հարիւրաւոր նման հայ գիւղեր կան, բոլորը դատարկ, բնակչութիւնը տեղահան»: Խոշմաթ հայկական գյուղի 300 տնից մնացել էր 4-5 ընտանիք: «Քիւրտ տարագիրները փլած էին բոլոր տունները»²:

Հոկտեմբերի սկզբին նա մեկնում է Բալու. «Ինչ սրտաձմլիկ տեսարաններ... ամեն տեղ աւեր, տուններ՝ քիւրտ գաղթականներով լեցուն: Փողոց պառկող ու հոն մեռնողներ շատ... Քաղաքը թէ՛ աւերակ, թէ՛ ալ հրդեհուած... ամեն կողմէ դէպի հարաւ կու գան գաղթականներու խումբեր անդադրում: Ա՛լ հիւանդութիւն, կեղտ, աննկարագրելի թշուառութիւն»³:

¹ Ճեպեցյան (Յակոբսոն) Մ., Օրագրութիւն, 1907-1919, Խարբերդ, Պէյրութ, 1979, էջ 238

² «Քժիշկ ճեպեճեանին օրագիրը», Պէյրութ, 1986, էջ 69

³ Նույն տեղում, էջ 69-70

1915-ի ջարդերի նախօրյակին համանուն կազայում բնակվում էր 16-17 հազար հայ, որից մոտ 10.000-ը՝ քաղաքում:

Ապրիլի 30-ին սկսվեցին ձերբակալություններն ու ձերբակալվածների ոչնչացումը: Մայիսին տեղի ունեցած բռնագրավումներն ու խուզարկությունները: Զենք փնտրելու անվան տակ թուրքերը քանդեցին անգամ հայկական գերեզմանները, ավերեցին Մայր Եկեղեցին և վարժարանը: Հայ մտավորականներին մեկ ամիս շարունակ խոշտանգելուց հետո, Հունիսի 6-ին ոչնչացրեցին Եփրատի ափին՝ Կապան-Մաղեն քաղաքի մոտակայքում գտնվող Լևենկի ձորում:

Արարկիրցիների առաջին քարավանը քաղաքից հանվեց Հուլիսի 18-ին և ուղարկվեց Մալաթիայի ուղղությամբ: Հոկտեմբերին գավառակում այլևս հայ չէր մնացել: Տեղահանվեցին անգամ մահմեղականացված հայերը: Այստեղ ևս սկզբում տարագրության չենթարկվեց միայն արհեստավորների մի փոքր խումբ: Արարկիրցիների մեծ մասը կոտորվեց, քաղցից ու համաձարակներից մեռավ Մալաթիայի և Եղեսիայի կողմերում Ռաս ուլ-Այնում և Դեր Զորում:

Քաղաքաբնակների հետ գրեթե միաժամանակ սկսեցին բռնագաղթեցնել նաև գյուղաբնակ հայերին: Իչնել գյուղի բոլոր տղամարդկանց ժանդարմները տարան լեռները և կոտորեցին: Երբ ժանդարմները գյուղ վերադառնության մասը մասը կոտորվեց, քաղցից ու համաձարակներից մեռավ Մալաթիայի և Եղեսիայի կողմերում Ռաս ուլ-Այնում և Դեր Զորում:

«Բազմաշենք,- գրում է Դեկիսը,- ավերակույտի էր վերածվել: Նա մոտ 300 տուն ունեցող հայկական գյուղ էր, ամեն տնից գոնեն մեկը գտնվում էր Ամերիկայում: Այժմ Բազմաշենում երկու ընտանիք էր մնացել, որոնց թողել էին սպասարկելու տեղահանությունն իրականացնող ժանդարմներին»¹: Ոչ մի տան վրա անգամ դուռ ու լուսամուտ չէր մնացել, շատ տներ փուլ էին եկել: «Փողոցներում միայն մի քանի քաղցած կատու էր թափառում»: Խուզագյուղում նույնպես հիմնականում հայեր էին բնակվում: Այս գյուղում ևս չուրջ 300 տուն կար: «Մենք անցանք անմարդ փողոցներով, որոնք լցված էին աղտեղությունով... Այդ գյուղն էլ էին քարուքանդ արել, բացի 5-6 հոգուց՝ մնացածին աքարել էին»: Մի քանի օր անց այդ գյուղերը բնակեցվեցին մուհաջիրներով:

«Եղեգի կողքի գյուղի եկեղեցու մեծ զանգը ... թաղվել էր գավիթի փլատակների տակ: Կրոնական մոլեռանդությամբ համակված մահմեղականները որոշել էին բնաշնչել ոչ միայն քրիստոնյա աղքարնակչությանը, այլև վերացնել այն ամենը, ինչ քաղաքակրթությամբ էր ստեղծվել»²: Նույն ավերածություններն էին Հուսեյնիկ, Մորենիկ, Խարբերդ-Սերայ, Վ. Մեղիրե, Քեսրիկ, Եղեգի, Սուրսուրի, Թաղեմ, Խոլու, Շենթիլ, Կարմրի, Գեղվանք, Գալու, Վարդաթիլ, Փերչենճ, Երդմնեք, Մորեյ, Գոմք, Հող, Հաբուսի, Հնձվոր, Հին Ագարակ, Զոր եղ,

¹ ԹԱԼԻՍ Լ., նշվ. աշխ., էջ 165:

² Նույն տեղում, էջ 165-166:

Վիզիան, Քեորքե, Հակոբ Մեղիրե, Ծառուկ, Հարսեկ, Բերդակ գյուղերում: Խոյ-լուց գյուղի հայերից հրաշքով փրկված մի կին պատմել է, որ իրենց գյուղացիներին քշեցին քրդաբնակ Քուրդեմլիք գյուղը ու բոլորին հրացանազարկ արեցին: Նախաձիրի վայրում Դեմիս տեսել է բազմաթիվ դիակներ, որոնց մի մասը ողջակիղված էր¹:

Դիվանագիտական մի փաստաթղթում կարդում ենք. «Ճանապարհներին թափած էին տղամարդկանց դիակներ, իսկ Արդուն գյուղի մոտ՝ նաև կանանց դիակներ: Քարավանը 6-րդ օրը հասնում է քրդաբնակ մի գյուղ: Ժանդարմները պահանջում են փող և զարդեղեն: 4-րդ օրը խեցին սպիտակեղենը, իսկ Դիարբեքիր հասնելուն պես՝ եղներն ու ձիերը, տարան մի կնոջ և երկու աղջկա: Քարավանը դեռ քաղաքի պարիսպների տակ էր, երբ թուրքերը տարան նաև երեխաներին, իսկ երեկոյան հարձակում գործեցին, և հայերը ամեն ինչ թողնելով փախան՝ ով որտեղ կարող էր: Այնուամենայնիվ, գիշերը փախցրին ևս մի խումբ կանանց ու աղջկների: Հաջորդ քարավանին ուղղակի քշեցին հարավ, տարագըրալները ընկնում էին քաղցից ու ծարավից: Ամեն օր քարավանը հարձակման էր ենթարկվում: Մի կնոջ, որը դիմադրում էր, կամրջից ցած նետեցին: Մարդինի մերձակայքում քարավանը ութ օր պահեցին դաշտում բորբ արևի տակ: Հայերին ծաղրում ու վիրավորում էին ամենատարբեր եղանակներով, օր չէր անցնում առանց առևանգման ու բռնաբարության: Ռաս ուլ-Այնի մերձակայքում երեք խոշոր ամբարներ լիքը լցված էին դիակներով: Հաճախ էին հայերին առաջարկում կամ հարկադրում ընդունել իսլամ: Բայց նրանք համերաշխ մերժում էին»²:

* * *

Թե ինչ տեղի ունեցավ տարագրված խարբերդցիների հետ, իմանում ենք Հալեպում ԱՄՆ-ի հյուպատոս ջ. Ջեքսոնի 1918 թ. մարտի 4-ի տեղեկագրից, որը կրում է «Բարբարոսություններ հայերի հանդեպ» անունը: «...1915 թ. հուլիսին, - գրում է հյուպատոսը, - երբ ջերմաչափը ցույց էր տալիս 105-115 աստիճան, խարբերդցի կանանց ու երեխաների մի խումբ, ավելի քան հազար հոգի, հասավ Դիարբեքիրից հարավ՝ Վերանշեներ: Նրանց հանձնեցին քրդական մի ոճախմբի: Քրդերը խմբից առանձնացրեցին գեղեցիկ կանանց, աղջկներին ու երեխաներին: Կանայք դիմադրեցին, ինչը «կատաղեցրեց քրդերին, և նրանք այդ դժբախտներից շատերին սպանեցին», մյուսների հագուստները խլեցին ու ստիպեցին «ճանապարհը շարունակել մերկ»: 300 հոգի Ռաս ուլ-Այն հասավ բոլորովին մերկ, գգգված մազերով, որը «նրանց վայրենիների տեսք էր տվել»: Նրանք 6 օր անընդհատ քայլել էին կիզիչ արևի տակ, նրանց մաշկը այրված էր, ձիթապտղի գույն էր ստացել և լայն շերտերով պոկվում էր: Զեկսոնն անձամբ էր նրանց տեսել: Նա գրում է. «Կանանցից շատերն

¹ Դեմիս Լ., նշվ. աշխ., էջ 167-168:

² R 14093 Ab. 24668.

սպիներով և վերքերով էին ծածկված: Դրանք թուրքերի հասցրած սոսկալի հարվածների հետևանք էին»¹:

Խարբերդի ջարդերի ամենահավաստի աղյուրներից է Ամերիկայի Միացյալ Նահանգների Հյուպատոս Լեսլի Դեմի 132 էջանոց տեղեկանքը և զանգվածային կոտորածների վայրերի նրա տեղեկագրային նկարագրությունները, որոնք հայտնաբերվել են Միացյալ Նահանգների պետական արխիվներում ու Վաշինգտոնի վարչակազմի արձանագրություններում: Այդ եղակի փաստաթղթերը, վեցամյա արխիվային հետազոտություններից հետո, գտել և հրապարակել է Սյուլան Ք. Բլերը:

Դեմիը նաև լուսանկարել է հայ տարագիրներին ու կոտորածի վայրերը:

Պետական դեպարտամենտին Դեմի ուղարկած տեղեկագրերում Խարբերդի վիլայեթն անվանվել է «Սպանդի նահանգ», որովհետև կայսրության շատ քաղաքներից ու գյուղերից տեղահանված ու դեպի հարավ աքսորված հայերի մեծ մասը բռնի մահով մեռնում էր Մամուրեթ ուլ-Ազիզի վիլայեթի սահմաններում:

Նա գրում է, որ «այստեղ որևէ մեկի համար գաղտնիք չէր, որ խոսքը այնպիսի ճանապարհորդության մասին է, որի նպատակը մահն է»:

«...Պետական դեպարտամենտի մի քանի արձանագրություններից գիտեի, գրում է Բլերը, - որ Դեմին այցելել է կոտորածի վայրերը, լուսանկարներ արել, սակայն երկար ու հանգամանալից հաշվետվության հայտնաբերում մեծ անակնկալ է... ես ցնցված էի»:

Բլերի ուսումնասիրության թեման ամերիկան բարեգործությունն էր, սակայն ծանոթանալով Դեմի տեղեկագրին, լուսանկարներին ու դրանց կից մյուս փաստաթղթերին, նա մի կողմ դրեց նախկին թեման՝ այդ եղակի արխիվը ուսումնասիրելու ու հրատարակելու համար²:

Որքան խիզախ էր Դեմի, նույնքան էլ անվախ է Բլերը: «Սպանդանոց գավառը» «Washington Post»-ում տպագրելուց հետո (1989 թ.) նա իր ընտանիքով բնակվում է անհայտ հասցեներում, հետապնդվում թուրքերի կողմից: Դրան ԱՄՆ-ի համապատասխան ծառայությունների արձագանքը եղան՝ «չենք կարող ապահովել ոչ Բլերի և ոչ էլ նրա գրքի հրատարակչի անվտանգությունը»:

«The Slaughterhouse Province: An American Diplomat's Report on the Armenian Genocide, 1915-1917» գիրքը նույնպես հրատարակվեց 1989 թ. նյու Յորքում: «Սպանդի նահանգը» անունը կրող այդ գիրքը հայերեն լույս է տեսել երեսնում, 2001 թ., Գրիգոր Զանիկյանի թարգմանությամբ:

Գրքում զետեղված են Բլերի ներածությունը, Դեմի տեղեկագրերի զգալի մասը, Խարբերդի վիլայեթի դպրոցներում ու հիվանդանոցում աշխատող ամերիկացի միահյունների վկայությունները, Խաղաղության համաժողովում ամերիկյան պատվիրակության համար միահյունների պատրաստած զեկուցները:

Գրեթե 70 տարի Դեմի տեղեկագրը մնացել էր Պետական դեպարտա-

¹ ԱՄՆ ՊԴԱ 59 խմ., տասնորդական թղթապանակ № 867, 4016/105:

² Մորգենթաու Հ., նշվ. աշխ., էջ 372:

մենտի թղթապանակներում, իսկ լուսանկարները, մոռացված, լցված էին կոչիկի տուփում: Պատճառը տարօրինակ է: Պարզվում է, որ ոչ միայն Գերմանիայամ, այլև ԱՄՆ-ում այդ տարիներին խստագույնս արգելված էր նման նյութերի հասպարակումը:

Լայն հասարակայնությանն անծանոթ էր Դեկտի գործունեության նաև մի այլ բնագավառ: Նա ԱՄՆ-ի հյուպատոսությունում թաքցրել է 80 հայի՝ նրանց փրկելու համար: «Դժվար էր կերակրել այդ բոլոր մարդկանց, - հիշում է Դեկտի, - քանի որ այն ժամանակ չունեի ծառաներ... ժամանակ էր լինում, երբ ստիպված էր ինքս շուկա գնալու նրանց համար հաց գնել: Դա պետք է արվեր շատ զգուշությամբ, որպեսզի ուշադրություն չզրավեր: Երկար ժամանակ չէի համարձակվում իմ հայ դավագներին (պահանջներին) շուկա կամ ուրիշ տեղեր ուղարկել: Այդպիսով դերերը փոխվում էին: Փոխանակ նրանք ինձ պաշտպանեին, ես էի պաշտպանում նրանց: Որոշ ժամանակ անց ծառայության վերցրի մի երիտասարդ թուրքի, որին մտադիր էի դավագի պաշտոն տալ, եթե վստահություն ներշնչեր: Սակայն նա այնքան հարցասեր էր, և հաճախ էր թաքուն հայացքներ նետում ինձ մոտ եկող հայերի վրա, իսկ տունն ու պարտեզը լիբն էին հայերով, որ ստիպված էր հնարավորին չափ շուտ ազատվել նրա ծառայություններից»:

Դեկտն այդ հայերից շատերին օգնեց փախչել Դերսիմի քրդերի շինած թաքուն ճանապարհով, որն ստացել էր «ստորերկրյա երկաթուղի» անունը: Դա անցնում էր եփրատով և տանում դեպի հյուսիսային լեռնոտ շրջաններ:

Լ. Դեկտը ղեռ ապրիլի 19-ի տեղեկագրում նշում էր, որ թուրքերը պատրաստվում էին «հայերին կոտորել»:

Նա առաջին արտասահմանցին էր, որ գրեց, թե այն ինչ սկսվել է թուրքիայում՝ նոր միջոց է «Հայ ժողովրդին բնաջնջելու»: «Խոսքը ամբողջ ազգարնակչության բոնագաղթելու մասին է», այն էլ բոլոր վեց նահանգներից, որոնք «Հայաստանն են կազմում»: Բոնագաղթի ենթակա են բոլոր հայերը: «Մարդկության պատմության ընթացքում, հավանաբար, նման զանգվածային տեղահանություն չի եղել»: Նման ծավալի տեղահանություն երբեմիցեւ ոչ միայն չի իրականացվել, այլև չի մտահղացվել¹:

«Զարդը, - գրում է Դեկտը, - որքան էլ սարսափ հարուցի բառը, բոնագաղթի համեմատությամբ ավելի մարդկային է: Կոտորածներից հետո թերևս ոմանք ողջ մնան, մինչդեռ թուրքիայի նման երկրում համընդհանուր տեղահանությունը նշանակում է յուրաքանչյուրի համար թեև դանդաղ, բայց թերևս անհամեմատ ահավոր մահ: Ես չեմ հավատում, որ հարյուրից, հազարից մեկը անգամ ողջ մնա»²: Ակնհայտ է, թե որքան համահունչ է Դեկտի տրամաբանությունը Լեփսիուսի, Մորգենթաուի, Բրայսի, Թոյնբիի, Մանդելտամի կարծիքների հետ, ինչը նույնպես հաստատում է այն միտքը, թե «Բոնագաղթը բնաջնջման ամենաղաժան եղանակն է»:

¹ ԱՄՆ ՊԴԱ 59 խփ., տասնորդական թղթապանակ № 867, 4016/269:

² Նույն տեղում, 4016/105:

Սա զգացմունքային ակունքներ ունեցող մտահանգում չէր, այլ՝ իրավի-ձակի քաջատեղյակությունից բխած եղրահանգում, որն ամբողջությամբ հաս-տատվեց Մեծ եղեռնի ընթացքով:

Հայերին քշում էին Միջազետք, որտեղ այն ժամանակ «չէր կարող ապրել ոչ մարդը, ոչ էլ անապունը»: Ամուսնը այդ տարածքներով անցնելը դժվար էր անգամ լավ նախապատրաստվածների համար: «Ճանապարհի մեծ մասը անցնում է տոթ, կիզիչ անապատով, ջուր, բուսականություն գրեթե չկա»: Ուրֆա համելու համար պահանջվում էր ոչ պակաս քան 15 օր անընդհատ քայլել: Ճանապարհը գրեթե անմարդաբնակ է, եղած մի քանի բնակա-վայրերում անհնար էր «թեկուղ 20-30 հոգու համար ուտելիք ճարել», ուր մնաց՝ հազարների համար:

Դեմքը, ելնելով սեփական փորձից, գրում է. «Ամենալավ պայմաններում անգամ նման ճամփորդությունը ահավոր տառապանք է... Մինչդեռ բռնա-գաղթվողների, այսինքն՝ հայերի մեծ մասի համար, դա ստույգ մահ է»¹: Խար-բերդի վիլայեթում «հազիվ 25 սայլ» գտնվի, մի քանի տասնյակ այլսայլ սայլեր, ավանակներ և ուրիշ ոչինչ, այսինքն՝ գրեթե «բոլորը ստիպված էին լինելու հետիւտն զնալ»:

Բացի դա, կասկած լինել չէր կարող, որ քրդերը հայերին ճանապարհին հաշվեհարդարի «ենթարկելու հրահանգ էին ստացել»: Դեմքը մարգարեանում է. «Տղամարդկանց կապանեն, ամենազեղեցիկ կանանց ստրկության կտանեն, մյուսներին երեխաների հետ անպայման կթողնեն, որպեսզի մահանան»²:

Այդ մտահոգություններին գումարվում էին լուրերը ուրիշ նահանգներից արդեն տարագրվածների ողբերգությունների վերաբերյալ, ու նաև այն, որ վա-լին կտրականապես հրաժարվում էր թույլ տալ, որ քարավաններին ուղեկցեն օտարերկրացիներ:

Պետական դեպարտամենտին 1915 թ. հուլիսի 11-ին ուղարկած տեղեկա-գրում Դեմքը կատարում է հետևյալ ընդհանրացումը. «Սա ... ամենայն ման-րամասնությամբ նախապատրաստված, ամենաարդյունավետ սպանդն է, որը երբեմն տեղի է ունեցել այս երկրում»³: Հուլիսի 24-ին նա տեղեկագրեց. «Այլս գաղտնիք չէ՝ հատուկ ծրագրով նախատեսված է բնաջինջ անել հա-յերին որպես ցեղ, ազգ, և այդ նպատակն այնպիսի սառնասրտությամբ ու բար-բարոսությամբ, ավելին՝ արդյունավետությամբ էր իրազործվում, որ սկզբում զիսի չէինք ընկնում, թե ինչ է կատարվում»⁴: «Լիովին հաստատվել է, որ մինչև այժմ այստեղից բռնազաղթողները քաղաքից դուրս գալուց մեկ-երկու օր անց մորթվել են կամ որևէ այլ ձևով սպանվել, ընդ որում՝ դա արել են ոչ միայն ճա-նապարհին նրանց սպասող քուրդ հրոսակախմբերը, այլև, ու հիմնականում, աքսորականներին ուղեկցող ոստիկաններն ու չեթեները...»⁵:

¹ ԱՄՆ ՊԴԱ 59 խմ., տասնորդական թղթապանակ № 867, 4016/105:

² Նույն տեղում:

³ Նույն տեղում, 4016/122:

⁴ Նույն տեղում, 4016/269:

⁵ Նույն տեղում:

Դեմար այս տեղեկատվությունում նորից շեշտում է. «Զեմ կարծում, որ համաշխարհային պատմության մեջ երբեք իրազործվել է ավելի համընդհանուր ու արմատական նախաճիր, քան այն, ինչ տեղի է ունենում այժմ մեր տարածաշրջանում և ոչ էլ հավատում եմ, որ մարդկային ուղեղը ի գորու է հղանալ ավելի ահավոր ու ողբերգական ծրագիր»: Այն հանգամանքը, որ պաշտոնական հրամանը հայերին այս նահանգներից լոկ տեղափոխելու մասին է, «արտաքին աշխարհին որոշ ժամանակ կարող է թյուրիմացության մեջ գցել», մինչդեռ իրականում՝ այն ինչ կատարվում է՝ «ամենաղաժան սպանդն է»¹: Կատարվածը սպանդ կարող էր կոչվել նաև այն դեպքում, եթե թողնեին, որ տեղահանվածները ճանապարհին մեռնեին: Իրականում նրանց մեծամասնությունը կառավարության հրամանով «ուղղակի նախաճիրի է ենթարկվել»: Դա «համազգային եղեռն է»:

Ապա նա ներկայացնում է այդ եղեռնի տեխնոլոգիան: Դա նախապատրաստվել էր ամիսներ շարունակ: Նախ «Հեղափոխական դավադրություն հրահրելու համար» կալանավորեցին մարդկանց մի խմբի: Հետո մի քանի ուսմք գտան ու ձերբակալությունները շարունակեցին: Ամենաղաժան խոշտանգումների միջոցով բանտարկվածներից «կեղծ խոստովանություններ կորզեցին», ստիպեցին զրպարտելու լրիվ անմեղ մարդկանց: Սկսվեց զենքերի հավաքումը: «Մարդկանց տանջեցին այնքան, մինչև ընդունել են, որ թաքցրած» հրազեններ ունեն, չնայած այդպիսիք չեն ունեցել: Ապա ձերբակալեցին տղամարդկանց: Հաստատ էր մի բան, ձերբակալված հայերը «ոչ մի հեղափոխական դավադրության չեն մասնակցել»: Միաժամանակ ձերբակալեցին բոլոր հեղինակավոր հայերին, ապա քաղաքից հանեցին ու սպանեցին: Ճանապարհ կառուցելու պատրվակով ու պատճառով հավաքեցին ու տարան հայ զինվորներին, որոնց նույնպես կոտորեցին:

Այս ամենից հետո «բոնագաղթին հրամանին քիչ թե շատ լուրջ դիմադրության մասին այլևս խոսք լինել չէր կարող: Բոնագաղթն այնքան խորամանկ էր ծրագրված, որ ոստիկաններն ու ժանդարմները դա իրականացրեցին առանց իրենց անգամ չնչին վտանգի ենթարկելու: Այսպիսով մի քանի հազար ծառայողներ կարողացան» Խարբերդի տարածաշրջանից 15.000-20.000 հայ արտաքսել:

Եվ ոչ միայն արտաքսեցին, այլև ոչնչացրեցին, որովհետև «կառավարության նպատակը ոչ թե աքսորելն էր, այլ՝ ոչնչացնելը»: Տարագրվածների որոշ մասին ողջակիզեցին Խարբերդի ու Դիարբեքիրի միջև ընկած տարածքներում, ուրիշներին պարզապես գնդակահար կամ սրախողխող արեցին: Մյուսներին արտոնեցին՝ «ղանղաղ, բայց անխոսափելի վախճան, որը վրա էր հասնում շաբաթների ու ամիսների տառապանքից հետո և ամենավատթարն էր»³:

Երբ հանդիպում ես 70-80 տարեկան կույր, հիվանդ ծերերի, անպաշտպան կանանց ու երեխաների, որոնց քշում են դեպի հաստատ մահ, անհնար է դա արդարացնող որևէ պատրվակ գտնել:

¹ ԱՄՆ ՊԴԱ 59 խփ., տասնորդական թղթապանակ № 867, 4016/269:

² Նույն տեղում:

³ Նույն տեղում:

Դեկտեմբերի ԱՄՆ-ի Հյուպատոսն էր 1914 թ. ապրիլի 24-ից մինչև 1917 թ., երբ Միացյալ Նահանգները պատերազմի մեջ մտավ: Պետական քարտուղարին և Կ. Պոլսում ամերիկյան դեսպան Հ. Մորգենթաուին հասցեազրած նրա տեղեկագրերում ոչ միայն ներկայացված են թուրքերի ոճրագործությունների «ասհմուկեցուցիչ մանրամասները»: Նա նաև հորդորում, խնդրում էր «իր երկրի կառավարության անունով միջամտել, դադարեցնել արհավիրքը: Նա խիզախություն ունեցավ շրջելու սպանդի վայրերը, թուրքական իշխանություններից խնդրել, անգամ նաև պահանջել դադարեցնելու հայերի հոշոտումը»: Նա «Հիւպատոսարանը ապաստարանի վերածեց, տարիներով մէկ քանի տասնեյակ հայ պատուարեց, խկ որուն որ կրցաւ, Տերսիմի քիւրտերին կաշառելով Արեւելեան Հայաստան փախցրեց»: Նա 1917 թ. գրեց Խարբերդում երեք տարվա իր աշխատելու հաշվետվությունը, որը «ղիւանագիտական փաստաթուղթ ըլլալէ աւելի ականատեսի անողոք մեղադրական է»: Նա անհերքելի փաստերով ու մանրամասնություններով ներկայացնում է «երիտթուրքերուն յղացած, նախաձեռնած ու իրագործած այն ոճրագործութիւնը», որը կոչվեց առաջին ցեղասպանություն: Հաշվետվությունը, որն անվանված է «1914-1917 թվականներին Խարբերդի ամերիկյան Հյուպատոսարանի գործունեության մասին», կազմված է 132 մեքենագիր էջից:

Տեղեկագրում տեղ գտած զեկուցագրերը 1918 թ. ներկայացվեցին Խաղաղության համաժողովին: Նա բարձր գնահատականի արժանացավ դիվանագիտական շրջանակներում, որպես «բացառիկ արժեքավոր և հետաքրքիր հաշվետվություն»¹: Բացառիկ նշանակություն ունեն նաև այն լուսանկարները, որ կատարել է են Դեկտեմբերի մասնավորապես, Կարմիր խաչի բժիշկ Վիլֆրեդ Պոստեն, որոնք ուղարկվել էին պետքարտուղար Ռ. Լանսինգին:

Այդ լուսանկարների ստեղծման մասին Խարբերդում գործող կաթոլիկ միսիոներ Հ. Ռիցը պատմում է, որ դրանց հեղինակը երկու ամերիկացիներ էին: Դրանցից մեկը Դեկտեմբերի 15-ին հասել, որ Խարբերդից հարավ ձգվող ճանապարհին «բոնագաղթվածները զանգվածային ջարդերի են ենթարկվել»: Համոզվելու համար, որ այդ լուրերը ճիշտ են, Դեկտեմբերի սեփական աշքերով տեսնել դրանք: Եվ նա իր հայրենակցի ուղեկցությամբ անցնում է տարագրության ճանապարհով, այսինքն՝ գնում են Գյոլջուկ (Ծովք) լճի ափերով: Նրանք համոզվում են, որ լճի «ափերը սպանդանոցի էին վերածվել... Մարդկանց սպանել էին սվիններով ու մահակներով, հագուստները նախօրոք հանել էին»: Այդ հազուստները «ղեղերով վաճառում էին Մեզրեի շուկայում»: Դիակների հսկա կույտեր կային բոլոր կիրճերում: «Խոցոտված, բղկաված, այլանդակված, ճեղքված որովայններով... Բազմաթիվ կանանց մարմինների դիրքն ու վիճակը ուղեկցող զինվոր-ոստիկանների այլասերվածության և անմարդկայնության աղաղակող մեղադրական էին»: Դիակների մի մասը ալրված էր, որպեսզի, նախ, կարողանային՝ գտնել հայերի կուլ տված ուկեղենը և ապա խուսափեին համաձարակից: Զնայած դրան, մերձակա գյուղերի բնակիչների մեծ մասը համաձարակի զոհ դարձավ: Քրդական մի քանի գյուղեր

¹ Դեկտեմբերի նշանակության համարակալիք 20-21

«անտանելի նեխահոտից ու գարշահոտությունից» դատարկվել էին:

Դիակները հագուստից զուրկ էին: Մահմեղականները սպանելուց առաջ մարդուն մերկացնում էին, որովհետև մեռած մարդու վրայից հանված հագուստը հազնելը Ղուրանն արգելում էր:

Վ. Ռիցը Խարբերդի մերձակայքի ամայի վայրում տեսել էր մի դիակ: «Ճներն ու անգղները ամբողջովին հոչոտել էին մարմինը, այնպես որ հնարավոր չէր որոշել, թե ով է» այդ մեռածը: Գլուխն անջատված էր մարմնից: Հասկանալի էր՝ թուրքը բռնաբարելուց հետո կնոջ զլուխը կտրել էր: «Այս երկրի հովիտներից ու դաշտերից անհետացող համր վկաները, - բացականչում է Վ. Ռիցը, - զեռևս աղաղակում են Աստծուն բազում տեսարանների աննկարգելի սարսափների մասին, աղաղակում են դիվային գործնականության ու անասնականության զուգակցման դեմ, որով շարունակում է առաջնորդվել Թուրքիան»¹:

Խարբերդում կատարված լուսանկարները որպեսզի թուրքական իշխանությունների ձեռքը ընկնեին, թաքցրել էին ջրհորում և, բնականաբար, որակի կորուստ ունեցել էին: Դրանք «ցնցոտիներով տեղահանվածների» լուսանկարներ էին: Հիվանդ տեսքով մի տղա կանգնած է «ցուծված, տառապած, մարդկանց մեջտեղում», մարդկային գանգեր, խառնիխուռն պառկած, իրար վրա ընկած դիակներ, հագուստների ծվեններ ... լճափին նեխող կմախքներ, ավագից դուրս ցցված ձեռքեր ու ոտքեր, սևացած մաշկ, հողմնահարված մարմին»²:

Ամերիկացի միսիոներ Ամկինսոնը Գյոլջուկ կատարած երկրորդ ուղևորության ժամանակ ուղեկցել է Դեկսին և ստացած տպագորությունները հանձնել թղթին, որը ներկայացվեց Փարիզի Խաղաղության համաժողովի (1919 թ.) ամերիկյան պատվիրակությանը: Այդ ուղևորության մասին կարդում ենք, որ նրանք նոր էին Խարբերդից դուրս եկել, երբ տեսան ճանապարհին թափված դիակներ: Լեռան ստորոտում «զրանց թիվը չափազանց մեծ էր»: Ամկինսոնի հաշվումներով՝ լճափին «Հինգից տասը հազար ամբողջովին մերկ դիակներ» է տեսել (մեծ մասամբ՝ կանանց, երեխաների): Կանանց դիակները կտրտված էին, նրանք սպանվել էին տարրեր եղանակներով: «Մի մասին գնդակահարել են, մյուսին՝ զլխատել, երրորդին՝ դանակով մորթել կամ կացինով անդամահատել»: Խորխորատում չորս-հինգ շարքով իրար վրա թափված դիակներ կային: Մերձակա զուղերի քրդերը դիակների մի մասն այրել էին:

Դեկսի Գյոլջուկ երրորդ ուղևորությունը կատարվել է հյուպատոսարանի թարգման կարապետ Պետրոսյանի հետ, որը հետագայում գրեց այդ մասին: Երբ Դեկսը լուր է ստանում, թե տարագիրներին քաղաքից հանելուց հետո սպանել են, որոշում է ստուգել այդ լուրի ճշտությունը: Հենց քաղաքից դուրս են զալիս՝ տեսնում են ճանապարհին թափված դիակներ, իսկ 15 մղոն հեռու հանդիպում են «Հազարավոր խողխողված տղամարդկանց, կանանց ու երեխաների»:

¹ Դեկս Լ., նշվ. աշխ., էջ 55-58:

² Նույն տեղում, էջ 62:

Ճանապարհներին թափված դիակների հարցը մշտապես անհանգստացնում էր Խարբերդի իշխանություններին՝ այնքան դրանք չատ էին:

Վալին հետևյալ խիստ հեռագիրն ուղարկեց Մալաթիայի մութեսարիֆին. «...Դարձեալ չատ դիակներ են գտնուում ճանապարհներու վերայ... խստօրէն պիտի պատժուեն դրանց համար մեղաւոր պաշտօնեանները... ՆԳ նախարարութիւնը հրամայում է մեծ ուշադրութեամբ թաղել սահմաններում եղած բոլոր դիակները»: Պահանջվում էր այդ գործում օգտագործել «բաւարար թուով ուստիկան-զինուորների» և պաշտոնյանների¹:

Ուից Մերին պատմում է, որ երբ հեռանում էին Թուրքիայից և անցնում էին Խարբերդի գաշտով, տեսան մեծաթիվ Հողե թարմ թմբեր, որոնք «բերներերան դիակներով լցված խանդակներ էին»: Շատերից գուրա էին ցցված ուղեր ու ձեռներ: Լեռնային ճանապարհներին հաճախ էին հանդիպում «անդամահատված դիակներ, չափազանց չատ գանգեր, զանազան ոսկրամասեր»: Գրեթե բոլոր դիակները մերկ էին, գեմքով՝ գետնին: Գարշահոտություն էր: Կույսի կիրճի խորխորատներում «անթիվ անհամար դիակներ կային, որոնք նետված էին բարձունքից»: Հովիտներից մեկը «կարծես ուազմաղաշտ լիներ: Ամբողջովին ծածկված էր դիակներով»²:

Մի հատկանշական փաստ ևս: Լ. Դեկիսը վալիին առաջարկել էր դադարեցնել տարագրությունը: Վերջինս Հյուպատոսի մոտ է ուղարկում մյուղիր Ռեշին, որն ասում է, թե վալին Հնարավորությունն կունենա բռնագաղթը դադարեցնել, եթե Հյուպատոսը մի նամակ գրի հետևյալ բովանդակությամբ. «Հակակառավարական դավադրության համար մեղադրվող բոլոր հայերն արդեն աքսորվել կամ որևէ այլ կերպ պատժվել են, տեղերում մնացածները հակապետական խոռոչության չեն մասնակցել, իշխանությունների հանդեպ հանցանք չեն գործել»³: Այս առաջարկությունն արվում էր մի ժամանակ, երբ հայերի 80 տոկոսը քչված էր, այսինքն՝ «Հանցագործ ու ապստամբ» էր:

150.000 հայի տարագրումն ու ոչնչացումը հիմնավորվում էին հայերի՝ թուրքեր սպանելու 4-5 և իշխանության մարմիններին դիմադրություն ցույց տալու 10-12 աննշան դեպքերով: Վալու ստորագրությամբ Հյուպատոսին ուղարկված տեղեկանքում, օրինակ, նշվում էր, որ Սեղրակ անունով մի երիտասարդի փախչելու ժամանակ ժարարմները Հարուսի գյուղի մոտ շրջապատում են: Սեղրակը ատրճանակով կրակում և սպանում է մի ժամանակի և ինքն էլ ընկնում է մյուս ժամանակամասների արձակած զնդակներից: Մյուս գետքը, «Մորենիկի հարեւան գյուղում մի խումբ տղամարդիկ թաքնվում են նկուղներում և չեն հանձնվել ժամանակամասներին, որոնք եկել էին նրանց ձերբակալելու: Ժանդարմները գյուղը հրդեհում են, և ծովսը երիտասարդներին հարկադրում է թաքստոցներից դուրս գալ: Բանտարկված հայերը, համոզված, որ իրենց սպանելու էին, օգոստոսի 5-ին հրդեհում են բանտը և փորձում են փախչել: Նրանք բոլորն այրվեցին կամ հրացանազարկ եղան:

¹ Անտոննեան Ա., նշվ. աշխ., էջ 152-153:

² ԱՄՆ ՊԴԱ 59 խփ., տամնորդական թղթապահնակ № 808:

³ Դեկիս Լ., նշվ. աշխ., էջ 152-153:

ԱՀԱՇ Խարբերդի հայության «ապստամբությունը»:

Լ. Դեկար պատմում է, որ Ծովք լճի մերձակա հովիտներում թափված էին հազարավոր դիակներ: «Խարակների բարձունքից լճի մեջ հարյուրավոր աճուններ ու ոսկրակուտեր էին երևում»: Դրանք ժանդարմների կողմից ժայռի գագաթներից լիճը նետված հայերի դիակներն էին: Շատ հովիտներում դիակների թիվն ասցնում էր հազարից: Մի ծերուկի գանգը քարով փշրել էին և քարը թողել գանգի մեջ: Շուրջն ածխացած դիակներ էին: Երևացին նաև շատ ջարդված գլուխներ, կմախքի ոսկորներ: Մառերի տակ գետի պես հոսած արյան հետքեր կային: Մի հարթավայրում մեր առաջ «ավազի տակից ցցվեցին 20-30 գլուխներ. ջուրը ավազը քշել տարել էր և դիակները բացվել էին: Մառերի տակ 10-15 դիակներ կային, շատերը նստած էին մահացել: Դրանք հիվանդներ կամ վիրավորներ են եղել, որոնց թողել են, որ մեռնեն»:

Այդ հովիտները շրջափակված էին բարձրաբերձ, անանցանելի լեռնաշղթաներով: Տարագիրներին լցնում էին հովիտն ու կոտորում: «Յուրաքանչյուր կողմում կանգնած 2-3 ոստիկանն ի վիճակի էր փախուստի ամեն մի փորձ կասեցնել»:

Մի քուրդ Դեկարն պատմել է, որ ժանդարմներն այդտեղ հավաքել են 2.000 հայի և հարևան գյուղերի քրդերի միջոցով կոտորել են տվել: Մասնագետներից ոմանք այն կարծիքին են, թե 1914-1916 թթ. Բաղդադում տարածված որովայնախտի և արնալուծի համաձարակը նաև հետևանք էր Գյոլջուկի ավազանի սպանդի, որովհետև լճից սկիզբ առնող մի գետակ թափվում է Տիգրիս¹:

Քարավանների բնաջնջումը կատարվել է հետևյալ կերպ: Նախ նրանց թույլ են տվել նշված հովիտներում կամ ուրիշ հարմար վայրում 2-3 օրով վրան խփել: Այդ ընթացքում ժանդարմները բերել են քրդեր, որոնք ժանդարմներից գնում էին քարավանը, ապա հայերին կողոպտում ու սպանում էին:

Ինչպես շատ ուրիշ վայրերում, այստեղ ևս քչերին էին փամփուշտով սպանում, որովհետև փամփուշտը թանկ էր: Ավելի էժան էր մեռցնել սվինով կամ դաշույնով: Հիմնականում ծակում էին որովայնը, կուրծքն ու կոկորդը: Բոլոր կանանց դիակներն ընկած էին մեջքի վրա: Նրանց մարմնի վերքերը վկայում էին, որ դահմաներն իրենց զոհերին սվիններով անմարդկային կտտանքների էին ենթարկել, ամենայն հավանականությամբ՝ կանանց մարմիններում ոսկի են փնտրել²:

Լեռնաշղթայի և Գեղգանք գյուղի արանքի դաշտում հազարավոր հայեր էին ջարդվել: Դա ամենախոշոր սպանդանոցներից մեկն էր՝ Մամուրեթ ուլ-Աղիղից ընդամենը 10 կմ հեռավորության վրա: Վային ինքն է Դեկարն խոստովանել, որ քրդերին ուղարկում է ոչնչացնելու Խայլու գյուղի դիմացի փոքրիկ կղզում ապաստանած հայերին: Սակայն վերջինները նրանց հակահարված են տալիս և չեն թողնում մտնել կղզի: Համազուղացիներն ամեն զիշեր մակուլով

¹ Դեկար Լ., նշվ. աշխ., էջ 171-172:

² Ամերիկայի Ա.Ա., Խաղաղության կոնֆերանսի ամերիկան պատվիրակության փաստաթղթեր, 256 խփ., № 811:

սնունդ են հասցրել: Ի վերջո, Հայերը հաջողում են փախչել լեռները, բայց նրանց մեծ մասն այնտեղ ձերբակալվում է:

Ծովք լճի ափին Դեմքը մի օրում տեսել էր 10.000 հայի դիակ: Նա գրում է, որ դա մոտավոր թիվ էր, որովհետև «մեծ թվով զոհեր արդեն ուսկրակույտի էին վերածվել, քանի որ խողխողվել էին ամիսներ առաջ և ամբողջովին քայքայվել: Երբեմն հանդիպում էին նաև ժարմ դիակներ, որոնք ուսած էին»:

Դեմքը եղրահանգում է. «...Ամբողջ հայ ժողովրդին բնաջնջելու, վերացնելու դժոխային ծրագրին թերևս ոչ մի վայր այդքան չհամապատասխաներ, որքան Ասիական Թուրքիայի խորքում գտնվող, զառիթափ ափերով ու անելանելի հովիտներով այս խաղաղ լիճը, որը շրջապատված էր վայրենաբարո քրդերի գյուղերով... Թերևս դրա համար ամենահեռավոր վիլայեթների բնակիչներին քարավաններով կարողացան մինչև Մամուրեթ ուլ-Ազիզ հասցնել և Թուրքիայի «Սպանդի նահանգում» բնաջնջել»: Այն, ինչ 1915-ի ամռանը տեղի է ունեցել Գյուղուկ գեղեցիկ լճի ափին, վեր է երևակայությունից: Տասնյակ հազարավոր հայեր, մեծ մասամբ անմեղ ու անպաշտպան կանայք, երեխաներ, ամենաբարբարոս եղանակներով կտտանքների ենթարկվեցին և լճափի ավագների վրա կոտորվեցին: «Ով քաղաքակիրթ աշխարհում է ապրում, դժվարությամբ կհավատա, որ նման նախճիրներ հնարավոր են»¹:

«Հայերի մեծ ողբերգությունը»² աշխատանքում Հ. Մորգենթաուն գրում է. «Մյուս ահավոր բանը, ինչով աչքի էր ընկնում Մամուրեթ ուլ-Ազիզը, այն խոշտանգումներն են, որոնց ենթարկվել են Հայերը երկու ամիս շարունակ: Առանձնապես վայրագորեն են վերաբերվել բարձր դասի կանանց: Ոտքեր, ձեռքեր և մարմնի պատառոտված այլ մասեր մեխել էին տախտակներին, աքցանով քաշել եղունգները, հոնքերն ու մորուքները, ոտնաթաթերին մեխեր խփել, ինչպես պայտում են ձիերին: Ուրիշներին գլխիվայր կախել էին գուգարանների պատերից...»:

Հուլիսի 1-ին երկու հազար հոգուց բաղկացած առաջին խումբն ուղարկվեց Խարբերդից: Նրանք զինվորներ էին, և լուր տարածվեց, իբր նրանց տանում են ձանապարհներ կառուցելու: Սակայն մարդիկ սարսափի մեջ էին: Դա նկատի ունենալով, վալին իր մոտ կանչեց զերմանացի միախոներին՝ պարոն Մ.-ին և խնդրեց նրան հանգստացնել բնակչությանը, ասաց, որ ինքը ևս սաստիկ վշտացած է մարդկանց այդքան վախեցած տեսնելով: Մեկ օր էլ չէր անցել, որ հայ զինվորներին սպանեցին լեռնանցքում: Երբ թուրք զինվորներն ու քրդերը սկսել են կրակել իրար կապված հայերի վրա, նրանցից մի քանիսին հաջողվել է, օգտվելով մթությունից, փախչել: Հաջորդ օրը ևս երկու հազար հոգու ուղարկեցին Դիարբեքիրի ուղղությամբ: Սրանց մեջ էին նաև մեր ողբերդից շատերը, որոնք ամբողջ տարին աշխատել էին կառավարության համար: Հայերի կոտորածին մասնակցել են նույնիսկ քուրդ կանայք, որոնք դանակներով սպանել են հայերին: Այս խմբից ևս մի քանիսին հաջողվեց փախչել: Երբ կառավարությանը հայտնի դարձավ, որ հայերը փախչելու առիթը բաց չեն թողնում, կար-

¹ Դեմքս Լ., նշվ. աշխ., էջ 181-182:

² Morgenthau H., The Tragedy of Armenia. Տե՛ս «Red Cross Magazine», March 1918.

գաղրեց տեղահանության ենթականերին երկու օր առանց սննդի թողնել՝ փախչելու համար անզոր դարձնելու նպատակով¹:

Գյուղերից մեկում Հայերին փակել էին եկեղեցում ու մերձակա տներում և երեք օր թողել առանց հաց ու ջրի, ապա մոտակա հովտում գնդակահարել:

Այդ սպանությունները սովորաբար ուղեկցվում էին անմարդկային կտտանքներով: Սվագ-Խարբերդ ճանապարհին, որով տարագրվել էր մոտ 500.000 հայ, տղամարդկանց առանձնացրել են կանանցից, հեռացրել են մի քանի քայլ, պարանով միմյանց կապել: Այդ ընթացքում զլանակ ծխող և կանանց հետ դատարկաբանող սպանեցից մեկի հրամանով մի ժամարմ կանգնեց տղամարդկանց շարքի ծայրին ու կրակեց մի քանի անգամ: Կանանց աչքի առաջ մեկ առ մեկ սպանեցին բոլոր տղամարդկանց, իսկ կանանց մտրակների հարվածներով առաջ քշեցին: Ով հրամարվում էր զնալ, սպանվում էր տեղում: Քարավանն առաջանում էր ճանապարհին թողնելով դիակներ ու կիսամեռ էակներ: Այդ ճանապարհին այնքան հաճախ էին հայ ջարողել, որ նա ստացել էր «Նեխվածության դժոխք» անունը: Նույնիսկ ձիերը ջրելն էր անհնար: Ժամանակակիցները առաջարկում էին ազգարար անթաղ դիակներ էին չորս կողմը: Այդ ամբողջ շրջանն անգամ 1916 թ. լիքն էր մարդկային գանգերով:

Ոչնչացվող հայերի դեմ երրեք որևէ մեղաղրանք չի առաջադրվել: Նրանք բոլորը ձերբակալվեցին ու սպանվեցին միայն մի պատճառով՝ կառավարության գլխավոր ծրագիրն էր՝ ազատվել հայ ազգից»²:

Գուցե Դեսիփ «Սպանդի նահանգը»-ն է Հ. Բարբիին մղել իր գիրքն անվանել «Սարսափի երկիր», որտեղ նա գրում է. «Ով այժմ (1916 թ.) անցնում է ամայացած Հայաստանով, չի կարող չսարսոալ՝ այնքան շատ բան են ասում ավերակների ու մահվան այդ անծայրածիր հորիզոնները: Զկա ոչ մի ծառ, ոչ մի ժայռ, ոչ մի բառ, որը չվկայեր մարդու կոտորածը, որոնք պղծված չլինեին թափած արյան հեղեղներով: Զկա գետի կամ գետակի հոսք, որը դեպի հավիտենական մոռացության չտաներ հազարավոր դիակներ: Զկա ոչ մի անդունդ, ոչ մի կիրճ, որոնք չլինեին գերեզմաններ բաց երկնքի տակ և որոնց խորքերում չլինեին կմախքների կույտեր, քանի որ գրեթե ոչ մի տեղ մարդասպաններն իրենց նեղություն չեին տալիս թաղելու իրենց զոհերին»³:

Դիվանագիտական մի փաստաթղթում նկարագրվում է քարավանների ընթացքը Խարբերդում ու դրանից հետո: Գրեթե բոլոր քարավանները քրդերը կողոպտել էին: Հարձակումների ժամանակ շատերն էին զոհվել, հատկապես տղամարդիկ: Շատերն էլ մահացել էին քաղցից ու տանջանքներից: Քարավանները երկար կանգ չեին առնում, նրանք գնում էին հարավ: Այնտեղ հասածները մեկնարկային կետում եղածների կեսից պակաս էին: Տեղահանվածների հանդեպ եղած վերաբերմունքը շարունակվելու դեպքում հնարավոր կլինի նրանցից «ազատվել կարճ ժամանակում»: Բոնագաղթվածների ճամբարները

¹ «Red Cross Magazine», (London), March 1918. Տե՛ս H. Morgenthau «The Greatest Horror in History».

² Lepsius J., Bericht, s. 96, ԵարձԱ, նշվ. աշխ., էջ 145-148:

¹ ԵարձԱ, նշվ. աշխ., էջ 46:

նման էին բանտերի՝ դաշտում, բաց երկնքի տակ: Թե Խարբերդից մեկնելուց հետո ինչ եղան այդ քարավանների հայերը՝ անհայտ է: Խարբերդի հոգևորականների, մտավորականների, երևելի անձանց քարավանը քաղաքից մեկնեց Հունիսի 10-ի գիշերը: Նրանց բոլորին ճանապարհին սպանեցին: Նույն ձեռվ ոչնչացրեցին նաև հայ զինվորներին: Հունիսի 5-ին շատ տղամարդիկ բանտ նետվեցին ինչպես Խարբերդում, այնպես էլ Մեղրեում: Ամսի 8-ի լուսաբացին նրանց տարան լեռ: 800 հոգի էին, խումբ-խումբ կապված, ամեն խմբում՝ 14 մարդ: Գիշերեցին քրդական փոքրիկ գյուղում: Այդ ամբողջ ժամանակ նրանց քաղցած պահեցին, դուրս բերեցին Հարթավայր, Հրամայեցին նստել ու սկսեցին կրակել, բոլորին մեռցրեցին նաև զանակներով ու սվիններով: Միայն մի քանիսին հաջողվեց պարաներից ազատվել ու փախչել: Հունիսի 10-ին նույն ձեռվ սպանեցին մի քանի հարյուր տղամարդու, այդ թվում՝ զինվորագրածների: Գյուղերում նման սպանությունները կրկնվում էին պարբերաբար: Իչել և Հաբուսի գյուղերից հավաքեցին 300 տղամարդ, նրանց տարան լեռ ու մորթեցին: Թվում է, թե գյուղերուն ունի հայ բոլոր տղամարդկանց ոչնչացնելու վերջնական ծրագիր: Ամերիկան որբանոցներում հայ որբերին տեղավորելու հյուպատոսի առաջարկը վային մերժեց, ասելով, «Մենք կարող էինք աջակցել այդ մարդկանց, եթե ցանկանայինք»¹:

Սպանություններ կատարվում էին քարավանների երթուղիների ամբողջ երկայնքով: Կանանց հափշտակություններ՝ նույնպես:

«...Մայրերը իրենց ձեռքերով կը կտրեն իրենց գեղանի աղջկանց մազերը, երեսնին գշիռոտ, աղտ քսելով տգեղցնելու համար, հայ կիները եւ հայ աղջիկները յօժարաբար ինքինքնին ջուրերը կը ձգեն, ոմանք ալ բռնի կնութեան կ'առնուին: Խարբերդի եւ Մալաթիոյ մէջ 5000-6000 հայ աղջիկներ կան... որոնք ակամայից կիներ են թուրք զապիտներու, խոճաներու եւ ժանտարմներու: Տիարպերիրի եւ Խարբերդի շրջանակին մէջ 3000-էն աւելի 8-10-12 տարեկան մանչեր կան քիւրտերու եւ թուրքերու տուները..»

Աքսորանքը յուղարկաւորութեան փոխուած էր: Քաղաքում հատուկենտ աղջիկներ մնացին, այն էլ թրքանալու միջոցով:

Օգոստոսին սկսեցին գյուղերի եկեղեցիներն ու գերեզմանատները քանդել: Թողեցին միայն այն եկեղեցիները, որոնք թուրքերը գործածում էին այլայլ նպատակներով:

Ռումելիցի Մեհմեդ Ալին ասել է, թե հայերի «բնաջնջումը պիտի ըլլար Պուլկարական պատերազմին ատենը, սակայն չաջողեցանք... Անգլիայէն, Ռուսաստանէն ու Ֆրանսայէն վախցանք, իսկ այժմ, որ այս երեքն ալ մեր թշնամիներն են եւ գերման հզօր պետութիւնն ալ մեր կողմն է եւ ինքը մեղի ազատութիւն տուաւ մեր ներքին գործերը անկախօրէն վարելու, ալ ի՞նչ կ'արգիլէր ձեզ նման վատ, ըմբոստ ազգ մը փճացնելու... Ըսենք, եթէ դուք խեղացի ազգ լինէիք, երբ քարիթիւլասոնները ջնջուեցան, ձեր ջնջումն ալ հասկնալու էիք»: Ալմա Յոհանսոնը գրում է, որ Խարբերդում հայերին գանակոծում էին,

¹ R 14093 Ab. 24663.

«կտրում հոնքերն ու եղունգները, կուրծքն ու ոտքերը, մեխեր խիում ոտքերին, ինչպես պայտում էին ձիերին»¹: «Թուրքերը պարծենում էին, որ լրիվ ազատվեցին Հայերից: Ես ականջովս լսել եմ, թե ինչպես սպաները շնորհավորում էին միմյանց, որ ոչնչացրել էին Հայերին»²:

Մ. Յակոբսոնը 15 տարեկան էր, երբ ուկնկնդրեց մի բանախոսություն Հայերի 1895–96 թվ. հալածանքների ու ջարդերի մասին: Նա ստացած տպավորությունից ազատվել չկարողացավ և 1907 թ. մեկնեց Խարբերդ ու նշանակվեց որբանոցի վերակացու: Սկսեց սովորել Հայերեն: Նա խնամում էր քրիստոնյա և մահմեղական հիվանդներին: Խարբերդում ժողովուրդը սարսափի մեջ էր: Հինգ օր ժամանակ էին տվել Հայերին՝ զենքերը հանձնելու համար: Թուրքերը սաղրանքի էին ենթարկում, սուստ մեղադրանքներ ներկայացնում, որպեսզի աշխարհին համոզեն, թե նրանք պատժվում էին հանցանքների համար: Հայերի տեղահանության ժամանակ Յակոբսոնը դիմում է վալու կնոջը՝ խնդրանքով, որ գոնե հիվանդներին խնայեն: Պատասխանը լինում է. «Եթե Ալլահը որոշել է, որ շարաթ օրը պիտի մեկնես, ես ոչինչ անել չեմ կարող: Ալլահը նաև որոշել է, որ այս տարի ջրի փոխարեն արյուն է հոսելու»:

Հիվանդանոցի մոտ պահակություն անող զինվորները զարմանքով ասում էին. «Ինչո՞ւ եք դրանց (Հայերին) դրամ և ուտելիք տալիս, նրանք գնում են լեռները՝ մեռնելու»:

Բոլոր Հայերին տեղահանեցին: «Ասում են մեզ, - գրում է Յակոբսոնը, - տնային կալանքի են վերցնելու, քանի որ վախենում էին, որ կապատմեինք այդ աներևակայելի ոճիրների մասին»: Մենք ասելով Մարիան նկատի ուներ նաև Քարեն Ենսենին և Քարեն Պետերսոնին, որոնց հետ համատեղ էր գործում:

«Որքան դժվար էր տեսնել թուրք կանանց Հայկական արդուզարդով ներս ու գուրս անելիս: Ամեն օր նոր գաղթականներ են գալիս: Նրանց պատմածները մեկը մյուսից սոսկալի են, բայց՝ ճշմարիտ... Ես բառեր չեմ գտնում նկարագրելու այս ժողովրդի ցավերն ու տառապանքը... Դժվար է նկարագրել, երբ մայրերը, չղիմանալով լեռների ու ձանապարհներին տանջանքներին, տեղ չհասած մեռնում էին՝ որը թողնելով իրենց զավակներին»:

Ինչպիսի երկիր, ինչ ժողովուրդ և ինչ դժբախտություն: Տղամարդիկ սպանված են, կանայք ու երեխաները՝ անտեր: Թուրքերը հայ կանանց համոզում են ամուսնանալ իրենց հետ... Կանայք դիմադրում են... Թուրքերը կատաղում են... Հոգնում սպանելուց»:

Տողեր Յակոբսոնի օրագրից.

«Թուրք մարդ մը, - պատմում է նա, - որ արիւնլուայ վիճակին մէջ հիւանդանոց եկաւ, դարձանուելէ յետոյ երբ իրեն հարց տուին, թէ հանգի՞ստ էր, ըստ. «Պիտի ջանամ, որ շուտով աղէկանամ, որպէսզի վերադառնամ եւ օգնեմ կեավուրները սպանելու եւ անոնց կիները բռնաբարելու»:

1 սեպտեմբեր 1915: Մի թուրք Մր. Էմմանին ասում է. «Եթէ քսան տարի

¹ Յոհաննան Ա., Աքսորեալ ժողովուրդ. 1880–1974:Տե՛ս «Յուսաբեր»՝ նվիրված Մեծ Եղեռնի 50-ամյակին, Գաւհիրէ, 1965:

² Մորգենթաու Հ., նշվ. աշխ., էջ 396, 400:

վերջ ապստամբութիւն մը ծագի՝ յանցանքը ձերն է: Դուք 6000 ոճրագործներ կը պահեք ձեր քով: Թիւրքերու համար ասիկա մեծ մտահոգութիւն մըն է, նոյնիսկ այն քիչ կամ քանի մը համեստ որբերը, որոնք կ'ապրին: Մր. Էհմանը զինք վստահեցուցած էր, որ ապստամբութիւն պիտի տեղի չունենար, քանզի արդէն հայ չէր մնացած»:

«10 յունիս 1915: Յայտնի էր, որ ջարդ պիտի սկսուէր եւ կիները պիտի բռնաբարուէին...

14 օգոստոս: Մեզրէի գերեզմանոց գացինք, ուր կառավարութիւնը հիւանդ հայեր հաւաքած էր: Շատ հեռուէն գարշահոտութիւն մը մեզ դիմաւորեց... Զորս կողմ կիսամերկ կիներ երկնցած էին: Նոյնիսկ յայտնի չէր անոնք մեռա՞ծ էին, թէ՞ ողջ էին: Երկու պստիկ աղջիկներ՝ 9-10 տարեկան, մօտ վեց տարեկան տղայի մը դիակը կը քաշկոտէին...

22 հոկտեմբեր 1915: Բոլոր հայ փոքրիկները, որոնք թրքական որբանոցներուն մեջ կը գտնուէին, սայլերով տարուած ու գետը լցուած էին:

22 նոյեմբեր: Կամաց-կամաց շատ յատակ եղաւ, թէ ինչ էր թիւրքերու նպատակը: Շատ պարզ էր՝ բնաջնջել հայ աղգը...»:

Եվ իսկապես, Խարբերդում բռնագաղթը ուղեկցվում էր զանգվածային ջարդերով: Թերե զյուղի հորերը լցված էին հայերի դիակներով, դրանք հիմնականում կանանց դիակներ էին, չնայած Ղուրամն արգելում է սպանել կանանց ու երեխաներին: Գյուղի մերձակայքի անտառներում թաղված էին տղամարդկանց մեծ թվով դիակներ: Փոսեր կային, որոնցում լցված էին ամբողջ ընտանիքներ՝ փայտերով խողխողված ու անարգված:

Էհմանը հաջողեց որբանոցների մոտ 1000 տղաների ու աղջիկների բռնագաղթից աղատել: Ամերիկան հյուպատոսությունում Կ. Ռիկսը փրկեց 25 աղջիկների:

Մի օր մունետիկներն ընդհանուր ներման հայտարարություն արեցին և այս ու այնուղի թաքնված հատուկնու մարդիկ դուրս եկան: Սակայն շուտով նրանց բոլորին ձերբակալեցին:

Յակոբսոնը կատարվածն ամփոփում է հետևյալ խոսքերով. «Առաջ հայերն էին, որ ամեն գործի զլուխն էին: Հիմա նրանք սպանված են: Թուրքերը ո՛չ արհեստավոր ունեն, ո՛չ էլ հողագործ: Երկիրը լրիվ ուրիշ դարձավ... Հիմա միայն աղքատություն և թշվառություն է տիրում...»:

Հետաքրիդ է Յակոբսոնի նաև հետևյալ միտքը. «Միակ միսիթարական երևույթը այն էր, որ հասնելով Խարբերդ, մենք տեսանք, որ որբանոցները լցված էին հայ երեխաներով: Մամուրեթ ուլ-Ազիզը վերածվել էր հայկական մեծ գերեզմանոցի: Տարրեր նահանգներից բոլոր հայերին քշել բերել էին Խարբերդ և ով ճանապարհին չէր անհետացել, հասնում էր Մամուրեթ ուլ-Ազիզ՝ իր գերեզմանն այստեղ գտնելու համար»:

Նույն միտքն է հաստատում Հ. Բարբին. «Այս լայնարձակ տարածքներում, որոնք մի ժամանակ բարգավաճում էին հայ բնակչության ուժերով, ներկայումս թագավորում են քայլայումն ու անմարդաբնակությունը»¹:

¹ Բարբի Ա, նշվ. աշխ., էջ 46:

1916թ. փետրվարի 21-ին էրզրումն ընկավ, գրում է Յակոբսոնը: Թուրքերը խուճապի մեջ են: Նրանք հայերին ասում էին. «Ձեր ջարդն ամռանն էր, մերը ձմռանն է տեղի ունենալու»:

1916թ. ապրիլին մեծ խմբերով թուրք գաղթականներ էին գալիս Մուշից և Վանից: Թուրքերն անընդհատ կրկնում էին. «Մեր վերջը եկել է»:

1916թ. մայիսի 11-ին մի խումբ խոջաներ գնացին Մեզրե՛ էնվերին դիմավորելու: Նա քրիստոնյաներին բարեկամ չէր: Մայիսի 29-ին մեծ թվով երեխաներ բերեցին, հյուծված ու տանջահար¹:

Պատմում է Խարբերդի Հաբուսի գյուղից սերված Անդրանիկ Տոնիկյանը: Հաբուսի գյուղը հայաբնակ էր և ուներ 300-400 տուն:

Թուրքերը գյուղում եղած զենքերը հավաքեցին, իսկ ով զենք չուներ, հարկադրեցին գնել ու հանձնել: Երիտասարդությանը զինվորագրեցին և քիչ անց սպանեցին:

«...Թուրք գյուղացիների մեջ կային մարդիկ, ովքեր հավանություն չեին տալիս կառավարության հայահալած քաղաքականությանը»:

1916-ի վերջերին թուրքերը համոզվելով, որ պատերազմը տանու էր տրված, հայերին առանձնապես չեին նեղում:

Նաև եղան ջարդարաններին հակահարված տալու փորձեր:

Մորենիկ գյուղում երիտասարդների մի խումբ փակվում է տներից մեկում ու մինչև վերջին փամփուշտը կովում ու նահատակվում է: Երիտասարդների մի այլ խումբ Ծոփքում ամրացավ Ս. Նշան կղզում և կովեց մինչև վերջ: Եվ երբ այլևս ո՛չ փամփուշտ կար ու ո՛չ էլ ուտելիք, երիտասարդությունը նետվեց եփրատ՝ խոշտանգումներից փրկվելու համար, մի մասն էլ փորձեց անցնել Սառուն:

Տեվերիկի Խուսանվիլ գյուղ: Զորակոչվածներին տարան հնձելու բռնագաղթված ու անմարդաբնակ դարձած Օթուր գյուղի հասած արտերը: Թուրքերը հայտնում են, թե հնձից հետո հայ զինվորներին կոտորելու են: Վերջիններս ապավինում են քուրդ Մեհմեդին, որը հավատարիմ էր հայերին, սովորել էր հայկական դպրոցում և բռնագաղթի չորս տարիներին հայերի գրաբերի պարտականություն էր կատարում:

Բինկայա գյուղում խուսանվիլցիների քարավանից տղամարդկանց հանում են ու լցնում եկեղեցին: Արմենակ և Հայկ եղբայրները հաջողում են խույս տալ նահատակի ճակատագրից, ապա սպանում են թուրք զինվորին, սպառազինվում և կողոպտում բանակի պարենի քարավանը: Ձևավորվում է հայդուկախումբ ու սկսվում է կոփի թուրքերի ղեմ: «Առաջին աշխարհամարտի տարիներին ամեն թուրք մեկական հրեշ էր դարձել», և տղաները զգալի թվով հրեշներ սպանեցին: Թուրքերը մի քանի անգամ նրանց դեմ զորք հանեցին, բայց հաջողություն չունեցան:

Թուրքերի ջարդարար քաղաքականության խթանման գործում մեծ դեր էր խաղում ուսական բանակի առաջանալը և դրա կազմում հայ կամավորական գնդերի գոյությունը, հանգամանք, որը նաև նպաստում էր, որ քրդերը մեր-

¹ «Հայրենիք», 28 հունվարի 1987թ.:

ձենան Հայերին: Դերսիմի քրդերն ու Խարբերդի Հայերը մարտական խմբեր ձևավորելով անցան Զարսանջակ, որտեղ դրության փաստական տերերը քրդերն էին:

Արշակ Ալպոյաճյանը պատմում է կառավարության դեմ Մալաթիայի Պայանցի Պողոյի խմբի ընդգումների մասին: Խումբը «օրը ցերեկով մտաւ Մալաթիոյ Ջրմաստի արուարձանը և սպաննեց տեղւոյն ոստիկանապետը եւ ահազին վնասներ պատճառելէն ետք հեռացաւ եւ կանոնաւոր կոիւներ մղեց կառավարական ոյժերուն դէմ եւ անոնց պատճառեց աւելի քան 2000 հոգու կորուստ: Բայց ի վերջոյ ընկճուեցաւ»¹:

ԴԵՐՍԻՄ

Իրադարձությունների ականատես Վահե Հայկը գրում է, որ Խարբերդի Հայերի մի մասը փրկվեց Դերսիմ անցնելու միջոցով: «...Գիշերանց բազմաթիւ երիտասարդ եւ չափահաս մարդիկ քանի մը քիւրտերու առաջնորդութեամբ սկսան խուժել դէպի Զարսանճագ, ուր քիւրտ աղաներ եւ տէրէպէյիներ գրեթէ անկախ իշխանութիւններ հաստատած էին...

Մեծ պատերազմի տարիներուն, 1914-ի ատեն Տերսիմի մէջ կային ծանօթ ու գօրեղ քանի մը աշիրէթներ. - 1) Ահմէտ աղայի աշիրէթը, որ ունէր 4000 չախմախլու (կոռւելու պատրաստ մարտիկներ), 2) Իտրիս աղայի աշիրէթը, որ ունէր 8000 չախմախլու, 3) Իտարէ աղայի աշիրէթը, որ ունէր 10 հազ. չախմախլու, 4) Խըտըր աղայի աշիրէթը, որ ունէր 12 հազ. չախմախլու, 5) Տիապ աղայի աշիրէթը, որ ունէր 15 հազ. չախմախլու: Ասոնց բոլորին գումարը կը հասնէր 50 հազար լեռնական մարտիկներու, որոնք էին քաջ, յանդուգն, անգութ, անխիղճ, զինավարժութեան ընդունակ եւ աննման նշանառու»²:

«Դէպի Տերսիմ,- շարունակում է Վահե Հայկը,- Հայերու փախուստը յետոյ շատ աւելի լայն չափերու հասած է: Մեհմէտ աղայի մարդիկը բազմաթիւ հայեր աղատած են եւ մեծ գումարներ ստացած...

Քիւրտերուն վարպետութեան խօսքի առարկայ դարձեր է: Անոնք նախապես կը լրտեսէին եւ յետոյ կը քալեցնէին աղատութեան գացող Հայուն դժբախտ զաւակները»³:

Գ. Երանյանը գրում է. «Տերսիմի մեկուսացած դիրքը եւ Հայերուն անհեռատեսութիւնը աղէտի առաջնորդեց երկուքն ալ: 1915-ի Հայոց ջարդը տեսնելէ ետք է, որ Տերսիմ զգաց իր գործած պատմական մեծ մխալը, երբ աչքերը գոցած էր իր Հարեւան Հայերուն սպանդին ժամանակ: 1915-1916-ին թէեւ Տերսիմը սթափեցաւ եւ ուղեց կանխել նաեւ իր մահավճուն գործադրութիւնը եւ զէն ի ձեռին իջաւ Մեծկերտէն մինչեւ Խարբերդ, բայց շատ ուշ էր արդէն»⁴:

Հայ-քրդական համագործակցության ուղղությամբ աշխատանք էր տա-

¹ Ալպոյաճեան Ա., նշվ. աշխ., էջ 956:

² «Յուշամատեան Մեծ Եղեռնի», էջ 566-567:

³ Նույն տեղում:

⁴ Երանեան Գ., Պատմութիւն Զարսանճագի Հայոց, Պէյրութ, 1956, էջ 142:

նում նաև սերաստացի Մուրադը, բայց հաջողություն չունեցավ:

Դեմք ճաշի է հրավիրում Մեհմեղ Ալիխն: Ամերիկյան Հյուպատոսարանի աշխատակից Հ. Բեքմեզյանին քուրդ առաջնորդն ասում է. «Դուք, հայերդ, պարզամիտ ժողովուրդ եք, մշտապես խարվում եք թուրքերի շողոքորթ լեզվին և ջարդվում եք: Մենք բնավ չենք հավատում նրանց բարեկամությանը և խոստումներին»¹:

Եղենի առաջին օրերից սկսվեց հայերի փախուստը դեպի Դերսիմ, ինչը գնալով ծավալվեց ու անընդհատ գործընթաց դարձավ: Հայերին ընդունելը, թաքցնելը կամ ոռուսական սահման անցկացնելը քրդերի մի մասի համար համերաշխության արտահայտություն էր, իսկ մյուս մասի համար՝ վաստակի աղյուր: Մեկ հայի փրկելու համար քուրդն ստանում էր 40–50 ոսկի: Այդ գործն առաջ տանելու համար քրդերը հատուկ նավակներ էին պատրաստել:

Դեմք Դերսիմի քրդերի վարքագիր մասին գրում է. «Ճիշտ է, իշխանությունների գրդամբ քրդերը շատ հայ են կոտորել, բայց դրա հետ մեկտեղ, մեծ թիվ են կազմում այնպիսիները, որոնք իրենց գյուղերում ապաստան էին տալիս տարագիրներին, տարբեր ձևերով օգնում: Դերսիմի քրդերը շատ բան են արել հայերի համար»: Աղունիկ գյուղը դարձել էր Ռուսաստան փախչող հայերի տարանցիկ կենտրոն²: Քրդերը երեսմ խոչոր, երեսմ համեմատաբար համեստ գումար պահանջելով, հայերին մեծ խմբերով Դերսիմ էին տանում, ապա անցկացնում Ռուսաստան:

1916-ի գարնանը Դերսիմի քրդերն ապստամբեցին: Թվում էր, որ նրանք անգամ Խարբերդն էին գրավելու: Սակայն զինվորական խոչոր ուժեր կենտրոնացվեցին ու ապստամբությունը ճնշվեց: Հազարավոր քրդեր՝ տղամարդ, կին, երեխա աքսորվեցին: Բայց իշխանությունները լավ գիտեին, որ «քրդերի հետ չի կարելի» հայերի նման վարվել: Նրանք բռնագաղթը չշարունակեցին:

Դերսիմում թաքնված հայերը 1916 թ. ամռանը անցան Ռուսաստան:

Սարիթը առանձնակի շահագրգովածություն հանդես չէր բերում հայերի՝ Դերսիմ փախչելու դեմ: Թերես նաև այդ պատճառով մինչև նրա հեռանալը վալու պաշտոնից (1917 թ. Գիտորվար)³ այդ գործընթացը շարունակվեց:

1915 թ. դեկտեմբերի 30-ի տեղեկագրում Դեմք Դերսիմում ապաստանած հայերի թիվը նշում է 500–1000 հոգի⁴: Զ. Կիրակոսյանը նշում է, որ 1915–1916 թթ. Դերսիմում ապաստանած հայերի թիվը հասնում էր 5000-ի⁴:

Խարբերդի վիլայեթում տեղահանությունն ու ջարդը շարունակվեցին մինչև աշնան վերջը: Մունետիկները բազմից հայտարարում էին, թե բռնագաղթն ավարտվել է: Եղան միամիտներ, որ հավատացին ու թաքստոցներից դուրս եկան ու անմիջապես ձերբակալվեցին: Եվ այդպես մի քանի անգամ:

Զանգվածային վերջին ձերբակալությունները տեղի ունեցան նոյեմբերի 4–5-ին: Հավաքվեց շուրջ 500 հայ: Ձերբակալություններ կատարվեցին նաև գլուղերում: Օրինակ, Հող գյուղում ձերբակալվեց 300–400 կին և երեխա: «Ես

¹ «Յուշամատեան Մեծ Եղենի», էջ 567:

² Դեմք Լ., նշվ. աշխ., էջ 226:

³ ԱՄՆ ՊԴԱ 59 խփ., տասնորդական թղթապանակ № 867, 4016/269:

⁴ Կիրակոսյան Զ., նշվ. աշխ., գ. 2-րդ, էջ 35:

տեսա,- գրում է Դեկտ., - թե ինչպես էին նրանց, անասունների նման քշելով, քաղաք մտցնում»: Հայկական գերեզմանատանը հավաքվածների թիվը հասնում էր 1000-ի: Նրանք բոլորը ոչնչացվեցին Դիարբեքիրի ճանապարհին¹:

1915-1916 թթ. ձմռանը էրզրումում, Մուշում և Բիթլիսում ամելեթարուրների մեջ ներզրաված հայ զինվորներին տեղափոխսեցին Մամուրեթ ուլ-Աղիզ: Նրանցից շատերը բոնագաղթի մասին գաղափար իսկ չունեին, որովհետև պահվել էին ծայրահեղ մեկուսացված պայմաններում: Այդ զինվորներին մի քանի օր բանտում փակեցին, ապա քաղաքից հանեցին: Ոմանք դիմադրեցին, ոմանք փախան, իսկ հիմնական մասը ոչնչացվեց...

«Ես նրանց դիակները քաղաքից ոչ հեռու, ճանապարհի կողքին տեսել եմ»²:

1916-ի փետրվարին Խարբերդում խուճապ էր, թուրքերն ու քրդերը վախենում էին, որ ոռուական զորքը կզրափի վիլայեթը: Շատ թուրքեր իրենց ընտանիքները հանեցին Խարբերդից:

Հայ ոչ քիչ թվով կանայք մնացին թուրքերի տներում, հատկապես այն գյուղերում, որոնց բնակիչները խառն էին, իսկ զուտ հայկական գյուղերն ամբողջովին դատարկ էին³:

Տեղում մնացած հայերի մեծ մասը տարագրությունից ազատվել էր մեծ փողեր ծախսելու միջոցով: Ամենախոչոր կաշառակերներից էր Խարբերդի գայմագամը, որ տասնյակ հազարավոր լիրա գրպանեց:

1915 թ. աշնանն ու ամռանը գլխավոր խնդիր դարձավ դիակները հավաքելը, թաղեն ու անհետացնելը: Այդ խնդիրը ծառացած էր բոլոր վիլայեթների, բայց առավելապես Խարբերդի առջև, քանի որ շատ վայրերից բոնագաղթվածներին բերում էին այստեղ՝ կոտորելու համար:

Իշխանությունների մյուս հոգար հայերի թողած ունեցվածքի իրացումն էր: Բացեիրաց աճուրդ կազմակերպվեց և մեծ «քանակությամբ վաճառվում էին ... սպանված հայերի հագուստներ»: Դեկտ. 1915 թ. գեկտեմբերի 30-ին գրեց. «Հագուստների բազմաթիվ հակեր են բերվել, որոնց վաճառքը քանի օր է շարունակվում է շուկայում»⁴: Նման պատկեր էր վիլայեթի բոլոր քաղաքներում և ավաններում: Դրանցից մեկին ներկա գտնվելուց հետո հյուպատոսը գրեց. «Ավելի ահավոր ու զարշելի տեսարան անհնար է պատկերացնել»⁵: Վաճառում էին ոչ միայն հայերի ունեցվածքը, այլ նաև իրենց՝ հայերին, վաճառում էին քրդերին, որպեսզի սպանեն և կողոպտեն:

Այդ շրջանի «երրորդ հոգար» հայկական եկեղեցիների ավերումն էր:

Ու նաև մի հավաքական սպանություն այն հարյուրավոր խարբերդահայերի, որոնց կառավարչատունն իրենց սայլերով ուղարկել էր Մուշ՝ հացահատիկ բերելու: Նրանց վերադառնալուց հետո բոլորին բանտ նստեցրին և ապա սպանեցին:

¹ Դեկտ. Լ., նշվ. աշխ., էջ 192-193:

² Նույն տեղում, էջ 196:

³ ԱՄՆ ՊՊԱ 59 խփ., տասնորդական թղթապանակ № 867, 4016/210B:

⁴ Նույն տեղում, 4016/269:

⁵ Նույն տեղում:

Նոյեմբեր-դեկտեմբեր ամիսներին էրգրումից 200-300 հոգանոց խմբերով Խարբերդ բերեցին մեծ թվով Հայերի և քաղաքի մերձակայքում կոտորեցին: Փրկված մի քանի հոգին պատմել են, որ ժանդարմները մի մասին տեղում էին սպանել, իսկ մյուս մասին տարել էին լեռները ու այնտեղ խողխողել:

Նույն ժամանակ կայսրության արևելյան շրջաններից Խարբերդի նահանգ ներխուժեցին մահմեղական ամրություններ, մասնավորապես քրդեր: Նրանք փախչում էին ուսուներից: Նրանց մեծ մասին տեղափորեցին Հայերի դատարկ տներում: «Շատերը կարծում են, - զրում է Դմիտր 1915 թ. դեկտեմբերի 30-ին, - որ Հայերին բնաջնջելու շարժառիթներից մեկն էլ մահմեղականների համար ապրելու տեղերի ստեղծումն է: Ինչ էլ լինի, նրանք այնքան շատ էին, որ կարողացան զբաղեցնել ազատված տարածքները»¹: Եթե 1915-ի սեպտեմբերին նա զրել էր, որ վիլայեթում փրկվել էր 6000-8000 հայ, ապա տարեվերջին զրեց, որ փրկվել է 4000 հոգի, ավելացնելով, որ անգամ այդ թիվն է կասկածելի: Հայերը հիմնականում կուտակվել էին քաղաքներում, որովհետեւ գյուղերում առանձին Հայերի բնակվելը գործնականում անհնար էր: Իսկ քաղաքներում մնացած Հայերի «կարևոր մասը» գերմանական որբանոցի 400-500 երեխաներն էին: Գերմանական աղբյուրների վկայությամբ՝ Խարբերդից տեղահանված 60.000 հայից Մոսուլ հասավ 15.000-ը: Մնացածները ոչնչացվեցին ճանապարհին²:

Ներմուծվող մահմեղական բնակչության հոսքը գնալով աճում էր: 1916 թ. օգոստոսի 25-ին Խարբերդից տեղեկացրեցին, որ վիլայեթի կենտրոնական սանջակ եկած գաղթականների թիվը հասել էր 5000-ի, որից 3000-ը քրդեր են, որ նրանց կեսին տեղափորել էին շրջակա գյուղերում³:

Հայ բժիշկ Ա. Ճեպեճյանը, որը 1917 թ. հունվարին եղել է Խարբերդում, զրում է. «Ամեն օր ճամբաններու վրայ սառած անհաշի մարմիններ կը բերեն... Թիֆուս հիւանդութիւնը տիրական է ամենուրեք....»⁴:

Թե Խարբերդում և ոչ միայն այդ նահանգում որքա՞ն հայ է ոչնչացվել, - շատ դժվար է ճիշտ որոշել: «Որովհետեւ, - զրում է Հ. Մորգենթաուն, - Հայերու այս ջարդը, դատուած թէ՛ ընդգրկած թիւին եւ թէ՛ գործադրուած մեթուններուն տեսակէտէն, միակ մեծագոյն արհաւիրքն է, որ երբեք մարդկութեան պատմութեան մէջ զործուած ըլլայ: Յաճախ պիտի յուզուին սա հարցերը, թէ իրապէս քանի՞ Հայեր սպաննուեցան կամ մեռան անօթութենէ կամ մերկութենէ»⁵:

Լեփսիուսի և «Ամէնուն տարեցոյցը»-ի հրապարակած 1921 թ. ապրիլի 1-ի տվյալներով⁶ Խարբերդի նահանգում պատերազմի նախօրյակին բնակվում էր 131.000 հայ, որից Խարբերդում 51.000 և բոլորը տեղահանվել են: Աղինի հայ բնակչությունը նույնպես (10.200) լրիվ տեղահանվեց: Նույնը Արարկիրի (19.500), Զմէկածագի (9.000), Զարսանջակի (18.500), Մալաթիայի (23.000)

¹ ԱՄՆ ՊԴԱ 59 խփ., տասնորդական թղթապանակ № 867, 4016/269:

² R 14088 Ab. 30012.

³ Ղազարեան Հ., նշվ. աշխ., էջ 206:

⁴ «Բժիշկ Ճեպեճյանին օրագիրը», էջ 75-76:

⁵ Մորգենթաուն Հ., նշվ. աշխ., էջ 348:

⁶ «Տүրեցկая политика истребления армян (1880-1922)», Еր., с. 339, «Ամէնուն տարեցոյցը» ԺԶ. տարի, 1922.

Հայությունը: «Ամէնուն տարեցոյցը»-ի տվյալներով՝ Խարբերդի 204.000 հայությունից պատերազմից հետո մնացել էր 35.000 հոգի: Դևիտ գտնում է, որ վիլայեթի 150.000 հայից փրկվեց 8.000-10.000 հոգի, որից 1.000-2.000-ը մյուս նահանգներից փախածներն էին¹:

Մինչդեռ թուրքերը գուշ էին. հայերին բնաջնջելով տիրացել էին նրանց ունեցվածքին: Օսմանյան խորհրդարանի պատգամավոր Հաջի Սայիդը 1918 թ. խորհրդարանում հայտարարեց. «Երկիրը դրախտի վերածվեց: Ժողովրդի անունից երախտապարտ ենք ազգի այն իմաստուն ղեկավարներին, որոնք լավագույն ընկալելով ազգի երազանքները՝ նրան զարգացման հնարավորություն ընձեռեցին»²:

Հ. Ղազարյանը գրում է, որ Խարբերդի նահանգում ոչնչացվեց 150.000 հայ, իսկ նյութական վնասը կազմեց 250 մլն դոլար³:

Հ. Ղազարյանն հայերին հասցված նյութական վնասի (250 մլն դոլար) թիվը վերցրել է Տ. Տաշյանից, որը նաև գրում է, թե բոնագաղթի նախօրյակին Խարբերդի հայ հարուստները «Եփրատ» քոլեջի տնօրեն Հենրի Ռիքսին հանձնել են կես միլիոն դոլար: Թուրքերն անգամ այդ գումարն են յուրացրել: Ռիքսը դա հանձնեց օսմանյան բանկ, իսկ Բարձր Դուռը՝ բոնագրավեց: Ինչպես մյուս նահանգներում, այնպես էլ Խարբերդում, ով համաձայն չէր իթթիհաղի ջարդարար քաղաքականության հետ կամ եռանդ չէր դրսերում հայասպանության գործում, անմիջապես հեռացվում էր: Մամուրեթ ուլ-Ազիզի մյուղիրը պաշտոնագրկվեց. որովհետև «Համեմատարար մեղմ անձնավորություն էր»: Նոր մյուղիր Փեսիրիկցի Ռեշիդը «ամառվա ողբերգության ամենաարյունոտ դերերից մեկը խաղաց»: Նա նախ վերացրեց «մանկուց իրեն ծանոթ բոլոր հայ հարևաններին»: Նա իր ողջ եռանդը, նպատակամղվածությունը, հետևողականությունն ամբողջությամբ ենթարկեց բնաջնջման գործընթացին և դա առաջ տարավ մոլեռանդ կրքուտությամբ:

Այդ ամենով հանդերձ նա առաջին մեծության ջարդարար չէր: Խարբերդի նահանգում որո՞նք էին հայերի բռնագաղթի ու ջարդի իսկական ղեկավարները: Դա, առաջին հերթին, Բեհաէդղին Շաքիրն էր, վայրի Սարիար և իթթիհաղի Խարբերդի պատասխանատու քարտուղար Ռեսնեցի նազըմը:

1915 թ. մայիսի 4-ին Բ. Շաքիրը նազըմին հեռագրում է. «Այդտեղ տարագրված հայերի հաշիվը մաքրվե՞լ է: Նրանց սպանելու և բնաջնջելու հանգամանքների մասին տեղյակ պահեք: Թե չէ քաղաքից լոկ հանվում և ուղարկվում են»: Բ. Շաքիրն այստեղ նույնպես առաջին դեմքն էր: Մյուս ղեկավար անձը նազըմն էր: 1915 թ. մայիսի 4-ի հեռագիրը վկայում է, որ նա տարագրության ժամանակ մշտական կապի մեջ է եղել Բ. Շաքիրի և Մամուրեթ ուլ-Ազիզի վայրի Սարիս բեյի, ինչպես նաև իթթիհաղի ընդհանուր քարտուղար Մեհմեդ Շուքրիի հետ: Նա իրականացված ոճիրների գլխավոր ղերակատարներից մեկն է: Խորհրդանշական է, որ նրա և Շաքիրի հեռագրերը նույն օրն են տրվել:

Խարբերդի ջարդը քննող դատարանի դատավճռում ասված է. «Ռեսնեցի

¹ Դևիտ Լ., նշվ. աշխ., էջ 201:

² Պալաքյան Գ., նշվ. աշխ., էջ 172:

³ Ղազարեան Հ., նշվ. աշխ., էջ 132:

Նազրմը նույնպես քրեական օրենսգրքի 15-րդ հոդվածի 2-րդ մասով դատապարտվում է 15 տարի ժամանակով: Դերսիմի երեսփոխան Մ. Նուրին Հոլոնեկ գյուղի մոտ հայերին կոտորելու պահին ասել է. «Ձեզ «ոսկորների գյուղ» (գերեզման) եմ ուղարկելու... Տիկին Մարգարիտը դատարանում ցուցմունք տվեց, որ այդ գաղանը Հոլոնեկ գյուղում ասել է հայերին, պիտի տարագրվեք և ձեր տների տեղը գարի եմ ցանել տալու..., այստեղ եթե որևէ անձ որևէ մեկին թաքցնի, կենդանի չի մնա: Նաև ցուցմունք կա, թե այդ գիշատիչը ինչպես էր կողոպտում հայերին, ծաղրուծանակի ենթարկում կանանց, որից հետո «Հրոսակները սրբնթաց հարձակվեցին գյուղի վրա»¹:

Զինադարից հետո հետաքրքիր նյութեր հայտնարերվեցին երիտթուրք ղեկավար գործիչների անձնական արխիվներում, որոնց մի մասը հանձնվեց Մազհարի հանձնաժողովին:

Սարիսի մասին Դերսիմի ոստիկանապետ Մ. Նամրկը ասել է, թե նա «բարձր հեղինակությունների խելամիտ հաճոյակատար էր» և համագործակցում էր Նազրմի հետ: Սարիսը նույնպես գտնում էր, որ «միջոցառումներ պետք է ձեռնակվեն ամրող հայ ժողովրդի ղեմ»: Նրա հանձնարարությամբ՝ Մ. Նամրկը ղենք թաքցնելու մեղադրանքով ձերբակալեց 29 դաշնակցականի, չնայած նրանց մոտ հայտնարերեց «շատ քիչ ուսւմբեր»: Սարիսը չի համաձայնվում պատմել միայն ձերբակալվածներին, պատճառաբանելով, թե Բ. Շաքիրի ստորագրությունով կենտրոնական կառավարությունից հրաման է ստացվել, թե «ողջ հայ ազգաբնակչությունը պետք է տեղահանվի ու ոչնչացվի»²:

Սարիսն իր հուշերում շեշտում է Բ. Շաքիրի ղերը հայերի ջարդերի և պատերազմի մեջ Թուրքիայի մտնելու գործում, նաև նրա «պանթուրքիստական հայացքների բացասական աղղեցությունը Սարիղամիշի ճակատամարտի վրա»³:

Երկու վկայություն Սարիսի մասին: «Խարբերդի կուսակալն ալ,- գրում է Մ. Նեղիմը, - իրենց ընտանիքներէն ջոկեր է տուեր Խարբերդի այրերը եւ Խարբերդի ու Մալաթիայի միջեւ գտնուած Քէոմիւր խան յորջորջուած տեղը առաջնորդելով՝ գնդակահարեր է գանոնք ու դիակները նետեր Եփրատ գետը»⁴:

«Սարիս բեյը, - բնութագրում է Լ. Դեկսը, - չափազանց տգետ, անքաղաքավարի էր: Բոդի շարժումներ ուներ, անկիրթ լինելու պատճառով, հաճախ էր կոպտում: Նա ղերսիմցի էր, աշխատել էր այնտեղի մութեսարիֆ: Օժտված էր «արևելյան նենգությամբ» և հանդիսացավ «մարդկության ղեմ գործադրված մեծագույն ոճարագործության իրագործողներից մեկը»⁵:

Այս երեքից բացի, Խարբերդի վիլայեթի հայերի ջարդերի կազմակերպիչներն էին գայմագամ Ասրմը, մուֆթի Ֆայրզը, Իթթիհադի ակումբի անդամ Նուրին, լրյալ գույքերի տեղական հանձնաժողովի նախագահ Մ. Ալին, ոստիկանական կոմիսար Ս. Ռյուշդին, գնդի հրամանատար Ֆերիդը, չեթեների պետեր է. Շոուքեթը, Քյազըմը, Վեհիբը, Ֆ. Սուլեյմանը, Փ. Խալիլը, Հաջի Կայան:

¹ «Takvim-i Vekai», 1920 թ. № 3771.

² FO 371/6500, 30/ A / 4, Հավելված B:

³ Sabis A., նշվ. աշխ., cilt I, s. 64-65:

⁴ Նետիմ Մ., նշվ. աշխ., էջ 89:

⁵ Դեկս Լ., նշվ. աշխ., էջ 86-87:

ԴԻԱՐԲԵՔԻՐ - ՏԻԳՐԱՆԱԿԵՐՏ

Դիարբեքիրի նահանգը՝ պատմական Աղձնիքը, իր աշխարհագրական դիրքի պատճառով, այսինքն՝ լինելով Հայաստանի ամենահարավային նահանգը, դարձավ Հայության ամենախոշոր սպանդանոցներից մեկը: Այստեղ ոչնչացվեց թուրքական բանակ զորակոչվածների նշանակալի մասը, Տիգրիսի ջրերում խեղդամահ արվեցին տասնյակ Հազարավոր Հայեր, ոչնչացվեցին մեծ թվով տարագրված Հայեր և տարագրյալների ամբողջ քարավաններ: Վերջապես, Դիարբեքիրում էր գործում ամենահարկու ռազմական դատարանը, որը մահվան դատապարտեց կայսրության տարբեր մասերի, այդ թվում նաև Կ.Պոլսի, մեծ թվով Հայ գործիչների, մտավորականությանը:

Դիարբեքիր նահանգը կազմված էր չորս սանջակներից՝ Դիարբեքիր, Արդնի, Մարդին, Սեվերեկ:

Պատրիարքարանի տվյալներով՝ 1878 թ. վիլայեթն ունեցել է 150.000, իսկ թուրքական մարդահամարի (սալնամե) տվյալներով՝ 180.000 Հայ բնակիչ: Վ.Քինգը նշում է, որ 1890 թ. նահանգի 471.462 բնակչից Հայ էր 132.549-ը:

1913 թվին պատրիարքարանը Հայերի թիվը նշում է 105.000, Օրմանյանը՝ 96.000 (առանց Սեվերեկի), Գր. Զոհրապը՝ 105.000: Նույն տարում նահանգի թուրքերի թիվն էր 45.000, քրդերինը՝ 82.000: Ընդամենը՝ 296.000¹:

Թուրք պատմաբան Էսադ Ռուսաը գրում է, որ 1913-ին վիլայեթում բնակվում էր 72.129, իսկ 1914 թ.՝ 73.166 Հայ (ընդհանուր բնակչության թիվն էր 616.825):

Այս բոլոր թվերը շատ մոտավոր են և, եթե Հավատանք վալի Ռեշիդի տվյալներին՝ նաև շատ պակասեցված: «Takvim-i Vekai» թուրքական պաշտոնաթերթի՝ № 3540-ում տպագրված է Ռեշիդի 1915 թ. սեպտեմբերի 15-ի ծածկագիրը, որում ասված է, թե տեղահանված է 120.000 Հայ: Այս թվի մեջ չէին մտնում 1914 թ. օգոստոս - 1915 թ. Հուլիս ամիսներին բանակ զորակոչված Հայերը: Այսինքն, եթե Հավատալու լինենք Ռեշիդին, Դիարբեքիրի նահանգի Հայության թիվը 1915 թ. մոտենում էր 150.000-ի: Մինչդեռ վիլայեթի կառավարության տոմարներում՝ տարագրված Հայերի թիվը նշված է 60.283: Հետևաբար, կամ վախին էր չափազանցնում՝ շեշտելու Համար իր «մեծ վաստակը», և կամ վիլայեթի կառավարությունը տարագրված Հայերի թիվն արհեստականորեն նվազեցրել էր՝ սեփական Հրեշտագործության ծավալները փոքրացնելու և դատաստանից խույս տալու Համար:

Հավանական են թե՛ մեկը և թե՛ մյուսը:

¹ Léart M., *La Question Arménienne à la Lumière des Documents*, Paris, 1913, p. 61.

Լեփսիուսի տվյալներով՝ 1915 թ. վիլայեթում բնակվում էր 471,5 հազ. մարդ, որից հայեր՝ 105.000, ասորիներ՝ 60.000, քրդեր՝ 200.000, թուրքեր՝ 63.000, կղզաշներ՝ 27.000, չեղեղներ՝ 10.000, եղիներ՝ 4.000, հրեաներ՝ 1.500: Դիարբեքիր քաղաքում հայերի թիվը նշվում է 45.000 հոգի:

Թվում է, որ թե՛ թուրքական աղբյուրները և թե՛ նրանց աղղեցության տակ, հայ հեղինակները կամայականորեն փոքրացնում էին հայ բնակչության թիվը: Իրապես 1915 թ. սկզբին Դիարբեքիրի նահանգում բնակվում էր 150.000 հայ:

Նաև նշենք, որ 1890 թ. վիլայեթում գործում էր 159 դպրոց 5120 աշակերտով և 176 ուսուցիչով:

Գր. Զոհրապի տվյալներով՝ 1902 թ. Դիարբեքիրում գործում էին հայկական 4 դպրոց 1114 աշակերտով և 27 ուսուցիչով, ինչպես նաև 12 եկեղեցի և 6 եպիսկոպոս: (Նահանգում կար հինգ վանք, 105 եկեղեցի)¹:

Դեռ 1910 թ. Դիարբեքիրում իմթիհաղականները ստեղծեցին «Ինթիբահ շիրքեթի (Վերածնության ընկերություն)» թուրքիստական կազմակերպությունը, որի ղեկավարն էր հայատյաց, թուրքական խորհրդարանի անդամ Փիրինջի-զաղե Ֆեյզին: Նա Ռեշիդի հետ միասին գլխավոր դերը խաղաց նահանգի հայ բնակչության բնաջնջման գործում: Նրա հայրը՝ Փիրինջի Արքի եղել էր Դիարբեքիրի հայության 1895 թ. ջարդերի կազմակերպիչը: Մի հայ պատրիարքարանին գրում է, որ 1914 թ. հուլիսի 15-ին Ֆեյզին իրեն ասել էր, թե հայերը շատ վատ վարվեցին թուրքերի հետ. «Պալքանեան պատերազմին վերջ մեր էն տկար միջոցին Զաւէն պատրիարք, Էջմիածնի կաթողիկոս եւ Պօղոս փաշայ միանալով՝ մեր վրայ օտար տէրութեանց միջամտութիւնը հրաւիրեցին»: Ապա ավելացրել է. «Մեզի դաւաճանելու համար դուք շատ պիտի տուժէք, ձեր ապագան վտանգուած է»²: Օգոստոսի 27-ին նա Մեծ Բրիտանիայի հյուպատոսին ասում է. «Թուրքիայի շահերը պահանջում են, որ անցնենք Գերմանիայի կողմը: Գերմանիան խոստացել է, որ եթե օգնենք, կվերադարձնի մեր կորցրած բոլոր երկրները՝ Եգիպտոս, Բենգազի, Տրիպոլիս, Թունիս, Ալժիր, Ռումելիա, Արշիպելագներ, Կրետե, Կիպրոս, Կովկաս, ինչպես նաև Հնդկաստանը: Այն ժամանակ կստեղծենք Օսմանյան կայսրություն 300 միլիոն մահմեղականներով»³: Նա հայերին խորհուրդ էր տալիս «Կովկասի հայերի միջոցով խոռվություն բարձրացնել Ռուսաստանում և դրանով օգնել թուրքիային՝ վերաստանալու իր կորցրած այդ մասը (Կովկասը)... Բայց եթե հայերը շարունակեն իրենց հիմար ընթացքը, դա նրանց վրա ծանր է նստելու: Անզիան, Ֆրանսիան և Ռուսաստանն օգնել են նրանց ազատել չեն կարող, մինչդեռ մենք ի զորու ենք նրանց հետ վարվել ինչպես ցանկանանք և մեր դաշնակիցներ Գերմանիան և Ավստրիան ձայն չեն հանելու... Հայերը պետք է մտահոգվեն, նրանք փոքրաթիվ են և, եթե կոտորվեն, կվերջանան»⁴:

Օգոստոսի 1-ին Դիարբեքիր է հասնում զորահավաքի, իսկ քիչ անց՝ նաև

¹ «Յուշամատեան Մեծ եղեռնի», էջ 407:

² Նույն տեղում, էջ 406:

³ Նույն տեղում:

⁴ Նույն տեղում, էջ 407:

ուազմական դրություն մտցնելու հրամանները: Վիլայեթում ստեղծվեց զորա-Հավաքի և ուազմական տուրքերի հանձնաժողով, որը գլխավորում էր նահանգի իթթիւնագականների ղեկավար Աթթար Հագգին: Հանձնաժողովի մասնաճյուղը ստեղծվեցին բոլոր բնակավայրերում:

Դիարքեքիրի հայության վիճակն ավելի քան ծանր էր, նրա կյանքը՝ վտանգված: 1913 թ. ապրիլի 22-ին տեղի Փրանսիական հյուպատոսը տեղեկացրեց, որ վիլայեթում «չի բացառվում հայերի նոր կոտորածների հնարավորությունը»¹: Մեկ ամիս անց Ա. Բերեղովսկին հաղորդեց. «Այստեղ չկա հայ, որ վստահ չինի՝ եթե վաղը շուկա դուրս գա, վայրագորեն չի խողխողվի կամ գնդակահարվի, իսկ տանը մնացած նրա կինը կամ աղջիկը՝ չեն պատվազրկվի: Այստեղ չկա հայ կին կամ աղջիկ համոզված, որ իրեն ամենանողկալի ձևով չի անարգի վայրի սրիկաների հրոսակախումբը: Այստեղ չկա հայ ծնող, որ չկասկածի, թե զարոց ուղարկված իրենց զավակները կենդանի կվերադառնան»²:

Զորահավաքի ու առաքումի հանձնաժողովի հետ միասին կազմակերպվում է «Պատերազմական նպաստի» հանձնաժողով՝ երիտթուրք գործիչ Քոռ Յուսուֆի գլխավորությամբ: Հանձնաժողովի մասնաճյուղերը, որոնք ստեղծվեցին նահանգի բնակավայրերում, խնդիր ունեին «ուազմական կարիքների» պատրվակով բռնագրավել հայերի ունեցվածքը՝ «բրդեղեն ու կտորեղեն, պատրաստի և չմշակված ապրանքներ, երկաթյա և պղնձյա ամաններ ու գործիքներ, շաքար, թեյ ու սուրճ, լուցկի ու արեթ, բոլոր տեսակի յուղեր և նավթ. ցորեն, գարի, հաճար, բրինձ և բամբակ, ձի, ուղտ, նժույգ, ջորի և էշ, կով ու գոմեց, այծ, եղ ու ոչսար, կարպետներ, գորգեր, վերմակ ու անկողին...»³: Հայ արհեստավորներին հարկադրեցին անվճար աշխատել շտեմարաններում, գործարաններում, շինարարության վրա:

«Ժողովուրդը՝ ցորեն, ալիւր, գարի, ձի, ջորի, ոչսար, ձաւար, իւղ, թացան, տրեխացու մորթիներ, գեղջկուհու գլխի սաւաններ եւ այն ունեցողը,- գրում է Զավեն պատրիարքը,- լոիկ մնջիկ կու տայ արդէն, իսկ չունեցողները պէտք է դրամով ճարեն ու բերեն, հակառակ պարագային կը յանձնվեն Պատերազմական ատեանին: Դժբախտաբար հոս չի վերջանար չարիքը, ամիսէ մը ի վեր քիւրտը սկսած է իր հին արհեստը, գուցէ իրմէ եղած գրաւումներու տեղը լեցնելու եւ իր վրէմինդրութեան ծարաւը յագեցնելու համար հայու գլխուն»⁴:

Մեկ ամսվա ընթացքում հայերը լրիկ կողոպտվեցին: Կողոպուտը գյուղերից շալակով քաղաք էր բերում նույն հայ գյուղացին:

Այս առիթով Մեծ Բրիտանիայի հյուպատոս Թ. Մկրտչյանը գրում է, որ չնայած քաղաքի ազգաբնակչության 1/3-ն էր քրիստոնյա, նրանց էր բաժին ընկնում բռնագրավված ունեցվածքի 5/6-ը: Հայերին պետք էր տնտեսապես ու ֆիզիկապես քայլայել: Այդ նպատակն էր հետապնդում նաև երիտթուրքերի տեղական կոմիտեի որոշմամբ քաղաքի շուկայի հրդեհումը 1914 թ. օգոստոսի 19-ին, որը ոչնչացրեց 1080 խանութ, 13 փուռ և 3 հյուրանոց: Դրանք բոլորը

¹ АВПР, Канцелярия, оп 470, д. 114, л. 249.

² "Биржевые ведомости", 14 мая 1913 г.

³ «Յուշամատեան Մեծ Եղեռնի», էջ 404:

⁴ Զաւէն Պատրիարք, նշվ. աշխ., էջ 54-55:

պատկանում էին Հայերին, որովհետև թուրք առևտրականներին նախապես զգուշացրել էին Հրդեհի մասին և նրանք դատարկել էին իրենց խանութները¹: Հրդեհող Ֆեյզի Հրամաններով գործող Մեմդուն էր:

Այդ ժամանակ վալին էր Համիդ թեյր, որն ուղղամիտ մարդ էր: Նա վարչական միջոցառումներ ձեռնարկեց մի քանի չարագործ պաշտոնատարների նկատմամբ: Պաշտոնազրկեց Մեմդունին, բանտ նետեց քուրդ ազդեցիկ աշխրեթապետներ Սարհանին, Ալիին, Հաճոյին և այլոց:

Համիդ թեյր երբ լսեց, որ Թուրքիան պատերազմի մեջ էր մտել, դա անվանեց «անձնասպանութիւն: Անզիայի դէմ պատերազմ սկսիլը կը նշանակէ անձնասպան ըլլալ»²:

Մի խորհրդանշական փաստ. եթե Հայերն ամեն ինչ անում էին շուկայի Հրդեհը մարելու, ապա իշխանությունների ներկայացուցիչները նավթ գործածելով հրդեհը տարածում էին: Ֆրանսիայի և Մեծ Բրիտանիայի Հյուպատոսները հրդեհի պատճառած վնասը գնահատում էին 2.5 միլիոն դոլար³:

Կառավարությունը, - գրում է Լեփսիուսը, - 16-20 տարեկան 700 երիտասարդի կանչում է «իբր զինուորական ծառայութեան Համար եւ Տիարպեքիրէն Ուրֆայի միջեւ՝ Գարապազայէն-Հալէպ ճամբուն վրայ զանոնք կը լծէ աշխատանքի: Այս զինուոր գործաւորները աշխատանքի ընթացքին իրենց վրայ հսկայ ոստիկաններու կողմէ զէնքով սպաննուեցան: Հետագային, տասնապետը, որ կը հրամայէր ոստիկաններուն, կը հպարտանար, որ կարողացած էր միայն հինգ ոստիկաններով սպանել այս անզէն 700 Հայերը...»⁴:

Ապրիլին ստեղծվեց «Միլլի թարուրի» կիսապաշտոնական Հրոսակախումբը, որի ղեկավարությունը նույնպես ստանձնեց Ֆեյզին: Խմբի հագարապետներից տասը վիլայեթում Հայտնի ավագակապետներն էին, իսկ չավուններից յուրաքանչյուրն ամեն օր 4-5 Հայ էր սպանում: Խումբն ամբողջությամբ կազմված էր մարդասպաններից:

Ձևավորվեց նույնպես չեթեական մարդասպաններից կազմված երկու վաշտ՝ «Ղասար թարուրի» անունով:

Երբ Ուրֆա հասանք (1914 թ. օգոստոսի 27-ին), գրում է Հայ պաշտոնատարը, և Դիարբեքիրի նախկին վալի Հ. Զելալը Հայտնեց, որ Հոփֆը հեռացել է Վանից. Ֆեյզիի «ուրախութեանն այլևս սահման չկար»: Նա շուռ գալով դեպի Թ. Մկրտչյանն, ասաց. «Այժմ պիտի տեսնէք, թէ ձեր զլսուն ինչ պիտի գայ»:

Հայերը շփոթված էին: ՀՅ Դաշնակցության տեղական կոմիտեն դիմեց Արևմտյան բյուրոյին. «Ի՞նչ անել»: Ստացվում է պատասխան. «Պաշտպանվեցե՛ք ունեցած Հնարավորություններով ու միջոցներով, զգուշացե՛ք (ձեռնպահ մնացե՛ք) նախահարձակ գործողություններից, զենքի օգտագործումից, սպասե՛ք մեր Հրահանգին»⁵:

¹ «Յուշամատեան Մեծ Եղեռնի», էջ 406:

² Նույն տեղում:

³ Մկրտչյան Տ., Ամիդայի արձագանքներ, Նիւ Եռլք, 1950, էջ 246-253:

⁴ «Յուշամատեան Մեծ Եղեռնի», էջ 414:

⁵ Նույն տեղում, էջ 406:

Հալածանքներն այնքան են սաստկանում, որ տեղի առաջնորդ Մկրտիչ վրդ. Զլղացյանը պատրիարքին հասցեազրած (սեպտեմբերի 27-ի) նամակում նշում է. «Ժողովուրդը հասցուած է այն սատիճանին, որ այլեւս անկարելի է տանիլ: Ամենաբուռն սաստկութեամբ եւ սպանալիքներու ներքոյ կը գրաւեն»: Առաջնորդը թվարկում է բազմաթիվ սպանությունների և կողոպուտների փաստեր, որոնց հանդեպ իշխանությունները ցուցաբերել են բացարձակ անտարերություն¹:

Չնայած բռնությունների ու սպանությունների սաստկացման՝ Կ. Պոլսում դժգու էին դրանց ծավալների փոքրությունից ու խստության պակասից: Մինչդեռ Ռիցը տեղում լինելուց հետո հայտարարեց, թե «Դիարբեքիրում ահաբեկչության այնպիսի հաշավոր միջնորդտ է տիրում, որպիսին ինքը որևէ տեղ չի տեսել: Որևէ հայ չի համարձակվում փողոց ելնել: Զինվորները զիրքեր են գրավել տանիքներին ու պատրաստ են կրակելու հայտնված ամեն մի հայի վրա», եթե նույնիսկ բակ էր ելնում: Գրեթե բոլոր տղամարդկանց ձերբակալել և աքսորել են, ինչը «անխուսափելի մահ» է նշանակում:

Թուրքական իշխանությունները հաջողում են հայ դափաճանի օգնությամբ զինվորական ծառայությունից խույս տվողներին մի վայրում հավաքել ու ոչնչացնել: Սակայն դասալքությունը չի դադարում: Վալին նորից է այդ հարցով դիմում առաջնորդարանին, որ եթե դասալիքները հանձնվեն, նրանց ներում կշնորհվի: Առաջնորդը համաձայնվում է. սակայն առաջին իսկ հանձնված զինվորը սպանվում է:

Դիարբեքիր է գալիս Մկրտիչ Յոթնեղրայրյանը՝ այստեղ ինքնապաշտպանական աշխատանքներ ծավալելու համար, բայց տեղացիները հրաժարվում են դրանով զբաղվելուց, և նա վերադառնում է Ռուբա:

Սակայն, երբ վտանգն անկասելի է դառնում, տեղի դաշնակցական և հնչակյան կազմակերպությունները որոշում են միացյալ ուժերով պայքարել թուրքական հայակեր քաղաքականության դեմ: Բայց քաղաքի հարուստ հայերը ձեռնպահ են մնում, չեն ուզում հարաբերությունները խզել իշխանությունների հետ և ձախողում են երկու կուսակցությունների նախաձեռնությունը:

Այնուամենայնիվ, հայկական թաղերում նախապատրաստական աշխատանք էր տարիվում մահմեղականների հարձակումից պաշտպանվելու համար:

1915 թ. մարտի 28-ին Համիդն ազատվում է վալու պաշտոնից ու նոր վալի է նշանակվում «Մոսուլ գտնուող արիւնաբու տոքթ. Ռեշիտ պէյը, ծագումով չերքէզ»: Նա իր հետ բերում է մի խումբ չերքեղ պաշտոնյաների ու նաև 40-50 չեթեների՝ ժանդարմի հագուստով: Նախկին պաշտոնին է վերականգնվում կոմիսար Մեմդուհը: Այս տեղափոխություններում վճռական դեր է խաղում Ֆեյզին²:

Փոխվեցին վիլայեթի ուժային կառուցների պետերը: Գրանց ղեկավարներ նշանակվեցին Բեղրէդինը, չերքեղներ Ռուշին և Շաքիրը, որոնք Ռեշիդի հետ եկածներից էին:

¹ ԹԱԼԱ Լ., նշվ. աշխ., էջ 104-105:

² ՏԵ՛Ս Քասունի Հ., 1915 և կոտորածները Տիարպեքիրի մէջ, էջ 409-410:

Դիարբեքիրի հայերի ջարդի ծրագիրը կազմել էին ֆեյզին, Ռեշիղը, Բեղ-րէղինը, Ռուշղին: Ապրիլի 6-ին ֆեյզին մեկնում է ջեղիրե՛ ճանապարհին համապատասխան հանձնարարություններ տալով աշխեթապետներին:

Ռեշիղի գլխավորությամբ գործում էր ջարդերի կազմակերպման 25 հոգուց կազմված հանձնախումբ, որին անվանում էին «Հայկական հարցի քննիչ հանձնաժողով»: Դրա կազմում էին Բեղրէղինը, Հոփֆը, Ֆեյզին, Ռուշղին, Շեքը, Շերիֆը: Զեթեների ընդհանուր հրամանատար նշանակվեց Ֆ. Մուստաֆան:

Ապրիլի 8-ին այդ կազմակերպության երկու ղեկավարներ գնում են հայոց առաջնորդարան և Մկրտիչ վրդ. Զլդատյանից պահանջում, որ հայերը հանձնեն բոլոր զենքերը: Հրավիրվում է աղքային ժողովի նիստ: Զլդատյանն ու մի խումբ երիտասարդներ գտնում էին, որ զենքերը հանձնելն ինքնասպանություն է և պետք է դիմել ինքնապաշտպանության: Սակայն ժողովի մեծամասնությունն ում արտահայտվեց, իսկ Խ. Տիգրանյանը սպառնաց առաջնորդին. «Ծօ՛, վարդապե՛տ, ինչպես եկեր ես, անանկ ալ քեզի ձիու վրայ դրած կը դրկենք»:

Ժողովը գտավ. «Մենք կառավարութեանը հակառակ չենք կրնար երթալ եւ մեր հաւատարմութիւնը ցոյց տալու համար պէտք է, որ հայոց քով եղած զէնքերը յանձնենք»:

Ապրիլի 19-ին ֆեյզին ճամփորդության է մեկնում վիլայեթի բնակավայրերը և գրգռում է թուրքերին ու քրդերին հայերի դեմ՝ պահանջելով վերջիններին անխնա ջարդել: Նա դիմում է նաև մոլլաների աջակցությանը: Քրդական ուման աշխեթում հանդիպում է տիմրահոչակ ավազակ, մի քանի անգամ մահվան դատապարտված ու փախուստի մեջ գտնվող Ամարոյին և նրան ներում չնորհում, պայմանով, որ ստանձնի հայերի կոտորածը²:

Տ. Մկունդը իր «Ամիդայի արձագանգներ» գրքում վերարտադրում է ֆեյզիի խոսքերը. «Զաւա՛կս, Ամարօ՛, մի քանի օրէն 600-700 հայեր, մեր եավեր չերքէզ Շաքիր պէյի հրամանատարութեան տակ Մոսուլ աքսորելու պատրուակով պիտի հասնին Շքաֆթան գիւղն, այստեղ եավեր Շաքիր պէյին հրահանգին համաձայն ամբողջ աշայիրովդ պիտի ոչնչացնէք զանոնք, առանց մէկ հայի մը խնայելու եւ եթէ իմանանք մէկ հայ ազատած էք. պատասխանատու էք, գիտցած եղէ՛ք»³:

Քաղաքում ձերբակալություններ սկսվեցին 1915 թ. ապրիլի 16-ին: Նույն օրն էլ ըրջապատվեցին հայկական թաղերը: Դասալիքներ փնտրելու պատրվակով խուզարկություններ են սկսվում, 300 երիտասարդ բանտ է տարվում:

Ապրիլի 19-ին ձերբակալություններին քաղաքի հայ աղքային ավագանուն, 21-ին՝ կուսակցական ղեկավարներին, մայիսի 1-ին՝ պետական պաշտոնատարներին, մտավորականներին, առևտրականներին, սեղանավորներին ու բոլորին խոշտանգումների ենթարկեցին:

Մայիսի 7-ին վերսկսեցին զենքերի հավաքումը: Ապա ձերբակալեցին

¹ Զաւէն Պատրիարք, նշվ. աշխ., էջ 408:

² Մկունդ Տ., նշվ. աշխ., էջ 249-250:

³ Նույն տեղում, էջ 246-253:

Հոգևորականներին, այդ թվում նաև առաքելական և կաթոլիկ առաջնորդներին:

Մայիսի 25-ին Ուրֆայից վեց մղոն հեռավորության վրա, Կարաքյոմի մոտ սպանեցին 1500 հայ զինվորի:

Մայիս ամսվա ընթացքում ձերբակալվածների թիվը, ըստ Լեփսիուսի, 1000-ի էր հասնում: Այսուհետև ձերբակալեցին ևս 400 հոգու, ապա նաև 11.000 հոգու, որոնք զոհ գնացին թուրքական զաղանություններին:

Մայիսի 14-ի գիշերը հայկական թաղերը շրջապատվեցին: Լուսարացին ժանդարմները, ոստիկաններն ու չերքեզները խուժեցին փողոցներն ու տները:

«Դիարբեքիրում ձերբակալված հայերը,- տեղեկագրում է Կոլուշեր,- սպանված են բանտերում: Գնդակահարելու սպառնալիքով հայերին արգելված է քաղաքից դուրս գալ... Տեղի վարդապետի փոխանորդը նավթ խմելով ինքնասպան է եղել»¹:

Հունիսի 3-ին նա տեղեկացրեց, որ քաղաքում «խանութներ են հրկիզվել...»²:

Մայիսի 28-ին թնդանոթը բերդից կրակ է բացում Ս. Կիրակոս եկեղեցու զանգակատան վրա:

Բանտարկվածներին խոշտանգելու եղանակներ գտնելու համար «կուսակալն ու մեպուս Ֆեյզին գանգեր կը ճաթեցնեն»: Առաջին զոհերը, ըստ Լեփսիուսի, լինում են 27 երևելիները, որոնց «խոշտանգեցին բանտի մէջ եւ Օսման պէյի եւ ոստիկանութեան տնօրէնին՝ Հիւսէյին պէյի ձեռքով զանոնք սպաննել տուին: Քահանայի երիտասարդ կինը 10 զափիթիէներու կողմէ պղծուեցաւ... Մօտաւորապէս 30 օր օրական մեծ թիւով հայեր կը ձերբակալուէին, որոնք անմիջապէս բանտին մէջ գիշերը կը սպաննուէին: Ապա երկու հայ բժիշկներու ստիպեցին վկայել, որ անոնց բոլորին ալ մահուան պատճառը ժանտախտն էր»³:

Բանտարկվածներից ոմանց պայտեցին ու հարկադրեցին քայլել, մարմինները երկաթով այրեցին, գլուխները ճղմեցին մեքենաների մեջ, անդամահատեցին, խաչեցին: Մեռնում էին տանջանքներին չղիմանալով:

«Ճոքթ. Վահանը, - զրում է Լեփսիուսը, - ձերբակալուեցաւ 10 երեւելիներու հետ եւ անոնց յայտարարուեցաւ, թէ Մալաթիա պիտի աքսորուին: Ճամբան բոլորն ալ սպաննուեցան»: 12 զաշնակցականների բանտերում տանջելուց հետոյ կախաղան հանեցին⁴:

Առաջնորդ Մկրտիչ վրդ. Զլղատյանին մայիսի 30-ին Գարուում առանձնացնում են հայ տարագիրների քարավանից, «փողոցներուն մէջ թմբկաւոր ամրոխով մը, իրը արջ երեսը մուր քսելով, վիզը զանգակներ կախելով, գլուխը պախուրձ անցընելով, կը խայտառակէին հոգեւորականին անվայել ընթացքներու մէջ»: «...Կէս գիշերին կը վերադարձնեն մզկիթին բակը, ուր կառավարական պաշտօնեաներուն, իալամ ամբոխին ու շէլսերուն ու թմբկահար տերպիչներուն

¹ "Գеноցիդեր հաճ արմենութե", ֆ. 321, օպ. 1, հ. 2462, լ. 76.

² Նույն տեղում:

³ «Յուշամատեան Տիարակեքիրի», էջ 410:

⁴ Նույն տեղում, էջ 411:

Ներկայութեանը նախ կը քաշեն տարաբախտ վարդապետին ակուաները մէկիկ-մէկիկ, քունքերուն չիկացած երկաթ կը մեխեն, կը կտրեն զմելիով մարմնին միսերը, կը փորեն աչքերը եւ յետոյ կաթիլ-կաթիլ քարիւղ թափելով կը վառեն եւ կէս ածխացած վիճակի մէջ կը ձգեն կ'երթան»¹:

Ապա, գրում է Տիգրան Մկունղը, «Ճուր կը լեցնեն՝ մարելով կրակը: Խելակորոյս վիճակի մէջ կը վերցնեն զինք՝ նետելով բանտին հիւանդանոցին մէկ ախոռը... յետոյ փայտի հարուածներու տակ կը վերջացնեն Զլղատեանի կեանքը»:

Այս իրողությունների մասին վկայում է նաև Հ. Ֆիրբյուխերը:

Բանտում սպանեցին 26 նշանավոր դեմքերի, այդ թվում Արփիար քահանային: Տասը ժամանակամեր բռնաբարեցին և մահամերձ դարձրեցին նրա երիտասարդ կնոջը: Հինգ հոգերականի լրիվ մերկացրեցին, ձյութ քսեցին և պտտացրեցին քաղաքում²: Մի հերթապահ հպարտացավ, թե հինգ ժամանակի հետ սպանել է 700 հայի³:

Կաթողիկների առաջնորդ Անդրեաս եպս. Զելեպյանին «Հալէպ դրկելու պատրուակով Հոռոմ դուռնէն դուրս կը հանեն... եւ պարապ սառնարանին մեջ իջնեցնելով կը հարցնեն. «Խնչպէ՞ս կ'ուզես, որ քեզ սպաննենք»: «Քարկոծցէ՞ք», - լինում է պատասխանը: Քարկոծում են և քրոջ ներկայությամբ սպանում:

Քաղաքից հանվում է 10 հազ. հայ երիտասարդ և ինչ-որ տեղերում ոչնչացվում:

Գյուղերը բռնագաղթվեցին:

Մայիսին մոտ 10.000 հայ երիտասարդների քաղաքից տարան վիլայեթի գյուղերի հայերի տարագրությունը կազմակերպելու անվան տակ, բայց քչեցին ձորերն ու սպանեցին: Մեծ թվով կանայք և աղջիկներ առևանգվեցին: Ամեն գիշեր 4-5 գյուղ էր ոչնչացվում:

Հունիսի 2-ին Ռեշիդի գիտությամբ ոստիկանապետ Մեմդուհը ժանդարմ-ների ու չեթեների գլուխն անցած շրջապատում է Մարդինը և սպանում 403 հայ: Հունիսի 4-7-ը բանտ նետվեց 1420 հայ: Մեկ օր հետո Զեմալի հրամանատարությամբ 2000 չեթե հայերին լցրեցին թել էրմենի եկեղեցին, որը հրդեհ-ցին և բոլորին ոչնչացվում:

Ռեշիդն ու Ֆեյզին մի քանի օր շարունակ քաղաքի մահմեղականներին հորդորում էին անխնա ոչնչացնել հայերին: Ֆեյզիի նախագահությամբ կայանում է հիթթիհաղի տեղական կազմակերպության ժողով, որին մասնակցում էին ջարդարարների ղեկավարները և մուֆթին: Քննարկվող հարցն էր՝ բոլո՞ր հայերին ոչնչացնել, թե՞ո երեխաներին խնայել: «Ժողովը միանձնութեամբ որոշում կու տայ հայոց բնաջնջման»: Որոշումը հանձնում են կառավարչին⁴:

Ի դեպ, ըստ Ս. Ակունու (Մեպուհ Ակոնյան), ժողովը երեք օր է տևում:

¹ Ակունի Ս., նշվ. աշխ., էջ 66:

² Մկունդ Տ., նշվ. աշխ., էջ 376:

³ Փարծուխը Ղ., նշվ. աշխ., էջ 55:

⁴ «Յուշամատեան Տիարակերիի», էջ 412:

Մուֆթին առաջարկում է մինչև 12 տարեկան երեխաներին ու գեղեցիկ աղջկներին խնայել՝ քրդերին զեղեցկացնելու համար: Առաջարկը չի անցնում: Ժողովի յուրաքանչյուր մասնակից «Կ'երդնու Քուրանին անունով սպանել ամեն հայ, ո՞վ կ'ուզէ ըլլայ, իսկ այն թուրքը, որ կ'օգնէ հայու մը, իր կարգին պիտի սպաննուի, իրը դաւաճան կրօնի»:

Ռեշիդի գործունեությունն այնպիսի զագրելի բնույթ էր ստանում, որ անգամ Վանդենհայմը հարկադրված եղավ Հուլիսի 12-ին Բարձր Դոնից պահանջել «միջոցներ ձեռնարկել», որպեսզի նրա դաժան քաղաքականությունը չհանդեցնի այդ «շրջանի քրիստոնյաների գլխովին ոչնչացմանը»¹:

«Տիգրանակերտի վալին,- գրում է Նոգալեսը,- դոկտ. Ռեշիդ բեյը 50 տարեկան է: Կրթությունն ստացել էր Փարիզում, սերված էր Կ. Պոլսի ազնվական ընտանիքից», բայց Զարդերի ամենամոլի կազմակերպիչներից էր: Նա ասաց, թե «Ճարդերի հրամանները ստացել է ՆԳ նախարար Թալեաթից»²:

Այդ օրերին Դիարբեքիր է գնում Ամարոն իր «չաքմաքլիով, լայն-լայն շալվարով, կինտոյի ապա վերարկուովը եւ կէս մեթր բարձրութեամբ բուրդէ շինուած քիլայովը: Կատարեալ լերան արջ մը»:

Դիարբեքիրում Ամարոյին հանդիսավորությամբ ընդունում է վալին ու ասում. «Քանի մը օրէն 700-ի չափ հարուստ հայեր վելեքներով (լաստերով) մեր թիկնապահին հսկողությամբ աքսոր պիտի տարուին դեպի Մոսուլ: Երբ անոնք գիւղը հասնին, պէտք է ամենն ալ սպաննես, անոր փոխարէն պատուանշաններով ու ընծաններով պիտի պատուըրուիս» և «որ թէկուզ խնայուած անգամ մէկ հայի համար պատասխան ես տալու»:

Քուրդը համաձայնվում է և հաջորդ օրը մեկնում է Շքաֆթան՝ հետը տանելով «Երկու կառք պարան»:

Մայիսի 30-ին բանտերում եղած 1000 մտավորականներից 635-ին քարավան կազմած ուղարկում են իբր Մոսուլ: Նրանց նստեցնում են 13 լաստեր և տանում են դեպի հարավ: Քարավանը կազմված էր հայ երևելիներից, մտավորականներից, Հոգևորականներից:

Հունիսի 19-ին նրանք հասնում են Ամարոյի գյուղի՝ Բշերիկի մոտակայքը: Լաստերը գյուղ չհասած կրակի տակ են ընկնում, երկու հոգի վիրավորվում են: Աքսորյաներին ուղեկցող Շաքիրը ոստիկաններին հանձնարարում է հետապնդել քրդերին և պատճառարանելով, թե ճանապարհը վտանգավոր է, համոզում է հայերին ունեցած դրամը հանձնել իրեն: Հանձնում են: «Երբ հասան Շքաֆթան, եկավ Ամարոն և խնդրեց, որ այդ գիշերը հյուրընկալեն իրեն: Աքսորյաները լաստերից դուրս են գալիս վեցական հոգով, իբր քրդերի կողմից չնկատվելու համար: Ամարոյի մարդիկ նրանց գյուղ հասցնելով անմիջապես մերկացնում են ու տանում Պեղվանի ձոր ու մեղցնում: Հայերի հագուստները վաճառվում են Դիարբեքիրի շուկայում: Դիակներին քրդական տարագ են հագցնում ու լուսանկարում՝ իբր հայերի կողմից սպանված քրդեր են:

¹ FO Turkey 183, Bd 37, Վանգենհայմի 1915 թ. մայիսի 31-ի նամակը:

² De Nogales, նշվ. աշխ., էջ 139:

Յայեղ Էլ-Ղուսեյնը գրում է. «Թուրք կառավարութիւնը մտածեց, որ եւրոպական պետութիւնները պիտի չուշանան հասկնալու հայոց բնաջնջումը եւ որ լուրը ամբողջ աշխարհի մէջ պիտի պտտուի, ինչ որ պիտի չուշանար աշխարհի հանրային կարծիքը թուրքերու դէմ հանելու: Որով կառավարութեան գործակալները որոշ թիւ մը հայեր ջարդած ըլլալով, ծպտեցին դիակները՝ դանոնք քիւրտերու վերածելով, անոնց գլուխները փաթթոցներով ծածկելով եւ բազմաթիւ քիւրտեր բերել տուին, որոնք շրջապատեցին դիակները, ողբեր արձակելով: Պատկերահան մը, վարձուած այդ նպատակով, այս տեսարաններուն պատկերը քաշեց՝ ապագային Եւրոպայի կլլեցներու մտադրութեամբ, թէ հայերն էին նախայհարձակները, որոնք քիւրտերու վրայ յարձակելով, անոնցմէ մեծ թիւ մը սպաննած էին: Եւ որ այն ժամանակ միայն քիւրտերը, զայրացած, վրէժ առին հայոցմէ, առանց որ թուրք կառավարութիւնը խառնուած ըլլայ այս վերջիններուն ջարդին մէջ, ինչ պարագայի մէջ ալ, որ եղած ըլլայ»: Բայց տեղի մարդկանց խարել չէին կարող և նրանք լուր հասցրին Դիարբեքիր:

Էլ-Ղուսեյնը նաև գրում է. «700 անձերու տարագրութեան յաջորդող քանի մը օրերուն... կառավարութիւնը իր պաշտօնեաներուն միջոցով նամակներ գրել տուաւ, որոնք տարագրուածներուն անուններով կը ստորագրէին: Տարագրուածներու ծնողները մեծ գումարներ կը վճարէին՝ ստանալու համար նամակ մը»:

«Յայտնի աւազակ մը քաղաքապահ զինուորութեան պետ նշանակուած էր: Ան տարագրեալները սպաննելէ ետք պաշտօն ստանձնած էր փոխանցելու այդ թղթակցութիւնը»:

Այս գաղտնի առաքելութիւնը աւարտած՝ կառավարութիւնը զինք սպաննել տուաւ: Ան կը կոչուէր Ամի Հասան»¹:

Անդրուսելը «Literary Digest» թերթի 1917 թ. հոկտեմբերի 27-ի համարում գրեց. «Դիարբեքիրի մոտակայքից 2500 տղամարդու նստեցրեցին լաստերը, յուրաքանչյուրում՝ 75-100 զոհ: Նրանց ուղեկցում էին քրդերն ու զինվորները: Երբ հասան Տիգրիսի ամենախոր մասը, զոհերին նետեցին ջուրը: Ով փորձում էր լաստ բարձրանալ, քրդերն ու զինվորները սպանում էին, մինչև որ բոլորը խեղղվեցին»²: Այս վայրագությանն անդրադարձավ նաև գերմանական «Allgemeine Missions Zeitschrift»-ը. «1915-ի մայիսի 10-30-ը Դիարբեքիրի և Մամուրեթ ալ-Ազիզի միջև հայ նշանավոր գործիչներից ձերբակալվել է 1200 մարդ: Մայիսի 20-ին նրանցից 674 հոգու Տիգրիս գետում նստեցրել են 12 նավակներ իբր Մոսուլ տեղափոխելու համար: Տեղական վալին 50 ժանդարմներով ուղեկցում էր այդ քարավանին: Ժանդարմների կեսը նավակի վրա էր, իսկ մյուս կեսը կանգնած էր ափին: Ափից նավակների հեռանալուց հետո ժանդարմները նրանցից պահանջեցին ամբողջ կանխիկ գումարները և հավաքեցին 6000 թուրքական լիրա: Ապա հրամայեցին հանվել և հագուստները տալ իրենց: Դրանից հետո ժանդարմները բոլորին խեղղեցին գետում: Ափում եղած ժանդարմներին հրամայված էր կրակել նրանց վրա, որոնք կփորձեն ջրից դուրս

¹ «Յուշամատեան Մեծ Եղեռնի», էջ 414:

² **Էլ-Ղուսեյն Ֆ.**, նշվ. աշխ., էջ 39-40:

դալ: Հետագայում այդ տանջամահ արվածների հագուստները վաճառվեցին Դիարբեքիրում»¹:

Մեկ շաբաթ հետո Ֆեղին և Ռեշիդը Ամարոյին հանձնարարում են բոնել կամ ոչնչացնել Ամպար գետի շրջանում գործող հայ հեղափոխականներին: Նրան «օգնելու» համար տրամադրված 10 չերքեղներն առաջինը սպանում են Ամարոյին, հայ մտավորականության ջարդի հետքերը ջնջելու համար:

Նույն օրերին Բեղրէդղինը նշանակվեց Մարդինի մութեսարիֆ, իսկ Մեմդուհի՝ կոմիսար՝ տեղի հայության ջարդը կազմակերպելու համար: Նրանց հանձնարարված էր նախ փոսեր փորել տալ հայերի դիակների համար: Սակայն դրա կարիքը չզգացվեց, որովհետեւ Բեղրէդղինը Ռաս ուլ-Այնի մերձակայքում գտավ մի քանի մեծ հորեր և զնոպաններ, որոնք և դարձան հազարավոր հայերի գերեզմաններ:

Մոսուլում Գերմանիայի հյուպատոսը 1915 թ. հունիսի 10-ին հեռագրեց. «614 հայ՝ ծեր, կին և երեխա Դիարբեքիրում լցվեցին լաստերը և խեղդամահ եղան, լաստերը Մոսուլ հասան դատարկ: Գետը մարդկային մարմինները կուլ տվեց: Նման էլի ուրիշ լաստեր պատրաստվեցին: Հունիսի 18-ին էրգրումում Գերմանիայի հյուպատոսը տեղեկացրեց, որ երգնկայի մոտ ջարդեր եղան: Հեծելագորային 86-րդ գունդը, իրենց սպանների հրամանով և քրդերի աջակցությամբ, ավելի քան 20 հազար կին ու երեխա կոտորեց Քեմախի կամրջի վրա: Բիթլիսում հայերի մեծ մասը սպանվեց, 900 կին և երեխա Տիգրիսի ջրերի մեջ նետվեցին: Սա անվերջ շարքն է անարդ, զազրելի անգիտությունների: Հայերից ոմանք ողջ-ողջ հրկիզվեցին իրենց տներում: Այն հայ զինվորները, որոնք թուրքական բանակին ծառայել էին քաջությամբ ու հավատարմությամբ և իրենց այդ քաջության ու հավատարմության համար արժանացել էին նույնիակ էնվեր փաշայի մեծարանքին, հետագայում զինաթափ եղան, լծվեցին տաժանակիր աշխատանքի բանակի թիկունքում և ապա հրացանազարկ եղան իրենց երրեմնի զինակիցների կողմից, իրենց իսկ սպանների հրամանով»²:

Դիարբեքիր քաղաքի տարագրությունը տեղի ունեցավ Հունիսին: Ուղարկվում էին տարբեր ուղղություններով՝ դեպի Մարդին, Կարաբախչա, Դարա, Ռաս ուլ-Այն, Նիզիրին, Գեր Զոր: Մեծ թվով հայեր զոհվեցին Կարաբախչայում, Զարոսիկի զյուղում, Շեյթան դերեսիում և Կայնազ զյուղի մոտի Բիգատլան ձորում:

Հուլիսի 10-ին Դիարբեքիրից հանեցին շուրջ 2000 կին ու աղջիկ: Նրանց տարան Ուրֆա և բաժանեցին թուրքերին:

Միլիս թարուրիի ղեկավարներ Շեքի և Ռուշդի բեյերը ամեն օր առավոտյան մինչաղին մտնում էին հայերի տները, հաշվառում ընտանիքի անդամներին, յուրաքանչյուր տան մուտքին հերթապահ-չերքեղ նշանակում, որպեսզի տնից գուրա եկողներ չլինեին: Նույն օրվա գիշերը նշված տներից հայերին հանում էին: Այդպես ամեն օր, օրը 30-40 ընտանիք, մինչև Հոկտեմբեր ամիսը: Քաղաքից հանվեց 35-36 հազար հայ:

«Տիգրանակերտ Հասած, հայ կիներու քարաւանի մը հանդիպեցանք, զոր

¹ "Армянский вестник", 1916, № 35.

² Lepsius J., նշվ. աշխ., էջ 118:

ոստիկաններու խումբ մը դէպի Սեվերէկ կ'առաջնորդէր: Այս դժբախտները այնքան տառապանքի ու թշուառութեան մէջ էին, որ նոյնիսկ կենդանիներու գութը պիտի շարժէր եւ արցունքներ պիտի կորզէր կարծր ժայռերէն: ...Դիակները կը տարածուէին մինչեւ սեւ Տիգրանակերտի պատնէշները»¹:

Մարդինում կոտորվում են 2000 հայ կաթոլիկներ: Ատելությունն այնքան բուռն էր, որ աքսորվեցին նաև Հայերին օգնող երեք ամերիկացիներ, որոնցից մեկը ճանապարհին մեռավ: Մարդինում հազիվ 200 ընտանիք ողջ մնաց:

Նահանգում ոչ մի հայ չխնայվեց: Մի պատվիրակ էլ-Ղուսեյնին պատմել է, թե ինչպես է Հայերից «բազմաթիւ անձեր ջարդած»: Նրանք պատսպարվել էին քարանձավի մեջ և երկու հոգու անմիջապես ինքը սպանեց: «Սուլթանի հրամանն է, իսկ սուլթանի հրամանը Աստուծոյ հրամանն է, ու այս հրամանը գործադրելը պարտականութիւն մըն է»²:

Մեկից երեք տարեկան հայ երեխաներին թուրքերը հավաքում էին, կառքերով տանում Տիգրիս գետի մոտ ե «ողջ-ողջ, ամենքն ալ, բռնելով ոտքերէն, ձեռքերէն կամ զլուխներէն, կը նետէին գետին մէջ: Ուրիշ Հարիւրաւոր որբեր ալ կը տանին Կարաղաշ, քաղքէն 1-1.5 ժամ հեռու գիւղ մը եւ հոն երկուքի կը ճեղքեն զանոնք, կտոր-կտոր կ'ընեն, շատ որբեր կը նետուին կատղած շուներու առջեւ եւ կը յօշոտուին: Իսկ գաղանաբարոյ սրիկաներ կը գուարճանան այս տեսարաններուն առջեւ»³:

Յ-րդ բանակի հրամանատար Ս. Քյամիլը հայկական նահանգների վայիներին և զինվորական հրամանատարներին ուղարկեց շրջաբերական. «Որեւէ Հայի պաշտպանող մահմետական իր տան առջեւ մահապատժի կ'ենթարկուի, իսկ տունը կը հրդեհուի: Եթէ նա պաշտօնատար է, կ'արտաքսուի ու կը յանձնուի Ռազմական դատարանին: Հային պաշտպանելը ճիշդ համարողները, եթէ զինուորական են, պէտք է զորացրուին եւ դատուելու համար յանձնուին Ռազմական դատարան»⁴:

Այս հրահանգը դուռ բացեց շորթումների համար, «Հայ պաշտպանելու պատրվակով» դրամ էին չորթում, նույն այդ Հայերին սպանում և տիրանում նրանց կանանց ու աղջիկներին:

Հուլիսի 27-ին Դիարբեքիրից Հարավի անապատներում անհետ կորան Տրապիզոնից և էրզրումից եկած մի քանի քարավաններ:

Սերաստիայից, Ակնից, Թոքաթից, մասսամբ նաև Խարբերդից եկած և իրար հետ խառնված քարավանները Սեվերեկից Հարավ գտնվող Եղի Գույուն և Մուսա Գույուն անցնելուց հետո, 18 հազ. հոգանոց այդ ժողովուրդը մահացավ քաղցից ու ծարավից: 150 կմախքացած կանայք հասան Հալեպ, իսկ Խարբերդի 3.000-անոց քարավանից փրկվեց միայն 35 կին: Բողուրթլուում և մերձակայքում ծարավից մեռավ 24.000 հոգի:

Սեպտեմբերի 3-ին Հայերին կոտորեցին Ջեղիրեռում, որին մասնակցեցին

¹ Էլ-Ղուսեյն Ֆ., նշվ. աշխ., էջ 12:

² «Յուշամատեան Մեծ Եղեռնի», էջ 415:

³ Նույն տեղում:

⁴ Տե՛ս Ռազմական դատարանի 13-րդ թղթածրարը, վավերագիր № 1:

նաև Բաղդադ մեկնող գորքերը: Սեպտեմբերի 9-ին սպանվածների թիվը 12.750 հոգի էր:

Դուդանի անդունդը գլորեցին 5.000 Հայ կին ու երեխա: Կանանց մեջքերին փայտեր էին խփել և իրար վրա դիզել: Բլուրին մերկ կանայք կային՝ ոտքերը դեպի վեր: Նրանց բռնաբարելով մեղքը էին:

Այս դժուային արարքների ականատես վկաներ էին Հայր Հիասինթը, Հայր Բերեն, Դը Նոգալեսը, Ֆայեղ Էլ-Ղուսեյնը:

Ժողովուրդների մշտական դատական ատյանի 1984 թ. Փարիզի նստաշրջանում հրապարակվեցին հետեւյալ դիվանագիտական փաստաթղթերը.

«Թվում է, թե այս կարգի պատահարները առանձնապես հատկանշական են եղել Դիարբեքիրի գավառի համար, որը ազգագրական տեսակետից շատ խառն է եղել և որտեղ 1894-1896 թվ. կոտորածները տեղիք էին տվել իսկական գաղանությունների, ոչ միայն Հայերի նկատմամբ, այլև սիրիական ուղղափառ բնակչության նկատմամբ»:

Մարդինի, որի բնակչության մեծամասնությունը Հայեր էին, քրիստոնյա բնակիչներից 700-ը, ինչպես նաև նրանց Հայ եպիսկոպոսը «մորթոտվեցին գառների նման» քաղաքի շրջակայրում (Հյուպատոս Հոլգտեյն): Ըստ Մոսուլում Գերմանիայի Հյուպատոսությունից Հասած տեղեկությունների, կատարված ոճարգործությունների համար պատասխանատու է Դիարբեքիրի նահանգի կառավարիչ Ռեշիդ բեյը, որն ինչպես պատմում են, իրեն արյունախում և կատաղած գաղանի պես էր պահում:

«Տիգրանակերտի մէջ,- գրում է Էլ-Ղուսեյնը,- շատ քիչ Հայեր մնացած էին, զորս կառավարութիւնը յարմար դատած էր պահել բանակին ծառայութեան համար, ինչպէս կօշկակարները եւ այլ արշեստաւորներ»¹:

«Երբ որ կառավարութիւնը,- շարունակում է Էլ-Ղուսեյնը,- սկսաւ Հայոց բնաջնջում, որոշ թիւով Հայուհիներ դիմում ըրին Տիգրանակերտի միւֆթին ու մեծ դատաւորին՝ մահմետականութիւն ընդունելու խնդրանքով: Անոնց առաջարկութիւնը Հաւանութիւն գտաւ եւ զանոնք ամուսնացուցին Տիգրանակերտի քիւրտերուն կամ թուրքերուն հետ:

Բայց քիչ ժամանակ ետք, կառավարութիւնը այս կիները Հաւաքել սկսած ըլլալով, երբ դատաւորն ու միւֆթին բողոքեցին, կառավարիչը պատասխանեց. «Այս կիները իմեր են, անօնք օր մը չէ օր մը պիտի խածնեն: Քաղաքականութիւնը կրօնք չունի» և պահանջեց չխառնվել իշխանությունների գործերին²:

Կանայք տարագրվեցին: Բայց, երբ Հայերի լրված ունեցվածքի իրացման գործում խարդախություններ թույլ տալու համար կառավարիչն աշխատանքից Հեռացվեց, կանանց նորից արտոնեցին ընդունելու իսլամություն: Սակայն այդ նույնպես խարեւություն էր, որովհետև քիչ անց, իսլամություն ընդունած բոլոր կանայք տարագրվեցին:

«Գալով դրամին եւ զարդեղէններուն,- շարունակում է Էլ-Ղուսեյնը,-

¹ «Յուշամատեան Տիգրանեքիրի», էջ 417:

² Նույն տեղում, էջ 418:

անոնք հրամանատար Ռիւշտի պէյի եւ կուսակալ Ռեշիտ պէյի հոգածութեամբ հաւաքուեցան: Այս վերջինը զանոնք իր հետ Կ. Պոլիս տարաւ, անձնապէս Թալէաթ պէյին յանձնելու համար»¹:

Էլ-Ղուսեյնը գտնում է, որ «Հայոց եղած խժութիւններուն պատասխանատութիւնը կ'երժայ իթթիհաղ վե թերաքքը անդամներուն. որոնք ... Հայոց հանդէպ ցեղային մոլեռանդութենէ եւ նախանձէ մղուած միայն գործեցին»²:

Հայերը որևէ հանցանք չէին գործել և զենք բարձրացրել են միայն ինքնապաշտպանության համար: Նրանք Տիգրանակերտում, թուրքերի ջարդարարությունն արդարացնող որևէ բան չկատարեցին:

Չնայած ոչ մեծ թվով, բայց, այնուամենայնիվ, եղան թուրքեր ու քրդեր, որոնք դեմ էին հայերի ոչնչացմանն ու լկումներին³: 1914-ի սեպտեմբերի 15-ին Դիարբեքիրում ինքնասպան եղած Մուշտակ բեյը երեք հասցեներով նամակ է գրում: Նա բողոքում է «թեքալիֆի հարբիեի» գուլումների դեմ, որոնք պարզապես «կողոպտում էին ամրող ժողովուրդին իրենց քմահաճույքով, մանավանդ հայերին»: Նա դատապարտում է սեպտեմբերի 10-ի համանը, ըստ որի պետք էր «ճնշել ու շնչառապ անել հայերին»: Այս խոսքերով է նա ավարտում նամակը. «Վերջ եմ տալիս կյանքիս՝ այլևս ամոթ համարելով թուրք անունի տակ ապրելը»⁴:

Իլիջայի ալբանացի գայմագամը մերժում է հայերին ջարդելու վայու բանավոր կարգադրությունը: Նա աշխատանքից հեռացվում է և դավադրաբար սպանվում: Նույն բանը կատարվում է Ալբեղիրի արաք կառավարիչ Սարեթ բեյ Էլ-Սուեյդի հետ: Կուսակալի հրամանին չի ենթարկվում նաև Մարդինի մութեսարիֆը: Նա նույնպես պաշտոնազրկվում է, որի մեկնելուց հետո «նախ 500, ապա 300 հայ և ասորի երեւելիներ ճամբայ են հանվում դեպի Դիարբեքիր: Առաջին 500-ից որևէ մեկը տեղ չի հասնում, իսկ 300-ից որևէ լուր չկա»⁵:

Սակայն այս նոր մութեսարիֆը նույնպես շուտով հասկացավ կատարվածի ահավորությունը և նույնպես հրաժարական տվեց⁶:

Դիարբեքիրում հայերն ինքնապաշտպանության կանգնեցին, նաև կովեցին, բայց երկար դիմանալ չկարողացան: Մարտական գործողությունների ընթացքում ոչնչացվեց 2000 խաղաղ բնակիչ⁷:

Թշնամու ջարդարարության դեմ պայքարում հերոսություն դրսեորեցին Մարդինցի Մարդոն, Կաղրացի Կիրակոսը, Զավգավաթջի Մընջոն, Իսպիրի որդի Մարդոն: Նրանք «կուտած են ամիսներով, տարիներով՝ ամենադժնակ պայմաններուն մէջ եւ դիմադրած մի քանի վաշտի»⁸:

Իշխանությունների դեմ ըմբոստացան նաև Մարդինի և Միղիաթի հայերը:

¹ «Յուշամատեան Տիգրապեքիրի», էջ 418:

² Նույն տեղում:

³ Նույն տեղում:

⁴ Նույն տեղում:

⁵ Նույն տեղում, էջ 420:

⁶ «Յուշամատեան Մեծ Եղեռնի», էջ 419:

⁷ R 14096 Ab. 2888.

⁸ «Յուշամատեան Տիգրապեքիրի», էջ 417:

Նրանք ավերեցին Հեռագրագծերը¹: Նույն օրերին Մոսուլում ապստամբություն բարձրացրեցին արաբները:

Բնութագրական է Բալուի Պաղնատուն (Պաղին) գյուղի օրինակը: Գյուղն ուներ ավելի քան 1000 բնակիչ, գործում էր վարժարան, նաև եկեղեցուն կից՝ դպրոց: 1915 թ. մայիսը ողբերգական եղավ այս գյուղի համար: «Մայիսի 5-ի առաւտեան կը հաւաքեն բոլոր տղամարդերը, - պատմում է ականատեսը, - մինչև անգամ 10-12 տարեկան տղաքը եւ 80-90 տարեկան ծերունիները: Ամենքն ալ իրարու կը կապեն պարաններով, ապա օր մը վերջ, այն է՝ մայիսի 6-ին, խումբ առ խումբ կը հանեն գիւղէն դուրս ձոր մը... Հոն կը կատարուի ամենէն զարհուրելին: Բոլորն ալ կը կոտորուին կացիններով, սուխններով ու սուլերով»²:

Պեյսիի զորքերի հրամանատարը հրաման արձակեց. «Նախ կը ձերբակալէք Նիսրինի (Մծբինի) մեր մթերանոցին պատասխանատու կեավուրները... Զանոնք նեղը կը դնէք ու կը ստիպէք», որ խորհուրդ տան իրենց ազգականներին՝ ապստանելու բանակային մթերանոցներում: «Մինչ այդ կը համանին մեր ներկայացուցիչները, շարժման կը մղեն ջարդարար խումբերը, միւս կողմէ, կրակի կու տան քարիւղով օծուած մթերանոցները... Այսպես գործելով, կը փակեն հաշիւը Նիսրինի 12.000 հայերու...»³: Ավելի պարզ չես ասի: Ռազմական մթերային պահեստները նախապես նավթով «օծուած են», ապա այնտեղ լցնում հաղարավոր հայերի, դոները փակում ու կրակի տալիս:

1915 թ. հուլիսի 31-ին Գերմանիայի դեսպանը գրեց կանցլերին. «Այս ամսվա սկզբից Դիարբեքիրի վալին՝ Ռեշիդ բեյը, սկսել է իր տնօրինության տակ գտնվող քրիստոնյա բնակչության զանգվածային ջարդը, առանց հաշվի առնելու դավանանքը և ուսան: Յամաղանի զոհ են դառնում հատկապես Թեղ էրմեի, Մարդինի կաթոլիկ հայերը և քաղղեացի քրիստոնյաներն ու սիրիացիները...

Դրա հետևանքով, ըստ Մոսուլի հյուպատոսության հաղորդումների, Մարդինի և Միդիաթի քրիստոնյա բնակչությունն ըմբուտացել է կառավարության դեմ: Հեռագրային գծերը վնասվել են:

Միաժամանակ, ապստամք Շամմար արաբները գրավել են Մոսուլի փոստային և երկաթուղային ճանապարհները (Նիսրինի շրջակայքում), և ընդհատելով երթևեկությունը այնպես արել, որ կառավարությունը Նիսրինում դադարեցրել է ուազմամթերքի տեղափոխումը:

Ապստամբության մի ուրիշ օջախ է կազմակերպվել Ջերել Սինջարում՝ Մոսուլից դեպի արևմտատք, որտեղ եղդիները զենք են վերցրել:

Վերջապես, ոստական վարձկանների թվին պատկանող քուրդ հայտնի առաջնորդ Արդուրբեղակ Բեղըրխանը Բայազետից քրդերի և հայերի հետ շարժվել է դեպի Սղերդ և ջոկատը համալրել է քրդերով, որոնք ճանապարհին միացել են նրան»⁴:

¹Տե՛ս Վանգենհայմի № 477 հեռագիրը Գերմանիայի կանցլերին:

²«Պատմութիւն Պաղնատան», Պոսթոն, 1966, էջ 140:

³Շաւարչեան, Մեծ Եղեռնը հայոց, Պուէնոս Այրէս, 1987, էջ 477:

⁴Bryce J., նշվ. աշխ., փաստ. № 126:

Նման բովանդակությամբ հաղորդագրությունների թիվը դժբախտաբար չառ չէ, բայց եղածը ևս հիմք է տալիս ասելու, որ ցեղասպանության տարիներին դիմադրություն և ինքնապաշտպանական կոփիվներ եղել են, որ որոշ վայրերում դրանք կրել են ինտերնացիոնալ բնույթ: Բայց այդ կոփիվները թույլ էին և կոտորածների առաջն առնել չկարողացան:

Բացի այդ, թուրքերն առիթներ էին վնասրերելու գործողություններ, որոնց հնարավոր լիներ կացնել «ապստամբություն» անունը:

Ոչ միայն Դիարբեքիրում և ոչ միայն Էլ-Ղուսեյնն է վկայում կատարված ոճրագործությունների մեղքը Հայերի վրա բարդելու թուրքական իշխանությունների ջանքերի մասին, այլև Լ. Դեկսը և Խարբերդի նահանգում գործող մյուս օտարերկրացիները: Եղիստիթուրքերի հրատարակած «Հայկական կոմիտեների ձգտումներն ու Հեղափոխական գործունեությունը օսմանյան սահմանադրության հոչակումից առաջ և Հետո» գրքում զետեղված են թուրքական բանակի համար ստացված նոր մակնիշի մասնակերների 12 լուսանկար: Դրանք ներկայացված էին որպես «վտանգավոր Հայ Հեղափոխականներից բռնագրաված» զենքեր: Նույն գրքում զետեղված մի լուսանկար պատկերում է կանանց փարված տղամարդկանց դիակներ: Վերջինների սեռական օրգանները փակված են: Նկարի տակ մակագրված է, թե դրանք Հայերի սպանած թուրքերի դիակներ են: Իրականում՝ սպանվածները Հայեր էին և «ազգերը ծածկող լաթերը» կոչված էին թաքցնել «տղամարդկանց թլպատված չինելը»: Իսկ կանանց բերել էին Հարեսան գյուղերից ու վճարել, որպեսզի «համապատասխան դիրք գրավեն լուսանկարող սարքի առջև»: Եվ դա ոչ թե ենթադրություն է, այլ զերմանացի Հեղինակի վկայությունն այդ բեմադրության¹:

Խարբերդում նույնպես՝ բռնագաղթի նախօրեին լուրեր տարածվեցին, թե «Թուրքական կառավարության դեմ դավ նյութող Հայկական Հեղափոխական խմբերի» պահեստարաններում Հայտնաբերվել են մեծ քանակությամբ զենք և ռազմամթերք: Լ. Դեկսը նկատում է, թե դրանք հաճախ «ոստիկանությունն էր նախօրոք» որոշակի տեղերում թողնում, որպեսզի «Հայերի դեմ հանցանչաններ ունենար»: Պատահական չէր, որ դրան Հաջորդեցին զանգվածային խուզարկություններ: Թուրքական այդ սաղրանքներին հավատաց անգամ Դեկսը, որը Վաշինգտոն գրեց, թե «որոշ Հայկական շրջաններում ապստամբական շարժումներ են բացահայտվել. կանխելու համար ձեռք են առնվել որոշ միջոցառումներ»: Սկզբում նա այն տպավորությունն էր ստացել, թե զանգվածային ձերբակալություններն ու խուզարկությունները «համընդհանուր բնույթի պատիժներ էին», առանց տարբերություն զնելու «լիովին անմեղների և նրանց միջև, ում կասկածել էին շարժմանը մասնակցած լինելու համար»: Տրամաբանության այս ուղին նրան հանգեցրեց ինքնամխտման: Նա գրում է. «Գործնականում արական սեռի ամեն Հայ արդեն ձերբակալվել է ... նրանք ենթարկվել էին ամենաղաժան կտտանքների, որոնց մեծ մասը չէր դիմացել, մահացել էր»: Երևույթների զարգացման ընթացքն ու բնույթը նրան

¹ Դեկս Լ., նշվ. աշխ., էջ 50-51:

շուտով համոզում են, որ «կոտորած է նախապատրաստվում ... Գրեթե կասկած չկա, որ դա վաղուց ծրագրված է»¹:

Դիարբեքիրի բանտում մի մուսուլման ինձ պատմեց,- զրում է Էլ-Ղուսեյնը,- որ նոր վալի Ռեշիդ բեյի և ժանդարմերիայի պետ Ռուշդի բեյի գալուց հետո շատ զենքեր են Հայտնաբերվել տներում և եկեղեցիներում։ Դա պատրվակ է ծառայել, որպեսզի բանտ նետեն քաղաքի երևելի հայերին։ Նրանց պաշտպանությամբ հանդես եկած հոգեսոր պետերը նույնպես բանտարկված են։ Ձերրակալվել է շուրջ 700 մարդ...»

Մի զինվորական պատմել է. Հենց որ մի որևէ հայ ընտանիք բնաջնջելու հրաման էին ստանում, ընտանիքի բոլոր անդամներին անմիջապես հանձնում էին ժանդարմեական սպայի։ Մութն ընկնելուց հետո սայլ էին բերում և նրանց տանելով գնդակահարում էին կամ սպանում կացնի հարվածներով։

Հայերին ոչնչացնելուց հետո ամեն ինչ՝ կահ-կարասի, սպիտակեղեն, իրեր ու գործիքներ, ինչպես նաև խանութների, կրապակների ամբողջ պարունակությունը փոխադրվում էր եկեղեցի կամ այլ խոշոր շինություն։ Ստեղծված էին հատուկ կոմիտեներ, որոնք այդ ապրանքները վաճառում էին ամենաչնչին գներով և դոյացած գումարները մուծում պետական գանձարան։ «30 ոսկի արժողությամբ գորգերը վաճառվում էին 4-5 ոսկով...»։

Դիարբեքիրի հայությանը հասցրած նյութական վնասը կազմեց 240 մլն դոլար²։

Ժանդարմները կանանց ու երեխաներին կապում էին իրար ու մեծ բարձրությունից ցած նետում, շարունակում է պատմել Էլ-Ղուսեյնը։ Այդ վայրը... գտնվում է Դիարբեքիրի ու Մարդինի միջև, այսօր այնտեղ մարդկային ոսկորների բլուրներ կան։ Դիարբեքիրում հայերին խումբ-խումբ նետում էին ջրհորները կամ փոսերը և ողջ-ողջ թաղում։ 2000-ից ավելի հայերի կոտորել էին Դիարբեքիրի պարիսպների մոտ, քաղաքից կես ժամ հեռավորության վրա, սուլթան Մուրադի ապարանքի ու Տիգրիսի միջև ...»

Դիարբեքիրի հայերին կոտորելու հանձնարարություն ունեցող պետական պաշտոնյա Շեքեթ բեյը վկայել է. «Ես ուղեկցում էի աքսորված հայերի մի շարայուն։ Երբ Դիարբեքիրի սահմաններից գուրս եկանք և սկսեցինք գնդակահարել հայերին, առջևս հայտնվեց մի քուրդ ... Նա աղաչեց իրեն տալ մի տասնամյա աղջնակի։ Ես դաղարեցրի հրացանաձգությունը և կարգադրեցի բերել այդ աղջնակին։ Նրան ասացի. «Մենք քեզ կհանձնենք այս մարդուն և կիրկվես։» Նա անմիջապես նետվեց մահապարտների կողմը։ Նրան ետ բերեցին։ Համոզեցի գնալ քրդի հետ։ Զամանակից գնալ քրդի հետ։ Զամանակից ու հետ փախավ ծնողների մոտ ու նրանց հետ միասին գնդակահար եղավ»։

Երբ կառավարությունը որոշում կայացրեց տեղահանել ու կոտորել հայերին, հրաման եղավ զորակոչված հայերից կազմել առանձին գումարտակներ՝ ճանապարհներ կառուցելու և քաղաքային այլեայլ գործեր կատարելու համար։ Դրանք ուժ ամիս ծանր աշխատանքներ կատարեցին։ Ապա տարբեր նահանգ-

¹ ԱԱ, ՊԴ, 59 խֆ տասնորդական թղթապանակ, № 867 4016/269;

² Կազարեան Հ., նշվ. աշխ., էջ 203:

ներից այդ գումարտակները ուղարկվեցին Դիարբեքիր, նրանց ընդառաջ գնացին մինչև ատամները զինված ժանդարմներ, որոնք նրանց հրացանազարկ արեցին: «Վերջին շարայունը, որ բաղկացած էր 840 երիտասարդներից, այդ կերպ իր վախճանը գտավ Դիարբեքիրի պարիսպների տակ...»:

Նկարագրում է Մ. Նեղիմը. «Երբ տունիս առջեւը եկայ, հանդիպեցայ նոր բազմութեան մը, երկու ուրիշ կիները մտած էին ծեր հիւանդ կնոջ մը թեւերը եւ կը ջանային քալեցնել զայն, կիներէն մէկուն գիրկը տղեկ մը կար. կմախքացած: Զորս ուրիշ արար լալով-ողբալով կ'ընթանային քովերնուն, ասոնց պղտիկը վեց եւ մեծը տասը տարեկան պիտի ըլլար»: Տիգրանակերտից էին: Պատմում է կինը՝ Մարիամը. «Օր մը յանկարծ քաղաքապահ զօրքերը մեր տունը կոխեցին, առնելով տարին երկու փեսաները, ժամ մը ետքը կրկին եկան ու տարին մեզ ալ. թող չտուին, որ անկողին, վերմակ առնենք հետերնիս... Տիգրանակերտէն մինչեւ հոս եկանք քալելով. ճամբան ոստիկանները առին մեր դրամներն ու ոսկիները, միեւնոյն ատեն փճացուցին գաւակներուս պատիւը, պիտի երթանք եղեր մինչեւ Տէր Զօր, կաղալով-կաղալով թերեւս կարողանանք քալել մէկ-երկու օր ալ, անկից ետքը անապատներու մեջ իյնալով կը մեռնինք:

Երկու օր ետքը մեռաւ մօր գիրկը եղող երկամսանոց տղան:

Զարմանալով կը զարմանայինք, երբ մտիկ կ'ընէինք իրենց զլիսէն անցածդարձը եւ անոնց վրայ ի զործ դրուած կեղեքումներու եւ անզզամութիւններու չափն ու աստիճանը»¹:

Գնդապետ դը Նոգալեսը 1915 թ. հունիսի վերջերին լինում է Տիգրանակերտում և Ուրֆայում:

Տիգրանակերտ-Ուրֆա «ճանապարհների եզրերը լցված էին դիակներով», - զրում է նա: Տիգրանակերտից Սեերեկ ճանապարհին նա հեռվում տեսնում է սև կետեր, մոտենում է: Անթաղ դիակներ էին: Զարդը զեկավարել էր Մ. Ասրմը, իսկ իրականացրել էին ժանդարմները²: Դիակների հոտից նրա ձին ընկրկում է: «Նինարարական վաշտերի հայ զինվորների դիակներն էին: Սվիններով նրանց մարմինները հոշոտված, ծակծկված էին»: Տիգրանակերտի ամբողջ նահանգը, նշում է նա, սպանդանոց էր դարձել:

Կ. Պոլսի զատավարության արձանագրության մեջ (տպված «Takvimi-i Vekai»-ի թիվ 3543 համարում) կարդում ենք. «Սպանաթյունները իրականացվել են Թալեաթ, Զեմալ և էնվեր բեյերի հրամանով ու գիտությամբ»: Դիակները, ծակծկված սվիններով, թափված մնում էին, չնայած դրանք թաղելու մասին մշտապես հրահանգներ էին ստացվում, որպեսզի «անցորդների ուշադրությունը չգրավեին և գիշատիչ կենդանիները և անգղները դիակերության ժամանակ չմատնեին եղենոնի վայրերը»³:

Դը Նոգալեսը 1917 թ. երկրորդ անգամ անցնելով Տիգրանակերտով, նշում է, որ հայերի սպանդից հետո քաղաքը ամայացել էր: Նա ոճիրի հետքերը ոչընչացնելու իշխանությունների միգերի մասին գրում է, որ «մի տևարար գործող

¹ Նետիմ Մ., նշվ. աշխ., էջ 86-89:

² De Nogales, նշվ. աշխ., էջ 149:

³ Ղազարեան Հ., նշվ. աշխ., էջ 383:

Հրահանգ՝ անցորդների ուշադրությունը հրավիրելու և դիակները տեսողությունից հեռու պահելու վերաբերյալ, և որպեսզի գիշատիչ գաղաններն ու թուզունները դիակերության ժամանակ չմատնեին եղեռնի վայրերը»:

Ձեմալ փաշան 1915 թ. հունվարի 1-ին Տիգրանակերտի վալիին հեռագրեց. «Եփրատ գետով հարավ քշված դիակները, հավանական է, ապստամբական շարժման մեջ սպանված հայերի դիակներն են: Դրանց թաղեն ու եղած տեղերում չթողնելն անհրաժեշտ է»: Դրան Ռեշիդը հուլիսի 9-ին պատասխանում է. «Եփրատը մեր վիլայեթի հետ առնչություն չունի, հավանաբար, այդ դիակները դալիս են էրզրումի և Խարբերդի կողմից: Այստեղ ապստամբության ժամանակ սպանվածների դիակները գցում են ամայի վայրերի խոր քարայրները կամ էլ այրում են: Թաղելը բացառվում է»¹:

«Ճեն» թերթը 1915 թ. սեպտեմբերի 6-ին տպագրեց քաղվածքներ թուրք բժշկի օրագրից. «(Զորքերի տեղափոխության) ճանապարհին հանդիպեցինք տասնյակ գետերի, հովհանների, ձորերի, ավերված գյուղերի՝ լեփեցուն կոտորված տղամարդկանց, կանանց, երեխանների դիակներով: Երբեմն՝ փորերը ցից խրված: Սևերեկ գյուղում ... մեկը կաշառել էր ժանդարմին, և սա թույլ էր տվել բանտարկալի կնոջը, որ երեխայի գլուխը զգուշորեն ներս մտցնի լուսամուտի նեղ վանդակից, որպեսզի հայրը կարողանա համբուրել: Այդ պահին հայտնվում է պահակախմբի պետը: Նա հայՀոյեց ստորադրյալներին, բռնեց երեխայի ոտքից և դուրս քաշեց լուսամուտի նեղ վանդակից, կիսամեռ և արյունաշաղախ անելով... Նա մորը ծեծեց մտրակով, իսկ գետնին ընկած երեխային սապոգով դեն շպրտեց:

Դիարբեքիրը, դիկիզիայի մտնելու ժամանակ, կիսով չափ հրկիզված դիակներով լցված էր...»:

Դիարբեքիրի ջարդերի մասին մեծ թվով վկայություններ կան: Ներկայացնենք դրանցից մի քանիսը ևս:

Միակ կաթողիկոսի պատմածով՝ Դիարբեքիրում «նախաքննության ընթացքում երկու տասնյակ հայեր դանակահարությամբ մեռցվել են, տեղի հայեպիսպուր ինքնասպան է եղել»²:

Դիարբեքիրում տեղի ունեցած դատավարությունների մասին Խալիլը Վանգենհայմին ասել է. «Դիարբեքիրի ուազմական դատարանը այս պահին քննում է Դաշնակցության մի շարք առաջնորդների գործը՝ դավադրական գործունեության համար: Ենթադրվում է, որ բոլոր ամբաստանյաները, որոնց շարքերում կան նաև Իթթիհաղի հետ սերտ կապերի մեջ գտնվողներ, մահվան են դատապարտվելու»³:

Հոհենլուկեն գրում է. «Ակսած ամսվա սկզբներից, Դիարբեքիրի վալին՝ Ռեշիդ բեյը, սկսել է իր իրավասության տակ եղած շրջանների քրիստոնյա ժողովին զանազան հնարքներով արմատախիլ անել՝ առանց ցեղի ու ազգության տարբերության: Մասնավորապես տուժել են Մարգինի և Թել էրմենի կա-

¹ Փակագեան Ա., նշվ. աշխ., էջ 43:

² Lepsius J., նշվ. աշխ., էջ 108:

³ Նույն տեղում:

թոլիկ հայերը և քաղղեացի քրիստոնյաները»¹:

Մայոր Վ. Միկուշը, որը Մոսուլից Հալեպ էր հասել 1915 թ. հուլիսի 8-ին, պատմել է. «Մի շաբաթ առաջ քրդերը թել էրմենում և մերձակա մի քանի հայկան զյուղերում կոտորած են սարքել, կործանել են մեծ եկեղեցիներ»: Միկուշը անձամբ տեսել էր 200 դիակ: Երկրապահ զորքին և ոստիկանությանն առնվազն թույլատրել էին մասնակցելու կոտորածին: Մօքինի և թել էրմենի մեջտեղում զորակոչված գնդերը կոտորել ու լրիվ կողոպտել են հայկական զյուղերը և իրենց սպաների հետ մեծ ոգևորությամբ պատճում էին կոտորածի մասին: Զարաքրուտի մոտ հաճախ կարելի է տեսնել իրարու կապված դիակներ՝ թափված գետը²:

Սղերդում (Բիթլիսի վիլայեթ) և Զեղիրեթ իրն Օմարում (Դիարբեքիրի վիլայեթ) ոչնչացվեցին նաև քաղղեացիները, իսկ Մարդինից հյուսիս ընկած շրջաններում՝ բոլոր քրիստոնյաները:

Մարդինում սպանեցին հայ կաթոլիկների առաջնորդ Իգնատիոս Սալոյան արքեպիսկոպոսին՝ իր 700 հավատացյալների հետ միասին³:

Զարդարար հոգեբանության մի արտահայտություն ևս: Բալուի Սակրատ զյուղի տեր Իբրահիմը մի խումբ հայերի թաքցնում է իր տանը, սակայն քիչ անց նրանց լրիվ կողոպտում ու զյուղից վտարում է:

Ահա՝ նաև մի հեռագիր, որ ստացել է Հալեպում Գերմանիայի հյուպատոսը 1915 թ. օգոստոսի 21-ին.

«Պարո՞ն հյուպատոս,

Հալեպում մի կին կա, որն ապրում է ամուսնու եղբոր Ֆաթհուլլահ Օբեզի մոտ, Տիբի թաղամասում: Այդ կինը Դիարբեքիրում է եղել իր ամուսնու՝ Յորկի Օբեզի և նրա եղբոր՝ Նուրի Օբեզի հետ: Այստեղ նա ուներ չորս եղբայր: Երբ Դիարբեքիրում նոր ձեռքերը սկսվեցին, Նուրի Օբեզին իր ընտանիքով թաքնվեց մի բարեկամ աղայի տանը: Թուրքական հյուրընկալությունը համազո՞ր է արաբական հյուրընկալությանը, թե՞ ոչ, այդ չենք կարող ասել, պարզ է միայն այն, որ այդ օրվանից նրանց մասին այլևս որեւէ լուր չկա: Յորկի Օբեզին, կինը, որդին և դուստրը, ինչպես նաև կնոջ չորս եղբայրները, բոլորը հույն կաթոլիկներ, արտազաղթվեցին: Հազիվ դուրս եկան Դիարբեքիրից, Յորկի Օբեզին և չորս երիտասարդներին, ինչպես նաև արու հայերին բաժանեցին կանանցից և տարան մեկ այլ ուղղությամբ, և այլևս այդ կինը որևէ լուր չունեցավ իր ամուսնուց և չորս եղբայրներից: Ճանապարհին Օբեզի կնոջից գաղտնի խոշտանգեցին նրա երկու զավակներին, և ահարկու դժվարություններից հետո միայն նա կարողացավ գտնել իր որդուն, իսկ 8-9 տարեկան աղջիկը անհայտացավ»:

Դիարբեքիրում միայն հայեր չէին բնակվում: Ապա որտե՞ղ են այլազգի մյուս տղամարդիկ: Դժվար չէ այդ իմանալ, եթե հարցնենք տեղի հյուպատոսության ղեկավարին:

¹ Bryce J., նշվ. աշխ., փաստ. № 126:

² Նույն տեղում, էջ 98:

³ Wien, HHSTA PA 209 Konstantinopel, 13 օգոստոսի 1915 թ.:

Յսմանյան մի քրիստոնյա սպա, որը Դիարբեքիրում է և ուզում է անհայտ մնալ, ինձ պատմեց՝ Դիարբեքիրում միայն մեկ հույն քահանա կար, նա էլ սպանվել է, և ոստիկանապետը իրեն ասել է, որ անձամբ ինքն է սպանել:

Ամփոփ լինելու համար ասեմ, որ Հալեպում մեծ թվով կանայք կան բաշխված Համապատասխանաբար քաղղեական, հունական, սիրիական և այլ եկեղեցիների վրա, որոնք առանց ամուսինների են, իսկ որտեղ են տղամարդիկ: Այս մի քանի օրը Մալաթիայից Հալեպ եկած մի մուսուլման առևտրական տեղի իր քրիստոնյա բարեկամներից մեկին, որը ցանկություն է հայտնել զնալ Մալաթիա, պատասխանել է. «Մալաթիայում այլևս որևէ քրիստոնյա չի մնացել»: Այդ շարժումը, եթե սկզբից հակահայկական էր, այլակերպվել, դարձել է հակաքրիստոնեական: Դրանում որևէ կասկած լինել չի կարող, և շատ հեշտ կլիներ համոզվել, եթե հետաքննություն կատարվեր հենց տեղում: Սակայն ո՞ր մի խեղճ քրիստոնյան հանձն կառնի այդ անել:

Գերմանական աղբյուրներում կարելի է գտնել միանգամայն որոշակի պատասխան այն հարցին, թե որո՞նք էին հայկական ցեղասպանության ծրագրողներն ու կազմակերպիչները:

1915 թ. սեպտեմբերի 9-ին Հոլուսայնը Մոսուլից հեռագրով հաղորդում է, որ ըստ Մոսուլի վրայով Զեղիրեկից Բաղդատ եկող թուրքական ջոկատներից ստացված տվյալների, մոտ մեկ շարաթ առաջ քրդերի հրոսակախումբը Դիարբեքիրից Ֆեհթի բեյի կողմանակիցների կողմից նետվում էր Զեղիրե, որոնք տեղական մարմինների թույլտվությամբ և ուղմական ուժի մասնակցությամբ Զեղիրե քաղաքի ամբողջ քրիստոնյա բնակչությանը բնաջնջել են:

Զեղիրեի բնակչությունը 1831 թ. կազմում էր մոտ 10.000 շունչ, որոնցից կեսը մահմեղական (այդ թվում՝ 2000 քուրդ): Մյուս մասը կազմում էին 4750 հայեր...

Այս դեպքը, ինչպես նաև մինչև այժմ հաղորդված իրադարձությունները, Տբապիզոնում և Անկարայում, բացահայտ հակասում են ներքին գործերի նախարարության ցուցմունքներին, որոնք հույս էին ներշնչում, որ հայերի հալածանքը և դրանց հետ կապված անկարգությունները այսուհետև դադարեցվելու էին:

Դրանք, իհարկե, չղաղարեցվեցին, այլ գնալով ավելի ծավալվեցին, մերթընդերթ փոխելով միայն ջարդարար գործողությունների ձևերը: 1915 թ. օգոստոսի 3-ին Հալեպում կազմված մի տեղեկագրում կարդում ենք.

«Ուղղակի հարձակման և ջարդի եղանակը, որ մինչև այժմ գործադրվում էր, ներկայում փոքր ինչ փոփոխված է: Իրենց երկրներից մեծ թվով տղամարդիկ ու տղաներ են տարագրում և նրանց ոչնչացնում են ճանապարհին, նրանց հետեւ տանելու համար կանանց ու երեխաներին»: Բոլոր «ճամփորդներն ընդհանրապես նույն բանն են ասում, թե տղամարդիկ սպանված էին, թե բագմաթիվ դիակներ ճանապարհի երկարությամբ էին մնացել կամ ճոճվում էին զետի ջրերի վրա, թե երիտասարդ կանայք, աղջիկները և մանուկները նրանց ուղեկցող ժանդարմների կողմից հանձնված են քրդերին և թե այդ նույն ժանդարմներն ու քրդերը անլուր ոճիրներ են գործադրել: Օգոստոսի 2-ին Հալեպ հասան շուրջ 800 միջին տարիքի կանայք, ծերեր և 10 տարեկանից փոքր

Երեխաներ: Տիգրանակերտից ոտով էին զալիս, ամենաթշվառ վիճակում, 45 օր քայլուց հետո: Սրանք պատմում էին, որ բոլոր աղջիկներին ու երիտասարդ կանանց քրդերն առևանգել էին, թե իրենց ամբողջ դրամն ու մնացած ունեցվածքը կողոպտված էին... Նրանց թշվառ վիճակը իրենց պայմանների անտույգության երաշխիքն էր:

Տեղեկացած, թե Սղերդից 4700 հոգի Ռաս ուլ-Այն են ուղարկված, ավելի քան 2000-ը՝ Մեղրեից Տիգրանակերտ, թե Բաղեշի, Մարդինի, Մոսուլի, Սևերեկի, Մալաթիայի, Բեհեսնիի և այլ քաղաքների հայերը տեղահանված էին, թե տղամարդիկ, երիտասարդներ և շատ կանայք սպանված են, իսկ մնացածներն էլ երկրում ցաք ու ցրիվ են արված...

Երեխաները հաճախ էին վաճառվում, որպեսզի քաղցից չմեռնեն, քանի որ կառավարությունն ապրելու համար նրանց բան չէր տալիս¹:

Դիարբեքիրը վերածվեց մահմեղական ցեղերի ընդունման ու դրանց Արևմտյան Հայաստան և Կիլիկիա ուղարկելու կենտրոնի: Գաղթականության գրասենյակի տնօրեն Արդուլահազ Նուրին տեղափոխվել էր Դիարբեքիր և անձամբ էր բաշխում այդ գաղթականներին ըստ նահանգների: Հոկտեմբերի 12-ին նա ծածկագրեց, որ Դիարբեքիրից Սևերեկի ուղղությամբ ուղարկված է 1139 գաղթական, իսկ հայդարանցիներից 1200 հոգի հասան Դիարբեքիր: «Արձանագրվածը կատարվում է»: Ա. Նուրին հոկտեմբերի 20-ին ծածկագրեց, որ Ուրֆա ուղարկվեց 1520 հոգի, այստեղ են ուղարկվում նաև Սիլվանում բնակող հայդարանցի, ջիբրանցի և շուլեցի աշխրեթները: Հոկտեմբերի 25-ին՝ «Ռաս ուլ-Այնից 2613 քուրդ մուհաջիրներ 1534 ընտանի կենդանիներով ուղարկվում են Թել Արիադ: Ուրֆա ուղարկեցինք 3207, Խարբերդ՝ 1974, Սիլվան՝ 1915, Սևերեկ՝ 3592, Մարդին՝ 1257 քուրդ: Հոկտեմբերի 31-ին տեղյակ պահպեց, որ Ուրֆա ուղարկված քրդերի կեսը տեղափորված են տներում (հայերի), իսկ մյուսները վրանների տակ են»²:

Ներքին գործերի նախարարության Մուհաջիրների և աշխրեթների տեղաբաշխման բաժնի, որն ուներ իր օղակները գավառներում, 1915 թ. հունիսի 10-ի հրահանգը պահանջում էր հայերի տներում տեղափորել մուհաջիրներին, թուրք և քուրդ աշխրեթներին: Նույնիսկ այդ իրականացնելու կանոնադրություն կազմվեց: Հուլիսի 29-ի հրահանգում պահանջվում էր արևմուտքից արևելք ուղարկելիք մուհաջիրներին կենտրոնացնել Անկարայի վիլայեթում և ուղարկել Սերաստիայի, Կեսարիայի, Խարբերդի բնակավայրերը, նաև՝ Կոնիայում՝ Աղանա և Դիարբեքիր ուղարկելու համար:

Աբդուլահազ Նուրին կազմակերպում էր հայերի կոտորածները, իսկ 1916-ից՝ նաև նրանց տներում մահմեղականներ տեղափորում:

Դիարբեքիրի գաղթականների գրասենյակի ընդհանուր տնօրեն Շաքիրը

¹ (Լեփիսիուս Յո., Հայկական ջարդերը): Տոքթ, Եռհաննէս Լեփիսիուսի տեղեկագիրը, Կ. Պոլիս, 1919, էջ 25:

² Ղազարեան Հ., նշվ. աշխ., էջ 206:

1916 թ. օգոստոսի 14-ին Հաղորդում է ՆԳ նախարարությանը. «Մինչև հիմա Դիարբեքիր են Հասել 40000 զաղթականներ, որոնցից 25 հազ. ... ուղարկված են Կենտրոնական Անառողիա: 12 հազարին տեղափորել են Դիարբեքիր քաղաքում և շրջակա գյուղերում: 4000-5000 քրդեր քշվել են:

Մարտ ամին տեղ Հասած 20 հազարից 9000-ը տեղափորվել են Դիարբեքիրի սանջակում, 10.000 ուղարկվելու են... Հարավում աշխրեթների թիվը 100 հազարից շատ է... Նրանց տեղաբաշխման և մնադի հարցը պետք է լուծվի:

Ծածկագիր Խարբերդից՝ 25.08.1916. «Խարբերդի սանջակում 5000 զաղթական կա, որոնցից 3000-ը՝ քուրդ... Նրանց կեսը տեղափորված է շրջակա գյուղերում: Մյուսներն... ուղարկվել են նշանակված վայրերը»¹:

Արդուահաղ Նուրիի 1916 թ. հոկտեմբերի 16-ի ծածկագիրը ՆԳ նախարարությանը. «3533 զաղթականներից 200-ը հասավ Ռաս ուլ-Այն: Սևերեկի ճանապարհով ուղարկվեցին 1139-ը: Հայդարանլի աշխրեթից 1200 հոգի հասան Դիարբեքիր»: Զորս օր անց, հեռագրից. «Այս առավոտ Դիարբեքիրից դեպի Ուրֆա ուղարկվեց 1526 հոգի: Սիլվանում բնակվող հայդարանլը, Ջիբրանլը և շուլեցի աշխրեթները ուղարկվեցին ևս դեպի Խառան: Նրանց պետերը ... պետք է բնակեցվեն Ուրֆայում»:

Հոկտեմբերի 31-ին՝ «Հոկտեմբերի վերջին կեսին Ռաս ուլ-Այնից 2615 քուրդ մուհաջիրներ, 1554 անսառններով, թել Արփադ են ուղարկվել, որտեղ նրանց թիվը հասել է 4487-ի: Ներկայումս Ուրֆա ուղարկվել են (քրդեր) 6207, Խարբերդ՝ 1974. Սևիլվան՝ 1915. Սևերեկ՝ 3592, Մարդին՝ 1257»: 1916 թ. հոկտեմբերի 1-ին հեռագրեց. «Սավուրից (Մարդինի հյուսիս) ... 6000 հոգի (քուրդ) ուղարկվել է դեպի Ռաս ուլ-Այն»: Երեք օր անց. «Սևիլվանում եղած 5300 ջիբրանցիներ ուղարկվեցին Դիարբեքիրի ուղղությամբ»: Դեկտեմբերի 7-ին՝ «Քանի որ Խառանը լցված է, այսուհետև (քրդերի) քարավանները ուղարկել Արար Փունար: Մարդինից մինչև օրս ուղարկված է 10945 հոգի»:

Դեկտեմբերի 9-ի հեռագիրը Դիարբեքիրից. «Վան, Բիթլիս, Էրզրում վիլայեթներից և մերձակայքներից, սկսած 1915 թ. հուլիսից այս նահանգը (Դիարբեքիր) մտել է 158418 հոգի: Նրանցից 46003-ը ուղարկված են, 12415-ին միայն սնունդ է տրվում»: Հինգ օր անց Զեղեթը հեռագրեց. «1062 ընտանիք՝ 6441 հոգի, ուղարկվեց Սևերեկի ճանապարհով»: Ա. Նուրին 1916 թ. նոյեմբերի 16-ին հրահանգեց. «Մինչև հիմա Խառանում տեղափորված է 13422 հոգի: Սրանից հետո եկածներին պետք է տեղափորել Սուրուջի և Բիրեջիկի կազաներում»: «1916 թ. նոյեմբերի 13-ին Դիարբեքիրից 1983 և նոյեմբերի 14-ին 1057 քրդեր ուղարկվեցին Ուրֆա»: 1916 թ. հոկտեմբերի 15-ի տվյալներով՝ միայն միկան աշխրեթից Դիարբեքիր հասել էր 100400 մարդ²:

Իշխանությունները շարժման մեջ դնելով քրդերի նման վիթխարի զանգվածներ տագնապում էր, որ հայերին հաշվեհարդարի ենթարկելուց հետո այդ աշխրեթները կարող էին գենքը շուր տալ իրենց դեմ: 1916 թ. դեկտեմբերի

¹ Հազարեան Հ., նշվ. աշխ., էջ 206:

² Նոյեմբերում, էջ 209:

10-ին ՆԳ նախարարության անունից հրահանգեցին. «...Զմոռանաք աշխրեթ-ներում եղած զենքերը հավաքել, քրդերին զինաթափել»¹:

Ա. Ճեպեճյանը 1917 թ. մարտին լինում է Դիարբեքիրում: Նա օրագրում է. «Ճամբուն ականատես եղայ սիրտ ճալող տեսարաններու, ամեն տեղ հայերու ուկորներ... Տիգրանակերտն ալ աւերուած է ուրիշ կեղրոններու յար ու նման: Ամեն տեղ փլատակ»: Քաղաքից դուրս նույնպես «անթիւ ողբալի դէպքեր լսեցի»: Սևերեկի ճանապարհին «անհամար քիւրտ զաղթականներու հանդիպեցանք»²:

Այդպես էր. հայերին զանգվածներով ոչնչացնում էին և նրանց ուկորների վրայով քրդերին բերում բնակություն հաստատելու հայերի բնակավայրերում, նրանց տներում, տեր դառնալու նրանց կայքին և ունեցվածքին:

* * *

Մեծ եղեռնի իրադարձությունները ներկայացնելու համար հաճախ ենք դիմել Ֆայեզ Էլ-Ղուսեյնի օգնությանը, որովհետև հանդիսանում է այդ իրադարձությունների ժամանակակիցը, ականատեսն ու օբյեկտիվ գնահատողը:

Ո՞վ էր նա:

Ազգությամբ արար էր, բարձրագույն կրթությամբ, զբաղվել է ուսուցչությամբ, տարբեր պաշտոններ վարել, եղել է Խարբերդի նահանգի կառավարիչ:

Երբ սկսում է պատերազմը՝ նրան ձերբակալում են մեղադրելով, որ Լիբանանում գաղտնի կազմակերպություն է ստեղծել և ձգտում է ապստամբության միջոցով հասնել արարների անկախության:

Չնայած այս մեղադրանքը չի հաստատվում, բայց այդ ջեմալ փաշային չի խանգարում նրան աքսորելու Դիարբեքիր: Ահա աքսորի այս ճանապարհին Էլ-Ղուսեյնն ականատես է լինում Հայերի ցեղասպանությանը և հետագայում իր տեսածն ու լսածը հրատարակում է առանձին գրքով, որը 1917 թ. լույս տեսավ Բոմբեյում «*Temoignage d'un Arabe Musulman sur l'innocence et le Massacre des Arméniens*» խորագրով, որը Հայերեն թարգմանել են Գ. Պասմաճյանը «Հերոսական Հայութեան անցյալէն. Զարդերը Հայաստանի մէջ» (Գահիրէ, 1960) և Բ. Կիրակոսյանը «Մարտիրոսուած Հայաստան» (Նոր Ջուղա, 1920) վերնագրերով:

Գիրքը նախնական անունով՝ «Մի արար մահմեղականի վկայությունը Հայերի անմեղության և կոտորածների վերաբերյալ», 1917-1918 թվերին լույս էր տեսել ոչ միայն անգլերեն, այլև ֆրանսերեն ու գերմաներեն:

Նախարանում կարդում ենք. «Երբ ավարտվի պատերազմը, այս գրքի ընթերցողները կհամոզվեն, որ ես գրել եմ ճշմարտությունը և որ այս պատմու-

¹ Ղազարեան Հ., նշվ. աշխ., էջ 206:

² «Բժիշկ Ա. Ճեպեճեանի...», էջ 76-77:

թյունը լոկ փոքր մասն է դժբախտ հայ ժողովրդի հանդեպ կատարված չարագործությունների»¹:

Նա Դիարբեքիրում մնաց վեց ամիս: «Այնտեղ,- պատմում է Էլ-Ղուսեյնը,- ես ինք տեսա կամ լսեցի վստահելի աղբյուրներից այն ամենը, ինչ կատարվել էր հայերի հետ»: Դեպի Դիարբեքիր ճանապարհին մեղ միացրին հինգ հայ կրոնավորների, որոնք պատմեցին, թե իրենց էրդրումից հանեցին և ոստիկանների ուղեկցությամբ «տարան անապատներով, թողնելով առանց ջրի: Ծննդարերող կանայք հարկադրված էին նորածիններին թողնել անմարդաբնակ վայրերում՝ բախտի քմահաճույքին: Մի քանիսին Էլ մայրական սերը թույլ չէր տալիս բաժանվելու իր երեխաններից և նրանք միասին կործանվեցին անապատում»²:

Ուրֆայի մոտերքում հանդիպեցինք ոստիկանների ուղեկցությամբ ընթացող հայ կանանց քարավանին: «Եթե կանանցից որեէ մեկը ուժասպառ ետ էր ընկնում, ոստիկանները նրան ծեծում էին խզակոթով ու հարկադրում հասնելու քարավանին: Իսկ հիվանդությունից անուժ դարձողներին թողնում էին միայնակ, ճանապարհին, որպեսզի վայրի գագանների բաժին դառնային կամ ոստիկանները այդպիսիններին գնդակահարում էին»:

Ուրֆայից վեց ժամ հեռավորության վրա գտնվող մի վայրում Էլ-Ղուսեյնը նկատում է գետնին պառկած կիսամերկ կնոջ՝ կապկպված, արյունոտ հագուստներով: Կնոջ կրծքին երեսում էին չորս գնդակների արյունոտ հետքեր: Երբ Էլ-Ղուսեյնը ցնցված ետ է շրջկում, տեսնում է մի ութ տարեկան տղայի գանգը կացինով երկու մասի բաժանված: Սևերիկ տանող ճանապարհի երկու կողմերը ծածկված էին դիակներով, որոնց մի մասը արևի տակ երկար մնալով սեացել, ածխի գույն էր ստացել: Մեծ թիվ էին կազմում երեխանների դիակները: Սևերեկից Դիարբեքիր տանող ճանապարհին հանդիպում են բոնագաղթվող հայ կանանց քարավանի: Կանանց վիճակն այնպիսին էր, որ ինչպես Էլ-Ղուսեյնն է նկատում, «նույնիսկ գագանի խղճահարությունը կառաջացներ»:

Էլ-Ղուսեյնը արդարացի հարցեր է առաջադրում. «Ի՞նչ հանցագործություն են կատարել այս կանայք: Մի՞թե նրանք պատերազմել են թուրքերի զեմ և կամ սպանել են նրանցից գոնե մեկին: Ո՞րն է այս անպաշտապան էակների հանցագործությունը: Նրանց միակ մեղքը այն է, որ հայ էին, որոնց համար այս աշխարհում իրական են միայն գործն ու տնտեսությունը, նրանք դաստիարակում էին իրենց երեխաններին և երբեք ուրիշ բանով չեն զբաղվել, բացի իրենց ամուսինների ու որդիների համար ընտանեկան հաճելի պայմաններ ստեղծելուց...»:

Դիարբեքիրի մոտերքում «ամենուրեք դիակներ էին. այստեղ՝ կրծքից գնդակահարված տղամարդ, այնտեղ հոշոտված մարմնով կին, կողքին՝ հավերժ քնած երեխա, քիչ հեռուն՝ ձեռքերով իր ամօթը փակած մերկ աղջիկ»: ԿարաՓունար կամրջին հասնելով «մենք տեսանք լրիվ այրված դիակներ: Միայն Աստծուն է հայտնի թե քանի՞ պատանիներ ու աղջիկներ են այստեղ կենդանի այրվել, որպեսզի թաքցվեն թուրքական դաժանությունները»:

Ֆայեղ Էլ-Ղուսեյնին բանտում մի թուրք ոստիկան պատմել է, թե ինչպես

¹ Էլ-Ղուսեյն Ֆ., նշվ. աշխ., էջ 3-4:

² Նույն տեղում, էջ 6:

ինքը հայերից «բազմաթիւ անձեր ջարդած է, եւ ըստ մեղի՝ որ անոնցմէ ոմանք քարանձաւի մէջ ապաստանած ըլլալով քաղաքին սահմաններէն դուրս, ինքը գտած էր այս պատսպարանը, զանոնք դուրս հաներ տուաւ և այդ դժբախտներն երկու հոգի սպաննեց:

Իր բարեկամը չկրցաւ ինքինք զապել հարցնելու.

- Ուրեմն չես վախենար Աստուծմէ, ո՞ր օրէնքով կը համարձակիս սպաննել էակներ, զորս Աստուած կ'արգիլէ սպաննել:

- Սուլթանին մէկ հրամանն է,- պատասխանեց ան,- եւ սուլթանի հրամանը Աստուծոյ հրամանն է, ու այս հրամանը գործադրելը պարտականութիւն մըն է»¹:

Քշվում են հայերը, իսկ 1-3 տարեկան երեխանները հավաքվում են և տարվում Տիգրիսի ափը, և «ողջ-ողջ բոլորին բոնելով ոտքերից, ձեռքերից կամ գլուխներից չպրտում զետի մեջ: Ուրիշ հարյուրավոր որբերի տանում էին Գառադաշ, քաղաքից 1.5 ժամ հեռավորության վրա մի գյուղ, և այնտեղ նրանց երկու մասի էին բաժանում, կտոր-կտոր անում, շատ որբերի նետում էին կատաղած շների առաջ, որոնք նրանց հոչոտում էին: Իսկ զազանաբարո սրիկանները հրճվում էին դիտելով այս տեսարանը»:

Այդ կապակցությամբ Նայիմ բեյը գրում է. «Նրանց մահը տեսնելը դժվար բան էր, բայց անսահման սրտակեղեք տեսարան էր, երբ շները անդամահատում էին երեխանների դիտակները:

Նրանք Սվաղի, Դիարբեքիրի և Խարբերդի դժբախտ հայերի մնացորդներն էին: Երբ հասան իրենց համար որոշված աքսորավայրեր՝ հազիվ 100-150 կանայք ու երեխաններ էին մնացել յուրաքանչյուր քարավանից, որ նշանակում էր, թե նրանք կտորվել էին ճանապարհին:

Հրաշքով ազատված Սիրանույշ Տատոյանը, որ այն ժամանակ 14 տարեկան է եղել, գրում է, որ երբ հասել են անապատ՝ «երեկոյան բացօդյա իջևանեցինք, մայրերը իրենց երեխաններին հավաքած արթուն հսկում էին: Մութի մեջ մի ոստիկանի խոպոտ ձայն լսվեց, մի աղջնակի սուր ճիչ և ամեն ինչ մի քանի բոպեից լոռում էր: Եվ այդպես շարունակ... Առավոտյան մայրերի արցունքու պատմությունը՝ աղջիկները չկային, և մենք ճանապարհ էինք հանվում քայլելու դեպի խորքերը, դեպի Մարդին»:

«Տիգրանակերտի նահանգում զոհվեց 81 հազար հայ», - գրում է Էլ-Ղուսեյնը:

«Թուրքերը հավաքել էին բոլոր զինապարտ հայերին, - շարունակում է արաք վկան, - և նրանց բաժանել տարբեր գնդերի վրա: Երբ կառավարությունը որոշում ընդունեց բոլոր հայերին զաղթեցնելու և ոչնչացնելու մասին, հրաման ստացվեց ստեղծել առանձին հայկական գումարտակներ, և դրանք ուղարկել ճանապարհներ կառուցելու և քաղաքի ներախ աշխատանքները կատարելու համար»... Ութ ամիս անց այդ գումարտակները բոլոր տեղերից ուղարկվեցին Դիարբեքիր: Բայց դեռ քաղաքին չհասած՝ նրանց դեմ դուրս եկան լավ զինված ոստիկաններ ու բոլորին ոչնչացրին: Այդպիսով Դիարբեքիրի պարիսպների

¹ «Յուշամատեան Մեծ Եղեռնի», էջ 415:

տակ ոչնչացվեցին տասնյակ հազարավոր երիտասարդ հայեր»:

Մի արար էլ-Ղուսեյնին պատմել է, թե թուրքերը Դեր Զորի մոտերքում ինչպես մերկացրին մի հայ կնոջ ու տիրացան նրա հագուստին: Մի այլ հայ կին երեխան ձեռքին հաց էր մուրում: Բայց որևէ մեկը նրան հաց չէր տալիս: Զգալով, որ մահը մոտ է, կինը երեխային թողեց շուկայի հրապարակում, իսկ ինքը նետվեց Եփրատի ջրերի մեջ:

Էլ-Ղուսեյնի հաշվումներով՝ ջարդերին գոհ գնաց 1.2 մլն հայ:

«Հայոց ոչնչացումն ետք, կառավարութիւնը ձեռք դրաւ անոնց բոլոր ինչ-քերուն վրայ,- պատմում է էլ-Ղուսեյնը,- զորս կրցան գտնել անոնց բնակարաններուն եւ խանութներուն մէջ: Ամբողջն ալ ցուցակագրուեցան եկեղեցիներու կամ մեծ բնակարաններու մէջ, եւ յանձնախումբեր կազմուեցան՝ վարելու համար այն իրեղէններու վաճառումը, ինչպես կը ծախեն վաճառական անձի մը գոյքերը, միայն այն տարբերութեամբ, որ այս ինչքերուն արժէքը սովորապէս իր ժառանգներուն կը յանձնուի, մինչ հոս հայոց փոխարժէքը թուրք գանձարան կը փոխանցուի:

Վաճառումը աներեւակայելի գիներով եղաւ. գեղեցիկ գորգ մը, որ կրնար արժել մօտաւորապէս 30 ոսկի՝ աճուրդի գրուած էր 5 ոսկիի: Այնուհետև գեղարուեստները կը տրուէին գրեթէ ոչինչ գիներով:

... Օր մը եկեղեցի գացի անձնապէս տեսնելու համար այն ձեւը, որով կը վաճառէին հայոց ինչքերը... Տեսարան մըն էր, որմէ պէտք է խուսափած ըլլայի, որովհետեւ մարդուն սիրտը կը ճմլուի ցաւէ...

Ո՞վ կրնայ նկարագրել այն զգացումները, որոնք հանդիսատեսի մը սիրտը կը ճմլեն, երբ կը մտաբերէ այս դժբախտ եւ հերոս ազգը, որ զարմացուց աշխարհը իր արիութեամբ եւ քաջասրտութեամբ, որ երէկ տակաւին, ամենէն աշխոյժը եւ ամենէն յառաջադիմականն էր այն ազգերէն, որոնք Օսմանեան կայսրութեան մեջ կը բնակին, մինչդեռ այսօր՝ անցեալի յիշատակն են միայն: Իր վարժարանները, որոնք անցեալին դպրոցականներով լեցուն էին, այժմ ամայի են: Ամենէն արժէքաւոր գիրքերը նպարավաճառներուն պանիր փաթթելու կը ծառայեն: Ֆրանսերէն 30 հատորներ յիսնեակ մը զուրուշներու ծախուեցան: Ականատես եղայ հայկական եկեղեցիներու զանգակատուններու վրայէն խաչերու վերացուելուն: Եկեղեցիները պահեստանոցներու կամ վաճառման սրահներու կը վերածուէին»¹:

Այստեղ մի ճշգրտում, հայերի ունեցվածքի կողոպուտը, այն էլ զանգվածային կողոպուտը, սկսվել էր շատ վաղ, քան նրանց բնաջնջումը:

Լոնդոնում հրատարակվող «Արարատը» դեռ 1914 թ. սեպտեմբերին գրեց. «Տեղական իշխանութիւնները ճամբորդական նպատակներու համար բռնագրաւեցին բոլոր կենդանիները (ձիեր, ջորիներ, եղներ ու ցուլեր)՝ բոլոր նահանգին մէջ, ինչպես նաև կառքերն ու սայլերը, առանց բացառութեան... Գրեթէ ամեն տեղ՝ իրենց դաշտային գործին համար գիւղացիներուն մնաց ոչ իսկ զոյգ մը լծկան»²:

¹ «Յուշամատեան Մեծ Եղեռնի», էջ 418-419:

² Նույն տեղում, էջ 445:

Էլ-Ղուսեյնը ուսումնասիրել էր նաև թուրքական այն թեղի ճշմարտացիությունը, թե իրենք հայերին սպանեցին, որովհետև նրանք ուզում էին ապատամբել ու անկախանալ, որ մասնավորապես Վան քաղաքում իրենց ձեռքն էին ընկել այդ հաստատող փաստաթղթեր: Պարզվում է,- գրում է Ղուսեյնը,- որ դա հերցուրանք է, կառավարությունը բնակիչներին հրամայել է հեռանալ քաղաքից շատ ավելի վաղ, քան ոռուսների մուտքը կամ անգամ մի թուրքի սպանվելը: Իշխանությունները պահանջեցին, որպեսզի հայերը հանձնեն զենքերը, բայց վերջիններս հրաժարվեցին՝ վախենալով նույն այդ իշխանությունների հարձակումից... Ինչ վերաբերում է Դիարբեքիրին, ապա «այնտեղ ոչ մի դեպք, ոչ մի սպանություն կամ անդորրի խանգարում չի եղել, ինչը կարողանար թուրքական կառավարության համար պատրվակ դառնալ հայերի դեմ գաղանություններ կատարելու համար...»:

Էլ-Ղուսեյնի գիրքը ավարտվում է հետևյալ խոսքերով՝ ինքը «նախ և առաջ նպատակ է հետապնդում մերմելու բոլոր այն մեղաղբանքները, որոնք կարող են հարուցվել իսլամի դեմ և ապացուցել, որ հայերի հանդեպ իրականացված դաժանությունների պատասխանատվությունն ընկնում է «Միություն և առաջադիմություն» կոմիտեի անդամների վրա...»:

Վերջում,- գրում է նա,- ես դիմում եմ եվրոպական պետություններին և Հայտարարում եմ, որ նրանք թուրքական կառավարությանը խրախուսեցին, որովհետև իմանալով թուրքական վարչակազմի հիմարությունների և թուրքերի կողմից բազմից կատարված հանցագործությունների մասին, այդ տերությունները նրանց չխանգարեցին...»¹:

Ինչ վերաբերում է գերմանացիների վարքագծին, ապա արտահայտությունն էր Մարդինիում կատարված հետևյալ դեպքը: Մի քուրդ աշխրեթապետ առևանգում է Արուսյանների համբավավոր ու հարուստ տան դատերը, որը փրկվելու ակնկալիքով դիմում է գերմանական գնդապետի օգնությանը: Վերջինս համաձայնվում է օգնել, եթե համաձայնվի դառնալ իր սիրուհին: Աղջիկը մերժում է և գնդապետի երեսին շպրտում. «Նախամեծար կը համարիմ ըլլալու կրթութիւն չունեցող մարդասպան քիւրտի մը կինը, քան թէ զարգացած հազարապետի մը հոմանուհին»: Եվ հերոսական մահով մը վերջ կու տայ իւր կեանքին»²:

¹ Էլ-Ղուսեյն Ֆ., նշվ. աշխա. էջ 43-44:

² «Յուշամատեան Մեծ Եղեռնի», էջ 417:

ԲԻԹԼԻՍԻ - ԲԱՂԵՇԻ ՆԱՀԱՆԳ

Բիթլիսի վիլայեթը զբաղեցնում էր 22.000 քառ. կիլոմետր տարածություն, ուներ շուրջ 660 բնակավայր, որոնցում բնակվում էր 216.000 հայ: Վիլայեթը կազմված էր չորս սանջակներից՝ Բիթլիս, Մուշ, Սղերդ, Խիզան:

Թե՛ Տարոնում ու Սասունում և թե՛ Սալնո ձորում, չնայած անցած տասն-ամյակներին ունեցած մեծ կորուստներին, հայերը շարունակում էին մնալ մեծամասնություն: Նրանք կազմում էին Տարոնի բնակչության 60 տոկոսը, Բուլանըսի՝ 65 տոկոսը, Ախլաթի՝ 55 տոկոսը, Սասունի՝ 50 տոկոսը: Հայերը մեծամասնություն էին կազմում նաև Դատվանի, Տատիկի, Աղնվաձորի գյուղախմբերում:

Լեփսիոսի տվյալներով, որոնք տեղ են գտել նաև պատմագիտական մի շարք աշխատություններում, Բաղեշի նահանգից փրկվել էր միայն 2000 հայ, որն, իհարկե, ճիշտ չէ: Երբ Անդրանիկը մտավ Բիթլիս, Սասունից իջավ 4000-5000 հայ: Իսկ զրանք Սասունում ապաստանած բոլոր հայերը չէին: Անհնար է համաձայնվել, որ Մշո սանջակի բոլոր հայերը ոչնչացվել էին: Տարոնաբնակ 15.000 հայեր անցան սահմանը և ներկայումս բնակվում են թե՛ Հայաստանի Հանրապետությունում և թե՛ մի շարք օտար երկրներում:

Հանրի Բարբին գրում է. «Բիթլիսի, Մուշի և Սասունի շրջաններում բնակվում էր մոտ 160.000 հայ, այժմ նրանց թիվը 10.000-ի չի հասնում: Հիմնականում կանայք ու երեխաներ են, որոնք թշվառ ու ողբերգական վիճակում են... կենդանի են մնացել նաև մի քանի տղամարդ, որոնք ստրկական վիճակում են քրդերի մոտ»¹:

Սահմանադրության հոչակմանը հաջորդած կարճատև խաղաղ շրջանն իր բարերար ազդեցությունն ունեցավ նաև Սալնո ձորի, Ախլաթի, Տարոն-Տուրուբերանի հայ բնակչության վիճակի վրա: Սակայն աշխարհամարտի առաջին օրերից վերականգնվեցին խստությունները, որոնք վայել էին «արդուհամիղյան» կոչվելու: Զորահավաքն այնպիսի էությամբ տարվեց, որ պատերազմական շունչն անմիջապես տիրապետող դարձավ: Այն ուղեկցվում էր կամայականություններով ու ամեն տեսակի բռնարարքներով: Հենց սկզբից զորակոչվածներին համակեց զգացողություն, որ իրենց տանում էին ոչ թե ուազմածակատ կովելու, այլ թիկունքից խփվելու համար, որ զորահավաքը այլ բան չէր, եթե ոչ հայությանը հաշվեհարդարի ենթարկելու միջոց: Հայի համար՝ թուրքական բանակը սպանդանոց էր:

¹ Բարբի Ա., նշվ. աշխ., էջ 47-48:

Զի կարելի ասել, թե Հայ քաղաքական գործիչները չեին զգում զորակոչի և զինաթափման վտանգավոր հետևանքները, բայց, ինչպես Հրազ Տասնապետյանն է նկատում, երևակայել անգամ չեին կարող, որ այդ վտանգը լինելու է բնաջնջումը: Թերևս նաև դա դեր խաղաց նրանց ակնհայտ անհոգության և անփութության մեջ: Թեև արար զինվորները չնչին գներով զենքեր էին վաճառում, Տարոնի Հայերը Մեծ եղեռն գնացին գրեթե անզեն: Դա մի ժամանակ, երբ քրդերը լրիվ զինված էին, համախմբված համբղիե գնդերում և ենթակա Կ. Պոլսից ստացված գաղտնի հրահանգներին՝ հալածել, մաշեցնել, հյուծել Հայերին:

Բաղեշի վալի Մ. Արդուլսալիկը, Մշո մուժեսարիփ Սերվեթը և օսմանյան խորհրդարանի անդամ Հաջի Իլիհասն էին զինավորում նահանգի Հայ բնակչությունը ոչնչացնելու նախապատրաստական աշխատանքները:

Գեղամ Տեր-Կարապետյանն այս առիթով գրում է. «Էրզրումի նման, Տարօնին ալ բնաջնջման սեւ թակարդը կանուխէն սկսեր էին լարել: ՆԳ նախարարի երկու վաստօժանդակները՝ Պիթլիսի Կուսակալ Ապտիլ-Խալիք, Մշու կառավարիչ Սերվեթ՝ Հոն էին: Հոն կը հասնէին 1914-ի սեպտեմբերի վերջերը, Մշոյ մեպուս (խորհրդարանական), Հոճա-Իլիհաս, Կէնճի մեպուս՝ Մեհմէտ, որոնք նոյն Թալէաթ պէյի մտերիմներն էին եւ արդէն էրզրումի մէջ Պ. Շաքիրէն ընդուներ էին հայաջինջ չեթէներու հրահանգները...»¹:

Զորահավաքը կազմակերպվում էր ժողովրդին սարսափեցնող միջնորդում: Օրը «մի քանի անգամ թմբուկը փողոցները կ'այցելէ՝ զարհուրանքի մէջ պահելու համար սարսափահար ժողովուրդը»²:

Զորահավաքից խոյս տալու ցանկություն ունեցողների թիվն ավելի քան շատ էր: Մարդկանց համար խորթ էին պատերազմի նպատակներն ու կովելու անհրաժեշտությունը, բայց դասալքողները քիչ էին, որովհետեւ դրա համար դաժան հաշվեհարդարի էին ենթարկվում նրանց ընտանիքները: «Ու ահա ամբողջ Տարօնը զորանօց դարձած, բոլոր տուներն իրենց չափահաս արուներէն զրկուած»³: Եթե զորակոչվում էին մինչև 50 տարեկան հայ տղամարդիկ, ապա զինապարտ էին համարվում միայն մինչև 31 տարեկան մահմեղականները:

«18-50 տարեկան պարտաւորիչ զինուրացու են, - զրում է ժամանակակից և ականատես Մ. Բարիխանը, - 5-10 ոստիկաններ կը խուժէին գիւղերը, դասակարգի բաժանուած անուանացանկ մը կը ներկայացնէին... Ոստիկանները տեղաւորուեցան սաքուները: Եւ հրամանները. անկողինները մաքուր ըլլան, կերակուրները հաւի միսէ պատրաստուած, ձիերու համար առույտ ու զարի, այս բոլորը ձրի: Եթէ բան մը պակաս գտնեն, վայ եկեր է գիւղացիի զինուն»: Զինակոչիկները «զառան նման հու կու զան ու կը յանձնուին: Նախ ծեծ մը քաշելով, իրեւ բանտարկեալներ կը փակեն ախոռի մը մէջ»: Սպառնում էին. «Քեափիրնե՛ր, ձեր երեսէն այս պատերազմը կը քաշենք»⁴:

¹ Սասունի Կ., նշվ. աշխ., էջ 842:

² Նույն տեղում, էջ 720:

³ Նույն տեղում:

⁴ Տե՛ս «Յառաջ» թերթում Մ. Բարիխանի «Քանա լեռ, 1914-ի ընդհանուր պատերազմը» վերնագրված հոդվածը:

Ուստիկանները շահագրգոված չեին, որ հայր բանակ մեկներ: Ուստի զորակոչը չարաշահում էին շորթումների համար: Նրանք զորակոչվածների մոտ եղած դրամը, իրերն ու հագուստեղենը վերցնում էին և նրանց ազատ արձակում, իսկ հրամանատարությանն ասում, թե իրենց քնած ժամանակ հայ զինակոչիկները փախել էին: Պատմում է հրաշքով փրկված հայ զինվորը. «Մենք 250-300 հոգի էինք, որոնք զինաթափիկելուց հետո զրադկում էին շինարարությունով: Այդ աշխատանքների ամբողջ ընթացքում մենք ամեն օր համոզվում էինք, որ հանձնված էինք թուրք զինվորների կամայականությանը: Մեզ այնքան սնունդ էին տալիս, որ հազիվ էինք կարողանում գոյություն քարչ տալ: Դրա փոխարեն պահանջում էին բարձր արտադրողական աշխատանք, իսկ ճիպոտն ու խզակոթը հարկադրում էին մեզ գործադրելու վերջին ուժերը: Աշխատանքն ավարտելուց հետո մեզ կապեցին չորսական հոգով, շարքի կանգնեցրեցին, տարան կիրճ և հարկադրեցին պպղել մեջք-մեջքի տված: Լեռան այդ լանջը ... շրջափակվել էր զինվորներով, ժանդարմներով և քրդերով, որոնք մեր վրա կրակ բացեցին»¹:

Եղիշե քհ. Պարսամյանն իր հուշերում հանգամանալից անդրադառնում է զորահավաքին: Նա գրում է. «Մէկ կողմէ երիտասարդները ահու սպառնալիքին տակ գոնողագունդ կ'երթային զինուորագրուելու, միս կողմէն, նախապէս կազմուած ցուցակի մը համաձայն պարտադրուեցաւ իւրաքանչիւր տան՝ կառավարութեան յանձնելու որոշ թիւով ձիեր»: Հրամանը վերաբերում էր բոլորին, տարբերությունը տրվող ձիերի քանակի մեջ էր: Հայ վաճառականը «պէտք է տար 3-4 ձի. իսկ թուրք կալուածատէր աղա մը, պէյ մը՝ մէկ ձի»²:

Միաժամանակ սկսվում է պաշտոնական կողոպուտը, բռնագրավվում են խանութների ապրանքները: Տանում էին ամեն ինչ՝ զինվորին պլիտանի իր, թե կանացի զարդ, հագուստ: Գյուղերում բռնագրավվումները վերածվեցին ավազակային կողոպուտի: Տանում էին ինչ ձեռքներն ընկներ՝ յուղ, սայլ, ձու, գուլպա: Կողոպուտը զուգակցվում էր խոշտանգումներով, «ամեն թիւրք եւ քիւրտ ազատ էր իր կողմէն հրաման ընել եւ գործադրել»: Հայ զյուղացիների մեկ առ մեկ անասունները հաշվառվեցին և դրանք այլևս նրան չէին պատկանում՝ ո՛չ մորթելու և ո՛չ էլ վաճառելու իրավունք ուներ, իսկ սատկելու դեպքում պարտավոր էր հատուցել:

Անսասունների և ինչքի հաշվառումը նույնպես գործածվում էր հայ-քրդական հարաբերություններն ավելի սրելու համար: Հայերի ունեցվածքի հաշվառումը հանձնարարում էին քրդերին, իսկ քրդերինը՝ հայերին:

Սահմանված էր, որ յուրաքանչյուր ընտանիք 100 ոչխարից 5-ը պետք է տար (ամեն անգամ) բանակի կարիքների համար, բացի դա, պարտավոր էր յուրաքանչյուր ոչխարի համար հանձնել 200 գրամ յուղ, ինչպես նաև կաշի, բուրդ: Գյուղացուց վերցնում էին ցորենի բերքի 10-20 տոկոսը: Վճարվելիք մթերքների քանակը գնալով ավելանում էր: Հազար անգամ իրավացի է

¹ “Deutscher Hilfsbund für Christl. Liebeswerk im Orient”. Frankfurt am Mein, 1919, Februar, s. 2.

² Զաւէն Ալբ., Պատրիարքական յուշերս, վաւերագրեր եւ վկայութիւններ, Գահիրէ, 1947, էջ 71:

ժամանակակիցներից մեկը՝ Հ. Տեր-Զաքարյանը, երբ գրում է՝ տպավորությունն այնպիսին է, որ կարծես պետությունը ձգտում էր վերացնել հայերի սեփականությունը: Գյուղացին նաև պարտադրված էր իրենից հավաքած մժերքներն ու իրերը պետական պահեստներ տեղափոխել:

Երկուսուկես ամսում՝ զորահավաքի սկզբից մինչև պատերազմի մեջ թուրքիայի մտնելը, տարոնահայությունը «պատերազմի կարիքներին» տվեց 400.000 փուլ (64.000 ցենտներ) ցորեն, 15.900 ռշար, 8.000 լիտր յուղ, 40.000 ուկեղեն իր, հազարավոր ձի: Մեծ թվով եկեղեցիներ ու դպրոցներ վերածվեցին զորանոցների ու պահեստների:

Գյուղերը մեկուսացվեցին, զուղից դուրս բռնված հային տանում էին բանտ կամ շալակավորների կայան:

Սակայն նաև իրողություն էր, որ Տարոնը շատ հաճախ հրաժարվում էր թուրքական բանակին զինվոր տալուց, իսկ շալակավոր սասունցիները հնար էին գտնում ճանապարհի ինչ-որ հատվածում ծլկելու:

Տարոնի հոգեոր առաջնորդ Ներսես եպս. Խարախանյանը գրեց պատրիարքին, թե կառավարությունն է «ամեն կերպ անկարգութեան եւ չարիքներուն աղբարը եւ պատրուակ կը փնտոէ գաւառիս հայերը աղէտներու ենթարկելու»:

Որ գեռ 1914 թ. էր նախապատրաստվում տարոնահայության բնաջնջումը, վկայում է նաև զերմանացի ականատեսը. «1914-ի նոյեմբերին մենք իմացանք կոտորածի նախապատրաստման մասին: Մուշի մութեսարիֆը, որը էնվեր փաշայի անձնական բարեկամն էր (ոմանք Սերվեթին համարում էին թալեաթի անձնական բարեկամը), բոլորովին բացահայտ հայտարարեց, որ թուրքերն առաջին հարմար առիթի ղեպքում ձեռնամուխ կլինեն հայերի կոտորածին և կոչնչացնեն այդ ամբողջ ազգությունը»¹:

Տարոնում ջարդերի նախապատրաստության գլխավոր գործիքը համիդիե գնդերն էին, իսկ դրա բովանդակությունը՝ 1. Օգտագործել զորահավաքից խուսափելու առանձին ղեպքերը՝ հայերին դաժանապես պատելու համար, ստեղծել պատժիչ խմբեր, հարձակումներ գործել հայկական զուղերի վրա՝ խուզարկել, կողոպտել, բռնաբարել, ձերբակալել, նաև ձեռնպահ չմնալ սպանություններից: 2. Հափշտակել հայերի մննդամթերքը՝ իբր բանակի կարիքների համար: 3. Պարտադիր անվճար աշխատանքի լծել չզորակոչվածներին (ճանապարհներ մաքրել, քաղաքի փողոցներն ավլել), նրանց հարկադրել հու-հնագանդ կատարելու իշխանությունների բոլոր հանձնարարությունները: 4. Հավաքել բոլոր ձիերն ու քաշող ուժը, հարկադրել այդպիսիք հանձնելու նաև այն հայերին, որոնք քաշող ուժ չունեին: 5. Բռնագրավել բոլոր տաք ու սառը զենքերը, ինչպես նաև խոշոր ու մանր եղերավոր անասունները: 6. Հավաքել հայերի ունեցած հացահատիկը, յուղը, փոխադրական միջոցները, անզամ... գուլպանները: 7. Հալածել հայ մտավորականությանը, կրօնավորներին, գործիչներին, նրանց այնպիսի վիճակում պահել, որ լոեն նույնիսկ ջարդերի ղեպքում: 8. Հայերին՝ տղամարդ, ծեր, կին, անչափահաս, ներգրավել բեռների տեղափոխման գործում:

¹ Երևան, նշանական պատմություններ, էջ 91

Ալմա Յոհանսոնը պատմում է, որ երբ պատերազմն սկսվեց՝ թուրք սպաներն ազդարարեցին՝ Հայերից կվերցնեն այն ամենն, ինչ պետք է պատերազմին ու բանակին: Դա վերածվեց կատարյալ անհշանության և Հայերի ունեցվածքի կատարյալ կողոպուտի: Թալանվածի միայն «մեկ տասներորդն էր պատերազմի նպատակի համար, իսկ մնացածը չի կարելի կոչել այլ կերպ, քան մաքուր գողություն»¹:

Հարկ է նշել, որ Հայերի կողոպուտի միջոց էր նաև զինվորական հարկի վճարումը: Քաջ գիտենալով, որ զորակոչվելու էին բոլորը, այնուամենայնիվ, զինվորական հարկ գանձվում էր, որն ամենածանր հարկն էր՝ կազմում էր ընտանիքի միջին եկամտի 1/3-ը²:

Բնաշնչման միջոց դարձավ նաև շալակով բեռների տեղափոխումը: Շալակավորը բեռը տեղափոխում էր 10 օրվա քայլքի հեռավորության վրա: Նա պետք է անցներ ձորերով ու լեռներով, հաղթահարեր ձյան հաստ շերտը, բեռներն առանձին դեպքերում, անգամ մինչև 60-70 կգ բեռ, կարողանար շալակածքարձ տալ ուղեկցող ոստիկանների ձիերի ընթացքի արագությամբ: Շալակատարների քարավանը Տարոնից հասնում էր մինչև Քյոփրի քեոյ, Հասան-Կալե: Հետ մնացողն ստանում էր մտրակի, իսկ ճանապարհին ընկածները՝ ամեն տեսակի հարվածներ կամ նրանից խլում էին ամեն ինչ, այդ թվում նաև հագուստը և թողնում մեռնելու ընկած տեղում: Եղել են դեպքեր, որ նմաններին գնդակահարել են: Բեռնակիր էին օգտագործում նաև բանակ զորակոչված Հայերի նշանակալից մասը:

«1915 թ. մարտից սկսած, - գրում է Լեփսիուսը, - Հայ զինվորների մեծամասնությունից ետ վերցրեցին զենքերը և նրանց գործածեցին որպես բեռնակիրներ, կամ ճանապարհային շինարարության վրա աշխատող հատուկ միավորումներում («աշխատանքային գումարտակներում»): Հետագայում նրանց գաղտնի, 80-100 անձից բաղկացած խմբերով հեռացրեցին և գնդակահարեցին, մահացու ծեծեցին փայտե մահակներով կամ այլ ձևերով ոչնչացրեցին զինվորների և ոստիկանների միջոցով...»³:

Ինչպես պատմում է Ալմա Յոհանսոնը, այդ տաժանակիր աշխատանքներից Հայերի քառորդ մասը միայն վերադրձավ: «Երբ պատերազմն սկսվեց, բոլոր Հայերը, որոնք զինվորական ծառայության տարիք ունեին, զինակոչվեցին... Նրանք, ովքեր մնացել էին տեղում, օգտագործվեցին ոռուսական ճակատում թուրքական զինվորներին մթերք մատուկարարելու համար: Քանի որ այլևս կենդանիներ չեին մնացել, բեռներն անհրաժեշտ էր տեղափոխել մարդկանց մեջքով (ամբողջ տարածքում երկաթուղի չկար), Մուչի և էրզրումի շրջաններում ձմեռը միշտ ավելի երկար է և հաճախ երկուսից երեք ամիս էր անհրաժեշտ լինում մինչև հասնեն նշանակված վայրը: Նրանք ո՛չ դրամ ունեին, ո՛չ էլ անհրաժեշտ հազուստներ՝ այդպիսի ճանապարհորդության համար:

¹ Morgenthau H., *Memoires Survis des Documents Inédits du Département d'État*. Flammarion, 1984, p. 395.

² «Յոհանատեան Մեծ Եղեռնի»: Տե՛ս Օ. Սարգսեանի «Տարոնի գոյամարտն ու Եղեռնը», էջ 428-429:

³ Լեփսիուս Յո., նշվ. աշխ., փաստ. №№ 17, 21, 27, 42:

Ովքեր ինչ-որ դրամ ունեին, զինվորական ոստիկաններն անմիջապես խլեցին: Երբ որևէ մեկը հոգնությունից ուժասպառ կանգ էր առնում, նրան այնքան էին ծեծում, մինչև ճիգ գործադրեր նորից ոտքի կանգնելու և ճանապարհը շարունակելու համար, կամ էլ ուժասպառ ընկնում էր գետնին ու մեռնում: Կենդանի մնացածները վերցնում էին մահացածների հագուստները՝ որպեսզի մի քիչ ավելի լավ պաշտպանվեին ցրտից:

Այդ ժամանակ թափառաշրջիկներին, որոնք աշխատանք չեին կարողացել գտնել, ընդունեցին ոստիկանության շարքերը: Եվ ահա նրանք հանկարծ զգացին, որ անսահմանափակ իշխանություն ունեն: Դրան հաջորդեց դաժանություններով ու անմարդկային արարքներով լի մի երկար պատմություն»¹:

Աշխատանքային պարհակը «զօրահաւաքէն աւելի երեւյթ մըն էր, բայց շատերը կը կարծէին, թէ ատով զինուորութենէն պիտի ազատին»²:

«Հայ կիներ, աղջիկներ եւ 10 տարեկան տղաներէն սկսած մինչեւ զինուորութեան տարիքը, - վկայում է Ե. Տեր-Պարսամյանը, - յատկացուեցան շալակով փոխադրութեան»³:

Շալակավորներին ուղեկցողները դաժանագույն մարդիկ էին. «Ու խարազանը կը շաշէ, ու տղան կ'ինայ անկանգնելի, կինը կը վիմի ու կը մեռնի, ծերը կը փոռի գետին, իսկ ինկնողին բեռը ինսալիքները կը վերցնեն ու կ'անցնին, իբր թէ ոչինչ պատահած ըլլար»⁴: Ճանապարհին սպանում էին մի քանի, անգամ տասնյակ շալակավորների, բայց ոչ միայն պատասխանատվության չեին ենթարկվում, այլև հաշվետվություն չեին տալիս: Յուրաքանչյուր երթի ժամանակ շալակավորների 30 տոկոսը մեռնում էր ծեծից, «ղիակները ձգուած ճամբուն եղերքը», իսկ վերադառների 70 տոկոսն՝ իսկույն անկողին էր ընկնում: Քաշող ուժի միայն 30 տոկոսն էր հետ գալիս, 70 տոկոսը մահանում էր ճանապարհին:

«Կառավարութիւնը, - գրում է Ե. Տեր-Պարսամյանը, - բացէիբաց ջարդ մը կ'ուզէր ստեղծել եւ պատճառներ կը փնտրէր, բայց հայերը կը զգուշանային»⁵: Առաջնորդարանը գրեթե ամեն օր, գրավոր, թե բանավոր, ժողովրդին զգուշացնում էր՝ տալ ամեն ինչ և որևէ ընդդիմությունով պատրվակներ չստեղծել: Ժողովրդին համոզելու, նրան հնազանդության մղելու նպատակով հոգևորականներ էին ուղարկվում գյուղեր:

Հայերի անմոռունչ ենթարկվածությունը ծնում էր արհամարհանք ու այլանդակ վերաբերմունք նրանց հանդեպ: Իլիասի ազգակից Դայիբը պատզարակով էր տեղից տեղ գնում, և այն տանում էին հայերը, որոնց գործածում էին որպես քաշող ուժ:

Սերվեթը հայերի կողոպուտի և զինվորազրության պատասխանատու նշանակում էր հայ գործիչների: Օրինակ, բանակի մատակարարմամբ զբաղվող

¹ «Le Sorte...», p. 120-122.

² Սասունի Կ., նշվ. աշխ., էջ 720:

³ Նույն տեղում, էջ 721:

⁴ Նույն տեղում:

⁵ Նույն տեղում:

Հանձնաժողովի նախագահ նշանակված էր Վահան Փափազյանը (Կոմս): Այդ հանձնաժողովն էր Հավաքագրում շալակավորների և կազմակերպում բեռների տեղափոխությունը: Տարօրինակ է, որ Կոմսը դա դրական երևույթ էր Համարում, քանի որ «այդ խնդիրներու մէջ կառավարութեան խստութիւնները առերեւոյթ կը մեղմանային», բայց անմիջապես ավելացնում է. «Մութեսարիֆի անուղղակի քաջալերութեամբ, աւելի լայն ծաւալ կը ստանային պատերազմէ խուսափող աշիրէթներու սիրագործութիւնները հայ գիւղերուն մեջ»¹:

Բեռնակիրներից մեկը մանրամասը նկարագրել է շալակավորների 11-րդ քարավանի (1915 թ. փետրվարի 9-ի) շարժ:

Անձրեախառն ձյուն էր տեղում, սառը քամին հասնում էր մինչև մարդու ուկորները: Քարավանին ուղեկցելու համար նշանակված էին երեք թուրք, երկու հայ: Քարավանի բեռները դասավորված էին հրապարակում: Այնտեղ էր նաև Սերվեթը: Բացվում են զորանոցի դռները և դրանց «գիճացած, մղոտած ու ապականած սենյակներուն եւ նկուղներուն մէջն մաս առ մաս դուրս կը բերուին մարդ-բեռնակիրները, գունատ, պատուած չորերով, կարկտնուած տրեխներով պատանիներու, չափահասներու եւ ծերերու ամբոխ մը, աւելի ստրուկ-ներու պարանցուկ մը, քան կենդանի մարդերու զանգուած մը»: Ամենքին մեկական հաց են տալիս և ուղարկում նրանց սպասող բեռան մոտ: «Էֆենտի', ոտքերուդ մեռնիմ», աղերսելով յառաջ կու գայ գունատ, տկարութէնէն մէկ կողմին թեքուած 50-ի մօտ դժբախտ մը: «Ոտքդ պազնեմ, էֆենտի', Աստուած ալ գիտէ հիւանդ եմ, ութ օր չկայ, որ վերադարձեր եմ Հասան Գալէէն...»:

Հսկող հանձնաժողովի նախագահ Բաղրիսանը «զայրոյթի նշան մը կ'ընէ և առանց հաց իսկ տալու, կը հրէ դէպի շալակները: Եւ այսպէս իրարու ետեւէն կ'առաջնորդուին պատանիներ, ծերեր, չափահասներ, մէկը մէկէն տժգոյն, մէկը մէկէն յուսահատ, մէկը մէկէն հոգեխոռով»: Քարավանի հրամանատար Մուստափան դիմեց Սերվեթին. «...Ասոնց (մինչեւ Հասան Կալէ) առանց բեռի իսկ տանիլ հնարաւոր չէ»:

Շարժվում են: Սուլուխ գյուղի մերձակայքում քարավանը կանգ է առնում հանգստի համար: Նրա «երկար ծայրերը իրարմէ հեռու տարածութեան վրայ թեք ընկած, կողք-կողքի կ'իյնան թուլացած: 2-3 րոպէ վերջ նոյն չարչարանքով ու փոխաղարձ օգնութեամբ ոտքի կ'ելլէ ու կը շարունակէ իր անիծապարտ ճանապարհը»: Մանր չնչառության, ողբի, հառաչանքի ձայների համահավաք աղմուկն էր ուղեկցում քարավանին: Ապա լավում էին ձայներ. «Աղա', հոս երկու հոգի մնացին»: Վրա են հասնում զայրացած ոստիկանները:

Քարավանի համար ճանապարհին ո'չ գիշերելու տեղ էր պատրաստված և ո'չ էլ սնունդ: Շալակավորները գիշերում էին իրար վրա թափված: Երկրորդ օրը 15 հոգի տեղից բարձրանալ չկարողացան: Մինչեւ Խնուս Հասնելը քարավանը ճանապարհին թողեց 100 շալակավոր:

Խնուսում քարավանին շունչ առնելու հնարավորություն չտվեցին: Քիչ անց, «յոգնութենէն քուրջի կտորի վերածուած, ջրաթաթախ կարաւանը ...

¹ Սասունի Կ., նշվ. աշխ., էջ 724-725:

անկարող ոտքի կանգնելու՝ կեանքէ ալ ձեռք քաշած դրութեամբ ու կիսաքանդ վիճակով վար թափուցաւ ձիւնի ու ջուրի մէջ»: Քիչ անց շալակավորների այդ կիսակենդան զանգվածը կենդանացավ, դեն նետեց բեռներն ու սկսեց ցաք ու ցրիվ փախչել: Շալակավորների 1/3-ն անհետացավ: Մյուսներին անմիջապես ոտի հանեցին և լրացուցիչ ոստիկանական ուժերի ուղեկցությամբ, առանց հացի կտոր իսկ տալու, առաջ քշեցին: 1500 շալակավորից տեղ հասավ 523-ը¹:

Այդ ժամանակահատվածում հայերի հանդեպ թուրքական իշխանությունների կիրառած զրեթե բոլոր միջոցառումները, բացի տնտեսական այլայլ խնդիրներ լուծելը, հետապնդում էին նաև բնաջնջման նպատակ: Այդպիսին էին ամեն թարուրները, այդպիսին էր նաև շալակով բեռնափոխադրումը: Գործողությունների այդ երկայր բնույթն առկա էր ամենուրեք:

Պատմում է Յ. Լեփսիուսը. «Պատերազմի սկզբից ևեթ հայկական գյուղերն ու քաղաքները լցվեցին թուրքական ու քրդական հրոսակախմբերով, որոնք բանակ էին վերցվել որպես ժանդարմներ: Նրանք խուզարկելու պատրվակով զրադարձում էին ավազակությամբ ու կողոպուտով: Հայերից լսվեցին ձմեռված համար տնտեսված ողջ պաշարը, վախ կար, որ գարնանը սովի կմատնվեն:

Բիթլիսի նահանգապետը Մուստաֆա Արդուլխալիկ փաշան էր՝ ներքին գործերի նախարար Թալեաթ բեյի փեսան: Նա քաղաքի և շրջակա գյուղերի 20-ից մինչև 45 տարեկան բոլոր հայ տղամարդկանց զինծառայության էր գորակոչել (այսինքն՝ ճանապարհաշինարարական աշխատանքների և բեռնակրության):

Հայերի եկեղեցիներն ու տները դատարկվում էին՝ թուրք զինվորականներին այնտեղ տեղափորելու նպատակով: Զիհաղ հայտարարելուց հետո մոլաները, շեյխերն ու հանրահայտ ավազակները զբաղվում էին հրահրիչ գործունեությամբ: Մահմեդականները զինվեցին, իսկ մզկիթներում մոլլաները քրիստոնյաների դեմ ատելություն էին քարոզում: Բիթլիսի թուրքերը քրդերից հրոսակախմբեր կազմեցին, պաշարեցին Ուրդափ գյուղը:

300 հոգուց բաղկացած մեկ այլ հրոսակախումբ, Խումաջի Ֆարսոյի (վատահամբավ շեյխ Զալալէդղինի հետնորդի) և էմիր Մեհմեդի առաջնորդությամբ, հարձակվեց Գյարզարի շրջանի հայկական տասը գյուղերի վրա, կողոպտեց ու կրակի մատնեց դրանք...

Բացի բանակ զորակոչված հայերից, ամեն տարիքի տարբեր թվով հայեր բոնի քշվում էին ճանապարհաշինարարական աշխատանքներ կատարելու և բեռնակրության՝ ողջ ձմեռը մինչև 35 կգ ծանրության բեռներ փոխադրելու կովկայան ճակատ: Վատ սնվելու և քրդական հարձակումներից անպաշտպան լինելու հետևանքով նրանց կեսը կոտորվում էր ճանապարհին, հաճախ միայն 1/4-ն էր վերադառնում: Սարիդամիշի և Արդահանի ճակատամարտերից հետո, երբ թուրքական բանակը մնաց անօթևան, ձյունի ու սառուցի վրա, շատ զինվորներ դասալքեցին: Բայց հինգ քուրդ դասալիքին ընկնում էր միայն մեկ հայ դասալիք:

¹ Սասունի Կ., նշվ. աշխ., էջ 731-743:

Ոմանք վերադարձան իրենց տները, և ժանդարմները դասալիքների ցուցակներն առած զյուղից զյուղ էին անցնում՝ պահանջելով հանձնել նրանց: Միաժամանակ խուզարկություններ էին կատարում զենք գտնելու համար: Եթե դասալիքին չէին գտնում, այրում էին նրա տունը, բռնագրավում արտերը: Ժանդարմների շուրջկալները երրեմն վերածվում էին ընդհարումների»¹:

Իշխանությունները Տարոնում վերածնեցին քրդական ավագակախմբերին: Սահմանադրության շրջանում բանտ նետված, թաքնված, արտասահման փախած քուրդ ցեղապետները հրապարակ իջան: Մուսա բեկը, Ղասըմ բեկը և մյուս տիրահաջոչակ ավագակները նորից «գործի անցան»: Նրանք հսկայական նյութական հարավորությունների տեր էին և ունեին մեծաթիվ ուազմական ուժեր: Մուսայի տրամադրության տակ կար 20.000 զինյալ: Նրանք նորից պատիժ դարձան հայերի զլիսին: Բանը միայն այն չէր, որ հայը կրկին պարտադրվեց անվերապահ ենթարկվելու քուրդ ավագակապետների, և ոչ միայն նրանց, այև անգամ մահմեղական սինլքորի, քմահաճույքներին, ծառայել, քնելու տեղ տալ, կերակրել նրանց ու նրանց ձիերին, այլև քրդերը պարզապես հանձնարարություն էին ստացել բռնություններ գործադրելու հայերի հանդեպ, նրանց կողոպտելու, առևանգելու, սպանելու:

Վերականգնվեցին համիդին զնդերը իրենց հին անուններով ու հին արտոնություններով: «...Մինչ հայութեան մէջ կը վերցուէին 20-60 տարեկան արուները զինուոր եւ բեռնակիր անուան տակ, կը պարպուէին տուններն ու գիւղերը, միւս կողմէ, անձեռնմխելի կը մնար կարգ մը վայրերու քրտութիւնը ... Հայ աղղաբրնակչութիւնը ամբողջովին ծառայութեան կը կանչուէր, անդին քրտութիւնը կը մնար իր վայրերուն մէջ...»²: Պետությունը քրդերին վիթխարի քանակությամբ զենք ու ուազմամթերը էր տրամադրում իրը մարտական ուժեր ձեւավորելու՝ պատերազմին մասնակցելու համար: Քրդերն այդ ամենը հաճույքով ստանում էին, բայց չկամությամբ էին ուազմամակատ մեկնում: 10.000 մարդու համար սպառագինություն էին ստանում, բայց ուազմամակատ ուղարկում 500 հոգի: Իշխանություններն աչք էին փակում դրա վրա: Մինչդեռ նույն այդ իշխանությունները հայերից պահանջում էին իրենց ունեցած զենքերով կամագորական խմբեր կազմակերպել: Հայերին մահվան սպառնալիքով զորակոչում էին բանակ, դարձնում շալակավոր, իսկ քրդերից հատուկենտ մարդ էր զորակոչվում: Նրանք շալակավոր դառնալուց ընդհանրապես ազատված էին:

Ընթանում էր հայերին վարկաբեկելու, նրանց դեմ մահմեղականներին գրգուելու եռանդուն գործընթաց: Եվ դա ջարդերի հեղինակներին հաջողվում էր: Զեթեապետ Մահմուղը հայտարարեց. «Այս անիծեալ աղզը (հայ) մեղ հարստահարեց, կողոպտեց: Ես բաւական ժամանակ Մշոյ կողմերում ապրել եմ. մեր աշխատանքի արդիւնքը նրանք էին վայելում: Իրը վաճառական են. մեր ցորենը զնում են շատ չնչին գնով, իսկ ապրանքները մեղ վաճառում են թանկ զնով: Քարերախտաբար, կառավարութիւնը հասկացաւ եւ այդ անիծեալ աղզը իտամի դատապարտեց: Կարող եմ պարծենալ եւ արար աշխարհը կը

¹ Լեփսիուս Յո., նշվ. աշխ., փաստ. №№ 17, 21, 27, 43:

² Սասունի Կ., նշվ. աշխ., էջ 729:

վկայի, որ կառավարութեանը շատ եմ օգնել ու հաւատարմութեամբ կատարել նրա հրամանները: Հպարտ եմ ասելու, որ 4000-5000 կեավուրի այս ձեռքովս եմ սպանել, 8000-ից աւելի կեավուրի իմ ջանքերով եւ իմ հեծեալներով ենք այն աշխարհը ուղարկել...»¹:

1915 թ. հունվարին թուրքերն ու քրուրերն անցան հայկական բնակավայրերի բացարձակ կողոպուտի: Վիլայեթի շատ գյուղեր փետրվարի 5-ի դրությամբ լրիվ կողոպտված էին ու հրդեհված: Փետրվարի 23-ին Դիման մտած ուսական գորքերն ու հայ կամավորները տեսան կացնահարված ու գլխատված հայերի հարյուրավոր դիակներ: Մինչ այդ հայերը զոհ չէին տվել, որովհետև նրանք ու ասորիները թաքնվել էին պարսիկների տներում: Փետրվարի 14-ին թուրք զինվորներն ու քրուրերը թաքնվածներին դուրս հանեցին և խոշտանգելով սպանեցին: Անդրանիկը այդ ահավոր ոճրագործության մասին մարտի 10-ին գրում է ուսական հրամանատարությանը. «Թե ինչ է կատարվել այդ շրջանում, հնարավոր չէ նկարագրել ո՛չ գրչով, ո՛չ էլ լեզվով: Պատկերացնելու համար՝ պետք է տեսնել»:

* * *

Տարոնն ու, մասնավորապես, Սասունը, չնայած ինչ-որ դիմադրություն ցույց տվեցին թուրքական ջարդարարությանը, բայց ո՛չ վճռական, ո՛չ կազմակերպված և ո՛չ նպատակասլաց:

Ինչո՞ւ:

Մինչև օրս էլ սասունցին չի կարողանում պատասխանել մի հարցի՝ ինչո՞վ բացատրել, որ 1891-94 թվերին, 1904 թ. սովորական Սասունի ազգաբնակչությանը ոչնչացնելու համար մեծաթիվ ուսական ուժեր ուղարկեց, բայց, չնայած հայերի տված մեծաթիվ զոհերին (առաջին դեպքում՝ 10 հազար, իսկ երկրորդում՝ 8 հազար), Լեռնաշխարհը դիմակայեց, նրա հայ բնակչության ճնշող մեծամասնությունը մնաց կառչած Սասոն լեռներին, իսկ 1915 թ. համեմատաբար ոչ մեծաթիվ ուժերով, առավելապես քրուրի միջոցով, հնարավոր եղավ ոչնչացնել թե՛ Տարոնի և թե՛ Սասունի հայ բնակչությանը:

Չէ՞ որ Թուրքիան պատերազմի մեջ էր, երեք ուազմաճակատներով կովում էր Անտանտի դեմ և նրա ուսական ուժերն ամբողջությամբ ենթարկված էին պատերազմի պահանջներին:

Այս հարցը նոր չէ: Ամեն անգամ, երբ որևէ մեկը փորձել է դրա իսկական պատճառները բացահայտել, ազգադավի պիտակին է արժանացել: 1915 թ. Սասունի հայ համայնքի ղեկավարը Ռ. Տեր-Մինսայանն էր, իսկ Տարոնինը՝ Վ. Փափազյանը (Կոմսը): Արդեն 1914 թ. վերջերից ակնհայտ դարձավ, որ թուրքերը հայ ազգաբնակչությանը ջարդելու են: Հայերը ելք էին որոնում: Ի վերջո որոշվեց, քանի որ Տարոնը, այդ թվում նաև Մուշ քաղաքը, իրենց աշխարհագրական դիրքով թուրքերին լուրջ դիմադրություն ցույց տալ չէին կարող, Տա-

¹ «Յուշամատեան Մեծ Եղեռնի», էջ 540:

բոնի զինված ուժերը բարձրացնել Սասուն և թշնամու դեմ կոխվներ մղել այնտեղ: Այս պլանի դեմ վճռականապես հանդես եկավ Կոտոյան Հակոբը, սակայն նա չկարողացավ էական ազգեցություն գործել և Մուշի կովող ուժի հիմնական մասը բարձրացավ Սասուն: Հակոբը ընկճակեց և փոքրաթիվ ուժերով կազմակերպեց Մուշի պաշտպանությունն ու թշնամուն հարկադրեց օրեր կորցնել քաղաքի հայկական թաղերը ներխուժելու և բնակչությանը բնաջնջելու համար:

Այդ նույն ժամանակ Սասունում կենտրոնացվեցին զգալի թվով զինված ուժեր: Սակայն այդպես էլ չհաջողվեց նրանց միավորել մեկ ընդհանուր հրամանատարության ներքո: Ձևականորեն, այդ ուժերի ընդհանուր ղեկավարը Ռ. Տեր-Մինասյանն էր, իսկ գործնականում առաջացան երկու ուսումածակատներ իրենց ինքնավար հրամանատարներով:

Քանի դեռ թուրքերն զբաղված էին Մուշ քաղաքով, սասունցիները կարողանում էին հետ մղել հարավից եկող թուրք-քրդական ուժերին, իսկ երբ Մուշն ընկավ և թուրքական բանակը Կուրտիկն անցնելով շարժվեց Սասունի վրա, Լեռնաշխարհը հայտնվեց աքցանի մեջ, ինչը մեկ անգամ ևս ապացուցեց, որ Սասունի պաշտպանության գլխավոր հենարանը Մուշն է և որի անպաշտպան թողնելը ճակատագրական սխալ էր: Մեծ եղեռնում տարոնահայության ողբերգության արմատները պետք է փնտրել հայության այդ հատվածի՝ ոչ միայն երիտթուրքական, այլև, ամբողջությամբ վերցրած, թուրքական քաղաքականության դեմ ընդգումների պատմության մեջ, որոնք ձգվում են մինչև 17-րդ դարի վերջերը:

Տարոնն ու Զեյթունը ավանդաբար հանդիսացել են հայ ազատագրական պայքարի կենտրոնները: Իրականությունն այն է, որ Սասունն ի սկզբանե որևէ օտար նվաճողի չի ենթարկվել: Նա կովել է պարսկական նվաճողների դեմ, Տարոնը հանդիսացավ Ավարայրի հերոսամարտի ողնաշարը, Արածանին դարձավ Հայաստանում քրիստոնեության ընդունման անդրանիկ ու գլխավոր մկրտատաշտը, որպեսզի հայր զրադաշտականություն ըրնդուներ ու չպարսկանար: Մեսրոպ Մաշտոցը Տարոնից սկսեց իր գրական-լուսավորչական գործունեությունը, ինչի ուղղակի արդյունքը հանդիսացավ 5-րդ դարի մշակութային թոփչքը, որի օրրանը նույնպես Տարոնն էր: Հետո եկան արարները և բարձրացավ Խութեցի Հովնանը: Տեղի ունեցավ ազգային ոգու անօրինակ պողոթկում՝ ծնվեց «Սասունցի Դավիթ» էպոսը: Դրանից հետո իրարու հաջորդեցին Հայաստանով անցնող թուրք-մոնղոլական հորդաները, բայց Սասունը մնաց անկախ: Նա շատ առումներով անկախ էր նաև Օսմանյան կայսրության ժամանակաշրջանում: Եվ ոչ միայն անկախ էր, այլև թուրքական տիրապետության դեմ հայ ժողովրդի ազատագրական պայքարի նախաձեռնողն ու կազմակերպիչը:

18-րդ դարում հայկական շարժումների համար սկսվեց մի նոր շրջան, որի հիմնադիրը Հովնան Վարդապետն էր: Այն ձևավորեց ժողովրդի պատվի, կյանքի և ունեցվածքի պաշտպանության համար պայքարողների համաստեղություն՝ Հակոբ Սարկավագ, Հրայր Դժոխք, Գ. Ալթայաձյան, Ն. Խարախանյան, Վարդան Վարդապետ, Հ. Կոտոյան, Արարո, Աղբյուր Սերոր, Անդրանիկ, Գևորգ, Սպաղանցի Մակար, հսրո (Կորյուն), Փեթարա Մանուկ և շատ ուրիշներ...

Հերոսապատումների շղթայի անդրանիկ օղակը Հովնան Վարդապետն էր: Նա Տարոնի Գիբնե զյուղից էր, 1749 թվից՝ Ս. Կարապետի վանքի վանահայր: Միքայել վրդ. Զամյանի վկայությամբ՝ 1763 թ. Հակոբ կաթողիկոսի մահից հետո Հովնանի թեկնածությունը նույնպես դրված էր կաթողիկոսության համար, սակայն կաթողիկոս ընտրվեց Սիմեոն վրդ Երևանցին: Հավանաբար նաև այդ հանգամանքը դեր խաղաց Երկու գործիչների միջև եղած, եթե ոչ թշնամական, ապա լարված հարաբերությունների համար: Գործը հասավ նրան, որ կաթողիկոսը Հովնանին բանաղբեց, զտնելով, որ նա թշնամաբար էր տրամադրված Մայր Աթոռին և «վնասակար» գործերով էր զբաղվում: Բանաղբանքի թուղթը պարունակում էր 10 մեղաղբանք:

Դրանցից առաջինը կաթողիկների հանդեպ հանդուրժողականությունն էր: Եվ իսկապես, Հովնանը կաթողիկ հայերին չէր հետապնդում, նույնիսկ թույլ էր տալիս, որ աղոթեին լուսավորչականների հետ: Հովնանին հասկանալ կարելի էր. նա համազգային ապստամբություն էր նախապատրաստում և դեմ էր դավանաբանական պատճառներով հայ հասարակության պառակտմանը: Մյուս մեղաղբանքն էր՝ Հովնանն արգելել էր էջմիածնի նվիրակի մուտքը իր թեմը և գործել էր նաև իր թեմից դուրս, նամակներ հասցեագրել ողջ հայությանը, որ նա իր գործակալներն ուներ Հայաստանի խոշոր կենտրոններում: Նրա տրամադրության տակ կային վարձկան քրդեր: Բնականաբար այս ամենը միջոցներ էին պահանջում և Հովնանն այդ նպատակով օգտագործում էր եկեղեցական հաստատությունների եկամուտները: Նա նաև մեղաղբանք էր, որ ոչ թե Աստծուն էր ապավինում, այլ «մարդուն»:

Սիմոն կաթողիկոսի «Յիշատակարանում» նշվում է, որ Հովնանը մեծ գումարներ էր տվել Տարոնի քուրդ տիրակալ Ալաէդղին բեկին, որպեսզի ուժեղացնի բարեկամական հարաբերությունները բրդերի հետ: Այդ գումարներով Ալաէդղինի համար սուլթանական ֆերմաններ էր ստացել, որոնք թույլատրում էին բերդ կառուցել (կառուցման ծախսերն էլ Հովնանն էր հոգացել): Վանքի սպասքները հալում էր, դրամ կտրում ու տալիս Ալաէդղինի որդի Մաքսուղին, որովհետև նա հաճախ էր ապստամբում Բարձր Դուռն դեմ: Դա նկատի ունենալով էր Հովնանը Հովսեփ Էմինին գրում, թե հայկական ապստամբությանը կմիանան նաև քրդերը:

Հովնանի բանաղբությունը համընդհանուր դժգոհություն առաջացրեց, որովհետև մեծ հեղինակություն էր ամբողջ Հայաստանում: Նրա պաշտպանությամբ հանդես եկան նար քրդերը: Մաքսուղին այդ կապակցությամբ բողոքի նամակ գրեց Վանի վալի Իշասն աղային, իսկ վերջինս բողոքագիր ուղարկեց կաթողիկոսին: Բողոքներն այնպիսի թափ ու ծավալներ ընդունեցին, որ կաթողիկոսը հարկադրված եղավ վերացնել բանաղբանքը:

Երբ Հովսեփ Էմինը Մուկվայում էր, նրա հետ բանակցությունների մեջ էր Հովնանի ներկայացուցիչ Սուքիաս վարդապետը, որը Էմինին հավաստիացնում էր, թե Տարոնի հոգևորականությունը հավանություն էր տալիս նրա ծրագրին: Երբ Էմինը եկավ Թիֆլիս, շտապեց կապ հաստատել Հովնանի հետ, որին նա համարում էր «իր միակ բարեկամը» հայ հոգևորականների շրջանում: Նրանց միջև սկսվում է աշխույժ նամակագրություն: Վանահայրը Էմինին հրավիրում է գրավելու Արևմտյան Հայաստանը, եթե կարողանա ձեռք բերել Վրաստանի

Հերակլի թագավորի աջակցությունը: Հովնանը եռանդուն գործունեություն է ծավալում Օսմանյան կայսրության հայկական և հայաբնակ շրջաններում, իր գործակալների միջոցով տարածում համահայկական ապստամբության գաղափարը: Նա էմինին ուղարկում է 600 ոսկի, նաև խոստանում վեց օրվա մեջ նրա տրամադրության տակ զնել 40.000 մարդ: Հայերի ապստամբությանը մասնակցելու պատրաստակամություն հայտնեցին նաև ասորիներն ու քրդերը:

Հովնանը գտնում էր, որ ապստամբությունը հաջողությամբ կպատճի, որովհետև Թուրքիան թուլացել էր, նրա քաղաքները պաշտպանված չեին: Թուրքերի որոշ շրջաններում նույնիսկ այն մտայնությունն էր տարածում գտնում, որ իրենց իշխանության վախճանը հասել էր:

Ըստ Հովնանի, եթե Հերակլի թագավորը հրաժարվեր աջակցել ապստամբությանը, հայերը պետք է հույսը զնեին սեփական ուժերի վրա և էմինին առաջարկում էր դառնալ հայրենիքի ազատազրության պայքարի ղեկավար:

Հովնանի եռանդուն աջակցությամբ Մաքսուղը 1766 թ. բարձրացրեց նոր ապստամբություն, որը դաժանորեն ճնշվեց: Սկսվեց հալածանքը նաև Հովնանի դեմ: Նա հարկադրված էր թաքնվել, ծպտված տեղից տեղ անցնել: Հովնանի դեմ դուրս եկավ նաև Ս. Կարապետի վանքի միաբանության զգալի մասը:

Պատրիարք Գրիգոր արք. Բասմաջյանը Հովնանից պահանջում է գնալ Կ. Պոլիս: Այդ իրադարձությունների ժամանակ փոխվում է Սիմեոն կաթողիկոսի վերաբերմունքը, նա հանդես է դալիս Հովնանին հալածող ուժերի դեմ: Հովնանը մեկնում է Կ. Պոլիս, որտեղ կարճ ժամանակում մեծ ազդեցություն է ձեռք բերում հայ հոգեոր և աշխարհիկ շրջաններում:

Ռուս-թուրքական պատերազմն անհնար էր դարձնում Հայաստանից հեռու գտնվելը և 1769-ին Հովնանը Ս. Կարապետի վանք է վերադառնում: Բայց բանսարկությունները չեն դադարում և արդեն 1770-ին նա նորից Կ. Պոլսում էր: Էմինի հուշագրություններում նշվում է, որ Հովնանը ձեռք էր բերել 8000 հրացան՝ հայերին բաժանելու համար¹:

Հովնանի ձեսպորած շարժումը նրա մահով չափարտվեց: 19-րդ դարասկզբին այդ շարժման ջատագով ու ղեկավար դարձավ Հակոբ Սարկավագը, իսկ ապա նաև հայուկային համաստեղությունը՝ Արարո, Աղբյուր Սերոր, Վարդան Վարդապետ, Անդրանիկ, Հրայր Դժոխիք, Գևորգ, Սպաղանաց Մակար, Փեթարա Մանուկ և ուրիշներ: 1885-1907 թվականները հանդիսացան հայ ապատագրական շարժման հայուկային կոկվների շրջանը:

Սուլուխի (1907 թ. մայիսի 28) կովում Գևորգի սպանվելը նշանավորեց այդ շարժման վերջին փայլատակումն ու ողբերգական ավարտը:

Դեռ Սահմանադրությունը հոչակելուց առաջ, Դաշնակցության պարտադրանքով, հայուկների հիմնական մասը հեռացավ Սասունից, անցավ Դիարբեքիր և Խնուս: Նրանցից շատերը բանտ ընկան: Սահմանադրության հոչակումից հետո հայուկները լեռներից իջան, դուրս եկան բանտերից:

Սկսվել էր հայ-թուրքական «եղբայրացման» շրջանը, և Ռ. Տեր-Մինաս-

¹ «Տարօնի արծիւ», 1952 թ., № 32, էջ 58-71:

յանցը հայդուկներից պահանջեց ընդառաջ գնալ այդ «եղբայրացմանը»:

Հայդուկները ենթարկվեցին «պարոնի» հրամանին, անցան խաղաղ տնտեսական գործունեության, բայց զենքերը չհանձնեցին, որովհետև Հայ-թուրքական բարեկամությանը չէին հավատում: Իսկ շատերը՝ Փեթարա Մանուկ, Մորոք Կարո, Սասունցի Մուշեղ, Կորյոն և ուրիշներ, մնացին Հայդուկ: Նրանք, կտրվելով Ռուբենից, համագործակցեցին սկզբում Ս. Զավարյանի, իսկ ապա Զավրիսի հետ: Շուտով ձևավորվեց Հայդուկային նոր «ընտանիք», որի գործունեությունը ղեկավարում էին Կորյունն ու մշեցի Միջոն: Շարունակեց ակնհայտ մնալ մի իրողություն, որ, եթե ժուրքերի և Հայերի շահերը հակոտնյա էին, նրանց միջև կային հիմնարար հակասություններ, ապա քրդերի հետ, չնայած նման հակասություններ չկային, բայց ապրելակերպի, զարգացման մակարդակների տարրերությունը երկու ժողովուրդների միջև այնպիսի թշնամություն էր ձևավորել, որն ավելի մեղմ չէր, քան Հայ-թուրքական առակատումը: Ժամանակն այդ Հարաբերությունների մեջ էական փոփոխություն չմտցրեց, ընդհակառակը երկու ժողովուրդների թշնամությունը դարձրեց ավանդական:

19-րդ դարասկզբին անգլիացի ճանապարհորդ Ջորջ Ֆաուլթոնը «Three Years in Persia» երկհատոր գրքում (Լոնդոն, 1841) նկարագրում է իր ուղևորությունը Պարսկաստանից Տարոն, որի ընթացքում նա ականատես էր եղել իրավիճակների ու դեպքերի, որոնք բացահայտում էին Հայ-քրդական հարաբերությունների մի շարք կողմերը: Պարսիկների և քրդերի հետամնացությունից հետո նա Հայտնվում է Բերկրիում. «...Տարբերությունները շատ էին... ավելի բերրի, քան նախորդ օրերի երկրները: Հանդիպեցինք Հայերի խմբերի, գոմեշները հացահատիկ էին տանում Բայազետի մոտակայքում գտնվող թուրքական բանակը պարենավորելու, իսկ մի մեծ խումբ բաղկացած էր գաղթող գյուղից, որին տեսնել էր պետք հասկանալու համար, թե դա ինչ էր: Փոքր երեխաները կողովների մեջ էին դրված գոմեշների վրա: Այծեր ու ամաններ, հորթեր ու գորգեր... կանանց ծվեն-ծվեն հագուստ, նրանք քիթ-օղերով, ապարանջաններով և պչրանքի փորձերով կազմում էին աներևակայելի պատկեր:

Դրանից առաջ մենք անցել էինք վայրենի տեսքով քրդերի բանակատեղիներով, խեղճուկրակ սև վրանների կողքով: Նրանց արտաքինը նման էր ասորական շրջանի բնակչությանը... տառապում էին տարափոխիկ Հիվանդություններից ... Անցանք ժամանակին շատ լավ կառուցված Հայկական կամուրջով: Դա ավերված էր: Նկատեցի, որ բանալի քարերը քանդակված էին խաչերով... դիտեցի ավերակները, որոնք կրում էին քրիստոնեական կրոնի բազմաթիվ նշաններ...

Քրդական մի խումբ անցավ մեր բանակատեղիի մոտով, պարտված վերադառնում էր Բայազետից... Սա ճանապարհի ամենավտանգավոր հատվածն էր... Նահանջող զորքերից հնարավոր էր ամեն ինչ սպասել, մանավանդ սրանցից, որոնց սովորությունն էր ոչ միայն իրենց ճանապարհի վրա եղած ճանապարհորդներին ու գյուղերը թալանելը, այլև միմյանց կողոպտելը, երբ սեփական ավազակատենչության համար այլևս ուրիշ սնունդ չկար... Ավերն ու կործանումը մատնում էին թուրքական բանակի հետքերը և ընաջնջում էր

սպասվում բոլոր նրանց, ովքեր հանդիպեին նահանջողներին»:

Արձեշի բերդ՝ «արտաքինից պատկառելի մի քաղաք»¹:

Մանագկերտում գնացի աղայի նատավայրը: «Շուտով մեծ հետաքրքրությամբ ինձ նայող ամբոխ հավաքվեց ... Սովորականից ավելի մտերմարար ոտքերից, ձիուս թամբից քաշելով կարծես ուզում էին ասել. «Մեր ձեռքում ես»: Բերդի դիվանատանը 60-ից ավելի քրդեր՝ ծերակուտականներ, գետնին նստած ծխում էին: Նրանք քրդական տարրեր տարազներ էին կրում, քրջերով զարդարված: Ինձ ոռւս լրտեսի տեղ էին ընդունում, սակայն ի վերջո մեզ գիշերելու տեղ տվեցին «Հին գորգի վրա, որ սարսափելի կեղտում էր»: Հանկարծ երկու աշարկու ղեմքով զինված մարդիկ ներս մտան, իսկ երրորդի ձեռքին կացին կար: Նրանք մոտեցան ու մոտս կանգնեցին, կարծես նրանց բանտարկյալն էինք: Երբեք չեմ մոռանա նրանց բարբարոս ժպիտները... Վրաս նայում էին արհամարհական ձևով՝ կոթնած հրացաններին... Գտնվում էի մի ցեղի միջավայրում, որը լրիվ բարբարոս էր... Նրանց ոչ այնքան հուզում էր իմ «ոռւսական լրտես», որքան «անհավատ» լինելը, ինչը բավարար պատճառ էր արդարացնելու առանց դատի ու դատաստանի սպանելը:

Տեղի աղան մտադրվել էր մեզ հետ գնացող քարավանը կողոպտել և լուր էր ուղարկել հարեան ցեղապետին այդ գործում իրեն օգնելու: Աղատ արձակելու համար խոշոր կաշառք առաջարկեցինք: Աղան մերժեց: «Ինչո՞ւ չորս կամ հինգ քսակ առնեմ, երբ կարող եմ ամբողջին տիրանալ»:

Սկսվեց հրաձգություն, քրդերն իրար վրա էին կրակում և կողոպտիչներն իրենք էին կողոպտվում: Քարավանը շրջապատեց «զինված մարդկանց մի մեծ խումբ: Այնպիսի իրարանցում էր, որ անհնար է նկարագրել», ինձ էլ բոնեցին ու հրացանի կոթով այնպես էին հրում, որ քիչ էր մնում ձիուց ընկնեի: «Նախ գողացան ատրճանակներս, ապա մեզ տարան բերդ: Հարվածներով ու սպառնալիքով հարկադրեցին ձիուց իջնել, իսկ ուղեկցիս արդեն հասցրել էին թալանել: Գրպաններս լրիվ դատարկվեցին, խլեցին վերարկուս: Կողոպտեցին ոչ միայն քարավանը, այլև բոլոր ճամփորդներին: Քարավանը բերդի պարսպի տակ էր քշված. ջորեպանները ցաք ու ցրիվ էին արված, ամեն ինչ քրդերի ավագակությանն էր ենթարկվել ...: Մի ծանոթ մոլլա մեզ խորհուրդ տվեց ճանապարհը շարունակել, քանի որ քրդերի խումբը մեզ էր սպասում, իսկ ավագակներից մեկը շպրտեց երեսիս՝ «Ամեն ինչ տուր, այլապես շան նման սպանելու եմ», որովհետև անհավատ էի: Մոլլայի միջամտությունը փրկեց ինձ»:

Նույն ժամանակ Օսման աղան, ձին նստած, բերդից դուրս եկավ մեծաթիվ պահակաղորով, ցույց տալով, թե քարավանի կողոպուտի հետ առնչություն չունի, թե այդ արել են ավագակախմբերը, որոնց վրա ինքն աղղեցություն չունի:

Հուլիսի 18-ի առավոտյան աղմուկ բարձրացավ. «Քրդերը, քրդերը»: «Մեր հետ եղած քրդերը, սարսափած, այս ու այն կողմ ծլկեցին: Ներսի քրդերը վա-

¹ «Տարօնի արձիւ», 1950 թ., № 30, էջ 44-47:

խենում էին դրսի քրդերից: Պարսպի ներսի հյուղակների տանիքներն անմիջապես ծածկվեցին հրացանակիրներով...»: Քրդերը լքում էին Մանագ-կերտի բերդը, իսկ Հայերը ներս էին խուժում քրդերի վախից: Մարդիկ անասունների հետ «խոնված էին բերդի փոքրիկ մուտքի առաջ... Տղամարդ, կին, երեխա, գոմեշ, էշ, բոլորն իրար խառնված, խուժող ու ծեծկուվող, վիճող ու ճգնող... Մի Հայ կին տեսնելով, որ ներս մտնել չի կարող, իր փոքրիկին ուրիշի ուսերին դրեց, որպեսզի գոնե նրան փրկի... Երեկոյան բերդը լեփլեցուն էր Հայերով: «Բակի, պատերի, տանիքների, ավերված աշտարակների ամբողջությունը գրավված էր նրանցով: Մարդ և անասուն իրար էին խառնված...»:

Քրդերն այնքան վայրագ էին, որ «մի Հայ ընտանիքի վրա հարձակվեցին, մեկին հրացանազարկ արեցին, մեկ ուրիշի ականջները կտրեցին»: Բերդում կար 3000 Հայ ընտանիք, որոնք «փրենց փոքր, գետնափոր խրճիթներում մեծ թշվառության մեջ էին»: Մանագկերտը «երեք Հարյուր զյուղերի մայրաքաղաք է, որոնք քրդերի կողմներից ու կեղեքումներից շատ նվազել էին: Ես գտա բաղնիքներ, զնդաններ, պահեստներ և այլն: Ավերակներից շատերն իսկապես պատկառելի էին, ինչը վկայությունն էր առաջնակարգ ճարտարապետական ճաշակի: Ես դրանք վերագրեցի Հայերի ժամանակաշրջանին, այսինքն՝ մինչև թուրքմենների կողմից այս երկրի նվաճելը»¹:

Սա մի պատառիկ է Հայ-քրդական հարաբերությունների, այդ երկու ժողովուրդների զարգացման մակարդակների, աշխարհնկալումների, բարոյականի ու անբարյականի վերաբերյալ պատկերացումներում նրանց միջև եղած վտանգավոր տարբերությունների և իրարամերժությունների:

«Մուշը,- զրում է անզլիացի հիւպատոս մը որ հոն պաշտօն վարած է, թուրքիոյ ամենէն յոռի վարչութիւնն ունեցող քաղաքն է. Հասկնալի է, թէ որքան ահոելի պէտք է ըլլայ բայաններու կացութիւնը ամենէն յոռի վարչութիւնն ունեցող քաղաքին մէջ պետութեան մը, ուր ամենուրեք անձունի է վարչութիւնը... Հայերը ձգուած են թիւրքերու եւ քիւրտերու քմահաճոյքին, որ զանոնք իրը իրենց ճորտերը կը նկատէին, կը կեղեքէին, կը շահագործէին, կը վիրաւորէին իրենց կրօնական զգացմանց մէջ՝ փողոցներէն պտտեցնելով շուներ, սկիհ մը վզներուն կախուած, առանց երբեք պատժուելու պաշտօնեաններէն, որոնք, ընդհակառակն՝ անոնց Հարստահարութեանց կ'օժանդակէին տուրքերը Հաւաքելու իրենց կամայական ու ելուզակային եղանակով»²:

Կ. Պոլիսը խրախուսում էր, որ «քիւրտերն ու պաշտօնատարները քամէին, տկարացնէին, ջախջախէին ժողովուրդը Հայաստանի մէջ: Խորապէս խաղաղամէր, աշխատասէր ու պետութեան օգտակար տարր մը՝ այդպիսով յուսահատութեան մղելով, ըմբոստացման տարրի կը փոխարկուէր»³:

«Մուս-թուրք պատերազմը պայթեցաւ... Պատերազմը իր գերազոյն սաստկութեանը Հասցուց մահմետականներու կատաղութիւնը Հայաստանի քրիստոնեաններուն դէմ. թուրքական իշխանութեանց հրամանով... Հայ քաղաք-

¹ «Տարօնի արծիւ», 1950 թ., բացառիկ, № 50, էջ 95-113:

² Զօպաննեան Ա., Երկեր, Ե., 1988, էջ 443:

³ Նույն տեղում:

ներու եւ գիւղերու վրայ թափեցան, հազարաւոր անզէն մարդիկ կոտորեցին, կինքը բռնաբարեցին ու կոչկճեցին, ամբողջ գիւղեր այրեցին բռվանդակ Վասպուրականի նահանգին, Բասենի ու Բագրեւանդայ գաւառներուն եւ Մշոյ դաշտին մէջ»¹:

Խրիմյան Հայրիկը զրում է. «Մորեխի ու Թրթուրի նման թափեցան, Հայոց գիւղեր և դաշտեր ծածկեցին, մի խուռն ժամանակի մէջ ամեն կանաչութիւն կերան ու չորցուցին, այն շէնաշէն գիւղեր եւ աւաններ անապատ դարձուցին:

Եւ ո՞րք էին քիւրտերու անկարգ հրոսակներու վարիչ եւ առաջնորդ. նոցա մոլեկրօն դեմպետներն էին, որոնց ոգիներն ի բոէ անտի ոխութեամբ լցուած կը զայրանային Հայոց ժողովրդին դէմ...»²:

Հայ-քրդական առճակատման ավանդական բնույթը շատ պարզորոշ է արտահայտված Գևորգի և քուրդ ցեղապետ Ղասրմի հարաբերությունների մեջ: Վերջինս Տարոնի փաստացի տերն էր, արյունաբրու Հայատյաց: Հայդուկներից շատերն առաջարկում էին նրան ոչնչացնել: Գևորգը հակառակ կարծիքին էր՝ ոչ թե ոչնչացնել, այլ հարկադրել փոխելու վերաբերմունքը Հայերի հանդեպ:

Նա ծպտվում է հազարապետի հագուստի մեջ և Գալեի հետ միասին գնում Ղասրմի քեռչքը, որտեղ մեծ ընդունելություն էր: Գևորգը Ղասրմի հետ առանձնանում է իրը Բիթլիսից բերված ինչ-որ գաղտնի հրաման Հայտնելու համար:

Նրա ու Ղասրմի միջև տեղի է ունենում հետևյալ երկխոսությունը:

Եթե հինգ տարեկան աղջիկդ մի բռնապետի կողմից պղծվի,- Հարցնում է Գևորգը,- եթե կինդ առևանգվի, եթե ոչխարիդ հոտերը բռնազրավվի, եթե նորածինդ դաշունահարվի, եթե քո աղոթած սրբավայրն աղբանոցի վերածվի, նման դեպքում կարո՞ղ ես վրեժդ զսպել, հոգուդ փոթորիկը սանձել...

- Անշուշտ ոչ,- պատասխանում է Ղասրմը:

- Ուրեմն ինչո՞ւ մեղադրել Հայ հեղափոխականներին, որոնք լքել են քուն, հանգիստ, տուն ու տեղ և դիմել են փոխվրեժի:

- Հայր ծնվել է մեզ ծառայելու, մեր հաճույքները բավարարելու և կարիք-ները հոգալու,- պատասխանեց քուրզը:

- Աստված բոլորին ստեղծել է աղատ և պատվավոր կյանքի համար: Ես իրավունք չունեմ յուրացնելու ձեր կինը, ապրելու ձեր ճակատի քրտնքի վաստակով:

- Իրավունքը ուժեղինն է, անգոր ապրում է աղամնիով, կատուն՝ մկով:

- Այդ դեպքում ես քեզնից ուժեղ եմ և խանչալիս ծարավը քո արյունով եմ հագեցնելու,- ասաց Գևորգն ու սուրբ դուրս քաշեց:

- Այ, այ, դու ո՞վ ես, խնայիր կյանքս,- ծնրադիր աղաչեց բեյը:

- Գևորգ Զառուշն եմ: Եկել եմ քեզ հասկացնելու, որ Հայը աղամնի կամ մուկ չէ, այլ՝ վրեժխնդիր առյուծ:

Ղասրմը խոստացավ աջակցել Հայերին:

- Դու կնոջդ քողը զիխիդ դրած պետք է ասես. «Կին դառնամ, եթե դրժեմ ուխտոս»:

¹ Զօպանեան Ա., նշվ. աշխ., էջ 447:

² Նույն տեղում, էջ 447-448:

Բեկն այդպես էլ արեց¹:

Բիթլիսի նահանգի, մասնավորապես տարոնահայության կոտորածների կազմակերպման գործում Աբդուլ Համիդի հետևորդները նորից գործածեցին Տարոնի 1890-ական թվականների ջարդերի գլխավոր դերակատարներից մեկին՝ տիսրահոչակ ավաղակապետ Մուսա բեկին: Երբ 1918-ին նրան աքսորեցին Մեսքենե և Հարցրեցին, թե ինչո՞ւ է բանտ ընկել, պատասխանեց. «Ես 70.000 հայ եմ սպանել: Հիմա ինձ բանտարկել են, որովհետև հալածել եմ մի ժամդարմի»:

Այդ այն Մուսան էր, որ ամբողջությամբ կողոպտեց Ավգուստ գյուղը, գյուղապետի ընտանիքին լցրեց մարագն ու այրեց, հարձակվեց Մուշեղաշենի գյուղապետի տան վրա և, սկսած օրորոցի երեխայից մինչև ընտանիքի ամենատարեց անդամը, մորթեց, հարսներին ու աղջիկներին առևանգեց, զավթեց ամբողջ ունեցվածքը: 1915 թ. մարտ-ապրիլ ամիսներին Մուսայի ոհմակները, դասաւորվելով ուազմաճակատից, ոչնչացրեցին Ներքին Բուլանըլիսի Քոսուրի լեռների գյուղերի հայ բնակչությանը:

Մուսան Տարոնի ու Սալնո ձորի ամենահզոր ու ամենավայրագ ավաղակն էր, թիվ 1 չեթեն: Նրա կողքին ու նրա բարքերի տեր չեթեների թիվը շատ մեծ էր: Նրանք տարոնահայության գլխին չարիք էին: Սակայն, երբ չէին ունենում իշխանությունների ուղղակի կամ բարոյական աջակցությունը, միշտ չէ, որ հայերի հետ բախումներում հաջողության էին հասնում: Օրինակ, նրանք հարձակվեցին Վարդենիսի վրա, սակայն հակահարված ստացան: Իշխանությունները զայրացան, որ հայերը պաշտպանվել են: «Անդորրությունը» վերականգնելու անվան տակ Ալո օնբաշին, անցած ոստիկանների գլուխը, մտնում է Վարդենիս ու սկսում բռնարարքները: Զօգուտ չեթեների ցուցմունք ստանալու համար կանանց վարտիքների մեջ կատու էին գցում, տասնհինգ տարեկանից բարձր բոլոր տղամարդկանց շղթայակապ տարան Մշո բանտ:

Քրդերն ավելի սանձարձակ դարձան, երբ զգացին երիտթուրքական իշխանությունների արտաքուստ անտարեր, բայց ըստ էության քաջալերիչ կեցվածքը: 1913-ին Տարոնի Դերեկ գյուղ է գնում Ֆարամազ Ալի անունով քուրդը 50 հեծյալների հետ և պահանջում, որպեսզի բոլոր հայերը գնան օլամի, այսինքն՝ անվճար խոտ հավաքելու: Հայերը հրաժարվեցին, քուրդը սպառնալիքներ տեղաց, բայց նաև բռնությունների չղիմեց, վախենալով ոչ թե իշխանություններից, այլ՝ հայուկներից:

Թուրք պատմաբան Ս. Սամին հերքում է թուրքական այն թեղը, թե կոտորածների քաղաքականությունը գործողության մեջ դրվեց 1915 թ.: Նա գրում է. «Բ. Շաքիրը կոտորածներ կազմակերպելու համար էրդրում և Մուշ մեկնեց 1914 թ. դեկտեմբերի սկզբներին»: Թվում է, թե թուրք պատմաբանը վախենում է արմատական երևալուց և չի ասում ամբողջ ճշմարտությունը: Բ. Շաքիրը էրդրում և Մուշ գնաց ոչ թե դեկտեմբերին, այլ Հունիսին: Առաջին աշխարհամարտը դեռ չէր սկսվել, երբ նա արդեն Մուշում էր: «Սարիղամիշի ճակատա-

¹ «Տարոնի արծիւ», 1952 թ., № 32, էջ 89-94:

մարտի օրը Համիդիկ գորքերն արդեն շրջապատել էին Ալաշկերտի բնակավայրերը, խոստովանում է Սամին, - և սկսել հայ աղզարնակչության կոտորածը: Երբ Հունվարի կեսերին ոռուսները եկան, մահմեղականները, վախենալով քրիստոնյաների դեմ իրենց կատարած չարագործությունների համար պատժվելուց, ընտանիքներով լքեցին իրենց զյուղերը և կառավարության օգնությամբ հաստատվեցին Մանազկերտի և Բուլանըխի զյուղերում»¹:

Այսինքն՝ նա հերքում է նաև թուրքական այն պնդումը, թե ոռուսների գալուց հետո սահմանամերձ շրջանների, այդ թվում Ալաշկերտի մահմեղական բնակչությունը բնաջնջվել էր հայերի կողմից:

Իթմիհաղի հակահայկական քաղաքականությունը հայ-քրդական առճակատումը հասցրեց ծայրահեղության: Իշխանության մարմիններն ու քրդերը ընդհանուր ճակատ էին կազմել հայերի դեմ այս անգամ արդեն նրանց ոչ թե հյուծելու, քայլայելու, թուլացնելու, այլ անհետացնելու համար: Տարոնի առաջնորդարանի քարտուղար Տ. Հարությունյանը 1914 թ. ապրիլին գրում է կաթողիկոսին. «...Հայերը գարունէն մինչեւ աշուն կ'աշխատին միայն կշտացնելու համար գաղանաբարոյ մարդասպաններ, որ միշտ կը սպառնան զանոնք բնաջնջ ընել»²: Արդու Համիդի վարչակարգի շրջանում ձևավորված միջոցները՝ ուղղված հայերին անիրավազուրկ ու թշվառ վիճակի հետագա խորացմանը, երիտթուրքական կառավարման մինչպատերազմյան վեց տարիներին այնքան կատարելազործվեցին ու ամոլացնող դարձան, որ եթե «նախկինում գոնե իշխանություն կար»³, ապա նշված տարիներին հայ աղզարնակչությունը հոշոտվում էր բացարձակ անիշխանության պայմաններում քրդերի վայրազություններից: Քրդերը ոչ միայն ընձեռնված պայմանների, այլև իշխանությունների ուղղակի հրահրումների հետևանքով իրենց զգում էին հայերի թե՛ ունեցվածքի և թե՛ կյանքի լիակատար տերեր: «Биржевые ведомости» թերթի թղթակից Ա. Բերեզովսկու վկայությամբ՝ երկու թուրք առաջատար գործիչներ քրդերի շրջանում հակառուսական և հակահայկական քարոզչություն էին տանում⁴: Իշխանությունները ոչ միայն համիդիկ զնդերին, ոչ միայն չեթենական խմբերին, այլև ողջ թուրք ժողովրդին զինում էին հայերի դեմ: Երբ քրդերը Բիթլիսի վալուց զենք պահանջեցին, հայերը դիմեցին Ռուսաստանի հյուպատոսի միջամտությանը: Վալին հյուպատոսին խոստացավ քրդերին զենք չտալ, բայց տվեց, հայտարարելով, թե այդ զենքը քրդերը բռնագրավել են փոստին ուղեկցող 115 թուրք զինվորներից⁵: Խսկ թե ինչպես էին քրդերը զինվորներից ու սատիկաններից զենք խլում, խոստովանել է նաև Վանի վալին՝ «ավազակներին պատժելու համար ուղարկվող զինվորներն ստանում են բանավոր հրահանգ՝ «մահմեղականների վրա չկրակել»»⁶:

¹ ՀՍՍՀ ԳԱ ինֆորմացիոն բյություն, 1983, № 3, էջ 18:

² ՀԱԱ, ֆ. 57, ց. 5, գ. 66, թ. 12:

³ ЦГВИА РФ, ф. 2000, оп. 1, д. 7716, л. 433.

⁴ «Մշակ», 29 մայիսի, 1913 թ.:

⁵ "Русское слово", 20 декабря 1913 г.

⁶ АВПР, "Посольство в Константинополе", оп. 517; д. 1603, л. 143.

Դիարբեքիրի, Բիթլիսի և Վանի նահանգներում Հայերի ոչնչացման գործում քրդերը վճռական դեր խաղացին: Մասնավորապես Սալնո ձորի բնակավայրերում և Բիթլիս քաղաքում տեղի ունեցած իրադարձություններն անհնար է քննել շրջանցելով քրդերին ու քրդական շարժումը: Հանգամանքների բերմամբ՝ Բիթլիսը քրդական առաջատար կենտրոններից մեկն էր դարձել: Եղեռնի տարիներին քրդերն առանձնապես ուժեղ էին Բիթլիսի վիլայեթում:

Այստեղ ազգեցիկ լուրջ ուժ էր մոլլա Սելիմը, որը քրդության առաջնորդ չեղաւ Սահիդ Ալու հանձնարարությամբ բանակցություններ էր վարում Հայ գործիչների հետ՝ քուրդ-Հայկական համատեղ ուժերով Արևմտյան Հայաստանն անկախ հոչակելու վերաբերյալ¹:

1914 թ. թուրքական կառավարությունը ծանրացրեց Հարկերը և խստացրեց դրանց գանձումը: Քրդերին հատկապես մեծ վնաս էր հասցնում անասնաշարկը (աղնամ): Բիթլիսի վիլայեթում 3.000.000 ոչխար կար, որի ճնշող մեծամասնությունը պատկանում էր քրդերին և աղնամը հատկապես հարվածում էր նրանց:

1914 թ. գարնանը Հարկերի առնչությամբ խմորված զայրույթը պոռթկաց: Սելիմն սկսեց ապստամբություն նախապատրաստել և հայերին հրավիրեց համագործակցության²:

Բիթլիսի վալու ուղարկած ուժերը դեռ ապստամբներին չհանդիպած՝ փախուստի դիմեցին: Հաջողության չհասան նաև կանոնավոր բանակի գորամասերը: Ապստամբները գրավեցին Բիթլիսը³: Վալին ու մյուս պաշտոնատարները փախուստի դիմեցին:

Իթմիհազը քրդական շարժումը վարկարեկելու և Հայ-քրդական համագործակցություն թույլ չտալու համար, Բիթլիսի ապստամբությունը հոչակեց պայքար սահմանադրության և Հայկական բարենորոգումների դեմ: «Մշակը» նույնպես այն կարծիքին էր, որ այդ ապստամբությունն ուղղված էր Հայկական բարենորոգումների դեմ⁴:

Սակայն այս խնդրում Հայկական շրջաններում միասնական կարծիք գոյություն չուներ: «Բիւզանդիոնը» 1914 թ. իր № 5-ում գրեց, որ քրդական շարժումները ներկայացնելը որպես Հայերի դեմ ուղղված քայլեր, ճիշտ չէ: Ըստ Հակառակն, «քիւրտ ապստամբները Հայերու հանդէպ շատ բարեացկամօրէն վերաբերուեցան... Շարժման արտաքին նպատակն էր շերիաթ պահանջել..., որովհետև քիւրտ տգէտ ժողովուրող անկարող է ըմբռնել կառավարութեան դէմ շարժման այլ նպատակ»:

Վանու և Բիթլիսու Ռուսաստանի փոխհյուպատումներ Օլֆերովն ու Շիրկովը տեղեկագրում էին, թե քուրդ ապստամբները կապի մեջ էին տեղի Հայերի հետ⁵:

¹ Սասունի Կ., Քիւրտ ազգային շարժումները և Հայ-քրտական յարաբերութիւնները (ԺԵ. դարեւն մինչեւ մեր օրերը), Պէտրով, 1969, էջ 211-212:

² «Մշակ», 1914 թ., № 64:

³ АВПР, "Посольство в Константинополе", д. 3573, л. 340.

⁴ «Մշակ», 1914 թ., № 64:

⁵ ЦГВИА РФ, ф. 2000, оп. 1, д. 991, л. 525.

Քրդական ապստամբության դեմ կովող թուրքական բանակի հրամանաւոր իսհանը սաղրանքի դիմեց: Նա Տարոնի հայ ղեկավարներին կրկին առաջարկեց կառավարության տված զենքերով կամավորական վաշտեր կազմել ու կովել ապստամբների դեմ¹:

Հայերի հիմնական մասը տարանջատվեց այդ գործընթացից: Իսհան փաշան կարողացավ ընդամենը 150 մասուցեր բաժանել²: Հայերը քրդերին հավաստիացրին, որ նրանց դեմ որևէ քայլ իրենք չեն ձեռնարկի:

Քրդերը երկար դիմադրել չկարողացան: 1914-ի գարնանը թուրքական իշխանությունները սանձարձակ բոնություններ ծավալեցին: Ապստամբությանը մասնակցած քրդերի գյուղերը հիմնահատակ կործանվեցին:

Հայերի չեղոք կեցվածքը հաղիվ թե ամբողջական արդարացում ունենա: Դա թելաղրված էր ոչ այնքան հայերի համար քրդական շարժմանը մասնակցելու վտանգավորությամբ, որքան երիտթուրքերի հետ սիրախաղի շահերով: Հայերը ոչ միայն չփորձեցին օգտագործել հարմար պահը հայ-քրդական դաշինք ձևավորելու համար, այլև իրենց երկդիմի կեցվածքով քրդերի շրջանում խորացրեցին անվատահությունն ու թշնամությունը հայերի հանդեպ: Բնորոշ մի երևույթ՝ քրդերը անհաջողության մատնվելուց հետո չհապաղեցին հավաստելու իրենց հավատարմությունը Օսմանյան կայսրությանը:

Կ. Պոլիսն անմիջապես «մոռացավ» քրդական ապստամբությունը և իր հիացմունքն արտահայտեց «ասպետական ողի ունեցող ..., խալիֆին անսահման նվիրված» քրդերի հանդեպ³: Նույնիսկ ձայներ հնչեցին, թե Բիթլիսի ապստամբություն ասածը երբեցք չի եղել, որովհետև քրդերը, որ «ի բնէ ուշիմ եւ սկզբունքով հայրենասէր են, հայրենիքին վնաս չեն հասցնի եւ այդ տեսակ անպատճան արարքներին համամիտ լինելու մակարդակից շատ բարձր են»: «Թասֆիրի էֆքյարը» քրդերի մասին գրեց. «Կրօնքի եւ հայրենիքի կապերն իրենց կեանքին գլխաւոր կապերը կը նկատեն եւ այդ արժեքաւոր ու քաջարի հայրենակիցները շատ հեռու են հայրենիքը վտանգի ենթարկելու եւ իշլամութեանը վնաս պատճառելու ընթացքներէ»⁴:

Մինչ Կ. Պոլսում փառաբանում էին քրդերին, վերջինները նոր ապստամբության ելան: 1914 թ. գարնանը ծագեց բարզանցի քրդերի ապստամբությունը: Դա ևս նույն բախտին արժանացավ և նույն հետևանքներն ունեցավ:

* * *

ԽՆՈՒՄ. - 1914 թ. ամռանը արևը խավարեց, ինչը ողբերգության նշան համարվեց: Նույն տարի ուղամաձակատ մեկնելու համար Խնուս բերված 10.000 արար զինվորներ մեռան ցրտից ու քաղցից:

Հայերի համար վրա էին հասել ահաբեկիչ օրերը: Գարնանից տարածվեցին

¹ «Բիւղանդիոն», 1914 թ. № 5, էջ 318:

² Նույն տեղում, էջ 308:

³ «Մշակ», 1914 թ., № 75:

⁴ «Բիւղանդիոն», 1914 թ. № 5, էջ 308:

չարագույժ լուրեր, ինչը զգաստացրեց Հայ բնակչությանը և նրանք անակնկալի շմատնվեցին, երբ քրդերը հարձակվեցին Հայկական զյուղերի վրա:

Սկզբում որոշված էր Խնուսում նույնպես Հայերին ջարդել տեղում, սակայն թուրքերը այդ մտքից հրաժարվեցին զուտ առողջապահական նկատառումով՝ լուր դժվարություն էր դիմակները բնակվայրերից հանելը:

Խուսական բանակը հանկարծակի նահանջեց, որի հետ միասին սկսվեցին ջարդեր զավառակի զյուղերում: Փրկվածները երեխաների հետ քաղաք լցվեցին: Թուրք երեխաները փողոցներում գոչում էին. «Կառավարության հրամանն է՝ բոլոր Հայերը պետք է աքսորվեն»: Հունիսի վերջին Հայերին տեղահանեցին ու տարան Մուշ քաղաքի ուղղությամբ: Վարդոյի Զըռու կիրճում նրանց սպասում էր զինված խուժանը:

Խնուսի Հայության բոնագաղթը շուտ սկսվեց, որովհետև մոտ էր ուազմաճակատին: Մեկ ամսում բնաջնջվեց 25.000 խուսացի: Տարագրության և ջարդի զեկավարներն էին գայմագամ Թահրին, Ալի աղան, Զ. Իսաֆը, Նուրէդդինը, Մուհիբդինը և ուրիշներ:

Ջարդն իրականացրին Համիդին, չեթեներն ու քուրդ խուժանը: Ժանդարմերիայի չափուչ Օսմանը ջարդարարներից ամենավայրագն էր:

Խնուսում իրականացվեց նաև քրդերի զրուակոչ Համիդիե գնդերում ծառայելու Համար: Այդ գնդերը կենտրոնացված էին Խնուս բերդում, Կարաչորանում, Գովանդուկում, Հարամիկում և Զեվիրմեռում: Մինչև այդ գնդերի մեկնելը ուազմաճակատ՝ նրանց սնունդն ապահովում էին Խնուսի Հայկական զյուղերը:

Թեքելիփի հարբիե պետական պարտադիր փոխառության անվան տակ Հայերից խլում էին ամեն ինչ: Այստեղ նույնպես ստեղծվեցին բեռնակիր գնդեր՝ «Օլամջի թարուր», որոնց բոնությամբ ներգրավում էին նաև Հայ կանանց: Խնուսի առաջնորդ Կ. Յոթնեղբայրյանը 1914 թ. հոկտեմբերի 10-ին գրում է պատրիարքին. «Կրակի գծին մերձաւոր Հայ աղքարնակչութիւնը պէտք ունի գերմարդկային Համբերութեան... Տնտեսական քայլքայուած վիճակի մասին աւելորդ կը Համարեմ գրել... Կ'ապրինք աշեղ տագնապալի օրեր եւ շուարած ենք...»¹: Օրբատօրե վատթարացող վիճակից անհանգստացած զյուղերի ներկայացուցիչները հանրագրով դիմեցին իշխանություններին: Վերջինները օգտագործեցին այդ առիթը և ձերբակալեցին ոչ միայն նրանց, այլև Բերդի երեխի անձանց՝ 650 հոգի: Նրանց շղթայակապ տարան իբր Կարինում դատելու համար, սակայն ճանապարհին սպանեցին:

1915 թ. մայիսի 1-ին Գովանդուկ է գալիս մի Համիդիե գունդ և Հայերին Հանկարծակիի բերելով սկսում է ջարդը: Համիդիեականներին միանում է նաև թուրք խուժանը: Հայերը Հակահարձակման են անցնում և քրդերին փախուստի մատնում:

Նույն օրը Համիդիե մի ուրիշ գունդ Հարձակվում է Սալվորի զյուղի վրա: Տեղի մարտական ջոկատը կովի մեջ է մտնում և հնարավորություն տալիս բնակչությանը Հեռանալու զյուղից: Սալվորին կողոպտվեց, զյուղացիներից շատերն սպանվեցին:

¹ Սասունի Կ., նշվ. աշխ., էջ 799:

Հաջորդ օրը համիղիելի հարձակմանն է ենթարկվում Խրբմխայա գյուղը: Նույն բանն է կատարվում, ինչ տեղի ունեցավ Սալվորիում: Ապա համիղիել ու քուրդ խուժանը հարձակվեցին Կարաչորան գյուղի վրա: Հայերը ոչ միայն դիմադրություն ցույց տվեցին, այլև տարան առաջին հաղթանակը: Թշնամին 59 դիմակ թողած փախակ: Մյուղիրն ու Օսման չափուշը սպանեցին մի քանի անգեն հայի: Նրանք նոր հարձակում են սկսում: Հայերի մարտական ջոկատը հերոսաբար դիմադրում է և ժողովրդին հնարավորություն տալիս հեռանալ գյուղից:

Այդ ընթացքում Խալիլի համիղիեականներն զբաղված էին մարդարսով, հիմնականում սպանվում էին անգեն մարդիկ, խաղաղ բնակչությունը: Մայիսի 3-ին Խալիլը հարձակվում է Կորալի գյուղի վրա, որտեղ նույնպես լուրջ հակա-հարվածի է հանդիպում: Հաջորդ օրը հասնանցիների աշխիրեթը ի. Ուսուֆի հրամանատարությամբ հարձակվում է Կարաբյոպառի վրա: Գյուղացիները փախչում են ով որտեղ կարողանում է: Նույն օրը ջարդվեցին ու կողոպտվեցին Դուման, Մարուֆ և Շաբաղին գյուղերը: Մայիսի 5-ին հասնանցի քրդերը շրջապատում են Յաղամելիք գյուղն ու գաղանաբար ջարդում բնակիչներին: Կոտորվեցին նաև Բարնազ, Խրոտ, Ենիքեոյ, Եղրդու գյուղերը: Մայիսի 6-ին հարձակման է ենթարկվում Խոզլուն: Տեղի մարտական ջոկատը կովի մեջ է մտնում և ապահովում բնակչության հեռանալը: Նույն օրը քրդերը հարձակվեցին Քաղկեդի գյուղի վրա, որի բոլոր բնակիչները սպանվում են իրենց «բարեկամ» քրդերի ձեռքով: Մայիսի 6-ին ջարդվեց նաև Ելփիար: Արյունաճեղ կոիկ տեղի ունեցավ գյուղի ջրաղացում: Մայիսի 7-ին ջարդվեց Խալչավուշը: Հերոսաբար կովեց հարամիկ գյուղը:

Ս. Սարուխանյանը վկայում է. «Երբ ոռուսերը Տարօն հասան, Ալաշկերտի աշխիրէթներն ու իրենց հրամանատար Քոռ Հուսէին փաշան փախան, եկան Խնուս ու Վարդօ, միացան տեղի աշխիրէթներու հետ եւ սկսան կոտորել հայերուն, յափշտակել անոնց ունեցուածքը, հալածել կենդանի մնացածներուն»:

Գարուն էր, երբ նրանք լցվեցին 350 տուն ունեցող Գյունդեմիր հայկական գյուղը: Նախ քշեցին ոչխարները, ապա փորձեցին գյուղ մտնել: Հայերը դիմադրեցին: Մինչև երեկո քրդերը չկարողացան նրանց դիմադրությունը հաղթահարել: Երկու կողմերն էլ զոհեր ունեցան: Քրդերին օգնության եկան մուհաջիրները և լցվեցին Գյունդեմիր: Հայերը ցրվեցին քրդական գյուղերը: Գյուղի անտառում քրդերը զազանաբար սպանեցին Խնուսի Հոգևորականներին: Քոռ Հուսէինի ափազակները գյուղում հափաքեցին մոտ 500 տղամարդ և դեռահաս ու տարան Խնուսի անտառը և Հրացանային համազարկի տակ առան: Դա հունիսի 18-ին էր¹: Ժողովրդի ոչնչացումն ուղեկցվում էր պատմական Հուչարձանների, վանքերի ու եկեղեցիների պայթեցումներով ու ավերմունքով: Ռուսական կայսերական ակաղեմիայի կոնֆերանսի մասնակիցները 1915 թ. Հոկտեմբերի 14-ին դիմում Հղեցին Կովկասի փոխարքային, որում ասված է, թե «ավերվել են բազմաթիվ հին Հուչարձաններ, թալանվել են եկեղեցական գրադարանները, թանկարժեք ձեռագրերը, որոնք հարյուրավոր տարիներ պահպանվում էին վանքերում և եկեղեցիներում...»²:

¹ «Տարօնի արծիւ», 1948 թ., № 32,էջ 89-94:

² Վրաստանի ՊԿՊԱ, Փ. 13, ց. 3, գ. 1591, թ. 2:

Ռուսական մամուլի լրագրող Լ. Ղիփիանին «Բասկանի կոտորածը» հոդվածում մանրամասը նկարագրում է խնուսահայության ողբերգությունը:

Բասկան փոքրիկ գյուղը Վարդոյի կազմայում է՝ Զապան սարի ստորոտում: 1915 թ. մայիսի 20-ին Խնուսի և նրա 27 հայաբնակ գյուղերի ողջ բնակչությանը հրամայվեց թողնել իրենց բնակավայրերը և գնալ Վարդո: Հատ որում՝ պահանջվում էր վերցնել ամրող շարժական ունեցվածքը: Հայերին դժվար կացության մեջ դնող այդ հրամանը բացատրվում էր, թե իշխանությունները իրր մտահոգված են հայերին տեղափոխելու անվտանգ վայր: 1700 ընտանիք շարժվեց գեպի Վարդո: Հասան Կյում-Կյում, որտեղ այդ ժամանակ քուրդ Ահմեդ աղայի ղեկավարությամբ տեղական քրդերից ու կղլրաշներից ստեղծվել էր միլիցիա: Կյում-Կյումի հայերը խնուսցիներին զգուշացրին, որ առաջ դնալը վտանգավոր էր, որովհետև նրանց հայտնի էր դարձել, որ Զապանի բարձունքներին խնուսցիներին սպառնում էր կոտորածը: Վերջիններս, անհանգույն հայությունը կոտորածը կազմակերպին սուլթանին և պաշտպանություն խնդրեցին: Պատասխան չստացան¹:

Հունիսի 11-ի ժամը 12-ին նրանք սկսեցին լեռնային կածանով բարձրանալ երկուական հոգով: Քարավանում հիմնականում ծերեր էին, կրծքի երեխաներով երիտասարդ կանայք, աղջիկներ, երեխաներ, կային նաև տղամարդիկ²:

Նրանք անցան լեռնային գետի վրայի նեղ կամուրջը: Հենց այդ ժամանակ հատուկ աղջանշանով՝ հրացանից կրակելով բոլոր կողմերից գեպի հայերը վագեցին քրդերը:

«Ինձ հաջողվեց ոչ միայն լինել այդ վայրերում, որտեղ մահը կատարեց իր արյունալի խրախճանքներից մեկը, այլ նաև ոչ մեծ թվով կենդանի մնացածների մեջ փնտրել Բասկանի բնակիչներին, որոնք այդ օրվա բոլոր սարսափների ականատեսներն էին: Նրանք պատմեցին, թե սկզբում հավաքեցին բոլոր արժեքավոր իրերը, հետո հրամայեցին հանվել և ոմանց հենց տեղում սպանեցին, իսկ մյուսներին ճանապարհոց հանեցին, տարան խուլ վայրեր և այնտեղ ոչնչացրեցին:

Մենք տեսանք սարսափից իրար փարված և այդպես սպանված երեք կանանց: Մենք տեսանք, ինչպես մի կնոջ մերկ ոտները կապել էին ծառից, ներքեւում թողնելով նրա փոքր երեխաներին, որոնք չէին կարողանում հասնել իրենց մորը: Խնուսի եպիսկոպոսին և 2-3 ամենախոշոր վաճառականներին տարան Զապանի ամենավերևի մասերը: Աներևակայելի աղմուկ էր ու ողբ, մարդու մազերը բիզ-բիզ էին կանգնում: Մի խնուսցի դիակների մեջ գտավ 27 կրծքի երեխաներ, որոնք ծծում էին իրենց մեռած մայրերի կուրծքը: Խնուսի ևս երեք գյուղերի բնակիչներ իրենց մահը գտան Զապանի բարձունքներին: Ճիշտ է, աշխատեցին ինչ-որ կերպ թաքցնել կատարված հանցագործության հետքերը՝ ճանապարհներից հանեցին դիակները և դրանք լցրեցին փոսերը... Կոտորածներից քիչ անց այստեղ եկավ գերմանական բարձր աստիճան ունեցող գոր-

¹ Չալխուն Գր., Красная книга, Ростов-на-Дону, 1919, с. 88, տե՛ս նաև "Кавказское слово", 5-ое октября 1916 г.

² Չալխուն Գր., Красная книга, Ростов-на-Дону, 1919, էջ 89:

ծակալը: Տեսնելով, որ կամուրջից դեպի բարձունքները տանող ճանապարհը ամբողջությամբ ծածկված էր դիակներով, նա, որպեսզի անցորդների աչքից թաքցնի վայրագության հետքերը, հրամայեց դիակները հեռացնել ճանապարհից¹:

Կամուրջից այն կողմ 200 սաժեն հեռավորության վրա ես տեսա մարդկային երկու գանգ ու ոսկորներ, և որքան ճանապարհը դեպի վեր էր ձգվում, մենք այնքան ավելի հաճախակի էինք հանդիպում չորացած դիակների՝ արդեն այրված խոտերի մեջ:

Ինձ ուղեկցողը արահետից մի կողմ թեքվեց և այնտեղ տեսավ խմբերով, միայնակ, զուգերով՝ քարերով և շշերով ծակծկված, պառկած մարդու կմախքներ...

Եվ այսպես մի թմբից մյուսը անցնելով մենք գնացինք 5-6 վերստ: Նկատելի էր, որ սպանվելուց առաջ կանանց բռնաբարել էին»:

Դիփիանին այս վայրում եղել է կոտորածից 14 ամիս հետո: «Զմուանը, գրում է նա, - սոված չներն ու գալերը հասցըել էին փախցնել տանել շատ դիակներ կամ նրանց առանձին մասեր: Նույն ժամանակ 300 կանանց խեղդել էին Ամարակ լճում»²: Հայ կամավոր Ս. Մելիքյանը ոռուսական բանակի հետ լինում է նաև Խնուառում և իր «Հայ կամաւորի յուշերից» (Թիֆլիս, 1917) գրքույկում գրում է. «Խնուառ գիւղաքաղաք է, որի բնակչութեան մեծ մասը, պատերազմից առաջ, հայեր էին... Թուրքերն, իրենց «ազնիվ» սովորության համաձայն, մեր խմբի (ոռուսական բանակի) մօտենալուն պէս քաղաքը դատարկելով՝ կրակի էին տուել, բայց հրդեհը սպասուած արագութեամբ չէր ծաւալուել: Այն սակավաթիւ բնակիչները, որոնք ազատուել էին կոտորածից, մի սարսափելի սով էին անցկացրել, եւ ամեն տեղ աչքի էր զարնում քաղցի կերպարանքը, որ կարծես դուրս էր նայում տների միջից:

Երբ պատրաստուեց Հայ ցեղի բնաջնջման ծրագիրը եւ գաւառական կառավարիչները համապատասխան հրաման ստացան, կոտորածը սկսուեց մանրակրկիտ նախապատրաստութիւնից յետոյ: Տեղի գայմագամի հրամանով՝ թուրքերը հազար Հայ հաւաքեցին ու նրանց ուղարկեցին Գիւմզիւմի ուղղութեամբ, որը Խնուարի եւ Մշոյ կէս ճանապարհին է՝ «ուազմական անհրաժեշտութեան» պատրուակով: Բայց քարաւանը, որին ուղեկցում էին զօրաջոկատներն ու քրդերը, հեռու չգնաց: Հազիւ քաղաքից դուրս եկած, մի սրտակեղեք բան տեղի ունեցաւ՝ տղամարդկանց անջատեցին կանանցից ու երեխաներից, կողոպտեցին եւ ապա սպաննեցին... Կանայք հեծկլտում էին, լացուկոծ բարձրացնում, ճչում էին: Քիչ անց նրանց ու երեխաներին թափեցին գետը: Բայց երբ երկրորդ խումբը ոտքի հանեցին, կանայք վախենալով նախորդների բախտին ենթարկուելուց, ժանդարմների առաջը նետուեցին, ծնկաչոք թախանձելով աղաչեցին՝ չապանել իրենց ամուսիններին ու գաւակներին:

Բայց այդտեղ էլ հոսեց արիւնը...»³:

¹ Վալխուան Գր., Կրասնա գիրգ, ս. 90-91, նաև «Արմենական ամսագիր», 1916, № 10.

² Վալխուան Գր., նշանակ. աշխարհ, էջ 92-93:

³ Մելիքյան Ս., Հայ կամաւորի յուշերից, Թիֆլիս, 1917, էջ 8-9:

«Армянский вестник»-նիր 1916թ. № 4-ում գրում է, որ երբ ոռոսական զորքերը 1916թ. սկզբներին մտան Խնուս, փրկվեց չուրջ 1000 հայ, առավելապես կանայք ու երեխաներ, որոնց քրդերը տարել էին որպես կին և ծառա: Նրանց թվում էր 17 տարեկան Մարիամը: Ռուսական բանակի 1915թ. ձմռան նահանջից հետո քրդերը հարձակվեցին Ալաշկերտի Զեյղեփյան գյուղի վրա և բոլոր Հայերին սեփական տներում մորթեցին: Քրդերի շեյս Մուհամմեդը Մարիամին կնության է վերցնում ու տանում Խնուս: Մուհամմեդի յոթ եղբայրներից շինգը հայ կին ունեին: Երբ Քարա-քեռիրի գյուղի մոտ ոռուսները թուրքերին ջախջախեցին, շեյսը զգալով, որ վտանգ է սպառնում, իր ընտանիքով հեռացավ Խնուսից: Մարիամը հիվանդ ձևացավ ու մնաց:

Մուշի ուղղությամբ նահանջող թուրքերն ու քրդերը հավաքեցին ավելի քան 1000 կին և երեխա, նրանց տարան Բիթլիսի ուղղությամբ ու սպանեցին:

Նույն թերթը 1916թ. իր № 16-ում տպագրեց քրդերի մոտ գտնված ևս մի խնուսից հայուհու պատմածը: «Խնուսի անկումից հետո մեր զինվորները փրկեցին այն Հայերին, որոնք թուրք չեթեներից և քուրդ արյունախումներից փախել էին լեռներն ու կիրճերը... Այնտեղ նրանց կյանքը սարսափելի էր եղել. ութ ամիս շարունակ, սկսած 1915-ի հուլիսից, նրանք ապրել էին բացօպա, ենթակա շողին ու ցրտին, անձրևին, ձյունին ու կարկուտին և հետապնդվել թուրք ասկյարների և քրդական ավազակախմբերի կողմից:

Նույնքան էլ տանջվել էին փախցված հայ կանայք, աղջիկներն ու երեխաները թուրք և քուրդ «աղայի» ծածկի տակ: Իգդիրում խնուսից մի 12 տարեկան աղջկ ահա թե ինչ է պատմել. «Երբ անցյալ տարի (1915-ին) չեթեները բնակչությանն արտաքսեցին Խնուսի գյուղերից, քշեցին նրանց անասունները, կողոպտեցին ունեցվածքը, տղամարդկանց նույնպես անասունի նման քշեցին: Առավել ճարպիկները, խիզախները փրկվեցին, իսկ մնացածները մորթվեցին կամ գետում խեղվեցին...»:

Կանանց, աղջիկներին և երեխաներին փակեցին մարագներում... Մորը բաժանեցին աղջկանից, Հարսին՝ կեսուրից, քրոջը՝ քրոջից ու տարան տարբեր ուղղություններով: Նրանցից ամեն մեկին տիրացավ մի աղա կամ բեկ... Մեր երեխաները նույնպես այդ գաղանների մոտ էին: Հարկադրեցին իսլամ ընդունել: Նրանց շահագործում էին:

Ինձ փախցրեց շեյս Շերիֆի որդի Մուսեն: Նա չորս կին և ինը հարճ ուներ: Ես 14-րդն էի: Այդ տանն իմ վիճակը սարսափելի էր, առավոտից երեկո բոլորն ինձ նախատում էին, անվանում գյավուր, անիծում էին...

Ես ոչ միայն ծառայում էի Մուսեի հարեմում, այլև պետք է կթեի ոչխարները: Մուսեի մոտ կային նաև հինգ հայ երեխա, որոնք գառներ էին արածացնում: Բորիկ, տկլոր այդ երեխաները օրը երկու անգամ հոտը քշում էին լեռան ստորոտը՝ արածացնելու: Այդ երեխաներին նույնիսկ չէին տալիս այն, ինչ նետում էին շներին: Նրանք սկսել էին քրդերեն խոսել:

Երբ ես համարձակվում էի երեխաներին մի կտոր հաց, մածուն, կաթ և այլն տալ, քուրդ կանայք ինձ ծեծում էին:

Խնուսի բերդում կար ոչ պակաս 600-700 իմ վիճակում գտնվող կին և 2000 երեխա, որոնց այստեղ էին քեզ հարեխան հայկական գյուղերից»:

Հայուհիներն իրար հետ տեսնվել չէին կարող, բացի աղբյուրից ջուր տանելու մի քանի բոպելից, երբ իրար հետ մի քանի բառ էին փոխանակում: «Թե՛ տանը և թե՛՝ դրսում մեր մնալու նույնիսկ գոյությունը կախված էր մեզ հետևողների քմահաճույքներից: Մեզնից շատերը սպանվեցին:

Մեզ բոլորիս հարկադրեցին խլամանալ: Թույլատրվում էր խոսել միայն քրդերեն: Ամեն օր մոլլան գալիս էր՝ նամազ սովորեցնելու: Վայ չենթարկվողին: Մենք իրավունք չունեինք առանց լվացվելու ծեսը և նամազ կատարելու մոտենալ ներերի (քրդի կանանց) սեղանին կամ ուտելիքին ձեռք տալ.... Մենք չէինք օգտվում ոչ միայն կնոջ, այլև հարձի իրավունքներից: Պարզապես բավարում էինք նրանց տոփանքը: Մեզ, անասունի նման, հարկադրում էին աշխատել վաղ առավոտից մինչև ուշ երեկո:

Պարտավոր էինք նաև ավել բակը, մարագը, գոմը, կերակրել անասուններին, ջուր բերել: Կովերը կթելու գործը քչացել էր: Սակայն տվեցին բուրդ և իլիկ ու մենք գործում էինք գուլպա, շալ, գորգ... Այդ աշխատանքները կատարում էինք գիշերը՝ մարիսի աղոտ լույսի տակ... Ներերը մեզ հարկադրում էին հայհոյել մեր սրբություններին: Այդ դահիճները, մտրակը ձեռքներին, մեզ հարկադրում էին դատապարտել բոլոր այն սրբությունները, որոնք դարերի ընթացքում սերտաճել էին մեր հոգիների հետ: Ռուսների կողմից էրգրումի շրջապատումից և Խնուսն ընկնելուց հետո քրդերը հարավ փախան: Նրանք իրենց հետ տարան հայ երեխաներին ու իրենց ոչխարները...

Մոտ 500 կին և երեխա ազատվեցին, բայց դեռ քրդերի մոտ շատերը կան, որոնց պետք է ազատել»:

Նշենք նաև, որ Խնուսի գյուղերը (Քարաչորան՝ 800 տուն, Գովանդուկ՝ 300 տուն, Սարվորին՝ 50 տուն, Խրմախտեան՝ 150 տուն, Գորալ՝ 200 տուն, միավորվում և ինքնապաշտպանության են կանգնում: Նրանք հաջող կոփվներ էին մղում: Սակայն բավարար քանակությամբ ուազմամթերք չունեին և հարկադրված փախուստի դիմեցին:

* * *

ՍԱԼՆՈ ԶՈՐ. - Ախլաթի, Դատվանի, Հարզոյի, Բիթլիսի մյուս շրջաններում զորահավաքը կատարվեց նույն խստությամբ, ինչպես նախկին պատերազմների ժամանակ. զորքը, չեթեներն ու աշիրեթները կերակրվում էին հայկական գյուղերի հաշվին և, նախկինի նման, միտումնաբար փչացնում էին հայերի ունեցվածքը, մասնավորապես սննդամթերքը, սովի մատնելու միջոցով նրանց մղում արտագաղթի: Մատնիչների օգնությամբ հավաքվեցին Ախլաթի հայերի մոտ եղած բոլոր զենքերը, բացի հին ֆիդայիների հրացաններից, որովհետև վերջիններն սպառնացին, թե զենք պահանջողին սպանելու էին ու լեռ բարձրանալու:

Ախլաթի մի քանի հայկական գյուղեր ոչնչացվեցին մինչև 1915 թ. գարունը: Վասպուրականի ջարդերի ժամանակ հայ գյուղացիների մի մասը Վան հասնել չի կարողանում և ապաստանում է Ախլաթում: Արամ Մանուկյանը նամակով Բալաբեղ Կարապետին խորհուրդ տվեց լեռ բարձրանալ: Հետեւ այդ խորհրդին, Կարապետը հին հայողուկ Սողոյի հետ հավաքում է 300 երիտասար-

դի ու Նեմրութի փեշին ժողով անցկացնում: Բայց Հստակ կողմնորոշվել, թե ինչ անել, չեն կարողանում: Սողոն Շամիրամ գյուղի մարտիկների հետ բարձրանում է Նեմրութ:

Կարապետին ոչնչացնելու նպատակով թուրքերը գյուղապետի մասնակցությամբ զավադրություն են կազմակերպում: Վերջինս հաջողում է ժողովի մասնակցելու պատրվակով Բալարեղին ծուղակը գցել: Երբ նա մտնում է ժողովատեղ, վեց ոստիկան անմիջապես նրա թևերը ոլորում են, կապկառում ու տանում Բաղեշի բանտ:

Սողոյին բռնելու համար ապրիլի 10-ին 15 ոստիկան գնում են Շամիրամ ու տեսակցում են նրա հորեղբոր հետ, որպեսզի ծերուկը Սողոյին համոզի գնալու վալու մոտ՝ քննարկելու հայկական գյուղերի անվտանգությանը վերաբերող հարցեր: Սողոն մերժում է: Թուրքերը համոզում են, թե Ա. Վոամյանն ու Բալարեղ Կարապետը վալու մոտ են և նրան կանչում են: Սողոն իջնում է Շամիրամ գյուղ, 15 ոստիկան նրան սիրալիր ընդունում են, տանում Բաղեշ և նետում նույն բանտը, որտեղ Բալարեղն էր: Երկուսին էլ գազանաբար հոչում են:

Այդ մասին լսելով՝ երիտասարդները բարձրանում են Նեմրութ, որտեղ նրանց միանում են Սոխորդի, Տափավանքի, Ջրհորի, Շամիրամի և Կծակի երիտասարդները իրենց ընտանիքների հետ: Սակայն սառնամանիքի պատճառով կանայք ու երեխաները հարկադրված վերադառնում են գյուղ: Քրդերը նրանց բոլորին ոչնչացնում են:

Երբ թուրքերը Վանում պարտվելով փախան արևմուտք, նրանց մի մասն անցավ Ախլաթով և վրեժիսնդիր եղավ հայ բնակչությունից: Հատուկենտ մարդիկ փրկվեցին:

Նեմրութ ապաստանած երիտասարդների թիվը ապրիլին հասավ 300-ի, որոնց ղեկավարներն էին շամիրամցի Արամը, Մուշեղը, Այվազ Գևորգյանը և Հարություն Դերյանը: Քրդերը մի քանի հարձակում գործեցին նրանց վրա, բայց մեծ զոհեր տալով՝ փախան: Նույնը կատարվեց թուրքական զորքերի հետ:

Նեմրութի ինքնապաշտպանական կոիվներն սկսվեցին ապրիլի 2-ին և շարունակվեցին մինչև հուլիսի 2-ը՝ երեք ամիս: Այդ «երկարակեցության» պատճառներից մեկն այն էր, որ նախնական հարձակումների ժամանակ հանդիպելով հայերի ահեղ դիմադրությանը, թուրքերն ու քրդերը այլևս խուսափում էին Նեմրութ բարձրանալ:

Հայդուկների կյանքը Նեմրութում ծանր էր, մասնավորապես դժվար էր սննդի կազմակերպումը: Սննդի համար անասուններ փախցնելու նպատակով հայդուկները հաճախ էին բախումներ ունենում քրդերի հետ և դա ոչ առանց զոհեր տալու:

Հունիսի վերջին Ախլաթ հասավ ոստական զորքը և այդ «տարօրինակ մարդիկ» Նեմրութից իջան: Մի քանի օր կազդուրվելուց հետո բոլոր 300 կտրիճներն էլ մտան կամավորական գնդեր:

Սղերդի Բարվարիի գյուղերում նույնպես գործում էին հայդուկային խմբեր: Ողմի հայդուկները Լաթոյի ղեկավարությամբ ինքնապաշտպանական կոիվներով նահանջեցին Մոկս և Փեսանդաշտ ու մասնակցեցին վերջինիս հերոսա-

մարտին: Իսկ Բարվարիի հայկական գյուղերի (Ալկեֆ, Բեղար, Արջկանց, Դաշտըկ, Կոռիչ, Պերող և այլն) բնակչությունը գրեթե ամբողջությամբ ոչնչացավ:

Ռուսների կողմից Վանը գրավելուց հետո ջեղեթն իր տրամադրության տակ ունեցած ուղղմական ուժերով շարժվեց Բաղեշի ուղղությամբ: Նա հոփորտում էր, թե զնում է լուծելու Վանում Հայերի դավաճանության վրեժը: Ոչ միայն նա, այլև երիտթուրք մյուս գործիչներն իրենց ուղղմական բոլոր պարտությունների պատճառը համարում էին Հայերի «դավաճանությունը»: Կրած պարտությունները Հայերի դավաճանությունով պատճառաբանելը նրանց համար բնավորություն էր դարձել: Այդպես էր Սարիղամիշում կրած պարտության ժամանակ, այդպես էր Ատրպատականում և Ուրմիայի շրջանում ձախողումների դեպքերում: Նույն էր նաև Վանի գրավման պարագայում:

Իրականում զիսավոր պատճառը թուրքական բանակում զինվորի ծանր վիճակն էր, որն այդ բանակին զրկել էր մարտունակությունից: Թուրքական բանակի 44-րդ զնդի 4-րդ վաշտի հիսնապետ Յազդին իր հուշերում, որոնք լույս են տեսել Թիֆլիսում 1919 թ. «Մի թուրք սպայի հիշատակարանից» անունով, գրում է. «Այսօր ճանապարհին տեսանք մի սատկած ձի: Զինվորները բոկոտն լինելու պատճառով իսկուն վրա թափվեցին և նրա կաշվից մի-մի կտոր քերթեցին՝ տրեխ կարելու համար: Մի սոսկալի տեսարան էր՝ ճանապարհին խումբ-խումբ թաղում ենք հիվանդներին, տեսնում ենք, որ զինվորներից ոմանք... հում միս են կրծոտում... Նրանց հագուստները սոսկալի էին: Նրանցից մասի հոտ էր գալիս, որովհետև ուսապարկերում հում միս էին պահում: Խոլերայի վտանգ կար»:

Նույն էր վիճակը ոուսների դեմ կովող բոլոր զորամասերում՝ քաղցը, գոյության տարրական Հնարավորությունների բացակայությունը, համաճարակ-ներն ու այլևայլ հիվանդությունները հնառում էին թուրք զինվորներին, թուրքական զորամասերին վերածում ավազակախմբերի, վրիժառու հրոսակների:

«...Հասնում ենք մի Հայկական գյուղի, - շարունակում է թուրք սպան,- և գիշերում զրա մոտակայքում: Ժողովուրդը փախել է. փոքրիկ գյուղ է, որի շրջապատի արտերը հերկված են: Մարդիկ (Հայերը) խակապես որ աշխատասեր են... Երեկոյան Հանգստանում ենք Թախսրիվածիրում: Խսխերից սկսած մինչև այստեղ մեր ճանապարհին եղած գյուղերում բնակվել են Բեղրըխանները, որոնք մահմեղական են, բայց կողմանակից են ոուսներին, սպանել են մեր զինվորներին և նրանց զենքերը խլել: Խալի բեյը քանդել տվեց նրանց գյուղերը, իսկ Հանցավորներին ձերբակալելով, ճանապարհի վրա կախեց: Ինչ գեղեցիկ տեսարան էր, սակայն ափսոս պարանները: Մարդ հրճվում է, երբ տեսնում է, որ ոչնչացնելու արժանիներն անպատիժ չեն մնում... Սղերդում 2000 հայի են կոտորել: Տեղի ժանդարմները անցյալ օրը վերադարձել էին: Ասել է, թե եկել էին մաքրագարդելու: Դիարբեքիրում էլ են կոտորում: Աստված իմ, արժանի արա վայելելու մեր հաղթանակի հրճվանքը»:

Ահա այս տրամադրությամբ էր գործում թուրքական բանակը, նա ոչ այնքան տեսնչում էր ուղղմական Հաղթանակ, որքան ջարդ ու կողոպուտ Յազդին շարունակում է պատճել. «Բիթլիսում եղող Հայերին դեռ չեն կոտորել: Հավանաբար մեզ հենց զրա համար են բերել: (Բիթլիսում) ժողովուրդը (քրդերը) մեզ դիմավորելու համար խոնվել էր ճանապարհներին: Ժողովրդի տարազն ու շար-

ժումները հիշեցնում են Հին դարերը: Կատարյալ վայրենի մարդիկ են: Հայերի տներն ավելի ամուր են: Նրանք ապաստանել են այդ բերդանման տներում և երբեք դուրս չեն գալիս: Գյուղերի Հայերին լրիվ կոտորել են, իսկ ով կարողացել էր փախչել, ապաստանել էր քաղաքում: Մեր անցնելու ժամանակ նրանք հետաքրքրությամբ նայում են պատուհաններից՝ Հավանաբար մտածում են, թե սրանք եկել են մեր կյանքին վերջ դնելու: Մի հայ երեխայի հարցրի. «Ինչո՞ւ տներից դուրս չեն գալիս»: «Սպանում են», - պատասխանեց տղան: «Դու սպանվել ուզո՞ւմ ես», - կրկին հարցրի երեխային: «Դու այդ բանը ուզո՞ւմ ես, որ ես ուզեմ», - պատասխանեց գուլպա վաճառող փոքրիկ Հայը:

Երեկ տեսնվեցի մի ոստիկանի հետ: Նա ասաց. «Քաղաքի Հայերի թիվը 10 հազար է: Տները շատ ամուր են, իսկ իրենք մեծից մինչև փոքրը՝ գինված: Սակայն վանեցիների չափ կտրիծ չեն: Մինչև այժմ որևէ բան անել չկարողացանք, բանի որ վախեցանք, որ կրկնվի Վանում կատարված անմտությունը»:

Մի ուրիշ ոստիկան ասաց. «Այս քաղաքի առանցքը պետք է գտնել ու դա պայթեցնելով՝ քաղաքը հօգս ցնդեցնել: Ուրիշ ելք չկա: Առայժմ Հավաքում ենք դաշնակցականներին և հայ երևելիներին»:

(Հաջորդ օրը քաղաքից վերադարձիս մեր զորատեղում) իմացա, որ մեզ մոտ եղած հայ զինվորներին էլ են պահանջել: Վաշտում եղածներին տարան: Միհրանը համբուրեց ձեռքս և ասաց, «Էֆենդի՛, իրավունքը ինձ Հալալ արա»: Նրանց հանձնեցին ամրություններ կառուցող զումարտակին: Զափազանց ողբերգական տեսարան էր, խուզարկում էին նրանց գրապաններն ու ծոցերը և ինչ գտնում վերցնում էին: Մի քանի զինվորներ էլ եկել էին մեզ մոտ: Սրանք հայ զինվորներին իբր Բիթլիս պիտի տանեին, բայց Ազրայիլի նման սպասում են: Դեպի մահ էին տանում հայ զինվորներին»:

Բաղեշի Հայերի կազմած մի տեղեկագրում, որը ներկայացվեց Անտանտի ներկայացուցիչներին, ասվում է, որ Բիթլիսում զորակոչեցին 21-45 տարեկան բոլոր հայ տղամարդկանց, Հաշվի չառնելով ո'չ առողջական և ո'չ էլ ընտանեկան վիճակը:

Զորակոչվածներին անմիջապես ուղարկեցին ուղամաճակատ և բոլորը ջարդվեցին: «Ճակատէն զնդակ չստացողը թիւրք զինուորներու կը յանձնուէին, ու բանակէն կէս ժամ հեռացնելով կը ջարդէին»: Այդ մասին Կարինի առաջնորդ Սմբատ եպս. Սաաղեթյանի հարցմանը վալի թահսինը պատասխանել էր. «Այո՛, թերեւս այդպիսի դէպքեր պատահած են... Հրաման տրուեցաւ չկրկնուելու: Այսուհանդերձ շարունակուեցաւ ցվերջ փճացնելով ամրող հայ զինուոր երիտասարդությունը...»

Թիւրք և քիւրդ ժողովուրդեան արիսնարրու ոճրագործներէն կազմուեցան չեթէական խումբեր, որոնց մեջ մտնողները ներման կ'արժանանային հին ու նոր բոլոր դատապարտութիւններէն եւ զինուորական ծառայութիւնէն: Թիւրք ժողովուրդը իրարու կարգ չէր տար այս վայրագ գործին մասնակցելու, որոնք հայերու օճախները պիտի քանդէին»: Բաղեշում զիսավոր ջարդարարներն էին Ն. Նուրէղդինը, Մ. Մուսան, Հ. Յուսուֆը, Ջ. Ալին, Ս. Թուրսունը, Մ. Նասրուլլահը, Հ. Շեմսէղդինը, Հ. Խալիլը, որոնց տրամադրության տակ եղած Հագարավոր գործակալներն ու ելուզակները օր ու գիշեր կողոպտում էին Հայկական

գյուղերը, սպանություններ և առևանգումներ կատարում: Նրանց ընդդիմացողները ենթարկվում էին ոստիկանների վայրագություններին:

Տատիկ գավառի Կշտոնկ գյուղի թուրք և քուրդ ջարդարարները 1915 թ. փետրվարին մերձակա հայկական գյուղերի բոլոր արու բնակչությանը լցրեցին Գելի եկեղեցին և սրով ու կացնով մորթեցին, բնակչությանը կողոպտեցին, մեծ թվով աղջիկների գերեվարեցին:

Նույն վիճակն էր Դատվանի. Ախլաթի և Արձեշի կազմաներում: Նրանք ապրիլ ամսին ենթարկվեցին թուրքական նահանջող բանակի խժություններին: Բազմաթիվ հայեր կոտորվեցին: Տեղի հայերից շուրջ 300 հոգի փախավ Տարոն, որոնց որոշ ժամանակ անց թուրքերը սպանեցին:

Մանագկերտի և Բուլանըլսի հայ բնակչությունը, բացի հարավային գյուղերից, գերծ մնաց ջարդերից, որովհետև նախ, այդ տարածքները պատերազմական գոտի էին, և ապա, ուստական զորքերը դրանք չուտ գրավեցին: Դրա շնորհիվ Բուլանըլսի և Մանագկերտի կազմաներից փրկվեց 25.000 հայ:

Վարդոյի Գյուղնդեմիր գյուղի հայերն իրենց անասունները հափշտակությունից փրկելու համար անտառ փախցրին: Ոստիկանները գյուղ լցվեցին, հավաքեցին շուրջ 100 հոգու և տարան բեռներ տեղափոխելու: Նրանց մեծ մասը ճանապարհին ցրտահարվեց, շատերը մահացան¹:

Բաղեշում խմբակային ձերբակալություններն սկսվեցին 1915 թ. մայիսի վերջերին: Քաղաքի 70 մտավորական ու երևելի դեմքեր բանտ նետվեցին: Դրանից հետո էր, որ բաղեցիները փակվեցին իրենց տներում և քաղաք չէին իջնում, իսկ տներում հայերին ոչնչացնելը դժվար էր ոչ միայն այն պատճառով, որ նրանք բնակվում էին քարե ամուր տներում, որոնք բերդի նշանակություն ունեին, այլև տեղադրված էին կիրճի բարձրադիր մասերում, ինչը դժվարացնում էր հարձակումը դրանց վրա: Ահա թե ինչո՞ւ վալին ամեն ինչ անում էր հայերին իրենց բերդ-տներից վար բերելու, որի միակ միջոցը խանութները (որոնք ցածում էին, քաղաքի կենտրոնում) բացելն էր: Հայերին համոզելու համար վալին ձերբակալվածներից 60 հոգու ազատ արձակեց: Հայտարարվեց, թե պատժելու են միայն վտանգավոր հանցագործները: Բայց նույն այդ օրերին բանտում զագրելի խոշտանգումներով սպանեցին քաղաքի մտավորականության մի քանի ներկայացուցիչների:

Հայերը հավատացին վալու երդմանը և շտապեցին խանութները բանալ: Դա նրանք նաև արեցին «կառավարության աչքին վտանգավոր մարդ չերևալու համար»: Նույն օրը շուկայում ձերբակալվում է 700 հայ, որոնց փակում են զորանոցներում: Ձերբակալում էին 12-80 տարեկան պատանիների, չափահաս տղամարդկանց ու ծերերի և քաղցած խումբ-խումբ իջեցնում էին ձորն ու սպանում:

Հայերի վիճակն ավելի ծանրացավ, երբ քաղաք լցվեցին Վանից փախած աշխեթներն ու չեթեները:

Ընդհանուր հուսալքության ու ջարդի համայնապատկերի վրա ավելի ընդ-

¹ Սասունի Կ., նշվ. աշխ., էջ 749-750:

գծվում էր հինգ տների կանգուն ու փակ մնալը: Այդ տները հետ էին շպրտում ոհմակների բոլոր գրոհները: Քաղաքի փողոցներում արյունը հոսում էր զետ դարձած, ամենուրեք դիակներ էին, իսկ հինգ՝ Երմոյանների, Ժամշամանի տներում ինը խիղախներ՝ Հովսեփ Երմոյան, Մուշեղ Կըճյան, Մուշեղ Զուլանյան, Արամ Ժամշաման, Նրա փեսա Աբրահամ, Լևոն Բատիկյան, Սիրուն Գավուգյան և տան տերերը սառնասրությամբ հակահարված էին տալիս ջարդարարներին: Նրանք կովեցին մինչև վերջին շունչն ու մեռան հերոսի մահով:

Նարունակենք լսել թուրք սպային. «Այսօր ճանապարհին հանդիպեցինք երկու ժանդարմների, որոնք տանում էին 40-50 հայ կանանց, տղամարդկանց և երեխաների: Ոտարորիկ էին ու լալիս էին: Հաց էլ չունեին: Մարդ ցավում է նման բաներ տեսնելով: Բայց ցավել պետք չէ: Անպիտաններն ամբողջությամբ միկրոբներ են: Թող հանուն հասարակական անվտանգության՝ սրանք էլ գնան..., թող գնան տեսնելու իրենց ցանկացած անկախությունը: Ժանդարմներին հարցրեցինք, թե ո՞ւր եք տանում սրանց: Պատասխանեցին, թե մի քիչ տեղ էլ պիտի տանեն և ապա բոլորին սպանելու են: Ճանապարհին հանդիպեցինք նաև մի հայ կող դիակի, որին անփոյթ գցել էին ճանապարհի մեջտեղը:

Բիթլիսից երեք ժամ հեռավորության վրա ենք: Ճանապարհին մեր տեսած 40-50 հայերից առաջ հանդիպեցինք բահ ու բրիչավորների: Նրանք փոսեր էին փորում, իսկ մյուսներին (հայերին) էլ մեկ-մեկ, երկու-երկու ուղարկում էին Մարգո փաշայի մոտ:

...Առավոտյան ճամփա ենք ընկնում: Մեկնելուց առաջ տեսա, որ տղաները ճանապարհին մի հայ երեխայի էին կենդանի թաղել: Նրա գլուխն ու ձեռները հողից դուրս էին թողել և քթից ու բերանից արյուն էր հոսել:

Ճանապարհի երկարությամբ ջրի ափին հանդիպեցինք ևս չորս հայի դիակի: Նրանցից մեկի մարմինը, առնանդամն ու ամորձիները չափազանց ուռել էին, մեկ ուրիշը նստատեղում խոշոր պաշար ուներ (երկի վախից), մյուսներն էլ զանազան տեսակ այլանդակություններ ունեին: Բոլորի մարմիններն էլ ծածկված էին բազմաթիվ վերքերով: Մի այնպիսի զգելի տեսարան էր, անհնար է նկարագրել... Առանց իմանալու, կուշտ-կուշտ խմեցինք դիակներով լի ջրից: Չես հասկանում, թե ինչու դիակները թողնում են բաց և ապականում մթնոլորտը:

Լրիվ անկախություն ասիք, հա՞..., ձեր ախորժակը պահեք այն աշխարհի համար: ...Դարձյալ գարշահոտություն է զգացվում: Նայում ու տեսնում ենք մի ուրիշ դիակ, լրիվ սևացած: Մարգկանց լրիվ մերկացնում են և ապա սպանում: Մի քիչ էլ ենք առաջանում և բանակատեղի մոտ եղած փոսում տեսնում ենք մի ուրիշ դիակ»:

«Հայերն, իրենց խանութները բաց թողած, փախչում են, - շարունակում է պատմել թուրք սպան, - ժանդարմները բաց են անում հայերի տների դռները, ներսում եղածներին դուրս են հանում ու հավաքում մի հրապարակում: Հավաքվածները ժանդարմների հսկողության տակ են: Մարգիկ որևէ դիմադրություն ցույց չտվեցին: Վերջապես Բիթլիսն էլ մաքրվեց: Մեր կիսարամնում 200 հայ դինվոր կար, նրանք էլ մաքրվեցին: Առաջին օրը, երբ գնացի Բիթլիս, կա-

ուավարությունը հայտարարեց, թե բոլորն իրենց խանութները բացեն... Այդ հայտարարությունից հետո հայերը խանութները բացեցին ու սկսեցին առևտուր անել: Հնազանդ ժողովուրդ, իմանալով հանդերձ, որ մեռնելու է, այնուամենայնիվ, կանոնավոր առևտուր է անում: Սա հույսի աշխարհ է՝ չէ՞ որ կարող է մտածել՝ «Գուցե աղատվե՞մ»: Կուսակալը հմտորեն որսում է այս հոգեբանությունը, ասելով. «Գուցե՞ կառավարությունը ձեզ ների: Իսկ ես ձեզ 60 տոկոսով վստահեցնում եմ, որ եթե հավատարիմ մնաք, կազմակերպ: Եկող զինվորներից մի՛ վախեցեք, նրանք պատերազմ են գնալու»: Այսպես ասելով (հայերի ձրի աշխատանքով) զորանոցներ է կառուցել տվել, իսկ հետո, մարդկանց մեջ իսկապես վստահություն է ներշնչում ու նրանց բոլորին կոտորում»¹:

Եվրոպական թերթերը գրեցին, որ Զևսեթը մայիսին 8000 զինվորով մտավ Սայխստ: Նա սպանեց Սայխստի քրիստոնյաների մեծամասնությանը:

Ըստ հավաստի աղբյուրների՝ նա հրամայեց, որ զլխավոր հրապարակում ողջակիզեն եղիչե վարդապետին:

Հունիսի 25-ին թուրքերը պաշարեցին Բիթլիսը և կտրեցին բոլոր կապերը հայկական զյուղերի հետ: Ապա բռնությամբ տներից հանեցին բանակային տարիքի բոլոր տղամարդկանց: Հաջորդ օրերին նրանց տարան արվարձանները, ստիպելով, որ փոսեր փորեն, ապա գնդակահարեցին և թաղեցին այդ փոսերում: Կանայք, երիտասարդներն ու երեխաները բաժանվեցին զորքերին: Անպետք համարվողներին քշեցին հարավ, և ենթադրվում է, որ նրանց նետեցին Տիգրիս գետը ու խեղդամահ արեցին:

Ոմանք փորձեցին պաշտպանվել, բայց հաջողություն չունեցան՝ թուրքերը ճնշեցին: Հայերը տեսնելով, որ փամփուշտները վերջանում էին, ինքնասպան եղան իրենց ընտանիքների հետ՝ ջարդարարների ձեռքը ընկնելու համար: Թուրքերը Բիթլիսում ավելի քան 15.000 հայ բնաջնջեցին:

Վկաների հարցաքննության արձանագրություններից մեկում կարդում ենք. «Այս փոսերում զուգահեռ պառկած էին 300 դիակներ երկու շարքով (կանայք և տղամարդիկ): Բիթլիսի Սուրբ Աստվածածին եկեղեցում տեսել եմ հայերի 200 դիակ, այդտեղ էր նաև կախաղանը: Մեր զինվորներն այդ կախաղանից կանանց ու տղամարդկանց դիակները հանեցին ու թաղեցին: Բուն Մուշ քաղաքում 1915 թ. հունիսին սպանվել էր 17 հազար հայ: Մուշ-Բիթլիս շրջանում, փախստականների կարծիքով, սպանվել էր 160 հազար հոգի: Մուշի դաշտավայրում թուրքերը նախապես բանտարկեցին ու մորթեցին բոլոր տղամարդկանց, իսկ կանանց ու երեխաներին հավաքեցին խոշոր զյուղերում և մեծ մարագներում ու այրեցին... Մուշի և Բիթլիսի հայերի կոտորածին մասնակցեց Բիթլիսի նաշանգապետը: Այդ ժամանակ Դիլմանից դեպի Բիթլիս էին գալիս երեք հավաքական ջախջախված դիվիզիաների զորամասերը Խալիլ բեյի հրամանատարությամբ (ներկայումս 6-րդ բանակի հրամանատար): Նրա հրամանով՝ դիվիզիայի թուրք ասկարները զինաթափեցին և սպանեցին նույն դիվիզիայում գտնվող 800 հայ զինվորի, բժշկի և սպայի»:

¹ "Армянский вестник", 1916, № 1.

Պատմում է Անդրե Մանդելշտամը. «Հետո ջևեթ բեյը շարժվեց Բիթլիսի վրա (Հունիսի վերջին): Բոնություններ գործադրելով գանձեց 5000 թուրքական ուկի փրկագին և կախաղան հանեց 20 հայ երեւլիների: Ապա ձերբակալեց քաղաքի պնդակազմ, ուժեղ մարդկանց և քաղաքից դուրս հանեց ու զնդակահարել տվեց: Խուժանը կանանց ու երեխաններին քշեց հարավ, իսկ մնացած ամբողջ բնակչությանը, համաձայն վկայությունների, խեղդեցին Տիգրիսի ջրերում: Դիմադրության փորձերը զինվորները հեշտությամբ էին ճնշում:

Ինքնապաշտպանության դիմածները վերջին փամփուշտն արձակելուց հետո թույն ընդունեցին կամ ինքնասպան եղան սեփական տներում»¹:

Մի քանի օր անց Բաղեշ այցելած մի մահմեղական վկայեց. «Բիթլիս քաղաքում ոչ մի հայ չկայ: Հայկական տուններն այրուած են ու քանդուած: Ոչ մի եկեղեցի կանգուն չէ: Ա. Կարմրորակը վերածվել է զորանոցի»²:

«El Dia»-ն 1915 թ. օգոստոսի 4-ին գրում է. «Թուրքերը շարունակում են համատարած կոտորածի իրենց քաղաքականությունը... Բիթլիսի բոլոր հայ տղամարդիկ սպանվել են: 9000 կանայք և երեխաններ տարվել են Տիգրիսի ափ և նետվել գետը կենդանի կամ սպանված»:

«Մի սպա պատմեց, - գրում է Ֆայել Էլ-Ղուսեյնը, - որ Բիթլիսում հայերին լցում էին հարդի մեծ մարագները, դռները ծղոտով փակում էին ու հրդեհում... Նա տեսել էր մի ջահել աղջկա, որը գրկից բաց չէր թողնում իր փեսացուին և աներկուղ նրա հետ մահվան էր գնացել մտնելով կրակով բռնված մարագը»³:

«Գայմագամի հրամանով հրդեհվում էին հարուստ հայերի տները, - պատմում է թուրք ականատեսը: - Նման տներից մեկի երկրորդ հարկում երեսաց մի կին՝ երեխան գրկին: Հրացանի փողերն ուղղվեցին դեպի կինը, իսկ կրակը մոտենում էր նրան: Ի վերջո, կինն ու երեխան այրվեցին: Երբ ասկարներին հարցրին, թե ինչպե՞ս չեն ամաչում խոշտանգել անմեղ երեխաններին, պատասխանեցին. «Սուլթանի հրամանն է»⁴:

«Հնչակը» 1915-ի օգոստոսին (№ 3) գրում է. «Բիթլիսը մոխրակույտի է վերածված, չեն խնայել անգամ կանանց ու երեխաններին: Նրանց տարել են Տիգրիսի ափերը, հրացանազարկ են արել և դիակները նետել գետը: Զոհերի թիվն անցնում է 10.000-ից»:

Բիթլիսում կոտորածները, - գրում է Հանրի Բարբին, - սկսվեցին միայն 1915 թ. Հուլիսին՝ Վանից ոռուական զորքերի ժամանակավոր նահանջից հետո: Այդ քաղաքում կոտորածները պարբերական բնույթ էին կրում: Քրդական և թուրքական զյուղերը կամ լեռները փախած հայերը խմբերով քաղաք էին բերվում այստեղ կոտորելու համար: Սկզբում բանակի կարիքները հոգացող արհեստավորներին խնայում էին, սակայն հայ կամավորների և ոռուական բանակի կողմից Բիթլիսը գրավելուց մի քանի օր առաջ նրանք բոլորը խեղդամահ արվեցին:

Բոլոր զյուղերում, ինչպես նաև բուն Բիթլիսում թափված են մարդկային

¹ Տե՛ս Յարևանդ, նշվ. աշխ., Ա. Մանդելշտամի առաջաբանում:

² Պալաքեան Գ., Հայ Գողգոթան, էջ 272:

³ «Թուշամատեան Մեծ Եղեռնի», էջ 547-550 կամ F. Ghossein, p. 20-22:

⁴ "Դեյն", 6-օգոստոսի 1915 թ.

բազմաթիվ ոսկորներ ու կմախքներ: Դրանք դժբախտ հայերինն էին:

Հացահատիկի բոլոր հորերը լեփ-լեցուն են մարդկային ոսկորներով: Բիթլիսում բնակվող 18 հազար հայից կենդանի են մնացել մոտ 300-400 կանայք և երեխաներ, որոնք բոլորը մահեղականացված են¹:

Գորդեսկին գրում է. «Բիթլիսում ինձ պատմեցին, որ հայերի տները, փողոցները, եկեղեցիները ու վանքերը լցված էին դիակներով, կանայք ընկած էին սպանված՝ բռնաբարությունից հետո, թափված էին ածխացած դիակներ «ինչպես խորոված խոճկորներ... Հաճախ որովայնախոռոչը լցված էր լինում ավագով, հյուսքերը կտրված էին, կիսամոխրացած կոշիկի և տարատի մեջ թաքնված էր ոտքը, իսկ փոքր-ինչ հեռու թափալվում էին գանգը, թեր: Բիթլիսից դուրս կիրճում դիակների բլուրներ էին, ոմանց պարանոցին մետաղե ծայրակալներով պարաններ էին կապված, կարծես թե տանջողները նախ եղջրահարել էին զոհերին: Դա սպանդ էր, ժողովրդի աննախաղեալ ջարդ: Մարդիկ, ասես, կորցրել էին խիղճը: Իսկ եփրատն ամաչել էր և լաց եղել արյան արցունքով: Մուշի մոտակա կամուրջը դեռևս կրում է շերտերը այն հետքերի, երբ գետն արյունից վարարել էր: Այդպես զոհվեցին մեկ միլիոնից ավելի հայեր»:

ԱՄՆ-ի պետական քարտուղարին 1915 թ. նոյեմբերի 9-ին ուղարկած նամակում Հենրի Մորգենթաուն մեջքերում է կատարում Ալմա Յոհանսոնից Մուշի ու Բիթլիսի հայության ողբերգության վերաբերյալ և եղրահանգում. «Սա մի պատմություն է՝ գրված արյունով»²:

Բիթլիսի հայության «հաշիվը մաքրելուց» հետո ջարդարարները հյուսիս շարժվեցին:

«...Հասանք Դատվան,- պատմում է թուրք սպան,- ճանապարհին հանդիպեցինք մի դիակի: Իսկ անասունների դիակներն այնքան շատ են, որ հնարավոր էր ենթադրել, թե ճանապարհին գաղթական հայերն ինչպիսի թշվառությունների են ենթարկվել: Նրանք բոլորը լցվել էին Բիթլիս, որտեղ ո՛չ իրենց և ո՛չ էլ անասունների համար կեր ճարել չէին կարողանում: Այժմ մուրացկանությամբ են ապրում և Բիթլիսի լավ ջրից բացի ուրիշ բան չունեն:»

(Դատվանում) բոլոր հայերին կոտորել են հենց գյուղում: Ես հանդիպեցի հեռագրատան տեսուչին: Նա հայտնեց՝ Կարճկանի (Ալլաթի դիմացը) 86 գյուղերից 11-ը եղել են թրքարնակ, իսկ մնացածները՝ լրիկ հայաբնակ: Բոլոր հայերին կոտորել են, որոնց թվում եղել են զենք բռնելու ընդունակ 1600 հոգի:

... Այսօր Բիթլիսից նոր լուր ստացվեց, որ հայերի տների դռները ջարդելով, բռնությամբ ներս են մտնում: Կանայք խելագարվում են: Քաղաքում «զուն, զուն» է եղել, քաղաքը շրջապատված է և որևէ մեկին թույլ չեն տալիս Բիթլիս մտնել»:

Նույն Յազդին նաև պատմում է. «Առավոտյան շարժվում ենք դեպի Դատվան: Լճի ափին կան շատ գեղեցիկ գյուղեր՝ բերրի հողեր, առատ ջուր և մաքուր օդ: Բայց ի՞նչ օգուտ, որ նրանց բնակիչ քրդերը 10 փարա չարժեն: Նրանք այն-

¹ Բարձի Ա., նշվ. աշխ., էջ 49:

² Morgenthau H., Memoires..., p. 395-396.

քան զզվելի, խայտառակ և ստոր մարդիկ են, որ գողություն անելու հետևանքով զոհվում են, պատերազմից լեղապատառ են լինում, ոչ զինվոր են տալիս և ոչ էլ որևէ աշխատանք կատարում: Մնացել են, որպեսզի հանգստությունը խոռվեն: Մեր կանայք սրանցից քաջ են... Նրանք շարվել էին ճանապարհի եղթին և լրտեսի նման մեղ նայելով, քրդերեն Հարցրին. «Զլինի՞» թե թշնամին գալու է: Մենք ձեր հետ քաշվելուց վախենում ենք»: Ես նրանց պատասխանեցի. «Մենք ձեր նման կին չենք, որ թշնամու առջևից փախչենք»:

Հայերը սրանց այնքան են սարսափեցրել, որ անհնար է նկարագրել: Երբ լսեն հայերը գալիս են, այն ժամանակ քրդին բաց թող, որ փախչի: Ափսոս այդ հաղթանդամ մարմինները»:

Ռոյտերը Պետրոգրադից հաղորդում է. Բիթլիսում թուրքերի կողմից հայերի կոտորածի անհավատալի մանրամասներ են հասել Պետրոգրադ: Գյուղերից մեկում հազար տղամարդ, կին ու երեխա են փակել փայտյա շինության մեջ ու այրել: Մեկ ուրիշ մեծ գյուղում սպանդից փրկվել է ընդամենը 36 մարդ, մեկ այլ դեպքում էլ, ըստ հավաստի տեղեկությունների, տասնյակ տղամարդկանց ու կանանց են միասին շղթայակապ արել և վանա լիճ նետել¹:

Ն. Օգանովսկին «Ճենք» թերթի 1915 թ. սեպտեմբերի 6-ի համարում տպագրեց «Թուրքական բանակի թժկի օրագրից» հողվածը, որտեղ նշվում է, որ հայերի ոչնչացումը սկզբում անհատական բնույթ ուներ, իսկ հետո «Կ. Պոլսից ստացված մի շարք հրամաններով վերածվեց համակարգի... Թուրքական բանակի սովորակ, ուժասպառ զինվորները միավորվել էին սոսկ «ղաղավաթի»... Այստեղ էլ՝ անօգնական հայերի հանդեպ զագանությունների ու բռնությունների այն աներևսակայելի պատկերներն են, որոնց հանդիպել էր օրագրի հեղինակը...»: Սիրիայից հյուսիս շարժվելիս, ճանապարհին օրագրի հեղինակը հանդիպել է տասնյակ գետերի, հովհանների, ձորերի, ավերված գյուղերի՝ կոտորված տղամարդկանց, կանանց, երեխաների դիակներով լցված, երբեմն փորերին ցից խրված:

«Դեռ Բիթլիս չհասած՝ անտառում տեսել են ոչ վաղուց մորթված մի խումբ տղամարդկանց և նրանց կողքին էլ՝ երեք կնոջ, միանգամայն մերկ, գլխիվայր կախված: Կանանցից մեկի կողքին սողում էր մեկ տարեկան մի երեխա և թաթիկները պարզում մորը, իսկ մայրը, դեմքն արյունով լցված, դեռ կենդանի, ձեռքերը մեկնում էր երեխային, բայց նրանք չէին կարողանում միմյանց հասնել: Մի քիչ այն կողմ ընկած էին կանանց արնաշաղախ երեք դիակներ և մի մանկիկ՝ մոր արյունով ողողված, որը խլվում էր կանանցից մեկի կրծքի վրա: Մի քուրդ ասկյար խղճացել է մանկանը ու վերցրել իր հետ, որպեսզի տանի պահի ու լավ մուսուլման դարձնի»:

Հենց Բիթլիսի մոտ, անապատային հարթության վրա, նստած էին 2000 հայեր՝ պահակախմբով շրջապատված: Նրանք սպասել են իրենց հերթին, քանի որ տեղական ոստիկանության ուժերը չեն բավարարել բոլորին միանգամից կոտորելու: Բիթլիսի կոտորածին մասնակցել են նաև 36-րդ դիվիզիայի ասկյարները:

¹ «New York Times», 20 August 1915.

«Բիթլիսից մինչև Հյուսիսային Պարսկաստան,- գրում է Շոյբներ-Ռիխտեր,- սարսափելի պատկեր է՝ սպանված հայեր դատարկ գյուղերում, մարզերում... Ինձ ուղեկցող թուրք պաշտոնատարները կատարվածը համարում էին թուրքերի ձեռքի գործը... Բիթլիսում կենդանի մնացած կանանց ու երեխաներին իրենց մոտ էին ընդունել ամերիկացի միախոներները:

Հայերի աքսորումը հավասարագոր է նրանց ոչնչացմանը... Զափազանցություն չէ, երբ ասում են, որ թուրքահայերի վիճակը, բացառությամբ մի քանի հարյուր հազար հոգու, որոնք բնակվում են Կ. Պոլսում և մյուս խոշոր քաղաքներում, ոչնչացումից բացի այլ բան չէր»¹:

Չեշմե-Գյաղուկ լեռան շրջանում հայ կամավորների հետախուզական մի խումբ ճանապարհին տեսնում է «պատառուտված դիակ... Սառելուց դեմքը սեացած, մերկամարմին... Գիշատիչ թոշունները ճիշերով օդ են բարձրացնում մարդկային այդ ցնցոտիի մնացորդները»²:

«Մեր ամբողջ գյուղից միայն ես մնացի կենդանի,- պատմում է ականատեսը,- եղբայրս էլ ինձ հետ էր, բայց ծնողներիս սպանվելուց առաջ անհետացել էր, և ես նրան համարում էի մեռած»: Կոտորածի ժամանակ շատերը գյուղերից փախուստի էին դիմել և սպանվել այս ու այնտեղ: Ահա թե ինչո՞ւ որոշ ժամանակ անց Տատիկի ամբողջ դաշտում տիրում էր դիակների նեխահոտը... Եվ ես, կամաց-կամաց համակերպվեցի իմ վիճակին, միայն երրեմն, երբ հայացք էր գցում դեպի մեր ավերակ զյուղը, արցունքներից կուրանում էի...

Այդ ժամանակ ուստական բանակը, որի առաջին գծում էր հայ կամավորական գունդը զորավար Անդրանիկի հրամանատարությամբ, գրավեց Բիթլիս (Բաղեշ) քաղաքը: Հեռվից լսվում էին հրետանային համազարկերի ձայներ: Մահմեդական բնակչությունը սարսափի մեջ էր: Թուրքական բանակը առանց դիմադրության, խուճապահար նահանջում էր: Դա արդեն կոտորածից 5-6 ամիս հետո էր՝ 1915 թ. աշնանը: Թուրքական բանակը նահանջում էր և ստիպում բնակչությանը (մահմեդական) գաղթել: «Ես ընտեղացել էի դրությանս և չէի ուզում տեղաշարժվել: Դեռ ավելին, աղաս նախատեսել էր իր կրտսեր աղջկան՝ Այշեին, ամուսնացնել ինձ հետ: Խեղճ աղջիկը կարծեմ մի քիչ մեծ էր ինձանից և կրցով էր սիրահետում ինձ: Նա գաղտնաբար ինձ կերակրում էր հագվագյուտ համեղ պատառներով, չինայելով նաև տաք համբույրներ...»

Բայց ի՞նչ կարող ես անել, գաղթն սկսվեց: Առաջին անհրաժեշտության իրերն ու սնունդը անասուններին բարձելով, գաղթաքարավանը շարժվեց դեպի Խիզան քաղաքը»:

Ալեքսանդր Զիվելեգովը «Հայերի վիճակը Թուրքիայում» հոդվածում գրում է. «Ընկապ Բիթլիսը...

Ռուսական զորքերի երեսալու հետ, որոնց առջևից փախչում էին թուրքական ալայները, լեռներից՝ Սասունի նշանավոր լեռներից, սկսեցին իջնել հայ խրոխտ մարտիկների երկար չարանները: Անցյալ տարվա վաղ գարնանից նրանք նստել էին այնտեղ և գրեթե մի ամբողջ տարի հետ են մղել թուրքերի

¹ R. 14094, Ab. 33457.

² Մելիքեան Ս., նշվ. աշխ., էջ 44:

ու քրդերի հարձակումները: Նրանք փամփուշտներ չունեին, սպառվել էր ուտելիքը: Միայն մեծագույն դժվարություններով են նրանք ձեռք բերել սննդամթերք և ուղղմամթերք, զոհվել են թշնամու զենքից ու քաղցից, սակայն դիմացել են: Նրանց հետ եղել են կանայք ու երեխաներ: Հանձնվել չեր կարելի:

Եվ նրանք դիմացան: Երբ հայ կամավորների ջոկատը ոռուսական բանակի ուղեկցությամբ գնաց հարազատ լեռները՝ իրենց եղբայրներին դիմավորելու, ջոկատի զինվորները այստեղ տեսան հազար, տասնյակ հազար հայ: Մենք վաղուց գիտեինք, որ մոտ 50 հազար հոգի թաքնվել էր անանցանելի լեռնային կիրճերում և երկնաքեր բարձունքների ահեղ կատարներին:

...Նվեյցարիայում հայ ժողովրդի գերմանացի խիզախ բարեկամ Լեփսիուսը հայտնեց, որ Միջազետքում և Արարիայում ապրում են, ճիշտ է անտանելի պայմաններում, 500 հազար հայ, որոնք թուրքերի կողմից բռնագաղթվել էին այդտեղ:

...Մեզ ասում էր, որ անհետացել է 800 հազար մարդ: Ներկայումս նրանց նշանակալից մասին փնտրում, գտնում են: Իհարկե, այժմ էլ կորուստները վիթխարի են: Շատ տղամարդիկ են կոտորվել, զոհվել է մտավորականության և հոգեռականության մեծ մասը»¹:

Ա. Ճեպեճյանը Բիթլիս է հասնում 1918 թ. սեպտեմբերի վերջին ու գրում է. «... Քաղաքի խոշոր մասը աւերակ է, փլատակ տուններու մէջը լեցուն է մարդու ուկորներով... Դատվանը հիմնովին աւերուած է, կանգուն պատ անգամ չկայ»²:

«Մօտաւոր անցեալին Վանէն քշուող հայ գերիները ետ դարձուելով՝ մեր քովէն անցան կրկին անգամ... Շատ սրտածմիկ տեսարաններ...»

Երեք օր առաջ հիւանդանոցի քոյրերը՝ բոլորը հայ, տեղական կառավարութեանը յանձնելու հրաման եկաւ, խեղճերը դարձեալ արիւնոտ օրերու պիտի ենթարկուին»³:

ՏԱՐՈՆ. – 1913 թ. Ս. Կարապետի ավանդական ուխտագնացության օրերին վանքում կայացավ ՀՅ Դաշնակցության շրջանային ժողովը, որին մասնակցում էին Ռոստոմը, Արմեն Գարոն, Ա. Վոամյանը, Կայծակ Առաքելը և այլք: Նույն ժամանակ վանքում տոնվեց հայ գրերի զյուտի 1500-ամյակը:

Այդ օրերին երկնակամարը փակ էր, բայց ոչ չարագույժ ամպերով:

Դրությունն արմատապես փոխվեց Սարիղամիշի ճակատամարտի օրերին, մասնավորապես, երբ դասալքությունը բանակից զանգվածային բնույթ ստացավ: Փախչում էին բոլորը, թերևս ամենաքիչը՝ հայերը, բայց թուրքական իշխանությունների բունցքն իջակ հայերի գլխին: Մուշ քաղաքում ազդարարություն եղավ, որ եթե որևէ մեկը դասալիք թաքցնի, նրա տունը այրվելու է: Քաղաքից զորակոչված 10000 զինվորների 3/4-ը հայ էր և, բնականաբար, դասալքված մշեցիների թվում նույնպես հայերը նշանակալից մաս էին կազմում:

Զզորակոչված հայերից շատերը ոչ միայն բեղել էին վճարում, այլև իշխա-

¹ "Արմանսկի վետնիկ", 1915, № 5.

² «Բժիշկ Ա. Ճեպեճյանի...», էջ 80:

³ Նույն տեղում, էջ 83:

նությունների հանձնարարությամբ այլևայլ աշխատանքներ կատարում, որպեսզի խուսափեն հարաբերությունները սրելուց: Դա կառավարչությանը հնարավորություն տվեց գնալով ավելի ու ավելի մեծացնել հայերին ներկայացող պահանջները: Մեծ թվով ձիեր պահանջեցին, ձի չունեցողները պետք է գնեին ու հանձնեին: Սկսվեցին բոնազրավումները թե՛ քաղաքում և թե՛ գյուղերում, կողոպտում էին հայերի խանութները, զյուղացու պարենն ու անասունը: Տարոնի դաշտում նույնպես հազարավոր հայերի վերածեցին շալակավորների (համար թարուրի): «Իւրաքանչիւր երթ ու դարձն, - պատմում է ժամանակակիցը, - 30 առ հարիւրը կը մեռնէին ծեծի տակ ճանապարհին, դիակները ձգուած ճամբուն եղերքը, իսկ վերադարձող 70-ին մեծ մասը ճամբան տաժանքէն, խոշտանգումներէն ու ցուրտէն իր բաժինն առած, իսկոյն կ'իյնար անկողին, քանի մը օրէն իր վերջին յուսահատ ակնարկը գոցելու այն աշխարհին, որուն թուք մը միայն կրնար իր սրտի խորէն բաժին հանել»¹:

Տարոնից մեկնած խմբերից մեկը, որը կազմված էր 7000 հոգուց, Մուշից Հասան Կալե՝ 150-180 կմ ճանապարհ անցավ յուրաքանչյուր շալակավորի մեջքին 6-8 լիտր ծանրությամբ: Նրանց մի մասը մահացավ ճանապարհին, իսկ «մեծ մասը կը վերադառնար հիւծուած եւ հրւանդ»²: 1915-ի առաջին շաբաթներից շալակավորներն սկսեցին «անհետանալ նախ անհատապէս ու ապա անհետ կորչիլ խումբերով»³:

Տարոնցին լրիվ կողոպտված էր: «Գիւղերու մէջ ո՛չ գուլպայ մնաց, ո՛չ տրեխս, ո՛չ իւղ ու ձաւար, խոտ ու յարդ, ցորեն ու կորեկ, ամեն ինչ գրաւուած էր...»⁴:

Մոտ երկուսուկես անգամ մեծացվեց բեղելի չափը՝ 25-ից հասցվեց 60 ոսկու: Պետական կողոպուտին ուղեկցում էր քրդական կողոպուտը, համիդիեները «կը լցուէին գիւղերը և կը յափշտակէին ամեն ինչ»⁵:

Մուշ քաղաքի «շտեմարանները կը լցուէին գիւղերէ յափշտակուած եւ գիւղացիներու սայլերով եւ անասուններով փոխադրուող հացահատիկներով, չուկան աւերակի էր վերածուած, խանութները դատարկ էին, կեանքը՝ մեռած»⁶:

Գյուղացիներից խլում էին ամեն ինչ՝ կաշի, ձու, թաղիք, գդալ, տրեխս, զանագան թելեր, մսացու, դառնամա, յուղ, պանիր, պարկ, վերմակ, սպիտակեղեն...

Դեռ 1909 թ. ապրիլի 16-ին արաբական «Le Réveil Arab» թերթը ծաղրելով երիտթուրքական հեղաշրջումից հետո ատեղծված իրավիճակը, գրում էր, թե Թուրքիան հավատում էր, որ «Հին միապետութիւնը փոխարինուելու էր ժողովրդավար վարչակարգով, սակայն յայտնվեց մի այնպիսի վարչակարգում, որը չատ աւելի բոնապետական էր, քան երրևիցէ»:

¹ «Տարօնոյ ինքնապաշտպանութիւնն ու ջարդը 1914-1915», պատմեց Ե. Տէր-Պարսամեան, Ֆրեզնո, 1920, էջ 26:

² Փափազեան Վ., նշվ. աշխ., Բ. Հատոր, էջ 328:

³ Նույն տեղում, էջ 341:

⁴ Պարսամեան Ե., նշվ. աշխ., էջ 27:

⁵ Փափազեան Վ., նշվ. աշխ., էջ 317:

⁶ Նույն տեղում, էջ 326-327:

Արդեն 1915-ի տարեմուտին արյան հոտ էր գալիս:

Բարձր Դուռը մտահոգ էր, որ Տարոնում ու Վասպուրականում տեղահանությունը կարող է հաջողություն չունենալ, ուստի զորքեր կուտակեց, որպեսզի մահմեղական բնակչության աջակցությամբ հայաբնակ գյուղերը միմյանցից մեկուսացնի և հայ բնակչությանն անջատ-անջատ ոչնչացնի:

Ֆիդայիներն իսկույն հասկացան թուրքերի մտադրությունը և նորից լեռ բարձրացան:

Կոփներն սկսվեցին 1915 թ. փետրվարին: Ս. Հովհաննու անտառից, Փեթարից մինչև Մուշ քաղաքից հարավ ընկած բնակավայրերն ու Կուրտիկը վերածվեցին ուազմածակատային գոտու: Վիճակը նույնն էր նաև Առաքելոց վանքից մինչև Ծիրինկատարի բարձունքները: Դաշտի շատ գյուղեր պաշտպանության կանգնեցին: Դիմադրության ինքնուրույն կենտրոններ դարձան Ս. Կարապետի վանքն ու Խնուրը: Այսինքն՝ կոփներն ընդգրկեցին Դիմադրեքիրից մինչև Սիփան և Ս. Կարապետից մինչև Դատվան ձգված շրջանները:

Ռուսների կողմից Վանի գրավումից հետո իշխանությունները համառ լուրեր տարածեցին, թե այդ արել են հայերը, ոչ միայն «ոռուսահայերն, այլև թուրքահայերը կովում են ոռուսական բանակի կազմում»: Հայերը կայսրության թշնամիներն են և պետք է ոչնչացվեն:

Մուշում իթթիչադի ներկայացուցիչ Ռեշիդը, որը քիչ անց ուազմական հետախուզության պետ նշանակվեց, իր վրա վերցրեց հայերի ջարդերի կազմակերպման նախաձեռնությունը: Նրա շուրջը համախմբվեց հայատյաց գործիչների մի խումբ, այդ թվում Ազո Մատոն և Մեհմեդ Քաղըմը: Նույն նպատակով Վանից եկավ ոստիկանական ճամբարների պետ Քյազըմը: Այս խմբի փաստական ղեկավարը Մշո սանջակի մութեսարիք Սերվեթն էր, որը նույնպես բալկանյան թուրքերից էր:

Հայերն այս ամենը տեսնում էին և առավել ևս զգում ահազնացող վտանգը և, հակառակ հայ ջոջերի խաղաղարար կոչերի, սկսեցին ոչ միայն անհանգուստանալ, այլև գործել... Ոչ միայն բանականությամբ, այլև բնազդով զգալով, որ առջևում աղետ է, հայերը խումբ-խումբ քաշվում էին Սասոն թե՛ փրկվելու հոյսով և թե՛ այնտեղ կովելու շահեկանության համար: Անմոռնչ մորթվելու փոխարեն նրանք ընտրեցին մարտնչելով մեռնելու ուղին:

Սասոնը փաստորեն արդեն կոփների մեջ էր: Զորակոչից խուսափողներին բռնելու, հօգուտ բանակի բռնագրավումներ կատարելու անվան տակ հարձակումներն սկսվել էին:

Որքան ոռուսական բանակն առաջ էր շարժվում, այնքան ավելի բարբարությունը հայերի նկատմամբ իշխանությունների և մահմեղական բնակչության վերաբերմունքը:

Տարոնը 18-20 մասերի էր բաժանվել և յուրաքանչյուրին ջարդարար հրոսակախումբ էր կցվել: Դաշտի ջարդերը իրականացնելու գործին է լծվում նաև Դիմադրեքիրի ջելլաթ օրդուսուն (ջարդարար բանակը):

«Տարօնի հայութիւնը, - զրում է Գեղամ Տեր-Կարապետյանը, - չարչարանքի երկունքը կ'անցընէր արդէն 1914-ի աշնանը: Տուներ, գիւղեր, քաղաք, գաւառ, լեռ ու ձոր՝ զրեթէ հրդեհի մէջ էին, ոչ մէկ հայ տունը հանգիստ կար...

Հենց աշունէն գաղտնի խօսակցութիւններ կային Սասուն ու Դաշտը տեղահան ընելու ու զարնելու, բայց երեխ կը վախնային այդ կողմի հոծ հայութենէն ու մեծ ուժերու պէտք կը տեսնէին...

Կարնոյ ընդհանուր հրամանատարէն պատուէր էր տրուեր, որ Տիարպէքիրէն եկող եօթն վաշտ զինուորները Սասուն ելնեն, բոլոր տղամարդիկ բռնեն եւ ժողովուրդը տեղահան ընեն...

Գլխաւոր պաշտօնէութիւնը կ'ամբաստանէր Տարօն-Սասունի ամբողջ հայութիւնն, թէ ամենքն ալ խորհրդակցաբար ապստամբութիւն կը հանեն...

Հայկական նահանգներու պարպումն ու ջարդերն սկսեր էին. կարգը եկած էր Տարօն-Սասունին»¹:

Թուրքերի վրեժիսնդրության բաժակը լցրեց ոուս-թուրքական ուազմաճակատում վիրավորված թուրք զինվորներին հոսքը Տարոն ու Մուչ:

Հայերն այդ ամենը տեսնում ու զգում էին, բայց դժբախտաբար բան չարեցին ջարդերի առաջն առնելու համար:

Հայ ղեկավարները հավատացին (կամ ձևացրին, թէ հավատում էին) թուրքական իշխանությունների խոստումներին: Նրանք նաև հույս ունեին, թէ ուր որ էր ոուսները Տարոն էին հասնելու: Իսկ թուրքերը ո՛չ հավատում էին և ո՛չ էլ սպասում: Նրանք հետևողականորեն առաջ էին տանում հայերին հյուծելու և քայքայելու քաղաքականությունը: Այդ արգում էր հայերի ու հայկական բնակավայրերի վրա անրնդհատ հարձակումների, ձերբակալությունների ու կողոպուտների միջոցով: Տարոնահայության վիճակը ծանրանում, նրա հուսալքությունը խորանում էր ոչ թէ օր առ օր, այլ ժամ առ ժամ:

Եվ դա մի ժամանակ, երբ Տարոնում էին կենտրոնացել ՀՅ Դաշնակցության առաջատար գործիչները:

Կ. Սասունին անդրադառնալով Տարոնի գործիչների անորոշ և անվճռուական կեցվածքին, դրա պատճառը համարում է, նախ, Սերվեթի «խորամանկ քաղաքականութիւնը», սպասողական կացությունը պահպանելու ու միրայիրության տակ քողարկելու նրա հմտությունը: «Թուրք կառավարությունը, - գրում է նա, - գիտէր, թէ ինչու կը սպասէ: Իսկ հայ ղեկավարութիւնը կը սպասէր... ոուսական եւ հայ կամաւորական բանակներուն: Ռուսական բանակներու յառաջացման յոյսերով եղած սպասումը կրնանք գլխաւոր պատճառը նկատել հայութեան անվճռուական կամքին»²:

«Մինչդեռ թուրքերի համար սպասողական վիճակը խնդիր չունէր միայն ժամանակ շահել: Նրանք եռանդուն աշխատանք էին տանում ջարդերը ըստ ամենայնի նախապատրաստելու ուղղութեամբ: Նրանք սաղրանքներ էին հնարում, հայերին մեղաղրում դաւաճանութեան համար», թյուրիմացության մեջ գցում հասարակական կարծիքը:

Հայերն այդ սաղրանքների դեմ ոչ թէ ընդգում էին, այլ ավելի մեծ եռանդ էին հանդես բերում «օսմանյան հայրենիքին» հավատարմորեն ծառայելու գործում:

¹ Սասունի Կ., նշվ. աշխ., էջ 842-843;

² Նույն տեղում, էջ 781:

Մի բան անվիճելի է. Տարոնի գործիչների անվճռականությունը, գործելուց խույս տալը առաջին հերթին հետևանք էր սպասողական կացության՝ բոլորն սպասում էին ոռուսական բանակի գալուն:

«Ամենէն մտահոգիչը զինուորական կացութիւնն էր,- գրում է Կ. Սասունին,- յառաջնաղացումը կ'ուշանար... Դեւոյեանը (ոռուսական բանակի հետախույզութեան ղեկավարներից)... ստացած էր շորի կտորի վրայ գրուած ծածկագիր նամակ մը Փափաղեանէն եւ Ռուբէնէն: Անոնք կը գրէին Սասնոյ կոիւներու մասին եւ կը յայտնէին թէ հաւանական ընդհանուր բոնկումի մը պարագային, իրենք միայն ուժ օր պիտի կրնային դիմանալ: Եթէ այդ կարձ միջոցին ոռուսական զօրքերն ու կամաւորները չհասնէին, հայութեան ամբողջ ուազմամթերքը պիտի վերջանար եւ ժողովուրդը կոտորուէր... Անոնք կը խնդրէին, որ պահակներ ունենանք Նեմրութի գագաթին եւ կրակ վառենք հոն, որպէսզի Սասնոյ լեռներէն նշմարուին բոցերը իբր ազդանշան սկսած ընդհանուր յարձակողականին: Իսկ իրենք Սասնոյ լեռներու վրայ պիտի վառէին երկու խոչոր կրակներ, ի նշան օրհասական կուտին... Բազմահազար արծիւներու աչքերը ջուր կտրեցան հեռաւոր Նեմրութին ակնակառոյց, բայց Նեմրութի գագաթին հրեղէն լեզուները չխօսեցան»¹:

Տարօրինակն այն է. որ տարոնահայ գործիչները զգում, տեսնում, հասկանում էին, որ հայկական ջարդերն անխուսափելի էին և սարերի հետեւում չէին:

Դեռ 1915 թ. փետրվարի 24-ին Վ. Փափաղյանը, որպես օսմանյան խորհրդարանի անդամ, նամակ է գրում Թալեաթին. «Ընդհանուր զորաշարժից մինչև օրս այս երկրի ժողովուրդը և մասնավորապես հայերը զերմարդկային ուժ ի գործ դնելով և ծայրահեղ զոհողութիւններով ծառայեցին և կը շարունակն ծառայել իրենց հայրենիքին»: Այնուհետև ասվում է շալակավորների տաժանակիր աշխատանքի մասին և այն ու շեշտվում է. «...իթմիհատական գլխավին պատկանող քանի մը անձեր ... առնելու վրայ են այնպիսի քայլեր, որոնք ցաւալի հետևանքներ միայն կրնան յառաջացնել...»²:

«Մշոյ-Սասնոյ ժողովուրդը, տաճկական վիլայեթների հայերու նման,- գրում է Ռուբենը,- պատերազմի սկզբնական շրջանում եղել է միանգամայն հաւատարիմ... Մութեսարիֆ Սերվեթ պէյը քանի-քանի անզամներ դիմել է Դաշնակցութեան եւ խնդրել իրեն օգնութեան հասնել եւ Դաշնակցութիւնը եռանդով լծուել էր աշխատանքի...»³ ուազմաճակատի շատ կարիքներ հոգալու համար³:

¹ Սասունի Կ., Տաճկահայաստանը ոռուսական տիրապետութեան տակ, 1914-1918, Բոստոն, 1927, էջ 78:

² Դե, ծրալ 19, Ղ, № 421, 423:

³ Ռուբէն, Հայ-թրքական կնճիռը, էջ 93-102:

Եվ ապա. «Հայ յեղափոխական ու մշակութային աշխատանքները իր ուսերի վրայ տանող մտաւորականութիւնը գնում է դէպի մահ այն միամիտ հաւատն ունենալով, թէ անմեղ ու թուրքի անկեղծ բարեկամը չի կարող կոտորուել նոյն թուրքից»¹:

Ռուբենը խոստովանում է ևս մի քանի դառը ճշմարտություններ՝ թե, ճիշտ է, բոլոր նահանգները Վանի զինական ուժը չունեին, բայց «եթէ հաւատարմութեան շղթան չկաշկանդէր հայութեան ձեռքերը, թուրքին եաթաղանը այնքան հեշտ չէր իջներ անոր գլուխին»։ Նա միանգամայն իրավացիորեն նշում է, որ հայերի ղեմ դավը իրենց աչքի առաջ նախապատրաստվեց և սեփական անփութությունը չի կարելի արդարացնել «գերմանական տաղանդի եւ թուրքական ծածկամտութեան մասին» պատություններով։ Հայ գործիչներն ամեն ինչ գիտեին և «ասուտ կը խօսի, ով որ հակառակը կը պնդէ։ Գիտէինք, որ թուրքը պիտի կոտորէր հայը»։

Հայ գործիչների միամտությունն ու անգործությունը ուղեկցվում էր դատարկարանությամբ և լոպաղ բացբերանությամբ, որը գործածվել է և այսօր էլ գործածվում է թուրքերի հակահայկական քարոզչությունում։

Օսմանյան խորհրդարանի 1918 թ. գեկտեմբերի 12-ի նիստում Մշո պատգամավոր Իլիաս Սամին հայտարարեց. «Զորաշարժի սկզբին, երբ դեռևս որևէ դեպք տեղի չէր ունեցել... Մշո պատգամավոր հանգույցալ Գեղամ Էֆենդին..., Փափազյան Էֆենդին և մութեսարիփը հաճախ էին միասին ճաշում ու խմում»։ Որևէ նշան չկար, թե ինչ-որ բան է կատարվելու, միայն Փափազեան Էֆենդիի բերանից երբեմն ուշագրավ խոսքեր էին լսում։ Նա այդ խոսքերն այնքան հրապարակավ էր ասում, որ տեղի բոլոր հայ մտավորականները նրան քննադատում էին, ասելով, թե ինչո՞ւ ես բացեիրաց նման բաներ ասում... Նա ասում էր. «Թուրքիայի ներսում մենք չեղոք ենք մնալու, սահմանների մերձակայքում Ռուսաստանին զինված աջակցություն ցույց տալու եղանակներ կան, սակայն ոռուսական հարձակումից ու առաջիսաղացումից հետո, չնայած պարտադիր զինվորական ծառայության, թշնամու (ոռուսների) նպատակների իրականացմանն ենք ծառայելու»²: «ՆԳ նախարարի՝ Մշո կառավարչին ուղարկած գրության մեջ նույն որոշումները, նույն բաները (Փափազյանի ասած) աչքովս կարդացի և ուղղակի ապշեցի։ Սրանց որոշումների մասին մեր կառավարությունն ինչպես էր տեղյակ դարձել... (Դրանով հանդերձ) կառավարությունը մեզ հրահանգներ էր ուղարկում, ասելով, որ մինչև բացահայտ հեղափոխական գործերի չղիմեն, ոչ մի անհատի անգամ քթից արյուն չթափել»։

Չնայած ընդգծված բանսարկու հարցադրման, Իլիասի ասածները հիմքից զուրկ չէին։ Ինքը, Վ. Փափազյանն է նշում ՀՅ Դաշնակցության մեջ երկու տեսակետների առկայության մասին։ Որոշ գործիչներ պնդում էին հայ կամավորական գնդերի կազմակերպման վրա, որպես զիսավոր միջոց ոռուսներին օգնելու և Արևմտյան Հայաստանն ազատազրելու համար, մյուս կողմից, «Բյուրոն պետք է հրահանգներ գավառի իր կազմակերեապություններին գաղտնի նախա-

¹ Թուրքէն, նշվ. աշխ., էջ 90:

² Խորհրդարանական արձանագրություններ, էջ 316:

պատրաստվել, ինքնապաշտպանության: Իսկ վտանգի պահին միանալ ներխուուղ հայ զնդերին»: Այս տեսակետի կողմնակիցներն էին Խաժակն ու Արմեն Գարոն: «Երկրորդ տեսակէտն աւելի պահպանողական էր... Վտանգը անխուսափելի էր թրքահայ ժողովուրդին համար, թէեւ ինքնապաշտպանութեան հրահանգ անհրաժեշտ է, բայց անհրաժեշտ է նաեւ կովկասում, սահմանների մօտ մի քանի կէտերի վրա հայ մարտական խմբերի խոչոր միաւորումներ համախմբուած պահել, որոնք պէտք է կրաւորական դերի մէջ մնային եւ միայն ծայրայեղ հանգամանքներում (ջարդ կամ թուրքերի պարտութիւն) սահմանն անցնէին...

Երկրորդ տեսակէտը պաշտպանողները կարծում էին, թէ այժմուանից պէտք է նախազգուշացնել թուրք ղեկավարներին, յայտնելով, որ սահմանի միւս կողմում գտնուող հայերը որեւէ քայլ չէն կատարի, եթէ ներսում գտնուող ժողովրդի ֆիզիկական գոյութեանը վտանգ չսպառնայ: Այս տեսակէտին յարում էին Ս. Մինասեանը, Հրաչյ, Վարդէսը, Շահրիկեանը եւ ես, իսկ աւելի ուշ՝ Զօհրապը: Երկու իրարից տարբեր տեսակէտները մնացին անհաշտելի»¹:

Թուրքական «Vakit» թերթի 1933 թ. նոյեմբերի 13-17-ի թերթոնում տպագրված մի նյութում կա վկայություն, թե ՀՅԴ-ի 8-րդ ընդհանուր ժողովի ընթացքում (1914 թ. հուլիսի 28-օգոստոսի 14) և դրա ավարտից հետո, դաշնակցական ղեկավարները «գաղտնի հավաքույթներ էին կազմակերպում, ինչպես նաև թաքուն գնում էին ուսուական հյուպատոսարան և տեսակցություն ունենում հյուպատոսի հետ»:

Միանգամայն հավանական է, որ Բ. Շաքիրն ու նրա գործակալները հետեւում էին հայ գործիչների քայլերին: Վահագն Տատրյանը ճիշտ է նկատում, որ Բ. Շաքիրը էր եկել ոչ թե ՀՅԴ համագումարի կապակցությամբ, այլ Հատուկ կազմակերպության բանակատեղին ձևավորելու խնդրով: Եվ հայերի հետ բանակցություններ սկսեց ոչ թե որպես իթթիհաղի պատվիրակության ղեկավար, այլ որպես տվյալ օրերին տեղում գտնվող գործիչ, որն օգտագործում էր պատեհ հնարավորությունը ՀՅԴ լծելու թուրքերի հակառական կառքին: Երբ այդ չհաջողվեց, նա հանձնարարեց Ֆ. Զիլմիին ՀՅԴ համագումարի մասնակիցներին ոչնչացնել: Սակայն այդ ահարեկչական գործողությունը հաջողություն չունեցավ: Բացի Ալյոյանից, դաշնակցական ղեկավարները հաջողեցին խույս տալ երիտմուրքերի ճանկերից՝ երթուղին փոխելու միջոցով:

Շաքիրը Կ. Պոլիս հայտնեց, թե Ռուսաստանը հայերին խոստացել է Մեծ Հայաստան՝ Նախիջևանից մինչև Խարբերդ և Տրավիդոն: Նա այդ տեղեկատվությունը ձեռք էր գցել հետևյալ կերպ: Պարսկաստանի հակառական քաղաքականությանը լիցք հաղորդելու նպատակով էրզրում է հրավիրվում պարախիկ գործիչ Ա. Ղափարը, որը ծանոթ էր ՀՅԴ մի քանի ղեկավարներին: Շաքիրի հանձնարարությամբ նա հանդիպումներ է ունենում Ռուսութիւն և մի քանի ուրիշ գործիչների հետ և նրանցից իմանում է, որ ՀՅԴ գործիչներն իսկապես կապերի մեջ էին Ռուսաստանի հյուպատոսի հետ:

¹ Փափագեան Վ., նշվ. աշխ., էջ 279-280:

Սակայն կային նաև դաշնակցական գործիչներ, որոնք առաջարկում էին միանալ թուրքերին՝ ոռուսների ղեմ: Մինախորյանը գրում է, որ Ռուբեն Տեր-Մինախանը էրզրումի համագումարում առաջարկեց. «Պատերազմի դէպքում կամաւորական գնդեր կազմակերպել, միանալ թուրքական բանակին եւ կոռւել ոռուսների ղէմ»¹:

Այս տեսակետը տարածված էր ՀՅ Դաշնակցության որոշ շրջանակներում, որի ակունքին, հավանաբար, կանգնած էր նույն ինքը՝ Ռուբենը: Նրա ամենամերձավոր զինակիցներից սասունցի Մուշեղը գրում է. «Անգլիացոց, Փրանսացոց մէջ յոյս չկայ: Մոսկուան Էլ թիւրքից վատ է»²: Սակայն համագումարը մերժեց այդ առաջարկությունը: Այնուամենայնիվ շարունակում էր ավանդական տարրնթացությունը՝ եթե արևելահայ գործիչներն անվերապահ Ռուսաստանի կողմն էին, ապա Թուրքիայում գործող հայերը խնդրին վերապահ մոտեցում ունեին: Կ. Սասունին գրում է, «թէ՛ մեր հաւաքականութիւնը եւ թէ՛ մեր քաղաքական մեծ կուսակցութիւնը կատարեալ երկուութեան մէջ կ'ապրեին... Թուրքա-Հայաստանի եւ ամբողջ Թիւրքիոյ մէջ հայութիւնը կը կծկուէր հնագանդութեան եւ ինքնապաշտպանութեան վարագոյին ետեւը, սպասողական եւ անգէն»³:

Իսկ թուրքերը, իրոք, երկատված չէին, նրանք գործում էին հստակ ու վճռական: Նույն իլիասը խորհրդարանում հայտարարեց. «Ռուսներին զինված ուժով աջակցելը հանցագործություն է» և վերաբերմունք պահանջեց: «Այս խնդրին առնչվում է մի հսկայ ազգի, դրանց բոլորին վերաբերող թղթածրարներ, թղթակցություններ, գրություններ գոյություն ունեն, ամեն ինչ պետք է օգտագործվի ու ապացուցվի»:

Նա ասում էր, որ արեւելյան նահանգների 5.000.000 բնակչից 200.000 զոհվել է՝ մի մասը ուազմաճակատում, իսկ մյուս մասը «Երկիրը գրավող արյունուշտ չեթեների սրերի զոհ դարձան»: «Արյունուշտ չեթեներ» ասելով, նա նկատի ուներ հայ կամավորներին ու հայդուկներին:

1914 թ. դեկտեմբերի 17-ին իթթիհաղի պարագլուխներից էոմեր Նաջին Վուայանին նամակով սպառնում էր, թե բոնված է մի լրտես, որը հաստատում է, թե «դաշնակցականները ոռուսների հետ գործընկեր են... Զեր եւ ձեր ընկերների անհաւատարիմ լինելը հասկանալի է... Կարլ Մարքսի, Կրոպոտկինի տեսութիւններով պարծեցող ձեր կուսակցութեան ոռուսական ցարիզմի գործիք լինելը, 20-րդ դարի ամենածիծաղելի դրսեւորումներից մէկն է»⁴:

Օսմանյան խորհրդարանում իլիասի հակահայկական մարտնչող կեցվածքը պատահական չէր: Նա վճռական դեր էր իսաղացել Մշո դաշտի 70-80 հազարանոց հայ բնակչության կոտորածի գործում: Լինելով օսմանյան խորհրդարանի անդամ և իթթիհաղի շրջանային քննիչ, չորջա իլիասը բուռն գործունեու-

¹ Մինախորեան Վ., 1915 թուականը, Արհամիրքի օրեր, Վենետիկ, 1949, էջ 69:

² «Դրօշակ», 1990 թ. դեկտեմբեր, էջ 57:

³ Սասունի Կ., Թիւրքահայաստանը Ա. աշխարհամարտի ընթացքին (1914-1918), Պէյրութ, 1966, էջ 27-30:

⁴ Ա-Փօ, Մեծ դէպքերը Վասպուրականում 1914-1915 թուականին, Ե., 1917, էջ 97:

թյուն ծավալեց քրդերի միջոցով Հայերին բնաջնջելու ուղղությամբ: Հազարավոր Հայ կանայք, ծերեր ու երեխաներ գոմերում, մարագներում ու շտեմարաններում ողջակիզվեցին: Նախաճիրն ավարտելուց հետո նա իր հետ Պոլիս տարավ մի խումբ զեռատի Հայ աղջիկների՝ նվիրելու իթթիհաղի մեծամեծներին:

Բուլանըի նախկին կառավարիչ Շերիֆի վկայությամբ՝ «Հոջա Իլիասը քրիստոնյա աղջիկ բռնաբարելու բուռն մարմաջ ուներ»: Նա զինադադարի շրջանում մի քանի անգամ ձերբակալվեց, ապա տարվեց Մալթա, սակայն խելազար ձևանալով ազատվեց¹:

«Տարօնի քիւրտ տարրը, - գրում է Վ. Փափազյանը, - իր «Քաղաքական» Հրահանգները ստանում էր Մշոյ քիւրտ բնակչութեան զեկավար տարրերից եւ, մանաւանդ, Մուշի իթթիհաղի ակումբից...»

Քաղաքի մահմեղական եւ Հայ բնակչութեան յարաբերութիւնները, ընդհանուր առմամբ, եղել են մտերմական եւ խաղաղ: Սակայն կար մի ընտանիք, որը մոլեռանդ աւատական էր եւ ձգտում էր Հայերին իրաւագործկ դարձնել եւ որպէս ստրուկ օգտագործել: Այդ տնից էր Հոչակաւոր Հոջա Իլիասը, Մուշի երեսփոխանը, որի մայրը յափշտակված Հայուհի էր, ինքն էլ Հայերէն գիտէր... երիտասարդ, նենդ, խիստ Հայատեաց, քսու, գարշելի դեւերից մէկն էր»²:

«Ժողովրդի արձագանք» թերթի 1918 թ. մարտի 22-ի Համարում տպագրված է Դիարբեքիրի երեսփոխան Ֆեյզիի և Իլիասի զրույցից մի Հատված: Ֆեյզիի այն Հոխորտանքին, թե ինքը քաղաքի վանքում 600 Հայի սպանել է տվել, Իլիասը պատասխանում է. «600-ը ի՞նչ է որ. ես Մշոյ Համայն ժողովուրդն (Հայ) արմատախիլ արեցի»:

Ս. Ակունին գրում է. «Ականատեսների բացարձակ վկայությամբ, Մուշի ոմբակոծման պահին, թնդանօթների գլուխը կեցած է շանսատակ Հոճա Իլիասը, որն ի վարձատրութիւն բարուք ծառայութեան, իրավունք է ստանում իր սպիտակ փաթթոցի վրայ կրելու դեղին երիդ, ամենամեծ պատիւը իսլամութեան մէջ կրոնական առումով... (նա) մասնակցել է նաև Բաղէշի նահանգի ջարդին...»³:

Գ. Տեր-Կարապետյանը գրում է, որ Իլիաս Սամին Թալեաթ բեյի մտերիմ բարեկամն էր⁴:

Իլիասը խորհրդարանի նոյեմբերի 18-ի նիստում ասաց. «Պարոննե՛ր, այս խնդիրը մարդասպանությա՞ն, թե՝ արյունալի բախումների խնդիր է: Այս Հարցը ես ձեր ներկայությամբ պիտի պարզաբանեմ: Թուրքերը Հանցավոր Հայտարարվեցին, ամրող ազգը Հանցագործ որակվեց: ... (Մինչդեռ) իր սկզբնապատճառով այս խնդիրն արյունալի կոլի էր...

Կառավարությունը ... կրոնակից և ոչ կրոնակից Հապատակներին զորահա-

¹ Sina Aksin, İstanbul Hükümetleri ve Milli Mucadele, h. II, Son Meşrutiyet (1919-1920), İstanbul, 1992, s. 354.

² Փափագեան Վ., նշվ. աշխ., էջ 322:

³ Ակունի Ս., Միլիոն մը Հայերու ջարդի պատմութիւնը, Պոլիս, 1920, էջ 164:

⁴ «Տարօնի դէպքերը Գեղամի ակնոցով». Կ. Սասունի, Պատմութիւն Տարօնի աշխարհի, 1957, Պէյլութ, էջ 842:

վաքի հրավիրեց և ամենահաստատուն գենքերը հայերին և հույներին տալով, ուղարկեց սահման..., իսկ ամենավատ, մաշված զենքերը տվեց արևելյան նահանգների քրդերին, որոնք իմ հայրենակիցներն են և որոնց ներկայացուցիչն եմ ես: ... (Սակայն) այս չարաշուք խնդիրն ինչպես ծագեց... Մի ճշմարտություն եմ ասելու, որը հանրահայտ է: Գարեգին էֆենդին (Գ. Փաստրմաճյանը) դեռևս Ռուսաստանում է գտնվում: Նա պատերազմի հայտարարության ժամանակ օսմանյան կառավարության դեմ կովող չեթեներով Վանի վրա հարձակվեց...»:

Երբ տակավին բան չէր կատարվել, օսմանյան կառավարությանը վերջնագրի ձեռով մի բողոքագիր հանձնվեց..., որն ամփոփված ձեռով հետևյալ բովանդակությունն ունի: «Այսօր այլևս խոստումներով օրորվելու ժամանակը չէ: Հիսուն տարիներից ի վեր հայերի փայփայած աղքային նկրտումների քաղաքական ծրագիրը օսմանյան կառավարության կողմից անվերապահ ընդունել ենք պահանջում: Չընդունելու դեպքում... մենք զինված ուժերով Ռուսաստանին ուղարկան օժանդակություն ենք ցույց տալու: Մեր ոչ բանակային ուժերով էլ ներքին խնդիրները խառնելով, կառավարության գործը դժվարացնելու ենք...»

Պարոններ, միայն գրված չէ. իր շուրջը 20 հազար զինյալներ հավաքելով և, առանց առիթի, դժբախտաբար, Վանը գրավեց...

...Ընդհանուր բնակչության 70 տոկոսը ոչնչացավ և անհետացավ, կանայք ու երեխաները մեռան ու անհետացան: Արյունոտ իրաղարձություններն այսպիսի ծագում ունեցան...

Քանի որ խոսքի ու հայացքների ազատություն, սահմանադրություն գոյություն ունեին և բոլոր իրավունքներն ապահովված էին, պետք չէր, որ զենքի ուժով իրավունքի պահանջատիրությանը դիմեին, հատկապես նկատի ունենալով, որ մենք բոլոր կողմերից շրջապատված էինք թշնամիներով: Ահա թե ինչո՞ւ ես ասում եմ, որ (այստեղ ասվածները հայերի ու հույների կողմից) բոլորը զրպարտություն են: Մրանք բոլորը սիսալ զենքեր են, որոնք գործածվում են անմեղ օսմանցիների, մահմեղականների դեմ... Նրանց պարզապես նվաստացնելու համար են: Դրանով ո՞չ մարդկությունը և ո՞չ էլ որեւէ մեկը չի խարվի: (Բուռն ծափահարություններ)»:

Դեկտեմբերի 9-ի նիստում կարդացվեց պատգամավոր Գեղամ Տեր-Կարապետյանի նամակը խորհրդարանին: Ներկայացնում ենք նամակի շարադրանքը որոշ կրճատումներով:

«...Խորհրդարանական ժողովներու ժամանակ մեր մեծագոյն ընկերներէն ոմանք կոտորուած հայերու թիւը նշեցին մէկ միջիոն... Ուրիշ մեծագոյն մահմետական ընկերները սակայն պնդեցին, որ նահատակուածներու թիւը հազիւ 100.000-ի հասնի... Ես կարծում եմ, բուն հարցը, նահատակներու թիւէն առաւել, անմեղներու կեանքին դէմ գործուած ոճիրն է... Այլապէս վստահաբար կարելի է ասել, որ միայն ծանիկում (Սամսոն), արևելեան Կարահիսարում, Տրավիգոնում եւ Կիրասոնում կոտորուած հայերի թիվը հասնում է 100.000-ի:»

...Ինչո՞ւ անմեղ եւ որեւէ ձեռով պատասխանատուութիւն չկրող մարդիկ ջարդուեցին: Ըստ օրէնքի՝ բանակում ծառայող ունեցող ընտանիքները չպէտք է աքսորուէին, բայց արի ու տես, որ հայկական նահանգներում չաքսորուած ընտանիք չմնաց: Ինչպէս եղաւ, որ արեւելեան նահանգներում, այսինքն՝

Կարին, Սերաստիա, Խարբերդ, Վան, Տիգրանակերտ նահանգներում եւ Ուրփայի գաւառում բոլոր Հայերը տեղահան անելով, բնաջնջելուն զուգահեռ ջիհադ յայտարարուեց և 1.5 միլիոնից ավելի Հայ ցիրուցան եղան, ջարդուեցին ու ոչնչացան: Իմ ընտրական շրջանին պատկանող Մուշի, Բիթլիսի եւ դրանց հետ կապուած գաւառներում պատմութեան կողմից մինչև օրս չարձանագրուած վայրագութիւններ ու բոնութիւններ գործադրուեցին: Մուշ գիւղաքաղաքում թէ' տեղացի եւ թէ' դրահց ու շրջակայքից բերուած անմեղ Հայերին բոլորին թնդանօթային ոմքակոծութեան ենթարկեցին, այրեցին ու բնաջնջեցին, մնացածին էլ այդ կողմերում ոչնչացրեցին... Մշոյ դաշտի գիւղերից շատերը նոյնպէս գնդակոծուել են եւ յարձակման ենթարկուելով դրանց բնակչութիւնը ցիրուցան է եղել:

Ընդհանուր ջարդի հետևանքով այդ շրջանի բոլոր Հայերի շարժական ու անշարժ ունեցուածքը, ինչպէս նաև ազգային ու կրօնական առումով նուիրական վանքերու եւ նման կառոյցներում եւ եկեղեցիներում պահուած շատ հին առարկաներ ջարդել ու փչացրել են, եւ բոլոր արժէքաւոր իրերը կողոպտել են, իսկ դրանցում բնակուած վանականներին սպանել ու բնաջնջել են: Այս ահաւոր բոնարարքներից յետոյ մնացած զգալի թուով երեխաներին բոնութեամբ կրօնափոխելով ցրիւ են տուել: Թէ նրանք ինչպիսի թշուառութեան մէջ են, բոլորին է յայտնի...

...Նիւթական օգնութեամբ դրաէն բերուած գաղթականներին (մուհաջիրներին) ուղարկել են Հայաբնակ վայրերում բնակեցնելու համար: ... Իրենց Հարազատ Հայրենիքում կոտորուած, ընդհանուր ջարդից ճողոպրած եւ զանազան թշուառութիւնների մէջ իրենց գոյութիւնը քարշ տուող Հայ ազգի մնացորդներուն եւ Հայ անհատներուն պատկանող կալուածքներն ու Հողերն իրենց հին տերերից խլելուն եւ կողոպտելուն հետամուտ ձեռնարկների դէմ բողոքում եմ ամբողջ ուժով եւ Հարցնում կառավարութեանը, թէ ո՞րն է իր կարծիքն այս Հարցի կապակցութեամբ»¹:

Գ. Տեր-Կարապետյանի այս նամակը մեղադրական լուրջ փաստաթուղթ է, և չնայած իր Հակիրճության, ներկայացնում է ցեղասպանության բովանդակությունը կազմող բոլոր բաղադրիչները, Համողիչ փաստարկներով հերքում իրականությունը խեղաթյուրելու փորձերը*:

¹ Գ. Տեր-Կարապետյանի նամակը տե՛ս Վ. Տատրեանի «Հայկական ցեղասպանութիւնը խորհրդարանային և պատմագիտական քննարկումներով», Վաշինգտոն, 1995, էջ 148–152:

* Գեղամ Տեր-Կարապետյան (Տատրակ):

Ծնվել է 1866-ին Տարոնի Խելյացան գյուղում՝ Հոգևորականի ընտանիքում: Լուսավորչական շարժման եռանդուն մամնակից: Նախնական կրթությունն ստացել է Ս. Կարապետի վանքում, ապա շարունակել Մշոյ Միացյալ բնկերության վարժարանում: 1885–1887 թթ. սովորել է Էջմիածնի Գևորգյան ճեմարանում: Տարոնցի Հայի բողոքի արտահայտիչն էր:

Մշոյ Հայոց առաջնորդարանի քարտուղարն էր և 50 գյուղապետների հետ 1890-ին գնաց Կ. Պոլիս Գյուղիգարին առևանգող Մուսա բեկի դատավարությանը մասնակցելու: 1892-ին խիդախություն ունենալով ամուսնանալու նույն այդ Գյուղիգարի հետ: 1894-ին Հարկադրված եղավ Հեռանալ Մուշից և գործել Դիարբեքիրում: 1908 թ. ընտրվեց օսմանյան խորհրդարանի անդամ և մինչև 1918 թ., այսինքն մինչև իր մահը, մնաց խորհրդարանական:

Տատրակը բանասեր էր, պատմաբան, ազգագրագետ ու արձակագիր: Որպես այդպիսին շարունակեց Գարեգին Մրգանձոյանցի գործը: Գրի առավ պատկառելի քանակությամբ ազգա-

Վ. Տատրյանը Տեր-Կարապետյանի դիպուկ ու հստակ հարցադրումները, նրա զայրալից պոռթկումը բացատրում է Տարոնի հայության բնաջնջման եղանակների ու միջոցների առանձնահատուկ վայրագությամբ, ինչը հետևանք էր այդ շրջանում կոտորածների իրականացման երեք առանձնահատկությունների՝ ա) օսմանյան կառավարությունը, քուրդ ավաղակախմբերը ու թուրքական բանակը ջարդերը կազմակերպեցին համագործակցվածք: բ) Խարբերդից բերվեցին բանակային ուժերը, որոնք ունեին թնդանոթային հզոր կարողություններ և նախաղեալը չունեցող ոմքակոծության ենթարկեցին Մուշի հայկական թաղերը և հիմնահատակ կործանեցին դրանք՝ փլատակների տակ ոչնչացնելով մեծ թվով բնակիչների: գ) Դաշտի բնակչության ստվար մեծամասնությանը, հիմնականում ծերեր, կանայք ու երեխաններ, հավաքելով գոմերում, մարագներում ու մեծ տներում՝ ողջ-ողջ այրեցին: Թուրքական Յ-րդ բանակի հրամանատար Վեհիբ փաշան 1913-ի փետրվարին անձամբ տեսել էր, թե ինչ էր կատարվել 800 բնակիչ ունեցող Զդիկ գյուղում:

Տարոնը ստվար մտավորականություն չուներ, նրանց շարքում Տատրակն առանձնակի տեղ էր գրավում: Եղեռնը, չնչին բացառությամբ, ոչնչացրեց

գրական նյութեր Մշո գավառի բառերով, ստեղծեց տարոնահայ բարբառի քերականություն, կազմեց Տարոնի վանքերի իննը ձեռագրերի հիշատակարամներ, որի միայն Բ հատորը պարունակում է 831 հիշատակարամ: Հեղինակեց Սուրբ Կարապետի վանքի պատմությունը (2 հատոր): Հավաքեց ժողովրդական երգեր, հերիաթներ, ավանդություններ: Հրատարակեց ուսումնասիրություն նվիրված հողային հարցին: Գրել է բանաստեղծություններ, պատմվածքներ, ավանդավեպեր, «Տիրացուն և ժամկոչը», «Բարբային» գեպերը:

Տատրակի գրական-հրապարակախոսական գործունեությունը ծավալվել սկսեց գուլումի տարիներին, երբ արգուհամիջյան հետազիմության հարվածներից շշմած արևմտահայ գրականությունն սկզբում սոսկեց, իսկ ապա վախսորած էր ձայններ արձակում: Քանի որ մամուլում դեռևս մտքեր արտահայտելու ինչ-որ հնարավորություն կար, գրականությունը տեղափոխվեց մամուլ նախսափես թոթափելով այնպիսի հասկացություններ, ինչպիսին են աղասությունը, հայրենասիրությունը: Դատարկված հրապարակն աստիճանաբար գրավեց իրապաշտական հակումներով գրականությունը:

1884 թ. «Արևելքն» ու «Մասիսը» միավորվեցին ու դարձան գրական կյանքի առանցքը, որի շուրջը հավաքվեցին ե. Տեմիրճիպաշազանը, Ա. Արփիարյանը, Գ. Զոհրապը, Հրանդը, Տ. Կամարականը և ուրիշներ: Ազգային տեղը գրավեց սոցիալ-կենցաղային խնդիրներ արծարծող գրականությունը:

Այս համայնապատկերի վրա Տատրակի գրականությունն առանձնանում է իր ուրույն բնույթով ու հարցադրումներով: Մի պատառիկ Տարոնի թիւ գյուղի նրա նկարագրությունից: Նախկինում զուտ հայրանակ թիւ գիւղը այլևս «Քիւրտերէ» եւ հայերէ խառն բնակչութիւն մը ունի: Երթալով հայերը նուազեր են ու քիւրտերը շատցեր... Այս գիւղն այսօր չեխնոց է կամ շեյլերու կացարան: Անոնք ունին իրենց մզկիթը, քովն ալ մետրեսէ մը: Մետրեսէին անունը կար, բայց անկիւնը չկար: Մխոստած, մղոստած երկու լսցիկներ, որտեղ 20-30 Փախիրներ կապրին...

Կ'այցելենք հայոց եկեղեցին ու դպրոցը, որ համեմատաբար ավելի օգտավետ ու կոկիկ շենք մըն էր... Եկեղեցին՝ հին, ալ նորոգուած իբր 40 տարի առաջ, իսկ դպրոցը սահմանադրութենէն յետոյ շնուած էր... Գիւղն ունի աղբիւրներ, առուակներ և ընդարձակ հողեր, մեծ մասամբ անցած շեյլերուն և անոնց կրոնակիցներու ձեռքը... Գիւղին վերը եւ վարը թէ՛ բլրակի վրայ եւ թէ՛ քովերը ցանուցիր կը մնան ավերակներու դերբուկները... Բլիակին արևմտյան կողմը... պատմական վանքին ավերակն է... Այս ավերակին մեջն էր, որ շեյլերը այս տարի պեղումներ կատարեր էին և եկեղեցին խորանները բանալով ձեռք բերեր էին... Եկեղեցական անօթներ, գրքեր և այլն»: («Տարոնի արծիվ», 1938 թ. № 2, էջ 56-58):

մտավոր գործունեությամբ զբաղվողներին:

Այսպես, Տարոն-Տուրուբերանի 500 հոգևորականից փրկվեց միայն քահանա և Ե. Տեր-Պարսամյանը¹:

Տարոնում Հայ-քրդական և Հայ-թուրքական լարվածությունը, որ սկսած 1915-ի Հունվարից առնակատման բնույթ ստացավ, մարտ ամսին վերածվեց բախման, որի նախաձեռնողը թուրքերն էին:

Կ. Պոլսում Բուլղարիայի ներկայացուցիչ Կոլաշեր մայիսի 15-ին Մուշ քաղաքից գրեց. «Կառավարությունը քաղաքի թուրք բնակչությանը զենք է բաժանում անհրաժեշտության դեպքում Հայերին կոտորելու համար: Մուշի և Բիթլիսի շրջանում կատարյալ անտերություն է: Քրդերն օրը ցերեկով սպանում ու թալանում են»: Գոմս գյուղում սպանեցին 10 հայի: «Համընդհանուր կոտորածի լուրջ վտանգ կա: Որքան ոռուսական զորքերը մոտենում են, այնքան կառավարության հրամանով ավելի շատ հայ է կոտորվում»: Բուլղանըխում ոչնչացվել է 7-8 գյուղ: Կոտորվում են Ախլաթի գյուղերը²:

Տարոնում իրադարձությունները զարգանում էին մասնակից դեպի ընդհանուրը, միջադեպերից դեպի զանգվածային, Համընդգրկուն ջարդերը:

ԳՈՄՍ. - 1915-ի փետրվարին Կորյունն ու Ռուբենը գնում են առաջինի Հայրենի Գոմս գյուղը: Նույն օրը Գոմս են Հասնում Աղջանի մյուղիր Զ. Ուսեն, շեյխ Մ. Էմինը և մի քանի ուրիշ քրդեր ու 15 ժանդարմներ: Կորյունը նրանց տեղափորում է իրենց տանը, հյուրասիրում: Մի քուրդ Կորյունին Հասկացնում է. որ եկել են իրենց սպանելու: Կորյունն իր մարտիկներին ու ընտանիքի անդամներին տնից թաքուն դուրս է Հանում, խոտը լցնում է տան ու գոմի դռների առաջ, դրանք փակում ու կրակ է տալիս: Կրակի միջից մյուղիրը բղավում է, թե ինքը դավադրությանը մասնակից չէ: Կորյունը նրան և իրեն ճշմարտությունն ասող քրդին կրակից հանում է, իսկ մյուսներն այրվում են:

Դավադրության հեղինակը Սերվեթն էր: Պատերազմը հայտարարված էր: Հաջորդ օրը նա Խարախանյանից ու Վ. Փափազյանից պահանջում է՝ Կորյունին ու Ռուբենին հանձնել իշխանություններին և Վ. Փափազյանին պատանդ է պահում: Վերջինս պահանջում է Հետաքննություն անցկացնել մեղավորին պարզելու համար: Փափազյանի, զորքերի հրամանատար Վասրֆի, Բուլղանըխի գայմագամ էսաղի և Հազորի մյուղիր Սուլեյմանի ուսումնասիրությունները հաստատում են դավադրության փաստ, որի հետևանքով Գոմսի բնակչության մեծ մասը լքել էր Հայրենի գյուղը, նրանցից շատերին խեղղել էին Արածանիի ջրերում: Քրդերը կողոպտել էին գյուղի տները, ավելի քան 100 կանանց ու երեխաների փակել էին անասնագոմերում:

Այս դեպքից մի քանի օր անց ոստիկանները խուզարկում են Դաշնակցության Մշու ակումբը ու դա փակում:

ՑՐՈՒՔ. - Դասալիքներ բռնելու համար Հունվարի 25-ին 500 զինվոր չափու հսմայիլի հրամանատարությամբ լցվում է Դաշտի գյուղերը: Գլխավոր խնդիրներից մեկը ուազմաճակատի հարևանությամբ գտնվող Ցրոնք գյուղի

¹ Թէոդիկ, Ամէնուն տարեցոյցը, ծանոթ. № 47, էջ 124:

² "Геноцидът над арменците", ф. 321, оп. 1, д. 2462, л. 76.

Հայերին հաշվեհարդարի ենթարկելն էր՝ «բանակի թիկունքն ապահովելու համար»: Տեղի է ունենում բախում Ցըռնքի մարտական խմբի հետ: Գյուղի երիտասարդությունը հաջողում է հեռանալ: Ցըռնքում 150 տուն այրվում է, իսկ ավագանին ձերբակալվում և տարվում է Մուշ:

Գոմակ և Ցըռնքի դեպքերի մասին Լեփսիուսը գրում է, որ մարտի սկզբին կոմիսար Ռահիմ բեյը և լեյտենանտ Զեղեթ բեյը 40 զարթիեներով գալիս են հայկական Ցըռնք գյուղը: Մի փախստականի հետ փոխհրաձգության ժամանակ ժանդարմներից մեկի ձին սպանվում է: Ժանդարմը, որպես հատուցում, գյուղացիներից վերցնում է մի լավ ձի, նրանց ստիպում վճարել 40 լիրա սատկած ձիու դիմաց, կրակի է տալիս 25 տուն, գյուղի տղամարդկանց հարկադրում ցատկել թրի սայրի վրայով և բռնագրավում է հայերի արտերը: Զարթիեների հրամանատարը, «որպես չնորհակալություն», բռնարարում է իրեն հյուրընկալողի հարախն...

Նման բաներ կատարվում են նաև մյուս գյուղերում, որտեղ մնացած այս կամ այն չափով աշխատունակ հայ տղամարդկանց քշում էին ճանապարհինսարարական և բեռնափոխադրման գումարտակներ (ամելեթաբուրի), առանց հաշվի առնելու, որ նրանց ընտանիքները մնում էին առանց կերակրողի: Այսպես, օրինակ, Գոմա գյուղից, որտեղ ընդամենը 70 տղամարդ կար, ներառյալ ծերունիները, հավաքեցին 50 եղ և 45 տղամարդ, իսկ պակասող հինգ տղամարդու դիմաց պահանջեցին զինծառայությունից ազատվելու դինը: Աղջեմակի մյուղիրը, որ եկել էր Գոմա, ուզում էր այդքանով բավարարվել, սակայն նրա ուղեկից քուրդ Մեհմեդ Ամինը հինգ տղամարդու պակասը պատրվակ դարձրեց գյուղապետին ճիպոտահարելու և յոթը հայ սպանելու համար: Գործը հասակ ընդհարման: Սպանվեց յոթը ժանդարմ և քսան հայ:

Լեփսիուսը նկատում է. «Չնայած բոլոր հալածանքներին, հայերն իրենց հանգիստ էին պահում, ուշադրություն չէին դարձնում թուրքերի ու քրդերի ոտնձգություններին և չէին գայթակղվում ապատամբությունով»¹:

Մարտի վերջին՝ ուազմաճակատ մեկնող թուրքական 2000 զինվոր կանգ է առնում 80 տուն ունեցող ջրիկ գյուղում: Գյուղացիներն ընկնում են անելանելի կացության մեջ և առաջնորդարանի օգնությունն են խնդրում: Առաջնորդի փոխանորդ Ե. Պարսամյանը գնում է Սերվեթի մոտ խնդրելու, որպեսզի զորքերը հայերի տներից հանվեն և տեղափորվեն զորանոցում: Սերվեթն ատրճանակ է հանում, բայց Պարսամյանը հաջողում է նրան գետին տապալել ու փախչել: Այս գյուղում կատարվածի մասին Վեհիր փաշան Մազհարի հանձնաժողովին ցուցմունք տվեց. «Ջրիկ գյուղի հայ տղամարդկանց, կանանց ու երեխաներին ձերբակալելով, գյուղը հրկիցեցին, բնակչությանը ոչնչացրին, ինչը իսլամի պատմության մեջ նմանը չուներ»²:

Մի քանի օր անց Սերվեթի մոտ է լինում Մուշի առաջնորդ Ներսես եպս. Խարախանյանը, որը մութեսարիֆի հետ հանդիպումից հետո Վահան Փափաղյանին ասում է. «...Անիծուած թշուառականը գայլի դէմք էր ստացած, չարա-

¹ Լեփսիուս Յո., նշվ. աշխատ, փաստ, №№ 17, 21, 27, 42:

² ԴԵ № 31 ծանոթ., ծրար 7, № 178, Հիշատակագիր վկայութիւն, թ. Գ:

գուշակ բան մը կար անոր հայեացքին մէջ...»: Դա առաջին ձնծաղիկն էր: Նախկին բարեհամբույր Սերվեթը, սկսած ապրիլ ամսից, «գայլի կերպարանք ստացած էր»:

Նուտով Խարախանյանը տիֆով հիվանդանում է և ապրիլի 23-ին (ն.տ.) մեռնում է: Տիֆով ծանր հիվանդանում է նաև Վ. Փափաղյանը:

Կ. Պոլիսը, նկատի ունենալով Վանի և Բաղեշի վիլայեթների հայերի զինված լինելը, ըմբոստ պատմությունը, որոշում է դրանց հայությանը ոչ թե տեղահանել, այլ բնաջնջել տեղում, վախենալով, որ տեղահանության դեպքում հագիվ թե հարավոր լիներ զապել հայերի ընդվզումը: «Գործն» ավելի անվտանգ առաջ տանելու համար որոշվում է ոչնչացումն իրականացնել գավառ առ գավառ՝ դրանք միմյանցից մեկուսացնելու պայմաններում: Տեղում բնաջնջման հաջողությունն ապահովելու համար պահանջվում էր լուծել երկու կարսոր խնդիր՝ ա) դա իրականացնել քրդերի միջոցով և լուրջ աշխատանք տանել քրդերին դահճի դերի համար նախապատրաստելու ուղղությամբ և բ) ճնշումների, հարստահարությունների, սպանությունների ու ջարդերի միջոցով հայությանն այնքան հյուծել, որ չկարողանա լուրջ օգնություն ցույց տալ բնաջնջման քաղաքականությանը:

Նույն նպատակին էր ծառայում մայիս ամսին Վանի, Մանազկերտի, Ալաշկերտի և Բուլանըխի մահմեղական փախստականներին՝ տղամարդ, կին, երեխա, անասունով, ունեցվածքով, Տարոնի դաշտում կենտրոնացնելը: Քրդերը ողողեցին հայեած դաշտը՝ սկսած Բաղեշից մինչև Ս. Կարապետի վանքը:

Սերվեթը մեծ եռանդով էր իրականացնում զորակոչը և զինակոչիկներ ու շալակավորներ հավաքագրելու միջոցով հնարավորին չափ փոքրացնում էր զենք կրելու ընդունակ հայերի տեսակարար կշիռը:

ԿԱՐԱԶՈԲԱՆ. – Այս գյուղն էին ապաստանել մերձակա բնակավայրերի հայերը: Թշնամին շրջապատում է Կարաչորանը: Հայերին օգնության են հասնում Խնուսի և Կոփալի մարտական ջոկատները: Հայերը հերոսական դիմադրություն են ցույց տալիս: Ճեղքելով թշնամու օդակը՝ նրանց կովող ուժերի մի մասը գնում միանում է ոռոսական զորքերին, իսկ մյուս մասը կովելով բարձրանում է լեռ, բայց այստեղ երկար մնալ չի կարողանում քաղցի պատճառով և իջնում է Դաշտ, որտեղ և ընկնում է թուրքերի ձեռքը:

ԿԱՐԱՔՅՈՒԹՅՈՒՆ. – Այս գյուղը հարձակման է ենթարկվում մայիսի 4-ին: Գյուղացիները թշնամուն համառ ու տևական դիմադրություն են ցույց տալիս, բայց ի վերջո ընկճվում են: Գյուղը կողոպտվում է, գյուղացիները ոչնչացվում են:

Ինքնապաշտպանական կոփիներ են մղում նաև Դուման, Մարուֆ, Շաբաղին, Յաղամելիք, Բուրնուղ, Խովլա, Խալչապուշ գյուղերը, բայց չկարողանալով երկար դիմադրել թշնամու զերակշիռ ուժերին՝ կոտորվում են:

Մայիսի 1-10-ի թուրք-քրդական հարձակումները հայկական գյուղերի վրա խնդիր ունեին Դաշտի հայերին ոչնչացնել մինչև ոռոսական բանակի գալը:

Այդ հարձակումները զեկավարում էր Քյուչյուկ Քյաղիմը՝ հթթիհաղի ներկայացուցիչը, որի ջարդարար վաշտն ստացել էր «մսագործների վաշտ» անունը:

Սակայն սարսափելին առջեռում էր:

Մրագրված էր ամբողջ տարոնահայությանը բնաջնջել մեկ օրվա ընթաց-

Քում: Զարդարարները խմբերի էին բաժանվում: Ամեն 10 հոգանոց ժանդարմական խմբին կցում էին 500-1000 քրդի՝ մեկ զյուղի կամ մի քանի զյուղի բնաջնջման համար: Ժամանակակիցներից մեկը՝ Մ. Բարխայանը պատմում է, թե Մուշից իրենց զյուղ եկավ Մահմուդն ու Հայտարարեց. «Վաղը, Վարդավառի կիրակի, Հայերուղ ջարդը կը սկսի: Շրջանները բաժնուած են այսպէս, Հաճի Մուսաբէկ, խոյթեցի, պելեքցի, բագարանցի, ոչկորտացի, բատկանցի և դեռ շատ մը աշիրեթներով, որոնց կը միանայ «միլլի թապուրը», Պիթիսէն մինչև ֆոանք նորշէն»¹:

Այլ խոսքով ասած, տարոնահայության բնաջնջման նպատակով գործածվում էին քրդական ամենահզոր ցեղերն ու աշիրեթները:

Այդ պայմաններում մեծանում էր նաև կրոնական գործոնի դերը ոչնչացման քաղաքականության կիրառման գործում:

«Բոլոր երիտասարդ թուրքերը, - գրում են Ս. և Մ. Բղեյանները, - ոտքի վրայ էին, գիշեր ցերեկ կ'աշխատէին քրտական ցեղապետները, չէյխերը քաղաք հրատիրելու եւ համոզելու, որ մեր խալիֆան ձիւատ հոչակած է բոլոր կեավուրներուն դէմ, բայց քանի որ Գերմանիոյ թագաւորը խոստացած է մեր սուլթանին, որ յաղթութենէն ետք իր ամբողջ ազգով եւ դաշնակիցներով պիտի ընդունի հագ տինը (ճշմարիտ կրոնը), այդ պատճառով ալ՝ մեր դաշնակիցներէն զատ միւս բոլոր կեավուր ազգերը պիտի ջնջենք աշխարհի երեսէն եւ կամ մեր Ղուրանը ընդունի պիտի տանք անոնց»²:

«Մշոյ դաշտը, - գրում է Ա. Շիրակյանը, - աւելի արիւնալի դէպքերու թատր հանդիսացաւ: Հոս նաեւ պատերազմի սկիզբէն կառավարութիւնը նոյն միջոցներուն դիմեց, սակայն առաւել խստութեամբ՝ բռնագրաւում, կողոպուտ, սպանութիւն, այր մարդիկը քշեցին դէպի ճակատ կամ որպես շալակաւոր եւ կամ ամելէ թապուրիներու մէջ աշխատելու համար. շրջանի քիւրտերն աւելի գործօն մասնակցութիւն ունեցան թալանի ու սպանութիւններու մէջ... Բանտերը լեցուեցան անմեղ հայերով, քանի մը հոգի նոյնիսկ կախաղան հանուեցան Մուշի մէջ»³:

Տարոնում արդեն գարնանը բացեիրաց խոսում էին, որ թուրքական կառավարությունը որոշել էր ոչնչացնել հայերին: Հանրահայտ ավագակապետ Մուսան հայերին ասում էր. «Հրաման կա՝ ով որ օսմանների հողում տա Հիսուս Քրիստոսի անունը, չպետք է կենդանի մնա»: Մի ուրիշ քուրդ՝ Թամո Ալին հայտարարեց. «Սուլթանից հրաման է ստացված, որ բոլոր հայերը պետք է անգթորեն ոչնչացվեն... Զորս-Հինգ օր հետո այստեղ էլ կակսի կոտորածը...»⁴:

Մայիսի սկզբներին ոռուական բանակը հասել էր Բուլանըխը Տարոնից բաժանող Քոսուրի լեռնաշղթա, Մուշ քաղաքից մոտ 50 կմ հեռավորության վրա գտնվող Ցրոնք զյուղը:

Թուրքական նահանջող բանակն ամբողջությամբ կազմալուծված ու բարո-

¹ Սասունի Կ., նշվ. աշխ., էջ 847:

² Բղեյեան Ս., Հարագաս պատմութիւն Տարօնոյ, Գահիրէ, 1962, էջ 305:

³ Շիրակյան Ա., նշվ. աշխ., էջ 44:

⁴ ՀԱԱ, ֆ. 1, ց. 1, գ. 219, Ե. Կարապետյանի ձեռագիրը:

յալքված էր: Քուրդ անկանոն զորքերը՝ համիդիեները, որոնք առանց այդ էլ դժկամությամբ էին պատերազմին մասնակցում, ոռուսական զորքերի հզոր հարվածներից ահաբեկ, խուճապահար լրում էին ուղղմածակատը և փախչում Մշո դաշտ, ինչը վարակիչ օրինակ դարձավ նաև թուրք ու արար զինվորների համար:

Հուսալքված ու մոլորված էին նաև Մշո թուրքական իշխանությունները և թուրք ու քուրդ բնակչությունը:

Փետրվար-մայիս ամիսներին քաղաքում տիրող կացության մասին Վ. Փափազյանը գրում է. «Շուկայէն կ'անցնէի՝ բացարձակ ամայի, երբեմն այս ու այն անկիւնէն երկչուտ դեմքեր կ'երեւային, որոնք կը փութային աննշմարելի անհետանսալ: Փողոցներու երկայնքին՝ ժամանակին զինուորական համազգեստ եղած ցնցոտիներով՝ տասնեակ մը դիակներ ընկած էին ցեխերու մէջ, կամ հողի գոյն ստացած կմախքներ, որոնք մահուան հոնդիւններ կ'արձակէին, բորոտ ու զազրելի չուներու խումբեր դիակները այս ու այն կողմ կը քաշքէին: Տեսայ երկու չուներ, որոնք դեռ կենդանի զինուորի մը կոկորդը կը պատուին...»¹:

«Շատ մը արար զինուորներ,- պատմում է Մ. Բդեյանը,- կծկուած կամ պառկած կը տեսնէինք չուկայի մէջ, թաղերու փողոցներու անկիւնները, ուր վայրկեանէ վայրկեան կը սպասէին մահուան: Թրքական բարձրաստիճան պաշտօնեաները, քաղաքային կամ զինուորական իրենց անցուղարձի միջոցին, անտարբեր նայուածքներ կը նետէին այդ տարաբախտներուն վրայ ու կը հեռանային: Օրերով այդպիսի մահացածները կը մնային հոն՝ լքուած վիճակի մէջ»²:

Տեղի թուրք բնակչությունն, իրեն վտանգված դգալով, միջոցներ էր փնտրում հայերի հետ հարաբերությունները բարելավելու համար: Նրանք տագնապում էին, որ ոռուսները քաղաքը գրավելու էին և իրենք փախստական էին դառնալու: Դրանից խուսափելու համար քաղաքի հայ բնակչության հետ համաձայնության եկան՝ թուրքական իշխանության պայմաններում իրենք են պաշտպանելու հայերին, իսկ ոռուսների գալուց հետո՝ հայերը՝ թուրքերին³:

Ժամանակակիցներից մեկը նկատում է. «Յուսահատութիւնը կը ծանրանար թիւրք կառավարութեան եւ ազգարնակչութեան վրայ, որ, լեղապատառ, բարեկամներ ու ապաստաններ կը փնտոէ հայութեան մօտ: Խուճապ է»⁴:

Տագնապի մէջ էր նաև Սերվեթը, որը կառավարչության փաստաթղթերը, արխիվը, ինչպես նաև իր ընտանիքն ուղարկեց Խարբերդ: Նա երկրիմի ճարպիկ քաղաքականության միջոցով աշխատում էր հայերի հավանական վտանգը չեղոքացնել և նրանց բնաջնջման համար պայմաններ ստեղծել: Այդ նպատակն էր հետապնդում, օրինակ, «թուրքական անձնագիր» չունեցողներին քաղաքից հեռացնելու նրա պահանջը, որն առաջին հերթին վերաբերում էր ՀՅ Դաշնակ-

¹ Փափազեան Վ., նշվ. աշխ., էջ 350:

² Բդեյան Մ., նշվ. աշխ., էջ 325:

³ Տարաֆեան Ե., Տարօնի եղեռնը: Ականատեսի վկայութիւններ, Սան Ֆրանցիսկո, 1965, էջ 13:

⁴ Տե՛ս Տարօնեցի Ա., Պատասխանատունները Տարօնի եղեռնին, Սան Ֆրանցիսկո, 1966, էջ 154:

ցության «զրսից եկած» գործիչներին, մասնավորապես Ռուբեն Տեր-Մինասյանին և Վահան Փափաղյանին: Վերջինիս հարցում վճռական միջոցներ ձեռնարկելուց խուսափում էին, քանի որ օսմանյան խորհրդարանի անդամ էր, իսկ Սերվեթի երեկով «եղբայր» Ռուբենին հետապնդում էին և վերջինս հարկադրված եղավ անցնել ընդհատակ ու հիմնավորվեց Սասունում:

Նրան Սասունից վար բերելու Սերվեթի ու Իլիասի բոլոր ջանքերն ապարդյուն անցան: Այդ ջանքերը գործադրվում էին «եղբայրությունը վերականգնելու» քողի տակ: Իլիասը նամակ գրեց Ռուբենին՝ հորդորելով, թե պատվարեր չէր «ավագակի նման փախած մնալ» և «զլխով էր երդվում», որ երաշխավորում էր նրա անվտանգությունը:

Հայերի հետ հարաբերությունների կարգավորումը՝ նպատակ ուներ նրանց աչքերին թող փչելու միջոցով ժամանակ շահել մինչև ճգնաժամային վիճակից դուրս գալը: Ռումելիցի երիտասարդ ու եռանդուն կառավարչին հաջողվում էր խարել հայերին, մինչև վճռական պահը մնալ նրանց «բարեկամի» դիմակի հետևում, ինչը օգնում էր դեպքերի զարգացումը տանել թուրքերի համար ցանկալի ուղղությամբ:

Հայերին սիրաշահելուն զուգահեռ շարունակվում էր նրանց «խեղճացնելու», ամենաչնչին հնարավորություններից իսկ զրկելու, ուազմավարական նշանակություն ունեցող կետերից նրանց քչելու քաղաքականությունը:

Սերվեթի մասին կարծիքները միասեռ չէին: Կան նրան միանգամայն այլ բնութագիր տվող աղբյուրներ: Ինչ-որ շրջանների 1915 թ. փետրվարի 25-ին կազմած «Համառոտ տեղեկագիր Հայաստանի կացութեան ըստ Կարինի, Մուշի, Վանի եւ Սերաստիոյ մէջ Հայերու դէմ կիրարկուած խժդութիւններուն» անունը կրող անստորագիր փաստաթղթում Սերվեթի մասին ասվում է, որ եթե նա «մնալու ըլլայ, խոռվութիւններն անխուսափելի են: Զղագար, մեծամիտ, դաւագիր թիւրք մըն է, արդարութիւն եւ թագթ բնաւ չունի... Երջանը սարսափի մէջ է: Ասպարէզը զինուորի անուան տակ քիւրտ հրոսակներունն է... Այս միւթեսարիփը եթե չփոխուի, կարող են այստեղ Ատանա մը ստեղծել»¹:

Մարտի 19-ին իշխանությունները տիրանում են Կեղրոնական վարժարանի շենքին, որը քաղաքի ամենավերին մասում էր և հնարավորություն էր ստեղծում խզել կապը հայաբնակ Վերին և Զորու թաղերի միջև ու հսկողության տակ առնել, Զորու և սուրբ Մարինե թաղերը, ինչպես նաև Ծիրինկատարից մինչև Մուշ ձգվող ձորը: Շենքը առանձնակի նշանակություն ուներ նաև գլխավոր խնդրի՝ Սասունը Տարոնից մեկուսացնելու, լուծման համար:

Սերվեթի քայլերից ամենաերկդիմին այն էր, որ հանձնարարեց Հակոբ Կոտոյանին 200 հայ զինվորների հետ երկու թնդանոթ տեղափոխել ուազմաճակատ՝ Բուլանրիսի Քոսուրի լեռները: Այդ քայլը թելադրված էր նախ նրանով, որ Մուշ քաղաքը վերածվել էր զինվորական փոխադրությունների միջանկալ կայանի, որտեղ բերում էին զորակոչիկներին, մի քանի օր զինվորական մարզանքվարժություններ սովորեցնում ու հապշտապ ուազմաճակատ ուղարկում: Քա-

¹ Դե, ծրար 19, Ղ, № 419, 420:

ղաքում փաստորեն մնայուն՝ ստացիոնար, զինվորական ուժ գրեթե չկար: Համենայն դեպս, դրանց թիվն այնքան փոքր էր, որ տարրական պահանջները բավարարել չէին կարող, մի հանգամանք, որը տեղական իշխանություններին դրել էր անզոր վիճակում:

Դեռ փետրվարի 13-ին Պոլեյան Մջոն 80 հոգանոց զինված խմբով բարձրացավ Առաքելոց վանք որպես բողոքի ցույց իշխանությունների քաղաքականության դեմ: Հաջորդ օրը վանքում ոստիկանության հետ բախում է տեղի ունենում, որի ընթացքում սպանվում է վերջինների հրամանատարը մի քանի ոստիկանների հետ: Նախկիններում նման դեպքին հաջորդում էին զանգվածային ահաբեկման միջոցները, եթե ոչ ջարդերը: Իսկ այս անգամ Մջոյի խմբին հետապնդելու համար անգամ զորք կամ ոստիկանություն չուղարկվեց, այլ բավարարվեցին սպանվածների դիակները Մուշ տեղափոխելով: Բայց նրանց թաղման ժամանակ Սերվեթի լեզուն բացվեց:

Մինչ այդ, գրում է Վ. Փափազյանը, Սերվեթը «մեռելի ուժգնութեամբ՝ սմբած, զլուխը կորսնցուցած, թեւս մտնելով տարավ փողոց եւ գրեթէ աղաչական եղանակով խնդրեց ժամ առաջ հեռացնել տալ Մջոն վանքէն»¹:

Հավանաբար մութեսարիփի այդ ընկճվածությունը նույնպես գեր խաղաց կոմսի հետևյալ եղրահանգման համար. «Եթէ այս օրերուն պայթէր կոփուր, կրնանք հաստատապէս ըսել, որ Տարօնը փրկուած պիտի լինէր, զօրք գրեթէ չկար... Կոփուր պիտի ընդացնուէր, մերինները լեռներէն կ'իջնէին, քաղաքը կը գրաւէինք եւ կը կապուէինք ոռոսական յառաջացող բանակին»²:

Վ. Փափազյանն այսպես մտածում էր տասնամյակներ անց, իսկ այն տարիներին դարձավ զլիսավոր դեմքերից մեկը, որոնք խափանեցին մի նոր «Վանի ինքնապաշտպանության» ծնունդը:

«Մուշից եկած զորքերը վանքը խուզարկելիս, - գրում է Յո. Լեփսիսուսը, - առանց պատճառի վեճ սկսեցին, որն արյունալի վախճան ունեցավ: Մուշի մութեսարիփը ջոկատներ ուղարկեց, սակայն ընդհարման ժամանակ գոհված թուրքերի դիակները տարան Մուշ և մութեսարիփը զամբանածառում բացեիրաց ասաց. «Ձեր զլիսի յուրաքանչյուր մազի դիմաց հազար հայ եմ մորթել տալու..»»³:

Սերվեթը որոշ ժամանակ անց Առաքելոց վանք նոր զորքեր է ուղարկում, որոնք վանքը կողոպտում են: Ներսես եպս. Խարախանյանն ընդվզում է: Կողոպտուսի մի մասը հետ է տրվում: Տարրոնի վանքերում նոր զորքեր տեղադրվեցին, Ս. Կարապետում՝ 200, Ս. Հովհաննեսում և Առաքելոց վանքերում՝ 150-ական հողի⁴:

Այնուամենայնիվ, փետրվար-մարտ ամիսներին, իրոք, հնարավորություն կար տեղական իշխանությունների դեմ եռանդուն գործողությունների դիմելու և ինչ-որ հաջողության հասնելու համար:

¹ Փափազեան Վ., նշվ. աշխ., էջ 342-343:

² Նույն տեղում, էջ 356:

³ Լեփսիսու Յո., նշվ. աշխ., փաստ, №№ 21, 27:

⁴ Պարսամեան Ե., նշվ. աշխ., էջ 41:

Մինչև Բուլանըս մեկնելը Հ. Կոտոյանը Դաշնակցության տեղական կոմիտեին առաջարկեց մի ծրագիր, որի էությունը քաղաքը գրավելն ու առաջացող ոռուսական բանակի հետ կապվելն էր: ՀՅԴ տեղական կոմիտեում այս առաջարկությունը քննելու ժամանակ Հ. Կոտոյանը մանրամասեց իր ծրագիրը՝ ոռուսական բանակը մի օրվա հեռավորության վրա է, թուրքական բոլոր ուժերը զբաղված են հակառակորդի առաջխաղացումը կասեցնելով, քաղաքում բանակային ուժեր չկան: «Նոյնպէս անոնց կը յայտնէ, որ երկու թնդանօթները փոխադրող պաշտօնեաներեն մէկն ալ ինքն է եւ իրեն ընկերացող խումբ մը հայ տղաներ՝ բոլորն ալ թիւրք բանակին մէջ մարզուած երիտասարդներ, եւ երբ իրենք՝ ծրօնք գիւղի կոնակը գտնուող Քոսուրայ լեռները հասնին, պիտի սկսին թշնամին հարուածել կոնակէն: Իսկ դուք ալ հոս, քաղաքի մէջ, անմիջապէս կը յարձակիք կառավարական զինարանին վրայ, կը զրաւէք զայն, իշխանութիւնը ձեռքերնիդ կ'առնէք եւ կը տիրանաք քաղաքին, ուր Խիանքի կողմերէն բերուած անմարդ ու անկազմակերպ փոքրաթիւ ոյժ մը կը գտնուի, եւ ի վիճակի պիտի չըլլայ լուրջ դիմադրութիւն ցոյց տալու:

Սասուն հաւաքուած մեր ֆետայիներն ալ վար կու գան եւ միանալով քաղաքի հայ ոյժերուն. ամբողջ շրջանի իշխանութիւնը ձեռքերնիս կ'առնենք»:

Նա դիմելով հավաքվածներին, ասաց. «Աստուծոյ սիրոյն, այսօրը մեր օրն է, պէտք է օգտուինք այս հազուագիւտ պատեհութենէն եւ գործադրենք մեր այս փրկարար ծրագիրը»¹:

Վ. Փափազյանը պատասխանեց. «Վանը ապստամբուած է, այո, բայց ի՞նչ պիտի ըլլայ վերջաւորութիւնը, չենք գիտեր: Յետոյ, ոռուսական բանակը շատ յաջող կերպով կը յառաջանայ, մենք պէտք է շատ անտարբեր ցոյց տանք ինքինքնիս, կառավարութեան դէմ որևէ ցոյց չկազմակերպենք: Արդէն ոռու զինուորները շուտով կը գրաւեն դաշտն ու քաղաքը, եւ ժողովուրդը կը փրկուի»²:

Ժողովը մերժեց Հ. Կոտոյանի առաջարկությունը: Նա մեկնեց Ցրոնք և ցրեց թնդանօթները տեղափոխող ջոկատը:

Այո՛, Տարոնը բոլոր հնարավորություններն ուներ կրկնելու Վանի օրինակը, թոթափելու թուրքական լուծը և ապավինելու ոռուսական բանակին: Այո՛, ունե՛ր, և ուներ ոչ միայն յաթաղանի դեմ պայքարի իր դարավոր փորձով, այլև իր մեծաթվությամբ: Բիթլիսի նահանգի 150,000 հայության դիմաց կար 30,000 թուրք, իսկ տեղի քրողությունը դեռ չէր մոռացել մեկ տարի առաջ երիտթուրքերի գործադրած բոնությունն իր նկատմամբ: Վճռական դեր կարող էր խաղալ նաև այն, որ, ինչպես ոռու ականատեսն է նշում, Տարոնի հայությունը «չնորհիվ իր կազմակերպվածության և ինքնապաշտպանվելու ընդունակության», մինչև հունիսի սկիզբն աշխարհատարածքը զերծ պահեց կոտորածից: «Այստեղ հայերի սրտերում սարասափի փոխարեն իշխում է պատրաստակամությունը մինչև վերջ պաշտպանել իր պատիվն ու կանքը»: Նույն հեղինակը նշում է, որ

¹ Շարաֆեան Ե., նշվ. աշխ., էջ 13-14:

² Նույն տեղում:

սկզբնական շրջանում Տարոնի հայությունը բացարձակապես անպատճառ էր, և, եթե թուրքերն այն ժամանակ սկսեին ջարդը, հայերն անզոր կլինեին դիմաղրելու: Բայց թուրքերը ջարդերը այլևս պատճառներով չսկսեցին, իսկ հայերը հասկացան, թե ինչ է իրենց սպասում և սկսեցին նախապատրաստվել: Նրանք հաջողեցին ուղղմածակատից վերադառնող զինվորներից, մասնավորապես արաբներից, զենք ու զինամթերք գնել չնչին գներով: Տարոնի երիտասարդությունը փաստուեն, չզորակոչվեց կամ բանակում չմնաց: Մշո կողքին Սասունն էր իր «Հպարտ, ազատամեր հերոսներով»¹: Անհրաժեշտ էր կատարել առաջին բախտորոշ քայլը: Բայց այդ քայլը չարվեց և չարվեց ոչ թե օրյեկտիվ պատճառներով, այլ որովհետև ո՛չ Ռուբենը և ո՛չ Էլ Կոմսը Արամ Մանուկյան չէին: Երկուսն էլ կուսակցական գործակատարներ էին, զուրկ քաղաքական նախաձեռնությունից, պատասխանատվությունն իրենց վրա վերցնելու կամքից, զուրկ սեփական ժողովրդին նվիրվածության, անձնազոհության պատրաստակամությունից:

Ճիշտ է ներկայացնում Հ. Տեր-Զաքարյանը. «Մէկ ներկայացուցիչը Տարօնի բոլոր աչքառու ոյժերու հետ մէկտեղ ծալապատիկ նատած Սասունի լեռնաշուրբերը, ամբարտաւան սոնքումով մը՝ սպասեց, որ ամեն ինչ իր ոտքը երթայ, իսկ միւս պետք՝ քաղաքի մեջ կծկուած, գաղտագողի լուրեր հաւաքեց»²:

Տարածված կարծիքը, թե Ռուբենի ղեկավարած մարտական խմբերի պայքարի շնորհիվ հետաձգվեց Տարօնի և Սասունի հայերի հաշվեհարդարը՝ ճիշտ չէ: Այդ հաշվեհարդարը ձգձգվեց Սասունի հանդեպ թուրքական իշխանությունների ավանդական վախի ու զգուշության պատճառով: Սասունը հայերից դատարկելու առաջին երկու փորձերը (1894 թ. և 1904 թ.) չէին հաջողվել և բացառված չէր, որ նույնը կարող էր կրկնվել նաև 1915 թվին: Ռուսական բանակը մայիսի սկզբներին արդեն վանում էր և առաջ էր շարժվում դեպի Մուշ: Ռազմածակատային հոգսերի ու տարոնահայության բնաջնջման դժվարությունների զուգակցումը թուրքերի համար այդ խնդրի լուծումն ավելի քան բարդացնում էին:

Պատմական վճռորոշ պահին անվճռականությունն ու պայքարելու կամքի թուլությունը հանդիսացան հայության այդ հատվածի բնաջնջման հնարավորության գլխավոր պատճառներից: Սա առավել ևս ողբերգական է նաև այն պատճառով, որ տարոնահայությունն, իսկապես, հնարավորություն ուներ, գոնե հիմնական մասով, փրկվելու: Տարոնցիների նման վարքագծի պատճառներն էին ցրվածությունն ու մասնատվածությունը, կապերի թուլությունը, Սասունի և Տարօնի գործիքների միջև եղած հակասությունները, որոնք խորացան Ռուբենի գործունեության հետևանքով: Մինչև 1915 թ. հայերի մեջ միար անգամ չի եղել, թե Սասունն ու Տարօնը յաթաղանի դեմ կարող էին մարտնչել առանձին-առանձին: Տարօնը լքելու և նրա մարտական ուժերը Սասուն բարձրացնելու որոշումը աղետարեր էր: Մտայնությունը, թե թուրքերը հարձակումը սկսելու էին Սասունից, հենվում էր պատմական փորձի վրա, բայց հաշվի չէր

¹ "Кавказское слово", 5-ое штоеня 1915 г..

² Սասունի Կ., Պատմութիւն Տարօնի աշխարհի, էջ 834-835:

առնվում այն, որ մինչև Մեծ Եղեռնը թուրքական իշխանությունները Տարոնի Հայության ոչնչացում երբեկցե չեն պլանավորել: Մշտապես նրանք ձգտել են ոչնչացնել սասունցիներին: Դրանով է բացատրվում այն փաստը, որ թուրքական հարձակումներն ամեն անգամ սկսվում էին Սասունով և գրեթե միշտ էլ ավարտվում էին Սասունով: 1915-ին դրությունը միանգամայն այլ էր: Որոշված էր ոչնչացնել նաև տարոնահայությանը: Դա համընդհանուր բնաջնջման ուղմագարություն էր և պարզից էլ պարզ էր, որ «գործը» Տարոնից սկսելը տրամարանական էր: Գնայած Տարոնում էր Մուշ-Սասունի հայ բնակչության 2/3-ը, բայց Դաշտի հայությանը ոչնչացնելն անհամեմատ ավելի հեշտ էր, քան 20.000-25.000 սասունցիներին: Տարոնում էին տնտեսական գլխավոր կարողությունները, առանց տարոնահայության տնտեսական, անգամ նաև ուղմական աջակցության (աննդամթերք, ուղմամթերք, գենք, կովող ուժ), Սասունը դիմակայել էր կարող: Տարոնահայությունն անպայման խոչընդուն էր Սասուն հյուսիսից ներխուժելու ճանապարհին:

Տեղաբնակները այս հանգամանքին քաջատեղյակ էին և չեն համաձայնվում Ռուբենի քաղաքականության հետ: Մասնավորապես Տարոնի հայ գործիչները Ռուբենին նամակներ էին գրում, պատվիրակներ ուղարկում և պահանջում միավորել ուժերը: Որքան աղետի սպառնալիքը մեծանում էր, այնքան այդ ձգտումը ուժեղանում էր: Ի վերջո, համաձայնության են գալիս ժողովի հավաքել որոշելու, թե ինչ անել: Ժողովին հրավիրվում են նաև Ռուբենն ու Կոմսը: Այդ ժողովը տեղի ունեցավ քաղաքի մերձակայքում գտնվող մի հնձանում:

Ժողովում Կորյունը, Գառնեի Մկրտիչը, Սեմալյի Մանուկը, Ա. Շահրիկյանը, Մոկաց Ղազարը, Առինջի Սահակը և Մ. Բղեյանը պաշտպանեցին Հ. Կոտոյանի առաջարկը, մյուսները, այդ թվում Ռուբենը, Կոմսը, Պալեի Մըկոն, դեմ էին:

Հաջիի առաջարկն երեք տարրերակ ուներ:

Առաջին, Սասունում կուտակված զենքի ու ուղմամթերքի կեսը տեղափոխել Դաշտ, գյուղերին հանձնարարել մի գիշերվա ընթացքում ոչնչացնել տեղերում եղած թուրք պաշտոնատարներին ու ոստիկաններին, նրանց զենքերը հավաքել (միջին հաշվով 1000 զենք), հաջորդ օրն սպանել Մուշից գյուղեր մեկնած պաշտոնատարներին և մույլ չտալ, որ նրանք քաղաք վերադառնան: Երկրորդ գիշերը գյուղերի զինված ուժերը շարժել դեպի Մուշ, քաղաքը շրջապատել, տեղի երիտասարդության հետ միասին հարձակվել զորանոցի ու զինանոցների վրա, հարկադրել ոչ մեծամիջիվ զորքին անձնատուր լինել և հայկական իշխանություն հաստատել: Դա հնարավորություն կտար տեսական կոիվ մղել թշնամու դեմ, չնայած նման կովի հարկ չկար, որովհետև ոռուսական բանակը մի քանի օրից տեղ էր հասնելու:

Երկրորդ տարբերակ. Դաշտի ամբողջ տարածքում ծավալել պարտիզանական կոիվներ, ոչնչացնել թուրք պաշտոնատարներին, չեթեներին, կտրել հեռագրագծերը: Նույն գիշերվա ընթացքում զենք կրելու ընդունակ բոլոր տարրոնահայերին հավաքել Ցրոնքի, Աբրլբուհարայի, Հայկի ձորերում: Զիսուրի ժողովրդին հավաքել Վարդենիս գյուղում: Սասունի կովողներին իջեցնել Դաշտ:

Մի վայրում հավաքել նաև Մուշ քաղաքի մարտական ուժերը: Հաջորդ օրը բոլոր խմբերը պետք է զյուղից զյուղ անցնելով սպանեխն քրդերին և տիրանային նրանց սննդամթերքին, ապա շարժվեին դեպի ուսպանածակատ և թիկունքից հարվածեին թուրքական բանակին: Այդ ընթացքում Տարոնի ամբողջ բնակչությունը նույնպես շարժվելու էր դեպի ուսպանածակատ, անցնելու էր ճակատային գիծն ու այդպես փրկվելու էր:

Երրորդ տարբերակ. Դաշտի ամբողջ ժողովրդին ունեցած սննդամթերքով հավաքել Սասունի լեռների ստորին փեշերի հայկական զյուղերում և կովի մեջ մտնել թշնամու հետ: Նույն կերպ պետք է վարվեր նաև Մուշ քաղաքի հայությունը: Կովել մինչև վերջ՝ հաղթել, կամ բոլորով միասին գոհվել¹:

Ուրբենն ու նրա կողմանակիցները առարկեցին՝ նախ. դժվար թե հաջողվի գրավել քաղաքը զորանոցների հետ միասին, երկրորդ 100.000 մարդու անհնար է մի օրում ոտի հանել ու տեղափոխել, չհաշված նաև վտանգը, որ թուրքական բանակը կարող էր նախապես այդ մասին իմանալ և թնդանոթները չուռ տալ ժողովրդի վրա: Երրորդ տարբերակն ընդհանրապես անհնար էր համարվում, պատճառաբանությամբ, թե ուսպանական մեծ ուժեր են պահանջվելու Ղըզլա-ղաջից մինչև Ալվանինջ ընկած գիծը պաշտպանելու համար:

Հ. Կոտոյանի առաջարկներին Ռուբենը հակադրեց իր ծրագիրը: Դա հետեւյալն էր. «Քանի որ Սասոնյ բոլոր զիւղերուն մէջ թէ՛ պարենի եւ թէ՛ ուսպանիթի բաւական պաշար կենդոնացուցեր ենք», պետք է, որքան հնարավոր է արագ, քաղաքի և Դաշտի զյուղերի մարտական ուժերը զինել ու բարձրացնել Սասուն: Երբ թուրքերը տեսնեն, որ մենք ուժեր ենք կուտակում Սասունում, ապագա բարդություններից խուս տալու համար, անմիջապես հարձակվելու են Սասունի վրա: Թուրքական ուժերին զբաղեցնելով Սասունում, մենք Դաշտի հայությանը կազատենք հարձակման ենթարկվելու վտանգից: «Որքան ատեն, որ Սասունը կանգուն է եւ Անդոկ լեռը չէ գրաւուած, մենք՝ իբրեւ ամուր բերդ, կանգնած ենք Դաշտի եւ քաղաքի կողքին: Մինչեւ որ մեր ուժերը չջլատեն, ձեզի բան չեն ըներ, քանի որ դուք զէնքով չէք ընդդիմանար իրենց եւ մանավանդ՝ պաշարի փոխադրութեան համար ալ ձեզի պէտք պիտի ունենան, ձեզի չեն ոչնչացներ: Ամեն վտանգ աւելի Սասոնյ է, որ կը սպառնայ. պէտք է բոլոր ոյժերը հոն հաւաքենք եւ զօրեղ դիմադրութիւն կազմակերպենք»: Նաև ասվում էր, որ եթե հայունկային փոքր խմբերով կարողանում էինք մարտնչել թուրքական բանակային ուժերի դեմ, ապա միավորման պարագայում 3000 կովող ենք ունենալու և այդ կանենք ավելի մեծ հաջողությամբ:

Հ. Կոտոյանը ժողովի բոլոր մասնակիցներից ամենախորաթափանցն էր և հասկանում էր, «Ախր... մարդ կոյր կամ խուլ ըլլալու է, որ չտեսնէ ու չաէ թիւրքի այժմեան հայաջինջ քաղաքականութիւնը: Ահա՛, հեռաւոր եւ մօտակայ շրջաններու ամբողջ հայութիւնը ... առանց օսմանեան կառավարութեան եւ իր զօրքին դէմ որեւէ կերպով ըմբոստացած ըլլալու, բոլորն ալ սուրի քաշուած են»:

Ընդհակառակը, թուրքերը «նախ, իրենց չդիմադրողները կը ջարդեն...

Դուք կ'աշխատիք Դաշտի ու քաղաքի մէջ մնացած 80.000 հայութիւնը՝ մեծ

¹ **Թղթեան Ա., նշվ. աշխ., էջ 349-351:**

մասամբ՝ կին, աղջիկ, տղայ, անպաշտպան ձգել եւ Սասուն հաւաքուած 30.000 ժողովուրդը փրկել»: Վերջինների կյանքը նույնպես ինձ համար շատ թանկ է և ես ձգտում եմ փրկել բոլորին, իսկ «գուք, մի քանի անձերդ, ո՞չ թէ ազգի կամ Սասունոյ ժողովուրդի շահն է, որ նկատի ունիք, այլ աւելի յետին մտքով է, որ կը գործէք: Դաշտը եւ քաղաքը սուրի տալէ յետոյ, սասունցիններու արեան գնով ալ՝ ձեր մի քանիններու կեանքը պիտի ջանաք փրկել... Ձեր հաւաքած պարէնը մէկ ամսիս իսկ պիտի չբաւէ 30.000 անձերու: Այն ատեն անօթի ժողովուրդը, ստիպուած, անձնատուր պիտի ըլլայ եւ զուք ալ, ձեր հետ առած մի քանի զինեալ տղաներ, պիտի փորձէք արտասահման անցնիլ»:

Հ. Կոտորյանի առաջարկությունները մերժվեցին: Եվ ոչ միայն: Դաշտում լայնածավալ աշխատանք ծավալվեց սննդամթերք հավաքելու և Սասուն տեղափոխելու համար:

Սրա դիմաց, Սերվեթն ու Քյազըմը Սասունի հարցում որդեգրել էին հետևյալ քաղաքականությունը: Մինչև տարոնահայության բնաջնջումն ավարտելը Սասունում մարտական լուրջ զործողություններ չձեռնարկել, զործել հիմնականում քրդերի ուժերով, տևական բախումների ու կոիվների միջոցով ծախսել հայերի սննդամթերքն ու ռազմամթերքը, հյուծել սասունցինների մարտական ուժերը, որպեսզի պահանջված պահին նրանք անկարող լինեին լուրջ դիմադրություն ցույց տալ:

Իրադարձությունները զարգացան ոչ թե Ռուբենի գծած ձևով, այլ Հ. Կոտորյանի կանխատեսած եղանակով: Նա մարգարեացավ նաև դաշնակցական զործիչների դրսեորելիք վարքագծի հարցում, որ նրանք լրելու էին ժողովրդին հանուն իրենց անձի փրկության:

Մեծ եղեռնի ժամանակ Տարոն աշխարհի ողբերգության գլխավոր պատճառներից մեկը ինքնապաշտպանության այնպիսի ծրագրի մշակումն էր, որը հենվում էր մասնատվածության հոգեբանության վրա: Ճշմարտությունը պահանջում է ասել, որ մի քանի օրյեկտիվ պատճառներով Տարոն-Տուրուբերանում նման հոգեբանություն առկա էր տևականորեն: Սակայն բնաջնջման վտանգի ահազնացումն այդ հոգեբանությունը ոչ թե թուլացրեց, այլ, ընդհակառակը, գերիշխող զարձրեց: Ամեն գավառակ, անգամ զյուղախումբ ու զյուղ մտահոգվեց միայն իր պաշտպանությամբ: Նման դիրքորոշման գործում Ռուբենի և Կոմսի «ծառայությունը» նույնպես շատ մեծ էր: «Օրուան զեկավարները՝ Ռուբէն Տէր-Մինսասեան, Վահան Փափազեան (Կոմս), Կորիւն, Մ. Բոլեյեան (Մծոյ), չեն կրնար ըմբռնել, թէ հարուածը պիտի իջնէր Մշոյ դաշտին հոծ հայութեան զլխուն եւ ապա քաղաքին վրայ, խորտակելով լեռներու ժողովուրդին ու կոռուող ոյժերուն յենարանները: Սասունը պատերազմի ճակատէն հեռու գտնուելով՝ թրքական բանակի կռնակէն պիտի չկրնար հարուածել, այեւ պիտի չկրնար դիմադրել քիւրտական եւ թրքական միացեալ գրոհին:

Ըմբռստ ժողովուրդը, Հոն ապաստանած կոռուողները, ինչպէս նաև Դաշտէն ու Մուշէն լեռները ապաստանողները անօթութեան պիտի մատնուէին, անօթութեամբ ալ պարտուէին»¹:

¹ «Յուշամատեան Մեծ եղեռնի», էջ 431:

Ասում են հետին թվով խելոք լինելը դժվար չէ: Հավանաբար դա այդպես է: Հավանաբար քրդական իրավիճակը տարունահայ շատ պարագլուխներին հնարավորություն չտվեց ճիշտ կողմնորոշվելու:

Հարկ է պատշաճը հատուցել նրանց: Դեռ 1914 թ. գեկտեմբերի սկզբներին ՀՅԴ Դուրան-Բարձրավանդակի կենտրոնի հաստում նիստում քննարկվեց կացությունը և միջոցառումներ մշակվեցին, հաստատվեց ինքնապաշտպանության ծրագիր:

Համաձայն այդ ծրագրի՝ Տարոնը բաժանվում էր ինքնապաշտպանական շրջանների, որոնցից յուրաքանչյուրն, ընդհանուր խնդիրներից բացի, ունենալու էր իր առանձնակի անելիքները: Այդ շրջաններն էին՝ Մուշ քաղաք, Սասուն, Արևելյան Տարոն (Առաքելոց վանքից, Մառնիկից ու Հավատորիկից մինչև Քանասար), Արևմտյան Տարոն (Մուշ քաղաքից արևմուտք ընկած լեռնաշղթան՝ Ա. Հովհաննու վանքն ու անտառը, Փեթար գյուղ): Այն մի կողմից վերահսկելու էր Դիարբեքիրի ճանապարհը, մյուս կողմից հանդիսանալու էր հենարան սաստունցիների համար, իսկ Ս. Կարապետի վանքը և անտառը փակելու էին Ճապաղը կողմից Մշո դաշտի վրա հարձակման ճանապարհը: Հյուսիսային Տարոն՝ Ավրան կենտրոնով (մինչև Կուրավու և Ծխավու՝ էրզրումի ճանապարհը, Բուլանըից Մշո դաշտ ընկած շրջանը): Հյուսիս-արևելք՝ Վարդենիսն իր շամբով և Նեմրութի ու Գրգուտի հյուսիսային փեշերը:

Մտահղացումը հետևյալն էր՝ որոշ քանակի ուղղմամթերք ունենալու դեպքում այդ շրջաններից յուրաքանչյուրն ի վիճակի կլիներ որոշ ժամանակ ինքնապաշտպանական մարտեր մղել: Դրան հակառակ, ինչպես արդեն նշվել է, իշխանությունները Տարոնը բաժանել էին 18-20 շրջանների, որոնք թե՛ հայերին զսպելու և թե՛ նրանց ոչնչացնելու խնդիր ունեին: Բայց, ի տարբերություն հայերի, իշխանություններն այդ խնդիրը լուծելու համար նախապատրաստված էին: «Նախաձեռնութիւնը կառավարութեանը կը մնար, - գրում է Կ. Սասունին: Այդ ճգնաժամի օրերուն, ով որ նախաձեռնողն ըլլար, ան պիտի շահէր ճակատամարտը: Հայ ժողովորդը նախաձեռնութեան վճռականութիւնը չունէր... (Թիւրքի վճռական հարուածներէն յետոյ. Հայութեան հաւաքական ոյժը արդէն քայլայուած էր)»¹:

Բացի այդ, ինքնապաշտպանությունը լուրջ նախապատրաստություն էր պահանջում: Դա առաջին հերթին նշանակում էր մարտական ջոկատների ու հայդրուկային խմբերի ձևավորում, դրանց մարզում ու զինում և զենքի, փամփուշտի ու պարենի անհրաժեշտ պաշարի հայթայթում: Առաջնորդարանն ընդամենը 200 ոսկի կարողացավ ճարել, որով հասրավոր էր գնել միայն 6-7 հրացան, մի քանի հազար փամփուշտ և որոշ քանակությամբ ցորեն Ավրան գյուղում ինքնապաշտպանական կողմներ մղելու համար: Տարոնցիներն իրենց ունեցած զենքով կարող էին կրվել միայն քուրդ հրոսակների ու չեթեների դեմ: Նրանք անգամ պատկերացնել էին կարողանում, թե ինչ ահավոր բնույթի ու ծավալի կոիվ էր իրենց սպասում, որում առաջատար դեր էր խաղալու թուրքական բանակը: Բայցի դա, ինչպես 1915 թ. հուլիսի 13-ին գրեց «El Dia» թեր-

¹ Սասունի Կ., նշվ. աշխ., էջ 763:

թղ, իշխանությունները Մուշում 40.000 հրացան էին բաժանել քրդերին՝ հայերի դեմ կռվելու համար:

Մուշում ու Տարոնի գյուղերում «չնորհիվ հայերի կազմակերպվածության ու ինքնապաշտպանության նրանց ունակության, կոտորած տեղի չունեցավ...»։ Դեռ երկու-երեք ամիս առաջ Մուշը սարսափելի վտանգի առաջ էր կանգնած, որովհետև բացարձակապես նախապատրաստված էր։ Սակայն մի քանի հանգամանքներ թուրքերին խանգարեցին կոտորած սկսելու, իսկ հայերը, զգալով բնաջնջվելու վտանգը, ձեռնարկեցին նախապատրաստական աշխատանքներ։ Բացի դա, հայ զինվորներին զինաթափելու հրամանից հետո Տարոնի շատ երիտասարդների հաջողվեց փախչել, վերադառնալ տուն։ Սակայն այն, ինչ կատարվեց՝ բացարձակապես անբավարար էր յաթաղանին չեղոքացնելու։ Համար, մանավանդ եթե նկատի առնվի կ. Պոլսի առանձնակի մոտեցումը Տարոնի հայաթափման խնդրին։

Խոսուն մի փաստ. Սերվեթը բողոքականների համայնքի ղեկավարին 1915 թ. մայիսի սկզբին առաջարկեց. «Համոզեք Հայերին գենքերը հանձնեն... Եթե հանձնեն, կերաշխավորվի նրանց անվտանգությունը»¹: Հայերն սկսեցին գենքերը հանձնել: Մինչեռ այդ նույն Սերվեթը դրանք լուսանկարել տվեց և հետեւյալ գրության հետ Բարձր Դուռ ուղարկեց. «Մուշ քաղաքում ապստամբությունը պողոթկալու վրա է... Այն ճնշելու լիազորություններ եմ խնդրում»²:

Որ տարոնահայության տեղահանությունը նախապես ծրագրված էր, վկայում է նաև ՎանդենՀայմի 1915 թ. հուլիսի 11-ի ծածկագիրը, թե Բարձր Դուռը հայտնել է, որ «Մուշից Հայերի արտաքսումը սկսվելու է վաղը, և կառավարությունն անհրաժեշտ է համարում, որպեսզի որբանոցի (գերմանական միախոներական) կանանց անձնակազմը մեկնի Մամուրեթ ուլ-Ազիզ՝ անվտանգության նկատառումով»³:

Սակայն Տարոնի իշխանությունները շարունակում էին խուսանավել, շփոթի ու անորոշության մատնել Հայերին: 1915 թ. հունվարի սկզբին Սերվեծը Ռուբենին առաջարկում է Կորյունի հրամանատարության տակ ստեղծել Հայ-

¹ Walker Ch., Sources Britanniques sur les Massacres des Arméniens. 1915-1916 un h' u La Crime de Silence. Paris, 1984, p. 200.

² **Mandelstam A.**, *La Société des Nations et les Puissances devant le Problem Arménien*. Paris, 1926
(Վերջապահն):

³ R 14086, Ab. 1158.

քրդական կամավորական ջոկատ՝ Դաշտի ու Սասունի բնակչությանը հանդարտացնելու համար, խոստանալով ջոկատը զինելու համար անհրաժեշտ քանակությամբ գենք տրամադրել:

Կորյունը դեմ էր հայ-քրդական խառը ջոկատի ստեղծմանը և մութեսարի-ֆին առաջարկեց հայկական ջոկատ կազմակերպել: Սերվեթը չառարկեց, պայմանով, որ հայերը դա ստեղծեին սեփական զենքերով: Կորյունը պատասխանեց, թե հայերն անհրաժեշտ քանակությամբ ու բարձրորակ գենք չունեն: Սերվեթը խոստացավ ջոկատին զենք տրամադրելու հարցը համաձայնեցնել վայի Արդուլսալիկի հետ: Հասկանալի էր, որ նման համաձայնություն լինել չէր կարող ոչ վալու և ոչ էլ իր՝ Սերվեթի կողմից: Եվ չեղավ: Թուրքն ինչո՞ւ պիտի զիներ հային, որին ոչնչացնելու էր:

Նույն այդ օրերին Մուշում տեղի ունեցավ հայ ղեկավար գործիչների մի նոր ժողով: Վ. Փափաղյանն այդ մասին պատմում է, թե ժողովի մասնակիցներից «Մջոն, Բերդակալ Ոսկեան եւ ուրիշներ, կ'առաջարկէին նախայարձակ լինել պետական զինանոցներու վրայ: Ռուբէն նպատակայարմար կը գտնէր Սասունի Տափրը գիւղի պահականոցին վրայ յարձակիլ եւ այսպիսով ազատուիլ Սասունի ներքին թշնամիներէն: Ամենքս ալ կը զգայինք անշուշտ, որ ծանր օրեր կը մօտենային, ընդհարումներն անխուսափելի էին: Շատ ընկերներ, որոնց թուին եւ ես, կ'առաջարկէինք, թէ մեր ուազմական ոյժերը շատ սակաւ էին եւ անկազմակերպ յարձակողական կոփներու համար: Սասունի ժողովուրդը խիստ թերի զինուած էր:

700–800 «շեշխան» եւ որսորդական հրացաններու հետ թերեւս 150–200 քիչ-շատ կանոնաւոր զէնք կը գտնուէր, որոնք, սակայն փամփուշտի չնչին պաշար ունէին: Դաշտը աւելի խղճալի վիճակ մը կը ներկայացնէր... Դաշտի 90 գիւղերը հազիւ 200 կանոնաւոր հրացաններ ունենային, փամփուշտի նոյն թերիներով»¹:

Իհարկե, զինվելու և կովելու կողմնորոշումը ճիշտ էր, և դա ոչ թե ջարդերը կանխելու, ինչն անհնար էր, այլ կովելու համար մի քաղաքականության դեմ, որից թուրքերը չեին հրաժարվելու: Խոսքը կոտորածներին զենքով հակազդելու մասին էր, ինչը նախ, կնշանակեր, որ զոհեր էր տալու նաև ջարդարարը և, երկրորդ, այդ ղեպքում անհամեմատ մեծ կլիներ փրկված հայերի թիվը:

Դժբախտաբար, Ռուբէնն ու նրա կողմնակիցները նախընտրեցին սպասողական, ուսւաներին սպասելու, այսինքն՝ անգործության քաղաքականությունը և տարոնահայությունը ոչ միայն չզինեցին, այլև անգործության մատնելով նրան՝ նաև հոգեբանորեն զինաթափեցին:

Ռուբէնը զիկտատորին հատուկ համառությամբ ու բանսարկություններով իր կարծիքն հրամայական դարձեց անգամ այն հանգամանքներում, երբ սասունցիներն զգում, հասկանում էին, որ առանց Տարոնի գործնական աջակցության իրենք երկար դիմանալ չէին կարող: Սասունում հրավիրված խորհրդակցություններում այդ հարցը մի քանի անգամ բարձրացվեց: Դրանցից մեկում գելինցի կիրակոսն առաջարկեց իջնել Տարոն ու գրավել Մուշը, դուրս գալ

¹ Փափաղեան Վ., նշվ. աշխ., էջ 336–337:

անորոշ սպասողական վիճակից: Բայց ո՞չ: Ռուբենը դրան դեմ էր:

Նույնիսկ Կարո Սասունին, որ ամեն կերպ աշխատում է արդարացնել Ռուբենին, Հարկադրված էր խոստովանել. «Եթէ այդ օրերուն (մայիսի կէսերուն) կոփը պայթէր Մուշի մէջ եւ Սասունէն ոյժերը շարժուէին դէպի Մուշ, չատ բան կրնար փոխուիլ, որովհետեւ թիւրքերու ամենանեղ ժամանակն էր: Բայց Հայերը ժամանակը հասած չէին նկատեր»¹:

Ռուբենն ու սասունցիները սպասում էին Սասունում, իսկ Կոմսն ու մշեցիները՝ Մուշում: Գործողության, անգամ գործելու ծրագրի բացակայությունը կազմալուծեց Հավաքական պայքարի գաղափարը, առաջին պլան դուրս եկան անհատապես փրկվելու գործառույթներն ու շահախնդրությունները: Ոչ միայն շարքային տարրուցիները, այլև գործիչները, հույսը կտրած ընդհանրական գործողության Հնարավորությունից, մտահոգված էին միայն սեփական ընտանիքը փրկելով: Նրանք հեռանում էին Դաշտից ու Մուշ քաղաքից՝ միամտաբար կարծելով, թե Արևմտյան Հայաստանում կարելի էր գտնել մի վայր, քաղաք կամ գյուղ, որտեղ հայի փրկությունը հնարավոր էր:

Մինչեռ ստեղծված ողբերգական կացությունը Հրամայաբար պահանջում էր միակամություն և օրհասական կոփիվ: Այդ դեպքում, ինչպես արդեն ասվեց, մի կողմից թշնամին շատ զոհեր էր տալու, իսկ մյուս կողմից, Հնարավորություն կստեղծվեր անհամեմատ ավելի մեծ թվով հայեր փրկել, ինչպես այդ եղավ Վանում: Դա միաժամանակ կնշանակեր պատվարեր մահ, ոչ թե մորթվել, այլ՝ ընկնել մարտի դաշտում:

Իհարկե, անհնար է մտածել, թե Դաշնակցության այդ երկու առաջատար գործիչները միտումնաբար էին իրենց սպասողական կեցվածքով, Հայության շրջանում անորոշության և մասնատվածության հոգեբանություն սփռելով նրան դեպի սպանդանոց ուղարկում: Խոսքը մարդկային թուլություններից բխող հետևանքների մասին է, որոնց անհնար է դավաճանությունից ուրիշ անուն տալ:

Դավաճանությանը հանգեցնող մարդկային այդ թուլությունները ծնեցին եսակենտրոնություն և անձնապաշտություն, որոնք մնվում էին այն բացարձակ ձմարտությունից, թե տվյալ պահին պատերազմը թուրքերի ու քրդերի հետ այլ բան չէր լինելու, եթե ոչ նահատակության կոփիվ՝ մի բուռ հայեր պարտադրված էին լինելու մարտնչել շատ անգամ գերակշիռ քրդական զանգվածների, թուրք չեթեների, Տարոնում եղած կանոնավոր բանակի զորամասերի, ոստիկանության, ժանդարմերիայի դեմ ու, բացառված չէր, որ հայերի վրա հարձակման անցնեին նաև ուղամաճակատում եղած թուրքական զորքերը:

Դա այդպես էր: Այդ բոլորն առկա էին: Բայց նաև առկա էին հայրենիքի պաշտպանության Հրամայականը, հայ լայն զանգվածների կովելու ոչ միայն պատրաստակամությունը, այլև պարտադրվածությունը, անցյալի փորձը, բնախնջվելու անառարկելի վտանգը և պատվով մեռնելու բարոյականությունը: Իզուր է Կ. Սասունին ճգնում արդարացնել իր գաղափարակիցներին, թե Ռուբենն ու Կոմսը «յուսահատ պայքարի մը ժամը հասած չէին նկատեր, որով-

¹ Սասունի Կ., նշվ. աշխ., էջ 830:

Հետև չէին հաւատար, թէ ամբողջ հայ ժողովուրդը բնաջնջման դատապար-
տուած էր»¹:

Նման արդարացումը ընդունելի կարող էր լինել 1914 թ. վերջերին, 1915 թ.
հունվար-ապրիլ ամիսներին, բայց ոչ դրանից հետո, որովհետև համընդհանուր
բնաջնջումն արդեն ընթանում էր, այն էլ՝ ոչ միայն Հայաստանի մյուս նահանգ-
ներում, այլև Տարոնում, ուր բնաջնջված էր Խոստի 30 հայկական գյուղերի հայ
բնակչության ճնշող մեծամասնությունը, ավերված էին Տարոնի դաշտի տասն-
յակ գյուղեր, կործանված էր Վարդոյի հայությունը, ոչնչացված էին Խուլբի հա-
րավային մասի գյուղերը, ձերբակալություններն ու ձերբակալվածներին
այլևայլ տեղերում ու եղանակներով ոչնչացնելը զանգվածային էր դարձել Մուշ
քաղաքում, տարոնահայությանը սպանում կամ մեռցնում էին բանակում և
բեռնափոխադրումների ժամանակ և այլն: Կ. Սասունին հարկադրված է
քնչությամբ բացելու իսկական պատճառը քողարկող վարագույրի ծայրը.
«Խիզախ եւ անհաշի նախաձեռնութիւններու մարդ չէր Ռուբէն: Քաղաքական
եւ զինուորական գործիչ մըն էր, աւելի պետական ըմբռնումներով: Ճգնաժամի
այդ օրերուն Ռուբէն յուսահատ եւ ելքն անորոշ կոփսի մը վարիչը չէր կրնար
ըլլալ... Ինքինքը գերազանցող մարտական ղեկավար չէր»²: «Աւելի խիզախ
նկարագիր ունէին Կորիւնը, Մճոն եւ Կոտոյեան Հաճի Յակոբը: Այս երեք մեծ
մարտական ոյժերը կոռուեցան մինչեւ վերջին շունչ եւ նահատակուեցան հերո-
սարար: Անոնք թէ՝ ազդեցութեամբ, թէ՝ փորձառութեամբ եւ թէ՝ կուսակցա-
կան իրաւասութեամբ տէրն էին Տարօնին եւ կրնային շատ աւելին ընել իրենց
խիզախ ելոյթներէն ետք: Բայց այս աննման հերոսներն ալ սպասողական ըն-
թացքի մը մէջ գտնուեցան: Իրենց տունն ու տեղը կործանելէն, յանդուզն կոփսը
մարտ ամսին սկսելէն ետք, չչարունակեցին նոյն բուռն ընթացքը, շրջանն ամ-
բողջ ոտքի հանելու համար»³:

Անհնար է չնկատել, որ Կ. Սասունին իր խղճի առաջ մեղք էր գործում, երբ
ասում էր, թե այդ երեք հերոսները «կուսակցական իրաւասութեամբ տէրն էին
Տարօնի» և «սպասողական ընթացքի մը մէջ գտնուեցան»:

Տարօնի կուսակցական, այսինքն՝ դաշնակցական ղեկավարներ կարգված
էին Ռ. Տեր-Մինասյանը (որը ՀՅԴ բյուրոյի անդամ էր ու Տարօն-Տուրուբերանի
կենտրոնի ղեկավարը) և Վ. Փափազյանը՝ նույնպես բյուրոյի անդամ ու նրա
ներկայացուցիչը Տարօնում: Նրան կցել էին Տարօնի կազմակերպությանը՝ Ռու-
բենին օգնելու համար: Այսինքն ասել, թե Կորյունը, Մճոն և Հ. Կոտոյանն ավելի
մեծ իրավասություններ ունեին, «Տարօնի տէրն էին», մեղմ ասած, իրակա-
նությունից շատ հեռու է: Նրանք կուսակցական դիկտատի տակ էին, պար-
տադրված կատարելու ղեկավարների հանձնարարությունները: Իրականու-
թյան հետ առնչություն չունի նաև պնդումը թե այդ գործիչները «սպասո-
ղական ընթացքի մէջ էին»: Նրանք, մասնավորապես, Հ. Կոտոյանը, հնարավոր
ու անհնար ամեն ինչ արեցին դրությունը փրկելու, նախաձեռնությունը վերց-

¹ Սասունի Կ., նշվ. աշխ., էջ 833:

² Նույն տեղում, էջ 834:

³ Նույն տեղում, էջ 834-835:

նելու, Սասունի և Տարոնի ուժերը միավորելու և հարձակման անցնելու համար, բայց Ռուբենն ու Կոմար Հսկա ժայռաբեկորի նման ընկած էին ճանապարհին և փակել էին գործելու հնարավորությունների դռները:

Կ. Սասունին ճշմարտության առաջ նորից մեղք է գործում, երբ զրում է. «Բախտը այնպէս դասաւորուեցաւ, որ գնդակներ շատ անցան Ռուբէնի եւ Վ. Փափաղեանի ականջին տակէն, բայց անոնք չնահատակուեցան... Բնական օրէնքով, ժողովուրդը ողջ մնացած ղեկավարները պիտի քննադատէր»¹:

Մեղանչում է, որովհետև կատարվեց հակառակը: Երբ Վ. Փափաղյանն ու Ռուբենը դավաճանաբար լրեցին հոգեվարքի մեջ գտնվող տարոնահայությանն ու փախան իրենց անձը փրկելու, ՀՅ Դաշնակցության ղեկավարությունը «Հերոսների» վերադարձի առթիվ խնջույք կազմակերպեց, որտեղ նրանց հասցեին փառաբանության ամենաերևակայելի խոսքեր ասվեցին: Միայն Ռուսումը Ռուբենին ասաց ճշմարտությունը. «Զկրցա՞ր Հոն նահատակուիլ»:

Կ. Սասունին Ռոստոմի խոսքն անվանեց «Ժողովրդական դատողություն», այսինքն՝ ամբոխային մտածողություն, իսկ ՀՅԴ-ն դա լուսված մատնեց և շարունակեց (մինչև օրս) փառաբանել «իր գրկից դուրս եկած, իր շնչով հերոս դարձած» այդ գործիչներին:

Առնվազը տարօրինակ է Կ. Սասունու նաև հետևյալ միտքը. «Տարօնի շրջանի ազգային եւ կուսակցական ղեկավարները կատարեցին իրենց պարտականութիւնը իրենց ըմբռնողութեան եւ կարողութեան սահմաններուն մէջ, այնքան, որքան մարդկօրէն հնարաւոր էր: Անոնք զերմարդիկ չէին»²:

Կուսակցական նեղմտությունն ու «կարգապահությունը» նրան թույլ չէր տալիս ասելու ճշմարտությունը, որ տարոնահայության ողբերգության զլսավոր պատճառներից մեկը ՀՅ Դաշնակցության անլուրջ, անպատասխանատու վերաբերմունքն էր սեփական ժողովրդի պատմական ճակատագրի, նրա հարատևման հիմնահարցերի հանդեպ:

Դաժան չինենք Կ. Սասունու հանդեպ, որովհետև նա տեղ-տեղ, երբ կուսակցականությունից անցնում է իրադարձությունների անակնոց դիտարկումների, միանգամայն օբյեկտիվ գնահատականներ է ձեսկերպում: Ահա՝ դրանցից մի քանիսը. «Ռուբեն, որպէս լիազոր եւ զլսաւոր վարիչ ՀՅ Դաշնակցութեան կազմակերպութեան, չկրցաւ ըմբռնել ահոելի վտանգը այն ծաւալով, ինչ ծաւալով, որ գործադրուեցաւ: Եղաւ անվճուական եւ չհրահանգեց բոլորին եւ բոլոր շրջաններուն՝ կոռւիլ եւ մեռնիլ իրենց շրջաններուն մէջ»:

Այն հանգամանքը, որ ոռուսներն Վանա ծովի արևմտյան ափին էին արդեն, «ինքնին կը թելադրէր՝ ծանրութեան կեղրոնը դարձնել Մշոյ դաշտէն դէպի Քոսուրի լեռնաշղթան, եւ զաշտին թիկոնքը ամրացնել զաւատորիկի, Մառնիկի եւ Բերդակի բարձունքները գրավելով»:

Իսկ իրադարձությունները զարգանում էին շեշտակի արագությամբ:

Հավատորիկցի Ե. Կարապետյանը հիշում է. «1915 թ. Հունիսի 20-ից Մուշ

¹ Սասունի Կ., նշվ. աշխ., էջ 835:

² Նույն տեղում:

քաղաքի մուտքը փակվեց գյուղերի հայերի առջև, միմյանցից մեկուսացվեցին նաև գյուղերը:

Հունիսի 23-ին 10 քուրդ հեծյալներ Հավատորիկի հայերից պահանջեցին տասը ոչխար, 10 չափ այլուր և 10 թաղիք: Հայերը բավարարեցին նրանց պահանջը: Քրդերից թամո Ալին ասաց. «Սուլթանից հրաման է ստացված, որ բոլոր հայերը պետք է անզթորեն սպանվեն: Սլիվանի հայերն արդեն կոտորված են... Զորս-Հինգ օրից այստեղ էլ կոտորած կակավի, բոլորը, մինչև վերջին մարդը, ոչնչացվելու են, մեկ մարդ իսկ ողջ չի մնալու»¹:

Հունիսի 25-ին Խասպուղից գրեցին. «Հաջի Մուսա բեկը 2000 ձիավորով ու հետևակով արդեն երկու օր է տեղավորվել է մեր գյուղում...»:

Երկու օր անց հարյուրապետ Քյամիլը 200 ժանդարմների ու քրդերի հետ խուժեց Արար գյուղը: Բացի ծերերից, բոլոր տղամարդկանց կապոտեցին և նետեցին մի մեծ փարախի մեջ: Ով փախչելու փորձ էր կատարում՝ սպանվում էր:

Հունիսի 28-ին Քյամիլի ջոկատը գնաց Առաքելոց վանք՝ հետն առած արաղցի 55 տղամարդու:

Պատմում է ժանդարմ Ախիանդը. «Հենց որ հասանք վանք, Քյամիլ էֆենդին հրամայեց գնդակահարել հայերին: Կրակ բացեցինք, սակայն նրանցից մեկը հանկարծ վեր թռավ ու փախավ: 200 հոգի կրակելով վազեցինք նրա հետևից և սպանեցինք»²:

Նույն ժամանակ քրդերը հարձակվեցին Բերդակի, Տերգեվանքի և Ալիղրնանի վրա: Նրանք նախ սպանեցին դաշտում աշխատող հայերին, ապա դուրս քչեցին տներում եղածներին, նրանց անասունների հետ տարան դաշտ, միաժամանակ կողոպտելով բոլոր տները³:

Քուրդ Թոնդոն Բերդակի և Արարի ջարդերի մասին պատմում է. «Եթե հիմա գնաք Բերդակ գյուղը, ձեզ կթվա, թե այդ գյուղում հավանաբար 50 տարի է, որ մարդ չի ապրում: Չեն փրկվել նույնիսկ չներն ու կատուները: Մուսա բեկի մարդիկ ասացին, թե հրաման կա, «օսմանների հողում բնակվող բոլոր քրիստոնյաներին ոչնչացնել: Բոլոր գյուղացիներին քշում են ներքին գյուղերը և փակելով մարագներում, վառում են»: Նորշենը, Սողգոմը, Օխունկը, Հունանը, Քրդագոմը և դաշտի շատ ուրիշ գյուղեր մոլխակույտի էին վերածվել: Հունիսի 29-ին միայն Քրդագոմի և Հունանի մարագներում հազար տղամարդ, կին ու երեխա այրեցին»⁴:

Մի օրվա ընթացքում (Հունիսի 28 հ.մ.) Մշո դաշտը անապատի վերածվեց: 105 գյուղերում 75 հազար հայ ոչնչացրին:

Տարոնահայության բնաշնչման եղանակները որքան բազմազան, նույնքան էլ ստոր էին: Ամենատարածվածը՝ տղամարդկանց առանձնացնելը և կանանց ու երեխաներին մարագներում այրելն էր: Տղամարդկանց իրար էին կապում և գյուղի կողքին գնդակահարում: Դեպի Բաղեշ քշված ժողովուրդը հիմնականում

¹ ՀԱԱ, ֆ. 1, ց. 1, գ. 219, թ. 24-62:

² Նույն տեղում:

³ Նույն տեղում:

⁴ Նույն տեղում:

ոչնչացվեց Խասպյուղի մերձակայքում:

Վարդոյի Գյունդեմիր գյուղի 100 տղամարդու իրար կապած հարկադրում են ասել. «Կեցցե՛ մեր թագավորը»: Հրաժարվողներին սպանում էին:

Դաշտի արևմտյան շրջանում ջարդն ու կողոպուտը տեղի ունեցան նույն օրը: 20.000 մարդու լցրեցին Ս. Կարապետի ձորը, անտառն ու ոչնչացրին: Հայերի մի մասը բարձրացավ լեռ, սակայն նրանցից ամեն օր սպանվում էր շուրջ 1000 մարդ:

1916 թ. ոռոսական բանակի զինվորները միայն Աղջան ու Ալիկրան գյուղերի փլատակների տակից հանեցին հազարավոր ածխացած, իսկ Գարնեն գյուղի մերձակայքում՝ 5000-6000 սպանվածների հոչոտված դիակներ:

Պատմում են ժամանակակիցներն ու ականատեսները.

«...Անցնում ենք Մշո դաշտի ջրառատ ձորերով,- ներկայացնում է թուրք սպա Յաղղին,- այստեղ-այնտեղ ընկած են անհամար դիակներ: Մի տեղ տեսա դիակները ոչխարի հոտի նման խիտ-խիտ փռվել էին գետնին: Մի գզվելի գարշահոտություն բռնել էր օդը, ձորերն անհամար դիակներով լիքն էին: Շատ տարօրինակ էին ցերեկով տեսած դիակները՝ ոմանք ոչխարի նման գլուխը հետ շրջած՝ տարբեր ձեռքով լրիվ մերկ ընկած էին: Նրանց մարմիններն արևի տակ սևացել էին»:

Մշո դաշտում սկզբում եղել է 600 գյուղ, յուրաքանչյուրը 200-300 տնով և բոլորն էլ լի հայ բնակչությունով: Նրանց բնակիչներն արդեն սպանվել են, իսկ փախչողներն ապաստանել են ձյունոտ լեռներում: Այսօր Քոռ Հուսեյին փաշան սպանել է 40-50 հայի, որոնք կրակ էին բացել մեր վրա: Էշրեֆի հրոսակումբը (չեմեներն) էլ մեծ անձնազոհություն դրսերեցին, այնպես որ Ախա-թը դիակներով ծածկված ենք թողնում թշնամուն:

Մանուկյան Ա., խասպյուղցի. - Տարոնի գյուղերի կոտորածը տեղի ունեցավ 1915 թ. Վարդավառի օրը, այսինքն Հուլիսի 12 (25)-ին: Շաբաթ առավոտյան այլևս հայտնի էր, որ Մուսա բեկի 2000 քրդերով Մուշ գնալն ու վերադառնալը, Զաջի Ֆերոյի հայասիրական կեղծ ճառերը, բալակցի, շեկոցի, ոչկոնցի, հաս-նանցի, բղրդնցի և բազմաթիվ այլ աշխրեթների լցվելը Տարոնի հայկական գյու-ղերը, դրանց գումարած զորքն ու ոստիկանությունը, գյուղերի միջև հաղոր-դակցության խզվելը նախապատրաստությունն էին տարոնահայության սպանդի:

Տարոնի ամենամեծ գյուղը Խասպյուղն էր, որտեղ քրդերն ու թուրքերը երեկոյան սկսեցին կողոպուտը՝ քշեցին նախիրներն ու հոտերը: «Մեր վերեսում կախված են մոռալ սև ամպեր,- Հունիսի 20-ին զրում են այդ գյուղից, - Զաջի Մուսա բեկը 2500 հեծյալ և հետևակ զինված քրդերով արդեն երկու օր է, որ տեղափորված է մեր գյուղում: Նրանց նպատակը առայժմ հայտնի չէ: Ծանոթ քրդերից ոմանք հասկացնում են, որ արշավանք է նախապատրաստվում ոռուսների գեն, մյուսներն ասում են առաջիկայում սպասվող հայերի ջարդի մասին: Մենք հավատում ենք վերջինին, բայց կասկածում ենք, թե այդ բոլորը կվերաբերի բոլորին՝ կանանց և երեխաների՞ն, թե՞ միայն տղամարդկանց»¹:

¹ ՀՀ ԳԱԱ Պատմության ինստիտուտի արխիվ, գ. 439, էջ 15:

Հուլիսի 25-ի առավոտյան հավաքեցին տղամարդկանց և սկսեցին տեղում հրացանազարկ անել: «Անմեղ մանուկներու ճիշ ու աղաղակներ, խոշտանգումներու հոնդիւններ եւ... վայրենի քիւրտերու սարսափներ»: Քրդերը ոչ միայն կողոպտում, այլև սպանում էին: Մշո կողմից մի քարավան եկավ՝ 4000 կին և երեխա: Նրանց ասել են, թե տանում են հանձնելու գերմանացիներին, սակայն լցրեցին մարագներն ու հրդեւցին: Սասունի բարձունքից երևում էին Տարոնի հրդեւցած զյուղերը կորած բոցերի մեջ: Բոլոր զյուղերն իրենց հայ բնակիչների հետ միասին ոչնչացվում էին: Հաջորդ օրը բրդերը լցվել էին դաշտերը, լեռներն ու ձորերը և հայ էին փնտրում, այդպես ութ օր շարունակ:

«Հազարաւոր մեռելներ անթաղ, ձեռք-ոտք կապկապուած, մէկը միւսին ետևեն կապուած, փորձի համար թէ մէկ գնդակ քանի՞ մարդ կը սպաննէ, զանազան փորձեր՝ իւրաքանչիւր մէկն իր քմահաճոյքին համաձայն իր զուլումի դրոշմը դրած էր: Բորբ արեւէն դիակները կը ճոճուային, միւս կողմէն, կատաղած չուները իրենց ոհմակով կը յարձակէին մեռելներու վրայ, բգկտելու, բռնած՝ որը ոտքէն, որը ձեռքէն, որը մազերէն, խածնելով դիակները կը լափէին»: «Տեսայ, այո, տեսայ Դըռնիկ գիւղի մէջ բռնած էին քահանայ մը, վրան լցուցին քարիւղ, կրակը տուին եւ խեղճ մարդուն ազատ ձգեցին: Ան փախաւ, դիտմամբ կը կրակէին ետեւէն, առջեւէն, կողմերէն եւ փորձ կ'ընէին, թէ որքան պիտի տեւէ այդ չարչարանքը, մինչեւ որ հրկիզուած վիճակի մեջ ինկաւ Մարտիրոսը»:

Խասպուղի շրջանի հայերի կոտորածի մի տեսարանի մասին Գասպար Բղեյանը գրում է. «... Գացի... մարագներու քով, եւ տեսայ, որ ժանտարմաները չուաններ բերին, եւ Սուլեյման օնպաշին հրամայեց, որ մարագի դռները բանան եւ, որպէսզի մէկը չկրնայ փախչիլ, երկուական հոգի դուրս կը հանէին, ...որոնց ձեռքերը իրարու կը կապէին»: Հայտարարեցին, որ այդ հայերին Բաղեշ էին տանում: 350 հայ տղամարդ:

«Տասը հատ ժանտարմայ եւ տասը հատ ալ քիւրտ. շրջապատեցին կարաւանը եւ ճամբայ ելան:

Ողբալի էր մանաւանդ Կորտոնի առջև հաւաքւուածներու վիճակը: 2000-3000-ի չափ կիներ ու երեխաներ թէ՛ վախեն եւ թէ՛ անօթութենէն կը հեծկլտային ու կը նուազէին: Ուտելիք չունէին, ժանտարմաներն ալ բան մը չէին տար:

Սուլեյման օնպաշին ձեռքը թուղթ մը բռնած, դուրս եկաւ եւ բազմութեան յայտարարեց, թէ Մուշէն հրաման եկած էր, որ բոլորն ալ Բաղեշ զրկենք... եւ իսկոյն ժանտարմաները ամեն կողմ շրջապատելով՝ մտրակներու հարուածներու տակ, բոլորն ալ ճամբայ հանեցին: Անոնք, որ ոտքի վրա չէին կրնար քալել, զանոնք տեղն ու տեղը կը սպանէին: Շատ մը կիներ, չկրնալով իրենց զաւակները հետերնին տանիլ, լրեցին ճամբուն եղերքը, անանկ, որ հազիւ քիչ մը հեռացած, 400-500 փոքր երեխաներ ճամբուն վրայ լրուած մնացին, մէկէն մինչեւ 4-5 տարեկան»:

Քարավանը երշտերում լցվում է մարագներն ու հրդեւցած: «Իսկ ճամբուն վրա լրուած երեխաներու համար, Սուլեյման օնպաշին հրամայեց 15-ի չափ քոլոսիկցի քիւրտերու» վիս փորեն և «այդ փոքրիկները հաւաքելով մէջը

լեցնեն եւ հողով ծածկեն... Քոլոսիկցի Բաջոն սկսաւ մանկիկները շարել այդ փոսի մէջ եւ իր իսկ ձեռքով կոչտ-կոչտ հողեր խոթել այդ մանկիկներու բերանին մէջ եւ ոտքով ալ անոնց բերաններուն վրայ կոխել, որպէսզի շունչ չկրնային առնել եւ մեռնէին: Իսկ անոնք, որ հինգ տարեկան էին եւ դժուարով կը խեղուէին, կամ բերաննին չէին բանար, քարով ակուաներնին կը կոտրէր եւ հող լեցնելով բերաննին՝ բոնամահ կ'ընէր: Յետոյ հողով ծածկեցին այդ փոսը...»:

«Տասը զոյգ մարագներ,- զրում է ականատեսներից մեկը,- ուր լեցոցին իմ բախտակիցները, կրակի ճարակ դարձան: Անոնց բոցերուն լոյսը կը լուսաւորէր Խասգիւղի փողոցները: Կը լսէի սարսափելի պայթիւնի ձայներ կրակի մէջէն: Մեռաւ լմնցաւ աշխարհ մը շէնցնող ժողովուրդը մէկ ժամուս մէջ, մսել եռ մը, մարդկային ծով մը կը փճանար: Եւ այդ բոցերուն առջեւ մարդոց բազմութիւն մը, որ այդ զարհուրելի եւ աշխարհի պատմութեան մէջ չտեսնուած տեսաբանին առջեւ բնական քրքիջներ կ'արձակէր»¹:

«Փախչելուց վերադառնալուց հետո հենց ոտք դրեցի Մշոյ դաշտ, դիմացս փոռւած տեսայ երեք դիակներ: Խասգիւղը ոչ միայն թալանել, այլեւ աւերակի էր վերածուել: Քանդել էին տների առաստաղները, պատերը, յատակներին հորեր էին բացել՝ հարատութիւն էին փնտրել... Գիւղում հաստատուել էին քրդեր, տիրացել հայերի ունեցուածքին եւ նրանց լամուկները (տղաները) արածացնում էին հայերի անսասունները, որոնք արդէն իրենցն էին...»²:

Բեղինու զյուղում կանանց ու երեխաններին հավաքեցին ու գերմանացիներին հանձնելու հավաստիացումով նույնպես տարան երշտեր, լցրեցին տներն ու հրդեւեցին³:

Թուրք ականատեսը պատմում է Բաղեշից Մուշ ճանապարհին իր տեսածի մասին.

«2300-ի չափ կին ու երեխայ... կը քշէին մտրակներու տակ: Անոնք որ ոտքի վրայ չէին կրնար կենալ, տեղն ու տեղը կը սպաննուէին: Շատ մը կիներ, չկրնալով հետերնին տանէլ իրենց զաւակները, զանոնք լրեցին ճամբուն եղերքը... Կարաւանը դեռ երշտեր չհասած, Սուլէյման օնպաշին, ձերբակալուած 4-5 հայերու կոնսակը մէկ-մէկ թիթեղ քարյիւղ բեռցնելով, զինուորի մի հսկողութեան տակ, դրկեց երշտեր: Յետոյ, ժանտարմներէն իմացայ, որ այդ ամբողջ բազմութիւնը՝ այնտեղի մարագներու մէջ լեցնելով՝ վառած են...»

Երր գիւղ վերադառնաք, տեսանք, որ երշտեր գիւղի վրայ (Խասգիւղէն հինգ քիլոմետր հեռու) թանձր մուխ մը կը բարձրանար: Մէկ երկու ժամ յետոյ հայ կիներն ու երեխանները տանող ժանտարմանները ետ դարձան»⁴:

Զարդի նախորդ օրը երեկոյան զրեթե բոլոր հայկական զյուղերը շրջապատված էին թուրքերի ու քրդերի կողմից: Զենք ունեցող տղամարդիկ մինչ

¹ Սասունի Կ., նշվ. աշխ., էջ 880:

² «Տարօնի արծիւ», 1939 թ., № 8, էջ 27:

³ Նույն տեղում, 1938 թ., № 4:

⁴ Բղէյեան Ս., նշվ. աշխ., էջ 560:

այդ գյուղերից հեռացել էին, իսկ զենք չունեցողները՝ թաքնվեցին: Գիշերը գյուղերը լրիվ կողոպտեցին, շատ տղամարդկանց սպանեցին: Քրղերը տիրացան ունեսոր հայերի ամբողջ շարժական և անշարժ ունեցվածքին, այսինքն տվյալ տանը ծառա աշխատող քուրդը հայտարարում էր, թե այլս այդ տան տերն ինքն էր: Գյուղերից փախած երեխաներն ու դեռահաները, խմբեր կազմած, թաքնվում էին բնակավայրերից դուրս և զոհ դառնում քրդերի ու թուրքերի գնդակներին: Փրկվածներին ծառա էին վերցնում:

Փախստականների դրությունն ավելի ծանրացավ, երբ գյուղերի կողոպտն ավարտվեց, և քրդերն ու թուրքերը սկսեցին հանդերում, լեռներում ու անտառներում հայ որսալ: Տաս տարեկանից բարձր տղաներին որտեղ բռնում, այնտեղ էլ սպանում էին: Ամենուրեք դիակներ էին թափած:

Տեղ-տեղ հայերն ուժեղ դիմադրություն ցույց տվեցին: Օրինակ, Դաշտի Խաչխալթախ գյուղում մի խումբ հայեր հավաքվեցին մարագում և երկու օր դիմադրեցին թշնամու մեծամիջուկ ուժերին: Տեսնելով, որ հայերի դիմադրությունն ընկճել չեն կարողանում, քրդերը հրղեհեցին մարագը: Հայերը հետեւ պատր ծակեցին և դուրս գալով ճեղքեցին շրջապատման օղակն ու շարժվեցին զեպի Մուրադ գետը: Նրանց մեծ մասը զոհվեց: Զոհեր տվեցին նաև քրդերը: Արածանիի ափը ծածկված էր անթաղ դիակներով: Բազմաթիվ դիակներ լեռներում ու ձորերում կեր դարձան գազաններին ու գիշատիչ թոշուններին:

Տղամարդկանց ոչնչացնելուց հետո 500-600 կանանց լցրեցին մարագներն ու այրեցին: Դրանից հետո սկսեցին փնտրել մահից խույս տվածներին: Այդպիսիներին հավաքում էին խմբերով և լցնում մարագներն ու սպանում: Այդ խմբերից մեկում մի հզի կին չի կարողանամ քայլել և խմբից հետ է մնում: Նրա փորը բացում են, երեխան հանում դնում են մոր կողքին ու երկուսին էլ մասմաս կտրուռում¹:

«Կավկազское слово», 27 հունվարի 1917 թ., - «Սուլուխի՛ երբեմնի ունեսոր գյուղի ողջ բնակչությունն անհետացել էր: Գյուղում նույնիսկ չներ չէին մնացել: Միայն կիսաւեր տների այլանդակ երախներն էին, քարուքանդ փողոցներ, կեղտ ու լրվածություն: Եվ սահմուկեցուցիչ լուսաթյուն: Գյուղի ամբողջ արու բնակչությանը գարնանը նետել էին վարարած եփրատը: Սուլուխի կամրջի երկու կողմում հսկողներ էին կարգել, որ նետվածներին թույլ չտան ափ դուրս գալ: Ով համառում էր, գնդակահարում էին: Իսկ կանանց ու երեխաներին լցրեցին մարագներն ու այրեցին: Կմախքների այդ աշխարհում առանձնանում էր մի երիտասարդ մոր կմախքը, որի ոսկրոտ ձեռքերում, կրծքավանդակին սեղմված, հանգչում էր 4-5 ամսական երեխա:

Գանգերի և, առհասարակ, ոսկրոների մեծամասնությունը վնասված չէր, բայց մի քանի գանգեր կային, որոնք ճեղքված ու հատված էին սառը զենքով, հավանաբար կացիններով: Այդ մարագները հրկիզված էին: Մի մարագում կար 112 կմախք: Տարոնի մի ուրիշ գյուղի մարագներում զտանք 400 դիակ ու թաղեցինք»:

¹ «Տարօնի արծիւ», 1948 թ., № 28, էջ 37-43:

Ականատեսը Յողանք զյուղի հայ բնակչության կոտորածի մասին. «Կին մը կար, շատ գեղեցիկ էր, բայց պդպացին, որովհետև արգանդին մէջ հայու զաւակ կը սնուցանէր: Արգանդը սուրի մէկ հարուածով պատուցին, երեխան պատէպատ զարկին եւ այդպիսով վերջ տուին թէ՛ մօրը եւ թէ՛ զաւակին: Ճիշդ այդ միջոցին խումբ մը քրիստոնեայ գերմանացի սպաներ թուրք սպաներու հետ տանիքը նստած օդի կը խմէին եւ հաճոյքով կը հրհուային ի տես այս անլուր զուլումին»¹:

«Հնչակ», 1915 թ. օգոստոս (№ 3). - «Մուշը հերոսաբար դիմադրում է: Պաշտպանական գծից դուրս մնացած շատ գիւղեր կործանւում են: Մուլաքեանթ, Արտկոն, Բերդաշէն, Ապրի, Խոշգելզի, Քոչակ, Պոստաքինի, Քեաբուլան, Համզաշէյխ, Շիրվանշէյխ հայաբնակ զյուղերի ամրող բնակչությունը ոչնչացուած է, իսկ գիւղերը՝ հիմնայատակ աւերուած:

Վանից նահանջող թուրքական զորքերը գնում են Մուշ ու Բասէն. նրանց միանում են Մուսաբէկի համիղիէները եւ միասին կոտորում հայերին, աւերում նրանց գիւղերը: Ապա անցնում են Խնուս եւ տեղի քրդերի հետ միասին 30 հայկական գիւղ են աւերակ դարձնում եւ բնակչութեանը ջարդում»:

Բրանտ՝ Մուշ քաղաքում Անգլիայի հյուպատոս.- «Ամբողջ Մշո գաշտում մահմեղական զյուղացիությունը որևէ տեղ միախառնված չէ հայերի հետ», սակայն իշխանությունների տեսական, հետևողական աշխատանքի հետևանքով աշխարհամարտի նախօրյակին պատկերը լրիվ փոխվել էր:

«Հորիզոն». - «Քաղաքի փողոցներում և քաղաքից դուրս ճանապարհներին ընկած են մարդկանց ու անսառների մեծ թվով դիակներ: Մերձակա զյուղերում կան տասնյակ մարագներ, որոնցում նկատվում են մարդկանց այրված մարմինների մնացորդներ: Կանայք ու երեխաններն այրվել են միասին, տղամարդիկ՝ նրանցից առանձին: Գետակներում ու ոռոգման առուներում ընկած են ևս հարյուրավոր մարդկային թարմ դիակներ՝ ձեռքերով իրար կապված: Հավանաբար նրանց այդպես են սպանել: Այս շրջանում թուրքերի գաղանությունները հասան այն բանին, որ կառավարությունը ծայրամասսային զյուղերին անվանեց խասարիսանե (սպանդանոց): Տեղի թուրքերը պնդում են, որ այս գաղանությունների գլխավոր պատճառը եղել է գերմանացի միսիոներներից մեկը:

Պատմական ս. Կարապետի վանքը լրիվ ավերված ու այրված է: Նրանում պահպատ պատմական թանկարժեք իրերը թալանված են, ինչպես ասում են, գերմանացիների կողմից և տարվել են Բեռլին: Հազարավոր հին գրքեր ու ձեռագրեր շաղ են տված վանքի ավերակներում:

Մակագրությունով գերեզմանաքարերը և, ընդհանրապես, պատմական գրությամբ մնացած բոլոր քարերը կոտրված են:

Նույն ողբալի վիճակում է Առաքելոց վանքը: Նույնը կարելի է ասել Ս. Հովհաննու վանքի մասին... Մի քանի օր առաջ զեներալ Ն... հեռագրեց, որ Առաքելոց վանքի դուռն ու միշտ առաջ պատմական թանկարժեք իրեր գտնվել են Բիթլիսում, որտեղ թաղվել էին թուրքերի կողմից: Միայն մի դուռը գնահատ-

¹ Սասունի Կ., նշվ. աշխ., էջ 85:1:

վում է 6000 թուրքական լիրա: Մի թուրք պատմել է, որ գերմանացիները ցանկացել են այդ դուռն ուղարկել Բեռլին, սակայն ուստական հարձակումը խանդաբեց:

Լուր է ստացվել, որ Մուշից մի օրվա հեռավորության վրա գտնվող մի գյուղի քուրդ բեկը փրկել է իր շրջանի 4500 հայի:

Եփրատի ու Մեղրագետի ափերը լցված են հազարավոր տղամարդկանց ու կանանց դիակներով: 13 տարեկան մի տղա պատմել է, որ իր մորը, իրեն և իր երկու եղբայրներին թուրքերը նետել են զետք: Ինքը փրկվել է միայն շնորհիվ այն բանի, որ պատահաբար նետվել էր ափին մոտ: Հիվանդանոցում հանդիպեցի 11 տարեկան աղջնակի, որն ընդամենը մի քանի օր առաջ էր ազատվել թուրքերի ձեռքից: Նա պատմեց իր նկատմամբ թուրք զինվորների կատարած ների մասին, որոնց նույնիսկ երեսակայելն է անհնար»:

Մելիքյան Ա.՝ ականատես. - Մինչև պատերազմը Մուշի Ղզլաղաճ գյուղում 2000 հայ էր ապրում: «1915-ի հուլիս ամսին քուրդ Ռասալ բեկը հավաքել էր գյուղից 800 հոգի և ճանապարհներ կառուցելու պատրվակով, իր մարդկանց ու ժանդարմների միջոցով քշել էր տվել ոչ հեռու մի կիրճ, Խուրի ուղղությամբ և, նրանց ձեռները կապել տալով, հրամայել էր կոտորել: Հրացանազարկ էին արել տասնյակներով, և որովհետև այդ «գյավուրների համար չարժեր փամփուշտ վատնել», անցել էին դաշույնի գործածության... Կրծքերի վրա դաշույնով խաչ են գծագրել, ուրիշների մատներն են կտրել:

Կանանցից նրանք, որոնք գեռատի էին և ոչ էլ գեղեցիկ՝ ողջ-ողջ այրեցին մի տան մեջ: Ամենաերիտասարդ ու ամենագեղեցիկ կանայք ենթարկվեցին թուրք խուժանի խժություններին, և մեր մոտենալուն պես տարվեցին թիկունք: Հարյուրավոր բնակիչներ կոտորվեցին Եփրատի ափերին և հետո թափվեցին գետը:... Ամեն օր Եփրատի մեջ դիակներ էինք տեսնում...»:

Ազգաբնակչության մնացորդներին բռնագաղթեցրին: «Հայերին Միջազգետք տանելու համար կազմված մահվան քարավանները ոչ այլ ինչ էին, եթե ոչ տանջալից մահվան դատապարտություն և տեղն ու տեղը սպանելը նրանց կազատեր շատ տառապանքներից:

Ճանապարհին՝ սկզբում ձյունոտ, խսկ քանի առաջ էին գնում դեպի հասարակած, ընկնում էին կիզիչ արևի տակ, մեռնում էին քաղցից ու հոգնությունից, շարունակ կողոպտվում ու խոշտանգվում էին քրդերի կողմից: Կանանց տանում էին հարեմները, երեխաներին մահմեղական էին դարձնում, խսկ նրանք, որոնք ի վերջո խուսափում էին այդ արհավիրքներից, Միջազգետք համելով թողնվում էին իրենց սև բախտին՝ այդ անապաստան ու անսնունդ անապատում»¹:

Բարխյան Մ.՝ ականատես. - «Կը ծագի արիւնոտ արեգակը, ահա՛ կը սեւնան Խասգիւղի դաշտ ու գուրան, խուժանը կը հասնի մեր գիւղի տակ, մօտ 500 հոգի կը բարձրանան մեր գիւղը... Գիւղը շրջապատուած է: Կը պայթի հրացանը, ուղղուած գիւղին, բայց պատասխան չկայ գիւղէն: Կը խուժեն ներս, ճիչ ու վայնասուն, առ ու փախս, կ'որոտան գնդակները, գիւղէն դուրս փախչողները

¹ **Մելիքեան Ա.,** նշվ. աշխ., էջ 31-35:

Հեծեալներու կողմէ կը հետապնդուին ու կը սպաննուին, այր թէ կին...

Գիւղը վարկենական լեցուեցաւ Քոլոսկայ ու շրջակայ քիւրտ գիւղերու կաշեներով...»¹:

Նորշենը պաշարվեց «Մուսաբէկի աշխրէթով, տեղական և շրջանի խուժաններով ու «միլլի» անկանոն ոստիկաններով: Գիւղը պատերազմի դաշտի վերածուեցաւ: Հանդիպող տղամարդիկ տեղն ու տեղը կը զնդակահարուէին, իսկ կիներն ու պատիկները կը հաւաքուէին և կը բանտարկուէին ախոռներու մէջ... Կեսօրուն ատենները քսանի չափ արինարբու խուժան մը ներս սպրդեցաւ և դուռը գոցուեցաւ: Ասոնք հարս կամ աղջիկ առեւանգող կամ իւրացնողներ չէին, այլ բռնաբարողներ, լկողներ էին: Լաց, ճիչ, ողբ ու վայնասուն կը մնար ամլսելի: Այս քստմնելի տառապանքի րոպէին, ահա մայր մը տղաբերքի երկունք կը քաշէ, կը լսուի երեխային սուր ճիչը: Կը փաթթեն ու կը նետեն ախոռի ջրհորին մէջ»: Մյուս օրը կանանց ու աղջիկներին գոմերից հանում են և ոստիկանների ուղեկցությամբ տանում դեպի Քրդագոմ: Երկու աղջիկ իրենց ջուրը նետեցին, ոստիկանները կրակեցին ու երկուսին էլ սպանեցին: «Մայր մը, հագիւ չորս տարեկան տղեկի մը ձեռքէն բռնած, երկու տարեկանը կոնակին կապած և մէկ տարեկանը գրկած, որչափ կարելի է կը ջանայ ձեռքէն բռնած տղուն հետ քալել... Բայց չէ՞ որ չորս տարեկան երախան չի կրնար քալել ձիուն հետ: Տղան ուժաթափ ընկաւ»: Վրա է հասնում ոստիկանն ու տղան մնում է նրա ձիու ոտքերի տակ:

Քրդագոմում Ղամրմի խուժանները «առին իրենց սիրած հարս ու աղջիկ, մնացածը քշեցին» առաջ, չթողնելով գետից ջուր խմել: Նրանց էլ Խաս գյուղում լցրեցին մարագներն ու հրդեհեցին²:

Վարդագափուի օրը պաշարվեց նաև Յրոնք գյուղը, նախ կողոպտեցին, բռնաբարեցին ութ տարեկանից բարձր աղջիկներին, մարագները հրդեհեցին, որպեսզի դրանցում թափվածները դուրս գային, որոնց բոլորին գնդակահար արեցին: Տղամարդկանց մեծ մասին սպանեցին. մյուսները փախել կամ թաքնվել էին: Գյուղի ողջ բնակչությանը լցրեցին շինություններն ու այրեցին»³:

Հանրի Բարբի՝ «Մահվան քարավաններ».- ...Ահա իսկապես ճիշտ անունն այդ աքսորյալների, այդ ողորմելի խմբերի, որոնք մազապուրծ առաջին կոտորածներից, նրանք թալանված, ուժապառ, իրենց դահիճների կողմից քշվելով գնում են աքսոր, գնում են սպանդանոց... Ոմանց հարցեր տվեցի, սակայն վերապրածի կոչմարը նրանց այսպես էր ճնշել ու ահաբեկել, որ նույնիսկ վախենում էին դրանք հիշել: Նրանց բոլորի գեճքին նույն դիմակն էր՝ մթնած, դաժան, քարացած դիմակը, և պետք էր երկար, շատ երկար պնդել, երկար չարչարվել նրանց վատահությունը շահելու, որպեսզի վերջապես հարկադրեիր խոսելու իրենց սարսափելի վերապրածների մասին:

Ահա իմ լսած ամենահուզիչ պատմություններից մեկը. «Ես Մշո դաշտից եմ... Այս շրջաններից բռնագաղթված բոլոր ընտանիքները կոտորվել են ճանա-

¹ Սաառնի Կ., նշվ. աշխ., էջ 848:

² Նույն տեղում, էջ 848-850:

³ Նույն տեղում, էջ 850-852:

պարհին, իսկ նրանց մարմինները նետվել են Եփրատ... Իմ ընտանիքը ևս կոտորվեց: Ես փրկվեցի թաքնվելով Ս. Կարապետի վանքի անտառում:

Մի անգամ գիշերը մեզ մոտ մի կին եկավ: Նա գրկին երեխսա ուներ: Կիսամերկ էր... Այնքան նիշար ու գունատ էր, որ թվաց թե ստվեր էր: Սակայն խոսեց: «Հաց»:

Նա պատմեց, թե ինքը Խեյփիան գյուղից է: Սորդար, Բազու, Հասանով, Սալեղան և Կարցիր գյուղերի բոլոր կանանց ու երեխսաներին թուրքական իշխանությունները հավաքեցին Ս. Կարապետի վանքում... Նրանց հինգ օր փակ պահեցին: Ապա Մեհմատի, Բեղլու, Զիարեթ և Հեյրիան գյուղերի կանանց ու երեխաների հետ քշեցին մինչև Եփրատի կամուրջը, ճանապարհին նրանց միացրեցին նաև Թոմ, Հերկերտ, Հորան, Ալաղին, Գոմս, Խախալուկ, Սուլուխ, Խորոնք, Քարձոր, Ղղլղաջ, Գոմեր, Շեյխալան, Ավազաղյուր, Բլել և Քուրդմեղան գյուղերի բնակիչներին: Այդպիսով հավաքվեց մոտ 10 հազար կին և երեխս: Առաջին իսկ օրվանից ուղեկցող քրդերն սկսեցին սպանել ամենածերերին և ամենաթուլերին, ովքեր քայլել չեին կարողանում: Տարագիրների կյանքը կախված էր ուղեկցողների քմահաճույքից: Բայց նրանք, որոնք առաջինը սպանվեցին, հետագայում պարզվեց, որ ամենաերջանիկներն էին:

Ամեն երեկո հենց որ քարավանը կանգ էր առնում, քրդերը բացահայտ, բոլորի աչքի առաջ բռնաբարում էին նրանց, որոնք իրենց դուր էին գալիս: Տեսա, թե նրանք ինչպես էին դրա համար ընտրում փոքրիկ, ութ, ամենամեծը տասը տարեկան աղջնակների: Եվ ամեն անգամ այս զզվելի տեսարանն ավարտվում էր գիմաղրողների սպանությամբ: Մայրերին սպանելով, նրանց փոքր երեխաներին էլ կամ սպանում էին և կամ նետում ճանապարհին: Քայլել կարողացողները կպչում էին ուրիշ կանանց փեշերը կամ սողում էին նրանց հետեւից, իսկ ամենափոքրերը մնում էին այնտեղ, որտեղ նրանց նետել էին և մեկ-երկու օր անց կործանվում էին: Ով փորձում էր այդ փոքրիկներին վերցնել ու գրկած տանել, նրան չեին խնայում: Այդպես, մեր վիթխարի քարավանը սարսափահար առաջ էր ընթանում, իր անցած ուղին նշմարելի դարձնելով դիակներով: Ամեն անգամ, երբ անցնում էինք քրդարնակ գյուղերով, տղամարդիկ ու կանայք շրջապատում էին և մեր վրայից պոկում էին ինչ իրենց դուր էր գալիս: Շուտով բոլորս գրեթե մերկ էինք:

Ամեն երկու օրը մեկ մի քիչ հաց էին տալիս, սակայն այն էլ բոլորին հերիք չէր անում: Եվ երբ տանից հետոներս վերցրած պաշարները հատեցին, սկսեցինք պոկել ճանապարհի կողքերին եղած հասկերը: Շատերը չկարողանալով տանել քաղցը, մեռան: Հարկաղրված էինք քայլել առավոտից երեկո, ամուսն արևի այրող ճառագայթների տակ, օրերով ջրի երես չտեսնելով: Եվ ծարավից խելագարության էինք հասնում: Երբ ճանապարհին գետակ էր հանդիպում և քանի որ թույլ չեին տալիս երկար մնալ, հազենալու համար իրար էինք հրմշտում, հարվածում: Առաջինը հասածներին էր հաջողվում ծարավը հազենել, իսկ մյուսներին խցանման և ձեռնակովի հետևանքով այլ բան չէր մնում, եթե ոչ բավարարվել պղտոր, լրիվ աղտոտված ջրով: Այդ բախումների ժամանակ քանի երեխաներ էին վայր ընկնում ու ոտնակոխ մեռնում... Մեղանից ոմանց մեջ մշտական սարսափին ու հուզմունքը բժացրել էին բոլոր, այդ թվում

նաև մայրական զգացմունքը: Շատ մայրեր հուսահատված, քարացած, սովից, ծարավից ու հոգնությունից ուժասպառ դարձած, սկսեցին ճանապարհին նետել սեփական երեխաններին, քանի որ նրանց շալակել կամ գրկել այլևս չէին կարող: Առանձնապես ահավոր էր բազմազավակ մայրերի վիճակը: Բանը հասավ նրան, որ եթե այդպիսիններին հաջողվում էր գոնե մի երեխայի փրկել, համարվում էր երջանիկ, հարգանքի լրիվ արժանի կին:

Ոմանց հաջողվեց բժացնել պահապանների աշալրջությունը, փախչել ու թաքնվել հացահատիկի արտերում՝ հոյս ունենալով հետազյում ապաստան գտնել Սասունի լեռներում: Շատերը գոհվեցին Եփրատը լողալով անցնելիս...

...Քրդերը, որոնց անձամբ եմ հարցուփորձ արել, պատմեցին, որ չեթեները հետևում էին այս դժբախտներին և Քուրդեյլանի ու Շեյխանի հացահատիկի դաշտերում թաքնվածներին նորից հավաքում էին: Երեխանների հետ միասին հավաքվեց մոտ 500 մարդ: Ռաշիդ փաշայի հրամանով՝ նրանց բոլորին քշեցին Շեյխան գյուղ, որի մերձակայքում լցրեցին մարագները և Հրդեհեցին:

Իսկ քարավանն առաջ էր շարժվում: Գեջի փաշալըքում ուղեկցողները փոխվեցին: Նորերը ավելի դաժան էին... Ճապաղջրում հանկարծակի վրա տվեցին քրդերը: Նրանք քարավանը շրջապատեցին և նշան բռնելով սկսեցին կրակել, ըղավելով, թե նետվեք ջուրը: Գնդակները գետին էին տապալում կանանց ու երեխաններին: Շատերը նետվեցին Եփրատ: Քրդերը կրակ բացեցին նաև գետում եղածների վրա: Այդպես, լողալով, իրեն հաջողվում է երեխայի հետ մյուս ափը դուրս գալ: Քարավանը լրիվ կոտորված էր: Մի քանի հարյուր կանանց դիակներ թափված էին իրար վրա: Հազարավոր խեղդված կանանց ու երեխանների դիակներ Եփրատը քշեց տարավ»¹:

Թորանյան Մ. ծեցի. - «1915 թ. Հունիսի 27-30-ը Մշո դաշտից 100.000 մարդ Քարքար, Ղթնան և Հրեշկերտ գյուղերում այրվեցին՝ ժողովրդին լցրեցին տներն ու գոմերը, դռները փակեցին և ամրող գյուղը կրակի տվեցին: Ով փորձում էր փախչել, զոհ էր դառնում խուժանի գնդակին»:

1916-ին, երբ ռուսական զորքերը գրավեցին Տարոնը, միայն Աղջան ու Ալիղրնան գյուղերի փլատակներից հայտնաբերեցին հազարավոր ածխացած դիակներ, այդ թվում նաև երեխանների, իսկ Գարնեն գյուղում՝ 5000-6000 սպանված հայ սակրավորների դիակներ:

Մշո դաշտում խաղացվեցին սատանայական դաժանությունների տեսարաններ: Դրանց կազմակերպիչը քուրդ Մուսա բեկն էր, որն արյունարրուի համարում ուներ զեռ Արդուլ Համիդի ժամանակներում և որի անթիվ հանցագործությունները միշտ անպատճի էին մնում: Նրան օգնում էր թոռը՝ 16 տարեկան մի պատանի, որը քուրդ հեծելազորի օգնությամբ աքսորի անվան տակ Ավղուտ գյուղ քշեց 8000 հայ, որտեղ նրանց մի մասին կոտորեց, իսկ մյուսներին կենդանի այրեց:

Որոշ թուրքեր իրենք են ընդունում, որ թուրքական կառավարության հանցագործություններն արդարացում չունեն:

¹ Բարձ Ա., նշվ. աշխ., էջ 29-35:

Նրանք ասում են, թե ո՞չ Ղուրանը և ո՞չ Էլ Շարիաթը նման չարագործություն թույլ չեն տալիս, որ վաղ թե ուշ Թուրքիան պատժելու է:

Երբ Ազգուտ գյուղում չեթեներն ընտրում էին ամենազեղեցիկ և երիտասարդ հայուհիներին և Մուսա բեկի հրամանով նրանց փակում մի շենքում, իսկ մյուս բոլորին իրենց երեխաների հետ՝ գյուղի տներից մեկում և պատրաստվում էին այն հրդեհել, այդ պահին գործին միջամտեց մի մոլլա:

«Զկա ոչ մի կրոն՝ մահմեղական թե քրիստոնյա, որ թույլատրի կենդանի այրել կանանց ու երեխաներին», - հայտարարեց նա և ... բռնազաղթվածների հետ փակվեց տան մեջ: Սակայն չեթեները՝ ծիծաղելով նրա ասածի վրա, տունը հրդեհեցին և մոլլան զոհվեց այն դժբախտների հետ, որոնց ուղում էր փրկել:

Նոյն Մուսա բեկի ավազակախմբերը սպանեցին այն հայերին, որոնք թողել էին իրենց գյուղերը և փախել Սասնո լեռները, սակայն խարվելով թուրքական իշխանությունների՝ ավազակների գործակիցների կողմից, լեռներից իջել էին դաշտ՝ իր ընդհանուր ներում էր լինելու:

Այդ ավազակները չխնայեցին և կոտորեցին նույնիսկ այն 300 որբերին, որոնք ապաստան էին գտել Մուշի եվրոպական ու ամերիկան հիմնարկներում:

Անգլիական «Ֆորեն օֆիսի» դիվաններում պահվում է օսմանյան բանակի սպա Հասան Մաարուֆի մի գրությունը՝ հետևյալ բովանդակությամբ. «1915 թ. օգոստոսին Զիարեթից վերադարձին ես Մուշի արվարձաններից մի գյուղում տեսա, թե ինչպես թուրք ժանդարմները 500 հայերի, մեծ մասամբ կանայք և երեխաներ, հավաքեցին մի ախոռում և այնտեղ փակեցին: Կտուրում եղած անցքից ժանդարմները բոցավառվող ջահեր ներս զցեցին: Բոլորը կենդանի վառվեցին: Ես չմոտեցա, բայց հեռվից տեսա բոցերը և լսեցի խեղճ զոհերի ճիշերը»:

Օգոստոսի 19-ին ԱՄՆ-ի հյուպատոս Ջեկսոնը տեղեկացնում է դեսպան Մորգենթաուին, որ հակահայկական ջարդերը վերածվում են հայերին կործանող ծրագրի, ինչպես նաև հայ ցեղը ոչնչացնելու մի վերջնական հարվածի:

«Missionary Review of the World»-ը 1916 թ. հոկտեմբերի իր համարում, վկայակոչելով «London Times»-ին, բերում է մահմեղականների պատմածները իրենց տեսածների մասին: Նրանցից մեկը վկայում է, որ 1915 թ. օգոստոսին տեսել է «մոտ 16.000 հայի դիակ իրար վրա թափված երկու հովիտներում... 500 հայի փակել էին մի գոմում: Ժանդարմները տանիքի բացվածքից ներս նետեցին վառվող ջահեր: Ես տեսա բոցերն ու լսեցի վառվող զոհերի սարսափահար ճիշերը... Եթե նրանցից որևէ մեկը համարձակվեր գուրս զալ, անմիջապես սպանվում էր: Զեին խնայում անգամ ծերերին, կուրքերին ու հիվանդներին:»

Մուշ-Խնուս ճանապարհի կողքերի դաշտերում տեսա հայերի անգլուխ դիակներ... Հովիտները ծածկված էին դիակներով: Հիմնականում տղամարդկանց դիակներ էին: Ցուրաքանչյուր հովիտներ հաշվվում էր շուրջ 900 դիակ»:

«The New York Times»-ը 1915 թ. հունիսի 1-ին գրում է. «Ամերիկացի ճանապարհորդները... պատմում են, թե այնպիսի դեպքերի էին ականատես եղել և թե Օսմանյան կայսրությունում քրիստոնյաներն այնպիսի վտանգի մեջ են, որպիսին չեր եղել սկսած այն ժամանակից, երբ թուրքերը ներխուժեցին Բյուզանդական կայսրությունը»:

Ալի աղա՝ մշեցի թուրք. – «Այս առավոտ ես, Հաջի Հալիմ Էֆենդին և Բաղուկ Էֆենդին ձիեր հեծանք ու գնացինք Ալիխան... Գյուղը լեցուն էր ժանդարմ-ներով, որոնք մեզ ասացին, թե 350 Հայեր իրենց պարագլիսի հետ փակված են մարագում... Մենք բարձրացանք մի փոքր տան տանիքը և սպասեցինք, թե այդ ամենն ինչով էր վերջանալու»: Կես ժամ անց զինվորական բժիշկը 150 ժանդարմների ուղեկցությամբ մոտեցավ մարագին, բացեց դուռը և հրամայեց դուրս Հանել Հայերին: «Նրանք բոլորը շղթայված էին ու միմյանց կապված... Նրանց բերեցին ու շարեցին կալատեղի կենտրոնում... Սաստիկ գունատ, մեռլային դեմքերով, նրանք նայում էին մերթ գետնին, մերթ ժանդարմների հրացաններին... Պատրաստ կանգնած ժանդարմները (ազդանշանով) կրակ բացեցին և սպասեցին բոլորին»¹:

Ռուս բժիշկները Լիջե քաղաքում տեսել էին աղիները դուրս թափված Հայ աղջկների: Նրանց հարցին, թե ինչո՞ւ են այդպես վարվում, ասկարները պատասխանել են. «Այդպիսին է սուլթանի հրամանը»²:

Սիրիացի բժիշկը տեսել է Կ. Պոլսից ստացված բնաջնջման հրամանները. «Իմ աչքի առաջ կոտորեցին պատանդ վերցրած կանանց, քանի որ Կ. Պոլսից ստացված հրամաններն արգելում էին որևէ Հայի խնայել»³:

Ռողոսվից, ոռւսական բանակի ենթասպա.- Կ. Շամիսալիչին 1916 թ. մարտի 16-ին ուղարկած նամակից. – «...Մարտի 6-ին գնացի Դեյրյուք... Ճանապարհին մտա Հայկան գյուղը, որտեղ հրդեհված երեք մարագներում Հայտնաբերվեց 200 մոխրացած դիակ... Դրանք Հայերինն էին, որոնց թուրքերը լցրել էին մարագներն ու հրկիղել»:

Ավստրո-Հունգարիայի դիվանագետ.- Սովորաբար կոտորածն իրականացվում էր հետևյալ կերպ, մի մեծ փոս էր փորփում, բերում էին կանանց ու երեխաներին և մայրերին Հարկադրում իրենց երեխաներին նետելու այդ փոսը, որից հետո երեխաների վրա բարակ շերտով հող էին լցնում: Կապկպված Հայ տղամարդկանց աչքի առաջ բռնաբարում էին կանանց ու սպանում, ապա սպանվում էին նաև տղամարդիկ և բոլորի դիակները լցնում էին նույն փոսը: Հայերի մի մասին գետն էին նետում կամուրջներից և թույլ չէին տալիս ափ դուրս գալ: Եփրատում ու Արածանիում 25 Հազար Հայի դիակ կար:

Այդ գաղանությունների դեմ բողոքեց տեղի մահմեդական հոգևորականությունը. քաղաքի իմամ Շեյխ Ավիս Քաղըրը մութեսարիֆին ասաց, որ պետք է Հարգել Մուհամմեդի օրենքը, որը թույլ է տալիս սպանել միայն զենք կրելու և դիմադրելու ընդունակ, այսինքն՝ 15-60 տարեկան արական սեռի անձանց: Սակայն իմամին ՀայՀոյեցին և սպասնացին ձերբակալել: «Մահմեդական որոշ հոգևորականներ սկսեցին թաքցնել Հայերին, որի Համար տուգանվեցին ու արծանացան վիրավորանքների: Հայերին հովանավորողների թվում էին իմամը, շեյխ Աբդուլ Համիդը, երևելի անձինք՝ Զաֆար և Նազըր խան եղբայրները, Սիջար աղան, Յուսուֆ և Քյարիմ աղաները, Ալի աղան, շեյխ Թաղի օղին:

¹ՀՀ ՊԿՊԱ, ֆ. 1, ց. 1, գ. 219:

²«Դեռև», 6-ը սեպտեմբերի 1915 թ.:

³Նույն տեղում:

Թուրք ճանապարհորդ.- «Մուշ քաղաքը աւերակների կոյտ է: Հաղիւ 15 հայ տուներ կան, որ վերադարձել են... Հայոց թաղն ամբողջությամբ այրուած է: Եկեղեցիները քանդուած են: Առաքելոց վանքը կիսակործան դրութեան մէջ է: Ս. Կարապետը կիսաքանդ է: Ջքանդուած մասը ծառայում է իրեւ զօրանոց: Սասունում Հայի նշոյլ չկայ: Կան հատուկենտ իալամացածներ: Ս. Աղբերիկի վանքը գեռ կանգուն է, այնտեղ կան երկու արեղաներ... Վանքում կան մօտ 40 հայ որբեր եւ այրիներ միանգամայն անյօյս դրութեան մէջ:

Վարդենիս գիւղում է բնակուում քիւրտ Մուսա բէկը: Նրա մօտ ծառայում են մի քանի հայ մշակներ: «Ծառայութեան» մէջ են նաև եօթը հայ օրիորդներ եւ կիներ..., նրանց անունները քրդացած են: Անգամ Հայկական գերեզմաններ են քանդուած: Թէ՛ քիւրտերու եւ թէ՛ թիւրքերու մօտ կան բաւական թուով իալամացուած հայ կանայք ու երեխաներ...

Խլաթը և Բուլանը աւերակներու են վերածուել... Քրթանցոց եւ մոտկանցոց մէջ կան բաւական թուով Հայեր՝ ողբերգական վիճակի մատնուած»¹:

Թուրք ոստիկան. «Ինձ յանձնարարված էր Տարօնի գիւղերէն մէկը տեղահանել: Գիւղի երիտասարդութեանը խարելով հաւաքեցինք եկեղեցում եւ բոլորի գլուխները մէկ առ մէկ ջնջիսեցինք՝ 30 հոգու: Ապա եկեղեցին հրկիզեցինք: Երբ գեավուրներուն հասցրեցինք գետափ, նախ սրերով սպանեցինք տղամարդկանց ու նետեցինք գետը: Կանանցից ու երեխաներից ընտրեցինք ամենագեղեցիկներին, իսկ մնացածին նետեցինք ջուրը: Եօթ գեավուրի՝ հինգ տղամարդ, երկու կին, տարայ հօրեղօրս որդուն, որը կոյր էր: Դանակը տուեցի նրա ձեռքը եւ գեավուրներին մէկ-մէկ մօտեցրեցի ու նա սպանեց»²:

Թուրքնայան Մ.- ականատես. «Յուլիսի 27-31-ը Մշոյ դաշտի 100.000 հայ Քարքար, Զթնան եւ Հրեշկերու գիւղերում այրուեցին: Լցրեցին տներ ու գոմերը եւ հրդեւեցին ամբողջ գիւղը: Քուրդ խուժանը խորհրդարանական իլիասի հրամաններով գնդակահարում էր կրակից փախչողներին»³:

Մահմեդ.- ոստիկան. «Հայերու վրայ այլեւս հավատարմութիւն չունենալով, հարեմիս մեջ գտնուող ամբողջ հայուհիները, ոմանք սպասուհի՝ թուով 17... նուրը պատիմներու ենթարկեցի: Մէկին բերանը հող լեցուցի ու խաչելով այրեցի: 2-3-ին թեւերնին ու քիթերնին կտրելէ վերջ խազըսի վրայ նստեցուցի... մէկ քանին ողջ-ողջ թաղուելու բախտ ունեցան: 2000 հոգիի դաշտ տարինք, Հարկադրեցինք խոր հորեր փորել ու բոլորին կենդանի այդ հորերը լեցուցինք ու հողով ծածկեցինք»⁴:

Շտոֆելս Հ.- բժիշկ. 1915-ի աշնանը Մուշի և Զյունակերտի արանքում թափած էին կանանց ու երեխաների ածխացած, նեխած դիակներ⁵:

Աշնան վերջին թուրքական իշխանությունները ներում «Հնորհեցին», -

¹ Պալաքեան Գ., նշվ. աշխ., էջ 272:

² «Յուշամատեան Մեծ Եղեռնի», էջ 550-552:

³ Նույն տեղում, էջ 542:

⁴ Նույն տեղում:

⁵ ՕՀանջանյան Ա., 1915 թ. Անհերեկի վկայություններ: Ավարիական վավերագրերը Հայոց ցեղասպանության մասին, Եր., 1997, էջ 121:

պատմում է իրաղարձությունների ականատես Ղ. Սարգսյանը:- Ձերբակալված հայերին այլևս ոչ թե սպանում էին, այլ կերակրում, Հազցնում էին և ուղարկում լեռները՝ սասունցիներին համոզելու, թե կառավարության քաղաքականությունը փոխվել է: Հավատացողներին հավաքեցին Տափկ, իսկ մի քանի օր անց տեղափոխեցին Մուշ, որտեղ տղամարդկանց առանձնացրին, որոնց մի մասին տարան ճանապարհների վրա աշխատելու, իսկ մեծ մասին՝ դեպի Արածանիի ափը: Թե՛ առաջինները և թե՛ երկրորդները ոչնչացվեցին: Երբ ձմեռը եկավ՝ սկսեցին մաքրաղարդել նաև կանանց ու երեխաններին:

Հունվարի 29-ին թուրքերի շրջանում խուճապ սկսվեց, իսկ փետրվարի 1-ին նրանք փախուստի դիմեցին¹: Գաղթական հայերը Նիզան գյուղում էին: Երբ նրանք անցնում էին Արածանին, թուրքական զորքերը խուճապահար հետ դարձան և ժողովրդին ոտի տակ տալով գնացին Մուշ: Լուր տարածվեց, թե ուստի առաջխաղացումը կանգնեցվել էր: Ժողովրդի մեջ լաց ու կոծ սկսվեց: Զիարեթում հավաքեցին թուրք գաղթականների մեջ եղած հայերին ու կոտորեցին:

Ճապաղջուր-Հայնի ճանապարհին ոստիկանական խմբեր էին հերթապահում, որոնք հայերին բռնում էին ու տեղնուտեղը սպանում: Հայ թաքցնողներին մահապատիծ էր սպառնամ²:

Վահան Պատրիկյան (Մուշ).- Մշո կոտորածից մի քանի օր անց մի տան մեջ բռնում են 12 տարեկան Լեռնին: Դրանից երկու օր առաջ մի հաշմանդամ հայի ոտքերը կապում են ու գետնին քարշ տալով սանդուղըներից իջեցնում են և այդպես քաշելով տանում են Ս. Կիրակոսի Կողը և սպանում: Նրա մեծ որդի Մովսեսը քաղաքի պաշտպանության ժամանակ աչքի էր ընկել բացառիկ խիզախությամբ:

Ոստիկանապետը հրամայեց բերել նավթ, որը լցրեցին Լեռնի վրա ու կրակ տվեցին: Տղան բոցերի մեջ զալարվում էր, իսկ հավաքված թուրքերը փայտերով հարվածում էին նրան, ապա շուրջպար բռնեցին, որի կենտրոնում այրվող Լեռնն էր³:

Մշո կոտորածից երեք ամիս անց մութեսերիփ Սերվեթ փաշան ծանր հիգանդանում է ու անընդհատ զառանցում. «Էս երեխանները թափվել են վրաս և ինձ խեղդում են, հեռո՛ւ տարեք»⁴:

1916 թ. փետրվարին Յ-րդ բանակի հրամանատար նշանակված Վեհիբը ցուցմունք տվեց, որ Տարոնի «իգական բնակչությանը երեխանների հետ միասին այստեղ (Ջրիկ գյուղ) և Սողոմ տեղափոխեցին կապված և բոլորին միասին այրեցին մարագներում»⁵:

Սասունի Կ.-ականատես. «Դեպի Պիթլիս քշուած ժողովուրդը Խասզիողի եւ շրջականներուն մէջ կը գտնէր իր մահը»:

¹ «Տարօնի արձիվ», 1938 թ., № 12, էջ 37-44:

² Նույն տեղում, էջ 24-29:

³ Նույն տեղում, էջ 30:

⁴ Նույն տեղում, էջ 32:

⁵ Թէոդիկ, նշվ. աշխ., էջ 82:

Կոտորածի ուրիշ կեղրոն մըն էր Խորերը, որ կը գտնուէր Մեղրագետի կամուրջին գլուխը: Անել տեղ մը, որ կ'ինար Մուրատ գետի եւ Մեղրագետի միջեւ: Դէպի Մուշ փախուստը անիմաստ էր եւ ստոյդ կորուստի կը մատնուէր փախչողը: Իսկ այդ եռանկիւնին մէջ քչուած ժողովուրդը կա'մ մարագներու մէջ կ'այրուէր եւ կա'մ Մեղրագետի ափերուն վրայ կը կոտորուէր...

Սուլուխի կամուրջը, Շեխանի գետի անցքը եւ Ղզլաղածի ճամբան կոտորածի այլ վայրեր էին»¹:

Տպավորություն չպետք է ստացվի, թե տարոնահայությունը ոչնչացվեց առանց որևէ դիմադրություն ցույց տալու: Իհարկե, ո՛չ: Տեղ-տեղ եղան հերոսական մարտնչումներ, ահեղ հակահարվածներ ջարդարարներին:

Գառնեն. - Գյուղ է Մուշ քաղաքի կողքին: Կոտորածներն այստեղ սկսվեցին քաղաքի կոիվների հետ: Մուշում գործածվող թնդանոթներից երկուսը ոմբակոծում էին նաև Գառնեն գյուղը: Թուրքերը ծրագրել էին «մի թափով» լուծել գառնենցիների հարցը, բայց չկարողացան: Գյուղի հայերը հին հայդուկ Գառնենի Մկրտիչի (Սողոմոնյան) ղեկավարությամբ նրանց ուժեղ հակահարված հասցրեցին: Կոիվն սկսվեց հունիսի 30-ին և երեք օր տևեց: Թուրքերը Գառնենում շատ դիակներ թողեցին: Զեթեներին ու խուժանին օգնության հասավ մի զորամաս, սակայն հայերը հաջողացան մի քանի անգամ հետ մղել նաև զորքերի գրուները: Ռմբակոծման հետևանքով գյուղի տների մեծ մասն ափերվեց, վերջացան հայերի փամփուշտները, և մարտնչող գառնենցիները, այդ թվում նաև Մկրտիչը, մնացին ոմբակոծություններից քանդված տների փլատակների տակ:

Ալիջան. - Տեղի մարտական ջոկատը Միսակ Բղեյանի և Հայկ Միրիջանյանի ղեկավարությամբ լուրջ նախապատրաստություն էր տեսել գյուղը պաշտպանելու համար: Հունիսի 22-ին թուրքերը փորձ արեցին կոտորել գյուղի հայությանը: Ժանդարմական մի ջոկատ մտնում է Ալիջան և պահանջում գյուղի բոլոր ձիերը: Հայերը 30 ձի են տալիս: Թուրքերը պահանջում են 30 հոգի՝ ձիերին ուղեկցելու համար: Հայերը համաձայնվում են, բայց ուղեկցողներին նույն օրը սպանում են Ալիջանից քիչ հեռու: Փրկվում է մի հոգի և համազուղացիներին տեղյակ պահում կատարվածի մասին:

Գյուղ է գալիս ժանդարմների մի ուրիշ խումբ և պահանջում, որ տղամարդիկ իրենց հետ մեկնեն կառավարչատուն: Ալիջանցիները չեն համաձայնվում: Նրանք զինաթափում են ժանդարմներին և դիրքեր են գրավում, իսկ կանանց ու երեխաներին տեղափորում են եկեղեցում²: Քրդերն ու չեթեները շրջապատում են Ալիջանը: Սկսվում է կոիվը: Հաջողվում է չեթեներին զինաթափել ու վոնդել: Չորս օր շարունակ ալիջանցիները հետ շպրտեցին թշնամու գրուները, թուրքերն ու քրդերը զոհեր տվեցին: Հարձակվողներին օգնության հասան ժանդարմների նոր ջոկատներ ու մեծ թվով բաշիրողուկներ: Կ. Սասունին Ալիջանի կոիվն անվանում է Հերոսամարտ և ճիշտ է վարփում:

Գյուղի հերոսական պաշտպանությանը մասնակցում էին ոչ միայն 15

¹ Սասունի Կ., նշվ. աշխ., էջ 871-872:

² Նույն տեղում, էջ 917:

տարեկանից բարձր բոլոր տղամարդիկ, այլև՝ մեծ թվով կանայք:

Այդ ժամանակ զյուղ են լցվում Ս. Կարապետի վանքի շրջակայքի գյուղերի կոտորածներից վերապրած կանայք ու երեխաները, որոնք նույնպես տեղափորփում են եկեղեցում: Զկարողանալով հաղթահարել հայերի դիմադրությունը քրդերը Մուշից օգնություն են խնդրում և այն ստանալուց հետո վերակառում են հարձակումը: Թուրք զինվորների մոտ կեսն սպանվեց: Երրորդ օրվա գիշերը հայերը ոչնչացնում են ժանդարմներին:

Հաջորդ օրը համոզված, որ գյուղում երկար պաշտպանվելն անհնար է, ալի ջացիները որոշում են հեռանալ Քանա սար¹:

«Երբ Ս. Գէորգի քով հասանք,- գրում է ալիջանցիներից մեկը,- հայրս ըստ. «Դուք հո՞ս կեցէք, երթամ տեսնեմ Մովուխ ինչ կայ չկայ, յետոյ գամ ձեղ տանիմ»... Քիչ ետք վերադառն եւ ձայնեց, որ զիւղին մէջ ոչ ոք մնացեր է. ամեն տան մէջ իր բնակիչները սպանուած լեցուած են, ոմանք անդամահատուած, ոմանք յօշոտուած»²:

Ավրան. - Ս. Կարապետի շրջանում նույնպես՝ գյուղերի վրա հարձակումները տեղի էին ունենում միաժամանակ, դրա համար էլ ավրանացիները պաշտպանության կանգնեցին նախապես: Ինքնապաշտպանությունը ղեկավարում էին Հայկ Տեր-Վարդանյանն ու Մակար Խարախսանյանը: Ավրանացիներն ամրող տասնմեկ օր կոիվ տվեցին թշնամու գերակշիռ ուժերի դեմ: Ի վերջո, թուրքերն ու քրդերը կարողացան մտնել զյուղ, ուր մարտը շարունակվեց ամեն մի տան համար: Գյուղացիների մի մասը զյուղից դուրս է զալիս, բայց անմիջապես հարձակման է ենթարկվում ու կոտորվում, իսկ մյուս մասը մնում է տներում ու դիմադրում ինչով կարող էր: Գյուղի մարտական ջոկատն ամրանում է եկեղեցում և կովում մինչեւ վերջին փամփուշտը: Ավրանը հրդեհվում է: Գյուղից որևէ մեկը չի փրկվում:

Վարդենիս. - Հին հայուկներ Հասրաթն ու Մարտիրոսը ղեկավարեցին ոչ միայն Վարդենիսի, այլևս Զխուրի մյուս զյուղերի ինքնապաշտպանությունը: Նրանք կազմակերպեցին սննդամթերքի և առաջին անհրաժեշտության տնային իրերի ժամանակին տեղափոխումը Շամբի (Եղեգնուտ) ճահճապատ ծանծաղուտի կղզյակները: Հունիսի 25-ին Եղեգնուտով պատված այդ կղզյակներում, տեղափորեցին նաև Արդոնքի, Ղարսի և մի քանի ուրիշ զյուղերի բնակչությունը, իսկ մարտական ուժերը դիրքեր գրավեցին ափի ժայռերի հետևում: Խնդիր էր դրված մեկ շաբաթ դիմադրել քրդերի հարձակումներին, բայց նրանք մի ամբողջ ամիս ապրեցին այդպես:

Հունիսի 25-ին քրդերը լցվեցին հայկական զյուղերը և տեղափորվեցին հայերի տներում: Նրանք մի քանի անգամ հարձակում գործեցին Շամբի վրա, բայց Եղեգնուտներում դիրքավորված հայերի արձակած գնդակներից զոհեր տալով հետ քաշվեցին: Հայերը փամփուշտները շատ խնայողաբար էին օգտագործում: Նրանց նշանաբանն էր՝ «Ամեն փամփուշտ՝ մահմեղականի մի դրուխ»:

Զխուրցիները տասնհինգ օր պաշտպանվեցին: Կովում էին հաշվենկատ,

¹ Սասունի Կ., նշվ. աշխ., էջ 924:

² «Պայքար», 1954 թ. մայիսի համարներ:

Խելացի: Տասնհինգերորդ օրը քրղերը փախան: Կազակական մի ջոկատ Վարդենիսի կողքով գնում էր դեպի Մուշ: Ապա երեացին նաև Հայ կամավորները և չխուրցիները շարժվեցին դեպի Ալիալթ:

Կատարվեց տարօրինակ բան: Ռուսների գալու շնորհիվ երեք օր Հայերի առաջ բաց էր գաղթի ճանապարհը, բայց Քանա սարում կուտակված 20,000 Հայությունն այդպես էլ տեղից չարժվեց: Երեք օր անց ռուսները Հանկարծակի նահանջեցին և գաղթի ճանապարհը փակվեց: Վարդենիսցիները և, ընդհանրապես, Շամբում ապաստանածներն, ընդհակառակը, ռուսական բանակի հետ հեռացան: 6000 մարդ փրկվեց:

Ս. Կարապետ. - Հունիսի 25-ին Զիարեթ, Մեղղի, Բաղլու, Սորտար, Բողլան, Գվաս, Պաղու և մի քանի ուրիշ գյուղեր շրջապատվում են: Գյուղացիները լցվում են անտառ ու բարձրանում լեռները: Կանանց ու երեխաներին սկզբում թողեցին զյուղերում, բայց երբ լսեցին, որ նրանց էլ էր վտանգ սպառնում, նոյնպես տարան անտառ ու լեռներ: Բայց զինված չէին, 50-100 մարդուն բաժին էր ընկնում մեկ զենք: Անտառում և լեռներում կուտակվել էր 15.000-20.000 մարդ: Մննդամթերք գրեթե չկար, գյուղերից սննդամթերք բերելու փորձերը վերջանում էին մեծաթիվ զոհերով: Ամենուրեք դիակներ թափված էին¹:

Սկզբնական շրջանում թշնամին վախվորած էր մոտենում անտառին, բայց երբ Համոզվեց, որ Հայերը զենք գրեթե չունեն, որոշ քաջություն ձեռք բերեց, բայց այդպես էլ չհամարձակվեց խորանալ:

Հայերն սկսեցին իրենք Հարձակվել՝ քրդական գյուղերի վրա՝ սննդամթերք ձեռք բերելու համար:

Ինքնապաշտպանության ընթացքում նրանք բազմաթիվ Հաջող և անհաջող ընդհարումներ ունեցան, փորձեցին հեռանալ, բայց մեծ զոհեր ունեցան: Եղան նաև փրկվածներ: Նրանք երկար մնացին այդ վայրերում, ոմանք 1916-ին, երբ ռուսական բանակը հասավ Մուշ, զնացին միանալու նրան:

Ինքնապաշտպանական կոիվներին մասնակցություն ունեցան նաև Զիարեթ, Բաղլու, Բողլան և մի քանի ուրիշ գյուղերի Հայերը:

Ինքնապաշտպանական կոիվներին ղեկավար-կազմակերպող մասնակցություն ունեցան Սարդարցի Արամը, Գոմսա Մոսոն և Մելիքը, վանականներ Ռոպյան Ավետիսին ու Սարգիսը, ուսուցիչ Մկրտիչ Տեր-Մկրտչյանը:

Նշված և նման մի քանի ուրիշ ինքնապաշտպանական կոիվները վկայում են, որ տարոնահայությունը, չնայած իր դաշնակցական ղեկավարների վախկուտության, անբանության ու մորթապաշտության, գոտեմարտի ելավ: Դաշնակցական պարագլուխների մորթապաշտությունը, իսկապես, դավաճանական էր: Երբ գետի նման հոսում էր Տարոնի Հայության արյունը, նոյն պահին «Ռուբէն, Սասունի մէջ Հաւաքել տալով շրջաններում բոլոր կոուող ոյթերը, զէնքերը, ուզգմամթերքը եւ պարէնը, քաշուած էր այդ կղզիացած լեռնաշխարհը ու նոր բարձրաբերձ լեռներու եւ զովասուն ձորահովիտներու դարաւոր կաղնիներու ստուարախիտ շարքին տակ, կարծես թէ իր «ամառային արձա-

¹ Սասունի Կ., նշվ. աշխ., էջ 930:

կուրդը» յօրանջելով անցընելու եւ ակնդէտ սպասելու, մինչեւ որ հասնէին ոռուսական փրկարար բանակը եւ Հայ կամաւորները...»¹:

Անդրադառնանք ևս մի խնդրի:

Ռուսական բանակի 1915 թ. ամռան հանկարծակի նահանջը ՀՀ մեցուցիչ աղղեցություն ունեցավ: Ռուսական հրամանատարության այդ քայլը, մասնավորապես, Հայկական շրջաններում արժանացավ միահամուռ բացասական գնահատականի և կնքվեց «տարօրինակ», «դավաճան», «Հայասպան» և նման այլ պիտակներով: Նահանջի հարկադրական բնույթը մինչև օրս քննարկվում է, քննադատում, մերժվում և այն: Ըստ իս, դա, իրոք, հարկադիր նահանջ էր: Այդ հարցում ուղղմական արվեստի մասնագետները միահամուռ են:

Սարիղամիշում ջախջախվելուց հետո թուրքերը հնարներ էին որոնում վրեժի համար, ինչը ոչ այնքան զգացմունքի, որքան պատերազմի ելքի համար բախտորոշ խնդիր էր:

«Ենվերը մշակել էր մի համարձակ ու իր ծավալներով նախադեպը չունեցող պլան՝ 11 դիվիզիաներից կազմված հզոր խմբավորման միջոցով ճեղքել ոռուսական հարձակման գծի Վանա լճից (Նազիկ գյոլ) մինչև Մշո դաշտի Հյուսիսի (Կոպ) հատվածը և Ալաշկերտի ուղղությամբ առաջանալ ու գրավել Մանազկերտը, Ալաշկերտը, Կաղզվանը և Խզդիր-Երևան-Դիլիջան-Ղազախ գծով շարժվել դեպի Թրիխիտ: Այդ պլանը խնդիր ուներ, նախ, զլսովին ջախջախել ոռուսական բանակի զիխավոր ուժերը և, երկրորդ, լուծել հիմնական խնդիրը՝ նվաճել Կովկասը»:

Ռուսական բանակն, իրոք, վտանգված էր, որովհետև Օգանովսկու հրամանատարության տակ գտնվող 4-րդ կովկասյան կորպուսի զրադեցրած ուղմանակատը ձգվում էր 400 կմ (Վանից մինչև Դալար), որի պաշտպանությունն ավելի քան դժվար ու անհուսալի էր, քանի որ թուրքերը հնարավորություն ունեին ուղմանակատային գիծը ճեղքել ցանկացած հատվածում:

Եվ, իրոք, Հուլիսի 9-ին թուրքերը Կոպի մոտ ճեղքում են ոռուսների պաշտպանությունը և սլանում դեպի Մանազկերտ: Մինչև Հուլիսի 22-ը նրանք գրավեցին Մանազկերտը, Բաթնոսը, Սինջան, Կարաքիլիսեն, Ալաշկերտը և մոտեցան Կաղզվանին: Թուրքերի հարձակվող ուժերի հարավային թևի առաջ խնդիր էր դրվել Դիաղինով շարժվել արևելք և դուրս գալ Իրանական Աղրբեջան: Թուրքերի հարձակման հետևանքով ոռուսական 4-րդ կորպուսի հրամանատարությունը կորցրեց կապն իր ստորաբաժանումների հետ, Վան քաղաքում գտնվող ոռուսական զորքերն ու Հայ բնակչությունը հեռացան քաղաքից: Վանի և Ալաշկերտի Հայությունը սարսափահար փախչում էր:

Ռուսները վերախմբավորեցին իրենց ուժերն ու Հակահարձակման անցան: Բարաթովի զորամասերը շեշտակի առաջ մղվեցին և Դալարի մոտ անցան թուրքական զորքերի ձախ թևի թիկունքը: Թուրքերը խուճապի մատնվեցին և հարձակումը դադարեցրեցին²:

¹ Տարոնցի Ա., նշվ. աշխ., էջ 65:

¹ Հարությունյան Ա., Առաջին համաշխարհային պատերազմի ուղմանականագիտական պատմությունից, Եր., 1983, էջ 268-270:

Տարոնում կոտորածները ամենատարբեր ձևերով ու ծավալներով շարունակվեցին մինչև ոռւսական բանակի գրավումը:

Մութեսարիփ Սերվեթը իսկապես, հանկարծամահ եղավ. հավանաբար անգամ դահճի սիրտը չղիմացավ սեփական գաղանությունների տեսարաններին: Նրան փոխարինեց Շավքի բեյը, որը սակայն չուտով մեկնեց Մոսուլ և մութեսարիփի պարտականությունների կատարումը դրվեց 34-րդ դիվիզիայի հրամանատար Վելսի վրա:

Ոռուսական բանակի մոտենալը շփոթ ու խուճապ առաջացրեց Մշո թուրքերի շրջանում: Քաղաքի ամբողջ մահմեղական բնակչությունն տարհանվում էր, տներն ու մյուս շինությունները հրդեհված կամ ավերված էին, և երբ ոռուսական զորքը քաղաք մտավ, վերջինս ավերակի կույտի էր վերածված:

Որոշ ժամանակ անց հրաման ստացվեց, թե Հայերն այլս չեն հալածվի և կարող են վերադառնալ իրենց բնակավայրերը: Ոչ մեծ թվով Հայեր հավատացին ու դուրս եկան իրենց թաքստոցներից ու լծկեցին բերքահավաքի գործին: Սակայն 2-3 շաբաթ անց ոստիկանությունը նրանց հավաքեց: Քրդերին նորից արգելվեց Հայերին օթևան տալ:

Հայերին հավաքեցին ոստիկանատներում, ապա լցրեցին մի մարագի մեջ ու երդիկից կրակ բացեցին: 85 Հայի գյուղից Հանեցին, նախ լրիվ մերկացնելով իրար կապեցին: Քարավանը խիտ ցանցով շրջապատել էին ոստիկաններն ու քրդերը: Նրանց տարան մի դարափոս ու գնդակահարեցին: Դա սեպտեմբեր ամսին էր¹:

1915-ի աշնանն սկսեցին քրդերից հարկ պահանջել: Իսկ քուրողը սովոր չէր հարկ վճարելու, այն էլ բավարարելու պետության մեծ պահանջները: Տարոնի քրդերը որոշեցին հեռանալ իրենց լեռները, որտեղ թուրքերը մուտք ունենալ չէին կարող:

Ծղակ գյուղում նույնպես Հայի հետք չկար, սակայն քրդերի մոտ թաքնված 60-70 Հայ կար: Մի օր Ծղակը շրջապատվեց. թուրքերը եկել էին թաքնված Հայերին հաշվեհարդարի ենթարկելու: Գյուղից 60 Հայի սպանդի ենթարկեցին, նեղություններ պատճառեցին նաև քրդերին: Նրանցից մեկն ասաց. «Հայերի ջաղողից հետո մեր պատիվն էլ ընկապ թուրքի աչքում, մի քանի օր հարսանիք արեցինք Հայերի դիակների վրա, որպեսզի մեզ էլ գերեզման փորեինք»²:

1916 թ. փետրվարի 10-ին ոռուսները տիրացան ամբողջ Տարոնին: Նրանց հետևից վերադարձան ջարդերից վերապրած տարոնցիները:

Տարոնում ստեղծվում են բնակչությանը օգնություն կազմակերպող մարմիններ, որոնք իրենց վրա վերցրեցին այդ գավառները ղեկավարելու վարչական որոշ իրավասություններ: Ոռուսական հրամանատարությունը Հայկական ջոկատներին զենք տրամադրեց: Ակավեց Հայության հավաքումը: Մի քանի ամսում Սասունում քրդերի մոտից աղատվեց 13400 երեխա և կին: Գերությու-

¹ «Տարօնի արծիւ», 1939 թ., № 11, էջ 28-34:

² Նոյն տեղում, № 12, էջ 21:

նից ազատված, ինչպես նաև Կովկասից վերադարձած հայերը ձեռնամուխ եղան իրենց ավերված շեների վերականգնմանը:

Նազարբեկանն ու Սիլիկանը նույնպես գենք էին տրամադրում հայերին մեծ քանակությամբ: Գրեթե բոլոր սասունցիները զինվեցին:

Մանուկի ջոկատը ոռոսական բանակի առաջապահն էր: Անդոկի ստորոտում՝ Խոզմ Գեղիգի և Շենի խոշոր ճակատամարտերում, որոնց թուրքերի կողմից մասնակցում էին նաև արևմուտքից բերված երկու զորամասեր, Մանուկի ղեկավարած սասունցիների ջոկատը հաջողեց անցնել Անդոկ ու Հարվածել թշնամու թիկունքին: Թուրքերը պարտվեցին, սակայն նահանջեց նաև ոռոսական բանակը, քանի որ թուրքական գլխավոր ուժերը հարձակում սկսեցին ս. Կարապետի ու Վարդոյի կողմից:

1916-ի աշնանը հայկական կամավորական գնդերը լուծարվեցին: Անդրանիկի և Դրոյի գնդերում կովող սասունցիները իրենց զենքերով մնացին Տարոնում, որոնց շարքերը գնալով համալրվում էին: Ստեղծվում էր նշանակալից ուղղական ուժ, ինչը քաջալերում էր ոռոսական հրամանատարությունը: Հայկական այդ ուժերը սփոփած էին Մշո դաշտում, Խնուսում, Բուլանքս-Մանագկերտում և Ախալթ-Արճեղում, սակայն գործում էին համագործակցված: Այս զինված խմբերը գոյություն ունեցան 2-3 տարի:

Տարոնում դրանց ղեկավարներն էին Փեթարա Մանուկը, Ախոն, Իսրոն, Թաթոն, Սանդրոն, Ցրոնքի Մուրադը, Չոփուր Միսակը, քաղաքում՝ Լոլոյի Տիգրանը, Պոտիկ Արամը, Արմենակը, Պոլեհ Արշակը, և. Կարապետի շրջանում՝ Քեռի Հովոն, Սարգիս և Ավետիս Տպեյանները: Այդ ուժերում էին նաև Զոլոն, Մորուք Կարոն, Ղազար Պետոյանը, Ղազար Ֆարհատյանը, Տալվորիկցի թաթարը և Ֆարեհը, Սեմալցի Մտեփանը, Գելիեցի Պետրոսն ու Ավեն:

Խնուսում էին Սասունցի Մուշեղը (նա կազմակերպեց Խնուսի գունդը), Պուճուր Աբրոն, Փիլոսն ու Շապուհը, Խարաչոպանցի Սիմոնը և Կորալցի Արամը:

Թվարկված բոլոր անձինք ունեին իրենց մեծ ու փոքր ջոկատները:

ՄՈՒՇԵՂ ՆԱՀԱՏԱԿ

Սասունցի կանայք ամեն ուրբաթ օր իջնում էին Մուշ քաղաք, ապրանքներ գնում ու դրանք շալակած բարձրանում Սասուն: Այդպես էր եղել տասնամյակներ շարունակ և իշխանությունները երբեկցե դրան արգելք չէին հանդիսացել: Սակայն Հունիսի 25-ին սասունցի կանանց բոնում են, պատճառաբանելով, թե գնված ապրանքը նախատեսված է հայդուկների համար:

Կանայք այդ մեղադրանքը միահամուռ մերժում են, բայց նրանց բողոքը անտեսվում է ու բանտ են նետվում բոլոր այն խանութների տերերը, որտեղից սասունցի կանայք գնումներ էին կատարել:

Դրան հետևում են քաղաքի աչքի ընկնող հայերի ձերբակալությունները:

Հունիսի 24-ին Սերվեթը հրաման է ուղարկում Մշո առաջնորդական տեղապահ Վարդան վարդապետին և Քաղաքական ժողովին, թե 24 ժամվա ընթացքում 15-70 տարեկան բոլոր տղամարդիկ գրանցվեն Ուրֆա մեկնելու համար, որտեղ մնալու էին մինչև պատերազմի ավարտը: Վարդան վարդապետի գլխավորությամբ մի պատվիրակություն գնում է մութեսարիֆի մոտ և խնդրում երեք օր ժամանակ տալ այդ հրամանի դեմ վերադաս մարմիններին բողոքելու համար: Սերվեթը մերժում է հայերի խնդրանքը և արգելում որևէ տեղ դիմում գրել:

Այդ պատասխանը քննարկվում է առաջնորդարանում: Կղերն ու հարուստներից շատերը գտնում էին, որ հրամանին պետք է ենթարկվել, իսկ մեծամասնությունը չ. Կոտոյանի գլխավորությամբ դեմ են դուրս գալիս: «Դուք ինչպէ՞ս կը հաւատաք, որ մինչև Ուրֆա ողջ տանին ձեզ»: Նա բերում է մյուս նահանգներից բռնագաղթվածների օրինակը, որոնց ճշգող մեծամասնությունն այդպիս էլ գաղթավայր չէր հասել: Կոտոյանը միանգամայն իրավացիորեն նկատում է, թե Տարոնի ու Սասունի հայության հանգեպ առավել դաժան են վարվելու, քանի որ «երեսուն տարիներէ ի վեր Մշոյ գաւառն է եղած օրբանը յեղափոխութեան...»: Պետք չէ ինքնախարենությամբ զբաղվել: «Բոլորս ալ, մեր կիներով ու զաւակներով, պիտի ենթարկուինք» նույն ճակատագրին, ինչին արժանացան մյուս նահանգների հայերը:

Վարդան վարդապետը գտնում էր, որ փոխանակ ամբողջ ժողովուրդը ոչնչացվի՝ ավելի ճիշտ էր, որ տղամարդիկ մեկնեին հանուն մյուսների փրկության: Նրան պատասխանեցին, թե տղամարդկանց աքսոր-բռնաջնջումը չի փրկելու կանանց ու երեսաներին: Ոչնչացվելու էին բոլորը: Բերվում էր Բաղեշի օրինակը, որի հայ բնակչությունը երբեք որևէ շարժման չէր մասնակցել, ազգային խնդիրներ չէր հետապնդել, բայց բաղեցի հայերից ոչ մեկին չխնայեցին¹:

Վարդապետը դրան պատասխանեց. «Ամեն մարդ աղատ է, ուզողը թող մնայ ու դիմագրէ, չուզողը թող ինձի հետ գալ: Ես վաղն իսկ կ'երթամ կ'արձանագրուիմ»:

Շատերը հետևեցին կրօնական առաջնորդի օրինակին:

Բնութագրական մի երեսույթ: Հայերին բարեհաճ վերաբերող քուրդ աղաները նրանց ասում էին. «Զեր փրկութիւնը ո՛չ աղայի եւ ո՛չ էլ պէյի քով փնտրեցէք, այլ՝ դէպի ոսու բանակը, որ հեռու չէ: Պուշանուխի Լիճ գիւղը կը գտնուի: Յանցառ է թիւրքական բանակատեղին, լուծուած են քիւրտական գունդերը՝ հայերը ջարդելու համար, զանգուածօրէն փախեք, հրաշք կը գործեն ճամբան գիտցողները, երկու օրուայ ճամբայ է ասկէ դա Լիճ, երկու գիշեր քալելով կ'անցընէք ամեն վտանգ»²:

Այդ ամբողջ ընթացքում զյուղական բնակչության հոգքը Մուշ գնալով ավելի ու ավելի սաստկանում էր: Թուրքական իշխանությունները դեմ չէին հայերի նման կենտրոնացմանը, մանավանդ, որ դա պարենավորման լուրջ

¹ Բգեյեան Մ., նշվ. աշխ., էջ 379:

² Սասունի Կ., նշվ. աշխ., էջ 844:

դժվարություններ էր առաջացնում: Առաջնորդարանը դիմեց կառավարչին, որպեսզի օժանդակություն ցույց տա քաղաք լցված 10.000 հայերին: Երբ այդ խնդրով Վարդան վարդապետը այցելեց Սերվեթին, այնտեղ էր նաև Իլիասը, որի երեսփոխան դառնալու գործում մեծ վաստակ ունեին թե՛ առաջնորդարանը և թե՛ ՀՅԴ տեղական կազմակերպությունը: Իլիասը վարդապետին ասում է. «Քո ազգի ըրածին չափն անցավ՝ Վան, հայ կամաւորներ եւ նոյնիսկ Հօրեղբայրս՝ Հաջի Մուսան սպանողները հայերն են եղել... եւ դեռ եկած եք եւ մեղմէ ողորմութիւն ալ կ'ուզէք ձեր դաւաճան ազգի բեկորներուն համար: Զեր ըռնած այս ընթացքով դեռ շատ որբեր պիտի ունենայ ձեր ազգը: Ասկէ ետք եղած ոճրագործութեանց առաջքն ալ չենք կրնար եւ պիտի չուզենք ալ առնել...»

Ահա, Փափազեանի և Ռուբենի փախչիլը... Ինչո՞ւ, մենք կո՞յր ենք, չե՞նք գիտեր, թէ նրանք ինչ շարժումներ կընեն Սասունում: Բայց վստահ եղէք, որ ձեզ բոլորդ ալ մեջտեղէն չմաքրած, մենք մեջտեղէն չենք վերնար»¹:

Այս խոսակցությունն ու կառավարչի մերժումը տեղի հայությանը բացարձակ չփոթմունքի մատնեց: Քաղաքում զենք ունեին միայն 30 երիտասարդներ: Հայկական գինված ջոկատները գտնվում էին երեք թաղերում և իրարից հեռու: Սուրբ Մարինեի թաղում էր Տիգրան Մկրտչյանը մոտ 20 հոգով:

Հաջի Հակոբի խումբը Ձորու թաղում էր: Լեռն Աւանյանը 7-8 հոգով Վերին թաղում էր: Հ. Կոտոյանը որոշում է երիտասարդների խմբի հետ բարձրանալ Սասուն՝ «քաղաքը լրելով իր սեւ ճակատագրին»: 27-ի գիշերը շուրջ 100 հոգի Կողի թաղի ըլրով վեր է ընթանում դեպի Սաշկի Դուրանի բարձունքը, բայց հայոց գերեզմանոցի մոտ, որտեղ թաղված էին շատ հայ մեծություններ, այդ թվում՝ Գևորգը, Սպաղանաց Մակարը և այլոք, հայերը բախվում են քաղաքը օղակի մեջ առած թուրք զինվորների մի ջոկատի հետ: Մի քանի հոգի հաջողում է անցնել օղակն ու բարձրանալ Սասուն, իսկ մյուսները, հարկադրված, հետ են դառնում: Սասուն մեկնող երկրորդ խումբը, որի հետ էր նաև Հ. Կոտոյանը, երբ անցնում էր Մշո գետը Ձորի թաղում սկսվեց հրացանաձգություն: Հաջին հրամայեց վերադառնալ:

Մուշն ու Մշո գաշտը սպասողական վիճակում էին, գիտեին, որ թուրքերն իրենց չէին խնայելու, բայց զիտակցության ծալքերի ինչ-որ տեղում անթեղված մնում էին հույսի դալուկ կայծերը: Դիրքորոշումը որոշակի էր. նախահարձակ չինել և զենք վերցնել միայն այն ժամանակ, երբ թուրքերը կսկսեն ռազմական-ջարդարար գործողություններ: Հայությունը ամուլ, անորոշ կացության մեջ էր:

Իսկ թուրքերը դանդաղ, ոչ քիչ գեպքերում՝ աննկատ, նեղացնում էին շրջափակման օղակը: Հունիսի երկրորդ կեսին խզվեց կապը քաղաքի ու Դաշտի միջև: Կապը խզվեց նաև քաղաքին հարեան զյուղերի հետ: Բոլոր կողմերից կոտորածի ու բռնագաղթի վերաբերյալ լուրեր էին ստացվում: Ամեն օր մշեցիները լսում էին, որ Դաշտից ու քաղաքից նոր զինված խմբեր են անցնում Սասուն: Թուրքական զորքերը «անաղմուկ» զբաղեցնում էին քաղաքի վրա իշխող դիրքերը, թնդանոթներ տեղադրում:

¹ Բղեյեան Մ., նշվ. աշխ., էջ 360-361:

Մուշ քաղաքի հայ բնակչությունն անտեղյակ էր, թե Դաշտում ինչ էր տեղի ունենում: Առաջնորդարանը հայերին հորդորում էր զգույշ լինել, իշխանություններին գրգռող քայլեր թույլ չտալ: Իսկ քաղաքում գնալով շատանում էին զորքը և «քրտական հոծ բազմութիւնը, թրքական չեթէները եւ Մուշի դաշտին մօտիկ պատերազմող թուրքական բանակը կապ դրած էր բերաններուն»¹:

Հունիսի 27-ին Սերվեթը և Իթթիհաղի տեղական գործիչները Բեզեր էֆենդու միջոցով կանչում են Վարդան վարդապետին և քաղաքի հայ ավագանուն (թվով 350 հոգի) և ասում, թե Կարինի հայերն արդեն հետացել են քաղաքից և նույնը պետք է անեն նաև Մշո հայերը: Սերվեթն ասաց. «Ինձ անհայտ պատճառներով հրաման է ստացվել, որ դուք բոլորդ պետք է թողնեք Մուշը և տեղափոխվեք Դիարբեքիր՝ մինչև պատերազմի վերջը»²:

Իլիաս Սամին սպառնալից հայտարարեց, թե մեկնելուն նախապատրաստվելու համար երեք ժամ ժամանակ էր տրվում:

«Խեղճ Վարդան վարդապետ իգուր կ'աղաչէր, - գրում է Գ. Տեր-Կարապետյանը, - թէ երեք ժամ՝ ինչպես կարելի է պարպել... Գաղանները անդրդուելի կը մնան...

Երբ տեղահանութեան հրաման կը տրուէր, արդէն Մուշի հայոց թաղեր իրենց շրջակայ չորս բլուրեներէն պաշարուեր էին եւ ութ վաշտ զինուոր թնդանոթներ և հրացաններ ուղղուեր էին անոնց վրայ»³:

Վարդան վարդապետին 70 հոգանոց մի խմբի հետ քաղաքից հանում են ու տանում Բաղեշի ուղղությամբ: Ուղեկցողներից օնբաշի Աբդուլ Ռահմանը փորձում է նրա փարաջան թոցնել: Վարդապետը մտրակը ձեռքին հարձակվում է օնբաշու վրա ու սպառնում. «Բաղեշ հասնենք՝ քեզ ցույց կտամ»: Բայց Ծծմակի Քթի մոտակայքում հետեւից կրակում են նրա վրա: Սպանվում է ամբողջ խումբը: Օնբաշին շատ հայեր էր սպանել, բայց առանձնակի հապարտությամբ էր պատմում, թե ինչպես էր գնդակահար արել Վարդան վարդապետին: Հայ հոգևորականների դիակները լցնում են մարագն ու այրում:

Այդ ընթացքում Մուշ քաղաքում ահաբեկիչ իրավիճակը գնալով ավելի ու ավելի ահագնանում էր: Ամբողջ գիշերը հրացանաձգություն էր, որոտում էին թնդանոթները: Տեղի էին ունենում մահեղական խուժանի և զինվորների ժողովներ, հավաքներ, հնչում էին կոչեր՝ անմիջապես ձեռնամուխ լինել ջիհադի պահանջների կատարմանը:

Հունիսի 28-ին առավոտյան մի չափուշ շրջում էր քաղաքի փողոցներով ու գոչում. «Հայե՛ր, համաձայն մութեսարիթ փաշայի հրամանի, պարտավոր եք ժամը 10-ին հավաքվել կառավարական գրասենյակի մոտ՝ ձեր ձիասալյակներով, ձիերով, անասուններով, ձեր ամբողջ եղած-չեղածով և ընտանիքներով Դիարբեքիր գնալու համար: Ով չենթարկվի այս հրամանին, կարտաքսվի քաղաքից, իսկ նրա ունեցվածքը կբռնագրավվի»⁴:

¹ «Յուշամատեան Մեծ եղեռնի», էջ 431:

² ՀԱԱ, Փ. 1, ց. 1, գ. 219:

³ Սասունի Ա., նշվ. աշխ., էջ 844:

⁴ ՀԱԱ, Փ. 1, ց. 1, գ. 219:

Քաղաքի հայ բնակչության զգալի մասը հրաժարվեց տարագրության հրամանին ենթարկվել. «Բաղէշի ժողովուրդը, - մտորում էին մշեցի հայերը, - որ ի բնէ զինասէր յեղափոխական չէ եղած ... ինչո՞ւ զերծ չմնաց կոտորածեն, ինչո՞ւ չխնայուեցաւ անոնց կիներուն եւ երեխաներուն»¹: Մշեցիները որոշեցին. «...Փոխանակ ծունկի գալու, որ վատ դահիճը իւր հարուածները իջեցնէ մեր գլխուն եւ անպատի մեռնինք, նախապատի կը համարինք. որ ոչ ոք հեռանայ իւր տունէն, ամեն մարդ աշխատի կատարել իր պարտականութիւնը՝ ըլլայ զէնքով, ատրճանակով, սուրով, երկաթով եւ ինչով, որ կարենայ իւր վրէժը լուծել եւ իրրեւ մարդ մեռնիլ»²: Բայց հայերը լուություն էին պահպանում, ինչպես «մահուան դատապարտուածներ. կը զգուշանան ճիչ մը անգամ հանել», գիտեն, որ «թիւրքերը պատրուակ կը փնտրեն», որովհետև նաև լսել էին, որ անցած զիշերը իշխանությունները հանձնարարել էին, որ բոլոր «իսլամներ, զինուոր կամ չեթէ, առաւօտտան տունէն դուրս չելլեն ... եւ զգուշանան իրենց տուններու մէջ որեւէ հայ պահել»: Հետո «Ճիհատ կը քարոզուի զինուորականներուն ու չեթէններուն եւ քաղաքի այն թիւրք սրիկաններուն, որ ջարդին կը մասնակցէին»³:

Մուշ քաղաքում ջարդն սկսվեց հունիսի 27-ին: Իսկ «նենգաւոր լուսաբացին, յունիսի 28-ին՝ հայոց թաղերը չորս կողմէ թնդանօթի կը բռնուին, բոլոր ժողովուրդը ներսը փակուած, թնդանօթաձգութեան հետ միասնաբար ութըտասը հաղար հրացաններ կ'որոտան անրնդմէջ անգէն ու ահաբեկ ժողովուրդին վրայ, տունները կը հրդեռին, տունները կը փլին, աղեխարչ վայնասուններ ու աղաղակներ քաղաքը կը լեցնեն:

Ու թնդանօթները կ'որոտան...»⁴: Ռմբակոծությունն սկսվեց Վերին թաղից, որին միացավ Զորու թաղը: Օրվա վերջին՝ քաղաքի հայկական թաղերը կրակի, ավերմունքի ու կողոպուտի մեջ էին: Քրդերը թալանում էին և իրենց քիրվա (բարեկամ) հայերին ասում. «Եթէ հայերդ ջարդելու հրամանը ետ առնուեցաւ, ձեր եղածները դարձեալ ձեզի կը պատկանին, իսկ եթէ կը ջարդուիք, փոխանակ ուրիշներ օգտուելու, լաւ է, որ մենք առնենք, մենք իրարու բարեկամ եղած ենք»: Եւ Մոս Ստեփանի 60 ոչխարները կը տարուին Ճպրէ Զաթոյի կողմէ⁵:

Ե. Կարապետյանը Մուշ քաղաքի կովի սկզբի մասին պատմում է. «Սերվեթ փաշան հրամայեց չորս թնդանոթներ դնել քաղաքի բարձունքների վրա և դրանց փողերն ուղղել հայոց թաղերի կողմը: Քաղաքը շրջապատված էր զորքերով: Հաջորդ օրը փորձ արվեց բռնությամբ հայերին դուրս հանել իրենց տներից ու աքսորել: Խմանալով, որ մի խումբ հայեր Ասսատուր աղայի տանն ինքնապաշտպանության են կանգնել, Սերվեթը հրամայեց հրետանային կրակ բացել: Հայերը պաշտպանության կանգնեցին: Զորքը խուժեց քաղաք՝ ճանապարհին հրկիղելով հայերի տները: Հայերը նահանջելով կենտրոնացան Զորու թաղում: Քաղաքի թուրք բնակչությունն օգնում էր զորքին:

¹ Սաառնի Կ., նշվ. աշխ., էջ 379:

² Նույն տեղում:

³ Նույն տեղում, էջ 844:

⁴ Նույն տեղում:

⁵ Նույն տեղում, էջ 847:

Հայերը մեծ կորուստներ էին կրում, քաղաքն անընդմեջ ոմբակոծվում էր: Նրանց փամփուշտները սպառվում էին: Կանայք ու երեխաները լցվել էին նկողներն ու ձորերը»¹:

Մշեցիների երրորդ խմբին հաջողվեց Հունիսի 30-ին դուրս գալ ու բարձրանալ Կուրտիկ: Նույն օրը Վերին և Ս. Մարինե թաղի հայերի այն տները, որոնք ուզմավարական կարևոր նշանակություն ունեին, թուրքերը դատարկում են և դրանցում զորքեր են տեղափորում: Այդ մի քանի օրերի իրողությունները փոխում են չ. Կոտոյանի ծրագիրը: Նա որոշում է մնալ քաղաքում և պաշտպանության կանգնել: Նա քաղաքի հայության շրջանում անառկելի հեղինակություն էր և անմիջապես համախմբեց կովելու ընդունակներին: Այդ մոլորված ու շփոթ պահին չ. Կոտոյանը որոշում է անցկացնել քաղաքում մնացած մարտական խմբերի ժողով, որտեղ, ինչպես գրում է Ե. Պարսամյանը, խոսակցությունը «կը դառնար մահու եւ կենաց շուրջը...: Արտաքին աշխարհէն բոլորովին կտրուած, անգէտ թէ ի՞նչ կ'ընեն կամ ըրին միւս շրջանները...»²:

Չ. Կոտոյանի ղեկավարության տակ մտավ 30 կովող: Ահա այդ երեք տասնյակին վիճակված էր մահուկենաց կոիվ տալ հարյուրավոր անգամներ իրենից շատ թշնամու դեմ: Մշեցի հայերն աներևսակայելի սառնասրտությամբ էին ընդառաջ գնում զիսապտույտ արագությամբ զարգացող դեպքերին: Նրանք դիրքեր էին կառուցում, խրամատներ փորում, տների միջև հաղորդակցության անցքեր բացում, համալրում իրենց ջոկատները, և որոշում՝ կովել մինչև վերջին փամփուշտը:

Նրանք ասում էին. «Մենք կը կոուինք մինչեւ վերջին փամփուշտը: Եթէ Սասուն գտնուող մեր պարոնները մեր ճգնաժամը տեսնելով մեզ օգնություն փութան, արդէն փրկուած կ'ըլլանք, մեր յաղթանակը կատարեալ կ'ըլլայ, եթէ ոչ, կրկին անգամ, մենք մեր պարտաւորութիւնը կատարած կ'ըլլանք, թող անոնք ալ պատմութեան առջեւ պատասխան տան»³:

Չ. Կոտոյանի այս որոշման մասին հակադիր կարծիքներ կան: Բատ իս, իրավացի են նրանք, որոնք դա ճիշտ են համարում, որովհետեւ, միևնույն էր, ոչնչացվելու էին և պատվարեր էր մեռնել զենքը ձեռքին:

Ստեղծվեց ուզմական խորհուրդ, որոշվեցին դիրքերն ու դրանց հրամանատարները՝ Արոյի խումբը դիրքավորվում է «Սասոյի տանը, Տիգրանի խումբը՝ Զուլկենց տանը, Սամոյի խումբը՝ Խանամիրենց տանը, Հաջի Հակոբի խումբը՝ Կոնջոյենց տանը, Լ. Ասլանյանի խումբը՝ իրենց տանը»: Ընդհանուր հրամանատար՝ Չ. Կոտոյան, տեղակալ՝ Տ. Մկրտչյան: Հաջորդ օրը ոստիկանները փակում են Վերին թաղի փողոցները: Նրանք մտնում են տուն առ տուն և բոլորին ջարդում: Այդպես հասնում են Լ. Ասլանյանի տունը: Թակում են դուռը: Լ. Ասլանյանը թույլ չի տալիս դուռը բացել: Ոստիկաններն սկսում են

¹ ՀԱԱ, ֆ. 1, ց. 1, գ. 219:

² Սասունի Կ., նշվ. աշխ., էջ 893:

³ Բղեյեան Մ., նշվ. աշխ., էջ 389:

կրակել պատուհաններից ներս: Հայերը պատասխան կրակ են բացում և մի քանի ոստիկան սպանվում է:

Կոփին սկսվում է: Վերին թաղը անմիջապես վերածվում է ուղղմադաշտի: Զենք ունեցող հայերը դիրքավորվում են սեփական տներում ու կրակում: Թաղը խուժած թշնամին ծանր կորուստներ տալով հետ է փախչում: Շուտով կոփիկը տարածվեց նաև մյուս թաղերը և ընդհանուր բնույթ ստացավ:

Հայերի ղեմ կանգնած թուրքական բանակից 1500 հոգին օղակել էին քաղաքը: Թե՛ նրանք և թե՛ քաղաքում մնացածները նոր զորակոչված, բանակային կյանքին և կովկելու կանոններին անծանոթ, անզամ դինարական արտահպուստ չունեցող պատանիներ էին:

Հունիսի 29-ին հայերը «անանկ շփոթութեան կը մատնէին բոլոր թնդանօթաձիգները, որ անոնք անընդհատ կը տեղափոխէին թնդանօթները... Անոնց արձակած ուումբերեն ոչ մեկը իր նպատակին կը հասնէր»: Վերին թաղի զորքերը թուրքական գերեզմանատան քարերի հետևից անկանոն և անկապ կրակում էին տների վրա, հայերին վնասներ չեին պատճառում, որովհետև տների առաջ քարեր էին շարված և դրանց հետևում հողով լցված սնդուկներ էին դրված:

Առաջին օրը թուրքերը բազմաթիվ զոհեր տվեցին, իսկ հայերը՝ ոչ մի: Մշեցիները հրացանային կրակի տակ պահեցին Վերին թաղի վարժարանն ու եկեղեցին և թույլ չտվեցին, որ թուրք դինարակները դուրս ենեին ու մասնակցեին կովին:

Այդ օրը կովի գլխավոր հրապարակը Վերին թաղն էր, որը կովեց անեւսակայելի խիզախությամբ ու հնարամտությամբ: Թնդանօթները հայկական թաղերում ավերածություններ էին գործում: Հաջորդ օրը թուրքերը կարողացան հրդեհել Ս. Մարինե թաղի տները: Զորու և Վերին թաղերում հայերի դիրքերն աստիճանաբար օղակվում էին հրդեհներով:

Զորու թաղում հաջողվում է հետ շպրտել ներխուժող թշնամուն: Հայ նշանառուն մեկը մյուսի հետևից սպանում էր թուրք թնդանօթաձիգներին և անկանոն ու համեմատաբար քիչ վնասաբեր զարձնում ոմբակոծությունները:

Հաջողվում է Վերին թաղի կանանց և երեխաներին տեղափոխել Զորու թաղ: Հաջորդ օրը Վերին թաղը լքում են նաև այնտեղ մարտնչող 28 մարտիկները: Նրանց թիվն անշուշտ ավելի մեծ էր եղել: Գրեթե բոլոր տները վերածվել էին մարտկոցների: Տներ կային, որ ժամեր շարունակ դիմադրում էին թուրքերին մինչև թնդանօթային կրակի տակ չեին ընկնում և ավերվում: Թնդանօթներն սկսեցին ոմբակոծությունը կենտրոնացնել Զորու թաղի վրա, չնայած Վերին թաղում կոփին ամրող գիշեր շարունակվեց: Սաշքի Դուրանում տեղադրված թնդանօթները, օգտվելով հրդեհների լույսից, գնդակոծում էին կանգուն մնացած շենքերը:

Աստիճանաբար, բոլոր կովողները հավաքվում են Զորու թաղում: Արդեն նշվեց, որ կովի սկզբին հայերն ունեին 30 մարտիկ, բայց մարտական գործողություններն սկսվելուց հետո նրանց թիվը գնալով աճեց, նոր մարդիկ պաշտպանության կանգնեցին: Գնալով աճեց նաև դիմադրության կետերի թիվը: Կովողներին մեծ օժանդակություն էին ցույց տալիս կանայք ու երեխաները՝ հաց, ջուր, փամփուշտ էին բերում, ոգևորում խոսքով ու երգով:

Զորու թաղում կովի սկզբի վեց դիրքի փոխարեն հունիսի 30-ին կար 13 դիրք, որոնց հրամանատարներն էին Շահկա Արոն, Գանջյենց Նազարը, Իսպանդարյան Սամսոնը, Բղեի Արթինը, Թարգի Խաչիկը, Կիտուրի Արամը, Նալբանդյան Տելեմակը, Թաղանի Կարոն, Սիմոնյան Ալեքսանը, Ղաղարի Հայկը, Զուլինց Հովհաննեսը և Բալոյենց Միքայելը:

Հերոսական դիմադրություն ցույց տվեց նաև Բրդի թաղը, մասնավորապես Ամրո Գասպարի և Թարգի Գրիգորի տները: Նրանք դիմադրեցին այնքան ժամանակ, մինչև որ բոլորով մնացին ոմբակոծությունից քանդված տների փլատակների տակ:

Հունիսի 30-ին մի քանի անգամ վիրավորվում է Հ. Կոտոյանը, բայց դիրքերը չի թողնում: Երեկոյան Մ. Բղեյանենց տանը տեղի է ունենում Մուշքաղաքի ուղղմական խորհրդի նիստը: Պաշտպանվողներին մնացել էր միայն 8.000 փամփուշտ, այսինքն՝ երկու օրում օգտագործվել էր 24.000 փամփուշտ, ամեն մարտիկ օրվա ընթացքում ծախսել էր 200 գնդակ: Որոշվում է նույն գիշերը երիտասարդ ուժերին քաղաքից հանել և ուղարկել Քանասար:

Հավանաբար բանը միայն փամփուշտների սպառվելը չէր, որ երիտասարդ մարտիկները հեռացան: Թերևս ճիշտ էր Կ. Սասունին, երբ գրում էր. «Դիրքերու մեծ մասը խորտակուած էր եւ դիմադրութեան որեւէ ամուր կէտ մնացած չէր»¹:

Այո՛, Մշո մի բուռ երիտասարդներ երեք օր աներևակայելի քաջությամբ կովեցին բազում անգամ գերակշիռ թշնամու ու նրա հրետանու դեմ: Դա իրողություն էր և ոչինչ անբնական չկար, որ նրանց դիրքերը իրոք ավերվել էին և այլսս մարտը շարունակելն անհնար էր, մանավանդ որ ամենքի մոտ մնացել էր ընդամենը 15-20 փամփուշտ:

Անհնար է չհիանալ մշեցի հայերի խիզախությամբ: Նրանք կովում էին քաջ գիտենալով, որ ժամ առ ժամ մահը մոտենում է, որ փրկությունը, և առավել ևս, հաղթանակն անհնար էր: Թշնամու ձեռքը չընկնելու համար վերջ էին տալիս իրենց կյանքին: «Կնճոյենց Գաբրիէլն ու Խոչկայ Կարագը, իրենց ընտանիքին բոլորին իրենց ձեռքով թոյն կու տան, ասոնց կը հետեւին ժողովրդէն շատերը»²:

Հունիսի 30-ը օրհասական օր էր: Թնդանոթները ոմբակոծում էին առանց դադարի: Զորու թաղը շրջանաձև պաշտպանության էր կանգնել: Հայերի բոլոր դիրքերը ոմբակոծվում էին: Պաշտպանները քանդված դիրքերը վերականգնում էին կամ ուրիշ տներ փոխադրվում: Թուրքերը թնդանոթները մոտեցնում են թաղին, նշանառու Զախարիանց Հուսիկը սպանում է ևս մի քանի հրետանաձիգի, բայց ինքն էլ մնում է ոմբակոծությունից փլվող տան քարերի տակ: Նոյնիսկ այդ օրհասական պահին Հ. Կոտոյանը կազմակերպում է Հուսիկի և Զքոյի թաղումը: Նրանք առաջին նահատակներն էին: Թաղման արարողությունը կատարում է Ե. Պարսամյանը: «Բայց կոխվը կը դառնար ահաւոր: Թնդանօթներու եւ հրացաններու ձայներէն մարդ կը խլանար: Հրդեհն ամեն կողմէ Զորու թաղի

¹ Սասունի Կ., նշվ. աշխ., էջ 906:

² Պարսամյան Ե., նշվ. աշխ., էջ 56:

կեղրոնին կը մօտենար: Կոռուղներն ու ժողովուրդը ծուխի ու փլած տուներու փոշիի մէջ կը կորսուէին շատ յաճախ»: Զորու թաղում էր Հավաքված քաղաքի կենդանի մնացած ամբողջ ժողովուրդը: Տներն իրար հետևից տապալվում էին, կանգուն էին մնացել միայն այն տները, որոնք պաշտպանության խորքում էին կամ ձորում: Ժողովուրդը, մոլորված, տարուրերվում էր, ալիքավորվում, իրեն փողոցից փողոց նետում: Բայց Համատարած ավերում էր, հրդեհ, ծուխ, անգամ շնչելու օդը չէր բավականացնում: Մի բնորոշ փաստ: Երբ սասունցիները լսեցին Մշո անհույս մաքառման մասին նրանցից մի քանիսը դիմեցին Ռուբենին՝ օգնության հասնելու քաղաքին: Փաշան անտարբեր պատասխանեց. «Երթանք ալ՝ անօգուտ է, ոչինչ կարող ենք ընել, մեր ամենալաւ գործը պիտի ըլլար ամրանալ եւ ամրացնել Սասունը եւ դիմադրել մինչեւ ուսական բանակին գալը»: Նման մոտեցումը ձեռնտու էր միայն թշնամուն, որը դրանից օգտվելով հիմնովին բնաշնչեց Մշո դաշտի ու Մուշ քաղաքի հայությանը¹:

Նկարագրում է Ե. Պարսամյանը. «...Փետտուած մազերով այլայլուած կիներ, դակացած դէմքերով մատաղ կոյսեր, ապշահար ու անտէրացած երեխաներ, վշտարեկ եւ յուսահատ այրեր, ջղայնացած կուողներ իրար հրմշտելով, իրար տրորելով, իրարու ուսին բարձրանալով Համբին կը փնտուէին... Անըմբոնելի իրարանցում, հոգեւարքի սարսափելի հոնդիններ: Բայց Համբին կիսասթափ ցասումով մը կը դիտէր չորս կողմը, հրացանի փողէն բռնած... Կարծես մարմնացումը ըլլար այդ հոգեւարք ամբոխի բովանդակ հոգերանութեան: Կը մեղմանար կարծես, արգահատանքով լի նայուածքով մը կը սկսէր նայիլ յորձանուտ ջուրի մը ալիքներուն նման իր շուրջը ալեկոծուող բազմութեան, կ'երդուրնար նահատակներու, երկնքի, երկրի եւ Աստուծոյ անունով, որ ինքը տեղ չպիտի երթար... պիտի կոուէր և եթե մեռնիլ հարկ ըլլար, պիտի մեռնէր իրենց հետ...»²:

Գիշերը մշեցիները խումբ-խումբ թողեցին քաղաքը և շարժվեցին տարրեր ուղղություններով՝ հույսի մարող կրակը սրտերում: 600-700 մարդ հեռացավ քաղաքից, որոնց մի մասը զոհեց քաղաքը շրջափակած դինվորների հետ բախումների ընթացքում: Շատեր, այդ թվում Ե. Շարաֆյանի 70 հոգանոց խումբը հաջողեցավ բարձրանալ Սասուն:

Շահկայի Արոյի 100 հոգանոց խումբը կատաղի կովով ճեղքում է զինվորների շղթան ու հասնում Հավատորիկ: Զաքարիայի խմբի մի մասը Մշո այգիների հնձաններում մարտի մեջ է մտնում և լրիվ կոտորվում: Ե. Պարսամյանի 230 հոգիանոց խումբը, կազմված հիմնականում զեռահասներից, թաքնվում է Մոկունքի այգիներում: Նրանք այստեղ բազմաթիվ դիակներ են տեսնում և պարզում որ Տերգեվանքի զյուղացիներն են, որոնց ջարդել են հունիսի 23-ին: Այս խմբին փրկում է Ս. Իսկանդարյանի ջոկատը, որը մի քանի ժամ տևած կատաղի կովում պաշտպանում է խմբին և հաջորդ օրը գիշերը ուղեկցում նրան դեպի Քանասար:

Հ. Կոտոյանը չհեռացավ, չբաժանվեց քաղաքում մնացած, մահվան սար-

¹ Տարոնցի Ա., նշվ. աշխ., էջ 206:

² Սասունի Կ., նշվ. աշխ., էջ 904:

սուռի մեջ գտնվող մշեցիներից: Նրա հետ մնացին Մամիկոն Պետրոսյանը Սիսակ Կոնջոյանը և Էլի մի քանի մարդ:

Առավոտ վաղ Հակոբը մտավ դիրք և շարունակեց կոփվը: Կովեց մինչև երեկո, կրակեց վերջին փամփուշտը:

Ողջ մնացած վերջին մշեցիները նույնպես շարունակում էին պայքարը: Կովում էին ինչով պատահեր հրացանով, երկաթով, փայտով ու քարով: Դիմադրեցին քանի դեռ չնչում էին:

Դրանից երեք օր անց էլ, երբ թուրքերը շարունակում էին ավերակների մեջ մարդ փնտրել ու սպանել զրանցում մնացած հայերը, վերջիններս պարպում էին վերջին գնդակը թշնամու վրա և ինքնասպան լինում: Թուրքերը ավերակների մեջ գտնում են մի անդամալոյցի և ոտներից քարշ տալով տանում Ա. Կիրակոսի մոտերքն ու սպանում: Գտան նաև 12 տարեկան մի տղայի և տարան հրապարակ, վրան նավթ լցրեցին ու այրեցին¹:

Կոտոյան Հաջիի գործունեության մեջ նշանակալից է նրա կնոջ՝ Յուղոյի դերը: Մինչև կոտորածը նա ամուսնու քրոջ՝ Փառանձեմի հետ զբաղվում էր ընդհատակյա քաղաքական գործունեությամբ, միշտ պատրաստ ամեն զոհողության՝ հանուն հայրենիքի ազատազրության: Բացառիկ հնարամիտ էր, ճարպիկ, անվախ: Քանիցս բանտ էր ընկել, չարչարանքների ենթարկվել, բայց միշտ մնացել էր աննկուն, գաղտնապահ:

Մուշի պաշտպանության ժամանակ նա ամենաեռանդուն օգնությունը ցույց տվեց ամուսնուն՝ սեփական տունը վերածելու անառիկ բերդի: Կովեց ամուսնու և որդու հետ կողք կողքի: Որդին երկրորդ օրը սպանվեց, իսկ նա շարունակեց կովել: Այլևս փամփուշտ չկար և ոչ էլ փրկվելու հույս: Հ. Կոտոյանը նախ գնդակահարեց իր զավակներին, կնոջն ու քրոջը, կրակի տվեց տունը և ապա ինքնասպան եղավ²:

Ժամանակակիցներն առանձնակի հիացմունքով են գրում Մշո կանանց հերոսական կեցվածքի մասին: «Ու ինչպես չը սքանչանալ ու չը հիանալ մշեցի հայ կիներու վրայ, որոնք ամենքն ալ լացն ու վախը թողած փոքր տղոց իբրեւ բաժին, իրենք կը մասնակցէին այդ անհաւասար գոտեմարտին, իրենց կոռուղներուն ջուր, հաց, ուազմամթերք հայթայթելով, դիրքեր շինելով, անձերովը կոռուղները պաշտպանելով իրենց չորս կողմը, խնդուն դէմք ցուցնելով հերոսական կեցվածքի մասին»:

Ծնան աղջիկ, ապրեցան տանջանքը եւ մեռան իբրեւ հերոս տղամարդ»³:

Զարդից առաջ քաղաքն ուներ հայաբնակ հինգ թաղ, որոնցից Վերին թաղում՝ 450, Զորու թաղում՝ 350, Ս. Մարինեի թաղում՝ 370, Բրտի թաղում՝ 360, Ճիկրաշենի թաղում՝ 300 տուն կար: Ընդ որում՝ Վերին թաղի տներից 20-ը, Ս. Մարինեի թաղի 30, Բրտի թաղի 180, Ճիկրաշենի թաղի 200 տները թուրքերին էին:

Մուշը դիմադրեց հինգ օր: Կովող մարտիկների թիվը չէր անցնում 60-ից:

¹ «Տարօնի արծիւ», 1939 թ., № 10, էջ 30:

² Զեյթլեան Ս., Հայ կնոջ գերը հայ յեղափոխական շարժման մէջ, Պէյրութ, 1968, էջ 82-83:

³ Պարսամեան Ե., նշվ. աշխ., էջ 55-56:

«Ես կներկայացնեմ միայն մի վավերագիր,- գրում է ԱՄՆ-ի դեսպան Հենրի Մորգենթաուն,- զարմանալին այն է, որ այդ գեկուցագիրն ինձ տվել է մի գերմանացի քարոզիչ և ես դա թղթին եմ հանձնել անմիջապես դեսպանատանը: Ահա այն. «Շատ հաճախ մենք չգիտենք (Մուշ քաղաքում) որտեղ պատսպարվել: Բոլոր կողմերից շրջապատված էինք այնպիսի հարևաններով, որոնք ամեն բռնկ կարող էին մեզ գնդակոծել լուսամուտներից, մանավանդ գիշեր ժամանակ: Հիվանդապահուհին ու ես քնում էինք հատակին՝ հրացանի գնդակներից պաշտպանվելու համար: Որբանոցի պատերը ծակծկվել էին թնդանոթի հարվածներից: Ես հարկադրված եղա որբերին մենակ թողնել: Կառավարական մի նոր հրամանի համաձայն, մենք պետք է նրանց հանձնեինք տեղական իշխանություններին թե՛ մեծերին և թե՛ փոքրերին... Իմ բոլոր թախանձնքներն ու բողոքները անհետևանք մնացին ... Հարկադրված եղա դիմելու կառավարչին: Նա կանգնած էր մի թնդանոթի մոտ և իրեն պահում էր գերագույն հրամանատարի նման, չուգեց անգամ ինձ լսել, դարձել էր մի իսկական հրեշ: Գեթ երեխաներին խնայելու համար իմ արած թախանձնքներին նա պատասխանեց. «Դուք կամենում եք, որ հայ երեխաները մենա՞կ մնան մահմեղականների մեջ: Պետք է, որ նրանք էլ մեկնեն մյուսների հետ»: Նա մեզ թույլատրեց պահել միայն երեք աղջիկների, այն էլ՝ որպես սպասուհիներ:

Նույն օրվա կեսօրից հետո ես ստացա առաջին տեղեկություններն այն (Մուշի) սոսկալի եղելությունների մասին, բայց հավատ չընծայեցի դրանց: Այդ առաջին լուրերն ստացել էին մի քանի հայ ջաղացպաններ ու հացագործներ, որոնք չեն տեղահանվել, որովհետև նրանց ծառայությունները դեռևս անհրաժեշտ էին կառավարությանը: Ասում էին, որ տղամարդկանց կապելուց հետո, քաղաքի պատերից այն կողմ գնդակահարել էին: Կանանց ու երեխաներին քչել էին մոտակա զյուղերը և տներում հարյուրներով կենդանի այրել էին, իսկ մնացածներին նետել էին ջուրը: Մեր շենքերը գտնվում էին քաղաքի գլխավոր թաղամասում և այդ պատճառով լուրերը մեզ հասնում էին անմիջապես: Մի քիչ ավելի ուշ, փողոցներում արդեն կարելի էր տեսնել կանանց ու երեխաների՝ արյունաթաթախ ու ողբալի վիճակում... Ո՞վ կարող է նկարագրել այդ տեսարանը, եթե դրան ավելացնենք նաև հրդեհված տների տեսքն ու այրված դիակների գարշահոտությունը:

Մի շաբաթվա ընթացքում գործը գրեթե ավարտված էր: Սպաներն այժմ պարծենում էին իրենց քաջագործությամբ, որ այդքան հաջող կերպով կարողացել էին բնաջնջել ամբողջ հայ ժողովուրդը: Երեք շաբաթ անց, երբ մենք հեռանում էինք Մուշ քաղաքից, զյուղերը դեռ վառվում էին: Հրամայված էր՝ քաղաքում ու զյուղերում հայերի ունեցվածքից բան չժողնել:

Միայն Մուշ քաղաքում ապրում էր 25 հազար հայ: Բացի դրանից, քաղաքի շրջակայրում կային 300 բազմամարդ հայկական զյուղեր: Մենք մեկնեցինք Մեզքե: Մեզ ուղեկցող զինվորները հպարտությամբ պատմում էին, թե իրենք որտեղ, ինչպես և որքան կանանց ու երեխաների էին սպանել»¹:

Մուշի ինքնապաշտպանության պատմությունը լավ ուսումնասիրված չէ:

¹ «Red Cross Magazine» 1918, Mars: Stein Morgenthau H., «The Greatest Horror in History».

Նա ունի շատ մութ կետեր, անհամապատասխանություններ, մի քանի խնդիր-ներում առկա են իրարամերժ կարծիքներ:

Ալմա Յոհանսոնը գտնում է, որ քաղաքը ոմբակոծում էին 11 թնդանոթներ, լրացացիչ բերվել էր 2000 զինվոր: Նա գրում է. «Կեսօրին (խոսքը հունիսի 27-ի մասին է) մութեսարիփը հայ երևելիներին հավաքեց ու ասաց, թե երեք օրից բոլոր հայ տղամարդիկ պետք է հեռանան Մուշից: Նրանք կարող են իրենց ընտանիքներին թողնել տեղում: Հայերի ամբողջ ունեցվածքը պատկանում է պետությանը: Հարուստները համաձայնվեցին, իսկ մյուսները դա համարեցին մահաբեր և որոշեցին իրենց ընտանիքների հետ մնալ, և եթե կոտորածի փորձ արվի, թանկ վաճառել իրենց կյանքը: Մի քանի ժամ անց զինվորները խուժեցին հայերի տները: Հաջորդ օրը վաղ առավոտյան հրացանային կրակի աղ-դանշանով սկսվեց ոմբակոծությունը: Բոլոր թուրքերը զինված էին և զինվո-րական ջոկատներին առաջնորդում էին հայերի տները: Որոշ տներից հայերը կրակ բացեցին: Սակայն չուտով քաղաքը սուզվեց կրակի բոցերի մեջ: Հաջորդ օրն առավոտյան ոտքի հանվեց կանանց ու երեխաների առաջին քարավանը: Մի խումբ կանայք սպանվեցին հենց որբանոցում: Հայտարարեցին, թե մշեցի-ներին արսորում են Ուրֆա: Քաղաքում մնացել էին հատուկենտ տղամարդիկ, որոնց բոնեցին և Մուշից դուրս հանելով գնդակահարեցին, իսկ կանանց երե-խաների հետ տարան մերձակա զյուղերը, լցրեցին տներն ու մարագները և հրդեհեցին: Շատերին նետեցին գետը: Կանանց մի մասին առևանդեցին: Այսինքն՝ Մուշի ամբողջ բնակչությունը ոչնչացվեց տեղում, առանց բռնա-դադի:

Քաղաքում ոմբակոծությունը շարունակվեց երեք, իսկ հրացանաձգու-թյունը՝ յոթ օր: Ամենուրեք թափած էին դիակներ, որոնց մի մասին հոչոտել էին շները»¹:

Ա. Յոհանսոնը Մշո եղեռնագործությանն անդրադարձել է բազմիցս: 1917 թ. հոկտեմբերի 1-ին նա գրում է. «Մշո հայկական թաղերը լրիվ այրվեցին, իսկ բնակչությունն ամրողջությամբ գնդակահարվեց, բացառությամբ մի քանի հարյուր կանանց ու երեխաների... Բոլոր հայերն սպանվեցին իրենց տներում... Ես տան բակում թաղեցի առաջին երեք գոհերին, ապա կառավարությունից եկան պարետն ու շտաբի սպան զինվորների հետ և տարան բոլոր երեխա-ներին: Նրանցից ողջ մնացածներին հավանաբար աքսորեցին Միջազետք: Ես միայն երեք հասած աղջիկների իրավունք ունեի ինձ մոտ պահել որպես ծա-ռաներ: Հաջողվեց հետ ստանալ նաև երեք ուսուցչուհու, որոնց հետ էլ մեկնեցի Մամուրեթ ուլ-Ազիդ: Մնացած բոլոր երեխաները, ինչպես նաև որբանոցի սա-ներն ու ծառայողները, սպանվեցին, մեծ մասին կենդանի այրեցին տներում: Իհարկե, եղան հայեր, որոնք մինչև ջարդերի սկսվելը հեռացան Մուշից, ումանց հաջողվեց փախչել Ռուսաստան:

Քաղաքը ավերակի էր վերածվել ... Վարդան վարդապետին զզվելի ձեռվ խարեցին, իսկ ապա վալաղը գնդակահարեց նրան²:

¹ Kons / Ankara, 98, Ab. 10299.

² R. 14097, Ab. 34435.

Մելիքյան Ա., հայ կամավոր. - «Եթե քաղաքի թուրքական թաղը շատ չի տուժել, հայկական թաղամասը ընդհակառակը, բոլորովին ամայացած է: Միայն մի քանի տներ չեն տուժել: Իսկ ամբողջ թաղը, այսինքն՝ քաղաքի կեսը՝ մոտ 50 հազար բնակիչ, հիմնահատակ է արված մեթոդիկ ու խնամքով, տեղտեղ քարը քարի վրա չէր մնացել... Ամենուրեք ավերակ էր... Ամենուրեք մեռածներ, կմախքներ, ամեն տեղ ավերածության անմիտ շղթայագերծում: Ինչ որ խնայել էին այդ վայրենիները, կրակն էր մոլոր դարձրել:

Ես շրջում էի Մուշի մնացորդների մեջ, երբ պատահեցի լեռներում կոտորածներից ազատված փախստականների... Վտարանդի իրենց գյուղերից, անպատճառ, անզգեստ, մտամոլոր, քաղցից ու Հոգնածությունից մահամերձ, ողբայի դրության մեջ էին... Համարյա տղամարդ չկար նրանց մեջ, բացի մի քանի ծերերից, որոնց թուրքերն, անշուշտ, արհամարհել էին: Գրեթե մերկ երեխանները կմախքների էին նմանվում, այնքան սոսկալիորեն նիհարել էին, որ կարելի էր այդ չորացած փոքրիկ մարմինների ոսկորները համրել, նրանց ամեն օր հավաքում էին Մշո շրջաններից: Այս թշվառ որբերը, որոնց գտնում էին թոնրի մեջ պահպատ և կամ զեղերելիս՝ իրենց սպանված ծնողներին փնտրելով, ավելի նման էին վայրի կենդանիների, քան մարդկային արարածների: Նրանց դեմքն արտահայտում էր այն խրոնիկական երկուղը, որ խոր դրոշմ էր թողել երեխանների վրա: Նրանք կարծես դեռ ապրում էին իրենց տեսած վայրագությունները..

...Տեսա մի մանկահասակ աղջիկ, որ նստած մի տան մոտ, լաց էր լինում: Մոտեցա և նկատեցի, որ նա գրավիչ զեղեցկություն ուներ... Նրա ծնողները սպանված էին, եղրորը թուրքերն էին տարել իրենց հետ: Իսկ նա կենդանի էր մնացել, որպէս մի թուրք սպա պահել էր նրան և չարաչար վարվել հետը: Մի հարուստ հայի նախ կտրեցին ականջները, հետո քիմը, հետո ծոծրակը կտրելով՝ լեզուն հանեցին, և գտնելով, որ այդքան տանջանք բավական չէ՝ աչքերը հանեցին: Այդ բոլոր նողկալի գազանությունները կատարվեցին վաճառականի խուլ և անդամալույծ մոր ներկայությամբ... Նրա կինը խելագարվել ու փախել էր լեռները և երկար ամիսներ ապրել էր խոտ ուտելով: Գիշերները երբեմն իջնում էր գյուղ ու թափառում իր տան ավերակների շուրջը, և այնտեղ, մի քարի վրա նստած, երկար ու աղեկեղ ճիշեր էր արձակում:

Մի ուրիշ հայից ոստիկանությունը 1000 ոսկի պահանջեց: Հայը վճարեց: Հետևյալ օրը ժանդարմները դարձյալ եկան և տունը շրջապատելով՝ սկսեցին դուռը կոտրել... Տեսնելով իր անխուսափելի կործանումը, նա հավաքեց զավակներին և դիրք բռնեց տան մեջ: Թուրքերը չկարողացան ներս խուժել և հրդեշեցին տունը.. Կանայք սրտակեղ աղաղակ էին բարձրացրել և պատուհանից վայր նետվել դահճաների սվինների վրա: Վերջում, պատուհաններից մեկին երևաց մի կին, երեխային գրկած, հագուստն արդեն վառվելիս, աչքերը՝ ահարկու: Սարսափելի մի ճիշով իր ատելությունը թափեց թուրքերի վրա և երեխայի հետ միասին վար գահավիժեց: Բոլորը կորան կրակի մեջ:

Մի ծերունի պատմեց, որ թուրք հարուստների հարեմները հայ կանանցով լցված էին: Նա մեզ առաջնորդեց դեպի հայոց գերեզմանատուն, որտեղ շիրիմները պեղված էին և որտեղ տասնյակներով դիակներ էին թափած:

Մշո դաշտով շարժվում էինք դեպի Տիգրանակերտ: Քանի առաջանում էինք, Հանդիպում էինք դիակների, երբեմն առանձին, երբեմն էլ կույտերով, դիզված գյուղերի մեջ: Սոսկալի տեսարան էր մեր անցած ամբողջ շրջանում: Դես ու դենը՝ ավերակների տձեւ կույտեր:

Մուշից դեպի Սասուն 7-8 կմ Հեռավորության վրա գտնվող մի հիմնովին ավերված բնակավայրում, թուրքերը չեխ բավականացել սպանելով բոլոր բնակիչներին: Նրանք շրջակա բնակավայրերի հայերին ևս այստեղ էին բերել՝ բոլորին միասին կոտորելու համար:

Մտանք ճամփի վրա գտնվող մի տուն, որ լի էր դիակներով ու կմալքներով: Սրանք հարյուրներով էին ընկած... Թվում էր, թե խոսում էին այդ փշաքաղող գանգերը, մի քանիսին արդեն մկները կրծել, այլանդակել էին, ուրիշների վրա դեռ մազեր կային...

Թոնիրի մոտ ընկած էր մոտ 20 մարդ, իրար վրա թափված... Թվում էր, թե նրանք դեռևս ցնցվում էին վերջին րոպեի սոսկումից, եղը մահը վրա հասավ:

Մի քանի քայլ դենը մի շատ փոքր տնակ նույնպես լի էր ամեն մեծության կմալքներով ու գանգերով՝ կային փոքրերը, մեծերը, միջակները: Կային ջախջախված գանգեր, կմախքներ՝ երբեմն այնքան այլանդակված, ճզմված և սարսուղղեցիկ, որ անկարելի էր զսպել արցունքը:

Կային դեռատի աղջիկներ... բռնաբարված և ապա սպանված...

Կային մանավանդ փոքր դիակներ, իրենց պզտիկ շորերով... Հաճախ էինք տեսնում գրկախառնված երկու դիակներ՝ մայրն ու երեխան...

Եկեղեցի մտնելով, ամենից առաջ խորանի վրա տեսանք մի տասնյակ կտրված ու կարգով շարված գլուխներ... Գետինը ծածկված էր դիակների անհամար բազմությամբ և այդ խառնիճաղանջից բարձրանում էր մի խիստ սառը, ծանր գարշահոտություն»¹:

Շիրակյան Ա., ժամանակակից - «Մշոյ հայկական թաղերը թնդանօթի բռնուեցան: Հայերուն համար սկսաւ յուսահատական պայքար, քանդուող տուներեն կատաղորեն կը դիմադրեին, բայց իզուր, ավերակույտի վերածուած թաղերէն կ'անցնէին մէկ ուրիշը, շատերը իրենց հարազատները թուրքերուն ձեռքը չձգելու համար կրակի կու տային պատենական տունը եւ կը նահատակուէին բոցերուն մեջ: Ռմբակոծութեան երկրորդ օրը քաղաքի հայ ընակչութիւն մնացած էր 10-12,000 հոգի, որ վճռեց գիշերը դուրս գալ հրդեհէն լափիզուող քաղաքէն, նահանջի ժամանակ նշմարուած ըլլալով թշնամիէն, կրակի բռնուեցան ու փախչողներուն հազիւ կէսը կրցաւ ապաստանիլ մօտակայ լեռները: Յաջորդ օրը քիւրտերը հաւաքեցին վիրաւորները եւ քաղաքին մէջ մնացողները ու խարոյկներու մէջ նետեցին զանոնք»²:

«El Dia»-ն գրեց. - «Մուշում հայերը պատսպարվեցին եկեղեցիներում ու քարերով չորս օր շարունակ անհույս պայքար մղեցին: Բայց թուրքական հրետանին, գերմանացի սպաների զլսավորությամբ, վերջ տվեց նրանց կյանքին:

Հուլիսի սկզբներին Մշո կառավարիչը հայերից պահանջեց հանձնել զենքերը...»

¹ Մելիքյան Ա., նշվ. աշխ., էջ 13-25:

² Շիրակյան Ա., նշվ. աշխ., էջ 45-46:

Հայերը սարսափելի չարչարանքների են ենթարկվել՝ պոկել էին նրանց եղունգները, քաշել ատամները, կտրել քիթը: Շատերը չդիմացան խոշտանգումներին: Երբ կանայք մոտենում էին իշխանության ներկայացուցիչներին՝ իրենց հայրերի, ամուսինների և եղբայրների համար խնդրելու, բռնարարվում ու խեղանդամ էին արփում:

Մուշում հայերը զոհվեցին պայքարելով, և երբ լուսվյուն տիրեց, ավերակներում մուսուլմանական ամրություն երեխաններին քարշ տվեց քաղաքից դուրս, դեպի մեծ ճամբարները, որտեղ գտան նրանց բնաջնջելու ամենահեշտ միջոցը՝ մեծ գոմերի մեջ փակեցին ու ողջակիզեցին: Անօգնական կանայք ու երեխանները մեղքել են բոցերի մեջ... Դահիճներն անօրինակ դաժանությամբ երեխանների ոտից բռնած՝ նետում էին կրակի մեջ բացականչելով՝ «Ահա ձեր առյուծները»: Օրեր շարունակ օդում զգացվում էր մարդկային մսի հոտը:

Խարբերդցի սայլվոր, որին հարկադրել էին Տարոն զենքեր տեղափոխել. — «Թուրքական բանակն ու բաշխրողուկները պաշարել էին հայոց թաղերը: Հավանաբար հայերն ուժեղ դիմադրություն էին ցույց տալիս, քանի որ թուրքերը քայլ իսկ առաջ չէին անում: Սկսեցին հայոց թաղերը ոմքակոծել: Հայերը վեց օր դիմադրեցին: Փլատակների տակից հանված տղամարդիկ տեղն ու տեղը սպանվեցին, իսկ կանանց ու երեխաններին սայլերով քաղաքից հանեցին: Գիշերն սկսվեցին բռնությունները նրանց նկատմամբ: Առավոտյան բոլորին մերկացրին, լցրեցին գոմն ու հրդեհեցին: Բիթլիսի ճանապարհը լցված էր դիակներով, սայլվորներին հարկադրեցին դրանք հավաքել ու լցնել ձորը: Սայլապանների մեջ համաձարակ սկսվեց: Բոլոր հիվանդներին ապանեցին: Քարավանը հասավ Դիարբեքիր, բայց թույլ չտվեցին քաղաք մտնել»:

Արար չորս սպանների վկայությունները, որոնք ծառայելիս են եղել թուրքական բանակում.՝ Նրանցից լեյտենանտ Հասան Մասրուֆը 1915 թ. Մուշում, Բիթլիսում, Սղերդում, Երգնկայում և Մամախաթունում տեղի ունեցած ահավոր ու վայրագ չարագործությունների մասին մի նկարագրություն է հանձնել: Մուշում փայտատներում կենդանի այրած կանանց ու երեխանների նրա նկարագրությունը կատարելապես համապատասխանում է Կապոյտ գրքի նո. 22 փաստաթղթի բովանդակությանը. «Մուշում փողոցները ծածկված էին հայերի դիակներով: Հենց որ մի հայ փորձում էր դուրս գալ տնից, անմիջապես ոչնչացվում էր: Նույնիսկ չինայեցին ծերերին, կույրերին ու հիվանդներին: Իրար շատ մոտ գտնվող Մուշի և Խնուսի միջև տեսել եմ հայերի դիակներով լցված երկու ձոր, յուրաքանչյուրի մոտ՝ 400 դիակ, մեծ մասամբ դրանք տղամարդկանց դիակներ էին: Մի այլ ձոր լցված էր միայն փոքր երեխանների դիակներով: Ղարա Շաբանում տեսա մեծ քանակությամբ հայերի դիակներ, որոնք լողում էին Մուրադ գետի վրա»:

Մուշի փողոցում հայերի դիակները ցրված էին այս ու այն կողմ: Եթե մի հայ համարձակվեր դուրս գալ, վայրկենապես կսպանվեր: Զէին խնայում նույնիսկ ծերունիներին, կույրերին ու հիվանդներին: Մուշից Խնուս գնալու ճանապարհին դաշտերում ես տեսա հայերի անգույխ դիակներ: Խնուսի և Շերքիսեքեռուի միջև գտնվող երկու հովիտները ծածկված էին դիակներով:

Հիմնականում տղամարդկանց դիակներ էին: Յուրաքանչյուր հովտում կար մոտ 900 դիակ¹:

«The New York Times»-ը 1915 թ. հունիսի 1-ին գրում է. «Մայիսի 12-ին քրդական մի քանի հեծյալ ավաղակախմբեր հարձակվեցին Մուշի հայկական թաղամասերի վրա: Նրանք նախ գրոհելով շուկայի խանութների վրա այրեցին, սպանեցին ու կողոպտեցին: Կոտորածը տևեց մինչև կեսգիշեր, դրան մասնակցում էին նույնիսկ ժամապահ ոստիկանները: 250 մարդ սպանվեց: Ծեր կամ տղեղ կանայք՝ սպանվեցին, իսկ երիտասարդ ու գեղեցիկները՝ գերվեցին»:

Մանղելչտամ Ա. - «Մուշն ամբողջությամբ այրվեց: Մի քանի վերապողներ ուղարկվեցին Ուրֆա: Յուրաքանչյուր սպա պարծենում էր անձամբ սպանած հայերի թվով:

Թուրք կառավարության հիշատակագիրը («Ճշմարտությունը» և այլն) բոլորովին լուսում է Մուշի, Բաղեշի և Սասունի արյունալի ղեպքերի մասին: Նա բավականանում է թուրքիկ կերպով նշելով, որ 1914 թ. վերջին՝ Մուշում և Խիզանում զինվորները հարձակման ենթարկվեցին»:

Մ.-ում (Մուշում) 1915 թ. մայիսի սկզբին կուսակալը դիմեց բողոքական գերմանացի միսիոներների գրասենյակին՝ Համոզելու հայերին՝ զենքերը հանձնել:

Այս միջամտության պատճառով հայերը մի ժողով ունեցան իրենց թուրք համարագրացիների հետ, որոնք երաշխավորեցին հայերի անվտանգությունը, եթե նրանք համաձայնեն հանձնելու զենքերը: Հայերը համաձայնեցին. նույնիսկ բանտարկված մարդիկ (400 զինակոչիկներ) ցուց տվին թաքցրած զենքերի տեղերը: Կուսակալը լուսանկարել տվեց այդ զենքերն և ուղարկեց Պոլիս՝ հայտնելով, թե Մ. քաղաքում ապստամբությունը բռնկվելու վրա է, և խնդրում է արտակարգ լիազորություններ՝ դա ճնշելու համար: Ստանալով այդ լիազորությունները՝ նա տեղահան արեց հայերին (Կապույտ գիրք, միսս Ա-ի վկայությունը նույն տեղի Գերմանական Կարմիր խաչի անդամներից, դանիացի տիկին):

Ժակ դը Մորգան. - «Հայաստանի բոլոր նահանգներու մէջ կոտորածները սոսկալի եղած են, բայց Մուշի մէջ կատարված արհաւիրքը բարբարոսութեամբ կը գերազանցէ ուրիշ քաղաքներու մէջ գործադրուած ոճիրներու ամենէն զաղանայինները: Ականատես մը կ'ըսէ. «Այս սոսկալի աղէտը պատահեցաւ 1915 յուլիսի 2-ին. ցաւի, անէծքի, ահարեկութեան օր թշուառ հայերու համար: Առտուն կանուխ սկսան պտտիլ քիւրտերն ու կանոնաւոր զօրքերը քաղաքին մէջ, սոսկալի աղաղակներ բարձրացնելով խուժեցին հայոց թաղը... 1300 հոգիէ բաղկացած խումբը ճամբելէ յետոյ, սկսան կոտորել տակաւին մնացած հայերը, որոնք հետեւեալ օրը, բոլորն ալ բնաջնջուած էին: Մնացած բնակիչներէն գրեթէ բոլորը՝ այլեւս վստահ իրենց վերապահուած տխուր ճակատագրին, հաւաքուած էին քաղաքի կեղրոնի տուներուն մէջ, ուր իրենք զիրենք աւելի ապահով կը կարծէին: Այստեղ խմբուած էին 40, 50 մինչեւ 100 հոգիէ

¹ Bryce J., նշվ. աշխ., էջ 448-451:

բաղկացած ընտանիքներ, նեղ սենեակներու մէջ սեղմուած, փակած էին դոները, պատուհանները եւ բոլոր անցքերը:

Շատ չանցած՝ ոռնոցները կը մօտենան: Կատաղածներու ոհմակը կը գրաւէ փողոցները: Հրացաններով, տապարներով զինուած աւազակները կը յարձակուին դոներու վրայ, որոնք ճոճուալով կ'իյնան: Կը սկսի աննկարագրելի կոտորած մը: Աշաբեկման ու ճգնաժամի գոռում-գոչումները կը խառնուէին տապարներու հարուածներուն եւ մարդասպաններուն ուղղուած ջղագրգիո կանչերուն: Փողոցները ողողուած էին արինով, դիակները դիղուած էին տուներու առջեւ, թուրքերը անդադար կը կրկնէին՝ «Զարկէ'ք, զարկէ'ք», քիւրտերը կը կանչուրուէին եւ մահուան աղաղակներով կը լցնէին օդը: Այս կատաղի արինարրու գազանները տունէ տուն կ'անցնէին իրենց արինաթաթախ տապարները ճօճելով: Դժբախտ հայերը խելակորոյս, իրար սեղմուելով կը ճղմուէին, կը խեղուէին. կանանց ողբն ու կոծր, սոսկումի աղաղակները կը լսուին. փոքրերը ոտնակոխ կ'ըլլան նոյնիսկ անոնցմէ, որոնք կ'ուզեին գանոնք աղատել:

Դեռատի կին մը, իր բազուկներուն մէջ բոնած զաւակը կ'երկարէ իր դաշիճներէն մեկուն, ըսելով, «Ա'ն զաւակս, քեզի կու տամ, բայց մի՛ սպաններ զայն»: Դահճը կառնէ տղան, գետին կը նետէ եւ տապարի մէկ հարուածով գլուխը կը կտրէ: Յետոյ, դառնալով անոր դժբախտ մօրը, տապարի երկրորդ հարուածով մը անոր գանկն ալ կը ճեղքէ:

Տակաւին քանի մը վայրկեան ալ եւ չարագուշակ լրութիւն մը կը յաջորդէ ողը ու կոծին, հեծեծանքներուն: Այլեւս ոչինչ մնացած էր, բացի փորերը ճեղքուած դիակներու կոյտէ մը, անկերպարանք եւ արինաթաթաւ բեկորներ¹:

Զանազան կողմերէ երկինք կը բարձրանան ծուխի յորձանքներ: Այս մարդոցմէն մին կազատի, կը վազէ դէպի գետը. զինուորները զայն կը ձերբակալեն, քարիւղ կը լեցնեն վրան, կ'այրեն եւ զազանային հրձուանքով հանդիսատես կ'ըլլան անոր կրած տանջանքներուն: Աւելի հեռուն, բարձրաձայն կը խնդան վեց տարեկան տղու մը վրայ, որ ի խոր խոցուած սուխնի հարուածէ մը, հոգեւարքի ցնցումներով կը պրկուէր: Հոս կը տեսնենք դժբախտ կիներ, որոնց փորերը ճեղքած են քիւրտերը եւ տղաքը դուրս հանած: Հոն զինուորները իրար հետ կը կոռուին՝ դեռատի աղջկայ մը տիրանալու համար: Ամենէն զօրավորը զայն կը յափշտակէ եւ չարաչար բռնարարելէ վերջ՝ կը զլսատէ»²:

«Գիշերը վրայ հասնելով ողջ մնացածները խմբովին կը փախչին դէպի գետը, այն յոյսով, որ անոր միսա կողմը կանցնին ու կը հասնին դաշտավայրը: Թուրքերէն երկու կրակներու մէջ կառնուին, կը նետուին ջուրը եւ մեծ մասով կը խեղուէին: Քաղաքը հուրի մատնուած էր. թնդանօթը անընդհատ կը գոռար՝ ոռումբեր արձակելով հայոց թաղերուն վրայ:

Աշխարհի մէջ չկայ լեզու մը այնչափ հարուստ, այնչափ գունագեղ, որ կարենար նմանօրինակ արհաւիրքներ նկարագրել՝ արտայալելու համար այնքան անմեղ մարտիրոսներու կրած բարոյական ու ֆիզիկական տառապանք-

¹ Մորգան Ժ., նշվ. աշխ., էջ 348-349:

² Նույն տեղում:

Ները: ԱՀոելի կոտորածներէ յուսալքուած խլեակներ, բոլորն ալ ականատես իրենց սիրելիներու մահացումին, կը դրկուին կեղրոնացման կայաններ, ու կ'ենթարկուին անասելի տանջանքներու եւ մահը նախընտրելի դարձնող ամօթանքներու:

Երբ Մուհամմէտ Բ.-ը կ. Պոլիսը գրոհով կ'առնէ, 50 հազար յոյներ կիյնան բարբարոսներու սուրին տակ: Սուլթանը դադրեցնել կու տայ կոտորածները: Այն ժամանակ Եւրոպան կը սարսուայ գործուած արհաւիրքէն: Այսօր ինչո՞ւ չեն մտածեր հայ ազգի կրած ծով տառապանքներուն մասին, որոնք կը տեւեն անշափ երկար տարիներ, 1896–1916, եւ որոնք արդէն միլիոնէն աւելի զոհեր խլած են»¹:

Ոչ թե սպանում էին, այլ՝ խողխողելով էին սպանում: Գյուղերից մեկում հավաքեցին 200 հայ տղամարդու և հարկադրեցին զյուղի մերձակայքի տափարակում փոսեր փորել: Ապա բոլորին կարգադրեցին մտնել փոսերը: Նրանց մարմինները մինչև պարանոցները ծածկեցին հողով: Ապա հայտնվեց կառափարիչն իր շքախմբով և սկսվեց սրբնթաց ձիարշավ դժբախտների գլուխների վրայով: Շատ չանցած՝ հարթավայրը կարմիր գույն ստացավ:

ՄԱՐՏՆՉՈՂ ՍԱՍՈՒՆ

Սասունը բնական բերդ է, ընկած Տավրոսի հյուսիսային փեշերին և տարածվում է Սղերդից մինչև Գենջ և Տիգրանակերտից մինչև Մուշ: Մուշից Սասունը բաժանում է Կուրտիկ լեռնաշղթան, որի ամենաբարձր լեռը Ծիրինկատարն է:

Սասունը բաժանված է վեց գավառակների՝ արևելյան մասում Խութբոնաշենն է, հարավում՝ Մոտկանը, հարավ-արևմուտքում՝ Բսանքը և Խիանքն են, արևմտյան մասում՝ Խուլբը, կենտրոնական մասում՝ Տալվորիկն է, իսկ հյուսիսում՝ Շատալիսը:

Սասուն գլխավոր լեռնազագաթներն են՝ Ծովասարը, Մարաթուկը, Ֆրոֆը քարը, Գարլորը և Գերինը: Ամենաբարձր գագաթն Անդոկն է, որի փեշերը հասնում են մինչև Գելիեզուզան զյուղը: Անդոկից է սկիզբ առնում Տիգրիսի վերին վտակը և հոսում է Գելի զյուղի միջով: Անդոկից արևելք Ծովասարն է, իսկ հարավում մոտ 30 կմ հեռավորության վրա՝ Գերինը:

Սասունում թուրք չէր բնակվում: Հիմնական բնակիչները հայերն ու քրդերն էին: 19–20-րդ դարերը հանդիսացան այդ երկու ժողովուրդների առճակատման ձևավորման ժամանակաշրջան: Ճիշտ է, որա հետևանքով սասունցիները հարկադրված էին պայքարել երկու ճակատով՝ թուրքական պետական ուժերի և քրդական աշխրեթների և համիդիկե զորագնդերի դեմ, սակայն հազիվ թե հնարավոր է համաձայնվել այն պնդման հետ, թե «Սասունի կոփները երկակի բնույթ ունեին», ինչն այդ կոփների առանձնահատկությունն էր²: Նախ, նման

¹ Մորգան Ջ., նշվ. աշխ., էջ 349–350:

² Տարոնցի Ա., նշվ. աշխ., էջ 389–390:

վիճակ գոյություն ուներ ոչ միայն Սասունում, այլև Բիթլիսի, Վանի, Դիարբեքիրի ու Խարբերդի նահանգներում և, ապա. Հայ-քրդական առճակատումը, չնայած այդ երկու ժողովուրդների զարգացման մակարդակների տարբերության, որոշ հիմնահարցերում նաև նրանց շահերի հակադրության հետևանք էր: Այդ առճակատումն անհնար էր առանց թուրքական պետական քաղաքականություն:

Սասունցիների 1914-1915 թթ. կոփսների երկակի բնույթի մասին խոսելն առավել ևս տեղին չէ, որովհետև դրանց բովանդակությունը գոյատևման համար մաքառումներն էին, իսկ Հայերի բնաջնջումը ոչ թե քրդական, այլ թուրքական քաղաքականություն էր:

1914 թ. ձմռանը Խութի մյուղիրը սպանվում է, ինչը վերագրվեց Հայերին: Շենիկ գյուղից 17 հոգի բանտ նետվեց: Գյուղերում իրականացվեցին բոնություններ և «զինուրական սպաներ եւ միւղիր Հայերուն կը ստիպեն, որ քիւրտերուն գոհացում տան, այսինքն՝ իրենց Հողերը քիւրտերուն թողուն եւ իրենք վարձուին իրը վարձկաններ»¹:

Սասունի մի քանի մասերում, որտեղ քրդերը մեծամասնություն էին կազմում, Հայերի վիճակն, իրոք, շատ ծանր էր: Այդ մասին վկայություն կա նաև Գևորգ Ե կաթողիկոսին Ներսես եպս. Խարախանյանի 1914 թ. ապրիլի 27-ի նամակում: Դա առաջին հերթին վերաբերում էր Մոտկանին ու Խութին: «Խութի Հայերուն վիճակը,- գրում է առաջնորդը, - աւելի ևս անտանելի է... Անցեալ տարի տեղուցն կառավարական պաշտօնեան Հայերու հացահատիկները բոնութեամբ քաղելով տուաւ քիւրտերուն, Հայերը մատնուեցան ամենաաթշուառ վիճակի մը», քրդերի հարձակումների պատճառով գյուղացիները չեն համարձակվում «դաշտ ենել, տաւարներ, ոչխարներ արածացնելու տանել, լուծք ընել, իրենց Հողերը մնացած են անմշակ... Քիւրտերը կը պահանջեն, որ Հայերը մուրհակ տան Հողերու արդիւնքի կէսը իրենց տալու, ապա թէ ոչ չպիտի թողուն արօրը գետին զարնելու»:

Քրդերը Հայերից պահանջում էին «խաֆիրութիւն անունով բոնաւորական տուրքը»²:

Մոտկանի Գգեխի գյուղախմբի (նահիե) 20 գյուղերի Հայերի սնունդը հիմնականում կորեկն ու զրգիլն էր: Գյուղացիների աշխատանքի ամբողջ արդյունքը «քիւրտ աղաներ կը յափշտակեն: Բացի գողութեամբ, աւագակութեամբ տարածներէն, քիւրտերը քանի մը անզամ տուրք կ'առնեն, որոնց գլխաւորն է խաֆիրութիւնը»³:

Ինչ վերաբերում է կառավարական հարկահաններին, ապա նրանց «շահատակութիւնները աննկարագրելի են... Խեղճ Հայերը զարունէն մինչեւ աշուն կ'աշխատին միմիայն կշտացնելու համար զաղանաբարոյ մարդասպաններ, որ միշտ կը սպառնան զանոնք բնաջինը ընել»: Ոմն շեյխ Զեյնադղինը գրավել էր Մետեմթաղըրը գյուղի «կալուածները՝ առանց վճարելու, հիմա այդ գիւղի 34 ար-

¹ «Արարատ», 1914 թ. մայիս, էջ 408:

² Նույն տեղում:

³ Նույն տեղում:

⁴ Նույն տեղում:

տերուն տիրելէն զատ, տիրած է բոլոր անտառներուն, արոտատեղերուն եւ ջրաղացքի մը... Գրաւուած կալուածներուն տուրքերը աղքատ հայերը կը վճարեն, իսկ ինքը կը տանի բոլոր բերքերը, ամեն տարի գիւղի տասանորդը ինք կը վերցնէ...»¹:

Լեռնաշխարհի հայությունը թուրքերի ու քրդերի գեմ պայքարի դարավոր փորձ ուներ: Սասնո ոելինքը հարմար էր պարտիզանական կոիվների և միանգամայն անհարմար բանակի և ոստիկանական ուժերի գործողությունների համար: Սասունը կիսանկախ էր, նրա մեջ անթեղված էր ազատության համար անպայման մարտնչելու կրակը: Սասունցին ինքնուրուց էր, ազատատենչ, անվախ, պատվախնդիր: Նա երեք գլուխ չէր խոնարհել թուրքի ու քրդի առաջ:

Սասունցիները թույլ չտվեցին, որ իրենց անսառնների հաշվառում կատարվի և, ընդհանրապես, մերժեցին հօգուտ բանակի բոնագրավումները: Նրանք զորակոչին մասնակցեցին այնքանով, որ յուրաքանչյուր գյուղից միայն 4-5 հոգի տվեցին: Թուրքերի պնդմանը տալ նոր զինակոչիկներ, պատասխանեցին, թե 1904 թ. ջարդը խլեց Լեռնաշխարհի երիտասարդ ուժերին և կանգնեցրեց ծնունդը: Այդ պատճառով բանակային տարիքի միայն հատուկենտ սասունցի կա: Նաև հրաժարվեցին շալակավոր տալուց: Մշո իշխանությունները համանում էին, որ սասունցիները միտումնաբար հրաժարվում էին իշխանությունների պահանջները կատարելուց, բայց ուժի չին դիմում, երկնչելով լեռնականների ընդդումից:

Նրանք լեռնականների փոխարեն ճնշում էին գործադրում առաջնորդարանի և ՀՅ Դաշնակցության Մշո կոմիտեի վրա: Վերջինները հորդորում էին սասունցիներին խոնարհ լինել, կատարել իշխանությունների պահանջները: Ապարդյուն: Միայն մի անգամ 150-200 շատախցի շալակավոր ուղարկվեց, նրանք էլ, հակառակ սասունցիների հասցեին Սերվեթի շաղակրատանքների, ճանապարհի կեսին բեռները նետեցին ու հետ դարձան:

Բացի 1914 թ. հոկտեմբերի բախումից, երբ Գելիի մի խումբ երիտասարդներ հարձակվեցին թուրք յոթ զինվորների վրա, սպանեցին ու տիրացան նրանց զենքերին, ուրիշ զեպք չի արձանագրվել, երբ սասունցիներն առաջինը զենք օգտագործած լինեին իշխանությունների, թուրքերի ու քրդերի գեմ: Որոշ հեղինակներ սասունցիների 1914 թ. վերջերի և 1915 թ. առաջին ամիսների զսպվածությունը համարում են արդյունք «դարաւոր դառն փորձութիւններուն», որ «անոնց մէջ զարգացուցած էր կասկածամիտ զգուշաւոր վերաբերում զիրենք շրջապատող այլազգի ցեղերու հանդէպ»²:

Պարզից էլ պարզ է, որ բանը կասկածամտությունն ու երկյուղը չին, այլ՝ օրյեկտիվ իրավիճակի հետ հաշվի նստելը: Ի դեպ, վերջինը 1914-1915 թվերին սասունցիների վրա էական ազդեցություն չունեցավ, որովհետև նրանք նախահարձակ գործողությունների բացարձակապես անպատրաստ էին³:

Զորակոչից ու շալակավորներ տալուց խուսափելու սասունցիների գլու-

¹ «Արարատ», 1914 թ. մայիս, էջ 408:

² Տարոնցի Ա., նշվ. աշխ., էջ 386:

³ Հովհաննիսյան Դ., Սասունը բոցերի մեջ, Ե., 1987, էջ 35:

վոր պատճառներից մեկն այն էր, որ զինվորական ծառայության տարիք ունեցող քրդերը չէին զորակոչվում և սասունցիների անվտանգությունը կվտանգվեր, եթե նրանց կրվող, առողջ ուժերը հեռանային Լեռնաշխարհից:

Սկսած 1914 թ. դեկտեմբերից՝ Սասունն ինքնուրույն էր: Զմեռը թուրքերին թույլ չտվեցին շրջափակել Լեռնաշխարհը, քրդերն առանձնակի տրամադրվածություն չէին դրսենում սասունցիների հետ առճակատվելու և դա չէին թաքցնում: Այսինքն՝ ձմռանը հայերը միանգամայն ազատ էին նախապատրաստվելու գալիք արհավիրքներին դիմակայելուն:

Սասունցի երիտասարդները հարձակումներ էին գործում գենքի տիրանալու նպատակով, որովհետև զենքերի մատակարարման՝ արտասահմանից տեղափոխման, գործը վատ էր կազմակերպված: Երկիր մտած զենքի առյուծի բաժինը Վանում էր կոտակվում:

Ի տարրերություն ջարդերի դեմ պայքարի ելած մյուս շրջանների, Սասունն ընկավ հակասական իրավիճակի մեջ: Սասունցիները միահամուռ ու վճռական էին, որ մինչև վերջին չունչը կովելու էին թուրք-քրդական ոտնձգությունների դեմ, միաժամանակ շատ քիչ գործ արեցին դրան նախապատրաստվելու ուղղությամբ: Ի տարրերություն նախորդ կովսների (1894 և 1904 թվերի), սասունցիները գրեթե դադարել էին մտահոգվել ինքնազինմամբ և այդ գործը թողել էին Ռուբենին ու նրա կուսակցությանը, որոնք էլ դա հաջողությամբ ձախողեցին: Եվ սա այն պարագայում, երբ բոլորը համոզված էին, որ գարնանը թուրքական բանակն ու քրդական ուժերը ողողելու էին Լեռնաշխարհը, որ թուրքերը օգտվելու էին պատերազմի ընձեռած հնարավորությունից՝ հայությանը հաշվեհարդարի ենթարկելու նպատակով:

Հասկանալի է, որ ինքնապաշտպանությանը նախապատրաստվելու, մասնավորապես զինվելու խնդրին սասունցիների անփույթ վերաբերմունքը երկար շարունակվել չէր կարող: Եվ 1914-1915 թթ. ձմեռը սասունցիների համար նախապատրաստական եռուն աշխատանքի ժամանակ եղավ: Չնայած ձյան հաստ շերտին, գյուղերի միջև կապն անխափան էր պահպատ: Գյուղապետները մի քանի անգամ խորհրդի հավաքվեցին: Սասունցիներն սկսեցին նորոգել զենքերը, ձեռք բերել նորերը, տեղի էին ունենում զինավարժություններ, ձևավորվում էին մարտական խմբեր:

Տալվորիկում հողի մեջ երկաթ կար: Նրանք այդ հանքը լցնում էին փուռը և այրում: Բարձր ջերմությունից երկաթը հալում էր և փոփ անցքից հոսում էր դուրս: Գյուղում գործում էին արհեստանոցներ, որոնք մշակում էին այդ երկաթը, պատրաստում ամանեղեն, աշխատանքի գործիքներ, զենքեր:

Սերվեթը «խորհրդակցելու» համար Մուշ է հրավիրում Սասունի մեծ գյուղերի տանուտերներին և նրանց առաջարկում եռանդուն մասնակցություն ունենալ զորահավաքի կազմակերպմանը: Մութեսարիֆի բանարկություններից խոլս տալու համար, սասունցիների անունից Քամիլը Կիրակոսն ասում է, թե սասունցիները պատրաստ են «զորակոչիկներով ու այլ անհրաժեշտ հարցերով օգնել կառավարությանը»: Մի քանի օր անց մի խումբ թուրք զինվորականներ բարձրանում են Սասուն՝ զինվորագրում անցկացնելու համար, սակայն սասունցիներն արդեն գյուղերից հանել էին զորակոչի տարիք ունե-

ցողներին: Նրանք զորահավաքի նորից ներկայացրին դեռահասների ու ասացին, թե 1904 թվի ջարդերից հետո ծնվածները դեռ փոքր են բանակում ծառայելու համար:

Սասունցիները որդեգրեցին երեք սկզբունք՝ զորահավաքին չմասնակցել, ժողովրդին զինել և քրդերի հետ հարաբերությունները լավացնել:

Նրանք պատվիրակություն ուղարկեցին Մուշ և ՀՅ Դաշնակցության կոմիտեից զենք խնդրեցին: Ռուբենն այդ խնդրանքը մերժում է, ավելացնելով թե զենքի համար պետք է վճարեն:

Սասունցիների՝ Շենիկում տեղի ունեցած ժողովը զինակոչիկ տալու պահանջին պատասխանում է. թե ստեղծված վտանգավոր իրավիճակում Սասունը չի կարող զրկվել իր՝ զենք կրելու ընդունակ տարրից: «Մենք անցյալի դառը փորձերը չենք մոռացել և զինվոր չունենք տալու»:

Սերվեթին հասցեազրված նամակում սասունցիները գրում են. «Մենք չունիմատված ենք քրդական զինված աշխրեթներով, որոնք զինվորներ չեն տվել կառավարությանը: Նրանք թշնամարար են վերաբերվում մեր ժողովրդին: Երբ մեր երիտասարդ ուժերը հեռանան զյուղերից, զինված քրդերը կհարձակվեն մեր անպաշտապան բնակչության վրա և կկոտորեն կանանց ու երեխաներին»: Սասունցիներն առաջարկում էին զինաթափել աշխրեթներին, նրանց հավաքագրել գործող բանակ և «այն ժամանակ մենք ... անվտանգ և ապահով զգալով մեզ, առանց տարիքի խտրության, կամովին կմեկնենք ուղմաձակատ...»¹:

Նամակն ուղարկվեց այն պահին, երբ խստաշունչ ձմեռը փակել էր Սասունի ճանապարհներն և սասունցիներին անմիջապես պատժելն անհնար էր: Սերվեթը ժողովի է հավաքում քուրդ աշխրեթապետներին, նրանց տրամադրում զենք ու զինամթերք և հանձնարարում պատրաստվել ու սպասել իր հրամանին: Նա բանտերից հանում է բաշիբոզուկներին, զինում է, հարվածող զնդեր կագմակերպում:

Գարունը բացվելու հետ սկսվեցին քրդական հարձակումները: Մայիսին բըւրքցի աշխրեթը Ու. Սալիմի ղեկավարությամբ հարձակվում է Ծովասարի արևմտյան լանջին եղած անասնահոտերի վրա, որոնք պատկանում էին Աղրիկ գյուղին: Նրանք հոտերի հետ նաև չորս հովիվների տարան: Աղրիկցի տղամարդկանց չհաջողվեց ազատել ոչխարն ու հովիվներին: Մի քանի օր անց քրդերը հարձակվում են Կոփի և Իրիցունք գյուղերի վրա: Հայերին չեն կարողանում ուժեղ դիմադրություն ցույց տալ: Նրանք փախչում են Գերմավ գյուղը, որի մարտական ջոկատը Ստ. Գրիգորյանի հրամանատարությամբ կովի մեջ է մտնում: Օգնության են հասնում նաև սեմալցիները և հաջողվում է քրդերին փախուստի մատնել: Սակայն կովի վերջնական բախտը որոշում են Պոլեյ Մջոյի և Գելիի Կիրակոս Հեպոյանի մարտական ջոկատները: Իրիցունքը, Կոփը և Գերմավը, ինչպես նաև քրդերի փախցրած անասնահոտերը հետ են գրավվում: Այդ գյուղերի բնակիչները ժամանակավորապես տեղափոխվում են Սեմալ և Շուշնամերկ:

¹ Հովհաննիսյան Ղ., Սասունը բոցերի մեջ, Ե., 1987, էջ 36:

Գարնանը դեպի Սասուն են սկսում շարժվել Տիգրանակերտի աշխրեթները: Նրանց միանում են Խոլբի ու Խիանքի քրդերը: Քրդերը Սասունի վրա էին գնում բանակային ուժերի ու ստիկանության ուղեկցությամբ:

Բայց որովհետև իշխանությունները վստահ չեն, որ աշխրեթները, բացի կողոպուտից, կամք ու ցանկություն կղրսերեին բնաջնջելու Սասունի հայությանը, զինեցին քուրդ ուայային, նրանից ձևավորեցին միլիցիայի և ժանդարմերիական ջոկատներ, որոնք Սասունի վրա հարձակման ընթացքում առաջապահ ուժ հանդիսացան: Դրանով ցեղապետների իշխանության տակից հանվեց քուրդ հասարակության թափթփուկը: Պատճառը մեկն էր՝ ցեղապետները թուրքերին չեն հավատում: Նրանք անցյալի փորձաց գիտեին, որ իրենց ձեռքերով հայերին բնաջնջելուց հետո թուրքերը հաշվեհարդարի կենթարկեն նաև իրենց: Իսկ ուայա, յումպեն քրդին ղեկավարող ուժը կողոպուտի ու սպանության մոլուցըն էր:

Քրդերը Սասուն կարող էին բարձրանալ երկու ուղղություններով՝ Խոլբ-Տալվորիկ-Անդոկ և Հազրո-Բսանք-Անդոկ: Այս երկու գծերի վրա էլ հաստատված էին քրդական բազրանցի, բատկանցի, մամրկանցի աշխրեթները, բայց քանի որ Խոլբ-Տալվորիկ ուղղության վրա ստեղծված էին զինվորական կայաններ, հարձակման համար ընտրվեց այդ գիծը, ինչը նույնպես նշան էր, որ թուրքերը քրդերին չեն վստահում:

Հետևաբար հարձակման առաջինը ենթարկվելու էր Խոլբի գավառակը: Խոլբի հայկական գյուղերը պատրաստ էին զիմակայման: Թուրքերի բոլոր ջանքերը՝ ուժազրկելու տեղի հայությանը զենք կրելու ընդունակներին զորակոչի անվան տակ հավաքելու և ոչնչացնելու միջոցով, հաջողություն չունեցան: Կարողացան հավաքել ընդամենը 100 մարդ, որոնց զգալի մասը դասալքեց:

1915 թ. մարտի 25-ին Ահրոնք գյուղ են գալիս ոստիկաններ ու ձերբակալում հին ու նշանավոր հայութուկ Գալուստ Սասունուն ու նրա եղբայրներին: Որդիներին ազատելու համար Փասուր գյուղաքաղաք գնացած Աննա Մայրիկը, Սասունում շատ հայտնի մի քաղաքական գործիչ, ձերբակալվում է կառավարչի աշխատասենյակում: Որոշ ժամանակ անց բոլոր չորսին էլ սպանում են՝ դրանով գլխատում Խոլբի ինքնապաշտպանությունը:

Սահմանադրության հոչակումից հետո «կամաց-կամաց բարուքուեցաւ մեր տնտեսութիւնը,- գրում է Գեղաշեն գյուղից Ղ. Սարգսյանը: Դաշտի եւ Սասունոյ գիւղերուն մէջ դպրոցներ բացուեցան... Սահմանադրութիւնը նաեւ հոգերանօրէն զինաթափած էր հայութեանը: Ժողովուրդը կը զգար, որ իր համար ճակատագրական նոր շրջան բացուած է, խելօքները օրինապահութիւն կը քարոզէին եւ կը թելազրէին անտրտունջ արձագանգել զօրակոչի հրաւէրին: Վարիչներն էին լծուած զորահաւաքի գործին: Դէպքերը, սակայն, օրըստօրէ յունետես կը դարձնէին զանոնք ալ: Սկսաւ ոռւս եւ թուրք պատերազմը եւ լսուեցան հայ զինուորները զինաթափելու եւ ոչնչացնելու լուրերը: Այլեւս բուռն էր զինուելու ձգտումը, բայց զէնք չկար: Հազիւ կրցան 300 «հունան մառլեր» բերել և 50-ական փամփուշտ բաժնել Սասունոյ ժողովրդին, հատը՝ 7 ոսկի: Գեղաշէնը 30 տուն էր և 100 զէնք վերցնող ունէր, բայց մեզի բաժին ընկաւ միայն 7 հրացան»:

Զմունը Դաշտից տխուր լուրերը շատացան: Բոլորն ոռւսական բանակի գալուն էին սպասում անհամբեր:

Սակայն արտաքուստ ամեն ինչ խաղաղ էր, միայն հատուկենու լուրեր էին ստացվում այլևայլ վիլայեթներում տեղի ունեցած ջարդերի ու Վանի ապատամբության մասին: Իշխանությունները հայերի հետ նույնիսկ սիրալիր էին վարդում: Հայերն, իրենց հերթին, ամեն ինչ անում էին իշխանությունների հետ խնդիրներ չատեղծելու համար: Ճշմարտությունն այն է, որ զորահավաքի առաջին օրերին քաղաքական ուժերը հաջողեցին որոշ թվով երիտասարդների ուղարկել բանակ՝ զորակոչվելու համար, բայց, երբ զորակոչվածներն սկսեցին լքել բանակը և «սե լուրեր» բերել հայ զինվորի վիճակի մասին, սասունցին այլևս մերժեց թե՛ զինակոչին մասնակցելը և թե՛ շալակավորներ տալը: Սասունի հայությունը թույլ չտվեց, որ բանակի համար բռնագրավումներ կատարվեին: Նա բանակին չտվեց նաև անասուն, քաշող ուժ, սայլ, տրանսպորտի որևէ ուրիշ միջոց: Իշխանությունների սանձազերծած առնակատման քաղաքականությունը փոխանցվեց սասունցիներին, գնալով ավելի անդի՛ում դարձրեց նրանց:

«Հնչակը» 1915 թ. օգոստոսին (№ 13) գրեց. «Սասունը հրաժարուեց զօրակոչին մասնակցելուց: Տեղի հայերը սպանեցին բռնարարքներ կատարող քուրդ պաշտօնատարներին: 700 սասունցի հայ դասալիքներ իջան Տարօնոյ դաշտ եւ օգտագործում էին բոլոր միջոցները փրկելու տեղի վտանգուած հայերին»:

Իշխանություններն, իրենց հերթին, Սասունի ղեմ կովին մասնակցելու համար ոտքի էին հանում բատկցի, բազրանցի, խուլքեցի, խիանքցի, խոշկանցի, ոչկոտանցի, բալկցի, բողըկցի և սասունցի աշխրեթները, դրմիկ քրդերը, Մուշ քաղաքի թուրքերը, կովկասյան ուղմածակատից բերված զորքերը և Տարօնի խլամ ժողովորդը՝ ավելի քան 30.000 մարդ: Սասունի երկնակամարին օր օրի խտանում էին չարագույժ ամպերը:

Վարդավառի օրերին լուր ստացվեց, որ Դաշտը կոտորվում է, իսկ Մուշը չաձի Հակոբի ղեկավարությամբ կենաց և մահու կովի մեջ է: Սասունցիների մի խումբ փորձեց Կուրտիկն անցնել ու օգնության հասնել Մուշին: Սակայն հաջողություն չունեցավ, թուրքերը փակել էին Սասունը Մուշի հետ կապող ուղիները: Զորքեր էին լցված մինչև Ղզըլզիարաթ և Միրզաղի աղբյուրը: «Սասունէն «անկարելի» եղաւ երթալ, բայց քաղաքի անկումն յետոյ քանի մը տասնեակ կովողներ թուրքական շղթան ճեղքելով բարձրացան Սասուն»¹:

Սերվեթի հրամանով՝ հունիսի կեսերին Լաճկանի, Դալրկի, Գելիեգերմավի, Մրկեմողանի ամառանոցների քրդերը հարձակվում են Շենիկի արոտավայրերի և հովիվների վրա ու քում երկու հոտ: Վ. Գրիգորյանի (Գրգեի) ջոկատը հետ է խում այդ հոտերը: Շենիկցիներին ահարեկելու նպատակով քրդերն անընդհատ հարձակումներ էին գործում, բայց որպես կանոն հակահարված ստանալով հեռանում էին:

Նույն օրերին Շեկոյի տան քրդերը Հ. Յուսուֆի հրամանատարությամբ նորից են հարձակվում Աղբերիկի վրա: Բորբոքվում է թեժ մարտ, օգնության

¹ «Տարօնի արծիւ», 1939 թ., № 11, էջ 40:

Է Հասնում գելիցիների 50 հոգանոց ջոկատը՝ Հ. Հովսեփյանի գլխավորությամբ: Քրդերը 16 սպանված թողած՝ փախչում են: Գերմավ, Կոփ, Իրիցունք, Ընկուզնակ, Արդկունք, Սևիթ գյուղերի Հայերն անվտանգության համար բարձրանում են Անդոկի ու Գերինի լանջերը, իսկ Խիանքի Հեղին, Սաղտուն, Բացա, Բերմ, Աղորք, Փառքա, ինչպես նաև Խուլքի Աշրոնք, Շուշիք, Գեղուրվանք, Ընձքար և մի քանի ուրիշ գյուղերի բնակչության մասնում են իրենց գյուղերում և շարունակում գրաղվել խաղաղ աշխատանքով:

Զենքերը հանձնելուց խույս տալու համար Սաստոնի հարավարևմտյան ծայրամասի մի քանի գյուղերի տղամարդիկ ձմռանը հեռացան Խշանձոր, Արտխոնք, Սևիթ և Խիանքի ուրիշ գյուղեր: Քրդական և թուրքական ուժերն անմիջապես դրանից օգուվում են: Նրանք մտնում են երիտասարդությունից դատարկված գյուղերը և շուրջ 3000 կանանց և երեխաների տանում են դեպի Բալու և ճանապարհին սպանում: Փրկվում են երեք հոգի, որոնց հաջողվում է հասնել Տալվորիկ և պատմել կատարվածի մասին:

Նման քայլերի իշխանություններն այլևս ոչ միայն չղիմեցին, այլև աշխատեցին սասունցիների հետ բախումների տեղիք չտալ: Մերկեթը Վարդան վարդապետին և մի քանի պաշտոնատարների Սասուն ուղարկեց տեղի ավագանուն հորդորելու, որ զորակոչի չներկայանալու փոխարեն բանակին տան շոռ, հաց, յուղ, ոչխար, դրամ, հանձնել զենքերը և «լեռներում ապաստանող ոռւս կողակներին ու արևելահայերին»:

Սասունցիները խոստացան առաջին պահանջը կատարել, իսկ մյուսները՝ ոչ: Հայերի ունեցածները միայն չախմախիլ հրացաններ էին, որոնցով պաշտպանում էին արտերն արջերից, իսկ իրենց էլ քրդերից, հետևաբար նրանք այդ հրացանները հանձնել չեին կարող: Հանձնել չեին կարող նաև կողակների, որովհետև այդպիսիք Սասունում չկային:

Սակայն հետագա դեպքերը զարգացան ուրիշ ուղղությամբ և գլխապտույտ արագությամբ: Մեկը մյուսի հետևից ավերակի վերածվեցին Դաշտի գյուղերը, հայ բնակչությունը ոչնչացվեց, ապա ընկապ Մուշը:

Տարոնի գյուղերի ու Մուշ քաղաքի փրկված բնակչության մի մասը «կոռելով կը քաշուի Քանայ սար, մաս մը Ա. Կարապետի անտառ, մաս մը՝ Շամբ»¹: Թուրքերն առանց հապաղելու Սասունի վրա շարժեցին Հյուսիսից թուրքական բանակը, իսկ Հարավից ու արևմուտքից՝ քրդերին:

Հարձակմանը մասնակցեցին 30.000 զորք և նույնքան էլ քուրդ:

Սասուն էին գնում ոչ միայն թուրքերն ու քրդերը, այլև տարոնահայությունը: Հուլիսին նրանց թիվը Լեռնաշխարհում հասավ 30-35 հազարի: 15.000 տարոնցիներ հավաքվեցին Քանասարի անտառում:

Հայերին ահարեկելու նպատակով Քյամիլի հրամանով քրդերը Առաքելոց վանքում սպանեցին վանականներին, 20 որբերի և սկսեցին հետապնդել Հավատորիկի սարերը փախած անդեն Հայերին: Նրանք հրդեհեցին Քանասար գյուղը (62 տուն):

¹ «Տարօնի արծիւ», 1939 թ., № 11, էջ 40:

Կ. Պոլիսը շտապեցնում էր Մշո իշխանություններին, պահանջում արագացնել Սասունի Հայության ջարդը: Կ. Պոլսի կառավարության ներկայացուցիչ Նուրին Հանձնարարում է Հիլմիին. «Կառավարութիւնը խստի կը Հրահանգէ, առանց ժամանակ կորսնցնելու, քանդել այդ աւազակային որջը»: Հիլմին առարկում է. «Մտահոգիչ պարագայ մըն է եւ զգուշութեամբ պիտի գործել...»: Նուրին, թե «ինչ որ ալ ըլլայ, պէտք է քանդենք այդ աւազակաբոյնը»¹:

Մուշում ձևավորված տրամադրություններն ու գործողությունների պլան-ները հասնում էին կազմաների ու նահինեների ղեկավարներին, քուրդ ցեղապետներին ու աշխրեթապետներին: Վիթխարի զանգվածներ շարժման մեջ են դրվում:

Հյուսիս-արևելքում՝ Տափրի գայմագամ Թալիբի Հրամանով քրդերը նորից Հարձակվում են Կոփ, Գյարմավ, Շուշնամերկ և Գեղաշեն գյուղերի վրա: Հայերը Հզոր դիմադրություն են ցույց տալիս: Օգնության են Հասնում գելիեցիները, շենիկցիներն ու սեմալցիները: Կոփը տեսում է երկու օր և ավարտվում է թուրքերի ու քրդերի փախուստով:

Դրան հաջորդում է Հարձակումը Աղբի գյուղի վրա: Հայերը թույլ են տալիս թշնամուն մոտենալ, ապա Հակահարձակման են անցնում ու փախուստի մատնում: Քիչ անց Հայ-քրդական նոր բախում է տեղի ունենում, Հայերը պարտվում են ու հեռանում Անդոկ: Թուրքերն սկսում են ոմբակոծության ենթարկել Լեռնաշխարհի գյուղերը: Երեք օր կատաղի կոփներ են բնթանում: Հայերի փամփուշտները վերջանում են և միայն Զոլոյին է Հաջողվում մի փոքր խմբով հեռանալ Անդոկ: Զնայած թշնամին 1000 մարդ կորցնում է, բայց շարունակում է առաջանալ դեպի Շենիկ, Կուրտիկ և Ծովասար: Կուրտիկի և Ծովասարի հայերը շրջափակվելուց խույս տալու համար բարձրանում են Անդոկ: Թուրքերը դրանից հետո է, որ զրավում են Սեմալը, Շենիկն ու Ծուշնամերկը և բարձրանում Գրեկոլ, որի հետեւում 25.000 հայ էր կուտակված: Գրեկոլում ճակատամարտ է տեղի ունենում:

Սասունի 150 գյուղերի գրեթե ամբողջ բնակչությունը Հավաքվում է Գելիեզուգան գյուղում ու նրա մերձակայքում՝ Անդոկի, Գերինի և Ծովասարի ստորոտներին:

Զորքն ու աշխրեթները չորս կողմից խուժում է Սասուն, զորքը՝ Կուրտիկից, իսկ քրդերը՝ Տափրից ու Տալվորիկից: Գնալով Հարձակման օղակը ավելի է նեղանում և «չորս կողմէն խուժան, հեծելազօրք եւ հետեւակազօրք կը հոսին դէպի լեռնաշխարհը՝ մարելու համար ըմբռատութեան այդ խարոյկը... Գոյամարտի ոյժերը, ինչպէս եւ ժողովուրդը Անդոկի փէշերուն վրայ Հաւաքուած են: Անդոկը հրաբուխի վրայ է, չորս կողմէն կրակի տակ առնուած պիտի պայթի...»²: 60-70.000 զորքերի և քրդերի դեմ կանգնած էր Սասոն լեռնաշխարհն իր զավակների հետ, որոնց նշանաբանն էր՝ «Մեռնել կամ ազատվել կովով»: «Տալվորիկի եւ Իշխանձորի լեռները եւ անդունդները կը դղրդային Համազարկերէն, մթնոլորտը լեցուն էր հայերէն եւ քիւրտերէն երգերով, զէնքերու խլա-

¹ Երիցեան Գ., Լեռնաշխարհի գոյամարտը, Պէյրութ, 1959, էջ 2-3:

² Նույն տեղում, էջ 105:

ցուցիչ ձայներուն կը միանար սուրերու շաջիւնը, ձիերու խրխինջը, վիրաւորներու ոռնոցը, կանանց սպաւոր երգը: Յեղապետական կոփւ մըն էր, ուր կիները գոտեմարտին մէջ կը նետուէին քաջալերական խօսքերով կամ սուզի անհուն լացով: Դիրքերն անորոշութեան կը մատնուէին: Մահ-պատերազմ մըն էր բոլորի համար: Տալվորիկ կարծես երկրաշարժէ մը բոնուած էր: Լեռները կը շարժէին, ժայռերը թաւալգլոր դէպի ձորերը կ'իջնեին թշնամի ոհմակները ճղմելու, ժողովրդական բանակը փառքի պսակով մեռնելու գինովութեամբ կը սաւառնէր Սպիտակ լեռան կիրճերու վրայ»¹:

Ճակատի հրամանատար Խսրոն (Կորյունը) անցավ Շեքյուսիֆ Զիարաթ, այնտեղից Կոփ: Գելիի ուժերը Պետո Ղազարի և Տեր Քաջի Գրգոյի գլխավորությամբ շարժվեցին դեպի Շենիկ: Քրդերը դիրքեր գրավեցին Փուրթո քեռչքի մեջ: Գրգոն Հարձակվում է նրանց վրա: Մարտը շարունակվում է մինչև գիշեր: Առավոտյան Հայկական բոլոր զյուղերը դատարկվեցին և բնակչությունը տեղափոխվեց Գրեսոր: Հաջորդ օրը կատաղի ճակատամարտ սկսվեց: Թուրքական զորքերը հասան Շենիկ, այն հրդեհեցին ու անցան Սեմալ: Գյուղի փողոցներում կատաղի մարտեր մղվեցին: Սեմալը նույնպես հրո ճարակ դառավ: Հայ մարտիկները Սեմալում դիմադրեցին այնքան, որ բնակչությունը զորքին անհասանելի դարձավ և բարձրացավ Գրեզոլ, որն անմիջապես պաշարվեց Դիարբերիրից, Ճապաղզրից ու Մուշից եկած զորքերով և քրդական մեծաթիվ ուժերով: Սասունցիները զենքի և զինամթերքի մեծ պակաս ունեին, և թշնամին այդ իմանալով՝ անմիջապես Հարձակման անցավ: Նրանք հեռացան Գրեզոլից: Հայերը պաշտպանական կատաղի մարտեր մղեցին Գելիում: Սեմալի ուժերը Մանուկի հրամանատարությամբ մարտնչում էին եկեղեցու մոտ: Սեմալցիները 20 զոհ տվեցին, Մասուկը երեք տեղից վիրավորվեց: Վերին դիրքերից օգնություն ստանալով՝ Հայերը թշնամուն հետ շպրտեցին և ապա բարձրացան Անդոկ, որտեղ ժողովրդի մեծ կուտակում կար արդեն:

Իշխանությունները քրդերին նորից առաջարկեցին երկրնտրանք՝ բանակ զորակոչվել կամ Սասունը Հայերից մաքրել: Բնականաբար, քրդերն երկրորդը ընտրեցին: Նրանց մեծ մասն, առանց այդ պահանջի էլ, վաղուց էր հարձակումներ գործում Հայերի վրա:

Սասունցիներն ունեին շուրջ 3000 մարտական և նույնքան էլ այլևայլ տիպի հրացաններ²:

Քրդերը մեծաթիվ էին, բայց անկազմակերպ, ինչի շնորհիվ Հայերը հաջողում էին փոքրաթիվ ուժերով նրանց Հակահարված տալ և տևական կոփվ մղել այդ հորդաների զեմ:

Հայկական գրեթե բոլոր զյուղերը համառ դիմադրություն ցույց տվեցին, սակայն անզոր էին կանգնեցնելու թշնամիների առաջխաղացումը: Սասունի պաշտպանության ղեկավարները ճակատագրական նշանակության երկու սխալ թույլ տվեցին: Առաջին, որոշեցին, որ յուրաքանչյուր զուտ պետք է ինքն իրեն պաշտպանի, այսինքն՝ սասունցիները դրվեցին մի վիճակում, երբ Հար-

¹ Սասունի Կ., նշվ. աշխ., էջ 975:

² Նույն տեղում, էջ 443:

կաղրված էին տասնյակ հազարավորների դեմ յուրաքանչյուր դեպքում կովել փոքրիկ խմբով, որին ոտնատակ անելը բարդ խնդիր էր: Սասունցիների մասնատված կովելու պարտադրանքը Լեռնաշխարհի ողբերգության հիմնական պատճառն էր: Երկրորդ, թշնամու հետ առաջին բախումներից հետո Սասունի ողջ բնակչությանը հանձնարարվեց քաշվել Անդոկ և Գերին, այսինքն՝ նորից (1894 և 1904 թվերի նման) խախտվեց պարտիզանական կովի պարտադրի սկզբունքը՝ գլխավոր ճակատամարտ չտալ, թշնամու դեմ կովել փոքրիկ գործողություններով, հարվածել անսպասելի և այնտեղ, որտեղ հակառակորդը չի սպասում, հարվածել կիրճերում, անտառներում, անանցանելի վայրերում:

Ժողովրդին Անդոկում հավաքելը օբյեկտիվորեն թշնամու օգտին էր, որովհետև նրան հնարավորություն էր տալիս իր ամբողջ ուժերը միաժամանակ գործողության մեջ զնել տարածքի որոշակի հատվածում: Ահրոնքի մարտական ջոկատն ամրացել էր գյուղի հարևանությամբ եղած անտառներում ու ժայռերին և թույլ չէր տալիս, որ քրդերը Սասունի խորքերը անցնեին: Գեղերվանք և Քարձոր գյուղերի ջոկատները պաշտպանում էին Անդոկի հարավային փեշերը:

Խովրի բնակչության զգալի մասն ապաստանել էր գյուղերից հեռու ընկած անասնագոմներում և քարանձավներում: Նրանց կապը բնակավայրերի հետ և պարենի տեղափոխությունը հնարավոր էին միայն գիշերները:

Հարավում հայ-քրդական բախումները շարունակվեցին երեք ամիս՝ մինչև հունիսի կեսերը: Խովրի և Խիանքի գյուղերի վրա հարձակումները նույն խնդիրն ունեին՝ հայերից մաքրել Սասուն ներխուժելու Փասուր-Տալվորիկ-Անդոկ գիծը և մաշել նրանց կովող ուժերն ու զինամթերքը:

Աշա թե ինչո՞ւ այդ շրջանի հայկական գյուղերի վրա հարձակումները, ավերումները, կողոպուտն ու սպանությունները տեղի էին ունենում անընդմեջ: Դրանք առանձին հաջողություններ արձանագրում էին միայն այն պատճառով, որ խովրեցիներն ու խիանքցիները քրդական հորդաների դեմ կովում էին միայնակ: Հունիսի վերջերից նրանք Սասունի մյուս շրջաններից օգնություն ընդհանրապես չին ստանում զանազան պատճառներով (հեռավորություն, իրենք էլ էին հարձակման ենթարկվում, յուրաքանչյուր գյուղ պետք է իրեն պաշտպաներ ըստ հրամանի, կապի և տեղեկատվության բացակայություն և այլն):

«Ճշմարտութիւնն այն է,- գրում է Կ. Սասունի ամբողջ շրջանը իր միջնաբերդը կը նկատէր Սասունը: Հոն ուղղուած էին բոլորի աչքերը: Հոն կ'երթային կուսակցական եւ մարտական դեկավարները: Հոն կը բարձրանային հին ֆիղայիները, կոռւելու եւ մեռնելու համար»: Նա մոռանում է, որ Սասուն են տեղափոխվում Դաշտի թաքստոցների գենքերը, որոնք, սակայն, հակառակ Դաշնակցության գործիչների հավաստիացումների, ավելի քան քիչ էին:

Ռուբենն ու նրա կողմնակիցները ցանկությունն ընդունում էին որպես իրականություն: Կարծում (և ցանկանում) էին, որ թուրքական հարձակումը սկսվելու էր Սասունից՝ մեխանիկորեն գտնելով, որ այդպես էր մտածում նաև Սերվեթը, և այն իրողությունը, որ այդ հարձակումը ամիսներ շարունակ տեղի էր ունենում, ձգձգվում էր, բացատրում էին ոռուսական բանակի հարձակողական գործողություններով: Ռազմավարության համար կործանարար հե-

տեսանքներ ունեցող մտահղացումը՝ որևէ տարրերակով տարվելն ու մյուս տարրերակները բացառելն ուղղակիորեն նպաստեց տարոնահայության կործանմանը:

Իշարկե, թուրքական հրամանատարությունն աշխատում էր առաջին հերթին ամրանալ Կուրտիկում և վերահսկողության տակ առնել Սասունը Տարոնի հետ կապող ուղիները:

Դեռ ապրիլին փորձ արվեց ամրանալու Կուրտիկում, բայց հայերը թույլ չտվեցին: Փեթարի, Գոմերի, Սեմալի և Շենիկի մարտական ջոկատները հաջողեցին մի քանի օրվա համառ կոփներով Կուրտիկում տիրանալ իշխող դիրքերին: Այդ կոփները ղեկավարում էր Փեթարա Մանուկը, մասնակիցների թվում էր հայկական դասական հայուկության մի ամբողջ համաստեղություն: Հայերը թշնամուն հակահարված տվեցին նաև հարավում՝ Սպիտակ սարում՝ տալվորիկցիների և հարավային Սասունի մի քանի ուրիշ զյուղերի նահանջող բնակչության համախումը ուժերով: Քրդերը վախվորած էին և դանդաղ ու շատ երկոտ էին առաջ շարժվում:

Իշխանձորի, Խուլբի և Խիանքի ուժերը քրդերի առաջ փակեցին Անդոկի հարավային փեշերը բարձրանալու ուղիները: Փաստորեն, հայերը կարողացան Կուրտիկ-Սպիտակ սար-Իշխանձոր-Ընկուզնակ-Աղրի գծի վրա կանգնեցնել թշնամու առաջխաղացումը: Թուրքական հրամանատարությունն անհանգույն հարձակման անդամանական ուժեր ձեռքի տակ չուներ:

Մայիսին հարձակման անցան նաև Բսանքի վրա: Տեղի հայերը հակառակորդին մի քանի կետերում համառ դիմադրություն ցույց տվեցին և ապա ամրացան Գոմուց վանքի անմատչելի պարիսպների հետևում:

Քրդերը դադարեցնում են հարձակումը և սպասում են, որ իրենց միանան թուրքական զորքերն ու թնդանոթները, ինչը Բսանքի հայությանը հնարավորություն է տալիս թշնամուն հակահարված տալ, ճեղքել նրա հարձակման գիծն ու բարձրանալ Անդոկ: Ինչ վերաբերում է Գոմաց վանքի կովին, ապա նա դարձավ Սասոն ինքնապաշտպանական կոփների ամենահերոսական դրվագներից մեկը: Վանքը մի ամբողջ ամիս դիմադրեց: Քրդերը փակեցին վանքին ջուր մատակարարող ջրատարը, դաշտանարար սպանվեց պաշտպանության ղեկավարներից իշխան Շառոն: Նրա հետ միասին հայերի մարտական գործողությունները ղեկավարում էին Ստեփան վարդապետը և Դավիթ Երեցյանը: Որպեսզի Մազե (Սասոնի) կամուրջը բաց լիներ և Բսանքի ու Խիանքի ժողովուրդը կարողանար Տալվորիկ անցնել, Սասոնցի Մուշեղը, Ֆարեն, Թաթարը, Համզոն, Ռըզգոն և մի քանի ուրիշ ֆիդայիներ անձնազու կովի մեջ մտան մի քանի հայուր քրդերի ղեմ: Նրանք շեշտակի գրոհով ձեռնամարտի անցան: Քրդերը բազմաթիվ զոհեր տալով փախուստի դիմեցին:

Մի բուռ ժողովուրդ, որը դրասից որևէ օգնություն չէր ստանում, և ընդհանրապես, կտրված էր արտաքին աշխարհից, ապավինած հայրենի ժայռերին, «նախնաղարյան» հրացաններով հերոսաբար մարտնչում էր իրենից թվապես բազմապատիկ զերակշիռ, շատ ավելի լավ զինված թշնամու ղեմ:

Արդեն մայիս ամսին զծագրվեց, որ բախտորոշ իրադարձությունները տեղի էին ունենալու Անդոկ և Գերին լեռների վրա ու Տալվորիկում: Հայերի տրա-

մաղրության տակ մնացել էր 40 կմ երկարությամբ և 30 կմ լայնությամբ մի տարածք: Այդ տարածքի վրա էր հավաքվել Սասունի ամբողջ հայությունը՝ 15.000 հոգի, ինչպես նաև Սասունում ապաստանած 40.000 տարոնցիների մեծ մասը: Եթե Օսմանյան կայսրության ամբողջ տարածքում ընթանում էին հայերի զանգվածային տարագրություններ ու ջարդեր, ապա Սասունում՝ պատերազմ: Սասունցին վճռական էր՝ առանց կովի ոչ մի թիզ հող չզիջել թշնամուն:

Հայերը բանակցությունների մեջ մտան քրդերի հետ, որոնք հասկանում էին, որ թուրքական իշխանությունները սասունցիներին հաշվեհարդարի ենթարկելու համար էին հեղում քրդի արյունը: Քրդերը հայտարարեցին, որ այլևս առանց թուրքական բանակի մասնակցության կովի մեջ չեն մտնի: Շենիկ զյուղում տեղի ունեցավ Սասունո գյուղերի մարտական ուժերի ղեկավարների ժողով, որին մասնակցում էին Ռուբենը, Կորյունը, Սասունցի Մուշեղը, Մնջոն, Փեթարա Մանուկը, Սեմալյի Մանուկը, Գելեցի Կիրակոսը, Շենիկցի Ղազարը, Զոլոն: Որոշվում է Լեռնաշխարհի պաշտպանական գիծը յոթ գոտու բաժանել:

Պաշտպանական այդ գոտիները ներկայացնում էին հետեւյալ պատկերը:

Տալվորիկ-Խիանք. Հրամանատարը Սասունցի Մուշեղն էր: Նրան օգնում էին Ալիջանցի Տիգրանն ու Բաննցի Դավիթ Երեցյանը: Այս ճակատում հայկական ուժերի կորիզը կազմում էին տալվորիկցիները՝ իշխաններ Թաթարի Համզեի, Բազեի և Ռոզգոյի հրամանատարությամբ:

Ժամանակակիցներից մեկը վկայում է, որ Տալվորիկի ճակատում կար 165 տալվորիկցի, որոնք ունեին 3 մոսին, 4 քյուչուկ չափի, 15 չունական մեկ կրականոց, ինչպես նաև այնալու և չախմախլու հրացաններ: Այստեղ էին նաև Սպաղանքի նշանավոր հայդուկներ Կարոն ու Հազեն: Այստեղ էին Տարոնից Սասուն բարձրացած 50-60 տարոնցիներ, որոնք զինված էին մոսին և քյուչուկ հրացաններով: Կովողներից ունանք ունեին նաև տասնոց մասուցերներ: Այս ճակատի հրամանատարների թվում էին Սասունի ինքնապաշտպանական կոիվների վետերաններ, 1894 և 1904 թվերի հերոսամարտերի մասնակիցներ Գասպարը, Ավոն, Շաշո Ֆարեն, Ավդալի Մակարը, ուսուցիչ Միքայել Քեմայանը, նախկին զինվորական Աշոտ Սարգսյանը: Քրդական անընդմեջ հարձակումները մեկը մյուսի հետեւյց ձախողվում էին, իսկ տալվորիկցիների հակահարձակումների պատճառով էլ մեծ կորուստներ էին տալիս: Մասնավորապես շատ զոհեր էին տալիս տալվորիկցիների ավանդական թշնամի բագրանցիները, որոնք ուղարձակատի այդ մասում քրդերի զիսավոր ուժն էին: Օրինակ, մարտական գործողությունների երկրորդ օրը հայերը գիշերը հարձակվեցին քրդերի վրա ու փախուստի մատնեցին: Զորրորդ օրվա գիշերը նրանք նոր հարձակում գործեցին խրզանցիների վրա և 18 քուրդ սպանեցին:

Այս ճակատում այդպես անցավ ամբողջ մայիս ամիսը: Քրդերին օգնության հասան Խարլջողի աշխրեթները: Հունիսի 20-22-ին տեղի ունեցան կատաղի կոփներ, որոնք նույնպես ավարտվեցին հայերի հաղթանակով: Քրդերը մի օրում 80-100 կովող կորցրեցին: Ավար վերցրած զենքերով տալվորիկցիները մարտական լրացուցիչ ուժերի զինեցին: Երկու օրում Տալվորիկի ճակատում քրդերը շորջ 200 սպանված տվեցին: Գիշերը տալվորիկցիները թողեցին Գարլորի զիրքերն ու Ավխուրկների բարձունքները քաշվեցին, իսկ զյուղի բնակչու-

թյունը Գերինի հարավային լանջերը բարձրացավ: Այդ կոիվներում հայերից սպանվեց 17 և վիրավորվեց 20 հոգի:

Քրդերն այս ճակատում այլևս մարտական լուրջ գործողություններ չձեռնարկեցին մինչև Դիարքերից կանոնավոր բանակի գալը:

Թվենք մյուս ուազմաճակատները:

Շենիկ-Սեմալ. այստեղ հայերը կովում էին Զոլոյի, Շենիկի Ղազարի, Սեմալցի Մանուկի և Աղամի Հրամանատարությամբ:

Աղբի. Հրամանատարներն էին Ազրկա Մարդեն և Մշեցի Արոն:

Գերին-Խովը. Հրամանատարներն էին Խշանաձորի Արթինը, Հեղինցի Վահանը, Սաղտունցի Հովհաննեսը և Ահրոնքցի Մանոն:

Գելիեզուզանի ճակատ, ամենաերկարն էր, հրամանատարներն էին Կորյունը, Մճոն, Մորուք Կարոն, Պետոյան Ղազարը, Սրգոյի Հովսեփը, Քյաթիր Կիրակոսը, Մարգեն, Տեր Քաջի Աղամը, Ֆահրայան Ղազարը, Գորոյի Պետրոսը: Այս ուազմաճակատի ուժերը տեղակայված էին յոթ գյուղերում, կովողների թիվն անցնում էր հազարից:

Սասունի ինքնապաշտպանության ընդհանուր հրամանատարն էր Ռուբենը: Նրա անմիջական հրամանատարության տակ էին Սասունցի Մանուկի, Մշեցի Ֆահրայի, Արոնի, Պատիկ Արամի, Ավրանի Արամի, Ղղլաղաջցի Մանոյի (Հրայր Դժոխքի եղբայրը) և մի քանի ուրիշների ջոկատները:

Ե. Պարսամյանը սասունցիների դիրքերի դասավորության մասին տալիս է Հետևյալ տեղեկությունը, ա) Ս. Հովսաննու վանք՝ Պոլեի Մճոյի խումբ, շուրջ 50 հոգի և Փեթարա Մանուկն իր տասնյակով, բ) Աղբիի դիրքը՝ Կորյունի 40 հոգանոց խումբը, գ) Գարլորի և Կորչիկի դիրքերը՝ Սասունցի Մուշեղի 50 հոգանոց խումբը, դ) Կ. Շարաֆյանի թնդանոթների ղեմի դիրքերը՝ շենիկցիների խումբը Զոլոյի գլխավորությամբ, ե) Գրեսլի դիմացի դիրքերը՝ սեմալցիների խումբը Տեր Կարապետի և Մանուկ Շառոյանի գլխավորությամբ, զ) Ղարիբյանայի և Մխիթարի դիրքերը՝ գելիեզիների խումբը (700-800 հոգի) Մորուք Կարոյի գլխավորությամբ, է) Անդոկի ուազմաճմերքի թաքստոցների պահպանությունը հանձնված էր առանձին խմբի: Այդտեղ էին նաև Ռուբենն ու իր խումբը: ը) Կենտրոնում կովում էին ղղլաղաջցիներն ու գոմերցիները¹:

Վճռական գործողություններն սկսվեցին Հուլիսի կեսերին: Հուլիսի 19-ին թուրքական զորամասերն ու քրդերը նոր հարձակման անցան: Այն Տալվորիկի, Աղբի, Շենիկի, Խովը և Սեմալի ուղղություններում սկսվեց միաժամանակ: Հարձակմանը մասնակցում էին 40.000 հոգի և տասնյակ թնդանոթներ:

Սասունի ուղիելքը, պարտիզանական կոիվներ մղելու սասունցիների փորձն ու Հմտությունը, զինյալների նշանակալի թիվը Հնարավորություն էր ընձեռնում թշնամուն հակահարված տալու: Ռուբենի ու նրա խմբի անգործությունը սկզբնական շրջանում էական ազդեցություն չունեցան մարտական գործողությունների վրա: Տեղաբնակ հայերը Փեթարա Մանուկի, Երեցյան Մանուկի, Սուլուխցի Տեր-Ստեփանի, Կորյունի, Տեր-Մամբրեի, Սաղտունցի Հովհաննեսի,

¹ Պարսամյան Ե., նշվ. աշխ., էջ 75-81:

Իշխանձորցի Արթինի ու Կրպոյի, Մորուք Կարոյի, Զոլոյի ու այլոց ղեկավարությամբ հաջողությամբ էին մարտնչում հակառակորդի գերակշիռ ուժերի ղեմ:

Թշնամու հետ Ծովասարում առաջին բախման ընթացքում թե՛ Հայկական և թե՛ քրդական ուժերը մեծ կորուստներ կրեցին: Հայերը հաջողում են քրդերից խելք բազմաթիվ ոչխարի հոտեր և նախիրներ: Գերինի ուղղությամբ թշնամին նահանջեց՝ մեծ քանակությամբ ավար թողնելով: Գարլորում հայերը տեսական անզիջում կոիվ մղեցին աշխրեթների և կանոնավոր զորքերի ղեմ: Տարկոչում նրանք կարողացան պահել Տիգրիսի կիրճի վրա հսկող կետերը: Ծիրինկատարում նույնպես հայերը պահպանեցին իրենց դիրքերը:

Բոլոր ուազմաճակատներում հարձակումները հետ մղվեցին, բացի ծենիկի ուղղությունից, որտեղ թուրքերը հաջողեցան գրավել Մրկեմողանի և Տալավնեի բարձունքն ու թնդանոթներ տեղակայել: Իսկ Տալվորիկի և Իշխանձորի շրջաններում մղվեցին արյունահեղ մարտեր, գործը հասավ ձեռնակովի: Սպիտակ սարը ծածկվեց քրդերի դիակներով: Նրանք զինադադար խնդրեցին: Հայերը համաձայնեցին: Քրդերն անհծելով օսմանցուն՝ հավաքում են իրենց զոհվածների դիակները:

Թուրքերը թարմ ուժեր են բերում, բայց նրանց ղեմ անառիկ Գարլորն էր, որը թշնամուն գամված պահեց Տալվորիկի ձորերում:

Հայերը հաջողությամբ հետ մղեցին թշնամու գրուները նաև Խոլբի, Խիանքի և Իշխանձորի ճակատներում:

Հայերի գործողությունների սրությունը, կովելու նրանց հմտությունը և անձնազոհությունը քրդերի վրա թանձ էին նատում: Անդոկի հյուսիսային լանջին Բերեշի քրդերի ցեղապետը զոհվեց, իսկ մյուսները խուճապահար փախան: Այդ քրդերին մեծ կորուստներ պատճառեց նաև Ալիանքի մարտական ջոկատը: Անդոկի արևմտյան մասում 2-2.5 ամսվա ընթացքում թշնամին չկարողացավ մեկ թիզ իսկ առաջանալ, չնայած այդ մասում քրդական մեծաթիվ կովող ուժեր կային և նրանց ղեկավարում էր Ֆարղինի տիսրահոչակ Պարան բեկը:

Գելիեզուզանցիները սկզբում հաջողությամբ հետ էին մղում թշնամու հարձակումները: Նրանք եռանկյուն դասավորությամբ դիրքեր էին զրադեցրել և հակահարված էին տալիս թուրք-քրդական հարձակումներին: Հունիսի 21-ին գելիեցիները թույլ տվեցին, որ քրդերն ընդհուպ մոտենան իրենց դիրքերին, ապա գրուցեցին և նրանց 27-30 զոհ պատճառելով՝ փախուստի մատնեցին:

Սակայն սասունցիների ուժերը գնալով հավում, պակասում էին: Հունիսի վերջերին կովողների թիվը հազարից չէր անցնում: Նրանց զլիսին կախվեց նաև սովի վտանգը: Հեշտ չէր 50.000 հոգու կերակրել: Մննդամթերք ապահովելու համար գործադրվում էին զանազան միջոցներ, այդ թվում նաև բռնազավթումներ: Այդ նպատակով Լաճկանում և Անդոկի կիրճերում հարձակումներ գործեցին քրդերի վրա և նրանց փախուստի մատնելով 25 կմ երկարությամբ, հազարավոր ոչխարների տիրացան:

Սասունի ինքնապաշտպանության ամենակարևոր ու թերևս ամենավտանգավոր հատվածը հյուսիսային ճակատն էր, որը Լեռնաշխարհի հյուսիսային դարպանն էր: Առաջին շրջանում հայերն այս ուազմաճակատում հաջողությամբ էին գործում: Շենիկ գյուղի շրջանում մարտական գործողությունները ղեկա-

վարում էր հայդուկային պայքարի բովով անցած, մարտիկ-հայրենասերի լավագույն գծերով օժտված Շենիկցի Ղազարը: Նրա հրամանատարության տակ էին փեթացիների, գոմերցիների, զղաղացիների և շենիկցիների ջոկատները: Այս տեղամասում հայերը խնդիր ունեին կասեցնելու հարձակումը Մուշ քաղաքի կողմից, որտեղից շատ ավելի հավանական էր ոչ թե քրդերի, այլ թուրքական զորքերի հարձակումը: Ղազարի ուժերը մի քանի անգամ հետ մղեցին թե՛ քրդերի և թե՛ զորքի հարձակումները: Կուրտիկի արևելյան կողմում թուրքական երկու ջոկատներ հարձակվում են շենիկցիների մարտական խմբերի վրա: Կոիվը տևում է մինչև զիշեր: Պաշտպանվողներին օգնության են հասնում շենիկցի գյուղացիներն ու սեմալցիները: Թուրքերը հեռանում են՝ մարտադաշտում մի քանի տասնյակ զոհ թողնելով:

Թուրքերն սկսում են կուրտիկի շրջանում ամրություններ կառուցել, զինվորական լրացուցիչ ուժեր են բերում: Առաջին անգամ այստեղ զործածեցին մետաղյա արգելաշղթաներ: 10-15 օր շարունակ ոչ մեծ բախումներ տեղի ունեցան:

Ծիրինկատարին հայերի գործողությունները դեկավարում էր Մանուկ Շառոյանը: Նա 1904 թ. կոփիների համար դատապարտվել էր 101 տարվա բանտարկության, բայց սահմանադրության հոչակումից հետո ազատվել էր: Նրա հրամանատարության տակ էին Շատախի, Սեմալ, Շենիկ, Տապրք, Շուշնմերկ, Գեղաշեն և Իրիցանք գյուղերի մարտական ուժերը: Այս ճակատում ևս հայերը շարաթներ շարունակ հաջող մարտեր մղեցին:

Հունիսի 26-ին թուրքական զորքերը նորից գրոհեցին կուրտիկը, սակայն մեծ կորուստներով հետ փախան:

Գերի բռնված մի քուրդ հայտնեց, որ Նուրի բեկի հրամանատարությամբ թուրքերը զինվորական մեծ ուժեր էին կուտակում և խոշոր հարձակման պատրաստվում:

Հայերն անմիջապես նախապատրաստական աշխատանքներ են սկսում՝ նոր ուժեր են հավաքագրում, դիրքերն ամրացնում:

Ռազմաձակատի կենտրոնի ուժերի առաջ խնդիր դրվեց սպասել մինչև թշնամին մոտենա և հակահարձակման անցնել: Խակ Վ. Գրիգորյանի, Ա. Պողոսյանի, Գ. Քոթանյանի, Խ. Շառոյանի և Մ. Ղազարյանի ջոկատները դարձնակալել էին աջ թերում և հանկարծակի հարձակում էին զործելու թշնամու վրա՝ թիվունքից:

Նախահարձակ եղան քրդերը, ապա մարտի մեջ մտավ զորքը: Նախնական նշանակետերը Շենիկ և Սեմալ գյուղերն էին:

Նուրին հաղթանակի հարցում կասկած չուներ և իրեն ամրարտավան էր պահում: Թուրքերը բղավում էին. «Վախսկո՛տ հայեր, անձնատո՛ւր եղեք»: Հայերը թույլ տվեցին, որ նրանք մոտենան իրենց դիրքերին, ապա տրվում է հարձակման ազդանշանն ու սկսվում է կատաղի մարտ, որն ավարտվեց թուրքերի խուճապահար փախուստով: Բայց Նուրին հաջողեց խուճապի առաջն առնել և իր ուժերը կենտրոնացնել աջ թերում: Հայերը կովելով հետ քաշվեցին: Այդ ժամանակ թշնամուն թիվունքից խփեցին դարան մտած ջոկատները և նրան առան աքցանի մեջ: Նուրին սպանվեց, խակ զորքը փախուստի դիմեց:

Հայերին ոգևորում էր նաև այն, որ ոռւսները հասել են Մկրագոմ, այսինքն՝ մտել են Տարոն: Իրավիճակը քննելու և հետազա անելիքները որոշելու համար հունիսի 28-ին խորհրդակցություն կայացավ: Մասնակիցների մի մասը Ռուբենի գլխավորությամբ գտնում էր, որ պետք է շարունակել կոփը մինչև ոռւսների գալը, իսկ մյուս մասը (Կ. Երեցյան, Գ. Սարգսյան, Վ. Աղատյան և ուրիշներ) նկատի ունենալով մատակարարման անհնարինությունը, գտնում էին, որ անհրաժեշտ էր ժողովրդին դուրս հանել Սասունից: Նրանք առաջարկում էին Ծովասարում ձեղքել թշնամու ճակատային գիծն ու իջնել Մուշ, ապա առաջ շարժվել և 2-3 օրում հասնել ոռւսական բանակին:

Դժվար է հետին թվով որոշակի գնահատական տալ այս կարծիքներին: Ըստ իս, ճիշտը առաջին առաջարկն էր, որովհետև խելոք մարտավարության դեպքում դա շատ ավելի մեծ հնարավորություն ուներ ժողովրդին փրկելու, քան թշնամու օղակի միջով կանանց, երեխաներին, ծերերին 80-90 կմ տեղափոխելու, այն էլ մի պահի, եթե ոռւսական բանակից փախչող մահմեղական զանգվածները ողողել էին Տարոնը և ավազակությամբ ու հայերին բնաջնջելով էին զբաղված:

Այլ բան է, որ ինքնապաշտպանության ղեկավարները, հույսը դնելով ոռւսների գալու վրա, լուրջ չվերաբերվեցին ինքնապաշտպանական կոփների հետազա կազմակերպմանը:

Ռազմաճակատային գծի ոչնչացումն ու ժողովրդի կենտրոնացումը Անդոկում (չնայած այն տեղի էր ունենում աստիճանաբար, բայց անընդհատ), խանգարում էին դիրքային կոփներին, ինչպես նաև դրանց ու պարտիզանական գործողությունների զուգակցմանը:

Առաջին հայացքից թվում էր, թե օգոստոսի 1-ին հայերի պաշտպանական գծում, բացի Շենիկի և Սեմալի հատվածից, հարաբերական կայունություն էր: Բայց անմիջապես ակնհայտ դարձավ, որ այդ «բացի»ն վճռորոշ դեր ուներ: Այստեղ թուրքերը հնարավորություն ստացան ոմբակոծությունների օգնությամբ ձեղքվածք առաջացնել սասունցիների պաշտպանական գծում: Հավանաբար երկու կողմերն էլ այդ լավ էին հասկացել և Շենիկը մի քանի անգամ ձեռքից ձեռք անցավ: Նախավերջին անգամ հայերը ոչ միայն գյուղը, այլև թուրքական թնդանոթները գրավեցին: Սակայն թուրքական հրամանատարությունը թարմ ուժերի հետ միասին նոր թնդանոթներ է բերում ու տեղադրում կուրտիկի բարձունքներին: Սկսվում է նոր ընդհանուր հարձակում և Շենիկը պահելը անհնար է դառնում: 50 կմ երկարություն ունեցող ուսումնակատի ամբողջ երկայնքով անզիջում մարտեր էին ընթանում: Օրհասական կոփներ էին, մասնավորապես հզոր էր հարձակումը շենիկցիների և գելիցիների դիրքերի վրա:

Բայց հայերն աննկուն էին:

«Օգոստոսի 1-ին թուրքական զորքերն ու քրոքերը հարձակման անցան և առաջ շարժվեցին, - գրում է Ա. Համբարյանը:- Տեսնելով ղեկավարների անգործությունը՝ Փեթարա Մանուկը, երիցյան Մանուկը, Սուլուխը Տեր Ստեփանը, Գոմսեցի Կորյունը, Տեր Մամրեն, Սաղտունցի Հովհաննեսը, Իշխանձորցի Արթինն ու Կրպոն և ուրիշ հին հայուկներ ու ազգեցիկ անձինք համախմբեցին

սասունցիներին ու նրանց մղեցին գոյապայքարի: ԱՀԵՂ կոհվներ եղան Գոմուց վանքի, Անդոկի, Իշխանձորի, Շատախի և Գելիեզուզանի գյուղերում: Թշնամին բազմից լեղապատառ փախուստի դիմեց, սակայն թարմ համալրումներ ստանալով վերսկսեց հարձակումը:

Սկզբում հայերը հյուսիսում հետ քաշվեցին մինչև Շենիկ, Սեմալ և Ալիանք գյուղերը, այդ ճակատում ունենալով 400 կովող: Պաշտպանական երկրորդ դիմք ձգվում էր Քափրեշարիֆխանից մինչև Բունգեի հովիտը, Զայից մինչև Դահլազարի բարձունքները: Այստեղ էին Չոլոն, Մոսե Խմոն, Հ. Մանուկյանը, Մ. Մարգարյանը, Թ. Գասպարյանը և Հ. Ղազարյանն իրենց ջոկատներով: Այս դիրքերից աջ ընկած 16-20 կմ երկարություն ունեցող գծի պաշտպանությունը ղեկավարում էին Կորյունը և Կ. Հեպոյանը:

Հուլիսի 12-ին քրդերը Մըկեմողանից մոտենում են Շենիկ գյուղին՝ դա գրավելու դիտավորությամբ: Հայերը հանկարծակի գրոհ են սկսում ու նրանց ջարդում: Քրդական ուժերի մնացորդները, համալրում ստանալով, թևերից հարձակվում են գյուղի վրա: Բայց Մ. Մարգարյանի և Հասրաթի ջոկատները հաջողում են աննկատ անցնել թշնամու թիկունքն ու նրան խուճապի մատնել: Հուլիսի 15-ի լուսաբացին թուրքական զորքերն ու քրդերը սկսեցին զլխավոր հարձակումը: Պոլեյ Մջոյի, Ա. Մովսիսյանի, Վ. Գրիգորյանի և Պողոսի Առաքելի ջոկատների վրա ընկապ թշնամու ավելի քան գերակշիռ ուժերի առաջն առնելու պատասխանատվությունը: Հայերը քրդերի հարձակումը ձախողեցին, բայց նրանց հետևից ընթացող թուրքական զորքերը քրդերին հարկադրեցին վերսկել հարձակումը: Քրդերը, չնայած մեծ կորուստներին, համառորեն առաջ էին շարժվում: Հայերի վիճակը ծանրանում էր: Այդ պահին Մ. Շառոյանի և Մ. Մարգարյանի ջոկատները ձախ թևում հանկարծակի հակահարձակման են անցնում, իսկ Կ. Հեպոյանի ջոկատը միարձվում է թշնամու շարքերը: Թուրքերը հետ են քաշվում: Բայց նրանց և քրդերի թիվը տասնյակ անգամ գերազանցում էր Հայերի թվին, ինչը հնարավորություն տվեց հասնել Հայերի դիրքերին և հրդեհել ոչխարանցները: Սկսվում է ձեռնամարտը: Գյուղի հյուսիսային մասի տները հրդեհվում են, իսկ կենտրոնում մարտերը շարունակվում են մինչև գիշեր: Հայերը դուրս են գալիս գյուղից և դիրքեր գրավում հարավային կողմի անտառում: Գյուղը լրիվ հրդեհվում է:

Նույն օրը հաջողվում է բռնել երկու թուրքի, որոնք պատմեցին, թե նախորդ օրվա կովում զոհվել էին 150 թուրք և քուրդ, այդ թվում՝ երկու բեկեր, 250 վիրավորների տեղափոխել էին Մուշ, ինչը բացասաբար էր անդրադաել զորքի մարտունակության վրա, իսկ քրդերը լրիվ բարոյալքվել էին: Գերի թուրքերը նաև ասացին, որ նոր զորքեր են գալիս թնդանոթների հետ: Մի քանի օր անց ոմբակոծվում է Շենիկ գյուղից մինչև Դահլազար լեռն ընկած ամբողջ տարածքը, ապա սկսվում է հետևակի հարձակումը: Դա ալիքավորված հարձակում էր: Թուրքերի մի շարքն առաջնում էր, և ընկնելով Հայերի հրացանային համազարկի տակ, հետ էր փախչում, որից հետո հարձակման էր անցնում երկրորդ շարքը և այդպես՝ ամբողջ օրը:

Հայերի դիրքերը հարմար էին: Նրանց պաշտպանում էին անտառը, ձորերն ու լեռները: Թուրքերն սկսեցին նահանջել: Ոչ միայն կովողները, այլև սննդա-

մթերք բերող տղամարդիկ ու կանայք, հետապնդում են թշնամուն և նրա նա-
հանջը խուճապահար փախուստի վերածում: Թուրքերը մարտադաշտում 300
զոհված թողեցին: Ինչպես ամեն անգամ մարտը շահելուց հետո, այս անգամ էլ,
հայերը հավաքեցին զոհվածների ու վիրավորների զենքերը և մարտական
համալրումներ կազմակերպեցին: Ապա շարժվեցին դեպի Գելի և դիրքեր
գրավեցին Սեմալից ու Շենիկից 6 կմ հարավ ընկած լեռնալանջին նախապես
պատրաստված խրամատներում: Այսինքն՝ հայերը տեղափոխվեցին նոր
պաշտպանական գիծ, որի երկարությունը հասնում էր 22 կմ: Այդ գծին էր
դասավորված սասունցիների ամբողջ կովող ուժը:

Երկու օրվա դադարից հետո, հուլիսի 21-ին թնդանոթային կատաղի ոմբա-
կոծությունից հետո թուրքերն ամբողջ ճակատով հարձակման քշեցին քրդերին:

Առանձնապես համար մարտեր մղվեցին Զայի Հովտում՝ Բարբարի կիրճում:
Դա կիսապարտիզանական կոփի էր: Հայերը կովում էին ոչ թե դիրքերից, ոչ թե
ճակատային գծում, այլ առաջ շարժվող թշնամու վրա հարձակվում էին ան-
տառից կամ ժայռերից: Հետագա կորուստներից խուսափելու համար՝ թուրքե-
րը նահանջի փող հնչեցրեցին: Նրանց զոհերի թիվն էր 155, իսկ հայերինը՝ 55:

Հաջորդ օրվա լուսաբացին նորից աղմկեցին թնդանոթները: Թուրքերը նոր
հարձակում սկսեցին և կարողացան հայերի պաշտպանական գիծը ճեղքել և
հասնել Բարբարի կիրճի վերին մասը: Սակայն դա դեռ հաղթանակ չէր, որով-
հետև կիրճի աջ և ձախ ափերին խրամատավորված սասունցիները թշնամուն
առան խաչաձև կրակի տակ ու փախուստի մատնեցին: Հայերից զոհեց 48,
իսկ թուրքերից ու քրդերից՝ 120 հոգի:

Սասունում կոփիվներն ունեին տարօրինակ տրամարանություն: Որպես կա-
նոն, մարտերը շահում էին հայերը, իսկ տարածքները՝ թուրքերը: Այդպես եղավ
նաև այս անգամ: Նույն օրվա երեկոյան Անդոկի պաշտպանության մարտերից
հայտնեցին Կորյունին, Կ. Հեպոյանին և մյուսներին, թե Տալվորիկի և Իշխան-
ձորի շրջաններում թշնամին մեծ համալրումներ ստանալով հարձակման է ան-
ցել և հայերի վիճակը ծանր է: Առաջարկվում էր հետ քաշվել Անդոկի արևելյան
լանջերի պաշտպանական գծերը: Պարզվում է, որ թուրքերը որոշ թվով ուժերի
ուազմածակատից հանել և ուղարկել էին Սասուն՝ հայերին ոչնչացնելու:

«Թուրէնը, - գրում է Գալեն, - նախապէս պարպել տալով Շենիկ, Սեմալ
գիւղերը եւ այդ կողմի դիրքերը, Սասունոյ ամբողջ հայ գիւղերու բնակչութիւնը
եւ դուրսէն եկած փախստականները, բոլորն ալ հաւաքել կու տայ Գելիգուղան,
Անդոկ լերան կողերու վրայ: Թշնամին մինչեւ Գելիգուղան իր առջեւ բաց տես-
նելով՝ կը յառաջանայ եւ իր թնդանութները իր յարմար դատած դիրքերու մէջ
կը դետեղէ... ու կը սկսի օրն ի բուն ոմբակոծել... Լրուած դիրքերը անմիջապէս
կը գրաւուին թշնամիի հետեւակ զօրքին կողմէ, որոնք ... կիներու եւ
երախաններու վրայ գնդակ տեղացնելով հազարաւորները կոտորեցին...»¹:

Դրությունն ավելի բարդացավ նրանով, որ խարզանցի, Շենիկի տան, բա-
լաքի քրդերը Ծովասարի կողմից նորից ուազմածակատ բացեցին և հարձակ-
ման անցան Աղբիկի վրա: Ճիշտ է՝ հաջողվեց հարձակումը հետ մղել, բայց

¹ Բղէյեան Մ., նշվ. աշխ., էջ 442-443:

Հայերը հարկադրված եղան այդ ճակատը ևս ամրացնել: Սակայն մի քանի օր անց Մուսա բեկը քրդական ստվար ուժերով Բոնաշենի վրայով հարձակման անցավ ու գրավեց Աղբիկը, որի բնակիչները նույնպես տեղափոխվեցին Գելի: Իսկ Մուսան սպառնում էր շարունակել առաջանալ դեպի Անդոկ: Հուլիսի 14-ին Հայերը մերկացրեցին նաև Քափրեշարիֆխան հովտից և Ալիանքից մինչև Ղարիբշարի բարձունքն ընկած ճակատամասը և նույնպես տեղափոխվեցին Անդոկ:

Այսպիսով, Անդոկի տարածքում Հայերի կովող ուժերը տեղափոխվեցին Հետեւյալ կերպ: Ամբողնիում և նրա ստորին փեշերին տարոնցիները, գելիեցիները և մասսամբ ազբրիկցիներ էին: Ղեկավարը Կորյունն էր, օգնականը՝ Հ. Հովսեփյանը: Խնդիրն էր դիմադրել Մուսայի 2000-անոց ուժերին: Խոտի փեշերին, Ծակքարում, Կաքավաղբյուրում, Մուրեյտուր յայլայում սեմալցիների ջոկատն էր Մ. Շառոյանի հրամանատարությամբ: Անդոկի արևելյան լանջին շենիկցիների ջոկատն էր Օ. Ղազարի հրամանատարությամբ: Անդոկից արևելք տեղափորված էր նաև Ալյանքի 50 հոգիանոց ջոկատը Մ. Մարգարյանի հրամանատարությամբ: Բեսրեյի մեծ հովտում նույնպես գելեցիներն էին Գ. Սարգսյանի հրամանատարությամբ: Գելեցիների մի ջոկատ էլ Զատոյի Լեռնի հրամանատարությամբ Համոյի գոմերի վերին մասում էր: Ճակատի այդ մասում թուրքերը կենտրոնացրել էին 1000-ից ավելի քրդերի՝ Պարան բեկի և շեյխ Սելիմի ղեկավարությամբ:

Ազատյան երկու տասնյակ մարտիկներով գիշերը հարձակվում է քնածքրդերի վրա և փախուստի մատնում նրանց: Երեկոյան, երբ քրդերը նամազ էին կատարում, Հայերն աննկատ մոտենում են շեյխի վրանին և սպանում թե՛ նրան և թե՛ նրա հետ նամազ անողներին:

Կըշշիկում մշեցիներն ու աղբրիկցիները Պոլեյ Մջոյի հրամանատարությամբ նույնպես մարտեր էին մղում Մուսայի հրոսակախմբերի դեմ, և գիշերային երկու հարձակումներով նրանց նշանակալից կորուստներ պատճառեցին:

Թուրքերը Գրեգորում թնդանոթներ տեղադրեցին և ոմբակոծության տակ առան Անդոկն ու Գերինը: Երկու լեռն էլ օղակվեցին: Երեք օր դաժան մարտեր ընթացան: Լուր տարածվեց, թե Ռուբենը «կարգադրած է դիրքերն ամուր պահել մինչեւ մութը կոխէ, որպէսզի ճեղքելով թշնամիի շղթան անցնինք դէպի Քան, որտեղ Հաւաքուած է Դաշտի ժողովուրդի կարեւոր մասը: Բայց ինքը վերցնելով Փեթարայ Ախոն, Մանուկը եւ Թաթուլը՝ իրենց տասնեակներով, կ'անցնի Կոչկայի ձոր: Մնացած կոռուզներին Պոլեյեան Մծոն, Արշակ, Պօղոս, Շենիքայ Զոլոն, Կելիեկուզանայ Ղազար, Ավոյ տան Կարապետ, Սեմալյայ Մանուկ, Աղբեցի Մծոն, խմբապետ Մուշեղ իրենց ուժերով կ'ուղղուին դէպի Կեփին»¹:

Աշխատանում են նաև Խուլբի և Խիանքի քրդերը: Նրանք ձգտում էին Սպիտակ սարով շարժվել Տալվորիկի վրա: Հունիսի 10-ի արևածագին Խիանքի Սլեման աղայի հրոսակները հանկարծակի հարձակում են գործում Հեղին գյուղի վրա: Գյուղը լուրջ դիմադրություն ցույց տալ չի կարողանում: Քրդերը կոտո-

¹ Սասունի Կ., նշվ. աշխ., էջ 444-445:

բում են անզեն բնակչությանը, կողոպտում տներն ու ավերում: Հեղինի 600 բնակչոց փրկվում է չորս հոգի: Սլեմանի ավաղակները կոտորեցին ու կողոպտեցին նաև Սաղտունի, Բացուի, Արոկի, Փառկայի և Բերմի բնակչության մի մասին:

Նույն օրերին Խուլքի Հասանը Հանձնարարություն տալու պատրվակով ԱՀրոնքի, Շուղեքի, Գեղրդավանքի և Ընձքարի ազդեցիկ անձանց իր մոտ է հրավիրում ու բանտարկում: Նա քորդ Հրոսակներ է ուղարկում այդ գյուղերը, որոնք կոտորում են բնակիչներին: Փրկվածները փախչում են մերձակա անտառներն ու բարձրանում Անդոկ:

Սերվեթի Հանձնարարությամբ և թուրքական սպաների ղեկավարությամբ ստեղծվեցին քրողական երեք զորաբանակներ ու երեք ուղղությունով՝ արևմուտք, Հարավ և Հարավ-արևելք, մտան Սասունի խորքերը: Արևմուտքից Հարձակում էին մամկանցի, խրըկանցի, Բերեշի, Շենի, Արտաշենի, Լեճի, Փարկինի աշխրեթները՝ Հասանի, Պարանի և Սալիմի ղեկավարությամբ: Նրանց առաջ խնդիր էր դրված Անդոկի արևմտյան և Հյուսիսային փեշերով առաջանալ ու դրավել լեռը:

Հարավից Հարձակվում էին բատկանցի, սիանքցի, ինիկանցի, Սլիվանի ու Ֆարղինի աշխրեթները՝ Սլեմանի և Ֆարղինի Սատուի հրամանատարությամբ: Հարձակումը խնդիր ուներ Սպիտակ սարի արևելյան փեշերով առաջանալ, դրավել Գարլոր, Գերին լեռները և իշխանձոր գյուղը ու Հարձակվել Տալվորիկի վրա:

Հարավ-արևելքից Հարձակվում էին Բուղրկանի, Դըրգանի, Շեկոյի, Բալըքի, Ռըշկոտանի, Հազոյի և Խարլջողի աշխրեթները՝ Փաթայի, Ռ. Սալըմի և Խրչանցի Մահմուղի հրամանատարությամբ: Սրանց խնդիրն էր Ծովասարի արևմտյան փեշերով առաջ շարժվել, դրավել Բսանքի գավառակն ու Տալվորիկի գյուղը:

Ոչ միայն Հայերի, այլև քրողերի վարքագծի կողմնորոշման վրա վճռորոշ ազդեցություն ուներ ոռուսական բանակի առաջանալը Վանի, Մանազկերտի և Բուլանըղի ուղղությամբ:

Ծանր էր տալվորիկցիների վիճակը: Նրանք զորքի և աշխրեթների անդադար Հարձակմանն էին ենթարկվում: Այստեղ ևս Հայերը Հաջողում են մի քանի հնարամիտ գործողությունների ու դիվերսիաների միջոցով թշնամուն զգալի կորուստներ պատճառել: Բայց նաև անհնար դարձավ թշնամու տասնյակ անգամ գերազանցող ուժերի Հարձակումը դիմակայել և տալվորիկցիները նահանջեցին Պերինի (Կեպինի) Հարավային փեշերի խրամատները, որոնցից քիչ վերև ժայռերի ու մացառների մեջ ապաստանել էին կանանց, ծերերի և երեխաների բազմությունները: Իսկ ցածում իշխանձորցիները շարունակում էին կատաղի կոիվ մղել թշնամու մեծ ուժերի դեմ:

Օհանի հրամանատարությամբ գործող իշխանձորցիների ջոկատը շրջապատվում է և մահուկենաց կոիվ մղում: Դրան սարի գաղաթից ականատես են դառնում կանայք: Նրանցից Վարդ անունով մեկը դիմում է ժողովրդին՝ թե ինչո՞ւ ենք կանգնել ու դիտում ենք, թե ինչպես են ոչնչացնում մեր եղբայրներին: Գնանք օգնության: Եվ գնում են, ժայռերի բեկորներ ու քարեր են թա-

փում: Թուրքերը ընկրկում են և ճանապարհ տալիս մարդկային լավային: Զո-կատը փրկվում է:

Նույն օրը պաշտպանական գիծը թողեցին նաև ալանքցիք: Այդ նկատելով՝ թուրքերն առաջ են չարժվում և գրավում Գելին ու միանում Մուսայի կովող-ներին:

Անդոկի փեշերը ուղամաձակատի էին վերածվել: Ամեն տեղ կոխվներ էին, դաժան, արյունահեղ կոիվներ: Թուրքերը համառորեն չարժվում էին դեպի լեռան գագաթը, որտեղ հազարավոր կանայք, երեխաներ ծերեր ու հիվանդներ էին: Սասունցիները կովում էին իրենց նման, մարտնչում ամեն մի թիզ հողի, ամեն մի ծառի, ժայռաբեկորի ու քոլի համար:

Թուրքական զորքերի հրամանատար Քյաղիմը ոմբակոծության տակ է առ-նում լեռան գագաթի բնակչությանը: Թնդանոթներից մեկը ոմբակոծում էր Գրեգոլի, մյուսը՝ Բարբարի կիրճի վերին մասից, իսկ երրորդը Քափրեշարիֆ-խանից: Քյաղիմը հրամայել էր, որ յուրաքանչյուր զինվոր ամեն օր Անդոկի վրա պետք է արձակեր 200-300 փամփուշտ, գնդացիրները պետք է գործեին ան-դադար, որպեսզի ահարեկեին ու խուճապի մատնեին հայերին:

Ո՞չ: Սասունցին կմեռնի, բայց զենքը ձեռքին խուճապի մատնվել՝ երբե՛ք:

Սննդամթերքը, մանավանդ հացը սպառվել էր, բայց կանայք ոչ մի օր կովողներին առանց սնունդի չժողեցին: Նրանք գիշերներն անցնում էին բոլոր դիրքերով և ուտելիք բաժանում:

Երկու գելիեցիներ՝ Արամն ու Հովսեփը Ամբըրնու խրամատներից ոչնչաց-նում են մեկուկես տասնյակ քրդի՝ Բոնաշենի Մահմուդ աղայի հետ միասին: Դրան հետևում է Մուսայի հարձակումը Ամբըրնու վրա: Աղբրիկցիները նույն կերպ են վարդում Շեկո տան քրդերի մի ջոկատի հետ:

Այդ պահին լուր հասավ, որ ոռուները նահանջում են: Դա ողբերգության դեմ անձնագոհ մարտնչողի համար սառը ցնցուղ էր, հույսի վերջին շուղի ան-հետացում: Հայերը խարդվում են լեռան գագաթին ու դրա շուրջը: Փամփուշտն սպառվում էր: Բնակչությունը քարեր է կուտակում թշնամու դեմ դրանցով կովելու համար: Եվ ոչ միայն քարեր, այլև ժայռաբեկորներ են խուժում հակա-ռակորդի վրա:

Բայց թուրքերի առաջն առնելը արդեն անհնար էր: Թշնամին սողում ու սողում էր դեպի վեր: Ռազմաճակատի բոլոր հատվածներում հայերի վիճակն աղետալի էր: Համընդհանուր ողբերգությունը շատ էր մոտեցել, շոշափելի դարձել:

Հուլիսի 23-ից մինչև օգոստոսի 2-ը եղավ սասունցիների դարավոր գո-տեմարտի եղբափակիչ փուլը: Դա կոիվ էր ոչ թե ապրելու, այլ մեռնելու հա-մար, դա կոիվ էր բանականությունից համբարձված մարդկային աննկուն բնա-վորության, խելահեղ, հրաբխային պոռթկումների: «Լեռան գագաթներուն վրայ գտնուած սասունցի կիներ ահագին ժայռեր վար կը գլորէին իրենց վրայ յարձակում գործող զօրքերու եւ քիւրտերու վրայ, որոնք գլորուած քարերու հետ միասին դէպի անդունդը կ'անհետանային»:

Կորյունի ուժերը կովում էին լեռան փեշին, իսկ Զոլոյի ջոկատը՝ Խոռ կոչվող տեղում: Ընկավ նաև Անդոկի բանալին՝ Գրեգոլը, որի վրայից թուրքական

թնդանոթները ուղիղ նշանառությամբ ոմբակոծում էին գագաթում խոնված ժողովրդին:

Պատմում է Սասունցի Մուշեղը. «... Անդոկի ծերպերուն մէջ խորհրդակցութեան էին նստած ժողովուրդին ներկայացուցիչները եւ հայ ֆիտայիները: Բոլորն ալ հիւծուած երեւոյթ ունէին, շատերս զիրար չէինք ճանչնար այլեւս, այնքան, որ վախեցած էինք: Յոզնութիւնը, տառապանքը մեզ դուրս էին հանած մարդկային կերպարանքէն: Պատմական այս վերջին հանդիպումին ներկայ էին բազմաթիվ հին եւ նոր հայութկներ, կային վիրաւորներ... Բացակայ էին բազմաթիւ հին ընկերներ... Լուռ էինք բոլորս ալ ու զլիսահակ...»: Եղան առաջարկներ՝ «մինչեւ վերջին փամփուշտը սպառել եւ ապա մեծով պղտիկով նետուիլ ժայռերէն վար: Ախոն յարմար կը գտնէ մեծ խարոյկ մը պատրաստել եւ անոր ճարակ դառնալ...»: Մեծ թվով մարդկանց կարծիքն էր. «...Հաւաքական ինքնապաշտպանութեամբ անկարելի եղաւ փրկութիւնը ապահովել... այլեւս ապատ ձգենք կոռուպդներն ու ժողովուրդը: Մէկ խօսքով, ամեն մարդ պէտք է, որ իր զլխուն ճարը նայի... Յետ այսու հայոց բարձրաբերձ լեռներն ու ծերպերը թող ըլլան ժողովուրդին ապաստարանը...»

Գիշերային մութէն օգտուելով, ժողովուրդը ցրուեցին Կըռչիկի խորերը անմատչելի անտառներու եւ ծերպերու մէջ...»¹:

Մուշեղի այս մտքերին հարկ է վերապահումով մոտենալ, որովհետեւ այդ ժողովի ու օգոստոսի 2-ի և 3-ի մասին կան նաև միանգամայն այլ բնույթի վկայություններ:

Կ. Սասունին մարտական ուժերի՝ վերը նշված ճակատագրական նշանակության ժողովում Ռուբենի ճառը ներկայացնում է հետեւյալ տեսքով. «Կացութիւնը յուսահատական է: Զեղի կու տամ ազատութիւն՝ ընելու ինչ-որ կ'ուզէք: Կայ Կովկաս մեկնելու հաւանական յաջողութիւնը, կայ պահուելու պարագան եւ կայ նորէն դիրքեր մտնել ու կոուիլ մինչեւ մնացած 5-10 փամփուշտը եւ սպաննուիլ տեղնուտեղը: Ուրեմն ազատ է ամեն ոք՝ ընտրել որը որ կ'ուզէ: Ցրուեցէ՛ք, ուր որ հաճելի է ձեզի»²:

Հավանաբար այս աներևսակայելի ցինիզմը հավասարակությունից հանեց նաև Ռուբենի մերձավոր զինակիցներին: Կողբեցի Տիգրանն ասաց. «Եթէ մենք հայրենիքը եւ ժողովուրդը սիրողներ ենք, պէտք է որ մնանք իրենց հետ եւ մինչեւ վերջին չունչներս կոուինք, մեռնինք, թէ ապրինք, բայց միշտ ժողովուրդին հետ, անոր ճակատագրով: Պ. Ռուբենը պէտք չէր, որ այսպէս խօսէր»³:

Ռուբենի վարքագծի մասին ե. Պարսամյանը գրում է, որ նա «իր որոշումը կը պարտադրէ եւ ինքը առանձին կը զատէ զէնք ունեցողները, կարգ կը շարե եւ քալելու հրաման կու տայ Կըռչիկի, Կապլորի եւ Կեփինի ուղղութեամբ»⁴: Ռուբենը ժողովրդի «առաջին լրողը եղաւ»:

Պատահական չէ, որ դաշնակցական գործիչները հնարավոր ու անհնար

¹ Ռուբեն, նշվ. աշխ., էջ 80-87:

² Սասունի Կ., նշվ. աշխ., էջ 983:

³ Պարսամեան Ե., նշվ. աշխ., էջ 82:

⁴ Նույն տեղում, էջ 83:

միջոցներով աշխատում են լոռության մատնել կամ անգամ արդարացնել Ռուբենի այս ստոր դավաճանությունը: Կ. Սասունին Տիգրանի ասած խոսքն անվանում է «աւելորդ ժողովրդասիրութիւն» (պարզվում է, որ դաշնակցականների համար նման հասկացություն գոյություն ունեցել է), որովհետեւ, նշում է նա, «պայմաններն ու զանազան վայրերը, որոնց մէջ ցրուած ու պահուած պիտի ըլլար ժողովուրդը», կորցնելու էր «իր հաւաքական միութիւնը»:

Բայց նաև իրողություն է, որ հանգուցալուծման օր դարձավ օգոստոսի 2-ը, որն սկսվեց Կորյունի զոհվելով: Օգոստոսի 3-ին պաշտպանական գիծը դադարեց գոյություն ունենալուց և թշնամու կրակն ամբողջությամբ կենտրոնացավ բնակչության վրա: Ակսվեցին ընդհանուր խուճապ ու փախուստ, բոլորը դես ու դեմ էին փախչում փեկվելու, ապաստան գտնելու հույսով: Քիչ անց Անդրկի գագաթը ժողովրդից դատարկվեց, հայերը փախչում էին դեպի հարավ, դեպի Կրոշիկի ձորը, Գաբրոր, Գերին, Գյալիեսան: Խակ որոշ խմբապետներ հետևեցին Ռուբենի օրինակին և իրենց խմբերով շարժվեցին դեպի հյուսիս՝ ոռւսական բանակին հասնելու հույսով:

Ռուբենի խմբի թափուն հեռանալուց հետո, պատմում է Ա. Մանուկյանը, «կայծակի արագութեամբ գիշերն իր մութ թեւերով տարածեց խուճապը: Զինուորութիւն այլեւս չկար: Անզէն ժողովուրդը, կատաղած, կը բռնէր ցրումի ճամբան, իրականին մէջ գալարելով աննպատակ կերպով»:

Լուսարացին թշնամին սկսեց հարձակումը, և տեսնելով, որ դիմադրություն չկա, հանդգնորեն խուժեց հայերի «բանակավայրը»: Անզեն ժողովուրդն իրար խառնված, հնձվում էր թշնամու գնդակներից... Շատերն «ինքոյնքնին ժայռերէն վար կը նետէին խումբ առ խումբ՝ իրենց հաւատի վերջին ճիգով զիրար ողջագուրելով եւ միամեանց ձեռքէն բռնելով... Ով դանակ կամ դաշոյն ունէր, ջերմեռանդօրէն իր կուրծքը կը խրէր կամ... ինքոյնքը կը մորթէր... Թշնամիին բարբարոս սուրը հնձած էր տասնեակ հազարներու կեանքը... Մայրամուտին ոտքի ելայ եւ անցայ Քանայ ահաւոր մեռելստանէն: Տարօնը փչած էր իր վերջին շունչը... Ցեղի մը վերջին մնացորդի անիմանալի տանջանքով եւ չարչարանքի գերմարդկային հառաչանքներով մեռելներու մէջ կենդանի հայ կը փնտոէի: Բայց զուր անցան ողբաձայն աղաղակներս: Բոլորը լուռ կը քնանային...»: Հաջորդ օրը լուսարացին «ի՞նչ տեսնեմ, ամբողջ լեռը պաշարուած էր սատիկաններով ու քիւրտերով... Տեսայ, որ անտառի եղրին խումբերով մարդիկ կը սպաննուին եւ արձակուած գնդակներու սարսափէն իրենց թաքստոցներէն դուրս կը փախչէին նորանոր խումբեր...

Երեկոյեան դէմ դադրեցաւ կրակը: Դուրս ելայ տեղէս եւ սկսայ վար իջնել լեռնէն: Դիմացի բարձունքէն դէպի մեր զիւղը (Խասգեղ) կ'իջնէր խուժանը՝ առաջնորդելով անտառին մէջ բռնուած հայ գերիներու մեծ խումբ մը (800 հոգի)»¹:

«Ռուբէնը, - զրում է Ե. Շառոյանը, - երբ տեսաւ այդ նահանջը (բարբերի կողմից Անդրկի ստորոտում գտնվող Հրմոյի գոմերի գրավումն ու հարյուրավոր կանանց ու երեխաների հրի մատնվելը - Ստ. Պ.), առանց զէնքի ընկերներուն

¹ «Տարօնի արծիւ», 1939 թ., № 8, էջ 25-27:

Եւ իր շուրջը խոնուած ժողովրդական տագնապակոծ բազմութեան որեւէ բան ըսելու, տասն եւ հինգ սասունցի լաւ կոռուղ զինուորներ առաւ եւ յանկարծ անյայտացաւ մէջտեղէն:

Ռուբէնի այս անակնկալ ու տմարդի փախուստն ու անյայտացումը չատ վատ տպաւորութիւն թողեց թէ՛ կոռողներուն եւ թէ՛ սարսափահար ժողովուրդին վրայ: Բոլոր մարտիկները լքեցին իրենց դիրքերը.. Բոլոր դիրքերը անպաշտպան մնացին:

(Ժողովրդի) մեծ մասը Ծովասարի կողմէն դեպի արեւելք սկսաւ փախչիլ: Այդ գիծը սակայն քրտական աշխրէթներու կողմէ բոնուած ըլլալով՝ հայերն անխնայ կոտորուեցան»¹:

«Վայնասունը, խառնուած պայթող ոռումբերու որոտին եւ հրացաններու ձայնին, կը սարսափեցնէր ահարեկած ժողովրդական զանգուածները: Հրացաններու պայթիւնին եւ թնդանօթներու որոտին կը խառնուէին ահարեկուած ժողովուրդին ողբն ու կոծը, եւ երբ այդ սարսափահար բազմութիւնը կը տեսնէ, որ ամեն ինչ կորսուած է, իր զլուխն առած, կը փախչի դէպի Կեփին, Կապլոր, Կելիեսան եւ կըռչիկի Զոր...

Որչափները նետեցին իրենց զաւակները ճամբաներէն դուրս ու անցան, որչափներու ոտքերը կոխուեցին իրենց փոքրիկները...»²:

«Յուլիս 20-ին (Հ.թ.) առաւօտեան,- պատմում է ժամանակակիցներից մեկ ուրիշը՝ տարոնցի Մ. Դուռյանը,- հայերը ինքզինքնին պաշարուած կը գտնեն... իրենց վրայ կեղրոնացած թնդանօթներու, արագահարուածներու եւ հրացաններու կրակին տակ հազիւ չորս օր կրնան դիմաղրել: Զորրորդ օրը... հայ մարտիկները կը յաջողին թշնամիի մէկ թեւը ճեղքել եւ Քանայ սարը փախչիլ, իսկ հոն մնացողները, մեծ մասամբ կիներ ու երախաներ, կը մատնուին թիւրք և քիւրտ խուժանի վայրագութեանց...

...Տասնեակ կիներ ու երախաներ, իրարու կապուած, Սասնոյ բարձրաբերձ լեռներէն... վար կը զլորուէին...»³:

Մ. Բղեյանը գրում է, որ Անդոկում հայերն ունեին 3000-ից ավելի լավ և այդքան էլ տնայնազործական զենք: «Փամփուշտն ալ... առատ»:

Անդոկից ստացված մի նամակում գրված էր. «Թշնամին ճեղքելով բոլոր ճակատները եւ դիմաղրութեան գիծերը, թափանցեր է Անդոկ լերան մեր դիրքերը...»:

Թշնամին, պատմում է Գալեն, սկսեց «խուժել հոս ու հոն համախմբուած մարդոց, կիներու եւ երախաներու վրայ, շատերը լեռներէն վար... կը զլորեցնէին եւ կը գնդակահարէին... Անխնայ կը ջարդէին բոլորը: Լերան գագաթներու վրայ գտնուող սասունցի կիներ ահազին ժայռեր վար կը զլորեցնէին իրենց վրայ յարձակում զործող զօրքերու եւ քիւրտերու վրայ...»

Մենք... 4000-5000 անձերէ կը բաղկանայինք, բայց հազիւ 300 հոգի կրցանք ազատիլ...»⁴:

¹ «Երուանդ Շարափեան կը պատմէ Տարօնի եղեռնը», էջ 36-38:

² Նույն տեղում, էջ 85-86:

³ Բղեյեան Մ., նշվ. աշխ.:

⁴ Նույն տեղում, էջ 443-445:

Անդոկում հավաքված հայերը կովեցին խելահեղ: «Կատաղի, մարդկային տարողութիւնէն իսկ վեր եղած է այդ օր Պոլչյեան Մկրտիչի, իր Պօղոս եղբոր և, ընդհանրապէս, խումբի դիմադրութիւնը... Կատաղի եւ ամեն դրուատանքի արժանի եղած են Կապորներու կողմը՝ Ալիջգայի Տիգրանի հերոսամարտը, եւ Ամպարներու գլուխը՝ Կորինի շարժումները, որոնք, առանց դիրք մտնելու... դիրքէ դիրք թուեր, հրահրեր, ոգեւորեր, ու ապա՝ անակնկալը ընդունելով, կողքին ինկած է՝ մեծ մարդու պէս, առանց ախ մը իսկ քաշելու:

Ճաշէն առաջ արդէն չկար այլեւս արեւմտեան թեւի ոգին...»: Այդ մասին լսելով Ռուբենը մի խմբի հետ, մութն ընկնելուց հետո, առանց «մնաս բարով» ասելու, կանհետանա... Եվ սկսվում են աներևակայելի խուճապն ու փախուստը, որը՝ ետ Դալվորիկի կողմը, որը առաջ՝ թշնամիին գիրկը, որը ձախ, որը՝ աջ¹:

Եթե Մշո ջարդերից հետո թուրքերը հավաքում էին հայերին և թաքուն, առանց ինչ-որ բան ասելու, տանում լցնում էին ինչ որ կառույցի մեջ ու հրդեհում, ապա Սասունում «...վայրագութիւն, գագանութիւն, մոլեզին անխնայութիւն մը, երեւակայուած ամեն կերպ նախճիրներէ վեր, որու առջեւ Լենկթիմուրն անգամ շրթունքները պիտի կծէր շիկնելով»²:

Քրդական հորդաները հարավից, թուրքական զորքերն ու աշիրեթները հյուսիսից շտապում էին Սասունի խորքերը՝ կողպատի ու ջարդի հրճվանքը վայելելու, Շատախի, Գելիեզուզանի զյուղերում, Գոմաց վանքում, Իշխանձորում կրած հակահարվածի վրեժը լուծելու:

Բայց նրանք վայելեցին հեշտ հաղթանակի հրճվանքը, որովհետև հին հայդուկներ Մկրտիչ Պոլեյանը, կողբեցի Վարդանը, Մորուք Կարոն, Զոլոն Հաջողում են հակահարված տալ առաջացող թշնամուն և ժողովրդին տանել այլևայլ ուղղություններով: Կոփկը հատկապես արյունահեղ էր Մովասարում, որտեղ խրամատավորված հայերը շրջանային պաշտպանության կանգնեցին:

Սակայն այդ հաջողություններն անզոր էին փոխելու իրադարձությունների ընթացքն ու բնույթը:

Սասունի ինքնապաշտպանական կոփկներում իրենց փառքով պսակեցին նաև հայ կանայք: Ծիրինկատարում Մոսեի տան Եվան քաջալերում էր կովողներին. «Ոյժ տուէ՛ք ձեր բազուկներուն. Երը մեղի պէտք ունենաք, պատրաստ ենք դիրքերը պահելու»: Մի այլ կին՝ Խղամը, ապտակում է ծուլացող մարտիկին և նրա հրացանը վերցնում, դիրք է մտնում ու կովում, իսկ Մաքեն կովում էր կատաղի վազրի նման, Հուսեն զանակով հարձակվում է սեփական որդու վրա, որը հերթապահության ժամին քնել էր: Գերինի դիրքերում Խանը վիրավորների վերքերն էր կապում ու հանդիմանում. «Դուք պողպատէ ձուլուած էք, պէտք չէ զնդակը ձեր մարմնին վրայ վէրք ձգէ...»:

Նա զավակների տեր միջին տարիքի կին էր, բայց կազմակերպեց կանանց մարտական խումբ և մասնակցում էր քրդական զյուղերի վրա հարձակումներին: Հիմնականում գործում էր Անդոկում, բայց հաճախ էր անցնում

¹ Թղթեան Մ., նշվ. աշխ., էջ 179-182:

² Նույն տեղում, էջ 183:

Սասնո մյուս շրջանները և մի քանի վայրերում նույնպես կազմակերպեց կանաց մարտական խմբեր: Անսպառ եռանդի տեր էր՝ կովում էր, ղեկավարում, կազմակերպում, դեղորայք պատրաստում, վիրավորներին խնամում: Զոհվեց Անդոկում¹:

Շամամի հետախուզական ջոկատը դարանակալած թշնամիների հարձակման է ենթարկվում: Ջոկատը նահանջում է, բայց հարմար պահ ընտրելով՝ հանկարծակի շուրջ է գալիս, գրոհում քրդերի վրա ու փախուստի մատնում:

Գարլորի դիրքերում նազեն կովում էր երգելով և թշնամու ուղղությամբ բղավում. «Ինչո՞ւ եք... լեռնաշխարհի հանգույցներում թողնում ձեր պիղծ դիակները. Հեռացե՛ք և մի՛ պղծեք այս սուրբ հողը...»²:

Անիի կանանցից կազմված խումբը ցերեկները զբաղվում էր զինյալներին սննդամթերք ու ուազմամթերք մատակարարելով, իսկ գիշերները հերթապահում էր գիրքերում: Այդ խումբը թշնամուն դուրս քշեց Ընկուզնակ գյուղից ու կարմիր գրոշակ պարզեց:

Ռազմաճակատային գործողություններից բացի, կովող կողմերը հարձակումներ էին գործում բնակչության վրա: Օրինակ, Գարլորի շրջանում հայկական «թուզող» խմբերը գիշերները հարթավայր էին իջնում ու ահարեկում քրդերին, Ավոյի խումբը քրդական երեք գյուղ հրկիղեց, ջուռոյի խումբը հարձակում գործեց պարեն և ուազմամթերք տեղափոխող թուրքերի վրա, նրանց փախուստի մատնեց ու տիրացավ պարենին:

Սասունի 20.000 հայերին, գրում է Ա. Շիրակյանը, ավելացել էին 30.000 ուրիշներ՝ Դաշտի ջարդերից փրկվածները: Մշո դաշտի ու Մուշ քաղաքի ջարդերից հետո «կառավարութիւնը հսկայ զօրք եւ շրջակայ քիւրտ ցեղերը... համախմբած էր Սասունի եւ մօտակայ լեռներուն չուրջ... Թշնամի բազմապատիկ գորքին դիմաց սասունցիներն իրենց նախնական զենքերով ու հաշուած փամփուշտներով հերոսական դիմադրութիւն ցոյց տուին»: Անդոկում հավաքվեց 50.000 ժողովուրդ՝ «մեծ մասամբ կիներ, մանուկներ և ծերունիներ: Կերակրելու պաշար չէր մնացած, կոռուղներէն շատերու ուազմամթերքը սպառուած էր. Հրացանները կը կոտրէին ու դաշոյններով կը մարտնչէին գրոհող թշնամիին դէմ. կիները եւս կը մասնակցէին օրհասական կոուին եւ ի վերջոյ, թշնամիին ձեռքը չիյնալու համար, կը նետուէին ժայռերէն վար... Սասունոյ լեռները կարմիր արեամբ էին ներկուած»³:

Պատմում է Ղ. Սարգսյանը, ժամանակակից.- Տեսնելով, որ հայերը խուճապի մեջ են, թշնամին աշխուժացրեց հարձակումը: «Թնդանօթի ոռումբերը եւ գնդակները կարկուտի նման կը տեղան ժողովուրդին զլխին: Երեկոյեան կողմ ժողովուրդը սկսաւ քաշուիլ դէպի Կելիե Սան եւ Կըոշկայ Ձոր: Հայկական դիրքերը կը դիմադրեն կատաղի կերպով: Կոփու շարունակուեցաւ մինչեւ ուշ գիշեր: Երբ կոռուող ուժերու խմբապետները դիրքերէն դուրս գալով գացին Ռուբէնի

¹ ԶԵՂԹԵԱՆ Ս., նշվ. աշխ., էջ 80:

² ԵՐԻՖԵԱՆ Գ., նշվ. աշխ., էջ 11-12:

³ ՇԻՐԱԿԵԱՆ Ա., նշվ. աշխ., էջ 46-47:

նամակով որոշուած տեղը, տեսան, որ մարդ չկայ: Բարձրացաւ յուսահատութեան եւ կատաղութեան ալիք:

Անդոկը կործանվում էր, ուազմամթերք այլևս չկար: Հատուկենտ գինվորներ 20-ական փամփուշտ ունեին: Ժողովրդի մի մասը գնաց ղեպի Յանգանինա, իսկ մյուս մասը՝ Պոլեյան Մճոյի զլխավորությամբ՝ ղեպի կրոշիկ: Կելիեսան գնացող ժողովրդի մի մասն արդեն զետն անցնում էր, իսկ մյուսները ղեռ Անդոկում էին, երբ թուրքական գորքերն ու քրդերը կտրեցին նրանց ճամբան ու սկսեցին անխնա կոտորել: Հայերի մի խումը Աղբեցի Մթոյի հրամանատարությամբ մարտի մեջ մտավ և կովեց մինչև մութն ընկնելը և հնարավորություն տվեց, որ ժողովրդի ողջ մնացած մասն անցնի զետր:

Կրոշիկում ևս ծանր մարտեր եղան: Այստեղ զոհվեց Մ. Պոլեյանը: Ժողովուրդը մնաց առանց կազմակերպչի: Զախողվեց Քան գնալու ծրագիրը: Միայն Ռուբենի փոքրիկ խումը կարողացավ այնտեղ հասնել, իսկ ժողովուրդը ցրվեց զանազան թաքստոցներ և դիմեց մասնակի ինքնապաշտպանական կոփների: Մի մեծ բազմություն լցվեց Յանգանինայի անտառը: Երրորդ օրը թուրքական գորքերը տեղ հասան ու հրդեւցին անտառն ու արտերը: Սակայն անտառը չվառվեց: Նորից կոփվ սկսվեց: Սեմալցիների դիրքերում հերոսաբար զոհվեց Աստուրը: Նրա զենքը վերցրեց մայրը՝ Խղամը ու կովեց մինչև վերջին փամփուշտը և 12 ուրիշ կանանց հետ հոշոտվեց թուրք զինվորների սվիններով:

Նույն օրը թուրքերն իրենց սպանվածներին վերցրած գնացին ղեպի Մուշ:

Անտառում 5000 հայ կար, որոնք քաղցած, ծարավ, մերկ թափառում էին ծառերի մեջ և ամեն օր բախվում ու մարտի մեջ էին մտնում քրդերի ու ոստիկանների հետ, որոնք ուղեկցվում էին բնակչության մեծ ու փոքր կոտորածներով: Այնուամենայնիվ, մոտ 15.000 սասունցիներ ղեռ կենդանի էին:

Անդոկի ու Գերինի կոտորածներից ամենասարսափելին Գելիեսանի հովտի ջարդն էր: Օգոստոսի 2-ի գիշերը ժողովուրդն ու Սասունի կովող ուժերը շարժվեցին ղեպի այդ հովիտը՝ անտառներում թաքնվելու համար: Հաջորդ օրը նրանք շրջապատվում են, ապա թուրքական գորքն ու քրդերը սկսում են հարձակումը: Հայերը պաշտպանվում էին զենքով ու առանց զենքի՝ ինչ ձեռքի տակ կար, բայց ջարդի առաջն առնել չկարողացան: Մի քանի հազար զինված թուրքեր ու քրդեր ոչնչացնում էին տասնյակ հազարավոր հայերի, որոնց չնչին մասը զենք ուներ: Կոտորում էին հիմնականում կանանց ու երեխաններին: Ջարդի հովիտը կարմրեց, արյան զետեր էին հոսում: Սպանդը շարունակվեց մինչև մութն ընկնելը:

Կրոշիկի անտառում ապաստանած սասունցիները նույնպես հայտնաբերվեցին, բայց չհանձնվեցին, այլ՝ կոփվ տվեցին: Մարտն ու սպանդը շարունակվեցին մինչև մութն ընկնելը: Կրոշիկում հայերը զանգվածաբար սպանվեցին, բայց նաև եղան փրկվածներ, որոնք շարժվեցին ղեպի Քանասար:

Սասունում սպանություններն ու կոփները ղեռ երկար շարունակվեցին: Սասունցին սպանվում էր, բայց չէր մեռնում, հարություն էր առնում ու շարունակում կոփվը: Կովում էին մեծ ու փոքր խմբերով կամ միայնակ:

Քրդական ուժերի հրամանատար Պարան բեկը մի հավաքույթում ասել է. «Անդոկի ու Գերինի լեռներում զինված սասունցիները հերոսաբար կովեցին

մեր դեմ՝ պաշտպանելով իրենց պատիվն ու նամուսը... Զնայած նրանք մեր ոխերիմ թշնամիներն են, բայց որպես քաջ, հերոս մարդիկ, արժանի են գովասանքի... Մենք Անդոկը գրավեցինք ոչ թե կովով, այլ երբ նա դատարկ էր: Հայերի մարտունակությունը մերոնց համեմատությամբ շատ բարձր էր: Հայերին ընկճեց ոչ թե հակառակորդի ուղմական ճնշումը, այլ՝ զինամթերքի պակասը»¹:

Սասունը լոեց, մահվան լրությունն իջավ Լեռնաշխարհի վրա, որի ծերպերին, անտառներում ու կիրճերում թափնված, թշնամու փամփուշտից փրկված սասունցիները հայտնվեցին սովի գրկում: Թուրքերը նրանց քշեցին հայրենի բնակավայրերից, իսկ սովը հարկադրեց վերադառնալ՝ ուտելիք գտնելու հուսով: Սովին ընկերացած հիվանդությունները հնձում էին յաթաղանից փրկված հայ խյակներին:

Նույն ժամանակ Քանա սարում հավաքված էր 15000-20000 տարոնցի: Նրանք ընդամենը 200 հրացան ունեին: Բայց, հավանաբար դա չէր գլխավոր պատճառը, որ այդ հայերը ձեռնպահ մնացին ինքնապաշտպանությունից, փորձ իսկ չարեցին կովելու, եթե ոչ փրկության, ապա պատվով մեռնելու համար: Պատճառը ղեկավարի, կազմակերպող ուժի խաղացած քայլայիչ դերն էր: Վահան Փափազյանի համար՝ միակ խնդիրը, գերագույն նպատակը սեփական անձի փրկությունն էր: Նա մեկուսացել էր անտառի խորքերում մարտական ջոկատի պահպանության ներքո, խզել էր բոլոր հարաբերությունները փախստական, մոլորված, անելանելի վիճակում գտնվող բնակչության հետ:

Ժամանակակիցներից մեկը նկատում է, որ Կոմսի վարքագիծը Ռուբենի կրկնօրինակն էր՝ գրաղվել միայն սեփական գլուխը փրկելու խնդիրներով: Իրենց առջև տեսնելով չկազմակերպված ամբոխ, թուրքերն ու քրդերը անընդհատ հարձակումներ էին գործում և հայերին մեծ կորուստներ պատճառում: Վ. Փափազյանը կատարեց հերթական ստորությունը. նա պահանջեց, որպեսզի ժողովրդից առանձնանային զինված երիտասարդները՝ մտադրություն ունենալով ժողովրդին լրել և այդ երիտասարդների հետ հեռանալ: Տարոնցիները չենթարկվեցին դաշտանական սաղրանքին. «Այժմ մորուքավորի» գլխավոր հոգար դարձավ չերևալ ժողովրդի աչքին: Տպավորությունն այնպիսին էր, որ նա սեփական ժողովրդից ավելի էր վախենում, քան թուրքերից ու քրդերից: Նա այդպես էլ մի խումբ մարդկանց հետ հեռացավ, իսկ ժողովուրդը՝ նահատակվեց:

Ամոանը թուրքական իշխանությունները «ներելու» սուտ խոստումներով հավաքեցին 4000 հայ կին, նրանց ուժերով իրականացրեցին մի շարք գյուղերի բերքահավաքը, ապա բոլորին սպանեցին Արածանու ափին:

Նույն խոստումներով հաջողվեց լեռներից իջեցնել ու թաքստոցներից հանել սովի մատնված հայերին և սպանել: Սակայն մեծ մասը չհավատաց թուրքերի խոստումներին և հավատացողներին զգուշացրեց. «Մի՛ երթաք, եղբայրներ, կամովին մի՛ երթաք սպանդանոց... Մեր լեռներուն մէջ անօթի ու ծարաւ

¹ Հովհաննիսյան Ղ., նշվ. աշխ., էջ 102:

մեռնիլն աւելի լաւ է, քան թէ երթալ թշնամիին ոտքը...»¹:

Աշնանը ոռոսական զորքերը Բիթլիսից շարժվեցին դեպի Ախալաթ, իսկ Մանագվերտից՝ դեպի Մուշ: Փետրվարի 3-ին նրանք մտան Մուշ: Քաղաքը թողնելիս թուրքերը 300-400 հայի բեռներ են բարձում, իբրև շալակավոր տանում իրենց հետ և Խուլրի շրջանում սպանում են:

Փետրվարի 12-ին հայ կամավորները շարժվեցին դեպի Սասուն: Բայց ձյունն այնքան շատ էր, որ հարկադրված եղան հետ դառնալ: Իսկ սասունցիների հոսքը չէր դադարում. նրանք հաղթահարում էին ձյան արգելքներն ու հասնում կամավորներին, ոռոսական բանակին:

Մորուք Կարո. - Պատերազմի հենց սկզբից Կարոն իր խմբով ժողովրդի հետ էր, մասնակցում էր օրհասական կոփմներին Անդոկում և մի ամբողջ տարի լեռներում մաքառում էր թուրքերի ու քրդերի դեմ: 1916-ի հունվարի 26-ին լսում է, որ ոռոսական բանակը մտել է Տարոն: Նա յաթաղանից փրկված խյակներին հացնում է երիցանք (Տափրը): Նույն օրը Դրոյի կամավորական գունդը մտնում է Մուշ քաղաք: Կարոն, անցած 150 հոգանոց հետախուզական խմբի գլուխը, կովում է Բոնաշենի կողմերում: Մեկուկես ամիս նրա հակառակորդը Մուսա բեկն էր: Կարոն ազատում է 250 հայ գերի կանանց ու աղջիկների, ապա անցնում է Անդոկ, այնտեղից տեղափոխվում Արածանիի ափերը ու գերությունից փրկում ևս 500 հոգու և տեղափոխում Խնուս: Նա երկրից հեռանում է 1918 թ. փետրվարին:

Ինչպես տեղում նշել ենք, երիտթուրքերի կոմիտեն տարոնահայության ջարդի կազմակերպումը հանձնարարել էր Զեղեթին, Մշո մութեսարիփ Սերվեթին և Տարոնից երեսփոխան Խոջա Խլիասին:

Խոջիրը լուծելու համար զինվորական ու քրդական ուժեր են բերվում Բիթլիսից, Գենջից և Դիարբեքիրից:

Հայերի գործողությունների վրա բացասական մեծ ազդեցություն ուներ զենքի, մանավանդ փամփուշտի սակավությունը, որը դարձավ հայերի պարտության գլխավոր պատճառներից մեկը:

Չնայած թուրքերը գրավել էին Գելին, Մորուք Կարոն կարողանում է 500 համազուղացիներով մտնել զյուղ, անցնել թշնամու թիվունքը և ապաստանել Գեղաշենի անտառում: Որոշ ժամանակ անց սասունցիների հետ նորից բարձրանում է Անդոկ: Նա ելք էր փնտրում ժողովրդին Կովկաս հասցնելու, բայց բոլոր ջանքերն ապարդյուն անցան: Սկսվում է սովոր: Դրանից օգտվելով՝ քրդերը երկու գելինցիներից իմանում են Կարոյի թաքստոցը՝ քարայրը և դաշրջապատում են: Սակայն Կարոն ինքն է հարձակվում և Հուսեյին աղային գերի է վերցնում: Նա տեղանքում թաքնված հայերի ողին բարձրացնելու համար նախ պատժում է դավաճաններին, իսկ քրդերին ազատ է արձակում իրենց զենքերի հետ: Քուրդ աղան իր նստավայր՝ Խուլր հասնելուց հետո կարգադրում է չհետապնդել թաքնված հայերին, այլ՝ օգնել նրանց: Երբ ոռոսական բանակը մտնում է Մուշ, Հուսեյին աղան 300 հայի անվտանգ հասցնում է ոռոսներին:

¹ Երկիցեան Գ., նշվ. աշխ., էջ 252, 341:

Կարոյի խմբին ու թաքնված հայերին սպառնում էր սովը: Նա մի խմբով գնում է Գելի Տաղվաներում թաքրած սննդամթերքը բերելու համար, սակայն Տափրի մյուղիրը անակնկալ հարձակվում է նրա խմբի վրա: Կոփը տևում է մինչև կեսօր: Հայերի փամփուշտները սպառվում են, բայց թուրքերը նահանջում են, որովհետեւ սարսափելի սառնամանիքին չեն դիմանում: Կարոն հարձակվում է նրանց վրա և բռնազրավում է հրացաններ ու փամփուշտներ: Այս կովում հայերից սպառվում է երկու, թուրքերից 12, իսկ քրդերից 2 հոգի: Մանր վիրավորվում է տիսրահոչակ ավազակապետ Սլոն:

1916 թ. Հունվարի 26-ին Անդոկում լսվում են թնդանոթների որոտներ:

Կարոն մի խմբով գնում է. պարզելու, թե դրանք ի՞նչ որոտներ են: Գեղաշեն զյուղի քանդված մարազում հանդիպում է թուրք յոթ դասալիքների, որոնք ասում են, թե ոուսները Մշո դաշտ են հասել: Կարոն Անդոկում ապաստանած ժողովրդին տանում է Տափրի ուղղությամբ և 400 հոգու հասցնում է Մուշ, որտեղ էին Դրոյի կամավորները: Որոշ ժամանակ հանգստանալուց հետո նա 150 զինյալներով մեկնում է Բոնաշեն և ս. Աղբերիկի շրջանում 1.5 ամիս կորիներ է մղում Մուսա բեկի ուժերի դեմ: Այստեղ թաքնված 270 հայի նա փոխազրում է Մուշ, ապա մի խմբով (60-70 հոգի) նորից բարձրանում է Սասուն՝ Անդոկ: Լուր է ստանում, որ ոուսները նահանջում են: Նա «ցատք» է կատարում և Արածանիի ափին համում ոուսական բանակին, որը ձմեռն այդտեղ է անցկացնում՝ գետի մյուս ափին դիրքավորված թուրքերի դեմ: Սկսվում է «Մի հայ մի ոսկի» գործողությունը: Փրկվում է 500 հայ: Այդ գործը դեկավարում է Փեթարա Մանուկը: Չոլոն և Կարոն «գնած» հայերին տեղափոխում են Խնուս և հանձնում բարեգործականին¹:

1916 թ. Բիթլիսից հետո Անդրանիկի գունդը անցավ Մուշ, որտեղ իջած 10.000 սասունցիներ նրան խանդավառ ընդունելություն ցույց տվեցին²: Այստեղ կենտրոնացան նաև հայդուկները: Նրանց հետ էին նաև վերապրած հայերը, որոնք 1917-ին Խնուս տեղափոխվեցին: Մինչև 1918 թ. ոչ միայն Մորուքի, այլև հայդուկային մյուս խմբերը հակահարված էին տալիս թուրքքրդական ոտնձգություններին, զբաղվում տեղում մնացած հայ բնակչության բնակեցմամբ ու պաշտպանությամբ:

Առաջին մի քանի օրում Մուշ հասավ 2400 սասունցի: Բայց դրանք բոլորը չեն: Նույն աղբյուրի տվյալներով՝ Բոնաշենից ու Մոտկանից (նույնպես Սասուն) ազատվել էր 11.000, իսկ Մշո դաշտից ու Դիարբեքիրից՝ 400-500 հոգի³:

1916 թ. Հուլիսին թուրքերը Դարդանելի շրջանից ուղամական ուժեր տեղափոխեցին Սասուն, որտեղ ընդամենը 200 ոուս զինվոր կար: Ճակատը հիմնականում պաշտպանում էին սասունցիները, որոնք հինգ օր հետ շպրտեցին թշնամու գերակշիռ ուժերին ու նահանջեցին: Մուշից 12,000 հայ տեղափոխվեց Խնուս, իսկ մնացածներն անցան Արաքսը: 1916-1917 թթ. Մուշում և Խնուսում բնակվում ու երկիրը վերաշինում էին տասնյակ հազարավոր հայեր՝ Խնուսում՝ 25.000, Բուլանըսում և Մանագկերտում՝ 15.000-20.000 հոգի:

¹ «Տարօնի արծիւ», 1950 թ., № 31, էջ 22-28:

² «Արմանակական ամսագիր», 1916 թ., № 23.

³ Սասունի Կ., նշվ. աշխ., էջ 157:

Բայց Հայ բնակչությունը հարկադրված եղավ հեռանալ իր հայրենիքից ու բնակություն հաստատել Արևելյան Հայաստանում:

«Այս անգամ Սասունը,- գրում է Մենակը,- դեպի իրեն գրավեց թուրք և քուրդ զանգվածի ողջ կատաղությունը: Թուրքական կանոնավոր զորքերն ու քրդերը Սասունը շրջափակեցին: Սկսվեց անհավասար կոփվ: Թուրքական հրետանին իրար հետեւից ավերում էր սասունցիների դիրքերը: Երեք օր շարունակ ծանր կոփվներ ընթացան: Սասունն ընկապ: Սկսվեց ջարդը: Թվում էր, թե Սասունում կենդանի չունչ չէր մնացել: Բայց ահա Անդրանիկին դիմավորելու էին եկել Հազարավոր սասունցիներ:

Տասն ամիս շարունակ նրանք եղել են դժոխքում: 10-12 հազար սասունցի ջարդերից հետո թաքնվել էր անմատչելի գագաթներին, կիրճերում ու քարանձավներում: Ոչ մեծ թվով զինված սասունցիներ այդ բոլոր ամիաներին կովել են թշնամու գերակշխո ուժերի դեմ: Թուրքերը հաղթել չկարողանալով, լուր տարածեցին, մեծ կառավարությունը սասունցիներին ներում է չնորհել: Հազարավոր սովալլուկ հայեր հավատացին և դուրս եկան իրենց թաքստոցներից և ցած իջան լեռներից: Նրանք բոլորը կոտորվեցին: Սասունում մնաց 3-4 հազար բուն սասունցի, որոնք թուրքերի ներման արժեքը լավ գիտեին և լեռներից չիջան: Թշնամու գնդակներն ու սովը հնածում էին նրանց շարքերը, վերջանում էին փամփուշտները: Իշխանություններն ամիսը մեկ Սասուն էին ուղարկում պատմիչ ջոկատներ և ավերում սասունցիների կացարանները: Սասունցիները նորից բարձրանում էին լեռների գագաթները, մինչև որ թուրքերը հեռանային: Եվ այդպես՝ շատ անգամներ: Թշնամուց պակաս զաժան չէր քաղցը: Ուտում էին ինչ պատահեր՝ խոտ, արմատ, կաշի: Ամեն օր մեռնում էր տասնյակ հոգի, հիմնականում կանայք ու երեխաներ: Զարդից փրկվածների 3/4-ը սովամահ եղավ:

1916 թ. փետրվարի 3-ին ոստական բանակը մտավ Մուշ, իսկ սասունցիները այդ մասին լսելով՝ փետրվարի 17-ին լեռներից իջան քաղաք¹:

«Կապույտ գրքում» կարդում ենք. «Հայերը հարկադրված էին թողնել իրենց ամրությունների արտաքին գծերը և աստիճանաբար նահանջել դեպի Անդրկի գագաթները... Կանայք, երեխաներն ու անասունները զգալիորեն խանգարում էին մարտիկների ընթացքը, որոնք 3000 հոգուց մնացել էին միայն 1500-ը: Վրա տվող թուրքերի հետ բախվելիս տեղի էին ունենում սարսափելի դեպքեր: Հայերը, պարպելով վերջին փամփուշտը, պաշտպանվում էին հրացանի կոթերով կամ դանակներով: 30 հազար թուրքական զորքեր ու քրոքեր ավելի ու ավելի նեղում էին նահանջողներին, մինչև որ նրանց քշեցին լեռան գագաթն ու շրջապատեցին բոլոր կողմերից: Այդ ժամանակ վրա հասավ վերջին մարտը, որն, ինչպես բոլոր լեռնականների մոտ է լինում, աներևսակայելի համար բնույթ ընդունեց: Տղամարդիկ, կանայք և երեխաները հարձակվող թշնամուն հետ էին մղում մանգաղներով, մահակներով, դանակներով ու քարերով: Ներքև գլորված ժայռաբեկորներով շատ թուրքեր սպանվեցին: Դանակներով զինված կանայք նետվում էին թուրքերի կամ քրոքերի վրա»²:

¹ "Արմանսկի вестник", 1916 թ., № 23.

² "Արմանսկի вестник", 1917 թ., № 4.

Պատմում է ականատեսը. «Դեռ 1915-ի մայիսին էրզրումում հայ երիտասարդությունը ձերբակալվեց ու բանտ նետվեց, որտեղ նրանց թաքուն կոտորած էր սպասում: Հունիսին Կ. Պոլսից հրաման ստացվեց հայերին Միջազգետք գաղթեցնելու մասին»: Դեպի Միջազգետք տանող ճանապարհին շատերին մորթեցին ու կողոպտեցին, գեղեցիկ աղջիկներն ու կանայք բաժանվեցին քուրդ բեկերի ու թուրք պաշտոնյաների միջև և միայն 10 տոկոսը հասավ Դիարբեքիր և Ուրֆա: Փախած հայ կանանցից մեկի՝ Զարել Փյաշյանցի նամակում նկարագրված են հայերի նկատմամբ քուրդ հրոսակախմբերի կատարած բռնությունների և բարբարոս խժությունների ցնցող մանրամասները: Հարյուրավոր երիտասարդ կանայք, նաև կրծքի երեխայով կանայք և աղջիկներ կամուրջից նետվեցին Եփրատ, որպեսզի գազաններից փրկեն իրենց պատիվը: Մշո 25 հազար հայ բնակչությունը մորթվեց երեք օրում: «Կոտորածներով բռնված հայկական թաղերը կողոպտվում ու հրդեհվում էին թուրքական կանոնավոր գորքերի կողմից, որոնք հայերին հոշոտում էին իրենց թնդանոթներով: 70 շնչից կազմված մի հայ ընտանիք թույն ընդունեց թուրքերի ձեռքը կենդանի չընկնելու համար: Սասունում ... թուրքերը գործեցին ավելի սարսափելի հանցագործությունները: ... Սասունցիները տեսնելով իրենց վիճակի անելանելիությունը և հույս չունենալով շուտափույթ օգնության, հուսահատ փորձ են կատարում դուրս գալու շրջափակումից և հարձակվում են շրջապատող թուրքերի վրա՝ փամփուշտները խելու համար: Ի վերջո որոշվում է Սասունից տարհանել կանանց ու երեխաներին: Սակայն ճանապարհին հայերի ամբոխի դեմ են դուրս գալիս քրդերը և սկսվում է աներևակայելի բան:

Քրդերին ընդդիմանալով իրենց կյանքի գնով, խիզախ սասունցիները ճանապարհ հարթեցին դեպի լեռները՝ դեպի իրենց մերձավորները: Խսկ վերջինները թաքնվելով լեռնային կիրճերում և անտառներում, մեռան քաղցից»:

Քրդերը հարձակվելով փախստականների ամբոխին մի ակնթարթում վերածեցին դիակների կույտի: Քրդերի հեռանալուց հետո կույտի տակից դուրս սողաց 9-10 տարեկան տղա: Նա հավաքում է կոտորածներից հրաշքով փրկված 4-6 տարեկան 8-9 երեխայի և նրանց 15 օր սնում է հասկերով, մինչև հանդիպում են սասունցիներ ու նրանց փրկում¹:

Մանդելտամ Ա. - Թուրքերը կոտորել էին Սըլիվանի, Բշերիկի և Դիարբեքիրից մինչև Սասունի լեռների ստորոտը տարածվող գաշտի հայերին: Հազարավոր փախստականներ եկան զգուշացնելու Սասունի և Մուշի բնակիչներին՝ նրանց սպասող ճակատագրի մասին: Հայերը վճռեցին պաշտպանվել: Հունիսի սկզբին քրդական ցեղերը հարձակվեցին Սասունի լեռների վրա, բայց նրանց զրուցը ետ մղեցին այն երեսուն հազար հայերը, որոնք ամրացել էին Լեռնաշխարհում: Սակայն ամսվա վերջին Քյազիմ բեյի հրամանատարությամբ տասը հազար կանոնավոր զինվոր եկավ կարինից, և թուրքերը, զինաթափելու պատրվակով, սկսեցին բնաջնջել Դաշտի և Մուշ քաղաքի հայերին: Դաշտի հարյուր գյուղերի բնակիչների մեծ մասը խիզախ դիմադրություն ցույց տվեց,

¹ **Ակոպ Ա.**, Հայոց ազգականացումը և ազգային պատճենները, 1918, համար 1, էջ 21-22.

Բայց չուտով վերջացավ փամփուշտի պաշարը և նրանք ոչնչացան:

Իսկ զենք չունեցողներն ու կառավարության դեմ բնավ որևէ բան չարածները նույն պաղարյունությամբ կոտորվեցին: Մուշ քաղաքում հայերը չորս օր կովեցին, սակայն թուրքական հրետանին գերմանացի սպաների ղեկավարությամբ խորտակեց նրանց դիրքերը, և բոլոր հայերը սպանվեցին կովելով: Թուրքերը կանանց ու մանուկներին կենտրոնացրին բանակատեղում և կենդանի այրեցին:

Օգոստոսի 11-ին քրդական մեծաթիվ ուժեր Հավատորիկի ձորում 500 հայ սպանեցին: Մուրադ բեյը 500 քրդերով մնաց Սեմալ գյուղում հայեր որսալու համար: 300 հոգով Առաքելոց վանքում ամրացավ Քյամիլը: Նա հայերից պահանջեց որր երեխաներին և ամուսին չունեցող կանանց հավաքել՝ Դիարբեքիր մեկնելու համար: Այս պահանջը կատարվեց: Ժանդարմները նրանց հասցնելով Մուրադ գետը, կողոպտեցին ու գնդակահարեցին: Փրկվածները նետվեցին գետը, թուրքերը նրանց վրա կրակ բացեցին: Միայն մի քանի հոգի փրկվեց:

Հոկտեմբերի 27-ին Շեֆզի փաշայի հրոսակախումբը Արադ գյուղի հայերից պահանջեց գալ Մուշ և մահմեղականություն ընդունել: Հավաքեցին 600 հոգու, որից 150 տղամարդու գյուղից դուրս գալուց հետո առանձնացրեցին: 600 հոգուն էլ Մշո ճանապարհին սպանեցին: Այդպես վարվեցին Դաշտի գրեթե բոլոր հայարնակ գյուղերի հետ:

Սասունի հայկական գյուղերն այրված էին, ամայացած: Կենդանի էին թողել միայն չնչին թվով արհեստավորների:

Մի ուրիշ առիթով Ա. Մանղելշտամը գրում է. «Սասունի լեռնեցիները զաղթականների աջակցությամբ որոշեցին պաշտպանվել: Հուլիսի սկզբներին, 20.000 մարդուց բաղկացած բանակով համարված թուրքերը Քյաղիմ բեյի հրամանատարությամբ, չնայած կատաղի դիմադրության, կոտորեցին Մուշի հարթավայրի բոլոր գյուղացիներին: Հուլիսի 10-ին ոմբակոծվեց Մուշ քաղաքը: Չորսօրյա դիմադրությունից հետո տղամարդիկ սպանվեցին, կանայք ու երեխաները ողջակիզվեցին ճամբարներում, ուր քչել էին նրանց: Բայց սասունցիների դիմադրությունն ընկճվեց միայն օգոստոսի 5-ին, երկարատև և ահավոր մարտերից հետո, որոնցում նրանց մեծ մասը զոհվեց:

Հունվարի վերջերին ոռոսական բանակը մոտեցավ Մուշին, հայերը հավաքվեցին քաղաքում: Հավատորիկի 1200 բնակչից կենդանի էին մնացել 8 տղամարդ և 12 կին ու երեխա:¹

Գրեյ. - «Նորին մեծություն Բաթումի հյուպատոսը քաղվածքներ բերելով թիֆլիսի մամուլից՝ նկարագրում է սարսափելի գաղանություններ, որոնք տեղի են ունեցել Սասունում, որտեղ բնակչությունը բացարձակապես ոչնչացվել է և սոսկ մի քանիսն է հաջողել փրկվել: Ամբողջ երկրամասը լրիվ ավերվել է...»²:

Զ. Բարբի. - «Բիթլիսի, Մուշի և Սասունի գավառների շուրջ 150 հազար

¹ ՀՀ ԳԱԱ պատմության ինստիտուտի արխիվ, գ. 439:

² «Times», 7 October 1915.

Հայից 1916-ին 20 հազար էլ չեր մնացել, այն էլ հիմնականում կանայք ու երեխաներ՝ թշվառ վիճակում»¹:

«El Dia»-ն 1915 թ. նոյեմբերի 28-ին գրում է. «Սասունի լեռնային շրջանում 1500 հայ մարտիկներ, որոնք դիմադրում էին սարսափելի հարձակումներին, պաշարվեցին 30.000 քրդերով: Կոիվը Հերոսական ու անդիջում եղավ: Տղամարդիկ, կանայք ու երեխաները կովում էին դանակներով, մանգաղներով ու քարերով՝ այն ամենով, ինչ պատահում էր:

Նրանք նաև քարեր էին գլորում սարերի գագաթներից՝ սպանելով բաղմաթիվ թշնամիների:

Այս դաժան պայքարում կանայք դանակներ էին խրում թուրքերի կոկորդները: Երբ որևէ մարտիկ չմնաց, մի քանի աղջիկներ, ոմանք՝ կրծքի երեխաներով, նախընտրեցին բարձր ժայռերից նետվել, քան թուրքերի ձեռքն ընկնել: Կաթողիկոսն անմիջապես արձագանքում է տարոնահայության հետ կատարվածին: Հուլիսի 27-ին նա հեռագրեց՝ «Մշո վիլայեթում (սանջակում) գրեթե բոլոր տղամարդիկ ջարդված են»²: 2000-3000 հյուծված ծերեր, տարեց կանայք և փոքրիկ երեխաներ՝ ահա այն ամենը, ինչ մնացել է քարերեր Մշո դաշտի 10.000-ոց ժողովրդից»³:

Ականատեսներից Ա. Մանուկյանը պատմում է. «1915 թ. ձմռանը Դաշտից սկսեցին տիսուր լուրեր հասնել: Զենքի և ուազմամթերքի չինելը միացան այս լուրերին: Սասունի ժողովուրդը, միայնակ, անդոր կատաղության էր մատնված: Ոմանք, տարված ուստի գալու հույսով, սպասողական սպանիչ դրությունն էին տեական դարձնում՝ համբերություն քարոզելով ժողովրդին:

Կոիվը տեղի է ունեցել Առաքելոց վանքում, ոստիկանական ջոկատի հրամանատարը սպանվել է, թուրքերը փախել են դեպի Մուշ, իսկ Մճոն իր զինվորներով բարձրացել էր Սասուն: Մճոն ապատամբության ժամը եկած էր համարում, բայց նրա ու իր համախոհների թեր կոտրողներ կային՝ որպես թե ավելի հեռատես անձեր:

Զինվորները գիշերը մնացին մեր գյուղում: Հետևյալ օրը բաժանվեցին տասնյակների և ցրվեցին գյուղերը՝ ամեն գյուղ մեկ տասնյակ: Այսպես, Մշո զինված ուժի կարևոր մասը տեղափոխվեց Սասուն, մի բան, որ հետագայում շատ տիսուր անդրադարձ ունեցավ Դաշտի ինքնապաշտպանության գործի վրա:

Ձմեռն ու գարունը զուր անցան: Թուրքերը, անշուշտ, երկյուղում էին Տարոնի հայության ապատամբությունից: Դրա համար էլ նրանք անտարբերություն ձևացրին Առաքելոց վանքի և Գոմսա դեպքերի հանդեպ...

Ամբողջ զորքը և քուրդ աշխրեմները չորս կողմից խուժեցին Սասուն, զորքը կուրտիկի, իսկ քրդերը՝ Տափկա և Տալվորիկի կողմից:

Կոիվն սկսվեց: Հրամանատար Իսրոն (Կորյուն) անցավ դեպի Շեյխուսուֆ Զիարեթ, Կուրտիկի ետևից դեպի Տափկա, Հետո էլ Կոպ: Գելիեզուզանի ուժերը

¹ «Кавказское слово», 22 января 1917 г.

² «Кавказское слово», 28 июля 1917 г.

³ «Русские ведомости», 1915 г., № 256.

Պետո Ղազարի և Տեր Քաջի Գրիգորի գլխավորությամբ անցան դեպի Շենիկ: Քրդերը Փուրթո քեռչքի մեջ դիրք էին բռնել: Գրգոն խփվում է քեռչքի դռանը: Կոփիր շարունակվում է մինչև գիշեր: Հավաքեցին ժողովուրդը, վերադարձան Գեղաշեն: Առավոտյան բոլոր գյուղերը պարտվեցին, անցան Գրբեսոր: Զինված ուժերը բռնել էին պետք եղած գծերը: Հաջորդ օրը կատաղի կոփի սկսվեց: Զորքը Շենիկ գյուղ հասավ: Իրիկունը թուրքերը մտան Շենիկ և կրակի տալով՝ առաջացան դեպի Սեմալ: Հայերն ու թուրքերը գյուղի մեջ իրար խառնված՝ կատաղի կոփի էին մղում վառվող գյուղի բոցերի մեջ: Գիշերը բարձունքների վրա լցված ժողովուրդն այս սարսափելի տեսարանը դիտելով շարժվում է դեպի Գրեգոր: Երբ ժողովուրդը բավական ճամփա կտրեց, հայոց ուժերը քաշվեցին Սեմալից: Ժողովուրդը շարժվեց դեպի Անդոկ, կովող ուժերը մնացին Գրեգորի դիրքերում: Լեռն արդեն պաշարված է Մուշից, Տիգրանակերտից, Ճապաղ-ջրից եկած զորքերով և անընդհատ կրկնապատկվող քրդական խուժանով: Թշնամին կատաղի հարձակում սկսեց: Մերոնք Գրեգորն էլ չլքեցին: Թշնամին լցվեց Գելիեզուզան: Սեմալի Քաթիր Մանուկը դիրք էր բռնել եկեղեցու մոտ: Մանուկի մարտիկներից 20 հոգի զոհվեց, ինքն էլ ծանր վիրավորվեց: Շուտով օգնության հասան վերի դիրքի տղաները, թշնամուն ետ մղեցին և Մանուկին էլ վերցնելով՝ ելան դեպի Անդոկ, որտեղ արդեն հավաքվել էր ժողովուրդը:

Սկսվեցին Անդոկի կոփիները: Թուրքերը թնդանոթներ զետեղեցին Գրեգոր և Անդոկ-Գերինն օղակի մեջ առան:

Հայերի բախտը զրեթե որոշված էր: Դիմադրական ոգին ընկել էր: Լուր տարածվեց, որ Ռուբեն Տեր-Մինասյանը կարգադրել է զիրքերը ամուր պահել մինչև մութն ընկնելը, որպեսզի ճեղքելով թշնամու շղթան անցնենք դեպի Քան, որտեղ հավաքված է Դաշտի ժողովողի նշանակալի մասը: Ժողովուրդը, մասերի բաժանված, լցվեց զանազան թաքստոցներ և դիմեց ինքնապաշտպանական մասը կոփիների:

ԿԻԼԻԿԻԱ

Կիլիկիան կազմված է երկու մասից՝ Լեռնային և Դաշտային: Դաշտային Կիլիկիան Աղանան ու դրան հարող տարածքներն են, իսկ Լեռնայինը՝ Միջերկրական, ծովափով դեպի Հյուսիս ձգվող լեռնաշխարհն է, Կիլիկիայի հայկական թագավորության միջնարերդը: Աղանայի վիլայեթի մեջ, բացի Աղանա քաղաքից, մտնում էին Մերսինը, Տարսուսը, Մսիսը, Հաճընը, իսկ Մարաշն ու Այնժափը մտցված էին Հալեպի նահանգի մեջ: Դա արվեց 1875 թ. վարչական բարեկարգումով և խնդիր ուներ հայ ազգաբնակչությանը մասնաւուել, թույլ չտալ հայերի մեծամասնություն երկու նահանգներից ոչ մեկում:

Այդ դիտավորության հետևանք էր, որ Աղանայի վիլայեթը հյուսիսից հարավ ձգվում էր Խոլահինից մինչև Ալեքսանդրետ: Նույն նպատակով՝ Կյուրինը, Աշոտին և Դերենդեն մտցվել էին Սեբաստիայի վիլայեթի մեջ, իսկ աշխարհագրականորեն Սեբաստիային պատկանող Մալաթիան տրվել էր Խարբերդի վիլայեթին:

Աղանայի վիլայեթը կազմված էր չորս սանջակներից՝ Աղանա, Ջեբել-Բերեքեթ, Կողան (Սիս), Խել: 1915 թ. նահանգում բնակչում էր 403.430 հոգի:

70 տարում՝ 1845-1915 թթ. Կիլիկիայի բնակչությունը կրկնապատկվել էր: Պատրիարքարանի տվյալներով՝ 1878 թ. Կիլիկիայում բնակչում էր 380.000 հայ: Գր. Զոհրապը նշում է ավելի փոքր թիվ՝ 280.000 հայ, որից եթե հանվի Հալեպի նահանգի մեջ մտցված վարչական միավորների հայ բնակչության թիվը՝ 102.000, կմնա 178.000 հայ:

Վիտալ Քինեն նշում է, որ 1890-ական թվականներին Աղանայում բնակչում էր 97450 հայ: Օրմանյանի տվյալներով՝ Աղանայի, Մերսինի, Խելի սանջակներում կար 31,200, Ջեբել Բերեքեթում՝ 11,000, Հաճընում՝ 21,700 հայ: Ընդումենը՝ 73400 հոգի: Այս թվերը ոչ միայն շատ մոտավոր են, այլև հակասական: Օրինակ, Հաճընում հաշվվում էր 28.000 հայ, իսկ տեղահանված հայերի թիվը նշվում է 32.000:

Թուրք պատմաբան Էսադ Ուրասը գրում է, որ Աղանայամ բնակչում էր 50.135 լուսավորչական, 2511 կաթոլիկ և 5036 բողոքական հայ (ընդամենը՝ 57.682)¹:

Աղանայի վիլայեթն առանձնահատուկ նշանակություն ունի: Նախ, դա հայկական Կիլիկիայի հարթավայրային մասն է, երկրորդ, թե՛ Դաշտային և թե՛ Լեռնային Կիլիկիաները երբեքցե ընդգրկված չեն եղել Հայկական հարց հասկացությունը ձեավորող բաղադրիչների մեջ: Բարենորոգումների շուրջ 40-

¹ Ղազարեան Հ., Յեղասապան թիւրքը, Բեյրութ, էջ 143:

ամյա պայքարը Կիլիկիային չեր վերաբերում: Աղոնցը դա բացատրում է հետևյալ կերպ. «Աղանայի և Հալեպի վիլայեթների միջև բաժանված Հայկական Կիլիկիայի մասին ապարդյուն էր Հիշեցնում Հայոց պատրիարքարանը: Թուրքերն անտեսում էին Կիլիկիան, իսկ Եվրոպական տերությունները չեին հակադրվում, որովհետև Հայաստանի տարածքի ընդլայնումը նշանակում էր ընդլայնել Ռուսաստանի ազգեցության գոտին»: Աղանայի 1909 թ. ջարդերը նախ Հակասությունների այդ կծիկի միջնաթելերից էին: Դրանք նաև «աշխարհին ցույց տվեց, որ կա ևս մի Հայկական մարզ, որ պաշտոնապես չի մտցված Հայկական Հարցի վերաբերյալ դիվանագիտական փաստաթղթերում: Հայերով բնակեցված մարզերի սահմանման առավել ճշգրիտ նշանակը կոտորածներն են... այն ավելի պերճախոս է», քան Բարձր Դուռը վիճակագրական բոլոր տվյալները: Եթե տերություններն ավելի լուրջ վերաբերվեին Հայերի ճակատագրին, այնքան ժամանակ չեին ծախսի Հայաստանի սահմանների վերաբերյալ թուրքերի հետ վիճաբանությունների վրա: «Նրանք կարող էին ճիշտ որոշել Հայկական հողերն, այն արյունալի հրդեհների հրացոլքով, որոնք Հայկական Հարցի ծագման ժամանակներից բռնկվում էին նրանց Հայացքի առաջ՝ Հայերով բնակեցված շրջաններում»¹: Աղոնցը Հայոց ողբերգությանը տերությունների մեջսակցությունը համարում է այն, որ Հայերի կյանքի բարվոքման հիմքում դրեցին թվական գերակշռության պայմանը՝ չնայած դրա անհրաժեշտությունը չկար: Ենթադրենք այս կամ այն վիլայեթում, հարցնում է նա, Հայերը մեծամասնություն չեին կազմում, մի՞թե «այդ հանգամանքը նրանց գրկում է իրենց կյանքի պայմանները բարելավելու պահանջի իրավունքից»²:

1902 թ. Սսի կաթողիկոս ընտրվեց Սահակ Բ. Խապայանը, որը 1903 թ. ապրիլ 20-ին, 20.000 ուխտավորների ներկայութեամբ օծում ստացավ և գահակալեց ութամյա թափուր աթոռը³:

Կիլիկիայի կաթողիկոսության թեմերն ունեին 224 եկեղեցի՝ 179.000 հայ Հավատացյաններով: Դրան գումարած 17.000 հայ կաթողիկներն ու 16.000 հայ բողոքականները: Աղբյուրներից մեկը նշում է, որ վիլայեթում բնակվում էին 216.000 քրիստոնյա և 198.000 իսլամ: 1902 թ. Աղանայի վիլայեթում գործում էր 36 հայկական դպրոց՝ 3529 աշակերտով և 100 ուսուցիչով:

Երիտթուրքերի ղեկավարների 1915 թ. փետրվարի 18-ի շրջաբերականն ստանալուց հետո Աղանայի երիտթուրք գործիքներից մեկը բացեիրաց Հայտարարեց. «Հայերի գլխին նոր փոթորիկ է պայթելու, որը գերազանցելու է մինչ այժմ պատահածները... Զեյթունի, Հաճընի, Դյորթ Յոլի, ինչպես նաև Աղանայի բոլոր Հայերը տեղահանվելու են և նրանց Հարստությունները բռնագրավվելու են»:

Որոշ թուրք պատմաբաններ չեն ժխտում, որ Հայերի տարագրությունը սկսվել էր շատ ավելի վաղ, քան տեղի կունենային Վանի իրադարձությունները: «Հայերի աքսորն սկսվեց դեռ մարտին, - գրում է Թաներ Ակչամը:-

¹ Աղոնց Ն., Հայկական Հարց, Ե., 1996, էջ 98-99:

² Նույն տեղում, էջ 99-100:

³ Աճառյան Հր., Հայ գաղթականության պատմություն, Ե., 2002, էջ 375:

Օրինակ, սկսած մարտի 15-ից, Մարաշի և Աղանայի վիլայեթների բնակչությունը (Մարաշն այն ժամանակ սանջակ էր) զանազան պատրվակներով բռնագաղթվեց...»¹:

1915 թ. ամռանը Աղանայի նահանգապետը հեռագրեց Թալեաթին, թե Աղանայի սանջակի կենտրոնական կազայից տարագրվել է 14216, Կարա Խալու կազայից՝ 33, Զիհուն կազայից՝ 318, Ընդամենը՝ 14567 հայ: Մերսինի կազայից տարագրվել էր 756, Տարսուսից՝ 840: Ընդամենը՝ 1596 հայ:

Զերել-Բերեքեթի սանջակի կազաներից տարագրվել էին. կենտրոնականից՝ 753, Խալահիեից՝ 496, Դյորթ-Յոլից՝ 7168, Բախչեից՝ 3092, Խասսայից՝ 766: Ընդամենը՝ 12,275 հայ:

Կողանի սանջակի կազաներից. Սիսի՝ 3586, Քերեկի՝ 2217, Կարսի (Բաղարի)՝ 1077, Հաճընի՝ 10523: Ընդամենը՝ 17403 հայ: Իչելի սանջակի կազաներից. Խչելի՝ 306, Գիրլանրից՝ 7:

Վալին նաև հայտնում է, թե «Աղանայում բռնագաղթը նոր է սկսված, դրա համար էլ տվյալները թերի են... Տարագրվածները Օսմանիեի և Ռաջոյի ճանապարհով ուղարկված էին Հալեպ»²: Այսինքն՝ տարագրվել էր 46119 հոգի, որը կազմում էր Աղանայի վիլայեթի հայության մի փոքր մասը:

Եթե Գաշտային Կիլիկիայում բռնագաղթը նոր էր սկսվում, ապա Լեռնային Կիլիկիայում դա ավարտվում էր: Զեյթուն քաղաքն ու նրա գյուղերն առաջինը ճաշակեցին տարագրության ու կոտորածների աղետները:

Արդեն 1915 թ. ապրիլի 30-ին Մորգենթաուն հեռագրեց Վաշինգտոն. «...Թուրքական իշխանություններն անհավատալի դաժանությամբ են վերաբերյում Զեյթունի և Մարաշի հայ ազգարնակչությանը. պատրվակ բռնելով մի քանի դասալիքների արարքները, նրանք տեղահան են անում ու ցրում անմեղ բնակչության մի զգալի մասին»³:

Զեյթունահայերը օսմանյան տիրապետության ամբողջ ժամանակաշրջանում աչքի են ընկել իրենց ազատատենչ ոգով, իրենց մարդկային և ազգային իրավունքների համար պայքարելու աներեր կամքով: Նրանք 1628 թ. սուլթանական ֆերմանով ազատվեցին խարած վճարելուց, դրա փոխարեն համաձայնվելով ամեն տարի հօգուտ Այս Սոփիայի մզկիթի վճարել 1500 դուրուչ: Նրանք մինչև 1862 թ. ինքնավար և կիսակինքնավար վիճակում էին: Զեյթունցիներին հարկատու դարձնելու Բարձր Դուռը բոլոր փորձերը հաջողություն չունեցան: Թուրքական զորքերի ու լեռնցի հայերի միջև զինված ընդհարումներ են տեղի ունեցել 1780, 1782, 1808, 1819, 1832, 1835, 1860 և 1862 թվերին⁴:

Զեյթունը ոչ միայն կիլիկիահայության մարտունակության ոգին էր, այլև հայ աղատագրական շարժման բախտորոշ օջախներից մեկը: 1898 թ. մայիսի 31-ին թուրքական «Թերջուման» թերթը գրեց. «Զեյթունը երեք կողմից լեռներով շրջապատված գյուղաքաղաք է, ելքն ու մուտքը միակ կամրջով է կա-

¹ Ակչամ Տ., Տուրեցկое национальное "я" и Армянский вопрос. М., 1995, с. 102-103.

² Փափառյան Ա., Արարական կախաղաններն ու Հայկական ջարդերը, Հալէպ, 1992, էջ 168:

³ Morgenthau H., Memoires. Suivi de documents inédits du Department d'Etat. P., 1984, p. 6.

⁴ «Փորձ», 1877 թ., № 3, էջ 171-174:

տարվում: Մեջտեղում բարձրանում է պարիսպ: Օսմանյան շրջանում քաղաքի բնակչությունն ամբողջությամբ հայեր էին: Որևէ մեկը չէր կարող բռնությամբ ներս մտնել, այդ թվում՝ օսմանյան զինվորները, հրամանատարները, նույնիսկ թագավորները... Օսմանյան պատմության շրջանում շուրջ 40 ապստամբության թատերաբեմ էր դարձել Զեյթունը, որտեղ օսմանյան զինվորը մտնել չի կարողացել»:

Պատահական չէ, որ ոչ միայն Աղանայի վիլայեթի ու Մարաշի սանջակի, այլև ամբողջ արևմտահայության տարագրությունն սկսվեց Զեյթունից: Այդ գործում երկրորդական նշանակություն չունեցավ և այն, որ վախ կար, թե Անտանտը հնարավորություն ուներ Հետությամբ օգտագործել այս տարածքը:

Այս խնդրում չի կարելի խապատ անտեսել նաև այդ տարիներին շրջանառության մեջ մտցված թեզը, թե Կիլիկիան Հայաստանի անկապտելի մասն է և նրա ճակատագիրը տնօրինվելու է Արևմտյան Հայաստանի ճակատագրի հետ միասին: Ռուս հրապարակախոս Նիկոլաևը «Արմանակ»-ի 1917 թ. թիվ 16-ում գրում է. «Այն ժամանակ վեց վիլայեթներին, որտեղ նրանք (հայերը) մինչև վերջին կոտորածները գերակշուն էին որպես ազգային-ուսայական միավոր, Կիլիկիայի կցումը բնական կհամարվեր»...

Սակայն կան նաև այլ նկատառումներ, որոնց արհամարհել չի կարելի, խելացի կամ քաղաքագիտորեն կինի՞, եթե նոր պետությունը թողնվի առանց ելքի Միջերկրական ծով: Կարող են հակառակել, թե Կիլիկիայի միացումը Հայկական պետությանը կվնասի Ֆրանսիայի շահերին Հյուսիսային Սիրիայում կամ Խտալիային՝ Աղալիայում... Անհասկանալի է, թե երկու տերությունների շահերը ինչո՞ւ պետք է գերակայեն նոր պետության (Հայաստանի) շահերին... Պատմականորեն այս տարածքում է ձեւավորվել Փոքր Հայքի թագավորությունը, որը գոյություն ունեցավ մինչև 1375 թ.: Աշխարհագրականորեն Կիլիկիան նոր պետության համար կդառնա առևտրական բնական ելք արտասահման և, եթե չեն ցանկանում, որ նա ընկնի նույն վիճակում, ինչ Սերբիան... Կիլիկիան պետք է միացվի ինքնավար նոր պետությանը, այլապես Հայաստանը կախման մեջ է լինելու հարեւան որևէ պետությունից, որպեսզի ապահոված լինի արտաքին աշխարհի հետ կապով...»:

Եվ ապա, այդ տարածքը նոր պետության կազմի մեջ մտցնելը կարևոր էր նաև նրա համար, որպեսզի հայերը կարողանային զգալ իրենց ազգության ամբողջականությունը, իրենց միասնությունը, իրենց տեղը մյուս ազգերի շարքում: «Զափաղանցություն չի լինի ասել, որ այդ ձգտումը եղել է հայ ժողովրդի միակ տենչանքը սկսած 1375 թվից, երբ կորցրեց քաղաքական ինքնուրույն գոյությունը... Այն լուսավորել է ժողովրդի կյանքը ամենամռայլ, ամենաողբերգական ժամերին: Կարելի է համոզված ասել, որ վերջին սարսափելի աղետը չմեղմեց այդ ցանկությունը»: Բնութագրական են Լինչի խոսքերը. «Հայերն ամենահամառ ազգայնականներն են, որպիսիք երբեիցե աշխարհը տեսել է»: Այդ նպատակը հետապնդելու խնդրում ժողովուրդը միահամուռ էր նույնիսկ Մեծ եղեռնի ժամանակ, երբ անհոգ աշխարհն ասում էր. «Հայերն այլևս չկան»:

Աղանայի 1909 թ. կոտորածից հետո տեղի ունեցավ «Հաշտեցնելու ճաշկերույթը», որին, բացի բարձրաստիճան պաշտոնատարներից, մասնակցում էր

նաև Հայոց եկեղեցու ավագանին: Հայ հոգևորականներից մեկն իր ճառն այսպես սկսեց. «Ճիշտ է, որ մենք, Հայերս, այդ կոտորածի օրերին շատ բան կորցրեցինք՝ մեր ամուսիններին,, կանանց, երեխաններին և մեր ունեցվածքը: Սակայն դուք, թուրքերդ, շատ ավելի եք կորցրել եք ձեր պատիվը»¹:

Ա. Շիրականն անդրադառնալով Հայոց բոնագաղթի կազմակերպմանը, նշում է, որ Հարվածի առաջին ու գլխավոր ուղղություններն արևելյան նահանգներն ու Զեյթունն էին: «Պատերազմի սկզբնաւորութենէն զէյթունցիները գրգռելու բոլոր փորձերն ապարդին էին անցած, զօրահաւաք, զինահաւաք, խուզարկութիւններ, բռնագրաւումներ, ծեծ ու խոշտանգում չէին կրցած ապստամբեցնել Զէյթունը...», սակայն պատրվակ դարձնելով մի քանի երիտասարդների դասալքությունը, Հալեպից զորք բերեցին, որոնց զեյթունցիները սպիտակ դրոշակով դիմավորեցին, բայց դա որևէ նշանակություն չունեցավ: Որոշված էր Արծվաբույնը Հայերից դատարկել և դատարկեցին²:

«Հայաստան եւ Կիլիկիա ընդհանուր կոտորած սկսած է՝ ըստ Պուկարիայէն Թիֆլիսի Ազգային բիւրոյին ուղղուած հեռագրի մը, եւ ըստ նոյն հեռագրին՝ որպէս թէ Կիլիկիա ապստամբութիւն սկսած է...»: Չոպանյանը Կիլիկիայի ապստամբության լուրին չի հավատում, բայց համոզված է, որ «բան մը անցած է» և շտապում է Պողոս Նուրարից իմանալու ճշմարտությունը³:

ԶԵՅԹՈՒՆ. - «Զեյթունցիները Կիլիկիայի մյուս Հայ ընակիչներից տարբերվում էին նրանով,- գրում է Ա. Թոյնբին,- որ զենք ունեին և թվում է, նախապատրաստվել էին ահազնացող Հանգուցալուծմանը: Բայց նրանք զենքերը հանձնեցին, հենց որ խոստացան Հնազանդվելու դեպքում՝ կիսնայեն նրանց անպաշտպան աղզակիցներին, որոնք ընակվում էին Հարթավայրի զյուղերում: Թուրքերը ... դրժեցին իրենց խոստումը: Այսպիսի անբարենպաստ դրության մեջ ընկնելով՝ քաջարի լեռնականներն անխուսափելիորեն պարտվելու էին...»:

Ա. Մանղելչտամի կարծիքով՝ Զեյթունում «խոռվությունը» սահմանափակվել է երկու տասնյակ Հայերի՝ մի վանքի պաշտպանությամբ, որոնց համբերությունից հանել էին ժանդարմների դաժանությունները: Չնայած այդ գործողությունները պաշտպանություն չէին գտել ընակչության կողմից, վերջինները տարագրվել էին:

Հալեպի նահանգի նախակին վալի, հետագայում ՆԳ նախարար Ահմեդ Ռեշիդը, որ քաջատեղյակ էր Կիլիկիայի իրադարձություններին, ամենայն որոշակիությամբ Հայտարարեց. «...Անասողիայի և Կիլիկիայի Հայերը ոչ միայն չեն Հարձակվել, այլև նույնիսկ չեն փորձել իրենց պաշտպանել Հանկարծակի Հարձակումներից»⁴:

1914 թ. Հուլիսի 27-ին Թուրքիայում Հայտարարվում է ընդհանուր զորահավաք: Զեյթուն քաղաքը զորահավաքի գրանցման կետ նշանակված էր: Դրա հետևանքով այստեղ Հավաքվեց երիտասարդության մեծ զանգված, ամեն

¹ R. 14092, Ab. 20411.

² Շիրակեան Ա., Կոտակն էր նահատակներուն, Պէյրութ, 1965, էջ 42:

³ Չոպանյան Ա., Նամականի, Ե., 1980, էջ 124:

⁴ C. Tarihler, Gördüklerim-Yaptıklarım 1890-1922, s. 107.

տանը 20-30 զինակոչիկ էր տեղավորված, սակայն այդ վիճակում անգամ տներում տեղ չկար և շատերը մնում էին բացօպյա: Նրանք քաղցած, թշվառ օրեր էին անցկացնում սպասելով զինվորագրման իրենց հերթին: Այդպես՝ 20-25 օր:

Չնայած զեյթունցիները պատրաստակամ էին կատարելու իշխանությունների պահանջները, այնուամենայնիվ կառավարությունը նրանց թշնամի էր համարում: Ահա թե ինչու, երբ զեյթունցիները անտրտունջ իրենց վրա էին վերցրել գավառի հայ և մահմեղական բնակչության զինվորագրման հետ կապված բոլոր ծանրությունները, երբ զեյթունցիները զորակոչվեցին, զափթիեններն սկսեցին նեղել ժողովրդին: Դեկտեմբերին հրաման ստացվեց հանձնելու գենքերը: Զեյթունցիներն այդ հրամանը նույնպես կատարեցին: Չնայած դրան, ժանդարմները գնալով լկտիանում էին: Աղջկեներին վիրավորելու համար նրանց ու հայերի միջև բախում տեղի ունեցավ: Հասկանալով իշխանությունների չար մտադրությունները, զեյթունցիներն աստիճանաբար փոխեցին վերաբերմունքը նրանց հանդեպ:

Նույն 1914-ի օգոստոսին Տեղ Բեյը կի թուրքական ավազակախումբը խոչտանգում է հաճընցի երկու հայի: Զեյթունցի մի խումբ երիտասարդներ շտապում են դեպքի վայրը, սակայն ավազակները հասցրել էին հեռանալ: Այդ օրերին ընդհարում է տեղի ունենում նաև զեյթունցիների ու Անտրունի թուրքերի միջև: Չնայած զոհեր չեղան, բայց դա պատրվակ դարձավ Մարաշի թուրք երևելիների համար նամակ գրելու Բարձր Դուռը, թե իրենք զորահավաքին չեն մասնակցի, եթե Զեյթունի հայերը չպատժվեն: Կ. Պոլիսն անմիջապես արձագանքում է և Մարաշի կառավարիչ նշանակում թուրքիստ-ազգայնամոլ Ալի Հայդարին, իսկ Զեյթունի գայմագամ՝ արյունարրու Հյուսեյին Հյուսնուն: Զեյթունցիներն շտապեցին նրանց հավաստիացներ, որ հնարավոր աջակցությունը ցույց կտան կառավարիչների աշխատանքն արդյունավետ դարձնելու համար:

Տեղի առաջնորդ Հ. Կարանֆիլյանն ու քաղաքապետ Նորաշխարհյանը 40 հոգով մեկնում են Մարաշ՝ նոր կառավարչի հետ հանդիպելու: Վերջինս խոստանում է զեյթունցիներից առանձին գունդ կազմել հայ հրամանատարով: Սակայն ակնհայտ էր, որ նա ստում էր ժամանակ շահելու համար:

Վիճակը քննելու համար Զեյթունի ազգային առաջնորդարանում հայ երևելիները ժողովի են հավաքվում և որոշում են հնազանդվել իշխանությունների ձեռնարկումներին, այսինքն՝ զենքերը հանձնելու պահանջին:

Այդ ժամանակ ստացվում է նաև Սահակ կաթողիկոսի նամակը, որտեղ ասված էր, թե «4-րդ բանակի ընդհանուր հրամանատար և ծովային նախարար ազնվաշուր Զեմալ փաշան անձամբ խոստացած է ինձ հնազանդ և անմեղ ժողովրդին հանգստութեան և բարօրութեան համար ոչինչ չխնայել: Զանացե՛ք համակերպիլ և պետական ամեն պահանջի գոհացում տալ, որևէ խրտում ու աննշան միջաղեպ կրնայ ամբողջ ազգին, նամանավանդ Կիլիկիոյ հայութեան տապանաքարը կնքել»¹:

¹ Նորաշխարհյան Լ., Զեյթունը 1914-1921 թթ. : Հուշեր: Ե., 1984, էջ 13-14:

1914թ. օգոստոսին Ալի Հայդարը 600 զինվորով գնում է Զեյթուն՝ զինակոչն ապահովելու և Հայերին զինաթափելու համար: Թուրքական զորքերի թիվը գնալով ավելանում էր, և Հակառակ նրան, որ Հայերը որևէ քայլի չփամեցին զորակոչը ձախողելու, սկսեցին վերջինների հանդեպ բռնություններ և այլանդակ արարքներ գործադրել: Նազարեթ չավուշը 25 երիտասարդների հետ բարձրացավ քաղաքից երկու կիլոմետր հյուսիս-արևելք գտնվող վանքը:

Ալի Հայդար փաշան հսկողության տակ առավ Զեյթունի չորս կամուրջները և տեղի ոստիկանապետին հանձնարարեց ձերբակալել նազարեթին: Ոստիկանապետը կարողացավ սեպտեմբերի 6-ին խարեռությամբ այդ հրամանը կատարել: Արգելվում է փողոցային երթևեկությունը, իսկ քաղաքի երևելիներին կանչում են զորանոց:

«Զեյթունը պաշարուեցաւ,- պատմում է Լեփսիուսը:- Ի տես այնքան բազմաթիւ զօրագունդերուն, քաղաքի մէջ սպիտակ դրօշներ պարզուեցան հասկցնելու համար, թէ բնաւ մտքերնէն չէին անցըներ ընդդիմադրութիւն ընել: Վանքին մէջ ապաստանողները ինքինքնին պաշտպանեցին ամրող օր մը, եւ մեծ թիւով զինուոր սպաննեցին, որովհետեւ աղէկ պաշտպանուած էին եւ աղէկ նշան կ'առնէին»¹:

Զենքի հավաքումը վերածվում է խժությունների, մարդկանց ծեծում էին, նետում զնդանը: Քաղաք էր բերվել 6000-7000 զորք: Աչքի տակ ունենալով 1895-ի փորձը Ալի Հայդարն ամրացնում է զորանոցը: Միաժամանակ սկսում են ձերբակալությունները ու խոշտանգումները: Թուրքերը զուգահեռաբար ձեռնամուխ եղան Հայկական գյուղերի կողոպուտին և գյուղական ավագանու ձերբակալություններին:

Մինչեւ սեպտեմբերի 10-ը Զեյթունն ու շրջակա Հայկական գյուղերը զինաթափած էին, դրանց ավագանին՝ բանտ նետված: Սեպտեմբերի 29-ին մոտ 300 ձերբակալված զեյթունցիների, նրանցից բռնագրավված 1400 հրացանների հետ տեղափոխում են Մարաշ: Երկու օր շարունակ նրանց պտտեցնում են քաղաքի փողոցներով ու գարշելի անարգանքների ենթարկում: Բանտում թունավորելով մեղցնում են Նազարեթ չավուշին:

Զեյթունցիների վիճակը գնալով դառնում էր անտանելի: Խոշտանգում, ծեծ, հալածանք, ձերբակալություններ: Սահակ կաթողիկոսը գնում է Հալեպ և խնդրում Զեմալ փաշայից օգնել բռնություններին վերջ զնելու: Փաշայի միջամտությունից հետո բանտից ազատվում են զեյթունցի մի քանի գործիչներ, այդ թվում՝ Եղիա Նորաշխարհյանը: Եղիան 1915 թ. հունվարի 1-ին ժողով է գումարում, որը որոշում է կայացնում կովել թուրքական բռնությունների դեմ: Փետրվարի 14-ին Հայերի մի խումբ հարձակվում է զենք փոխադրող թուրք զինվորների վրա, մի քանի հոգու սպանում է ու խլում զենքերը: Դա ազդանշան էր: Խումբը շատ արագ համալրվում է նորանոր մարտիկներով, ինչն անհանգստացրեց թուրքական իշխանություններին: Նոր զորքեր բերվեցին Զեյթուն: Փետրվարի 18-ին Աղանայի վալի Զեմալը ստանում է Բ. Շաքիրի

¹(Լեփսիուս) Հայկական ջարդերը: Տոքտ. Եռհաննես Լեփսիուսի տեղեկագիրը, Կ. Պոլիս, 1919, էջ 12:

Հեռագիրը, թե Իթթիհաղի կենտրոնը որոշում է ընդունել «Թուրքիոյ մէջ ապրող բոլոր հայերը, առանց մէկ հայ իսկ ողջ թողնելու», բնաջնջել¹:

Փետրվարի 25-ի առավոտյան հնչում են քաղաքի եկեղեցիների գանգերը և փորձ է արվում գրավելու զորանոցը: Սակայն թուրքերը նախապես իմացել էին պատրաստվող հարձակման մասին: Մինչև մարտի 10-ը երկու կողմերը տենդագին պատրաստվում էր բախմանը, հայերը՝ վանքում, իսկ թուրքերը՝ քաղաքում: Մարտի 10-ին Մարաշից Զեյթուն է հասնում մի պատվիրակություն գերմանացի Բլանկի գլխավորությամբ: Անձնատուր լինելու Բլանկի առաջարկին հայերը պատասխանում են. «Յավալին այն է, որ Գերմանիայի նման քրիստոնյա պետությունը քաջալերում է թուրք ոճրագործներին. հայերի դժբախտության պատճառը Գերմանիան է»: Եվ ապա «...թուրքերը մեզ ոչ թե կենդանի, այլև անզամ մեր դիմակները չպիտի կրնան վայելել»²:

Վանքում ապաստանածները թուրքական իշխանություններից պահանջեցին ազատել բանտարկված 60 երիտասարդներին, կառավարչատունն ու զորանոցը հանձնել հայերին և հեռանալ Զեյթունից: Ժամանակ շահելու համար՝ գայմազամը ազատում է բանտարկվածներին ու միտումնավոր ձգձգում բանակցությունները, որպեսզի տեղ հասնեն Մարաշից եկող ուժերը:

Իսկ երբ այդ ուժերը տեղ հասան՝ սկսվեց հարձակումը վանքի վրա: Զգալի կորուստների գնով հաջողվում է գրավել վանքի մերձակայքի այգիները:

Մարտի 16-ին Սահակ կաթողիկոսը Կ. Պոլսի հայոց պատրիարքին գրում է. «Կառավարութիւնը միջոցներ ձեռնարկեց Զեյթունի փախստականներուն դէմ: Որովհետեւ այս միջոցները կապ ունին արտաքոյ կարգի կարեւորութիւն ունեցող զինուրական գործողութեան մը հետ, որ երբեք համեմատական չէ աննշան շարժառիթին հետ. կը վախնանք, թէ միգուցէ խնդիրը Զեյթունի հաւատարիմ ազգաբրնակիչութեան հարուած մը տալուն շուրջ կը դառնայ: Ապահով ենք, թէ մեծ դժբախտութիւն մը կը սպասէ մեղի... Յատակօրէն կը տեսնենք, թէ գայմազամը Զեյթունի հրամանատարին հետ համախորհուրդ եւ մէկ քանի դասակիրթիներէ իրը առիթ օգտուելով, բնակիչներու դէմ անլուր ճնշումներ կը պատրաստէ...»³:

Նման կարծիք ունենալով հանդերձ, կաթողիկոսը զեյթունցիներին ոչ թե մարտնչելու, այլ՝ խոնարհվելու խորհուրդ տվեց:

Թուրքական հրանոթները սկսեցին ոմբակոծել վանքը, ապա հարձակման անցավ հետևակը: Թեժ ճակատամարտ սկսվեց: Թուրքերի հարձակումը ղեկավարում էր Զեյթունի ոստիկանապետ Սուլեյմանը: Հայերի վիճակը գնալով անհույս էր դառնում, վանքն ավերակի էր վերածվում: Ռազմամթերքն սպառվում էր: Թուրքերը փորձեցին հրդեւել վանքը: Ահա այդ պահին է, որ զեյթունցիները կատարում են հուսահատ, բայց նաև հերոսական քայլ: Ընդամենը 25 հոգուց կազմված խումբը դուրս է թոշում վանքից ու հարձակվում թուրքական գորքի վրա: Հանկարծակի եկած թշնամին խուճապահար փախուստի դիմեց: Երեկո-

¹ Ղազարեան Հ., նշվ. աշխ., էջ 178:

² Նորաշխարհյան Լ., նշվ. աշխ., էջ 38:

³ Լեփսիոս Յո., Հայկական ջարդերը, էջ 12:

յան կողմ վանք մտավ հայ զինված երիտասարդների մի ստվար խումբ:

Մութն ընկնելուն պես զեյթունցիները հեռացան վանքից: Նրանք ժողովրդին ուղեկցեցին քաղաք, ապա գնացին Պապիկ փաշայի քարայր:

Վանքի համար մարտերում զոհվեց ոստիկանապետ Սուլեյմանը, որի հիշատակը հավերժացնելու համար թուրքերը Զեյթուն քաղաքի անունը փոխեցին և այն կոչեցին Սուլեյմանը:

Զեյթունը շրջափակվեց: Այդ ժամանակ ստացվեց Զեմալ փաշայի կոչը Զեյթունի հայությանը. «Անմեղ եւ խեղճ ժողովուրդին որեւէ հալածանք պիտի չըլլայ: Ես զինուորական հրամանատարութեան հրահանգած եմ, որպէսզի ժողովուրդին կեանքին եւ պատուին չղիպչին. ամեն մարդ իր տունը, իր գիւղը թող վերադառնայ եւ իր անձնական գործերովը զբաղուի...»¹:

Այդ ընթացքում թուրքերը թալանում էին Կալուջենց գյուղը. բանակի հրամանատարությունը պատրաստում էր «փախստականների և ապստամբների» ցուցակները, որոնց մեջ մտցվում էին նաև դասալիքները: Մոտ 450 երիտասարդ հանձնվեց որպես դասալիք:

Արգելվեց բնակավայրերից գուրս գալ առանց թույլտվության:

Մարտի 25-ի առավոտյան զանգերը ժողովրդին եկեղեցիներ հրավիրեցին: Քաղաքը լեփ-լեցուն էր զինվորներով: 31 հոգու կանչեցին զորանոց: Դրանք քաղաքի ազգեցիկ մարդիկ էին:

Այլ Հայութարը հոխորտաց. «Նազարէթ Զաւուշը նկուղ նետեցի, ամբողջ քաղաքը պաշարուած է... ոչ ոք կրնայ ներսէն դուրս եւ դուրսէն ներս մտնել: Եթէ 12 ժամէն ձեր բոլոր զէնքերը չյանձնէք, քաղաքը պիտի ոմբակոծեմ...:

Զեյթունի մեջ ձեր բնակութիւնը կառավարութեան կողմէ յարմար չի նկատուիր: Այսօր մայրամուտէն առաջ ընտանեօք Մարաշ պիտի երթաք»: Իսկ զորքերի հրամանատարը Բերդում փակվածներին հրամայեց. «Առ այժմ ձեր բնակած զօրանոցը պարպել եւ Զեյթուն տեղափոխուիլ, կամ թէ կառավարութիւնը բնակչութիւնը... կը տեղափոխէ Մարաշ: Զեր ձեռքը գտնուող բոլոր զէնքերը... պէտք է յանձնէք»²:

Այդ ընթացքում հավաքել էին նաև նրանց ընտանիքների անդամներին՝ 96 հոգու, որոնց առանց սննդի պաշարի, առանց հետները հագուստեղեն և այլն վերցնելու զինվորների մեծ խմբով ոտքով ճամփա հանեցին: Տղամարդկանց տանում էին շղմայակապ: Ախըրդաղ լեռան ստորոտին թուրք գյուղացիները պահանջեցին աքաղաղներին իրենց հանձնել: Սակայն այդ պահանջը մերժվեց: Հայերին Մարաշ հասցրեցին:

Մարտի 30-ին նրանց թուրք ամբոխի հայհոյանքների, հարվածների ուղեկցությամբ քաղաքից հանեցին և խոշտանգումներով հասցրեցին Օսմանիե: Ապրիլի 2-ին նրանց միացավ Զեյթունից եկած երկու նոր քարավան: Բոլորին զնացքով ուղարկեցին Տարսոն, որտեղից սայլերով տեղափոխեցին Բողանթիի ուղմական կայանն ու տեղափորեցին վրանների տակ: Հավաքվեց 700 բռնագաղթված, որոնց ապրիլի 22-ին ուղարկեցին կոնիա: Այստեղ տղամարդկանց

¹ Նորաշխարհյան Լ., նշվ. աշխ., էջ 45:

² Նույն տեղում, էջ 151:

բաժանեցին և տարան բոլորովին այլ ուղղությամբ: Հավաքված ամբոխը քարեր, այլևսայլ առարկաներ էր շպրտում հայերի վրա, հարձակման փորձեր կատարում, աղջիկներ պահանջում: Այսպես ամեն օր մինչև մայիսի 7-ը: Նորից գաղթ, ոմանք ձիով, մյուսները հետիոտն: Ով ձիերի քայլքից հետ էր մնում՝ հարվածների էր արժանանում: Երեք օր անց հասան կարա-Բունար և Սուլեյ-մանիեր ճահճուտները: Այստեղ եկան 6000-8000, իսկ Դոր՝ 15.000-19.000 գեյթունցիներ: Անվերջ քարավաններ անցան Մարաշով, Աղանայով ու Հալեպով:

Այս առիթով չը. Աճառյանը նկատում է, որ երբ տեղահանության հրամանը ստացվեց, զեյթունցիները «վարանման մէջ էին, ոմանք մերժեցին պետական հրամանը եւ որոշեցին տեղի վրայ մնալ ու կոուով պաշտպանել իրենց գոյութիւնը մինչեւ վերջ:

Ուրիշները խոհեմութիւն էին համարում հնազանդուելը: Կիլիկիայի Սահակ կաթողիկոսը միջամտեց եւ յորդորեց նրանց, որ այդ անխոռհեմ քայլին չղիմեն: Թուրքիան նախկին թուրքիան չէ եւ ըմբռատներին անխնայ պիտի կոտորէ: Դժբախտաբար զեյթունցիներն էլ լսեցին յորդորը եւ մնացեալ հայութեան հետ անապատների ճամբան բոնեցին»¹: Մարտի վերջերին Զեյթունից ու մերձակա բնակավայրերից տեղահանեցին 18.000 հայի և քշեցին Կոնիա-Էրեյլի ճանապարհով: Հազարավորներ ընկան քաղցից, համաձարակից, բիրտ վարմունքից: Եղան կանայք, որ մի կտոր հացի համար իրենց երեխաներին վաճառեցին գնչուներին:

Կ. Պոլսում Բուլղարիայի ներկայացուցիչ Ն. Կոլուչելը 1915 թ. մարտի 17-ին գրում է իր երկրի վարչապետ Վ. Ռազուլավովին, որ Զեյթունում բնակչությունն ընդդիմացել է զորակոչին: Հայերը «հարձակվել են բանտի վրա ..., կոտորել են պահակախմբին և ազատել (հայ) բանտարկյալներին... Շուրջ 30 ստիկաններ և զինվորներ, ինչպես նաև Մարաշի ժանդարմերիայի պետ Սուլեյման բեյը սպանվել են: Ապստամբները նահանջել են Զեյթունից դուրս գտնվող վանքը և ամրացել: Այստեղ ուղարկվել է զորք և հրետանի: Թուրքերը Զեյթունում մեծ անկարգություններ են կատարել»²:

Հարկ է ուշադրություն դարձնել հետևյալ իրողության վրա:

Մի շվեյցարացի (տե՛ս «Quelques documents», Ժնև, 1916) գրում է, թե X-ի հետ զրույցից ինքը պարզել է՝ Հայեալից մեծ զինվորական ուժեր են շարժվում Զեյթունի վրա: Այդ X-ը նաև ասել է, որ «Հայերը չեն ուզում ապստամբել և պիտի համբերությամբ տանեն կառավարության բոլոր արածները»:

Բազմաթիվ գիտակներ բացարձակապես հերքել են թուրքական պնդումը, թե զեյթունցիների ըմբռատությունը կազմակերպվում էր «զրսի ուժերի» կողմից:

Գերմանիայի հյուպատոսը գրում է. «Զեյթունում ծագած խոռվությունը արդյո՞ք թելաղրված էր արտասահմանից: Ես չկարողացա այդ ապացուցող փաստերի նույնիսկ հետք գտնել... Ընդհակառակը, ներքին ցավերից ծագած

¹ Աճառյան Հր., նշվ. աշխ., էջ 376:

² Геноцидът над арменците в Турция в светлината на българските дипломатически документи. София, 1995, фонд № 321, оп. 1, д. 2461, с. 2.

պատճառները լրիվ բավարար են այդ խոռվությունները մեկնաբանելու համար:

... Կառավարությունը մարտի սկզբներին քրիստոնյա գինվորների համազգեստն ու գենքը վերցրել էր»¹:

Վալի Զելալ բեյը, որ կոտորածներին դեմ էր, Ռեսուլերին ասել է. «Ակնհայտ է, որ թուրքական կառավարությունում գերիշխող է դարձել մի ուղղություն, որ հայերին ամբողջությամբ դիտում է որպես կասկածելի կամ մանավանդ որպես թշնամի: Ինքն այս փոփոխությունը դժբախտություն է համարում իր հայրենիքի համար և ինձ խնդրեց նորին գերազանցութեան՝ Կայսերական դեսպանին առաջարկել գործելու այս ուղղութեան դեմ»: (Տե՛ս Ռեսուլերի 1915 թ. ապրիլի 12-ի գեկուցը):

Այսինքն՝ ապրիլի սկզբից հայերի բնաջնջման որոշումն արդեն կայացված էր:

Սահակ կաթողիկոսը Զավեն պատրիարքին ապրիլի 21-ին գրում է. «Զեյթունի Հյուսեին Հյուսնի գայմագամի, Սուլեյման բեյ հիսնապետի, մուֆթիի և կառավարության պաշտոնյաների, որոնք կառավարության վարկն աղավաղեցին, գործած անլուր խժդություններն ու բռնությունները միայն նպատակ ունեին խաղաղ ժողովրդին ծայրակեղութեան գրգռելու, որպեսզի կառավարությունը առիթ ունենա բնաջնջելու: Հակառակ այդ ամենին ժողովուրդն համբերում է ամեն ինչ և մերթ ընդ մերթ տրտունջներ է արտահայտում... Մի քանի դասալիքներ, որ լեռն էին փախել, փորձեցին ժողովրդին հորդորել միասին ընդդիմանալու, բայց խաղաղասեր ժողովուրդը նրանց չանսաց... (իսկ) դասալիքներին բռնելու համար ուղարկված 16 ոստիկանները ... շրջակա գիւղերում նոր խժդություններ գործեցին... ժողովուրդը զինաթափվեց...

Մարտի 25 (ապր. 8-ին). Երբ 30 նշանավոր անձինք գորանոց կանչվեցին, գայմագամ Խուրշիդ փաշան նրանց այլևս բաց չթողեց: Առանց ժամանակ տալու, որ ճանապարհի համար անհրաժեշտ պատրաստություններ տեսնեն, նրանց աքսորեցին իրենց կանանց ու երեխաների հետ նախ Մարաշ, ապա Օսմանին և Աղանա»²:

Մարաշի որբանոցի վարիչ Կարլ Բլանկը գրում է. «Մարտի սկզբներից ի վեր այստեղ դժվար ժամանակներ են քրիստոնյաների համար, որովհետև ավազակների հետ կառավարության մի ընդհարման ժամանակ Զեյթունի լեռներում շատ ոստիկաններ սպանվեցին: Դա այնքան հուզեց իսլամ ժողովրդին, որ եթե Տերը հրաշք չգործեր, անկասկած, մեծ կոտորած էր տեղի ունենալու... Զինվորագրության ժամանակ կառավարությունը անասունները բռնազրավեց, մասնավորապես քրիստոնյաներն էին շատ հաճախ սաստիկ հարստահարվում: Զնայած դրան, նրանք շարունակեցին մնալ խաղաղ... Բայց վերջապես եկավ մի պահ, երբ ճնշումն ավելի ծանր դարձավ և նրանք դիմեցին իրենց անձը պաշտպանելու: Զինվորական ծառայության տարված քրիստոնյաների նկատմամբ անպատշաճ վարմունքի պատճառով շատերը դասալիք դարձան... Զինվորա-

¹ Տաշեան Հ., Հայ ազգի տարագրութիւնը գերմանական վաւերագիրներու համեմատ, Վիեննա, 1921, էջ 150-152:

² Նույն տեղում: էջ 157-160:

կանները ստիպված էին սովից տառապել, նաև հաճախ էին գանակոծվում: Վերջապես նրանցից խլվեցին նաև զենքերը, նախապես ստիպելով հետ տալ համազգեստները: Դրանով մահմեղականների շրջանում տարածվեց նույն կարծիքը, թե արդեն ժամանակն է իրենց սրերը նորից սրելու՝ քրիստոնեաների դեմ կովելու համար: Այս մասին բացեիրաց էին խոսում... Բնականաբար, կոտորածի երկիւղը ծանրորեն էր ազդում մտքերի վրա: Զեյթունի դասալիքներն ավելի ու ավելի լեռներն էին քաշվում: Զեյթունի բնակիչներից շատերին թուրք պաշտոնյաներն արդեն վաղուց հարստահարել էին... ի վերջո կառավարությունը զորք ուղարկեց Զեյթունի դեմ»¹:

Զեյթունում զորակոչ Հայտարարվեց 1914 թ. օգոստոսի 10-ին. պահանջում էր, որ մինչև 45 տարեկան բոլոր տղամարդիկ պատրաստ լինեին բանակ զորակոչվելու: Զեյթունցիները, չնայած իրենց կիսանկախ վիճակին, ենթարկվեցին զորահավաքի պայմաններին, բացի 25 երիտասարդներից, որոնք բարձրացան լեռները, ինչպես մեծ թվով մահմեղականներ, որոնք դասալիք դարձան: Հայերի նշանակած 25 հոգանոց խումբը ստեղծվել էր դեռ 1913 թ. և զորակոչ հետ որևէ առնչություն չուներ:

Այսպիսով, Զեյթունի ու նրա շրջակայքի զանգվածային բռնագաղթն սկսվեց մարտի 23-ին և արդեն մայիսի կեսերին լեռնաշխարհը դատարկված էր: 18.000 հայից տեղում թողեցին միայն վեց արհեստավորի:

Անհնար է չնշել, որ այդ ամենին տարօրինակ էր վերաբերում Սահակ կաթողիկոսը: Ապրիլի 15-ին նա գրեց. «Զեյթունի բնախնջումը ատեանի մէջ ծրագրաւորուած էր ու գոհ ըլլալու ենք, որ գաղթականութեան վերածուեցաւ, որ ապագային կրնայ զարմանուիլ»²:

Իսկ թե կաթողիկոսին գոհացնող այդ բռնագաղթն ի՞նչ էր նշանակում, վկայում են ականատեսները. «Իմ սեփական աչքերովս տեսայ յատկանշական պարագայ մը: Զեյթունի քաղաքացի մը, որ շատ հարուստ էր, իրեւ խլեակ իւր հարստութեան, երկու այծ կը քշէր հետը տարագրուած ատենը: Վրայ հասաւ ժանտարման եւ բռնեց երկու անասունները: Հայր խնզրեց, որ զանոնք իրեն ձգէ, աւելցնելով, թէ ապրելու ուրիշ ոչ մէկ բան ունէր... Ժանտարման սկսաւ հարուածներ տեղալ, մինչև որ խեղճը զլորուեցաւ փոշիին մէջ եւ փոշին ալ վերածուեցաւ արիւնաշաղախ ցեխի: Այն ատեն երկու հարուած ալ տուաւ հայուն եւ երկու այծերը առած ելաւ գնաց»³:

Թեոդիկը պատմում է, որ կիլիկիացի մի հայ կին գաղթի ճանապարհին երեխա է ծնում և որովհետեւ ուժասպառ էր եղել, թե՛ ինքը և թե՛ նորածինը դառնում են անգղների կերակուր: Վկայում է հայ զինվորը. «Անզամ մը ես ու ընկերս կիւլեկ Պողաղիէն կանցնէինք ձիով... Դիտեցինք, որ խոշոր թուչուններ ձորի մէջ կ'իջնէին ու կ'ելնէին: Հոն ուղեցինք քայլերնիս... Ծառի մը տակ կին մըն էր պառկեր, կէս-մեռել մը գրեթէ: Կաղկանձիւն մը կը լսուէր և ոտքի տակ

¹ Տաշեան Հ., Հայ ազգի տարագրութիւնը գերմանական վաւերագիրներու համեմատ, Վիեննա, 1921, էջ 157-160:

² «Յուշամատեան Մեծ եղեռնի 1915-1965», Պէյրութ, 1965, էջ 478:

³ Նույն տեղում, էջ 479:

տարօրինակ կծիկ մը կ'երեւար... Երկու քայլ եւս մօտեցանք: Կծիկը՝ մօրէ մանկիկ մըն էր, հազիւ քանի մը օրուան, աւելի ճիշդ՝ դիակ մը, քիթ-բերանը թռչուններէն կտցաւար: Եւ Հոգեվար մայրը չէր դաղբեր ձեռքն օդին մէջ շարժելէ դիակէն ագուաները վանելու օրհասական ճիգով մը»¹:

Մի թուրք մոր գրկից հափշտակում է երեխային և «ինչպես որ հաւի մը գլուխը ոլորելով կը փրցնեն. իր երկու բիրտ ձեռքերովը բռնեց մանկիկին պարանոցը, սեղմեց, լարեց, պլորեց, գլուխը վզին վրայ գալարեց, խեղդեց ու վերջին շարժումով մը դիակը նետեց քանի մը քայլ անդին»²:

Կիլիկիայերին գաղթեցրեցին Հանկարծակի, առանց նախազգուշացման և նախապատրաստման Համար ժամանակ տրամադրելու: Նրանց թույլ չէին տալիս նաև ճանապարհին սնունդ ձեռք բերել, ստեղով, թե պետություն կհոգա գաղթվողների պահանջմունքները: Իսկ պետությունը ոչ միայն չէր Հոգում, այլ քարավանները ուղեկցողների ձեռքերին ազատություն էր տվել տարագիրների հետ վարվելու սեփական քմահաճույքով՝ կոտորելու ու կողոպտելու հայերին: Ոստիկանները նկատելով, որ մի քանի աղջիկների մաղերի մեջ ուկի էր թաքցրված, հարձակվեցին նրանց վրա, մազերը պոկեցին և ոսկիները հափշտակեցին:

Զեյթունից աքսորված հայերի մասին Խարբերդում ԱՄՆ-ի հյուպատոս Լեսլի Դեկսը գրում է. «Աքսորյալները հիմնականում կանայք, ծերեր ու երեխաներ էին. նրանց գանահարում ու ծեծում էին կենդանիների պես, կանանց ու աղջիկների վրա բռնանում էին ոչ միայն նրանց պահապանները, այլև գյուղերի վայրենիները, որոնցով անցնում էին աքսորյալները, քանի որ առաջինները թույլ էին տալիս, որ երկրորդները գիշերով մտնեն նրանց ճամբարը և նույնիսկ աղջիկներին բաժանում էին գյուղերում: Այդ թշվառ արարածները կգերադասեին սպանվել իրենց տներում, քան այս ձեռք քարշ տրվեին երկրով մեկ: Մոտ երկու հազար աքսորյալ անցավ Ուրֆայով և բոլորն էլ ավելի մեռած, քան կենդանի: Հարյուրներով սովամահ էին լինում, մեռնում ծարավից՝ բռնություններից կամ առևանգվում Աննազա արաբների կողմից ու տարվում անապատ: Մենք այս մասին լուր ունենք, քանի որ մի երիտասարդ հայ բժիշկ, որն այդ նույն վայրերում կառավարության զինվորներին էր բուժում, փախավ մեղ մոտ և պատմեց իրողությունը»³:

Սկզբում քարավանները փոքր էին՝ 50-60 ընտանիք և հիմնականում ուղարկվում էին երկու ուղղությամբ՝ դեպի Դոր և Կոնիա: Թուրքերը ձգտում էին, որ քարավաններն աչքի ընկնեին: Դրությունը փոխվեց ապրիկին: Ռեռալերը գրեց. «Ամեն օր Զեյթունից 200-300 Հոգի փոխադրվում է ... խիստ հսկողության տակ և գիշերվա կարճ դադարից հետո տարագրվում են այլեայլ ուղղություններով... Կառավարությունը որոշել է մյուս բոլոր հայարնակ գավառներն էլ բռնի միջոցներով դատարկել: Տարագրվողների թշվառությունն անհնար է

¹ Արգումանյան Մ., Դարավոր գոյամարտ, Ե., 1989, էջ 401:

² Նույն տեղում:

³ Դեկս Լ., Սպանդի նահանգը, Ե., 2001, էջ 270-273:

Նկարագրել: Զանգվածներով գնում են ծերեր, հաշմանդամներ, 4-5 տարեկան բոկոտն երեխաններ»¹:

Զեյթունից մայիսի 10-ին դուրս եկած քարավանին գերմանացի ու թուրք սպաները բռնաղատում էին, որպեսզի հայերը լքեին իրենց ունեցվածքը և դրանց տիրանային Թրակիայից եկած մուհաջիրները²: Ելնելով այս իրողություններից՝ Զ. Բրայսը գրում է. «Կիլիկիայի տարագրությունները պետք է ծրագրված լինեին ոչ ուշ, քան մարտ ամիսը, հավանաբար նույնիսկ ավելի վաղ»³: Այսինքն՝ Վանի իրազարձություններից 1-1.5 ամիս չուտ: Այդ միտքը հաստատում է նաև Ռուհրի մերձակայքում բնակվող մի օտարերկրացի. «1915-ի մարտ ամսին սկսվեցին առաջին աքսորումները... Երբ դա սկսվեց, հազվադեպ դարձան օրերը, երբ մեկ և ավելի քարավաններ չէին անցնում»⁴:

Աղանայի մերձակայքի մի քաղաքից 1915 թ. մայիսի 30-ին գրեցին. «Սկսած ապրիլի առաջին օրերից Զեյթունից ու շրջակայքից քարավաններ եկան ու անցան Հարավ՝ Միջազգետքի անապատները: Միայն մեր քաղաքից անցած տարագրյանների թիվը համում է 6-7 հազարի... (Զեյթունի) ամբողջ զավառը դատարկված է: Տարագրվածների տեղը բռնում են Բոսնիայից եկած մուհաջիրները: Թուրքերը կատարյալ հրճանքի մեջ են: Անհնար է նկարագրել տարագրվող հայերի վիճակը՝ բռնաբարություն, բռնի մահմեղականացում, կանանց ու աղջիկների առևանգում, զրանք բոլորը սովորական երևոյթներ են: Զեյթունի հայ ժողովուրդը ոչնչացված է, բացառությամբ մեկ կամ երկու գյուղերից»⁵: «The Outlook» թերթը 1915 թ. օգոստոսի 18-ին գրեց. «20.000 թուրք հարձակվեց Զեյթունի վրա և հաստատվեց հայերին պատկանող տներում, այդ տների նախկին տերերը ցիրուցան են եղել կայսրությունում: Մի մասին քշել էին Պարսկական ծոցի անապատները, մյուսներին՝ մալարիաբեր ճահիճները»:

Զեյթունցիների մի քարավանի մասին գրում է նաև ուրֆացի Պ. Տեր-Պետրոսյանը. «Ու ահա մեր աչքերուն պարզուեցաւ սարսուազդեցիկ տեսարան մը: Գաղթականներու առաջին կարաւանն էր, որ կը տեսնէինք, հետիոտն, պատուած հագուստներով, յոզնած ու չարչարուած կիներու եւ փոքրիկներու բազմաթիւն մըն էր, որ քաղաք կը մտնէր: Այր մարդիկ ցանցառ էին, մեծ մասամբ ծերունիներ էին: Բոլորի դէմքին վրայ դրոշմուած էին իրենց կրած տառապանքները: Սակայն ինչ որ կը կարդացուէր անոնց աչքերուն մէջ, հպարտութիւնն էր, բոլորն ալ կը ջանային թիւրք խուժանին ցոյց չտալ իրենց յուսահատութիւնն ու տառապանքը»:

Թիւրք խուժանը չորս կողմէն կը հայՀոյէր, կը սպառնար արիւնաքամ այդ բազմութեան»⁶:

¹ Bryce J. Viscount, *The Treatment of Armenians in the Ottoman Empire 1915-1916. Documents Presented to Viscount Grey of Fallodon, Secretary of State for Foreign Affairs, London, 1916*, p. 544.

² Նույն տեղում, էջ 483-484:

³ Նույն տեղում, էջ 466:

⁴ Նույն տեղում, էջ 533:

⁵ Նույն տեղում, էջ 544:

⁶ Սահակեան Ա., Դիւցազնական Ուրֆան եւ իր հայորդիները, Պէյրութ, 1955, էջ 765:

«Զեյթունում,- հեռագրում է Կ. Պոլսում Ռուսաստանի դեսպանության թարգման Սերաֆիմովը 1915 թ. մարտի 15-ին,- որտեղ ուղարկվել է մի զորացուկատ այնտեղ թաքնված դասալիքներին բռնելու համար, տեղի է ունեցել բախում, որը հանգեցրել է ուղղմական դատարանի ստեղծմանն ու բնակչության դաժան հաշվեհարդարի: Դյորթ-Յոլի ողջ արու բնակչությունն աքսորված է»¹:

«Վերջերս,- գրում է Եգիպտոսում Ռուսաստանի դեսպանորդ Սմիռնովը Սագոնովին,- թուրքական 12 հազարանոց զորքը գրավեց Զեյթունը, որը հանդիսանում է Հայերի պատվարը և մոտ չէր թողնում թուրքական ուժերին: Սպառնալիքների, խարեւության և խոստումների միջոցով թուրքերը Հայերին մղեցին հանձնվելու, և քաղաքը գրավելով, ամենաղաժան միջոցներ կիրառեցին նրա բնակչության և պաշտպանների հանդեպ: Հազարավոր մարդիկ մորթվեցին ու կոտորվեցին... Հայերի դաժան կոտորած տեղի ունեցավ նաև Ալբիստանում (Մարաշի կազա)»²:

Սակայն Զեյթունում կատարվածի գնահատականները միանշանակ չեն: Դանդինին գրում է. «Զենք հանձնելու թուրքական պահանջին Հայերը պատասխանեցին կրակոցներով...»³: Տրամադծորեն Հակառակ կարծիքի էր Թ. Լորենսը. «Հայերը լավ զինված էին ու կազմակերպված, բայց առաջնորդները նրանց բախտի քմահաճուքին թողեցին: Տղամարդկանց սպանեցին, կանանց և երեխաներին, մերկ ու սոված, ձմռան կեսին քշեցին անապատ որպես ավար ամեն անցորդի համար՝ մինչև փրկության դար մահը: Երիտթուրքերը Հայերին ոչնչացնում էին ոչ թե որովհետև նրանք քրիստոնյա էին, այլ՝ Հայ»:

Նույնիսկ պաշտոնական Թուրքիան խոստովանեց, որ Զեյթունի ժողովուրդը որևէ Հակապետական արարք թույլ չէր տվել: Բարձր Դուռն Հայտարարության մեջ նշվում է. «Մարտի 31-ին (1915 թ.) մի Հայ ավագակախումը ամրացավ վանքում ... և կրակ բացեց վանք մտնող վաշտի վրա»: Սպա «ղասալիքներից ե Հայ ավագակներից կազմված խմբերը Հարձակվեցին Զեյթունի կառավարական շենքի վրա և փորձում էին ջնջել իսլամ ժողովրդին...»: Այսինքն՝ ոչ թե զեյթունցի Հայ ժողովուրդն էր ընդգել իշխանությունների դեմ, այլ՝ «ավագակախմբերը»:

Զեյթունցիներն ապստամբելու մտադրություն չեն ունեցել, գրում է Գրիգորիա ծ. վրդ. Պալաբրյանը: Ընդհակառակը, նրանք մի քանի անգամ լրատարի միջոցով Կիլիկիայի կաթողիկոսից և Մարաշի Հայ երևելիներից ցուցում էին ստացել որևէ ծայրահեղ միջոցառման չղիմել, ինչից զեյթունցիները զայրացել էին և աքսորից վերադառնալուց հետո դժողովում էին, թե կաթողիկոսն իրենց խանգարեց ինքնապաշտպանության կանգնելու:

Նրանց զայրույթը հիմքից զուրկ չէր: Զեմալ-Սահակ «ընկերությունը» ամենամեծ վնասը հասցեց զեյթունցիներին: Թերևս դա նույնպես դեր խաղաց, որ ազատագրական կոփների փառավոր ուղի անցած, թուրքական բազմահազարանոց բանակների պարտության մատնած զեյթունցիները 1915-ին չկարողացան համախմբվել ու ջարդարարներին հակահարված տալ: Եթե Օս-

¹ АВПР, Политархив, д. 3504, л. 19.

² Նույն տեղում, դ. 3804, լ. 34.

³ Wien HHSTA PA XXXVIII 366, Aleppo, 27.08.1915.

մանյան կայսրության հայաբնակ շրջանների հայության կեցվածքի համեմատությամբ զեյթունցիների գործողությունները կարելի էր անվանել հերոսական, ապա նույն այդ զեյթունցիների անցյալի ընդվզումների (1862 թ., 1895 թ.) համեմատությամբ՝ բարոյամարտական ոգու նահանջ, պարտվողականություն:

«Հնչակը» 1915 թ. օգոստոսին գրեց, որ Կիլիկիայում 40 հազար մարդ կոտորված է: «Թուրքերը մտադիր են բոլոր շրջանները հայերից դատարկել եւ հայերին հետիւտն ուղարկել անապատները՝ նրանց ամբողջ ունեցուածքը թալանելուց յետոյ, որի հետեւանքով անապատում նրանք քաղցից մեռնում են»: Թերթը մեջբերում է կատարում ականատեսի պատմածից. «Մի օր երբ արթնացայ, տեսայ, որ պատուհանիս առջեւ մէկին կախել են, եւ չուրջը հաւաքուել է խուժանը: Մի ուրիշ օր պատուհանիս տակից ... հազարաւոր հալածականներ էին անցնում ... ամենազորմելի վիճակում»:

Թուրք զինվորները խզակոթերով ծեծում էին հետ մնացողներին և ստիպում անպայման քայլել: Մի հայ գրկած տանում էր իր մեկ օր առաջ ծնված տղային: Հետեխց գնում էր երեխայի տանջահար մայրը՝ թուրքի գավաղանի հարվածների տակ... Այս գժբախտները օրեր շարունակ բան չէին կերել և քայլում էին քշվելով թուրք զափթիելի անողոր գավաղանից: Քայլել չկարողացողներին թողնում էին ճանապարհին քաղցից մեռնելու: Թերթն այն կարծիքն է արտահայտում, որ «մինչ այդ զեյթունցիները թոյլ չէին տուել, որ թուրքական վաշտերը մտնէին լեռնաշխարհ, սակայն միջամտել էին գերմանացիները, եւ հայերը համաձայնուել էին զօրքին ներս թողնել: Բայց զօրքը հենց հասնում է Զեյթուն, սկսում է ջարդը: Խարուած զեյթունցիները զէնքի են դիմում, բայց արդէն ուշ էր: Բնակչութիւնը տարագրուում է: 2000 մուհաջիր է բնակեցւում Զեյթունում: Կիլիկիայից 30 հազար հայ քշուեց Կոնիա, Կեսարիա, Կաստամոնու, մի մասն էլ՝ Միջագետքի եւ Սիրիայի անապատները»:

Հ. Մորգենթաուի 1915 թ. ապրիլի 30-ի հեռագրում կարդում ենք. «Հալեպի հյուպատոսից այսօր ստացված զեկուցագրից հայտնի դարձավ, որ թուրքական իշխանություններն անհավատալի դաժանությամբ են վերաբերվում Զեյթունի և Մարաշի հայ ազգաբնակչությանը, հիմնվելով մի քանի դասալիքների արարքների վրա, նրանք տեղահան են անում և ցրում անմեղ բնակչության մի զգալի մասին»¹:

Իսկ 25 օր անց, մայիսի 25-ին գրեց, որ Զեյթունում կողոպտված ու ավերված են հայկական շատ գյուղեր, բնակչությունը տեղահանված է ու ջարդված: «Թուրքական իշխանությունների գործողություններն ուղեկցվում են կոտորածներով, բռնաբարություններով և դիմակապտությամբ... Այդ քաղաքականությունը հանգում է հայերի զանգվածային արտաքսմանը, որի նպատակներից մեկն է նրանց զրկել գոյության միջոցներից»: Հայերին ոչնչացնում են, մեղքում և կշարունակեն այդ անել: Ամեն օր դա հաստատող նորանոր լուրեր են հասնում: Թուրքիայում թագավորում է ահարեկչությունը, իսկ Բարձր Դուռը «մշտապես ժխտում է փաստերը կամ ամբողջությամբ խեղաթյուրում դրանք»²:

¹ Morgenthau H., նշ. աշխ., էջ 349-350:

² Walker Ch., Armenia. The Survival of a Nation. New York, 1980, p. 352.

Զեյթունի իրաղարձությունների մասին Կարմիր խաչի քարտուղար մի-սիոներ Թրոպրիջի տեղեկագիրը տպված է «Կապույտ գրքում»: Այդ տեղե-կագրում նա նկարագրում է. «...1914 օգոստոսի 14-ին Զեյթուն կու գայ Մարա-շի կառավարիչ Ալի Հայտար փաշա 600 զինուորով... Հայտար փաշան Զեյթուն գալով կը պահանջէ, որ իրեն յանձնուին լեռը գտնուող 25 փախատականները: Ժողովուրդը գոհացում կու տայ կառավարիչին: Ասոր վրայ Ալի Հայտար փաշա յայտարութեամբ մը կը պահանջէ ժողովուրդին զէնքը եւ այն աստիճան խստութիւն կը բանեցնէ, որ զէնք չունեցողը կը ստիպուի հրացան մը զնել եւ յանձնել կառավարչին, ազատուելու համար խոշտանգումնեւն... Կառավարիչը Մարաշ վերադարձին իր հետ կը տանի քանի մը հայ երեւելիներ, զինուորական ծառայութեան պատրուակին տակ, սակայն անոնք, զիտնալով թէ ինչ վերա-պահուած է իրենց, կը փախչին Զեյթուն: Խիստ խուզարկութիւն կը սկսի...

Հարստահարութիւններն այնքան անտանելի կը դառնան, որ փետրուարի վերջերը քանի մը տաք գլուխներ կը ծրագրեն դիմադրել կառավարութեան... Զէնքի տակ գտնուող 25 երիտասարդներ ... լեռ կ'ելլեն եւ Մարաշի ճամրուն վրայ կը յարձակին իննը ոստիկաններու վրայ: Զեյթունի հայութիւնը բացէ ի բաց կը դատապարտէ այս ընթացքը եւ կ'օժանդակէ կառավարութեան՝ զանոնք զսպելու համար:

Սակայն կառավարութիւնը պատրուակ կը փնտոէր քանդելու Զեյթունը եւ 1915 մարտի 24-ին (հ. տ.) 5000 զինուոր կը համախմբէ Զեյթունի մօտ...

Յարձակումը կը սկսի, սակայն հայերը կը սպաննեն սպայ մը եւ բազմաթիւ զինուորներ... Ապրիլի 8-ին թուրքերը կրակի կու տան վանքը...», որից հետո սկսվեց տեղահանությունը: Զեյթունցիները տեղահանվեցին երեք ուղղու-թյամբ՝ Կոնիա, Հայեպ, Դեր Զոր մինչև Բաղդատ:

«Գոնիայի կողմերը այնքան թշուառ վիճակի մէջ կը գտնուին, որ... Գարա Բունարի կայարանը 6000-ի վրայ օրական 150-200 հոգի կը մեռնէր անօթու-թենէ: Զեյթունի ընդհանուր բնակչութիւնը 26 հազար հոգի ըլլալով, 19 հազար քշուած են Միջազետքի շրջան, ուր ջարդուած են ամենամեծ մասսամբ»¹:

Ընթերցողը նկատում է, որ ամենատարբեր ազգության, դավանանքի, զրադարձունքի տեր անհատների վկայությունները հաստատում են, որ Զեյթու-նում հայերի ապստամբության մասին թուրքական պնդումները հերյուրանք են, որ Լեռնաշխարհում միայն փոքր ընդգումներ էին եղել, որոնց տատմերը թուրքական իշխանությունների բռնություններն ու սաղրանքներն էին:

Թուրքական քաղաքականության նպատակն ակնհայտ էր, հասկանալի բոլոր նրանց համար, ովքից թե շատ ծանոթ էր իրավիճակին:

Լեփսիուսը 1915 թ. հունիսի 22-ին Գերմանիայի արտաքին գործերի նա-խարարությանը գրեց. «Զեյթունի և Տավրոսի բարձրավանդակի 27.000 բնա-կիչներից տղամարդկանց աքսորեցին շոգ Դեր Զոր... (և ավելի հարավ) արաք բեղվինների մոտ (50 կմ հարավ-արևելք), իսկ կանանց, աղջիկներին և երե-խաներին, ընդհակառակը, տեղափոխեցին Անգորայի վիլայեթ (500 կմ հյուսիս-

¹ «Յուշամատեան Մեծ Եղեռնի», էջ 481-482:

արևելք), այսինքն՝ տղամարդկանց իրենց ընտանիքներից անջատեցին 1000 կիլոմետրով: Աղջիկներին բռնությամբ տանում էին թուրքական հարեմներ, մահմեղական գյուղերում բռնաբարում էին կանանց: Նույն ժամանակ Զեյթունի հայաթափած շրջաններում բռսնիացի մահմեղականներին բնակեցնելու համար կառավարությունը տրամադրեց 20.000 թուրքական ֆունտ, իսկ Հայերը ոչ միայն զրկվեցին իրենց ունեցվածքից, այլև աքսորվեցին առանց նյութական որևէ միջոցի»:

Թալեաթը զեյթունցիներին մեղադրում էր, որ նրանք հնչակյան Զաքըր օղլու ղեկավարությամբ որոշում էին կայացրել ուղամամթերք ունենալու համար հարձակվել պաշտոնատարների վրա, սպանել նրանց իրենց ընտանիքի անդամների հետ, ոչնչացնել հեռագրագծերը: Հայերը Մարաշ-Զեյթուն ճանապարհին հարձակվեցին թուրքական զորածոկատի վրա, վեց հոգու սպանեցին, հեռագրագծերն ավերեցին: Սպանեցին խաղաղությունը վերականգնելու համար Զեյթուն գնացած մութեսարիփի օգնականին, հարձակվեցին զորանոցի վրա, սպանեցին մի զինվորի և մի ոստիկանի, բանտերից հանեցին բանտարկյալներին, ամրացան վանքում, սպանեցին ոստիկանական հրամանատարին և 20 ոստիկանի: «Հայ Հրոսակները սպանում էին խաղաղ բնակչությանը»¹:

Փաստերի այս խառնարանն անտեղյակ ընթերցողի վրա տպագորություն կարող է գործել, որովհետև նա կտրված է Հայերի ընդհանուր վիճակի և թուրք-Հայկական հարաբերությունների, զորակոչ, զինաթափում ու բռնագրագումներ կատարելու անվան տակ իշխանությունների կիրառած անլուր բռնարարքների ու խոշտանգումների համաշարադրանքից:

Ահա թե ինչ են գրում ոչ թե Հայ, այլ օտար ականատեսներն ու դիվանագետները Զեյթունում բռնագաղթի սկզբի ու դրա ընթացքի մասին: Հալեպում Գերմանիայի հյուպատոսը 1915 թ. ապրիլի 20-ին հայտնեց. «Մարաշի և Զեյթունի, դրանց գյուղերի, մինչև Հասանրեյլի, բոլոր հարուստ, կրթված, աղղեցիկ անձննք տարագրվում են: Զեյթունում բռնագաղթն սկսվել է, 30 ընտանիք աքսորվեց, օրերս ճանապարհ կելնեն նաև 2-րդ և 3-րդ կարավանները: Տղամարդիկ կանանցից բաժանվում են: Վերջինները տարագրվում են զինվորների ուղեկցությամբ: 22-45 տարեկան բոլոր քրիստոնյա տղամարդիկ զինակոչվել են, անպայման տարագրվելու համար: Մահմեղականները չեն զինակոչվում: Ստացված կարգադրությունների նպատակը քրիստոնյաների ոչնչացումն է...»: Ստեղծվել է սխալ կարծիք՝ իբր ամբողջ Հայ ազգը կասկածելի է, անզամ՝ թշնամի²:

Մի քանի օր անց Հայտնեցին, որ տարագրությունը լայն թափով առաջ է տարվում ամբողջ Կիլիկիայում: «Զեյթունի և շրջակայրի աքսորված Հայերի թիվը հասել է 1000-ի. գուցե անգամ մի քանի հազարի: Նրանց բնակավայրերում տեղափորել են Մակեղոնիայից բերված մահմեղականներին: Աքսորը շարունակվում է»: Եվս մի քանի օր անց Ռեսուլերը գրեց. «Զեյթունի ու շրջակա

¹ Թալեաթի հուշագրությունները: Հայերեն շարադրանքի ձեռագիրը պահպանվում է ՀՀ ԳԱԱ Արևելագիտության ինստիտուտում:

² Lepsius J., Bericht über die Lage des Armenischen Volkes in der Turkei, Potsdam, 1919, s. 27.

գյուղերի տեղահանություններն ավելի մեծ ծավալներ են ընդունել: Սկսել են տարագրել նաև Մարաշից և այնպիսի եղանակներով... Բոլոր ունեոր, կրթված և ազգեցիկ անձանց անհետացնում են և Հայերին վերածում առանց հովիվի հոտի»¹: Աղանայի հայ բնակչությունը վրդոված ալեկոծվում էր, Հարյուրավոր ընտանիքներ աքսորվում էին, բանտերը լեփ-լեցուն էին²: Երկու շաբաթ անց Հյուպատոսը հեռագրեց. «Լրիվ վստահելի աղբյուրներից իմացել եմ, որ Մարաշի սանջակի և Աղանայի վիլայեթի արևելյան բնակավայրերից աքսորվել է 2000 հայ ընտանիք, այսինքն 10 հազար հոգի: Տեղահանությունը շարունակվում է»³:

«Դեռորժ-Յոլում պատրվակ դարձրեցին երկու հայի չնչին արարքը և ամբողջ արու բնակչությունը հավաքեցին և ուղարկեցին Հալեպի վիլայեթ՝ ճանապարհինության»⁴:

«Հայերը դավադրության կամ ապստամբության որևէ նպատակ չեն ունեցել», - մարտի 13-ին հեռագրեց Աղանայում Գերմանիայի Հյուպատոսը⁵:

Հունիսի 20-ին թվագրված մի փաստաթղթում նշվում է, որ տեղահանությունն սկսվել է նաև Հաճընում, Միաւում և Կարս-Բազարում: Տեղահանվածներից «5000-ն ուղարկվել է Կոնֆայի կազա, 5500-ը՝ Հալեպ ու նրա մերձակա գյուղերն ու քաղաքները, իսկ մյուսները՝ Դեր Զոր, Ռաքքա և Միջազետքի այլ վայրեր մինչև Բաղդադի մերձակայքը»⁶: Որոշ ժամանակ անց Ռեսուլերը գրեց. «Կառավարությունը հրամայել է թե՛ Հալեպի ծովափը և թե՛ Այնթապն ու Քիլիսը, հավանաբար նաև Մարաշը պետք է հայերից դատարկվեն, իսկ այդ վայրերը ո՛չ պատերազմի գոտի են և ո՛չ էլ գտնվում են բանակի մատակարարման ուղիների վրա: Այնթապը 32.000, իսկ Քիլիսը 6000 հայ բնակչություն ունի»⁷:

Կիլիկիայից բոնագաղթվածներից Հալեպ էին հասել (մինչև օգոստոս) 2165 ընտանիք՝ 13155 հոգի: Նրանցից 3270-ը քշվել էր ավելի հարավ: Ռեսուլերը 1916 թ. հոկտեմբերի 2-ին արձանագրեց՝ Մարաշից բոնագաղթված 24 հազար հոգուց կենդանի էին միայն 4000-ը, նրանք էլ քշվում էին ավելի հարավ:

Գիտության քույր Բ. Ռուսները 1915 թ. սեպտեմբերի 5-ին գրում է. «Հաճիթերեի բնակիչները, որոնց շրջանում տարածվել է սև ծաղկախտը, ստիպված եղան հանկարծակի ճանապարհ ելնել: Գրեթե անձանաչելի դարձած հիվանդները երկու օրվա ճամփորդությունից հետո հասան Մարաշ, և քաղաքը վարակից զերծ պահելու համար, ստիպեցին քաղաքից դուրս խճուղու վրա կանգ առնել, կիզիչ արևի տակ: Նրանց հանգստի համար թեկուղ մեկ օր չտվեցին և առաջ քշեցին»:

¹ Lepsius J., Bericht über die Lage des Armenischen Volkes in der Turkei, Potsdam, 1919, s. 47-48.

² Նույն տեղում, էջ 58:

³ Նույն տեղում, էջ 66:

⁴ Նույն տեղում, էջ 18, 19, 26:

⁵ Նույն տեղում, էջ 19:

⁶ Bryce J., նշվ. աշխ., էջ 120:

⁷ Նույն տեղում, էջ 125:

⁸ Lepsius J., նշվ. աշխ., էջ 301:

Զեյթունցի մի բռնագաղթված տանջահար կին գերմանացի բուժքրոջը դիմել է Հետեւյալ հարցով. «Ինչո՞ւ մեզ անմիջապէս չեն սպաներ: Ցերեկը ջուր չունինք, ծարաւէ տառապած մեր զաւակները կու լան, գիշերները արարները կու գան եւ մեր անկողինները, մեր զգեստները կը գողնան, մեր գեռատի աղջիկները կ'առեւանգեն, կիները կը բռնաբարեն: Երբ այլեւս չենք կրնար քալել, ոստիկան-զինուորները մեզ կը ծեծեն: Կիները իրենք զիրենց ջուրը կը նետեն չբռնաբարուելու համար, ոմանք նոյնիսկ իրենց ծծկաններով»¹:

Կարավանին ուղեկցող զինվորներն ու ժանդարմները նույնպես առիթը բաց չէին թողնում տարագիրներին կողոպտելու համար:

Հայերը ժայռերից վար էին նետվում, վիրավորները խնդրում էին իրենց սպանել²:

Մոտիկից ծանոթանալով Զեյթունում և զեյթունցիների հետ կատարվածին, Սահակ կաթողիկոսը ամրողջությամբ փոխեց իր կարծիքը կատարվածի և զեյթունցիների կեցվածքի վերաբերյալ:

1915 թ. ապրիլի 8-ին նա գրեց պատրիարքին. «Մութեսարիֆը հետեւեալ ուշագրաւ եւ երկիւղառիթ յայտարարութիւնը կ'ընէ. «Այս 35-րդ շարժումն է, ամենէն անխոհեմը, պէտք է մտածէիք, թէ ասկէ առաջ եղած շարժումները հօր եւ զաւակի կոփուներ էին, բայց որ այսօր թշնամիներ ձեր հօր գլուխը հեծած են, պէտք չէր, որ դուք ալ անոր ոտքէն քաշէիք:

...Զեյթունցիք ոչ մէկ շարժում ըրած էին կառավարութեան դէմ: Կառավարութիւնը գոյն տուած է եւ շարունակ պաշտպանած է վայրենի եւ աւագակարարոյ ցեղերը, իսկ զեյթունցիք սոսկ ինքնապաշտպանութիւն փորձած են: Այս անգամ ալ չարաշահ պաշտօնէից անիրաւութիւններն եղան պատճառ ներկայ կացութեան»³:

Գերմանացի մի հոգեսորական պատմում է, որ թուրք ոստիկանները ֆոնուղում մեծ թվով տղամարդկանց ձերբակալեցին ու տարան... Մնացածներին հրամայեցին չորս ժամվա ընթացքում ազատել իրենց տները: Թույլատրվում էր վերցնել այնքան իր, որքան կարող էին տանել շալակով կամ փոխադրամիջոցով... Նշված ժամին խեղճերը ոստիկանների հսկողության տակ գյուղից դուրս եկան առանց իմանալու, թե ուր են գնում և նորից տեսնելո՞ւ են իրենց բնօրրան... Առաջին օրերին յուրաքանչյուրին տալիս էին 30 փարա, սակայն հետո այդ վճարումը զաղարեցրեցին ու միայն 150-ական գրամ ձավար էին բաժանում: Այսպես քայլեցրին չորս շաբաթ շարունակ՝ մինչև Դեր Զոր, որտեղ կանգ առան, բայց անտուն ու անհաց, անգամ արգելում էին տեղացիների հետ խոսել⁴:

Մետերնիսը նշում է, որ Հայերի վերջին խմբերը հարավում, այդ թվում նաև

¹ Մորգան Փ., Հայ ժողովրդի պատմութիւն. իր տարեգրութեան ամենասոյզ ժամանակներէն մինչեւ մեր օրերը, Պոսթոն, 1947, էջ 345:

² Ակունի Ս., Միլիոն մը Հայերու ջարդի պատմութիւնը. 1914-1916, Կ. Պոլիս, 1920: Տե՛ս «Յուշամատեան Կիլիկիոյ», էջ 479:

³ Նույն տեղում, էջ 480:

⁴ Տաշեան Հ., նշվ. աշխ., էջ 196-197:

Կիլիկիայում, ցրվեցին 1916 թ.¹: Դրսից եկած հայերի թիվն անցնում էր 8000-ից: Բացի նրանցից, Միացյալ Նահանգների հյուպատոսի տվյալներով, մեծ թվով տեղաբնակ հայեր ևս վտանգված էին տեղահանվելու, մոտ 15.000 մարդ,² չնայած ջեմալ փաշան բազմիցս հայտարարել էր, որ այլևս տեղահանություն չի կատարվելու:

Աղանայում Գերմանիայի հյուպատոս Բյուզեի 1915 թ. սեպտեմբերի սկզբների տեղեկագրում նշված է. «...Այստեղ սպանված հայերի թիվը հավանաբար արդեն գերազանցում է երիտրուքերի կողմից ջարդված հայերի թվին»³:

Աղանայում լույս տեսնող «Հայ ձայն» թերթը 1920 թ. ապրիլի 10-ին տպագրեց ե. Քեհիայանի Հողվածը հայերի 1915 թ. ջարդերի մասին: «1915-ի օգոստոսի 1-ին Ղալիբ բեյն իր զորախմբով հարձակվում է Ֆնտընագի վրա, որտեղ խմբած էր նաև Դերեքեռյի և Քիշիֆլիի հայությունը: Ջարդեց 2800 անմեղ հայերի: Տարագրության ընթացքում 1915 թ. Այրանում ամելե թաքուրի շարքերում աշխատում էին և ապա Մարաշի ճանապարհով աքսորվելու ժամանակ ֆնտընագի տարածքում նրանցից 1400 հոգի ջարդվեց»: Ականատեսներից մեկը պատմել է. «Տիրիշար կոչված վայրում 80 մետր երկարությամբ փոս փորեցին և թաղեցին կոտորվածների դիակները: Իսկ Բյուզիածխի վայրում հայերին ջարդելուց ու մորթոտելուց հետո, դիակներն իրար վրա թափելով այրեցին: Չեմինգող, Զարալորուփ և Դելի-Զայի ամբողջ ափերը լցված էին հայերի ուկորներով»: Կոտորածին մասնակցեցին թուրքական զյուղերից, մասնավորապես Գյոնուքլու, Բոշնաղլը, Ավնդարլը, Բոշլու, Դուղագլը և Էռնսեն զյուղերի թուրքերը: 1915-1920 թթ. սպանվեց ավելի քան 5200 ֆնտընագցի: Վերապրեց ընդամենը 200 հոգի:

Թերթենք Յո. Լեփսիուսի հավաքած վկայությունները: Կոնիայից Կարաբունար ճանապարհին մի երիտասարդ հայուհի իր նորածին զավակին հորը նետեց, որովհետև այլևս չէր կարողանում կերակրել նրան:

Ականատեսը մայիսի 21-ին գրեց. «Զեյթունցիների երրորդ ու վերջին քառավանը մեր քաղաքից անցավ մայիսի 13-ին... Բոլորն էլ երկու օր ոտով քայլել էին տեղատարափ անձրսի տակ: Բան չէին կերել: Տեսա մի խեղճ փոքր աղջնակի, որն ավելի քան մեկ շաբաթ հետիւտն, բորիկ քայլել էր, կրում էր միայն մի պատառութված գոգնոց: Ցրտից ու քաղցից դողում էր և ոսկորները տառացիորեն մարմնից դուրս էին ցցված: Երկու տասնյակ մանուկների ուզեցին թողնել ճանապարհին, որովհետև քայլել չէին կարողանում: Նրանք արդյո՞ք քաղցից մեռան: Հավանական է»⁴:

Կարա Բունար աքսորվածների մասին մայիսի 14-ին գրում են, որ վիլայեթի «ամենավատառողջ վայրերից մեկում 6-8 հազար զեյթունցի հայեր են մեռնում»:

¹ Լեփսիուս Յո., Հայկական ջարդեր...., փաստ. № 287, Մետերնիսի 1916 թ. հուլիսի 10-ի գեկուցագիրը:

² Նույն տեղում, փաստ. № 293, 1916 թ. օգոստոսի 13-16-ի գեկուցագրերը:

³ Նույն տեղում, փաստ. № 165:

⁴ (Lepsius J.), Le report secret du Dr. Johannes Lepsius, président de la Deutsche Orient Mission et de la Société Germano-Arménienne, sur les massacres d'Arménie, Beirut, 1917, p. 13.

օրը 150-200 մարդ: Մալարիան (ձահճատենդը) մեծ ավերմունք է գործում սրանց շրջանում, քանի որ լրիվ զրկված են սնունդից և օթևանից»¹:

«5-7 դյուրմյոլցիների Աղանայում Հրապարակավ կախելուց հետո, այս բազմամարդ ավանի (Չորք Մարդկան) արու բնակչությանը հավաքեցին ճանապարհների վրա աշխատացնելու համար»: Սակայն շուտով հայտնի դարձավ, որ տարբեր վայրերում այդ անպաշտպան մարդկանց սպանել են իրենց մահմեղական ընկերները: Տղամարդկանց ոչնչացնելուց հետո կանանց ու երեխաներին Դեր Զոր քշեցին: Չորք Մարդկանը, որը դիմակայել էր արդուլ-հմիդյան ջարդերին, լրիվ դատարկվեց:

Մայիս-հուլիս ամիսներին լրիվ դատարկվեցին Աղանայի վիլայեթի և Մարաշի սանջակի բոլոր հայարնակ գյուղերը: 50 հազար մարդ բռնագաղթվեց²: Հայերին ահարեկելու համար շուրջ 30 հոգու հրապարակավ կախեցին Աղանա, Հալեպ և Մարաշ քաղաքներում:

«Գյուղերում ընդհանրապես հրամանը երեկոյան էր ստացվում, թե առավոտյան պետք է ճանապարհ ընկնեն: Գերենում բնակչությանը հարկադրեցին ճամբա ելնել լվացքի օրը և ստիպեցին իրենց հագուստները թրջված թողնել ջրի մեջ և մեկնել իսկույն ու գրեթե մերկ: Խոլամացողները կարող էին տեղում մնալ... Արաբաշն գյուղը պաշարված էր զինվորներով և ոմբակոծված: Շեհիրցիներն էլ ասում էին, թե Հազիվ գյուղից բաժանված, մոլլան «Հավատացյալներին» աղոթքի հրավիրեց քրիստոնեական եկեղեցու տանիքից, որ մզկիթի վերածվեց: Կառավարությունը հայտարարեց տարագրյալներին, ... թե նրանց թողած ինչքերի արժեքը որոշվելու էր և առաջիկայում վճարվելու էր իրենց: Սակայն, բնականարար, ինչքերի որևէ ցուցակ չպատրաստվեց... Հայերի ինչքերն անցան այստեղ հաստատված խալամների ձեռքը ... իսկ արտերն էլ՝ անցան նոր եկած մուհաջիրներին: «...Անհնար է նկարագրել, այն անձկությունները, որոնցով տարագրյալներն անցնում են: Բոնարարություններ, բռնի կրոնափոխություններ, կանանց ու աղջիկների առևանգումներ... Մեծ թվով ընտանիքներ ընդունել են իսլամություն՝ ստույգ մահից փրկվելու համար»³:

«Կարավանները գնում էին ղեպի Դեր Էլ Զոր, որ Հալեպից վեց օր հեռափորության վրա էր և կոնխայով ղեպի Ռաքքա՝ Եփրատի ափին, հետո Բաղդադի երկաթուղու ուղղությամբ՝ ղեպի Ուրֆա և Շեհիր, ղեպի Միջագետքի անպատը մինչև Բաղդադի մերձակայքը»⁴:

Պաշտոնական տեղեկագրերից մեկում կարդում ենք. «Զորաբանակի հրամանատարները կարող են համեմատարար մարդկային վերաբերմունք հանդես բերել, սակայն դրանց (տարագրությունների) գործադրումը մեծ մասամբ իրականացվեց անմիտ խստություններով, շատ ղեպքերում՝ վայրագ կատաղությամբ՝ կանանց, երեխաների, հիվանդների ու ծերերի հանդեպ: Շատ գյուղե-

¹ (Lepsius J.), Le report secret du Dr. Johannes Lepsius, président de la Deutche Orient Mission et de la Société Germano-Arménienne, sur les massacres d'Arménie, Beirut, 1917, p. 15.

² Նույն տեղում, էջ 14:

³ Նույն տեղում, էջ 16:

⁴ Նույն տեղում, էջ 17:

րում տարագրության մասին ծանուցվել է միայն մեկ ժամ առաջ: Որևէ հնարավորություն չի տրվել նախապատրաստվելու համար: Շատ դեպքերում նույնիսկ ժամանակ չեղավ, որպեսզի ընտանիքի անդամները հավաքվեին, այնպես որ շատ փոքր երեխաներ լրվեցին, մնացին տեղում: Մի քանի դեպքերում տարագրյալները կարող էին իրենց հետ վերցնել ամենաանհրաժեշտը՝ ունեցվածքի մի մասը, կամ գյուղատնտեսական գործիքները, սակայն ավելի շատ էին այն դեպքերը, երբ որևէ բան տանել չէին կարող և ոչ էլ որևէ բան վաճառել, եթե նույնիսկ ժամանակ ունենային»:

Գերմանական մի աղբյուր վկայում է. «Լուրեր եկան Կոնիայից (Ճահճոտ շրջան է)... Զեյթունցիները հասել են Կոնիա: Նրանց տառապանքները սաստկացել են... Հույներն ու հայերն անմիջապես դրամ ու սնունդ հավաքեցին տարագրյալներին օգնելու, բայց Կոնիայի վալին թույլ չտվեց որևէ բան աքսորյալներին տալ: Ուստի նրանք մնացին առանց սննդի»¹:

Մի այլ աղբյուր հայտնում է. «Երբ Զեյթունի առաջին աքսորականները Կոնիա եկան, քրիստոնյաները նրանց սնունդ ու զգեստ բերին, բայց վալին մերժեց թույլ տալ աքսորյալների հետ որևէ կերպ հաղորդակցվել, պնդելով, թե նրանք անհրաժեշտ ամեն ինչ ունեն... Իրականությունն այն է, որ կառավարությունը նրանց անպետք հաց էր տալիս, այն էլ՝ մի քանի օրը մեկ»²:

Կարա Բունարից ստացված մի նամակում կարդում ենք. «6-8 Հազար զեյթունցիներ սովից մեռնում են»³:

Սուլթանիեց օգոստոսի 7-ին ստացված նամակում զեյթունցիների մասին ասված է, որ կառավարությունը օրվա համար տալիս է «150 դիրհեմ այսուր յուրաքանչյուրին (15 տարեկանից փոքրերին ընդհանրապես նկատի չէին առնում), հետո քանակը պակասեց 100 դիրհեմի, իսկ արդեն չորս շաբաթ՝ է, այդ էլ գաղարեցրել են».

Առնառուտ (ալբանացի) մի հազարապետ, որ եկել էր զինվորական ծառայության, այնքան ազդվեց իր տեսածից, որ խիստ հեռագիր ուղարկեց՝ պահանջելով, որ պարեն տրվի այն այրերի ընտանիքներին, որոնք աշխատանքային գումարտակներ վերցված էին... Մինչև վերջին շաբաթը մեռածների թիվն է 305 հոգի: Աքսորյալները գլխավորապես ընակվում են ուղտերի մեծ ախոռներում կամ նման տեղերում»⁴:

Կարա Բունարը «Կոնիայի վիլայեթի ամենավատառողջ մասերից է» և «շատերը մեռնում են», մահացությունն ամեն օր աճում է: Մալարիան ավերներ է գործում, պատմելով մորմոքեցուցիչ պատմություններ ճանապարհին տեղի ունեցած կոտորածների կամ անարդարությունների մասին:

«Կարող եմ ասել, որ բյուրավորներ ու բյուրավորներ անցան Կիլիկիայի դաշտով, պատմելով մորմոքեցուցիչ պատմություններ ճանապարհին տեղի ունեցած կոտորածների կամ անարդարությունների մասին»:

¹ Տաշեան Հ., նշվ. աշխ., էջ 187:

² Bryce J., նշվ. աշխ., էջ 488:

³ Նույն տեղում:

⁴ Նույն տեղում, էջ 490-491:

⁵ Նույն տեղում, էջ 489:

Տարսոնից ոչ հեռու գտնվող Կեճիք կայարանի մերձակայքում կուտակվել էին 10-15 հազար հոգի, որոնք պետք է անապատ ուղարկվեին: «Ստիպված էին մնալ արևի տակ, առանց վրանի կամ պատսպարանի, առանց խնամքի, ամեն տարիի ու դասակարգի, հախուսն լցված որոշ շրջանակի մեջ, որից այն կողմ անցնել չէին կարող»¹:

Կոնֆայում գտնվող գերմանացիները 1915 թ. օգոստոսի 16-ին մի բողոքագիր են գրում այդտեղ հասած նիկոմեղիացի տարագիրների մասին. «Հնարավոր չէ զաղափար կազմել այն սրտամմլիկ տեսարանների մասին, որոնց ականատես ենք մի շաբաթից ի վեր: Ամեն օր գալիս են երկար գնացքներ լի հայերով, որոնք նիկոմեղիացից, Աղաբազարից և շրջակայքից են աքսորված»: «Այսօր այստեղի հայերը հրաման ստացան ութ օրվա ընթացքում քաղաքից դուրս գալ», «կանայք ու երեխաները բռունցքի ու գավազանի հարվածներով են քշվում» և գիշերները նրանց «մոտ եղածն էլ համախ բռնությամբ խլում էին կամ գողանում»: «Թե որքան մեծ է հուսահատությունը՝ հայտնի է նրանից, որ մայրերն իրենց երեխաներին նվիրում էին ուրիշներին... Այն երեխաները, որոնց վերցրել էին խղճահարված քրիստոնյա ընտանիքները, հետագայում իշխանությունները նրանցից վերցրին ու տվեցին թուրքերին: Մեր տված նպաստների վրա հաշտ աչքով չեն նայում», ամերիկյան առաքելությունը ևս արգելվել է (գեռ ապրիլին) օգնելու զեյթունցի 3000 տարագիրներին: «Այստեղից մինչև Հալեպից այն կողմ ամբողջ ճանապարհը աղքատության ու թշվառության կարավան է... Բոլորն էլ դանդաղ վշտալից սովամմահության են մատնված: Տավրոսից այն կողմ լեռնալանջերին և դաշտավայրում այս թշվառները ենթակա են կիսավայրենի մահմեղական ժողովրդի ամոթալից ցանկություններին: Այդ բոլոր միջոցների նպատակը հավանաբար հայերի լիակատար բնաջնջումն է:

Այս անսագորույն վարմունքը տիեզերական պատմության մեջ անջնջելի արատ է մնալու ոչ միայն թուրքերի, այլ նաև մեր՝ գերմանացիներիս համար, եթե անգործ հանդիսատես լինենք»²:

Ռեռակերը մայիսի 26-ին գրում է. «Հրամանը տրված է՝ Աղանայի վիլայեթից այստեղ համնող հայերին ցրել Հալեպի վիլայեթի մահմեղական գյուղերում, որտեղ նրանք ոչնչանալու են...

Հայ աքսորյալների մեջ զերիշխող թիվ են կազմում կանայք: Ճանապարհին կամ զյուղերում անսպաշտական մնալով, նրանք բռնությունների կենթարկվեն... Մեծ թվով երեխաներ զոհվել են փոխադրության ժամանակ»³:

Հունիսի 12-ին նույն հյուպատոսը գրեց. «Այստեղ գտնվող Սսի կաթողիկոսը գտնում է, որ մինչև օրս տարագրվել է ավելի քան 30 հազար հոգի: Զեյթունն ու շրջակայքը լրիվ դատարկված են: Բացի «ոչ լրիվ վատահելի» բռնտանիքներից՝ աքսորված է ամբողջ ժողովուրդը, նույնիսկ՝ զինվորական ծառայության մեջ գտնվողների ընտանիքները... 3-4-ական ընտանիք գցում են մահմեղական

¹ Bryce J., նշվ. աշխ., էջ 505-509:

² Bryce J., նշվ. աշխ., փաստ. № 143:

³ (Lepsius J.), նշվ. աշխ., էջ 76:

գյուղերը, որտեղ, առանց որևէ օգնության, բնաջնջվում են»¹:

Հալեպում «արդեն կա 10 հազար հայ տարագրյալ, Դեր Զորում՝ 15.000, որոնց սննդի կազմակերպումը կառավարության կողմից լրիվ աչքաթող է արված»²: Նույն միտքն է հաստատում Դեր Զորի կառավարիչը:

Հալեպից դուրս կենող գեյթունցի գաղթականները տեղափորվեցին Խնթիլլիում և զբաղվում էին ճանապարհաշխնությունով: Թեև թեթև կյանք չէր, բայց տանելի էր, որովհետև աշխատանք ու վաստակ կային: Սակայն 1916-ին այդ կողմերով անցնում է էնվերը: Տեսնելով աշխատող հայերի, նա զայրանում է ու հրամայում նրանց հեռացնել երկաթուղու մերձակայքից: Հալեպ հասածների մի մասը Դամասկոս և Հավրան տարվեցին: Հյուծված տարագիրները օրական կարողանում էին միայն երեք ժամ քայլել: Մինչև Դամասկոս հասնելը, շատերը մեռան հյուծվածությունից ու քաղցից:

Զեյթունցիների մի մասը տեղափորվեց Դեր Զոր քաղաքում ու մերձակա զյուղերում: Գերմանացի գթության քույր Լ. Մեռհրինգը 1915 թ. հունիսի 12-ին գրում է. «Դեր Զորը մեծ քաղաք է անապատում, Հալեպից մոտ վեց օր հեռու: Քաղաքի մեծ խանը լեփ լեցուն է: Բոլոր սենյակները, տանիքներն ու պատշգամբները լցված են հայերով: Հիմնականում կանայք ու երեխաներ են, բայց կան նաև որոշ թվով տղամարդիկ...»: Հայերն աստիճանաբար խանութներ, արհեստանոցներ բացեցին: Սակայն Զեքիի գալուց հետո դաժան հալածաների ենթարկվեցին: Արաբները հայերի հանդեպ բարյացակամ էին, իսկ չեչենները՝ դաժան, նրանք իրենց ապրուստը հայթայթում էին կողոպուտի ու ջարդի միջոցով: Զեքին նրանցից գագանաբարո խմբեր կազմակերպեց և ուղարկեց Խարուր գետի ափերը, որտեղ նրանք սպանդի էին ենթարկում դեպի հարավ քշվող հայերին: Այդպես առաջինը ոչնչացվեց գեյթունցիների քարավանը: Այդ ջարդերից մազապուրք զեյթունցիները Մ. Դեմիրճյանն ու Փ. Բոյամյանը պատմում են, որ կարավանը Խարուրի ափին շրջապատվեց չեչեն ժանդարմների կողմից: Ուժ օր հայերը շրջափակված մնացին և ամեն օր նրանցից խումբներում տանում էին, որոնք այլևս չէին վերադառնում: Իսկ երբ կարավանն առաջ շարժվեց՝ քոչվոր արաբների հսկա զանգվածի հանդիպեց: Չեչենները զեյթունցիների վերջին իրերն ու զարդեղները խլելուց հետո տարան ըլրի զագաթը, որտեղ այդ քոչվորները լախտերով հայերին գետին էին տապալում, մերկացնում ու նետում էին փոսերը: «Հագուստներու դէզը ըլուր մըն էր կազմած... Մահուան փոսը 3-4 քմ. երկարութեամբ քարայրանման տարածութիւն մըն էր, որ լեցուած էր մարդկային դիակներով եւ վիրաւոր ու խելազարուած խելակներով: Դիակներուն գարշահոտութիւնն ամբողջ քարայրը անշնչելի դարձուցած էր: Կենդանի գերեզման մը...»³:

«Երեկոնքան, երբ սպանդը կը վերջանար, խարոյկ մը կը վառէին, որպէսզի կենդանի մնացողները չնչահեղձ ըլլային... Քարայրը 2-3 մեթր խորունկ էր...»⁴:

¹ (Lepsius J.), նշվ. աշխ., էջ 79:

² Bryce J., նշվ. աշխ., էջ 125:

³ Նորաշխարհեան Լ., նշվ. աշխ., էջ 77-79:

⁴ Նույն տեղում, էջ 79:

Նման քարայրները մի քանիսն էին, բոլորը լցված հայերի դիակներով։ Դրանցից փրկվելու համար կանայք նետվում էին Խաբուր գետը։

Զեյթունցիների մի ուրիշ կարավան կանգ է առնում գետի ափին և տեղափորվում վրաններում։ Զեչեններն ու տեղի ամրուսը լցվում էին փալասներից սարքած վրաններն ու փախցնում կանանց և աղջկներին, իսկ մնացածներին տանում էին սպանդանոց։ «Միայն արար ազնիւ ընտանիքներու մօտ, կամ քարայրներու, աղբանոցներու, այլեւայլ տեղերու մէջ պահուող կիներն ու մանուկները կրցած էին ջարդէն աղատուիլ»։ Տեղացի քրիստոնյա արարները զգալի թվով որբեր էին հավաքել ու խնամում էին։

«Զէքի թէ՛ ջարդեն աղատուողները եւ թէ՛ որբանոցներու մէջ համախմբուած որբ ու որբուհիները, բոլորը ի սպառ ոչնչացնելու համար հրահանգեց զանոնք միատեղ հաւաքել։ Ան ամփիթատրոնի նման փայտէ բարձրաւանդակ մը շինել տալէ ետք՝ հրամայեց որբուհիներուն փայտակոյտին վրայ ելլելու... ուր նախապէս քարիւղ սրսկուած էր, եւ ահա՛ չորս կողմէն կրակը տրուեցաւ, մինչ ոճրագործ Զէքի, աթոռի մը վրայ նստած, անմեղ երեխաններուն բոցերուն մէջ տապլտկուիլը դիտելով զուարձացաւ։ Բոլորը հոն հրոյ ճարակ դարձան»¹։

Զեյթունցիների մի այլ խումբ Դեր Զորից ուղարկվեց Մոսուլ, որտեղ հասավ 2,5 ամիս հետո։ «Անարգանք, խոշտանգում, բռնաբարում՝ ամեն ինչ կատարեալ էր։ Բոլոր այր մարդիկը հաւաքեցին, տարին եւ անյայտացուցին»։ Այդ կարավանում եղածներից Մ. Մարգարյանը գրում է. «120 հոգիէ բաղկացեալ գերդաստանս ջարդուած էր։ Կինս ու զաւակներս եւս մեռած էին, միայն երկու աղջկներս՝ վեց եւ ութ տարեկան կը մնային մօտս, երբ զիս ալ սպաննելու տարին, բայց հրաշքով աղատուեցայ ... ինքինքս աղբանոցի մը մէջ թաքցնելով»²։

Իսկ Զեյթունում հայ քաջամարտիկների փոքրիկ խմբեր, քաշված լեռները, շարունակում էր մաքառել դահիճների դեմ։

Եղիայի 17 հոգանոց խումբը 1915 թ. ձմեռն անցկացնում է Խանոս անտառի լեռան բարձունքին, իսկ գարնանն անցավ ֆոնուղի լեռները։ Հայկական գյուղերը դատարկ էին, նման գերեզմանոցի։ Միայն տեղի վանքում կար Գոչող գյուղից երկու ընտանիք։

Արեգնի հայկական գյուղի բնակիչները գյուղապետ Փանոս Եգանյանի գլխավորությամբ քաշվում են անառիկ դիրք ունեցող Գյուրեղինի բերդը։ Զեյթունի լեռներում կային զգալի թվով զինյալ հայեր, որոնք մշտապես հետապնդվում էին։ 16 հայկական գյուղերում բնակեցնում են Ալբանիայից բերված մուհաջիրների։ Գյուղերի մահեղականացումը ծանր կացություն ստեղծեց հայ հայուկների համար։ Սակայն նրանք շարունակեցին մարտնչել։ Շերշերամ և Շեմբեկ լեռան վրա նրանք պարտության մատնեցին թուրքերին։ Սակայն օղակը գնալով նեղանում էր, և հայուկները փորձում են անցնել ծովակի՝ արտասահման մեկնելու համար, բայց անհաջողություն են կրում ու վերադառնում են Զեյթուն։ Այստեղ նրանք բաժանվում են մի քանի խմբերի և ցրվում են տարրեր

¹ Նորաշխարհեան Լ., նշվ. աշխ., էջ 81:

² Նույն տեղում, էջ 81-82:

կողմեր՝ սննդամթերք հայթայթելու համար: Փանոսի 22 հոգանոց խումբը հասնում է ֆնտըճագ, որտեղ գաղթի հրաման ստացած հայությունը համախմբվում է հայդուկների շուրջը և որոշում մարտնչելով մեռնել:

Հուլիսի 15-ին 10.000 մահմեղականներ, որոնցից 5000-ը զինվորական, Հայեպի և Աղանայի վալիների ղեկավարությամբ շարժվում են Հայկական այդ գյուղի վրա: Հուլիսի 26-ին սկսվում է գյուղի ոմբակոծությունը, որին հաջորդում է անհավասար, օրհասական ճակատամարտ: Հայերը կովում էին խելաշեղ, բայց տասնյակ անգամ գերակշիռ ու լավ զինված ուժերին հաղթել չէին կարող: Նրանք շրջապատվեցին, սակայն շարունակեցին մարտնչել: Թուրքերը հրդեհում են գյուղը: Դիմադրելն այլևս անհնար էր: Նույն գիշեր գյուղի բնակչությունը տեղահանվում է: Իսկ Մարաշի բանտում գտնվող 60 զեյթունցիներին ողջ-ողջ այրում են կրի հնոցներում:

Գերմանացի ճանապարհորդներից մեկը գրում է. «Օգոստոսի 6-ին Մարաշի մերձակայքի ֆնտըճագ գյուղը՝ 3000 բնակչով, ոմբակոծվեց ու հիմնահատակ ավերվեց: Տեղի ջորեպանները վերջին երեք ամսում հաճախ էին ստիպված լինում հայերին Եփրատի մյուս ափն անցկացնել: Նրանք սեփական աչքերով տեսել էին, թե մահմեղականները ուղղակի գետի ջրերում ինչպես էին կանանց ու աղջկներին վաճառում կամ բռնաբարում»¹: Գյուղը որոշեց ինքնապաշտպանվել: Սկսված կովում հայերը 2000 հոգի կորցրեցին:

1920 թ. հունիսի 28-ին «Ազգ» թերթում (Բոստոն) Դ. Աղամյանը գրում է. «Առաջին անգամը չէ, որ թուրքերը Տեր-Սահակին ուղարկում են զինաթափելու հայերին: 1915-ին, երբ ֆնտըճագի հայերը չհամաձայնվեցին տեղահանվել և դիմեցին ինքնապաշտպանության, թուրքերը Տեր Սահակին հանձնարարեցին գնալ գյուղ և համոզել հայերին հանձնվել ու հնազանդվել»: Քահանան հուլիսի 30-ին հասավ ֆնտըճագ: Հայերը, սակայն, «կուահեցին հնազանդվելու վախճանը, որովհետև աչքի առաջ էր զեյթունցիների աղետալի վիճակը: Ուստի մերժեցին քահանային: «Հաջորդ օրը թուրքական 8000 հոգանոց մի զորամաս գնդապետ Ղալիր բեյի հրամանատարությամբ պաշարեց գյուղը... Օգոստոսի առաջին կիրակի օրվա արշալույսին սկսվեց հրացանաձգությունը: Ֆնտըճագի հայերին միացել էին Դերեքեոյի և Քիշիֆլիի հայերը՝ ընդամենը 3525 հայ, որոնց բոլորը՝ ծեր թե երեխա, երիտասարդ թե կին, կովեցին առյուծի նման: Անցյալ տարի երկու անգամ այցելեցի ֆնտըճագ՝ հայերի պաշտպանական դիրքերը և ուկորների կույտեր տեսա... Այդ ահավոր կովում հայերը 2050 զոհ տվեցին, որոնցից շատերն սպանվել են անձնատուր լինելուց հետո»:

Վրեմինդրությամբ լցված թուրքերը օգոստոսի 13-ին հրդեհեցին նաև Զեյթուն քաղաքը, որի 1500 տեսքը մոխրակույտի վերածվեցին:

Հուլիսի 24-ին իշխանությունները հայտարարում են, թե զեյթունցիներին թույլատրվում է վերադառնալ իրենց բնակավայրերը: Հավաքվում են զգալի թվով մարդիկ, սակայն նրանց ոչ թե Զեյթուն, այլ երկրի խորքերը՝ երելի կայարան են տանում, որտեղ հայերի մեծ կուտակում էր առաջացել: Նրանց աստիճանաբար ցրում էին տարրեր ուղղություններով:

¹ «Material» heft 2, Bazel, 1916, s. 17-18.

Տարսոնցիների կարավանը կաթմա գյուղը հասավ, որտեղ ոստիկաններն ու քրդերը զբաղված էին կանանց ու աղջիկների առևանգումով։ Համաձարակները հնձում էին բռնագաղթվածներին։ Ամեն օր բազմաթիվ հայերի դիակներ վրաններից քարշ տալով հանում ու դիզում էին փոսերում։

Բայց հայերը չեն երկնչում, շարունակում են պայքարը, գնում ամենախելահեղ ձեռնարկումների՝ սեփական կյանքը թանկ վաճառելու թշնամուն։

Հալեպարնակ սասունցիները որոշում են զենք հասցնել Զեյթունի և Մուսալեռան հայդուկներին և ինքնապաշտպանությանը։ Տավորիկցի Իգիթի 23 հոգանոց խումբը ճանապարհ է ընկնում, հասնում է Այնթապի լեռները։ Բայց այստեղ ենթարկվում է թշնամու մեծաթիվ ուժերի հարձակման ու ցաքուցրիվ լինում։

Խմբի զեյթունցի անդամները բարձրանում են Զեյթուն ու միանում եղիա Նորաշխարհյանի հայդուկներին։

Միայն Խնուսի վանքում կար մի քանի ընտանիք, որ բռնագաղթից խույս տալով լեռ էին բարձրացել։ Նրանք երբեմն թաքստոցից դուրս էին գալիս, հարձակվում անցնող կարավանների վրա և խույս զենք ու սննդամթերք։

Եղիայի խումբը Խնուսում չորս օր մնալուց հետո հեռանում է, սակայն երկար առաջանալ չի կարողանում, և, հետապնդումից խույս տալով, նորից բարձրանում է Զեյթունի բարձրաբերձ լեռները։

Զեյթունահայության կեցվածքում մի երեսույթ նրան առանձնացնում է մյուս տարածքների հայերից։ Նրանք ջարդարար քաղաքականության զեմ կովում էին ոչ միայն Զեյթունում, այլև ամենուրեք, որտեղ նրանց շպրտել էր յաթաղանը։

Խնթիլլիում գործում էին հայդուկային երկու խմբեր՝ Նազար Քեհյանի և Թոփալ Հակոբի հրամանատարությամբ։ Առաջին խումբը շուտով անցավ Ամանոսի լեռները և վրեժ էր լուծում ջարդված հայերի համար, իսկ երկրորդի ճակատագիրը հայտնի չէ։ Նույն ժամանակ Եղիայի փոքրիկ խումբը շարունակում էր պարտիզանական կոիվները։ 1917 թ. գարնանը խումբը հաջող դարանակալ գործողություններ կատարեց, որոնց մի քանի տասնյակ թուրքեր զոհ գնացին։ Դա անհանգստացրեց իշխանություններին և նրանք զինվորական մեծ ուժեր հանեցին հայդուկների դեմ։ Առաջին լուրջ բախումը տեղի է ունենում Զայաքի բարձունքներին, որտեղ հայերը թշնամուն մի քանի դիպուկ հարվածներ հասցնելուց հետո հեռանում են։ Սակայն կոիվները խլել էին խմբի անդամների մեծ մասի կյանքը, իսկ ողջ մնացածները հյուծված էին՝ անընդունակ ոչ միայն մարտական գործողությունների, այլև արագ տեղաշարժերի։ Խմբում մնացել էր միայն վեց հոգի, երբ Ալաբուլան գյուղի մերձակայքում շրջապատվեց։ Եղիան ծանր վիրավորվում է, բայց կարողանում է նետվել մացառների մեջ։ Մահամերձ մարտիկը տեսնելով թշնամու մոտենալը, հրդեհում է մացառները և ողջ-ողջ այրվում է այդ բոցերի մեջ՝ թշնամու ձեռքը չընկնելու համար։

Դեռ մինչև նրա հերոսական մահը Խնթիլլիում Եղիայի հարսներից Զմրուխտը կազմակերպում է 14 հոգանոց հայդուկային խումբ և որոշում է մեկնել Զեյթուն և միանալ Եղիայի խմբին։ Խումբը Զիհան զետով անցնում է Շեմակեք լեռը, որտեղ և միանում է Եղիայի խմբին և մասնակցում նրա մարտական

գործողություններին: Վերջինիս կազմում կովում էին նաև Զմրուխտի ամուսինն ու որդին: Սակայն իրադարձություններն այնպես են տնօրինում, որ Զմրուխտը կտրփում է խմբից և թափառումների ընթացքում թուրքերը նրան Սարը Գյուղել գյուղում բռնում և ուղարկում են Զեյթուն դատելու: Թուրք հարկահավաք Ահմեղը նրան առաջարկում է դառնալ իր կինը և, մերժողական պատասխան ստանալով, Զմրուխտին պարանով կապում է ձիուց ու քարշ տալիս, ապա նրա ձեռքերն ու ոտքերը կապում է, բերանը չոր մտցնում ու նետում գետին: Բայց Զմրուխտը խորածանկությամբ ազատվում է, բարձրանում Բամբուջագի կատարն ու վար նետվում:

Եղիայի գոհվելուց հետո հայդուկների ղեկավարությունն անցնում է նրա որդի Պապիկին: Նա խմբին հավաքում է Քեշ Դաղ լեռան գագաթին և որոշում ձմեռն այնտեղ անցկացնել: 1918-ի ապրիլին խումբը Ֆոնովի Ս. Կարապետի վանքում էր: Այստեղից հարձակում է գործում կառավարական փոստատարների զինված խմբի վրա: Ապա Սյուլյուսիո Գյոլի մերձակայքում շրջապատում է թուրքական մի ստվար ջոկատի և ոչնչացնում: Այդ պահին տեղ է հասնում զորքը ու շրջապատում հայդուկներին: Սակայն հաջողվում է շրջափակումը ճեղքել ու հեռանալ:

Պապիկի մարտական գործողություններն ահաբեկել էին տեղի մահմեղական բնակչությանը, շփոթության մեջ զցել իշխանություններին: Վերջինները դիմում են տիրահոչակ ավաղակապետ Իրրահիմի օգնությանը, որը 500-600 թուրք երիտասարդների գլուխն անցած շարժվում է հայդուկների վրա: Ավաղակախումբը գնալով համարվում է նորանոր ուժերով: Պապիկը որոշում է խոյս տալ բախումից և ժամանակավորապես հեռանալ Զեյթունից:

Քյուչուկ թրքաբնակ գյուղում հայդուկները խմանում են, որ թուրքական բանակը Դամասկոսի մերձակայքում գլխովին ջախջախավել է և անզիացիները գրավել են Հալեպը:

Խումբը շարժվում է դեպի Ջերմուկ, առաջանալով հասնում է Ջիհան և որոշում է կանգ առնել Քիշիֆլի ավերակ գյուղում: Սակայն դեռ նոր էին կանգ առել, երբ դարանակալած թուրքերի հարձակման է ենթարկվում: Սկսվում է անհավասար կոփի: Հայդուկները գերմարդկային ճիգեր են գործադրում՝ շրջափակումից դուրս գալու համար: Կոփիը տևում է ամբողջ գիշեր ու հաջորդ օրվա ցերեկը: Հայերի փամփուշտները սպառվում են, նրանք մարտը շարունակում են դաշույններով: Նրանք աներևակայելի քաջությամբ ճեղքում են թշնամու օղակը: Սակայն ուժերն ավելի քան անհավասար էին ոչ միայն թվապես, այլ նաև կովելու հնարավորություններով: Հրացանի դեմ՝ դաշույն: Պապիկը ծանր վիրավորվում է: Կոփիը շարունակվում է: Ընկնում է վերջին հայդուկը:

1918 թ. նոյեմբերի 12-ն էր: Դա նշանակում է, որ Զեյթունում բռնագաղթից հետո, երեք ու կես տարի շարունակ լեռնականների մարտական ջոկատները մաքառել էին թշնամու գերակշիռ ուժերի և մահմեղական բնակչության դեմ:

ՄԱՐԱՇ. – 1915 թ. մարտի վերջին քաղաքում շուկաներ տարածվեցին, թե Մարաշից նույնպես հայերը տեղահանվելու են: Ջեմալ փաշան մարտի 29-ին հայերին խաբելու համար կոչ-հրաման արձակեց. «Զեյթունում ապստամբու-

թյուն է: Բանակը սկսել է գործել: Կառավարության պարտքն է պաշտպանել Հայերին և մահմեղականներին: Եթե որևէ խամ հարձակվի Հայի վրա, անմիջապես Հանձնվելու է ուղամական դատարանին: Ժողովուրդը թող Հանգիստ մնա: Զինվորական իշխանություններն են Հետապնդում ավագակներին»¹:

Սկսվեց Հայերի դեմ սաղրանքների մի ամբողջ շղթա: Հ. Տաշյանի վկայությամբ՝ Մարաշի «ազգեցիկ մահմեղականները որոշեցին կենտրոնական կառավարությանը Հեռագիր ուղարկել, թե Հայերը գրավել են մզկիթները»: Դրան Հետևեց խստագոյն վերահսկողությունը Հայերի վրա, նրանց զենքերը խլեցին, նույն ժամանակ «մահմեղականների Համար Հնարավորություն ստեղծեցին զենքեր ու փամփուշտ Հայթայթելու»:

Գյուղերում բռնություններ գործադրելով՝ Հայերին խալամացնում էին: Մարաշի մերձակայքի Թեքերեկի զյուղացիները լուր ուղարկեցին, թե երկրնարանքի առաջ են՝ խալամանալ կամ ոչնչանալ: «Մարտի 31-ին մահմեղականները Հեռագիր ուղարկեցին կենտրոնական կառավարությանը, թե Զեյթունի բնակիչները (իբր 10.000 հայ) պետք է տեղահանվեն ու քաղաքը հիմնահատակ արվի»:

Աղանայի վալին գնում է Մարաշ և մայիսի 1(314)-ի գիշերը Հավաքում է Հայ ավագանուն և Հայտնում, որ նրանք մինչև ցերեկվա ժամը 2-ը պետք է քաղաքը թողնեն, և թե ով չենթարկվի, «Հրացանազարկ կարվի»: Քիչ անց ստացվեց նոր Հրաման՝ մինչև օգոստոսի 15-ի երեկո Մարաշի Հայերի մեծ մասը՝ 26.000 հոգի, պետք է քաղաքից Հեռանար:

Հայերի Համար դա միանգամայն անսպասելի էր: Քաղաքից Հեռանալուն նրանք ընդհանրապես պատրաստ չէին, նույնիսկ փոխադրամիջոց չունեին: Թուրքերը խուժեցին նրանց տները՝ անվճար կամ չնշին գներով կահավորանքների տիրանալու Համար: Մինչև կեսօր քաղաքի Հարուստներն իջան մուրացկանի մակարդակի²:

Մի ուրիշ աղբյուր նշում է, որ Մարաշը տարագրվեց մայիսի վերջին: «Մայիսի 24-ին, հինգշաբթի օրը, Հայերին ազդարարվեց պատրաստվել մայիսի 27-ին ճանապարհվելու... Տարագրվեց (այդ օրը) ավելի քան 2000 հայ»³:

Տեղահանության Մարաշի Հանձնախմբի ղեկավարը չկեղծեց. «Մենք ուզում ենք Հայու անունն իսկ ոչնչացնել»⁴:

Մարաշի Հայության առաջին կարավանի մեկնելուց հետո Աղանայի վալի ջելալ բեյի (որը դեմ էր տարագրությանը), նախաձեռնությամբ Հալեպում Գերմանիայի Հյուպատոս Ռեպուլերը գնում է Մարաշ և կանխում ծրագրված գաղթը: Սակայն այդ արգելվը ժամանակավոր էր:

Ռեպուլերը Մարաշում իրադարձությունների զարգացումը ներկայացնում է Հետևյալ կերպ: Մարտի վերջերին Հավաքեցին 2000 ձի ու ջորի: Ապրիլի 5-ին պահանջեցին 500 էշ: Քրիստոնյա ջորեապաններին չորս շաբաթ ձրի աշխա-

¹ Լեփսիուս Յո., նշվ. աշխ., էջ 50:

² Տաշեան Հ., նշվ. աշխ., էջ 128:

³ Լեփսիուս Յո., Հայկական ջարդերը..., էջ 10-11:

⁴ “Quelques Documents sur le Sortie des Arméniens en 1915”, Génève, 1916, p. 162.

տեցնելուց հետո բանտարկեցին, իսկ մահմեղականներին ազատ արձակեցին: Հային բռնում էին որևէ վայրում ու որևէ պահին և հարկադրում անվճար աշխատել:

Մարաշում կոտորած առաջացնելու համար զանազան լուրեր էին տարածվում, օրինակ, «Հայ զինվորներն իրենց մահմեղական ընկերների հացը թունավորել են»: Մահմեղական կանայք հայերին սպառնում էին նոր կոտորածով:

Մարաշի Ս. Աստվածածին եկեղեցում մեծ թվով հայեր էին ապաստանել. «Թիւրքերը կը յարձակին եկեղեցւոյ վրայ ու անխնայ կը կոտորեն հայերուն, որոնցմէ 800 հոգի ապաստանած էին քարաշէն եկեղեցիին մէջ... Թիւրքերը մօտակայ տուներէն բացուած ստորգետնեայ ուղիով կը հասնին եկեղեցի, տանիքը կը ծակեն, պէնզինով կ'ողողեն ու կրակ կու տան: Տանիքը փուլ կու գայ եւ ժողովուրդին մէկ մասը կը մնայ անոր տակ, իսկ միւսները կ'ոչնչանան կրակի բոցերուն մէջ»¹: Գերմանացի բուժքույր Պ. Շեֆերը պատմում է, որ Մարաշի ճանապարհներին ամենուրեք ընկած էին հայերի դիակներ²:

ԱՄՆի հյուպատոս Ջեքսոնի մի տեղեկագրում բերվում են դաժան փաստեր Մարաշի հայերի վերաբերյալ: «Մարաշի հայկական դպրոցներում, - գրում է նա,- տեսա 100 կին ու երեխա՝ գնդակահար, ջախջախված սրունքներով, թևերով և այլայլ խոշտանգումներով, որոնց թվում նաև 1-2 տարեկան երեխաներ: Օգոստոսի 13-ին Մարաշում 34 հայ գնդակահարվեց, որոնց թվում երկու 12 տարեկան տղաներ: Օգոստոսի 15-ին գնդակահարվեց 24 և կախաղան հանվեց 14 հոգի... Դեռ մահվան ցնցումներով՝ մարմինները հանձնվեցին բարբարոս ամբոխի քմահաճույքին, որոնք զոհերի ձեռքերից ու ոտքերից քաշում էին, և ի հրճվանք հավաքված մահմեղականների, ոտիկաններն ու աշխարհապահները զեռ կես ժամ էլ անընդհատ ատրճանակ էին պարպում զարհուրելի կերպով այլափոխված դիակների վրա...»

Քաղաքից Ազարակ գյուղ տանող ճանապարհին տեսա աղբակույտի վրա նետված մարդու գլուխ, որին թուրք երեխաները որպես թիրախ էին օգտագործում: Մարաշում իմ գտնված ժամանակ ամեն օր թուրք քաղաքացիները հայեր էին սպանում, որոնց դիակներն օրերով ընկած մնում էին առուների մեջ կամ այլ տեղ»³:

«Ալպիստանի մոտ Բյովերեն գյուղում ամբողջ հայ բնակչությունը՝ 82 հոգի, սպանվեց, բացառությամբ 12 տարեկան մի տղայի, որը ջուրը նետվելով ազատվեց... Մարաշում տեսա 200 հոգանոց մի կարավան, որում կային նաև կույրեր: Մոտ 80 տարեկան մայրը ձեռքից բռնած տանում էր իր ի ծնե կաղաղիկան: Այլպես հետիոտը ճամբայ ելան: Մի ժամ քայլելուց հետո մի տղամարդ ընկած մնաց էրքենոս կամրջի մոտ և կողոպտվելուց հետո սպանվեց: Զորս օր անց նրա դիակը տեսանք ընկած նույն տեղում՝ փոսի մեջ:

... Այնթապում տեսա տեղի կառավարիչի հրամանը, որով մահմեղականներին արգելվում էր աքսորյալ հայերից որևէ առարկա գնել: Նույն կառավարիչն

¹ Գալուստեան Հ., Մարաշ, Նիւ Եորք, 1934, էջ 316:

² Summer E., Die Warheit über die Leiden des Armenischen Volkes in der Turkei während des Weltkrieges. Frankfurt, s. 5-7.

³ Տաշեան Հ., նշվ. աշխ., էջ 138-139:

աքսորյալների վրա հարձակվելու պատրաստություններ էր տեսնում: Երկու կարավաններ մինչև շապիկները կողոպտվեցին»:

Մարաշից 12 ժամ հեռավորության վրա Այրան Բունարում ուժ ավագակներ կողոպտեցին 2800 տարագրյալների: Ավագակները սպայի կամ զինվորի համազգեստով էին: ... Այրան Բունարում ոստիկանները կարավանում եղած տղամարդկանց բաժանեցին կանանցից: Կանանց լրիվ մերկացրին և կողոպտեցին, չորս կնոջ և երկու աղջկա գիշերը բոնությամբ տարան ու բոնաբարեցին... Էնկիսեք-Դաղի կիրճում թուրքերն ու քրդերը կարավանը լրիվ կողոպտեցին: Այս հարձակման ժամանակ 200 հոգի սպանվեց և 70-ը ծանր վիրավորվեց, որոնց հարկադրված տեղում թողեցին... Կարավայուրփի ճամփին ընկած էին երկու տղամարդ՝ մեկը երկու, մյուսը յոթ խոցված վերքերով, մի քիչ այն կողմ կար բոնաբարված երկու կին, ապա չորս կին, որոնցից մեկը 13 տարեկան աղջիկ էր, գրկած իր երկու օրական տղային ցնցոտիների մեջ: Ճանապարհին ընկած էր 60-ամյա մի տղամարդ, որի գեմքին դաշույնի խորը վերք կար: Նա ասաց, որ Կյուրինից մեկնել էր 13 գրաստով: Սակայն բոլոր գրաստներն ու ապրանքները հափշտակել են... Ճանապարհի երկու կողմում թափված մեղալներ էին երևում: Կարավանի 2500 հոգուց միայն 30-40 հոգի էր մնացել: Կանանցից առանձնացրին 15-ից բարձր տարիք ունեցող արու մարդկանց և ամենայն հավանականությամբ սպանեցին: Այս հայերը դիտմամբ խոտորնակ և վտանգավոր ճամփաներով տարվեցին... Առանց գրաստի, առանց անկողնի, առանց սննդի՝ ստիպված էին չորս օրվա ճամփան անցնել մեկ ամսում:

Այսար Բազարի հարձակումը Ալպիստանի գայմագամի համաձայնությամբ էր եղել: Նա հայերից 200 ուկի էր վերցրել խոստանալով հոգ տանել, որ անվտանգ Այնթապ հասնեն: Կյուրինի գայմագամը 1020 ուկի էր վերցրել ու նույն խոստումը տվել: «Ես տեսա մի մարդու, որը Կեսրիանի ակումբի սենյակում գայմագամին վճարեց այդ գումարը: Այնթապի մոտ այս կարավանից չատ կանայք գիշերը բոնաբարվեցին այնտեղի քաղաքացիների կողմից: Այրան-Բազարի հարձակման ժամանակ տղամարդիկ ծառերից կապվեցին ու այրվեցին... Այդ նույն բնակավայրի մերձակայքում երկու եղբայրներ վեճի բոնվեցին ավարի պատճառով, և նրանցից մեկն ասաց. «Այս չորս կտորի համար 40 կին եմ սպանել»:

Հաճի անունով մի քուրդ գերմանացուն պատմել է. «Նիսիրինի մոտ ես և բոլոր ջորեպանները փակվեցինք մի խանում... Փանսագի շատ երիտասարդ կանայք գիշերը բոնաբարվեցին կարավանն ուղեկցող ոստիկանների ու քաղաքացիական անձանց կողմից»:

«Մարաշի և Այնթապի արանքում մի գյուղի մահմեղական ժողովուրդը ցանկանում էր մոտ 100 ընտանիքից կազմված կարավանին հաց ու ջուր բաժանել, սակայն կարավանին ուղեկցող զինվորները չթողեցին... Մարաշի վրայով 20 հազար տարագրյալներին թույլ չտվեցին Այնթապ մտնել պարեն գտնելու, թեև կարավանի ուղին Այնթապով էր անցնում»:

Պառլա Շեֆերը գրում է, թե Մարաշից ճանապարհ են ելել երեկոյան, սակայն ձիերը «մութին այնքան անհանգիստ էին չորս կողմը թափված բազմաթիվ դիակների պատճառով, որ ստիպված էինք արտը շրջանցել, քանի որ մենք

Էլ էինք սարսափում այնքան կմախքների ու դիակների գարհուրելի կուտակումներից: Չորս կողմը մարդ չկա, միայն դիակներ են... ձանապարհի փոշու մեջ գտանք մերկ, փոքրիկ, չորս շաբաթական մանկիկներ, սակայն կենդանի: Թփերի տակ ընկած էին և քաղցից ու ծարավից ճշում էին: Առավոտյան տեսանք տղամարդկանց ու կանանց խոշտանգված դիակներ, որոնք բոլորն էլ մորթված էին, կտրված թևեր ու սրունքներ... Դիակների և մարդկանց մի մասն այրված-ածխացած էր: Հաճախ 3-4 տղաներ նստում էին արտերում մինչև որ թուրքերը կամ քրդերը գային նրանց տանելու:... Մարաշից մինչեւ Բաղչե ամբողջ ճամբան տառապանքների ու մահվան ճամփա էր: Սարսափելի բան էր: Ճամփին ընկած էին այրեր, որոնք կրծքից ու փորից սվինահարված էին ու արյունաբամ էին լինում: Հղի կնոջ արգանդը բարակ ցից էին խրել, որի ծայրը դուրս էր ցցվել աջ երիկամի մոտ»¹:

Ականատեսներից մեկը մայիսի (23) 10-ին Մարաշից գրում է. «Նրանց տեսա ճանապարհին... ամբողջ թափոր ժանդարմների ուղեկցությամբ, որոնք հայերին առաջ էին քշում զավազանի հարվածներով: Հաղիվ թե հագուստ կը կրեն, տկարացած, ավելի ինքողինքնին կքաշկոտեն ասոնք, քան թե կքալեն: Ծեր կիներ կվրին և երբ զափթիեն զավազանը բարձրացուցած կմոտենա, ոտքի կելլեն: Ուրիշ կիներ առաջ կքշվին էզ էշերու խումբի մը պես: Տեսայ երիտասարդ կին մը, որ կքեցավ, զափթիեն 2-3 հարուած տվավ անոր և ան տաժանակրորեն ոտքի ելավ: Առջևեն կերթար իր ամուսինը (2-3 տարեկան մանուկը գրկին): Քիչ մը անդին ծեր կին մը սահեցավ ու ցեխի մեջ ինկավ: Ժանդարմը 2-3 անգամ զարկավ իր բիրովը: Կինը չէր շարժեր: Այն ատեն, 2-3 ոտքի հարուածներ տվավ, միշտ անշարժ կմնար կինը: Թուրքը այն ատեն ավելի զորավոր ոտքի հարուած մը տվավ և կինը գլորվեցավ փոսի մեջ: Կարծես թե ան արդեն մեռած էր: Այս մարդիկը, որոնք հոս քաղաք հասած են, երկու օրե ի վեր բան մը չեն կերած: Թյուրքերը թույլ չտվին իրենց հետները որևէ բան մը տանելու, բացի մեկ վերմակե, ջորիե ու այծե: Բայց այստեղ գրեթե ամբողջ ունեցածները ոչինչ գնով ծախեցին... որպեսզի հաց գնեն... իրենց ունեցածի մեծ մասը ճանապարհին արդեն կողոպտված էր... Տարագրյալներուն ստիպեր էին իրենց ողջ ունեցվածքը թողել Զեյթունի մեջ, որպեսզի Բոսնիայի իսլամ զաղթականները, որոնք կուգէին անանց տեղերը հաստատվի, կարողանային զանոնք օգտագործել իրենց պետքերու համար: Ներկայիմս Զեյթունի մեջ հնարավոր է, որ 20-25 հազար թուրք կա: Քաղաքի անունը փոխվեցավ և Սուլեյմանլը դրվեցավ: Քաղաքը և զայն շրջապատող գյուղերն ամբողջովին զատարկվեցան: Շուրջ 25 հազար տարագրյալներեն 15-16 հազարը Հալեպի ճանապարհով տարվեցան, բայց պետք է ավելի հեռու երթան՝ Արարական անապատ: Արդյոք կուգեն անոնց այնտեղ քաղցե մեռցնե՞լ: Անոնք, որ այնտեղեն անցան, Կոնիայի վիլայեթ կերթան: Այնտեղ ալ անապատներ կան...»²:

Մարաշի ուազմական դատարանի վճռով հոկտեմբերի 11-ին կախաղան հանվեց 18 մարդ: Զնայած բոնագաղթը դադարեցնելու վերաբերյալ Բ. Դուան

¹ Schäfer P., Die Wahrheit etc, p. 32-33.

² Լեփսիուս Յո., Հայկական ջարդերը..., էջ 11-16:

Հայտարարության, Մարաշում բարձր և կրթված հայերի տարագրությունը շարունակվում էր¹:

Այդ միջոցառումները հանգեցրեցին նրան, որ քիչ անց վալին իր վերադասին «գոհունակությամբ հայտնեց», որ հաջողվել է վիլայեթում ու Մարաշի սանջակում «լրիվ փոխել» բնակչության ազգային կազմը, որ վիլայեթը «մաքրված է քրիստոնյա տարրերից», որ եթե երկու տարի առաջ վաճառականների և արհեստավորների ավելի քան 80 տոկոսը քրիստոնյա էր, ապա «այժմ միայն 5 տոկոսն» է քրիստոնյա²:

Թուրքական բանակում ծառայող հայ բժիշկ Ա. Ճեպեճյանը 1916 թ. կեսերին աշխատանքի է նշանակվում Մարաշում: Նա իր օրագրում գրում է. «Ամեն կողմ թուրք է: Արար ու հայ գաղթականներ կու գան ու կ'անցնին... Օրերս էյնթիլի ապաստանած 12.000 հայ գաղթականներ եւ բանուորներ երկրորդ հրամանով (իրատէ-ի սիյեսիյէ) կոչեցան (թապիր): Անցան Մարաշի քովէն, անգութ անհամար տեսարաններ ու նկարագրութիւններ...»³:

Կամ՝ «Մարաշ մնացած բոլոր բողոքականները ազգարարագիր ստացան: Մեծամասնութիւնը գաղթի նշանակուեցաւ...

Հիւսիսէն այստեղ հասնող հայ գաղթականներու հանդիպեցայ. այստեղ հասած են շատ խղճալի վիճակի մէջ...

Լեռները դասալիք զինուորներով լիքն են ... զիրար կը կողոպտեն, կը սպաննեն...»⁴:

Մարաշում սեպտեմբերի 19-ին տեղի ունեցավ մի նոր աքսոր: Մինչև բռնագաղթը քաղաքում բնակված 25-30 հազար հայից մնացել էր 5000-ը: Եվս 120 ընտանիք տեղահանվեց: Տղամարդիկ առանձնացվեցին: Տարագիրները սովամահ էին լինում: Սովամահ էին լինում նաև չտեղահանվածները: Անհապաղ օգնության կարիք ունեին Մարաշից 4500, Այնթապից՝ 3800 տեղաբնակ և 1200 գաղթական այլ վայրերից ու 3800 հոգի սանջակի գյուղերից:

Սոփիայի «Երևան» թերթը 1986 թ. մարտի 29-ի, ապրիլի 5-ի և 12-ի համարներում տպագրեց թուրքական ներքին ծառայությունների գաղանությունների մասին, որոնք գործադրվել են Գաղիանթեփում: Մարաշի անվտանգության վարչությունում գործում էր «Հարցաքննության ըրջիկ խմբակ», որի աշխատանքի գործիքներն էին՝ «ֆալախկայից սկսած մինչև էլեկտրական հոսանքը», «պաղեստինյան» և «մսագործի» կախաղանները, «գործողության սենյակները»: Խոշտանգումների ամենածանր եղանակը «պաղեստինյան կախաղանն» էր, որին 20 բռպելից ավելի դիմանալն անհնար էր. դրան ենթարկվածին ուշքի էին բերում էլեկտրական հոսանքով:

«Կին, թե տղամարդ,- խոստովանել է դահիճներից մեկը,- լրիվ մերկ, աչքերը փակած, ձեռները մեծքին կապում ու կախում էին: Կալանավորի մարմնի ամենազգայուն մասերին՝ սեռական օրգաններին միացնում էին էլեկտրական

¹ R 14088, Ab. 30049.

² Wien HHSTA PA XI 275, Konstantinopel, 27 Februar 1917, № 47.

³ «Բժիշկ Ա. Ճեպեճեանի օրագիրը. 1914-1918», Պէլութ, 1986, էջ 65:

⁴ Նոյն տեղում, էջ 66:

Հոսանք...» և այդպես, մինչև որ գոհն ասեր այն. ինչ նրանից պահանջում էին դաշտաները: Կանանց սեռական օրգանների մեջ մեծ ձնշմամբ ջուր էին սրակում: Զոհին հարկադրում էին շատ աղի պանիր ուտել, ապա ծորակը բացում էին, բայց թույլ չէին տալիս ջուր խմել:

Կար նաև տանջանքի մի այլ ձև, որը կոչվում էր «Կրիայի վանդակ». զոհին հարկադրում էին օրեր շարունակ մնալ չորեքժամ վիճակում: Նման բազմաթիվ այլ եղանակներ, որոնցով հայերին հարկադրում էին «հաստատել թե մասնակիցն են հայկական ապստամբության»:

Բաղդադի երկաթգծում աշխատող մի գերմանուհի 1917 թ. մարտի 18-ին գրում է. «Այստեղ շատ հայեր կան Մարաշից... Վերջերս նորից մեծ տեղահանություն է իրականացվել: Ես երկու օր առաջ տեսա այդ մեծ ողբերգությունը»¹:

ԱՅՆԹԱՊ. – Նախ խուզարկվեց 30 հայի տուն: Արգելված որևէ բան չհայտնաբերվեց, բայց 28 երեսելի հայեր բանտարկվեցին:

Ինչպես Աղանայի նահանգի մյուս քաղաքների, այնպես էլ Այնթապի հայության տեղահանությունների մասին նշվում են տարբեր ամիսներ՝ 1915 թ. մայիս-հունիս ամիսներ: Պատճառն այն է, որ այդ քաղաքներից տեղահանությունը տեսական բնույթ կրեց: Միացյալ նահանգների հյուպատոս Ջեկսոնը բերում է հետևյալ փաստերը. «Այնթապի ու Մարաշի արանքում հանդիպեցի հայերի մի կարավանի՝ մոտ 40 կին ու երեխա, և 5-6 տղամարդ: Նրանց առջևից 200 մ հեռավորության վրա գնում էին տասը թուրք զորակոչիկներ: Կարավանում կար մի օրիորդ..., որը նոր էր ապաքինվել ժանտատենդ ծանր հիվանդությունից... Զինակոչիկները պահանջում էին, որ աղջիկը գիշերը տրվի իրենց: Միայն չնորհիվ նրան, որ նաև մահմեղական ջորեպանները կանանց պաշտպան կանգնեցին, Հնարավոր եղավ կասեցնել զինվորների ոտնձգությունը»²: Տեղահանությունն սկսվեց մայիսին: Մի գերմանացի վկայում է. «Այնթապի առաջին կարավանը որը կազմված էր ունեոր անձնությունում, մինչև շապիկը կողոպտված էր ... հավանաբար կողոպտել էին կառավարական պաշտոնատարները»³:

Ձելալ բեյը աշխատանքից հանվեց ու Կոնիա տեղափոխվեց: Փոխարենը վալի նշանակվեց Վանի նախկին վալի Բեքիր Սամի բեյը, որը և գործադրեց տարագրության հրամանը:

Ամերիկացի բժիշկ Շեֆըրտը վկայում է. «Այնթապում տարագրության հրամանը տրվեց Հուլիսի 21-ին 60 ընտանիքների համար: Մի քանի օր անց ստացվեց երկրորդ հրամանը 70 ընտանիքի համար: Ապա 1500 և ամենավերջում 1000 Հոգի ևս տարագրվեցին, այնպես որ բոլոր հայերը քաղաքից հանվեցին... Տարագրվածներին արգելված էր իրենց հետ վերցնելու անգամ ամենաանհրաժեշտ իրերը: Թույլատրված էր տանելու միայն մի գրաստ:

Մարաշի մերձակայքում ընդդիմության տկար փորձեր եղան: Ֆնտըճադ

¹ R 14090, Ab. 13142.

² Տաշեան Հ., նշվ. աշխ., էջ 129-130:

³ «Aus den Aufzeichnungen eines in der Turkei verstorbenen Deutschen»; Տե՛ս «Material» s. 17-25.

գյուղը տարագրությունը կազմակերպելու ուղարկված ոստիկանին սպանելու համար, մոխրակույտի վերածվեց:

Կիլիկիայում տարագրությունը տեղի ունեցավ Համեմատաբար բարենպաստ պայմաններում: Ճիշտ է, հրոսակները բոլոր աքսորվողներին կողոպտեցին, սակայն, ավագակությունն ու սպանություններն այնքան մեծ Համեմատություններ չստացան, որքան Բարձր Հայքի գավառներում:

Կիլիկիայի տարագրվածների մեծ մասը գտնվում էր Դեր Զորում, որտեղ արդեն 15 հազար հայ էր բերվել: Երաշտից այրված այդ անսպասները, որոնք ձգվում էին Դեր Զորից մինչև Զերապլուս և Ռաս ուլ Այն և մինչև Մոսուլ, լցված էին հայ տարագիրներով: Նրանցից մի քանի բեկորներ ցրված էին թուրքական ու արաբական գյուղերում:

Այնթապի և Քիլիսի տարագիրները Դամասկոսի ճանապարհով տարվեցին նաև Հավրան»¹:

Որ կիլիկահայության տարագրությունը համեմատաբար մեղմ պայմաններում էր ընթանում, նշում է նաև Հր. Աճառյանը: Նա գրում է, թե «կիլիկեցոց գաղթը այնպիսի դաժան պայմանների տակ չեղաւ, ինչպէս մնացեալ Հայութեան»: Դրան նպաստող պայմաններից մեկը համարվում էր անսպասին Կիլիկիայի մոտ լինելը և «մինչեւ այնտեղ հասնելու համար շատ երկար չպիտի թափառէին մնացեալ Հայութեան պէս»: Այդ մոտիկության շնորհիվ տարագիր հայերը «շատ երկար չպիտի շփուէին թուրքերի եւ աւազակ քրդերի հետ, այլ շուտով պիտի մտնէին արաբների շրջանը, որոնք ուրիշների չափ անգթութիւն չցուցաբերեցին»: Աճառյանը երկրորդ պատճառը համարում է այն, որ Կիլիկիան մտնում էր Զեմալ փաշայի իրավասությունների շրջանակի մեջ: Նա Զեմալին անվանում է «հեռատես», որը հասկանում էր՝ «ուշ թէ շուտ պատերազմը պիտի վերջանայ յօգուտ Անգլիայի եւ Ֆրանսիայի, եւ թէ վերջապէս հայերը Կիլիկիային տէր պիտի դառնան: Այս համոզմամբ նա դարձել էր հայասեր եւ հայոց դէմ բացառիկ խատութիւն չէր գործադրում»²:

Հավանաբար ասվածի մեջ ուշադրության արժանի են օրյեկտիվ - տարածքային բնույթի պատճառները, ինչ վերաբերում է սուրյեկտիվ գործոններին, մասնավորապես Զեմալ փաշայի «Հայասիրությանը», ապա այդ կարծիքի տարածման գլխավոր աղբյուրը Սահակ կաթողիկոսն էր և իրականության հետ ընդհանուր շատ բան չուներ:

Թե Այնթապում ինչպիսի «զգուշավորությամբ» էին ոչնչացնում հայերին, վկայում է տեղի կառավարիչ Աճեղի 1918 թ. հունվարի 18-ի հեռագիրը, թե ուրիշ նահանգներից Ռում Կալե բերված 500 զաղթականներին, որոնք մեծ մասամբ կանայք ու երեխաներ էին, «Հաղորդուած ծանօթ եղանակով, պահապան քիւրտերու կողմէ դրկուած են՝ մէկ մըն ալ չվերադառնալու պայմանով»³:

Լսենք նաև Ռեռուլերին. «Օգոստոսի 7-ին Անտիոքից տարագրված հայերը

¹ Թէոդիկ, Ամէնուն տարեցոյցը, 1916-1920, Կ. Պոլիս, 1921, էջ 23:

² Աճառյան Հր., նշվ. աշխ., էջ 376-377:

³ Konst./ Ankara, 170, Ab. 53a.

անցնելու են Համան: Քաղաքի մերձակայքի հայկական վեց գյուղերի հայ բնակչությանը շղթայակապ քաղաք ուղարկեցի»¹: Նույն ժամանակ երիտթուրքերի տեղական կոմիտեն Այնթապում կեղծ լուրեր տարածեց, թե զինված հայ ամրուս շարժվում է քաղաքի վրա և օգոստոսի 20-ին կոտորած առաջացրեց:

«The New York Times»-ը 1919 թ. ապրիլի 19-ին գրեց. «Այնթապ քաղաքից 30.000 հայ աքսորվեց անապատ՝ մահանալու: Այժմ նրանցից կենդանի են 4 կամ 5 հազար հայ: Մոտ 650 հազար հայ մահացել է անապատում:

Երբ անգլիական ու ֆրանսիական զորքերն առաջ էին շարժվում Փոքր Ասիայի խորքերը՝ թուրքերը դեռևս հետապնդում էին հայերին: Փաստն այն է, որ ստորագրված զինադադարը որեւէ դեր չի խաղում: Այս կամ այն ճանապարհով, միայնակ կամ խմբերով, հայերը սպանվում էին: Ես մի դեպք գիտեմ, երբ 100 մարդ մորթվեց և մեկ ուրիշը, երբ 40 հոգի գնդակահարվեց»:

ՀԱՃՐՆ. - Լեռնային Կիլիկիայում ազատամեր, հպարտ կեցվածք դրաւորեց նաև Հաճրնի հայությունը: Պատերազմի նախօրյակին Հաճրն քաղաքն ուներ 30-35 հազար բնակիչ, բոլորն էլ հայեր²: Մի օրինաչափություն՝ ջարդարարներին հակահարված տվեցին հիմնականում այն քաղաքներն ու գյուղերը, որոնք միատարր կամ հոծ հայկական բնակչություն ունեին (Վան, Ուրփա, Սասուն): Հաճրնը նույնպես հնարավորություն ու վճռականություն ուներ ձախողելու բռնագաղթը, մանավանդ, որ բնակչությունը զինված էր: Բայց այստեղ ինքնապաշտպանությունը ձախողվեց և քաղաքի բնակչությունը զոհ դարձավ նաև զինագործ Ա. Զիկերջյանի դավաճանության: Նա իշխանություններին հանձնեց զենք ունեցողների ցուցակը, ինչը հայերին հարկադրեց հանձնելու զենքերը, հավատալով, որ այդ անելով «իրենց հանգիստ կը թողեն..., բայց բոլորն ալ տարագրուեցան Տէր Զօր»³:

Բնակչության զինված լինելու մասին ասվածը շատ հարաբերական է և մահմեղական բնակչության զինվածության համեմատությամբ՝ չնչին: Քաղաքի հայությունն ուներ ընդամենը 200-ից մի փոքր ավելի մասուղեր տեսակի հրացան, որոշ թվով էլ ատրանակ և որսորդական հրացան: Ինչպես մյուս վայրերում, Հաճրնում նույնպես կային աշխույժ ազգային կյանք, տարբեր քաղաքական հոսանքներ, սակայն թույլ էր հրապուրվածությունը կուսակցություններով: 1914 թ. նոյեմբերից սկսած քաղաքում ուժեղացան ահաբեկչությունները:

Մթնոլորտն առանձնապես սրվեց ջիհաղի ֆեթավայի հրապարակումից հետո: Գերմանիայի հյուպատոս Բյուզեն նկատել է, որ դեկտեմբերին քաղաքում արդեն առկա էր բնաջնջման տագնապը: Դրա համար էլ երբ իշխանությունները պահանջեցին, որ հայ դասալիք զինվորները ներկայանան, բոլորը հեղությամբ ներկայացան ու գնդակահարվեցին:

Փետրվարի 18-ին, հայ զինվորներին զինաթափելու հետ միասին սկսեցին խուզարկությունները:

¹ Konst./ Ankara 170, Ab. 53a.

² Veou P. du La Passion de le Cilicie, Paris 1954, p. 148.

³ Ասպետ Ա., Դրուագներ Հաճնոյ հերոսամարտէն եւ հերոսին ողիսականը, Պէյրութ, 1961, էջ 53:

Հայերին հայտնի դարձավ Բ. Շաքիրի ծածկագրի մասին. «Թուրքիայում բնակվող բոլոր Հայերին, առանց անզամ մեկ հոգու բացառելու, բնաջնջելու որոշումը կայացված է...»:

1915-ի սկզբներին Ավստրիա սկսեց ձերբակալել Հայ երևելիներին: Սալջյան աղքանունով մի Հայի, որն իրը պարեն էր վաճառել անզինացիներին, մեղաղ-րեցին լրտեսության մեջ և պատրվակ դարձրեցին ընդհանուր Հաշվեհարդարի համար: Մի քանի անմեղ Հայեր կախաղան հանվեցին: Մարտի 13-ին Բյուզեն Հեռագրեց իր դեսպանին, թե Դյորթ-Յոլի Հայության վրա շինծու գործ են ստեղծել և տղամարդկանց ձերբակալել են¹:

Իթմիհաղի պարագլուխներից էումեր Նաջին, որն այդ օրերին Աղանայում էր, հրամայում է սկսել տեղահանությունը: Նա իր հետ գաղտնի հրահանգ էր բերել: Հայերը զեռ չէին հասցրել զենքերը հանձնել, երբ մայիսի սկզբին քաղաք մտավ 2000 հոգանոց մի զորամաս Ղալիրի հրամանատարությամբ:

Բնականաբար, բնակչությունը զենքերի մի մասը թաքցրեց ինքնապաշտպանության նպատակով: Սակայն ի վերջո Հայերին «Համոզեցին» դրանք նույնպես հանձնել: Այդ ընթացքում քաղաքի 200 հարուստ և երևելի Հայեր բանտ նետվեցին: «Ես մաքուր խղճով կարող եմ հավաստիացնել,- գրում է զերմանացի միսիոներուհի Մ. Դիղությունը,- որ նրանցից շատերը երբեք ներքաշված չեն եղել քաղաքական խնդիրներում և պետության հավատարիմ հպատակներ էին հանդիսանում»: Նրանց գումարեցին մտավորականներին ու երեք օրում տարագրեցին՝ լուրջ ունեցվածքը: Տեղահանությունը շարունակվեց մինչև ղեկտեմբեր: Անգամ ծննդաբերող կանանց զիջում չարվեց:

Մեծահարուստ և բազմանդամ ընտանիքներին ինչ-որ փոխադրամիջոց և ձափար թույլատրում էին տանել: Այդ ընտանիքների ամբողջ ունեցվածքն անցավ թուրքերին: Հայերը մի ակնթարթում աղքատների վերածվեցին: Մանաւանդ, որ վարձված սայլվորները, երկար ճանապարհ չանցած, Հայերի գույքը սայլերից թափում էին ու հետ դառնում:

Հայերը հարկադրված էին թափած գույքից վերցնել միայն ամենաանհրաժեշտը՝ շալակով տանելու համար, իսկ եթե գրկի երեխա կար, այդ հնարավորությունն ավելի էր փոքրանում: Դրա հետևանքով կարավաններում սովն սկսեց մինչև Օսմանիի հասնելը:

Եղան նաև ղեպեր, երբ իշխանությունները պարզապես արգելեցին տեղահանվածներին իրենց հետ սննդամթերք կամ անկողին տանել²:

«Կ. Պոլիս իմ ուղևորության ժամանակ նորից հանդիպեցի քաղցից մեռնող, կիամերկ, հիվանդ անհամար թվով մարդկանց, որոնց վիճակն անհնար է նկարագրել»:

Որ կարավանները կողոպտվում էին, խոստովանում էին նաև իշխանությունները: Թուրքական մի բարձրաստիճան սպա Մ. Դիղությունին ասել է. «Մաղա'մ, մեր կառավարությունը լոկ դրսեորում է արդարություն և գթասրտություն: Գերմանիան ուղում էր որ մենք բնաջնջեինք Հայերին: Բայց մենք

¹ (Lepsius J.), նշվ. աշխ., էջ 23:

² Նույն տեղում, էջ 18-19:

այնքան գթասիրտ ենք, որ նրանց միայն տարագրեցինք...»: Կեղծիք է: Հայերին նախ իշխանություններն ու մահմեղական բնակչությունը կողոպտում էին տեղում, տարագրվելուց մի քանի օր կամ ժամ առաջ: Ճանապարհին կողոպտում էին ժանդարմները, չեթեները և մահմեղական խուժանը, իսկ անապատում, նրանց լրիվ մերկացնելու համար անհամբեր սպասում էին քոչվոր արարները, որոնք հայերի անզամ մետաղյա ատամներն էին հանում, սպանում կամ սովամահության մատնում:

Հաճընի ոստիկանական կոմիսարը հարկադրված էր խոստովանել. «Երեք տարի է ես այստեղ եմ և որևէ անզամ բողոքելու պատճառ չեմ ունեցել: Ես անկեղծորեն ցավում եմ Հաճընին: Սա անարդար է»:

1915 թ. սեպտեմբերի 3-ին երեկոյան ժամը 9-ին Հաճընի շուկայում հրդեհ բռնկվեց: Երկար ժամանակ բան չէր արվում կրակը հանդցնելու համար, իսկ ապա հրշեց սրսկիչներով նավթ մղեցին ղեպի հրդեհը: 3000 տնից կանգուն մնաց միայն 500-ը: Տեղահանվածների ունեցվածքը, որ լցված էր ամենամեծ եկեղեցին, նույնպես կրակի ճարակ դարձավ: Բողոքականների եկեղեցին հրդեհը հաճընին ժանդարմները: Տասն օր անց տարագրվեցին վերջին 200 հայերը՝ արհեստավորներ, զինվորականների ընտանիքներ՝ մերկ, առանց որևէ միջոցի¹:

Հաճընի ողբերգությունը հետևյալ կերպ է ներկայացնում Գրիգորիս ծ. վրդ. Պալաքյանը. «Հաճընը հայաբնակ էր, 28 հազար բնակիչով: 1915 թ. ամռանն իրեն հնչակյան ներկայացնող ուն Արամ ոստիկանությանը հայտնում է հայերի զենքերի թաքստարանները: Քաղաքը զրկվեց պաշտպանվելու հնարավորությունից, որի հետևանքով Հաճընի 28 հազար և 22 զյուղերի հայ բնակչությունից մնացին 350 ծերեր և երեխաներ:

Տեղահանության առաջին՝ 1915 թ. ապրիլին, բարձունքի վրա գտնվող վանքում դիրքեր գրավեցին 2000 զինվոր ու հարյուրավոր ժանդարմներ՝ Աղանայի ժանդարմերիայի հրամանատար արյունարրու Ավնիի ղեկավարությամբ: Բարձունքին թնդանոթներ տեղադրելով՝ քաղաքը թիրախի վերածեցին. Հայերն անկարող էին զիմապրել:

Այդ նույն Ավնին մի տարի անց տեղահանելով ջարդեց Ամանոսի լեռներում երկաթուղի կառուցող 10.000 հայի Բաղչե-Մարաշ ճանապարհի վրա:

ԱԴԱՆԱ. - «Պատերազմի սկզբում,- իր հուշերում գրում է Թալեաթը,- Աղանայում նույնպես սկսվեցին ապստամբական շարժումներ: Հայերը լրտեսություն էին անում հօգուտ Անտանտի, իսկ հարկ եղած պահին նաև միանում նրանց զորքերին»: Նրանցից շատերը ձերբակալվեցին, բռնագրավվեցին զենքեր, դրոշակներ և այլն²:

Կենտրոնը զրանով էր բացատրում իր շահագրգիռ դիրքորոշումը ոչնչացնելու նաև Աղանայի ու ողջ Կիլիկիայի հայությանը: Աղանան ամբողջ 1915-1916 թթ. Բարձր Դռան և անձամբ Թալեաթի ուշադրության կենտրոնում էր: Հավանաբար այստեղ դեր խաղացել են նաև աշխարհաքաղաքական գործոնները: Համենայն ղեպս՝ վիլայեթի հայության դիրքորոշումն ու քաղաքական

¹ Konst./Ankara 171, Ab. 2725.

² Թալեաթի հուշագրությունները:

վարքագիծը, բացի զեյթունցիներից, հիմք ծառայել չէին կարող նրա հանդեպ առանձնահատուկ խիստ վերաբերմունքի համար, մինչդեռ Կ. Պոլիսը իշխանության տեղական մարմիններին դեպի հայերի հաշվեհարդար էր մղում: Վերջիններս սկզբում չհասկացան Կ. Պոլիսի քաղաքականության իմաստը, ապա հասկացան ու զգուշացան և, ի վերջո, նրանց «խելքի բերեցին»: Ռեռուլերը վկայում է, որ իթթիհաղի Աղանայի պատասխանատու քարտուղար Շ. Սաֆան սպառնում էր ընդհանուր ջարդով, եթե հայերը խույս տան տարագրությունից:

Մարտի վերջին Աղանայում նույնպես շուկաներ տարածվեցին, թե ջարդեր են սպասվում:

Բյուզեն անդրադառնալով երիտթուրքական հերյուրանքներին, գրում է. «Հայերի աքսորի վրա պնդելը, ենելով ուազմական ու քաղաքական նկատառումներից, կատարված ուսումնասիրություններով հերքում է: Համենայն դեպս, Աղանայում, որտեղ ուազմական որևէ նկատառում գոյություն չունի, հայերին կասկածելը լրտեսության մեջ՝ դատարկ խոսակցություն է»¹:

Այդպես էր մտածում ոչ միայն Բյուզեն:

Դեռ այն ժամանակ, երբ տարագրություններն ու ջարդերը նոր էին ծայր առնում, տեղում գտնվող օտարերկրացիները, այդ թվում նաև գերմանացիները, ամենայն որոշակիությամբ մերժում էին թուրքական հերյուրանքները, թե հայերը հակակառավարական տրամադրություններ են, առավել ևս, գործունեություն էին դրսերում:

Բյուզեն նաև վկայում է. որ Աղանայի վիլայեթի հայերը, բացառությամբ չաճնի և Դյորթ-Յոլի գավառների, զենք չունեին և փոքրամասնություն էին կազմում: «Ռազմական տեսակետից ... նրանք ոչ մի շանս չունեն խոռվություն բարձրացնելու, քանի որ միակ գործոնը որ կարող է առաջ բերել խոռվություն, դա միաժամանակյա օգնությունն է արտաքին հզոր ուժերից»: Իսկ հայերը նման օգնության հույս չունեին: «Դրա համար էլ այս կամ այն թերթում երևացող լրտերը երկրի այս մասում հայերի հնարավոր հուզումների մասին հանդիսանում է մասամբ հայերի դեմ ոտնագությունների վերաբերյալ հաղորդագրությունների սխալ ընկալում, մասամբ էլ՝ ուղղակի հնարովի հաղորդագրություններ, որպեսզի դրանք պատրվակ դարձնեն հայերի դեմ բռնությունների համար: Իրականությունն այն է, որ հայերն ապրում են մահմեղական աղղաքանակչության իրականացրած դաժանությունների և մշտական վախի պայմաններում»: Հետևաբար անհնար է հավատալ, թե նրանք գաղտնի կազմակերպություններ ունեին: Երբ հույները հայերին զենք առաջարկեցին, նրանք հրաժարվեցին ընդունել:

Աղանահայության նման կեցվածքը հասկանալի է: Նրանք դառը փորձ ունեին և չէին հավատում տերությունների խոստումներին:

Բեռնում գերմանական միահայի ղեկավար Հայնգիդելը 1915 թ. հոկտեմբերի 19-ին Բեռլինին տեղակ պահեց Թալեաթին Սալիհ բեյ Գյուրջիի գրած նամակի մասին, որում նշվում էր, թե Թուրքիայում հայերի դեմ բռնությունները

¹ Konst./Ankara 96, Ab. 5932-1012.

նպատակ են Հետապնդում բնաջնջելու նրանց, ինչը բխում է կայսրության վիճակից: Առանց հայերից ազատվելու՝ Թուրքիան առողջանալ չի կարող: Բայց սխալ է, որ Կ. Պոլիսը Հայկական Հարցը աշխատում է լուծել միայն ջարդերի միջոցով¹:

Ռեսուլերը Աղանայի և Հալեպի նահանգներում ջարդերի գլխավոր պատճառներից մեկը համարում է այն, որ այդ նահանգները հանդիսանում էին տեղահանության նախնական կայաններ, որտեղ տարագիրների նշանակալից մասը կանգ էր առնում մինչև 1915 թ. աշունը՝ Հոկտեմբեր-նոյեմբեր ամիսները, ապա քչվում անապատ: Նա դառնությամբ է գրում, թե «ինչպիսի անձարդկային ձևով էին իրականացվում հայերի հանդեպ թուրքական կառավարության ծրագրած միջոցառումները»²:

1909 թ. նահանգի հարևանությամբ կանգնած քաղաքակիրթ երկրների նավերը դիտողի դերում մնացին, երբ Աղանայի փողոցները կարմրում էին հայերի արյունով:

Աղանայում բարենորոգումների նկատմամբ ոչ մի կամ գրեթե ոչ մի վստահություն չկար, քանի որ չէին հավատում, որ երբեմն թուրքիայում քրիստոնյաներն ու մահմեդականները հավասար իրավունքներ կունենային:

Գնալով Միջերկրականի այս ափի նավահանգիստներում ավելի հաճախ էին երևում գերմանական նավեր, որի շնորհիվ աշխուժանում էին նաև հայերի ու գերմանացիների շփումները: Գերմանացիների այցելությունները Կիլիկիայի կաթողիկոսին սովորական էին դարձել: Դրա հետ միասին, հայերը շարունակում էին մերժել Գերմանիայի քաղաքականությունը թուրքիայում³:

Նույն Բյուզեն 1915 թ. հուլիսի 24-ին հաղորդեց. «Անկասկած է, որ ներկայումս իրականացվող դրակոնյան միջոցառումները ոչ միայն հայերի, այլ նաև Օսմանյան կայսրության քրիստոնյա մյուս տարրերի հանդեպ ընդհանուր առմամբ ունենալու են այնպիսի ազդեցություն կամ, ավելի ճիշտ, դրանք հասցնելու են այնպիսի խառնաշփոթի, որ թուրքիայի ողջ ազգաբնակչությունը այլևս չվստահի կառավարությանը... որի ձեռնարկած բռնի միջոցները կործանելու են գավառները... Այստեղ նույնպես չեն գործում հայկական գաղտնի կամ հեղափոխական կազմակերպությունները... Հայերի մոտ առանձին դեպքերում զենք գտել են, ինչը ներկայացվում է որպես նրանց մերկացնող փաստարկ: Եթե ստուգումներ անցկացվեն, մահմեդականների մոտ կհայտնաբերվեն անհամեմատ ավելի մեծ քանակությամբ զենքեր, որոնք, իհարկե, իշխանությունները ոչ մի դեպքում չէին ցանկանա բռնագրավել, որպեսզի նրանց չզրկեն կոտորածի համար անհրաժեշտ աշխատամիջոցից: Ընդհանրապես Աղանայի հայության մասին կարենոր է ասել, որ նրանք, չնայած իրենց հանդեպ հետևողական դաժան վերաբերմունքին, որին ենթարկվում են նաև ներկայումս, բավական հաշտ տրամադրություն են դրսենում: Նրանցից ավելին պահանջել անարդար կիխներ:

¹ Konst./Ankara 96, Ab. 5932-1012.

² Նույն տեղում:

³ Konst./Ankara 165, Ab. 53a.

Գերմանիայի և Թուրքիայի միջև գոյություն ունեցող առանձնահատուկ հարաբերությունների պայմաններում, - շարունակում է հյուպատոսը, - հասարակությանը հայտնի է այն տեսակետը, թե թուրքական միջոցառումները իրականացվում են մեր համաձայնությամբ և դրա համար էլ թուրքերի իրականացրած և հասարակությանը առանձնակի հետաքրքրող միջոցառումներն անմիջապես ընկալվում են որպես գերմանացիների հավանությանն արժանացած, դեռ ավելին, նրանց կողմից շրջանառության մեջ դրված հրահանգ¹:

Ապրիլի 7-ին Ռեոսլերը հեռագրեց, թե երկիրն ավերվում է՝ ակնարկելով տարագրությունը²: Մայիսի 12-ին, 23-ին, 31-ին հեռագրեր, իսկ 16-ին շրջաբերական հրահանգներ ստացվեցին Կ. Պոլսից, չնայած տարագրության մասին օրենքը հրապարակվեց մայիսի 27-ին և դրանից առաջ ամիսներ շարունակ տարագրություններն արդեն տեղի էին ունենում: Մայիսի 26-ին Ռեոսլերը հեռագրեց, թե Աղանայի վիլայեթից տարագրվել է 10 հազար հայ³: Մայիսի 18-ին նա գրեց, թե Աղանայի բանտերը լիփ-լեցուն էին հայերով: Նույն օրը Էնվերը գերմանացիներից խնդրեց հայերի հարցում իր ձեռքերին ազատություն տալ: Այդ օրն էլ հրաման եղավ աղանացի հայերին ցրելու Հալեպի գյուղերում⁴:

Հունիսի 5-ին Կարինում և այլուր լուր տարածվեց, թե «Աղանան ապստամբել է»: Հունիսի 10-ին գերմանական դեսպանատունը հեռագիր է ստանում, որ այդ լուրը սաղբանք է:

Հենվելով Կ. Պոլսի ցուցումների վրա՝ Աղանայի վալին ապրիլի 17-ի ժանդարմական գնդի հրամանատարին գրեց. «Կոմիտեներին պատկանողներին և ուրիշ վնասակար անձանց, որոնք պետք է ձերբակալվեն, նրանց մոտ հայտնաբերված ուումք կամ արգելված զենքերի հետ լուսանկարե՛ք և լուսանկարները մեծ չափերով հանել տվե՛ք: Դրանք շտապ ուղարկելու և ձերբակալված ու տարագրված անձերի անուններն էլ հայտնելու մասին ՆԳ նախարարությունը հեռագիր է ուղարկել»⁵:

Բյուգեն 1915 թ. սեպտեմբերի 6-ին գրեց. «Հայերի աքսորը օրեցօր ավելի ու ավելի ստանում է ջարդի բնույթ: Վերջերս Ուլու Կիշլայի տակ ժանդարմները յոթ հայ սպանեցին: Օգոստոսի 20-ին Քաեսանից հյուսիս չորսմետր 120 տղամարդու սպանեցին իրենց ընտանիքների աչքի առաջ և 62 աղջկա էլ տարան իրենց հետ: Ժանդարմները կողոպտեցին հայկական գյուղերը»⁶:

Ոչ միայն սեփական բնակավայրերում, այլև տարագրության ճանապարհներին հայերին, ավազակներից բացի, կողոպտում էին նաև իշխանությունները: Գերմանացի ինժեներ Պ. Քերնը գրում է, թե էրեյլի քաղաք մտնելու համար հայերից հինգ դուրուչ, իսկ կամրջով անցնելու համար երկու դուրուչ էին գանձում: Հացը տրվում էր միայն դրամով, իսկ ջուր ընդհանրապես չէին տալիս: Օսմանիերում մի հացի համար վերցնում էին 5-6 դուրուչ, գյուղացիները գրեթե

¹ Konst./Ankara 96, Ab. 5932-1012.

² Լեփսիուս Յո., նշվ. աշխ., էջ 50:

³ Նույն տեղում, էջ 76:

⁴ Նույն տեղում, էջ 81:

⁵ Նույն տեղում, էջ 132:

⁶ Konst./Ankara 170, Ab. 53.

ամեն գիշեր կողոպտում էին այստեղ կանգ առած 20 հազար հայերին¹:

Աղանայի որբանոցի տնօրեն Օսման բեյը քրիստոնյա դաստիարակչուհիներից պահանջեց մահմեղականություն ընդունել, կամ թողնել աշխատանքը: Հարկադրանքի տակ՝ 35 հայ աղջիկներ որբանոցից հեռացան²:

Մերսինի երկաթուղու պետ Մայերը վկայել է, թե երկաթուղային մի թուրք բանվոր Ուլու Կիշլայի մերձակայքում սպանում է հայերի ու ասում, որ այդ անում է գայմագամի հանձնարարությամբ: Օսմանին կողոպտում են հայ հարուստների կարավանը: Այդ լսելով՝ Աղանայի վալին սեպտեմբերի 22-ին դեպքի վայրն է շտապում կողոպուտից բաժին ստանալու համար:

Բյուզեն դեսպանին գրեց, որ օգոստոսի 29-ին մի խումբ ժանդարմներ, որոնք ուղեկցում էին Թալասից տարագրված հայերի խմբին, անմարդաբնակ վայրում հարձակվում են նրանց վրա և բռնություններ գործադրելով խլում փողերը:

Իսկ երբ հրաման ստացվեց կարավաններն Աղանայից ուղարկել, տեղի պաշտոնեությունը իրեն նվիրեց ամենազաղեցի դրամաշորթության:

«Ուլու Կիշլայում ժանդարմները համատեղ էին հանդես գալիս իրենց պետերի հետ, որպես կազմակերպված ավագակախումբ: Բոլոր կարավանները պարտավոր էին մուծում կատարել... Իզմիտի կարավանը վճարել չկարողանալու համար յոթ հոգու զոհ տվեց:

Գնդապետ Սուլեյմանը և Օսմանին մութեսարիփ Ֆեթհի բեյը դյորթյուղի հայերին դուրս հանելու գործը վերածեց նրանց զանգվածային կողոպուտի:

Մ. Դիզայնը 1915 թ. սեպտեմբերի 15-ին Հաճընից գրում է, որ Կարինից եկած կարավանները նույնպես բաժանվում էին խմբերի ու ոչնչացվում: Ժանդարմները զոհերին հասցնում էին սպանության վայրը, իսկ հայերի դահիճ քրդերը հայտարարում էին, թե գործում են կառավարության հրամանով: Քարավանին ուղեկցում էր Աղջյամանի գայմագամը: Նախ խլեցին աքսորյալների անասունները, մննդամթերքը, երեխանների հագուստները, ապա նաև իրենց՝ երեխաններին:

4-րդ բանակի շտաբի պետ Փոն Կրեսը հայտարարեց. «Երբ թուրքերը տրամադրվում են ճանապարհին սպանելու տղամարդկանց, ապա պատրվակ են օգտագործում, թե պետք է պաշտպանվեն խռովությունից, երբ բռնաբարում ու առևանգում են կանանց ու երեխաններին, օգտագործում են ուրիշ պատրվակ, թե չեն կարողանում վերահսկել քրդերին ու ժանդարմներին, երբ հարկադրում են զաղթականներին քաղցի մատնվել, ապա օգտագործում են պատրվակ, թե տեղափոխության ընթացքում սննդի կազմակերպումն այնքան բարդ է, որ չեն կարողանում զլուխ բերել, բայց որ նրանք Հայեալ քաղաքում թույլ են տալիս, որ երեխաններն իրենց գոյությունը քարշ տան սովալլուկ, ցրտի և կեղտի մեջ, ապա դրան ներում չկա:

Որբանոցում որբերը ձմռանը գրեթե առանց ծածկոցների էին քնում: Բայց, երբ տեղի հայերը հանգանակության միջոցով ծածկոցներ գնեցին, որբանոցի

¹ R. 14088, Ab. 30012.

² Նույն տեղում:

տնօրենությունն արգելեց դրանք երեխաներին տալ»¹:

Օգոստոսի 11-ին Աղանայից տարագրեցին նաև Հայ կաթոլիկներին ու բողոքականներին²:

Աղանայի նահանգի Այրան քաղաքում բռնագաղթից երկու ամիս առաջ տեղական պաշտոններության ուժերով չարագույժ մարդահամար անցկացվեց: Տեղահանության նախօրյակին Աղանայից եկավ ժանդարմական մի ջոկատ ու ամրացավ քաղաքի վրա իշխող բարձունքին: Երկաթուղաշինությամբ զբաղվելու ընդունակ հայերը պետք է մեկնեին և նրանց հավաքեցին փշալարերով շրջափակված ճամբարում: Նրանք ժանդարմաների հսկողության ներքո բռնեցին գաղթի ճամփան: Թուրքերը քչեցին ոչ միայն տղամարդկանց, այլև անչափահաս տղաներին ու աղջիկներին: Օրը մի կտոր չոր հաց էին տալիս ու հետիոտն տանում Մարաշի ուղղությամբ:

Հենց մտան անտառ՝ տեսան բազմաթիվ դիակներ: Ամենուրեք գարշահոտություն էր: Ով կարավանից հետ էր մնում, դաշունահար ընկնում էր: Աղջիկները հագել էին բանվորական հագուստներ, երեսներին ցեխ էին քսել, որպես զի փրկվեն առևանգումից:

Հաջորդ օրվա երեկոյան դրամ հավաքեցին ու «փեշքել» տվեցին ժանդարմաների հրամանատարին: Հասան ֆնտը ճագ, որտեղ կուտակված էին մեծաթիվ զորք ու բաշիրողուկ: Նրանք, կանգնած ճանապարհի երկու կողմերին, նայում էին անցնող հայերին՝ ընտրություն էին կատարում: Նստելու հրաման տվեցին: Շրջանաձեւ նստեցնելուց հետո զուրս հանեցին տղամարդկանց, ապա հավաքված ամբոխը հարձակվեց կարավանի վրա ու կողոպտեց: Շարունակեցին առաջ գնալ:

Երրորդ օրը կարավանի դեմ զուրս եկան նախորդ կարավանը տարած ու վերադարձող ժանդարմները, որոնք կրակ բացեցին տարագիրների վրա: Նրանց միացան կարավանն ուղեկցողները: Այդ արվեց, որպեսզի կողոպուտի համար խառնաշփոթ առաջանար: Կողոպուտի ընթացքում զնդակահար եղան մեծ թվով հայեր: Զհասած Աղսու զետին՝ վիրավորներին առանձնացրեցին և բոլորին սպանեցին, գիշերը կանանց բռնաբարեցին:

«50.000 հայի պետք է վագոններով Խաջոյից և Կաթմայից տեղափոխեին Ռաս-ուլ-Այն: Օրը տեղափոխում էին 1000 հոգի: Վագոնները լցնում էին նաև ծանր հիվանդներին, իսկ դիակներն իրար վրա դարսում էին կայարաններում»³:

Գերմանիայի Հյուպատոսը կիլիկիայի ջարդերի պատկերը ամբողջացնում է. «Տեղի ունեցավ կոիվ ժանդարմների ու զասալիքների միջև: Ժանդարմներից մի քանիսը սպանվեցին: 20 հայեր, այդ թվում նաև զասալիքներ, դիրքեր բռնեցին մի վանքում: Մարտի սկզբներին թուրքական մեծ ուժեր հարձակման անցան և պաշարեցին Զեյթունը, քաղաքը հանձնվեց, կարձատե մարտից հետո զասալիքները փախան: Որպես պատիժ՝ ամբողջ քաղաքը տարագրվեց մասսամբ Կոնխայի ճահճուտ մասերը, մասսամբ Միջազետքի անապատ՝ Եփրատի

¹ R 14089, Ab. 36213.

² Լեփսիուս Յո., նշվ. աշխ., էջ 138:

³ R 14089, Ab. 36213.

մերձակայքում: Դրան հետևեց Կիլիկիայի հայ բնակչությունը (ավելի քան 200 հազար հոգի): Հալեպի վալի Ջելալ բեյը այս միջոցառմանը դիմադրեց, հայտարարելով, թե հարյուր հազարավոր անմեղներ հարկադրված են վճարել մի քանի մարդկանց մեղքերի համար: Նրան աշխատանքի տեղափոխեցին Կոնիա: Բոնագաղթի հրամանն, ինչպես ամենուրեք, այնպես էլ այստեղ տալիս էր կ. Պոլսի կենտրոնական կառավարությունը: Կիլիկիայից տեղահանությունը հանձնարարվեց Սիրիայի պարետ Ջեմալ փաշային: Հայերին 10 օր ժամանակ տրվեց, որպեսզի վաճառեն իրենց այն ունեցվածքը, որը հետևերը տանել չէին կարող: Չնայած կախաղանների, սպանությունների և անկարգությունների այլևայլ արտահայտությունների, տեղահանությունն ամբողջությամբ անցավ հանդարտ: Հայերին երկար այս ու այն կողմ տարան, հաճախ առանց բավարար մննդի: Շատերը մեռան: Ապա նրանց բնակեցրին Մաուրանում՝ Եփրատի ափին, որտեղ մի քանի ամիս անց մասամբ կարողացան խրճիթներ կառուցել և արհեստագործական աշխատանք գտնել: Սակայն մեծ կարիքի մեջ գտնվողների և անօգնականների, սովամահության դատապարտվածների թիվը, Գերմանիայի հյուպատոսների տվյալներով, շատ մեծ էր¹:

Վերապրող հայերին ոչնչացնելու մասին մի քանի հրահանգներ եղան 1917 թ.: Օրինակ, նոյեմբերի 6-ին այդպիսի մի հրահանգ հրապարակվեց «Սանայի մեքտերի» անունով, իսկ դեկտեմբերի 27-ին՝ մի ուրիշը՝ Դալ-ուլ-Մուալլիմինի հայ բանվորների վերաբերյալ: Հայ տարագիրներին հավաքեցին ու լցրեցին ոստիկանատները, խաները, մզկիթներն ու բակերը: Արաբական մի շարք բնակավայրերում մեծ թվով հայեր էին խոնվել՝ անզիական զոտի անցնելու հույսով: Յոթնեղբայրյանի խումբն այդ շրջաններից հայեր էր փախցնում՝ նրանց փրկելու համար: Նույն նպատակով ներկայացուցիչներ էր ուղարկել նաև Բարեգործականը:

Մանավանդ մեծ թվով գաղթականներ էին կուտակվել Դամասկոսի մոտակա Ձերել Դրուգում: Թուրքական իշխանությունները ջանացին ձեռք ձգել այդ հայերին: Տեղի Սուլթան Ատրաշին նույնիսկ մեծ կաշառք առաջարկեցին՝ հայերին իրենց տալու: Սակայն Ատրաշը, որ դրուգ էր, մերժեց:

Այդպես ավարտվեց 1917 թվականը:

Արդյունքում՝ Աղանայի նահանգապետի ինքնագուհ հեռագիրը. «Գոհունակությամբ կարող եմ հայտնել, որ կառավարության մտադրության համաձայն, ինչպես այստեղ, այնպես էլ Մարաշի սանջակում հաջողվել է լրիվ փոխել (աղդաբրնակչության ազգային կազմի) տոկոսային հարաբերությունը: Իմ վիլայեթը մաքրված է քրիստոնյաններից: Եթե երկու տարի առաջ վաճառականների ու արհեստագործների 80 տոկոսից ավելին քրիստոնյաններ էին, այժմ 95 տոկոսը կազմում են մահմեղականները և միայն 5 տոկոսը՝ քրիստոնյանները»²:

Աղանայի վիլայեթի հայության ջարդերի կազմակերպիչներն էին վալի Ձեղեթը, հարյուրապետ Յաշարը, իթթիհազի պատասխանատու քարտուղար Ձեմալը: Ոճիրների գլխավոր գործիքը բանակն էր, որը գտնվում էր «Հայասեր»

¹ R 14089, Ab. 39028.

² Wien HHSTA PA XI 275, Konstantinopel, 27 Februar 1917, № 47.

Զեմալ փաշայի հրամանատարության տակ:

ԿիլիկիաՀայության բռնագաղթն ու ջարդը հերքում են թուրքական այն պնդումը, թե տեղահանություն կատարվել է միայն ուազմաճակատամերձ տարածքներից: Զեյթունը ուազմաճակատից թուրքիայի ամենահեռու կետերից մեկն էր: Բյուզեն սեպտեմբերի 13-ին տեղեկագրեց, թե Աղանայից տարագրվում են անգամ այրի կանայք, որքերը, զինվորականների ընտանիքները, անգամ հիվանդներն ու կույրերը:

Նահանգների թուրք պաշտոնատարներից միայն վալի Զելալ բեյն էր դեմ տարագրությանը: «Մեր չափ կը ցաւէր աննախաղէպի թշուառութեան համար, - գրում է Սահակ կաթողիկոսը, - բայց օգնել չէր կրնար: Ի վերջոյ իր զգացմունքի զոհ դարձաւ...»: Նրան աշխատանքից ազատեցին: «...Մեկնեցաւ գրեթէ արտասուելով եւ եկեղեցւոյ գաւիթին մէջ զաղթականներ ու թափուած բազմութիւններ տեսնելով, յայտարարեց. «Երանի գետինը պատուէր ու զիս կուլ տար, քան տեսնէի այս պարզուած թշուառութիւնը»¹:

Աղանայով անցնող տարագիրների թիվը գնալով աճում էր: Ռեռուլերը հայտնեց, որ Այնթապի մերձակայքով անցած բռնագաղթվածների թիվը սեպտեմբերին 50.000-ի հասավ:

Գետը Զարաբյուս հասցրեց մի դիակ՝ կտրված սեռական օրգաններով:

Հուլիսի 14-ին Հալեպ հասած կարավանն իր հետ բերել էր 12 դիակ: Հալեպով անապատ տարվող մի քանի կանայք իրենց փոքրիկ երեխաններին չորի մեջ փաթաթած թողեցին քաղաքում, որպեսզի չտանեն զեպի հաստատ մահ կամ թշվառություն: Շատ կանայք ճանապարհին ծննդաբերել էին ուղեկցող պահակախմբերի դաժան վերաբերմունքի պայմաններում: Նորածիններին և մյուս փոքր երեխաններին թողել էին ճանապարհներին: Դեր Զորով անցնող կարավաններում բռնկվել էր համաճարակ՝ ծաղիկ հիվանդություն, իսկ Բաղդադով անցնողների շրջանում դիղենտերիա: Հալեպում փախստականների շրջանում տարածվել էր ջերմախստը:

Բռնագաղթվածների հանդեպ անմարդկային վերաբերմունք ցուցաբերելու հրամանի հեղինակը Ֆակիր փաշան էր: Նույնիսկ թուրքիկներ էին տարածվում մահմեղականներին հայերի դեմ զրգուելու համար²:

Երբ Կիլիկիայի զյուղերի բնակիչները տեղահանվեցին, նրանցից շատերն իրենց հետ զեռ ունեին ավանակներ և տեղափոխվելու, ունեցվածքը փոխադրելու համար ուրիշ անասուններ: Սակայն ուղեկցող զինվորները թույլատրեցին, որ ավանակներով գնան միայն քաթերջինները (էշ փախցնողները), որովհետև հատուկ հրամանով արգելված էր տեղահանվածներին գնալու ձի, էշ և կամ այլ կենդանի հեծած: Հաճրնից դուրս գալիս, քաթերջինները տարան այն կենդանիները, որոնց վրա, նրանց կարծիքով, պետք է որ դրամ ու թանկարժեք իրեր լինեին: Մյուս անասունները թուրքերն ու արաբները խլեցին կամ ծիծառելի գնով գնեցին: Մի կին 90 զլուխ ոչխարը վաճառեց 100 դուրուչով (նախկինի 60-70 թուրքական լիրայի փոխարեն), այսինքն՝ 90 զլիսի դիմաց ստացավ

¹ «Յուշամատեան Մեծ Եղեռնի», էջ 481:

² R 14086, Ab. 23232.

մի զլիսի գումարը: Հեկբունարից սկսվեց լեռնային ճանապարհ: Գնում էին հետիոտն, առանց սննդամթերքի և ունեցվածքի:

Ուղեկցող զինվորներն ասում էին, որ հրամանն այդպիսին է:

Ամերիկան միսիային ու դեռևս չտեղահանված այնթապցիներին հաջողվեց զիշերը բերել հաց ու փող իրենց քաղաքի մոտով անցնող մոտ 20.000 հայերի համար: Նիսարի ամերիկացիները նույնպես կարողացան նման օգնություն հասցնել հայերին:

Բոնագաղթվածների 4/5-ը կանայք ու երեխաներ էին, նրանցից 3/5-ը ոտարորիկ էր, առանց որևէ հագուստի: Բոլորը հյուծված էին և չէին կարողանում թաղել մեռելները: Շատ կանայք օրեր շարունակ շալակած տանում էին իրենց մեռած երեխաներին: Մի կին գիշերը երկվորյակներ ծնեց: Առավոտյան նրան երկու երեխան շալակած ճամփա հանեցին, և, շատ չանցած, նա վար ընկապ: Կինը հարկադրված եղավ երեխաներին թողնել թփի տակ: Նման փաստերը շատ են, Մարաշի թաշխանեում՝ գտան երեք նորածինների՝ դրված թրիքի մեջ:

Այդ ճանապարհով անցած կարավանների կանայք ծնել էին շուրջ 300 երեխա:

Ճանապարհներին թափված էին երեխաների մեծ թվով չթաղված դիակներ: Շատ մայրեր երեխաներին ճանապարհին էին թողնում, որովհետև անկարող էին կերակրել: Ավելի մեծ երեխաներին խորում էին թուրքերը: Մի ընտանիք իր 18-ամյա աղջկան վաճառեց վեց լիրայով:

«Արդեն 28 օր Եփրատում դիակներ են երևում: Դրանք կապված են միմյանց 2-ական, 5-ական կամ 8-ական հոգով: Ողջ են մնում բոնագաղթվածների կեսից էլ պակասը: Երկաթուղային կայարանում երեք օրում մեռավ 25 կին: Մի բողոքական հոգեստրական թուրքին ասաց. «Այս տեղահանվածների անգամ կեսը կենդանի չի մնա»: Թուրքը պատասխանեց՝ «Մենք դրան էլ ձգտում ենք»:

Աղանայի թուրքերի խոստովանություններից ևս մի քանիսը. «Պոլսէն խիստ հրաման կայ չօգնել հայ կարաւաններուն... Ասոնք մեռնելու կը տարուին. որչափ շատ մեռնին, այնքան չուտ կ'աղատին»: Նրանք հայերին ասում էին, թե «մեռնելու կերթաք» և որ ունեցվածքներդ տանում եք, ի՞նչ պիտի անեք¹:

Աղանայի զինվորական հիվանդանոցում թուրք վիրավոր զինվորը հայ բուժքույրին խոստովանում է. «Աստուծոյ պատիմն է. որ ես այնքան հայ աղջիկներ սպանեցի եւ հիմա ալ հայ աղջկան օգնութեան կարոտ եմ...

Քո՛ւրս, ես քո օգնութեանդ արժանի չեմ, ձգէ՛, որ շանսատակ ըլլամ: Եթէ զիսնայիր, թէ ինչ խժդութիւններ գործած եմ հայ կիներու հանդէպ, ինձմէ պիտի փախչէիր»²:

Հայ կաթոլիկների պատրիարք Թերզյանը բուլղարական դեսպանատանը հանձնեց Աղանայի վալու հրամանը, համաձայն որի՝ բոլոր հայերը պարտավոր էին հուլիսի 15-ին հեռանալ Աղանայից, Մերեշեհիրից³:

¹ Պալաքեան Գ., նշվ. աշխ., էջ 122:

² Նույն տեղում, էջ 200-201:

³ Գеноցիդեր հաճ արmeniите... фонд № 321, օպ. 1, գ. 2462, ս. 26.

Նույն դեսպանությունը 1915 թ. օգոստոսի 31-ին գրեց իր կառավարությանը, որ Աղանայի վալին հրաման է արձակել, թե Ս. Աստվածածնի տոնի օրը՝ օգոստոսի 15-ին Հայ բնակչության մեծամասնությունը պարտավոր էր քաղաքից մեկնել Հայեապ, սպառնալիքով՝ ով փորձի խույս տալ տարագրությունից՝ մահապատճի կենթարկվի: Հայերին Հեռացնում են ձեռնունայն: Երկաթուղով ուղարկվողներին թույլատրում են տանել մինչ «200 կգ բեռ», իսկ ով հետիւտն էր բռնագաղթվում, «բոլորովին մերկ հոտերի նման քշվում էին անտառներով ու լեռներով»: Հոյներն ու հրեաները, օգտվելով Հայերի դժբախտությունից, նրանց թանկարժեք ունեցվածքը գնում էին պարզապես ծիծաղելի գնով... Մի դաշնամուրը վաճառվել է 5 դուրուշով: Իսկ Կահիրեռում Ռուսաստանի դեսպանը գրեց, որ Հայերի հանդեպ դաժանությունները ձեռք են բերել աննախաղեապ ծավալներ, «Կողոպուտոր, բռնությունը, կոտորածը և ոչ քիչ դեպքերում Հայկական ամբողջ գյուղերի լրիվ բնաշնչումը մշտապես կրկնվում են: Անխղճաբար բաժանում են ընտանիքներին, կանանց՝ ամուսիններից, երեխաներին՝ ծնողներից և բոլորին աքսորում են տարբեր ուղղություններով»¹:

Լեփսիսուսը գրում է, թե չնայած Կիլիկիայում որևէ գյուղ ու քաղաք չխնայվեց, բայց Աղանայից տարագրվեց միայն 190 ընտանիք և «Ձեմալ փաշային է վերագրվում, որ նրանց մեծ մասը վերադարձվեցին իրենց տները»: Բայց քիչ անց Աղանայի 18.000 Հայությանը ևս Հարկադրեցին բռնելու գաղթի ճամփան²:

Շատ տեղերում, շարունակում է նա, բոլոր չափահաս տղամարդկանց զորակոչեցին, ապա «պարաներով ու շղթաներով իրար կապեցին: Կանայք էլ որոնք իրենց փոքրիկներին գրկած էին տանում կամ ծննդաբերության օրերին էին, անսասունին քշելու նման խարազանի հարփածներով էին առաջ տարվում: Ես ականատես եղա, որ երեք կանայք ճանապարհին ծննդաբերեցին և արյունահոսությունից մեռան... Մի քանի կանայք այնքան էին ուժասպառվել ու հուսահատվել, որ իրենց փոքրիկ երեխաներին ճամփաների վրա թողեցին... Մի վայրում ժանդարմների սպան, ցույց տալով կանանց բազմությունը, իր մարդկանց ասաց, թե նրանց թույլատրում է որևէ կնոջ հետ իրենց ուղածն անելու:

Որոշ տեղերում կառավարությունը սնունդ տվեց տարագրյալներին, ուրիշ տեղերում թույլատրեց, որ տեղի բնակչությունը նույն բանն անի: Իսկ շատ տեղերում նրանց սնունդ չտրվեց և ոչ էլ ուրիշներին թույլատրվեց այդ անելու: Խեղճերը շատ տառապեցին քաղցից, ծարավից, հիվանդությունից և իրապես քաղցից մեռնողներ եղան»³:

Տարագրյալներին փոքր խմբերի բաժանեցին, 3-4-ական ընտանիք ուրիշ ցեղի և ուրիշ կրոնի պատկանող բնակչության մեջ ձգվեցին... Թեև ասվում է ընտանիք, սակայն դրանք կազմող անհատների 4/5-ը կանայք ու երեխաներ էին, իսկ եղած տղամարդիկ էլ ծերեր կամ հաշմանդամներ էին:

Եթե միջոց չգտնվի նրանց շուտափույթ օգնություն հասցնելու առաջիկա

¹ АВПР, Политархив, д. 3804, л. 34.

² Լեփսիսուս Յո., նշվ. աշխ., էջ 16-17:

³ Նուն տեղում, էջ 18-19:

Երկու ամիսների ընթացքում... 2/3-ը կամ 3/4-ը քաղցից և հիվանդություններից կմեռնեն:

Կիլիկիայից տարագրված Հայերի թիվը 100 հազարից անցնում էր: 1917 թ. դարձավ ցեղասպանությունից այս կամ այն պատճառով փրկվածների ընաշնջման տարի: Դրա արտահայտություններից մեկը նԳ նախարարության 1917 թ. Հոկտ. 23-ի հրամանն է Հալեպի զինվորական հրամանատարությանը. «Վիլայեթի կայարաններում չոգեկառքերի պաշտոնյա և ծառայող հայերի ցուցակը կազմելու և յուրաքանչյուրի ինքնությունը հարցաքննությունով ձտելու, նաև այն, թե նրանք ուստիկանությունում ինչ համարում ունեն, ովքեր կան նրանց ընտանիքների անդամներից ու ազգականներից, որոնց մասին ձեռքբերված տեղեկություններն արձանագրելու նրանց անվան դիմաց և ցուցակները շտապ մեղ ուղարկելու 1917 թ. Հոկտեմբերի 23-ի շրջաբերականով հայտնված էր, բայց մինչև օրս պատասխանը չի ստացվել: Ուստի շտապ ուղարկե՞ք»¹:

Կիլիկիան հայերից դատարկվեց և հետագայում այնտեղից անցնող տարագրության կարավանները չարագույժ պատկերների ականատես եղան: Սիս քաղաքից հայերի կարավաններին դուրս էին քշում ամենազարելի միջոցներով, որովհետև այնտեղ հատուկենտ հայեր էին մնացել, որոնք թաքուն ինչ-որ օգնություն էին հասցնում քարավաններին: Քաղաքի 800 տուն հայից մնաց 50-60-ը: Մայրավանքը թուրք գաղթականների վարժարանի վերածվեց: 20 տարվա պատմություն ունեցող կաթողիկոսական գահը փշուր-փշուր արեցին: Օսմանիեռում որևէ հայ չմնաց: Հայերի բոլոր տները տրվեցին թուրք գաղթականներին: Այդ քաղաքից ոչ հեռու է գտնվում սարսափազզու Կանլը Գեչիտ (Արյան անցք) ձորը, որ Օսմանիե-Հասանբեյի ճանապարհին է, Ամանոս լեռան ստորոտում, որտեղ հազարավոր հայեր էին գոհ գնացել:

Ահա Կիլիկիայի ընդհանուր վիճակը, երբ Սահակ կաթողիկոսի խնդրանքին՝ «Հանուն Աստծոյ, մեռածներին հանգիստ, իսկ ապրողներին հաց տալ», Ձեմալ փաշան պատասխանեց: «Եթե բարեկամ հայերը, ֆրանսիացիներն ու անգլիացիները իմանան, թե ինչ է կատարվում հայկական մյուս շրջաններում և, եթե նրանք դա համեմատեն Կիլիկիայի վիճակի հետ, ինձ չնորհակալություն են հայտնելու»²:

1915 թ. օգոստոսի 3-ին կազմված մի տեղեկագրում կան հետևյալ տվյալները: Նախ նշվում է, թե Կիլիկիայից տարագիրների մեծ մասը Մարաշի և Ուրֆայի ճանապարհով տարան Վերանշեհիրի ուղղությամբ, 500-600 հոգու էլ Աղանայի ճանապարհով ուղարկեցին Կոնիա:

Հուլիսի 30-ի վիճակով՝ բոնագաղթը ներկայացնում էր հետևյալ պատկերը.

Աղանայի վալին նույն օրերին հեռագրեց նԳ նախարարությանը, թե կենտրոնական կազմայից տարագրվել է 14216, Կարա Իսալու կազմայից՝ 33, Զիհանի կազմայից՝ 318, Մերսինի կազմայից՝ 756, Տարսուսից՝ 840, ընդամենը՝

¹ Ղազարեան Հ., նշվ. աշխ., էջ 183:

² Լեփսիուս Յո., նշվ. աշխ., էջ 25:

16163 Հայ: Նույն ժամանակ Զերել-Բերեքեթի սանջակից տարագրվել էր 12,275 հոգի, որից 7168-ը՝ Դյորթ-Յոլի և 3092-ը՝ Բախչեի կազաներից, իչիլի սանջակից՝ 313 հոգի, Կողանի սանջակից՝ 17382 Հայ, որից Հաճընից՝ 10523 հոգի:

Վալին նաև նշում է, որ վիլայեթում գաղթը նոր է սկսվել, դրա համար էլ տվյալները փոքր են¹:

Նա միաժամանակ գաղթականության գրասենյակին հայտ ներկայացրեց, որ Աղանայի վիլայեթ ուղարկեն 600 ընտանիք մուհաջիր²:

Կիլիկիահայությունն ապրեց իր պատմության ամենաահավոր մղձավանջը: Նրա բնակչության մեծ մասը կոտորվեց: Երկրամասին հասցված նյութական վնասը 300 միլիոն դոլար կազմեց:

¹ **Փակապյան Ա.**, նշվ. աշխ., էջ 168:

² **Ղազարեան Հ.**, նշվ. աշխ., էջ 206:

ՏՐԱՊԻԶՈՆ

Տրապիզոնի նահանգի երկարությունը՝ 474 կմ էր, իսկ լայնությունը՝ 74 կմ։ Այսինքն այդ վիլայեթը զբաղեցնում էր Սև ծովի գրեթե ամբողջ հարավային ափը և ուղղմավարական առանձնակի նշանակություն ուներ նեղուցների և Կ. Պոլսի նկատմամբ Ռուսաստանի ծրագրերում։ Այդ էր պատճառը, որ Թուրքիան Տրապիզոնում նշանակալից ուղղմական ուժեր էր պահում, մասնավորապես՝ ուղղմական նավատորմիղ։

Կաղրային քաղաքականության մեջ նույնպես Կ. Պոլիսը սևեռուն ուշադրությամբ էր վերաբերում այս վիլայեթին, դրա ղեկավար կազմը համալրում կենտրոնական կառավարությանը հավատարիմ ու կարող ուժերով։ Տրապիզոնի վալին Զեմալ Ազմին էր՝ երիտթուրքական կուսակցության առաջատար գործիչներից մեկը։ Նա, Դիարբեքիրի, Բաղեշի, Վանի և Սերաստիայի վալիներ՝ Ռեշիդը, Աբդուլ Հալիկը, Զևեթն ու Մուամմերը հանդիսանում էին Հայոց ցեղասպանության կազմակերպիչների նահանգային մակարդակի առաջատար ուժերը, որոնք գործնականում օգտվում էին անսահմանափակ իրավունքներից։ Ազմին վալի լինելուց բացի զբաղեցնում էր ուղղմական դատարանի նախագահի, վիլայեթի գորքերի հրամանատարի, օժանդակ զինվորական ստորաբաժանումների հրամանատարի և նավահանգստային ծառայությունների ղեկավարի պաշտոնները։

Նա պատկանում էր առավել հայատյաց թուրք գործիչների թվին։ 1919 թ. ուղղմական դատարանը նրան ևս երիտթուրք պարագուխների հետ հեռակա մահապատճի դատապարտեց։ Դատարանի վճիռը 1922 թ. Բեղինում ի կատար ածեցին Արշավիր Շիրակյանն ու Արամ Երկանյանը։ Ազմին ամեն կերպ աջակցում էին գերմանացի դիվանագետ Շուկենբերգն ու զինվորական Շտանկերը։

Տրապիզոնի վիլայեթի սանջակներն էին՝ Տրապիզոնը, Զանիկը (Սամսոնը), Գյումյուշսանեն և Ռիզեն։ 1882-ին նահանգում բնակվում էր 120.000 հայ։ 1895 թ. ջարդերը կիսով չափ պակասեցրին Հայերի թիվը։ Մաղաքիա արք. Օրմանյանի տվյալներով՝ 1911 թ. վիլայեթում բնակվում էր 63500 հայ։ Աշխարհամարտի սկզբին այդ թիվը հասավ 85.000-ի։ Այս տվյալները շատ մոտավոր են։ Կան հեղինակներ, որոնք նշում են, թե 1915 թ. Տրապիզոնի սանջակում կար 60.000, իսկ Սամսոնի սանջակում՝ 50.000 հայ։ Հայերը հիմնականում բնակվում էին ծովափնյա շրջաններում՝ Տրապիզոն, Օրդու, Կիրասուն, Տրիպոլի, Ունիե, Ռիզե։

Օրդուի կազայում կար 23 հայաբնակ գյուղ։

Պատերազմի նախօրյակին նահանգում գործում էին 74 հայկական դպրոց՝ 5003 աշակերտով և 153 ուսուցչով, 78 եկեղեցի և 3 վանք։

Այդ տարիներին Տրապիզոնի առաջնորդը եղիշե եպս. Դուրյանն էր։

1913–1914 թթ. վիլայեթում մեծ թվով չեթեական խմբեր կային, որոնք միավորվեցին «Թեշքիլաթի մախսուսայի» մեջ: Այդ կազմակերպությունը ձևավորվեց Բաղկանյան պատերազմի վերջերին և հետապնդում էր պատերազմական և դիվերսիոն նպատակներ: Սակայն աշխարհամարտի հենց սկզբին Տրապիդոն ուղարկվեց Երիտրուրքերի կենտրոնի անդամ Ռիզան՝ ձևավորելու նոր բնույթի թեշքիլաթ, կազմակերպություն, որի գլխավոր խնդիրը հայկական ջարդերն էին: Ռիզան ուղարկան դատարանում ցուցմունք տվեց, որ բացի ուղարմաճակատային թեշքիլաթից, կար նաև նույն անունը կրող կազմակերպություն, որը զբաղվում էր հայերի տեղահանության գործով¹: Դատավճռում կարդում ենք. «Միություն և առաջադիմություն կուսակցության գլխավոր ղեկավարները կազմակերպեցին «Թեշքիլաթը»: Նրանք ընդունեցին և խոստովանեցին, որ իրենք անձամբ են ստանձնել «Թեշքիլաթի մախսուսայի» ղեկավարությունն ու Հրամանատարությունը: Վավերագրական ապացույց կա, որ այդ հրոսակները ղեկավարվում էին Բ. Շաքիր բեյի կողմից, որ նա գործել է որպես Միություն և առաջադիմություն կուսակցության ղեկավար և պատասխանատու ներկայացուցիչ: Ակնհայտ է, որ բոլոր ոճիրները նախապատրաստված ու գործադրված են այդ նույն կուսակցության կենտրոնի ղեկավարությամբ»²:

Անգամ 1914-ի երկրորդ կեսին «Թեշքիլաթի» գլխավոր կենտրոնը շարունակում էր մնալ Տրապիդոնի նահանգը: Այստեղ էին գործում այդ կազմակերպության առաջատար պարագուիներից շատերը, այդ թվում էնվերի մերձավոր Յ. Զեմիլը, որն իր Հրամանատարության տակ 2000 չեթե ուներ: Չեթեական խմբեր ունեին նաև Ռիզան և գերմանացի մի գնդապետ, որոնք բոլորը գործում էին համագործակցված: Զեմալ Ազմին ինքն էր ձևավորում չեթեական ջարդարար ուժեր: Տրապիդոնում ԱՄՆ-ի հյուպատոս Օ. Հայդերի վկայությամբ՝ նա ուն Ասլան բեյին տրամադրեց 500 հոգանոց Հեջալ ընտիր ջոկատ:

Կովկասյան ուղարմաճակատի իրադարձությունները սուր արձագանք էին ունենում վիլայեթում, մասնավորապես մահմեդական բնակչության շրջանում: Դրա վկայություններից մեկն էլ այն է, որ Տրապիդոնի չեթեները Խոփայի վրայով անցան արևելք և 1914 թ. նոյեմբերին իրականացրին Արտանուշի հայության կոտորածը: Սակայն Արդահանում նրանք ջախջախվեցին:

Երր Վ. Մինախորյանը ՀՅԴ Կարինի համագումարից վերադառնալիս կանգ է առնում Տրապիդոնում, ականատես է լինում թուրքերի կողմից հայերի հանդեպ բացարձակապես ուրիշ վերաբերմունքի: Նա գրում է. «Մէկ ամիս առաջ մէր տեսած կենսուրախ Տրապիդոնը այժմ սմքել ու կծկուել էր, հայերի հանդէպ վերաբերմունքը կոչտ էր ու ոստիկանական»³: Սամսոնում նույնպես «Հայ-թրքական յարաբերութիւնները զգալապէս պաղել էին. նախ ընդհատուել էին առեւտրական փոխարարերութիւնները, որովհետեւ յանձնակատար ձեռնարկութիւնների ստուարագոյնը հայերի ձեռքին էր, որոնք այժմ դատապարտուած էին անզործութեան»⁴:

¹ «Takvim-i Vekai», 1919 թ., № 3561.

² Նույն տեղում, 1919 թ., № 3771:

³ Մինախորեան Վ., 1915 թուականը. Արհամիդքի օրեր, Վենետիկ, 1949, էջ 90-91:

⁴ Նույն տեղում, էջ 110:

Երիտթուրքերի ղեկավարների դատավարության ժամանակ կարդացին Ստամբուլի պարետ Զավիդի ծածկագիրը, այն է՝ «Տրապիզոնի իմթիհաղական կազմակերպության ղեկավար Ա. Էյուբին և նրա գործընկերներին «Թեշքիլաթի» ծախսերի համար 50 օսմանյան լիրա է ուղարկվել»: Դատարանի նախագահը հարց է տալիս Զավիդին, եթե «Թեշքիլաթը» զինվորական կազմակերպություն էր, ինչո՞ւ դրամն ուղարկվել էր բանակի հետ որևէ առնչություն չունեցող մեկին: Այդ իրողությունն ուշադրության արժանացավ նաև այն պատճառով, որ նման հեռագրերը եղակի չեին:

Դատարանում նշվեց, որ Բ. Շաքիրը «Թեշքիլաթի» հրոսակների գլուխն անցած Արդիինի շրջանի հայությանը կոտորելուց հետո Թալեաթին հայտնեց, թե «գործն ավարտել է»: Շուտով ստացվեց Իմթիհաղի կենտրոնի պատասխանը. «Քանի որ այդտեղ այլևս անելիք չունեք, Արդիինից շտապ շարժվեք ղեպի Տրապիզոն՝ առավել կարեռ պաշտոն ստանձնելու: Այստեղից եկող Յ. Ջեմիլ բեյը բերում է անհրաժեշտ հրահանգ և առաջադրանք»: Դատարանում Մ. Շյուքրին ասաց, որ խոսքը «Հայրենիքին ծառայելու համար մի կարեռ հանձնարարության մասին էր»:

Ոիգան ցուցմունք տվեց. «Որևէ գյուղի տեղահանության նպատակով ուղարկվում էր երկու ժամանակ, իսկ նրանց օգնելու համար նշանակվում էին տվյալ գյուղին կամ շրջանին ծանոթ ձեռնահաս և փորձառու մի քանի մարդիկ: Հավաքագրում էին մարդիկ, ստեղծում հրոսակախմբեր և դրանց անվանում «Թեշքիլաթի մախսուսա»... Այդ խմբերը, որտեղ ստեղծվել են, կառավարել են տվյալ շրջանի քաղաքացիական ղեկավարները»¹:

Դատավճռում կարդում ենք. «...Տրապիզոնում, Յողաթում, Բողազյանում և այլուր տեղի ունեցած կոտորածները կազմակերպելու գործադրել են Միություն և առաջադիմություն կուսակցության պարագուխները»²:

Ուղամաճակատում տեղի ունեցած իրադարձությունները հարկադրում էին եռանդուն գործողությունների դիմել նաև թիկունքում: Ազմին շտապում էր, ձգտում օր առաջ լուծել հայերի հարցը: Այդ անելու համար նա գնաց զզվելի սաղրանքի՝ ղեռ մինչև պատերազմի մեջ Թուրքիայի մտնելը հայերին հաշվեհարդարի ենթարկել: 1914 թ. հոկտեմբերի 8-ին Ազմին գրեց Թալեաթին. «Ուուսները զինել են 800 հայերից կազմած մի խումբ, որն ուղարկվել է Արդիինի ուղղությամբ»: Տրապրված է խմբի անդամների թիվը հասցնել 7000-ի: Նա գործելու է կայսրության ներառման և խնդիր ունի «խարիսկելու պետության անվտանգությունը»: Կ. Պոլիսը բուռն արձագանքեց այս կեղծարարությանը:

Տրապիզոնում Գերմանիայի հյուպատոս Բերգֆելդը 1914 թ. նոյեմբերի 6-ին գրում է, թե ուսում-թուրքական պատերազմն սկսվելուց մի քանի օր անց ուսուները ոմբակոծեցին Տրապիզոնի՝ ուղամաճական նշանակություն ունեցող մի քանի շինություններ, ինչն իշխանություններն անմիջապես գործածեցին թուրքինակչությանը զինելու, համոզելու, որ ոմբակոծության իսկական դրդապատճառները հայերն ու հույներն էին: 1914-ի վերջերին և 1915-ի սկզբներին

¹ «Takvim-i Vekai», 1919 թ., № 3554.

² Նույն տեղում, № 3604:

զորակոչված մեծ թվով հայեր զինաթափվեցին և ոռուս ուղղմագերիների հետ կոտորվեցին:

Տրապիզոնում Ավստրո-Հունգարիայի հյուպատոսը 1914 թ. նոյեմբերի 8-ին տեղեկագրում է. «...Թուրքերը լի են լավատեսությամբ, իսկ հայերն ու հույներն ընկճած և անհանգստացած են մահմեդականներին զենք բաժանելու պատճառով»¹:

Հանրի Բարբին գրում է, որ Սարիղամիշի ճակատամարտից հետո Տրապիզոնի բոլոր քրիստոնյա զինվորականները զինաթափվեցին և ուղարկվեցին կառուցելու Տրապիզոն-Գյումուշխանն անհապարհն ու այստեղ էլ մեռան քաղցից ու ցրտից²:

Ուստական բանակի կապիտան, ազգությամբ հույն Դ. Բալուլիսը գրում է. «Պատերազմի սկզբին բոլոր քրիստոնյաները զորակոչվեցին, բայց զործող բանակ չուղարկվեցին, այլ աշխատեցին ճանապարհների և ընդհանրապես, հազորակցության ուղիների վերանորոգման վրա: Տրապիզոն-Ժեղելիկ ճանապարհն կարելի էր տեսնել սայլերին լծված քրիստոնյաների, որոնք դրանք քաշում էին մինչև Բայրութ..»³:

1915 թ. ապրիլի 19-ին քաղաքում կատարվեցին զանգվածային խուզարկություններ ու մտավորականության ձերբակալություններ: Նույն բանը տեղի ունեցավ ամբողջ վիլայեթում և տևեց երեք օր:

Մայիս ամսին 250 հայ բանտ նետվեց: Հունիսի 24-ին ձերբակալվեցին հայ քաղաքական կուսակցությունների տեղական կազմակերպության անդամները: Նրանց բոլորին աքսորեցին⁴:

1915-ի մարտ-ապրիլ ամիսներին ձերբակալվեց Տրապիզոնի և Սամսոնի հայ մտավորականությունը: Վալին հայ երևելիներին առաջարկեց իր «ծառայությունը»՝ Սև ծովով անցնել Ռուսաստան՝ փրկվելու համար: Հայ գործիչները չավատացին Ազմիթի հոգացողությանը, բացի 42 հոգուց, որոնց թևերը կապեցին և հունիսի 11-ին փոխադրեցին Տրապիզոնից յոթ վերստ հեռու գտնվող Պլատանիս և նետեցին ծովը: Նրանցից փրկվեց միայն մեկը: Նա վերադարձավ քաղաք, գնաց գերմանական հյուպատոսություն և պատմեց կատարվածի մասին, սակայն հյուպատոսությունից դուրս գալու պահին ձերբակալեցին ու հիվանդանոցում թունավորելով մեռցրեցին:

0. Հայզերը 1915 թ. հուլիսի 28-ի իր տեղեկագրում պատմում է, որ հայերի այդ խմբի հետ նավ նատեցրեցին 41 զինված թուրքերի: Երբ նավը դուրս եկավ բաց ծով, թուրքերը կրակ բացեցին հայերի վրա: Վերջինների մոտ զենք կար և նրանք պատասխանեցին, բայց փրկվել չկարողացան:

Այս եղանակով ծովում խեղղվեց տրապիզոնցի 10.000 հայ⁵: Որևէ մեկին բացառություն չէր արվում: Երեխաներին պարանով կապում ու ծովն էին նետում⁶:

¹ «Բնօրրան», Երևան, 1995 թ., № 1, էջ 10:

² Եարծ A, В стране ужаса. Мученица Армения. Т., 1919, с. 18-21.

³ АВПР, Политархия, оп. 104, л. 40-41.

⁴ Statsarchiv Dresden, B 1, № 1952, с. 13-14.

⁵ АВПР, ф. Отдел печати и осведомления. 1915-1916, д. 628, л. 19-20.

⁶ Lepsius J., Deutschland und Armenien 1914-1918, Potsdam, 1919, с. 377.

Ռուսական բանակը սրընթաց առաջանում էր, դրան համընթաց Տրապի-
զոնում աճում էին խուճապային տրամադրությունները: Բանը հասավ նրան,
որ հունիսի 16-ին սկսվեց վիլայեթի հիմնարկների տարհանումը:

Դրանից երեք օր առաջ՝ հունիսի 13-ին, ստացվեց տեղահանության հրա-
մանը, որի շարադրանքը հաջորդ օրը փակցվեց քաղաքի տների պատերին: Դա
նաև տպագրվեց «Տրապիզոնղա մեշվերեթ» պաշտոնաթերթում:

Այդ հրամանը հետևյալն էր.

«Օսմանյան տարրերի մաս կազմող մեր հայ հայրենակիցները շատ տարի-
ներ ի վեր դրսի թելադրանքների հետևանք հանդիսացող հոռի և կարգը խան-
գարող մի շարք գաղափարներ տարածելով, իրենց հանգստի և շահերի հետ
միասին օսմանյան երկրի և մյուս հայրենակիցների հանգիստն ու անդորրն էլ
խանգարել են, մանավանդ հայ համայնքը նաև համարձակվել է միանալու մեր
թշնամիներին: Թե՛ երկրի անվտանգությունը, խաղաղությունը և անդորրու-
թյունը և թե՛ հայ համայնքի գոյության տևականությունը և անվտանգությունը
պահպանելու համար մեր պետությունը հարկադրված է արտակարգ միջոցներ
ձեռնարկել և, զոհորություն կատարելով, մինչև պատերազմի ավարտը հայե-
րին բնակեցնել ու տեղափորել ներքին նահանգներում նախապատրաստված
վայրերը: Բոլոր օսմանցիները պարտավոր են խստորեն հնագանդվել այս
օրենքին:

1. Բացառությամբ հիվանդներից, բոլոր հայերն այս տեղեկացումից հինգ
օր անց ժանդարմների հսկողությամբ, ըստ թաղերի և զյուղերի, հերթականու-
թյամբ և ամբողջությամբ պարտավոր են հեռանալ (իրենց բնակավայրերից):

2. Թեև մեկնելիս հայերն աղատ են իրենց հետ տանելու շարժական ունեց-
վածք, սակայն արգելված է վաճառել անշարժ սեփականությունը և հողերը ու
մնացած կահ-կարասին ու գույքը կամ դրանք ուրիշներին պահ տալ: Որով-
հետև այս հեռանալը (տեղահանությունը) ժամանակավոր է... և շարժական
ունեցվածքը, որ հետները տանել չեն կարող, պետք է դրվեն անվտանգ և
ամուր շենքերում ու պահևնեն կառավարության հսկողության ներքո: Հայերի
վերադառնալուց հետո դրանք վերադարձվելու են նրանց: Այս հանձնարարա-
կանին հակառակվողները, հայերի շարժական ու անշարժ ունեցվածքը
գնողներն ու վաճառողները կամ պահպանության վերցնողները հանձնվելու
են ուղամական դատարանին: Միայն ժույլատրվում է բանակին անհրաժեշտ
գույքերը վաճառել իշխանություններին:

3. Ճանապարհին հայերի հանգիստն ապահովելու, նրանց վրա հարձակում-
ներ թույլ չտալու և նրանց անվտանգ ժամանակավոր բնակավայրեր հասցնե-
լու միջոցները նախապատրաստված են:

4. Հայ համայնքի մեկ կամ մի քանի անդամների սեփականության, կյանքի
կամ պատվի վրա հարձակում գործողների դեմ ուղեկցող զորախմբերը զենք են
գործադրելու և նրանց ձերբակալելով հանձնելու են ուղամական դատարանին՝
մահվան դատապարտելու: Հայերի խարեւության հետևանքով են այս ցավալի
միջոցները ձեռնարկված, որոնք մյուս տարրերի հետ որևէ առնչություն չունեն:
Ուրիշ ազգության պատկանողները չեն կարող որևէ ձեռվ կամ եղանակով
միջամտել այս խնդրին:

5. Հայերը պարտավոր են հպատակվել կառավարության որոշումներին: Եթե նրանցից որևէ մեկը համարձակվի դիմումի կամ ժանդարմի վրա զենք գործածել, դրանք փոխադարձվելու են զենքի գործադրմամբ և նրանք մեռած վիճակում են բռնվելու: Նաև կառավարության որոշումներին հակառակվող-ները, մեկնել չցանկացողները, կամ որևէ տեղ թաքնվողները և նրանց իրենց տներում պահողները, կերակրողները և նրանց թաքնվելն ապահովող անձինք հանձնվելու են ուղմական ատեան՝ մահապատժի դատապարտվելու:

6. Հայերը չեն կարող ունենալ սուր զենքեր և հրազեն՝ տներում կամ դրսում թաքցրած: Բոլոր տեսակի զենքերը՝ ատրճանակ, ոռումք կամ սուր, բոլորը պետք է հանձնվեն կառավարությանը: Այդ և այլ տեսակի զենքերը, որոնցից շատերի մասին կառավարությանը տեղյակ է պահված, ունենալն ուրանալու դեպքում, տերերը պատասխանատու են և խստորեն պատժվելու են:

7. Գյուղերում, թաղամասերում և ճանապարհներին կողոպուտ, հափշտակություն անողների, հայերի վրա հարձակում կամ բռնարարքներ կատարողների դեմ պահապան զինվորներն ու ժանդարմները զենք են գործածելու և թույլատրված ու հանձնարարված է նմաններին սպանել:

8. Օսմանյան բանկին պարտք ունեցողները այդ պարտքի փոխարեն կարող են ապրանք հանձնել որպես երաշխիք, միայն թե, եթե կառավարությունը հարկ համարի, այդ գույքերը կարող է ստանալ զինվորական կարիքների համար՝ զինը վճարելու պայմանով: Պարտքի ստույգությունը պետք է հաստատվի կառավարության կողմից: Դրա համար էլ գլխավոր փաստաթուղթը համարվում է առևտրականների տոմարները:

9. Մանր ու խոշոր անասունները, որոնք հնարավոր չեն հետները տանել, գնվելու են բանակի համար:

10. Հայերի ճանապարհին ընկած նահիեների, կազաների, լիվաների և վիլայեթների պաշտոնատարները տեղում օգնություն պետք է ցույց տան¹:

Այն հանգամանքը որ հրահանգը (հավանաբար նա ոչ թե տեղում էր կազմված, այլ երիտթուրքական կենտրոնի որոշման շարադրանքն էր) տպագրված էր վիլայեթի պաշտոնաթերթում, որի թե՛ տնօրենը՝ Նաջին և թե՛ խմբագիրը՝ ։ Քեմալը երիտթուրքական անհայտ գործիչներ չեին ու նաև այն, որ նույն բանը կատարվում էր նաև մյուս վիլայեթներում (օրինակ, Կեսարիայում տպագրվեց «Կայսերի» (խմբագիր՝ Սարբի), Սերաստիայում՝ «Գրզը ըլմագ» (խմբագիր՝ Նիկիթ) պաշտոնաթերթերում, ասում է, որ խոսքը ոչ թե օրենքի վերաբերյալ տեղեկատվության էր վերաբերում, այլ դա գործողության մեջ գնելու մասին):

Ակնհայտ է, որ այդ օրենքը ոչնչացման փաստաթուղթ էր: Տրապիզոնն առաջին վիլայեթն էր, որտեղ սկսվեցին ուսու-թուրքական պատերազմի մարտական գործողությունները: Դրա համար էլ այստեղ օրենքի գործադրումը կատարվեց անմիջապես: Արդեն «տեղահանության հրամանն ստանալու օրվա երեկոյան,- վկայում է թուրք սպան,- 40 հայ ծովը նետվեց և 500 հայ զինվոր սպանվեց: Դիակները Դեյիրմեն զետը նետեցին»:

¹ Պազարեան Հ., նշվ. աշխ., էջ 76-78:

Որ Տրապիզոնում տեղահանվելուն պատրաստվելու համար հայերին հինգ օր ժամանակ էր տրվել, կան մի քանի վկայություններ:

Բայց ահա թե ինչ է գրում Շոյբներ-Ռիխտերը. «Տրապիզոնի վիլայեթում գրեթե բոլոր տղամարդիկ սպանված են: Երգնկայում իմ եղած ժամանակ Տրապիզոնի հայերի շարասյուներում տղամարդ չտեսա: Անգամ տարագրման ձեն էր շատ դաժան: Այսպես, օրինակ, Տրապիզոնում հայերին միայն մի քանի ժամ էր տրվել և նրանց արգելել էին իրենց ունեցվածքից որևէ բան վաճառել: Կառավարությունը հայերին փոխադրամիջոց չի տվել և նրանք ստիպված էին հետիոտն գնալ: Նման դաժանությամբ հայերին վերաբերվել են նաև Սրբազում»:

Գերմանացի դիվանագետին թուրքական դաժանություններն անհանգըստացնում էին, սակայն, միայն անձնական, մարոկային պլանով, որի և պաշտոնական դիրքորոշման միջև անջրպետ կար: Նա գրում է դեսպանին. «Համաձայն Ձերդ գերազանցության կարգադրությունների՝ մենք իրավունք չունենք դիմադրել անմեղ հայերի տարագրմանը, նաև իրավունք չունենք նրանց պաշտպանել»: Այսքանը: Առանց վերաբերմունքի:

Տրապիզոնում տեղահանության սկզբի իրադարձությունների մասին տարակարծիք վկայություններ կան: Հավանաբար ճշմարիտն այն է, որ հայտարարություններով հայերին, իրոք, հինգ օր ժամանակ տրվել էր, մինչդեռ իրականում այդ ժամկետը խախտվել էր ի վնաս նրանց: Հայտարարության երեսում միաժամանակ հեծյալ ոստիկանները շրջափակեցին թաղերը, քաղաքում արգելվեցին երթևեկությունն ու հաղորդակցությունը: Հունիսի 15-ին քաղաքում կային 14.000 զինվոր և ավելի բան 1000 ոստիկան ու ժանդարմ:

Տրապիզոնում բոնագաղթն, իրոք, սկսվելով հունիսի 17-ին, տևեց մինչև հուլիսի 6-ը: Հայերը պետք է անմիջապես մեկնեին՝ իրենց ունեցվածքը վստահելով «պետական հակողությանը: Դա կազմակերպված կողոպուտ էր պետության և թուրք խուժանի կողմից»:

Հայերին խուժմբ-խումբ քաղաքից հանեցին: Կարավանները կազմված էին 400-500 հոգուց: Դրանց բախտը տնօրինում էին Թեքբելի Նեշաղիի մարդասպանները, որոնք տարագիրների մեծ մասին սպանեցին երգնկայի ճանապարհին: Հյուպատոսը մերժում է թուրքական կեղծարարությունը, թե բոնագաղթը ծնեց «Հայերի դավաճանությունը»: «Զհաստատուեցաւ երբեք, թէ մէկը գտնուած ըլլայ, որ կառավարութեան դէմ ուղղուած շարժումի մը մասնակից ըլլայ: Եթէ մէկ հայ էր, ատիկա բաւական էր, որպէսզի իբր ոճրագործ վարուին» ամբողջ ազգի հետ ու տարագրեն¹:

Ինչպես շատ այլ տեղերում, այնպես էլ Տրապիզոնում, տեղահանության սկզբնական շրջանում հայերի հանդեպ վերաբերմունքը համեմատարար մեղմ էր. նրանց թույլ տվեցին կառքեր և փոխադրության ուրիշ միջոցներ վարձել, հղի կանանց չգաղթեցրեցին, հիվանդներին հիվանդանոց ուղարկեցին, հայ կաթոլիկներին չեին տարագրում: Բայց դա կարճ տևեց: Քիչ անց՝ բոլորին բոնագաղթեցրին:

¹ Լեփսիուս Յո., նշվ. աշխ., էջ 7:

Այդ իրադարձությունների մասին Բերգֆելդի 1915 թ. հուլիսի 9-ի գեկուցագրում կարդում ենք, թե Հունիսի 24-ին Հայկական կոմիտեի ղեկավարները ձերբակալվեցին և Սամսոնի վրայով քշվեցին երկրի խորքերը: «Նույն օրը տեղեկացա, որ բազմաթիվ Հայերի տարագրությունը նախապես ծրագրվել էր և նկատելի էր, որ ձգտում կար անկարգություններն օգտագործել այստեղի Հայերի դեմ: Ես վալիին այդ մասին ասացի և նրանից ստացա միանգամայն որոշակի բացատրություն, որ Հայերի Հավանական արտաքսումը, անգամ զինված զիմաղրության դեպքում, կարող է տեղի ունենալ միայն քաղաքացիական և ռազմական իշխանությունների և ոչ թե ինչ-որ անհայտ մարդկանց կողմից: Հունիսի 26-ին Հայերին կարգադրեցին տարագրվել երկրի խորքերը»:

Որևէ իրի վաճառքը արգելված էր: Խանությները պետք է կնքվեին, բոլոր իրերը բնակարաններից տարվեին որոշակի տեղեր, զրվեին կառավարության տնօրինության տակ, իսկ դրամը Հանձնվելու էր դրամատուն:

Նահանգից տարագրվեց մոտ 30.000 մարդ: Նման զանգվածային տեղափոխություն ճանապարհներով, որտեղ չկային բավականաչափ սնունդ և իջևանատուն, և շատ Հայեր առաջին 300 կմ անցան բժագոր տիֆով հիվանդ: «Այս պայմաններում Հայերի, Հատկապես կանանց և երեխաների, շրջանում պետք է որ ահավոր զոհեր լինեին, ինչը արտասահմանում և, մասնավորապես, Գերմանիայում արդարացի քննադատության է ենթարկվելու... Այդ պատճառով ես Կոստանդնուպոլիսի կայսերական դեսպանությանը իրերի դրության մասին Հաղորդել եմ և միաժամանակ ջանացել եմ Հասնել նրան, որ տեղական վալին մեղմացնի իր հրամանը: Նա ինձ բարեկամաբար ու համբերությամբ լսեց և ընդուածեց որքան կարող էր»: Տարագրությունից, նախ, ազատվելու էին մինչև 10 տարեկան երեխաները, այրի կանայք, հիվանդները և հղի կանայք, ինչպես նաև կաթոլիկ Հայերը: Հիվանդներին և հղի կանանց թույլ էր տրվելու իրենց խնամողի հետ մնալ, չտարագրվել:

Վալին նաև խոստացել էր տարագրվածներին թույլ տալ վաճառելու թանկարժեք իրերը: «Դժբախտաբար, տարագրության երրորդ օրն այդ արտոնությունները վերացվեցին:

Կան նշաններ, որ շատ տեղերում Հայերի կոտորածները կանխամտածված են: Երգնկայի և Դիարբեքիրի միջև լեռնային ճանապարհի վրա Հայերը կոտորվել էին քրդերի կողմից:

«Պետք է ասել, որ շատ թուրքեր կանանց ու երեխաների տարագրման հետ Համաձայն չեն...

Կայսերական հյուպատոսության և իմ տան առջե, ուր տեղափոխվել եմ ուսական նավատորմի կողմից քաղաքը գնդակոծելուց հետո, տեղի էին ունենում սրտաձմիկ տեսարաններ: Բազմաթիվ կանայք աղերսում էին փրկություն իրենց կամ գոնե իրենց երեխաների համար...»¹:

Ակունին վկայում է, որ տեղահանման պաշտոնական հրամանն եկավ Կոստանդնուպոլիսից: Դա կենտրոնական իշխանության և «Միություն և առաջա-

¹ Լեփախուս Յո., նշվ. աշխ., փաստ. № 35:

դիմություն կոմիտեի գործն էր»: *Տեղական իշխանությունները, որոշ մուսուլմաններ փորձեցին դիմադրել դրան, մեղմացնել դա, բացառություններ անել կամ չկատարել հրամանը: Սակայն կենտրոնական իշխանության հրամանը հաստատվում էր ամենայն վճռականությամբ և բոլորն ստիպված էին անխոս կերպով ենթարկվել:*

Ամերիկյան Հյուսատոսարանը միջամտեց և փորձեց փրկել գոնե կանանց ու երեխաներին: Հաջողվեց ձեռք բերել ազատման մի քանի հրամաններ, սակայն դրանց վրա ուշադրություն չէին դարձնում: Միության և առաջադիմություն կոմիտեի տեղական մասնաճյուղի և Կոստանդնուպոլսից եկած նորանոր հրահանգների պատճառով¹:

«Դա անմեղների իսկական բնաջնջում և սպանդ էր,- գրում է «The New York Times»-ը 1915 թ. սեպտեմբերի 16-ին,- մի չլսված բան մարդկության, քրիստոնեության և ազգության ամենասրբազն իրավունքների լկտի ոտնաշարման սև օրինակ: Կաթոլիկ հայերը, որոնց անցյալում միշտ էլ հարգել են և կոտորածներից հեռու պահել, այս անգամ դաժանորեն տուժեցին, դարձյալ կենտրոնական կառավարության հրամանով: Տրավիդոնում մոտ 14 հազար հայ կար՝ գրիգորյան, կաթոլիկ և բողոքական, նրանք երբեք անկարգությունների առիթ չեն եղել, կամ էլ ոստիկանության լուրջ միջամտության պատճառ չեն դարձել: Երբ հեռանում էի Տրավիդոնից, այնտեղ հազիվ 100 հայ մնացած լիներ»:

Օ. Հայզերը բռնագաղթի հայտարարության հրապարակման առթիվ նաև գրում է. «Անհնար է փոխանցել վախի ու հուսահատության այն զգացումը, որ համակել է մարդկանց՝ հայտարարության հրապարակումից հետո: Ես տեսել եմ ուժեղ, հպարտ, հարուստ մարդկանց, որոնք հեկեկում էին երեխաների նման, երբ պատմում էին ինձ, որ իրենց աղջիկներին ու տղաներին հանձնել են թուրք կամ պարսիկ հարևաններին: Ես գիտեմ, որ մի հայ կին խելագարվել էր, ևս երկու նման դեպք արձանագրվել էր նույն թաղամասում: Շատերը թույն էին պատրաստում՝ հրամանը չփոխելու դեպքում գործածելու համար»:

Փոխադրական մատչելի որևէ միջոց չկար, ձիերը, սայլերն ու մեքենաներն օգտագործվում էին ուազմական նպատակով և հարկադրում էին մարդկանց 60 օր քայլել մինչև հասնեին նշանակման վայրը:

«The New York Times»-ի վերը նշված համարում զետեղված է նաև մի հոդված այն մասին, թե ինչպես հայերն ու հույները բռնություններ էին գործադրել թուրք իմամի ընտանիքի նկատմամբ: Հյուպատոսի կարծիքով՝ նման հոդվածի տպագրելն առնվազն անպատճ էր, մանավանդ որ նկարագրվածի հավաստիությունը շատ կասկածելի էր, որովհետև հոդվածի նշած վայրում (էրդանես) հայեր ու հույներ չեն բնակվում:

Նույն կապակցությամբ Բերկֆելդը հունիսի 11-ին տեղեկագրեց, թե տարագրության հրամանը և դրա հիման վրա թուրքական իշխանության ձեռնարկած միջոցները հայերի զանգվածային բնաջնջում են նշանակում: Նա

¹ Ակունի Ս., նշվ. աշխ., էջ 178:

խնդրում է վալուն գոնե երեխաներին ու հղի կանանց չտարագրել: Ազմին խոստացավ, բայց հունիսի 19-ին՝ տարագրության առաջին օրը, ասաց, թե կենտրոնից ամենախիստ հրամաններ են ստացված՝ առանց որևէ բացառության, բոլորին տարագրել: «Times»-ը 1915 թ. հոկտեմբերի 10-ին տպագրեց Տրավիդոնում իտալիայի Հյուպատոսի պատմածները, թե «Համաձայն Կ. Պոլսից ստացված հրամանների՝ Տրավիդոնի բոլոր հայերը պետք է սպանվեին: Մուսուլմաններից շատերը փորձել էին փրկել իրենց քրիստոնյա հարևաններին ... բայց իշխանություններն անողոք էին»:

Մեջբերումները հաստատում են մի իրողություն՝ Կ. Պոլիաը տվել էր ոչ միայն բոլոր հայերին, առանց բացառության, բռնագաղթելու, այլև նրանց ոչնչացնելու հրաման: Հարկ է նշել նաև, որ հունիսի 13-ի հրամանը տեղահանության առնչությամբ Կ. Պոլսից ստացված միակ փաստաթուղթը չէր: Հուլիսի 29-ին ստացվեց ՆԳ նախարարության հրահանգը հայ երեխաներին թուրք ընտանիքների վրա բաժանելու վերաբերյալ: Օգոստոսի 11-ի, 13-ի, 26-ի և սեպտեմբերի 9-ի հրահանգներով հանձնարարվում էր հայերի «լքյալ գույքերից» բաժին հանել 3-րդ, 4-րդ և 6-րդ բանակներին:

Հուլիսի 31-ի և սեպտեմբերի 15-ի հրահանգներով՝ հայերի գեղատների դեղորայքը հանձնվեց Կարմիր մահիկին և թուրքական հիվանդանոցներին: Սեպտեմբերի 8-ի հրահանգը պահանջում էր հայկական դպրոցների շենքերը տրամադրել մուհաջիրներին և մահմեղական դպրոցներին: Մի այլ հրահանգով՝ եկեղեցիները վերածվեցին պահեստների, բնականաբար «դրանք ազատելով» իրենց սպասքից ու գրականությունից:

«Այստեղի հայերը պետք է Մոսուլ տարվեն, - գրում է Ավստրո-Հունգարիայի հյուպատոսը: Ի դեմս այդ օրհասական և տեղի հայերի մեղքերի հետ անհամապատասխան միջոցառումների, պարտք եմ համարում մատնանշելու տեղահանվածների մեծագույն մասի, այդ թվում՝ բազմաթիվ կանանց ու երեխաների մահվան ակնհայտ նպատակ հետապնդող գործելակերպի քաղաքական ծանր ու նաև մեզ դիմում տնտեսական հետևանքները: Գուցե, այնուամենայնիվ, հնարավո՞ր է հասնել մեղմացման և սահմանափակել խիստ միջոցները, զրանք տարածելով միայն տղամարդկանց վրա, գուցե՞ հնարավոր լինի հայերին տեղափոխել վիլայեթի խորքերը: Հեռավոր Մոսուլ բռնագաղթեցները, օթևանի և սննդամթերքի բացակայության պայմաններում, նմանվում է մահապատժի»¹:

«Հայ կաթոլիկ փոխերեցը լաց լինելով ինձ կրկին խնդրեց միջամտել հայերի համար: Համաձայն այսօրվա հրամանագրի՝ բոլոր հայերը, հիվանդներից բացի, պարտավոր են հինգ օրվա ընթացքում հեռանալ վիլայեթից: Նրանք տեղափոխվում են երկրի խորքերը՝ իշխանությունների որոշած վայրերը: Մրտաճմլիկ տեսարան է»²:

«Պետք է պատմության էջերը ետ չըջենք, որպեսզի կարողանանք հանդի-

¹ Wien HHSTA PA XL 209, Konst., 27 Juni 1915.

² Նույն տեղում:

պել մի ամբողջ ժողովրդի ոչնչացման նման մի այլ դեպքի»¹:

Կանանց ու երեխաներին նավերով ծով էին հանում ու խորտակում²: Հայերին ասում էին «Շատ բան հետներդ մի՛, վերցրեք», «փոքր առնետներն (երեխաներն) էլ են վտանգավոր»³:

Որոշ աղբյուրների տվյալներով՝ իրաղեներ եղել են Հայերի ո՛չ միայն բռնագաղթի, այլ նաև ոչնչացման մասին: Պարզապես տեքստային ձևակերպումներն այնպիսին են, որ դժվարացնում են նման հրամանների գոյությունն ապացուցելը:

Հնչակյան գործիչ Գարեգին Կողիկյանը, որ թուրքերի խոշտանգումներից գերծ մնալու համար հետագայում կնոջ հետ խեղղվեց ծովում, վկայել է. «Ոչ մէկ հայ զերծ մնաց յանկարծական աքսորէն, որուն ընթացքին այրեր իսկոյն զատուելով բռնամահը ճաշակեցին, իսկ կանայք ու մանկտիք խումբ-խումբ կորսուեցան դէպի ներքին զաւառներ, երևակայութենէ դուրս անգթութեանց նշաւակ: Յիշենք միայն եւ անցնինք, թէ Տրապիզոնէն 36 երիտասարդ, մեծ մասամբ ոռուսահպատակ, մակոյկներով տարուելով ծովամոյն եղան տարագրութեան նախօրէին»⁴:

Հայերին ծով թափելու իրողությունը հաստատել է նաև ինքը՝ ջեմալ Ազմին: Մի առիթով նա ասել է. «Տրապիզոնի հայերուն երկան առողջ ու սիրուն մանուկները զատեցի, մէկ քանին, 10-13 տարեկան, նուէր տուի տղուս, իսկ միւսներն ալ կողովներու եւ սնտուկներու մէջ տեղաւորել տալով ծովը թափել տուի»: «Պու սենէ Խամսի չողալսին (Այս տարի Խամսի ձուկը թող շատանա)», - ավելացրել է ճիվաղը⁵: Ռազմական զատարանի զատավճռում նշկում է, որ Ազմին հայերի զանգվածային ջարդերի կազմակերպիչն էր, որոնք իրականացվել են գիշերները նրանց ծովում խեղղելու միջոցով:

Տրապիզոնի վիլայեթում հայասպանության հարցը քննելու ժամանակ վիլայեթի առողջապահության տեսուչը գրավոր զեկուցագիր ներկայացրեց, որ առողջապահության տեսչության պետ Ալի Սահրը «պատճառ հանդիսացավ անհամար թվով հայ երեխաների մահվան, որոնց մորֆին էին ներարկել»: Այս եղրակացությունը հիմնված էր Տրապիզոնի հիվանդանոցի մի քանի աշխատակիցների վկայությունների վրա⁶:

Նույն խնդիրների մասին Գերմանիայի հյուպատոսը գրում է. «Հուլիսի 1-ին քաղաքի բոլոր փողոցները բռնել էին ժանդարմները: Մի նրբանցքում հավաքեցին 100 հայ ու քաղաքից հանեցին, որտեղ կուտակեցին 2000-ից ավելի մարդու: Հաջորդ չորս օրերին հավաքեցին ևս 8000 հոգի: Նյութական հնարավորություն ունեցող հայերին վալին թույլ տվեց վարձել սայլեր, որոնք անասելի թանկ արժեին: Քաղաքից դուրս զալուց հետո վարձողներին հարկադրեցին հրաժարվելու սայլերից: Հայերն իրենց հետ մեծ քանակությամբ սննդամթերք

¹ Wien HHSTA PA, XXXIII 368, Trapezunt, 20 Juli 1915;

² Նույն տեղում, 31 July 1915;

³ Նույն տեղում, September 1915:

⁴ Թէոդիկ, Յուշարձան նահատակ մտաւորականութեան, Ե., 1985, էջ 92:

⁵ «Թե՛ւլիրեան արդարահատոյցը», Պէյրութ, 1981, էջ 52:

⁶ “Геноцид - преступление против человечества”. Մ., 1997, с. 32-33.

վերցնել չկարողացան, որովհետև Հունիսի 25-ին վալին արգելեց Հայերին որևէ բան վաճառել ու նրանցից գնել: Իրականում, Հայերի հետ առևտուրն արգելվել էր 6-8 ամիս առաջ և նրանք իրենց սննդի պաշարներն սպառել էին ու ճանապարհ ելան չնչին քանակի սննդամթերքներով: Ով էլ ինչ որ բան վերցրել էր, խլեցին: Ով ճանապարհին այլևայլ պատճառով ընկնում էր, սվինահար էր լինում: Գետը ծով էր տանում մեծ քանակությամբ դիակներ: Բոնագաղթից 15 օր անց Հյուպատոսը քաղաք տանող ճանապարհին տեսել էր մեծ թվով մերկ դիակներ:

Ժանդարմերիայի սպաները բոնաբարեցին կանանց ու աղջիկներին: Երեխանների գլուխները խփում էին ժայռերին ու ջախջախում: Բոլոր կանանց, առանց բացառության, սպանում էին»¹:

«*Приазовский край*» թերթը տպագրեց 11 տարեկան Ա. Թոխմազյանի և 10 տարեկան Պ. Թութունյանի պատմածները, թե ինչպես թուրքերն առանձնացրեցին ուսահայերին ու տարան ծովում խեղղեցին: Արար զինվորական Ա. Բաայը, որ 1915-ի Հուլիսին մասնակցել է Տրավիզոնի ուղղմական դատարանի նիստերին, պատմում է, որ «Հրաման ստոցվեց Տրավիզոնի վիլայեթի բոլոր Հայերին տարագրել երկրի խորքերը... Ես հասկանում էի, որ աքսորելը նշանակում է բնաջնջել... Մի իրադե հրապարակվեց, համաձայն որի՝ բոլոր դասալիքները պետք է գնդակահարվեին տեղնուտեղը, առանց դատի ու դատավճռի: Իրադեի գաղտնի շարադրանքում «դասալիք» փոխարեն գրված էր «Հայեր»²:

Օ. Հայզենը տեղեկագրել է. «Նաբախթ օրը, Հունիսի 26-ին Հրապարակվեց տարագրության մասին օրենքը: Հինգչաթթի, Հուլիսի 1-ին բոլոր փողոցները փակվեցին սվինակիր ժանդարմներով, որոնք սկսեցին Հայերին դուրս քշել իրենց տներից: Տղամարդկանց, կանանց և երեխաններին փոքր խմբերով հավաքեցին Հյուպատոսության մոտի փոքրիկ փողոցում: Երբ հավաքվեց մոտ հարյուր Հոգի, ժանդարմները սվիններով նրանց առաջ քշեցին կիղիչ արևի տակ՝ էրզրումի փոշոտ ճանապարհով:

Նրանց կանգնեցրին քաղաքից դուրս, և, հավաքելով 2000 հոգանոց կարավան, քշեցին առաջ: Երեք նման կարավաններ, ընդհանուր թվով կազմված 6000 մարդուց, տարագրեցին առաջին երեք օրում: Ավելի ուշ Տրավիզոնից և նրա մերձակայքերից արտաքսվեց ևս մոտ 4000 մարդ: Կանանց ու երեխանների ողբն ու լացը սիրտ էին մղկտացնում: Այստեղ էին վանականներ, առետրականներ, բանկիրներ, իրավաբաններ, արհեստավորներ: Նաև անգապետն ասաց ինձ, որ իրենք պետք է տեղահանվածներին ապահովեին վարձով փոխադրական միջոցներով, սակայն Հունիսի 26-ից հետո Հայերին արգելվեց որևէ բան վաճառել կամ գնել: Հարուստ սեփականատերերը գնում էին հետիւտն, հետներն ունենալով միայն այն, ինչ կարողացել էին հապշտապ վերցնել և շալակով տանել: Երբ Հյուծվածները հետ էին մնում կարավանից, նրանց սվիններով ծակում ու նետում էին գետը: Դիակները ջրի հոսանքը տանում էր ծով կամ ոչ խորը տեղերում դրանք կպչում էին քարերին ու կուտակվում, որտեղ քայլայ-

¹ «Германские источники о геноциде армян». Ер., 1991, с. 240.

² Mandelstam A., Le sort de l' Empire Ottoman, Lausanne-Paris, 1917, p. 278.

վում էին, շրջապատում գարշահոտություն տարածելով: Ես խոսել եմ ականա-
տեսների հետ, որոնք նկարագրված դեպքերից տասնհինգ օր անց գետի մակե-
րեսին բազմաթիվ դիակներ էին տեսել»¹:

1915 թ. օգոստոսի 23-ին Շտանգեն հաղորդեց Բեռլին. «...Տրապիզոնի տե-
ղահանգածներից տղամարդկանց առանձնացրել ու տարել են լեռներն ու զին-
վորների օգնությամբ մորթել են, իսկ կանայք ողբալի վիճակում քչվել են
երգնկա: Թե ի՞նչ է եղել նրանց հետ, գեռսս հայտնի չէ: Տրապիզոնում հայերին
նավով տարել են ծովի խորքը և թափել ջուրը: Տրապիզոնի եպիսկոպոսը հրա-
վիրվել էր էրզրումի ուազմական դատարան և ճանապարհին իր ուղեկիցների
հետ միասին սրախողխող էր արվել»²:

Հոռմի «El Messagero» պարբերականում օգոստոսի 25-ին տպագրվեց
Հարցագրույց Տրապիզոնում Խոտալիայի հյուպատոս Կորինիի հետ: Նա ասում
էր, որ սկսած Հունիսի 11-ից, հայերին հանեցին իրենց տներից: «Եթե բոլոր
տեսնեին, ինչ տեսա ես սեփական աչքերով, ապա քրիստոնեական ամբողջ
Հավաքականությունն ինքն իրեն կհարցներ, թե արդյո՞ք մարդակերներն ու
վայրի գազանները չեն միավորվել կատարելու այն, ինչ Տրապիզոնում տեղի
ունեցավ, երբ աստիճանաբար ու հետևողականորեն զենքով, քաղցի միջոցով,
հրով ու սրով սպանում էին մի ամբողջ ժողովուրդ: Այդ այնքան սարսափելի է,
որ իրողություն լինելով հանդերձ, մնում է ոչ ճշմարտանման, աներևակայելի
անգամ ամենաայլասերված երևակայության համար»³:

«Times»-ը 1915 թ. սեպտեմբերի 13-ին գրեց, որ «Հայկական ծովեզերքը
դատարկվում է, հայ բնակչությունն ուղարկվում է Միջազգետքի խորքերը: Բա-
նակի համար պիտանի մարդկանց մեծ մասին սպանել են, իսկ մնացած բնակ-
չությունն անտեր է մնացել: Շատերը մահանում են համաճարակներից»: ԱՄՆի
հյուպատոսի Հունիսի 28-ի տեղեկագրում նշվում է. «Վեց հարիւր երեւելիներ
լեցուցին փոխադրանաւերու վրայ՝ Սամսոն դրկելու համար: Քանի մը ժամ ետք
նաւերը վերադարձան պարապ: Ծովուն բացերը ժանտարմաներով լեցուն
նաւեր անոնց կը սպաննեին: Բոլորը սպաննուեցան եւ ծովը թափուեցան»⁴:

Հայերին ծովը թափելու մասին վկայություն կա նաև Կոլոչեի հուլիսի
25-ի տեղեկագրում. «26 հայերի նստեցրել են մի նավակ և ծովում խեղղամահ
արել: Նրանցից միայն մեկն է փրկվել և փախել խոտական դեսպանատուն: Սակայն նրան հանձնել են թուրքերին, որոնք այդ հային կենդանի թաղեցին»⁵:

Այդ ջարդի մասին «Times»-ը 1915 թ. հոկտեմբերի 7-ին գրեց. «Ենթարկ-
վելով ստացված հրամաններին՝ ժանդարմերը տներից դուրս էին վոնդում բո-
լոր քրիստոնյաներին, նրանց մեկտեղում էին և փողոցներով քշում դեպի ծով: Ապա նստեցրել էին առագաստանավեր և ափից հեռանալով նրանց նետել էին

¹ НАН РА, Из истории геноцида армян, с. 18-19.

² Lepsius J., Deutschland und..., s. 143-144.

³ «Новое время», 11 мая 1916 г.

⁴ Թինոն Ռ., Հայերու բնաջնջումը. գերմանական մեթոս, թուրքական գործելակերպ, Կ. Պոլիս, 1919, էջ 45-46:

⁵ “Геноцидът над арменците... фонд № 321, оп. 1, д. 2462, с. 40.

ջուրը: Ամբողջ Հայ ժողովուրդը՝ 8-10 հազար հոգի, այդպես մեկ օրում վերացվեց»:

Տրապիզոն քաղաքի և մերձակա բնակավայրերի տարագրությունը չհաջակվեց: Տեղի ունեցան մի քանի ինքնասպանություններ և մի հրդեհ: Այլ միջաղեալեր չեղան:

Բոնագաղթից ազատվել խնդրողների մեջ առաջնները հոգեորականներն էին, տեղի առաջնորդի տեղակալն վալուն անգամ խնդրեց թույլ տալ դառնալու մահմեղական: Վալին պատասխանեց, թե կրոնափոխ լինելը նրա անձնական գործն է և բոնագաղթն էլ ուղղված է ոչ թե քրիստոնյաների, այլ Հայերի դեմ¹:

Կ. Պոլսում Գերմանիայի դեսպանի սեպտեմբերի 4-ի զեկուցագրում տեղ է գտել Հյուպատոսի մտքի շարունակությունը.

Դեսպանը գրում է. «Քանի որ ես ինձ վերապահում եմ Հետազա Հաշվետվության իրավունքը, ապա պետք է նկատեմ, որ կայսերական Հյուպատոսության՝ Տրապիզոնի վերաբերյալ հեռագրից հետո էլ, օգոստոսի վերջին օրերից մինչև հիմա խնայված Հայերի մի մեծ խումբ (գրանց թվում նաև Օտոմանյան բանկի ծառայողներ, պետական մենաշնորհից օգտվողներ և կանայք) գիշերով դուրս են քշվել և քաղաքի մոտերքում սպանվել:

Նույն ձեռվ տեղացի կաթոլիկ պատրիարքը Հայտնել է, որ ճանապարհորդների պատմածով՝ Անկարայի Հայերին (գլխավորապես կաթոլիկներին), նրանց թվում նաև կաթոլիկ եպիսկոպոսին, իր հոգեորականության հետ օգոստոսի 30-ին Անկարայից Հանել են և որոշ Հեռավորության վրա բոլորին ոչնչացրել»:

Այդպես, զինվորների ու ժանդարմների ուղեկցությամբ, Հայերին կարավան առ կարավան քաղաքից դուրս Հանեցին: Քիչ անց, դարանակալ չեթեները Հարձակվեցին, կողոպտեցին, սպանեցին, երեխաներին փախցրին: Բոնագաղթն ավարտելուց անմիջապես հետո Ազմին քաղաքից մեկնեց և մինչև օգոստոսի 16-ը չվերադարձավ:

Ըստ Բերգֆելդի՝ նահանգի ճանապարհներին, կիրածերում ու լեռնանցքներում ոչնչացվեց 60.000 Հայ, ինչը կոչված էր վերջ դնելու Հայոց Հարցին: Իշխանությունները Հյուպատոսին արգելեցին այցելել քաղաքի մերձակա գյուղերը, պահակներ կարգեցին նրա դռան մոտ: Սակայն վերջինս չլսեց և ձիռվ շրջեց նահանգի գյուղերը: Բոնագաղթի օրենքն ստանալուց հետո նա վալուն գրեց. «Կառավարությունը խլել է բոլոր փոխադրամիջոցները, խեղճ ժողովուրդն ինչպես է հետիոտն անցնելու ավելի քան 200 կմ տարածություն»: Վալին պատասխանեց. «Կառավարությունը բոլոր հնարավորությունները կատեղի»: Հյուպատոսը տեղեկագրեց, թե Տրապիզոնի Հայերի տեղահանության օրենքի հրապարակման օրը (Հունիսի 13-ին) գերմանացի զինվորական Շլիմեն էրզրումից Բարերդի վրայով Հասել էր Տրապիզոն և պատմել, թե ճանապարհին տեսել էր սպառագեն չեթեական խմբեր, որոնք պետք է Հարձակվեին Հայերի կարավանների վրա: Նա զրուցել էր 40 հոգանոց չեթեական խմբի

¹ Statsarchiv Dresden, B 1, № 1952, s. 13-18.

պետերի հետ: Այդ անձինք թուրք սպաներ էին և խոսում էին ֆրանսերեն: Նա տեսել էր տարագիր ու կողոպտված, քաղցի մատնված և խոտով սնվող կանանց:

Այդ օրերին Տրավիզոնում Խոտալիայի հյուպատոս Կորինխն մեկնում է Կ. Պոլիս և ապա Հոռոմ: Տեղ համելուց հետո տեղեկագրում է. «Երկրագնդի ամենավայրագ գաղանները խուժել են Տրավիզոն ... Հոչոտելու համար հայ աղջը: Տրավիզոնի ջարդերի կազմակերպիչներն էին վալի Զ. Ազմին, վիլայեթի երիտթուրքերի կազմակերպության պատասխանատու քարտուղար Նայիլը, նրա տեղակալ Ռիզան, բժիշկներ Ալի Սահբն ու Սաադէդինը, զինվորական և ժանդարմական զորքերի հրամանատարները»:

Նույն հյուպատոսը գրեց, որ չնայած ջարդերը դադարեցնելու իր միջամտություններին, «Հաւաքական սպանութիւնները կը շարունակուին՝ առանց հաշուի առնելու կաթողիկ, բողոքական, թէ լուսաւորչական ըլլալը... Քաղաքի 14.000 հայերէն իր մեկնած պահուն հարիւր հոգի իսկ չկային. կամ Սեւ ծովը թափած էին կա'մ Տեյիրմենտերէի գետը նետուած»¹:

ԱՄՆ-ի հյուպատոսը նշում է, որ հայերի տներում եղածը հավաքեցին առանց որևէ փաստաթուղթ կազմելու: Արժեքավոր իրերը տարան խանութներ, մնացածը կողոպտեց խուժանը, որը նաև «գայլերի ոհմակի նման բռնագաղթվող հայերի կարավաններն էր հետապնդում կողոպտելու համար»: Հայոց տների կողոպտուր շարաթներ տևեց:

«Քաղաքից դուրս հավաքակայանում բռնագաղթվածներից խեցին փոխադարձոցները: Մահմեդական ողջ բնակչությունը հայերին վերաբերում էր ինչպես հանցագործների և շտապում ժամ առաջ տիրանալու նրանց ունեցվածքին: Հենց սկզբից հայերին արգելվեց որևէ բան վաճառել:

Ճանապարհին հետ մնացողներին սվինահաւը էին անում ու գետը նետում, ջրերը նրանց տանում էին դեպի ծով: Գետը նետվածներից շատերի դիակները կախված էին ժայռերից, որտեղ մնացին 10-12 օր ու քայլայվեցին: Կային շատ մերկ դիակներ, սարսափելի գարշահոտություն էր: Ես ու Գերմանիայի հյուպատոսը հուլիսի 17-ին տեսանք, թե թուրքերն ինչպես էին հորում դիակները:

Հուլիսի 19-ին քաղաքի հայերի բոլոր տները, ավելի քան 1000 տուն, լրիկ դատարկված էին: Ով հայ էր, դա բավական էր, որ նրան վերաբերեին որպես հանցագործի ու տեղահանեին:

...Թեթև նավերը մեկը մյուսի հետևից լցվում էին հայերով և ուղարկվում Սաման, որտեղ սպանում էին ու ծովը նետում»²:

«Տրավիզոնում,- պատմում է Հանրի Բարբին,- որևէ հայ դժբախտ ճակատագրից խույս տալ չկարողացավ. անգամ հույների ու թուրքերի տներում ապաստանածները ոչնչացվեցին: 150 աղջիկների հաջողվեց թաքնվել, բայց նրանց էլ գտան, բոլորին բռնաբարեցին ու խեղդեցին»:

Քաղանություններն այնքան ահավոր էին, որ անգամ շատ թուրքերի վրդովեցրեցին: Նրանցից ոմանք փորձ արեցին փրկության ձեռք մեկնել

¹ Ակունի Ս., նշվ. աշխ., էջ 178:

² R 14099, Ab. 12601.

Հայերին: Իսկ Եշաղիր օդին նույնիսկ զենքով ելավ ջարդարաբների դեմ, բայց սպանվեց մի քանի հայերի հետ:

Հայերի ունեցվածքն աճուրդի հանեցին, նախ վաճառեցին միայն երիտ-թուրք կուսակցության անդամներին, ապա՝ բոլորին:

Քաղաքում փրկվեց հայ երկու ընտանիք և 14 որբեայրի կին, իսկ գյու-ղերում՝ մի քանի հարյուր երեխա¹:

Իտալիա փախած տրապիզոնցի երեք աղջիկներ պատմել են, որ քաղաքում «վիճակը սարսափելի է: Մուսուլմանները կատաղել են քրիստոնյաների դեմ, կողոպտում են, հրդեհում նրանց տները... Քրիստոնյա զոհերի թիվը հազարնե-րի է հասնում»²:

Տարագրությունն ընթացավ հետեւյալ կերպ: Հուլիսի 3-ին քաղաքից հան-վեց 6000 մարդ և ոչնչացվեց Գյումուշսանեի ճանապարհին՝ Զեհղլիկ գյուղի մոտ, Զանիկի լեռներում կամ խեղղվեց Դեյիրմեն գետում: 8000 հայի նավերով բաց ծով տարան ու ջուրը նետեցին:

Լեփսիուսի տվյալներով՝ Տրապիզոնից տեղահանված ու կոտորված հայերի թիվն անցնում էր 32700-ից:

Իտալիայի գլխավոր հյուպատոսը վկայում է. «Դա մարդկային իրավունք-ներից գրկված քրիստոնյա ժողովրդի մի խական սպանդ էր: Այս անգամ չխնայեցին նաև հայ կաթոլիկներին... Հունիսի 24-ից՝ տարագրության վերա-բերյալ տիսրահոչչակ հրամանագրի ընդունման առաջին օրից մինչև հուլիսի 14-ը (Տրապիզոնից իմ մեկնելու օրը) չէի կարողանում ո'չ քնել և ո'չ ուտել. լի-նելով անմեղ, անպաշտպան մարդկանց զանգվածային ոչնչացման ականատե-սը, խախտվել էր իմ նյարդային ողջ համակարգը:

Քաղաքը պաշարված էր 15000-անոց զորքով, ոստիկանական հազարավոր զորձակալներով և կամավորական խմբերով: Ամենուրեք լսվում էին անմեղ զոհերի ճիշն ու աղաղակը, փողոցներում ընկած էին հարյուրավոր դիակներ, երիտասարդ կանանց մի մասին բռնի ուժով ստիպում էին հավատափոխ լինել, երեխաներին խում էին ծնողներից և հանձնում մահմեղական ընտանիքներին, հարյուրավոր մերկանդամ երեխաների էլ դնում էին նավը և խեղդում Սև ծովում»³:

Տեղահանվածների կարավանները քաղաքից հենց հեռանում էին, հանձնվում էին մարդասպան-ավաղակ Թեքքելի Նեշաղիին, որի ավագակա-խումբը ճանապարհին գեղեցիկ աղջիկներին առևսանգում և բաժանում էր երիտթուրք ակտիվիստներին, արժեքավոր իրերը հափշտակում և հանձնում իթթիհաղի ներկայացուցիչներին: Անընդհատ հարձակումների հետևանքով կարավանների միայն 30 տոկոսն էր կենդանի մնում ու երգնկա հասնում, որտեղ նրանց կացիններով ու բահերով սպանեցին ու գետը նետեցին:

Թեքքելի Նեշաղին Ավստրո-Հունգարիայի հյուպատոս Հերսկովիչին ասաց.

¹ **ԲարձԱ,** նշվ. աշխ., էջ 18-24:

² «Diaro de la Plata», 12-ը սեպտեմբերի 1915 թ.:

³ ՀՍԽՀ ԳԱ, Հասարակական գիտությունների գիտական ինֆորմացիայի կենտրոն. «Հայ ժողովրդի պատմության հարցեր», Ե., 1992, էջ 56-57:

«Աստուծոյ պատմէն վախնալու պէտք չունիմ. սա ձեռքովս 650 հայ սպաննած եմ եւ ահա՛, կը տեսնես, ողջ առողջ դէմդ կանգնած եմ»¹:

Բոնազաղթից հետ մնացած 50-60 հզի կանանց ծովը նետեցին: Մեծ թվով հայեր կոտորվեցին հենց քաղաքի փողոցներում, նրանց դիակներն մնացել էին ընկած, դրանց շուրջը վիստում էին փոքրիկ երեխաները: Հույն մետրոպոլիտ Խրիստոփոր կարողացավ թույլտվություն ստանալ և 600 երեխաների հավաքել: Երբ մեծահասակների եղեռնը ավարտեցին, իշխանությունները երեխաներին որբանոցներում տեղավորելու պատրիակով նրանց վերցրին, 150-ին թունավորելով՝ մեղքրեցին, իսկ մյուսներին ծովահեն Պ. Ռաշիմը կողովների մեջ փակելով՝ ծովը լցրեց: Հրաշքով փրկվեց միայն ութ երեխա:

Այլանդակ էին մեղքնելու միջոցները: Հայերին հարկադրում էին հսկա փոսեր փորել ու ապա նրանց լցնում էին այդ փոսերը և կենդանի թաղում: Կանանց ու աղջիկներին տանջահար անելուց հետո մինչև կրծքները թաղում էին հողի մեջ, որ ալղակս մեղքնեն:

Երգնկայի ճանապարհին 2000 կանանց ու երեխաներին լցրեցին բարձր պարիսպներ ունեցող գերեզմանատուն, որը լիքն էր չժաղված ու գարշահոտություն տարածող դիակներով և վեց օր փակեցին այդտեղ առանց հաց ու ջրի: Ապա բոլորին տարան Քեմախի կիրճ ու սպանեցին:

Ա. Ակունիսի գրում է, որ Հռկտեմբերի 15-ին Ռեզեք լեռան վրա սամսոնցի մի աղջկա, որն անձնատուր չէր եղել ժանդարմներին, 25-30 հոգով բռնաբարեցին, ապա երկու ծառերի գագաթներն իրար կապեցին, աղջկան գլխի վար կախեցին ու երբ բազ թողեցին, ծառերը հետ զնացին ու աղջիկը երկու մասի բաժանվեց:

Մի հուսալքված կին իր հինգ տարեկան երեխային գետը նետեց: Եվ, ով զարմանք, թուրքերն այդ կնոջը դատեցին հինգ տարվա ազատազրկման: Թուրքական այս խորամանկ քայլը թե՛ քարոզչական նպատակ ուներ և թե՛ «աշխատող ուժի» ապահովման խնդիր էր լուծում³: Նույն այդ թուրքերը հայերից «մարքեզին» 1000 տուն⁴:

«Քաղաքի դարպասների մոտ, ջեեղիկ գյուղի մերձակայքում, խաղաղ-վեցին աներևսակայելի սարսափների գրվագներ,- պատմել է ականատեսը:- Տղամարդկանց անջատում էին իրենց կանանցից ու երեխաներից, որոնց սարսափահար բացականչությունները բռնում էին ողջ շրջապատը։ Ապա թրի կամ դանակի հարվածներով և կամ հրացանով, դաժանության ամենակատարյալ միջոցների գործածությամբ տղամարդկանց կոտորում էին։ Հողը և բույսերը հագենում էին արյունով։ Երեխաները, սարսափից լայնացած աչքերով, անդադար աղմկում էին ու լաց լինում, կանայք ... զթություն էին հայցում և զիտակցությունը կորցրած ընկնում։ Թարմ արյան հոտը գգացվում էր մի քանի հարյուր մետրի վրա։ Տղամարդկանց հետ հաշիվը մաքրելուց հետո դաշինները

¹ «Յուշամատեան Մեծ Եղեռնի», էջ 473:

²Ակունի Ս., նշվ. այսուհետեւ 509:

³ Նույն տեղում, էջ 182:

⁴ Фирбюхер Г., Армения, 1915. Уничтожение Турцией культурного народа, Ер., 1991, с. 50-51.

շարժվում են դեպի սարսափից դողացող կանայք, երիտասարդ աղջիկներն ու երեխաները: Կիսախելագար դարձած մայրերը, իրենց փոքրերին կրծքներին սեղմած, հետևում էին թուրքերի մոտենալուն, որոնցից ոմանք ոտից մինչև զլուս շաղախված էին արյան մեջ... Նրանց աչքերը փայլում էին... Նրանք ծիծաղում էին... Նրանք ծաղրում էին... ԱՀա՛ բարբարոսները փախցրեցին մի քանի երեխաների, տարան մերձակա ափամերձ բարձունքն ու նետեցին ծովը»: Կատաղած հրեներն աշխատում էին փոքրիկներին խլել մայրերի գրկից, որոնք արդեն չոր աչքերով իրենց կրծքին սեղմելով երեխաներին, սեփական ձեռքերով խեղդում էին նրանց, որպեսզի փրկեն թուրքական խոշտանգումներից: Սրտակսկիծ աղմուկը, սարսափահար բացականչությունները երկինք էին համբառնում:

Դահիճները բոնում էին երեխաների ոտներից, նրանց զլուխները ջախջախում էին խփելով ժայռերին կամ մի հարվածով ջարդում նրանց ողնաշարը: ԱՀա՛ արյունից հարբած երկու քուրդ՝ մեկը բոնել է երեխայի ձեռներից, իսկ մյուսը՝ ոտներից ու ձգում են... այնպես, որ երեխայի վերջավորությունները պոկվում են... Դահիճները երկու, երեք, չորս երեխայի մարմինները ձեղքում են ու շպրտում այս ու այն կողմ: Երբ բոլոր երեխաներն արդեն սպանված էին, այդ հորդան չուռ եկավ դեպի կանայք, որոնց մեծ մասը գետին տապալվեց կտրված կոկորդով կամ փորին հասցված սրի հարվածից:

Ականատեսներից մեկը խելագարվեց: Նոյն իրողություններն է հաստատում արար սպա Ա. Բաայը: «Նախ աքսորականների խմբից ետ պահեցին երեխաներին: Մեծերի համար կառավարությունը դպրոց կազմակերպեց, իսկ փոքրիկների համար Տրավիզոնի ամերիկացի հյուպատոսը որբանոց բացեց: Երբ աքսորյալ հայերի առաջին կարավանը հասավ Գյումուշխանե, բոլոր առողջ տղամարդկանց առանձնացրեցին մյուսներից, աշխատանքի ուղարկելու պատճառաբանությամբ: Կանանց և երեխաներին զինված պահակախմբի ուղեկցությամբ ավելի հեռու տարան: Թուրքական իշխանություններն ասել էին, որ նրանց տարագրության վայրը Մոսուլն է լինելու և որ նրանց ոչ մի վնաս չի պատճառվի: Տղամարդկանց ... 15-20 հոգինանոց խմբերով հեռացնում էին, շարում նախապես պատրաստված փոսերի եղրին, գնդակահարում ու նետում փոսերի մեջ:

Այս ձեռով ամեն օր հարյուրավոր մարդ էր մեռցվում: Ճանապարհին կանանց և երեխաների վրա հարձակվում էին չեթեները՝ թուրքական կառավարության կազմակերպած զինված ավաղակախմբերը: Նրանք ամենասանսանական ձևերով բռնաբարելուց ու կողոպտելուց հետո սառնասրտորեն մորթուում էին: Այս հարձակումները ամենօրյա իրողություններ էին, մինչև որ ոչնչացրեցին բոլոր կանանց ու երեխաներին: Աքսորականներին ուղեկցող զինված պահակախմբերը խատագույնս հրաման էին ստացել չմիջամտել չեթեների չարագործություններին: Երեխաները, որոնց մասին, իրեւ թե, հոգ էր տանում կառավարությունը, նույնպես աքսորվեցին և ճանապարհին մորթուուվեցին: Սկզբնական շրջանում ԱՄՆ-ի հյուպատոսին վստահված երեխաներին նույնպես աքսորվեցին, պատճառաբանելով, թե ուղարկում են Սըվազ, որտեղ նրանց համար որբանոց է բացված: Երեխաներին տեղափոխեցին ծովով, փոքր

և անապահով մակույկներով։ Ափից որոշ տարածության վրա նրանց դաշունահարելով սպանեցին, ապա դրեցին պարկերի մեջ ու ծովը նետեցին։ Մի քանի օր անց փոքրիկ մարմիններից մի քանիսին ծովը ափ նետեց Տրավիզոնի կողմերում»¹։

Կոտորածներից մազապուրծ տրավիզոնցի մի կին պատմում է. «Նախապես տղամարդկանց բաժանեցին կանանցից ու երեխաներից, ապա սրի ու դանակի հարգածներով, սվինահարելով, անգթության հազար նրբություններով նրանց սպանեցին։ Դաշտը լցված էր սոսկումի աղաղակներով։ Հողն ու խոտը թաթախված էին արյան մեջ ... տարածված էր արյան տաք հոտը...»։

«Ճեմալ Ազմին,- գրում է Ս. Թեհլիրյանը,- երկու օրուայ մէջ ոչնչացուց Տրավիզոնի 14.000 հայեր... Նախապէս ջարդել տուաւ զինուորագրուած երիտասարդները, հաւաքեց քաղաքի 600 ականաւորները ու բարձելով նաւերը՝ ծովամոյն ըրաւ, ապա դուրս հանեց քաղաքէն կանանց, երախանները եւ Ճեմիլիկ գիւղին մօտ բոլորը ոչնչացուց այնպիսի անգթութեամբ, որ կը գերազանցէր մարդկային ամէն երևակայութիւն»²։

Օսմանյան խորհրդարանի անդամ Մեհմեդ Էմինը խորհրդարանի 1918 թ. դեկտեմբերի 11-ի նիստում ասաց. «Ես անձամբ ստուգել եմ, որ Օրդու (Տրավիզոնից արևելք ընկած նավահանգստային քաղաք) կազայի գայմազամբ հայերին նավակները լցնելով, Սամսոն ուղարկելու անվան տակ ծովը թափել տվեց։ Լսել եմ, որ վայի Ճեմալ Ազմին նույն գործողությունն է կատարել։ Վայու դեմ որևէ բան անել չկարողացա, չնայած երեք տարի դրանով զբաղվեցի։ Ասացին՝ պատերազմական գոտի է...»³։

Նաև նշենք, որ Մ. Էմինը պատերազմի ժամանակ, երբ հայկական ջարդերն ընթանում էին, իթթիհաղականների հրավիրած մի գաղտնի ժողովում «ηէմ արտայատուած է հայերու նկատմամբ եղած հալածանքներուն», որի հետեանքով իթթիհաղում «իր վարկը գցել էր»⁴։

«Քրիստոնյաների բոլոր ապրանքները բռնագրավեցին,- գրում է ոռոսական բանակի կապիտան Դ. Բալուլիսը:- Թուրքական կառավարությունը հայերից պահանջեց հինգ օրվա ընթացքում հեռանալ Թուրքիայից»։ Եվ իսկապես, վեցերորդ օրը բոլոր բռնությամբ հավաքվեցին քաղաքից դուրս և այնտեղից երկրի խորքերն ուղարկվեցին ժանդարմների հսկողությամբ։ Ասում են, որ տղամարդիկ Գյումուշսաններից այն կողմ չհասան, քանի որ տեղի ափազակախումբը նրանց ոչնչացրեց։ Կանսաք ու երեխաններն ուղարկվեցին երգնկա և այնտեղ եփրատը նետվեցին։ Դ. Բալուլիսը կարինի մերձակայքում տեսել է 500-600 սայեր՝ լցված տարագրյալներով։ Դա կարինի վերջին քարավանն էր։ «Ամենագեղեցիկ աղջկները տվեցին երիտասարդ մահմեղականներին»⁵։

¹ Mandelstam A., Աշվ. աշխ., թ. 280.

² Թեհլիրեան Ս., Վերջիշումներ, Թալէաթի ահարեկումը, Գահիրէ, 1956, էջ 247:

³ Meclis-i Mebusanın zabit ceridesi, 5-րդ նստաշրջան, հ. 1, (24-րդ նիստ, 11-ը դեկտեմբերի 1908 թ.), էջ 300.

⁴ Kemal Y., Siyasi ve Edebi Portreler. İstanbul, 1976, s. 34-35.

⁵ АВПР, Политархив, он. 104, л. 40-41.

Ունեղըներն իրենց երեխաներին տեղափորեցին ամերիկյան միսիայի դպրոցում: Սակայն չփրկվեցին: Դպրոց եկան բաշխրողուկները և ժանդարմի հրամանով բոլոր երեխաներին տարան, որոնցից 2-5 տարեկաններին տեղափոխեցին երկրի խորքերը, իսկ մեծ աղջիկներին բաժանեցին պաշտոնատարների տների վրա:

Ռուսների կողմից Կարինի գրավումը Տրապիզոնում խուճապ առաջացրեց: Թուրքերը ահաբեկված գաղանի վերածվեցին: Քաղաքի շրջապատը ծածկվեց Հայերի դիակներով¹:

«Times»-ը 1916 թ. հոկտեմբերի 7-ին գրեց. «Գրավելով Տրապիզոնը, ռուսական բանակը քաղաքում գտավ միայն 50 հայ որը, 15 կին ու մոտ 1000 տղամարդ, որոնք թաքնվել էին հարևան գյուղերում»:

Ժակ դը Մորգանը գրում է, որ պատերազմից առաջ Տրապիզոնում և նրա շրջակայրի 45 գյուղերում 18343 հայ կար: Երբ ռուսական զորքերը մտան վիայեթ, գյուղերում կար 367, իսկ քաղաքում՝ 92 հայ²:

ԱՄՆ-ի հյուպատոսն ասել է, թե երբեք իր մտքով չէր անցնի, որ թուրքերն այդպիսի գաղանությունների ընդունակ են:

Հայ երեխաներին ծովն են լցրել շան լակոտների պես, չափահաս հայերին դուրս են հանել քաղաքից և խումբ-խումբ գնդակահարել, աղջիկներին վաճառել են հարեմների համար, իսկ հարուստ հայերի ունեցվածքը աճուրդի են հանել Տրապիզոնի տաճարում:

Հույները հաստատեցին, որ թուրքերն իրենց ահաբեկում էին, սպառնալով գնդակահարել, եթե հայտնաբերվի, որ թեկուղ մի հայ երեխայի ապաստան են տվել: Թուրք կանայք ձեռքերը կոտրտելով ասում էին, թե Ալլահն օսմանցիներից երես է շուռ տվել հայերի հանդեպ դաժան վերաբերմունքի համար:

Ռուսների կողմից քաղաքը գրավելուց հետո աստիճանաբար հավաքվեց մոտ 500 հայ, որոնք, սակայն 1918 թ. քաղաքից հեռացան, երբ դա նորից անցավ թուրքերին:

Կուքհոֆը գրում է. «Բացառություն չի արվում ոչ մեկին, բացի հոգևորականներից: Բոլոր հայերին՝ տղամարդ, կին, ծեր, երեխա մինչև Սանդիացը, Հին Հայք բողոքական, թե կաթոլիկ, չնայած վերջինները երբենցե չեն մասնակցել աղգային ժողովրդական շարժմանը... պետք է մեկնեին: Ոչ մի քրիստոնյա հայ այստեղ չպետք է մնար, անգամ նրանք, ովքեր օտար հպատակներ էին: Բոլորը պետք է արտաքսվեին: Սամառնի տարագրյալների համար որոշված վայրը ... Ուրֆան էր»³: Նույն հյուպատոսը հունիսի 24-ին գրում է, որ այդ քաղաքում նույնպես պատերին փակցրել են տեղահանման հրամանը: Դրա պարունակած պայմանները տեղահանությունը վերածելու են հայ բնակչության բնաջնջման, քանի որ տարագրվածներից որևէ մեկն ի վիճակի չի լինելու հասնել նշանակված վայրը: Ցանկանում են վայրագություններով բնաջնջել հայ քրիստոնյաներին»⁴:

¹ "Армянский вестник", 1916 г., № 14.

² Morgan J., de Contre les Barbares de l'Orient, Paris, 1918, p. 180.

³ Լեփիսիուս Յո., նշվ. աշխ., փաստ. № 349, էջ 105:

⁴ Ղազարեան Հ., նշվ. աշխ., էջ 85:

Հիսուն հայեր իսլամությունն ընդունեցին և գաղթողների աչքի առաջ թլպատության հանդես կազմակերպվեց: Զախալլայի իջևանատանը հայերին խմբերի բաժանեցին, տղամարդկանց առանձնացրին և սպանեցին: Ապա սպանեցին ծերերին ու դեռահաս տղաներին: Տեղն ու տեղը սպանվեցին 33 կանայք, որոնք հրաժարվեցին իսլամությունն ընդունել: Հետո քրդերը տարան 13 տարեկաններին: Շատ կանայք իրենց երեխաներին գետը նետեցին:

Արմենուհի Թորիկյանը հիշում է, որ թուրքերը խլում էին ամենազեղեցիկ աղջկներին և օրգիաներ կազմակերպում: Զոհերից շատերն ինքնասպանություն էին գործում: Օրդուում և Կիրասոնում եղան դեպքեր, երբ ամուսինն սպանում էր կնոջը, որդին՝ հորը, եղբայրը՝ քրոջը, հայրը՝ զավակներին՝ անպատճությունից խոյս տալու համար:

Սամսոնի դեպքերի մի ուրիշ ականատես պատմում է. «Գրգ Գյողի մոտ տեսա մի խոր ավազան լցված հինգ տարեկանից փոքր երեխաներով, որոնցից ոմանք դեռ կենդանի էին: Նույն տեղը տեսա 100-ի չափ ծեր կանանց դիակներ՝ վերմակների մեջ այրված»:

Կուքհոփի 1915 թ. հուլիսի 4-ի հաղորդագրության մեջ կարդում ենք. «Ձեռնարկված հակամիջոցառումները (հավանաբար իրականացվում են Անատոլիայի բոլոր վիլայեթներում) այնքան դաժան են ու այնքան անհարիր մարդկայնությանը, որ անհնար է դրանց անտարբեր վերաբերել: Խոսքը մի ամբողջ ժողովրդի ջարդի կամ բռնի իսլամացման է վերաբերում: Այդ ժողովրդի ներկայացուցիչները անմիջական մասնակցություն չեն ունեցել հեղափոխական շարժմանը, այսինքն անմեղ զոհեր դարձան... Կառավարությունն ուղարկել է մոլեռանդ, ստուգված մահմեղական տղամարդկանց ու կանանց՝ հայերին քարոզելու իսլամացում, միաժամանակ սպանալիքներ տեղալ նրանց հասցեին, որոնք գերազանցում են հավատարիմ մնալ իրենց հավատին... Այդ դժբախտների մեծամասնությունը դիմադրեց և ամեն օր խմբերով քշվում էր երկրի խորքերը».

Հասկանալի է, թե որևէ հայ քրիստոնյա տեղ չի հասնի: Երկրի խորքերից հասած լուրերն արդեն վկայում են ամբողջ քաղաքների բռնազարժված բնակչության անհետացման մասին»¹:

Սամսոնի հայասպանների դեկավարներն էին մութեսարիփ Նեջիմը, ոստիկանապետներ Նուրին և Սաբրին, իմթիհաղի ներկայացուցիչ Սրդը: Կիրասոնի հայերին հաշվեհարդարի ենթարկողների կազմակերպիչներն էին Մ. էշրեֆը, նրա եղբայր Հասանը, ոստիկանապետ Քեմալը, հազարապետ Ֆայիզը: Այդ վայրագությունների կազմակերպմանը ղեկավար մասնակցություն ունեցավ մութեսարիփության երիտթուրքական կազմակերպության ղեկավար բժիշկ Սրդկինը:

Երբ Տրապիզոն քաղաքում տեղահանությունն սկսվեց, վտանգ կար, որ գլուղաբնակ հայերը կարող են ըմբռատանալ: Ազմին հայ երևելիներին գլուղերն ուղարկեց հայերին հանգստացնելու, թե տեղահանությունը ժամանակավոր է

¹ Լեփակուս Յո., նշվ. աշխ., էջ 105:

և պահանջելու, որ բոլորը ենթարկվեն հրամանին, այլապես «քանի մը անխելքներու պատճառով ժողովուրդը կոտորել կու տամ»:

Վիլայեթի Հայկական գյուղերում բոնագաղթն սկսվեց Հուլիսի 17-ին: Նահանգի արևելյան շրջանի հայ գյուղացիներին՝ չուրջ 4000 հոգի, հավաքեցին ծովափին՝ Դրոնա Զարշի: Նախապես ձերբակալված տղամարդկանց բանտերից հանեցին, միացրեցին գյուղացիների կարավանին և Կալաֆկա լեռան փեշերով տարան լեռները: Որոշ տարածություն անցնելուց հետո տղամարդկանց (որոնք քայլում էին ձեռները կապված առանձնացրեցին, կարավանից հանեցին ու սպանեցին: Սրղանըլի դաշտում կարավանը շրջապատվեց ժանդարմների ու չեթեների կողմից: Փորձեցին ծաղրուծանակի ենթարկել Զալուք Պողոս անունով մի ծերունու, բայց նա կուրծքը բացեց, թե կրակե՞ք): Սպանեցին: Ապա ջարդեցին բոլոր տղամարդկանց: Կարավանում մնացին 700 կին և երեխա: Դուզ Կեռփրիում Շարիզաղե Խսմայիլի չեթեները կարավանից հանեցին գեղեցիկ աղջկներին և կանանց: Երգնկա Հասավ 500 հոգի, որոնք էլ կացիններով, բիրերով ու քարերով ջարդվեցին Քեմալսի կամուրջի վրա:

Սրղանըլի ջարդից փախած 300 հայեր ոչնչացվեցին Սենջան Միսիսորի անտառում:

Թող գյուղի հարուստ և աղղեցիկ հայերից մեկը՝ Պ. Միրիմյանը տեղում սպանվեց իր երկու որդիների հետ միասին: Յոթանասունհինգ տղամարդու և կնոջ տարան հարթավայր, կանանց նախ բոնաբարեցին հրամանատարները, ապա շարքայինները: Մի երեխայի խփեցին ժայռին ու գանգը փշրեցին:

Սամսոնի հայ քաղաքական գործիչների ու կուսակցական ակտիվիտատների մի մասին ծեծով սպանեցին, իսկ մյուսներին Մարզվանի նրանց գործընկերների հետ ուղարկեցին Սեբաստիա, որտեղ կախաղան հանվեցին կամ պարզապես գնդակահարկվեցին:

Տեղահանությունից հետո թուրքերը ձեռնամուխ եղան ոչնչացնելու նաև «Հայերի հետքը»: Քանդեցին եկեղեցիները, հայկական դպրոցները, գերեզմանատներն ու ակումբները:

Միշտ և ամենուրեք չէ, որ հայերն անմոռունչ տանում էին թուրքական վայրագությունները:

Գարեգին և Պողոս Սարգսյան եղբայրները ծրագրում են սպանել Ազմիին և ոմբակոծել թուրքական ամրությունները: Սակայն այդ երկու ձեռնարկն էլ ձախողվում են: Երկու եղբայրները, որոնք թուրքական բանակի սպաներ էին, ձերբակալում ու խոշտանգումներով մեռցվում են: Իսկ նրանց հայրը՝ Հարություն Սարգսյանը, որը ոմբակոծության ազդանշանի ղեպքում պետք է հրդեհեր սեփական տունը, այդ անելու լուր այդպես էլ չստացավ: Նա, Հուսահատած, հրդեհեց տունը և ինքն էլ այրվեց բոցերի մեջ:

Եղան անհատական ինքնապաշտպանության անվեհեր օրինակներ: Մեկը, միայնակ տանը փակված, կրակի տակ պահեց ջարդարարներին այնքան ժամանակ, մինչև ինքը գնդակի զոհ դարձավ: Այդպես վարվեցին նաև Ս. Սեյրանյանը և Ե. Տերտերյանը: Նրանք ունեցած վերջին փամփուշտներով նախ սպանեցին իրենց ընտանիքի անդամներին, ապա ինքնասպան եղան:

Երբ ջարդարարները շրջապատեցին թութունջյանների տունը, տան ավա-

գը բոլոր մուտքերին պատճեներ շինեց և պաշտպանեց իր օջախը ու, երբ համոզվեց, որ դիմադրելն այլևս անհնար էր, թուրքերի երեսին չպրտեց. «Միևնույն է, չեմ հանձնվի» ու ինքնասպան եղավ:

Մի թուրք սպա Պերճուհի Բախչիյանին ամուսնության առաջարկություն է անում: Աղջիկը պայման է առաջարկում. «Նախ, պատոիր իսլամանալու թուղթը, երկրորդ, կարավանը պետք է առանց նոր չարչարանքների ու կողոպուտի համանի Մալաթիա»: Սպան համաձայնվում է: Բայց Մալաթիայի ճանապարհին՝ չերիմ Խանեում, բռնությունները վերսկսվեցին: Շատերը Եփրատը նետվեցին... 13 տարեկան աղջիկներին քրդերն ու ժանդարմները տարան:

Հայ Հայդուկային խմբեր էին գործում Խնեյի, Թրմեի և Զարշամպայի լեռներում: Նրանց բռնելու համար 1915-ի սեպտեմբերին ավելի քան 1000 ժանդարմներ շրջապատեցին Գոնկայի անտառը: Հայ փախստականների զլսի համար վալին 100 ոսկի խոստացավ:

600 հայ պատերազմի տարիներին, անգամ դրա ավարտից հետո, Հայդուկային կոիվներ էր մղում: Զիլ Օհաննեսի, Միքայել Զեյթունցյանի, Հակոբ Քեհիյանի խմբերը կոիվներ մղեցին մինչև 1923 թ. և ամբողջ խմբով՝ 70 հոգի, նավակներով անցան ոռուսական սահմանը:

Մի ուրիշ խումբ Հայերի, որոնք բանտարկված էին Թեքքեն կայարանում, զինաթափեցին պահակներին: Նրանց մի մասին Հաջողվեց լեռ բարձրանալ:

Սամսոնի Հազ Թեփե Հայկական գյուղի բնակիչները առերես իսլամություն ընդունեցին և չըռնազագաղթվեցին: Սակայն իշխանությունները իսլամանալը բավարար չհամարեցին Հայերի կյանքը խնայելու համար և որոշեցին նրանց նույնպես տեղահանել: Բայց «Հարևան գյուղերի վրացիներն ու չերքեզները թույլ չտվեցին», պաշտպանեցին Հայերին: Սակայն մինչև վերջ պաշտպանել չկարողացան, որովհետև այն, ինչ չհաջողվեց իթթիհաղականներին, իրականացրին քեմալականները:

1915 թ. հուլիսի 31-ին ՆԳ նախարարությունը տեղեկանքներ պահանջեց տարագրված Հայերի թվի և գրավված գույքի մասին:

Տարագրությունից 3-5 օր առաջ քաղաքներում ու գյուղերում ոստիկանության միջոցով հաշվվում ու արձանագրվում էր Հայ ընտանիքների անդամների թիվը՝ բատ տարիի և սեռի: Այս հաշվառմամբ արձանագրված թվերը փաստութեն կոտորվածների թվերն էին, քանի որ շատ քիչ մարդիկ փրկվեցին: Այսինքն, դեռ մինչև տեղահանությունը իշխանությունները կազմել էին Հայերի ցուցակները, նրանց ուղեկցող զինվորների թիվը: Այդ ցուցակներով՝ կայսրությունում տեղահանվել էր 2.6 մլն Հայ, դրանից՝ Տրապիզոն նահանգում՝ 90 հազար Հայ: Վիլայեթի Հայերին Հասցված նյութական վնասը կազմեց 150 մլն դոլար:

Թուրքական իշխանությունները մեխանիկորեն նվազեցնում էին Հայերի թիվը, հիմք ընդունելով 1903 թ. մարդահամարի տվյալները: Ըստ իշխանությունների տվյալների՝ Տրապիզոնի սանջակից բռնագաղթվել էր 31885 Հայ, Ռիզեի սանջակից՝ 68, Գյումուշանեի սանջակից՝ 2547, Զանիկի սանջակից՝ (Սամսոնի կազայից՝ 4992, Բաֆրայի կազայից՝ 1634, Զարշամպայի կազայից՝ 10648, Թերմեի կազայից՝ 2567, Յունիսայի կազայից՝ 5379, Ֆատսայի կազայից՝ 1154): Վիլայեթում ընդամենը՝ 26374 Հայ:

Անգամ թուրքական թվերն են սահմոկեցուցիչ, և իշխանությունները հետազայում վիճակագրական ցուցակները թաքցրեցին, չնայած դրանք հեռու են իրական պատկերը ներկայացնելուց: Օրինակ, միայն Սամսոն քաղաքում 1915-ին բնակվում էր 8000 հայ, քաղաքում կար 800 աշակերտ: Տրավիզոնի բոնագաղթի առթիվ Բարձր Դուռը հայտարարեց, թե այդ վիլայեթի հայերին Եվրոպա է ուղարկել առեւտրական նկատառումներով: Իսկ Սամսոնի մասին ասվեց, որ բոլոր հայերը տեղահանվել, իսկ ուժացածների և մահմեղականների հետ ամուսնացածների բնակավայրերը փոխվել էին:

«Հայերն ու յոյները վերջնականապէս հեռացան ոչ միայն Տրավիզոնէն, այլև Սամսոնէն ու ծովեղերեայ միւս քաղաքներէն: Արդիւնքը աղէտարեր եղաւ այդ քաղաքներուն տնտեսական կեանքին համար, որովհետեւ ամբողջ առեւտուրը, մասնաւորապէս արտահանումները ի գլուխ կը հանուէին յոյներուն եւ հայերուն կողմէ»¹:

Նաև նշենք, որ ուղղմական դատարանը 1919 թ. մայիսի 22-ին Ազմիի հետ միասին մահապատժի դատապարտեց նաև Տրավիզոնի վիլայեթի երիտթուրքական կազմակերպության պատասխանատու քարտուղար Նայիլին: Մեղադրանքը հետևյալն էր. «Տրավիզոնի նախկին կուսակալ Ջեմալ Ազմի բեյը հաղորդել է գաղտնի հրամանագրեր և հրահանգել ու գործել է իր տված հրամաններին համապատասխան... Նայիլ բեյը գործակցել է կուսակալին և աջակցել է նրան համաձայն իր ստացած հրամանների... Այդ երկուսը կատարելով Կ. Պոլսից ստացված գաղտնի հրամանները՝ հայերին ջարդելու և բնաջնջելու համար կազմակերպել էին հրոսակներ այնպիսի չարագործներից ու ոճրագործներից, որոնք բաղում անգամներ կատարել էին նման ոճիրներ: Նրանք ժանդարմների հետ ուղարկվեցին ուղեկցելու հայերի կարավանները, դրանք պաշտպանելու պատրվակով... նախ, հազիվ կարավանները քաղաքից դուրս էին գալիս, անպաշտպան տղամարդկանց առանձնացնում էին կանանցից և տանում աչքից հեռու վայրեր, որտեղ նրանց կողոպտում էին, ապա կոտորում ամեն տեսակի տանջանքների ենթարկելուց հետո: Ապա կանանց էին տանում այլ վայրեր, որտեղ կողոպտում էին գոհարեղենները և ունեցած դրամը, նրանց մերկացնում էին և քայլեցնում ամիսներ շարունակ, այնպես որ ճանապարհի չարչարանքների հետևանքով շատերն ընկնում էին առանց պաշտպանության և մեռնում էին քաղցած ու ծարավ...»²:

Ռազմական դատարանը տարրեր ժամկետների բանտարկության դատապարտեց հարկային տեսուչ Մ. Ալիին, ոստիկանության պետ Նուրիին, գաղտնի գործակալության տեսուչ Մուստաֆային, ոստիկանական քննիչ Թալեաթին, հյուրանոցի տնօրեն Նիյազիին, բժշկական տեսուչ Ալի Սահրին:

¹ Նանսեն Ֆ., Հայաստան եւ Մերձաւոր Արևելք, Վերիտոն, 1956, էջ 53:

² «Takvim-i Vekai», 1919 թ., № 3617.

«Армянский вестник»-ը 1916թ. թիվ 15-ում տպագրեց Ա. Արդութինսկու հոդվածը, որտեղ կարդում ենք, թե երբ ոռւսական զորքերը մտան քաղաք, այնտեղ միայն հուներն էին մնացել: «Թուրքերը փախել էին, իսկ հայերը թուրքերի կողմից մորթվել ու ծովն էին նետվել: Ազատվել էր միայն 100-120 մարդ, որոնք պարտիզանական կոխվներ էին մղել և մի քանի հարյուր երեխա: Հայերին մորթել և խեղղել էին նաև մերձակա զյուղերում, հուների պատմածով, ինչպես նաև ԱՄՆի հյուպատոսի, բողոքական միսիոների, տեղական հյուրանոցի շվեյցարական հպատակ տնօրենի, երկու վերապրած հայերի, կաթոլիկ միսիոներների, մի քանի ոռուսահպատակների վկայություններով և ոչ մեծաթիվ չեթեների հարցուփորձերով, հայերի կոտորածների ընդհանուր պատկերը հետևյալն է:

Առաջին օրը բանտարկվեցին մի քանի հարյուր երիտասարդներ և աղղեցիկ հայեր, դավաճանության և ոռուսների հաջողությանը նպաստելու պատրվակով: Սրանցից հարյուրական մարդու նստեցրին բեռնանավեր, տարան էրոս և Պլատո հրվանդանները... Բոլոր տարգածները խեղղվեցին ծովում:

Ապա կանանց ու տղամարդկանց իրարից բաժանեցին: Կանանցից ջոկեցին երիտասարդներին ու գեղեցիկներին, տեղափորեցին մի տան մեջ և ներկայացրին սպաներին՝ հարձեր ընտրելու համար: Որոշ ժամանակ անց նրանց սպանեցին և դիակները ծով նետեցին: Մնացած տղամարդկանց ու կանանց պահակախմբերի ուղեկցությամբ առանձին խմբերով ուղարկեցին Զիվիոլիկ, որը Տրավիզոնից 25 կմ հեռավորության վրա է: Այնտեղ կանայք ժանդարմների կողմից ենթարկվեցին բռնությունների և ապա թե՛ կանայք և թե՛ տղամարդիկ սպանվեցին, իսկ երեխաներն ուղղակի սվինահար արվեցին: Մի զինվորական նույնիսկ կազմակերպեց զվարձություն՝ երեխաներին կանգնեցնում էին և որոշակի հեռավորությունից կրակում՝ ծակելով դժբախտ փոքրիկների ճակատները: Կենդանի մնացածներին տանում էին էրգրումի ուղղությամբ: Ընդ որում, թուրք զյուղացիների խոսքերով ... ամբողջ երթուղին ծածկված էր մեծահասակների և երեխաների դիակներով...

Հարցման ենթարկված շատ հուների կարծիքն այն է, որ հայերի կոտորածը տեղի է ունեցել համաձայն որոշակի ծրագրի և որ այդ գործում նախաձեռնությունն ու զեկավարությունն անպայման պատկանում էին թուրքական կառավարությանը, որը խստորեն հետապնդում էր, որպեսզի հայերին որևէ օգնություն ցույց չտրվեր: Տեղական իշխանության ներկայացուցիչներից մեկի խոսքերով, որն ասվել է մի աղղեցիկ հունի, ծով է նետվել 800 հայ երեխա...

Ավելի ավագ երեխաները և մի քանի վերապրած հայ աղջիկներ ու կանայք մեծագույն երախտագիտությամբ ու անսահման շնորհակալությամբ էին խոսում առանձին անձանց մասին, որոնք մեծ աշխատանք և եռանդ էին ներդրել կոտորվող հայերին փրկելու համար: Դրանք են Ամերիկայի հյուպատոսը, ամերիկացի միսիոներ Կրաֆֆորդը, «Swisse» հյուրանոցի տնօրենը, Շեքեթ Շաղիրդաղեն, որի որդուն ժանդարմներն սպանեցին, երբ նա բացեիբաց հանդես եկավ հայերի պաշտպանության օգտին:

Գերմանիայի հյուպատոսի մոտ վաղուց ծառայում էր մի հայ խոհարարու-

Հի: Զնայած գերմանացին լիակատար հնարավորություն ուներ նրան հյուպատոսարանում թաքցնելու, գերաղասեց հանձնել իշխանություններին և նա սպանվեց»:

Գերմանացի գործիչ Վ. Շվենդերը հայերի մասին գրեց. «Նրանք նաև մեր թշնամիներն են և պատճառ չունենք նրանց համար խաղաքարտի վրա դնելու թուրքիայի հետ մարտական զինակցությունը...»¹:

Թուրքական վայրագություններն արդարացնում էր նաև Բերգֆելդը, որը հուլիսի 9-ին գրեց կանցլերին, թե «քրիստոնյաներն անշնորհակալ են թուրքերի անկանխակալ վերաբերմունքի համար» և «Համակրում են հատկապես Ռուսաստանին»²:

Գերմանացի դիվանագետը Ռուսաստանի հանդեպ հայերի վերաբերմունքի հարցում չէր սխալգում: Տրավիզոնում ծնված Լևոն-Զավեն Սյուրմելյանն իր «Ձեզ եմ դիմում, տիկիններ և պարոններ» ինքնակենսագրական վեպում ջերմությամբ է նկարագրում հայերի հանդեպ «ոռուս քեռու» վերաբերմունքը: Այդ քեռին փրկեց նաև փոքրիկ Լևոնի կյանքը, «Երբ նա թաքնվել էր հունական մի գյուղում»: «Երիտասարդ թուրքերը անպաշտպան մի ցեղի մահվան դատապարտեցին, որովհետև գիտեին, թե նա սիրահարված է Քեռի Ռուսաստանին: Եվ մենք չենք թաքցնում մեր սերը»³:

Պավլավիչինին գրեց Վիեննա, որ Տրավիզոնի հայերին տանելու են Մոսուլ: «Ի դեմս այդ՝ հայերի համար օրհասական և նրանց մեղքի հետ անհամեմատելի միջոցառումների, պարտք եմ համարում մատնանշել տեղահանվածների մեծագույն մասի, այդ թվում, բազում կանանց ու երեխաների մահվան ակնհայտ նպատակ հետապնդող գործելակերպի ծանր քաղաքական և տնտեսական հետեւանքները... Արտաքսումը Մոսուլ, մեծ հեռավորության և օթևանի ու սննդի բացակայության հետևանքով, նմանվում է մահվան դատապարտության (գործընկերներս կիսում են այս կարծիքը)»⁴:

Տրավիզոնում Ավստրո-Հունգարիայի հյուպատոսը Կվյատկովսկուն գրեց, թե «Ծատ բան հետներդ մի՛ վերցրեք» թուրքական նախագուշացումը տարագրվողներին և «փոքր առնետներն էլ են վտանգավոր» և նման արտահայտությունները «վատ բաներ» են ենթադրում: Եվ ապա, «Ի վիճակի չեմ նկարագրելու հայ բնակչության հուսահատ վիճակը: Սիրտդ ճմլվում է, երբ տեսնում ես հայերով բնակեցված թաղամասերը: Տղամարդիկ, կանայք և երեխաները ողբում են, փողոցում թափված են կահավորանքի կողոներ և կենցաղային այլ իրեր՝ շրջապատված թուրքերով ու թրքուհիներով՝ ձրի յուրացնելու մտագրությամբ:

Կառավարության վարքագծից վրդովված է ոչ միայն քրիստոնյա, այլև մահմեղական բնակչության մեծ մասը...»⁵:

¹ «Լրաբեր հասարակական գիտությունների», 1987 թ., № 7, էջ 86:

² Նույն տեղում, էջ 83:

³ Սյուրմելյան Լ., Ձեզ եմ դիմում, տիկիններ և պարոններ, Ե., 1980, էջ 10-11:

⁴ Wien HHSTA PA XI 209, Konstantinopel, 27-ը հունիսի 1915 թ.:

⁵ Wien HHSTA PA XII 209, Jenikoj, 24-ը օգոստոսի 1915 թ.:

Յսմանյան խորհրդարանի 1918 թ. գեկտեմբերի 11-ի նիստում նշվեց, որ Հայերի «ապրանքները բռնազրավուեցան, երբ անոնք հաւաքարար մահավճիռ ստացան եւ աքսորուելով, յոյներու նման, անարիւն՝ սպիտակ ջարդի ենթարկուեցան այն ծանօթ մեթուսներով, որ անոնք տեղահան եղած էին»:

ՆԳ նախարար Արիֆը հայտարարեց. «Էնվեր փաշան երեք միլիոն Հայրենիքի զաւակներ զորաշարժի ենթարկելով հանդերձ չի կրցաւ յաղթել թշնամին, բայց 5-10 չեթէներով 1.5 միլիոննոց ժողովուրդ մը մեղցուցած ըլլալնուն համար կրնայ իր պահուըտած տեղէն պարծենալ»:

ՄՈՒՍԱ ԼԵՌ

Հալեպի վիրայեթի Անտիոքի գավառի Սուեղիայի (Սելևկիա) գավառակում Մուսա (Մովսեսի) լեռան փեշերին կար հայկական վեց գյուղ՝ Բիթիաս, Խըղբեկ, Հաջի Հարիբլի, Յողունօլուք, Վաղըֆ, Քերուսիե, որտեղ բնակվում էր 5-6 հազար հայ, շրջապատված մահմեղական գյուղերով։ Քեսարը նույնպես հայարնակ էր, գտնվում էր դեպի Հարավ 18 կմ հեռավորության վրա, բայց Մուսա լեռան գյուղերից կտրված էր, նրանց միջև բացակայում էր կանոնավոր հաղորդակցությունը։

Սուեղիայի հայությունը միշտ էլ ապրել է լիաթոք աղքային կյանքով, աչքի ընկել իր ըմբոստ ոգիով։ Հանրահայտ է նրա 1895-ի հերոսամարտը։ 1909 թ. մուսալեռոցիները Հաջի Հարիբլի մերձակայքում փախուստի մատնեցին թուրքական զորքին ու հրոսակներին։ Դրա հետ միասին, մուսալեռոցիներն իշխանություններին պատրվակներ չընձեռելու նպատակով բարեխղճությամբ էին կատարում իրենց քաղաքացիական պարտականությունները։

1914 թ. հուլիսին սկսվեց զորակոչիկներից շատերը դասալքեցին, որովհետև թուրքերին չէին վստահում։ Նրանց փնտրելու պատրվակով սկսվեցին խուզարկություններ և բռնություններ։ Միաժամանակ հաշվառում էին հայերի ունեցած ձիերը, լծկանները, հացահատիկը, կնիքներ դնում ավանակների ու ջորիների վրա։ Հայերից պահանջեցին լավ խնամել արդեն պետությանը պատկանող այդ կենդանիներին։ Գյուղացուն մահապատիժ էր սպառնում դասալիք կամ զենք թաքցնելու համար։

Դասալիքները լուրեր էին բերում այլևայլ շրջաններում հայերի տեղահանությունների մասին, սակայն մուսալեռոցիները թերահավատ էին այդ լուրերի հանդեպ։ Քիչ անց ստացվեց նաև Զեյթունի տեղահանության լուրը։ Դա մուսալեռոցիներին հասցրեց Զեյթունի ավետարանական համայնքի հովիվ, յողունօլուքցի Տիգրան Անդրեասյանը, որը կարողացել էր խոյս տալ տարագրությունից։ Նա հուլիսին հասավ Հայրենի գյուղ։ Հուլիսի 26-ին ստացվեց Քեսարի հայության տեղահանության հրամանը։ Դա սպառնալից ահազանգ էր սուեղահայերի համար։

Հուլիսի 29-ին մուսալեռոցիների ավագանին ժողովի է հավաքվում Յողունօլուքի քահանա Աբրահամ Տեր-Գալուստյանի տանը։ Վտանգն ակնհայտ էր և «ի՞նչ անել» հարցը պատասխան էր պահանջում։ Լարված քննարկում եղավ։ Ոմանք դեմ էին լեռ բարձրանալուն, գտնելով, որ դիմակայելու համար ո՛չ զենք ունեն, ո՛չ պարեն և ո՛չ էլ համապատասխան թվով կովող ուժ։ Մեծամասնությունը գտնում էր, որ մահ է թե՛ տեղահանությունը և թե՛ դիմադրությունը, բայց գերազասելին դիմադրելն է։ Որոշվեց. «Այստեղ ենք ծնվել, այստեղ էլ

կմեռնենք և գաղթական չենք դառնա»:

Քերոսիեի քահանան հակառակ կարծիքի էր և նա կարողացավ այդ գյուղի բնակիչներին, բացի 17 ընտանիքից, ինչպես նաև Բիթիասի որոշ ընտանիքների, համոզել տարագրվելու: Նրանց տարան Դեր Զոր ու բոլորին ոչնչացրեցին:

Մուսալեռցիներն ունեին ընդամենը 140 մարտական, մի քանի հարյուր կայծքարային հրացան, 11 «մասուցեր» ատրճանակ, յուրաքանչյուրի համար 100-120 փամփուշտ, որոշ քանակությամբ վառող, մի քանի որսորդական հրացան: Զինվորական ծառայության մեջ եղել էր 6-7 հոգի, այսինքն, գրեթե չկային նաև ռազմական գործին գիտակ անձինք, զենք օգտագործել կարողացողների թիվը չէր անցնում 600-ից:

Հուլիսի 30-ին ստացվեց կազայի հայերին տեղահանելու վերաբերյալ Անտիոքի գայմագամ Մաարուֆի հրամանը հետևյալ բովանդակությամբ.

«1. Նկատելով, որ սոյն յայտարարութեան թուականէն եօթը օր վերջ Անտիոքի գազայի բոլոր հայերը պիտի լքեն Անտիոքն ու անոր պատկանող գիւղերը, հարկ է, որ սոյն հրամանագրին ենթակայ ամեն անհատ յիշեալ ժամանակամիջոցին մէջ կարգադրէ իր անձնական գործերը եւ պատրաստէ իր փոխադրութեան միջոցները:

2. Կառավարութեան կողմէ որոշուած վայրերը հայերու տեղափոխութեան միջոցին անոնց խաղաղութիւնը, հանգստութիւնը եւ ամեն տեսակի կեղեքումի դէմ անոնց պաշտպանութիւնը պիտի ապահովուի ժանտարմաներու միջոցով:

3. Ազգատութիւնը ստուգուած ընտանիքներուն կառավարութեան կողմե պիտի տրուին փոխադրութեան միջոցներ եւ մնունդ:

4. Հոս մնալիք ստացուածքներն ու գոյքերը մէկիկ-մէկիկ իրենց տեսակներով, պիտի ցուցակագրուին կառավարութեան կողմէ եւ ապահով տեղեր պիտի դրուին ու պաշտպանուին եւ յետոյ անոնց վաճառումէն գոյացած գումարները պետական սունտուկին մեջ պիտի դրուին եւ ապա տէրերուն պիտի դրկուին:

5. Գաղթականներուն բոլոր իրաւունքները պիտի պաշտպանուին, քանի որ իրենց դրկուելիք տեղերը հանգստաւէտ կերպով պիտի բնակեցուին:

6. Իմ նախագահութեանս տակ յանձնախումը մը կազմեցի որպէսզի առաքումի գործը բարւոք կատարուի եւ կառավարուի, անձնական իրաւունքները պաշտպանուին, եւ ստացուածքներն ու շարժուն գոյքերը տեսրակներու մէջ արձանագրուին;

7. Պէտք է, որ տեղահանութեան ենթակայ անհատներ կատարեալ վստահութիւն ունենան կառավարութեան գործողութեանց վրայ, եւ ուրիշ օսմանեան հպատակներ ալ պէտք է յարգեն այս իրաւունքները ..., քանի որ գործադրուելիք տեղահանութիւնը հասարակ գաղթումի գործողութիւն մը պիտի ըլլայ:

8. Կը յայտարարեմ, թէ ըլլայ' ժողովուրդէն և ըլլայ' կառավարութեան պաշտօնեաներէն, ով որ զանցառու գտնուի, անմիջապէս պիտի ձերբակալուի եւ զինուորական ատեանի պիտի դրկուի: Անտիոքի գազայի գայմագամ Մաարուֆ, 16 յունիսի 1915»¹:

¹ «Յուշամատեան Մուսայ լերան», Պէյրութ, 1970:

Հետագայում **S. Անդրեասյանը** գրեց. «Հաղիվ թե կարողանաք պատկերացնել այն զգացմունքն ու վրդովմունքը, որոնք առաջացրեց տեղահանության հրամանը... Թվում էր, թե անհույս էր թուրքական կառավարությանը հակառակվելը: Սակայն մեր ընտանիքներին հեռավոր անապատ ուղարկելը, որտեղ բնակվում էին արաբական մոլեռնադ ցեղերը, այնքան սարսափելի էր թվում, որ կանայք և տղամարդիկ հակված էին հակառակվելու հրամանին և գերադասեցին կրելու կառավարության ցասումը: Մենք գիտեինք, որ անհնար էր պաշտպանել մեր լեռան շուրջ ընկած գյուղերը: Կառավարության հրամանն արձակվել էր հուլիսի 30-ին: ...Յոթ օրվա ժամկետը գրեթե անցել էր...»¹:

Հաջորդ օրը հայերն սկսեցին լեռ բարձրանալ: Մի քանի օրում Յողունօլուք, Խըտրեկ և Վագրֆ գյուղերը դատարկվեցին: Օգոստոսի 4-ին լեռ բարձրացան Հաջի Հարիբլիի ողջ բնակչությունը և Բիթիասի բնակչության մի մասը:

Լեռ բարձրացավ ընդամենը 4231 հոգի: Մնացած 2080-ը Բիթիասի քահանա Նուխուսյանի գլխավորությամբ բռնեց տարագրության, այսինքն մահվան ճանապարհը:

Շրջանառության մեջ են նաև հետևյալ թվերը: Մուսա լեռան վեց գյուղերը ունեին 4231 բնակիչ (1171 կին, 1237 տղամարդ, 1383 անչափահաս): Բիթիաս գյուղի 1050 բնակչից տարագրության ուղին բռնեց 450-ը, Հաջի Հարիբլիի 1284 բնակչից՝ 384-ը, Յողունօլուքի 1233 բնակչից՝ 57-ը, Խըտրեկի 1149 բնակչից՝ 65-ը, Վագրֆի 470 բնակչից՝ 84-ը, Քերոսիեի 1040 բնակչից չհեռացավ միայն 85 հոգի:

Բնականաբար, թուրքերը նկատեցին մուսալեռոցիների սար բարձրանալը, բայց քմծիծաղի տվեցին: Նրանք մարդիկ ուղարկեցին համոզելու նրանց հետ կանգնելու այդ ամսիտ ձեռնարկից: Թուրքական իշխանությունները մի կողմից հայերի հետ բանակցություններ էին վարում, մյուս կողմից՝ 200 զինվորի հարձակման տանում նրանց վրա:

Սուեղահայերն իրենց հետ լեռ տարան մննդի բոլոր պաշարները, անասունները, այն ամենն, ինչ հնարավոր էր տանել: Նրանք կանգ առան թաթար Ալակ լեռնահովտում: Ստեղծվեց ուղմական խորհուրդ՝ Ե. Յաղուրյան, Պ. Տմլաքյան, Պ. Տուտավյան, Մ. Տեր-Գալուստյան, Մ. Ճանապյան և Հ. Խոկենդերյան: Հերոսամարտի ողին Տիգրան Անդրեասյանն էր, մարտական գործողությունների ղեկավարները՝ Եսայի Յաղուրյանն ու Մովսես Տեր-Գալուստյանը: Մի քանի օրում լեռնահովտոր կահավորվեց ոչ միայն որպես կացարան, այլ նաև՝ ուղմական ճամբար: Կառուցվեցին ճանապարհներ, դիրքեր, խրամատներ: Անտառի առկայությունը հնարավորություն տվեց շինելու տներ, զորանոցներ:

Զեավորվեց չորս տեղամաս՝ Կըզըլջա, Կուգճըլուզ, Դամլաջըք, Կափլան-Դուզաղ: Զեավորվեցին մարտական ջոկատներ, կազմակերպվեց 40 հոգանոց երիտասարդական հարվածային ջոկատ: Տերերից ու դեռահասներից ստեղծվեցին օժանդակ տասնյակներ: **S. Անդրեասյանը** վկայում է, որ նախապատրաստական աշխատանքները տևեցին ութ օր: Մի քանի օր թուրքերը տեղյակ

¹ *Andreassian D., Suedije – ein Episode der Armenierverfolgungen 1915, s. 55 ff.*

չին, որ Մուսա դաղի հայկական գյուղերը լրիվ դատարկվել էին:

Օգոստոսի 7-ին տեղի ունեցավ թուրքերի առաջին հարձակումը, որը ղեկավարում էր Սուեդիայի մյուղիր Խալիդը: Հարձակմանը մասնակցում էր 200 ասկար: Կոփը տևեց վեց ժամ և ավարտվեց թուրքերի նահանջով: Նրանք տվեցին տասը սպանված և 20 վիրավոր: Խալիդը հայերից պահանջեց զենքերը վար դնել ու հանձնվել: Մուսալեոցիներն անպատճան թողեցին այդ պահանջը:

Օգոստոսի 10-ին սկսվեց նոր հարձակում, որին մասնակցում էին 5000 զինվոր ու սպա, որոնք լեռնային խոշոր թնդանոթների ուղեկցությամբ, յոթ փաշաների և գերմանացի մի սպայի հրամանատարությամբ զնում էին մուսալեոցիների վրա: Հայերը սկզբում ընկրկեցին թշնամու գերակշիռ ուժերի առաջ, ինչը նաև զարձակ ծուղակ թուրքերի համար:

Մուսալեոցիները հետ քաշվելով՝ հանկարծակի զանգվածային կրակի տակ առան լեռն ի վեր խուժող թշնամուն: Թուրքերը խուճապի մատնվեցին ու փախան: Նրանք նոր հարձակման անցան: Այդպես՝ 12 ժամ շարունակ: Մարտում ծանր վիրավորվում է Հակոբ Կարապյողյանը, որին ժողովուրդն Առուծ էր կոչում: Նա դիմելով յուրայիններին, ասում է. «Կ'աղաչեմ, ինձմով մի՛ զբաղեք: Ես արդէն ինչ-որ պիտի ըլլամ, եղած եմ, դուք գացէ՛ք ու թշնամիին դիմաղրեցէ՛ք: Մանաւանդ մի՛ տարակուսիք վերջնական հաղթանակի վրայ: Մե՛րը պիտի ըլլայ ան»¹: Այդ օրը հերոսական մահով զոհվեց նաև Հակոբ Գալուստյանը: «Los Angeles Examiner»-ը 1926 թ. օգոստոսի 1-ին գրում է, որ այդ օրվա կովում թուրքերը ունեցան 100 սպանված և 300 վիրավոր:

Օգտվելով մի քանի օրվա դադարից, հայերը կրծատեցին ճակատային գծի երկարությունը:

«Վերջին ճակատամարտին մէջ,- հիշում է Տ. Անդրեասյանը,- մեր ունեցած փորձառութենէն սորվեցանք, թէ շատ դժուար ու անապահով էր մեր ոյժերը երեք-չորս տարբեր կեղրոններու վրայ կառավարել: Պէտք էր միայն մէկ կեղրոն ունենալ, ուրկէ կարելի ըլլար անմիջապէս պէտք եղած չափով ոյժ դրկել թշնամիին դէմ, յարձակումի մը պահուն...»

Ձինուրական կազմակերպութիւնները առաջուան պէս մնացին՝ բոլոր կոռողները նորէն բաժնուեցան տասնապետութեանց: Կոռելու ատակ եւ գէնք ունեցող միացեալ ոյժերը կը բաղկանային 43 տասնեակներէ, նոյն թուով տասնապետներով»: Սրանց մեջ չէր մտնում չեթեական կազմակերպությունը: Մուսալեոցիների պաշտպանական տարածքը 70-80 քառ. կմ էր, ինչը փոքրաթիվ ուժերով պաշտպանելը շատ դժվար էր: Կարևոր կետերը պահելու հաղիվ 2-3 զինյալ էր հասնում: Այդ անպատեհությունը վերացնելու էին կոչված 33-ական հոգուց կազմված չեթեական երեք խմբերը, որոնք անմիջապէս օգնության էին հասնում հարձակման ենթարկված կետերին: Չեթեական խմբապետներն էին Ե. Յաղուբյանը, Պ. Տրմագլյանը²:

¹ «Յուշամատեան Մուսայ լերան», Պէյրութ, էջ 334:

² «Հերոսամարտեր», Լու Անջելես, 1985, էջ 91-92:

1915թ. օգոստոսի 27-ին Ավստրո-Հունգարիայի հյուպատոս Դանդինին գրեց. «Անտիռի մոտ Սվեդիայից, Ուրֆայից ու նաև Զեյրանի շրջակայքից հաղորդում են Հայերի և իշխանությունների գինված ուժերի միջև արյունալի ընդհարումների մասին: Զենքը հանձնելու թուրքական կառավարության պահանջին Հայերը պատասխանեցին կրակոցներով, այդ պահանջը հանգեցրեց մինչև Հիմա շարունակող մարտերին»¹:

Հայերը չորս կետերի փոխարեն կենտրոնացան Դամլաջրքում՝ Միջերկրական ծովի դիմացը, որն ավելի մեծ հնարավորություն ուներ ծովից օգնություն ստանալու կամ օտար նավերով փրկվելու համար:

Կազմավորվեց վարչական մարմին՝ Տիգրան Անդրեասյանի ղեկավարությամբ: Նա պետք է հետևեր կարգուկանոնին, զբաղվեր պարենավորմամբ, ապահովեր թիկունքի հստակ աշխատանքը:

Ստեղծվեցին աշխատանքային վաշտեր, որոնք փորում էին խրամատներ, ծառեր կտրատելու միջոցով ապահովում էին դիրքերի տեսադաշտը, ճանապարհներին խոչոր քարեր էին զցում, թշնամու առաջխաղացումը խոչընդոտում: Ստեղծվեց «Հեռախոս տղաների» կապի թուրցիկ խումբ, ինչպես նաև 25 հոգանոց մի ջոկատ, որը Թաթար Ալանկ վայրում էր մնալու որպես պահետային ուժ՝ կարիք զգացող խմբերին օգնության հասնելու համար:

Տեղանքին քաջատեղյակ լինելը Հայերին հնարավորություն տվեց աննկատելի մոտենալ թշնամու բանակատեղին, և օգտվելով գիշերվա մթությունից, հանկարծակի հարձակում գործել: Քնած թուրքերը կաթվածահար վեր թուանու փախուստի դիմեցին:

Սակայն դա դեռ հաղթանակ չէր: Թուրքերը մի քանի օր անց նոր հարձակման անցան: Օգոստոսի 15-ին թուրքական 5000 հոգանոց զորքը և 4000 բաշխողուկը Ֆալսրի փաշայի հրամանատարությամբ նորից հարձակման անցան: Խորամանկ փաշան իր ուժերի մի մասը ուղարկեց դեպի Թաթար Ալանկ, իսկ մյուս մասը դարձնակալեց անտառում: Թշնամու երկու թնդանոթներն անընդհատ ոմբակոծում էին Հայերի դիրքերը: Բայց թուրքերն այդպես էլ որևէ հաջողության չհասան:

Մարտերին իրենց եռանդուն մասնակցությունն ունեցան նաև կանայք, ծերերն ու երեխաները: «Նրանցից ոմանք զինված էին սովորական հրացաններով, կանայք ու պատանիները՝ փայտերով, քարերով ու իրենց եղունգներով»: Այնուամենայնիվ, թշնամին հաջողեցավ օգտվել գիշերվա մթությունից ու տիրանալ հարժապայրին: Հայերն այդ օրը տվեցին տասնմեկ սպանված և մի քանի վիրավոր:

Օգոստոսի 16-ին կոփվը վերսկսվեց և ավելի կատաղի բնույթ ստացավ: Մուսալեոցիները թշնամու գերակշիռ ուժերի ճնշման տակ նահանջեցին, եղան նաև խուճապի առանձին տրամադրություններ: Ակսեց ոմբակոծվել նաև Դամլաջրը, այսինքն՝ պաշտպանության կենտրոնը:

Կանանց ու երեխաների թափորը Աբրահամ քահանա Տեր-Գալուստյանի

¹ Wien HHSTA PA XXXVIII 366, Aleppo, 27-ը օգոստոսի 1915 թ.:

զլիսավորությամբ շարժվում է դեպի ծովափ: Սակայն օրվա երկրորդ կեսին հուսատական տրամադրությունները հաղթահարվում են և մուսալեռցիները նորից հաղթանակած են գուրս գալիս: Նրանք թշնամուն վերցրին կիսաօղակի մեջ, կրակի տակ առան ու բոլոր կողմերից աղմուկ-աղաղակով գրոհի անցան: Թուրքերը, չփոթված, մի պահ կանգ առան, որին հաջորդեց հայերի նշանառու կրակը: Գործի դրվեցին նաև 1895 թվից մնացած մի քանի ժամանակու ուժում ապելի ուժեղացրին թուրքերի սարսափը: Նրանք կարծեցին, թե հայերն օգնական ուժերով համարվել են և խուճապահար փախան: «Ինչ արագությամբ որ առաջացել էին, կրկնակի արագությամբ հետ են քաշվում»՝ կովի դաշտում թողնելով սպանվածներ ու ուղմամթերք, զենքեր, սննդամթերք, դեղորայք: Երկու օրում թուրքերը կորցրին 600-700, իսկ հայերը՝ 20 սպանված ու շուրջ երեք տասնյակ վիրավոր:

Թուրք հարամանատարը հարկադրված էր խոստովանել. «Եթէ ես իմ 5000-ի փոխարեն ունենայի 500 այսպիսի (հայերի նման) քաջեր, կը տեսնէիք, թէ ինչ հրաշքներ կը գործէի»¹:

Օգոստոսի 19-ին, երբ մուսալեռցիները տոնում էին Աստվածածնի տոնը, տեղի ունեցավ նոր հարձակում, որին մասնակցում էին 9000 կանոնավոր զորք ու մեծ թվով հրոսակախմբեր: Հարձակումն սկսվեց վեց ուղղություններով և անընդմեջ ընթացավ երկու օր: Թուրքերը մի քանի կետերում ձեղքեցին հայերի պաշտպանությունը: Սակայն 50 հայեր հաջողեցան աննկատ անցնել թուրքերի թիկունքն ու նրանց կրակի տակ առնել: Թշնամին խուճապի մատնվեց և մարտաղաշտում թողնելով 500 դիակ՝ փախուստի դիմեց:

Ալեքսանդրետ օգնության խնդրանքով ուղարկված պատվիրակը օգոստոսի 12-ի գիշերը վերադառնում է ձեռնունայն: Թուրքերը որոշում են հայերին տեսական շրջափակման մեջ պահել ու սովամահ անել: Շրջափակմանը մասնակցում էր 15 հազար հոգի:

Իսկ հայերի սնունդն ու ուղմամթերքը սպառվելու վրա էին:

Խնդրապաշտպանության ղեկավարները հնարներ էին փնտրում օտար, մասնավորապես Անտանտի երկրների նավերի հետ կապ հաստատելու համար: Սեպտեմբերի 2-ին երևաց առաջին նավը, բայց առանց ափին խմբված մարդկանց վրա ուշադրություն դարձնելու՝ հեռացավ: Լավ լողորդներ Մ. Գրիգորյանը, Կ. Խաղողյանը, Ա. Կոջանյանը և Տ. Մանկիլյանը թիմեղյա ամաններում դրված աղերսագրերով լողում են Ալեքսանդրետի ուղղությամբ, իսկ ծովափնյա ըլուրի վրա ամրացվում են երկու դրոշակներ՝ մեկի վրա կարմիր խաչ էր նկարված, իսկ մյուսի վրա անգլերեն գրված էր. «Քրիստոնյաները աղետի մեջ են»: Պաստառների կողքերին խարույկներ վառեցին՝ ուշադրություն հրավիրելու համար:

Դրանց մոտ մշտական պահակություն էր սահմանված, որպեսզի նավ նշմարելիս ծածանեին դրոշները: Լողորդների միջոցով նոր նամակներ են ուղարկվում կիպրոս՝ Ամերիկյան հյուպատոսին, նաև Հալեպի հայոց առաջնորդին՝ Պողոս Նուրբար փաշային հանձնելու համար:

¹ «Յուշամատեան Մուսայ լերան», էջ 359:

Աղերսագրում կարդում ենք. «Տէ՛ր, մենք հոս ապաստանած ենք թուրքական բարբարուներէն, խժդութիւններէն, կոտորածէն եւ մահէն, մանաւանդ մեր կիներուն պատիկին բոնաբարումէն զերծ մնալու համար: Տէ՛ր, վստահ ենք, որ դուք տեղեակ էք թուրքին ներկայ բնաջնջման քաղաքականութեան, զոր ան կը գործադրէ մեր խեղճ ցեղին վրայ... Ինչպէս որ ամերիկացի տոքժոր մը ըսած է, թուրք կառավարութիւնը որոշած է բնաջնջել թրքահայերը եւ մեծ կորովով կը գործադրէ իր ծրագիրները... Մենք որոշեցինք մեռնիլ կոռով, քան մեր իսկ աչքերով տեսնել մեր կիներուն պատուին անարգուիլը եւ յետոյ, իրրեւ վախկոտներ, անշուշտ չարչարանքներով մահուան դիմել»: Այնուհետև նշվում է, որ թեև իրենք հաղթանակող են դուրս եկել տեղի ունեցած ճակատամարտերից, սակայն այլս հնարավորություն չունեն դիմակայելու, քանի որ ո՛չ կարգին զենք ունեն և ո՛չ զինամթերք, «մանաւանդ, որ սովը շատ մօտեցած է մեղի»¹: Խնդրում էին կամ բոլորին ազատել և կամ, եթե դա հնարավոր չի համարվի, փոխադրել կիները, ծերերն ու մանուկները և օգնել զենքերով և ռազմամթերքով, ինչպես նաև սննդամթերքով, որ դաշնակիցների հետ կողք-կողքի կովեն թուրքական ուժերի դեմ²: Սակայն աղերսագրերը մնում են անպատասխան:

Այդ ընթացքում թուրքական հրամանատարությունը մի քանի անգամ մուսալեոցիներին առաջարկեց զենքերը վար դնել ու հանձնվել: Սեպտեմբերի 5-ին երևաց ֆրանսիական «Գիշեն» հածանավը: Հայերի աղմուկի վրա՝ նա ծով իջնեցնում է մի մակույկ, որը մոտենալով ափին, վերցնում է ֆրանսերեն խոսող մեկին, ավագանուց մի քանի հոգու և վերադառնում է նավ: Ծովակալ Դարտիժ դյու Ֆուրնեն և նավապետ Բրիսոն, ստանալով հայերի դիմումը, հիանում են: Բրիսոն իր անձնական պատասխանատվությամբ խարիսխ է զցում և հրամայում է ոմբակոծել Քերուսիի գյուղի եկեղեցին, որը թուրքերը ռազմական պահեստի էին վերածել: Վերջինները դա ընկալեցին, որ իրենց դեմ Անտանտը նոր ճակատ է ուզում բացել և որոշեցին արագացնել հայերի ոչնչացումը, քանի դեռ եվրոպացիները նոր ուժեր չեն բերել: Սեպտեմբերի 7-ին տեղի ունեցավ նոր հարձակում, սակայն որևէ հաջողություն չունեցավ: Այդ օրը հայերը կովում էին բարձր տրամադրությամբ, նրանք երգելով ու իրար հետ կատակելով էին մարտնչում կատաղած թշնամու դեմ: Ավին մոտեցավ ֆրանսիական նավը: Մի քանի հայեր ծովը նետվեցին: Սակայն նրանց թույլ չտվեցին նավ բարձրանալ:

Ֆրանսիացիք նախ պարզեցին իրական վիճակը, ապա նոր միայն համաձայնվեցին բանակցել: Տեղ հասան անզլիական մի ուազմանավ ու մի քանի մարտանավեր: «Ժաննա դ'Արկ» հածանավ են բարձրանում վարչական մարմնի անդամները: Թուրքերն այս ամենը տեսնում են և որոշում են խորամանկել: Սեպտեմբերի 9-ին թուրքական զորքերի հրամանատար Ռիֆաթը երեք նամակ ուղարկեց մուսալեոցիներին և նորից պահանջեց հանձնվել:

¹ Անդրէասեան Տ., Զէյթունի անձնատուութիւնը եւ Սուէտիոյ ինքնապաշտպանութիւնը, Գահիրէ, 1915, էջ 44:

² Նույն տեղում, էջ 49:

Պատասխանի համար տրվում էր երկու ժամ: Հայերը առաջարկեցին 24 ժամ՝ ժամանակ շահելու համար: Սակայն թուրքերը պատասխանի չսպասեցին ու նոր հարձակման անցան: Հայերը պատասխան կրակ չքացեցին, իբր լքել էին դիրքերը: Թուրքերը մոտեցան կիրճի հայկական դիրքերին, ընկան ուժեղ կրակի տակ և խուճապահար նահանջեցին: Հայերը նրանց հետապնդեցին: Օտար նավով փրկվելու մաքատումներում առանձնապես աչքի ընկապ 75-ամյա Մովսես Գրիգորյանը որ 30 ժամ մարտնչեց Միջերկրականի ալիքների հետ ու կարողացավ մուսալեռոցիների խնդրանքը հասցնել օտար նավի հրամանատարին:

Հաջորդ օրը ափին մոտեցան ֆրանսիական «Գիշեն» և «Դեզե» հածանավերի հրամանատարները և Հայերին ասացին. «Երեկ դուք կատարեցիք ձեր պարտականությունը, այսօր Հերթը մերն է»¹: Ու սկսեցին ոմքակոծել թուրքերի դիրքերն ու զորանոցը: Օգտվելով զրանից՝ Հայերը հարձակման են անցնում ու թուրքերին փախուստի մատնում: Ֆրանսիական Յ-րդ նավախմբի հրամանատարությունը նպատակահարմար չի համարում այդ հատվածում ուազմական գործողություններ ծավալել և որոշում է Հայերին տեղափոխել: Կիպրոսի անգլիական հրամանատարությունը հրաժարվեց Հայերին օթևան տալ, իսկ Եգիպտոսի բարձր կոմիսարն էլ պատասխանեց, թե Լոնդոն է դիմել և պատասխանի է սպասում: Ծովակալ Դարտիֆ դյու Ֆուրնեն առանց Փարիզի համաձայնությանը սպասելու ժողովրդին բարձրացնում է նավեր: Եվ «Գիշեն», «Դեզե», «Ֆուրն», «Լ'Աղմիրալ Շարնե» և «Դ'Էստրե» մարտանավերը լցվեցին մուսալեռոցիներով: Դա սեպտեմբերի 14-ն էր: «Երբ կիներէն, ծերունիներէն եւ տղաներէն վերջինը նաև դրուած էր, Հայկական 20 զօրախմբերը միաժամանակ ձգելով իրենց լեռնային դիրքերը, զանազան կողմերէն ծովափ եկան... խմբակ առ խմբակ, հումկու եւ խրոխտ պատերազմիկներ՝ կուրծքերնին փամփշտկալներով զարդարուած»²:

Նավ բարձրացավ 4058 մարդ, որից 1568-ը՝ երեխա, որոնցից՝ չորս տարեկանից ցածր՝ 427, 4-14 տարեկան աղջիկներ՝ 508, տղաներ՝ 628 հոգի³: Ուղղություն վերցրին դեպի Պորտ Սայիդ: Այստեղ նրանք մի քանի տարի ապրեցին վրանների տակ: Մուսալեռոցիներից 600 հոգի կամավոր մտավ Արևելյան լեզեռն և 1918-ի սեպտեմբերի 19-ին խիզախարար կովեց Պաղեստինի Արարա բարձունքի վրա տեղի ունեցած ճակատամարտում:

Մուսալեռոցիների դասերը: «Աշխարհը ժամանակին չանսաց» մի բուռ Հայերի խելահեղության արմատները, որ Հայոց ցեղասպանության գերմարդկային վայրագ պոռթկում էր, որ մուսալեռոցիների օրինակը տակավին մնում է որպես կանխազգուշացում և զգոնության աշազանգ, որ Մեծ Եղեռնը «նախերգանքն էր մի շարք ազգերի և ազգությունների բնաջնջման»: Այդ գիտակցությանը հասու եղավ միայն Ֆրանց Վերֆելը, որն իր ժամանակակիցներից տարիներ առաջ կանխազուշակեց, թե «ինչ աղետներ են սպասվում» աշխարհին

¹ «Յուշամատեան Մուսայ լերան», էջ 382:

² Նույն տեղում, էջ 392:

³ Ազատեան Լ., Հայ որբերը Մեծ Եղեռնի, Լոս Անջելես, 1995, էջ 21:

20-րդ դարում, և մարդկությանը կոչ արեց «ի սեր բարության՝ զինված մենամարտի մեջ մտնել չարության դեմ»¹:

Ցեղասպանի դեմ մարտնչելը պարտք է՝ անկախ ունեցած կարողություններից: Դա կլինի ոչ թե արկածախնդրություն, այլ միակ ճիշտ կողմնորոշումը: Արկածախնդրությունը հազարավորներին իթմիհաղի մարդասպանների գթությանը թողնելն էր, բռնագաղթի ճամփան բռնելը: Երբ ժողովրդին մահվան են քշում, միակ բարոյականը բոլոր ուժերով մարտնչելն ու գենքը ձեռքին կամ անգամ առանց զենքի մարտերում զոհվելն է:

Միանգամայն իրավացի է ոռու բանաստեղծ Միխայիլ Դուդինը, երբ գրում է. «Ֆրանց Վերֆելն իր գրքում անդրադաել է ոչ այնքան զոհերին, որքան հերոսներին, ոչ թե դաժանությանը կրավորաբար հանձնվելուն, այլ՝ դիմադրությանը, դահիճների ոճրագործությանն ակտիվորեն դիմադրելուն»²:

Այս առումով Արևմտյան Հայաստանի 1914-1918 թթ. ինքնապաշտպանական կոիվները համամարդկային հնչեղություն ունեն, դրանք կողմնորոշումներ են՝ ատամն ընդ ատաման, որն այլընտրանք չունի: Պատահական չէ, որ 1942 թ. Հարավալավիայի պարտիզանները Սլովենիայի Ռոպ լեռան վրա գտնված պահին կոչ արեցին. «Հայրենիքի համար կովենք այնպես, ինչպես կովում էին հայերը Մուսա լեռան վրա»: Եվ նրանք հաղթեցին, Ռոպ լեռն ստացավ իր երկրորդ անունը՝ Սլովենիայի Մուսա լեռ:

Լեհ գրող Քրիստինա Ժիվալսկան իր «Օսվենցիմի դժոխքը» գրքում պատմելով այդ դժոխքում իր տարած տանջանքների մասին, գրում է, որ Գարրիել Բագրատյանն իր համար դարձել էր պայքարի միակ ճիշտ ձեի խորհրդանիշ, «երբ ինքը կանգնած է եղել կործանման դեմ հանդիման»:

«Յավոք,- գրում է նա,– Հիտլերյան մահվան ճամբարները հնարավորություն չեն տալիս հավաքվելու Մուսա լեռան նման բարձունքի վրա՝ այնտեղից թշնամուն հարվածելու համար: Դաժանության աստիճանը նույնն էր մնացել, կատարելագործվել էր միայն մարդասպանության տեխնիկան... Օսվենցիմ կոչվող այդ անիջալ հողակտորի վրա փակված, ես քանի-քանի անգամ եմ երազել Մուսա լեռ...»³: Դժբախտաբար այդպես է. դաժանությունների աստիճանները նույնն են, տարբեր են միայն դրանց արտահայտության ձևերն ու եղանակները: Տարբեր են նաև ոչ միայն դրանց ընդդիմանալու ձևերն ու եղանակները, այլև դիմադրելու բուն կամքը, ապրելու իրավունքը կովելով նվաճելու վճռականությունը:

Լեփսիսը, որ «Ճերել Մուսա լեռան ստորոտում ընկած Սուեդիայի գյուղերի բնակիչներին ... հաջողվեց խուսափել ջարդերից», նկատում է, որ «չպարզաբանված լրտեսական խարդախություններն առիթ տվեցին հարձակվելու Դյորթ-Յոլի վրա: Տղամարդկանց տեղափոխեցին Հայեալ և խցկեցին փողոցների շինարարության մեջ»: Մուսա լեռան ու Դյորթ-Յոլի հայության հաշ-

¹ Սահակյան Ռ., Ցեղասպանության պատմությունից, Ե., 1990, էջ 190:

² Վերֆել Ֆ., Մուսա լեռան քառասուն օրը, Ե., 1987, էջ 9:

³ Սահակյան Ռ., նշվ. աշխ., էջ 192:

վենկատությունն ու խիզախությունը փրկեցին 8000 մարդու կյանքը:

Միանգամայն Հակառակը կատարվեց Քեսարի Հայության հետ: Նրանց դժբախտության պատճառը եղավ լսելը տեղի քահանային և գերմանացի միսիոներ Հըրթըին, որը չնայած այնտեղ որբանոց էր հիմնել, բայց հիմնական գործը լրտեսությունն էր: Նա հայերին հորդորում էր հնազանդվել թուրքական իշխանություններին: Հայ որբերին հալեպ փոխադրելու անվան տակ, նա բոլորին այրել տվեց¹:

Օրյեկտիվորեն, այդ լրտեսին օգնում էին բողոքական դաշնակցականները, որոնք ինքնապաշտպանությանը դեմ էին: Նրանցից բժիշկ Ավետիս Ինձեմիքյան պատասխանելով Համատեղ պաշտպանվելու մուսալեռցիների առաջարկին, ասաց. «Օղին քիչ մը աւելի խմել են անոնք...»²:

«Երբ ստացվել է աքսորի Հրամանը,- գրեց «Times»-ը 1915 թ. Հոկտեմբերի 7-ին,- 4300 հոգի բարձրացել են սարերը, որտեղ յոթ շաբաթ դիմադրել են, ընդ որում՝ թուրքական գրուներից մեկը 26 ժամ է տևել: Զարմանալի է, որ նրանցից միայն 600-ն էր առողջ տղամարդ և նրանց սոսկ քառորդ մասն է հրացան ունեցել: Մնացածների ձեռքին որարդական հրացան էր...»:

Մուսա լեռան 53-օրյա Հերոսամարտին անդրադարձավ ոչ միայն «Times»-ը, այլ բազմաթիվ ուրիշ թերթեր ու տեղեկատվության միջոցներ. «...Հուլիսին թուրքերը հետապնդեցին 5000 հայի, որոնցից 3000-ը ծերեր, կանայք ու երեխաներ էին: Ապաստանելով Զերել Մուսայի սարերում, հայերն աննկարագրելի քաջությամբ պաշտպանվեցին թուրքերի հարձակումներից»³:

Մուսա լեռան հերոսամարտի, ինչպես նաև Ուրֆայի ու Զեյթունի ինքնապաշտպանական կոիվներն ունեցան և այսօր էլ ունեն իրենց բնույթը նենգափոխողներ: Կեղծարարների առաջին շարքերում, իհարկե, երիտթուրք պարագլուխներն էին: «1915-ի կէսերուն Զէյթունի եւ Ուրֆայի մէջ ծագած խոռվութիւնը,- գրում է Զեմալ փաշան,- Հայոց կատարեալ զինեալ յէղափոխութիւնը ուրիշ բան չէր: Մուսա լեռան կողմերն ալ ծագած ապատամբութիւնն այս յեղափոխութեան շարքէն էր»: Այս գործիշը պնդում է, որ սկսած Ալեքսանդրետի ծոցի շրջանից մինչև Դեռթ-Յոլ, Մուսա լեռ, Հալեպ, Այնթապ, Ուրֆա և Զեյթուն ներքաշված էր հայկական ապատամբությունների բոցերի մեջ, նպատակ ունենալով Սիրիան բաժանել Անատոլիայից⁴:

Եռյակ զինակցությանը թուրքիայի միանալը,- պատմում է Հ. Բարբին,- Անտիոքի ծովածոցի հայերի համար նշանակեց ամեն կարգի նոր ապօրինի տուրքեր, որին հետևեցին բոլոր վեց զյուղերում փակցված պաշտոնական ծանուցումները, որով ազդարարվում էր 8 օրից Միջազգետք տարագրվելու մասին: Դա նշանակում էր քայլայում կամ մահ: Առանց հաղթանակի որևէ հույսի, հայերը որոշեցին դիմադրել: Իսկ հարթավայրում այդ անելն անհնար էր և

¹ Թեմիրեան Ա., Քեսապ. 1906-1946, Պէյրութ, 1956, էջ 80:

² Նույն տեղում, էջ 79:

³ «El Siglo», 23-ը սեպտեմբերի 1915 թ.:

⁴ Մելանգատէ Ռ., Օսմանեան յեղափոխութեան մով ծալքերը և իթթիհաղի հայաջինջ ծրագրները, Ե., 1990, էջ 133:

Նրանք ընտանիքներով, սննդամթերքով և անասուններով բարձրացան լեռ՝ ջերել Մուսա: 5000 տղամարդ, կին, երեխա, որոնք ունեին 120 հրացան և շուրջ 350 կայծքարե հրացան և աստրանակ:

Լեռան վրա սկսվեց պաշտպանական ամրությունների ստեղծումը: Այդ աշխատանքը տևեց 8 օր... Սկսվեց հարձակումը՝ հեշտ հաղթանակի համոզմունքով: Սակայն թուրքերի հարձակումը հետ չպրտվեց: Իշխանությունները զենքի կոչեցին մերձակա գյուղերի մահմեղականներին: Հայերի դեմ կանգնեցին 3000 զինվոր և 4000 կամավոր: Նրանք հայերին շրջափակեցին: Հայերը պաշտպանվում էին խելացեղ, բայց թուրքերը դանդաղ առաջ էին շարժվում: Նրանց բաժանում էր մի ձոր: Հայերը գնացին խելագար քայլի՝ գիշերը շրջապատել թուրքերի դիրքերը և նրանց խուճապի մատնելը՝ կրակի տակ առնելով բոլոր կողմերից: Տեղանքի քաջատեղյակությունը հնարավորություն տվեց հաջողությամբ լուծելու խնդիրը: Մթության մեջ նրանք սողացին դեպի թուրքերի դիրքերն ու հարձակման անցան: Թուրքերը խուճապահար փախան, ուազմի դաշտում թողնելով 200 սպանված և մեծ թվով զենք ու զինամթերք: Իշխանությունները հավաքեցին 15000 մարդուց կազմված մի հորդա և ցամաքից շրջապատեցին Մուսա լեռը՝ նպատակ ունենալով սովոր մատնել հայերին: Մուսալեռոցիների մոտ մնացել էր 12 օրվա պաշար: Նրանք սկսեցին փրկության միջոցներ փնտրել: Երեք լավ լողորդներ ծովում հերթապահում էին՝ նավերից օդնություն հայցելու համար:

ԿԵՆՏՐՈՆԱԿԱՆ ԱՆԱՏՈԼԻԱ

Ըստ պատրիարքարանի տվյալների՝ 1912 թ. Արևմտյան Հայաստանից ու Կիլիկիայից դուրս բնակվում էր 675.000 հայ, որից 145.000-ը՝ Կենտրոնական Անատոլիայի վիլայեթներում:

Այդ 675.000 հայությունը կազմում էր արևմտահայերի մոտ 1/4-ը և նրանց ոչնչացումը Մեծ եղեռնի կարևոր բաղադրիչն է:

Անդրադառնանք Անատոլիայի հայության ողբերգությանը: Ուշադրության արժանի վկայություն ունի երիտթուրքերի Բալուի պատասխանատու քարտուղար Միդհատը: Նա հայտնել է, թե Անկարայի վիլայեթից աքսորվել է 61.000 հայ և այդ տեղահանությունը շատ կարևոր էր «տեղի մահմեղականների թիվը կայունացնելու» համար¹:

Վիլայեթն ուներ չորս սանջակ՝ Անկարա, Քըրշեհիր, Յողաթ և Կեսարիա: Հայերը մեծ թիվ էին կազմում Անկարա քաղաքում, Սիվրիհիսարի կազայում և Սթանողում:

Ակ Դաղ Մատենում, Սունկուրլուում և Զորումում հայերի թիվը 10 հազար էր:

Անկարայի նահանգում չնայած հայերի տեսակարար կշիռը շատ մեծ չէր, բայց այստեղ նույնակես նրանց ոչնչացրեցին տեղի թուրք ժողովրդի օգնությամբ:

Անկարայի և Քըրշեհիրի սանջակներում բնակվում էր 25 հազար հայ, որոնք ունեին 20 եկեղեցի, 7 դպրոց, 1290 աշակերտ, 29 ուսուցիչ: Այսպիսով, Անկարայի նահանգում կար 110.000 հայ, 93 եկեղեցի, 69 հայկական դպրոց, 7779 աշակերտ, 197 ուսուցիչ: ՆԳ նախարարությանը վալու ուղարկած տեղեկագրում տեղահանված հայերի թիվը նշված է 94941, որի մեջ չէր մտնում բանակում եղած և բանտարկված հայ տղամարդկանց թիվը, քանի որ ոստիկանաթյունը տարագրվողներին արձանագրում էր տեղահանությունից մի քանի օր առաջ:

Համաձայն Բարձր Դուռն տվյալների՝ Անկարայի վիլայեթից տարագրվել են Անկարայի կազա՝ 3176, Նալլու խան՝ 1015, Մըլսաջիկ՝ 90, Սիվրիհիսար՝ 4101, Բալիսա՝ 11: Անկարայի սանջակ՝ 8393: Յողաթի սանջակ՝ 31247, որից կազաներում՝ Յողաթի՝ 13259, Ակ Դաղի՝ 3208. Բողազիանի՝ 4680:

Քըրշեհիրի սանջակ՝ 3500, որից կազաներում՝ Կեսկինի՝ 1838, Մեջիդիեի՝ 52, Քըրշեհիրի՝ 1510: Կեսարիայի սանջակ՝ 3166, որից կազաներում՝ Զորումի՝ 1202, Օսմանլիկի՝ 66, Սունկուրլուի՝ 1856, Իսկելեի՝ 42:

¹ Տե՛ս Ռազմական դատարանի № 8 արձանագրության № 2 փաստաթուղթը:

Թուրք պատմաբան է. Ուրասը գրում է, թե 1914 թ. Անկարայամ բնակվում էր 44507 լուսավորչական, 7069 կաթոլիկ, 2381 բողոքական, ընդամենը՝ 53957, իսկ ամբողջ նահանգում՝ 106149 հայ¹:

Անկարա քաղաքում բնակվում էր 22.000 թուրք, որոնք մինչև 20-րդ դարը «սիրով էին վարվում մյուս ժողովուրդների հետ», ինչպես նաև 2000 թրքախոս Հույն հարուստներ, 9500 հայ կաթոլիկներ և 700 առաքելական եկեղեցուն պատկանողներ: Կաթոլիկ հայերը մոլեռանդ էին, հարուստ, ունեին մի քանի դպրոցներ, եկեղեցիներ, առանձին մեծ թաղ: Դրա փոխարեն լուսավորչական հայերը աղքատ էին, «տգետ ու անմիաբան», բայց ունեին վեց եկեղեցի ու մեկ վանք: Քաղաքի հայերի մեծ մասը թրքախոս էր:

Այստեղ նույնպես հայերի բոնագաղթը դաժան բնույթ կրեց, տարագրվածների ճնշող մեծամասնությունը ոչնչացվեց վիլայեթի սահմաններում:

Նախապես որոշվում էին կարավանների երթուղին, դրանց վրա հարձակում գործելու կետերը, ամայի ձորերն ու կիրճերը ընտրվում էին իրեն սպանդանոց: Յողղաթի սանջակում 40 հազար հայ կոտորվեց Յողղաթ-Բողազյան ճանապարհից արևմուտք՝ Կարաբյուտի ձորում, Քելլեր, Աբբասի ջրաղաց, Սրբալո Թերքե, Զավլախ, Յողան Հիսար, Յարաշ-Դերե, Կուրթ-Դերե, Արփա-Դերե վայրերում:

Անկարայի նահանգում ևս թուրքերը «ապստամբություն» հայտնաբերեցին: Հայտարարեցին, թե «Ռումտիկին, Յուրենջ, Մենթեղե և Իղելի հայ գյուղերում զենք ու ռումբ է հայտնաբերվել»:

Ա. Թոյնրին «Կապույտ գրքի» 23-րդ էջում 1916 թ. թուրքերի հրատարակած հանրահայտ գրքույկի մասին գրեց. «Երիտթուրքերի կառավարությունը հրատարակեց չքմեղանքի մի գիրք, որը կոչված էր ավելի մեծ ատելություն սերմանելու հայերի հանդեպ: Հայերի անջատողական շարժման մասին գրվածներն որքան ծիծաղելի, այնքան էլ ոճրային են»:

Անգլիական 97 թվանշանը կրող վավերագրում Բեյնամի շրջանի սպանությունների մասին գրված է. «Կապկապված վիճակում բերված բանտարկյալները հարձակման ենթարկվեցին թուրք գյուղացիների վայրենի հորդայի կողմից: Հրամանով՝ բոլորը կոտորվեցին մահակներով, մուրճերով, կացիններով, մանղաղներով, բաշերով և սղոցներով, մի խոսքով՝ գործիքներով, որոնք դանդաղեցնում էին մահը՝ դա ավելի տանջալից դարձնելու համար: Թուրք չնազայերը կտրել էին շատերի գլուխը, ականջները, քիթը, ձեռքերը: Այդ խմբի մեջ կային բանաստեղծներ, պրոֆեսորներ, հրապարակախոսներ, քաղաքական գործիչներ... Դիակների մի մասը մնաց ձորում և գաղանները հոչութեցին դրանք»²:

Անկարայի վիլայեթի հայերին հասցրած նյութական վնասը կազմեց 200 միլիոն դոլար: Որ Անկարայի վիլայեթի պաշտոննեությունը հայերի տարագրության ու բնաջնջման մասին գիտեր դրանց սկսվելուց շատ օրեր առաջ, վկայում են նաև Զանգրիի մութեսարիփ Աթրֆի հետևյալ խոսքերն ասված Քելեկյանին. «Հայերու հանդէպ կառավարութեան քաղաքականութիւնը աղէկ

¹ *Uras E., Tarihte Ermeniler ve Ermeni Meselesi*, Ankara, 1950, s. 143-144.

² Ղազարեան Հ., նշվ. աշխ., էջ 152:

չեմ տեսներ: Դարձեալ բաներ մը պիտի պատահին... Նոր փոթորիկներու նշան-ներ կը տեսնեմ»¹:

Անատոլիան դարձավ կախաղանների հրապարակ, միայն Կեսարիայում 62 հայ գործի կախաղան հանեցին, Սեբաստիայում՝ 20-ից ավելի և այլն՝ Հիմնականում դատական ֆարսերի ու չեղած մեղքերի վերագրման միջոցով:

Այաշը Անկարայից 21 մղոն արևմուտք է, ընկած Այաշ Բեյ կոչված ձորում: Ապրիլի 27-ին այս պահ բերեցին 150 հայ մտավորականների և փակեցին մի շենքում՝ Սարը Կըշա վայրում: Այաշից Անկարա ճանապարհին Սթանող հայա-րնակ գյուղն է, որի բնակիչները դաժան ճակատագրի արժանացան: Գյուղի տղամարդկանց կապված ձեռքերով տարան Անկարայի բանտ և սպանեցին, ապա սպանեցին նաև կանանց ու երեխաններին: Այդ կոտորածը ղեկավարեց Կարա-Կայալար գյուղի մոլլա Կարա Մեհմեդը, իսկ իրականացրեցին տեղի թուրք գյուղացիները:

Զանգըրն (Զանկըրը) Կաստամոնուի նահանգում է, երկու գետակների միացման խառնարանում (Գորգան Սու և Աջը Սու): Քաղաքը կառուցված է բյուզանդիական բերդի ավերակների տեղում: Զանգըրը մերձակայքում կան աղի հանքեր, կլիման առողջության համար վնասաբեր է, ջերմախտը տարածված հիվանդություն էր:

Այաշում բանտարկվածներից 6-ը՝ Ակնունի, Խաժակ, Զարդարյան, Մինասյան, Ճանկույցան և Տաղավարյան՝ Դիարբեքիր տանելու պատրիվակով մայիսի 25-ին Ուրֆայից այն կողմ Սևերեկի ուղղությամբ գտնվող Կարանորունում խողխողվեցին չերքեզ Ահմեդի և Խալիլի չեթեական ջոկատի կողմից: Ուրֆայից 6 կմ հեռու Կարա Քյոփրու գյուղի մոտ որոշ ժամանակ անց հուլիսի 6-ին հոչութեցին Գր. Զոհրապը, Վարդգեսը և Ուրֆայի թեմի առաջնորդը:

Այաշում մնացած 56 հոգուն հուլիսի 12-ին Անկարայի բանտ տեղափոխեցին: Նրանցից 38-ի ձեռքերը կապած տարան 27 մղոն հարավ՝ Բեյնամ գյուղի կողքին գտնվող Կույրուղի Դաղի ձորը և հուլիսի 22-ին սպանեցին: Սպանությանը ներկա էին Աթրֆը, նահանգի ոստիկանապետն ու ժանդարմերիայի հրամանատարը: Սպանեցին խոշտանգելով, անդամահատելով, աչքերը փորելով: Երկրորդ խմբին՝ 18 հոգի, նոյնպես կապկպված տարան 12 մղոն հյուսիս Քափաքլը-Դերե վայրն ու մեոցքեցին:

Զանգըրի բանտարկալներից 44-ը խոշտանգվեցին, բայց կենդանի մնացին: Հինգ հոգին, այդ թվում Դ. Վարուժանն ու Ռ. Սևակը օգոստոսի 12-ին սպանվեցին Կալեջիկ ավանի մերձակայքի Տյունեյի ձորում: Մնացածները, ձեռները կապած 26 հոգանոց խմբերով, տարան և սպանեցին Բեյնամի Ալաղայի ստորոտում, Գյոլբաշի և Գայաշ վայրերում՝ Անկարայից 10 մղոն հեռավորության վրա: Տ. Քելեկանին տարան Սեբաստիայի ուղղությամբ և սպանեցին Ենիսանի մոտերքում: 18 հոգու Զանգըրի հայերի հետ տարագրեցին ղեպի Դեր Զոր: Նրանց մեծ մասը ճանապարհին մահացավ կամ սպանվեց աքսորավայրում: Այս խմբում էր նաև Գ. Պալաքյանը, ում հիշողությունների գիրքը՝

¹ Պալաքեան Գ., նշվ. աշխ., էջ 164:

«Հայ գողգոթան», Մեծ եղեռնի մասին եղած լավագույն գործերից մեկն է:

Ստանալով հայերին տեղահանելու վերաբերյալ հրամանը, Անկարայի վալի Մազհարը հրավիրում է թուրք երևելիներին ու հարցնում, թե արդյոք Անկարայի հայերը վստահություն չե՞ն ներշնչում: Պատասխանը բացասական եղավ: Մազհարը նրանց ստորագրությամբ մի նամակ է ուղարկում Թալեաթին: Ստանալով այդ հանրագիրը, դահիճը կատաղում է և սկսում վարկարեկիչ լուրեր տարածել, թե Մազհարը պետական գործերը ենթարկել է իր առևտրական շահերին: Նա տեղահանության վերաբերյալ մի նոր հրամանով Անկարա է ուղարկում իթթիհաղի պատասխանատու գործիչներից մեկին՝ Աթրֆին: Մազհարը վերջինիս պատասխանում է. «Ո՛չ, Աթրֆ բե՛յ, ես կառավարիչ եմ և ոչ թե չարագործ մարդասպան»¹:

Պատմում է Մազհարը. «ՆԳ նախարարությունից ստացած հրամանները չհասկանալ ձևացրեցի... ուրիշ նահանգներում տեղահանության գործողություններն ավարտվել էին, մինչդեռ ես դեռ չեի սկսել գործադրել:

Աթրֆը վրա հասավ, հաղորդեց հայերի տեղահանության, կոտորածի ու բնաջնջման վերաբերյալ ՆԳ նախարարության բանավոր հրամանը»:

Ականատեսներից մեկը վկայում է, թե երբ Մազհարը Թալեաթի հրամանը կարդաց, բղավեց «Օ, ներեցե՛ք, ես ինչպես կարող եմ անմեղ մարդկանց կոտորելու հրաման արձակել. Էշրաֆը չի ընդունի, ներեցե՛ք»: Սալոնիկցի Աթրֆը գրավանից մի թուղթ է դուրս քաշում ու բղավում. «Այդ դեպքում՝ կուսակալը ե՛ս եմ, որտե՞ղ է Գուլայ գյուղի հոջա Գարա-Մեհմեդը...»:

Էնկյուրիի 1200 և Սթանող գյուղի 350 հայերը միասին ոչնչացվեցին²:

Ռազմական զատարանում Ռատին ցուցմունք տվեց, որը առանձնակի տեղ գրավեց մեղադրական եղրակացության մեջ: Նա ասաց. «Մի օր Մազհար բեյը ասաց Աթրֆին. «Զե՞ն կարող անել ինչ ինձ ասացիր, ես աթոռս կթողնեմ, դու ե՛կ տեղս նստիր և անձամբ արա՛ այն, ինչ ինձ ասացիր»³:

Ստեղծված միջնորդից զզված Մազհարը թողեց իր պաշտոնը: Նրա փոխարեն, իրոք, նշանակվեց Աթրֆը: Նա ծառայել էր անվտանգության մարմիններում, եղել «Թեշքիլաթի» ղեկավար կազմում: Նրան անվանում էին Թալեաթի «ընդհատակյա անձնական քարտուղար»: Նա էր դահիճը նաև կաստամոնուի հայության:

Ոչ միայն Մազհարի պաշտոնանկության, այլև նահանգի հայության կոտորածների իրականացման գործում մեծ դեր խաղաց նաև երիտթուրքական կուսակցության Անկարայի պատասխանատու քարտուղար Նեջատին: 1915 թ. հուլիսի 20-ին նա զնաց Յողովաթ ու կոտորածի հրամանն անձամբ հանձնեց տեղի մութեսարիֆ Ջեմալին և զինվորական հրամանատար Սալիմին: Վերջինները համաձայնեցին տեղահանել հայերին, բայց ոչ կոտորել: Այդ պատճառով նա աշխատանքից հանել տվեց թե՛ մեկին և թե՛ մյուսին: Պաշտոնատարներից

¹ Գրիկեր, Եռղղատի հայասպանութեան վաւերագրական պատմութիւնը, Նիւ Եորք, 1980, էջ 390-391:

² Թեշքիլաթան Ա., նշվ. աշխ., էջ 316-317:

³ Գրիկեր, նշվ. աշխ., էջ 387:

Էղիպը 1919 թ. փետրվարի 10-ին ցուցմունք տվեց. «...Մենք լսեցինք Հայերի աքսորի ու տեղահանության հրամանի մասին, և այդ հրամանի գործադրման համար Յոզդաթ էր եկել Միություն և առաջադիմություն կուսակցության պատասխանատու քարտուղար Նեջատի բեյը... Զեմալ բեյն ինձ ասաց, թե Նեջատին իրեն հայտնել է, թե որոշում է ընդունված բնաջնջելու Յոզդաթի հայերին; Նա պատասխանել էր. «Կառավարությունը հանձնարարել էր հայերին աքսորել նախապես որոշված վայրերը և ինքը նրան հիշեցրել է, թե չի ցանկացել կառավարության հրամանին հակառակ գործել: Բայց բացարձակապես դեմ է հայերի բնաջնջմանը»: Դրան Նեջատին պատասխանել է. «Թեև (կառավարության) հրամանն արտաքուստ նշանակում է հայերին արտաքսել, սակայն Միություն և առաջադիմություն կոմիտեի ու ՆԳ նախարարության նպատակը հայերին բնաջնջելն է՝ հայրենիքին ծառայություն մատուցելու նպատակով»¹:

Անկարայի նահանգում հայերի բոնագաղթի ու բնաջնջման նույն սխեման էր գործում, ինչ ամբողջ կայսրությունում: Այստեղ ևս աշխատում էր քրեական հանցագործներին բանտերից արձակելու հանձնաժողով, որի մեջ մտնում էին վարչական միավորների առողջապահական տնօրենը, զինվորական մասի պատասխանատուն, ժանդարմերիայի հրամանատարը, վերաքննիչ ատյանի դատավորը: Վիլայեթի հանձնաժողովը 1915 թ. մարտի 3-ին Անկարայի կենտրոնական բանտից ազատ արձակեց 249 ոճրագործի:

Կ. Պոլում Բուլղարիայի ղետպանատանը պահպած մի փաստաթղթում նշվում է. «Երեք օրից ի վեր հայ բնակչությունը գուրս է քշվել Անկարայից կիղիչ արևի տակ, դատապարտված քաղցի ու ծարավի և ուղարկվել հայտնի չէ թե ուր: Կարգադրված է առաջին իսկ օրը ճանապարհին կոտորել աքսորականներին»²: Բուլղար գործիչ ի. Համամջիկը Բուլղարիայի արտաքին գործերի նախարարին գրում է. «Անկարայից վտարված 750 հայ ընտանիքներ ճանապարհին կոտորվել և սպանվել են բաշխրողուկ չեթեների կողմից»³:

Երբ երիտթուրքական կառավարությունը տապալվեց, հասարակության պահանջով սուլթանը 1918 թ. գեկտեմբերին հրովարտակ հրապարակեց պատերազմի մեջ թուրքիայի մտնելու և հայերի տեղահանության ու կոտորածների պատասխանատուններին դատելու համար ուղղմական ատյան կազմակերպելու մասին: Ատյանի համար փաստաթղթեր հավաքելու ու դրանց վավերականությունը ստուգելու նպատակով ստեղծվեց հետաքննիչ հանձնաժողով՝ Մազհարի պիտակությամբ:

Մազհարն ամենայն բարեխաղությամբ կատարեց իր վրա դրված պարտականությունը: Նա կարողացավ հայերի ցեղասպանության վերաբերյալ մեծ քանակությամբ վավերագրեր ու վկայություններ հավաքել, որոնց հեղինակները հիմնականում թուրք քաղաքական և ուղղմական գործիչներն ու պաշտոնատարներն էին: Բոլոր փաստաթղթերը փորձաքննության ենթարկվեցին և

¹ «Յուսարեր», 1965, Բացառիկ, էջ 21:

² Գеноցիդը հաճ արմենութեա ... ֆ. 321, օպ. 1, հ. 2462, ս. 26.

³ Նույն տեղում:

դրանց վավերականությունը հաստատելուց հետո հանձնվեցին ատյանին:

Մազհարի հավաքած վավերագրերն ու վկայությունները վճռական դեր խաղացին, որ դատարանը երիտթուրքերի կուսակցությանն ու կառավարությանը հայերի բնաջնջման կազմակերպիչներ ճանաչեց:

Ի հակադրություն Մազհարի, Աթրֆը զազրելի հայատյաց էր և իր հետ Պոլսից բերեց իր նման մարդատյաց Բեհաէդղինին և ոստիկանության տնօրեն նշանակեց: Տեղ հասնելուց անմիջապես հետո նա հրաման արձակեց, որ ողջ ազգաբնակչությունը պետք է զենքերը հանձնի: Մահմեդականների հանձնած զենքերը թաքուն հետ տվեցին: Աթրֆը հրավիրում է գաղտնի ժողով, որին մասնակցում էին իթմիհազի տեղական կոմիտեի անդամները և պատասխանատու պաշտոնատարները: Որոշվեց կոտորել վիլայեթի բոլոր հայերին, չխնայելով անգամ ծերերին ու մանուկներին:

Ռատինի նշված ցուցմունքում բերվում է հետևյալ փաստը: «Երբ Շնորհորյան ազգանունով մի Հայի համար Աթրֆին խնդրեցի, նա պատասխանեց. «Վերադասից հրաման ունեմ: Նա (Շնորհորյանը) ևս պետք է մեկնի: Հայերը չպետք է ապրեն»: Հաջորդ օրը Շնորհորյան էֆենդին աքսորվեց և սպանվեց բազմաթիվ ուրիշ հայերի հետ: (Դրանից) մեկ օր առաջ նա (Աթրֆը) տեսակցեց ոստիկանության տնօրեն Բեհաէդղին բեյի հետ, որը շրջապատված էր չար, վատահամրավ և կասկածելի անձանցով և նրանց հրահանգներ էր տալիս հաջորդ օրը կոտորվելիք խմբի վերաբերյալ»¹:

Վատիկանի նվիրակ Հ. Հոֆերը տեղեկագրում է, որ Անկարայում «10 տարեկանից բարձր արական սեռի հայ ամբողջ բնակչությունը բնաջնջվել՝ կոտորվել է... Անկարայի ճանապարհին մի լրված եկեղեցում փակված էին 150-200 տեղահանված հայեր, այդ թվում՝ մի կաթոլիկ քահանա և երկու քույրեր: Ստիպված լինելով իրենց բնական պետքերը նույն տեղում հոգալու, նրանք ապականված սրահում պառկել էին իրար վրա, գետնին, հողի վրա»: Այնտեղ էին նաև խոլերայից մահացած կանանց երկու դիակ, պահակներն արգելում էին նրանց թաղել²: Նախ ձերբակալեցին Անկարայի երևելիներին:

Հուլիսի 29-ին սկսվեց զանգվածային ձերբակալությունը:

Առաջին կարավանը կազմված էր հայ երևելիներից, - պատմում է ականատես Գրիգորիս ծ. վրդ. Պալաքյանը, - և այդ տեղահանությունը հանձնարարվեց օսմանյան խորհրդարանի անդամ Թարփիրի որդուն՝ Շեմսէդղինին: Արգելվեց փոխադրական միջոց օգտագործել և հարկադրեցին գնալու հետիւտն: Տարագիրների թեսերին ինչ-որ նշան դրեցին, նրանց իրար կապեցին: Կարավանի հետևից կառքերով տանում էին սպանության գործիքները՝ կացին, սակր, թի, մեծ դանակներ: Կարավանին ուղեկցում էին նաև կիր տեղափոխող կառքեր:

Կարավանի շարժվելը հնարավորին չափ թաքուն պահելու համար քաղաքի Թաշխանեի մերձակայքում զինվորական նվազախումբն էր աղմկում: Երբ

¹ Գրիկեր, նշվ. աշխ., էջ 388-389:

² Kres von Kressenstein F. Frhr. Mit den Turken zum Suezkanal, Berlin, 1938, s. 135.

Հասնում են Բկնում գյուղի մոտակայքի Կյուրուկչը օղի անտառը, կարավանի դեմ են դուրս գալիս չեթեները: Սպանդն սկսելուց առաջ տեղահանվածներից փաստաբան Ստեփանը խնդրում է թույլ տալ օգտվելու վերջին խոսքի իրավունքից ու ասում է. «Այս գաղտնիք չէ, որ մեզ այստեղ բերել եք սպանելու: Հարցնում եմ՝ գիտե՞ք, թե մեզ ինչու եք սպանում: Իմացած եղեք, մեզ սպանելու հրամանը տվել են բարձրաստիճան պաշտոնատարները և իթթիհաղի կոմիտեն, որոնք անձնական շահի համար արտավորում են ձեր պատմությունը... Մեզ սպանելու հրաման տվողները և սպանողները անմեղ արյան համար արժանավոր պատիժ են կրելու»¹:

Չեթեները չորս կողմից կացիններով ու դանակներով հարձակվեցին կարավանի վրա, «ոմանց թմբերը, ոմանց ոտքերը, ոմանց վզերը» կորեցին, նահատակների զլուխները քարերով ջնջվեցին: Ապա մեռածներին և հոգեվարքի մեջ գտնվողներին նետեցին նախապես պատրաստված հորերը և ծածկեցին կրով: Շատերին ողջ-ողջ թաղեցին:

Երկրորդ կարավանը բաղկացած էր 320 հոգուց: Մրանց ոչնչացրեցին քաղաքից վեց ժամ հեռավորության վրա գտնվող Քայաշա այգում: Սպանվածների դիակները 15 օր անթաղ մնացին, շինարարության վրա աշխատող հայ զինվորներին հրամայեցին նրանց թաղել: «Հայ նահատակներուն զգեստները, կօշիկներն ու զանազան առարկաներն... չեթեները հագուելով քաղաք կու գան, եւ ամենուրեք յուրաքանչյուրը կը պարծի թէ քանի՞ հայ սպանած է...»²:

Անկարան հարյուր տարուց ի վեր հայ կաթոլիկության կենտրոն էր, նահանգում բնակվում էր 15.000 հոգեբաղավան հայ, որոնք «հեռու մնացած ըլլալով ազգայնական ամեն ոգիէ եւ շարժումէ, միշտ ազատ մնացած էին»³: Շուրջ 2000 հայ կաթոլիկ բնաւանիքներ էին բնակվում վիլայեթում:

Անկարայի ու շրջակայքի ավելի քան 1000 տուն հայերի հաշիվը մաքրելուց հետո և մինչև նահանգի հայերի հաշվեհարդարը սկսելը, Աթըֆը ցանկանում էր կոտորել նաև կաթոլիկ հայերին՝ նրանց հարստություններին տիրանալու դիտավորությամբ: Բեհաէդղինը գնում է Պոլիս՝ այս հարցը համաձայնեցնելու համար: Զնայած Թալեաթը Ավստրո-Հունգարիայի դեսպանի համառ պահանջով խոստացել էր Անկարայի կաթոլիկներին «ձեռք չտալ», սակայն Բեհաէդղինի հետ համաձայնվեց և թույլատրեց բնաջնջելու նաև կաթոլիկներին: Բեհաէդղինը Թալեաթի թույլտվությունը ձեռքին՝ օգոստոսի 13-ին հասավ Անկարա: Հաջորդ օրը կաթոլիկ համայնքի ղեկավարները ձերբակալվեցին: Գիշերը նրանց ձեռքերը կապած տարան կարակետիկ գյուղը, հարկադրելով, որ սպանության գործիքների կառքը իրենք քաշեն: Գյուղում նրանց անմիջապես շրջապատում է թուրք խուժանը: Սակայն այդ պահին հրաման է հասնում՝ կաթոլիկներին չսպանել: Կարավանի հրամանատարը ճառեց. «Ոչ ոք կրնայ մեզէ պահանջել զձեզ, զի համբանքով չտուին, որ համբանքով ուղեն...

¹ Պալաքեան Գ., նշվ. աշխ., էջ 118:

² Նույն տեղում, էջ 119:

³ Նույն տեղում:

Սակայն դուք հայերուն պէս չպիտի սպանուիք: Աներկիւղ եղէ՛ք ձեր կեանքի համար եւ ազգին ու պետութեանը աղօթք ըրէ՛ք...»¹: Կաթոլիկ հայերին չսպանեցին, բայց ուղարկեցին Դեր Զոր: Մի շաբաթ անց կաթոլիկների երկրորդ կարավանը (200 մարդ) նույնպես ուղարկվեց Դեր Զոր: Օգոստոսի 14-ին կաթոլիկների ընտանիքների անդամներին հրամայեցին գնալ երկաթուղային կայարան: Անկարայի երիտրուրքական կոմիտեի անդամները մայրերից պահանջում են աղջիկներին, կամ մահմեղականություն ընդունել: Սակայն հագարակորներից միայն 14-15-ը դրական պատասխան տվեց, մյուսները մահը գերադասեցին:

Կայարանում հավաքված հայերի 9/10-ը կանայք ու երեխաներ էին. նրանց հարկադրեցին երկու շաբաթ մնալ մթերանոցներում, որից հետո մի մասին ուղարկեցին Կոնիա, մի մասին՝ էսքիչեհիր, իսկ մյուսներին՝ էրէյլի: Նրանք լրիվ կողոպտված, թշվառ վիճակում էին:

Այդ ընթացքում շքահանդեսներ էին տեղի ունենում նվիրված չսպանված հայերի մահմեղականացմանը՝ թլպատմանը:

Գայալ գյուղի հոջա Մեհմեղը պարծանքով հայտարարում էր, թէ Ստանող գյուղի 350 հայի ոչնչացրել է:

Հայերին սպանելուց հետո սկսում են տիրանալ նրանց ունեցվածքին: Մտնում էին հայերի տներն ու խանութները և հարստությունները առաջին հերթին կրում պաշտոնատարների ու իթմիհաղականների տները, որից հետո միայն ձեռնամուխ էին լինում լրյալ գույքերի օրենքի կատարմանը: Համընդհանուր այս կողոպտատից ձեռնպահ մնացին միայն մի քանի ծեր թուրքեր, ասելով՝ «Լացողի ապրանքը գնողին երջանկություն չի բերի»:

Անկարայից ջարդերը տարածվեցին ամբողջ վիլայեթում: Բոլոր բնակավայրերի նախ հայ տղամարդկանց, ապա կանանց ու երեխաներին իրարու կապած, հետիոտն, կացիններով զինված թուրք խուժանի ուղեկցությամբ հանեցին բնակավայրերից և ոչխարների նման մորթեցին:

Սունկուրլուի կանանց ու երեխաներին, պատմել է 13 տարեկան մի աղջնակ, օգոստոսի 20-ին ավելի քան 70 կառքով քաղաքից հանեցին և տարան մի ձոր: Նրանց հետևում էին զինված թուրքերը: Ոստիկաններն ու այս խուժանը հարձակվում են կանանց ու երեխաների վրա և աննկարագրելի նախճիրներ գործում՝ կացիններով կոտորում էին, կարծես անտառում փայտ էին կտրում: Ապա լրիվ կողոպտեցին կոտորվածներին, նույնիսկ ներքին շորերը տարան: Նրանց մեկնելուց հետո վրա տվեցին բորենիները, զայլերը և ուրիշ զիշատիչներ:

Անկարայի վիլայեթում կատարված նախճիրների լուրերը եվրոպա հասան և զայրույթ առաջացրեցին: Բեռլինը փորձեց միջամտել՝ մեղադրանքն իր վրայից դեն նետելու համար: Թալեաթին դա վտանգավոր թվաց և նա անձամբ գնաց Անկարա և իր աչքով տեսավ, որ ձորերում ու լեռների փեշերին թափված էր 42 հազար հայի դիակ: Նա կարգադրեց բոլոր դիակները հավաքել և հորել

¹ Պալաքեան Գ., Խշ. աշխ., էջ 120:

ընդհանուր գերեզմաններում, այսինքն թաքցնել մարդասպանդի հետքերը:

Հենց այդ էլ պետք էր Վանզենհայմին: Թալեաթից հետո Անկարա գնաց դեսպանատան քննիչը և վերադառնալով գեկուցեց, թե ոճրագործությունների մասին լուրերը կեղծիք են:

«Գնացին Յողղաթի և Զորումի շրջանները Անկարայի և Յողղաթի միջև, Յողղաթ գյուղավանի Շեխլեր գյուղի միջև լեռան կողին տեսան հայերի դիակ-ներ գարշահոտ ու նեխսված, նետված գետերի մեջ, արդեն փոտած ու կտոր-կտոր եղած»:

Որ Անկարայի նահանգը հայերի ամենավայրագ բնաջնջումների հրապարակ էր, վկայում են նաև Չորումի ոստիկանապետի հետևյալ խոսքերը հայ մտավորականների մի կարավանի մասին. «Մրանց պաշտոնսաթուղթը լավ ոճով է գրված, թող չվախենան, թե սպանվելու են. միայն թե թող միշտ արթուն մնան... և թող գոհացնեն ուղեկցող չափուչներին և ճանապարհը ցրված չանց-նեն... Եթե Յողղաթ-Բողազյան և ապա Կեսարիա երկարող ամենավտանգա-վոր ճանապարհը անցնեն, այլևս կարող են չվախենալ»:

Անկարայի հայերի կոտորածը կազմակերպեցին Աթրֆ բեյը, ոստիկանության տնօրին Բեհաէդղինը, Միություն և առաջադիմություն կուսակցության պատասխանատու քարտուղար Նեջատին, Հաջի Բայրամ Վելի շեյխը և Շեմ-սէդղինը¹:

«Նրանք, ովքեր ջարդված հայերի թևերը կապեցին հաստ պարաններով՝ Անկարայի երեսփոխան Թայիրի փեսա, խորհրդի անդամ Շեմսէդղին է Փենդիի հետ կատարել էին բանտում ու հավաքել էին հայերի մատանիներն ու ունեցած դրամները մի ժանդարմի ու ոստիկանի ներկայությամբ... Ապա թշվառներից կողոպտեցին ֆեսերը, ոտնամանները և զգեստների մի մասը և գրեթե մերկ վիճակում առավոտ վաղ նրանց բանտից հանեցին և 300 հոգու թևերը իրար կապած ուղարկեցին դեպի սպանդ...»²:

Մի թուրք Գ. Պալաքյանին ասել է. «...Զերթաք Էնկիրի, այնտեղ արիւն կը վագէ... Իմ զաւակս ոստիկան զինուորներու տասնապետն է: Եթէ Էնկիրիում տղուս տեսածները ու ինծի պատմածները ձեզի ըսեմ, կը խելագարիք պարզա-պէս»³:

Անկարայի նահանգում 1915 թ. օգոստոսին շրջագայած մի օտարերկրացի գրում է, որ սկզբում լուրեր էին ստացվում, թե Սերաստիայում ձերբակալված հայերը չէին սպանվում:

Հուլիսին սկսվեցին փնտրութները հայկական դավադրություն հայտնաբերելու համար, բայց որևէ փաստաթուղթ չգտան: Սկսեցին հայերին ցուցակագրել և օգոստոսի երկրորդ շաբաթում սկսվեց ամբողջական աքսորը: Իշխանությունները հայտարարեցին, թե տեղահանությունը խորհրդարանի որոշ-մամբ է տեղի ունենում, որ կանանց ու երեխաներին անվտանգ հանձնելու էին

¹ Գ. Ե. № Մ 251-Մ 253:

² Նույն տեղում:

³ Պալաքեան Գ., նշվ. աշխ., էջ 196:

իրենց ամուսիններին: Տարագրեցին երեք ճանապարհներով՝ Յողղաթ-Կեսարիա, Սունգուրլու, իսկ ոմանց էլ տարան Հյուսիս: Լուրեր ստացվեցին, որ մի քանի մղոն հեռու բոլորին սպանել են, միայն մի խմբի էր Հաջողվել փախչել ու փրկվել: Սպանդից փրկված, բազում տեղերից վիրավոր և բանականությունը գրեթե կորցրած մնելը չայխանաներում պատմում էր, թե Հայերին ինչպես էին սպանել: Մի ալբանացի Հպարտանում էր, որ 50 Հայի է սպանել: Օգոստոսի առաջին կեսին բոլոր տղամարդիկ արդեն աքսորված էին: Մյուս ընակչությանը միամտացնելու համար նույնիսկ տպավորություն ստեղծեցին, թե նրանց նյութական օգնություն էին ցույց տալիս: Հարցումներին, թե ի՞նչ վիճակում էին իրենց տղամարդիկ, պատասխանում էին՝ կենդանի են և պատերազմի ավարտին վերադառնալու էին տուն¹:

Ասիական Թուրքիայում ճանապարհորդած մի անգլուհի գրում է, որ Հայերին սպանում էին իրենց Հարազատների աչքի առաջ, նրանց ողբի ձայնը տարածվում էր ամենուրեք: Աքսորը Անկարայում գիշերներն էր կատարվում: Յողղաթի ճանապարհին թափված էին դիակներ, իսկ Անկարա քաղաքում մսագործներին և դահճաներին սպանդի գործիքներ տվեցին ու հրամայեցին սպանել Հայերին: Յողղաթի ուղղությամբ տարված կաթոլիկ Հայերին սպանելուց առաջ տասը բոպե ժամանակ տվեցին աղոթելու: Ու երբ զինվորները տեսնում են, որ բոլորը ծնկի իջան, այլևս նրանց չեն սպանում և թողնում հեռանում են: Անկարայից տղամարդկանց աքսորելուց հետո կաթոլիկ Հայուհիներին մահմեդականացրին²:

Մի ականատես հուշագրել է, որ Անկարայում Հուլիսի վերջին բոլոր տղամարդիկ ձերբակալվեցին: Նրանց Հարկադրեցին Հանձնելու իրենց ունեցվածքի 2/3-ը, այդ թվում՝ ամբողջ քաշող ուժը: Ձերբակալվածների թվում էր քաղաքի ողջ մտավորականությունը: 800 Հոգանոց կարավանն ուղարկվեց, դրան հետևեց 700 Հոգանոց կարավանը: Հրամայված էր նրանց չսպանել, բայց նաև ուտելիք ու ջուր չտալ, և մեռցնել Հյուծելով: 500 Հոգու տարան Կոնիայի ուղղությամբ:

Աշխատանքային վաշտերում եղողներն այնպիսի տաժանակիր վիճակում էին, որ նրանցից շատերը նույնպես Հարկադրված եղան ընդունելու խալամը: Խսլամացավ 1500 մարդ³:

Ամերիկացի դիվանագետ Զ. Դեռուղեսը գրում է Մորգենթաուին. «Անկարայում, որի բնակիչների 4/5-ը Հայեր էին, սպանդի վայրեր նրանց տեղափոխող թուրք կառապանները, ուսահպատակ Հայերին պատմել էին, որ քաղաքից դուրս գալուց հետո բոլոր Հայերին սպանում էին փայտերով կամ գնդակահար էին անում: Նույնիսկ ամենաուժեղ ներքեր ունեցողներն առանց սարսափի չեն կարողանում դիտել այդ ահավոր տեսարանը: Թուրք երկու կառապաններ, չկարողանալով դիմանալ այդ սարսափելի տեսարաններին, մեռան:

¹ Bryce J., նշվ. աշխ., էջ 382-384:

² Նույն տեղում, էջ 385-387:

³ Նույն տեղում, էջ 388:

Անկարայից ոչ հեռու, մինչև սպանելը կտրեցին 500 հոգու քիթն ու ականջ-ները և հանեցին աչքերը¹:

Հ. Մորգենթաուն նկատել է, որ ժանդարմները «մասնաւոր փափաք մը կը ցուցնէին ոչնչացնելու զարգացածները եւ ազդեցիկները»: Այդ միտքը հաստատելու համար նա բերում է Անկարայի օրինակը, որտեղ «17-70 տարեկան բոլոր հայ այրերը կը ձերբակալուին, չորսական խումբերով իրարու կը կապուին եւ դէպի Կեսարիա ճամբայ կը հանուին»:

Երբ հասնում են որևէ մեկուսի ձորի, «թիւրք գիւղացիներու խուժան մը անոնց վրայ կը թափի բիրերով, մուրճներով, կացիններով, գերանդիններով, բաշերով եւ սղոցներով», որոնք բոլորը «տագնապացուցիչ մահեր կը պատճառէին... Այս կերպով թիւրքերը բնաջնջեցին էնկիւրիի ամբողջ արու ժողովուրդը...», որոնց մարմինները թողնվեցին ձորում ու կեր զարձան վայրի զազան-ներին²:

«Այս ջարդարարութիւնը լմնցնելէ ետքը, գիւղացիները եւ ոստիկան-զինուորները կը հաւաքուին տեղին գինետանը, որտեղ բաղդատութեան կը դնեն ըրածնին եւ կը յոխորտան իրենց իւրաքանչիւրին սպանած «կեավուր»-ներու քանակին վրայ»³:

Սուլթանի ծննդյան օրը Անկարայում քրիստոնյա 100 տղաների թլպատեցին: Այստեղ 10 տարեկանից բարձր հայ արու ողջ բնակչությունը փաստորեն ջարդված էր:

Ուստին դատարանում ցուցմունք տվեց Զորումում հայերի ջարդի մասին:

«...Սերաստիայի նախկին երեսփոխան... Եոզզաթի Շելսլեր գիւղի մէջ լեռան կողքին տեսաւ հայերու դիակներ, զարշահոտ ու նեխած, նետուած գետերու մէջ եւ կտոր-կտոր եղած... (մի տանը տեսան մի հայ կնոջ), գլխուն վէրքը դանակի մը հարուածէն խորացած էր: Կինն ըստ. «Այրերէն ետք կիներն ալ ճամբայ հանուեցան: Գիւղաւանին մօտ աւազակի կերպարանքով 15-20 այրեր կտրեցին անոնց ճամբան եւ ջարդեցին զանոնք»: Ինքը միայն վերապրած էր, եւ երբ ինքունք գտաւ, տեսաւ, որ դիակներու մէջտեղ էր... Գիշեր ատեն, կամացուկ մը, քաղաք եկեր է...»⁴:

Իթթիլաֆ կուսակցության կառավարության կազմած ամրաստանագրից.

«Իթթիւատի Պուրայի պատասխանատու քարտուղար Միթհատ պէյ, երբ Պալուի պատասխանատու քարտուղարն էր, հեռագրած է, թէ էնկիւրիէն 61 հազար հայեր տարագրուած են, եւ թէ ցիշեալ կուսակալութեան իսլամ ժողովուրդը կը պաշտէ իթթիւատը եւ իրմէ բխած կառավարութիւնը իր կատարած գործին (հայերի բնաջնջման) համար, թէ այս պաշտամունքը յաւիտենական պիտի ըլլայ, եւ հետեւարար, ապահովելու համար Պալուի ապագայ երջանկութիւնը, օգտակար կը գտնէ տեղահան ընել նաև Պալուի հայերը: Ասիկա կը

¹ Vierbuecher H., Armenien 1915. Un People Civilisé Massacré par les Turcs, Montelimar, 1987, էջ 68-69:

² Մորգենթաու Հ., նշվ. աշխ., էջ 259:

³ Նույն տեղում:

⁴ Դ. Ե. № Մ 251-Մ 253:

Հաստատուի կառավարիչ Միւֆիտ պէյի կողմէ 11 սեպտեմբեր 1915 թուակիր ներքին գործոց նախարարութեան ուղղուած ծածկագիր հեռագրով: Եւ Պալու պատերազմական գօտի մը չէր, (Հայերի) տարագրութիւնը ո'չ զինուորական կարգադրութեան մը, ո'չ ալ կարգապահական միջոցի մը անունով կրնար արդարանալ»¹:

Անկարայի Հայությունը բնաջնջվեց, անցավ տարագրության մահափյուռ ճամփաներով, հալվեց, նվազեց, բայց նաև մնաց աննկուն, պահպանեց իր բղկածված գյությունը վիլայեթում, հիմնականում՝ քաղաքներում:

Անկարայում աշխատող գերմանացի բուժճառայողներից մեկը 1917 թ. հունիսին գրեց Բեոլիին, որ 1916 թ. գեկտեմբերին Անկարա վերադարձավ Հայ կաթոլիկների առաջնորդը և Հայկական շրջաններում որոշ աշխուժություն սկսվեց, սակայն ներկայումս վիճակը արմատապես փոխվեց (դեպի վատը): Ժանդարմները բռնությամբ Հայերին դուրս են քշում եկեղեցական միջոցառումներից, իսկ ներկայումս կրոնական ծեսերն ընդհանրապես արգելված են: Նշաններ կան, որ Հայերի աքսոր է նախապատրաստվում: Գուցե դա միայն ահաբեկելու համար է, որպեսզի Հայերը իսլամ ընդունեն: Ներկայումս արդեն Հայերը հալածվում են կրոնական հիմքի վրա, այլ ոչ թե ուազմական նկատառումներով, որովհետև տեղի Հայերը հիմնականում կանայք ու երեխաներ են և Անկարան էլ ուազմածակատից շատ հեռու է:

Հետևաբար, եթե մենք Հնարավորություն չունենք Հայերին պաշտպանելու համար, նրանց ոչնչացումը բացառված չէ²:

Տեղի Հայերի շրջանում լուրջ անհանգստություն է տիրում, փորձերը բռնի մահմեղականացվածներին վերադարձնելու իրենց նախկին կրոնին՝ Բարձր Դուռ կատաղի դիմագրությանը Հանդիպեցին³:

Սունկուրլեցի մի թուրք երիտասարդ սիրահարվում է տարագրվող Հայ աղջկա և նրան առաջարկում է մահմեղականություն ընդունել ու ամուսնանալ իր հետ: Աղջիկը պատասխանում է. «Ինքդ դարձիր Հայ, որ հետդ ամուսնանամ»: Աղջկան անմիջապես մորթեցին⁴:

ԿԵՍԱՐԻԱ. – Անատոլիայի կենտրոնական մասում է, ուներ 15.000 Հայ բնակչություն (սանջակի Հայ բնակչության թիվը հասնում էր 44.000-ի) և Մեծ Եղեռնի տարիներին առանձնահատուկ իրավիճակի մեջ էր: Հայկական «ապստամբության» մասին երիտթուրքական «ապացույցներից» մեկն էլ Կեսարիայում Ա. Տոնիլյան ազգանունով մի դավաճանի մատնությամբ Հայտնաբերված զենքերն էին և էվերեկի վանքի թաղում փետրվարին պատահականորեն ոռումը պայթելը: Զնայած եկեղեցում կատարված խուզարկությունը բան չհայտնաբերեց, բայց փետրվար ամսին ամերիկահայ Գ. Համբարձումյանի՝ էվերեկում ոռումը պայթեցնելը բավական էր մեծ աղմուկ բարձրացնելու և զանգվածային ձերբակալություններ կատարելու համար:

¹ Անտոննեան Ա., Մեծ ոճիրը, Ե., 1990, էջ 239-240:

² R 14096, Zu Ab. 20283:

³ R 14097, Ab. 23000:

⁴ Պալաքեան Գ., նշվ. աշխ., էջ 171-172:

Կեսարիայում կատարվածը վառ օրինակ է, թե թուրքերն ինչպես էին եղենին նախապատրաստությանը զուգահեռ հղորացնում հակահայկական քարոզչությունը: Ամերիկացի միսիոներ Հ. Ռիգու գրում է, որ իշխանությունները մահմեղականների մեջ համառորեն այն միտքն են արմատավորում, թե հայերը դինվում ու պատրաստվում են ապստամբության: Այդ ապացուցելու գլխավոր փաստարկը բոնագրավված գենքերն էին, և հասարակության մեջ զայրույթ առաջացնելու նպատակին հասնում էին, չնայած գենքերի տեսակն ու քանակը չատ չէին և ոչ կարենոր, դրանք չէին կարող անհանգստացնել անգամ տեղական շերիֆին, գենքերից չատերն էլ ակնհայտորեն իշխանություններն էին ավելացրել: Այս ու նաև ուրիշ պատճառներով թուրք հասարակ ժողովրդի մեջ թշնամանք առաջացավ հայերի հանդեպ, ինչը և հանդիսացավ սարասափելի դաժանությունների նախապատրաստության ողին¹:

Երիտթուրքերը Կեսարիայում գենքերի հայտնարերումը մտցրեցին ամրող արևմտահայության հասցեին մեղադրանքների ցուցակի մեջ՝ դարձնելով դրա գլխավոր կետերից մեկը: Այդ ցուցակը «Հաստատում էր»՝ աշխարհամարտի հենց սկզբից հայերը կողմնորոշվեցին հօգուտ Անտանտի, նրանք Օսմանյան կայսրության տարածքի մի մասի վրա Հայաստան ստեղծելու գործարքի մեջ էին մտել Ռուսաստանի հետ, ոռուսական բանակի կազմում հայ կամավորական գնդեր կազմակերպեցին և կովեցին թուրքերի դեմ, թուրքական բանակում ծառայող հայ զինվորներն անցան թշնամու կողմը, ոյապուրները մեծ քանակությամբ զենք ու զինամթերք էին կուտակել հարմար պահին ապստամբելու: Հնչակյան կուսակցության Կոնստանցայի համագումարը որոշում ընդունեց պայքարելու անկախ Հայաստանի համար և ահարեկչության ենթարկելու երիտթուրք պարագուխներին, օսմանյան խորհրդարանի անդամ Կ. Փաստրմաջյանն անցավ ոռուսների կողմը և ղեկավար մասնակցություն ուներ կամավորական շարժմանը²:

Սակայն Կեսարիան ոչ միայն հայոց ջարդերի պատրվակներից մի քանիսի վայրն էր, այլ թուրքական ապստամբությունները հերքելու կարենոր կենտրոններից մեկը: Աղանայի ոստիկանապետ Կարապետ Ծաղիկյանը զինադադարից հետո (1919 թ.) գաղտնի զգրոցներում գտնում է մի կապոց, որի մեջ կային հայերի բոնագաղթին առնչվող բազմաթիվ ծածկագրեր: Դրանցից մի քանիսը ամենայն որոշակիությամբ ներկայացնում էին երիտթուրքերի հակահայկական քարոզչության սաղրիչ դիտավորությունները՝ կատարվածի պատասխանատվությունը հայերի վրա բարդ ծածկագրերի վավերականությունը, մասնավորապես հայերի ունեցվածքին տիրանալուն առնչվող այլեայլ ինսդիրներում: Դրանց թվում էին հետևյալ ծածկագրերը. «Վանի և Սրբագի շրջանները հրոսակներ տեսնուած են, մեր զօրքերն անոնց դեմ կոխ կը մղեն եւ կը ճգմեն զանոնք: Զեր ուշադրու-

¹ «Բնօրբան», 1995 թ., № 1, էջ 11:

² Տես Թալեաթի հուշագրությունները:

թիւնը եւ շրջահայեցողութիւնը կը հրաւիրեմ եւ կը յանձնարարեմ՝ հայոց հոգեկան վիճակին մէջ թափանցելով անոնց դավաճանական նախաձեռնութիւններէն ատենին տեղեակ մնալու համար դիմել ամեն տեսակի միջոցներու»¹:

Այս հեռագրի հիման վրա վալին 1915 թ. ապրիլի 13-ին գրում է վիլայեթի ոստիկանության հրամանատարին. «Չորրորդ գօրաբանակի հրամանատարէն հասած 12 ապրիլ 1915 թ. գրութեան մէկ պատճէնը վերը արտագրուած է. այս մասին խիստ զաղտնաբար եւ շրջահայեցութեամբ պէտք է շարժիլ. կարեւորութեամբ կը յանձնարարուի նման դավաճանական ձեռնարկ մը իմացուելու պարագային, անմիջապէս վճռական եւ ստիպողական միջոցներու դիմել եւ մեղի տեղեկութիւններ հաղորդել»²:

Մինչև այս և նման հրաման-հեռագրերը, դեռ 1915 թ. սկզբներին գյուղապետներին փակ տուփեր էին ուղարկվել, որոնք բացվելու էին հետագայում համաձայն ստացվելիք հատուկ ցուցումի:

Որ հայերին աղետ էր սպասվում, քաղաքում կուհում էին դեռ մինչև այս հեռագրերն ու էվերեկում ոռոմբի պայմելլը: 1915 թ. մարտի սկզբներին հնչակյան կուսակցության Կեսարիայի կազմակերպության վարչության նիստում կ. Զիյթեմյանն ասաց. «Ամբողջ հայ ժողովուրդն իր լինել կամ չլինելու օրերը կ'ապրի. թշնամին հայ անունը պիտի ջնջէ աշխարհին վրայէն՝ վերջ տալու համար Հայաստանի մը զաղափարին»³: Ժողովում նույնիսկ առաջարկություն եղավ ապստամբել և որևէ ձերբակալություն թույլ չտալ, գենքի կոչել նաև գյուղացիությանը, քաղաքի մահմեղական թաղերում բնակվող հայերին տեղափոխել հայկական թաղերը, կտրել հեռախոսի և հեռագրի գծերը, կապ հաստատել հայկական մյուս շրջանների հետ և համատեղ գործողությունների պլան մշակել:

Ժողովի որոշման մասին տեղյակ պահպեց Կ. Պոլսի հնչակյան կենտրոնին: Ստացվում է պատասխան. «Համակերպութիւնը ի գին ամեն զոհողութեանց եւ պատճառ չդառնալ հայութեան բնաջնջումին»⁴:

Կեսարիայում հայերի առանձնակի անհանգստությունը հասկանալ կարելի է: Նրանք կղզիացած էին, ոչ մեծաթիվ, շրջապատված թուրքական հոծ զանգվածներով: Այստեղ հայերին զորակոչեցին 1914 թ. հուլիսի 21-ից և զորակոչվածներին զինաթափեցին հոկտեմբերի 19-ից: Հենց Թուրքիան պատերազմի մէջ մտավ, հակահայկական քարոզչությունը սանձարձակ բովանդակություն ձեռք բերեց, հայը բացեիրաց հոչակվեց թշնամի: Դրան հաջորդեցին մասնակի ջարդերը, բանակ զորակոչվածներից որևէ մեկը տուն չվերադարձավ: Նրանք «ամելե թարուրի» վաշտերում ջարդվեցին:

Էվերեկի դեպքից հետո կառավարիչ նշանակվեց Ս. Զեքին, որը մի քանի ամիս անց դիմավորեց և իրականացրեց Դեր Զորի ջարդերը: Նրան անսահմանափակ իրավունքներ տրվեցին՝ էվերեկի հայերին հաշվեհարդարի:

¹ «Յուշամատեան Մեծ Եղեռնի», էջ 341-342:

² Նույն տեղում, էջ 342:

³ Նույն տեղում, էջ 344:

⁴ Նույն տեղում, էջ 348:

լու համար: Ոչ միայն այստեղ, այլև Կեսարիայում խժդություններ սկսվեցին իր զենքեր գտնելու համար:

Ապրիլի սկզբներին ձերբակալեցին հայ քաղաքական գործիչներին, կուսակցությունների անդամներին, Հարուստներին, առևտրականներին, մտավորականությանը, Հոգևորականներին: Ապրիլի 10-ին գիշերապահ թուրքերը ոռոմք նետեցին մի հայի տան վրա, ապա ձերբակալեցին այդ տանը բնակող ընտանիքի բոլոր անդամներին: Ծանրաբեռնված էր աշխատում ուազմական դատարանը:

Հունիսի 2-15-ը Քյոմուրբաղարի հրապարակում կախաղան հանվեցին քիչ թե շատ հեղինակություն վայելող 54 հայեր: Կախաղանները գործեցին մինչև 1915 թ. ավարտը: Կախաղան հանվածների թվում էր նաև Համբարձում Պոյաճյանը՝ Մեծ Մուրադը:

Մութեսարիփը հայտարարեց. «Ով ընդունի իսլամական կրոնը՝ կներվի, ով չի ընդունի՝ կուղարկվի...»:

Երիտթուրքերը ակնհայտ սաղրանքների ու բանսարկությունների էին դիմում: Զանգըրիի երիտթուրբական պատասխանատու քարտուղար Յունուսը կշտամբում է սատիկանապետին: «Եթէ հայերու տուներու մէջ զէնք չգտաք, գոնէ չէի՞ք կրնար հետերնիդ մէկ քանի զէնք առնելով, մէկ-երկու հայերու տունը զաղտնապէս ձգել, եւ ապա «ահ, զտանք» ըսելով՝ ըստ այնմ սատիկանական պաշտօնական տեղեկագիր կազմէիք... Որքան անձարակ էք եղեր եւ անգիտակից օրուան պետական քաղաքականութեան»¹:

Մուրադը կողանից ընտրված երեսփոխան էր օսմանյան խորհրդարանում: Երբ ձերբակալվում ու աքսորվում էր Կ. Պոլսի հայ մտավորականությունը, նրան են ներկայանում չորս սատիկաններ, որոնք «Թալէաթի բարեւները հադրդելէ յետոյ, կ'ըսեն, որ Նորին Վսեմութիւնը շատ կարևոր հարցի մը համար իր խորհուրդին կը կարօտի, հետեւաբար կը փափաքի զինքը տեսնել այս գիշերն իսկ»²: Մուրադը հավատում է: Նրան ուղիղ բանտ են տանում, ապա մահապատժի դատապարտում ու ահավոր խոշտանգումների ենթարկում: Նրան, ինչպես նաև Հնչակյան մյուս գործիչներին կտուանքների էին ենթարկում «զենքի պահեստների տեղեր իմանալու համար»: Հնչակյանների տների խուզարկությունների ժամանակ բոնագրավված թղթերում կար նաև Մուրադի անունը: Արյունաբրու Զեքին անմիջապես հեռագրում է Կ. Պոլիս, թե Հնչակյանները Մուրադի ղեկավարությամբ զինվել են և մտադիր են ապստամբել, հրացաններով ու ոումբերով թիկունքից հարվածել թուրքական բանակին և Հարկադրել նրան նահանջել: Միաժամանակ, հայերը դիտավորություն ունեն թուրք բնակչությանը ջարդել: Պոլսում հեռագիրն ստանալուն հետևում է Մուրադի բնակարանի խուզարկությունը: Նրան անմիջապես ուղարկում են Կեսարիա՝ կանգնելու ուազմական դատարանի առաջ: Ճանապարհին Մուրադին այնքան են խոշտանգում, որ նա տեղ է հասնում կիսամեռ:

¹ Պալաքեան Գ., նշվ. աշխ., էջ 212:

² Սիրվարդ, Մեծ Մուրադ (Հ. Պոյաճյան), Ե., 1991, էջ 52:

«Հայկական ապստամբության» մասին քարողչությունով իսլամ մոլեռանդներին հանեցին հայերի դեմ: Նրանք Մուրադին դիմավորեցին սանձարձակ սպառնալիքով: Ռազմական ատյանում արյունարբու Զեքին Մուրադի երեսին շպրտեց. «Քեզ ու ողջ հայությանը սատկացնելու ենք քոսոտ չան նման, եթե զենքերի թաքստոցների տեղերը չհայտնեք»: Մուրադը հանգիստ պատասխանեց. «Եթէ ատոր համար է, որ զիս իմ սիրելի ընկերներէս անջատեցիք եւ հոս բերիք, կը ցաւիմ, որ յուսախար պիտի ըլլաք: Ինչ կը վերաբերի իմ ստորագրութեամբ չրջաբերականներուն, ապա, եթէ երկրի կառավարութեան հանդէպ անվատահութեան նշոյլ իսկ գտնուի անոնց մէջ, ինծի հետ վարվեցէք, ինչպէս ցանկանաք, այլ ոչ թէ անմեղ հայութեանը կրակի ու սուրի մատնէք»: Եվ որ ինքը ցուցմունք կտա միայն Թալէաթի ներկայությամբ: Նրան խոշտանգումներով անդամալույծ են անում:

1930 թ. հարապարակվեցին բանտում Մուրադին բուժող Մանվել Մկրյանի հուշագրությունները: Այստեղ կարդում ենք, որ Մուրադի աղիները դուրս էին թափվել հետույքից, «գաւազանի հարուածներէն ոչ միայն միս ու կաշի մնացած չէին ոտքերուն վրայ, այլև ամբողջ ջիղերը եւ ոսկորները իրար խառնուած էին... ձախ աչքի ուղղութեամբ ճակատին մէջտեղէն պատուած էր, որովհետեւ իթթիհատական մութեսարիփը կօշիկով գլխին զարկած էր... ոտքի մեկ մատը գանգրեն եղած էր»¹: Նույն օրերին Կեսարիայում կախաղան հանգեցին ևս 12 հաչակյաններ, ինչը ծանր անդրադարձավ Մուրադի վրա:

Մութեսարիփը Մուրադին առաջարկում է արտահայտել իր վերջին ցանկությունը: «...Ողջ հայութեանը Թուրքիոյ մէջ ապրող ժողովուրդներու բարօրութեան բաղձանքէն զատ ուրիշ բաղձանք չունեցաւ: Արդարութեան եւ ազատութեան համար կոռողները կախաղաններէն չեն վախնար»²:

«Կեսարիայում,- գրում է Հ. Բարբին,- աքսորին նախորդեց 80 հայ երևելիների կախաղան հանելը: Նրանց թվում էր թուրքական խորհրդարանի անդամ Հ. Պոյաճյանը»³:

Մտավորականության և քաղաքական գործիչներին հաշվեհարդարի ենթարկելուց հետո քաղաքում հայտարարություններ փակցվեցին, թե.

1. Կեսարիայի նահանգի բոլոր հայերը տեղափոխվում են Հալեպ, բացառությամբ կաթոլիկների: 2. Մեկնողների խանություններն իշխանությունները փակելու և կնքելու են: 3. Արգելվում է կահ-կարասիների առևտուրը, դրանք գնողներն ու վաճառողները հանձնվելու են ուազմական դատարանին: 4. Մեկնող հայերն իրենց դրամական միջոցները հանձնում են դրամատուն կամ ուղարկում ուրիշ վայրերում բնակվող իրենց ազգականներին: 5. Բոլոր տեղահանվողներն ունեցած դրամի քանակի, խանութի կամ տան շարժական, ինչպես նաև անշարժ ունեցվածքի վերաբերյալ տվյալներ են ներկայացնում կառավարչատուն: 6. Տասն օրից կարավանները մեկնելու են Նիկուի ճանապարհով: 7. Որոշված

¹ Սիրվարդ, նշվ. աշխ., էջ 54-55:

² Նույն տեղում, էջ 56:

³ Բարբի Հ., նշվ. աշխ., էջ 52:

վարձով կտրամադրվեն սայլեր և կառապաններ: Ով նշված ժամին չներկայանա, մեկնելու է հետիոտն¹:

Մահվան դատապարտվածները հիմնականում սպանվեցին Կեսարիայի Կեմերեկի, Շար Ղղաղի և Ազիզիեի միջև եղած ձորում: Առաջին աշխարհամարտի նախօրյակին Կեսարիայի սանջակում բնակվում էր 70.000 հայ, որից 19.000-ը՝ քաղաքում, իսկ մյուսները՝ Այսրարգոսյան, Անդրարգոսյան և Կիղիստրորիայի 34 գյուղերում:

Հայերի տեղահանությունը չեթեական երկու գնդերի էր հանձնարարվել: Հունիսի 8-ից մինչև սեպտեմբերի 22-ը 17 կարավաններով 65.000 հոգի տարագրվեց: Կեսարացիների կարավանները մեծ չէին՝ միջին հաշվով մինչև 50 մարդ: Մինչ այդ ոչնչացվել էին 1095 երևելիներ: Կեսարիայից աքսորվեցին նաև կաթոլիկները:

Երբ իշխանություններին դիմեցին, որպեսզի կրծքի երեխաներին թողնեն գթասիրտ իալամ ընտանիքներում՝ ճանապարհին քաղցից չմեռնելու համար, պատասխանը եղավ. «Զենք ուղղում, որ հայի հոտն իսկ մնա այստեղ...»²:

Կաթոլիկ միախոներ Հ. Ռիցը գրում է, որ Կեսարիայից «երկու մղոն շառավիղով տարածքում առնվազն 80 դիակ տեսա», չնայած «իմ անցնելուց առաջ ճանապարհների մեծ մասը նախօրոք մաքրել էին: Այդ դիակները «հապճեպ թաղվածի տպավորություն էին թողնում՝ հնարավոր է, որ հարազատներն էին ջանացել դրանք մի կերպ ծածկել, բայց հողի այնքան բարակ շերտով էին փակել, որ «անթիվ-անհամար չներն ու անգները» դիակները հանում էին, «քարշ տալիս, զեխ խրախճանքներ սարքում»: Տեղի ունեցած արհավիրքների ամենաակնառու հետքերի քողարկումը դարձել էր համապետական մտահոգության խնդիր: Այդ հետքերը թաքցնելու համար օգտագործում էին ոչ միայն մահմեղական ազգաբնակչությանը, այլև բանակի ուժերը:

Գյուղացիները պատմել էին, որ «իրենց ստիպել էին հավաքել դիակները, իրար վրա կիտել ու այրել»: Այդպես էր միայն մայրուղիների վրա, իսկ մյուս ճանապարհներին ու տեղանքներում դիակները մնում էին թափված³:

Չեթեները տղամարդկանց սպանեցին Ազիզիեի մերձակայքում և Կեմերեկի ու Շարղլաղի միջև ընկած տարածքում: Հալեպ հասավ ոչ ավելի, քան 8000 հոգի, հիմնականում կանայք ու երեխաներ: Դիարբեքիրի ուղղությամբ տարվածների զգալի մասը ոչնչացվեց: Ուրֆայի շրջանում եղեռնից փրկված 128 կեսարացիներ մտան ֆրանսիական բանակի շարքերը և կովեցին թուրքերի ղեմ:

Ինչ վերաբերում է հայերի թողած ունեցվածքին, ապա մեկնելուց հետո նրանց տները կողոպտեցին, իսկ դրամական միջոցները երբեք չվերադարձեցին: Բոնագաղթվածների հողերը տրվեցին մահմեղականներին:

Քաղաքում մնացին հայ զինվորականների մի քանի ընտանիքներ, սակայն դրանց տարեկանից բարձր տղաներին նույնպես տարան և ոչնչացրեցին:

¹ «Յուշամատեան Մեծ եղեռնի», էջ 357:

² Նույն տեղում, էջ 1071:

³ ԴԱՒ Լ., նշվ. աշխ., էջ 55-57:

Քիչ անց այդ ընտանիքներին ցրեցին մահմեղական գյուղերը և թրքացրեցին:

Բոնազաղթը վայրագ եղանակներով իրականացվեց նաև Կեսարիայի գյուղերում: Ինձեռու գյուղի քաշանային խոշտանգումներով Հոգեկան Հիվանդ դարձրեցին, իսկ երեցկինը զոհ դարձավ խուժանների անասնական կրթերին, նրա ստինքները կտրեցին ու մեռցրին: Այդ գյուղում ևս տասը հոգի սպանվեց, իսկ մյուսները մայիսի 22-ին տեղահանվեցին: Չոմախլու գյուղի բոլոր տղամարդիկ սպանվեցին, 1646 հոգի տարագրվեց, որոնցից ողջ մնաց 325-ը: Հուլիսի 3-ին շրջապատվում է Դերեվանք գյուղը, տղամարդկանց գյուղից հանում են ու սպանում, իսկ մյուսներին տեղահանում ու ոչնչացնում են ճանապարհին:

Էվերեկի և Ֆենեսեի հայությունը տեղահանվում է օգոստոսի 6-ին: Ի դեպ, Թոմարզայի կազայի գյուղերի բնակչության 3/5-ը, իսկ քաղաքի բնակչության 4/5-ը հայ էր: Այստեղ առաջին ջարդը տեղի ունեցավ դեռ փետրվարի 9-ին, երբ 400 հոգի ոչնչացվեց: Գյուղն ամբողջությամբ տեղահանվեց օգոստոսի 25-ին: Այդ գյուղի 10.000 բնակչոց վերապրեց 300-400 հոգի: Թալաս գյուղում, երբ դեռ տեղահանված չէր, մեծ թվով հալամացած կանայք կային, չնայած դրան, այդ կանայք իրենց երեխաների հետ դիմավորում էին տարագրվող հայերի կարավանները, նրանց սննդամթերք հասցնում: Մասնավորապես եռանդուն էին գործում տեղի ամերիկան քոլեջի աղջիկները:

Այդ գյուղից Սարգիս Խանլեյանը, որին 14 տարեկան հասակում, 1915 թ. մայիսին բոնազաղթել էին անապատ, իր հուշերում գրում է, որ գաղթից մի օր առաջ մունետիկները կանչում էին. «Հայե՛ր, պատրաստվե՛ք գաղթի»: Նփոթված ժողովուրդն ինչ կարող էր հետը տանել, շալակն առած շարժվեց նշանակված վայրը: Այստեղ նույնպես հավաստիացնում էին, որ տարագրությունը ժամանակավոր էր: «Ժանտարմաները... ծեծի տակ կը քչէին»: Նախ հավաքեցին տղամարդկանց, այդ թվում՝ դեռահասներին: Հաջորդ օրը տեղահանեցին մյուսներին, մոտ հագար հոգի:

«Քալել-քալել, ծեծի ու ամեն տեսակի վայրենի միջոցներով, ձիավոր ժանդարմների ցանկութեան համաձայն»: 3-4 օր հարկադրում են քայլել քաղցած, շատ ծերեր գաղթի հենց առաջին օրերին ծեծի տակ ընկան ճանապարհին ու մեռան: Կարավանը մի ամայի վայրում կանգնեցնում են: Նա շրջափակվում է զինված խուժանով: Ժանդարմներն առաջարկեցին հանձնել ոսկեղենը, սպառնալով, թե ով չտա, սոսկալի խոշտանգումների է ենթարկվելու: Միաժամանակ ասացին, թե «բոլորդ ալ պիտի սպանուիք այստեղ եւ ոչ ոք ողջ պիտի մնայ...»: Սկսվեց ջարդը, խողխողում էին հիմնականում սառը զենքով: Մինչ այդ ժանդարմները հեռացել էին՝ իրենց հետ տանելով կողոպտված արժեքներն ու գեղեցիկ աղջիկներին, տարագրյալներին հանձնելով խուժանի վայրագություններին:

Փրկվեցին միայն երկու պատանիներ: Թուրքական մի գյուղում մի թուրք հայ պատանյակին բանտարկում է, իսկ ապա դարձնում իր ծառան, ստրուկը, առանց նույնիսկ ուտելու բան տալու: Տղան կարողանում է փախչել և ապրել եղեռնը վերապրած հայ որրի գողզոթան¹:

¹ «Ալիք», 23 ապրիլի 1989 թ.:

Կեսարիայի թավլուսուն գյուղում, որտեղ 30 տուն հայ էր բնակվում, տեղի ունեցավ իր բնույթով հազվադեպ դեպք՝ թուրքերը թույլ չտվեցին, որ հայերին տեղահանեն:

Մելքոն-Ասատուրը մանրամասն տվյալներ է արձանագրել կեսարահայության ողբերգության վերաբերյալ: Երևելիներին քաղաքից դուրս գաղանաբար ոչնչացրեցին. «Սոյն խումբը չեթէից տապարով նահատակուած է Կեմերէկէն դուրս էհմալ օղլու Համբարի ջաղացքէն կէս ժամ դէպի արեւելք, Ղըզըլչար ձորին մէջ: Ոտքէց գլուխ մերկացուելէ վերջ՝ նահատակաց մարմինը նետուեցաւ Նիրօղլու կոչուած քարայրը»¹:

Կեսարիայի հայության ջարդերի գլխավոր իրականացնողը Խովուսինն էր, որը հազարավոր անմեղ հայ երեխաներ ջարդելուց հետո առաջ քաշվեց ու Բողազյանի ոստիկանության հրամանատար նշանակվեց: Երբ պատերազմի ավարտին նրան դատի տվեցին, դատարանը Խովուսու կատարած հանցագործությունները ճանաչելով հանդերձ, նրան ընդամենը երկու ամսվա բանտարկության դատապարտեց²:

Նաև նշենք, որ Կեսարիայի սանջակում մինչև եղեռնը գործում էին չորս վանք, 30 եկեղեցի, 42 դպրոց 4935 աշակերտով և 125 ուսուցիչով: Ավելացնենք նաև այն, որ Էսաղ Ուրասը գրում է, որ 1903 թ. վիճակագրության տվյալներով՝ Կեսարիայում հայ բնակչության թիվն էր 52192, 1907 թ. վիճակագրությունով՝ 68.000: Հայ բնակչությունից առաքելական եկեղեցուն պատկանում էր 48659 հոգի, կաթոլիկներ էին 1515, բողոքական էին 2018 հայեր³: Կեսարիա քաղաքում մնացել էր 260 տուն խլամացած հայ ընտանիք: Տեղի մութեսարիֆը զեկուցեց Կ. Պոլսին՝ Կեսարիայից տեղահանվել է 47617 քրիստոնյա: Սանջակի հայության զգալի մասը կոտորվեց Կեմերեկ ավանի մոտ՝ Մուղարա-Սան գյուղի և Խնզըր-Սույու ձորերում:

Մի քանի վկայություններ. «Ծեր սայլապանը բռնագաղթվող հայ կնոջը.

- Այ կին, չէ՞ որ ձեզ մեղնելու կը տանին, ինչ դրամ որ ունիս՝ ինձի տո՛ւր, որովհետեւ այդ դրամն այլ ձերը չէ, ձեզմէ պիտի առնեն»⁴:

Դելի Օսման՝ թուրք գյուղացի.

«Առաջին կարավանը մեր գիւղին մօտերը կոտորեցինք, Ֆրըն Տերեսին: Պապա-Եաղմուր գիւղէն Ահմէտ Զավուշը ժանտարմաներուն պետ կարգուած էր, ան մեզ յստակ կերպով ըստ.

- Մենք որևէ գնդակ պիտի չարձակենք հայերու վրայ: Դուք գործի անցէ՛ք ձեր կացիններով և զարկէ՛ք միայն անոնց զանկերուն: Հայերը կու լային, բողոքի ձայն չկար, միայն անոնցմէ մէկը ըստ.

- Սրիկանե՛ր, խարերանե՛ր, մի՞թէ քաջութիւն է կապուած մարդիկ սպանելը:

Երբ մեր Հասանը սուրբ բարձրացուց գլխուն զարնելու, ճարպիկ հայը

¹ «Կիլիկեան տարեցոյց», Կ. Պոլիս, 1922, էջ 184:

² Գ.Ե. № Մ 289:

³ Uras E., Աշվ. աշխ., էջ 144:

⁴ Եափումեան Հ., Յիշատակարան Բումտիկինի, Պէյրութ, 1967, էջ 167:

Հասանին երեսին թքեց ու ոտքովը ուժեղ հարուած մը տուաւ անոր փորին:
Բայց տեղնուտեղը զինքը կտոր-կտոր ըրին:

Մեր գործողութիւնը հազիւ տասնհինգ վայրկեան տևեց: Կապերը կտրելով
սկանք լաթերը հանել բաւական դժուարութեամբ: Նախքան մեր ցրուիլը, ոս-
տիկանապետը յայտարարեց, որ յաջորդ օր դարձեալ ներկայ ըլլայինք Ռումտի-
կին, որպեսզի կոտորեինք երկրորդ կարավանը: Ահա այդ ձորը. ով որ կուզե,
թող բարձրանայ և տեսնե երկրորդ կարավանի քեաֆիրները»¹:

Մի խումբ թուրքեր հայի ազարակից դուրս գալով ասացին.

«Այս այգիին տերը շաբաթ մը առաջ կախուած էր տանձի ծառէն, կա-
խուած էր գլխի վրայ, քարկոծուած ու սպաննուած»²:

Մեհմեղի պատմածը.

«Այրերու վերջին կարավանը փոքր էր: Քանի մը պատանիներ, քանի մը
այր մարդիկ ու քահանան: Երբ հասանք Հարլըի ձորը, փոսի մը եղերքը, ոստի-
կանապետը զիս լավ ճանչնալուն ըսաւ.

- Է՛յ, դասապ Մեհմետ, գործի՛ անցիր և շնորհքդ ցոյց տուր:

- Կատուն, երբ մուկ մը բոնե, նախքան բզկտելը,- պատասխանեցի ես,-
անոր հետ կը զուարձանայ:

Իմ այս սրամտութիւնս ուրախաթիւն պատճառեց ոստիկանապետին ու
ըսաւ.

- Տէ ընտրէ՛ զուարձանալիքդ ու շնորքդ ցոյց տո՛ւր:

Ես խումբէն զուրս հանեցի քեշիչը եւ Շիտիտենց երանոսը եւ երդում ըրի,
որ գիրենք պիտի չսպաննեմ, եթե ըսած կատարեն: Որպեսզի համոզուին, մենք
միւսները սպաննեցինք եւ փոսը լեցուցինք, ապա երանոսին դառնալով ըսի.

- Դու աշուղ մարդ ես, եթէ լաւ բան մը երգես, վալլահ-պիլլահ փրկուած ես:

Երանոսը մերժեց ու խնդրեց, որ որքան կարելի է զինք շուտով անդի
աշխարհը ճամբեմ: Ստիպեցի ու ան երգեց...

Քեաֆիրին ձայնը իսկապես գեղեցիկ էր ու յուզիչ, սակայն Տարլցի
Ղասրմը գերանդին քաշեց ու երանոսին վիզը կտրեց:

Այս ժամանակամիջոցին քահանան, երկինք նայելով, մեզ համար
անհամանալի բան մը կը մոլտար:

- Ինչո՞ւ,- հարցուցի,- երկինք կընայիս:

Քահանան անվախ կերպով պատասխանեց.

- Աստուծո կաղոթեմ, որ քեզ շանթահարէ:

Ես ծիծաղելով քեշիչին շալակը ելա ու ըսի.

- Եթե զիս մինչև գիւղ տանիս, կը փրկուիս:

Սակայն Ղասրմը կրկին մեջ մտավ: Լուցկի մը մոտեցուց քեշիչին մորուքին:
Քեշիչը իր դեմքը փրկելու համար զիս շալակէն վայր նետեց ու երեսին վրայ
գետին պառկեցաւ:

¹ Եափուժեան Հ., Յիշատակարան Ռումտիկինի, էջ 171:

² Նույն տեղում, էջ 172:

- Այ քեշից, վե՛ր ե՛լ,- պոռացի, բայց քեշիցին սիրտը արդեն պայմած էր, մնաց տեղը: Շատերը չհաւատացին, կարծեցին, թէ սուտ մեռել կը ձեւանայ, սակայն ԱՀմետ չափուշը ըստ:

Վերջացուցէ՛ք, բաւակա՞ն է: Կացինի քանի մը հարուած տուէ՛ք եւ փոսը նետեցէ՛ք...

- Ես կատարեր եմ,- (արդարացավ Մեհմետը),- մեր փեյղամպերին պատուիրանը որ կ'ըսէ. «Քեաֆիր սպաննողը կ'երթայ գրաւելու դրախտին ամենապատուաւոր տեղերէն մէկը»¹:

ՅՈԶԴԱԹ

Յոզդաթի ցեղասպանության պատմությունը համեմատաբար լավ է ուսումնասիրված և դա չնորհիվ Գրիկերի (Գրիգոր Կերկերյանի ծածկանունն է): Նա ցեղասպանության պատմության ուսումնասիրությամբ զբաղվեց 40 տարի: Դեռ Հռոմի համալսարանն ավարտելիս նրա ավարտաճառը նվիրված էր Մեծ եղեռնին: Գրիկերը ծրագրել էր ստեղծելու Հայոց ցեղասպանության պատմությանը նվիրված 12 հատորանոց աշխատություն՝ յուրաքանչյուրը նվիրված հայկական կամ թուրքական մի նահանգի ու գավառի:

Սակայն հասցրեց հրապարակ հանել միայն մի հատորը՝ «Եոզդաթի հայասպանութեան վաւերագրական պատմութիւնը»: Գրիգոր երկեղու է՝ վավերագրերի թուրքերեն բնագրերը մի այունակում են, իսկ դրանց հայերեն թարգմանությունները՝ մյուսում: Օգտագործված վավերագրերը հիմնականում պաշտոնական գրագրություններ են, հեռագրեր, թուրքական ուազմական դատարանի նյութեր:

Այս աշխատության մեծագույն ծառայությունն այն է, որ նա միայն թուրքական սկզբնաղբյուրներով կարողանում է Յոզդաթի սանծակի օրինակով հաստատել Հայոց ցեղասպանության իրողությունը:

Եթե հաջողվեր հրատարակել ծրագրված 12 հատորը, Գրիկերի գիրքը իսկապես կդառնար Հայոց ցեղասպանության հանրագիտարան: Այնուամենայնիվ, Մեծ եղեռնի պատմությամբ զբաղվողն այսօր էլ յոլա գնալ չի կարող առանց Յոզդաթի ջարդերին նվիրված գրիկերյան հատորյակի: Դա ո՛չ միայն ուսումնասիրություն է, ցեղասպանության իրողությունը հաստատող մենագրության, այլև վավերագրերի, այն էլ առաջնակարգ նշանակության վկայությունների, ժողովածու:

Յոզդաթի սանծակում կար 350 գյուղ, որից 56-ը՝ հայաբնակ 9.800 ընտանիքով և 55.000 բնակչով²: Բայց այս սանծակի հայկական բնակավայրերի ու բնակիչների թվի վերաբերյալ ևս տարրեր տվյալներ կան: Եթե հրապարակված աշխատություններում բնակավայրերի թիվը տատանվում է 44-56-ի, ապա հայ

¹ Եափումեան Հ., նշվ. աշխ., էջ 176-178:

² Գրիկեր, նշվ. աշխ., էջ 101:

բնակչությանը՝ 33.000-79.800-ի միջև: Օրինակ, Յողովաթի Հայրենակցական միությունը նշում է 76.055, Հ. Ղազարյանը՝ 74.584, իսկ թուրքական վիճակագրությունը՝ 31247 թվերը:

Սանջակում 1901 թ. գործում էր 40 եկեղեցի և 65 հայկական դպրոց՝ 1750 աշակերտով, 13 ուսուցչով: Յողովաթն այն սանջակների թվին էր պատկանում, որի մութեսարիֆը՝ Զեմալը հրաժարվեց կատարելուց հայերի ոչնչացման հրամանը: Նա այդ պաշտոնում նշանակվեց 1915 թ. մայիսի 5-ին և աշխատանքից ազատվեց նույն թվի օգոստոսի 6-ին: Նրան փոխարինեց Բողազյանի կազայի 21-ամյա գայմագամ Քեմալը:

Նույն պատճառով աշխատանքից ազատվեց սանջակի զորահրամանատար Սալիմը: Ինչպես արդեն նշվել է, թե՛ Զեմալը և թե՛ Սալիմը կողմ էին հայերի յեղասպանության, բայց ոչ՝ բնաջնջմանը:

Սանջակը զինվորական գծով ենթարկվում էր Կեսարիայի 15-րդ զորաբաժնի հրամանատարին: Եվ քանի որ առաջին շրջանում, մինչև օգոստոսի 6-ը, բանակը առաջատար դեր էր խաղում բռնազաղթի կազմակերպման գործում, հետևաբար բանակային կառույցների միջոցով էին ստացվում տեղահանության ու ոչնչացման հրահանգների մեծ մասը:

Սանջակում հայերի պաշտոնազրկումն սկսվեց 1914 թ. հունվարին՝ համաձայն ՆԳ, արդարադատության և կրօնների նախարարությունների հրամանների: Մինչև 1915 թ. առաջին ամիսները հայ պաշտոնյաների գրեթե 90 տոկոսը փոխարինվել էր մահմեղականներով: Այդ առթիվ 1914 թ. ապրիլի 16-ին պատրիարքը բողոք ներկայացրեց Բարձր Դուռը, բայց հայերի պաշտոնազրկման գործընթացը ո՛չ միայն չկանգնեց, այլ՝ ավելի արագացավ: Արդեն 1914 թ. նոյեմբերին հայկական նահանգներում հայ պաշտոնյա գրեթե չէր մնացել:

Յողովաթում հայերի պաշտոնազրկումը տեղի ունեցավ 1915 թ. գարնանից: Պատասխանելով Կ. Պոլսից ստացված հրահանգներին և Աթրփի Հուլիսի 19-ի հեռագրին, Զեմալը հայտնում է. «Ձերդ գերազանցութեան հրամաններուն համաձայն ձեռք առնուեցան անհրաժեշտ միջոցներ տնտեսական ճիւղերու հայ պաշտօնեաներու հանդէպ», բարեհաճեցեք «նոյնիմաստ հրամաններ տալ նաեւ անձնիր նուիրապետական մեծաւորներու միջոցով, նախադատ ատեանի, լեզունի, ծխախոտի տեսչութեան, երկրագործական դրամատան մէջ պաշտօնավարող հայերուն նկատմամբ...» և ինչպես վարվել քաղաքապետարանի վարչական խորհուրդների ու հանձնաժողովների անդամների հետ¹:

Յողովաթի մութեսարիֆի՝ Կ. Պոլիս ուղարկած տեղեկանքով սանջակից տարագրվել էր 31247 հայ. Յողովաթի կազայից՝ 13359, Աղդաղի կազայից՝ 3208 և Բողազյանի կազայից՝ 14680 հայ:

Յողովաթում զորահավաքն սկսվեց մինչև Առաջին աշխարհամարտը: 1914 թ. հուլիսին արդեն բանակ էին զորակոչվել զինվորական տարիք ունեցող բոլոր հայերը: 1915 թ. ապրիլի 22-ին ստացվեց ուղամական նախարարի հրամանը զորակոչելու դենք կրելու ընդունակ բոլորին: Հատկանշական է, որ այդ

¹ Դ.Ե. № Հ 614:

Հրամանը գործադրվեց հիմնականում հայաբնակ շրջաններում:

Նույն ապրիլ ամսին սանջակի բնակավայրերում հնչեց մունետիկների սպառնալից ազդը՝ Հանձնել ունեցած բոլոր զենքերը: Յողղաթի առաջնորդ Ներսես Եպիսկոպոսը, կատարելով պատրիարքի պահանջը և տեղի Աղքային ժողովի որոշումը, ժողովրդին հայտարարեց. «Յանձնեցէ՛ք ձեր ունեցած զէնքերը՝ օրէնքը յարգած ըլլալու համար»¹:

Այս եպիսկոպոսը, որը նույնպես գոհ գնաց եղեռնին, հեղինակ է «Կարևոր մի ցող այրած արտերու համար» գրքի, որում ներկայացված է գավառների հայության ծանր վիճակը: Սանջակի հայության ճնշող մեծամասնությունը զենքերը հանձնեց:

Զենքերի հավաքման գործում առանձնակի եռանդ էր դրսեորում Քեմալը: Նա բանտերից արձակեց 300 քրեական հանցագործի, նրանցից կազմակերպեց չեթեական խմբեր ու «արշավի» ուղարկեց հայերի վրա: Այս խմբերը շրջափակում էին հայկական գյուղերը ու դրանք միմյանցից մեկուսացնում: Չեթեական հրոսակախումբ կազմակերպեց նաև ոստիկանապետ Թևֆիկը: Դա կազմված էր չերքեզներից:

Ռազմական դատարանում Զեմալը ցուցմունք տվեց, թե դեռ Թոքաթում աշխատելիս «կարգ մը բանտարկեալներ հանեցինք եւ մարզելով Կարին դրկեցինք, անոնք պատերազմի գիծերուն վրայ գտնուեցան»: Նա նաև ասաց, որ ինքը դրա հետ համաձայն չէր, բայց հարկադրանքի տակ էր:

Յողղաթում քրեական հանցագործներին բանտերից ազատելու հանձնաժողովի անդամներն էին Թևֆիկը, Ընդհանուր դատախազը, Սալիմը, Ռեմզին: Հանձնաժողովը մայիսի 15-ին բանտից արձակեց 65 ոճրագործի և նրանց զինելով՝ Զորում ուղարկեց: Ընդհանուր մի քանի անգամ ոճրագործները բանտից ազատվեցին համաձայն ՆԳ նախարարությունից ստացված ցուցակների²: Յողղաթի բանտից արձակված 65 հոգուց 15-ը մարդասպան էր, 12-ը՝ գող ու ավազակ:

Կար ստեղծված չեթեական խմբերի երկու անուն՝ «Թեշքիլաթը մախսուսա» և «Թեշքիլաթը ճետիտա» (նոր կազմակերպություն): Երկրորդը ստեղծվեց 1914 թ. հուլիսին՝ կենտրոնում ընդունված որոշման հիման վրա, իսկ «Թեշքիլաթը մախսուսա» գործում էր 1913 թ. հունվարից: «Թեշքիլաթը ճետիտան» ստեղծվեց հայերին կոտորելու համար: Քիչ անց դա նույնպես կոչվեց «Թեշքիլաթը մախսուսա», որովհետև նույնն էին այդ կազմակերպությունների անդամների հավաքագրման սկզբունքն ու գործելակերպը: Բացի դա, պատերազմական նպատակադրումներով՝ «Թեշքիլաթը ճետիտան» հաջողություն չունեցավ և նրա ջոկատների մեծ մասին նույնպես լծեցին հայասպան գործունեության և, վերջապես, «Թեշքիլաթը մախսուսա» անունը հնարավորություն էր տալիս քողարկելու կազմակերպության նպատակն ու խնդիրները՝ իբր նաշարունակում է օգնել բանակին: Յողղաթի նախկին դատավոր Մ. Ռեմզին

¹ Գարիկեան Ն. և Գալուստեան Կ., Ազ տաղի գոյամարտը, Մարտել, 1932, էջ 42:

² Դ. Ե. № Մ 497, Մ 534:

1919 թ. փետրվարի 10-ին կազմած տեղեկագրում նկարագրում է «Թեշքիլաթի» ձևավորման կարգը. «Բժշկական քննութիւն կատարելէ ետք տեղի ունեցան ձեւակերպութիւնները ոճրագործներու ազատ արձակումին, իբր թէ ասոնք զինուոր պիտի արձանագրուէին: Հետագային իմացանք, որ այս ոճրագործները դրկուեցան Զորումի հրոսակներուն թիւը աւելցնելու համար»¹:

Ապրիլի 30-ին Քեմալը նամակով Զաթի գյուղապետից մահվան սպառնալիքով պահանջեց երկու օրվա ընթացքում գյուղում եղած զենքերը հավաքել ու հանձնել: Գյուղի համայնքը պառակտվեց: Երիտասարդները հրաժարվեցին զենքերը հանձնել, քանի որ դա հայերի բնաջնջմանը հավասարագոր էին համարում:

Ոստիկանապետ Կասրմը 100 ոստիկանով մտավ Զաթի զենքերը հավաքելու: Հայերը հրաժարվեցին, ասելով՝ «Մենք զենք չունենք»: Տղամարդիկ ձերբակալվեցին և բոնությունների ենթարկվեցին: Մի հույն ոստիկանապետին տվեց զենք ունեցողների և կուսակցականների ցուցակը: 80 չափեցու շղթայակապ տարան Բողազյան: Միաժամանակ գյուղ չեթեներ ուղարկվեցին: Ոստիկանի համազգեստով «ոճրագործները կը մտնէին հայերու տունները, կիներն ու աղջիկները կը մերկացնէին եւ կարմրած երկաթով կ'այրէին անոնց մարմնի ամենէն փափուկ մասերը՝ զանոնք ստիպելու համար, որ յայտնեն այրերու պահուած թաքստոցները եւ զենքերու տեղերը»²:

Յողղաթում նույնպես ծրագրված էր նախ ոչնչացնել գյուղերի և ապա միայն քաղաքների հայ բնակչությանը: Այստեղ նույնպես իշխանությունները գործում էին շատ զգուց և թաքուն, աշխատում տպագորություն ստեղծել, թե «ոչ մէկ չարիք պիտի հասնի անոնց, որոնք հաւատարիմ են»³:

1915 թ. հուլիսի 18-ին Յողղաթում ստացվեց Աթրֆի ծածկագիրը. «Զեր սանջակին մէջ բնակուող հայերէն կոմիտէներու պատկանողներու կամ այդպէս կարծուածներու, մասնաւորապէս, ուսուցիչներու, դեղագործներու, բժիշկներու, կրօնականներու, վաճառականներու, փաստաբաններու, ըմբոստական գաղափարներ տարածողներու ներկայութիւնը ներկայի ապահովութեան եւ երկրին ապագայ փրկութեան վնասակար ու վտանգաւոր ըլլալով, կը խնդրեմ, որ ձերբակալել տաք այդպիսի անհատները եւ զանոնք դրկէք հսկողութեան տակ (Տեր) Զօրի կողմերը...»⁴:

Այս հրամանի հիման վրա բանտերը լցվեցին երեելի հայերով, անգամ հատուկ հանձնաժողով ստեղծվեց տարագրվող հայերի դրամական միջոցներն ու թանկարժեք իրերը հավաքելու համար:

Կ. Պոլիսը տեղական իշխանություններից պահանջում էր «դավադրություն ու կուսակցություններ հայտնաբերել»: Տեղերից պատասխանում էին. «Եողղաթի հայերը Դաշնակցութեան եւ Հնչակեան կուսակցութիւններու հետ կապ չունին», սակայն նման պատասխանները հաշվի չէին առնվում և պնդում էին, թե «Հայ երեւակայական կոմիտէ մը գոյութիւն ունի...»:

¹ Դ. Ե. № Մ 497, № Մ 535:

² «Եողղատ» (ձեռագիր), Նորարյան մատենադարան (Փարիզ), էջ 133:

³ Դ. Ե. № Մ 574-Մ 577, Հավելված № 1; Տես Սալիմի վկայությունը:

⁴ Դ. Ե. № Հ 612:

Տեղական իշխանությունները հրաման ստացան խուզարկություններ կատարել, բայց «գտան միայն այն գէնքերը, որոնք խուզարկուները իրենց ձեռքերով տեղաւորեցին, եւ վերջապէս, հրաման ստացան Հայերը տեղահանելու»¹:

Չնայած գենքեր չհայտնաբերվեցին, բայց Յոզեփի ոստիկանապետ Թևֆիկը «սպաննել տուաւ բազմաթիւ Հայեր առանց պատճառի, պատրուակէլով թէ անոնք կոմիտէներու կը պատկանէին»: Ապա «ըմբոստություն» Հայտնաբերեց զորակոչված Հայերի շրջանում և նրանց ցաքուցրիվ արեց:

Այդ մասին նախկին մութեսարիփ Զեմալը 1919 թ. մարտի 5-ին ուղամական դատարանում ցուցմունք տվեց, որ Թևֆիկն «ինձմէ կը խնդրէր, որ գիւղերու Հայերը, որոնք թնդանօթներով զինուած էին... այլուր տարագրուէին եւ անոնց տեղ բերուէին թուրքեր... Քննութիւն կատարեցի, բայց քննութիւնս արդիոնք չյանգեցաւ, ըմբոստութեան Հետք իսկ չգտայ»²:

Դատարանը Հերքեց Հայերի ապստամբության վարկածը և գտավ, որ դա չէր կարող հիմք հանդիսանալ տեղահանության և ջարդերի համար, որովհետեւ, եթե անգամ «Հայ ժողովրդի մի մասն իսկ մասնակցած լիներ, մնացած մասը ցուցաբերել է իր Հավատարմությունը» և պետք է պաշտպանվեր իշխանությունների կողմից³:

Այնուամենայնիվ, Յոզեփի Հայության կոտորածները Հետաձգվեցին: Ինչո՞ւ: Գրիկերը դա բացատրում է Մազհարի, Զեմալի և Սալիմի ընդդիմությամբ: Սակայն յողաթցիների առաջին կարավանի ոչնչացվելը Մազհարին ու նրա համախոհներին զգուշացրեց, որ տեղահանության նպատակը ընաջնջումն էր և նրանք սկսեցին ամենատարբեր պատրվակներով տեղահանությունը ձգձգել:

Զեմալը 1918 թ. դեկտեմբերի 12-ին ուղամական դատարանին տված իր ցուցմունքում ներկայացնում է Յոզեփի իրադարձությունների զարգացման ընթացքը: Հայերի տեղահանության հրամանն ստացան զինվորական իշխանությունները: «Զերբարկալուած Հայ անհատները չվստահեցան քաղաքացիական իշխանութեանը»: Զեմալն ասել է, որ Հայերի տեղահանության մասին ինքը տեղեկություն չի ունեցել, քանի որ «անոնք տարագրուեցան գիւղերէն, որովհետեւ չթողուցին, որ ոստիկան զինուորներն այդ գործին խառնուին: Այն ատեն Անգարայի Միութիւն եւ յառաջդիմութիւն կուսակցութեան պատասխանատու քարտուղար Նեճաթի պէջ Եղողաթ եկաւ... եւ ինծի ցոյց տուաւ կուսակալ Աթրֆ պէջի կողմէ ստորագրուած նամակ մը՝ զայն բռնելով իր ափերուն մէջ»: Նամակը հանձնարարում էր Նեջաթի Հետ խորհրդակցել և ձեռնամուխ լինել տեղահանությանը:

Յոզեփի ցեղասպանության դատավարության ժամանակ երկաթուղային պատասխանատու պաշտոնատար Խ. Պանտելիստիար ցուցմունք տվեց, որ Նեջատին «Յոզեփ եկավ կառավարիչ Զեմալ բեյին առաջարկելու՝ ընաջնջել Հայերին, սակայն այս վերջինը մերժեց կատարել նրա ցանկությունը: Այդ պատճառով, Զեմալ բեյը պաշտոնանկ եղավ և նրա տեղը նշանակվեց մսագործ Քեմալ բեյը...»:

¹ Դ. Ե. № Մ 574-Մ 577:

² «La Renaissance», 6 մարտի 1919 թ.:

³ «Takvim-i Vekai», 7 օգոստոսի 1919 թ., № 3617:

Քաղաքացիական իշխանություններից ստացված տեղահանության հրամանը վերաբերում էր միայն «կասկածելի անձանց», մինչդեռ զինվորական իշխանությունների հրամանը՝ բոլոր հայերին: Իսկ տեղահանությունն իրականացնողները ոչ թե քաղաքացիական, այլ զինվորական իշխանություններն էին: Այդ հանգամանքը ջեմալին օգնում է խույս տալ տեղահանության գործերին միջամտելուց, որից հետո Աթրֆը նրան պաշտոնանկ է անում¹:

«Թէեւ ես աչքովս չտեսայ կոտորածը,- շարունակում է ջեմալը,- սակայն իմացայ, թէ Եոզդաթ քաղաքէն եւ շրջակայ գիւղերէն տեղահանուած հայ կարաւանները կոտորուեցան եւ բնաջնջուեցան ոստիկաններու, հրոսակներու եւ ժողովուրդին կողմէն... Բոլոր ժողովուրդը գիտէ, որ Քեմալ պէյ, ոստիկանութեան հրամանատար Թէւֆիկ պէյ եւ... Նեճաթի պէյ համաձայն գործելով կաղմակերպեցին հայերու բնաջնջումը»²:

Յոզդաթի առաջին կարավանում, որը դուրս եկավ Հուլիսի 26-ին, կար 472 հոգի, այդ ժվում՝ տեղի առաջնորդ Դանիելյանը, քահանաներ, երևելիներ³: Գնդապետ Սալիմի վկայությամբ՝ այդ կարավանը օգոստոսի 6-ին ոչնչացվեց Մուամմերի հրամանով՝ Քեմալից ստացված հեռազրի հիման վրա: Կարավանին ուղեկցող ոստիկանները հայերին չորսական հոգով միմյանց կապված հանձնեցին չեթեներին, որոնք նրանց սպանեցին և ապա կողոպտեցին: Դա տեղի ունեցավ Սերաստիայից չորս ժամ հեռավորության վրա գտնվող Կարտաշարի ձորում: Այդ կարավանը ոչնչացնելու հանձնարարականով Սերաստիա ծածկագիր էր ուղարկել նաև Նեջատին. «Առաջին կարաւանը Եոզդաթէն մեկնած է. անոնց հանգիստը ապահովելու համար մասնաւոր սպասարկութեամբ կարգադրութիւն եղած է»⁴:

Յոզդաթի վերապրածներից է. Վարվառյանը դատարանին պատմեց. «...Պողազլեանէն եւ շրջակայ գիւղերէն 200-300 անհատներ հաւաքուեցան եւ միացան հրոսապետներուն: Քեմալ պէյ զանոնք զինեց... ինքն ալ, զինուած, Եոզդաթի փողոցները կը շրջէր պոռակով հրոսակներուն. «Մեր մայրերը մեզ ծնած են այս օրուան համար»: Այսպիսի կարգախօսներով ան քաջալերեց ամբոխը միանալու հրոսակներուն: Ասոնք ամենքն ալ ձիերու վրայ էին: Զինեալներու օգնութեամբ տուներէն եւ խանութներէն 12 տարեկանէն վեր հայ այրերը հաւաքելով բանտարկեցին... շենքերու նկուղներուն մէջ»: Ոստիկանները խանութիւն տերերից բանալիները վերցրեցին և դրանք կողպեցին: Հայ այրերին տեղահանեցին մի քանի կարավաններով: Հերթը հասավ կանանց ու երեխաներին: Զինված հրոսակները տներից դուրս էին հանում նրանց: Կարավանն ուղեկցում էր նաև Քեմալը: Նրանց միացավ զինված ամբոխը՝ հիմնականում Հեծյալ: Քելլերի մերձակալայքում Քեմալը հրամայեց. «Հաւաքեցէ՛ք զեղեցիկ կիներն ու աղջիկները, որ անոնց պարել տանք»: Աղջիկներին հարկադրեցին 2.5 ժամ պարել: Ապա պահանջնեցին իսլամանալ: Հրամայեցին ծունկի գալ: «Մեզ մերկացուցին, առին մեր դրամները եւ զգեստները ..., մեր վրայ յարձակեցան

¹ Դ. Ե. № Մ 492-Մ 494:

² Նույն տեղում:

³ Նույն տեղում, № Հ 618:

⁴ Դ.Ե. № Հ 519:

կացիններով, բրիչներով, իրենց տրուած հրամաններու համաձայն: Անոնք մեռցուցին իմ աչքերուս առջեւ...»¹:

Հայ զինվոր Ա. Թաշչյանի ցուցմունքը. «Տեսայ 540 հայ տարագիրներու կարաւան մը, որ քաղաքէն դուրս կ'ելէր 30 եւ աւելի սայլերով... Այն հայերը, որոնք սայլերուն հետ կը քալէին երկտակու իրարու հետ կապած էին... 600 իսլամ փախստականներ 20 օր առաջ իրր զինայր (ոստիկան) արձանագրուած էին»: Քաղաքի թաղերը բաժանվեցին այս ոստիկանների վրա: Հաջորդ օրը ճանապարհ հանեցին 400 հոգանոց կարավան, որոնց ուղեկցում էր դաղստանցի Խսմայիլը 40 ոստիկանի հետ:

Սունգուրլուից 30-35 սայլերով մեծ թվով հայ վաճառականներ բերեցին: Սրանց միացրին 7000 յողղաթցու: Վեց-յոթ ժամ անց 800-900 սայլերով Յողղաթից դուրս բերին մի նոր կարավան: Երրորդ կարավանում 300 սայլ կար: Զաթալճա կամրջի վրա վերջին կարավանի կանանց, աղջիկներին և երեխաններին առանձնացրին և հինգական կամ տասսական հոգով բաժանեցին մահմեղական գյուղերի վրա: Տղամարդկանց ինչ-որ տեղանքում սպանեցին:

Սունգուրլու ավանից բերվեց երրորդ կարավանը, նրանց միացրին 36 յողղաթցու: Գնաց նաև չորրորդ կարավանը, որոնք բոլորն էլ ջարդվեցին հրոսակների ուժերով: Դրանից հետո «ամեն գիշեր եղաղաթի հայերը տասնական խումբերով քաղաքէն դուրս կը հանէին եւ կը ջարդէին»:

Այս բոլոր ջարդերը կազմակերպողն էր Քեմալ պէյ...»:

«Եղաղաթի նամակատան տնօրէն Մեհմէտը եւ Զ. Շիւքրին... ամեն մէկը սպաննած էր 200 հայ»: Սունգուրլու կարավաններից մեկին 24 ժամ առանց ջրի թողեցին, ապա Քեմալի հրամանով Քաջէրի կիրճում կոտորեցին: Ջարդեցին նաև 20 բողոքականների:

Կարավըրք գյուղի 250 ընտանիք ջարդվեց գյուղից կես ժամ հեռավորության վրա: «Կոտորածի ատեն օգնական ոստիկանապետ Նուումանն ուղեց ամուսնանալ ջարդուելիք աղջիկներէն մէկուն հետ: Այս վերջինը մերժեց, նախընտրեց մեռնիլ...»: Քեռննե գյուղի հայ բոլոր կանանց ու երեխաններին բռնի իսլամացրին, իսկ տղամարդկանց ջարդեցին Զիփթլիկի ձորում: Սալամինցի Յուսուֆի վկայությամբ՝ Յողղաթից չորս ժամ հեռավորության վրա գտնվող մի վայրում սպանվեցին 12 տարեկանից բարձր բոլոր արու հայերը²:

Դատարանում Քեմալը մի շատ հետաքրքիր հայտարարություն արեց, որը հերքում է բոլոր այն պնդումները, թե նայրմ բեյի ծածկագրերի հավաքածուն կեղծիք է, թե այդպիսիք գյուղուն չունեին: Նա ասաց. «Տարագրութեան հրամանները այնքան բազմաթիւ են, որ անկարելի է զանոնք միտքը պահել»³:

- Քեմալը, երբ պաշտոնի է անցնում Յողղաթում,- դատարանում վկայեց Ա. Թաշչյանը,- անգամ «մանուկներ եւ աղջիկներ, որոնք իսլամացած էին, հաւաքել եւ ջարդել տուաւ...»

Քեմալ պէյ ջարդուածներէն եւ անոնց ընտանիքներէն հաւաքեց ամեն տեսակի իրեղէններ, զգեստներ, դրամ, եւ զանոնք մերկացուց...

¹ Դ. Ե., № Մ 486-Մ 488:

² Նույն տեղում:

³ Նույն տեղում, № Մ 489-Մ 494:

Կոտորածի ատեն իսլամները հայերէն զանազանելու համար հրահանգ տուած էր, որ ճերմակ փաթթոցներ կրեն իրենց զլուխներուն վրայ... Ուրիշները սուլոց արձակեցին եւ երեք անգամ պայթեցուցին իրենց զէնքերը, այսպէս նշան տալով, ու կացիններով սկսան կոտորածը: Զոհերու վրայէն հաւաքուեցան անոնց զգեստները», որոնք հանձնվեցին լրյալ գույքերի հանձնաժողովին: «Եոզդաթի փողոցներուն մէջ մունետիկներ աւետեցին արիւնոտ եւ ոչ-արիւնոտ առարկաներու եւ շապիկներու առուծախ»¹:

Յոզդաթի երեսիսան Շաքիրը դատարանում ցուցմոնք տվեց. «Քեմալ դահիճ մըն է: Իր հասնելէն անմիջապէս ետք ան ստիպեց տեղահանել բոլոր հայերը, մանուկներ, պատանիներ, կիներ եւ ծերեր ... եւ զանոնք բոլորը ջարդել տուաւ Եոզդաթի մոտերը՝ իր կազմակերպած գործակալներու միջոցով»: Հարբեցող էր, գինարբուքների սիրահար. «Ես Պողազեանի հայերը կոտորեցի, հպարտանում էր նա, - եւ փոխմութեսարիփ եղայ. Հոս ալ Եոզդաթի հայերը կը ջարդեմ եւ մութեսարիփ, թերես ալ կուսակալ կ'ըլլամ»²:

Յոզդաթի տեղահանության և կոտորածի դատաքննության արդյունքներով տրված զատավճռում ասված է, որ Քեմալն ու Թևֆիկը հայերի ունեցվածքը և դրամը «կողոպտելուց հետո, նրանց կարավանները ճամբար են դրել կյանքի անվտանգության բոլոր միջոցներից զուրկ ... Ո՛չ միայն ուշադրություն չեն դարձրել նրանց կյանքի անվտանգությունն ապահովելու խնդրին, այլ, ընդհակառակը, ամուր կապելով բոլոր տղամարդկանց ձեռքերը, զրկել են նրանց ինքնապաշտպանության բոլոր հնարավորություններից: Եվ այսպես՝ կանխամտածված կերպով առիթ են տվել, որ այդ ողբերգությունը գործադրվի ... Պատասխանատու պաշտոններում ինչ-որ պատահական մարդկանց ղեկավար նշանակելով, շարունակել են թաքուն կատարել իրենց բարբարոս արարքները ... (Այն խոսակցությունը), թե իբր մի շարք թեթևամիտ կուսակցությունների հրահանգով և Օսմանյան կայսրությունից դուրս գտնվող իրենց հայրենակիցների դրդումով, հատկապես թշնամու կողմից գրավված վայրերում, հայերն անցել են թշնամու կողմն ու միացել ապստամբական շարժումներին, չեն կարող կատարված վայրագություններն արդարացնելու համար հիմք ծառայել: Ապստամբական շարժման հետ որևէ առնչություն չունեցող Յոզդաթի հայրնակության նկատմամբ գործածած վրեժիսնդրությունն ու անձնական ոխակալությունն անհամատեղելի են վերոհիշյալ մտքի հետ ... Հայերին կոտորելու համար նա (Քեմալը) ոտքի է հանել ո՛չ միայն իր տրամադրության տակ գտնվող սանջակի թուրքերին, այլ անգամ կոչ է արել բոլոր մահմեղականներին՝ ոտքի կանգնել հայ ժողովրդին իսպառ ոչնչացնելու համար ... Բոլորովին կասկած չկա, որ նրա տված հրահանգի հիման վրա էլ կարավանները ենթարկվել են կոտորածի ...

Քեմալ բեյը ինքն է կազմակերպել կոտորածն ու ունեցվածքի կողոպուտը, քանի որ ինքն է նշանակել մի շարք անպաշտոն մարդկանց, որպեսզի ուղեկցեն կարավանները և միևնույն ժամանակ ստիպել է կարավանի պաշտոնական

¹ Պ. Ե. № Մ 486-Մ 488:

² Նույն տեղում, № Մ 494:

առաջնորդ Շյուքրի չավուշին, որ հնագանդվի ու կատարի նրանց հրամանները»¹:

Ատյանին ներկայացվել էր անձամբ Քեմալի հրամանով սպանված 1500 հայի ցուցակը: Կար նաև վկայություն, որ նրա հրամանով մեղքվել էր ևս 3660 հայ: Այդ մասին 15-րդ զորաբաժնի հրամանատար Շեհաբէդղինը 1915 թ. Հուլիսի 23-ին (այսինքն, երբ Ցողղաթում դեռ նոր էին սկսվել ջարդերը) գրում է Խ. Ռեջային. «...Մինչև հիմա Պողաղլեանի գայմագամին հոգատարութեամբ Պողաղլեանի եւ շրջականերու մէջ 3660 հայեր կոտորուած են»²:

Դատարանին Ցողղաթի երեսփոխան Շաքիրը 1918 թ. գեկտեմբերի 10-ին ցուցմունք տվեց. «Եողղաթ գալե առաջ Քեմալ պէյ արագ ընթացք տուած էր Պողաղլեան զաւառակի տեղահանութեան գործին եւ տարագրութեան ընթացքին բազմաթիւ հայեր ջարդած էր եւ ջարդել տուած էր...»³:

Քեմալը մահվան դատապարտվեց: Նրան կախեցին 1919 թ. ապրիլի 10-ին: Կախաղանից նրա մարմինը ոչ թե գերեզման տարվեց, այլ՝ Բայազիդի մզկիթի լվացարանը: Քեմալի թաղմանը մասնակցեց ավելի քան 10.000 հոգի: Նրա աճյունը մինչև գերեզմանատուն ուսերի վրա տարան:

Քեմալի մահին էրթյուրքը պատմել է. «Թյուրք ազգի այս հերոս զավակը թշնամի գրավումին զոհը լինելով կախաղան հանվեց»:

Քեմալի մահապատճի առնչությամբ թուրք պատմաբան Ս. Թանսուն գրում է, որ «Թեշքիլաթի» հազարապետ էրթյուրքը կազմակերպեց Քեմալի համագույն թաղումը:

Ցողղաթի լրյալ գոյքերի հանձնաժողովը հրապարակեց ցուցակ հայերի այն ունեցվածքի, որոնց տիրացել էին կուսակցական և պետական պաշտոնատարներն անվճար՝ դրանց տերերին սպանելու միջոցով: Այս ցուցակն ընթերցվեց ուազմական դատարանում: Դա ներառում էր 470 կտոր առարկաներ 15120 դուրուց գնահատված արժեքով (ներկա կուրսով՝ 5574 դոլար), չնայած դրանց իրական գինը 35,000 դոլար էր: Դատարանում Քեմալը ցուցմունք տվեց. «Թեւփիկ եւ Ֆէյեազ պէյերը ակումբի անունով գնահատեր են ապրանքներու գինը» և նրանք «անկէ մեծ քանակութեամբ ապրանքներ» վերցրել էին «առանց հինգ փարա վճարելու»⁴:

Նեջաթին 1915 թ. սեպտեմբերի 10-ին ծածկագրեց Ցողղաթի իր ստորադասին, որ կուսակցության ընդհանուր կենտրոնը հանձնարել է. «...Այսօր գրաւուելու վրայ եղող Լքեալ գոյքերու պատկանող ակումբի չէնքին հետ վերջերս առնուած կարասիները յանձնել լքեալ գոյքերու (յանձնախումբին), վարձել լքեալ գոյքերուն չպատկանող ուրիշ չէնք մը, զայն վերածել ակումբի...»⁵:

ՆԳ նախարարության քննիչ Նեղիմի «քննութենէն կը հասկցուի, որ Քեմալ պէյ ո՛չ միայն զանց ըրած է արգիլել Լքեալ գոյքերու կողոպուտը, այլ նաև ինք անձամբ մասնակցած է այդ գոյքերու մէկ մասի կողոպուտին, օգտագործած է

¹ «Takvim-i Vekai», 7 օգոստոսի 1919 թ., № 3617:

² Դ. Ե. № Մ 255:

³ Նույն տեղում, № Մ 494:

⁴ Գրիկեր, նշվ. աշխ., էջ 274:

⁵ Դ. Ե. № Մ 539:

անոնց միւս մասը տեղացի քանի մը հոգիներու հետ համաձայնաբար կատարուած զործառութեանց վճարումները գոցելու համար»¹:

Ռազմական զատարանում բացահայտվեց Հայերի բնաջնջման մեխանիզմը, դա ծրագրողներն ու իրականացնողները: Տրապիզոնի նահանգում, Յողաթի ու Բողազիյանի գավառներում զործադրված կոտորածները կազմակերպած էր Միություն և առաջադիմություն կուսակցությունը: Դատարանի առջև կանգնած մեղադրյալները հայտարարեցին, թե «իրենք ոճիրները կատարելուց հետո տեղեկացան» կատարվածի նպատակը, սակայն իմանալուց հետո էլ «միջոցներ չենոնարկեցին ջարդերը դադարեցնելու և ոճրագործներին դատապարտելու համար»²:

«Ոճրագործների հանցախումբը սերտ հարաբերությունների մեջ էր «Թեշքիլաթը մախսուսայի» հետ: Կոտորածները կազմակերպեցին Միություն և առաջադիմության կուսակցության կենտրոնի անդամներն ու ներկայացուցիչները, որոնք ոճիրների հանձնախումբ ստեղծեցին»³:

Դատարանում բերվեցին բազմաթիվ փաստեր, թե յուրաքանչյուր առանձին դեպքում ինչպես է իրականացվել ջարդը:

Սերաստիայի ոստիկանապետը ցուցմունք տվեց, թե Բողազիյանի ժանդարմաների հրամանատար Խովուսին «իր 105 հրոսակների հետ մինչև Կամկալա տարագրված Հայ կանանց հետեից գնացել և այնտեղ նրանց կողոպտել է: Հրոսակախումբը վերադարձել է» երեք կառքով, լցված ոսկիներով, գոհարեղենով, գորգերով և կարպետներով, որոնց մի մասը տարան կառավարչատուն⁴:

«Եողաթի մեջ տեղահանութիւն եւ կոտորած բառերը հոմանիշ էին եւ առհասարակ կոտորած բառը կը գործածէին»⁵: «... Թեհճիր կամ սեվքիցաթ բառերը կը գործածուէին առանց զանազանութեան, ինչպէս նաեւ քաթը, թագթիլ կամ քաթլըամ թրքերէն բառերը»⁶:

Դատարանին ներկայացված էին հետևյալ ծածկագրերը, որոնք հաստատում էին այդ իրողությունը: 1914 թ. ղեկտեմբերի 17-ին Խովուսին հեռագրեց կեսարիայի Յազրչինի պահակային ծառայության հրամանատարին. «Ձեր իրաւասութեան սահմանին մէջ Հայրենիքին դաւաճանող կարգ մը Հայեր տեղահանուած են, այսինքն՝ կոտորածի իմաստով»⁷:

Դատարանում հարցաքննությունը ևս նույն միտքը հաստատեց⁸: Բնաջնջման իմաստով էր գործածվում նաև «աքսորավայր ուղարկել» բառակապակցությունը: Օրինակ, Շեհարէդրինը 1915 թ. հուլիսի 8-ին հայտնեց. «...Այս զիշեր 134 Հայեր իրենց աքսորավայրերը դրկուեցան»⁹: Կամ Բո-

¹ Դ. Ե. № Մ 319:

² «Takvim-i Vekai», 7 օգոստոսի 1919 թ. (№ 3604):

³ Նույն տեղում, 1919 թ. (№ 3772):

⁴ Դ. Ե. № Մ 317:

⁵ «Ժամանակ», 20 փետրվարի, 1919 թ.:

⁶ Գրիկեր, նշվ. աշխ., էջ 263:

⁷ Դ. Ե. № Մ 506:

⁸ Նույն տեղում, № Մ 298, Մ 324:

⁹ Նույն տեղում, № Հ 592:

ղազյանի զինվորական հրամանատարի 1915 թ. Հուլիսի 22-ի ծածկագիրը. «...Այս գիշեր գիւղերէն եւ գիւղաւաններէն ձեռք անցուած կասկածելի հայերէն 14 Հոգի իրենց աքսորավայրը զրկուեցան»¹: Իսկ երբ Խ. Ռեջան հարցնում է, թե նրանց ո՞ւր ուղարկեցին, ստացվում է պատասխան. «...Վերոյիշեալ հայերը կասկածելի ըլլալու համար զինայր տասնապետ Հիւսէին Ավնիի Հոգածութեամբ ջարդուեցան»²:

Յողղաթում, ինչպես ամենուրեք Թուրքիայում, հայերի տեղահանություններն ու ջարդերը կատարվում էին ըստ ՆԳ նախարարությունից ստացված հրամանների: Քեմալի ստացած հրամաններից մեկն ասում էր. «Հարկ է 24 ժամէն տարագրել գաւառիդ մէջ ապրող հայերը: Ասոնց բնակավայրը պիտի ըլլալ Սուրբիան»³:

Ս. Թանսուն աշխատելով արդարացնել Քեմալին, բազմաթիվ փաստեր է բերում ապացուցելու, որ հայերի բռնագաղթի և ոչնչացման որոշումն ընդունել էին երիտթուրքական կենտրոնն ու Բարձր Դուռը, և տեղական իշխանությունները պարտադրված էին կատարել այդ որոշումը: Դրա համար էլ նա, ինչպես նաև շատ ուրիշ թուրքեր Քեմալին համարում են ոչ թե հանցագործ, այլ՝ հերոս, անմեղ զոհ: «Թյուրք ազգի այս հերոս զավակը թշնամի գրավումի զոհ լինելով կախաղան հանվեց: Նրա հիշատակը պետք է հավիտյանս ապրի թյուրք ազգի սրտում»⁴: Կամ «Հրամանը ստացվում էր բարձրագույն Հեղինակությունից, նույն ինքը՝ Միություն և առաջադիմություն կուսակցության ընդհանուր կենտրոնից: Որևէ մեկը չէր կարող ընդդիմանալ այդպիսի հրամանին»⁵: Եվ ապա «ինչպե՞ս կարող էր մի փոքր քաղաքի գայմագամը հակառակվել ծածկագրի հրամանին: Ինչպե՞ս կարող էր անտեսել նման հրամանը»: Հեղինակը Քեմալի միակ հանցագործությունը համարում է այն, որ «գործադրեց իրեն տրված հրամանը»⁶: Նույն համոզմունքին էր նաև ինքը՝ Քեմալը, որը դիմելով ամբոխին ասաց. «Միրելի՛ Հայրենակիցներ, ես մի թուրք պաշտոնատար եմ: Ես կատարեցի ստացած հրամանը: Իմ պարտականությունը կատարեցի բարեխղճորեն: Երդվում եմ, որ ես անմեղ եմ»⁷:

Այդ Հոգեբանությունը, բնականաբար, արագ տարածում գտավ: Զարդարաբներն իսկոյն կառչեցին դրանից՝ չքմեղանալու համար: Դեռ ավելին, նրանց հաջողեցին այդ միտքն ընդունել տալ նաև լայն զանգվածներին և ջարդարներին դատապարտողների շուրջ ահաբեկիչ մթնոլորտ ձեավորել: Նրանք «Պոլսի մութ թաղերում ստեղծեցին թաքստոցներ և պաշտպանություն էին ստանում նույն «Թեշքիլաթը մախսուսայի» ահաբեկիչներից, որոնք երդվել էին սպանել բոլոր նրանց, ով հանդներ ձերբակալել հայերի կոտորածներն իրա-

¹ Գ. Ե. № Մ 511:

² Նույն տեղում, № Մ 511:

³ Գրիկեր, նշվ. աշխ., էջ 335:

⁴ Tansu S., İki Devrin Perde Arkası, İstanbul, 1964, s. 301.

⁵ Նույն տեղում, էջ 297:

⁶ Նույն տեղում, էջ 298:

⁷ Նույն տեղում, էջ 300:

կանացրած անմեղներին»¹: Նրանք գործում էին այդ կազմակերպության ղեկավարներից Հ. Էրթուրքի հրամանատարության տակ: Մահմեղական ահարեկիչները ո'չ միայն պաշտպանում էին ջարդարաններին, այլև իրենց վտանգելով, հաշվեհարդարի էին ենթարկում նրանց մեղադրողներին: Թանսուն այդպիսիներին անվանում է «խիղախ ծնված մարդիկ»: Ինքը՝ Քեմալը համոզված էր. «Իմ ոգով տոգորված թուրք և իսլամ եղբայրներս պետք է կոթող կանգնեցնեն գերեզմանիս վրա և գրեն հետևյալ տապանագիրը՝ Ազգին ու հայրենիքի համար նահատակված Բողազյանի գայմագամ Քեմալի հաղթական ոգուն»²:

Այս խնդրի շուրջ լուրջ վիճաբանություններ եղան նաև դատավարության ընթացքում: Դատարանի նախագահ Մ. Հայրենիքը դեմ էր մահապատժին, ինչը ո'չ միայն նրա համոզմունքն էր, այլ նաև հետևանք դրսից կատարված հզոր ձնշման՝ վիճեցնելու ցեղասպանների նկատմամբ արդարադատության գործադրումը: Այս մտայնությունը տիրապետող է նաև մեր օրերի թուրքական որշակի շրջաններում: Սապի Գոչասը իր «Հայերը պատմության մեջ և թուրք-հայկական հարաբերությունները» գրքում գրում է. «Այս անմեղ պաշտոնատարներից մեկը Քեմալ բեյն էր՝ Բողազյանի գայմագամը: Նրա վերջին կտուկը վկայում է, որ նա շիտակ մարդ էր և բարի օրինակ ծառայեց բոլորին»³:

«Tercüman»-ը 1977 թ. մարտի 31-ին գրեց. «Զինադադարից հետո երկու անմեղ գայմագամներ՝ Նուսրեթ և Քեմալ բեյերը Պոլսում կախաղան հանվեցին»:

Նման մոտեցման համար հիմք էր նաև մահմեղական ավանդական հոգեբանությունը՝ «Հազար թուրքից մեկը չի գտնի, որ քրիստոնյաներին ջարդելու համար որևէ թուրք արժանի է կախվելու»:

Սալիմը դատարանում ցուցմունք տվեց, որ երբ Սարի Համզայում 13 հայ սպանվեց և հինգը վիրավորվեց ու ոճարագործները ձերբակալվեցին, թևքիկը նրանց ազատ արձակեց, միաժամանակ Զափանլը մոտ սպանել տվեց բանտում գտնվող հայերին՝ հայտարարելով, թե նրանք փախել են: Նա ուղեկցեց առաջին կարավանին (472 հոգի) և հայերին հարկադրեց ընդհանուր փոստի նույն՝ հայերին այդ փոսում թաղելու համար:

Սալիմը Քեմալի մասին ասել է, թե այդ թուրքն իր «արբանյակների հետ գործեց ամեն տեսակի խժեղմություններ և գարշելի արարքներ, ամենուրեք հպարտանալով, թե իրենց ոճիրները ավելի հերոսական ու փառավոր էին, քան արքայության բնակիչ սուլթան Սելիմ Յավուզի աշխարհակալությունը»:

80 հոգանոց կարավանը հարձակման ենթարկվեց, միայն 12 հոգի փրկվեց: Հացահատիկի մթերակայան փոխադրող հայ զյուղացիները հարձակման ենթարկվեցին, 15 հոգի սպանվեց: Զարդի կազմակերպիչներն էին Կըզըլ Կոջայի քաղաքապետ Օսման Քյազըլը և ոստիկանապետ Բեչչեթը: Քեմալը ժանդարմ-ների հրամանատարի օգնական Նուումանին հրամայեց ջարդել Սորգուն գլուղի՝ իսկ Ռիզային՝ Սարայի շրջանի հայերին: Թևքիկն ու իր համախոհները

¹ *Tansu S.*, նշվ. աշխ., էջ 220-221:

² Նույն տեղում, էջ 301:

³ Նույն տեղում, էջ 302:

գարշելի սպանություններ գործեցին Զակմակ, Թերզիլի, Կարա Յակուբ և մի շարք այլ զյուղերում: «Զինայրերը սարսափած շատ աւելի իրենց գործած ոճիրներէն, քան այն պատիմներէն, որոնց իրենք ենթակայ են, պահանջեցին, որ հրամաններն իրենց տրուեին գրաւոր: Իրենց պատասխան տրուեցաւ, թէ Հայերու վիճակին բամենեկից պիտի ըլլային, եթէ երբեք պնդէին իրենց տեսակէտին վրայ...»: Երբ Շեհարէդղինին ասացին, թէ Հայերը որևէ հանցանք չեն գործել, որ արժանի լինեն պատժի, նա հրամայեց «Հայրենիքի այդ դաւաձանները, իսլամի թշնամիները, կոմիտէներու կամկածելի անդամները բնաջնջել»:

Քեմալը ամեն «իրիկուն Աւագ Հաշուակալ Վեհիպ Էֆենտիի տունը կը հրաւիրէր քաղաքապետարանի տնօրէն Ահմէտ, նախկին առաջին քարտուղար Մուսթաֆա Պէջ Սահիտ Պէջ եւ ուրիշ գործակիցներ, որոնք քանի մը գաւաթ կոնծելէ ետք կ'որոշէին երկրորդ օրուան իրենց գործունէութիւնը: Այսպէս ան կոմիտէի «Ազգային ձգտումները» կ'իրագործէր»:

Հայերի հանդեպ գործադրվածները հրեշավոր էին¹:

Դատավարության ժամանակ Քեմալին տրվեցին մի շարք Հարցեր, որոնք շատ ավելի մեղադրանքի նշանակություն ունեին: «Դուն (երիտթուրքական) ակումբը անձամբ հաստատեցիր վաճառական Աթանասեանի տան մէջ, որ տեղահանութեան պատրուակով սպաննուեցաւ ... Դուն առանց փարա մը վճարելու գրաւեցիր անոր տունն ու կարասիները ... Քու յայտարարութեանդ համաձայն՝ Պողազլեանէն եւ շրջակայ գիւղերէն 1500 եւ աւելի Հայեր կոտորուած են»²:

Մի քանի մեջքերումներ Շեհարէդղինին տրված Հարց-Հաստատումներից: «Զօրաբանակին տեղեկագրած ես, 12 օգոստոս 1915 թուակիր Հեռագրովդ (ասում ես), որ Եոզդաթէն տեղահանուած Հայերն իրենց ընտանիքներուն հետ ամբողջովին կոտորուած եւ բնաջնջուած են Եոզդաթի եւ Պողազլեանի ճամբուն վրայ»... «130 Հայեր, որոնք Եոզդաթէն Պողազլեան աքսորուած էին, կոտորուած են Ճեղիզի խանի եւ Գաղալէ խանի միջեւ Պողազլեանի զինայրերու գունդին կողմէ... 923 կարգաթիւ ծածկագիր Հեռագրիդ Համաձայն, կը հասկցուի, որ այս անձերը, որոնց ընկերացեր ես Հաւանաբար փախստականներու խումբով մը ... անոնցմէ Հինգ Հոգի սպաննուած են ընկերացողներու կողմէ: Կ'իմացնես, որ 40 փախստական Հայեր կոտորուած են փարախի մը մէջ Քելլերի մօտ, ուր թեթև բախում մը տեղի ունեցած է Հայերու եւ գունդին միջեւ եւ թէ 25 Հոգիներ միայն մեռած են ... Գայա Ալթը անունով վայրին մէջ տուն մը ապաստանած 10 Հայեր ձերբակալելու համար նոյն տունը այրուած է ... Ֆէյեազ Պէջ եւ գլխավոր Հաշուակալ Վէհիպ Էֆէնտի կազմակերպած են կողպուտը Հայ գիւղերու...»

Պողազլեանէն եւ շրջակայ գիւղերէն 3660 Հայեր կոտորուած են»³:

Դատարանում Շեհարէդղինը նաև ցուցմունք տվեց, որ մահմեդական բնակչությունը տեսնելով Զաթ և Թերզիլի գյուղերի Հայության հանդեպ

¹ Դ. Ե. № Մ 574-577:

² Դ. Ե. № Մ 239-240:

³ Նույն տեղում, № Մ 271-Մ 272:

ժանդարմների գործադրած վայրագությունները, «Հայ կիներու եւ մանուկներու ճիշերն ու աղաղակները», աղաչեց նրանց խնայել և թույլ չտալ, որ «Հրոսակ-ները կոտորեն զանոնք», բայց թևֆիկն արհամարհեց նրանց խնդրանքը¹:

Թևֆիկը Յողղաթում սպանելով 8500 հայ և տիրանալով նրանց ունեցվածքին, իր զաղանությունները տեղափոխում է գյուղեր: Նրա ավաղակները Կումկույու գյուղում սպանեցին 600 հայ, հրդեհեցին 150 տուն: Նրանք, ինչպես ճտերի հետ են վարվում, մասնատում էին երեխաների մարմինը, սպանում հայերին, որտեղ որ նրանց հայտնաբերում էին: Նա ինքն էր բռնարարում կանանց ու աղջիկների, անձամբ զբաղվում կողոպուտով:

Յողղաթում պաշտոնավարելու ժամանակ Թևֆիկը 35 հազար դասալիքներից ամեն մեկից հինգական ոսկի գանձեց՝ նրանց չպատժելու և նորից բանակ չուղարկելու համար:

Իր կոտորած և կոտորել տված հայերից և իր պաշտպանած զինվորական դասալիքներից հազարավոր ոսկին էր դիզել, հավաքել էր գոհարեղեններ, թանկագին առարկաներ, գորգեր և կարպետներ:

Թևֆիկ բեյը գյուղացիներից կազմված ժողովրդին աճուրդով վաճառել տվեց յողղաթցի մեծահարուստ հայերից Արգարյանին պատկանող 5000 ոսկի արժող ազարակն ու ջրաղացը..

Թևֆիկ բեյը մի հրեշ է, արյան ծարավ դիվահար²:

Բնութագրական մի երեսույթ. Թևֆիկը լինելով հանդերձ ոստիկանության հրամանատար, ներկայանում էր որպես իթմիշաղի ներկայացուցիչ: «Երբ կառավարութիւնը հայերը աքսորելու հրաման արձակեց, այս մարդն իր շուրջը հաւաքեց ոճրագործներու եւ ասպատակներու վոհմակ մը, սկսաւ իր հրոսակային գործունէութիւնը»: Մուֆթի Ռիփաթը դատարանում հայտարարեց. «Եողղաթի 35.000 հայերը կոտորուեցան...

Սկիզբը Թեւֆիք Պէյ Եողղաթի հայերուն 15-75 տարեկան այր մարդիկը ... երեք ժամ հեռու Թաշ Փունար գիւղը աքսորեց, զանոնք կացիններով սպաննել տուաւ եւ անոնց բոլոր գոհարեղէններն ու ինչերը իր տունը փոխադրել տուաւ: Կոտորածը տեղի ունեցաւ վայրենի աղաղակներով:

Ապա ... պատրուակելով Վեսարիա աքսորել, հաւաքեց 1800 կիներ, աղջիկներ եւ անմեղ մանուկներ, անոնցմէ գեղեցիկները քիւրտերուն եւ չերքէզներուն համար զատեց, անոնց բոլոր գոհարեղէնները կողոպտեց, եւ զանոնք առաջնորդելով ... Քելլեր գիւղի շրջակայքը կացինահար անել տուաւ, անոնց դիակները նետել տուաւ Գարասու գետին մէջ» և իր ձեռքի տակ գտնված աղջիկները բաժանեց իր հրոսակներին:

Այս կամ այն վայրում թաքնված հայ կանանց ու երեխաներին էլ հայտնաբերեց ու «ասոնք ալ կտոր-կտոր ընել տուաւ ոչխար մորթելու պէս: Ագտաղ-Մատենի եւ Պողազլեանի ենթակայ բազմաթիվ հայ գիւղերու բնակիչները իրենց տուներով հուրի ճարակ ըրաւ...»:

¹ Դ. Ե. № Մ 506:

² Նույն տեղում, № Մ 469:

Չաթի գյուղացիները առանց դիմադրության հանձնվեցին և աղաչեցին. «Մեզի սպաննէ՛, սակայն խնայէ՛, ներէ՛ այս կիներուն և մանուկներուն»: «Այս խօսքի վրայ գաղանաբարոյ (Թևֆիկը) զանոնք հրացանի բռնել տուաւ»: Այդ շրջանների «բազմաթիւ հայ գիւղերու տուներն ու բնակիչները այրելէ ետք», նա զնաց մյուս գյուղերը: Հափշտակած թանկարժեք իրերն ու զարդերը «կառքերու վրայ բեռցուցած եւ փոխադրել տուած էր մաս առ մաս Պոլիս եւ էսկիզեհիր...»¹:

Ուումտիկին գյուղում դեպքերը զարգացան հետևյալ կերպ: Նախ ձերբակալեցին ու անհայտ կորցրեցին գյուղի 40 մտավորականներին ու հեղինակություն վայելող անձանց:

Գյուղի խանում մեծ թվով մարդիկ էին փակված: Նրանց ծեծի ու խոշտանգումների էին ենթարկում, զենք էին պահանջում: «Գաւազանի հարուածներուն ճայնը, մարդոց ճիշն ու աղաղակը» լսվում էին անգամ զպրոցում: Խոշտանգումների տարածված եղանակներն էին «եղունգները քաշելը, անութին տակ խաշած հաւիթ դնելը, ծեծի տակ զգայազուրկ դարձնելը»: Ապա բոլորին քշում են դեպի կեսարիա²:

1915 թ Հուլիսի 12-ին գյուղ են լցվում մեծ թվով ոստիկաններ, չեթեներ մերձակա թուրքական գյուղերից հրոսակներ: Մունետիկը հայտնում է, որ 18-65 տարեկան այրերը պատրաստ լինեն զինվորազրկելու և հավաքվեն հայկական եկեղեցում: Հափշրկեցին և նրանց մաս առ մաս գյուղից տարան թերեր կապած և սպանեցին թուրքական թորաման գյուղի մոտերքի Ֆըրընդերե ձորում:

Երկու օր հետո մի ուրիշ կարավան, նույնպես կապկապված, տարան և սպանեցին գյուղի հարավային կողմի այգիներում: «Անձրեւի հեղեղատներ են գոյացած խորխորատներու մէջ, զոհերը ծունկի բերելով նախ ամբողջությամբ կը կողոպտեն, կը մերկացնեն եւ ապա ունեցած բոլոր տեսակի մահաբեր գործիքներով կը կտրեն գլուխները ... Երկու օրէն դիակներուն հոտը աշխարհ կը բռնէ ... Թուրքեր կը պահանջնեն դիակները հողով ծածկել»³:

Հաջորդը կանայք ու երեխաներն էին: Ոստիկաններն ու խուժանը տնից տուն էին անցնում և բնակիչներին բռնությամբ դուրս հանում: Հենց կարավանը գյուղից դուրս էր գալիս՝ սկսում էին առևանգել աղջիկներին: Դեռահասներին նույնպես տանում էին՝ ծառա զարձնելու:

Մնացածներին տարան Օրոցիկ լեռան Օթման ձորը, բոլորին լրիվ կողոպտեցին ու ջարդեցին: Պատահմամբ փրկված մի պատանի պատմել է, թե ինչպես կատարվեց այդ սպանդը:

Մեկ շաբաթ անց հափշրկեցին նաև թաքնվածներին, որոնց հեռու չտարան, այլ՝ սպանեցին գյուղի կողքի հեղեղատում: «Բոլոր չները կատղած էին: Դիակները քաշելով-քաշքանով գիւղ կը բերէին եւ փողոցներուն մէջ աղատ-համարձակ կը լափէին»:

¹ Դ. Ե. № Մ 469:

² Եափումեան Հ., նշվ. աշխ., էջ 152:

³ Նույն տեղում, էջ 153:

Ավարտական փուլ հանդիսացավ հափշտակված կանանց, աղջիկների և երեխաների կրոնափոխությունը: Դա շատ պարզ ծես էր: Հայր ասում էր՝ «Ճշմարիտ կրոնը ընդունեցի և հինը լքեցի»: Կրոնափոխվածին նոր՝ թուրքական անուն էին տալիս:

Ռումտիկինը մեծ գյուղ էր: Ուներ 750 տուն հայ և 250-300 տուն թուրք բնակիչներ: Մինչև պատերազմի սկսվելը հայերն ու թուրքերը հաշտ էին ապրում, ապա հարաբերությունները բարդացան, իսկ բռնագաղթին նախորդող ամիսներին դարձան բացարձակ թշնամական: Եղան մի քանի խոշոր բախումներ: Նախահարձակը մշտապես թուրքերն էին: Ոչ քիչ դեպքերում հայերը հաջող հակահարված էին տալիս: Հարաբերություններն այնքան սրվեցին, որ տեղի թուրքերն ամենաեռանդուն մասնակցություն ունեցան համագյուղացի հայերի կողոպուտին և սպանությանը:

1915 թ. հուլիսի 2-ին պաշարվում է Թերգիլի հայկական գյուղը: Յողղաթից գյուղ է գալիս Ղասըմ բեյը՝ իմամի ու 70 ոստիկանների հետ: Գյուղի մինչև 90 տարեկան տղամարդկանց հավաքում են եկեղեցում և դպրոցում՝ իր պետական լուր հաղորդելու համար, բայց բոլորին բանտարկում են, իսկ գիշերը նրանցից չորսական հոգու հանում են, իրար կապում և ոստիկանների հսկողությամբ գյուղից դուրս տանում: Մի կիս ընկնում է իր աքսորվող տղայի գիրկը, բայց տեղն ու տեղը սրախողիսող են արվում թե՛ ինքը և թե՛ տղան: Գյուղից դուրս տարվողներին սպանում էին կացիններով, սրերով, գերանդիներով զինված խուժանը, որի ուղեկցությամբ հայերին տարան ձորի մեջ գտնվող Արքասի ջրաղացի մոտ: Լսվեց ազդանշան՝ ատրճանակի կրակոց և հրաման. «Ճարդէ՛ք այս գյավուրներին, խալիֆի հրամանն է»: Խուժանը հարձակվում է կապկապված հայերի վրա ու խոչտանգելով բոլորին՝ սպանում: Ապա նրանց արյունոտ հագուստները ցցերին խփած վերադառնում են գյուղ՝ գոչելով. «Տեսե՛ք ձեր տղամարդկանց հիշտատակները, ընտրե՛ք ճշմարիտ կրոնը. ձեզ մեր մեջ կրաժանենք... Փրկվէ՛ք մահից»: Խուժանը հարձակվում է տների վրա, սպանում ու կողոպտում: Բոնաբարեցին նույնիսկ 10 տարեկանից փոքր աղջիկներին և ապա նրանց մարմինները բգիկ-բգիկ արեցին: Ունելինները շիկացնելով՝ դրանք կանանց ստիճաններն էին խոթում՝ պահպատճերի տեղը իմանալու համար: Շեն գյուղը կործանվեց:

Գում Գույու հայաբնակ գյուղի 150 տներ հրդեհվեցին բնակիչների հետ միասին: Հրդեհը երեք օր տևեց: Փրկվածները բռնի իալամացվեցին և թուրքական գյուղերն ուղարկվեցին:

Բողազյանի բնակիչները հուլիսի 5-ին վերը նշված ջրաղացի մոտ մեծ թվով դիակներ տեսնելով, սարսափած, լուրը հասցնում են գյուղաքաղաք, որի ավագանուց մի քանի հոգի գնում է Քեմալի մոտ՝ իմանալու եղելությունը: Նրանք անմիջապես ձերբակալվում են:

Բողազյանը շրջապատվում է: Տղամարդկանց բոլորին փակում են բանտում ու զինվորական մթերանոցում, իսկ գիշերը նրանց իրար կապած հանում են ու խուժանի հետ միասին տանում Գուրդ Դերեսի խոր ձորը և հոշոտում: Դահիճները, վերադառնալուց հետո, լրիվ ոչնչացնում են մի տան մեջ հավաքված բոլոր կանանց և նույնիսկ կրծքի երեխաներին:

Հուլիսի 9-ին ոստիկանները, չերքեղները և 20 հազար խուժան պաշարում են 600 տուն ունեցող Հայկական Պուրնու Գլան գյուղը: Ոստիկանապետը մի խմբով գյուղ է մտնում և պահանջում իսլամ ընդունել: Մահմեդական դառնալու համար նա բավարար է համարում գյուղացիների անցնելը շենքի կատարին փակցված դրոշի տակով: Հայերը գիտեին, որ դա խաղ է, բայց ճար չունեին և անցան դրոշի տակով: Տասնհինգից բարձր տարիքի բոլոր տղամարդկանց ձերբակալեցին: Խուժանը գյուղ ներխուժեց: 120 հոգի սպանվեց եկեղեցում, մյուսներին 4-5 հոգու իրար կապած տարան ջրաղացները, և փամփուշտը խնայելու համար, բոլորին սպանեցին կացնով: Ամբողջ օրը նրանց քշում էին, պատմել է ականատեսը, և երբ երեկոյան հասան մի ձորի, կենդանի մնացած տղամարդկանց, կանանց և երեխաների աշքի առաջ սպանեցին և ձորը նետեցին, իսկ վերջիններին տարան թուրքացնելու¹:

Օգոստոսի 1-ին պաշարվում է Յոզղաթ քաղաքի շուկան ու բոլոր հայերը ձերբակալվում են: Փակվում են քաղաքի կամուրջները, ձերբակալվում է մտավորականությունը, որոնց 18 ժամ անց կապկապած հանում են քաղաքից և բոլորին (ավելի քան հազար հոգի) սպանում: Քաղաքում մնացածներին հրամայում են երեք օրից ճամփա ենել՝ «Հալեպ հասած իրենց տղամարդկանց մոտ գնալու» համար: 18.000 կին, ծեր ու երեխա ճամփա են ենում:

Հայկական Քելեր գյուղի մոտերքը նրանց կանգնեցնում և հիմնավորապես կողոպտում են: Ապա տղամարդկանց առանձնացնում են, ձեռքերը կապում և մոտակա ձորում սպանում: Մեկն այդ տեսնելով՝ աղմուկ է բարձրացնում: Սկսում է մի ահավոր տեսարան՝ ոստիկանությունն ու խուժանը հարձակվում են անգեն ամբոխի վրա և աջ ու ձախ կոտրում, ծծկեր երեխաներին ոտներից քաշելով մարմինը երկու մասի բաժանում, ոտներով գանգերը ջարդում²:

«Տեղի կ'ունենան հրապարակային լլկումներ, գլխատումներ, մարմնի զանագան մասերը կացինով կտրել, յօշոտել: Ծծկեր երեխաներու ու մանուկներու երկու ոտքերէն քաշել եւ երկու մասի բաժնել, ոտքերով անոնց դիակները ճզմել»: Իսկ Քեմալը, ջարդվողների ձայները չլսելու համար, մի կողմ քաշված, զուռնա էր նվազել տալիս:

Քեմալը գոչեց. «Ում մոտ դրամ կամ զարդեղեն կա՝ թող հանձնի, ով հանձնի՝ ներման կարժանանա և տուն կվերադառնա: Սա պատվո խոսք է, երդվում եմ նիկյահիս և սուրբ Ղուրանին վրա»³:

Դրամն ու զարդեղենը հավաքելուց հետո սկսվեց խուզարկությունը, որը չորս օր տևեց: Ամեն ինչ խլեցին:

Դժոխային տեսարանին չղիմանալով՝ չերքեղ աշիրեթապետ Հաջի Արաւանն ասում է.

- Բե՛յ էֆենդի, Ղուրանի ո՞ր մասում է գրված, որ կարելի է անմեղ մանուկներին այսպես սպանել: Դու գթություն չունե՞ս:

¹ «Եողղատ», էջ 25:

² «La Renaissance», 12 փետրվարի 1919 թ.:

³ «Յուշամատեան Մեծ Եղեռնի», էջ 327:

Քեմալը պատասխանում է.

- Եթե զիտես, թե զթության երակը ո՞րն է, ցո՞ւց տուր, որ նայեմ ու անմիջապես կտրեմ՝ դեն նետեմ¹:

Զարդերից հետո Հայերի տները շաբաթներ չարունակ կողոպտվում էին: Թուրք կանայք իրենց անչափահաս երեխաներին նույնպես ջարդի վայրն էին տարել, որպեսզի վարժվեին արյան հոտին:

Քեմալն այս ամենով չի հագենում: Նա 1916 թ. փետրվարին կազմակերպում է այս կամ այն պատճառով փրկված, մասնավորապես մահմեղականների տներում գտնվող կամ թաքնված Հայերի ջարդ, մահապատճով սպառնում այն թուրքերին, որոնք այդ Հայերին չէին հանձնի: Այս երկրորդ ջարդին զոհ գնացին անգամ թուրքերից Հղիացած Հայ կանայք: Շատ Հայուհիներ թունավորում, սպառնում էին իրենց զավակներին:

Բնաջնջման, թուրքական գաղանության դեմ բարձրացան Զաթ, Էյենջե և Գում Գույու Հայարնակ գյուղերը: Զաթն Անատոլիայի Ջեյրանն էր: Գյուղի շուրջ 1000 երկսեռ զինված երիտասարդներ սար բարձրացան:

1915 թ. ամռան մի օր Զաթ ժամանեց մի Հիսնապետ և պահանջեց դուրս գալ տարագրության: Հայերը հրաժարվեցին նրա հրամանը կատարել: Զավուշի կարգադրությամբ՝ զինվորները կրակ բացեցին Հայերի վրա: Զաթեցիները չընկրկեցին, նրանք սպանեցին թե՛ չափուչին և թե՛ նրա զինվորներին: Վերցնելով նրանց գենքերը, տղամարդիկ բարձրացան Զաթի լեռը, որտեղ ստեղծեցին ուազմական ճամբար և հինգ տարի կովեցին թուրքերի դեմ: Նրանց ջարդելու համար թուրքերը մեկը մյուսի հետևից Հարձակումներ էին գործում, բայց Հայերից Հակահարված ստանալով ու զոհեր տալով՝ փախչում էին: Իսկ չաթեցիների ուազմական ջոկատը, համալրումներ ստանալով, գնալով մեծանում էր, զինվում սպանված և վիրավորված թուրքերի գենքերով: Ջոկատն այնպիսի սարսափ էր տարածել, որ Բողազյանի գայմազամը բանակցությունների մեջ մտավ Հայերի հետ՝ խոստացավ ջոկատին սննդամթերքով ապահովել, պայմանով, որ չարձակվի կազայի վրա: Թուրքական 5000 հոգանոց մի զորամաս շրջապատեց Զաթ լեռը, բայց նորից անհաջող, մեծ կորուստներ տվեց ու հեռացավ²:

Զենքի են դիմում նաև մյուս երկու գյուղերը: Գամ Գույուն ինքնապաշտպանության կանգնեց և այդ գործում ստացավ Հարևան Հայկական բնակավայրերի օգնությունը: Գյուղը մի քանի անգամ հետ մղեց մեծաքանակ թշնամու Հարձակումները: Գումգույուցի քաջերը Հաջի բեկ Փափազյանի գլխավորությամբ, իմանալով, որ Էյենջեցիները թշնամուն մի քանի Հակահարվածներ տալուց հետո այլևս անդոր էին դիմադրելու, կազմակերպում են այդ գյուղի բնակչության տեղափոխությունը Գում Գույու, ինչն ավելի է հզորացնում վերջինիս պաշտպանունակությունը: Կենտրոնացվում է գյուղում եղած սննդամթերքը, մտցվում Հասարակական սննդի Համակարգ: Հավաքում էին թշնամու

¹ «Յուշամատեան Մեծ Եղեռնի», էջ 328:

² «Կիլիկեան տարեցոյց», էջ 277, 281:

արձակած գնդակների պարկումները, ձուլում, փամփուշտ պատրաստում: Նրանք ձեռք գցեցին կապար ձուլելու սարք և մի թնդանոթ, որով ոռումքի փոխարեն քար էին կրակում: Կովում էին փամփուշտը խնայելով: Գյուղը դիմադրեց երեք ամիս: Նրա շրջափակման օղակը գնալով սեղմփում էր: Թուրքերը կտրեցին նաև խմելու ջուրը: Զկար ո՛չ հաց և ո՛չ էլ ջուր: Թշնամին հաջողում է զյուղի մի քանի տներ հրդեւել: Հայերը որոշում են մեռնել, բայց չհանձնվել: 250 կին նախ պարանախեղդ արեցին իրենց փոքրիկներին, ապա կախվեցին: Պաշարվածներից ոմանք կարողանում են կրակի օղակից դուրս գալ, մի քանիսը մտնում են քարայրը: Թուրքերը ծուխ են մղում քարայրը և գերի են վերցնում ուժ հոգու, որոնցից մեկը՝ կին:

Գումար Գույցուն հիմնովին կործանվեց, բնակչությունը՝ կոտորվեց:

Լեռ բարձրացած չաթեցիները շրջապատփում են թշնամու մեծ ուժերով: Թուրքերը պահանջում են հանձնել զենքերը: Հայերը պատասխանում են. «Մենք զենք չունենք»: Թուրքերը գերի են վերցնում 80 հերոսների, նրանց տանում Յողաթ, բայց ձերբակալվածները կարողանում են փախչել:

Չաթում մնացած 1000 հայերի՝ կին, երեխա, ծեր, քշում են Աղյորենի ձորն ու կոտորում: Լուրը հասնում է 1000 հոգանոց հայդուկային խմբի ղեկավար Աղամ Չափուշին: Հայդուկները սլանում են ջարդի վայրը, սակայն տեղ են հասնում ուշացած:

«Եղել է նաև դիմադրություն,- պատմում է Գ. Պալաքյանը,- Չաթ լեռան անտառներում ամրացած հայերը շուրջ մեկ տարի կովեցին ջարդարաների ղեմ: Դրանք Չաթի մերձակա զյուղերի հայերն էին, որոնք տեսնելով շրջակա զյուղերի տեղահանությունը, սար են բարձրանում տարագրությունից խույս տալու համար: Ու երբ ոստիկանները զյուղ են գալիս տեղահանելու, այնտեղ բացի մի քանի շներից ու աքաղաղներից՝ բան չեն գտնում: Լեռ բարձրացած հայերի ղեմ ուղարկվում է 100 կանոնավոր և 1000 անկանոն զորք՝ լեռնային թնդանոթներով: Սակայն հայերը Սամվել (Ինձյան) չափուչի հրամանատարությամբ ամրանում են անտառներում ու հերոսական պայքար մղում: Նրանք քարայրում կուտակում են սննդամթերք, իսկ երբ դա սպառփում է, ասպատակում են թուրքական զյուղերը և սննդամթերք հայթայթում: Նրանք նույնիսկ թնդանոթ ունեին, որը լցնելով վառողախառը քարերով՝ անհնար էին դարձնում թշնամու մոտիկանալը: Այդ հայերը դիմադրեցին 1915 թ. օգոստոսից մինչև ... պատերազմի ավարտը՝ Մուղրոսի զինադադարը և զենքերով գնացին հանձնվեցին Հալեպում Անտանտի զորքերի հրամանատար Ալեմբիին, որը զենքերը թողեց քաջերին»¹:

Թուրքերի հետ այս խմբի բախումը տեղի ունեցավ նաև Սերեխլուի ձորում և ավարտվեց հայերի հաղթանակով: Նրանք քիչ անց հարձակվում են ոստիկանատան վրա, սպանում մեծ թվով թուրքերի և ավար ձեռք ձգում:

Գլխավոր բախումը տեղի է ունենում Ագ Դաղում: Երկու ամիս շարունակ հայերը, լինելով շրջափակման օղակի մեջ, թշնամու գրոհները հետ էին մղում:

¹ Պալաքեան Գ., նշվ. աշխ., էջ 234-235:

Նրանք 1200 հոգի էին, այդ թվում նաև կանայք ու երեխաներ: Հայդուկների տեղը չմատնելու համար մայրը խեղում էր լացող երեխային, վար նետում ժայռերից: Թշնամուն հանձնվել չէր կարելի: Սակայն սկավեցին սոսկալի ցրտեր, իսկ թուրքերը ամեն տեսակի խոստումներ էին տալիս: Ոմանք հանձնվեցին ու սպանվեցին, իսկ 500 հոգի՝ մնացին: Նրանց միացան նաև Գում Գույուի հերոսամարտի 8 քաջերը:

Թշնամու ճանկը բոլորով չընկնելու համար բաժանվում են վեց խմբի և հարձակումներ գործում լեռներում և բնակավայրերում: Սկսեց ձյուն տեղալ, ինչը ծանրացրեց պարենասկորման գործը: Պարտիզանները հողի մեջ խոռոչներ բացեցին՝ ձմեռն անցկացնելու համար: Գյուղերից պարեն էին կողոպտում՝ տալով նաև զոհեր: Այդ գործողություններից մեկի ժամանակ գերի վերցրեցին ջարդարար Օսման փաշային ու նրան զատեցին: Դատավարության ժամանակ Օսմանն ասաց. «Այս, շատ անմեղների արյուն թափեցի, Աստված ինձ պատժեց: Ես արժանի եմ... Միայն աղաչում եմ ինձ ոչ թե սպանել, այլ երկու թևերս կտրեք, որ ամբողջ կյանքումս տանջվեմ»: Սպանեցին:

Զարդարարներին ոչնչացնելը հայդուկների առաջնահերթ խնդիրն էր, և նրանք դա հաջողությամբ էին լուծում: Նրանց երազանքն էր անցնել Ռուսաստան և մտնել ռուսական բանակի շարքերը: Այդ անելու համար խումբը շարժվեց Տրապիզոնի ուղղությամբ, սակայն Ղարաբիր գյուղում բախվեց թշնամու մեծ ուժերի հետ: Հայերը պաշտպանվելով քաշվեցին դեպի լեռ, ինչը հնարավորություն տվեց ուժերը մեկտեղել ու թշնամուն փախուստի մատնել:

Ի վերջո Հաջի բեկը կարողանում է մի ոչ մեծ խմբի անցկացնել Կովկաս և վերադառնալ մյուսներին էլ տանելու համար:

400 հայ հինգ տարի շարունակ մաքառեց թուրքերի դեմ: Նրանց ազդեցությունն ու հեղինակությունը գնալով աճում էին: Եղավ ժամանակ, երբ թուրքական և հունական 50 գյուղեր հարկ էին վճարում ոչ թե պետությանը, այլ՝ հայդուկներին: Այդ շրջանի գյուղացիները շատ ավելի հայդուկներին էին դիմում, քան պետական դատարաններին:

Արթին աղայի և Հաջի բեկի խմբերը մինչև 1920 թիվը մնացին Պոնտոսի լեռներում: Երկու խմբապետներն էլ քեմալական դաշիճների զոհեր դարձան:

Իր հուշերում Թալեաթը գրում է. «Մոտ 60 հայեր հարձակվեցին Բողոքապանի Զաքմակ գյուղի վրա: Բազմաթիվ հայ հրոսակներ թաքնվել էին Անկարայի շրջակայրի Յենքայի անտառներում և մոտավորապես 300 հայ ասպատակներ ապստամբական գործողություններ էին ծավալել մինչև Զոլաք Ալի գյուղը: Գում Գույու գյուղից ուրիշ 300 ավազակներ այրել էին շրջակայրի մահմեղական գյուղերը և 1915 թ. սեպտեմբերի 15-ին հարձակվել մեր դինվորների, ոստիկաննական զորամասերի վրա:

Զաթըլքյերիր գյուղում 100-ի չափ հայեր բարիկադներ և պատնեշներ էին սարքել և օրերով կռվել մեր ջոկատների դեմ և ի վերջո փախել էին»¹:

Թալեաթի այս նկարագրությունից ընթերցողը կտպավորվի, թե ապստամ-

¹ Թալեաթի հուշագրությունները, էջ 75-76:

բողներն խաղաղության ու անվտանգության մեջ ապրող մարդիկ էին, այլ ոչ թե յաթաղանից խույս տված, հաստատ մահվան սպառնալիքի տակ գտնվողներ, որոնք անմոռունչ մորթվելու փոխարեն որոշել էին զենքով հաստատել իրենց ապրելու իրավունքը և մեռնել զենքը ձեռքներին:

Յողղաթի հայ բնակչության 70 տոկոսը զոհ գնաց եղեռնին, նրանց ճնշող մեծամասնությունը՝ առանց դիմադրության: Ահա թե ինչ են պատմել վերապրած յողղաթցիներից մի քանիսը սանծակի հայության հետ կատարվածի մասին:

Վ.Մկրտչյան-Բերբերյան (Բողազյանից). «Սկսեցին հավաքել տղամարդկանց ու բանտարկել: Լացն ու կոծը, վայնասունը իրար խառնվեցին: Լացող կանանց մտրակներով ծեծում էին... Փախչելու, պաշտպանվելու առավել ևս՝ ինքնապաշտպանության որևէ հնարավորություն չկար: Մեկ ամիս առաջ հավաքել էին բոլոր զենքերը, նույնիսկ խոհանոցի մեծ դանակները... Դիմադրություն ցույց տվողներին սպանում էին տեղնուտեղը... Երեկոյան բանտարկվածներին զույգերով կապուտելով՝ քաղաքից դուրս հանեցին: Բայց աքսորի փոխարեն տարան Ղարաղոչ Դերեսի կոչված ձորը և մորթեցին դանակով, կացինով, քարով... Կարգադրված էր փամփուշտը խնայել...

Հատուկենտ թաքնվողներ եղան: Թուրքերը ... հայտարարեցին, որ մնացողներին ներում է շնորհված: Հավատացին... Նրանց նույնիսկ ցուցակագրեցին, աշխատանք տվեցին, իսկ երեք ամիս անց, 1916 թ. մարտին, մտան տները, ծեծելով, բոնություն գործադրելով դուրս հանեցին և տարան մորթեցին...

Հերթը հասավ կանանց: Ոչ մի զիջում... Մորթեցին, ով ձեռքներն ընկավ... Հայ կանայք խաշխաշից, դաշտի թունավոր խոտերից, պղնձարջասպից թույն էին պատրաստել: Ու երբ թուրքերը գալիս էին նրանց տանելու՝ խմում էին:

Տարբեր տեղերից հավաքված կանայք գոմում մի քանի փոս էին փորել, գերաններից թոկեր կապելով կախաղաններ սարքել և հերթով կախվել էին: Մահացածներին թաղել էին փոսերում: Ամենավերջինն ինքն իրեն էր կախել և դեռ մահացած չէր: Երբ թուրքերը մտան գոմը՝ այդ կնոջ ոտքից թոկ կապած քարը տվեցին փողոցով»¹:

Ի դեպ, **Վ.Մկրտչյանի պատմածը հաստատվում է նաև թուրք ժանդարմական հարյուրապետ Շյուքրիի պատմածով:**

«Բողազյանի գայմագամը միտումնավոր կեղծ ազդարարություն էր արել, որպեսզի եթե դեռևս թաքնված հայեր կային՝ դուրս գան իրենց թաքստոցներից և նրանց հեշտությամբ բռնելով ոչնչացնեին»²:

Ճանճապանյան (Յողղաթ քաղաքից). «1914 թվականին լուր եկավ, թե թուրքերը փակել են բոլոր դպրոցները: Ստիպված էինք որևէ մեկի չհայտնել այդ լուրը, որովհետեւ ով Քեմալից լուր էր հասցնում հայերին՝ կախաղան էին հանում: Մի օր էլ եկան, տները խուզարկեցին. զենք ու այլ բաներ էին փնտրում: Ում տանը գտնում էին՝ նրան դատում էին, ում տանը չէին գտնում՝

¹ «Բնօրբան», 1995 թ., № 1, էջ 51-52:

² Պալաքեան Գ., նշվ. աշխ., էջ 237:

խիստ պատժում էին և բանտարկում: Երեք օր բանտում պահելուց հետո բոլոր հայտնի մարդկանց՝ բժիշկներ, ղեղագործներ, փաստաբաններ, կրոնավորներ, ձեռքերը մեջքներին կապած, տարան մինչև Դեր Զոր:

Ապա մեզ դուրս հանեցին, խուզարկեցին, ոսկիները վերցրին, մեր անունները զրեցին և ասացին, որ տեղ հասնելուն պես պետք է վերադարձնեն: Երկրորդ օրը լսեցինք, որ այսինչի հարսին են տարել, այնինչի եղրորն են տարել: Ով դիմադրում էր՝ սպանում էին:

... Զուրը կեղտոտ էր, բայց ի՞նչ արած, ծարավ էինք, արյունոտ ջուր էինք խմում: Երրորդ օրն ասացին, թե՝ իջե՞ք սայլից, ձեզ պետք է թուրք դարձնենք: Որը ոտքին կոչիկ ուներ, որը՝ չուներ, բոլորին բարձրացրին մի բարձր լեռան վրա: Քեմալը նախապես հրամայել էր բացել բանտի դռները, ինչքան գող, ավազակ ու ոճրագործ կար՝ դուրս հանել, որպեսզի սպանեն անհավատներին: Նրանք արդեն լեռան վրա էին: Ես լալիս էի: Եղբայրս ճանաչում էր զինվորներից մեկին: Մոտեցավ նրան ու ասաց. «Սրան տիրոջս կհանձնես, նա կպահի»: Ետ նայեցի, տեսա, որ մարդկանց սրերից արյուն էր հոսում...»:

Զիթեճյան Յ. «1915 թվականին, երբ ջարդը սկսեցին, ես վեց տարեկան էի: Ծնվել եմ Յոզղաթի Ուրումդի գյուղում: Մեր գյուղում ջարդն սկսվել է 1915 թվականի հունիսի 26-ին: Զարդի օրը ես համարյա մեռած էի: Ինձ պահ էին տվել մի թրքուհու մոտ, իսկ ծնողներիս տարել էին եկեղեցի, իբր փրկելու, ասելով, թե՝ «ձեզ կպահենք մինչ առավոտ, առավոտյան ազատ կարձակենք»: Խարել էին, որպեսզի կողոպտեին մեզ: Տատու իմ գլխավերեսում կանգնած լալիս էր:

Երեք թուրք ոստիկան եկան: Մեկն ասաց. «Սպանենք սրան»: Մյուսն ասաց. «Սա մեռած է, մեռածից ի՞նչ վրեժ լուծենք, ողջի՛ց վրեժ լուծենք: Դո՛ւրս եկեք»:

Մայրս, տատու, Սարգիս անունով երեք տարեկան եղբայրս, Աշոտ անունով վեց ամսական եղբայրս՝ մորս գրկին, դուրս եկան: Ոստիկանն ասաց. «Թույլ տվեք՝ դաշունահարեմ սրանց»: Մյուսը չթույլատրեց: Նրանց տարան: Տատու ողրում էր: Ոստիկանն ասաց. «Մի՛ ոռնա, պառա՛վ, հիմա դու էլ պիտի սատկես»:

Պատմում է Գ. **Պալաքյանը.** «Երբ Յոզղաթ եկանք, որն ամենից ավելի արյունալի տեղն էր, մի ձորի մեջ տեսանք մի քանի հարյուր գլուխ՝ երկար մազերով, ուրեմն կանանց ու աղջիկների գլուխներ էին»¹: Մեզ ուղեկցող հարյուրապետ Շյուքրին ասաց. «Լսել եմ, որ հայ տղամարդիկ էին սպանվում և ոչ թե կանալը ու աղջիկներ... Եթե միայն տղամարդկանց սպանեինք և ոչ կանանց ու աղջիկներին, 50 տարի անց մի քանի միլիոն հայ կլիներ, ուրեմն պետք է նաև սպանենք կանանց ու աղջիկներին, որպեսզի ընդմիշտ դադարեն ներքին և արտաքին խոռվությունները»²:

Հարյուրապետը շարունակեց. «Ամենքին սպանեցինք, բայց ոչ քաղաքներում: Այդ արգելված էր, որովհետև 1895-96 թվերին Արդու Համիդը հրամայել էր սպանել բոլոր քաղաքացիներին: Հետո այդ մասին իմացան եվրոպական

¹ Պալաքյան Գ., նշվ. աշխ., էջ 113:

² Նույն տեղում:

աղգերը, ամբողջ քաղաքակիրթ աշխարհը և չէին ուզում թույլ տալ: Որևէ մարդ չպետք է ողջ մնա, որպեսզի որևէ մեկը դատարանում հանդես չգա»:

«Նախ 14 հազար տղամարդու հանել էին Յոզգաթ քաղաքից ու շրջակայքից և հորերի մեջ սպանել: Սպանվածների ընտանիքներին ասել էին, թե տղամարդիկ հասել են Հալեպ, լավ են զգում և խնդրել են կառավարությունից՝ հրաման տալ ընտանիքներին իրենց մոտ գալու: Այնտեղ ընտանիքները պատրաստի ընակարաններ կունենային: Կառավարությունը թույլ է տալիս իրենց հետ վերցնել շարժական գույքը: Ընտանիքները ամեն ինչ ծրարած՝ ոսկի, արծաթ, ապրանք, զարդ, գույք և շարժական ամեն բան...»: Այդ պատմում էր նույն հարյուրապետը, որն ուղեկցել էր կարավանը և ասում էր, թե ինքն անձամբ, իրրև ոստիկանության հրամանատար, մոտավորապես 40 հազար հայ է սպանել Յոզգաթի և Բողազյանի միջև: Հալեպ գաղթող կանայք ու երեխաները մոտ 6400 հոգի էին¹:

Հարյուրապետը կանանց ու երեխաների բոնագաղթի մասին ասել է. «Եթե կանանց ու երեխաներին քաղաքում սպանեինք, պիտի չիմանայինք, թե ո՞ւր են մնացել հարստությունները... Դրա համար էլ թույլ տվեցինք բոլոր զարդեղներն իրենց հետ վերցնել: Չորս ժամ առաջանալուց հետո հասանք մի ձորի, որտեղ երեք ջրաղաց կար: Մեզ հետ էին մոտավորապես 25-30 թուրք կանայք: Սրանք սկսեցին հայ կանանց ու աղջիկների զգեստները խուզարկել և զարդեղներն ու դրամները վերցնել, որովհետեւ 6400 կին ու աղջիկ էին, և չորս ժամ պահանջվեց խուզարկության համար»:

Յոզգաթի ժամադերիայի հարյուրապետ Շյուքրին շարունակում է. «Թիւրք գիւղացիներու կողմէ ջարդուած հայերու ոսկորներն են ասոնք, որ 1915-ի օգոստոս եւ սեպտեմբեր ամիսներուն մէջ Պոլսէն եկած բարձր հրամանին վրայ կոտորուեցան, (Ճեռքով ցույց տալով) սա դէմի խոր ձորին մէջ: Եւ թէպէտ ներքին գործոց նախարարին հրամանով այս կոտորածներուն հետքը կորսցնելու համար մեծ փոսեր փորելով ի մի հաւաքուեցան եւ թաղուեցան անցեալ տարի Հոկտեմբերին, սակայն ձմռան հեղեղները այդ փոսերը բանալով ոսկորներն ու մասսամբ ալ կազմալուծուած դիակները դուրս բերած են...»

Բացի տարագրութեան մկիզը 1915-ի յուլիսին՝ չորումցիներու առաջին կարաւանէն, դեռ այս ճամբէն ողջ անցնող չեղաւ...

Արդէն այժմ՝ գաղտնիք մը չէ, մօտ 86 հազար հայեր ջարդուեցան, մենք ալ զարմացանք, որովհետեւ կառավարութիւնը ինքն ալ չէր գիտեր, որ էնկիւրիի կուսակալութեան մէջ այսքան հոծ հայեր կը բնակին: Թէպէտ այս թիւին մէջ քանի մը հազար ալ շրջակայ կուսակալութիւններէն գալով մեր ճամբաներէն անցնող հայեր կան, որոնք մասնաւորաբար մեր՝ ճամբաներէն անցուեցան, որպէսզի անոնք ալ մաքրենք...

Թէ՛ Պոլսոյ իթթիհատի կեղրոնական կոմիտէէն եւ թէ՛ներքին գործոց նախարարութենէն հրամաններ եկան հայերը արսորելու, կամ, աւելի ճիշդ, բացատրութեամբ քաղաքներէն դուրս հանելով կոտորելու: Այս հրամանը ամենախիստ կերպով գործադրեց Պողազլեանի գայմազամ Քեմալը, որ կոտորածի

¹ Պալաքեան Գ., նշվ. աշխ., էջ 114:

Հրամանը չգործադրող Եոզդաթի մուլթեսարիֆին պաշտօնանկ ըլլալէն վերջ, այն ատենի էնկիւրիի փոխկուսակալ Աթըֆի հրամանով փոխկառավարիչ նշանակուեցաւ Եոզդաթի: Որովհետեւ ինքն ալ վանեցի էր, լսած էր, թէ իր ընտանեկան բոլոր պարագաները հայերը կոտորած էին անխնայ Վանայ ապստամբութեան ժամանակ, այս պատճառով ինքն ալ փոխ վրէմի դիմեց, անխնայ կոտորելով այրերուն հետ նաեւ կիներն ու երեխաները, մինչեւ ծծկեր մանուկներ, ըսելով, թէ Մարգարէին զլիսուն վրայ երդում ըրած եմ՝ Եոզդաթի սանձագին մէջ ոչ մի հայ չպիտի կենդանի մնայ...

Երբ որ Եոզդաթ քաղաքին բոլոր այրերը՝ աւելի քան 8-9000 հոգի, իրենց առաջնորդով եւ քահանաներով ու աղաներով այս վայրերուն մօտակայ ձորերուն մէջ ջարդեցինք, այս անգամ կարգը եկաւ կիներուն... էրիկ մարդոց կոտորուելէն երկու ամիս վերջ, քաղաքին մէջ կառավարիչ Քեմալ, ըստ տեղական սովորութեան, մունետիկ կանչել տուավ, թէ.

- Զեր այրերը ողջամբ Հալէպ ժամանած ըլլալով եւ տեղւոյն կուսակալին խնդրագիր տուած ըլլալով, որ իրենց ընտանիքները եւս Հալէպ բերուին ..., մութեսարիֆը երեք օր պայմանաժամ կու տայ, որպէսզի ամէն ոք երկար ճամբորդութեան մը համար պէտք ունեցած անհրաժեշտ պատրաստութիւնը տեսնելով մեկներու նշանին սպասէ: Ով որ ինչ ուզէ կրնայ հետն առնել եւ վարձքը ով որ կրնայ վճարել, ձիու կամ եղան կառք ու սայլ կրնայ ունենալ, այս մասին կառավարութիւնը ամէն միջոց ձեռք առած է արդէն:

Կառավարութեան այս հրամանին դէմ անսաստողները ու պահուղներն ամենախիստ պատժի պիտի ենթարկուին...

Անցեալ դէպք է, որքան կը յիշեմ, 4000 է աւելին կառքերու եւ սայլերու մէջ կրցան տեղաւորուիլ: Խսկ վարձք տալու անկարող մնացեալ կիներն իրենց զաւակներով կարաւանին հետեւեցան ոտքով...

Կարաւանները առաջնորդելու պաշտօնը միշտ ինծի յանձնուած ըլլալով, կիներու այս կարաւանին ղեկավարութիւնը եւս ինծի յանձնուեցաւ իրը այս վայրերուն ծանօթ ոստիկան զինուորներու հրամանատար մը... Երբ 6400 եւ աւելի կիներու, աղջիկներու եւ երեխաներու այս մեծ կարաւանը հետս առած եւ շրջականներէ բերուած ութսունէ աւելի ոստիկան զինուորներով հասանք քաղաքէն 4-5 ժամ հեռու գտնուող այս դիմացի ձորին մէջ գտնուող երեք ջրադաշները ..., հրաման տուի ոստիկան զինուորներու ենթասպաններուն, որպէսզի իջևանին այս տեղը: Միաժամանակ հրամայեցի 830 եւ աւելի կառապաններուն եւ սայլապաններուն, որպէսզի հոս ձգելով ընտանիքները՝ իրենք դառնան իրենց գիւղերը:

Ապա օրեր առաջ պատրաստուած կառավարական ծրագրին համաձայն, քաղաքէն 25-30 թուրք դայակուհիներ բերել տալով՝ սկսանք մանրակրկիտ խիստ քննութիւն: Խրաքանչիւր կին, աղջիկ ու տղայ մի առ մի խուզարկուեցան մինչեւ իրենց ներքնազգեստները, եւ հաւաքեցինք ասոնց բոլոր ոսկեղէնը, արծաթեղէն, աղամանղեղէն զարդերն ու արժէքաւոր իրեղէնները, ինչպէս նաեւ իրենց զգեստներուն երիզներուն մէջ ճարտարօրէն կարած բոլոր հնչիւն մետաղէ ոսկիները: Ասոնք ամէնքն ալ խարուելով, թէ ստուգիւ Հալէպ, իրենց այրերուն քով կ'երթան, հետներնին առած էին իրենց բոլոր արժէքաւոր եւ դիւ-

րատար ունեցածը, ինչպէս նաև իրենց թանկագին գորգերն ու կարպետները։ Արդէն կառավարութիւնն եւս այս նպատակով, «Հալէպ ձեր Էրիկներուն պիտի երթաք» սուտը շինեց, որ ունեցածնին հետերնին առնեն։

Այնպէս որ կարձ ժամանակ վերջ զատ-զատ դէղեր կազմուեցան հարիւրաւոր եւ հազարաւոր կանացի ոսկի շղթաներով, ոսկի ժամացոյցներով, աղամանղեայ եւ այլ ազնիւ ու թանկագին քարերով ընդելուզուած քառամանեակներով, ապարանջաններով, օղերով, մատանիներով։ Հազարաւոր հնչուն ոսկիներ գտանք կանանց զգեստներու մէջ կարուած։ Այս պատճառով եւս խուզարկութիւնը սկսաւ այնքան երկարի ու դժուարանալ, որ հարկ եղաւ նոր խուզարկու կիներ բերել տալ քաղաքէն եւ կրկնակի խուզարկութիւններով միշտ նոր զարդեղէններ եւ հնչուն ոսկիներ գտան պահուած կամ կարուած ամենաթաքուն տեղերու եւ զգեստի ու ճերմակեղէններու ծալքերուն մէջ...

Եթէ ամէնքը ինձի մնար, ինչ աղէկ, բայց կաշիէ պայուսակները լեցնելով եւ բերանները եւս կնքելով քաղաք զրկեցի մութեսարիֆին, բայց այս առթիւ շատ գողութիւններ եղան։ Կրնամ ըսել՝ կառավարութեան ձեռքը հազիւ ասոնց կէսը հասավ...

Ճիշդն ըսելով, հազիւ 10.000 ոսկի հնչուն դրամ կամ զարդեղէն հայոց աւարներէն ձեռքս անցաւ։ Բայց... ես միայն ժանտարմայի գոմանտան չեմ, այլ նաև եոզդաթիւ աղաներէն եմ ... Հայերուն այս վերջին տեղահանութեան եւ ջարդերուն առթիւ մեծ հարստութիւն դիզեցի...

Այսպէս, չորս օր, չորս գիշեր մանրազնին խուզարկութիւնը շարունակելով, ամէնքը իրենց բոլոր ունեցածէն մերկացնելէ եւ միայն իրենց վրայ հազած զգեստը ձգելէ վերջ, ամէննին մէկէն հետիւտն ետ դարձուցինք եոզդաթ քաղաքին ետեւը գտնուող ընդարձակ սարաւանդը, ըսելով, որ կառավարութենէն ներուած ըլլալով՝ նոր հրաման եկած է զիրենք կրկին քաղաք զարձնելու համար, որով ուրախութեամբ եւ առանց դժկամութեան հետեւեցան մեր հրամանին...

Երբ չորս օր եւ չորս գիշեր խուզարկութեամբ զբաղուած էինք, եոզդաթիւ տեղական կառավարութիւնը ոստիկան զինուորներ զրկելով շրջակայ բոլոր թիւրք գիւղերը, յանուն սրբազան Ճիհատի, հրաւիրած էր իսլամ ժողովուրդը, մասնակցելու կրօնական այս սուրբ պարտականութեան...

Ուստի, երբ որոշեալ տեղը հասանք, մեզմէ առաջ որոշեալ օրը կանխելով բոլոր շրջակայքէն փութացած էին գալ հաւաքուիլ այս տեղը։

Որովհետեւ կառավարութեան հրամանը այս էր, որ անխնայ ջարդուին ամէնքն ալ եւ ազատուող չըլլայ, ուստի փախչելու ամէն փորձ արգիլելու, եւ ծանօթներուն կարեկցելով հոգի աղատելու հետամուտ եղողներուն ալ զաղտնի փորձերը վիժեցնելու համար, հետո բերած 80 ոստիկաններով պաշարել տուի այս սարաւանդը, եւ ամէն հաւանական փախուստի կամ թագատոցի տեղերը պահակներ կեցուցի։

Ապա ոստիկան զինուորներու միջոցով յայտարարել տուի ներկայ իսլամ ժողովրեան, թէ իրենց կնութեան առնելու պայմանով ով որ գեղեցիկ կոյս աղջիկներէն կամ հարսերէն զատել կ'ուզէ, կրնայ անմիջապէս ընտրել. սպանդի միջոցին ընտրութիւն ընելը արգիլեալ է։

Ասոր վրայ՝ հաղիւ 220-250 աղջիկներ ու հարսեր զատուեցան ներկայ ժողովուրդէն եւ սատիկան զինուորներու կողմէն...

Պատերազմի շրջան է հիմա, գնդակը սուղ է. այս իսլամ ժողովուրդը այս սպանդին վազած ատեն իր գիւղերէն ձեռքը ինչ որ ինկած էր՝ կացին, սակր, մանգաղ, մահակ, բրիչ, բահ, ասոցմով հանդիպածին զարկաւ գետին փոեց, վերջապես ինչ որ ուղեց՝ ըրաւ...

...Ես նուիրական եւ սրբազն պարտականութիւնս կատարեցի Աստուծոյ, Մարգարէիս եւ Խալիֆայիս առջեւ... Շէյխ-ուլ-խումը հայերը իրը մեր պետութեան դաւաճանող բնաջնջ ընելու «Ֆեթուան» ասոր գործադրութիւնը հրամայած էր... Իսկ ես ալ իրը զինուորական պաշտօնեայ՝ թագաւորիս հրամանը գործադրեցի... Ամէն անգամ ըրածիս նման, այս պատմած կոտորածէն վերջ ալ, «փոսթս» գետին փոելով նամազս ըրի եւ փառք տուի Ալլահին ու Մարգարէին, որ արժանի ըրաւ զիս իմ ծերութեան այս օրերուն սուրբ Ճիշատին անձամբ մասնակցութեան...

Գերմանիա մեղ հասկցուց, թէ ցորչափ Օսմանեան կայսրութեան սահման-ներուն մէջ հպատակ ուրիշ ցեղերը մեղի բաղդատմամբ 20 տոկոս համեմատութեան չհասցնենք, ազատելիք չունինք մեր գլխուն եկած շարունակական փորձանքներէն: Բայց չկարծէք, թէ իթթիհատը միայն հայերը կոտորելով պիտի բաւականանայ. քիչ օրէն միւս ցեղերուն, մանաւանդ արաբներուն հաշին ալ պիտի մաքրենք: Արդէն Սեբաստիոյ հայերը տեղույն չերքէզներուն ձեռքով ջարդել տալէ վերջ, կառավարութիւնը այս ջարդարար չերքէզները պաշարելով, ամէնքնին ալ կոտորել տուաւ, ըսելով թէ առանց իր գիտութեան անմեղ հայեր ջարդած են: Մինչեռ չերքէզները կառավարութեան յանձնարարութեամբ ջարդած էին հայերը»¹:

Թուրք ժանդարմների պատմածը.

«10.000-է աւելի շրջանակներէն հաւաքուած թուրք խուժան մը «ալլահ, ալլահ» պոոչտանքներով կը յարձակի եռզդաթցի 6400-է աւելի անտէր եւ անպաշտպան կիներուն, աղջիկներուն վրայ: Գոռում-գոչումը, աղեկտուր ճիշերը եւ կացիններով, ուրագներով, սակրներով եւ այլ այս կարգի զէնքերով խուժանը այնքան կատաղօրէն կ'ինայ իր անմեղ զոհերուն վրայ, որ խժալուր այս աղմուկը մինչեւ 1,5 ժամ հեռու շրջակայ գիւղերը կը լսուին...

Երբ սպանդը կը լրանայ, կը սկսին բոլորովին մերկացնել հազարաւոր սպաննուած եւ յօշոտուած այս զոհերը՝ զգեստները հետերնին տանելու նպատակով: Այս դիակապուտին կը մասնակցին հետզհետէ ոճրին վայրը շրջակայ գիւղերէն փութացող թիւրք կիներ, եւ շատեր իրենց ծծկեր կամ մէկ քանի տարու երեխաները զրկերը կու զան...»²:

«Բողազյանից ոչ հեռու գտնվող Քելլեր թուրքական զյուղի վերին աղբյուրի ձորում, - զրում է Գ. Պալաքյանը, - թափված էին անհամար ուռած ու հոշոտված դիակներ. շատերը զլխատված էին, շատերի ներքին օրգանները դուրս թափված: Բոլորը մերկ էին: Հարյուրապետը բացատրեց. «Այս դիակները

¹ Պալաքեան Գ., նշվ. աշխ., էջ 269-285:

² Նույն տեղում, էջ 283:

սպանել տվել է Բողազյանի գայմագամ Քեմալը, որը երեկ գիշեր գալով այս գյուղը և ամելե թարուրի դինվոր բոլոր տղամարդկանց ու կանանց սպանել է տվել ու մեկնել»¹:

4-5 օր չարունակ կողոպտում էին, որից հետո վրա են տալիս գիշատիչները: Պատահական չէ, որ Անատոլիայի Հյուսիսից մինչև Կեսարիա ճանապարհին հանդիպած մահմեղականը եվրոպական հագուստ էր կրում:

Նույնիսկ Շյուքրին բացահայտ թշնամությամբ էր արտահայտվում Իթթի-Հաղի պարագլուխների հասցեին. «Դրանք զնչուից սերված կամ հրեականությանը պատկանող բախտախնդիրներ են... Մեր արածի տակից ինչպե՞ս ենք դուրս գալու»²:

Ցողղաթ-Բողազյան ճանապարհին երևաց ևս մի կարավան՝ հաստ պարանով միմյանց կապված 54 հոգի՝ ծերեր կամ 13-16 տարեկան պատանիներ ցնցոտիչների մեջ: Նրանք Ցողղաթի 3000 տուն հայության վերջին մնացորդներն էին, որոնք 1915 թ. աշնանից ի վեր թաքնվել էին, և ամիսներ անց կարծելով, թե վտանգն անցել է, դուրս էին եկել ու բռնվել: Նրանց ևս միացրին ընդհանուր կարավանին:

Մեկնելու երրորդ օրը մի ձորում կարավանը շրջապատվեց մերձակա գյուղերի 700-800 թուրքերի կողմից: Սակայն ոստիկանությունը խուժանին ցրեց:

Շյուքրին գտնում էր, որ Հայկական ջարդերը երիտթուրքերը շատ ավելի խելացի էին կազմակերպել, քան Արդուլ Համիդի 2-րդը, որովհետև «եթե Հայերը ջարդել ուղեինք սուլթան Համիդի օրով եղածի պես, մենք էլ շատ զոհեր էինք ունենալու: Ինչպես 1909 թ. Հայերը Աղանայում արեցին, փողոցներում ստեղծված բարիկադների հետևում ու քարաշեն տներում ամրանալով հեշտությամբ չեն հանձնվելու, այլ՝ զենքով էին դիմադրելու: Շապին Կարահիսարում և Ուրֆայում Հայերն ամիսներով զբաղեցրին կառավարությունը... Մի՞թե ավելի գործնական չէ այն, ինչ այժմ կատարվում է: Ասելով, թե ձեզ աքսորելու ենք, նախ զինաթափ արեցինք և ճանապարհ հանելով՝ առանց փոքր-ինչ դիմադրության մաքրեցինք... Եթե քաղաքում Ցողղաթի կանանց հաշիվը մաքրեինք, իրենց ոսկեղենը, արծաթեղենը և գոհարեղենը, բոլոր զարդերը կոյուղիներն էին նետելու կամ փշացնելու էին, որպեսզի մեր ձեռքը չընկնեին»:

Առանձնակի նշանակություն ունեն Ցողղաթի Հայ բնակչության տեղահանության ու ջարդերի դատավարության նյութերը (1919 թ., փետրվար-մարտ): Դատական նիստերում Քեմալի և Թևքիկի դատապաշտպանները հայտարարեցին. «Հայերու աքսորի հրամանը տրուած է նախարարներու խորհուրդի որոշումով, որ Կայսերական իրատէով վաւերացուած է: Խսկ պաշտօնէութիւնը կեղրոնի այդ հրամանն է, որ գործադրած է»³: Դատարանում հնչեց Քեմալի հոխորտանքը. «Մենք Հայերը բնաջնջելու բացարձակ հրաման ունեինք ... ես որեւէ ուրիշ հրաման չեմ ընդունիր: Ես Հայոց յաղթողն եմ»⁴:

¹ Պալքեան Գ., նշվ. աշխ., էջ 235:

² Նույն տեղում, էջ 219:

³ «Ժամանակ», 6 փետրվարի 1919 թ.:

⁴ Նույն տեղում, 12 փետրվարի 1919 թ.:

Քեմալը դատարանում հայտարարեց. «Կեղրոնի կառավարութիւնն է մեղ հրաման տուողը այս տեղահանութեան մասին»¹:

Զարդարաները հաստատեցին՝ կառավարությունը ոչ միայն հրահանգել էր տեղահանել, այլև կողոպտել հայերին: Դատարանի նախագահի հարցին. «Ձեզի առ ի գործադրութիւն յանձնուած՝ լքեալ գոյքերու կանոնագրին տրամադրութեանց հակառակ ինչո՞ւ հաւաքել տուիք տեղահան եղած հայերու վրայէն ամէն իրեղէն եւ դրամ», Յողղաթի հաշվապահ Վեհիբը պատասխանեց. «Կառավարութեան հրամանով էր, որ հաւաքել տուիք»²: Նույն հարցին նույն պատասխանը տվեց նաև նախակին մոլթեսարիֆ Քեմալը:

Դա մի անգամ ևս հաստատում է այն ճշմարտությունը, որ հայերի տեղահանության և ջարդերի առնչությամբ թուրքական օրենքները շատ ավելի քարոզչական խնդիր ունեին, քան' սահմանող ու կարգավորող: Իշխանության մարմինները ղեկավարվում էին ոչ թե այդ օրենքներով, այլ՝ վերեկ գրավոր կամ բանավոր հրահանգներով:

Քեմալը պահանջում է Սալիմից անվերապահ հավանություն տալ «Հայերի մահավճոփին», որ ստոացվել էր կենտրոնից, հակառակ դեպքում նա կախաղան կհանվեր³: Այսինքն, հայերին ոչնչացնելուց հրաժարվողը վտանգում էր իր կյանքը: Մինչև բոնազաղթը մունետիկները հայերին ազդարարում էին, թե ով ընդունի իսլամությունը՝ չի տեղահանվի⁴: Հրամայված էր՝ իսլամություն ընդունածներին ցրել թուրքական գյուղերում, սակայն այդպիսիները չպետք է կազմեին տեղի մահմեղական բնակչության 5 տոկոսից ավելին:

Յողղաթի գրեթե բոլոր հայերը գերազասեցին Դեր Զորը: Նրանք տեղահանվեցին և, ինչպես արդեն ասվել է, ջարդեցին նախապես նշված Քելլեր, Թանիշման և Թաշըրինար ջարդավայրերում: Այն հայերին, որոնք հավատացին իշխանություններին և իսլամացան, շատ չանցած հավաքեցին և ուղարկեցին կեսարիայի ուղղությամբ ու ջարդել տվեցին⁵:

Բողղազյանի մուֆթու պահանջին, թե ինքը հայերին մահմեղականացրել է Ղուրանի օրենքներով և նրանց ջարդելն արգելվում է, Քեմալը պատասխանեց, թե ինքը այդ հայերին ջարդում է ոչ թե կրոնական, այլ՝ քաղաքական օրենքով⁶: Այդ կապակցությամբ ուազմական դատարանի նախագահը 1919 թ. փետրվարի 8-ին գրեց Յողղաթի կառավարությանը. «Փաշայ գիւղի եագուազ Հոճան Գարա-Պըյըզ գիւղի 250 հայ ընտանիքներու, իսլամացուցած էր և երբ Եողղաթի փոխ մոլթեսարիֆ Քեմալ Պէյ փափաք յայտնած էր զանոնք ալ բնաջնջելու, Հոճան առարկած էր, թէ իսլամական օրէնքով թոյլատրելի չէ զանոնք կոտորել (Քեմալը) պատասխանած էր. «Դուք զանոնք իսլամացուցիք Շերիաթի օրէնքով, ես ալ անոնց գլուխները կը կտրեմ քաղաքական օրէնքով»:

¹ «Ժամանակ», 20 մարտի 1919 թ.:

² «Ճակատամարտ» 23 մարտի 1919 թ.:

³ Նույն տեղում:

⁴ «Ժամանակ», 9 փետրվարի 1919 թ.:

⁵ «Ճակատամարտ» 19 փետրվարի 1919 թ.:

⁶ Նույն տեղում:

Արդարեւ, բոլոր այրերը ջարդել տուած է, ինչպես նաև արգասարեր Քեռնէ ավանի էնաս գիւղի ուրացող հայերը Թանիշի Զիփթիկի ձորին մէջ, (նետել) գետը: Նմանապէս ջարդել տուած է ինձիրլի գիւղին բողոքական եօթանասուն ընտանիքներու անդամները»¹:

Լինում էր նաև այսպես: Լրյալ գույքերի հանձնաժողովը թաքստոցում հայտնաբերում է տեղի մեծահարուստներից Գ. Գեղոյանին ու նրա որդիներին: Նրանց կրոնափոխ արեցին, բայց նաև սպանեցին, որովհետև հարուստ էին²: Այլ խոսքով ասած, ոչ քիչ դեպքերում տեղահանության և ջարդի որոշումը նաև գործածվում էր անձնական, շահադիտական նպատակներով:

Յողղաթի զյուղերից հավաքեցին տասնմեկից փոքր տարիք ունեցող երեխաներին և ուղարկեցին Թալասի թուրքական որբանոց և թուրքացրին: Շատերը քաղցից ու հիվանդություններից մահացան³:

Քեռնե զյուղի հայ կանայք մերժեցին կրոնափոխության առաջարկը և ինքնակամ բռնեցին աքսորի ուղին: Նրանց միացան Բեռհրենկ գյուղի կանայք:

Յողղաթի կոտորածների մասին հետաքրքիր տվյալներ ու դեպքերի նկարագրություններ է պարունակում Գրիգորիս ծ. Վրդ. Պալաքյանի հուշագրությունը: Դրանք արժեքավոր և վավերագրական նշանակություն ունեցող պատմություններ են, որովհետև հեղինակը ո՛չ միայն ժամանակակիցն ու ականատեսն էր Մեծ եղեռնի, այլև նրա զոհերից, բռնազաթի ենթարկվածներից մեկը:

Գ. Պալաքյանը պատմում է. Յողղաթի կայազորի Հրամանատար Սալիմը 1918 թ. դեկտեմբերի 9-ին Մազհարի հանձնաժողովին հետևյալ ցուցմունքն էր տվել. «Խաղմական նախարարության 1915 թ. ապրիլի 22-ի հավելյալ մի այլ հրամանով թուլատրվում էր զորակոչել 19 և 20 տարեկաններից բացի բոլոր նրանց, ովքեր ի վիճակի էին զենք կրել: Այս տրամադրությունը պիտի կիրառվեր մեծմասամբ այն վայրերում, որտեղ հայերը մեծ թիվ էին կազմում:

... 1915 թ. մայիսի 5-ի գաղտնի հրամանով (հանձնարարվում էր հայերի մեջ) ... համոզում ստեղծել, թե նրանք, ովքեր հլու հպատակ մնան, որևէ չարիքի չեն ենթարկվի ...

... 1915 թ. հունիսի 18-ի ծածկագիր հեռագրով քաղաքացիական վարչության պաշտոնյաներն իրավունք չունեին միջամտելու հասարակական կարգին ու կարգապահությանը և միայն զինվորական իշխանությունն էր դրա համար պատասխանատու ...

Յողղաթ, Զորում զավառներում եղած կասկածելի և վտանգավոր հայերը տեղահանվելու էին ... Կեսարիայի ճանապարհով դեպի իրենց աքսորավայրը ...

1915 թ. հունիսի 20-ի հրամանով պետք է ստեղծվեր լրյալ գույքերի հանձնաժողով, որը պետք է վաճառեր ընտանիքներով տեղահանված հայերի գույքերն ու կալվածքները...

(Սկզբում գործում էինք համաձայն այս հրամանների), մինչեւ, երբ, ավաղ,

¹ Գ. Ե. № 291:

² «Եղղատ», էջ 24:

³ Նույն տեղում, էջ 19:

մի շարք անձինք, մանավանդ նրանք, որոնք պարծենում էին Միություն և առաջադիմություն կուսակցությանն իրենց պատկանելով, և որոնք վայրկյան անգամ չհապաղեցին իրենց ընչափաղությանը գոհացում տալու համար կատարել ապօրինություններ ... Կեղծ ու հնարովի, պաշտոնական և անպաշտոնական տեղեկագրեր ուղարկեցին կառավարությանը՝ հայթայթելով բավարար պատճառներ հայերի հանդեպ կիրառելու վերոհիշյալ որոշման տրամադրությունները ... Նույն անձինք զորաբանակի և դիվիդիայի հրամանատարներին նեցաթի բեյի միջնորդությամբ հայտնեցին, թե ինչ-որ երևակայական հայկական կոմիտե գոյություն ունի: Իշխանաթյունը տրամադրված էր սա իբրև իրականություն ընդունելու: Զաթ, Զաքմաք, Թերզիլի, Կարա Յակուբ և դեռ ուրիշ հայ գյուղեր, որոնց անունները չեմ հիշում, գնդապետ Թևֆիկն ու իր օգնականները (այսինքն՝ չափուշներ, տասնապետներ և չերքեղների անկանոն խմբեր) փորձեցին հայերի մոտ գենքեր փնտրել: Սակայն գտան այն գենքերը, որոնք գենք փնտրող պաշտոնյաններն էին դրել այնտեղ: Վերջապես տրվեց հայերի տեղահանության հրամանը: ... Ժանդարմական վաշտի հրամանատար Թևֆիկի՝ հայկական գյուղերի վրա արշավների ընթացքում բազմաթիվ հայեր սպանվեցին առանց որևէ պատճառի՝ պատրվակով, թե պատկանում են կոմիտեներին: Սակայն նա դրանով չգոհացավ: ... Այս արյունաբրուն ... անցավ բոլոր սահմանները Սարը Համզայի ղեպքերի ժամանակ, երբ 13 հայ սպանվեց և հինգը՝ վիրավորվեց ...

Առաջին կարավանն առաքելու ընթացքում տեղահանված 472 հայեր սպանվեցին Սեբաստիայի կուսակալ Մուամմեր բեյի հրամանով ... Նա անգամ որոշեց ուղեկցել կարավանը և հանդինեց նրանց (հայերի) միջոցով հասարակական փոս փորել ինչեւ Զայիրում՝ տարագրվածներին կոտորելու և թաղելու համար ... Բողազյանի նախկին գայմագամ, ժամանակավոր մութեսարիփ Քեմալ բեյը... և իր արբանյակները ամեն տեսակի խժդություններ և գարշելի արարքներ գործեցին...

Այն կարավանը, որը բաղկացած էր 80 տարագիրներից և ուղարկվեց ղեպի Կեսարիա ժանդարմների հակողության տակ, հարձակման ենթարկվեց Զալակ Դեյիրմենի մերձակայքում: 12 հոգի կարողացավ ազատվել: Հայտնի չէ, թե ի՞նչ եղան մնացած 68 հոգին:

Բերեք հայկական գյուղից հայերը ցորեն էին տեղափոխում զինվորական տուրք վճարելու համար: Վերադարձին հարձակման ենթարկվեցին Դեղիկ և Ռադվանը գյուղերի մերձակայքում: 15 հոգու դիակները գտնվեցին Հալկալի Զայիրի մոտերքը...

Գայմագամ Քեմալ բեյը, երբ Յողովաթ հասավ ... ժանդարմների հրամանատարի օգնական Նուումանը հանձնարարություն ստացավ կոտորելու Սորկուն գյուղի հայերին: Քաղաքապետարանի տնօրեն Ահմեդ Էֆենդիի եղբայր Ռիզա չափուշը հանձնարարություն ստացավ ջարդելու Սարայի շրջանի հայերին: Զարդարվայր նշանակված Քելլերի կոտորածները վստահվեցին Յողովաթի որբերի տնօրեն Մեհմեդին, Բաքրջի Հաջի Մահմուդին, Թևֆիկզաղե Աբդուլլահ Շեքին, ժանդարմերիայի գնդապետ Շյուքրիին, Դաղստանլի Խսմայիլին, Ակթապ ավանի քաղաքապետ Ֆերիդին և Բողազյանի դատավոր և

ժամանակավոր գայմազամ Ալի Ռիզային: Թաշրունարի մերձակա ջարդավայրի տնօրինությունը նորից վստահվեց Շյուքրիին, Խսմայիլին, Ահմեղ Զավուշին, Զափանզագե Իսա բեյի որդի Դերվիշ բեյին: Բոլորն էլ իրենց պարտականությունը կատարեցին կատարյալ բարեխաղամբ՝ Հնազանդվելով իրենց վերադասներից ստացված հրամաններին... Ժանդարմները շատ ավելի սարսափած իրենց կատարած ոճիրներից, քան պատիժներից, որոնց իրենք ենթակա էին, պահանջեցին, որ իրենց հրամանները գրավոր տրվեն: Պատասխանեցին, թե նրանք կիսեն Հայերին բաժին ընկած վիճակը, եթե երբեշե պնդեին իրենց տեսակետը և նրանք հարկադրված եղան կատարել այն, ինչ հրամայված էր:

Հետեւարար Հայերն անմեղ են և իրենց վերագրված ոճիրները չեն կատարել... Ես այս կարծիքը Հայտնեցի դիվիդիայի հրամանատարին, որը դա ո՛չ միայն նկատի չառավ, այլև ինձ հրամայեց բնաջնջել Հայրենիքի այդ դավաճաններին, իշլամի թշնամիներին, կոմիտեների կասկածելի անդամներին ...

Հաջորդ ուրբաթ օրը, Համաձայն կազմված մատյանների, Հայերը հավաքվեցին և բանտ դրվեցին: Կիրակի առավոտյան, Հուլիսի 26-ին, 472 հոգի առաջին կարավանով ուղարկվեցին Սերաստիայի ուղղությամբ՝ դեպի իրենց աքսորավայր (Դեր) Զորի գավառ:

Նույն օրը Էլմայան Հայ ընտանիքի ձիու կառքը նստելով Նեջաթի բեյը Զորում գնաց, այդտեղ էլ Հայերի տարագրության համար անհրաժեշտ հրահանգներ տալու և տնօրինությունն ու վարչությունը վստահելու Միություն և առաջադիմություն ակումբի նախագահին և անդամներին:

...1915 թ. Հուլիսի 28-ին և օգոստոսի 4-ին երկու ուրիշ կարավան էլ ուղարկվեց, մեկը՝ 257 հոգուց, մյուսը՝ 99 հոգուց կազմված ... Թեև Զեմալ բեյը գործեց Համաձայն ստացած հրամանների, սակայն Նեջաթի բեյի մատնությամբ պաշտոնազրկվեց և Բողազյանի գայմազամ Քեմալ բեյը դարձավ Յողաթի ժամանակավոր մութեսերիք: Այսպիսով, Միություն և առաջադիմություն կուսակցության անդամները, ինչպես նաև չարաշահությունով Հարստանալ երազողները, հասան իրենց նպատակին և ցավալի ու մարդկային պատմության մեջ աննախադեպ ոճիրներ գործեցին: Այսպիսի գարշելի արարքներ կատարեցին, որ Հավատաքննության խժդությունները ստվերի տակ մնացին և արատավորեցին իշլամի պատիվն ու Օսմանյան կայսրության պատմությունը:

Յողաթի ժամանակամերի հրամանատարը ... Նեջաթի բեյի գալուց հետո... պնդեց, որ տեղի Հայերը կոմիտեների անդամներ էին: Նա անձամբ ղեկավարեց կարավանները ...

... Նախաքնիչ ատյանի նախագահ Համդե էֆենողին և ուրիշ շատերը ... Հատուկ առաքելությամբ Քելլեր ուղարկվեցին: Թաշ Բունար և այլ տեղերում էլ նշանակված էին կոտորածների վայրեր և որտեղ դրամներ ու արժեքավոր իրեր հավաքելուց հետո, ջարդի հրաման էր տրվում և նրանք անձամբ էին ղեկավարում ջարդերը՝ իրենց Հավատարիմ ծառայությունը կուսակցությանը մատուցելու համար...

Գալով գայմազամ Քեմալ բեյին, Յողաթի ժամանակավոր մութեսարիք կոչվելուց հետո, սկսեց իր պարտականության կատարումը՝ հետևելով բնա-

ջնջման քաղաքականությանը: Ամեն իրիկուն ավագ հաշվապահ Վեհիր էֆենդուն տուն էր Հրավիրում քաղաքապետարանի տնօրեն ԱՀմեղին, նախկին առաջին քարտուղար Մուստաֆա բեյին, Սահիդ բեյին և ուրիշ գործակիցների, որոնք մի քանի գավաթ կոնժելուց հետո որոշում էին հաջորդ օրվա իրենց անելիքները: Այսպես էր նա իրագործում կոմիտեի «ազգային ձգտումները»:

Ես աշխատանքից հեռաց: Դրանից հետո էլ բազմաթիվ զգվելի արարքներ տեղի ունեցան, օրինակ, տեղահանված կանանց մարմինների ամենաներքին մասերի խուզարկությունը՝ ոսկի փնտրելու պատրվակով: Կապիլե հանրմը՝ հաշվապահ Վեհիր բեյի կինը, գործեց որպես մասնագետ խուզարկու: Նա իր խուզարկությունները կատարեց քաղաքից դուրս և քննեց տարագրված կանանց մարմիններն այն աստիճան, որ խուզարկեց կանանց անդամների ներսի մասերը՝ այնտեղ ոսկի փնտրելու պատրվակով... Քաղաքացիք, թե զյուղացիք նաջախներով, դանակներով, փոքր կացիններով, բիրերով, ոմանք հեծյալ՝ սվիններով ու գենքերով, իսկը չների նման, սպանդանոցի արյան հոտ առած, սկսեցին վազել և հետևել կարավաններին՝ կոտորածներին մասնակցելու համար: Ես վկայում եմ, որ այս բարբարոս և արյունալի արարքները կատարվեցին Միություն և առաջադիմություն կուսակցության անդամների և պաշտոնատարների կողմից»¹:

Ռազմական դատարանի արձանագրությունից այս երկար մեջբերումը խնդիր ունի վկայելու, որ հայոց ջարդերի անմիջական մասնակիցների պատմածներն ու դատարանում տված ցուցմունքները բացարձակապես իրար նման էին, այսինքն՝ ճշմարտություն էին, այլ ոչ թե դրանց հեղինակների երևակայության պատուղը:

ԿԱՍՏԱՄՈՆՈՒ

Կաստամոնու նահանգի իթթիհաղականների պատասխանատու քարտուղար Հասան Ֆեհմիի ջանքերով կուսակալ Ռեշաղը պաշտոնագրկվեց «Հայերի պաշտպան զյավուր վալի» մեղադրանքով: Եվ դա այն պատճառով, որ նա հրաժարվեց կոտորել Հայերին, Հայտարարելով. «Ձեռներս արյունով չեմ ներկի»:

Երբ մյուս նահանգներում սկսվեց Հայերի տարագրությունը, Կաստամոնուի մահմեղականները դիմեցին վալուն հետևյալ խոսքերով. «Մենք նման բան մեր նահանգում չենք ուզում: Մենք վախենում ենք Աստուծո բարկությունից: Կառավարությունը չի կարող անօրինականություններով և բռնություններով կանգուն մնալ: Մեր նահանգում նմանօրինակ դեպք չափագություն է տեղի ունենա»²:

Սակայն Հ. Ֆեհմին իրականացրեց նահանգի Հայության տարագրությունը, հարստացավ նրանց ունեցվածքին տիրանալու միջոցով: Ռազմական դատարանը 1920 թ. հունվարի 8-ին նրան դատապարտեց 10 տարվա բանտարկու-

¹ Դ. Ե. № Մ 574-577;

² Անտոնեան Ա., նշվ. աշխ., էջ 278-279:

թյան: Մեղադրական եղրակացությունում ասվում էր, որ նա անընդհատ լինում էր «լքյալ գոյքերով լեցուն խանութիւները և առարկաները լեցնում էր պարկերն ու կողովները և տանում իրեն: Նա համարձակ էր գործում, քանի որ կուսակալից ազգեցիկ էր»¹:

Համարձակ մարդ էր նաև կաստամոնուի վալի Ռեշաղը: Նա չէր խուսափում Կ. Պոլսին հակադրվելուց, եթե գտնում էր, որ վերջինս ճիշտ չէր կամ անարդար էր: Գրիգորիս Ժ. վրդ. Պալաբյանը Սողոմոն Թեհլիրյանի դատավարության ժամանակ ցուցմունք տվեց Կ. Պոլսում. «1915 թ. ապրիլ 24-ին 280 ուրիշ հայ մտաւորականներու հետ ոստիկանութեան կողմէ բոնուեցայ եւ աքսորուեցայ. (Էնկիւրիում) մեր կարաւանէն մօտ 80 հոգի Այաշ աքսորուեցաւ: Միւսները՝ մօտ 190 հոգի ... Զանդրը աքսորուեցան... 190 հոգիէն միայն 16-ը մնացին՝ խնայուեցան..., (որոնք) Տէր-էլ-Զօրի անապատը պիտի տարուէին եւ ասիկայ՝ Կ. Պոլսոյ ներքին գործոց նախարարին հեռագրական հրամանովը:

Բայց Քաստամոնուի վալին՝ Ռեշատ փաշան մերժեց ՆԳ նախարարին հեռագրին հպատակիլ: Խսկոյն վար առնուեցաւ...

Ռեշատ փաշային տեղ Քաստամոնու ղրկուեցաւ էնկիւրիի վալին, որ... էնկիւրիի վիլայէթին մէջ 82.000 հայ՝ կիներ, տղաք եւ այրեր սպաննած էր: Այս նոր վալին մեզի մինչեւ Տէր Զօր տարաւ ... կիներն ալ մեր հետ պիտի ղրկուէին... Յետոյ իմացանք, որ բոլորը սպաննուած են...»²:

Անկարայի նահանգից տարագրված կարավանների հետ էր կաստամոնուի 400 հոգանոց կարավանը, կազմված միայն տղամարդկանցից, որովհետեւ կանաց ու երեխաններին չտարագրեցին, այլ՝ քաղաքից հանելով ցրեցին թուրքական զյուղերում: Խսկ այդ 400 հոգանոց կարավանը նույնպես Ալիս գետի կամրջի մոտ շրջապատվեց իթմիհաղի չեմեների կողմից՝ կուսակցության տեղական կազմակերպության քարտուղարի ղեկավարությամբ, որը միաժամանակ քաղաքապետն էր, և լրիվ ոչնչացվեց:

Գ. Պալաբյանի նկարագրած գողգոթան անցավ նաև կաստամոնուով: Նա Զանդրը աքսորականներից էր և ականատես եղավ նաև այդ վիլայէթի հայության կործանմանն ու վկայեց, որ թեև կաստամոնուի հայ բնակչությունը չատ խսղաղ էր և խոսում էր թուրքերեն, բայց «քաղաքականության պատճառով ուղում էին Փոքր Ասիան դատարկել նրանցից: Նախ տարան 48 հայերի (տղամարդ) ... Հետո իմացանք, որ նրանց սպանել են: Մեզ տարան Զորում-Յողողաթ-Բողողազյան-Կեսարիա-Թումարզա-Հաճըն-Սիս-Կարս բազար-Օսմանիե-Հասան բեյլի-Խոլահին գծով: Սա արյունալի գծերից մեկն էր: Յողողաթի և Բողողազյանի արանքում 43000 հայի ջարդեցին ... Մեզ հետ չատ վատ էին վարդում: Անոթի էինք, և երբ ջուր, գետ էինք տեսնում և ուղում էինք հագեցնել մեր ծարավը, չեին թողնում: Երկու օր առանց հացի ապրեցինք: Զէին

¹ **Տատրեան Վ.**, Հայկական ցեղասպանութիւնը Խորհրդարանային և պատմագիտական քննարկումներով, Ուսուերտառուն, 1995, էջ 96:

² «Թեհլիրեանի արդարահատոյցը», Պէյրութ, 1981, էջ 185-186:

թողնում, որ մեր դրամով հայ գնեինք...»¹:

Ռուս-թուրքական ռազմադաշտից մի թուրք հազարապետ եկավ Զանդը-ըլը... Սա մեծ հպարտությամբ մեզ ասաց. «Ինչ որ մեր նախկին սուլթանները չարեցին, մենք արեցինք՝ մի պատմական ազգ երկու ամսվա ընթացքում սպա-նեցինք»²:

«Փոքր Ասիայի հայության 3/4-ը ոչնչացված էր,- պատմում է Գ. Պալաք-յանը,- երբ հրաման ստացվեց բնաջնջելու նաև Կաստամոնուի հայությանը, որը հազիվ 1800 տուն կամ 10,000 հոգի էր: Կուսակալ Ռեշադը այդ հրամանն ստացել էր դեռ հուլիսի սկզբին, բայց չէր կիրառում: Նա հրավիրում է քաղաքի մեծամեծ թուրքերին ու հարցնում, թե նրանք հայերից դժգոհություն ունե՞ն: Պատասխանը լինում է բացասական: Դեռ ավելին, նրանք Անկարայի երեկիների նման հանրագիր են ուղարկում Կ. Պոլիս. «Դարեր ի վեր բարի դրացիությամբ և առևտրական շահերով կապված լինելով հայերի հետ, ո՞չ միայն նրանցից չենք դժգոհում, այլև նյութական մեծ կորուստներ ենք կրելու, եթե, Աստված մի' արացե, հայերը տեղահան լինեն»³:

Նման հայտարարությունով հանդես է գալիս նաև վալին: Նա խիստ քննադատության է ենթարկում Իթթիհազի կուսակցական նեղմիտ քաղաքականությունը: Թալեաթն անմիջապես պահանջում է Ռեշադի հրաժարականը: Հուլիսի վերջին Ռեշադը հրաժարական տվեց ու մեկնեց Պոլիս: Նրան փոխարինած Կաղըն Զանդըրը կառավարիչին հրամայեց խստորեն խուզարկել հայերի տները և հավաքել զենքերը: Սեպտեմբերի սկզբին Զանդըրը հայկական թաղերը շրջապատվեցին: Խուզարկությունը որևէ զենք չհայտնաբերեց: Հաջորդ օրը տեղի երիտթուրքական պատասխանատու քարտուղար Յունուսի պահանջով՝ մի ամիս անց նոր խուզարկություն կատարվեց Զանդըրըում, բայց նորից անարդյունք: Նա այնուամենայնիվ պնդեց հայերի տարագրության վրա: Վարդավառ էր և ժողովուրդը գտնվում էր եկեղեցում, երբ կարդացվեց հրամանը. «Երեք օր ժամանակ է տրվում Զանդըրը հայ ժողովրդին՝ նախապատրաստվելու Դեր Զոր մեկնելու համար: Յուրաքանչյուրն իրավունք ունի կնոջն ու երեխաներին նույնպես տանելու կամ թողնելու քաղաքում: Փախչողներն ու թաքնվողները մահապատժի կենթարկվեն»⁴:

Զանդըրըում աքսորված մնում էր վեց մտավորական, որոնք մեկնում են Անկարա՝ Զմյուռնիա անցնելու նպատակով: Այստեղ Աթըֆը Հաջողությամբ ավարտել էր 85,000 հայերի բնաջնջումը և այլս անելիք չուներ: Ուստի Թալեաթը նրան նշանակեց նաև Կաստամոնուի վալի: Նա Քելեկանին ձերբակալում է և ուղարկում Դիարբեքիր՝ իբր ուղմական դատարանում դատվելու, սակայն նրան նույնպես սպանում են ու հայտարարում, թե Սերաստիայի մոտ Կըզըլըրմաքի կամուրջն անցնելիս հանկարծակի «խելազարվել է ու գետը նետվելով անհետացել է»:

Տիրան Քելեկանը թուրքական շրջաններում հանրահայտ գործիչ էր,

¹ «Թե՛ւիրեան արդարահատոյցը», էջ 111-113:

² Նույն տեղում, էջ 120:

³ Պալաքեան Գ., նշվ. աշխ., էջ 153:

⁴ Նույն տեղում, էջ 152-153:

«Սարահ» թերթի խմբագիրը, օսմանյան համալսարանի առաջատար պրոֆեսորներից մեկը: Նա նույնպես Զանդըրը աքսորված հայ մտավորականներից էր: Լսելով, որ իրեն տանելու են Դիարբեքիր, անհանգստանում է, և ոչ առանց հիմքի, թե տանում են սպանելու, նա դիմում է Օսմանիեի փոխկառավարիչ Ասաֆի (որն իր ուսանողներից էր եղել) օգնությանը, որպեսզի ինքն ինչ-որ կերպ կարողանար վերադառնալ Կ. Պոլիս: Ասաֆը պատասխանում է. «Միրելի՛ ուսուցիչ, ինչ-որ կ'ուզէք ընել, ըրէ՛ք շուտով, յետոյ ուշ կ'ըլլայ...»

Հեռագիր մը պիտի ցուցնեմ ձեզի, «Խնկույն հեռագրեցէ՛ք մեզի անձնապէս, թէ Հայերէն դեռ որքա՞ն կենդանի են, որքա՞նը մեռած: ՆԳ նախարար Թալէաթ»: Սա նշանակում է, ասաց Ասաֆը. «Խնչո՞ւ կը սպասէք, ջարդեցէ՛ք»¹:

Ապա ավելացրեց, թե Աղանայի 1909 թ. ջարդերից հետո իրեն մեղադրեցին Հայերին խոշտանգելու համար և «ես մեծ դժվարությամբ ազատվեցի: Չեմ ուզում նորից մասնակից լինել Հայոց ջարդերին»²:

Այսամերժության թուրքական քարոզչությունը կարճ ժամանակում այնպիսի հաջողություն արձանագրեց, որ մի քանի ամիս առաջ Հայերի տեղահանության դեմ բողոքողներն անգամ սկսեցին Հավանություն տալ ջարդերի քաղաքականությանը: Թուրքական գրեթե բոլոր լրագրերը և մտավորականները բացերաց ողջունում էին այդ քաղաքականությունը, ամենազգրելի լուսանքներ թափում խողխողված ժողովրդի հասցեին:

Զանդըրը Հայերին սկզբում առաջարկեցին իալամությունն ընդունել: 9/10-ը մաշը գերադասեց: 1916-ի փետրվարի 13-ին նրանց ճանապարհ Հանցին դեպի Դեր Զոր՝ արհամարանքով շպրտելով. «Պետության և ազգի թշնամիների վախճանն այս է լինելու»: 45-50 հոգուց կազմված կարավանում ոմանք ձիռվ, մյուսները ավանակով, շատերը հետիւտն էին գնում: Կոնխայում նրանց գնացք նստեցրեցին ու տարան Զորում: Մի թրքուհի այդ Հայերին տեսնելով բացականչեց. «Անիծյա՛լ լինեն ... Անմեղ ժողովրդին սպանելու են տանում: Եկող թշնամին վաղը նույն բանը մեզ հետ է անելու...»³:

Կաստոմնուի հայ տարագիրները գիշերում են զզլրաշ քրդերի մի գյուղում և սրտացավ վերաբերմունքի արժանանում, իսկ երբ հասան Յողղաթ, նրանց լցրեցին կիսավեր իշխանատան մի փոքր մենյակ ու դռները փակեցին: Հարյուրագետը զինվորներին կարգադրեց. «Հանկարծ չիմանամ թե թույլ եք տվել, որ որևէ մեկը այս չներին հաց կամ ջուր է բերել, թող քաղցած ու ծարավ մնան, որ իմանան, թե ապստամբեն ի՞նչ է»⁴:

Ավլարում բնակվող 5000 հայեր սպանվեցին, գրում է Հանրի Բարբին, իսկ հայ կաթոլիկներին աքսորեցին Կոնիա և ապա միայն բռնագաղթեցրին կանանց ու երեխաներին: «Նրանց լցրեցին բեռնատար վագոններն ու մի ամբողջ շարաթ պահեցին կայարանում՝ որևէ ուտելիք չտալով: Եվ երբ գնացքը վերջապես շարժվեց, նրանց մեծ մասն արդեն մեռած էր»⁵:

¹ «Թե՛լիրեան արդարահատոյցը», էջ 192-193:

² Պալաքեան Գ., նշվ. աշխ., էջ 116:

³ Նույն տեղում, էջ 185:

⁴ Նույն տեղում, էջ 192:

⁵ Բարբի Հ., նշվ. աշխ., էջ 52:

ԱՐԵՎՄՏՅԱՆ ՎԻԼԱՅԵԹՆԵՐ

Լեփսիուսի «Գերմանիան և Հայաստանը» գրքում զետեղված են ֆոն Տիցկայի սեպտեմբերի 17-30-ի զեկուցագրերը: Դրանցից մեկում կարդում ենք. «Իզմիտի, Բուրսայի և Կաստամոնուի ծայրագույն արևմտյան շրջաններից 250 հազար հայերի բռնությամբ տեղահանել և տարել են Հալեպ՝ Դեր Զոր, Համա, Մոսուլ և նույնիսկ մինչև Հավրան ուղարկվելու համար: Զեթեների խմբեր էին գնում նրանց հետևից»¹:

Ըստ Օրմանյանի, Իզմիտի սանջակում և Բուրսայի նահանգում բնակվում էր 165 հազար հայ, իսկ թուրքական պաշտոնական վիճակագրությունն այդ նահանգներում հայերի թիվը նշում է 120.853 հոգի:

Պատրիարքարանի տվյալներով՝ 1903 թ. Իզմիտի շրջանում բնակվում էր 90483, իսկ Բուրսայում՝ 104160 հայ: 1915 թ. Բուրսայում կար 14800 հայ:

Իզմիտն անկախ սանջակ էր և բռնագաղթի վերաբերյալ հրամաններն ուղղակիորեն ստանում էր Թալեաթից կամ Պետական անվտանգության տնօրեն Ազիզ բեյից:

Բուրսայի վիլայեթն ուներ հինգ սանջակ՝ Բուրսայի, Էրժօղրուլուի, Քեռ-թահիայի, Ալիոն Կարահիսարի և Բալըկեսիրի:

Իզմիտում և Բուրսայում կար 42 հայաբնակ գյուղ, 88 լուսավորչական, 12 կաթոլիկ և բողոքական եկեղեցիներ: 1901 թ. դրանք ունեին 63 դպրոց, 12578 աշակերտ, 297 ուսուցիչ: Պարտիզակում, Բուրսայի և Բալուի շրջաններում կային 40 եկեղեցի և 61 մատուռ: Բութանիայի թեմի մեջ մտնում էին Պարտիզակը, Իզմիտն ու Աղաբաղարը: Այսուղի էր Արմաշի կրթական համալիրը:

Բուրսայի վալին 1915 թ. մայիսի 12-ին հեռագրեց Ա. Պոլիս. «Ճարագրված հայերի թվի մասին մանրամասներ չունենք»²:

«Մեր քաղաքներում արձանագրված են հայեր՝ Բուրսայի կազայում՝ 6415, Գեմլեյիգում՝ 1307, Բազար Քենյում՝ 22600, Կարաջա Բեյում՝ 974. Մութանիայում՝ 99, Ալիոնոսում՝ 6, Կիրմաստիում՝ 995: Ընդամենը սանջակում՝ 32396:

Էրժօղրուլուի սանջակում՝ էրժօղրուլուի կազա՝ 7727, Սեղեողի՝ 7676, Իյնե Գյոլի՝ 7244, Ենի Շեհիրի՝ 1710: Ընդամենը՝ 24357: Քեռթահիայի սանջակի կազաներ՝ նույնանունի՝ 2759, Էսկի Շեհիրի՝ 3878, Ուշակի՝ 1092: Ընդամենը սանջակում՝ 7729, Վիլայեթում՝ 66482 հայ:

Իզմիտի սանջակի կազաներում՝ Իզմիտի՝ 23430, Աղաբաղարի՝ 16034,

¹ Ղազարեան Հ., նշվ. աշխ., էջ 155:

² Նույն տեղում, էջ 159:

Գեյվեի՝ 8274, Յալովայի՝ 3253, Կարամյուրսելի՝ 2753, Կանդրայի՝ 626: Ընդամենը՝ 54370:

Այս թվերի մեջ չեն մտնում գորակոչված շուրջ 10 հազար հայերը, ինչպես նաև մինչև տարագրությունը բանտարկվածները՝ 6000 հոգի»: Մութեսարիֆ Թահափինը նաև հայտնեց, որ բոլոր հայերն աքսորվում են: Տարագրվածների ցուցակներում նշված էին բնակավայրը, աքսորի թվականը, ծննդյան թիվը, սեռը: Շուտով Դեր Զորից ստացվեց հեռագիր՝ «500 անձինք եկել են խառն՝ Աղաբաղարից, Իզմիտից և Բուրսայից»¹:

Նիկոմեդիայի (Իզմիտ) Պարտիզակ քաղաքը հայ մշակույթի հայտնի կենտրոններից էր: Նրա մտավորականության մեծ մասը նույնպես զոհ գնաց ցեղասպանությանը:

Այս երկրամասում չեթեական կազմակերպություններ ստեղծվեցին տարագրությունից յոթ ամիս առաջ: Ահա՝ այդ մասին մի քանի ծածկագրեր:

1914 թ. նոյեմբերի 13. Մ. Շյուքրիին. «Հարգելի՝ եղբայր.

Իզմիտի, Բուրսայի, Բանդրմայի, Բալըկեսիրի և Հարմարագույն մյուս վայրերում, (Իթթիհաղի) պատասխանատու քարտուղարների միջոցով մեկ շաբաթվա ընթացքում թաքուն կանչեցե՞ք պահանջված հատկանիշներ ունեցող անձանց և գիտցե՞ք, որ նրանց հավաքագրելը հնարավոր է:

«Թաշքիլաթը մախսուսայի» կենտրոնի անդամներ՝ Ազիզ, Աթրֆ, Նազրմ, Խալիլ»²:

Նոյեմբերի 15-ին. «Իզմիտի մութեսարիֆության երեք պետերի (չեթեաշխների) ընտանիքներին 15-ական ոսկի տվե՞ք: Դրամը հանձնված է փոստ: Այս հեռագիրն ուղարկող պաշտոնյային ցույց տվե՞ք ավաղակության համար պատրաստ 100 հոգուն, զինվորի ծածկանունով ճանապարհ հանե՞ք և մեղ տեղեկացրե՞ք: Բանտարկյալներին բանտից հանելու համար նախարարությունը հրաման կուղարկի:

Խալիլ»:

Իզմիտը «Թեշքիլաթի» կազմակերպման առաջին կենտրոններից էր: Ռազմական դատարանում ընթերցված 67-րդ հեռագիրը Խալիլը հասցեագրել էր Իզմիտի մութեսարիֆին և հաստատում էր այն իրողությունը, որ մութեսարիֆն անձամբ էր նշանակել չեթեական հրոսակախմբերի պետերին և բանտերից հանել տվել ոճրագործ մարդասպաններին:

Որ իթթիհաղն ու ՆԳ նախարարությունը չեթեական խմբեր էին կազմակերպում, նշված է նաև Իթթիհաղի քննիչ Մուսայի 1914 թ. նոյեմբերի 20-ի հեռագրում՝ ուղարկված Մ. Շյուքրիին³:

Բուրսայում Իթթիհաղի ներկայացուցիչը 1914-ի դեկտեմբերին գրում է կուսակցության ընդհանուր կենտրոնին, թե ոճրագործներին ու ավաղակներին գրանցելու են «Թեշքիլաթի» մեջ: Ռազմական դատարանը նույնպես արձա-

¹ Ղազարեան Հ., նշվ. աշխ., էջ 160:

² Նույն տեղում, էջ 161:

³ Նույն տեղում:

նագրեց, որ «այդ չեթեները հայ տարագիրներին բնաջնջելու համար գործածվեցին»¹:

Ֆոն Տիգկան գրում է, որ այդ ավագակները լայն գոտիներ էին կրում և հետևում էին տարագիրների կարավաններին ու ամեն տեսակի ոճրագործություններ կատարում²:

Այս շրջանների տարագրյալների խյակները հասան Դեր Զոր, Միաղին, Աբու Քեմալ: Մի քանի հազար հոգի փախան Ամանոսի լեռները և մի կտոր հացի համար ծանր աշխատանքի անցան գերմանացիների մոտ Այրան-Բաղչեում: Սակայն Բարձր Դուռը Նրանց այստեղ էլ հանգիստ չթողեց և Հալեպից պահանջեց տարագրել: Այդ բովանդակությամբ հեռագրեր ստացվեցին 1917 թ. նոյեմբերի 6-ին, դեկտեմբերի 27-ին, 1918 թ. մարտի 13-ին, 19-ին և ապրիլի 1-ին: Նրանց բոնագաղթեցրեցին և Այրանից Մարաշ տանող ճանապարհի երկայնքի անտառներում սպանեցին:

Զարդարարների պարագուլիներն էին Կարամյուրսելի գայմագամ Նեջդին, ժանդարմերիայի հրամանատար Մ. Ջեմալը, մյուֆթի Ահմեդը, Պարտիզակի կառավարիչ Ա. Շուտուրին, չեթեապետ Մեհմեզէն, նաև Իզմիտի մութեսարիֆ Մազհարը, կենտրոնական բանտի տնօրին Իբրահիմը, որն իր ավագակներով տարագրեց Իզմիտի, Պարտիզակի, Օվաջըկի, Աղաբազարի և դրանց մերձակայքի հայությանը: Ժանդարմերիայի հրամանատար Ֆայիզը Բուրսայի իթթիհաղականների ղեկավար Ա. Միդհադը, Երեսփոխան Ալի Ռիզան, վալի Օսմանը, ոստիկանության պետ Խսմայի Զակկըն և մի քանի ուրիշ պաշտոնատարներ նույնպես տարագրության իրականացման գործում ղեկավար ղերխաղացին:

1915-ի օգոստոսի 4-ին Զենգիերի 1200 ընտանիքների տղամարդկանց գյուղից հանեցին ու սպանեցին, իսկ Բուրսայից 300 տղամարդու տեղահանման անվան տակ 30 մղոն տարան և Աղրանոսում խոշտանգելով սպանեցին: Բուրսայի նահանգում գտնվեց միայն մի թուրք՝ բանաստեղծ Ֆայիզ Ալին, որը լինելով Քենթահիայի կառավարիչ, մինչև իր հրաժարական տալը՝ մոտ 10 ամիս, կարողացավ գոնե մասամբ պաշտպանել տեղի հայերին:

Կոտորածներից փրկվեց՝ Բանդրմա-Բալքեսիր՝ 5000, Բիլեջիք՝ 2000, Գեյվե՝ 1000, Աղաբազար, Իզմիտ, Պարտիզակ՝ 7500 հայ, ընդամենը՝ 15.000 հոգի, այսինքն հայերի 10 տոկոսը: Նրանց հասցված նյութական վնասը կազմեց 250 մին դոլար:

«Իզմիթի նահանգին (սանջակից) 180.000 հոգի տարագրուեցան ղէպի Քարամանը՝ մահուան գիրկը նետուելու համար: Պուրտուրի, Սպարթայի մէջ, հոկտեմբերին, հայերը բնաջնջուեցան: Սպաննելէ յետոյ այրերը՝ թուրքերը բռնաբարեցին կիները եւ յետոյ նետեցին զանոնք տղոց հետ խորխորատներու մէջ»³:

Թրակիայի հայերին ուղարկեցին Անատոլիա, բայց ճանապարհին նրանց անհետացրին:

¹ «Takvim-i Vekai», № 3540.

² Ղազարեան Հ., նշվ. աշխ., էջ 162:

³ «Յուշամատեան Մեծ Եղենի», էջ 1071:

Ռ. Պինոնը գրում է, որ Սպարտայում Հայերին ոչնչացրեցին 1915 թ. Հոկտեմբերին:

Երբ Իզմիտից տարագրված Հայերը չկարողացան պահանջված գումարը վճարել, սայլապանները հարձակվեցին նրանց վրա: Դեպքի վայրը հասած թուրք սպան հրամայեց յոթ Հայի հրացանազարկ անել: Ժանդարմները հրաժարվեցին այդ հրամանը կատարել: Սպան Հինգ Հայի ուղարկեց լեռները, որտեղից նրանք այդպես էլ չվերադարձան¹:

Պատմում է ականատեսը. «Գարնան ծառերը ինչպես կը հատեն հատոցով, արինծարաւ ամբոխը կացիններով, սակրերով, բահերով ու բրիչներով յարձակուելով թշուառ կիներու եւ երեխաններու 40-է աւելի սա խումբին վրայ՝ կը սկսին չարչարանօք կոտորել եւ կտրտել ասոնց մարմիններուն դուրս մնացած բոլոր մասերը՝ քիթ, ականջ, ոտք, ձեռք, մատներ, ուսեր... Մանուկները մայրերուն աչքին առջեւ քարերու կը զարնեն «Ալլահ, Ալլահ» պոռալով»²:

Գերմանացիները թուրքիայի հյուսիսային շրջանում, Պուտիկ ոչ հեռու՝ Աղի Բունար, Պելկրատ օրման, Կուրդ Քեմերի բնեղ, Քեմերի Բուրգազ, Վոլֆի գլխավորությամբ աշխատանքային ճամբար էին կազմակերպել, որին ուղամական նախարարությունը տրամադրել էր 150.000 Հայ և արաբ զինվոր՝ ճանապարհներ և կամուրջներ կառուցելու ու զանազան գույքեր պատրաստելու համար:

Դա առաջին համակենտրոնացման ճամբարն էր, ֆաշիստականի նախատիպը, որտեղ կյանքի ծանր պայմանների պատճառով մի քանի ամսվա ընթացքում 100-120 հազար Հոգի մեռավ ու ոչնչացավ:

Պատմում է թուրքական բանակի բժիշկը. «Միայն, երեք շրջանի մէջ մեր տեսած անթաղ դիակներու թիւը 220է անց էր: Գիւղապետները կը վստահեցնէին մեզ, թէ տակաւին շատ աւելի դիակներ կային մացառներուն մէջ ... Բժիշկներս այն եղրակացութեան եկանք, որ այդ զինուորները անօթութեան, մերկութեան ու յոգնութեան պատճառով այն աստիճան մաշած եւ յուսահատած ըլլալու էին, որ իրենց խաչելութեան վերջ տալու համար կամովին մացառներուն խորը եւ ժայռերու խոռոչներուն մէջ կծկուած եւ օրհնեալ մահուան գալուստը սպասած էին...»:

Երբ այդ մասին Վոլֆին ասացին, նա պատասխանեց. «Ես ժամանակ չունիմ մարդկային դիակներով զբաղվելու ...: Ինձ 150 հազար զինվոր է տրված հանձնարարված գործը արագ կատարելու համար՝ մինչև անգամ ի զին այդ 150 հազար կյանքին...»:

Վոլֆը կարգադրում է քաղցած զինվորներին՝ մի վիթխարի ժայռ գլորել կառուցվող կամքջւ հիմքում զնելու համար: Զինվորների առաջին խումբը չի կարողանում անել. Վոլֆը «մէջքէն ատրճանակը հանելով, գնդակահարած էր զանոնք եւ հրամայած էր ուրիշներուն, որպէսզի իրենց ընկերներուն դիակները մէկ կողմ զնելով փորձէին ժայռը գլորել: Անոնք ալ նախորդներու բախտին արժանացան...»³:

¹ R. 14088, Ab. 30049:

² Լեփակուս Յո., նշվ. աշխ., էջ 127:

³ «Յուշամատեան Մեծ Եղեռնի», էջ 641-642:

Այս 150.000-ից երեք ամսում մեռավ 16.000-ը, մնացածների հիմնական մասը մեռավ գարնանը:

Մեծ թվով հայեր էին օգտագործվում Դարդանելի նաև ուրիշ շրջանում՝ պաշտպանական կառուցների շինարարության վրա¹:

«Սկիզբէն ի վեր,- գրում է ականատեսը,- այս բանուորական վաշտերէն ղրկուած զինուորները, թէեւ տկար, թէեւ մաշուած, որովհետեւ ո՛չ պատշաճ սնունդ, ո՛չ առողջապահական տարրական պայմաններ ունէին, արեւածագէն մինչեւ արեւամուտ չարաչար կ'աշխատէին, առանց որեւէ դադարի»: Ամեն օր նրանցից մի քանիսը մեռնում էր:

Հայերին ու արարներին այս ծանր պայմաններում հյուծելով ու մեռցնելով՝ թուրքերը հարատանում էին, գերմանացի սպաները նոր չնորհների էին արժանանում: «Բնական մահվան» էին դատապարտվում հայն ու արարը: Նման ճամբարների տարածքները ծածկված էին դիակներով:

«Դիակներէն ոմանք տակաւին ժայռի կտորներ կոնակնին կապուած՝ չորցած մնացած, ուրիշներ գիշատիչ գաղաններու եւ թուչուններու կողմէ բզկուած, ոմանց փորը պատուած եւ փորոտիքը դուրս թափուած, ուրիշներուն թեւերն ու սրունքները մարմինէն անջատուած եւ ծամծմուած, շատերուն դէմքը կրծուած, աչքերը փորուած, առանց քթի եւ շրթունքի»²:

Նույն բանը վկայում են նաև օտար աղբյուրները: Կ. Պոլսի հունական դեսպանությունը 1915 թ. հունիսի 6-ին հայտնեց. «...Ավելի քան 60.000 անգեն զինվորներ աշխատում են մի քանի ամրություններ կառուցելու վրա... Նրանց 90 տոկոսը հույներ են, մնացածը՝ հայեր, մի քանի հրեաներ և թուրքեր:

Վերջիններս օգտագործվում են թեթե աշխատանքներում, այն էլ՝ որպես վերակացուներ: Նրանց արգելում են ծանր աշխատանքներ կատարել, դրանք վերապահված են քրիստոնյաներին...

Մնունդն անտանելի է և անկանոն: Ով չի ուզում սովից մեռնել՝ սնունդ է գնում, իսկ ովքեր միջոցներ չունեն, հավանաբար մեռնում են հյուծվածությունից»³:

Հյուծվածության օգնությամբ հայերին մեռցնելը կարևոր տեղ էր գրավում «հայերի հարցն իր ձևով լուծելու», «տերություններին կատարված փաստի առաջ կանգնեցնելու» Թալեաթի ծրագրում:

ՆԻԿՈՄԵԴԻԱՅԻ հայկական գյուղերում բնակվում էր 70.000 հայ: Այստեղ հայերը ոչ միայն մեծ թիվ էին կազմում, այլև համախումբ էին: Զբաղվում էին երկրագործությամբ, շերամապահությամբ և ծխախոտի մշակմամբ: Հայերը զինված էին, գրեթե բոլոր տղամարդիկ կրում էին ատրճանակ կամ զաշույն, նրանց անվանում էին եֆե, որ նշանակում էր քաջ: Նիկոմեդիայի հայերին խեղճացնելու համար այստեղ բնակեցրեցին չերքեզներ և լազեր: Նրանց իրավունք տրվեց «ազատորեն կողոպտելու և սպանելու հայերին», բայց հայերը միահամուռ հակահարված տվեցին: Նրանք ձախողեցին նաև ուժացման թուրքական

¹ Որբերյան Զ., Յուշամատեան, էջ 636:

² Նույն տեղում, էջ 639:

³ «Բնորրան», 1995 թ., № 1, էջ 11:

քաղաքականությունը, քանդի բոլորը հայերեն էին խոսում: Սակայն 1915-ին նրանք բոլորը տարագրվեցին: Աքսորի ճանապարհին նրանցից ոչնչացվեց 55.000-ը: Նահանգում եղան նաև ընդգումներ, հայդուկային կոիվներ, բայց առանց լուրջ հաջողության: 45 հայկական գյուղեր լրիվ դատարկվեցին:

Աղարազարը նույնպես թուրքերը օգտագործում էին ապացուցելու, թե հայերն ապատամբություն էին նախապատրաստում: Թալեաթը գրում է. «Աղարազարում երևան հանգեցին հազարավոր ոռոմքեր, մասուղերներ և հրացաններ, ոստիկանական համազգեստներ, ոռոմք պատրաստելու մեքենաներ ու գործիքներ... Կոմիտեի ձերբակալված պետերը հայտարարեցին, որ երբ ոռուները հասնեին Սաքարիայի գետաբերանին, օսմանյան բանակի դիմադրությունը կոտրելու նպատակով այդ կուտակված զենքերը գործածվելու էին երկրի ներսում խռովություններ առաջացնելու համար»:

Մեծ եղեռնի նախօրյակին՝ Աղարազարի 30.000 բնակչի կեսից ավելին հայեր էին, որոնք կենտրոնացած էին և. Հրեշտակապետի, և. Կարապետի, և. Լուսավորչի և և. Ստեփանի թաղերում: Նրանք ունեին իրենց դպրոցները, մշակութային հաստատություններն ու կազմակերպությունները, մամուլը:

Ա. Ճեպեճյանը գրում է, որ Աղարազարում կար 3000 տուն հայ՝ 16-18000 հոգի¹:

Աղարազարի ամբողջ հայ բնակչությունը տեղահանվեց: Նրանցից միայն 4000-ը պատերազմից հետո վերադարձավ:

Ահա թե Աղարազարի մասին ինչ է պատմում Ենովք Արմենը, որն այդ տարիներին այնտեղ ուսուցիչ էր աշխատել:

1915 թ. փետրվարին Աղարազարում ձերբակալեցին վտանգավոր ու կասկածելի մարդկանց և աքսորեցին Սուլթանին: Մահմեդականների վրեժինդրությունը գրգռելու նպատակով տարածում էին «Փոլիս մեջմուասի» թերթը՝ թուրքին սպանող հայի լուսանկարներով ու հայերի գաղանությունների մասին պատմություններով:

«Մթնոլորտը էլեկտրականացած է, երկու ցեղերու ոխերիմ իրար ատելութիւնը լարուածութեան բարձրակէտ սաստկութեան հասցնելով: Մէ կողմը՝ պետական դաւի չարժումէն խրախուսուելով արինածարաւ դահիճի կատաղութիւնով փրփրած խուժանը, միւս կողմը՝ զոհի ողորմուկ դիրքէ վրեժինդրական համք զայրագնումէ մոլեգնած, ակոայ կճրտացնող նոխազը»²:

Դա այն պահն էր, երբ տվյալ բնակվայրում դեռևս որևէ իրադարձություն տեղի չէր ունենում, նույնիսկ զրանց նշանները չէին երևում. «Կան միայն պտտուող զրոյցներ կախաղաններու, վայրենաբարոյ սպանութիւններու, ելուղակային (չեթե) շահատակութիւններու մասին»:

Բալըկեսիրցի մի հայ սպա փախչում է՝ ասելով. «Յեղիս արիւնին ծարաւ այդ հրէշներուն չեմ կրնար ծառայել»: Դատում են և վճռում՝ մահապատիժ կախելու միջոցով: Նույն վճիռն է կայացվում նաև նրա քահանա հոր վերաբերյալ՝ որպես դասալիքի թաքցնողի:

¹ (Ճեպեճյան Ա.), նշվ. աշխ., էջ 22:

² «Յուշամատեան Մեծ եղեռնի», էջ 602:

Հոր և որդու այս կախաղանն առաջինն էր: Ապա պատերազմական նպատակներով բռնագրավեցին Կենտրոնական, Հայունյաց, Աղջկների բարձրագույն վարժարանների շենքերը: Պարտիզակից գալիս է այնտեղի հայերին տարագրած, Պոլսի բանտերի նախկին՝ տնօրեն Կ. Իբրահիմը, որը նույն օրվա երեկոյան քաղաքի հրապարակում հինգ ոստիկանով զորատես ու մարտական վարժություններ է անցկացնում: Քաղաքը պաշարվեց, ոչ մի շարժում: Զերբարկալվում են 200-300 հայեր ու փակվում Ս. Կարապետի եկեղեցում:

Զերբարկալվածները քաղաքի մտավորական ու երևելի անձինք էին: Հաջորդ օրը եկեղեցի է գալիս Իբրահիմը և ներկայանում որպես ՆԳ նախարար Թալեաթի ներկայացուցիչ, որին պարտավոր են ենթարկվել տեղական իշխանությունները:

Նա ճառ ասաց. «Ես չեթէներու պետ եմ եւ երկար ատեն կը գործեմ Մակեդոնիայի շրջաններուն մէջ... Ես ինքս ալ քոմիթէնի եմ... Զկայ բան մը, որ ինձի անձանօթ ըլլայ: Կը ճանչնամ ձեր քոմիթէնիներուն ալ, Դրօշակ, Հնչակ և միւսները: Անոնց պետերէն շատերը վաղեմի ընկերներս եղած են: Իրենց հետ գործակցած եմ, երբ մեր շահերը հաշտ էին: Բայց հիմա անոնք կառավարութեան դաւաճանած ըլլալուն՝ մենք անոնց դէմ ելած ենք:

Այս քաղաքը եկած եմ եղեր հնչակեաններու հետ զէնք բաժնելու եւ գիտեմ, թէ որո՞նք գէնք գնած են... Հիմա եկած եմ այդ ոումբերը եւ զէնքերը մէջտեղ հանելու... 55 հատ ոումբ եւ 250 մասուղեր կ'ուղեմ: Անոնք եթէ մէջտեղ հանէք, պատիւխ վրայ խոստում կու տամ' բնաւ վնաս մը չի հասնիր ձեզի: Բայց եթէ պահէք, վերադարձնել չուզէք, խարերայական միջոցներու դիմէք, գիտցած եղէք, որ ամէն տեսակի չարիքներ կը թափեմ ձեր զլխուն:

... Ներքին գործոց նախարարութեան կողմէ լիազօրութիւն ունիմ ուղած ընելու: Անշուշտ լսած ըլլալու էք Պարտիզակի մէջ ըրածներս: 300 հոգի, մարդ, կին լեցուցի եկեղեցին, ծեծեցի, չարչարեցի. գետինը պառկեցուցի, սատկելու աստիճանի ոսկորներնին կոտրտեցի, մինչեւ որ զէնքերնին մէջտեղ հանեցին... Նայեցէ՛ք, որ դուք ալ պարտիզակցիներու վիճակին չենթարկուիք...

Գիտցած եղէ՛ք, որ ձեզ մինչեւ Մոսուլի անապատները, մինչեւ (Դեր) Զոր կ'աքսորեմ. Զեղ ամէնքդ մէկ՝ կնիկովնիդ, զաւակովնիդ Սաքարիայի մէջ կը թափեմ»¹:

Նա իսկապես՝ մեծ լիազորություն ուներ: Նրան ամենուրեք հասարակությանը ներկայացնում էին «ՆԳ նախարարին... կողմէ կու գայ եւ լիազօրութեան հրահանդներ ունի: Մինչեւ անգամ գայմազամին կրնայ հրամայել»²:

ՊԱՐՏԻԶԱԿՈՒՄ զորակոչիկների առաջին խումբը խանդավառ, «Լուսին չկա, մութ գիշեր է» Հեղափոխական երգը շրմներին բանակ մեկնեց: Շուտով զլուղարզաքն ու զյուղերը տղամարդկանցից դատարկվեցին:

1915 թ. ապրիլին այստեղից քսան մտավորական աքսորվեց Միջազետք՝ առանց մեղադրանք հարուցելու ու դատի: Մայիսին սկսեցին զենքերը հավաքել: Հայերը որոշ քանակությամբ զենք հանձնեցին, բայց դա չբավարարեց:

«Վարդավառի շաբաթ օրը 40 եւ աւելի պաշտպուկ թուրքեր (չեթէներ),

¹ «Յուշամատեան Մեծ Եղեռնի», էջ 605:

² նույն տեղում:

առանց համազգեստի գինուորներ, ձեռքերնուն ունենալով միայն ճերմակ գօտի մը, Պարտիզակը պաշարեցին: Յետոյ կառավարչատուն հրաւիրեցին 50 եւ աւելի անձեր՝ վարդապետ, քահանայ, տեղույն իտարէի եւ պելետիէի հայ անդամներ, թաղական խորհուրդը, հոգաբարձութիւնը, մուխթարները եւ կարգ մը երիտասարդներ»¹: Իրահիմը պահանջում է Հանձնել բոլոր զենքերը: Հավաքվածներին շղթայակապում ու լցնում են վարժարանին շենքը: Թաց ճոկանների խորձ և դույլերով ջուր են բերում: Քաղաքից դուրս գտնուող պարտի- գակցիներն այդ ընթացքում սպանվում էին:

Ձենք Հանձնելուց հրաժարվողներին պառկեցնում էին և ճիպոտներով հար- վածում: Գանակոծվեցին նաև նրանք, ում կասկածում էին կուսակցական պատկանելության մեջ:

Խուզարկեցին եկեղեցին և քանդուքարափ արեցին: Մեկ շաբաթում զյուղից 70 գենք հավաքվեց: Դա բավական էր, որպեսզի թալեաթը գրեր. «Իզմիտն ու դրա շրջապատը, մանավանդ Պարտիզակ գյուղը, ընտրվել էին իրեն ապստամ- բական շարժման կենտրոն: Հայ հրոսակները Յալովայի կողմերը շատ թուր- քեր սպանեցին»²:

Մի քանի օր անց քաղաքում հրապարակվեց հետեւյալ հրամանը. «Հայ ժողովուրդն անվստահելի է. երկիրը պատերազմի մէջ է, թշնամին Պոլսոյ դոները կը ոմբակոծէ: Ուստի զինուորական նախազգուշութիւններու հիման վրայ, պէտք տեսնուած է հեռացնել Հայերը ծովեղերքներէն հեռու, երկրին ներսերը՝ Պիեճիկ, Էսկիշեհիր, Գոնիա»: Դա մայիս ամիսն էր:

Պարտիզակ գյուղը վերածվեց շուկայի: Ամենուրեք կողոպուտ էր, որի հե- ղինակը թուրքերը, լազերը, զյուրջիները (մահմեղական վրացիները), չերքեղ- ները և թաթարներն էին: Գյուղի ողջ հայ ընակչությանը (2000 հոգի) հրամայ- վեց երեք օրից ճամբար ընկնել, նաև հրամայվեց շարժական ունեցվածքը հա- վաքել եկեղեցիում, բողոքականների ժողովարանում կամ ամերիկյան վարժա- րանում՝ հավաստիացումով, թե վերադառնալիս դրանք հետ կստանան: Ոմանք իրենց կահ-կարասիները հանձնեցին ծանոթ կամ հարևան մահմեղականներին:

Ժողովուրդն իջնում է Սեյմեն նավահանգիստը, որտեղ կողոպուտը շարու- նակվում է՝ նավի տոմսեր վաճառելու պատրվակով: Իզմիտից հրաման է ստացվում, թե զինվորականների ընտանիքները պետք է տեղում մնան: Միայն մի քանի ընտանիքի թույլատրվեց վերադառնալ Պարտիզակ, մյուսներին ցրեցին մահմեղական զյուղերում: Իսկ ծերերին, հաշմանդամներին ու հիվանդներին հավաքեցին շերամատանը: 200 ընտանիք թաքնվեց Իզմիտում:

Մասացածներին քշեցին անհայտ ուղղություններով՝ Կոնիա, Էրելի, Խալա- չիե, Քաթմա, Մեսքենե, Ռաս-ու-Այն, Դեր Զոր, Մոսուլ, Քիրկուկ:

Նույն բախտին ավելի շուտ արժանացել էին Նիկոմեղիայի մյուս զյուղերի հայերը: Սակայն ամենածանր հալածանքների ենթարկվեցին Պարտիզակի

¹ «Յուշամատեան Մեծ Եղեռնի», էջ 309:

² Թալեաթի հուշագրությունները, էջ 71:

Հայերը: Վերջինիս կառավարիչ Ալի Շուտուրը ճիվաղ էր: Նա բռնությամբ կնության վերցրեց մի հայ աղջնակի:

Նիկոմեդիան անվանում էին «Փոքրիկ Հայաստան», որտեղ Պարտիզակն առանձնակի դեր ուներ: Պարտիզակցիները զինված մասնակցություն էին ունեցել մարտի 31-ի հակահեղափոխական հեղաշրջումը Ճնշելուն, պարտիզակցի երիտասարդությունը մշտապես հաղթել էր մահմեղական բաշիբողուկների ու չեթեների դեմ կոիվներում:

Նիկոմեդիայից տարագրված չուրջ 70 հազար հայությունից փրկվեց և վերադարձավ 15 հազարը, իսկ Պարտիզակի 12 հազարից՝ միայն 2000-ը, որոնց էլ հաշվեհարդարի ենթարկեցին քեմալականները:

Պարտիզակում տեղահանության դեմ բարձրացան 250 հայ զինված երիտասարդներ՝ Զալբը Կարապետի զլսավորությամբ: Եռանդուն էր գործում Օվաճրգցի Տոնիկի խումբը, որն ուներ 60 մարտիկ և պատերազմի ամրող ընթացքում գործեց լեռներում ու ցրվեց քեմալականների գերակշիռ ուժերի հարվածներից: 1920 թ. օգոստոսի 1-ին Իզմիտի ծոցում, անգլիացիների աչքի առաջ անհավասար մարտում այդ ջոկատի հիմնական կազմը զոհվեց:

ԻԶՄԻՏ. — 1915 թ. օգոստոսի 15-ին Իզմիտ է հասնում Կ. Պոլսի հայ մտավորական-աքսորյալների առաջին խումբը, հիմնականում Սամաթիայի հնչալանները: Նրանց մեջ էր Արտաշես Հարությունյանը, որին Պոլսի բանտում դաժանաբար խոշտանգել էին: Երբ նրա հայրը բանտարկված որդուն տեսնելու է գնում, նրան նույնպես բռնում են ու աքսորում:

Իզմիտի երկաթուղային կայարանից ձերբակալվածներին բանտ հասցրեցին ծեծելով: Քանի որ Հարությունյանն ի վիճակի չէր քայլել, նրան ընկերները շալակած էին տանում: Այստեղ էլ իբրահիմը նրան ու հորը գաղանաբար խոշտանգեց, իսկ սեպտեմբերի 1-ին երկուսին էլ խժդություններով սպանեցին Իզմիտի ու Դերբենդի արանքում:

Իզմիտում ևս կախաղաններ կազմակերպվեցին:

Պատմում է Կոլաշեր. «Իզմիտի 37 ընտանիքներ, այդ թվում նաև Հարուստ ընտանիքներ, բարձրագույն կրթությամբ հարյուրավոր մարդիկ...», բարձրագույն ուսումնարանն ավարտած օրիորդներ, որոնք սովոր էին հաճույքների ու հանգիստ կյանքի, բնակարաններից դուրս են չպրտված և հոտերի նման քշվում են փոքրասիական անապատները: Նրանց խնդրանքին, որ իրենց թույլ տան մեկնելու Գերմանիա, Ավստրիա կամ Ամերիկա, երիտթուրք «քաղաքակիրթները» պատասխանել են սվիններով ու անպատկառ հավաստիացումներով, թե «անապատներում ավելի լավ կլինի»¹:

Իզմիտում թուրքերը հրդեհեցին 1500 տուն ունեցող հայկական թաղը և հայտարարեցին, թե այդ գործը հայերն են արել: Իսկ հայերն անտրտունջ տանում էին սաղրանքներն ու բռնությունները, առանց անգամ ընդդիմանալու փորձի: Բուլղարիայի դեսպանը գրում է. «Թուրքիայի հայ բնակչության այս վարմունքը ընդհանուր զարմանք է առաջացնում»: Նման կեցվածքը «բա-

¹ "Геноцидът над арменците", ф. 321, оп 1, д. 2462, с. 32-35.

ցատրելի է միայն, մի կողմից, նրա բնավորության խաթարումով, որը տեղի է ունեցել թուրքական դարավոր լծի հետևանքով և, մյուս կողմից, իր առաջնորդների փայփայած հույսին հավատալով, թե այնուամենայնիվ, այդ բնակչության մի մասին խնայելու են»¹:

Դեռ նոր էին սկսվել տեղահանությունները, երբ Նիկոմեդիայի թեմի առաջնորդ Ստեփանոս եպս. Հովակիմյանը շտապեց Պոլիս՝ ծանոթ շրջանների օգնությամբ կանխելու թեմի ժողովրդի տեղահանությունը: Նա դիմեց իր վաղեմի ծանոթին՝ Ավստրիայի դեսպանին. «Եթե իմ հոտից վնաս հասնի կառավարությանը, նախ ինձ կախեցե՞ք, ապա ամբողջ ժողովրդին»: Պատասխանը լինում է. «Մենք Թուրքիայի ներքին գործերին չենք խառնվում, բայց ձեր անձը կարող է մնալ անվտանգ, պատրաստ ենք ձեզ օթևան տալ եվրոպայի որևէ վայրում»: Հովակիմյանն այդ առաջարկը մերժում է և իր հոտի հետ աքսորվում: Կոնիայի իշխանությունները Հովակիմյանին առաջարկում են մեկնել երուսաղեմ, քանի որ Ավստրիայի դեսպանը բողոքել էր նրա աքսորի դեմ: Բայց Հովակիմյանն իր տարագիր հոտի հետ գնաց Քաթմա, ապրեց բաց դաշտում, վրանների ավանում, ապա նրանց կարավանն անցավ Մեսքենե: Այստեղ նա ստանում է ջեմալ փաշայի սպառնալից հեռագիրը, որ եթե երուսաղեմ կամովի չմեկնի, ձերբակալված են ուղարկելու: Եվ ուղարկեցին: Նրան անվանում էին «Մեսքենեի առաջնորդ», որովհետև առաջնորդն էր հազարավոր վրանների տակ կծկված տասնյակ հազար բռնագաղթվածների:

Պարտիզակից ոչնչացվեց 2000, Օվաջըկից՝ 600, Աբալանքեկից՝ 600, Դոնգոլից՝ 65, Սարանջայից՝ 1000 ընտանիք²:

ԲՈՒՐՍԱ. – Բուրսայի Ջենկիլեր է գնում թուրք սպա 100 դինվորի հետ: Նա հավաքում է զյուղի երեկոյի անձանց ու հայտնում, որ հայ բնակչությունը տեղահանվելու է: Գյուղացիներին ահաբեկելու համար ներկաներից չորս հոգու տանում են կամրջի մոտ ու սպանում: Այդ տեսնելով՝ 80 երիտասարդներ բարձրանում են լեռ և մի ամբողջ տարի կոխվ մղում թուրք ջարդարանների դեմ: Նույնիսկ այդ ակնհայտ հուսահատական խելահեղ քայլը, որ անգամ ինքնապաշտպանություն էլ չէր, ավելի շատ հոգեբանական ընդվզում էր, քան փրկության համար կոխվ, թուրքերը նորից անվանեցին ապստամբություն, հեռահար, կայսրության գոյությանը սպառնացող ինչ-որ ահարկու ծրագրի բաղադրիչ:

Բուրսայի մասին Թալեաթը գրում է. «Հայերն այստեղ ապստամբեցին և հարձակվեցին մուսուլմանների վրա: Բանակը հարկադրված էր իր ուժերի մի մասը պահել այդ վայրերում: Խուզարկությունները հայտնաբերել են հազարավոր զենքեր, ռազմամթերք, հազարավոր ոռոմքեր և այլ զենքեր, կոմիտեի (Դաշնակցության) փաստաթղթեր... Այդ շարժման մասնակիցների թվում էին նաև ուսուցիչներ և կրոնավորներ»³:

Իսկ ահա թե Կոլուչեր 1915 թ. օգոստոսի 16-ին ինչ է գրում Բուլղարիայի

¹ "Геноцидът над арменците", ф. 321, оп. 1, д. 2462, с. 32-35.

² Lepsius J., նշվ. աշխ., էջ 4:

³ Թալեաթի հուշագրությունները, էջ 72:

վարչապետին. «Բուրսայի տասնյակ հազարավոր հայերից միայն մի ծերուկ լուսանկարչի ժամանակավորապես թողեցին Բուրսա՝ Թալեաթ բեյի առաջ իմ անձնական միջամտությամբ: Նա զարմանք արտահայտեց, որ Բուրսայի հայերին աքսորելու միջոցառումն արդեն իրականացվել է...»¹:

Տարագրվելու համար Բուրսայի հայերին 24 ժամ էր տրվել: Կանանց ուղարկում էին Արարիա, տղամարդկանց՝ Միջազետք, երիտասարդներին՝ Միրիա:

Թայեղ էլ-Ղուեյնը գրում է. «Մի թուրք ուսուցիչ ինձ պատմեց, թե Բուրսայում զաղթին նախապատրաստվելու համար տրվեց երեք օր: Հայերը վաճառքի հանեցին իրենց ունեցվածքը, սայլեր վարձեցին և ճանապարհ ելան: Երբ ահազին հեռացել էին, համաձայն ստացած հրահանգի, կառապանները լծից արձակեցին ձիերն ու դժբախտ աքսորյալներին լքեցին ամայության մեջ: Գիշերն այդ նույն կառապանները վերադարձան ու կողոպտեցին հայերին: Վերջիններից շատերը մեռան սովից ու տանջանքներից: Մյուսներին կոտորեցին ճանապարհին, հայերի միայն փոքր մասը հասավ Դեր Զոր»²:

Բուրսայի կառապարիչ Թահամինը մայիսին զեկուցեց նԳ նախարարությանը. «Սանջակում բնակվող հայերի թիվը 66482 է և տարագրվելու ենթակա բոլոր հայերն արդեն աքսորված են»³:

Բուրսայում Ավստրիայի հյուպատոս Ս. Նաղալենցիի զեկուցագրի հիման վրա Կ. Պոլսում Ավստրիայի ղետպան Մալգրաֆ Պալավիչինին 1915 թ. օգոստոսի 3-ին իր երկրի արտաքին գործերի նախարարին գրում է. «Այստեղ ամփոփում եմ Բուրսայում մեր հյուպատոսական գործակատարի տեղեկագիրը, որում նկարագրված են այն ձևն ու եղանակը, որոնցով աքսորում էին հայերին: Հարուստ հայերին՝ նախքան նրանց տեղահանությունը, հարկադրում էին իրենց ունեցվածքը վաճառելու Միություն և առաջադիմություն կուսակցության անդամներին կամ այլ թուրքերի ... Փոքր Ասիայի խորքերում գտնվող ամերիկացի միախոներները տեղեկացնում են, որ հայերի հսկայական զանգվածների կարավանները բնաջնջվում են սպանության, քաղցի և կամ հիվանդությունների միջոցով: Գերմանացի սպաները ևս, որոնք վերջերս գտնվել են Փոքր Ասիայում, պատմում են այն աղեշարժ տեսարանների մասին, որոնք տեղի են ունեցել այդ վայրերում»⁴:

Նույն տեղեկագրում հյուպատոսը գրում է. «Հայերին նախապես կարգադրել էին, որ ներկայանալով զեփտերհանե (գրանցման գրասենյակ), հայտարարեն, թե ուզում են վաճառել իրենց տները կամ հողատարածքները, թե իրենց առաջարկված գումարը համապատասխանում է վաճառվող ունեցվածքի արժեքին»⁵:

Քաղաքի բանկերին կարգադրված էր հայերից ոսկեղեն և դրամ չընդունել,

¹ "Գեոգրաֆիական հայություն", ֆ. 321, ոլ. 1, ձ. 2462, ս. 32-35.

² Ghusayn F., *Temoignage d'un Arabe Musulman sur l'innocence et les massacres des Arméniens, le Caire, 1917*, p. 39.

³ Ղազարեան Հ., նշվ. աշխ., էջ 159-160:

⁴ Գրիկեր, նշվ. աշխ., էջ 287:

⁵ Wien HHSTA PA XII 209, Jenikoj, 31 August 1915.

որպեսզի ճանապարհին հրոսակներն առատ կողոպուտ ունենային¹:

Բոլղարական դեսպանատունը գրեց Սոֆիա. «Բուրսայի հայերին ... պարտադրել են ներկայանալ դատավորին» այն մահմեդականների հետ, որոնք գնելու են հայի անշարժ ունեցվածքը: Հայը հավաստում է, որ իր ունեցվածքը վաճառում է և ասում է գինը: Գումարը տրվում է հային և ձևակերպվում է գործարքը: Դատավորը հեռանում է, իսկ թուրքերը մահվան սպառնալիքով հային հարկադրում են գումարը հետ տալ²:

Մի ավտորիացի՝ Թրանոն, հայտնել է, որ Բուրսայի քրդերը նախապես գնացել են տարագրության երթուղիներ՝ կարավանները կողոպտելու համար³:

Ռազմական դատարանում ընթերցվեցին Խթթիհաղի կենտրոնից 1914 թ. հուլիս ամսից սկսած տեղերն ուղարկված ծածկագրերը: Դրանցից մեկն ուղարկվել էր Բուրսա և հանձնարարում էր «Ճէկ շաբթուան ընթացքին 200 անհատներ գտնել ... 20 հոգիներ արձանագրուեցան պահանջուած յատկութիւններով, սակայն ասոնք զինուորական ծառայութեան համար ոչ ճէկ յատկութիւն ունէին... Թէեւ կառավարութիւնը հրամայեց հաւաքել եւ դրկել նաեւ ոճագործներ եւ աւագակութիւն ընելու վարժուած անհատներ՝ ամէն պարագայի տակ նոյնիսկ մեր մեջ այդպիսի ցածր բարոյականի տէր անհատներ պակսած ըլլալով՝ շատ քիչեր կան ... Նատ դժուար պիտի ըլլայ գտնել այդպիսի անհատներ եւ փախստականներ, որոնք վարժուած են թալանելու կողոպտելու...

Կան անձնուրաց անհատներ, կառավարութեան տեսակէտին համաձայն՝ դատապարտուածներ եւ աւագակներ, որոնք ընտելացած են կողոպուտի եւ գողութեան, այսպիսիները զէնքի տակ չեն կրնար առնուիլ. կարելի պիտի ըլլայ զանոնք հաւաքել եւ իրարու մօտ բերել 500–1000 անհատներ Պուրսայի նահանգէն»⁴: Հարկ չկա ասելու, որ խոսքը նաև թուրքական չեթեախմբերի՝ «Թեղթիլաթի» մարտական ջոկատների ստեղծման մասին էր:

Բուրսայում երիտթուրքական կոմիտեի պատասխանատու քարտուղար Միդհատ բեյը հեռագիր է ուղարկում Գանգրից Բոլու, հայտնելու, որ բռնագաղթման ենթակա մարդկանց թիվն Անկարայի վիլայեթում հասել է 61 հազարի և որ այդ բռնագաղթը օգտակար է Բոլուի ապազա բարեհաջողության համար: Այս հեռագրից նույնպես հետեւում է՝ Բոլուից, որը չէր մտնում ուազմական գործողությունների գոտու մեջ, բռնագաղթը հանդիսանում էր ոչ թե ուազմական կամ ոստիկանական միջոցառում, այլ լոկ Կոմիտեի ցանակությունների կատարում:

Նույն Միդհատը խոստովանել է. «Հայերի լրյալ գույքերը գտնվում էին պետական կալվածատիրական հիմնարկության պաշտոնատարների իրավասության տակ ... Տարագրված հայերի տների ավերածություններն ակնհայտ էին»⁵:

¹ Wien HHSTA PA XII 209, Brusa, 27 August 1915.

² «Գеноցիդ ու արմենութե», ֆ. 321, ով. 1, ձ. 2462, ս. 5-8.

³ Wien HHSTA PA XII 209, Brusa, 27 August 1915.

⁴ «Takvim-i Vekai», 25 մայիսի 1919 (№ 3557):

⁵ Նույն տեղում, № 3506:

Արևմտյան Թուրքիայի չորս քաղաքներից հայերի ամբողջական տեղահանություններ չեղան: Դրանց մեջ էին Կ. Պոլիսն ու Զմյուռնիան: Պատերազմի նախօրյակին օսմանյան մայրաքաղաքում բնակվում էր շուրջ 200.000 հայ: 1895 թ. կոտորածից առաջ քաղաքում կար 250.000 հայ, որից 60.000-ը գավառի գաղթականներն էին, որոնց ջարդից հետո քաղաքից դուրս քչեցին: Պոլսից հեռացավ ևս 10.000 հայ: Նրանք բնակվում էին քաղաքի 45 թաղերում, ունեին 42 եկեղեցի, 53 դպրոց: Ամենահայաշատ թաղերից էին Գում Գափուն, Սամաթիան, Սկյուտարը, Բերան, Ղալաթիան, Օրթաքեոյը, Ենիքեոյը, Մեծ կղզին և այլն: Կաթոլիկ հայերն ունեին 13 եկեղեցի: Ապրիլյան ձերբակալություններից հետո մինչև պատերազմի ավարտն այդ քաղաքից ևս 34.000 մարդ աքսորվեց: 40000 պղսահայերի ոչնչացրեցին Խոմիտի և մերձակա շրջանների քրդերը:

Օսմանյան մայրաքաղաքում երիտթուրքերի իշխանությունը թույլ էր: Այստեղ թույլ էր նաև մահմեդական մոլեռանդությունը և ի զորու չէր մահմեդական լայն զանգվածներին մղել ոչնչացնելու հայերին: Դեռ ավելին, Կ. Պոլիսը հավանություն չէր տալիս պատերազմի մեջ Թուրքիայի մտնելուն: 1915 թ. մարտի 8-ին մայրաքաղաքում լուրջ ընդվզումներ տեղի ունեցան: 20.000 հոգի հավաքվեց սուլթանի պալատի մոտ՝ բողոքելու Բարձր Դուռն գերմանամետ քաղաքականության դեմ: Միայն բանակի միջամտությամբ հնարավոր եղավ ցուցարարներին ցրել: Սակայն լարումը զնալով սաստկանում էր:

Մինչև բռնազաղթը Զմյուռնիա քաղաքում բնակվում էր մոտ 10.000 հայ: Նրանց ձեռքում էր տարազագործության արհեստը, թղի, աֆիոնի, ծխախոտի առևտուրը, ունեին երեք եկեղեցի, երկու դպրոց, երկու որբանոց: Քաղաքում գործում էին նաև հայկական մանկապարտեղ, ընթերցարան, տպարաններ, հիվանդանոց, Արևելյան ակումբը:

Զմյուռնիայում հայերին բռնազաղթելու առաջին փորձը կատարվեց 1915 թ., դեկտեմբերի 3-ին. քաղաքից քշեցին մեծ թվով հայ ընտանիքներ: 1915 թ. աշնանը Թալեաթը հրամայեց քաղաքից հեռացնել բոլոր հայերին:

Զմյուռնիայի բռնազաղթի կապակցությամբ Կ. Պոլսում Գերմանիայի հավատարմատար Ռազովիտը 1916 թ. նոյեմբերի 29-ին հեռագրեց Բեռլին. «Այս օրերին սկսվել է հայերի զանգվածային աքսորը Զմյուռնիայից ... Պատրվակ է ծառայել կաթոլիկների գերեզմանատանը հայտնաբերված հին ուումբերը, որոնք իրը հայերն են թաքցրել: Վալին հայ եպիսկոպոսից պահանջում է անվանել կասկածելի մարդկանց անունները և հանձնել թաքցրած գենքերը: Եպիսկոպոսը պատասխանում է. որ նման մարդիկ իրեն հայտնի չեն և թաքցրած գենք չկա»:

Սկզբում զմյուռնահայերի տարագրության կողմնակից էր նաև Փոն Սանդերը: Նա նաև մասնակցեց դեպի Բաղդադի երկաթուղի հայերի տեղափոխման աշխատանքների կազմակերպմանը, իսկ ապա նաև Դեր Զոր նրանց արտաքսմանը, որպեսզի երկաթուղու շրջանում մարդկային կուտակումներ չինեին: «Այդ գերմանացի գեներալը, - գրում է Լ. Սկիպոր, - Լիման Փոն Սանդերը, սկսեց հայերի տեղահանությունը, նրանց հեռացնելով երկաթուղու հարևանությունից, որպեսզի խոչընդոտի սարստամին»: Դա հավանական էր, որովհետև, ինչպես նշում է է. Լենջիելը, հայկական «կոտորածը Բեռլին-Բաղ-

դադ երկաթուղու կառուցման իրավունքի նախապատրաստման մասն էր»¹:

Կ. ՊՈՂԻՍ. — Ինչ որ 1915 թ. կատարվեց Կ. Պոլսում, Հանդիսացավ Հայության ամբողջական բնաջնջման սկիզբ ու միաժամանակ, դա արտաքին աշխարհից «թաքցնելու» փորձ: Դա նաև դամոկյան սուր էր պոլսահայությանը քաղաքական դիակ դարձնելու, նրան հաշմելու համար: Այդ քաղաքում «Հայերի բախտը կախված է մազից ... Որևէ օր չի անցնում, որ Ղալաթիայի կամքի վրա կամ Ստամբուլի մեծ հրապարակում» հայ մահապատճի չենթարկվի²: 1915-1918 թթ. Կ. Պոլսից արտաքսվեց 34.000 հայ, որոնց մեծ մասը ոչնչացվեց: Իթթիհաղը նաև նախապատրաստում էր քաղաքի ամբողջ հայության բռնագաղթը, որը «չէ գործադրուած չնորհիս օտար ճնշումներու»³:

Պոլսահայերին ամբողջությամբ չտեղահանելը հետապնդում էր նաև անվտանգության խնդիրներ:

Կ. Պոլսում Բուլղարիայի ներկայացուցիչ Ն. Կոլուչեր 1915 թ. Հունիսի 27-ին տեղեկագրեց. «...Եթե թուրքական կառավարությունը փորձի մայրաքաղաքից տեղահանել և հեռացնել Անատոլիայի խորքերը այն հայերին, որոնք ծնվել են գավառում, բայց այժմ բնակվում են այստեղ, դա գուցե առիթ դառնա, որպեսզի մայրաքաղաքի հայ բնակչությունը դիմի ինչ-որ հուսահատական գործողությունների»⁴: Դիվանագետի այս հաղորդագրությունը բացատրում է նրա մայիսի 24-ի նամակում արտահայտված այն միտքը, թե «Կ. Պոլսում բնակվող հայերի անսովոր հաշվառում է կատարվում, որպեսզի պարզեն գավառներում ծնվածներին, որոնք ... խմբերով կամ ընտանիքներով տեղահանվելու են դեպի երկրի խորքերը»⁵:

Երեք ամիս անց նույն Ն. Կոլուչեր գրեց, որ Կ. Պոլսում «հավաքում ու ոչնչացնում են գավառներից եկած» հայերին: Եթր գավառներում ընտանիք ունեցողներին ուղարկում են նրանց մոտ, մինչդեռ «այդ ընտանիքները վաղուց տարագրվել կամ ոչնչացվել են»: Թուրք դահճը որևէ տեղ հային չի խնայում: Եթե վճռական քայլեր չձեռնարկվեն, հայ «ժողովուրդն անհետանալու է ամբողջ մարդկության աչքի առաջ, որի անտարբերությունը պատմությունն արձանագրելու է զարմանքով ու վրդովունքով»⁶:

Հուլիսի 15-ին նա գրեց, թե Կ. Պոլսի շրջակայքում «հայերի ջարդերն ու հալածանքները շարունակվում են, որոնք հայ ժողովրդին վերջնականացես բնաջնջելու ահավոր կերպարանք են ստանում: Ամենուրեք հայկական բնակավայրերը լրիվ մարդաթափվում են: Կանայք ուղարկվում են թուրքական կենտրոնները և հանձնվում հարեմներին, երեխաները բաժանվում են թուրք ընտանիքներին՝ թուրքացնելու համար, տղամարդիկ աքսորվում են Միջազգետք, Արարիա և ուրիշ ծայրամասեր: Առավել կրթվածները հանձնվում են

¹ Аванесов С., Положение национальных меньшинств в Турции, Ер., 1963, с. 98-99.

² "Армянский вестник", 1916 г. № 12-13.

³ Ղաղարեան Հ., նշվ. աշխ., էջ 153:

⁴ "Геноцидът над арменците", ф. 321, оп. 1, д. 2462, с. 61, 76.

⁵ Նույն տեղում:

⁶ Նույն տեղում:

ուազմական դատարանին»¹: Սամսոնում, Ինեպոլում, Ունիեռում Հայերի մեծ մասին թուրքացրել են: Թերմեռում մի թուրք մտել է եկեղեցի, որը վերածվել էր մզկիթի և նամազ արել: Քահանան իր ընտանիքի հետ փակվել է տանն ու այրվել, որպեսզի թուրքերի ձեռքով չմորթվի²:

Գերմանացի լրագրող Հ. Շտուրմերը «Պատերազմական երկու տարի կոստանդնուպոլսում» գրքում պատմում է, որ 1915 թ. ամռանը նրա կինը միայնակ գնում է շուկա և շուտով վերադառնում առանց գնումների, գունատված ու դողալով: Թուրքական ոստիկանատան մոտով անցնելիս նա լսել էր սարսափելի հառաջանքներ, աղեկտուր լաց, «կարծես թե անսառուն էին մորթում»: Նա ոստիկանատան դռանը հավաքված մարդկանց հարցրել է, թե դրանք ի՞նչ ձայներ են: «Հայ են տանջում», - եղել է պատասխանը³:

Կ. Պոլտում Հայերի ղեմ միջոցառումները սերտորեն կապակցված էին երիտթուրքերի իշխանության ղեմ գործողությունների հետ, համենայն ղեպս, դրանք դիտվում էին որպես իթթիհաղի՝ կառավարող կուսակցություն մնալուն միտված վարչական-ոստիկանական ձեռնարկումներ:

Երբ վտանգված էր Դարդանելը, դրա հետ միասին նաև Կ. Պոլիսը, լորդ Քիչները ծրագրեց իրականացնելու երիտթուրքերին իշխանադրկելու պետական հեղաշրջում, ինչը օրինաչափ ձեռնարկ էր, որովհետև Դարդանելի անկումը նշանակելու էր նաև երիտթուրքական կառավարության, անգամ նաև իթթիհաղի՝ որպես կուսակցության անհետացում:

Քաղաքում երևացին պատառներ, որոնք դատապարտում էին Թալեաթին ու նրա կառավարությանը «իբրև պատասխանատու այն բոլոր աղէտներուն, որոնք Թիւրքիայի գլխուն եկած էին»: Բեղրին երիտասարդներին հավաքում ու արտաքսում էր մայրաքաղաքից: «Իր նպատակն էր Պոլիսը փրկել բոլոր անոնցմէ, որոնք կրնային մէօն Թիւրքերու ղէմ յեղափոխութիւն մը յարուցանել»: Բեղրին այդ «յեղափոխութիւննէն աւելի կը վախնար, քան անգլիական նաւատորմիղէն»⁴:

Թուրքական կառավարությունը պատրաստվում էր ո՛չ միայն Կ. Պոլսից հեռանալ, ոչ միայն մայրաքաղաքը փոխել, այլև քաղաքը վերածել «մոլիխրներու ղեղի»: Քաղաքում հավաքվում էր մեծ քանակությամբ նավթ, դրանք բաշխվում էին ոստիկանական կետերին, որպեսզի ազդանշանին հետեւ հրդեհը, ինչը դժվար չէր, քանի որ Կ. Պոլսը հիմնականում փայտաշեն էր:

Թուրքերն սկսեցին Կ. Պոլսից հեռանալ, բանկերը Փոքր Ասիա էին տեղափոխում իրենց հիմնադրամները, Բարձր Դուռան փաստաթղթերը փոխադրվեցին էսքիչեհիր, պատրաստվում էին քաղաքից հեռանալ նաև ղեսպանությունները, թաքցեցին թանգարանային ցուցանմուշները, երկու գնացքակաղմ պատրաստ կանգնած էր սուլթանին ու գերատեսչություններին քաղաքից հանելու:

Օսմանյան կառավարությունում միակ մարդը, որը Դարդանելն անառիկ

¹ "Геноцидът над армените", ф. 321, оп. 1, д. 2462, с. 61, 76.

² Նույն տեղում:

³ Stuermer H., նշվ. աշխ., էջ 50:

⁴ Մորգենթաու Հ., նշվ. աշխ., էջ 164-165:

Էր համարում և Կ. Պոլսի խուճապը՝ անտեղի, էնվերն էր: Նա հայտարարեց, «Ես պատմութեան մէջ պիտի անցնիմ իրը այն մարդը, որ ապացուցած է Անգլիային եւ իր նաւատորմին պարտելիութիւնը: Պիտի ցուցնեմ, որ Անգլիայի նաւատորմը անյաղթելի չէ»¹: Սակայն Սարիղամիշի խայտառակ պարտությունը հույժ բացասաբար էր անդրադարձել «թուրքական նապոլեոնի» հեղինակության վրայ. Նրա խոսքն ու կարծիքը արժեզրկվել էին:

Իսկ կայսրությունում խմորումները գնալով սաստկանում էին: Սիրիայում ջեմալը զրեթե անկախ էր: Նա կազմել էր իր կառավարությունը, Զմյուռնիայի վալի Ռահիմը արհամարհում էր Կ. Պոլսի կառավարությանն ու չէր կատարում նրա որոշումները, Աղրիանապոլսի վալի Հաջի Աղիլը մտադրություն ուներ նույնպես անկախանալ: Արարիան գրեթե անկախ էր: «Հպատակ ցեղերուն մէջ,- գրում է Մորգենթաուն,- ապստամբութեան ոգին արագօրէն կը տարածուէր: Յոյները եւ հայերը սիրով պիտի ողջունէին Դաշնակիցներու բագուկը գորացնելու առիթ մը: Տիրող եկեւմտական եւ ճարտարարուեստական պայմանները կը թուէին յեղափոխութիւնը անխուսափելի դարձնել... Նոյնիսկ թիւրքերը կ'աղոթէին, որ անգլիացիներն ու ֆրանսիացիները գրաւէին իրենց քաղաքը, որովհետեւ ատիկայ պիտի փրկէր զիրենք իշխող խմբակէն, պիտի ազատագրէր ատելի գերմաններէն, խաղաղութիւն պիտի բերէր եւ վերջ պիտի դնէր իրենց տառապանքներուն»²: Հ. Մորգենթաուն, գուցե ինչ-որ չափով գույները խտացնում է, շեշտադրությունները փոխում, օրինակ, թուրքերը գերադասություն տալիս էին Անգլիային ու Ֆրանսիային ոչ թե թուրքական իշխանությունների հանդեպ, այլ Ռուսաստանի, սակայն նա իրավիճակի համայնապատկերը գծագրում է իրականությանը մոտ երանգներով: Համենայն դեպս՝ ճշմարիտ է, որ Թալեաթը հաջողեց ձեռք ձգել երկու լավագույն մակնիշի արագընթաց ավտոմեքենա, որպեսզի հարկ եղած պահին թողներ քաղաքն ու անհետանար:

Բայց ընդհանուր տագնապը, նախապատրաստություններն ավելորդ դարձան, որովհետեւ, կոպիտ ասած, Անգլիան չուզեց գրավել Դարդանելը, նա չկամեցավ դա նվեր մատուցեր Ռուսաստանին, քանի որ Անտանտի տերությունները նեղուցները համարում էին Ռուսաստանի չափարաժինը:

Բայց մարտերը նեղուցների շրջանում դեռ շարունակում էին, Անտանտը մարտի մեջ մտցրեց նաև հետևակը և սկսեց ուժեղ ոմբակոծությունների ենթարկել թուրքական ո՛չ միայն դիրքերը, այլև բնակավայրերը: Դրան էնվերը պատասխանեց մի հրեշտակոր միջոցառումով՝ Կ. Պոլսում բնակվող 3000 անգլիացիներին ու ֆրանսիացիներին բռնագաղթեցնել ուազմաճակատային գծի շրջան՝ «իրրև նշանակետ Դաշնակից նավատորմիղին»: Դա մեծ աղմուկ առաջացրեց և էնվերը հետ կանգնեց զանգվածային տեղահանման քայլից: Մորգենթաուն նկատում է, որ թուրքերը մտածում էին, որ պատերազմի ավարտից հետո «զիրենք պիտի դատէին ոչ թէ իրենց հպատակներու հանդէպ

¹ Մորգենթաուն Հ., նշվ. աշխ., էջ 172:

² Նոյն տեղում, էջ 190:

վարուելու եղանակին համար, այլ՝ թշնամի Տէրութիւններու հպատակներուն հանդէպ վարմունքի իրենց կերպին համար: Այս մտածումին արդիւնքն էր, որ ֆրանսացի մը, անգլիացի մը, խոտալացի մը Թիւրքիայի մէջ աւելի մեծ ապահովութիւն կը վայելէր, քան հայ մը, յոյն մը, կամ հրեայ մը»¹:

Հաջողությունը Դարդանելում թուրքերի բարբարոս կրքերի և անպարտելիության զգացողության բոնկում առաջացրեց: Արհամարհանքն ու սպառնալից կեցվածքը վերածվեցին ուրիշ ժողովուրդների հանդեպ թուրքերի ու նրանց կառավարության բնավորության:

Մինչ այդ վարանոտ ու վախվորած օսմանցին, որ եվրոպական դիվանագիտության լարիրինթոսում իր համար շավիղ էր հարթում օգտվելով «եվրոպական պետությունների պառակտվածությունից», դարձավ գոռող, խրոխտ, «զրեթե հանդուգն, հպարտ ու հաստատակամ»՝, նա որդեգրեց «բացարձակապես անսարդական դիրք» քրիստոնյաների հանդեպ: «Քսաններորդ դարու կոչտու անխնամ թիւրքը կ'աներեւությանար եւ իրեն տեղը կ'երեւար 14-րդ եւ 15-րդ դարերու թիւրքը»՝ ամբարտավան, հաղթական, բարբարոս, մյուս ըոլոր ժողովուրդներին արհամարհող:

«Կատարելապէս անմիտ գոռողութիւն մը, - նկատում է Մորգենթաուն, - տիրական յատկորոշիչ մեծ նշանն է այս մարդկային տարօրինսակ ցեղին... Թիւրքը կրնայ ստրկօրէն քաղաքավարի ըլլալ... (բաց ան) մտովին կը սարսափի իր քրիստոնեայ բարեկամէն, իբր գորչ բան մը», թուրքը չի կարողանում համականալ, որ գերու և պարտված ժողովրդի միջն տարբերություն կա: «Երբ թիւրքերը երկիրը մը կը տիրէին, հոն կը գտնէին որոշ թիւով ուղտեր, եզեր, շուներ, խողեր եւ մարդկային արարածներ»: Թուրքի համար ձին կամ ուղտը շատ ավելի արժեք ուներ, քան մարդը: Քրիստոնյաները պետք է երախտապարտ լինեն թուրքին, որ իրեն ուայա՝ նախսիր է անվանում, որովհետև նախսիրը պետքական է, իսկ նրանք՝ ոչ: Դեռ ավելին, հպատակ գյավուրները ո՛չ միայն պետքական չեն, այլ՝ վնասակար ու վտանգավոր են: Նրանց պատճառով էր կայսրությունը տարածներ կորցնում: Այդ հպատակները օսմանյան տարածքների վրա իրենց անկախ պետություններն ստեղծեցին: Մնացել էին չորս ժողովուրդներ՝ արաբները, քրդերը, հայերը և հոյները: Ամենավտանգավորը հայերն էին, որովհետև նրանց թիկունքին կանգնած էր Ռուսաստանը: Երիտթուրքերը մեղադրում էին իրենց նախորդներին, որ գյավուրներին չէին բնաջնջել, որովհետև, եթե բնաջնջած լինեին բուլղարներին, հայերին, ուումինացիներին, սերբերին և այլն, նրանց հայրենիքները կդառնային օսմանյան հայրենիքի անկապտելի մասեր, թուրքերի հայրենիք:

Ընդհանուր առմամբ, դժվար է որոշակիորեն ասել թե ինչքա՞ն մարդ տարագրվեց Կ. Պոլսից: Հավանաբար պատճառը՝ ա) քաղաքի մեծությունն էր և բ) մայրաքաղաքում ջարդարարները զգույշ էին գործում: Մենք որոշակիորեն չգիտենք, թե 1915 թ. ապրիլի 24-ին Կ. Պոլսում քանի՞ մարդ ձերբակալվեց: Հաշվում են 235, 250, 284 և այլ թվեր: Շաբաթվա ընթացքում ձերբակալված-

¹ Մորգենթաուն Հ., նշվ. աշխ., էջ 211:

Ների թիվը նույնագես հստակ չէ՝ 600, 800, 1500 հոգու և այլն: 1915 թ. մայիսի 5-ին կազմված մի փաստաթղթում նշվում է, որ Կ. Պոլսում ձերբակալվել էր 1800 հոգի: Զերբակալվածները մեղաղրվում էին «անտանտամետության և լրտեսության համար»¹:

ԶՄՅՈՒԽԻՇԽԱ. – Հայերի խմբովի ձերբակալությունը՝ 30 հոգի տղամարդ, կին, երեխա սկսվեց 1914 թ. նոյեմբերի 9-ին: Նրանց լցրեցին վագոններն ու քաղաքից հանեցին:

Հայերի տեղահանության գործը ղեկավարում էր քաղաքի ոստիկանագետը, որին լայն իրավասություններ էին տվել: Ֆոռն Սանդերսը վալուն զգուշացրեց, որ տեղահանությունը լուրջ հարված կհասցնի Քայուակ զինակցության ուղղմական շահերին և ինքն այլևս դա չի հանդրւրժի: Նա սպառնաց, որ եթե ոստիկանությունը փորձեր «Հայերը տեղահանել իր հրամանատարութեան (5-րդ բանակի) շրջանէն, ինքը ստիպուած պիտի ըլլար զինուորական ոյժ գործադրելու անոր դէմ եւ արգիլելու գործողութիւնը»²: Վալին պատասխանեց, թե իթթիհաղի տեղական կոմիտեն դժգոհ է իրենից, որ Հայերին խնայում է: Դրա հետևանքով իր դիրքերը խարիսխվել են նաև Կ. Պոլսում, քանի որ տեղահանության հրամանը Կ. Պոլսից է ստացվել:

Եվ իսկապես, «Թեսֆիրի էֆքիար» թերթը հոկտեմբերի 6-ին պահանջեց Հայերի արտաքսում բոլոր այն քաղաքներից, որտեղ դեռևս տեղահանություն տեղի չէր ունեցել: Նույն իրողությունը հաստատեց Թուրքիայում ԱՄՆ-ի ներկայացուցիչ Արքահամ Էլքսը 1916 թ. նոյեմբերի 17-ին. «Զմիւռնիայի մէջ սկսաւ առաջին տեղահանութիւնը, որովհետեւ որպէս թէ յեղափոխական դաւադրութիւն մը երեւան է հանուած կառավարութեան կողմէ»³:

Սանդերսը գրեց. «Քանի որ նման զանգվածային բռնագաղթի հետևանք-ները խուժում են նաև ուազմական ոլորտներ (զինապարտներ, երկաթուղու օգտագործում, սանիտարական միջոցառումներ, քաղաքի բնակչության հուզումներ...), ապա ես վալուն տեղյակ պահեցի, որ առաջիկայում առանց իմ թույլ-տվության նման զանգվածային ձերբակալություններ և բռնագաղթեր չպետք է լինեն: Նրան ասացի, որ նման գործողությունների կրկնության դեպքում հրամայելու եմ զենքի ուժով դրանց վերջ դնել:

Վալին գիջեց և խոստացավ, որ բռնագաղթեր այլևս չեն լինի:

Սակայն, քանի որ նա պնդում է, թե իրեն դրան մղել է Կ. Պոլսը (Թալեաթբեյը), ես համոզված չեմ, թե Հայերին տեղահանելու այլ ուղի չի ընտրվի»:

Զմյուռնիայում բնակվում է 6-7 հազար հույն: Նրանց թվում են քաղաքի ամենամեծահարուստները:

Գերմանացի զիվանագետները Գերմանիայի շահերի առումով Զմյուռնիայի տեղահանությունը գնահատում էին բացասական նաև այն պատճառով, որ դա

¹ Beylerian A., *Les Grandes Puissances, l'Empire Ottoman et les Arméniens dans les Archives Françaises. 1914-1918, Paris, 1983, d. № 23.*

² Լեռն Վարդան, Ժամանակագրութիւն Հայկական տասնհինգի. 1915-1923, Պէյրութ, 1970, էջ 129:

³ Նույն տեղում, էջ 138:

Հասարակական շրջանակներում համարվելու էր Բեռլինի ձեռքի գործը, որպեսզի շարքից հանի գերմանացիների հետ մրցող հայ առևտրականներին¹:

Ռազովիտոցը նշում է, որ հայ առևտրականները գերմանացիներից մեծ քանակությամբ ապրանքներ են վերցրել, որոնց գնի մի մասը վճարված չէր, իսկ լրյալ գույքերի վերաբերյալ օրենքի պայմաններում գերմանական չվճարված ապրանքներին տիրանալու էին թուրքական կառավարությունը կամ թուրք խուժանը:

Քաղաքի հայկական գերեզմանատանը 1916 թ. վերջին հայտնաբերված զենքերն ու պայթուցիկ նյութերը Արդուլ Համիլի ժամանակներից մնացածներ էին, իսկ այդ առիթով տեղահանված հայերի մեծ մասը հարուստներն էին, այսինքն ինչպես Կ. Պոլսից գրեցին 1916 թ. նոյեմբերի 25-ին, այդ աքսորը շատ ավելի ահարեկելու նպատակ ուներ²: Դրանով պետք է բացատրել, որ ֆոն Սանդերսը համառություն դրասորեց հայերի հալածանքները դադարեցնելու և տեղահանվածներին Զմյուռնիա վերադարձնելու առումով: Այդ քաղաքում Ավստրո-Հունգարիայի հյուպատոս Ռազովիմսկին գրեց. «Նշված դեպքը հստակորեն ապացուցում է, թե ինչպիսի հալածանքների և վտանգների է շարունակ ենթարկվում հայ բնակչությունը Թուրքիայում»³:

Եվրոպական թերթերի թղթակիցներից մեկը գրում է. «Զմյուռնիայի վալի Ռահմի բեյը և Աղրիանապոլսի վալի Հաջի Աղիլ բեյը, հայտարարել են, թե չեն ուզում հայերին աքսորել: Երբ կանչվեցին ներքին գործերի նախարարի մոտ, երկուսն էլ պնդեցին իրենց որոշման վրա ... Ռահմին ավելի կրթված է, քան Թալեաթը ... Նա մեծ թվով կողմնակիցներ ուներ կոմիտեում»⁴:

Այնուամենայնիվ, այդ քաղաքի հայերը չտեղահանվեցին ֆոն Սանդերսի համառության շնորհիվ:

Երկրորդական նշանակություն չունեցավ նաև տեղի ոչ-թուրք բնակչության մերժողական վերաբերմունքը բնաջնջման թուրքական քաղաքականության հանդեպ: Խոսքն առաջին հերթին հույներին է վերաբերում: Զմյուռնիայի մերձակայքում գտնվող Ֆո Զա քաղաքում, որտեղ բնակվում էին 8000 հույն և 400 թուրք, գեռ 1914 թ. իրականացվեցին հույների ջարդեր, ինչը լայն արձագանք ունեցավ Եվրոպայում: Ֆրանսիայի ականատես Մանյեն գրում է. «Կազմակերպված ավազակախմբերը գիշերը շարունակում էին կողոպտել քաղաքը: Լուսաբացին լսվեցին Հրացանազարկի ձայներ: Երբ դուրս եկանք՝ սարսափելի տեսարանի ականատես եղանք: Քաղաք խուժած ասպատակները զինված էին «Գրաս» մակնիշի հրացաններով: Մի տուն բոցերի մեջ էր: Քրիստոնյաների ամբոխները վազում էին դեպի նավահանգիստ՝ նավակներ ճարելու, ջարդից փրկվելու: Մահամերձ մարդկանց կանչերը խլացնում էին հրացանային կրակի ձայները»: Թուրքերն ամբողջ օրը կողոպտեցին ու սպանեցին: Սպանվածների և փիրավորների հիմնական մասը ծերեր էին:

Մահմեդական ամբոխին քաղաքից դուրս քշելու համար զորք բերվեց, բայց

¹ R 14094, Ab, 31127.

² Wien HHSTA PA XII 463, Konstantinopel.

³ Նույն տեղում:

⁴ Lepsius J., նշվ. աշխ., էջ 156:

զինվորները շարունակեցին ավագակների կիսատ թողածը: Այսինքն՝ կողոպուտն ու սպանությունները տեղի էին ունեցել ո՞չ թե ամրոխի նախաձեռնությամբ, այլ կազմակերպված էին ինչ-որ ուժերի կողմից¹:

1910 թ. մարդահամարով՝ Զմյուռնիայի վիկայեթի 289.000 բնակչից հայ էր 54.000-ը: 1913 թ. մարդահամարով՝ Հայերի թիվը 4000-ով պակասել էր:

Զմյուռնիայի հայության ոչնչացման երիտթուրքական ծրագիրը կյանքի կոչեցին քեմալականները, որոնք 1922-ին հայերին ու հույներին դաժանորեն ջարդեցին և վտարեցին քաղաքից ու մերձակա բնակավայրերից:

ԿՈՆԻԱ. - Թուրքիայի այն քաղաքներից էր, որը ո՞չ միայն աքսորի էր ուղարկում, այլ նաև աքսորյալներ ընդունում: Ճահճոտ, առողջության համար վնասակար այդ նահանգը սկզբում նախատեսված էր դառնալու հայերի հավաքատեղի, բայց հետո ծրագիրը փոխվեց: Տեղահանված և այստեղ բերված հայերն ուղարկվեցին հարավի անապատներ, որից հետո սկսվեց տեղաբնակ հայերի տեղահանությունը մահեղական մոլեռանդության օրրաններից մեկից՝ սելջուկ-թուրքական առաջին մայրաքաղաքից:

Բուլղարիայի դեսպան Ի. Համամջիկը հեռագրեց, թե Կոնիայի վալին «Կ. Պոլսից հրաման է ստացել Անատոլիայի կողմերն աքսորել առանց բացառության բոլոր հայերին, իսկ նրանց տներում տեղափորել Ռումելիայից եկած մուհաջիրներին: Սակայն նկատի ունենալով հայ բնակչության անրասիր վերաբերմունքը իշխանության հանդեպ, նահանգավետը մերժել է գործադրել այդ հրամանը...»²:

Խաղմական դատարանում Կոնիայի նախկին վալի Զելալը հայտարարեց, որ ինքը «մենք աշխատել է պաշտպանել Կոնիայի հայությանը, սակայն դոկտ. Նազրմի ուղարկած երեսփոխան Ալի Ռիզա Էֆենդին բարեկամաբար խորհուրդ տվեց Համառեկ այն խնդիրներում, որոնց մասին իթմիհաղի ընդհանուր կենտրոնն արդեն որոշում կայացրել է երկար քննարկումներից հետո: Այդ պատճառով ինքը հարկադրված է եղել հրաժարվել զբաղեցրած պաշտոնից և գնալ Կ. Պոլսի՝ հանդիպելու թալեաթի ու Նազրմի հետ՝ նրանց հասկացնելու կատարվածի վտանգավոր հետեանքները: Սակայն նրանք պատասխանել են, թե Համոզված են, որ այն ինչ կատարվում է, անհրաժեշտ և օգտակար է: Նազրմն այնքան առաջ գնաց, որ պնդեց, թե այդ ձեռնարկումն արմատապես լուծել է Արեւելան հարցը³:

Երիտթուրք պարագլուխ Ազմին Կոնիայի հայերի դժգոհության առթիվ ասաց. «Հայերի հանդեպ կառավարության քաղաքականությունը փոխվել չի կարող: Կոնիայի հայերը թող գոհ լինեն, որ իրենց տարան մերձակա շրջաններ: Մոտ օրերս լսելու են, որ մյուս նահանգների հայերը կոտորված ու ջարդված են: Սա կառավարական որոշում է: Ես էլ գիտեմ, որ Կոնիայի հայությունն անմեղ է, բայց կառավարության որոշումը փոխելն անհնար է»⁴:

¹ "Объектив" (София) 1988 г., № 2.

² "Геноцидът над арменците", ф. 321, оп. 1, д. 2462, с. 26.

³ Անտոննեան Ա., նշվ. աշխ., էջ 284-285:

⁴ «Յուշամատեան Մեծ եղեռնի», էջ 500:

Իթմիհաղի պատասխանատու քարտուղարների դատավարության մեղադրական եղրակացության մեջ գրված է. «Տեղահանության ընթացքում միշտ մարդկանց դրամը, գույքը և ունեցվածքը հափշտակելու և կոտորածին օժանդակելու հանցանշաններով մեղադրվում են Կոնխայի նախկին վալի Ռ. Սամիհ բեյը, ոստիկանության նախկին պետ Սաադէղդիքին բեյը, զյուղատնտեսության տեսուչ թուտորաքի բեյը, Ակշեհիրի Զիհանբեյին նահիեի կառավարիչ Ֆեհմի Էֆենդին, Ակշեհիրի քաղաքավուս Մ. Քյամիլը և Սպարտայի բանտում կալանքի տակ գտնվող ոստիկանապետի նախկին տեղակալ Հ. Բասրի Էֆենդին»¹:

Գերմանացի մասնագետները բողոքեցին. «Այս անագորոյն վարմունքը տիեզերական պատմութեան մէջ անջնջելի արատ կը մնայ ո՛չ միայն թիւրքերու համար, այլեւ մեզի՝ գերմանացիներուս համար...»²:

Կոնխայից բռնագաղթված Հայության վիճակի մասին պատկերացում են տալիս Կարմիր խաչի բժիշկ Վ. Պոստի կատարած լուսանկարները, որոնցում պատկերված են «ոտքով հարյուրավոր մղոն կտրած» կամ էլ «ճանապարհի մեծ մասը լեփ-լեցուն ապրանքատար վագոններով» անցած, «մեծ մասով հիվանդացած կամ մահացած», «ծանր փորձություններից ուժասպառ եղած, հյուծված» հայ տարագիրները³:

Կոնխայի ոստիկանապետ Սաադէղդինը շպրտեց տեղահանված հայերի հասցեին. «Երիտասարդ թուրքերի կենտկոմի որոշումով օսմանյան կառավարությանը հրամաններ արձակեց, և երեսիխանական ժողովը վավերացրեց այդ որոշումը, որ վերապրող հայերը պետք է անապատ ուղարկվեն այնտեղ վրանների տակ ապրելու համար»⁴:

Իսկ վալին ասաց. «Հայ եք չէ՞, այս կամ այն ձեռվ դատապարտված եք այս պատերազմի ընթացքում մեռնելու: Սա՛ է կառավարության վճռական որոշումը...»⁵: Գերմանացի բժիշկ Վ. Պոստը 1915 թ. հոկտեմբերի 17-ին Կոնխայի հայության հետ կատարվածի մասին գրում է, որ հայերի «նկատմամբ կիրառվում է դաժան ու մշակված մի եղանակ՝ պարբերաբար ոչնչացնելու միջոցով նրանց թիվը նվազեցնել: Հայերի բնաջնջումը լոկ ժամանակի հարց է»⁶:

Կոնխայում,- գրում է Նիպագենն, - զեռևս բնակվում են մի քանի հազար աքսորվածներ Կ. Պոլսից՝ բժիշկներ, գրողներ, առեւտրականներ: Նրանք աշխատում են իբրև հանքափորներ և հող փորողներ Բաղդադի երկաթուղու Այրանինթիլլի հատվածում, 1500 առողջ հայ տղամարդիկ, կանայք ու երեխաներ, որոնց մեջ կան նաև վաթսունամյա տատիկներ և 6-7 տարեկան շատ երեխաներ: Ներկայում ավագ ինժեներ Մոկքը նրանց զեռևս սնունդով ապահովում է, սակայն նրանց անունները թուրքական իշխանություններն արդեն գրանցել են: Հենց որ աշխատանքն ավարտեն - այդ կիրա 2-3 ամիս հետո - հավանա-

¹ «Takvim-i Vekai», 1919 թ., № 3580.

² Տաշեան Յ., նշվ. աշխ., էջ 509:

³ Դեկս Լ., նշվ. աշխ., էջ 50:

⁴ «Յուշամատեան Մեծ եղեռնի», էջ 509:

⁵ «La Renaissance», 23 դեկտեմբերի 1918 թ.:

⁶ Մորգենթաու Հ., նշվ. աշխ., էջ 395:

բար այդ հայերին «ապրելու նոր տեղ» կհատկացնեն, այսինքն՝ տղամարդկանց կտանեն կսպանեն, գեղեցիկ կանայք և աղջիկները հարեմ կընկնեն, իսկ մյուս-ներին անապատում առաջ ու հետ կքշեն, մինչև բոլորը զոհվեն¹:

Կոնհայում բնակվող գերմանացիները կ. Պոլսում Գերմանիայի ղետպանին գրել էին, թե «Ճարդը հավանաբար հանգեցնելու է հայերի լրիվ ոչնչացման»: Իսկ ոստիկանապետ Սաադէդինը հրապարակավ ասաց ճշմարտությունը, «Երիտասարդ թուրքերի կենտկոմի որոշմամբ օսմանյան կառավարությունը հրաման արձակեց, և խորհրդարանը վավերացրեց այդ հրամանը, որ հայերը պետք է ուղարկվեն անապատ՝ այնտեղ վրանների տակ ապրելու»:

ԱԴՐԻԱՆԱՊՈԼԻՍ. - Պալավիչինին 1915 թ. նոյեմբերի 2-ին գրում է. «Մինչև հիմա թվում էր, թե այն հայերին, որոնք ապրում են բուն հայկական շրջաններից դուրս, տեղահանում չի սպառնում: Սակայն արդեն մի շաբաթ է, ինչ լուրեր են հասնում նաև Աղրիանապոլսից, որ այնտեղի հայերը նույնպես վտարվում են»²:

«Անկարելի է նկարագրել արտաքսումների տեսարանները, - գրում է Ադրիանապոլսում Ավստրո-Հունգարիայի հյուպատոս Ա. Նաղամլենցկին 1915 թ. նոյեմբերին, - Հիմանդրներին, ծերերին ու երեխաներին դուրս էին քաշում անկողնուց և բռնությամբ տանում: Անօգնական, անմեղ մարդկանց հարցում որևէ հանգամանք հաշվի չէր առնվում, խիղճ չկար, իշխում էին միայն բիրտ ուժն ու բարբարոսական անարդարությունը»³: Հյուպատոսը նաև նշում է, որ չարագործությունների համար տեղական իշխանություններն իրենց մեղավոր չեն համարում, քանի որ գործում են կ. Պոլսի հրամանով: Աղրիանապոլսից նոյեմբերի 2-ին ստացված զեկուցագրում կան նաև հետևյալ տողերը. «Ամեն օր նոր մանրամասներ են ստացվում, թե ինչպիսի՞ բարբարոսական և գաղանային ձևով է կատարվել հայ ընտանիքների արտաքսումը, և ինչ աստիճանի է հասել թուրքական մարմինների ցինիզմը: Միայն ամենաղաժան ու ամենաաղղեցիկ երևակայությունն է ի վիճակի պատկերացնելու այդ իրադարձությունների սարսափները»:

Նույն հյուպատոսը գրում է. «Ուտնահարվում են քաղաքակրթության բոլոր սկզբունքները և մարդկային զգացմունքներն իր նմանների նկատմամբ: Այն, ինչ այստեղ տեղի է ունենում, անշուշտ, լոկ իրականացումն է ահավոր ծրագրի՝ ոչնչացնել քրիստոնյա տարրը թուրքիայում ... Այն եղանակը, որով տեղի է ունենում հայերի վտարումը, հակասում է մարդասիրական բոլոր սկզբունքներին: Գործելակերպը, որ ... տեսել ենք այստեղ, վկայում է, որ գործ ունենք ո՛չ միայն ամբողջ ցեղի ջարդի, այլ ավելի շուտ, նրա բնաջնջման հետ... Կատարվում են բաներ, որոնք հասկանալ ի վիճակի են միայն լրիվ աղճատված բանականությունը և բարբարոս ու գաղանային հոգին»⁴:

Նաղամլենցկին ահազանգում է, որ գնալով վիճակն ավելի սարսափելի է

¹ R 14092, Ab. 20411.

² Wien HHSTA PA XII 463, Konstantinopel, 2 November 1915.

³ Նույն տեղում, 24 մարտի 1917 թ.:

⁴ Նույն տեղում, Adrianopol, 6 November 1915:

դառնում: «Կ. Պոլսից ստացվող հրամանները, ավելի դրակոնյան են թվում: Որևէ բացառություն չի արվում... Աքսորից, այսինքն անխուսափելի մահից կարող է փրկել միայն իսլամ ընդունելը: Իրենց կյանքը փրկելու համար 40 ընտանիք արդեն մահմեղական դառնալու խնդրագիր են ներկայացրել...»¹:

«Այրիներին և աղջիկներին ասացին, որ նրանց կամուսնացնեն թուրքերի հետ, իսկ երիտասարդ տղամարդկանց ստիպեցին ամուսնանալ թրքուհիների հետ: Այսպիսով, հայ համայնքն այստեղ բնաշնչվեց»²:

Առանձնակի դաժանությամբ էին վարվում թուրքական բանակում ծառայող հայերի կանանց ու աղջիկների հետ: Նրանց բաժանում էին թուրքական գյուղերի վրա³:

Այս խնդրով Պալավիչին դիմում է Թալեաթին, որը խոստանում է դադարեցնել հայերի իսլամացումն ու Աղրիանապոլիս վերադարձնել Ռողոսթո աքսորված հայ ընտանիքներին: Տեղի գայմազամը կանչում է մահմեղականացված հայերին և հաղորդում, որ «նրանք Պոլսից եկած հրամանով նորից հայեր են և կարող են կրել իրենց նախկին անուներն ու պահել իրենց նախկին կրոնը: Տեղահանվելու վախից՝ 40 ընտանիքներ ՆԳ նախարարին հավաքական հեռագիր ուղարկեցին և մահմեղական մնալու թույլտվություն խնդրեցին»⁴: Սակայն այդ ընտանիքներն այդպես էլ Աղրիանապոլիս չվերադարձան, ինչից դեսպանը եղրակացրեց. «...Թալեաթ բեյը ճշմարտությունը չէր ասել, թե Աղրիանապոլիս տեղահանված ընտանիքները Ռողոսթո են տարվել: Իրականում նրանց Փոքր Ասիա են քշել»⁵:

Աղրիանապոլիս քաղաքից 700 հոգի, երեք կարավանով, 1915 թ. Հոկտեմբերի 15-21-ին և 1916 թ. փետրվարի 16-ին տարան Կոնիա, Էսֆիշեհիր, Զալեպ, Դամասկոս, Դեր Զոր: 19-45 տարեկան տղամարդկանց վաղուց զորակոչել էին: Աքսորված էր մտավորականությունը և, ամենայն հավանականությամբ, ջարդված:

«Այստեղի պայմանները ծաղր են ամեն մի մշակույթի, ամեն մի պետական իմաստության նկատմամբ: Հազարավոր մարդիկ հանձնված են անպատճիւանատու մարդկանց, ավագակախմբի քմահաճույքին»⁶:

Միություն և առաջադիմություն կուսակցության շրջանային պատասխանատու քարտուղարների դատավարության ժամանակ, 1919 թ. Հունիսի 21-ին կուսակցության էղիրնեխ պատասխանատու քարտուղար Արդուլ Ղանի բեյը ցուցմունք տվեց, «Մի օր վաղ առավոտյան ինձ մոտ եկան մի քանի ծանոթ հայեր և սկսեցին պատմել տեղի ունեցած դեպքերի մասին. «Մերոնց մի մասին տարան, մյուսներին ևս տանելու են», ասելով, ինձանից օգնություն խնդրեցին ... Միասին գնացինք վիլայեթ: Վալիին ասացի, որ նրանք որևէ առնչություն

¹ Wien HHSTA PA XII 463, Konstantinopel, 3 März 1916.

² Նույն տեղում, 8 März 1916:

³ Նույն տեղում, 209, Konstantinopel, 13 օգոստոսի 1916 թ.:

⁴ Նույն տեղում, 17 März 1916:

⁵ Նույն տեղում:

⁶ Նույն տեղում, 8 März 1916:

չունեն «կոմիտեի» հետ, որ անմեղ մարդիկ են և խնդրեցի նրանց տեղահանության չենթարկել: Վայրն պատասխանեց. «Այս մարդկանց մասին ես էլ եմ մտահոգված, բայց Հրամանը խիստ է և վերաբերում է բոլորին» ... Տեղահանությունը տեղի էր ունենում օրենքի հիման վրա: Դա գործադրում էր տվյալ վիճակին՝ վայրին՝ ոստիկանության ու ժանդարմերիայի միջոցով: Իրականում, այդ հայերը անբասիր պատվի տեր մարդիկ էին: Նրանք բուլղարների նվաճման ընթացքում բավականին (թուրք) սպաների ընտանիքներ փրկեցին:

Տեղահանության վերաբերյալ կենտրոնական կոմիտեից միայն մեկ անգամ եմ գրություն ստացել: Ըստ իմ իմացածի, այդպիսի գրություն ստացան բոլոր պատասխանատու քարտուղարները: Դա զրված էր «ընդհանուրին» վերտառությամբ:

... Կողոպուտից տեղեկություն չունեմ, բայց տեղահանվածների ամբողջ ունեցվածքը վաճառվեց»:

Մի խումբ հայեր մամուլում կարդալով Աբդուլ Ղանիի ցուցմունքը, դատարանին գրեցին, որ դա իրականությանը «չի համապատասխանում... Նա մասնակցել է եղիբների հայերի տեղահանությանը: Օրինակ, տեղահանվածների մի մասի գույքը հափշտակելուց հետո, մյուսներինը վաճառել են իրենց մերձավորներին, այն էլ՝ արթեքի 2-3 տոկոսով»¹:

Դատարանում էսկիշեհիրի պատասխանատու քարտուղար դոկտ. Բեսիմ Զուհեյին ասաց. «Տեղի կառավարությունը տեղահանության վերաբերյալ հրաման էր ստացել, և դրա հիման վրա տեղահանություն կատարվեց»²:

Դատարանի նախագահը հարցրեց. «Էսկիշեհիրում տեղահանություն տեղի ունեցե՞լ է»:

Բեսիմ Զուհեյի. «Այո՛»:

Նախագահ. «Շատերի խանութներն են փակվել, շատերի կահ-կարասին է վաճառվել, շատերի տներն են բռնագրավվել»:

Զուհեյի բեյ. «Դա տեղի է ունեցել ամեն տեղ: Այնտեղ մի հանձնախումբ կար, երկի ստացած հրամանի համաձայն, դրսից եկող գաղթականներին տեղահանված հայերի տներում էր տեղավորում»³:

Օտարերկրյա թերթերը շատ հաճախ էին անդրադառնում Աղրիանապոլսի և, մանավանդ, Զմյուռնիայում կատարվող իրադարձություններին, ինչը բացատրվում է դրանցում Հունաստանի առանձնահատուկ շահագրգովածությամբ: «The Uruguay Weekly News»-ը, հենվելով հունական աղբյուրների վրա, 1915 թ. մարտի 22-ին, գրեց. «Մի հեռագիր տեղեկացնում է քրիստոնյաների ջարդերի մասին Զմյուռնիայից հյուսիս գտնվող Այվալիկի մերձակայքում»: Բնաջնջվել է 60 ընտանիք»: Մարտի 26-ին նույն թերթը գրեց, որ բաշխողուկներն սկսել են կողոպտել նաև հույների եկեղեցիները: Լոնդոնի «The Times»-ը 1915 թ. դեկտեմբերի 25-ին գրում է, որ Աղրիանապոլսի ամբողջ հայ

¹ «Takvim-i Vekai», 1919 թ., № 3506.

² Նոյն տեղում, 23 հունիսի 1919 թ., № 3589:

³ «Takvim-i Vekai», 28 հունիսի 1919 թ., № 3596:

բնակչությունը թուրք բարբարոսների գոհն է դարձել: Նրանք ուղարկվեցին Փոքր Ասիա, որտեղ ընտանիքներով շատ էժան վաճառվեցին:

«Հավաս» գործակալությունը հուլիսի 22-ին հաղորդեց, որ Զմյուռնիայի ծովածոցի թուրքական իշխանությունները կարգադրել են, որ քրիստոնյա կանայք ու երեխանները քաղաքից զուրս գան և երկրի խորքերը մնեն: Հայերը մերժել են, որի պատճառով ընդհարում է տեղի ունեցել: Կան գոհեր:

Բեռլիուք Դերեի տեղահանության դատավարության դատավճռում կարդում ենք. «Մեղաղյալներ՝ Բեռլի նախկին ոստիկանապետ Արդուլ Քերիմ բեյը, սալոնիկցի Ռեֆիկ բեյը, Ռ. Ջելալ և Հ. Մահմուդ Էֆենդիները նշված շրջանի ոչ-մահմեղական բնակչության տեղահանության համար կառավարության կողմից նշանակված որոշակի պայմանաժամը թաքցնելով, իրենց անձնական շահը և նենզ մտաղրությունները իրականացնելու միտումով տեղահանվողներին շատ կարծ ժամանակ են տրամադրել: Դրա հետևանքով՝ տեղահանվողները ստիպված են եղել իրենց ունեցվածքը, կահ-կարասին թողնել ու հեռանալ: Այսուհետև նրանց լրյալ գույքը կողոպտել են...»¹:

«The Times»-ը 1915 թ. գեկտեմբերի 21-ին գրեց, որ Բուխարեստի իր թղթակիցը հաղորդել է. «Ես տեղեկատվություն եմ ստացել Աղրիանապոլսում հայ ազգարնակչության լրիվ ոչնչացման մասին: Հոկտեմբերի 10-ին թուրքական ոստիկանությունը բանտարկել է Աղրիանապոլսի 45 հայ բնակիչների: Բոլորին ուղարկել են Կ. Պոլիս և նույնիսկ Փոքր Ասիա:

Դրանից քիչ անց Աղրիանապոլսի բոլոր հայերը՝ մոտ 1600 հոգի, ձերքակալվել են, տղամարդիկ անմիջապես աքսորվել են Փոքր Ասիա, իսկ կանայք ու երեխանները երկու օր պահել են բանտում ու կոպիտ հարձակումների ենթարկվել բանտապահների կողմից: Նրանց մի մասին երկու նավերով փոխադրելիս են եղել Փոքր Ասիա, սակայն Ռողոսությոի մերձակայքում նավերը սուզվել են և դրանցում եղածների մեծ մասը խեղդվել է: Աքսորված ընտանիքների մի մասը վաճառվել է ծիծաղելիության աստիճանի ցածր գներով՝ գլխավորապես հրեաններին»:

Բուղարական կառավարությունը կարապաջի պատգամավորության հանձնած զեկուցագրում ներկայացված է այն 29 շրջանների ցուցակը, որոնց հայ բնակչությունը, թվով 835 հազար մարդ, սպանվել կամ աքսորվել, կամ էլ բռնի իսլամացվել է: Մի քահանայի ողջ-ողջ այրել են, հինգին՝ կախել կամ սպանել այլ եղանակներով:

Դեռ 1913 թ. հուլիսին, Բալկանյան 2-րդ պատերազմի ժամանակ, թուրքական զորքերը Սամի բեյի հրամանատարությամբ բուղարական բանակի թողած Ռողոսություն, Մալգարա և Միրիոֆիտո քաղաքներում իրականացրել էին հայերի ջարդեր:

Ռողոսություն 7000 հայությունից 2850-ն անհետացավ աքսորի ճանապարհ-ներին: Աքսորն սկսվեց 1915 թ. սեպտեմբերի 8-ին: Դա իրականացրին կառավարիչը, ոստիկանության կոմիսարը և իթթիհաղի ներկայացուցիչը: Առաջին

¹ «Takvim-i Vekai», 2 մայիսի 1919 թ., № 3618:

կարավանը տարան Դամասկոս, իսկ մյուսները՝ Մեսքենե-Ռաքքա-Դեր Զոր:

Ռողոսթոյի երեք եկեղեցիները կողոպտվեցին, վանքը ավերվեց, իսկ դպրոցը վերածվեց զինվորական հիվանդանոցի:

1915 թ. Հոկտեմբերի 15-ին բռնագաղթվեցին Ռողոսթոյի մերձակայքի Զորլու երկաթուղային կայարանի 300 հայ ընտանիքները: Տարագրությունը դեկավարում էր գայմագամը: Բոլորը տարվեցին Դեր Զոր և 1916 թ. օգոստոսին ոչնչացվեցին: Նույն շրջանի Մալգարա քաղաքի 500 տուն հայերը, չնչին բացառությամբ, տարագրվեցին Կիլիկիա, Բար, Դեր Զոր:

Ո. Սևակի ծննդավայր Սիլիվրի 160 հայ ընտանիքները նույնպես տարագրվեցին: Դարդանելից 220 հայ ընտանիք, երբ Անտանտն սկսեց ոմբակոծել, Հեռացան Էղիրնե և Կ. Պոլիս:

Հայ կաթոլիկների պատրիարքը 1915 թ. օգոստոսի 19-ին գրեց, որ Նիկոմեդիայի կաթոլիկները բռնագաղթվել են բոլորի հետ միասին: Չնայած բազում խոստումներին, օգոստոսի 16-ին նաև Բակուգեջիկից աքսորվեցին հայ կաթոլիկներն ու բողոքականները: Բռնագաղթվածների, մանավանդ աղքատ խավի մարդկանց, վիճակը ողբերգական էր: Շատ մայրեր իրենց երեխաներին գետն էին նետում, մյուսները՝ վաճառում, որպեսզի հացի փող ունենային և մյուս երեխաներին փրկեին մահից: Մինչև վեց տարեկան երեխաները վաճառվում էին հինգ դուրուշով (մեկ մարկից քիչ), իսկ 15-20 տարեկան աղջիկները՝ 20 դուրուշով:

Բռնագաղթվածների գլխավոր հավաքատեղիներն էին՝ Էսքիշեհիրը, Քեռթահիան, Աֆիոն Կարահիսարը և Կոնիան; Այդ վայրերում հայերին հավաքում էին շրջափակված դաշտերում, բաց երկնքի տակ: Էսքիշեհիրում կուտակված էր 10-12 հազար կին, երեխա, ծեր՝ ենթակա մարդկանց ու բնության դաժան քմահաճույքներին: Կարկուտից հետո հաջորդ օրը հարյուրավոր դիակներ, հատկապես երեխաների, ընկած էին դաշտում: Տարագիրներին օրը երեք անգամ մտրակով ծեծում էին, որպեսզի արագ քայլեին¹:

* * *

«Հորիզոնի» Կարինի թղթակիցը գրում է. «Մի քանի օր առաջ այստեղ եկան հայկական ծագում ունեցող թուրք երկու սպա, որոնք գերի էին վերցվել Ճապաղջրում...»

Մայիսի 20-ին նրանց Կ. Պոլսից ուղարկել են Դիարբեքիրի ուղղությամբ: Միայն հիսուն մեկ օր անց են հասել ուղմաճակատ: Նրանց ճանապարհն անցնում էր Կոնիա-Բոզանդի-Ռաս-ուլ-Այն-Դիարբեքիր գծով: Ամբողջ ընթացքում նրանք տեսել են հայ փախստականների անվերջ շարաններ՝ քաղցած, գրեթե մերկ, ծայր աստիճանի հյուծված:

... Կ. Պոլսում հայերի հետապնդումներն ու ձերբակալությունները շարու-

¹ Konst. / Ankara 170, Ab. 53a.

նակվում են: Դասալիքներ փնտրելու պատրվակով, ամեն օր նրանց տները խուզարկում էին:

Զերբակալված են ո՛չ միայն հայկական թույլատրված կազմակերպությունների վարչությունները, այլև դրանց բոլոր անդամները: Զերբակալված են նաև հայ կանանց ու աղջիկների միության անդամները: Վերջին ժամանակները թուրքերը բանտարկեցին նաև թուրքահայ մտավորականության վերջին ներկայացուցիչներին ... Թուրքերը «զինակոչեցին» բոլոր հայ պատանիներին, նույնիսկ 16-17 տարեկաններին:

Համեմատաբար տանելի է Բուրսայից, Բանդրմայից, Աղաբազարից և այլ վայրերից մինչև Կոնֆա ընկած վայրերի հայերի վիճակը: Հարուստները կարողացել են չտարագրվել: Աղքատների մի մասը կոտորված է, իսկ մյուս մասն ուղարկված է Դեր Զորի մոտակայքի անապատ»¹:

Թուրքական վայրագություններն անդորրությունից հանեցին անգամ ֆոն Վանգենհայմին: Նա 1915 թ. օգոստոսի 12-ին գրում է կանցերին.

«Իրենց բնակավայրերից տարագրված հայ բնակչության սիստեմատիկ ջարդը վերջին շաբաթներին այնպիսի չափեր է ընդունել, որ մենք արդեն նոր, ավելի խոր պատկերացում ենք կազմել այդ վայրենի բռնազատությունների մասին, որոնց կառավարությունը ո՛չ միայն հանդուրժում, այլև բացահայտողեն աջակցում է: Այնպես որ, անգամ ուրիշ ռասաների և դավանանքների պատկանող քրիստոնյաները չեն խնայվել: Ավելին: Այս օրերին պետական մարմիններն սկսել են հայ բնակչությանը տարբեր վայրերից տեղափոխել իզմիրի շրջակայքը, այսինքն մայրաքաղաքի անմիջապես մոտերքը՝ պատճառաբանելով, թե իբր, նրանք ցանկանում են Սաքարիայի գետաբերանի մոտ նպաստել ուստական զորքի վայրէջքին: Տեղացի հայերի շրջանում այս պատիժը մեծ հոգումներ է առաջացրել, և նրանք այժմ ցանկանում են իմանալ, թե արդյոք այսօր սկսվող Բայրամի տոնից հետո էլ տեղացի հայերը կհալածվե՞ն (կտեղահանվե՞ն): Այստեղ բնակություն հաստատած հայերի մեծ թվի պարագայում (ամենաքիչը՝ 80.000 հոգի), նման մտադրության իրականացումը հայերի տեսակետներին դեմ է, որոնք իրենց արտահայտությունն են գտել զինվորների, հոգևորականների և վերին խավին պատկանող այլ մարդկանց շրջանում: Զերդ գերազանցության հայեցողությանն եմ թողնում, թե արդյոք ավելի նպատակահարմար չէ՞ որևէ հարմար առիթով դրա մասին գրել նաև գերմանական մամուլում, որ մենք հայերի դեմ թուրքական կառավարության ձեռնարկած բռնադատությունից հեռու ենք կանգնած և այդ պատճառով էլ պատասխանատու չենք տեղի ունեցած անկարգությունների համար...»

Թվում է, որ օսմանյան նոր դեսպանին պետք է զգուշացնել նրա կառավարության՝ հայերի նկատմամբ կիրառած քաղաքականության հնարավոր հետևանքների մասին և այս հարցի կապակցությամբ նրա ուշադրությունը հրավիրել մեր տեսակետի վրա»²:

¹ "Армянский вестник", 1916 г., № 35.

² Lepsius J., նշվ. աշխ., փաստ. № 501:

Թուրք պատմաբան ԱՀմեղ Ռեֆիկ Ալթընայը պատմում է իր տեսածները էսքիչիրում բռնագաղթի ընթացքի մասին: «Սոված ու տկլոր զինվորներով լի գնացքները շարան-շարան մեկնում են ոճրագործության վայրերը: Վերստին հազարավոր ընտանիքներ քաղցած էին մնալու, հազարավոր անմեղներ, ոտարորիկ, ցնցոտիների մեջ իրենց սնունդն ապահովելու էին խոտաճարակությամբ ... Կայարանի շրջակայքում գտնվող գեղեցիկ հայկական տներն ամբողջովին դատարկ էին ... (Հայերը) ենթարկվել էին կառավարությանը, ազատել էին տները, քաշվել էսքիչեհիրի թաղամասերը...»

Կայարանի մոտակայքում գտնվող, ընակության համար հարմար բոլոր տները հատկացվել էին իթթիհաղի ամենակարենոր բարձր աստիճանավորներին»: Դրանք տրվել էին թագաժառանգին, Թալեաթին, Զանփոլաղին, Իսմայիլ Հակկըին¹:

Քաղաքի և, ընդհանրապես, Հայերի հանդեպ մահմեղականների շրջանում ատելությունն ավելի բորբոքելու նպատակով լայն քարոզչություն էր ծավալված: Դասախոսներից մեկը, որն օսմանյան խորհրդարանի անդամ էր, «քրիստոնյա տարրը նմանեցրել էր օձերի ու կարիճների»²:

Իսկ քաղաք եկող գնացքներից իջնում էին «վնասված ու հիվանդ, թշերը փոս ընկած, չսափրված, թոշնած զեմքով...» երեխաներ: Գնացքները բերում էին միայն երեխաների, կանանց ու ծերերի: Հայերի խմբերից մեկում «թմրլիկ ձեռքերով մոր մեջին փաթաթված, հունիսյան արևի ճառագայթների տակ, սոված ու քրտնած, վզները ծուռ քնած երեխաները կարծես սրտածաք էին լինում»: Տատի կողքին նստած աղջնակին սնունդ առաջարկեցի, բայց այս «գաղթից, այս դաժանությունից ու այս անարդարությունից հոգին մորմոքած, անմեղ սիրտը կոտրած, սրտի խորքում ժողովրդիս դեմ լցված ատելությամբ, տվածս մրգերին զայրույթով նայելով ... բարակ-բարակ մատներով բերանն էր տանում» իր մոտ եղած չոր հացը: Գիշերը մի նոր գնացքակազմ եկավ, «Կանայք՝ կրծքներին լացող երեխաներ, Հայերը՝ բեռները մեջքներին, քրտնաթոր, փորձում էին բարձրացնել իրերը, հիվանդներին, աղջիկներին ու երեխաներին տեղափոխող մայրերը՝ խեղճ, հարուստ, սոված հազարավոր դժբախտ ընտանիքներ փորձում էին դուրս գալ բեռնատար վագոններից... Հնարավոր չէր դիտել այս տեսարանը...»

Գնացքները հետևում էին մեկը մյուսին: Յուրաքանչյուր գնացքից հազարավոր ընտանիքներ էին իջնում: Այնքան շատ, որ եկողներին հնարավոր չէր ուղարկել էսքիչեհիրից ... Մի քանի օրում էսքիչեհիրի կայարանի շրջակայքը լցվեց ավելի քան 20-30 հազար ընտանիքներով»: Գալիս էին նաև ոտքով, ոստիկանների ուղեկցությամբ, «ոտքերն արյան մեջ ընտանիքներ»: Եկողները գնալու տեղ չունեին, սկսեցին վրանանման բաներ պատրաստել: Այդ ամբողջ զանգվածը գիշերում էր գետնին: Առաջացել էր 20 հազարանոց մի ճամբար: Տեղի բնակչությունը նրանց չէր վիրավորում: Հայերի համար «ամենաուժերիմ թշնամին կենտրոնի ներկայացուցիչն էր»: Ամիսներ անց՝ Հայերի մի մասին

¹ ԱՀմեղ Ռեֆիկ. Երկու կոմիտե՝ երկու ոճիր, Ե., 1997, էջ 13-14:

² Նույն տեղում, էջ 34:

ուղարկեցին Քեռթահիա, բայց նրանց թույլ չտվեցին քաղաք մտնել և հարկադրեցին մնալ կայարանի շրջակայրում: «Հազարավոր ընտանիքներ սովի էին մատնված՝ փող, ուտելու և խմելու բան չկար»: Ակսեցին իրերը վաճառել: Էսքիչեհիրի փողոցներում ու կառամատույցներում ... գրեթե ձրի վաճառում էին ամեն ինչ: Իսկ երբ այլևս վաճառելու բան չկար, սկսեցին մուրալ:

Մի օր էլ սկսեցին տեղահանել էսքիչեհիրի ամբողջ հայությանը, որը գնում էր խառնվելու «դաժան ու մահացու հեղեղին»:

Անատոլիայի լայնատարած հարթավայրերում ... ոտարորիկ, խեղճ, արևից երեսները վառված երեխաներից բացի որևէ կենդանի շունչ չէր երեսում...»

Ստամբուլում անհամբեր էին: Ամիսներ շարունակ փողոցում ապրող ու գոյություն քարչ տալու համար ողորմացող հայերի կյանքն անգամ շատ էին համարում»:

Կայարանի «բնակիչներին» գաղթեցնում էին կոնիա և Բողանթի էին քշում: Հայերը հասկանում էին, որ Բողանթիում «իրենց սպասող սարսափահարույց մի ուժ կար՝ մահը»¹:

Մեզիրե քաղաքում թուրքերը մի տան մեջ հավաքել էին հայ երեխաներին, ապա բերեցին նրանց մայրերին: Մայրերը հրճվանքի մեջ էին, երբ հրդեհի շիթերը կլանեցին տունը²:

«The New York Times» թերթը գրեց, որ 1924 թ. դեկտեմբերի 22-ին Մարսելի նավահանգիստ ժամանեց անգլիական «Զան» նավը՝ բեռնված 400 տոննա մարդկային ոսկորներով՝ գործարաններին հանձնելու համար: Պարզվեց, որ դրանք հայ զոհերի ոսկորներ էին և նավ էին բարձվել Մարմարայի ծովեղերքում, Մուղանիայի մոտ³:

¹ ԱՀմեդ Ռեֆիկ, նշվ. աշխ., էջ 35-42:

² Bryce J., նշվ. աշխ., էջ 121:

³ Կիրակոսյան Զ., Երիտրուրքերը պատմության դատաստանի առաջ, գ. 2, Ե., 1983, էջ 81:

ՈՒՐՖԱ (ՌԻՌՀԱ)

Ուրֆան, պատմական եղեսիան, ուներ ազատագրական պայքարի փառավոր ավանդություններ: Ուրֆան հայաբնակ այն քաղաքներից էր, որոնք մարտնչեցին, սեփական և թշնամու հեղած արյունով հաստատեցին ապրելու իրենց իրավունքը:

1895 թ., երբ արյունածարավ խուժանը հարձակվեց Հայոց թաղի վրա, Հպոր Հակահարված ստացավ ու փախավ: Այդան եղել է բազմիցս: Ուրֆան ապրել է նաև ծանր ողբերգություններ, բայց դա ոչ թե պայքարելու, մարտնչելու կամքի թուլության, այլ միմիայն դյուրահավատության պատճառով: Նույն պատճառով 1895-ին քաղաքի հայերը կորցրեցին 10.000 մարդ:

Սակայն «շատ կարճ ժամանակուայ ընթացքին ուրֆահայութիւնը կրցաւ սպիացնել համիտեան ջարդերու ժամանակ ստացած իր Փիզիկական ու Հոգեկան խոր վէրքերը եւ վերացնել իր տնտեսական հակայ վնասները»¹:

Ուրֆան ուներ 100.000 բնակիչ, որից հայեր՝ 35.000-ը: Հայաբնակ գյուղերի թիվը հասնում էր 100-ի:

Ուրֆան ինքնուրույն վարչական միավոր էր, գտնվում էր կիսալեռնային շրջանում և Վերին Միջագետքի առևտության գլխավոր հանգույցն էր:

Ուրֆա քաղաքի հայոց թաղը Թլվտուր բլրի վրա էր, քաղաքի վերին մասում: Դեռ 1886-ին Տասմասեկիի աղբյուրների սառնորակ ջուրը հասցվել էր հայկական թաղ: Այստեղի տներում կառուցված էին խորը ջրհորներ, որոնք 1915 թ. ինքնապաշտպանության ժամանակ լուրջ ծառայություն մատուցեցին:

Քաղաքի Ս. Աստվածածնի եկեղեցին վիթխարի կառույց էր, որտեղ 1895-ին թուրքերը ոչնչացրեցին 2500-3000 հայ: Եկեղեցիներ ունեին նաև հայ կաթոլիկներն ու բողոքականները: Ս. Աստվածածնի եկեղեցուն կից գործող դպրոցում սովորում էր 1140 աշակերտ, որոնց շուրջ 40 տոկոսը՝ իգական սեռի: Կաթոլիկներն ունեին վեց դպրոց՝ 630 աշակերտով:

1914 թ. ապրիլին Ուրֆա այցելեց Լեփսիուսը: Նա ուրֆահայության իր տագնաալը հաղորդեց, թե եվրոպական պատերազմն անխուսափելի է և իթթի-հաղը պատերազմական իրավիճակը կգործածի հայերին հաշվեհարդարի ենթարկելու համար: Լեփսիուսն ասաց մարզարեական խոսքեր՝ հայի գլխավոր խնդիրն է «Ամեն միջոց գործադրել ողջ մնալու համար»:

¹ Գահուեճեան Ե., Յուշեր Ուրֆայի 1915 թ. հերոսամարտի ու յետագայ իրադարձութիւններու մասին, Ե., 1995, էջ 15:

Նա չեր սխալվել: Պատերազմը նոր էր սկսվել, երբ թուրքերը հրդեհեցին 30 հայկական և ասորական գյուղեր: Սակայն դա չէ, որ ուրֆացիների մեջ համագոյային վտանգի տագնապ առաջացրեց, այլ այն, որ 1915 թ. գարնան վերջերին երեւացին հայ գաղթականական առաջին կարավանները, և Ուրֆան աստիճանաբար սկսեց վերածվել անապատ քշվող հայերի միջանկալ կայանի:

Ուրֆա էին հասնում հիմնականում ծերեր, կանայք ու երեխաներ, կողոպտված, տանջահար, իրենց «Հարազատների դաժան մահը տեսած դժբախտ խյակներ»:

Տարագիրների գալն ու նրանց զարհուրելի վիճակը ցնցեցին տեղի հայությանը, և, չնայած իշխանությունների արգելքներին, նրանք շտապեցին օգնության հասնել թշվառներին: Այդ օրերին Սուլրում գտնվող Կ. Գարիկյանը գրեց. «Սուլրում եկած ատենիս ջորեպան թիւրքեր կը պատմէին, թէ գաղթականներ Ուրֆա կը պատսպարուին եկեղեցին շրջափակը եւ տուներու մէջ: Առաջնորդը (Արտաւագդ վրդ.) հարկ եղած ձեռնտութիւնը կ'ընէ: Իրաւալ, որքան միջոցները ներեր են, առիթ ունեցեր են, գաղթականներուն հոգածութիւն, խնամատարութիւն ըրեր են: Պատսպարան, ուտելիք, ծածկոց, զգեստեղէն տուեր, հայթայթեր են»¹:

Առաջին մեծ կարավանը, որ անցավ Ուրֆայով, զեյթունցիների կարավանն էր:

Մի ավատրիացու գրառումներում, որոնք Հայեալի գերմանական հյուպատոսությանը հանձնվել էին, 1915 թվականի օգոստոսի 11-ին Ուրֆայի տարածքում տարագրված հայերի վիճակի մասին կարդում ենք. «Տեղահանվածները միայն կանայք էին, ծերեր և երեխաներ: Առողջ, ուժեղ տղամարդիկ բացակայում էին: Այն խմբերը, որոնք արդեն մեկ շաբաթից ավելի ճանապարհին էին, ողբարի տպավորություն էին թողնում: Զրկանքներից գերհոգնած ու հիվանդացած, շատերը հազիվ էին քայլում՝ իրենց հետ քարշ տալով երեխաներին (կային շատ ծծկեր երեխաներ և հղի կանայք): Երեխաների, ծերերի և ընդհանրապես թույլ անձնավորությունների մեծ մասի ոտքերը ծածկված էին վերքերով, խիստ ուռած էին և ցնցոտիներով փաթաթած: Արտազաղթողների մեծ մասը ունեցվածքը վաճառել էր մինչեւ Ուրֆա հասնելը, որպեսզի կարողանար վարձով ավանակներ ձեռք բերել՝ մի օրվա դիմաց վճարելով 3 մեջիդ (սովորական գնից երեք անգամ թանկ է): Բազմության մեծ մասը որոշ ճամփորդական իրեր և տնային սպասք էր հասցրել Ուրֆա, որոնք այստեղ կողոպտեցին նրանցից: Զարշիում զինվորներն անձամբ էին վաճառում աքսորականների իրերը: Նատերին տեղավորեցին որբանոցում, որտեղ իրենք պետք է հոգային իրենց սննդի մասին: Ոստիկանները հերթապահում էին որբանոցի շուրջը: Նկատեցի, թե ինչպես մի ագահ վաճառական գնված հագուստներով թուավ ցանկապատի վրայով և պահակի բուռը կոխեց կաշառադրամը:

«Թեյանվերի» գնով կամ ծանոթությամբ կարավաններից կարող էին վերցնել կանանց, աղջիկների, երեխաների: Հետազայում իշխանություններն

¹ **Գարիկյան Կ.** (Գումկան Սեբաստիոյ), Եղեռնապատում Փոքուն Հայոց նորին մեծի մայրաքաղաքին Սեբաստիոյ, Պէյրութ, 1924, էջ 378:

արգելեցին այդ առևտուրը: Զնայած դրան, Հափշտակումները շարունակվում էին: Անձամբ տեսա, թե ինչպես թուրքերը փողոցից հափշտակեցին 16 և 30 տարեկան երկու հայ կանանց:

Երթերի ժամանակ շատերն էին ոչնչանում: Ուրֆայում, իմ աչքի առաջ մի կին տապալվեց գետին: Քանի որ ոստիկանը ետ մնալու իրավունք չուներ, շրջապատի կանգնածներից մի քանիսին կարգադրեց զնալ ոստիկանատուն և զեկուցել, որ տանեն հիվանդին: Հաջորդ օրն այդ նույն կնոջը (30 տարեկան) գտա մի այլ փողոցում, որրանոցի առջև, արևի վառ լույսի տակ մահացած ընկած: Նրա ղեմքը արդեն կապտել էր: Կողքին՝ իրենց պահակակետերում, կանգնած էին զինվորները հրապարակը լցված էր ոստիկաններով ու քաղաքցիներով: Ժամեր շարունակ կինն ընկած էր այնտեղ...

Ուրֆայից դուրս (Թել Արիադի ուղղությամբ), անմիջապես Ուրֆայի այգիների առջև փողոցի եզրին ընկած էր 20-24 տարեկան տղամարդու դիակ: Որևէ մեկը չէր թաղել, և գիշատիչ թոշունները հոչոտում էին նրան:

Ուրֆա-Արար Բունար ճանապարհին, հավանաբար մթության պատճառով, ես դիակ չտեսա, սակայն կառապանս, որը մշտապես երթևեկում է այս ճանապարհով, ցուց տվեց ինձ այրված տեղեր փողոցի երկայնքով մեկ: Դիակները տեղն ու տեղը այրել էին»:

Կարավանները՝ ցավից ճշալով, դժվարությամբ առաջ էին շարժվում: Տարագիր դժբախտներից շատերը մարդ տեսնելուն պես ծնկի էին իջնում, օգնություն և փրկություն աղերսում կամ առաջարկում վերցնել իրենց երեխաններին: Երթերի ժամանակ, 56 աստիճան շոգի և ջրի պակասության պայմաններում, շատերը հյուծվածությունից գետին էին տապալվում:

Երբ աշխարհամարտն սկսվեց՝ բանակ զորակոչվեցին նաև եղեսացիք, անգամ նրանք, որոնք զինվորական տուրքը վճարել էին: Քաղաքից զորակոչվեց շուրջ 1500 հոգի: Նրանց տարան Ուրֆայից երկու ժամ հեռավորության վրա գտնվող կաթմա և կարա Քեռփրյու ամայի վայրերը՝ իրր ճանապարհ կառուցելու: «Օր մը անոնց կը շրջապատեն բազմաթիւ թիւրք զինուորներ եւ չեթէական խումբեր եւ բոլորին թեւերը կապելէ յետոյ, հրացանազարկ կ'ընեն անոնց: Այդ վիճակին մէջ երիտասարդները դիմադրած եւ նոյնիսկ երկու զինուոր սպաննած էին...»¹:

Երկար ժամանակ չպահանջվեց, որպեսզի ակնհայտ դառնար, որ համընդհանուր տարագրության վտանգը սպառնում է նաև եղեսահայությանը: Սակայն իշխանությունները, նկատի ունենալով 1895 թ. փորձը, ամեն կերպ քողարկում էին քաղաքի ամրող հայության հանդեպ գործադրվելիք ծրագիրը: Որոշվեց զործել դանդաղ ու աստիճանաբար: Մայիսի վերջերին ձերբակալեցին 40 հայ երեսելիների և բանտում խոշտանգեցին, իսկ քիչ անց նրանց քաղաքից հանեցին ու տարան անհայտ ուղղությամբ:

Ապա ձերբակալեցին առևտրական դասին պատկանող 100 հայի, որոնց հետ նույն կերպ վարվեցին: Քիչ անց աքսորեցին ևս 100 հոգու: Այդ ձերբակա-

¹ Գահուեճեան Ե., նշվ. աշխ., էջ 22-23:

լուժյունների հեղինակը նոր մութեսարիփ նշանակված իթթիհաղական Ալի Հայդարն էր՝ ջարդարարներ Ահմեղի և Խալիլի հետ միասին։ Հայ մտավոր, առևտրական, փողատեր դասին պատկանողները ոչնչացվեցին Շեյթան Դերեսի վայրում։

Ռեսուլերը 1915 թ. օգոստոսի 26-ին գրում է, որ 200 հայեր և «սիրիացիներ» (սիրիական ուղղափառ եկեղեցուն պատկանողներ) ոչնչացվել են Ռուֆայում։

Քաղաքում ամեն ոք հասկանում էր, որ տեղի հայությունը դատապարտված էր նույն ճակատագրին։ Մկրտիչ Յոթեղբայրյանն առաջարկեց զենքի դիմել, բայց հայ երևելիները չհամաձայնվեցին։

Մայիսի 27-ին առաջնորդարանում գումարված հայ երևելիների ժողովը քննարկեց զիսափոր հարցը՝ բռնագաղթին դիմադրե՞լ, թե՞ հպատակվել։ Եվ որքան էլ տարօրինակ է, ժողովը նույնպես հակված էր հօգուտ հպատակվելուն։ Սակայն այդ պահին տեղ է հասնում Մկրտիչ Յոթեղբայրյանը և փոխում ժողովի տրամադրվածությունը։

«Բոլորդ ալ անխուսափելիօրէն պիտի երթաք մորթուելու, - ասաց նա վեր պարզելով փամփշտակալից հանած փամփուշտը։ Հաւատամք եւ խոստովանիմք միայն ասոր։ Դեռ ինչքա՞ն արյին, քանի՞ միլիոն մահ է պէտք հասկնալու, որ եղեռնագործ պետութեան օրէնքներուն չհպատակուիլը չարագործութիւն չէ»։

Ռուֆան ո՛չ Մուսա լեռ էր և ո՛չ էլ Զեյթուն։ Նա ընկած էր կայսրության խորքերում, կտրված դրսի աշխարհից, հեռու ծովից ու ծովափից։

1915 թ. հունիսի 28-ին Հալեպում ԱՄՆ-ի հյուպատոս Ջեքսոնը գրեց Մորգենթաուին. «Պատիվ ունեմ մեջբերել ամսի 14-ով թվագրված և հենց նոր ստացված վերապատվելի Ֆ. Հ. Լեսլիի Հաղորդագրությունը Ռուֆայից. «Վիճակը վատ է և օրեցօր վատանում է։ Կարծում եմ Մեյնարդը Զեղ պատմել է Դիարբեքիրի ահավոր դեպքերի մասին։ Ճիշտ նույնպիսի սարսափելի վիճակ է ստեղծվել նաև այստեղ»։ Օրը ցերեկով ոստիկանները խուզարկում են հայերի տները՝ զենք գտնելու պատրվակով, և զենք չգտնելով, ձերբակալում ու բանտարկում են հարգարժան մարդկանց։ Մի մասին աքսորում են, մյուսներին խոշտանգում շիկացած երկաթներով։ Իբր զենքի թաքստոցներն իմանալու համար։ Չորս շաբաթ առաջ 50 մարդու իրենց ընտանիքներով աքսորեցին Ռաքքա անապատային քաղաքը՝ այստեղից հարավ երեք օրվա ճանապարհ։

Ոստիկանությունը վերահսկում էր ողջ իրադրությունը և մութեսարիփը նրանց էր ենթարկվում։ Քաղաքի բանտում պահպատ էին մոտ հարյուր «լավագույն քաղաքացիներ»։ Ոստիկանապետը կանչեց հայ եպիսկոպոսին և ասաց, որ մինչև հայերը, այդ թվում և հեղափոխականները չհանձնեն բոլոր զենքերը, ամբողջ բնակչությունը զեյթունցիների պես կաքսորվի. «Մենք գիտենք, թե վերջիններիս հետ ինչպես վարվեցին, քանի որ նրանց ճանապարհը դեպի անապատ անցնում էր Ռուֆայով։ Աքսորյալները հիմնականում կանայք, ծերեր ու երեխաներ էին. նրանց գանահարում ու ծեծում էին կենդանիների պես, կանանց ու աղջիկների վրա բռնանում էին ոչ միայն նրանց պահապանները, այլև բոլոր այն գյուղերի վայրենիները, որոնց միջով անցնում էին աքսորյալները, քանի որ առաջինները թույլ էին տալիս, որ երկրորդները գիշերով

մտնեն նրանց ճամբարը: Գյուղերում աղջիկներին նույնիսկ բաժանում էին: Այս թշվառ արարածները կգերադասեին սպանվել իրենց տներում, քան այս ձեռվ քարշ տրվեին երկրով մեկ»: Մոտ երկու հազար աքսորյալ անցավ Ուրֆայով և բոլորն էլ՝ ավելի շատ մեռած, քան կենդանի: Հարյուրներով սովամահ էին լինում, մեռնում ծարավից, բռնություններից կամ առևանգվում արարների կողմից ու տարվում անապատ:

Սա էր ուրֆահայերին սպասող ճակատագիրը: Տեսնելով գեյթունցի աքսորյալների վիճակը, նրանք որոշեցին չհնազանդվել աքսորի հրամանին և մեռնել տանը: «Մենք վախենում ենք, որ բանտարկությունը, ծեծն ու խոշտանգումները հայերին այնպիսի հուսահատության հասցնեն, որ նրանք սկսեն դժմաղբել և դա անպայման համբնդհանուր ջարդի տեղիք կտա: Մինչև օրս եպիսկոպոսին ու բողոքական հոգեւորականներին հաջողվում էր զսպել երիտասարդներին և կանխել պայմանը, բայց քանի որ կառավարությունը շարունակում է ձերբակալել ժողովրդի առաջնորդներին, շուտով պարզապես չի մնա մեկը, որ զսպի մյուսներին»: Պաշտոնյանները պնդում էին՝ քանի դեռ հայերը զենքը չեն հանձնել, կկոտորվեն: Բայց մարդիկ հիշում են, թե ինչպես 1895-ին ստիպեցին բոլորին հանձնել զենքերը, որից հետո մուսուլմանները հարձակվեցին նրանց վրա և երկու օրում վեց հազար քրիստոնյա կոտորեցին: «Հիմա էլ, եթե կառավարությունը մուսուլմաններից նույնպես հավաքի զենքը, քրիստոնյանները հոժարակամ կհանձնեն իրենց ունեցածները, սակայն մուսուլմանների առջև որևէ մեկն այդպիսի պահանջ չի դնում: Ուրֆան հեղափոխական կենտրոն չէ և այդպիսին երբեք չի եղել: Այստեղի ժողովուրդը միշտ հավատարիմ է եղել իշխանության նկատմամբ և երբեք չի դիմադրել, եթե նույնիսկ ոչխարի պես մորթվել է: Թե ինչո՞ւ են տեղական իշխանությունները հետապնդում այսպիսի ազգարնակչությանը, տարօրինակ է: Այստեղ հեղափոխական կազմակերպություն չկա: կան հեղափոխական հայացքների տեր 30-40 մարդ, սակայն նրանք հեղափոխական քարոզչություն չեն տանում»:

Գերմանիայի գործակալ Քյոնցլերը 1915 թ. հունիսի 20-ին գրեց Ուրֆայից. «Քաղաքում մի օրում բանտ նետվեցին 50 հայեր, հիմնականում խաղաղ և երկրին նվիրված տարրեր ... Ես նահանգապետին (մութեսարիֆին) արտահայտեցի իմ տագնապը, որ Հայկական հարցն ավարտվելու է նրանով, որ Գերմանիայի դաշնակիցների վրա խայտառակ պիտակ է ընկնելու՝ եթե հայերի հանդեպ կիրառվող քաղաքականությունը շարունակվի ... Երեկ չէ առաջին օրը նահանգապետը կանչել է տալիս հայոց առաջնորդին և ասում, թե հայերը պետք է հանձնեն բոլոր զենքերը, հակառակ դեպքում ամբողջ բնակչությունը կտեղահանվի: Առաջնորդն ասում է, թե այդ զենքերը պահպան են օգտագործելու ոչ թե կառավարության դեմ, այլ մշտապես սպառնացող կոտորածի վտանգի դեմ՝ լավ զինված մահմեղական բնակչության կողմից:

Հայերը սարսափած են: 1895 թ. նրանց նույնպես հարկադրեցին զենքերը հանձնել՝ պաշտոնապես խոստանալով, որ նրանք կպաշտպանվեն: Եվ ինչպե՞ս պաշտպանեցին: Մորթվեց 7000 մարդ...

Դիարբեքիրի վիլայեթից համար լուրեր են ստացվում ... Շատ տեղերում խոշտանգել են և ապա միայն գնդակահարել: Առանձնակի սիրված եղանակ է եղունգների դուրս քաշելը»:

Ուրֆայի մերձակայքի Կարմուջ գյուղի լեռներում գործում էր Սևերեկի և Դիարբեքիրի հայերից կազմված լավ զինված խումբ: Կյանքից ձեռք քաշած այդ մարդիկ վճռել էին մարտնչել թուրքերի դեմ, որովհետև նրանք նորից խոշտանգել ու սպանել էին հայերին:

Ուրֆայում Թորոս անունով մի բանվոր անցնում էր փողոցով: Նրա առջևից գնում էր ժանդարմը, որը գետնին մի փամփուշտ նետեց: Թորոսը դա վերցրեց, իսկ ժանդարմն անմիջապես նրան ձերբակալեց: Ոստիկանատանը Թորոսի գրպանից հանեց այդ փամփուշտը: Դա բավական էր, որպեսզի Թորոսն անհայտանար բանտում:

Լուր ստանալով, որ ռազմաճակատում թուրքերը հաջողություն ունեն, թուրքական մի նվազախումբ նվազելով շրջում էր չուկայում: Մի հայ պատանյակ միամտաբար հարցնում է, թե իսկապես թուրքերը հաղթել են: Նրան խոշտանգում ու բանտ են նետում¹:

Ուրֆայում, վկայում է Ռենակերը, խուժանը օգոստոսի 19-ին հայերի և սիրիացիների իսկական սպանդ կազմակերպեց: 200 մարդ սպանվեց: Միայն հաջորդ օրը հաջողվեց կարգը վերականգնել: Քյունյունի վկայությամբ՝ հարյուրավոր հայ ճանապարհաշինարարներ սպանվեցին Խարանի դաշտում: Թել Աբիադի կայարանապետն իր վերադասին գրեց, թե ժանդարմները պատմել են, որ իրենք վերադասի (Խարանի գայմագամի) հրամանով զնղակահարել են ճանապարհաշինարար բանվորներին:

Այսինքն՝ բացի զենքից, փրկության ուրիշ միջոց չկար, և ուրֆացիները որոշեցին մեռնել կովով, մեռնել հայրենի օջախում:

Ստեղծվում է երեք հոգանոց գաղտնի մարմին՝ Մկրտիչ Յոթնեղբայրյան, Կիրակոս Դերձակյան և Կարապետ Քարտաշյան, որը գլխավորում էր ինքնապաշտպանության նախապատրաստական աշխատանքները: Ձևավորվեցին մարտական խմբեր, որոնք շաբաթը մեկ քաղաքից դուրս գինավարժություններ էին անցկացնում: Պարտադրվեց, որ զենք կրելու ընդունակ յուրաքանչյուր տղամարդ զենք ձեռք բերի: Ստեղծվեցին նաև թոուցիկ խմբեր թաղում և մերձակայքում հերթապահելու համար: Մշակվեց և խմբերի ղեկավարներին տրվեց ինքնապաշտպանության պլանը:

Միջոցառումների ամբողջականությունն ու դրանց իրականացման հետեւողականությունը և արագությունը պայմանավորված էին նաև համայնքի քաղաքական համականքմամբ: «Ուրֆայի մէջ Դաշնակցական և Հնչակեան կազմակերպութիւնները եղած են համերաշխ՝ մասնաւորաբար ժողովուրդի զինաւորման գործին մէջ»²:

Ուրֆայում հայերի հալածանքների սաստկացումն սկսվեց ապրիլի 17-ի խուզարկություններով: «Յանկարծ,- պատմում է ականատեսը,- 16 խումբ ոստիկաններ տարբեր ճանապարհներով կը մտնեն Հայոց թաղը, կարծես թէ նախապէս չափուած, ձեռուած եւ կնքուած ծրագրով խուզարկութիւններու կը

¹ R 14086, Ab, 22125.

² Սահակեան Ա. (Լութեր), Դիւցազնական Ուրֆան եւ իւր հայորդիները, Պէյրութ, 1955, էջ 723:

Ճեռնարկեն: Նախ կը պաշարեն մայր եկեղեցին եւ հարուստներու տուները, ոստիկաններու տարրեր խումբեր հեծեալ եւ հետիոտն անդադար կը չըջագային փողոցները ... Կեսօրէն անմիջապես յետոյ 30-ի չափ հեծեալ ոստիկաններ կը փութան խուզարկելու քաղաքէն մեկուկէս ժամ հեռու գտնուող զուտ հայարնակ Կարմուճ գիւղը»¹:

Նախ երիտասարդությանը զորակոչեցին և ուղարկեցին ամելե թարուրի Այնթապ ու Ուրֆայի մոտ գտնվող Կարա-Քեռփրյուի և Կաթմա վայրերը: Արդեն այդ ժամանակ որոշակի էր դառնում, որ թուրքական կառավարությունը «Հայերը բնաջնջելու ծրագիրները պատրաստած ու գործադրութեան դրած է»²: Մի ձորում սպանվեց Կարմուջ գյուղի երիտասարդությունը: Այնուհետև 700 հայ կոտորվեց Ուրֆայի Պըտիկ Մեյդան թաղում:

Հր. Աճառյանը Եղեսիայում ծավալված իրադարձությունների նախասկիզբը ներկայացնում է հետեւյալ կերպ. «1915 յունիս 4. մի խումբ Եղեսացիք միացան կարմունջոց եւ Ա. Յովհ. լեռան քարայրները քաշուեցան. նպատակ ունենալով գիշերով միանալ 1500 հայ զինուորաց, որ կ'աշխատէին ի Գարաքէոփրի եւ յարձակել Ուրֆայի վրայ»: Սակայն հաջողություն չունեցան, որովհետև «Ժուրք չմարկիք պաշարեցին նրանց»: Փոքրիկ բախումից հետո հայերը հետ քաշվեցին: Իշխանությունները «Կարմուջի երիտասարդաց մեծ մասը բռնեց եւ իննը ժամ հեռու քշելով՝ հրացանազարկ արեց: Պահանջնցին քաղաքի գէնքերը, հները տուին, լաւերը պահեցին: Ամեն տեղ խուզարկում, ձերբակալում եւ բոլորին կոտորում էին: Մի խուզարկութեան միջոցին հայք տեսնելով, որ պահեստը պիտի բռնուի, կրակ բացեցին. երկու ոստիկան սպանուեց: Տաճիկը զնացին օգնական բերելու. սրանք հինգն էին, ուստի զէնքի պաշարը փախցրին, ուրիշ տեղ գնացին»³:

Ուրֆայում գերմանացի միսիոներ Բ. Էքարտը իր «Ապրածս օրերը Ուրֆայում» գրքում գրում է. «Կառավարությունը մինչև 40 տարեկան հայերին ուղարկում էր զինապարտության՝ ճանապարհ կառուցելու բազարից դեպի արևելք և հարավ ... 400 հայերի ուղարկել էին Ուրֆա-Թել-Արխադ ճանապարհի վրա աշխատելու և մոտ 100-ին էլ՝ դեպի արևելք: Նրանց ջարդեցին»: Մի հայ հաջողում է փրկվել և հասնել Մծրին ու էքարտին պատմել. «Մի օր կեսօրից հետո մի սպա եկավ ոստիկանների հետ: Նա հրամայեց, որ 50 հայեր շարք կազմեն: Շարք կանգնեցինք ուս-ուսի: Ոստիկանները պարաններով մեզ իրար կապեցին»: Երկու ժամ անց կարավանը հասնում է ճանապարհի ծայրի հովհանքը: Սպան ճառ արտասանեց, և նրա «Մա՛շ դավաճաններին» հրահանգից հետո ժանդարմները կրակ բացեցին:

Հրացանազարկ վրա ու բոլորին մերկացրեցին... Կողոպտված փողերն իրար մեջ բաժանելուց հետո փաթաթեցին մեր շորերով... Գիշերը սողալով թողեցի այդ սարսափելի վայրը»:

¹ «Կիլիկեան տարեցոյց», Կ. Պոլիս, 1922, էջ 220:

² Նույն տեղում, էջ 221:

³ Աճառյան Հր., նշվ. աշխ., էջ 347-348:

Քաղաքի հարավում աշխատող Հայերի ճակատագրի մասին էքարտին պատմել է թուրք ոստիկանը, «Երբ ցանկացել էին 400 Հայ զինվորներին շղթայակապ անել, խոռվություն էր բարձրացել: Մի քանի Հայեր հարձակվել էին ոստիկանների վրա, խել զենքերը: Թուրքերը բոլոր կողմերից կրակ էին բացել Հայերի վրա, բայց մի քանի հոգի Հաջողել էր փախչել»: Հայերի այդ ջարդին մասնակցել էին նաև քրդերն ու արաբները: Դիակները նետել էին ջրհորը: «Երբ ջրհորը դիակներով լցվել էր, զինվորները մեծ քարեր էին գլորել ջրհորի վրա...»¹:

Բ. Էքարտը փաստեր է բերում, որոնք մեկ անգամ ևս հաստատում են, որ ջարդերը Հայահանգավորված էին Կ. Պոլսից: Նրա եղբայրը ականատես լինելով տարագրվող Հայերի հանդեպ դաժան վերաբերմունքին, կշտամբում է ոստիկանին: Վերջինս ուսերը թոթովում ու ասում է. «Ես ի՞նչ գիտեմ, թե ինչ է կատարվում Հայերի հետ»:

Հունիակին քաղաքում Հայտնվեցին բանտերից ազատ արձակված ծպտված ոճրագործներ՝ «կամավորներ»: Նրանք եկել էին Կ. Պոլսից և ոստիկանների աչքի առաջ սկսեցին կողոպտել փողոցներում երևացող Հայերին: Քաղաքում լուրեր էին տարածվում, թե Հայկական թաղերում դասալիքներ էին թաքնվում և «զգուշորեն լուս էին, որ շատ թուրք դասալիքներ գտնվում էին թուրքական թաղերի որջերում»:

Ուրֆա ժամանեցին երկու բեյեր՝ իթթիհաղի պատվիրակներ՝ էնվերի Հորեղբայր, երիտթուրք պարագլուխներից Խալին ու տիբրահոչակ ավազակ Ահմեղը: Տեղի կառավարչի և այդ «երկու բեյերի միջև լուրջ վիճարանություն էր տեղի ունեցել»: Առաջինը «չի հանդուրժել, որ երիտթուրքերը խառնվեին քաղաքի գործերին», իսկ եկածները բացատրել էին, թե իրենք ղեկավարվում էին «Կ. Պոլսից ստացված Հայահանգներով»: 50 Հայի արտաքսումը տեղի ունեցավ նրանց գալուց անմիջապես հետո: Մի քանի օր անց նրանք Հաշվեհարդարի ենթարկեցին Գր. Զոհրապին ու Վարդգեսին: Խալիլը Հայ ավագանու ներկայացուցիչ Նշանին ուղղակի ասաց. «Դուք, Հայերդ գտնվում եք իմ իշխանության տակ, կարող եմ ձեր հետ վարվել ինչպես ցանկանամ» և նրանից մեծ գումար է պահանջում, խոստանալով, որ «Հավաքված գումարի չափից է կախված լինելու» Հայերի հանդեպ վերաբերմունքը: Ապա Խալիլը լուր տարածեց՝ եթե Հայերը մահմեղականներին որոշակի գումար տային, «վերջ կտրվեր սպառնալից վիճակին»²:

Շուտով Ուրֆայում ևս ձերբակալությունները դարձան զանգվածային: Հուլիսի 10-ին ոստիկանապետ Օսմանը պահանջեց 48 ժամվա ընթացքում Հանձնել բոլոր զենքերը:

Դանիացի միախոներ Քարեն Եփիեն գրում է. «Օր մըն ալ տարագիրներու կարաւանները սկսան Ուրֆա հասնիլ: Թիւրքերը «մուհամմեդ» կը կոչէին զանոնց: Զէլմունցիներ էին: Մեր Հարցումին, թէ ինչո՞ւ լրած էք ձեր լեռները, անոնք պատասխանեցին. «Առանց պատճառի մեզ քշեցին մեր տուներէն»:

¹ Էքարտ Բ., Ապրած օրերը Ուրֆայում, Ե., 1990, էջ 19-25:

² Նույն տեղում, էջ 24:

Ուրֆայում ևս սկսեցին ամենավայրենի եղանակներով՝ մեծագումար տուրքեր հավաքել, «միշտ յանուն օսմանեան բանակին կը հաւաքեն ձիեր, կառքեր, ապա՝ խանութներու մէջ գտնուող ապրանքները կը կողոպտէին, մինչեւ իսկ կը խուզարկեն տուները»: «Այս բոլոր դառնութիւնները լոելեայն կ'ըմպեն ուրֆացիները, կը գուշակէին, որ օրերը վարդագոյն չէին, բայց ոչ ոքի մտքէն կ'անցնէր ընդհանուր բնաջնջման հրէշային ծրագիր մը»:

Հատկանշական է, որ հայ համայնքի ավագանու հաշտարար քարոզներին հակաղրվեց ոչ միայն Մ. Յոթնեղրայրյանը, այլ մեծ թվով երիտասարդներ, որոնք կանգ չառնելով վտանգի ու դժվարության առաջ, ուազմամթերք էին ներկրում ու թաքցնում: Հունիսի 8-ին ձերբակալեցին 16 կուսակցական ղեկավարների ու աքսորեցին Ռաքբա: Մ. Յոթնեղրայրյանը ճանապարհին, ծպոված բեղմիի հագուստի մեջ, ձերբակալվածներին առաջարկում է փրկվելու պլան, բայց մերժվում է: Նրանց ոչնչացրեցին ջրայան զյուղում:

Վիճակն իսկապես բարդ էր և ծայրաստիճան բարդանում էր նաև նրանով. որ քաղաքի բնակչության միայն մեկ երրորդն էր հայ. մնացածը մահմեղական էր: Քաղաքն ու նրա գյուղերը շրջափակված էին թուրքերով, քրդերով, չերքեղներով, չեղեններով, առնառուտներով և մահմեղական այլ ցեղերով՝ դաստիարակված Ղուրանի հակաքրիստոնեական մոլեուանդության ոգով. «Եթե գերիներից ձեզ դուք գա կին կամ աղջիկ և եթե ցանկանաք նրան հարձ վերցնել, եթե ձեզ հարկավոր է զյավուրներից պատանի ստրուկ ունենալ, Ալլահն այդ չի արգելում, միայն եթե նրանք ընդունեն իսլամություն: Իսկ եթե մնան իրենց հավատին, այդ մոլորգածներին սպանե՞ք: Ալլահն արգելում է միանալ զյավուրների հետ: Ծերերին մի՛ խնայեք, քանի որ նրանց մեջ անհավատարմությունն նույնքան ամուր է, որքան հին ոսկորը... Բոլոր զյավուրներն Ալլահի առաջ մաքուր չեն: Խփե՛ք, այրե՛ք, վերցրե՛ք մեռածների հարստությունները...»:

«Սուրբ զրքի» պատգամները հոգեհարազատ էին մահմեղական ընչաքաղցի նվիրական զգացմունքներին: Եվ նա առիթը բաց չէր թողնում դրա դոզմաներն օգտագործելու՝ անձնական շահ ստանալու համար: Ուրֆացի մահմեղականները հայ կանանց ասում էին, որ եթե եղեսահյերը տեղահանվեն, նրանք անհանգստանալու պատճառ չունեն, որովհետեւ «զուք և ձեր զավակները կմնաք մեր մոտ. դուք մերն եք»: Նրանք մտնում էին հայերի տները և սպառնալով դրամ ու կին էին պահանջում: Մասնավորապես տուժում էին այն ընտանիքները, որոնց տղամարդիկ բանտարկված կամ սպանված էին:

Դրությունը փոքր-ինչ մեղմանում էր նրանով, որ Եղեսիայում հայ կանայք կաղմակերպված էին, միավորված էին կանանց միություններում, պահում էին որրանոցներ, արհեստանոցներ, ունեին Կարմիր խաչի կաղմակերպություն:

Նրանք միահամուռ որոշում կայացրեցին՝ եթե անխուսափելի դառնա թուրքերի ճանկերն ընկնելը, թույն ընդունել: Իսկ քաղաքում ձերբակալություններն ու փոքր խմբերով աքսորումները շարունակվում էին: Կանայք որոշեցին, որ այլևս չուկայում պետք է աշխատեն իրենք, իսկ տղամարդիկ Հայկական թաղից դուրս չպետք է ելնեն՝ ձերբակալությունից խուսափելու համար:

Որպեսզի հայկական թաղերը խուզարկելու պատրվակ չստեղծվեր՝

Մկրտիչն իր 30 հոգանոց խմբով դուրս է գալիս քաղաքից և ապաստանում Կարմուջ Հայկական գյուղի մոտակայքի Վանեսի լեռներում։ Սակայն հուլիսի 6-ին խումբը պաշարվում է։ Հաջողվում է ճեղքել շրջափակման օղակն ու վերադառնալ քաղաք։

Զինաթափման դեմ Հանդես եկողներին դեկավարում էր թնդանոթաձիգ սպա Միհրան Հերերանը, որը հիշեցնելով 1895 թ. կոտորածը, ասում է, թե զենքերը հանձնելը մահ է։ Հավաքում են միայն մի քանի հին զենքեր ու հանձնում։

Հուլիսի 25-ի երեկոյան, ձերբակալված Հայերին քաղաքից հանում են և Շեյթան Դերեսի վայրում ոչնչացնում, ինչը գրեթե հոսահատության է մատնում քաղաքի հայությանը։ Հաջորդ օրը ձերբակալվում է թեմի առաջնորդ Արտավազդ ծ. վրդ. Գալենտերյանը։

Օգոստոսի 4-ին, երբ չեթեներն ու թուրք զինվորներն անակնկալ պաշարում են Կաթմա և Կարաքյոփիրյու գյուղերում գտնված անգեն հայ զինվորներին ու բոլորին սպանում, մի քանի հոգի ինչ-որ կերպ փրկվում է և կատարվածի լուրը հասցնում քաղաք։ Նույն ժամանակ թուրքերը շրջապատում են Հայկական թաղը՝ բռնելու համար Յոթնեղբայրյանին ու նրա խումբը, որոնք Հարություն Ռաստգելենյանի տանը թաքնված էին։ Հնարամիտ Մկրտիչը հաջողում է պաշարումից դուրս գալ ու թաքնվել Հ. Սիմեյանի տանը։

Այս և նման մի քանի զենքեր համոզեցին, որ սխալ էին նրանք, որոնք գտնում էին, թե զենքի պետք էր դիմել միայն տեղահանության հրամանն ստանալուց հետո։ Հայերը ինքնապաշտպանության ձեռնամուխ եղան անմիջապես։ Ստեղծվեց ուղղմական խորհուրդ կազմված վեց հոգուց՝ Մ. Յոթնեղբայրյան, Գ. Ալահայտոյան, Հ. Ռաստգելենյան, Վ. Մեսրոպյան, Հ. Սիմեյան և Մ. Սույնան։ Կան վկայություններ, որ խորհրդի կազմում էին նաև Խ. Քյուփելյանը, Լ. Էլբերյանը, Հ. Իմիրզյանը և Ա. Աղդարյանը։ Նրանց զեկավարությամբ՝ Հայոց թաղը բաժանվեց վեց հատվածի՝ յուրաքանչյուրում 32 դիրք։ Կովողների թիվը տատանվում էր 800-1200-ի միջև։

Հասարակական կարգի պահպանման գործը հանձնարկեց տարիքավորներին։ Ստեղծվեց զինագործական արհեստանոց՝ Հրացանները վերանորոգելու և փամփուշտ լցնելու համար։ Կանայք մաքրում էին զենքերը, դասավորում թաքստոցներում։

«Հացագործ Ասատուրի տունը վերածուած էր զինագործարանի։ Այստեղ կը պատրաստէին» նաև ձեռնառումքեր։ «Քաղաքին մէջ որքան աղտոտ թիթեղներ կային, Հոն Հաւաքած էին»։ Դրանք տաքացնում էին, միացման տեղերի կապարը հալեցնում և օգտագործում ձեռնառումք պատրաստելու համար։ Հայոց թաղի չորս կողմը խրամատներ փորվեցին։

Գործում էին նաև պարենավորման մարմին և Հիվանդանոց։ Թաղին տուները պատերին բացված անցքերով կապված էին միմյանց հետ։ Դա կարեսը էր, որովհետև մարտի ժամանակ վտանգավոր էր անցնել ոչ միայն փողոցներով, այլև բակ դուրս գալ՝ թուրքերը մինարեներին դիպուկահարներ էին տեղադրել, որոնք ոչնչացնում էին դրասում երևացողներին։

«Հայոց ծրագիրը յայտնի էր։ Անոնք միահամուռ որոշուած էին մնալ իրենց

տուներուն մէջ, կուսիլ մինչեւ վերջին փամփուշտը, որքան կարելի է սուղ գինով ծախել իրենց կեանքը: Ազատուելու յոյս գրեթէ չունէին, այդ ո՛չ թէ մահուան ու կեանքի կոփու պիտի ըլլար, այլ կոփու՝ արժանանալու պատուաւոր մահուան»¹:

Էքարտի վկայությամբ՝ արդեն օգոստոսի 20-ից քաղաքում առաջացան «արյունոտված և կողոպտված դիակների կույտեր: Թուրքերը հարձակվեցին չուկայում գտնվող հայերի վրա և ոչնչացրեցին մոտ 200 հոգի»: Մի նեղ նրբանցքում էքարտի և նրա եղբօր դիմաց «դուրս էին եկել կարմիր թուրքեր՝ զինված արյունոտված մահակներով և եղաններով»: Փորձել են երկուսին էլ սպանել, կարծելով, թե զյափուր հայեր էին, բայց նրանք կարողացել էին համոզել, որ հայ չէին ու փրկվել էին:

«Սամսաթի դարբասի մերձակա փողոցում տեսա երեք դիակ: Սպանվածների խանութները կողոպտված էին ... Տեսա, թե ինչպես մի սպա կրակելու պատրաստ մասուղերով թեքվեց նեղ նրբանցքը, և երկու հրացանավոր ոստիկաններ հետևեցին նրան ... Մենք սարսափով լսում էինք կրակոցների ձայներ ... Հրացանաձգությունը տևեց մինչև մայրամուտ»: Տղամարդիկ «փախել էին չուկայից, բայց չէին կարողացել հասնել իրենց տները: Կանայք ու երեխանները փախստական, թափառական էին դարձել»: Հաջորդ օրը էքարտը Մզբինի մոտակայքում տեսել էր երեխանների դիակներ: Նաև տեսել էին, որ հայերի շատ տներ կողոպտվում էին:

Իշխանությունները պահանջեցին, որ ոչ-տեղացի հայերն անհապաղ թողնեն քաղաքը, իսկ եղեսահայերին արգելվեց քաղաքից հեռանալ: Հանվեցին և Սիրիա տեղափոխվեցին քաղաքում գտնվող պատերազմական գերիները: Հայերի տների խուզարկություններն էական արդյունք չունեցան, և դա առաջին հերթին չնորհիվ մանկամարդ աղջկների, կանանց ու երեխանների ջանքերի, որոնք ամենաբազմազան հնարքներով թույլ չէին տալիս, որ խուզարկու ոստիկանները զենք հայտնաբերեին: Մ. Յոթնեղբայրյանը Ուրֆա բերված Գ. Զոհրապին ու Վարդեսին առաջարկում է փախստատի ծրագիր, բայց վերջինները հրաժարվում են փախչել:

Բախումը անխուսափելի էր, պատրվակները՝ ավելի քան շատ: Մի հայի տուն խուզարկելու ժամանակ (տանը միայն տանտիրուհին ու դուստրն էին) ոստիկանապետը փորձում է բռնությամբ կենակցել դստեր հետ, սակայն հարեւան սենյակում թաքնված որդին ատրճանակի կրակով սպանում է նրան: Ոստիկանները խուզապահաւար փախչում են գոչերով, թե հայերն ապստամբել են: Տեղական իշխանություններն անմիջապես հեռազրում են Հալեպ. «Նտապ օգնության հասե՞ք: Ուրֆան վտանգված է: Հայերն ապստամբել են»:

Զարդի սկսվելով էքարտը ներկայացնում է հետևյալ կերպ: Օգոստոսի 19-ի կեսօրին ոստիկանները փորձում են բռնել մի հայ դասալիքի: Մի կին ցույց է տալիս դասալիքի թափառոցը: Այդ պահին կինը հրացանազարկ է լինում: Մանր վիրավորվում են Բաքրի և Նուրի չափուշները: Դրանից հետո էր, որ «երկու բեյերը» հրամայեցին ջարդել հայերին:

Հալեպում Ավստրո-Հանգարիայի հյուպատոս Դանդինին արդեն օգոստոսի

¹ Գահուէճեան Ե., նշվ. աշխ., էջ 26:

27-ին հեռագրեց. «Անտիոքի մոտ՝ Սվեդիայից, ինչպես նաև Ուրֆայից ու Զեյթունի մերձակայքից Հայտնում են Հայերի և իշխանությունների միջև տեղի ունեցող արյունահեղ ընդհարումների մասին: Անձնատուր լինելու թուրքական պահանջին Հայերը պատասխանել են կրակոցներով: Մարտերը շարունակվում են»¹:

Սեպտեմբերի 28-ին ոստիկանները փորձեցին բռնել Հայ երկու դասավագ զինվորների: Նրանց միացավ թուրք խուժանը, որը փորձեց կրկնել 1895 թիվը: Հայերը փակեցին խանութները և զբաղեցրեցին իրենց դիրքերը: Մութեսարիֆը նամակով պատվո երդում է տալիս, թե Հայերին որևէ վատ բան չի պատահի, եթե բացեն խանութները: Ստանում է պատասխան. «Ուրֆայի Հայութինը հաւատք չունի թիւրք կառավարութեան տուած խոստումներուն վրայ: Նկատի ունենալով, որ տմարդի կերպով ջարդուած են Հայ զեկավարներն ու Կութամայի Հայ զինուորները, ողջ մնացողները չեն ուզեր ոչխարի Համակերպութեամբ մորթուիլ: Անոնք ուխտած են մեռնիլ մինչև վերջին փամփուշտն ու վերջին մարդը»²:

Հայկական թաղերը ոչ միայն բարձրադիր էին, այլև՝ քարաշեն, ամուր տներ ունեին:

Թուրքական ոստիկանությունը պաշարում է Տարակյանների տունը, ինչը Հանդիսացավ այն վերջին կաթիլը, որ լցրեց Հայերի Համբերության բաժակը:

Բայց եկեղեցու զանգերը հնչեցին այն բանից հետո, երբ իշխանությունները փորձեցին կատարել նոր ճերբարկալություններ և խուզարկություններ: Հայերն անմիջապես զբաղեցենում են մարտական դիրքեր, թաղը ծածկում է դիրքերով:

Մութեսարիֆը պահանջում է Հեռանալ դիրքերից: Հայերը հրաժարվում են, պատճառաբանելով թե թուրքական խոստումները թակարդ են³: Դա սեպտեմբերի 29-ն էր՝ Ուրֆայի Հերոսամարտի առաջին օրը:

Անգլիացի ականատեսը գրում է. «...Հայկական եկեղեցու մեծ զանգն սկսեց հնչել: Երբեք չեմ մոռանա այդ Հնչյունի ներգործությունը մեզ վրա: Դա իսկական տագնապազանգ էր: Մինչ այդ Ուրֆայում գտնվելու ամբողջ ժամանակահատվածում մենք եկեղեցու զանգի ձայնը չէինք լսել: Հայերը չէին համարձակվում զանգը զողանշեցնել նույնիսկ կիրակի օրը, երկյուղով, որ կզրկուեին թուրքերի մոլեռանդությունը իրենց դեմ: Այնպես որ, զանգի անընդհատ զողանշը նրա տևական հարկադիր լուսթյունից հետո, կարծես բառերի պարզությամբ մեզ ասում էր, որ Հայերը կովելու են մինչև վերջ...»⁴:

Հայկական թաղերում գտնված ոստիկանները զինաթափ են արվում կամ սպանվում:

Այդ օրերին Ուրֆայամ ոչնչացվեց 600 Հայ, որոնցից Հարյուրը քաղաքաբնակներ էին, 100 Հոգի ուղարկվեցին աշխատանքային վաշտեր, զգալի թվով

¹ Wien HHSTA PA XXXVIII 366, Aleppo, 27 August 1915.

² «Յուշամատեան Մեծ Եղեռնի», էջ 800:

¹ Սահակեան Ա., նշվ. աշխ., էջ 834:

² «Բնօրրան», 1995 թ., № 1, էջ 15:

ուրֆացիներ ոչնչացվեցին Դիարբեքիրի ճանապարհին:

Մութեսարիփ Ալի Հայդարը բանագնացներ է ուղարկում կոփը դադարեց-նելու առաջարկով: Հայերը մերժում են:

Հայկական թաղում ամենուրեք պատնեշներ էին շինվում բացի Հայկական և թուրքական միացյալ փողոցից, որպեսզի խուժանը այնտեղից թափանցեր Հայոց թաղի փողոցները:

Բ. Էքարտը գրում է, որ գորգի գործարանի մերձակայքում հնչեց Հայի խրուտ ձայն. «Մահմետականնե՛ր, դուք մեզ հուսահատեցրեցիք: Կառավարությունը մեզ լավ խոստումներ է տալիս: Բայց դա կեղծիք է: Նա ուղում է ոչնչացնել Հայերին: Մեր զինվորներն անպատիվ են արված, նրանց եղբայրներին ու Հայրերին, կանանց ու երեխաներին խայտառակել են, դատապարտել սովամահության: Կզա նաև Ուրֆայի Հայության Հերթը... Բայց մենք չենք թողնի, որ մեզ ոչխարի պես մորթեք մեր տներում: Մենք ուղում ենք թանկ ծախել մեր կյանքը՝ զենքը ձեռքներիս»¹: Խոսքի ավարտին հնչեց Հրացանազարկ: Թուրքերը միմյանց ձայն տվեցին: «Բոլորդ ձեր զենքերով դուրս եկեք, Հայերը չպետք է հարձակվեն մեր տների վրա»: Բայց Հայերը մտադրություն չունեին Հարձակվելու թուրքերի վրա: Նրանք բավարարվեցին նրանով, որ պահապան կարգեցին իրենց տների մուտքերին և թաղի փողոցներում: Թուրքերը նույնպես դիրքեր գրավեցին Հայկական թաղի մերձակայքում: Սկսվեց աշխույժ Հրացանազություն, որ տևեց մինչև ուշ գիշեր: Նոյն օրը, թուրքերը գործարանի, կողքի տանը սպանեցին մի Հայ Հաշմանդամի, ապա վիթխարի խարույկ վառեցին և այրեցին Հայ դեղագործին: Թուրքերից մեկը փորձեց փախցնել մի Հայ աղջկա, բայց Հրացանազարկ եղավ: Մի քանի օր անց, թուրքերի պահանջով, Հայերին գործարանից Հանեցին և բոլորին Հրացանազարկ արեցին:

Ֆախրի փաշան թուրքերի անհաջողության պատճառը պարզելու համար սկսում է քննություններ անցկացնել: Նա Հայերին առաջարկում է հեռանալ քաղաքից՝ երաշխավորելով նրանց անվտանգությունը: Հայերը համաձայն-վեցին պայմանով, որ ազատ արձակվեին իրենց 200 ձերբակալված ընկերները: Ֆախրին համաձայնվեց, բայց Հայերին ազատ արձակելն անհնար էր, որովհետև նրանք արդեն ոչնչացված էին:

Մինչև Հալեպից սպասվող ուժերի տեղ Հասնելը ֆախրին հաջողեց տասնյակ Հազարի հասնող ուազմական ուժ ձևավորել տեղի թուրքերից, քրդերից և չեղքեղներից²:

Սեպտեմբերի 30-ին 12.000 թուրք զինվոր ու խուժան լցվում են Հայոց թաղը: Նրանց առաջնորդում էին «Սալավաթ» գոռացող խոջաները: Խուժանն իր Հետ վերցրել էր պարաներ ու պարկեր՝ կողոպուտի համար: Երբ թուրքերն արդեն խուժել էին թաղը, Հայերը զանգվածային կրակի տակ առան նրանց: Թշնամին շատ արագ խուժապի մատնվեց ու փախուստի դիմեց՝ թողնելով 450 դիակ: Հայերից զոհվեցին վեց տղամարդ և երկու կին:

Մետերնիխը կանցլերին 1915 թ. նոյեմբերի 29-ին գրած նամակում կեղծում

¹ "Յերկալո", 1993 թ., № 74, տես նաև Սահակեան Ա., նշվ. աշխ., էջ 818:

² Սահակեան Ռ. Օ., Ուրֆայի 1915 թ. հերոսամարտի պատմությունից, ՊԲՀ, 1988, № 3, էջ 108-110:

Է ուժերի փոխհարաբերության իրական պատկերը: Նա հայ կովողների թիվը նշում է 2000 տղամարդ, որոնք «բավարար զինված էին հրացաններով, ապահովված էին մեծ թվով փոքրաչափ զենքերով և ունեին բավարար քանակությամբ ռազմամթերք: Նրանք գնդացիր չունեին, դրանց փոխարեն ունեին մեծ թվով ձեռքի ինքնաշեն ռումբեր»: Սրանից Գերմանիայի դեսպանը եղակացնում է, որ դրանք պատրաստելու համար անհրաժեշտ դինամիտը երկաթուղի կառուցող հայ բանվորները բերել են տևական ժամանակում: Այսինքն՝ եղեսահայերը երկարատև նախապատրաստական աշխատանք էին տարել «ապատամբելու» համար:

Մետերնիխը անհրաժեշտ է համարում հայերի ուժի թիվը ավելացնել 2-2,5 անգամ, իսկ թուրքական ուժերի թիվը կրճատել մի քանի տասնյակ անգամ: Ըստ նրա՝ սկզբում, այսինքն՝ սեպտեմբերի վերջերին, թուրքերի կողմից մարտական գործողություններին մասնակցում էր 70-80 ժանդարմ, ապա օգնության եկավ մի գումարտակ, Հոկտեմբերի 5-ին՝ ևս մի գումարտակ, իսկ հաջորդ օրը՝ նորից մի գումարտակ և երկու թնդանոթ: Հայերի զոհերի թիվը նշում է 300-400, իսկ թուրքերինը՝ 50 հոգի¹:

Մետերնիխի կարծիքով՝ Ուրֆայի հայկական հուզումների պատճառները պետք է փնտրել Վանի իրադարձությունների մեջ: Բախումները Ուրֆայում շատ ավելի սուր բնույթ ստացան Վանից այնտեղ գնացած «քարողիչների» ջանքերով:

Իշխանությունները հայերից պահանջեցին լրացուցիչ զինակոչիկներ տալ, զրում է ժամանակակիցը: Սեպտեմբերի 13-ին «կը պաշարեն տուն մը, կը պահանջեն անձնատուր ըլլա, կը մերժեն, կը կոռին, մահմետականները մի քանի զոհ տալով կը փախչին: Գիշերը հայր կը պատրաստուին եւ առաւօտը կը սկսեն կոռիկի: Թուրք խուժանը ամէն կողմէ կը յարձակի, բայց ամէն կողմ դիմադրութեան հանդիպելով, շատ զոհ տալով կը փախչի: Օրիորդք, տղամարդու շոր հագած, կը կոռին, կը քաջալերեն: Սքանչելի ռումբ կը շինեն, ճաշ կ'եփեն, բժշկական սպասարկում կ'ապահովեն»:

Համաձայն «Կիլիկեան տարեցոյցի», մեկ հայր կովում էր 50 թուրքի դեմ²:

Այսպիսով, ըստ Մետերնիխի, Ուրֆայում հուզումների սկսվելու ահազանգ հանդիսացան երկու իրադարձություններ: Առաջինը տեղի ունեցավ օգոստոսի վերջերին: Ոստիկանական հերթափոխը, որը զենք էր փնտրում Հայկական թաղի տներից մեկում, կիսով չափ ոչնչացվեց, իսկ մյուսները փախան: Շուկայում և դրան կից թուրքական թաղամասերում այդ լուրը հենց տարածվեց, զայրացած մահմեղական բնակչությունն սկսեց վրեժինդիր լինել հայերից, սպանեցին մոտ 100 հոգի:

Սեպտեմբերի վերջին տեղի ունեցավ երկրորդ իրադարձություն՝ նորից հրացանաձգություն հայկական թաղամասում, որի պատճառն անհայտ էր: Հրացանաձգությունն ինքնին առանձնակի նշանակություն չուներ, որովհետև որևէ մեկը չէր տուժել, բայց դրա հետևանքն այն եղավ, որ հաջորդ օրը հայ-

¹ Statsarchiv Dresden, Akten № 1952, Armenien, Bl. 27-34.

² «Կիլիկեան տարեցոյց», 1922, էջ 218-227:

կական թաղամաս ուղարկվեց ուժեղացված ոստիկանական ջոկատ: Հայերն արագորեն հավաքվեցին և կարճ ժամանակում քաղաքի ամբողջ հայկական մասը բարիկադավորվեց և մարտական պաշտպանական համալիրի վերածվեց¹:

Գերմանական դեսպանը գիտակցարար, թե ստացած սխալ տեղեկատվության հետևանքով՝ կեղծում է: Սեպտեմբերի 29-ի հաղթանակը ո'չ թե ուզմական ուժի գերակշռության, այլ հայերի անսանձ պոռթկումի, իրենց ձնչող, խեղդող թուրքական ահավոր ճնշումից անպայման ազատվելու աներեր կամքի արդյունք էր: Կովի նետվեց ամբողջ հայ բնակչությունը՝ անկախ սեռից ու տարիքից, առողջական վիճակից ու զբաղմունքից: Նրանցից շատերը զենքի որևէ տեսակ չունեին:

Փոքր դեր չխաղաց Մ. Յոթնեղբայրյանի փայլուն մարտավարությունը: Նա հայկական կովող ուժերը խմբավորում է երեք հոգու հրամանատարությունը հանձնում է Ռաստկելենյանին, թիմրին թաղի դիրքերը՝ Գ. Ալահայտոյանին, իսկ Շաքոյանի դիրքերը վերցնում է իր հրամանատարության տակ: Դա հնարավորություն տվեց ամեն պահի թշնամու վրա հարձակվել միաժամանակ երկու ուղղություններից և թշնամուն առնել ծուղակի մեջ: Իսկ երբ վերջինները փախուստի էին դիմում՝ ընկնում էին Մկրտչի հրամանատարության տակ գործող դիրքերի կրակի տակ:

Դա Յոթնեղբայրյանի մտահացումն էր, - վկայում է ժամանակակիցը, - թույլ տալ խուժանին լցվելու հայոց թաղի փողոցներն ու ջարդել:

Թուրքերը սկսեցին ընդհանուր հարձակում, բայց զլիսավոր ուժերը կենտրոնացված էին կենտրոնական մայրուղու վրա: Նրանք լցվեցին մայրուղին ու շրջապատման մեջ ընկան: «Նատ չանցած՝ փողոցը լեցուեցաւ թուրքերու բազմաթիւ դիակներով: Այդ գրոհի ընթացքին թիւրքերը տուին 450 դոհ եւ բազմաթիւ վիրաւորներ»²:

Վկայում է Մ. Յոթնեղբայրյանի տիկին Եղիսաբեթը. «Առանց չափազանցովեան կրնամ ըսել, որ Ուրֆայի կիներուն կատարած դերը ճակատագրական եղաւ: Մանաւանդ առաջին օրերուն ժողովուրդը շուարած վիճակ ունէր ... Սակայն աղջինները յաջողեցան այնպիսի խանդավառութիւն մը առաջացնել, որ ժողովուրդը դարձաւ մեծ սիրտ ու մեծ հոգի: Իսկ երբ զէնքերը սկսան շատնալ՝ շնորհիւ թիւրքերեն գրաւուածներուն ու մեզմէ շատերը զէնք ունեցան եւ սկսան կոռուիլ իրենց եղբայրներու կողքին, այլեւս խանդավառութիւնը հասաւ իր գագաթնակէտին»³:

Իսկապես, Ուրֆայի հայ կանայք առանձնակի մեծ դեր խաղացին ինքնապաշտպանական կոիվներում և դա նաև այն պատճառով, որ տղամարդկանց մեծ մասը զորակոչված էր, շատերը ոչնչացված կամ բանտերում էին:

Կանանցից հերոսությամբ առանձնապես աչքի ընկան Մ. Զիլինգիրյանը, Ա. Երիզյանը, Խ. Քեթեճյանը:

¹ Statsarchiv Dresden, Akten № 1952, Armenien, Bl. 27-34.

² Գահուէճեան Ե., նշվ. աշխ., էջ 28:

³ Սահակեան Ա., նշվ. աշխ., էջ 915-916:

Չեմալ փաշան հասկացավ, որ միայն Ուրֆայում եղած ուժերով հայերին հաղթելն անհնար է և Հալեպից Ուրֆա ուղարկեց ֆախիրի փաշային՝ 600 զինվորով ու սպայով և երեք թնդանոթով։ Օգնություն է ուղարկվում նաև Սուլեյմանն իր 600 հրուակներով (Սուրուճից)։

Կ. Գարիկյանը Սուրուճում ականատես էր եղել այդ զորքերի Ուրֆա մեկնելուն և գրում է. «Ուրֆա գոյամարտը յառաջ կը վարէ դիւցազնօրէն, առիւծաբար։ Խուժանային ոյժը անգօր կը մնայ զայն խորտակել-ընկճելու։ Հալէպէն զինուորական ոյժ կ'ուզուի։ Արար-Բունարէն Սուրուճ կը վերադառնայի, երբ Հալէպէն Սուրուճ եկաւ հասաւ գունդ մը զինուոր, թնդանօթ, ուղտերով ուղմամթերք։ Սուրուճի ժանտարմա-գոմանտանին ալ ժանտարմաներու գունդովը միացաւ ասոնց»¹։

Հոկտեմբերի 1-ի զիշերը թուրք խուժանը զորքի առաջնորդությամբ նորից է շարժվում Հայոց թաղի վրա։ Հարվածի գլխավոր ուղղությունը կաթոլիկ եկեղեցին էր։ Մ. Յոթնեղբայրյանը մի ջոկատով շտապում է դեպի եկեղեցի, բայց թուրքերն արդեն հասցրել էին դա գրավել և բակը լցվել։ Նա մի խմբի հրամայում է ձեռնառումքերով բարձրանալ հարևան տան կտուրը, իսկ ինքը ջոկատի մյուս ուժերով դիրք է գրավում եկեղեցուն հարող մյուս տների կտուրներին։ Բոլոր կողմերից կրակ են բացում մթության մեջ խարխափող թշնամու վրա, որը շուրջ 100 կովող է կորցնում։

Հայերը Ալահայտոյանի հրամանատարությամբ թուրքերին ջախջախում են նաև Թեմիրինի ուղղությամբ։

Հոկտեմբերի 3-ին, հրետանային ոմբակոծումից հետո, թշնամին նոր հարձակման անցավ, որին մասնակցում էին նաև շրջակա գյուղերից եկած մեծ թվով զյուղացիներ։ Հայերի մարտական գործողությունները ղեկավարում էր Հ. Ռաստկելենյանը։ Հայերը ձևացնում են, թե նահանջում են ու թուրքերին զցում են ծուղակը։ «Թուրքերու ցնծութեան աղաղակները, - զրում է Լութերը, - փոխուած էին սարասափի ճիչերու։ Այս խելահեղ փախուստէն քաջալերուած, դիրքերեն դուրս կու զային հայ մարտիկները ու ամբոխը կը հալածէին մինչեւ Այնզլայի լճակը...»

Ռաստկելենյանի ծրագիրը լիութեամբ յաջողած էր։ Հայ տղոց կը մնար վերագրաւել իրենց դիրքերը եւ տօնել այդ զիշերուան յաղթանակը»²։

Մ. Յոթնեղբայրյանը ճակատամարտի վայրը հասավ, երբ կոփին արդեն ավարտվել էր։ Նա չնորհավորեց կովի մասնակիցներին և համբուրեց «նաեւ ճակատները տասնեակ մը աղջիկներու, որոնք այր մարդու հագուստով եւ զինուած հետապնդած էին թշնամին դիրքերէն դուրս»։ Այդ օրվա մարտերին հերոսություն դրանուեցին նաև երեխաներն ու պատանիները։ Լութերը թվում է դրանց՝ նազարեթ Բաքքալյան, Գարեգին Բերեջիկյան, Հակոբ Էսմերյան, Հայկ Հացագործյան, որոնք զարմացրեցին «իրենց խիզախութեամբ»³։

Այդ օրերին Ուրֆայում գտնված ֆրանսիացի Մ. Ռեռուրը հոկտեմբերի 3-ի

¹ Գարիկյան Կ., նշվ. աշխ., էջ 378-379։

² Սահակյան Ա. (Լութեր), Ուրֆայի հերոսամարտը, Պէյրութ, 1933, էջ 91։

³ Նույն տեղում, էջ 93։

մարտերի մասին իր հուշերում գրում է. «Հոկտեմբերի 4-ին մեռելային լուսվիւն մը կը տիրէր բոլոր քաղաքին վրայ: Յ-ին նոր Կոխ մը տեղի ունեցած էր, սակայն զինուորներն ու ամբոխը չէին յաջողած գրաւելու թաղերը: Խրաքանչիւր փողոց պատնէշուած էր, հայերը գիտնալով, որ պիտի մեռնէին, որոշեր էին սուղ ծախել իրենց կեանքերը եւ առաւելագոյն վնասը պատճառել թիւրքերուն: Կիներն անգամ հրացանաձգութեան կը մասնակցէին ... Դեռատի աղջիկներ մահը ծաղրելով դիրքերէն կը պոռային զինուորներուն,- Տեսէ՛ք, մենք կ'երգենք, մենք կը զուարձանանք, դուք ալ եկէ՛ք մեզի հետ երգեցէ՛ք եւ պարեցէ՛ք»¹:

Մինչև հոկտեմբերի 5-ը թուրքերի զոհերի թիվը հասավ 2000-ի²:

Զեմալ փաշայի ուղարկած զորքերը չուտով տեղ հասան: Երբ գերմանական արտադրության թնդանոթները մոտենում են քաղաքին, մի խումբ երիտասարդներ Սարգիս Յոթնեղբայրյանի հրամանատարությամբ, ծպտված քրդի տարագի մեջ, գիշերով իջնում ու թաքնվում են թուրքական գերեզմանատանը, ապա աննկատ խառնվում են մահեղական ամբոխին և Հայկական կամրջի մոտ սպասում թնդանոթների գալուն: Երբ դրանք մոտենում են, հայերը կրակ են բացում, ամբոխը խուճապահար փախչում է: Դրանից օգտվելով՝ Սարգիս հանում է թնդանոթներից մեկի փակաղակը: Հայերը ձգտում են ձախողել թուրքերի մտադրության իրականացումը թնդանոթները տեղադրել թլիկտուրի լանջին, գնդակահար անում հրետանավորներին: Սակայն, ի վերջո, թուրքերը թնդանոթները տեղադրում են ու ոմբակոծության տակ առնում Հայկական թաղը:

Հոկտեմբերի 5-ին Եղեսիա հասան 6000 զորք ու թնդանոթներ և անցան ֆախրի փաշայի հրամանատարության տակ: Թե՛ այդ փաշան և թե՛ նրա շտարի պետ գերմանացի Վ. Ռայխենբերգը մասնակցել էին Զեյթունի ու Մարշչի բռնազաղթին և կոտորածին: Հոկտեմբերի 7-ին ֆախրին հայերից պահանջում է անձնատուր լինել: Հայերը կրկին մերժում են:

Ռազմական խորհրդի պատասխանում ասված էր. «Զենք ուզեր ծիծաղելի ըլլալ ձեր աչքին... Հանգիստ ձգեցէ՛ք մեզ մեր պատնէշներուն վրայ մինչեւ պատերազմին վախճանը: Ուրֆայի հայութիւնը պիտի կուրի մինչեւ վերջին մարդը: Ոչ դուք պիտի խնայէք մեզի եւ ոչ ալ մենք՝ ձեր զինուորներուն»³:

Հայկական թաղի ոմբակոծությունը մասնակի ընդհատումներով շարունակվում է մինչև ինքնապաշտպանական մարտերի վերջը: Խուժանը մի քանի անգամ փորձեց զորքի օգնությամբ գրավել Հայոց թաղը: Նրանք տիրացան կաթոլիկ հայերի եկեղեցուն, բայց դա պահել կարողացան միայն մինչև լուսաբաց:

Ֆախրին լրացուցիչ զորքեր է խնդրում Հալեպից: Հաջորդ օրը Ուրֆա է հասնում Սուրումի Սուլեյմանը՝ 600 կռվողներով: Գալիս են նաև աշխրեթներ՝ 12,000 բաշիբոզուկով: Թաղի ոմբակոծությանը ուղեկցում էր այդ բազմահազար զորքի և խուժանի հարձակումը: Մեծ թվով թուրքեր են սպանվում դարանակալած հայերի դաշույններից:

¹ Սահակեան Ա. (Լութեր), Ուրֆայի հերոսամարտը, Պէյրութ, 1933, էջ 93-94:

² Գահուէճեան Ե., նշվ. աշխ., էջ 31:

³ Սահակեան Ա., Դիցազնական Ուրֆան..., էջ 834:

Հոկտեմբերի 8-ին Ֆախրի փաշան հայկական թաղերի վրա հարձակումը սկսում է արևելյան կողմից: Ամբողջ օրը կատաղի կոփ մղվեց և, չնայած կատաղի ոմբակոծություններին, թուրքերը չհաջողեցան գրավել հայկական որևէ դիրք: Դրա փոխարեն, հայերի երեք փոքրիկ խմբեր, ծպտված թուրքական զինվորական հագուստով, անցնում են թշնամու թիկունքը և նրան խուժապի մատնում:

Նույն պահին Մկրտիչը մի խմբով ծպտված մտնում է թուրքական բանակի դասավորության մեջ և հարձակվում խուժապի մատնված թուրքերի վրա և 200 հոգու ոչնչացնում:

Հոկտեմբերի 9-ի մարտերն ավելի դաժան բնույթ ունեցան: Թուրքերը կարողացան գրավել Թլիպտուրը և ամբողջացնել Հայոց թաղի պաշարումը: Թլիպտուրի վրայից շարունակում էին ուժեղ ոմբակոծության ենթարկել հայերի դիրքերը: Միաժամանակ հարձակման անցավ հետևակը: Ֆախրիին օգնում էր նրա գերմանացի մյուս տեղակալը՝ գնդապետ Վոլֆոգենը: Հայերն աներեր էին: Մարտին մասնակցում էին նաև Հայ կանայք, այդ թվում՝ Զեթենճյանի, Զիլինկիրյանի և Կիմչյանի ղեկավարած ջոկատները: Նրանց 30 հոգանոց խումբը այնպիսի կատաղությամբ հարձակվեց թշնամու վրա, որ հրոսակախմբի վիրավորված հրամանատար Յուսուֆին ասաց, թե տարատ հագած ու զինված Հայ կանայք կովում են «առասպելական հերոսների նման, որ երբ միտքս կ'ինան, ոսկորներս իսկ կը սարսուն»¹: Անձնվեր էին կովում Հայ պատանիները՝ Ն. Բաղալյանը, Հ. Թենեքեցյանը ևն:

Վիրավորվում է Մ. Յոթնեղբայրյանը: Նա հրամանատարությունը հանձնում է Ռաստկելենյանին: Պատմում է Եղիսարեթ Յոթնեղբայրյանը. «Մկրտիչը երբ աչքերը բացաւ ու տեսաւ զիս, բարկութեամբ ըսաւ, թէ ինչո՞ւ դիրքէն հեռանալով իր մօտ եկած եմ...»: Լսելով Մկրտչի վիրավորվելու մասին, Հայ մարտիկները կոփը շարունակեցին ավելի մեծ կատաղությամբ: Մովսես Սուճյանը ութ տեղից վիրավորված էր, բայց շարունակում էր հրաշքներ գործել. «...Գիշերը յիսունէ աւելի մեռած թիւրքերու զէնքերն ու փամփուշտները հաւաքեցինք ու տարինք մեր կեղրոնը»²:

Հոկտեմբերի 10-13-ի կոիններն արդեն ընթանում էին Հայկական թաղի ավերակներում: Կովում էին բոլորը՝ տղամարդ, կին, երեխա: Թուրքերը հետևողականորեն սեղմում էին օղակը: Նրանք նոր թնդանոթներ բերեցին:

Կոփը չուրջօրյա էր: Պարենն ու ուազմամթերքը սպառվում էին: Հայերը հարկադրված էին Հավաքվել Մայր Եկեղեցում ու կովել «մինչե վերջին փամփուշտն ու մարդը»: Թշնամին ոմբակոծում էր թաղ առ թաղ, տուն առ տուն: Սպանված տղամարդկանց փոխարինում են կանայք ու երեխաներ:

Չոհվում են նաև Հ. Ռաստկելենյանը, Խ. Քոպելյանը, Խ. Մեղրապյանը, Մ. Սուճյանը, Ա. Թաշչյանը և ինքնապաշտպանության մյուս ղեկավարները:

«Tercumān» թուրքական թերթը 1986 թ. մարտի 10-ին գրում է. «Ուրֆայի

¹ Աւետեան Մ., Հայ ազատագրական ազգային յիանամեայ (1870-1920) յուշամատեան եւ գօր. Անդրանիկ, Փարիզ, 1954, էջ 330:

² Սահակեան Ա., Դիցազնական Ուրֆան.... էջ 921: Տե՛ս Ե. Յոթնեղբայրյանի հուշերը:

... օսմանյան շրջանի հայկական եկեղեցու տեղում կառուցված դպրոցի բակում կատարված աշխատանքի ընթացքում քարայրում հայտնաբերվել են 100-ից ավելի փոտած կմախքներ»:

Ֆախրի փաշայի հանձնարարությամբ, տեղի գորգի գործարանի տնօրեն էքարտը Մ. Յոթնեղրայրյանին առաջարկում է դադարեցնել դիմադրությունը՝ խոստանալով փրկել նրա կյանքը: Հետևում է պատասխան. «Եթէ ձեր մէջ քաղաքակիրթ եւ քրիստոնեայ մարդու զգացում կայ, փրկեցէ՛ք անապատներուն մէջ կոտորուող անմեղ հայ ժողովուրդը»¹: Էքարտը սպառնալիք է կարդում ու հեռանում: Հաջորդ օրն իսկապես կատաղի հարձակում է սկսվում գերմանացի գնդապետ Փոն Էքսվեյլի հրամանատարությամբ:

Եղիսաբեթ Նաջարյան-Յոթնեղրայրյանն ուսուցչուհի էր աշխատում Կարմուջ գյուղում: Ուրֆայի գոյամարտի ժամանակ նա էր կազմակերպում թաղի կանանց ու աղջիկների գործունեությունը: Նրանք մշտապես դիրքերում էին, վախկուներին «գաստիարակողներից» էին: Նրանք երգում էին, ոգևորում մարտիկներին:

Թուրքական դատարանը նրան դատապարտեց 101 տարվա բանտարկության:

Երբ թուրք խուժանը լցվեց Հայոց թաղ, Խանը Քեթենջյանը, ասքյարի հագուստ հագավ և իր մի քանի ընկերուհիների հետ սկսեց թուրք զինվորներ սպանել: Նա մինչև քաղաքի անկումը դիրքերը չկայացաւ և հերոսարար կովեց:

Հանձնարարվեց վերացնել հայկական դիրքերի հարևանությամբ գտնվող թուրքական պահականոցը: Պատմում է պահականոցի կոմիսար Յուսուֆը. «Հրացանաձգութիւնից յետոյ պահականոց խուժեցին բազմաթիւ մարդիկ... Մեզ փրկութիւն չկար... Մեզնից երկու հոգի եւս սպաննուեցին, իսկ ես թեթեւ վիրաւորուեցի ոտքից ու մի կերպ փախայ, թաքնուեցի: Թաքստոցից տեսայ, թէ ինչպէս ոստիկան Ալիին ողջ-ողջ բռնեցին, ձեռքերը կապեցին, վզին պարան անցկացրեցին եւ կախեցին... Բայց տարօրինակ էր: Բոլորին հրամայող ձայնը ո՞չ թէ տղամարդու էր, այլ՝ կնոջ: Մեզ հետ հաշիւները մաքրելուց յետոյ, պահականոցի առաջ շարքի կանգնեցին սեւ ուրուականները եւ նորից լսուեց մանկամարդ կնոջ խրոխատ ձայնը: Նա արտասանեց 30-ից աւելի կնոջ անուն: Նրա արտասանած ամէն մի անունից յետոյ, ես լսում էի «ներկա՛յ» պատասխանը, որ նորից կանացի էր»²:

Երբ հայկական դիրքերն արդեն լոել էին. Խանը մտավ ամերիկյան կուսանոց, որտեղ մեծ թվով ուրֆացիներ էին հավաքվել: Ներս են խուժում թուրք ասքյարներն ու սկսում խուզարկությունը: Մոտեցան Խանը ին, նա գոտկատեղից հանեց ատրճանակն ու կրակեց սպայի վրա: Խնքն էլ ընկավ ասքյարների գնդակից:

Թուրքերի դիրքերից ութ սպիտակ դրոշակ պարզվեց և Ֆախրին երկու հոգու ուզեց բանակցությունների համար: Գնացին Մարիամ Զիլինկիրյանն ու

¹ «Յուշամատեան Մեծ Եղեռնի», էջ 804:

² Կուրտիկյան Ստ., Ուրֆայի հերոսուհին: Տե՛ս «Ասպարէզ», 8 փետրվարի 1966 թ.:

Աղնիվ Միրզոյանը: Փաշան հիացած էր մանկամարդ աղջիկների խիզախության վրա:

Նրանք հանդուգն կեցվածքով փաշայի երեսին շպրտեցին. «...Կոխը մենք չենք սկսած: Մեր երիտասարդներն ու առաջնորդը տարիք սպաննեցիք, ձայն չըրինք: Ինչ որ պահանջեցիք, տուինք, այլեւս ի՞նչ կ'ուղէք մեզմէ... Դաղրեցուցէ՛ք յարձակումները ու մենք դարձեալ հաւատարիմ հպատակներ ենք կառավարութեան»¹: Ամբողջ կովի ընթացքում Մարիամը դիրքերում կռվեց, վիրավորներին խնամեց, հուսահատվածներին ոգի ներշնչեց: Նրան նույնպես դատապարտեցին 101 տարվա բանտարկության, բայց դիմադադարից հետո ազատվեց:

Հայերը որոշում են ևս մի քանի օր դիմադրել, ապա ճեղքել օղակն ու հեռանալ: Մինչեւ հոկտեմբերի 18-ը նրանք մեծ կորուստներով հետ են մղում թուրքերի գրոհները:

Այդ օրը հայկական թաղամասում գտնվող ամերիկացի միահոներների չենքի վրա իրենք՝ ամերիկացիները սպիտակ դրոշ բարձրացրեցին: Թուրքերն անմիջապես խուժեցին միահոներների շենքերը և ընկան Մ. Յոթնեղբայրյանի սարքած ծուղակը: Դրանցում թաքնված հայ մարտիկները գրոհեցին թուրքերի վրա և մեծ կորուստներ պատճառեցին:

Եղեսացիների դիրքերը գնալով իրարից մեկուսանում էին, բայց կոիվն մղվում էր ամենուրեք: Գրեթե բոլոր դիրքերը թուրքեր լցվեցին:

Մասնակի կոիվներ շարունակվեցին: Հերոսական մահով իր կյանքին վերջ տվեց Մ. Յոթնեղբայրյանը:

Դեռ անցյալ դարում եղեսացիները իրենց թաղամասում ստորգետնյա շինություններ՝ դիրքեր, պահեստարաններ, ջրամբարներ էին ստեղծել, որոնք միմյանց հետ կապված էին նույնպես ստորգետնյա անցումներով:

Մետերնիխը Ուրֆայի հայկական թաղի մասին կանցլերին գրում է, որ դա կազմում է «քաղաքի մոտ կեսը՝ պաշտպանության համար արտակարգ հարմար, տեղակորպած բլրակի վրա, որը բազմաթիվ անձավներ ունի: Դեպի դրանք հայերը փորել էին հիանալի անցումներ իրենց տներից և անձավներում պահում էին զենք և ռազմամթերք (ավելի ուշ, նրանց ապատամբությունը ճնշելուց հետո, ստորգետնյա շինությունները թաղի վերջին պաշտպանների համար ծառայեցին որպես հիանալի ապատարան): Թաղի տները կառուցված են միայն քարից, համախ՝ շատ ամուր»²:

Թուրքերն այդ կառուցների մասին տեղյակ չէին: Եվ ահա, երբ հայկական թաղն ավերակների կույտի էր վերածվել ու ծածկվել էր հայերի ու մահմեդականների դիակներով, և երբ թուրքերը հաղթական գոչուններով մտան թաղի ավերակները և սկսեցին կոտորել նրա ողջ մնացած բնակիչներին, ստորգետնյա դիրքերից նրանց վրա կրակում էին մահամերձ եղեսացիները:

Միահոներ Լեսին Ուրֆայում ամերիկան հաստատությունների տնօրենն էր. նրան ընդունում էին որպես փոխհայութառոս: Ականատես լինելով թուր-

¹ Սահակեան Ա., Դիցագնական Ուրֆան... Էջ 879:

² Statsarchiv Dresden, Akten № 1952, Armenien, BI. 27-34.

քական խժդժություններին, որոնց հովանավորում էին իշխանությունները, և տեսնելով հայերի աշխատասիրությունն ու զարգացածությունը (նա սիրում էր կրկնել, թե հայերն Ասիայի խորքն ընկած եվրոպացիներ են), սիրեց, կապվեց հայերի հետ:

Հոկտեմբերի 18-ին Մ. Յոթնեղբայրյանը նրան առաջարկեց թույլատրել, որ իրենք դիրքեր գրավեն ամերիկան հաստատությունների շենքում: Լեսլին համաձայնվեց, սպիտակ դրոշ բարձրացրեց շենքի վրա և իր հայ աշխատակիցների հետ հեռացավ:

Ֆալսրիի աչքից չվրիպեց Լեսլիի հայամետ գործունեությունը: Նրան բանտարկեցին ու հանձնեցին ուղղմական դատարանին: Անգլիական հյուպատոսության թարգման Քուպերը պատմել է, թե ինչպես էին տանջում Լեսլիին և հարկադրում, որ թուրքերի կամակատար դառնա: Սակայն նա դատարանում աներեր պաշտպանում էր հայերին, մերկացնում իշխանությունների բարբարոս քաղաքականությունը նրանց հանդեպ: Նա ասում էր, որ հայերը՝ արհեստավոր, թե առևտրական, բանվոր, թե մտավորական, որևէ մեղք չունեն կատարվածի համար, ողբերգությունը ծնեցին թուրքերն իրենց թալանչիությամբ ու կազմակերպած կոտորածներով: Նա արդարացի էր համարում հայերի վարքագիծը՝ գենքով պաշտպանելու սեփական կյանքը:

Լեսլին թուրքական խոշտանգումները երկար տանել չի կարողանում և ինքնասպան է լինում:

Ք. Եփիեն գրում է. «Հայկական թաղի ինքնապաշտպանութիւնը չէր կրնար աւելի երկար դիմադրել թշնամիի գերազանց ոյժին դիմաց: Դիրքերը իրար ետեւէ կը ոմբակոծուէին, խմբապետները կը սպաննուէին եւ կը վիրաւորուէին: Արձակուած ոումբերէն կը ճեղքուի մայր եկեղեցիին պատը, որտեղ շատերը ապաստան են գտած: Ռումբերը կը վիրաւորեն նաեւ հայերու վերջին խմբապետը, որ արինլուայ գետին իյնալէ վերջ, իր վերջին ոյժերը կը հաւաքէ ու կ'աղաղակէ իր ընկերներուն, որ տոկան, դարձեալ տոկան»¹:

Հոկտեմբերի 20-23-ը հայերը կովում էին ու միաժամանակ ոչնչացնում իրենց ունեցվածքը՝ տները, կահ-կարասին, գույքը: Շատերը գերադասեցին ինքնասպան լինել: Թշնամու զիսավոր ուժերը հոկտեմբերի 23-ին Հայկական թաղ մտան: Նրանց դեմ գնդակ էին արձակում միայն թաքստոցներում կենդանի մնացածները՝ հիմնականում ծերեր, կանայք, երեխաներ:

Թուրքերը ավերակներում հայտնարելեցին 2000 հոգու, որոնցից միայն մոտ 200-ն էին չափահաս: Նրանցից 60-ին կախաղան հանեցին, իսկ 140-ին ուղարկեցին Հալեպ՝ դատվելու: Շատ հայեր թուրքերի աչքի առաջ ինքնասպան եղան:

Հաղարապետ Օսմանի մոտ են տանում հինգ հայերի, որոնցից երկուսը տղամարդու հագուստի մեջ ծպտված աղջիկներ էին: Նրանցից մեկը գրապանից հանում է թաքցրած ատրճանակը և սպանում է Օսմանին:

120 հայ կախաղան է հանվում: Նրանց մեջ էր նաև Սարգիս Յոթնեղբայր-

¹ Սահակեան Ա., Դիւցազնական Ուրֆան..., էջ 857-858:

յանը: Մութեսարիֆը նրան հարցնում է. «Ի՞նչ ես անելու, եթե քո կյանքը խնայենք...»: «Առաջին գործս պիտի ըլլայ քեզ սատկացնելը», - պատասխանում է Սարգիսը:

1915 թ. Եղեսիա աքսորված պարսիկ Խուրչիդ խանը պատմում է. «Օր մը մեր վրայ Հսկիչ զինուորներէն մէկը տեղն ու տեղը ինկաւ: Յաճախ կը պատահէին այս տեսակ խուժապներ: Աւերակներու մէջ ողջ մնացող վիրավոր հայերն էին... Այս անտեսանելիին հետ կոփուր տեւեց մինչեւ մութ ատեն: Գիշերը փորձեցին խիստ յարձակողական մը: Այս յիմարութիւնն ալ իրենց արժեց... տասէ աւելի դիակներ, այդ գիշեր յիսնապետ մը եւ չափուց մը աւելցուցին իրենց 14 դիակներուն վրայ: Այս վերջին երկուքը համարձակուած էին մութին մէջ սիկարէթ վառել... Սարսափը ընդհանուր էր: Զինուորները ըմբոստանալ սկսած էին... Ֆախրին ստիպուեցաւ տեղոյն վրայ ուսումնասիրելու խնդիրը... 24 թնդանօթէ ուսումբեր արձակել տուաւ: Յառաջանալու հրաման տրուեցաւ զինուորներուն: Ժամերով փնտռելէ վերջ գտան մէկ հատիկ դիակ, խոչոր քարերու տակէն հանեցին զայն. մէկ թեւը ոռումք մը տարած ըլլալու էր, իսկ միւս ձեռքին մէջ հրացան մը կար պինդ բռնած: Սուխներուն վրայ առած փաշային ներկայացուցին: Եւ ինչ տեսնել, Աստուած իմ, աղջիկ մըն էր ան: Փաշան, շրմները խածած, զողողալով կռնակը դարձուց ու հեռացաւ»¹:

Իզուր չէր ֆախրի փաշան ասում. «Ի՞նչ էր լինելու մեր վիճակը, եթե մեր դեմ ծառանային մի քանի Ուրֆաներ»: Այդ հերոս քաղաքի հայությունը մարտնչեց մեկ ամիս:

Հոկտեմբերի 20-ին մայր եկեղեցու տանիքին հայտնվեց մի խոչոր պատառ. «Մենք մինչեւ վերջ պիտի կոռուինք եւ մարդու պէս պիտի մեռնինք»: Դա կարդալուց հետո ամերիկացիներից մեկն արտասուրն աչքերին ասաց. «Այս, ի՞նչ կլիներ, եթե բոլոր հայերն այդպես պատասխանեին թուրքերին»²:

Վերը նշված Խուրչիդ խանի վկայությամբ՝ միայն երեք օրում թուրքերը կորցրեցին չորս սպա և 268 զինվոր:

Ֆրիզով Նանսենը գրում է. «Ուրֆայում հայերը զոհվեցին հուսահատ պայքարից հետո»: Հերքերտ Աղամս Գիրբոնսի կարծիքով՝ «Ուրֆայում հայերը դիմադրեցին թուրքական դիվիզիային 40 օր...»³:

«Երթ թափառում ես քաղաքի հայկական թաղերում, - գրում է էքարտը, - և տեսնում ես ավերակներ, թալանված, ավերված տներ, ինքնարերաբար մտածում ես, որ 2000 հայեր զոհ դարձան թուրքերի անհագ աչքածակությանը...»

Քաղաքում և նրա սահմաններից զուրս մեծ թալանից հետո ամիսներ շարունակ ընթանում էր «որսածների» առեստուր:

Հասկանալի է, որ ամենաթանկարժեք «ռազմավարը» վերցրեցին իշխանությունները: Ամեն օր տեղի էին ունենում աճուրդներ՝ վաճառք զարմանալի ցածր գներով, ընդ որում՝ վաճառում էին միայն թուրքերը: Ժամանակի ընթացքում հայ բնակչության ունեցվածքն անցավ թուրքերին, դրանով վերջինները հասան գլխավոր նպատակին»: Երկար ժամանակ ո՛չ միայն քաղաքի խուժանը,

¹ «Արմենիա», 28 սեպտեմբերի 1985 թ.:

² Սահակեան Ա., Դիցագնական Ուրֆան..., էջ 888:

³ «Բնօրրան», նշվ. համար, էջ 15:

այլև զինվորները «պեղում էին» հայկական թաղը՝ ինչոր բան գտնելու համար:

«Ուրֆայում,- պատմում է Բարլետը,- տեսա հայերի դիակներով ծածկված մի դաշտ, որտեղ մոտ 1000 դիակ կար»¹:

Նշան Պեշիկթաշյանը գրեց. Ուրֆայում հայերն աշխարհին ասացին. «Միայն գառներու հօտ չենք մենք հայերս, այլ՝ մարտիկներու մատեան գունդ»: Ուրֆան «Արծիւ մը, կտուցին մէջ դափնետերեւ, կը ցցէ գլուխը՝ Հայոց պատմութեան մէկ էջին գագաթը, որուն ներքեւ կը վերածուի ինքնապաշտպանութիւնը իմաստասիրութեան»²: Ավ. Ահարոնյանը գտնում է, որ Ուրֆայի հերսամարտը «մեն-մենակ բաւական է մի պատմութիւն զարդարելու դարերի համար»³:

Ուրֆայի հայության 1915 թ. կոտորածը 1895 թ.-ից հետո չորրորդն էր: 1915-ին հայերի 4000 տնից կանգուն մնաց միայն 40-ը:

Գերմանիայի հյուպատոսի տվյալներով՝ հոկտեմբերի 9-ին ստացվեց Ուրֆայի հայության տեղահանության հրամանը: Հայության խյակներին տարագրեցին Դեր Զոր ու Հալեպ, որոնց մի մասը՝ 6000 հոգի, 1918-1920 թթ. վերադարձ և մնաց մինչև քեմալականների հաղթանակը:

Ե. Գահվեցյանը եղեսահայության այդ ողիսականի մասնակիցն է եղել: Նա գրում է, որ 4000-5000 հոգի, միայն երեսաներ, ծերեր ու կանայք, լցրեցին Միլիիեթ խան կոչվող վայրը: Նրանց խումբ-խումբ ուղարկում էին Դեր Զոր: «Միլիիեթ խանը,- պատմում է վերապրածներից Հ. Արծիվյանը,- թշուառութեան եւ հիւանդութիւններու բոյն մըն էր, ամէն օր տասը, քսան մեռել դուրս հանելով կը նետէին փոսերու մէջ: Խանին դռները զինուոր կեցած էր, սակայն թիւրքեր շրջապատէն գիշերները կու գային առեւանգումներ կատարելու ... Շարաթ մը վերջ ուտիկանները եկան եւ սկսան հաւաքել տասը տարեկանէն վար տղաները: Մայրս ինծի աղջիկի հագուստ հազցնելով կը պահէր շարունակ»: Սկսվեց տարագրությունը՝ քաղցած, ծարավ, մահվան սպառնալիքի տակ: «Ինկողն այլեւս ոտքի չէր կրնար կենալ: Շրջակայքի թիւրքերը, քիւրտերն ու արաբները գիշատիչ հրէշներու պէս կը յարձակէին կարաւանին վրայ, կը յափշտակէին հաւանած աղջիկներուն, կանանց, մանուկներուն: Եւ այս ամէնը՝ ոստիկաններու աչքի առաջ»: Տարան նաև փոքր քրոջս, իսկ փոքր եղբորս շալակով տանելու ուժ այլս չկար ու նրան թողեցին մի աղբյուրի մոտ: «Ճամբուն եղերքին յաճախ կը տեսնէինք տարբեր դիրքով ինկած զիակներ...»⁴:

Հազարավոր աքսորյալների հավաքել էին Մարդինի մերձակա դաշտում և խումբ-խումբ տանում սպանում էին:

Ուրֆայում իշխանությունները ժանդարմների ու զինվորների մի ջոկատ էին ուղարկել հայկական թաղերը՝ զենքեր խլելու և բռնագաղթելու համար, գրում է Ֆայեկ Էլ-Ղուսեյնը, բայց երբ հայերը Ուրֆայով անցնող կանանց ու երեխանների քարավաններից իմացան իրենց եղբայրների ճակատագրի մասին,

¹ «The Literary Digest», 7 June 1919.

² «Հերոսամարտեր. Արդարահատոց», Լու Անջելես, 1985, էջ 107-108:

³ Նույն տեղում, էջ 111:

⁴ Գահուէճեան Ե., նշվ. աշխ., էջ 37-38:

Հրաժարվեցին գենքերը հանձնել, զինված դիմադրություն ցույց տվեցին և սպանեցին մի ժամարմի ու երեք զինվորի: Քաղաք զորքեր բերվեցին, Սիրիայի դահճի՝ ջեմալ փաշայի հրամանով, խոռվարաններին պատմելու համար ժամանեց ֆախրի փաշան: Նա հրետանային ոմբակոծությունով հայկական թաղերը փլատակների վերածեց, տղամարդկանց, կանանց ու երեխաններին կոտորեց, բայց անձնատուր եղողներից, որոնք Դեր Զոր աքսորվեցին:

Դանդինին 1915 թ. հոկտեմբերի 25-ին հեռագրեց, որ Ուրֆայում կառավարական զորքերը մնշել են Հայերի ապստամբությունների մոտ 30.000 հոգի, այդ թվում՝ նաև կանանց ու երեխանների¹: Փրկվեցին միայն 15.000 եղեսահայեր:

Բերենք մի քանի ականատեսների վկայություններ, որոնք անձամբ իրենց վրա կրել են թուրքական վայրագությունների դաժանությունները:

Խ. Թոփյան. – Քաղաքի հայերին առանձին չենքեր լցրեցին: Գիշերը 1000 տղամարդու տարան սպանեցին, մնացածները երեք ամիս քայլեցին: Դեր Զոր չթողեցին մտնել: Մնացինք դաշտում: Հաջորդ օրը ծերերին, Հիվանդներին տարան ու խեղղեցին Եփրատում: Մնացածներին տարան Մնարվա անունով ավերակ գյուղը: Որոշ ժամանակ անց Հայտարարեցին, թե ներում է շնորհված: Հետիւտն հասանք Սուվար: Այստեղ տղամարդկանց անջատեցին և տարան սպանեցին: Մեզ շարեցին և մինչև արգանդը խուզարկելուց հետո տարան չեշենարնակ մի փայր՝ Շեղղաղե: 15 օր մնացինք քաղցած, սնվում էինք ձիերի թրիքների մեջ եղածով, տեղաբնակներին արգելված էր մեզ սնունդ տալ: Ապա մեզ հավաքեցին ու չեշեններին բաց թողեցին: Զարդում էին ինչով և ինչպես կարող էին: Հաղիվ 10 հոգի մնացած լինեինք՝ ջարդը դաղարեցրին: Դիակները այրեցին: Մեզ տարան բեղվինները և ամուսնացրեցին²:

Հ. Շահինյան. – Մեպտեմբերի 5-ին թուրքերը մորթեցին երեք և վեց տարեկան երեխաններիս ու մսերը կերցը շներին: Մեպտեմբերի 12-ին մի կնոջ պղծեցին և նրա երեխանների ներկայությամբ մորթեցին:

Ա. Վարդանյան. – Մեր կարավանի մնացորդները Դեր Զորից քշեցին Սուվար: Սկսվեց տիֆը: Գաղաններն ամենուրեք դիակներ էին հոչոտում: Սուվարից շարժեցին զեպի Մոսուլ: Ես կարավանից փախա (11 տարեկան էի) վերադարձ Դեր Զոր և մի արար ընտանիք ինձ վերցըց: Սակայն Հայերին Դեր Զորից քշեցին, թե այստեղ լավ էին ապրում: Տղամարդկանց առանձնացրին և ջարդեցին Մերկեղե լեռան վրա, որը սպանդանոց էր դարձել: Ես էլ սրանց մեջ էի: Սպանվելու նախորդ օրը հաջողվեց փախչել, թաքնվել դիակի տակ: Ապա թափառական հասա Դեր Զոր³:

Զ. Որբերյանը պատմում է, որ ասորիները հայ աղջկներին վաճառեցին թուրք սպաններին: Վերջինները գնած աղջկներին նախ բռնաբարեցին, ապա հարկադրեցին, որ պարեն միանգամայն մերկ: Եվ երբ նրանք հրաժարվեցին խլամությունն, ընդունել, վրաները նավթ լցրեցին ու բոլորին այրեցին⁴:

¹ Wien HHSTA PA XIII 463, Aleppo, 27 October 1915.

² «Յուշամատեան Մեծ Եղեռնի», էջ 537-539:

³ Նույն տեղում, էջ 540-543:

⁴ Նույն տեղում, էջ 535:

Եղեսիայի իրադարձություններին անդրադարձել է նաև Թալեաթը՝ խեղաթյուրելու համար հերոսամարտի պատմությունը: Նա գրում է. «Ինչպես պետության այլևայլ մասերում, այնպես էլ Ուրֆայում ապստամբական շարժումներ սկսվեցին պատերազմի մեջ մեր մտնելու հետ միաժամանակ»: Պլանը նույնն էր. «Երբ ոռուաները հարձակվեին, նրանք պետք է խոչընդոտեին թուրքական բանակի նահանջը, իսկ վերջինների առաջնադաշտացման պարագային, ապստամբություն բարձրացնեին»: Կոմիտեականները զանազան լուրեր տարածելով հայերին մղում էին գործողությունների, հայթայթում ուղղմամթերք և սննդամթերք, կառուցում դիրքեր:

Կարմուջում ծագած ապստամբությունը (1915 թ. օգոստոսի 6-19) տարածվեց նաև Ուրֆայում: Մինչև կառավարության օժանդակ ուժերի տեղ հասնելը «Հայերը հարձակվել են իսկամ ժողովրդի վրա և շատերին սպանել»¹:

«Եթե Ուրֆայի ապստամբությունը լավ քննության ենթարկվի, կպարզվի, որ հայերի նախընտրած այս քաղաքը չատ կարևոր կենտրոն էր: Այս գործում մեծ օժանդակություն են ցույց տվել անզիմացինները, Փրանսիացինները և ոռուները»: Նկուղները և այլևայլ տեղեր զենք ու զինամթերք էին լցված: 9-10 շաբաթվա սննդամթերք էր կուտակվել: Հայերը համաձայնական պետությունների հյուպատոսներից լայն օգնություն են ստացել: Ամերիկացի միահոներները, օրինակ, Լեսլին, տրամադրել էր դրոշակ և հագուստ, «իրենց հաղթանակին վստահ հայերը որևէ վարանում չեն ունեցել օսմանյան ուժերի դեմ բարձրանալու գործում»²:

Թալեաթն ինքն է, որ կա: Տուր թեկուզ ամենաշեղոք փաստը և դա կներկայացնի որպես ամենաահարկու երևույթ: Շարադրանքից պարզ երևաց, որ հայերը ո՞չ նախահարձակ են եղել և ո՞չ էլ ապստամբել, այլ, ականատես լինելով իրենց հայրենակիցների հանդեպ զանգվածային հաշվեհարդարին, որոշեցին մեռնել կովելով, մեռնել արժանապատիվ, մեռնել ոչ թե հանուն Անտանտի շահերի, այլ մեռնել առանց բռնագաղթի արհավիրքների: Թալեաթը ճիշտ է միայն մի բանում, որ Ուրֆայում հայերի հերոսամարտը հօգուտ Անտանտի էր, բայց այդպիսին ոչ թե ծրագրվել էր, այլ այդպիսին էր օրյեկտիվորեն, իր նշանակությամբ: Ահա՝ մի քանի վկայություններ ևս:

Ուրֆայի ղեպքերի առնչությամբ Հոփմանը հոկտեմբերի 6-ին գրեց, «Ուրֆայի հայությանն աքսոր է սպառնում, բայց հայերը որոշեցին տարագրությամբ մեռնելն արհամարհել և նախընտրել անմիջական վախճանը... Ասում են՝ Ֆախսրի փաշան անձամբ Ուրֆայում է, հայ թաղը պաշարված և հրամայել է հրետանիով կործանել»³: Այս ինքնապաշտպանությունն սկսվել է սեպտեմբերի 29-ին. Հայերը փակվել էին իրենց թաղում: «Հայերի կովողների թիվը հասնում էր 2000 հոգու: Նրանք մերժեցին անձնատուր լինելու առաջարկը: Կոփն սկսվեց հոկտեմբերի 6-ին: Հայերը համառ դիմադրեցին, սակայն ի վերջո պարտվեցին ու կոտորվեցին: Կոտորածը 10 օր տևեց»⁴:

¹ Թալեաթի հուշագրությունները, էջ 73:

² Նույն տեղում, էջ 74:

³ Lepsius J., նշվ. աշխ., փաստ. № 180:

⁴ Bryce J., նշվ. աշխ., փաստ. № 31:

«Մայիսի վերջերին, կրօնական պատերազմը հոչակելուց հետո, մահմեղական ավագանին որոշել էր բոլոր քրիստոնյաներին, հատկապես Հայերին, կոտորել»: «Բոլոր ազգեցիկ ու կրթված Հայերը որևէ կեղծ պատրվակով կանչվում էին կառավարական շենք և դրանից հետո այդ բոլոր Հայերն անհետանում էին»: Մոլլաների մոլեռանդությունը սաստիկ բորբոքվել էր: Նրանք ասում էին. «Թող կոտորվեն այդ անհավատները, քրիստոնյաները»: Ներկայումս որևէ մեկը չի կարողանում շրջափակումից դուրս ելնել օգնություն խնդրելու համար: Այսպես սկսվեց մի սաստիկ կոտորած: 10.000 Հայերի ոչ պակաս քան 1/3-ը քաղաքից բացակայում էր՝ զենքի տակ էր առնված (որպես զինվոր), սակայն այս անգամ տեղում մնացածներն իրենց պաշտպանեցին: Ուրֆայից հունիսի 15-ին ստացված նամակը հայտնում է. «10.000 հայ, կանայք ու երեխաներ աքսորվում են տարբեր տեղեր: Կանանց ու աղջիկներին քարչ են տալիս հարեմներ, մնացածներին վստահաբար որևէ տեղ ոչնչացնելու են, քանի որ ուտելիք չունեն»: Հոկտեմբերի 4-ի թվակիր նամակում գրված է. «Թուրքերն այժմ ծանր թնդանոթներով առաջանում են Հայկական թաղերի վրա: Որոշված է այս թշվառ, բազմաչարչար ազգի ճակատագիրը՝ պատերազմից հետո լուծելու համար Հայկական որևէ հարց չի լինելու. Թուրքերը դա լուծեցին ամենահիմնավոր ու ամենաանագորույն ձևով»¹:

«Sonneausgang»-ի 1919-ի թիվ 62-ում տպագրված է մի դերվիշի նկարը, որն Ուրֆայում գերել էր 100 հայ երեխա և նրանց անձամբ մորթել՝ մահմեղական դառնալուց համար:

Ուրֆայից ստացված մի նամակ հաղորդում էր. «Հայաստանից կանայք ու որբերը Ուրֆա են հասել: Բոլոր փողոցները լցված են: Սովն ու մահը մոլեզնում են: Օրական մեծ թվով երիտասարդ կանայք ու աղջիկներ են հափշտակվում: Երեխաներն էժան՝ 1,25 ֆրանկով վաճառվում են: Ես անձամբ ականատես էի, երբ ամասիացի 8-9 տարեկան մի տղա իր գեղեցկության համար վաճառվեց 2,5 ֆրանկով...»:

Նախ Ուրֆայի թեմի առաջնորդը 40 ավագների հետ տարվեց անծանոթ ուղղությամբ: Մի շաբաթ անց 50 հոգի էլ տարան... Խալիլ բեյն իր չեչեններով եկել էին Ուրֆան էլ քանդելու, սակայն միայն կողոպտեցին ու հեռացան:

Նոյեմբերին Ուրֆայից եկած կարավանում ինձ ծանոթ մի կին խնդրեց փրկել իր երեխային, գրում է եվրոպացի դիվանագետը: Վերակացուն նրան հետ մղեց բղավելով. «Որևէ մեկը չի փրկվելու, դու քայլելու ես այնքան, քանի դեռ չես ուշամտափ ընկել: Եվ, որտեղ պառկած մնաս, քեզ խժոնելու են չները»: Այս կարավանը օրեր անց ուղարկվեց Ռաքքա, սակայն քիչ անց հետ բերվեց իրը Մոսուլ ուղարկելու համար:

Նոյեմբերին և դեկտեմբերի սկզբներին Ուրֆայի կողմերից թել Արիադ եկավ 10.000 հոգի:

«Հայերի հանդեպ ձեռնարկված բոլոր միջոցառումները, այն, ինչ ես տեսել եմ և կարող էի դիտարկել, հանգում է այն բանին, որ ինձ ասաց էմիգրանտների

¹ «Mitteilungen», № 12, October 1919, p. 140-145.

գծով տնօրեն Շյուքրի բեյը. «Վերջնական արդյունքը պետք է լինի Հայ ուստայի ոչնչացումը: Սա մշտական պայքար է Հայերի և մահմեղականների միջև, որը ներկայում մտենում է իր վերջնական ավարտին: Ավելի տկարը պետք է անհետանա»¹:

Դրեզդենի արխիվում պահված մի փաստաթղթում Ուրֆայի իրադարձություններն անվանվում են Վանի կոփվների արձագանք և հետևանք դրսից եկած Հայ գործիչների քարոզչության: Սակայն թուրքամետ այդ փաստաթղթի հեղինակն իսկույն իրեն մատնում է, երբ գրում է, թե «Հայկական վտանգը» կանխելու նպատակով Հայերի գլխավորները ձերբակալվեցին և «աքսորի ճանապարհին սպանվեցին: Այդ սարսափահար տրամադրությունները շարունակվեցին բռնագաղթի ճանապարհին սովոր և հիվանդությունների պատճառով Վանի և Դիարբեքիրի Հայերի զոհվելու հետևանքով: Զնայած այդ ամենին, Հայերը որևէ քայլի չդիմեցին, չհավատալով, որ Ուրֆայի Հայ բնակչության տեղահանությունը կարող է մեծ ծավալներ ստանալ»²:

Ուրֆայում Հարկազրաբար մնացած բոլոր Հայերը, այդ թվում՝ բժիշկներ, դեղատների աշխատողներ, 1916 թ. հունվարին Հարկազրաբար իալամացվեցին:

Որ Ուրֆայի Հայության ողբերգությունը նույն, համաօսմանյան ձեռագիրն ուներ, որ Հարավային վիլայեթներում Հայերի ջարդերի ծրագրման և իրականացման ղեկավար կենտրոնը Դիարբեքիրն էր և դրա ղեկի մոտ նստած էր տեղի վալի Ռեշիդը, վկայում է Լեսլիի 1915 թ. օգոստոսի 6-ի հեռագիրը Հալեպում ԱՄՆ-ի Հյուպատոս Ջեքսոնին:

Այս քաղաքի իրադրությունը խիստ վտանգավոր է, գրում է նա, և օրեցօր վատթարանում է: Մուսուլմանների և քրիստոնյաների միջև կրքերն անչափ բորբոքված են և ամեն բոլե կարող են պայմանական վերածվել: Ստամբուլից (իսկ ավելի ուշ՝ նաև Դիարբեքիրից) եկած 14 «կամավորներ» աշարեկել են կառավարչին, ուստիկանապետին, զինվորական ատյանի Հանձնախմբին և տեղական իշխանությունների պաշտոնյաններին այնպես, որ վերջիններս չեն համարձակվում պաշտպանել քրիստոնյաներին կամ Հակառակվել եկածների կամքին, որոնք, փաստորեն, ամեն ինչ վերցրել են իրենց Հսկողության տակ: Նրանք գիշերով բռնում են ամենահայտնի քրիստոնյա քաղաքացիներին, որոշ ժամանակ բանտում պահելուց հետո ուղարկում մահվան ծուղակ՝ Դիարբեքիր:

«Վեց շաբաթների ընթացքում մենք ականատես եղանք ամենանողկալի դաժանությունների՝ կիրառված քրիստոնյաների նկատմամբ, որոնց աքսորի ճամփան անցնում է մեր քաղաքի միջով: Նրանք բոլորը միևնույն բանն են պատմում. տղամարդկանց սպանել են աքսորի առաջին օրն ևեթ, որից հետո կանանցից ու աղջիկներից կողոպտել են դրամը, Հագուստը, ծեծել, առևանգել, բռնաբարել: Նրանց պահապանները ստիպում էին վճարել նույնիսկ ճանապարհի աղբյուրներից ջուր խմելու համար, և ոչ միայն իրենք էին բռնանում, այլև թույլ էին տալիս, որ ճանապարհի գյուղերի ստահակները նույն կերպ վարվեին... Մենք տեսնում էինք այս ամենը սեփական աչքերով՝ օրը ցերեկով,

¹ R. 14090, Ab. 2888.

² Sachsisches Hauptstaatsarchiv Dresden, Akten № 35268, BI. 28-29.

փողոցներում»: Թշվառ, Հյուծված կանայք ու երեխաները հազարներով մեռնում էին ճամփեղերին: Առնվազն 500 աղջիկների առևանգեցին այս քաղաքի մուսուլմանները, ավելի շատերին բռնաբարեցին և կրկին փողոց նետեցին: Այս ամենը տեղի էր ունենում բացահայտորեն, օտարերկրացիների աչքի առաջ:

«Իրավիճակն այստեղ էլ է ահավոր: Ուրֆայի քրիստոնյաները տեսնելով և քաջ իմանալով, թե ինչ է կատարվել աքսորյալների հետ, որոշել են դիմադրել, եթե իրենց էլ աքսոր պարտադրեն: Նույնիսկ առանձին անհատների դիմադրությունը վստահաբար կնշանակի եղեռն և բոլոր քրիստոնյաները, նույնիսկ օտարերկրացիները կվտանգվեն: Օտարների ուղիղ կեսն ապրում է տեղացիների տներում և եթե վերն ասվածը տեղի ունենա, նրանք անպաշտպան կմնան: Մուսուլմանները նույնիսկ ակնարկել են որոշ օտարերկրացիների կանանց ու աղջիկներին վերցնելու մասին: Ես չեմ կարող պաշտպանել նրանց, քանի որ պաշտոնապես ճանաչված չեմ: Թախանձագին խնդրում եմ Ձեզ անմիջապես այստեղ ուղարկել փոխհյուսատոս էղելմանին՝ նրանց պաշտպանելու համար և Գերմանիայի հյուպատոսի հետ միասին հնարավոր ամեն բան անեն այս շրջանի գինվորական հրամանատարին համոզելու պաշտպանել քրիստոնյա բնակչությանը և կանխել աքսորը»:

Յակոբ Քյունցլերը 1916 թ. մարտի 8-ին գրում է, որ Ուրֆայում տիֆը հնաց մարդկանց, քաղաքում քիչ հայ կա, բոլորն էլ բանտում են: Որոշ կանայք վերադարձել են անապատից, մյուսներին հափշտակել են, կան նաև մեծ թվով դրսից եկածներ: Հանձնաժողովը շարունակում է աշխատանքը հայերի փողերը և ունեցվածքը փնտրելու ուղղությամբ: Մի թուրք ցուցմունք տվեց, որ դրանք գերմանացիների տներն են տարել: Նրանք հարկադրված եղան կողոպտած ապրանքը վերադարձնել: Քյունցլերին նույնպես մեղադրում էին, որ հայերի փողերից 2000-4000 ֆունտ է վերցրել: Նա դա ժխտեց, բայց ասաց, որ «վերցրել է մի քանի գորգ, սնդուկ, պղնձյա ամանեղեն և տեքստիլ արտադրանքի մի ամբողջ տյուկ»: Թուրքերը բոլոր միջոցների դիմում էին խլելու հայերի դրամներն ու ունեցվածքը¹:

Հյուպատոս Զ. Զեկոսնը վկայում է, որ հայերին աքսորելուց հետո իշխանությունները փորձեցին ամենատարբեր աշխատանքներում նրանց փոխարեն օգտագործել մահմեղականներին (կաշեգործ, ջուլհակ, հացթուխ, ղեղագործ, մետաղագործ և այլն), բայց բան դուրս չեկավ և հարկադրված եղան աքսորից վերադարձնել 2500 հայի: Լեսլի Դեյվիսի վկայությամբ՝ նույն վիճակն ստեղծվեց նաև Խարբերդում, այնտեղ նույնպես որոշ թվով հայեր հետ բերվեցին տարագրության վայրերից:

Յ. Պոմիակովսկին նկատում է. «Հայաստանում սովից մահացան հարյուր հազարավոր թուրք զինվորներ: Հայկական կարավանները զրկված էին լվացվելու հնարավորությունից ու հիգիենայից և դարձան տարբեր հիվանդությունների հարուցիչ... Տիֆի համաճարակ բռնկվեց, որին զոհ գնաց մեկ միլիոն մուսուլման: Սա աքսորում մահացած հայերի վրեժն էր իրենց դահիճներից»:

¹ Konst. / Ankara, 100, Ab. 3617.

ՀԱՐԱՎԱՅԻՆ ՎԻԼԱՅԵԹՆԵՐ

Այս վիլայեթներով էին անցնում, դրանցում իրենց մահկանացուն կնքում տեղահանված այն Հայերը, որոնք կենդանի էին մնացել զաղթի առաջին շրջանում և կարողացել էին դուրս գալ Փոքր Ասիայի այլևայլ շրջանների իրենց բնակավայրերից:

Հայերին արարական տարածքներ ուղարկելն ուներ մի քանի դիտավորություններ, որոնցից, իշարկե, գլխավորը Արևմտյան Հայաստանի Հայաթափումն էր: Նշանակություն ուներ նաև այն, որ ինչպես գրում է Ռ. Աթայը, «չերքեղների, քրդերի և մյուսների նման Հայերի արտաքսումը Սիրիայի խորքերը նոսրացնելու էր արարներով խիտ բնակեցված վայրերը: Նույնիսկ Հանձնաժողով կազմվեց, որպեսզի Հայերին թե՛ տուն, թե՛ հող տրամադրվեր՝ մահմեղական դառնալու պայմանով»¹: Հավանաբար Աթայն իրավացի էր: Հայերի բռնագաղթը Հայկական Հարցը լուծելուն զուգընթաց կարող էր օգտագործվել նաև արարների տարածքները թուրքական դարձնելու գործընթացում:

Հայդար փաշայի կայարանից մինչև Հալեպ ձգվող Բաղդադի երկաթուղին երկու հատվածում ընդհատվում էր՝ Տավրոսում և Ամանոսի լեռներում:

Կանլը-Գեչիտի կիրճով էին Հայերին տանում անապատ: Այդ կիրճը զարհուրելի դեր խաղաց տեղահանված Հայերի համար: Դրանով անցան Էղիոնեի, Ռողոսի, Բիլեջիկի, Բուրսայի, ինչպես նաև Կոնիայի և երկաթուղու հարևանությամբ բնակվող ու Դեր Զոր տարավոր Հազարավոր Հայեր: Այստեղով անցան նաև 200 Հազար կիլիկիահայեր, ընդհանուր թվով 450 Հազար Հայ՝ դեպի Սիրիա, Միջագետք, Ռաս-ուլ-Այն, Դեր Զոր կամ Նիսիրին: Դրան գումարած Հայկական ներքին գավառներից՝ Կարին, Բաղեշ, Վանա ծովախնյա շրջաններ, Երզնկա, Սեբաստիա, Խարբերդ, Դիարբեքիր, Մալարիա և այլն, բռնագաղթված Հայերին:

1915 թ. աշնանը, երբ 80,000 Հայ վրանային ճամբարում էր բնակվում Կանլը Գեչիտի ձորի կողքի դաշտում, վրա տվեցին տենդն ու համաճարակները: Օրական 600-700 Հոգի մեռնում էր: Սկսվում են օրեր տեսող անձրեները, որոնց հաջորդեցին ցրտերը: Ցեխի, ջրի մեջ ցրտահար մեռնում էին Հազարներով: Դիակների բլուրները ծածկել էին դաշտը: Շատ վրանների բոլոր բնակիչները մեռն: Նույնիսկ բահ ու բրիչ չկար մեռնողներին թաղելու: Կիսամեռ մարդկանց փայտի ու մտրակի Հարվածներով ուղարկեցին Խալաչիե: Մեծ թվով տարագիրներ ոտի կանգնել չկարողացան ու ընկած մնացին մահվան ճիրաններում: Մայրեն իրենց կիսամեռ երեխաններին նետում էին դիակների

¹ Atay R., նշվ. աշխ., էջ 79:

թմբերի վրա: Այդպես կարավաններն իրար հետևից անհետանում էին Ամանոսի լեռներում՝ Հասան Բեյի և Քելլեր Հասնելու համար: Կարավաններին գիշերները շրջապատում էին չները, գայլերն ու աղվեսները:

Կանլը-Գեշիտ Հասած կարավաններից ոչ բոլորին էին թույլ տալիս ճանապարհը շարունակել, որովհետև Հայերի խճողված կուտակումներից պաշտոնատարները շահ ունեին: Գրեթե ամեն գիշեր ճամբարները Հարձակման ու կողոպուտի էին ենթարկվում, աղջիկներ էին առևանգվում:

Հասան Բեյին Ամանոսի բարձունքներին թառած Հայկական ավան էր՝ առաջներում 800 տուն Հայ էր ունեցել, իսկ 1916-ի ակզբներին մնացել էր 40 տուն: Այստեղ ևս աշխատում էին Հայ զինվորներ: Նրանք զինվորական Համագետստ չունեին և տնից բերած Հագուստների մեջ էին, որոնք մաշվել, բղկտվել էին: Աշխատում էին օրական 10-12 ժամ՝ ցրտին, ձյունին, անձրեին և օրը ստանում էին միայն 250 գրամ Հաց: Ո՞չ բժիշկ կար, ո՞չ ղեղորայք: Ապրում էին վրաններում, որոնք մաշված էին, ծակծկված:

Տեղահանվածներին թույլ չէին տալիս քաղաքում գիշերել, և ինչպես տեղական պաշտոնատարներից մեկն էր ասել, «անպայման Հարկադրելու եմ ձեզ գիշերելու դրսում: Դե զնացե՛ք Դեր Զորի անապատներ և այնտեղ Հիմնե՛ք Հայկական անկախ պետություն»¹:

Իսլահիեն թուրքարնակ գյուղաքաղաք էր Ամանոսի արևելյան մասում: 1916 թ. սկզբին Խալահիեն ուներ 1500 տուն բնակչություն, որից Հայեր՝ 250 տուն: Տեղի Հայերին տեղահանեցին 1916 թ. գարնանը: Մնացին 50-60 կապալյառուներ, որոնք Բաղդադի Երկաթուղու համար վառելափայտ էին Հայթայթում Ամանոսի անտառներում:

Այնտեղից զնացքները Հալեպ էին գնում: Բաղդադի Երկաթուղին 1916 թ. Հասնում էր (առանց ընդհատումների) մինչև Տավրոսի Բողանթի կիրճը, որտեղ նա ընդհատվում էր և շարունակվում Խնջիրլիկ-Աղանա-Օսմանիե Հատվածում ու Հասնում Դաշտային Կիլիկիայի Մամուրե կայարանը: Այստեղ գիծը նորից ընդհատվում էր, որովհետև Ամանոսի լեռներում անցումները դեռևս պատրաստ չէին: Նոր Հատվածն սկսվում էր Խալահիեից և Հալեպ Հասնում:

Գերմանական այս Երկաթուղուց բացի կար նաև Փրանսիականը՝ Մերսին-Տարսոն, որը Խնջիրլիկ կայարանը միացնելով Բաղդադի Երկաթուղու գերմանական գծին՝ Հասնում էր Աղանա:

Երկաթուղու շրջանում բնակվող Հայերի մի մասը գնացքով տեղափոխվում էր մինչև Բողանթի, որտեղից Գյուլեկ-Բողազի կիրճով Հետիոտն անցնում էր Խնջիրլիկ, Աղանայի վրայով գնացքով Հասնում էր Օսմանիե, ապա նորից Հետիոտն անցնում էր Ամանոսի լեռնաշղթան մինչև Խալահիե, որը տեղահանված Հայերի ճամբարավայրն էր: Այստեղից Հալեպ էին ուղարկում Հետիոտն, բացի մեծ կաշառք տվողներից, որոնք գնացքով էին գնում:

Հալեպը Հյուսիսից եկած Հայերին անապատ ուղարկելու հավաքատեղին էր: Կարավաններն անապատ էին մտնում շիմանալով, թե ո՞ւր են գնում: Կամ նորից կաշառք էին վճարում Հոմս, Համա, Դամասկոս, Նիսիրին, Ռաս-ուլ-Այն

¹ Պալաքյան Գ., նշվ. աշխ., էջ 353:

կամ անապատների կենտրոն՝ Դեր Զոր հասնելու համար:

Այսպիսով՝ Պոլսից մինչև Հալեպ, Բաղդադի երկաթուղու վրա երեք կետեր՝ Բողանմի, Կանլը-Գեշիտ և Խալահիե, հանդիսացան Հարյուր Հազարավոր տարագրյալ Հայերի Հավաքատեղի և անապատ մտնելու անցքերը: Եվ քանի որ իշխանություններն այս կետերում Հայերին կուտակում էին՝ սպանդանոց ուղարկելու համար, դրան գումարած տարագրության անփույթ կազմակերպումը, մահմեղական բնակչության թշնամական վերաբերմունքն ու գիշատիչ ակնկալիքները, նշված կետերում տեղահանվածների կուտակումները միտումնաբար խթանվում էին: Մարդկանց մեծ զանգվածները, բնականաբար, խստորեն դժվարացնում էին մատակարարման կազմակերպումը, և կառավարությունը, որն այդ անելու մտադրություն խակ չուներ, ձախողումն արդարացնում էր նույն այդ խոշոր կուտակումներով: Հետևանքը՝ քաղց, ծարավ, զանազան համաձարակներ, ի վերջո զանգվածային մահացություններ: Ամեն օր Խալահիե էին հասնում Հազարավոր տարագրյաներ, իսկ այնտեղից հեռանում Հարյուրավորներ, պատճառաբանությամբ՝ թե փոխադրության միջոցներ և համապատասխան թվով ուղեկցող ժանդարմներ չկային:

Ամեն օր մեռնում էին Հարյուրներով՝ առաջին հերթին, մեռնում էին երեխաները: Խալահիեի դիմացի դաշտը նման էր ռազմադաշտի՝ արյունահեղ ճակատամարտերից հետո՝ ծածկված մեծ ու փոքր ըլուրներով՝ Հավաքական գերեզմանաթմբերով: Ամեն մի թմբի տակ 50-100 դիակ կար: Թաղել էին թուրք բանվորները «մթնոլորտը չաղտոտելու համար»: Իթթիհազարականները Հավատարիմ էին ավազակային կողմնորոշմանը՝ «Երբ եվրոպական պետությունները համաձայնության գալով մի օր փորձեն վերջնականորեն կործանել Օսմանյան պետությունը, այն ժամանակ մենք կայսրության վիատակների տակ պետք է թաղենք օսմանահապատակ բոլոր քրիստոնյա փոքր ժողովուրդներին»¹:

Հալեպում Գերմանիայի հյուպատոս Ռեպուլերը վկայում է, թե զրեթե ամեն օր Զեյթունի, Հաճընի, Ալբիստանի և ուրիշ քաղաքների Հայերի կարավաններ էին անցնում, որոնք բոլորը ողբերգական վիճակում էին: Նա դեռ հունիսի 29-ին գրում էր. «Հայկական բոլոր համայնքներին արմատախիլ անելով ամայի շրջաններ են տարագրում: Բացարձակ ողբերգություն է... ձանապարհին հիվանդներն ու մեռնողները վար են ընկնում ու նրանց թողնում են բախտի քմահաճույքին»²:

Տաղը բարոյականության և դիվային անտարերություն, միաժամանակ անսանձ դաժանություն, ստոր խարեւություն: «Ինչպես Մեծ վեզիրը, - գրում է Թուրքիայում Բուղարիայի ներկայացուցիչ Կոլուչեր, - այնպես էլ Թալեաթ բեյն ինձ Հայտարարեցին, որ տվել են ամենակտրուկ Հրամաններ այդ ժողովրդի (Հայերի) Հալածանքն ու տեղահանումը կասեցնելու մասին: Մեծ վեզիրն ինձ Հայտնեց, թե այդ ոճի մեջ մեղադրվող բազմաթիվ պաշտոնատարներ ձերբակալվելու և հանձնվելու են դատարան, որ տեղահանված Հայերը պիտի վերադառնան իրենց տեղերը... իսկ Թալեաթն ասաց. Թուրքիայում այլևս Հայկական

¹ Պալաքյան Գ., նշվ. աշխ., էջ 371:

² Լեփսիուս Յո., նշվ. աշխ., փաստ. № 382:

Հարց գոյության չունի, քանի որ Հայերի նկատմամբ բոլոր միջոցառումներն ավարտված են: Այս բոլոր Հավաստիացումներով Հանդերձ, երկրի խորքերից շարունակվում են ստացվել սարսափելի լուրեր»¹:

Աղրիանապղում Բուլղարիայի Հյուպատոս Գ. Սերաֆիմովը 1916 թ. փետրվարի 24-ին տեղեկացրեց. «... Գիշերը ժամը 11-12-ին Հայ ընտանիքներն անկողնուց հանվել են և աքսորվել... Նրանց տները իշխանությունները կնքել են ... Թեմի առաջնորդի փոխանորդ Արսենին սաստիկ ծեծել և արտաքսել են մյուսների հետ... Հայոց առաջնորդարանի առաջ կանզնած էին մի քանի մեքենաներ: Ոստիկանները շենքից իրեր էին դուրս բերում: Նրանցից մեկը զարմանքով նայում էր... առաջնորդի ոսկե զավագանին... Քաղաքում մնացել է 100 ընտանիք, որոնց փրկվելու համար առաջարկում են թրանալ... Գրասենյակիս կողքով անցնում են Հայերի տնային իրերով լի մեքենաները... Թուրքիան վերադառնում է 14 և 16-րդ դարերը»²:

Ռեռալերը գեռ Հուկիսի 27-ի իր գեկուցում մերկացնում է թուրք պարագլուխների՝ սահմաններ չճանաչող կեղծիքները, սուտն ու մարդատյացությունը: Նա գրում է. «Թուրքական կառավարությունն ունի նաև Հազարավոր անմեղ Հայ Հպատակներ, որոնց հեռացնում էին պատերազմական շրջաններից (իրը նրանց անվտանգության համար): Մինչեռ նրանցից Հազարավորներին քշել են անապատ, բացառություն չէր արվել անգամ Հիվանդներին ու Հղի կանանց, ուազմաճակատում գտնվող զինվորների ընտանիքներին: Կառավարությունը նրանց անբավարար և անկանոն է սնունդ ու ջուր մատակարարում, բան չի արել նրանց շրջանում վարակիչ հիվանդությունների դեմն առնելու համար, կանանց զցել է այնպիսի կարիքի և Հուսահատության գիրկը, - որ նրանք իրենց փոքր երեխաններին նետել են գետը: Կառավարությունն ընդառաջել է ուղեկցող զինվորների քմահաճույքին, որոնք վերցրել են աղջիկներին ու վաճառել, կառավարությունը նրանց նետել է բեղվինների ճանկը, որոնք այդ աղջիկներին կողոպտել ու առևանգել են: Կառավարությունը Հայ տղամարդկանց անօրեն ձեռով ջարդել է, նրանց դիակները դարձրել է չների և գիշատիչ թռչունների կեր, կառավարությունն սպանել է տվել աքսորված պատգամափորներին, խորհրդարանականներին, նա քրեական հանցագործներին բանտերից հանել է, զինվորական համազգեստ Հազցըրել և ուղարկել այն վայրերը, որտեղով պետք է անցնեին տարագրվածները:

Թուրքիայի կառավարությունը Հավաքագրել է կամավորներ և նրանց հրահրել Հայերի դեմ: Բայց աշա' թե ինչ է նա պնդում իր պաշտոնական Հայտարարության մեջ. «Օսմանյան կառավարությունը Թուրքիայում ապրող քրիստոնյաններին առաջարկում է իր բարեգործական ազնիվ օժանդակությունը»:

Իսկապես ես աչքերիս չհավատացի, երբ կարդացի այդ Հայտարարությունը: Արտահայտություններ չեմ գտնում բնութագրելու այդ դժոխային ստախոսաթյունը»:

¹ Գеноցիդեր հաճ արմենցիտե..., ֆոնդ № 321, օպ. 1, գ. 2381, լ. 32-35.

² Նույն տեղում, գ. 2450, լ. 17-18:

Անհնար է երիտթուրքական կառավարության վարքագծի ավելի ճշմարիտ ու ընդգրկուն գնահատական տալ: Նա նույն խնդիրներին անդրադառնում է 1915 թ. սեպտեմբերի 18-ին. «Այս օրերին Համարյա սովոր հայ կանանց ու երեխաների երկար շարասյուները արևելքից ոտքով հասնում են այստեղ և պետք է շարունակեն տարագրվել, եթե մինչև այդ չմահանան:

Բարձր Դուռն հրամանը, թե իրենց բնակատեղերում գտնվողները չպետք է տեղափոխվեն՝ թվում է հնարովի և կասկածելի:

Զինվորների ընտանիքները ևս, հակառակ հրամանի, բացառություն չեն կազմում: Նաև ծանր հիվանդները անսիրտ ձևով տարագրվում են: Տարագիրները նորից ուղարկվում են դեպի Դեր Զոր և Մոսուլ:

Հակառակ Դուռն հավաստիացման, ամեն ինչ խոսում է հայ ժողովրդի ոչնչացման մասին¹:

Բայց այդպես էին վարվում ոչ բոլորը: Զկարողանալով հերքել հայերի բնաջնջման իրողությունը՝ գերմանացի մի շարք դիվանագետներ աշխատում էին դրա մեղքը բարդել տեղական իշխանությունների վրա, պատասխանատվությունից ազատել Բարձր Դուռնը: Դիվանագիտական այդ «գայթակղությունից» գերծ չէր նաև Ռեոսլերը:

Լեփսիուսի «Տեղեկագրի» նախարանում կան հետևյալ տողերը. «Քանի դեռ Զելալը Հալեպում էր, հյուպատոս Հ. Ռեոսլերը ուրախանում էր այդ արդարամիտ ու մարդասեր վալիի գործունեությամբ, որն իր վիլայեթում ո՛չ տեղահանություն կատարեց և ո՛չ էլ կոտորած»: Նա գովեստի խոսքեր է ասում նաև Զեմալ փաշայի հասցեին, որի «Հրամանատարության տարածքում էին գտնվում Կիլիկիան և Հալեպը: Փաշան «Հավանություն չէր տալիս կառավարության հայկական քաղաքականությանը: Համենայն դեպք ... հասավ այն բանին, որ այդ տարածքներում կոտորածներ տեղի չունեցան»:

Կունցլերին ուղղված զեկուցագրերից մեկում (25-ը սեպտեմբերի 1915 թ.) կարդում ենք, որ «Բարձր Դուռն հեռագրով արված կարգադրությունները տարագրված հայերի վիճակը բարեկավելու վերաբերյալ, տեղական մարմինների քմահաճույքի հետևանքով նպատակին չեն հասել: Ռեոսլերը Հալեպից հայտնում էր, թե անօրինությունները շարունակվում էին, տարագրվածները սննդամթերքով չէին ապահովվում, քանի որ «աղետական մարմիններն ի վիճակի չեն նման բազմության սննդի գործը կազմակերպել»:

Հոկտեմբերի 20-ին Գերմանիայի հյուպատոսը հեռագրեց. «Թալեաթ բեյը, որի ուշադրությունը ստիպված էի հրավիրել այս վիճակի վրա, պատրաստակամություն հայտնեց օգնել, սակայն հազիվ թե հնարավոր լինի հավատալ, որ կենտրոնական կառավարության հրամանները որևէ էական փոփոխություն կառաջացնեն տարագրված հայերի վիճակի մեջ»²:

Դեսպանի մտավախությունը հիմքից զուրկ չէր, որովհետև լավ գիտեր թալեաթին ու նրա խոսքի արժեքը:

Ռեոսլերն ահազանգում էր, թե հայերին կանգնեցրել են երկրնտրանքի

¹ Konst. /Ankara 170, Ab 53a.

² Մետերնիսի 1915 թ. սեպտեմբերի 25-ի զեկուցագրիը Բեթման Հոլվեգին:

առաջ՝ ով ուղում է կենդանի մնալ, պետք է մահմեղականությունն ընդունի: Իսլամացման գործընթացն արագացնելու համար, հաճախ հայ ընտանիքներին առանձին-առանձին բնակեցնում էին մահմեղական զյուղերում:

Կարավանների մեծ մասն անցնում էր Ուրֆայով, փոքր մասը՝ Հալեպով: Ուրֆայով անցնողներին հիմնականում տանում էին Մոսուլ, իսկ Հալեպով անցնողներին՝ Դեր Զոր:

Իշխանությունների հավաստիացումները, թե հայերին այդ վայրերը տանում են բնակության, կեղծիք էր: «Ումից վրիպել է դանակը, դատապարտված է սովամահության...»¹:

Հյուսիսային Սիրիայում, առավելապես Հալեպում, հայ տարագիրներին ինչոր մատակարարում կազմակերպվեց միայն տեղահանության սկզբնական շրջանում: Զափահաններին տալիս էին 20 ֆենիկ, իսկ երեխաններին՝ 16 ֆենիկ²: Ուստի պատահական չէ, որ գաղթականությունն անմիջապես հայտնվեց քաղցի ճիրաններում:

Հալեպի Բար-Էլ-Ֆարաջի հրապարակից մինչև Սալիրե եկեղեցին՝ փողոցներում թափած էին հարյուրավոր դիակներ և մահամերձ հայեր:

Հարկ է նշել, որ նման վիճակ առաջացել էր ո՛չ միայն թուրքերի ցեղասպան դիտավորությունների, այլև տեղահանության կազմակերպման աշխատանքների քառսային վիճակով:

Ստեղծված ցեղասպան իրավիճակն ի սկզբանե հայտնի էր Բեոլինին: Իշխան Փոն Հոհենլուց-Լանդենբուրգը 1915 թ. սեպտեմբերի 25-ին հետևյալ զեկուցագիրն ուղարկեց Բեոլին (փաստ. թիվ 586). «Վերջերս մենք պարու Ռեուլերից ստացանք ... հետևյալ հեռագիրը. «Վերջին մի քանի օրերի ընթացքում գրեթե ամբողջությամբ քաղցած հայ կանանց ու երեխանների երկար շարայունները Արևելքից եկան այստեղ ու անմիջապես այստեղից տեղափոխվեցին, որպեսզի այս վայրերում չմահանային: Չնայած Բարձր Դուան հավաստիացումներին, այս ամենը հավասարազոր է հայ ժողովրդի բնաջնջման»:

Մի ականատես Հալեպից հետևյալ զեկուցագիրն ուղարկեց Կ. Պոլիս (փաստ. թիվ 95). «Այս ամսվա 10-ին և 12-ին աքսորվածների մոտ 200 հոգանոց խումբ՝ կանայք և երեխաններ, Ռաս-ուլ-Այնի վրայով այստեղ հասակ լրիվ հյուծված: Դա թշվառության մի այնպիսի պատկեր էր, որ միայն Վերեշչագինը կարող է նկարել: Ոստիկանները թշվառ, հյուծված էակներին, որոնցից շատերը մահվան շեմին էին, Հալեպի փողոցներով մտրակելով քշում էին դեպի կայարան: Որևէ հայի թույլ չէին տալիս մի կաթիլ ջուր խմել կամ մի կտոր հաց ուտել: Նրանց հաց կամ ջուր տալու փորձ անող բնակիչներին արգելում էին այդ անել և հեռացնում էին»:

«Համաձայն անընդհատ ստացվող նոր լուրերի, - գրում է Ռեուլերը, - Արխիալփում (Կարին) հայերն արգեն գրեթե լրիվ ոչնչացված են: Կառավարությունը կայսրության հայերին կամ ոչնչացնել է ուղում և կամ իր անելիքը

¹ R 14092, Ab. 20411: 10.000 թիվը ճիշտ չէ. Դեր Զոր հասած հայերի թիվը սեպտեմբերին հասել էր 60.000-ի:

² Lepsius J., նշվ. աշխ., փաստ. № 12:

Հգիտե: Լիակատար կազմալուծված իրավիճակ է, այնպես որ պաշտոնյաները, որոնց հանձնարարված է օրենքի գործադրությունը, չգիտեն, թե կառավարությունն ի՞նչ է ուզում: Կիլիկիայի Հայերը, որոնք Հալեպում են, կառավարությունից մի քիչ պարեն են ստանում, թեև անկանոն: Արևիալփում եղողները, որոնցից այստեղ կա 6000 հոգի և օրական էլ մոտ 300 հոգի գալիս է, որևէ բան չեն ստանում: Հալեպի Հայ Հասարակության Հավաքած միջոցները շուտով կսպառվեն: Առաջ ամեն տարագրյալ օրական չորս փոքր Հաց էր ստանում, իսկ այժմ՝ միայն երկու և ուրիշ ոչ մի այլ սնունդ: Իսկ Հալեպից դուրս եղող Հագարավոր և բյուրավոր գաղթականների մասին որևէ մեկը հոգ չի տանում»: Դրա հետ միասին, թուրքական կառավարությունը համառորեն հակազդում էր, թույլ չէր տալիս, որ օտար երկրները հայերին սննդով և այլնով օգնեին¹:

1915 թ. օգոստոսի 8-ին Հալեպից ստացվեց մի շատ ողբերգական, բայց նաև ուշագրավ Հաղորդագրություն, որի տակ տեղի ամերիկացի հյուպատոս Զ. Ջեքսոնի ստորագրությունն է. «...Թուրքական կառավարությունն ամենակատաղի միջոցներ է ձեռնարկում կայսրության այս շրջանի Հայ բնակչության նկատմամբ: Ուղղակի Հարձակման ու կոտորածի գաղափարը, որ Հարգի էր նախկինում, այժմ որոշ չափով փոխվել է»: Մեծ խմբերով տեղահանում են տղամարդկանց, որոնք ճանապարհին անհետանում են կանայք ու երեխանները: Երկրի ներքին շրջաններից եկողները պատմում են, որ այնտեղ զանգվածաբար սպանում են տղամարդկանց, որ ճամփեղրերին ու եփրատի ջրերում թափված են դիակներ, որ կանայք ու երեխանները հանձնվում են քրդերին, որ ժանդարմներն ու քրդերը անպատմելի վայրագություններ են գործում:

«Սկզբում այս պատմություններին առանձնապես չեինք Հավատում, բայց այժմ, երբ մեծ թվով գաղթականներ են գալիս, դրանց ճշմարտացիությունը կասկած չի հարուցում: Օգոստոսի 2-ին մոտ 800 տարեց կանայք և 10 տարեկանից փոքր երեխաններ 45 օրվա ճանապարհից հետո թշվառագույն վիճակում Դիարբեքիրից Հասան այստեղ: Նրանք պատմեցին, որ բոլոր երիտասարդ կանանց ու աղջիկներին տարել են քրդերը, որ նրանց կողոպտել են մինչև վերջին գրոշը, որ տեսել են սով, ծարավ ու ամեն տեսակ զրկանքներ:

Ինձ ասացին, որ 4500 հոգու Սղերդից ուղարկել են Ռաս-ուլ-Այն, ավելի քան 2000 հոգու՝ Սեղբեկից Դիարբեքիր և որ Բիթլիս, Մարզին, Մոսուլ, Սևերեկ, Մալաթիա ու այլ քաղաքներ Հայաթափ են եղել. տղամարդիկ, երիտասարդներ ու շատ կանայք սպանվել են կամ ցրիվ են տրվել երկրով մեկ: Եթե սա ճիշտ է, և անկասկած ճիշտ է, այդ վերջիններն էլ բնականաբար կմեռնեն հոգնությունից, սովոր ու հիվանդություններից: Դեր-էլ-Զորի կառավարիչը, որն այժմ Հալեպում է, ասում է, որ քաղաքում 15 հազար Հայ գաղթականներ կան: Երեխաններին հիմնականում վաճառում են՝ սովամահությունից փրկելու նպատակով, քանի որ կառավարությունը որևէ օգնություն ցույց չի տալիս»: Ջեքսոնի կազմած հետեւյալ աղյուսակում (տե՛ս էջ 593) ցույց է տրված մինչև հունիսի 30-ը Հալեպ ժամանածների թիվը, վայրը, որտեղից նրանք տեղահանվել էին և այն մարդկանց թիվը, որոնք շարունակելու էին ճանապարհը:

¹ Lepsius J., նշվ. աշխ., փաստ. № 140:

Որտեղից	Ընտանիք	Անձ	Ետ ուղարկված
Զորք-Մարզպան	400	2109	734
Օջախլի	37	115	137
Էռողերլի	116	593	173
Հասանբեյլի	187	1118	514
Հարնի	84	528	34
Կարսըազար	51	340	-
Շար (Հաճըն)	150	1112	357
Հաճըն	592	3988	1025
Ռումլու	51	388	296
Սիս	231	1317	-
Բաղեշ	126	804	-
Դեռնգելե	13	68	-
Տրդատի	12	104	-
Զեյթուն	5	8	-
Թարպուղ	22	97	-
Ալբիստան	10	44	-
Ընդամենը	2087	12733	3270

2100 գաղթականներ էլ ժամանել էին այս աղյուսակը պատրաստելու ընթացքում:

Աղյուրներից մեկի տվյալներով՝ մինչև Հուլիսի 30-ը Հալեպով անցել էր 15.255 տարագիր:

«Այնթապից, Մարդինից, Քիլիսից, Անտիոքից, Ալեքսանդրետից, Քեսարից և Հալեպի գավառի ավելի փոքր քաղաքներից տեղահանված Հայերի թիվը հասնում է 60 հազարի: Բնական կինի ենթադրել, որ նրանց էլ բաժին կը նկնի ավելի վաղ տեղահանվածների ճակատագիրը, որի մասին մտածելն անգամ սարսափելի է», - գրում է Զեքոնը:

Գերմանիայի Հյուպատոսի 1915 թ. օգոստոսի 5-ի տեղեկագրում նույնպես նշվում է, որ Այնթապի, Անտիոքի, Խսկենդերունի, Քեսարի և Հալեպի կուսակալության մյուս ավելի փոքր քաղաքների բոլոր Հայերը, թվով շուրջ 50.000 Հոգի, արդեն տարագրված էին: «Կացությունն օրեցօր ավելի տագնապալից է դառնում», - Հայտնում է նաև:

«Այս ամիսներուն, - գրում է է. Լառասը, - ընդամենը մօտաւորապէս 1,6 միլիոն Հայեր իրենց տուներէն դուրս բերելով տեղւոյն վրայ մորթուեցան եւ կամ զրկուեցան Սուրբական անապատ Հետիոտն կամ շոգեկառով: Սեպտեմբեր 1915-ի վերջաւորութէան հոն Հասած էր արդէն 500.000 Հոգի: Իվ Թերնոնը կը նկարագրէ անոնց վիճակը. «Տարագրեալները կը գտնուէին աննկարագրելի դրութեան մը մէջ, անոնք կա'մ մերկ էին և կա'մ ցնցոտիներով: Անոնց մե-

¹ Լեփախուս Յո., նշվ. աշխ., էջ 25-26:

ծամասնութիւնը «փարանոյիտ» վիճակի մը մէջ կը գտնուէր: Անոնց թերանունդ ըլլալու ահոելի նշաններէն մէկը հետեւեալն էր. երբ անոնց գլուխները կը լուացուէին, յաճախ սանտրի հարուածով մը անոնք կը կորսցնէին իրենց մազերուն մեծ մասը»:

Հաջորդ ամիսներին տարագրյալները դեպի շոգ ու այրող անապատ աքսորվեցին: «Սեպտեմբեր 1916-ին անոնցմէ միայն 70.000 հոգի մնացած էր, իսկ միւսները մեռած էին անապատին մէջ»:

«Բոլոր տղամարդիկ աքսորվեցին երկրի խորքերը,- գրեց «Times»-ը,- որտեղ նրանք զոհվեցին դանակից կամ սովից, իսկ գերմանացի սպաները այդ դժբախտների կանանց ու ընտանիքներին ուղարկում էին նրանց վիճակի մասին հանգստացնող նամակներ: Կանայք ու աղջկները լրիվ հանձնված էին թուրքերի օգտագործմանը, նրանց վիճակը մահից սարսափելի էր»¹:

“Русское слово”-ն ներկայացնում է բռնագաղթված և կոտորված հայերի ցնցող տեսարաններ:

Հալեպիցի մի փախստական, որը ականատես էր եղել հայ ժողովրդին բաժին ընկած սարսափներին, այդ թերթի թղթակցին պատմել է. «Հալեպ մտան հազարավոր հայ կանայք, երեխաներ և ծերեր՝ ցնցուիների մեջ, քաղցած, բորբիկ և լցվեցին Հալեպի փողոցները: Դրանք Դյորթ-Յոլի և Հաճընի փախստականներն էին...: Շուտով նման դժբախտների կարավաններ եկան ամբողջ Հայաստանից: Հալեպ առաջինը հասած փախստականները ամենաերջանիկ էակներն էին, համեմատած կմախքների այն կարավանների հետ, որոնք գալիս էին Խարբերդից, Դիարբեքիրից, Էրզրումից, Այնթապից, Մարաշից, Իզմիտից, Աղնայից, Մերսինից, Խսկենդերունից, Զեյթունից և այլ վայրերից: Խարբերդից, Դիարբեքիրից և Էրզրումից եկող թալանվածների, տանջահարների, հուսադրվածների մեջ 15 տարեկանից բարձր որևէ տղամարդ չկար: Տարածությունը, որ սովորաբար անցնում էին 10 օրում, աքսորյալները հաղթահարում էին երեք ամսում և ճանապարհին նրանց կեսը զոհվում էր...

Իզմիտից, Աղանայից և Մերսինից բռնագաղթվածները ճանապարհին զոհ դարձան համաձարակի և լքեցին իրենց երեխաններին:

Այս դժբախտները մի քանի օր ապրեցին ահավոր կեղտի մեջ, արևի կիղիչ ճառագայթների տակ, գիշերում էին իջևանատների ձիանոցներում: Նրանց շրջանում մահացությունն ահավոր չափերի հասավ: Շատ ավելի ահավոր էին կանանց նկատմամբ զանգվածային բռնությունները, կարավաններին ուղեկցող զափիթեների կողմից, ինչը այդ դժբախտ կանանց հարազատների կյանքը խնայելու համար տարօրինակ փրկագին էր: Օրինակ, հայ հարուստ և պատվավոր ընտանիքներից մեկի մի աղջիկ կատարում էր իր հոր նախկին ծառայի հարճի պարտականություն: Մի այլ, նույնպես հայտնի ընտանիքից, մայր ու նրա դուստրերը մտան զափիթեներից մեկի հարեմը:

Հալեպ եկած փախստականների վիճակն այնքան ահավոր էր, որ մի խոջա, դժբախտների վիճակից հուզված, անիծելով իր կառավարությանը, դիմեց շուկայի ամբոխին.

¹ “Армянский вестник”, 1916, № 2.

- Մահմեղականներ, արդյո՞ք իսլամն է հրամայում այս ամենն անել:
Արդյո՞ք այդ անել մեղ հրամայում է Ղուրանը:

Իշարկե, խոջան ձերբակալվեց և անհետացվեց:

«Արթնացավ նույնիսկ թուրքերի դաշնակցի՝ Գերմանիայի հյուպատոսի խիղճը, որը փախստականներին օգնեց դրամով և նրանց օգտին միջամտեց թուրքական իշխանությունների առջև: Սակայն չուտով Կ. Պոլսից հեռագիր ստացավ՝ չմիջամտել վալու գործերին»:

Հայերին աքսորելով հարազատ վայրերից, թուրքական կառավարությունը հայտարարեց, թե նրանց սնունդի համար օրական վճարելու է 10-ական կոպեկ, սակայն այդ վճարումը կատարվեց միայն մի քանի օր: Վճարումը դադարեցնելու հետ միասին թուրքերը տղամարդկանց քշեցին աշխատելու Բաղդադի երկաթուղու շինարարության վրա և չնչին վարձատրությամբ կատարելու այլ աշխատանքներ:

Զկարողանալով գլուխ հանել սովահար հայերի ամբոխից, Հալեպի վալին հայտարարեց, թե նրանց թույլատրում է մեկնելու արտասահման: Բայց քանի որ Հալեպից արտասահման մեկնելը փաստորեն անհնար էր, ապա այդ հայտարարությունը լոկ ծաղր էր: Փախստականներին սկսեցին ուղարկել Հոմսի և Դեր Զորի հարթավայրեր¹:

Թե ի՞նչ էր նշանակում բռնագաղթն ու ինչպիսի՞ն էր բռնագաղթվածների վիճակը, վկայում էին նաև իրենք, թուրքերը և անգամ երիտթուրք պարագլուխները:

«Նրանց ձիերն ու թանկարժեք իրերը գողացել են... ասելով, թե ճանապարհին պարեն են ստանալու, թողել են առանց հաց ու ջրի, - կարդում ենք ջեմալ փաշայի հուշերում: - Նրանց ուղեկցող պաշտոնյաները խիստ ու վատ վերաբերմունք են ցուցաբերել, այդ թվում՝ հայույանքներ ու կողոպուտ ... Ստիպում էին բավարարվել օրը 25-30 դրամ հացով և 25 փարա թոշակով ... Կապանում կանանց հավաքել են, երբ նրանք լվացք էին անում և հարկադրել են ճամփա ենել բոկոտն, չկարողանալով տանել անգամ լվացած սպիտակեղենը: Բազմաթիվ ընտանիքների տղամարդիկ ուղարկված էին այլ ուղղությամբ, բաժան իրենց կանանցից ու երեխաներից ... Փոխադրական միջոցների բացակայության հետևանքով շատ կանայք ստիպված էին սեփական երեխաներին լքել իրեն անօգուտ բեռ, նրանց թողնել ճանապարհի եղրին կամ արտում, ոմանք էլ փորձել են նրանց վաճառել... Այսպիսի վարմունքը վնասում է մեր աղգային հեղինակությանը և արատ է օսմանցիության անվան վրա»²:

Մի ուրիշ թուրք՝ Նայիմը գրում է Ռաս-ուլ-Այնում հայ գաղթականների վիճակի մասին. «Գիսղին դէմը, զետին եղերքը թափուած հարիւրաւոր կիներէ եւ մանուկներէ բաղկացեալ թշուառներու կարաւան մը տեսայ: Անոնք ամէն օր, առաւօտեան, գիւղ գալով կը մուրային»³:

Հալեպի որբանոցներում 1500 երեխա կար: 4000 հայ կանայք ներգրավ-

¹ "Արմանսկի վետնիկ", 1916, № 2.

² Lepsius J., նշվ. աշխ., փաստ. № 72:

³ Անատոնեան Ա., նշվ. աշխ., էջ 31-33:

վեցին բանակի կարիքների համար թել մանելու գործում: Նույն ժամանակ, այսինքն սեպտեմբերին, Ուրֆայում կար 700, Բիրեջիկում և Զերաբլուսում՝ 2000, Մոսուլում՝ 4000 փախատական, Հալեպում՝ 17220, Մեսքենեի ու Դերջորի արանքում 15.000, Դամասկոսում՝ 10 հազար (շատերը մահեղականացած), Հառարանում ու դրանից հարավ՝ 30 հազար, Համամում և Մեմբիջում՝ 15.000 (դարձան մահեղական):

Ընդամենը՝ 106420 հոգի: Այդ թվի մեջ չեն մտնում Հալեպը, Մարաշը և Այսթապը շրջանցածները և ուրիշներ, որոնց մասին տվյալները բացակայում են: Նշվածներին հարկ է գումարել նաև Աղանայում եղածները, որոնց թիվն անհայտ է:

Ականատեսը պատմում է Հալեպից հյուսիս ընկած Նիղիպի խանում գտնվող հայերի վիճակի մասին: Խանի բակը մեծ չէր, և դա զուրկ էր սենյակներից: Աջ կողմում և դիմացը խառնված էին զգզգված, սարսափահար, ցնցոտիներով ծածկված կանաքը, որոնց ձախ կողմում դիակներ դիզված էին: Շատերը արդեն նեխում էին և «անշնչելի էին դարձնում օդը ոչ թե միայն պատերից ներս, այլև դուրս»:

Երբեմն այստեղ գալիս էին հայ աղջիկ գնելու: Այդ նպատակով խան մտած մի ֆրանսիացի նկարագրում է տեսածը:

Ներսում դիակների վրա ընկած լալիս ու ողբում էին կանաքը: Զայները մարդ էին խլացնում: Նրանցից մի քանիսը դիակների վրայից հանում էին շորերը, որ ծածկեն ցնցոտիներից մերկացած իրենց մարմինները: Խելագարվածներն անմիտ շարժումներով դեգերում էին:

Որբ մնացած երեխաները հավաքված էին իրար մոտ: Նրանցով որևէ մեկը չէր զրադգում: Այս սարսափելի դժոխքում բոլորին տիրել էր աննկարագրելի զառանցական վիճակը: Նրանց թվում էր, որ իրենք իրենք չեն, ինչ-որ անբացատրելի երազի մեջ են, չշմած և ասես զիտակցությունը կորցրել էին ու մոռացել իրենք իրենց:

Սա թուրքական գաղանանոց էր, որովհետև հարյուրավոր անմեղ կանաք ու երեխաներ շրջապատված էին թուրք գաղաններով: Անտեր, անտիրական երեխաները ահավոր նիհար էին: Այդ կենդանի կմախքները սարսափեցնում էին մեծերին իրենց սուր հայացքով: Անմեղ փոքրիկներն անպայման շուտով մեռնելու էին:

Պատի ճեղքերին գամված կանաքը իրենց հոգեվարքը երկարացնելու համար քրդերին վաճառում էին սեփական երեխաներին, անգամ 12-13 տարեկան աղջիկներին, և այդ՝ մի կտոր հացի դիմաց:

Դժոխսային խառնաշխոթությունը, զարշահոտությունը, լացը, հեկեկանքը, սիրտ ճմլող աղաղակները, խելազար ճիչերը, քստմնելի քրքիջները ցրել էին այս դժոխքը և արձագանքը հասնում էր հեռու-հեռուներ...

Երբ կանաքը տեսան ֆրանսիացուն ու իմացան, որ եկել է կին գնելու, իրար հրմշտելով շրջապատեցին նրան: Շատերը թշվառությունից ծամածոված դեմքերով փորձում էին ժպտալ, գովում էին իրենց գեղեցկությունը, արժանիքները ու ասում. «Ես գեղեցիկ եմ, ի՞նձ առ, ես այսինչի աղջիկն եմ»: Մյուսն ասում էր. «Ես ավելի՝ գեղեցիկ եմ, զիտեմ լավ գորգ գործել, մանել: Կծառայեմ գիշեր-

ցերեկ, տա՞ր ինձ»: Իսկ թուրք անսիրտ ժանդարմը ձեռնախայտով խփում էր նրանց:

Ֆրանսիացին նկատում է երկու կնոջ, որոնք իրար շատ նման էին: Երկուսն էլ բարձրահասակ, սև մազերով, սև աչքերով, վայելու վարվելու ձեերով... Նրանց հագուստները փոքր-ինչ կեղտոտված էին և պատառոտված, բայց երեսում էր, որ գեղեցիկ, թանկարժեք հագուստներ են եղել:

Երբ այդ կանայք իմացան, որ հյուրն ուզում է իրենց տեսնել, ցածրաձայն հարցրեցին. «Իրո՞ք մեղ կտանեք»:

- Այո՛,- ասաց հյուրը և դառնալով ժանդարմին՝ ավելացրեց,- ես գնում եմ այս երկու կանանց, ու մեկնեց դրամը:

Հյուրի դուրս գալու պահին գնված երկու հայ կանայք հարցրեցին ֆրանսերեն. «Դուք անզլերեն կամ ֆրանսերեն գիտե՞ք»:

Երբ Հայաստանի մյուս շրջաններն արդեն դատարկված էին հայերից, նրանց մնացյալները հավաքվեցին Հալեպի վիլայեթում: Հատկապես Աղանա-Մարաշ-Հալեպ գիծը դարձավ տարագիրների հիմնական մասի ուղին: Ահա թե ինչո՞ւ տարվա վերջից սկսած հիմնական լուրերն այս շրջանից էին:

Զեքսոնը 1915 թ. օգոստոսի 19-ին գրեց, որ Այնթապ քաղաքը շատ արագ հայաթափվեց: Հայերից շատերն անցան Հալեպ և ավելի հարավ: Այդ այնթապցի հայերը հարուստ էին և ուղեկցող ոստիկանները նրանց կողոպտելը ոչ միայն չէին արգելում, այլև մասնակցում էին դրան: Սկսած օգոստոսի 1-ից՝ 20.000 հայի տարան Դամասկոս-Համա ուղղությամբ: Նրանցից քչերին էին թույլ տալիս քաղաք մտնել: Օտար ճանապարհորդները վկայել են, որ ճանապարհները լիքն էին դիակներով: Ուրֆայի և Արաք Բունարի արանքում 25 կմ երկարությամբ թափված էին 500 անթաղ դիակներ: Իրազեկ աղբյուրների տվյալներով՝ մինչև օգոստոսի 15-ը (հայերի) ընդհանուր կորուստը անցնում էր 500 հազարից: Վանի, Կարինի, Բաղեշի, Դիարբեքիրի, Մամուրեթ ուլ-Ազիզի, Անկարայի և Սերաստիայի վիլայեթներում հայերը գործնականում արդեն բնաջնջված էին: Մնում էին Աղանան ու Հալեպը, որտեղ ևս բնաջնջումն սկսվել էր¹:

Ռեուլերը նույն օրերին հեռագրեց. «Ոչնչացվածների ընդհանուր թիվը մի քանի հարյուր հազարի է հասնում: Նրանց մեծամասնությունն սպանվել է ոչ թե քրդերի, այլ՝ ոստիկանների կողմից: Նշաններ կան, որ ճանապարհին տարագրվածները սպանվելու էին նաև Հալեպի ու Մարաշի սանջակներում²:

Հալեպի շրջանում հյուպատոս Ռեուլերը տեսել էր շուրջ 45 հազար տարագիրների, որոնցից 25 հազարը գտնվում էր «ծայրահեղ կարիքի մեջ, շատերը սովամահության եղրին»:

Նա գրում է, որ Եփրատը դուրս էր եկել ափերից, որովհետև գետը լցված էր երկուական հոգով միմյանց կապված դիակներով: «Փաստերի կրկնությունն ապացուցում է, - նկատում է հյուպատոսը, - որ խոսքը պատահական սպանությունների մասին չէ, այլ՝ իշխանությունների՝ նախապես մշակված ծրագրով զանգվածային բնաջնջման: Ասում են, և դա շատ մոտ է ճշմարտությանը, որ

¹ Երակ Հ., նշվ. աշխ., էջ 549.

² Բրայս Ջ., նշվ աշխ., փաստ. № 134:

թուրք զինվորները դիակները գետն էին նետում Աղբյամանում...»:

Գերմանիայի հյուպատոս Հոլշտեյնը հյերի հետ կատարված ներկայացնում է հետևյալ կերպ. հյերի բռնագաղթն իրականացվեց այնպիսի գաժան միջոցներով, որ հավաքակայաներ (Հալեպ, Մոսուլ, Թել Արիադ, Ռաս-ուլ-Այն) համար էին տարագրյալների միայն փշրանքները: Ճանապարհին, որը տևում էր շաբաթներ ու ամիսներ, կողոպուտ, պղծում, գողություն, կանանց, աղջիկների և տղաների վաճառք, որով գրաղվում էին ուղեկցող պահակախմբերն ու մերձակա բնակավայրերի մահմեղականները, Հալեցրեցին կարավանները:

Թել Արիադի և Գյուլթեփեի արանգում, երկաթգծից ոչ հեռու վեց տարբեր տեղերում տեսել եմ մերկ կանանց ու երեխանների 18 դիակ, Գյուլթեփեի և Խարար Նասի արանքում հեռագրասյունի կողքին տեսել են մեռնող երեխայի ու կանանց լրիվ մերկ վեց դիակ, երկու մեռած երեխա: Թել Արիադում կարավանի մեկնելուց հետո մնացին 17 դիակ ու հոգեվարքի մեջ գտնվողներ:

Ամենուրեք քայլայվող մարմնի գարշահուսություն էր:

«Ինքս տեսա քաղաք (Հալեպ) մտնող մի կարավան: Դատարկ սայլերից յուրաքանչյուրի վրա, առանց որևէ գույքի ու աննդամթերքի, առանց ծղոտի ու ծածկոցի, նստած էին 8-10 տանջահար կանայք ու երեխաններ: Մեկը մեռած էր, մյուսը՝ հոգեվարքի մեջ: 10-11 տարեկանից բարձր արական սեռի հայեր չկային: Մինչև այժմ բռնագաղթվածների մերձավոր վերջնակետը Թել Արիադ, Ռաս-ուլ-Այն և (Այնթապի ու Մարաշի համար) Ակչե Կոյունլի երկաթուղային կայարանն էր, դրանց հաջորդում էր Հալեպը, որտեղ, ըստ իշխանությունների տվյալների, հոկտեմբերի վերջին կուտակվել էր 20.000 հոգի: Նրանք հիմնականում տեղափորված էին քաղաքի արվարձաններում գտնվող դաշտային ճամբարներում: Կենտրոնական, Հյուսիսային և Արևմտյան Անատոլիայից եկած կարավաններն իրար խառնվում էին հավաքական ճամբարներում՝ Մամուրում (Աղանայի վիլայեթ՝ Բաղդադի երկաթուղու վրա) և ապա Կաթմա ճամբարում՝ Հալեպից 48 կմ հյուսիս-արևմուտք, կրկին երկաթուղու հարևանությամբ, որտեղ, ըստ պաշտոնական տվյալների, հոկտեմբերի վերջին կուտակվել էր 40.000 հոգի:

Ճամբարներում ոմանք ունեին իրենց վրանը, մյուսները՝ նույնիսկ պաշտպանված չէին արևից: Կենցաղային ոչ մի հարմարություն: Այդ 40 հազարի համար կար միայն մի աղբյուր: Չուր վերցնելու կամ խմելու համար հարկ էր լինում հաղթահարել տեղի բնակչության ոտնձգությունները:

Հյուպատոսարանի ուսումնասիրություններով՝ հոկտեմբեր ամսին օրական մահցությունները 120-ից հասան 200 հոգու: Ամսվա կեսին մոլեգնեց բծավոր տիֆու:

Կաթմայի ճամբարի տարագիրները մինչև սեպտեմբերի վերջը փոխադրվում էին երկաթուղիով, իսկ դրանից հետո՝ ոտքով և տեղափորում էին ծայրամասերում, ուր ուղարկվեցին նաև Հալեպում տեղափորված գաղթականները¹:

Պատկերը նույնն էր, ինչ մինչև Հալեպ հասնելը, գաղթի հենց սկզբից:

¹ R 14090, Ab. 288919.

«...Կանանց ու երեխաների լացն ու ողբը մարդու սիրտ էր թրատում,- զրում է ԱՄՆ-ի Հյուպատոսը:- Այստեղ էին գտնվում նաև Հոգևորականներ, առևտրականներ, բանկիրներ, իրավաբաններ, արհեստավորներ: Գեներալ-նահանգապետն ինձ ասաց, որ Նրանք բոնագաղթվողներին պետք է փոխադրամիջոցով ապահովեին վերջիններիս գույքի վաճառքից ստացված միջոցների դիմաց, բայց հունիսի 26-ից հայերին արգելվեց որևէ բան զնել կամ վաճառել: Գնում էին ոտքով... Շատերն ուժասպառ եղան և շարասյունից ետ էին մնում: Նրանց սվինահար էին անում և գետը չպրտում: Հոսանքը դիակները տանում էր զեպի ծով կամ դրանք ծանծաղուտ տեղերում դեմ էին առնում քարերին: Դիակները նեխում էին և շրջապատը լցնում անտանելի հոտով: Ես խոսել եմ ականատեսների հետ, որոնք նկարագրված դեպքերից 15 օր անց գետի մակերեսի վրա տեսել էին բազմաթիվ դիակներ»:

Կարմիր խաչի գծով թուրքիայում գտնվող երկու բուժաշխատողներ պատմում են. «Մենք ճանապարհին Հանդիպեցինք բռնազարթվողների մի մեծ կարավանի: Երկար ժամանակ կանգնած սպասում էինք, որ նրանք անցնեին: Մենք երբեք չենք մոռանա այդ տեսարանը: Շատ քիչ թվով տղամարդիկի, կանանց ու երեխաների մի ամբողջ ամբոխ... Նրանք՝ թե՛ մեծերը և թե՛ փոքրերը, քայլում էին խոր լոռության մեջ, որպեսզի շուտով բոլորը միասին կապված ժայռերից շպրտվեին Եփրատի ալիքների մեջ»:

Արդեն նշվեց, որ բռնագաղթի ճանապարհին ոչնչացվեց Հայերի մեծամասնությունը, իսկ թե կենդանի մնացած հատուկենտ մարդիկ ի՞նչ վիճակում հասան Սիրիա, պատմում է գերմանացի բժիշկը. «Մենք մտանք «Հոսպիտալի» բակը, որում զգվելի անմաքրություն էր: Բակի ծայրին այուների տակ թափված էին հիվանդները, մեռնողները, դեսուզեն ընկած էին դիակներ: Ճանձերի բազմությունը ծածկել էր հիվանդներին և դիակներին: Ամեն կողմից թվում էին հառաջանք, ողբ, դժգոհություն: Դիակների կողքերին խարխափում էին երեխաները... Բակում տեսանք սովից կիսամեռ տասնյակ երեխա, նրանց մեջ կային մեռնողներ և գուցե արդեն մեռածներ: Ոչ ոք նրանց վրա ուշադրություն չէր դարձնում»^{1:}

Ֆրանսիական գործակալներից մեկը տեղեկագրում է. «Հայերը հրաման էին ստացել մեկնելու, առանց նախապես զգուշացվելու, ժամանակ չի տրվել հավաքվելու և իրենց հետ նույնիսկ ամենաանհրաժեշտ բաները վերցնելու: Թուրքերը բոնագրավեցին ամբողջ ունեցվածքը և նույնիսկ այն մի քանի իրերը, որ տարագիրները ցանկացել էին իրենց հետ տանել»²:

Գաղթի ճանապարհներին կազմակերպված էին կանանց վաճառքի շուկաներ: Հայուհու գինը 8-23 ֆրանկ էր: Փաստաթղթի հեղինակը այդպիսի մի շուկա տեսել էր Դամասկոսում և լսել նման շուկայի գոյության մասին Հայեապում, որոնցում վաճառվում էին հազարավոր կանայք ու աղջկներ: Այսպես կոչված մահմեղական աշխարհի մտավորականները՝ խոջաները, ուկեմաները, կադիրները, մուֆթիները կարողացան արագորեն մեծացնել իրենց ստրուկները:

¹ АН Арм. ССР, Бюллетень, Ер., 1984, № 4.

Հույն տեղում:

ըի թիվը չնչին գումարներով, պատճառաբանելով, որ իրենք են այդ հայուհիներին կրոնափոխել¹:

Տղամարդկանցից ու տղաներից կազմավորում էին բանվորական գումարտակներ և տաժանակիր աշխատանքի ուղարկում անապատ, որտեղ ոչ ջուր կար և ոչ էլ սննդամթերք: Հակիչներին հրամայված էր սահմանված կարգի ամենաչնչին խախտման ղեպքում իսկ կրակել: Եվ սովորաբար լինում էր այնպես, որ մի քանի օր անց հակիչները վերադառնում էին առանց հայերի և հայտարարում էին, թե նրանք փախուստի փորձեր են կատարել ու դրա համար ոչնչացվել են²:

Ավստրո-Հունգարիայի դիվանագետներից մեկը գրում է Վիեննա՝ թե Սիրիայում հայերին բնակեցրին քաղաքներում՝ տնտեսական կյանքը զարգացնելու համար:

Դրա չնորհիվ «այնտեղ առաջացան նոր, նախկինում տեղի բնակչությանն անծանոթ արտադրության ճյուղեր, մասսամբ էլ բարելավվեցին եղածները»³: Տեղեկանքը գրված է 1916 թ. նոյեմբերին, ուրեմն՝ բռնագաղթին զուգահեռ արաբական իշխանությունները ինչ-որ թվով հայերի տեղափոխել էին քաղաքներ:

“Literary Digest”-ը 1917 թ. սեպտեմբերի 1-ին գրում է. “The New York Evening Post” թերթը տպել էր անզիացի մի սպայի նամակ, որտեղ ասվում էր հետևյալը. «Հայեպում կա չորս գործարան, որտեղ սարսափելի պայմաններում աշխատում է 2000 տարագիր կին: Նրանցից մեկն ինձ ասաց. «Աքսորի ձանապարհին, դադարի ժամանակ ես տեսա, թե ինչպես ժանդարմներից մեկը կենդանի թաղեց մի հիվանդ կնոջ: Մեր պահակներին հրամայված էր անմիջապես սպանել նրան, ով հետ կմնար քարավանից: Դիակները նետում էին մի ընդհանուր փոսի մեջ և ծածկում: Սարսափելի էր այդ տեսնելը, բայց մեր աչքերը սովորել էին այդպիսի տեսարաններին»:

«Զինուրական հրամանատարութիւնը հաստատած էր բազմաթիվ գործատեղիներ, - գրում է Մ. Նեղիմը, - այս աշխատանոցներու մեջ կը ծառայեին... չքափոր մնացած կիներ ու աղջիկներ: Օրական 12 ժամ աշխատանքի փոխարեն անոնց կը տրուեր մեյմեկ զինուուրաբական հաց. անոթութեան և Տեր Զոր դրկուելու երկիւղեն բոլոր կիներն ու աղջիկները ստիպուած էին արձանագրուիլ աշխատանոցները:

Հակառակ ասոր ալ՝ այս դժբախտները կրկին հանգստութեան երեաը չէին տեսներ: Զինուուրաբական եւ սոստիկան սպաներ, յիսնապետներ, նոյնիսկ հասարակ զինուուրներ անընդիջաբար կ'այցելին գործատեղիները եւ կ'որոնէին զեղեցիկ կիներ, աղջիկներ և կը ջանային ձեռք ձգել զանոնք»⁴:

Բաղդադի երկաթուղու շրջանում հայերի տնտեսական գործունեությունը, երիտթուրքական կոմիեն ու գերմանացիները տեսնում էին առավելապես երկաթուղու շինարարական աշխատանքներում: Այդ է պատճառը, որ Թալեաթի

¹ АН Арм. ССР, Бюллетень, Ер., 1984, № 4.

² Beylerian A., նշվ. աշխ., էջ 298.

³ Wien HHSTA PAXII 463, Damaskus, 28 November 1916.

⁴ Նեղիմ Մ., նշվ. աշխ., էջ 99:

Հեռագրերում բազմիցս նշվում է հետեւյալ և նման հանձնարարականներ. «Մինչև երկաթգծի շինարարության ավարտը՝ ինթիլիում և Այրանում թողնված հայերին չտարագրել»:

Սակայն այս վիճակը չհարատեսեց, որովհետև հայերին ամբողջությամբ ոչնչացնելու արյունածարավ քաղաքականությունն իրեն ենթարկեց մյուս բոլոր ծրագրերն ու նկատառումները:

«Որոշված է երկաթգծերի և կամ որևէ այլ կառույցներում աշխատող բոլոր հայերը աքտորավայրեր քչե՛լ»:

1917 թ. Հալեպում և Հեջազում կար 60.000 տեղահանված: Մեկ տարի անց նրանց թիվը կրճատվեց երկու անգամ¹:

Հալեպի գերմանական հյուպատոսության աշխատակից Վիլհելմիտտենը մանրամասը նկարագրելով հայերի ոչնչացումը, նշում է. «Սակայն բոլորը չեն մեռնի: Ոչ մեծ թվով հայեր՝ երկաթյա ներվեր և խելահեղ խորամանկություն ունեցողները կենդանի են մնում: Նրանք նայում են մահվան աչքերին, կոփում են ներվերը և, եթե ուրիշ որևէ բան տեղի չունենա, անհաշտ ատելություն են կուտակում թուրքիայի և Գերմանիայի հանդեպ: Իրենց երակների այդ կենսական ուժը նրանք, հավանաբար, կփոխանցեն իրենց ժառանգներին»:

Աշխարհատարածքում Գերմանիայի դիրքերն ամրապնդելու համար Վիլհելմիտտենն առաջարկում է Հայաստանում գերմանական դպրոցներ բացել ու հայերին գերմաներեն սովորեցնել: Նա գտնում է, որ այդ գործը պետք է անմիջապես սկսել, քանի դեռ չեն վերադարձել «Փրանսիական պաղեները և ոռուսական պոպերը»:

Վիլհելմիտտենը գործնական առումով լուրջ սխալ է համարում մեծաթիվ բանվորական ուժի ոչնչացումը: Ըստ նրա, հայերն ուրախությամբ կավարտեին Բաղդադի երկաթուղու շինարարությունը: Նրանք անգամ աշխատավարձ չեն պահանջի, այլ միայն հաց՝ սովամահ չլինելու համար²:

Իւյիստագի անդամ Մ. Էրցըերգերը 1916 թ. մարտի 3-ին Ռողենբերգին առաջարկություններ է ներկայացնում հայ կաթոլիկների հարցի վերաբերյալ: Նա առաջարկում է հայ կաթոլիկներին աքսորից վերադարձնել, բայց ոչ թե իրենց բնակավայրերը, այլ Բաղդադի երկաթուղուն հարող տարածքները, բացառությամբ պատերազմական գոտիների, այսինքն ոչ թե Սիրիա ու Արաբիա, այլ՝ Փոքր Ասիա: Առաջարկվում էր հայերին տեղավորել փակ տարածքներում՝ ստեղծել հայկական ոեղերվացիա³:

Բոնագաղթված հայերի հարցում արևելահայ շրջանների ջանքերով այլ մոտեցում դրսեղության Պետրոգրադը: 1916 թ. հունվարի 17-ին Սաղոնովը հեռագրեց իդվանկուն և թենկենդորֆին: Նախարարն անհրաժեշտ է համարում, որ դաշնակիցները նախաձեռնեն Հալեպ-Մոսուլ աքսորված հայերին նյութական օգնություն ցույց տալու գործը: Խոսքն այն մասին է, որ Ռուսաստանը, Անգլիան և Ֆրանսիան միանվագ նպաստ տրամադրեն մեկ միլիոն Փրանկի

¹ Lepsius J., Bericht..., s. 332.

² R 14090, Ab. 459816.

³ Նույն տեղում, Ab. 5914:

չափով: Այդ գումարը պետք է դրվեր Կ. Պոլսի հայոց պատրիարքի կամ Սսի կաթողիկոսի տրամադրության տակ: «Իսկ նվիրատվության աղբյուրը պետք է գաղտնի մնար՝ թուրքերի նոր բռնություններից հայերին զերծ պահելու համար»¹:

Ֆրանսիայի կառավարությունը համաձայնվեց, պայմանով, որ նպաստը բաժաներ Կ. Պոլսում ամերիկան դեսպանատունը, իսկ անգլիական կառավարությունը հրաժարվեց:

Այո՛, եվրոպական մայրաքաղաքներում հայոց սպանդը մնում էր դիվանագիտական քննարկումների ու քարողչական ներկայացումների նյութ: Գլխավոր խնդիրները երկուսն էին, նախ չքմեղանալ և, երկրորդ՝ հնարավորություն գտնել դրանից շահ քաղելու համար:

Բոնագաղթված հայերի ճակատագրի հարցը քննարկվում էր թե՛ Բեռլինում և թե՛ Պետրոգրադում, Փարիզում ու Լոնդոնում, մինչդեռ Կ. Պոլիսը ոչ թե քննարկում, այլ գործում էր:

1916 թ. մարտին Ա. Նուրին հեռագրեց ՆԳ նախարարությանը. «Ստացուած տեղեկագիրներէ կը հասկցուի, որ մինչեւ հիմա Պապի եւ Մեսքենէի շուրջը՝ 35.000, Հալէպի առաքման վայրը (Գաթմա)՝ 10.000, Տիրիսի, Աբու Հարթմարի եւ Համայի շրջանակին մէջ՝ 20.000, Ռաս-ուլ-Այնի մէջ՝ 35.000, ընդամենը՝ 95.000 հայեր այլեայլ պատճառներէ մեռած են»²:

Եթե հավատանք այս և գաղթականական ծառայության՝ շրջանառության մեջ դրած մյուս թվերին, ապա ստացվում է, որ 1916 թ. մայիս-հունիս ամիսներին Սիրիայում և Միջազգետքում ոչնչացվել է շուրջ 400.000 հայ:

Աղանայից Մամուրե ընկած տարածքի շատ գյուղեր լրիվ դատարկ էին: Մամուրեում հայերի վիթխարի ճամբարներ կային: Եթե որևէ մեկը նստեր էնթիլի տներից մեկում, պատուհանից կտեսներ փողոցով օր ու գիշեր անցնող տղամարդկանց, կանանց ու երեխաների կարավանները: Բոլորը հետիւտն էին, փոխադրական միջոցներ գրեթե չկային: Բոնագաղթվածները մուրում էին միայն սննդամթերք, դրամ չէին վերցնում: Հայերի ամբողջ ունեցվածքը նրանց մեջքին էր: Կանայք գրկած տանում էին փոքր երեխաներին, ավելի մեծ երեխաները ո՞չ միայն ոտող էին գնում, այլև շալակած ինչ-որ բաներ էին տանում:

Արմեք ունեցող ամեն ինչ, մասնավորապես անասունները, նրանցից գնել կամ խել էին ժանդարմները, սպաներն ու մահեղական բնակչությունը: Մի բարձրաստիճան սպա խոստովանեց, թե հարստանալու համար ավելի հարմար պահ լինել չի կարող և ով դա չօգտագործի՝ հիմար է:

Հալեպը լեփ-լեցուն էր գաղթականներով: Նրանց վիճակը ողբալի էր. հիմնականում ապրում էին բաց երկնքի տակ: Ակսվեցին համաձարակները՝ դիզենտերիա, տիֆ, բծավոր տիֆ: Վարակն ընդգրկեց նաև քաղաքի բնակիչներին: Հիվանդ հայերին որևէ օգնության ցույց չէր տրվում: «Մեռածներին ու կենդանիներին թողնում էին հատակին՝ սեփական կղկղանքի մեջ»: Եթե առաջ դիակներ տեղափոխող մեկ սայլ կար, ապա շուտով դրանց թիվը 10-ի հասավ:

¹ АВПР, Политархив, д. 3493, л. 14, 15, 28.

² Անտոնեան Ա., նշվ. աշխ., էջ 169:

Սեպտեմբերին քաղաքում մեռավ 3900 հայ, ամեն օր մեռնում էր մինչև 200 հոգի: Մեռածներին տեղափոխում էին ինչ-որ տեղ և օրեր շարունակ թողնում էին առանց թաղելու:

Համաձարակի առաջն առնելու համար իշխանությունները որոշեցին հայերին անհապաղ հանել Հալեպից, նոր եկողներին թույլ չտալ քաղաքում կանգ առնել, անգամ ջուր խմել: Հյուծված մարդիկ, մասնավորապես ծերերն ու երեխանները, ընկնում էին ու մեռնում: Ռաս-ուլ-Այն տանող երկաժուղու կողքին մի օրում թաղեցին 200 հոգու: Կանանց մի խումբ լրիվ մերկ էր, փոքրիկ երեխաններին լրել էին անապատում¹:

Հաճըն, Շիրի, Ալարիստան, Քոքջանի, Թարփոյակ, Զեյթուն և Ալարաշ քաղաքների ու ավանների, ինչպես նաև Կափեն, Սիվիջ Փոնուղ և նաև Ֆլուտընազ, Լափաշի, Դերտել և այլ բնակավայրերի բնակիչներին հանեցին իրենց բնակավայրերից և խմբերով ուղարկեցին անապատ, չնայած նրանց խոստացել էին ուղմական նկատառումներով պարզ վերաբնակեցում: «Մոսուլի մերձակայքում Բաղդադի երկաժուղու վրա գտնվող Թել-էրմեն գյուղում հայ բնակիչները՝ թվով 5000 հոգի կոտորվեցին, բացառությամբ մի քանի կանանցից և երեխաններից, և նետվեցին ջրհորները կամ այրվեցին խարույկների վրա»²:

Գերմանացիներից մեկն անապատում հանդիպում է իր հայ ծանոթին, որը թափառում էր Եփրատի ափերին և փնտրում իր կնոջն ու երեխաններին: «Նմանների որքան ասես Հնարավոր է հանդիպել Հալեպի շրջանում, քանի որ համոզված էին, թե իրենց մերձավորների և ազգակիցների մասին այնտեղ կարելի էր տեղեկություններ ստանալ: Մի ամբողջ ամիս Եփրատի հոսանքով լողում էին հայերի դիակները, շատ հաճախ երկու-երեքական և մինչև վեց հոգի իրարու կապված: Դիակներից շատերն այլանդակված էին: Թուրքական կառավարության ներկայացուցիչներն արգելում են դրանք թաղել...»³:

Ափ նետված դիակները բաժին են դառնում չներին և վայրի գաղաններին:

Բաղդադի երկաժուղու ծառայողներից մեկը պատմել է, որ «Բիրեջիկի բոլոր բանտերը օրվա ընթացքում լցվում էին հայերով, իսկ զիշերը դատարկում էին՝ ձերբակալածներին նետում էին Եփրատ»: «Գերմանական սպան Դիարբեքիրի և Ուրարի արանքում տեսել է շատ դիակներ, առանց թաղելու»⁴:

Մի կին տեսնելով, որ հարազատ երեխան մեռնում է քաղցից, նետվեց Եփրատը:

Համամում կար 1000 վրան: Դրանում բնակվողները զանգվածաբար սովամահ էին ինում: Մարդիկ կուվում էին մորթված անասունների հոսող արյան համար, հավաքում էին աղբի մեջ եղած ոսկորները, սատկած անասունների ու մեռած մարդկանց միս ուտում:

Սարգայում նույնպես ամեն օր մեծ թվով մարդիկ էին մեռնում քաղցից: Գերեզմանափորները մշտապես ծանրաբեռնված էին: Շուկայում, փողոցներում

¹ Konst. /Ankara 97, Ab. 9442.

² "Армянский вестник", 1916, № 35.

³ Նույն տեղում:

⁴ Նույն տեղում:

տիրապետողը ողբի ձայներն էին: Երեխաները թրիքի կույտերում քջուջ էին անում¹:

Ռեռուլերն 1916 թ. հուլիսին գրում է, որ Բաղդադի երկաթուղու շինարարության վրա աշխատող հայերը Աղանայից ուղարկվեցին Մարաշ, Այնթապ, Բիրեջիկ և Ուրֆա: 1916 թ. հունիսի 16-ին ժանդարմները, հաշվի չառնելով տարիքը, սեռն ու առողջական վիճակը, բռնագաղթվածներին գավազանի հարվածների տակ տարան մինչև Բուլանը (Բախչե), որն արդեն լիքն էր Քելլերից, Յարբաշից, Այրանից և այլ վայրերից եկած բանվորներով: Հետո խզակոթի հարվածներով նրանց քշեցին 200 կիլոմետր մինչև Զակլիսորլու, Բիրեջիկ, Ուրֆա և Կարսու: Մարաշում նրանցից 70 հոգի գնդակահարվեց: Կեղտոտ ջուրը գաղթականներին վաճառում էին աներևսակայելի թանկ գներով, թույլ չէին տալիս որևէ մեկից օգնություն ստանալ: Այդ քաղցած ու ծարավ զանգվածին ծեծելով հասցրեցին Քարաքյուչուկի²:

Մետերնիւր 1916 թ. հուլիսին գրեց, որ արևելյան նահանգներում հայերի հետապնդումները վերջին փուլում են: «Ներկայումս թուրքական կառավարությունը պատրաստվում է տարալուծել և ցաք ու ցրիվ անել հայերի վերջին խմբերը»:

Խոսքը վերաբերում էր Հյուսիսային Սիրիայի (Մարաշ, Զալեպ, Ռաս-ուլ-Այն), ինչպես նաև Փոքր Ասիայի մի քանի խոշոր քաղաքների հայերին, որոնք այդ վայրերի բնակիչներ են կամ դրանցում հայտնվել էին տեղահանման հետեւանքով: Նրանց մի մասին քշում էին Միջագետք, իսկ մյուս մասին՝ խալամացնում:

Ռաս-ուլ-Այնի համակենտրոնացման ճամբարում եղած 2000 ձերբակալվածները Դեր Զոր փոխադրվելիս հարձակման ենթարկվեցին և ոչնչացվեցին:

1916 թ. առաջին կեսը ո՞չ միայն տարագրվածների զանգվածային բնաջնջման, այլև կայսրության այլևայլ բնակավայրերում ինչ-ինչ հանգամանքներում ու պատճառներով տարագրության չենթարկված կամ դրանից խույս տված հայության վերջին խլակների հայտնաբերման ու տարագրման շրջանն էր: Մարաշում չխնայեցին անգամ ՆԳ նախարարության հատուկ թողտվությունն ունեցողներին: Դիարբեքիրի վալի Ռեշիդ բեյը Անկարայում փնտրում էր վերջին հային՝ աքսորելու համար: Նույն բանն էր կատարվում էսքիչներում:

Այս փուլում, սակայն առաջին տեղը դուրս եկավ բռնի կրոնափոխությունը:

Գերմանիայի հյուպատոս Լոյտվեդը Դամասկոսից հայտնում էր. «Բոլոր հայերին այս կամ այն չափով հարկադրում են մահեղականանալ, Դերաայում 149 ընտանիք իսլամացել է, միայն մեկը հավատարիմ մնաց քրիստոնեությանը»:

Հայերի բռնի մահմեղականացումը արտաքուստ նման չէր կրոնական մոլեռանդության վրա հիմնված գործողության: Երիտթուրք պարագլուխներին խորթ էր կրոնական զգացմունքը: Բայց նաև իրողություն է, որ իսկական օս-

¹ R 14093, Ab. 2196916.

² Konst. /Ankara 101, Ab. 11 6266.

մանցի հայրենասեր երևալու համար, ամենից առաջ պահանջվում էր իսլամին հավատարիմ լինելու հավաստիք: Նման մոտեցումը հիմնավորվում էր նրանով, որ նույնացվում էին հավատն ու ազգությունը: Համենայն դեպս, թուրքերի շրջանում դա համոզմունք էր, որին հակասող կամ հակաղրվող պաշտոնական և ոչ-պաշտոնական պնդումները կոչված էին թաքցնելու իրերի իսկական վիճակը:

Սակայն նաև ակնհայտ է, որ հայերի բնաջնջման քաղաքականությունը հենվում էր ո՛չ թե կրոնական մոլեուանդության վրա, այլ խնդիր ուներ հայերին ոչնչացնելուց բացի ձուլելու կայսրության մահմեղական բնակչության մեջ¹:

Ցեղասպանության և մահմեղական կրոնի առնչությունները վատ են ուսումնասիրված: Արտաքուստ անհամարական, հակասական թվացող շատ երևույթներ, մանավանդ օսմանյան կառավարության հակահայկական քաղաքականության մի քանի դրսերումներ (որոշ տեղերում մահմեղականացածին չէին բռնագաղթում, ուրիշ տեղերում՝ դա հաշվի չէր առնվում, տեղեր եղան, որտեղ կաթոլիկներն ու բողոքականները չտեղահանվեցին և այլն), հիմքում կոչված էին ծառայելու նույն խնդրին՝ կայսրության հայաթափմանը: Կրոնական գործոնը որպես վարագույր էր գործածվում ցեղասպանությունից նաև տնտեսական, քաղաքական ու քարոզչական շահ ստանալու համար: Կրոնափոխությունը կանանց ու աղջիկներին շատ հաճախ փրկում էր ոչնչանալուց, որովհետև թուրքական հարեմը մեծ թվով կանանց, իսկ թուրք ցեղը՝ բարեփոխման կարիք ունեին: Հայ երեխաների կյանքը կրոնափոխությունը փրկում էր, որովհետև Թուրքիան աշխատող ձեռքի, այն էլ ձրի աշխատող ձեռքի, մեծ պահանջ ուներ: Պատերազմում թուրքերը կորցրին հիմնականում արական սեռի մոտ 2.000.000 մարդ:

Թուրքերը մեծ թվով մասնագետների հույժ կարիք ունեին, հետևաբար հայ մասնագետներից շատերին հարկադրեցին մահմեղականանալ (ինչը միաժամանակ նշանակում էր թուրքանալ) և նրանց օգտագործեցին: Ահա՝ բազում օրինակներից մեկը:

Կեսարիայի մութեսարիֆը 1916 թ. հունվարի 31-ին հայտարարեց. «Ով ընդունի իսլամական կրոնը՝ կներվի, ով չի ընդունի՝ կուղարկենք Սրբազ (այսինքն դեպի մահ): 1916 թ. փետրվարին Հայեպում հայկական բանվորական գումարտակը ստիպված հավատափոխվեց: Քաղաքի ստիկանները հայերին համոզում էին. «Աքսորից ազատվելու միակ փրկությունը կրոնափոխվելն է»: 1916 թ. հունիսին, վերաբնակված հայերին՝ 15 հազարը Հաուրանում, 3-4 հազարը կերերում, պարտադրեցին ընդունել իսլամական կրոնը: Սրբազում մնացած բոլոր ճանապարհաշինարարական և սակրափորական գնդերի հայերին, արհեստավորական դպրոցների բոլոր հույներին արգելափակեցին հայկական եկեղեցում: Հույները և մահմեղականություն ընդունած հայերն ազատվում էին փայտով կրկնահարվածներից, մյուսներին «համոզում էին» փոխել իրենց կրոնը: «Մի՛ հրաժարվեք, թե չէ կաքսորենք», - սպառնում էին թուրք պաշտոնատարները:

Նրանք ո՛չ միայն համոզում, սպառնում էին, այլև բռնությամբ կրոնափո-

¹ Lepsius J., Աշվ. աշխատ. № 287:

Խումբ: Շապին-Կարահիսար քաղաքում մնացած բոլոր հայերը կրոնափոխվեցին: Սրվագում Վարդավառի օրը՝ Հուլիսի 24-ին, զինվորական ծառայության մեջ գտնվող հայ բժիշկները ահ ու սարսափի ճնշման տակ ստիպված իւլամացան: Բժշկական ծառայության մի սպա, որը հրաժարվեց իւլամանալ, բանտ նետվեց: Համայում աքսորյալները զանգվածային բոնությունների ենթարկվեցին իւլամը չընդունելու համար:

1916 թ. Հուլիսի 23-ին գերմանացի դիվանագետ Վերտը Սեբաստիայից հեռագրեց, թե «այսօր բոլոր աստիճանի հայ բժիշկները սպառնալիքների հարկադրմամբ ընդունեցին իւլամություն»:

Անկարայի կաթողիկ հայերը 1917 թ. Հունիսին զազրելի ճնշումների ենթարկվեցին իւլամական կրոնից հրաժարվելու համար:

Կրոնափոխությունը կատարվում էր բյուրոկրատական ձևականությունները խստագույնս պահպանելու եղանակով՝ դիմում տալ, համաձայնություն ստանալ, անվանափոխություն, թղաքատում: Եվ այսպես շարունակ: «Սև ծովից մինչև Միրիա քրիստոնեական անունները ջնջվեցին, եկեղեցինները փակվեցին, դպրոցները դատարկվեցին, Հոգևորականները աքսորվեցին կամ կոտորվեցին: Միջերկրականի ծովափնյա քաղաքներն անտեսվեցին, իսկ ամբողջ Անատոլիան իւլամացվեց: Քրիստոնեական անունները ցուցակներից ջնջվեցին՝ փոխարինվելով մահմեղական անուններով»:

Արտաքուստ տարօրինակ, բայց էությամբ տրամաբանական էր կրոնափոխության թուրքական քաղաքականության հանդեպ պաշտոնական Բեռլինի դիրքորոշումը: 1915 թ. նոյեմբերի 12-ին Բեթման Հոլվեզը պատասխանելով ավետարանական եկեղեցու հիսուն ներկայացուցիչների Հոկտեմբերի 15-ի և Գերմանիայի կաթոլիկների կենտրոնական միսիոններական հանձնաժողովի Հոկտեմբերի 29-ի դիմումներին, գրում է. «Կայսերական կառավարությունն ինչպես մինչև այժմ, այնպես էլ հետագայում, մշտապես իր առաջնահերթ պարտականություններից մեկն է համարում, որպեսզի քրիստոնյա ժողովրդին իր հավատքի պատճառով չհետապնդեն: Գերմանիայի քրիստոնյաները կարող են վստահ լինել, որ ես, զեկավարվելով այդ սկզբունքով, ամեն հնարավորը կանեմ, որպեսզի հաշվի առնեմ Ձեր արտահայտած մտքերն ու ցանկությունները»:

Երբ 1916 թ. Հունվարին կրոնափոխությունների վերաբերյալ բազմաթիվ լուրեր ստացվեցին, Մետերնիսը արտաքին գործերի նախարար Խալիլ բեյին նոր Հուչագիր ուղարկեց: Նախարարը նորից կտրականապես ժխտեց, «որ հայերի բոնի կրոնափոխությունները կատարվում են նշված ծավալով: Ստորին պաշտոնատար անձանց կողմից չարաշահումների գեղքերի համար մեղավորները խստորեն պատժվել են»: Հունվարի 27-ին դեսպանը զեկուցում է կանցլերին. «Նախարարների հավաստիացումները հակասում են այն բոլոր հաղորդումներին, որոնք կայսերական դեսպանությունն անընդհատ ստանում է տարբեր տեղերից և միմյանցից անկախ աղբյուրներից»:

«Ինչպես Խալիլ բեյը, այնպես էլ Թալեաթ բեյը նորից վստահեցնում են, տեղյակ է պահում Մետերնիսը, - որ նրանք հեռու են հայ քրիստոնյա ազգարնակչության դեմ կատարած բռնություններից, որ իրեւ թե ստորագաս իշխանավորներից նման անկարգություններ կատարողները խիստ պատժվել են»:

Մարտին և ապրիլի սկզբին դարձյալ հաղորդագրություններ ստացվեցին, որ հատկապես Այնթապում, Կեսարիայում, Հալեպում և Աղրիանապոլսում չտարագրված քրիստոնյա հայերի իսլամացումը կատարվում էր թուրք պաշտոնատարների կողմից: «Ես այդ մասին տեղյակ պահեցի բարձրագույն իշխանությանը, - գրում է ղետպանը, - և Համառորեն խնդրեցի դադարեցնել դրանք: Խալիլ բեյը դարձյալ ինձ հավաստիացրեց, որ Կոստանդնուպոլիսի կենտրոնական կառավարությանը որևէ բան հայտնի չէ այդ բոնությունների մասին: Իր գործընկերոջ՝ Թալեաթ բեյի, հետ խորհրդակցելուց հետո նա հայտարարեց, որ խիստ կարգադրություն է արվել տեղական պաշտոնատարներին՝ դադարեցնելու հայերի բոնի իսլամացումը»: Հուլիսի 8-ին ղետպանը ստիպված էր մի անգամ ևս հաստատել, որ չնայած «պաշտոնական խոստումներին և թվացյալ կարգադրություններին, շարունակվում է հայերի իսլամացումը: Դրա ղեմ մեր առարկություններն անօգուտ են»: 1916 թ. հուլիսի 16-ի ղեկուցում Մետերնիխը եղբահանգում է. «Չնայած պաշտոնական ժխտումներին, հայերի հետապնդման այս վերջին փուլում իսլամացումը մեծ դեր խաղաց»: Քանի որ բանավոր առարկաթյունները որևէ աղղեցություն չէին ունենում, ղետպանությունը Բարձր Դուռնն է հանձնում 1917 թ. հունվարի 4-ի հուշագիրը, որպես բողոք՝ բոնի կրոնափոխության ղեմ:

Արար մահմեղականները, համենայն ղեպս նրանց մեծամասնությունը, համաձայն չէին թուրքերի գործողությունների հետ: Բեյրութի շրջանում, վկայում է Ռեսուլերը, թեև նույնպես լայն տարածում գտավ իսլամական դավանակի «ընդունումը», բայց հայերի վիճակը համեմատաբար բարփոք էր: «Բարփոք» բառը պետք է հասկանալ պայմանականորեն: Տարագիրների վիճակն ամենուրեք, այդ թվում նաև Լիբանանում ողբալի էր: Պարսիկ նշանավոր գրող Ալի Ջամալզադեն գրում է, որ այդ շրջանում «թուրքերը հսկայական սպանդանոց էին ստեղծել հայերի համար»:

Մեծ մասամբ այդ սպանդանոցների հեղինակները իրոք թուրքերն էին և արաբների ճնշող մեծամասնությունը ղեմ էր նրանց: Մի եղիպտացի գրում է. «Երբ ղավազ Մահմուդի հետ թողեցինք սպանությունների վայրը, նա ամբողջապես ապշած էր և ինձ ասաց, թե «Ամենազարելի արար մահմեղականն իսկ նման ստորոտիքուն չի կատարի: Նման բան ի վիճակի են կատարել միայն քրդերն ու թուրքերը...»: Պահեստի բանվոր Արդել Ղանին ասաց. «կանանց ու երեխաներին, այդպես վերաբերող մարդիկ, անաստված են»: Արար բանվորները պատրաստակամություն էին հանդես բերում հայերին օգնելու գործում, նրանցից ոմանք հայ բոնազաղթվածների հետ կիսում էին իրենց սննդի բաժինը»¹:

Եվրոպացի դիվանագետները համակարծիք էին, որ «չնայած հայերին բնաջնջելով կառավարությունը միայն ներքաղաքական նպատակներ էր հետապնդում, կոտորածները, համենայն ղեպս, կրում էին քիստոնյաներին հետապնդելու շատ գծեր»²:

Իհարկե, չի կարելի նաև մերժել մահմեղական կրոնի մեծ դերը կայսրու-

¹ R 14090, Ab. 2889.

² Նույն տեղում:

թյան ոչ-քրիստոնյա զանգվածների, առաջին հերթին թուրքերի, այլամերժ մոլեունդությունը բորբոքելու գործում:

Թուրքին, քրդին, չերքեղին կոչ էին անում ոչնչացնել Հայերին ու Հույներին: Անվիճելի է, որ այդ կոչն ավելի մեծ արձագանք էր ունենում, եթե դա որպես Ղուրանի, Ալլահի պահանջ էր ներկայացվում:

Հալեպում տարածվեց սրբազն պատերազմին նվիրված մի գրքույկ, որի 10-րդ էջում գրված է՝ հարազատ մահմեղական, հետևաբար նաև փրկության արժանի մահմեղական չի համարվում նա, ով առնվազն չորս քրիստոնյա չմեղոցնի¹:

Բացի դա, կրոնական գործոնը Հայերի հանդեպ քաղաքականությանը ներարկում էր անհագ դաժանություն, որը շատ արագ համազգային, համամահմեղական բնույթ էր ձեռք բերում և դրսեորում էր արտակարգ ընդունակություններ մարդկանց խոշտանգելու ու ոչնչացնելու եղանակների հնարյան գործում: Այդ եղանակների ընդգրկումները շատ մեծ էին՝ սկսած սպանության ամենաբազմազան ձևերից մինչև մեղնելու բազմաթիվ միջոցները:

Կրոնափոխության խնդիրներին ծառայում էին նաև տարագրված Հայերի հանդեպ բոնությունները, տնտեսական ճնշումները, հալածանքները:

Նիպագեն Հալեպի բռնագաղթվածների հիվանդանոց այցելելուց հետո գրեց. «Ոտարորիկ, սովահար փախստականները քրծերի մեջ էին, քնում էին ուղղակի գետնին, կամ լավագույն դեպքում, իրենց ունեցվածքի ողորմելի մնացորդների վրա...»²:

Վատ եղանակներից չպաշտպանված՝ ամառը անապատի կիզիչ արևից, ձմռանը քամուց, անձրևից ու ցրտից, ճանապարհի անսաելի զրկանքներից հյուծված, վայրագ վերաբերմունքից, ամենաղաժան խոշտանգումներից տանջահար տարագիրները մշտապես մահվան սարսափի տակ էին...

Եփրատի ափերին ցրված Հայ ազգից մնացել էին միայն ծերեր, կանայք և երեխաներ³: Չնայած դրան՝ Հայերը ձգտում էին ինչ-որ տեղ կանգ առնել, խաղաղ կյանքի անցնել: Նրանք Լիբանանի Անտիլիբանանյան լեռան ստորոտում հիմնեցին Այնձար գյուղը, ստեղծեցին ձկնարուծական կայան: Մուսալեոցիները 4000 բնակիչ ունեցող գյուղ հիմնադրեցին Դամասկոսի շրջանում: Նրանք տնկեցին այդ մասերի խնձորի հանրահայտ այգիները:

0', ո'չ: Թուրքերը Հայի ոչ թե ապրելը, այլ՝ մեռնելն էին ուզում: Իսկ քանի որ աշխատանքն ապրեցնող է, ուստի կորչի՛ աշխատանքը: Եվ Հայը, որտեղ էլ նա լիներ, առաջին հերթին, զրկվում էր աշխատելու հնարավորությունից:

Մի բնտանիք կարավանի կազմում,՝ պատմում է Մ. Նեղմը,՝ «մինչև չողէպ եկած էր քալելով, ձեռքէն խլեր, առեր էին ունեցած դրամն ու գոհարեղինները, մայրն այնքան զգուեր է, որ Ուրֆա մտեր է թիֆուսուի բռնուղներուն յատկացեալ մէկ տունը, որպէսզի ինքն ու զաւակները վարակուին, մեռնին, աղատին»: Բայց, բարեբախտաբար, չեն վարակվել:

¹ «Յուշամատեան Մեծ եղեռնի», էջ 487

² АН Арм. ССР, Бюллетень, 1984, № 4.

³ Նույն տեղում:

«... Փաթթոցաւոր կրօնաւոր մը առեւանգեր եւ բռնաբարեր էր հայու մը երկու դուստրերը: Այդ պարագան այնքան յուսահատական տպաւորութիւն է գործեր իրենց մօր վրայ, որ խեղճ կինն իր անմեղ մանկիկով նետուեր է եփրատ եւ խեղդուեր»¹:

Շուրջ 20 աղջիկներ, պաշտպանելու համար իրենց «արրութիւնը, անպատիւ ապրելէն գերադաս են համարեր պատիւով մեռնիլը եւ այս խև նպատակով նետուեր են Եփրատ ու մեռեր...»:

«Առեւտրական գործով գացեր էի Պեհսնի,- պատմել է թուրք պաշտոնատար Ասրմը,- վերադարձիս նաւակով եկայ: Մինչեւ էպու Հիւրեյրէ գալս չկրցայ գաւաթ մը ջուր խմել, Եփրատը լեցուն էր մարդու դժակով, ութմնական, տասնական չուաններով կապեր եւ նետեր են: Մեռելներուն մէջ կան կիներ եւ տղաքներ, ամէնուն ըսի, որ ձուկ չուտեն քանի մը տարի: Զեմ կրնար նկարագրել ոստիկաններու գործած անզգամութիւնները. դրամ պահանջելով չարաչար կը ծեծէին կոր կիները եւ թիւն ու համարը չկար ծեծի ներքեւ մեռնողներուն: Անգամ մը կը տեսնեն կնոջ մը երկու ոսկի կլելը, ասոր վրայ, երբ դրամ չեն գտներ, կը սկսին ճեղքել կիներու փորը եւ կատարեալ անտարբերութեամբ կը քննեն անոնց ստամոքսներն ու աղիքները»²:

Մի գիշեր տուն էի վերադառնամ: Հալեպի «բանուկ պողոտաներից, - շարունակում է Մ. Նեղիմը,- Պապ-էլ-Ֆարամի վրայ հանդիպեցայ 19 մեռելներու, ասոնց ամէնուն մահացուցեր էին անօթությունը, ճամբու տուայտանքը եւ ոստիկանի ծոկանը: Ամեն առաւօտ քաղաքին մէջ կարգով քաղաքապետութեան կառքերը կը ցրուէին եւ մեռել կը հաւաքէին... Բացուած փոսերուն մեջ կը նետէին զանոնք, եղածին պէս, վրայէ վրայ: Գտնուեցան կենդանի ըլլալով հանդերձ, հոգիներէն զզուած յուսալքուածներ, որ ինքինքնին նետեցին այս փոսերուն մէջ եւ ողջ-ողջ թաղուեցան»³:

«Տէր Զօր դրկուելու համար,- վկայում է Մ. Նեղիմը,- Հալէպ բերուած տարագրեալները, Գաոլքը ըսուած քաղաքիս եղերքը տեղ մը կը բանտարկուէին: Գաոլքը յար եւ նման էր այն տեղերուն, ուր մսավաճառները ժամանակաւոր կերպով կը բանտարկեն իրենց ոչխարները՝ սպանդանոց առաջնորդելե առաջ: Գաոլքը մտնող թշուառը յոյսը կտրելու էր կեանքէն:

Բազմաթիւ հայ կիներ եւ աղջիկներ կային Հալէպի գիւղերուն մէջ, մանաւանդ Ազադ, Գաթմա գիւղերը, որոնք Քիլիսին կը պատկանին, նշանաւոր են հանդիսացած իրենց մէջ գործուած ոճիրներով, Կ'իմանայի թէ շատ կիներ կը գտնուէին Մեսքենէ, էպու Հարեյրէ, Համամ և Սեպքայի կողմերը վրանարնակ արաբներու քով, ասոնք մաս մը հաւաքուեցան զինադադարէն վերջը: Մեծագոյն մասը մնաց հոն»⁴:

Ալի Զամալզաղեն պատերազմի տարիներին Կ. Պոլսից մեկնում է Հալեպ և ապա վերադառնում Կ. Պոլիս: Նրա նոթագրությունները 1971 թ. տպագրվեցին Թեհրանի «Հուր» ամսագրում:

¹ Նեղիմ Մ., նշվ աշխ., էջ 97:

² Նույն տեղում, էջ 98:

³ Նույն տեղում, էջ 99:

⁴ Նույն տեղում, էջ 13:

Գիշերեցի մի գյուղում, պատմում է Զամալզաղեն, առավոտյան վեր թռա աղմուկից, պարզվեց, որ «թուրք սատիկանները մի խումբ հայերի բերել են տանջամահ անելու... Հենց այդտեղից, սկսած այդ պահից ես ականատես եղա մի շարք դաժանաբարո տանջանքների ու խոչտանգումների, որոնք հայերի նկատմամբ գործադրում էին թուրք դինվորները և որի հետևանքը եղավ միլիոնավոր հայերի ջարդը...»

Առաջին իսկ իջևանում հանդիպեցինք հայերի բազմաթիվ խմբերի, որոնց սպառազեն հեծյալ թուրք սատիկանները քշում էին ջարդելու: Դա մի սոսկալի տեսարան էր և ցնցող տպագորություն թողեց, սակայն հետզետե սովորեցինք դրան և նույնիսկ աշխատում էինք չնայել... Հարյուրավոր հայ տղամարդկանց, կանանց ու երեխանների, որոնք արդեն անզոր էին քայլելու, մտրակի և զենքի ուժով անխնա քշում էին առաջ: Տղամարդկանց մեջ երիտասարդներ չկային: Նրանց զինվորագրելու կեղծ նպատակով հավաքել ու կոտորել էին:

Հայ աղջիկները, թուրքի կամ արաբի ձեռքը չընկնելու վախից, խուզել էին մագերը: Նրանք զանազան թելերից ու լաթի կտորներից և նույնիսկ թղթից խղճուկ ոտնամաններ էին սարքել իրենց համար, որոնք երեխայի օրորոց էին հիշեցնում:

Խմբից հետ մնացողը, ինչ էլ լիներ դրա պատճառը՝ հոգնածություն, ուժասպառություն կամ բնական պահանջի անհրաժեշտություն, միևնույնն էր, տեղն ու տեղը սպանվում էր: Հարազատների լացն ու կոծր անօգուտ էին:

Հետո լսեցինք, որ այդ կողմերի երիտասարդ բնակիչներից ոմանք, իրենց կրքերին հագուրդ տալու համար, պղծել էին նույնիսկ մեռած կամ հոգեվարքի մեջ գտնվող հայ կանանց ու աղջիկների պատիվը:

Եփրատի արևմտյան ափով ձգված ճանապարհից, որը մերթ մոտենում էր գետին, մերթ հեռանում, ամեն օր տեսնում էինք բազմաթիվ հայերի դիակներ, որոնց տանում էր ջրի ջուանքը:

... Մի անգամ ոչխար գնեցինք ու այն մորթելուց հետո փորոտիքը թափեցինք քիչ հեռու, որտեղ թուրք սատիկանները մի խումբ հայեր էին բերել:

Երբ մենք զբաղված էինք ուտելիքի պատրաստությամբ, հանկարծ նկատեցինք, թե ինչպես մի խումբ հայեր վրա պրծած և ազահարար ուտում էին մեր դեն նետած ոչխարի փորոտիքը: Դա մի տեսարան էր, որ ես երբեք չեմ կարող մոռանալ:

Մի ուրիշ օր էլ պատահաբար գիշերեցինք մի վայրում, որտեղ հայերի մի մեծ կարավան թուրքերի հսկողությամբ հանգստանում էր: Գունատ ու ոսկրացած դեմքով մի հայ կին մոտեցավ և տալով ալմաստե ակներով երկու մատանի, ֆրանսերեն ասաց. «Ի սեր Աստուծո, ա'ո այս ալմաստները և փոխարենը սովից մահամերձ երեխաններիս համար մի քիչ ուտելիք տուր...»:

Մի ծերունի էլ մոտեցավ շվեդ սպաններին ... և ֆրանսերեն ասաց. «Տե՛ր Աստված, ե՞րբ պիտի վերջանա այս արյունահեղ պատերազմը»: Սպաններից մեկը պատասխանեց. «Սա ոչ թե պատերազմ է, այլ բնաջնջում և ամբողջական ոչնչացում...»: Դասախոս-մաթեմատիկոս էր: Չգիտեր ո՞ւր են տարել իր որդիներին: Միայն համոզված էր, որ նրանք այլևս կենդանի չեն: Իսկ նրա երկու աղջիկները, գլուխները ածիլված, հողն էին փորփում, որպեսզի բույսի արմատներ գտնեին: Նրանք կիսամեռ վիճակում էին...

Հալեպում իջևանեցինք հայի պատկանող «Պարոն» հյուրանոցում, որի տիրոջը ձերբակալեցին ու տարան թերութի կողմեր...

Եվ այսպես, ես զարհուրելի օրեր անցկացրեցի: Օրեր, որոնք մղձավանջի պես ծանրացել են հոգուս վրա»¹:

Հարկ է նկատի ունենալ նաև այն, որ հայերի ջարդերի կազմակերպման «պատասխանատու» օղակներում աշխատելու համար ընտրված էին բնավորությամբ առավել դաժան անձինք: Դրանցից մեկը Հալեպի գաղթականական տնօրինության փոխտնօրենի անմիջական օգնական էյուրն էր, որին Նայիմ բեյը ներկայացնում է որպես «արյունառուշտ» մարդասպան: Էյուրը հսկայական հարստություն էր կուտակել՝ չարաշահելով իր պաշտոնական դիրքը՝ դա համարելով անձնապես հարստանալու համար հոյակապ հնարավորություն²:

Նույն այդ էյուրի և փոխտնօրեն Ա. Նուրիի մասին Մ. Նեղիմը գրում է, որ երկուսն էլ «զարհուրանք կը սփոքին մէջտեղը: Որ հայ, որ հանդիպեր ասոնց, իր մահը գտած կը համարէր»³:

Ալեքսանդրետում Գերմանիայի փոխհյուպատոսին էյուրը հայտնել էր, որ տեղահանությունների նպատակն էր «ջնջել հայի անունը»: Նա մերժեց գաղթականներին օգնություն տրամադրելու հյուպատոսի առաջարկը: Ռեոպերը զեկուցել է Ստամբուլ, որ էյուրը հատուկ նպատակով է ուղարկվել Հալեպ՝ իրականացնելու «կառավարության հակահայկական քաղաքականությունը և հանձնաժողովի կազմից հանելու կուսակալ Ձելալին, որն ավելի մեղմ քաղաքականության կողմնակից էր»⁴: Ալեքսանդրետի փոխհյուպատոսը գրում է, թե «մի բարձրաստիճան զինվորական» իրեն հայտնել է, որ մինչև 1915 թվականի հոկտեմբերի կեսերը միայն Հալեպից մոտ 300 հազար հայ է տեղահանվել և ուղարկվել զեպի հարավ և հարավ-արևելք: Փոխհյուպատոսը հավասարության նշան է դնում «տեղահանության» և «բնաջնջման» միջև⁵:

«Կաղրերի ընտրության» գործում նկատի էր առնվում նաև ընչափաղությունը՝ հարկավոր էին, մարդիկ, որոնք հանուն ինչ-որ իրի կամ ինչ-որ քանակությամբ դրամի՝ չապաղեին ոչնչացնել: Ղեկավարների այս հոգեբանությունն ու գործելակերպն անմիջապես դարձան «ընդհանուրի սեփականություն»: Որպես կանոն, ընչափաղ մարդիկ դաժան են լինում:

Այս միտքը հաստատող մի օրինակ:

Էվերեկում Զեքին զենք հավաքելու պատրվակով երեսլի բոլոր հայերին ձերբակալեց ու տանջեց: «Ուտքերը ֆալախկայի տակ ջարդուփշուր ընելէ ետք, որպէս թէ յեղափոխական զաղտնիքներ կորզելով, բոլորը կը դրկուէին կեսարիայի բանտ»⁶: Բայց որովհետև բանտում տեղ չկար, բանտարկյալների մի մասին տարան և ձորում սպանեցին: Իսկ բանտում համաձարակ էր; Բանտարկվածների ճնշող մեծամասնությունը քաղաքականությունից հեռու մար-

¹ «Վերածնված Հայաստան», 1990 թ., № 4;

² «International Journal of Middle East Studies», vol. 18, 1986, № 3.

³ Նեղիմ Մ., նշվ. աշխ., էջ 99:

⁴ "International Journal"..., նույն տեղում:

⁵ Նույն տեղում:

⁶ Եափումեան Հ., նշվ. աշխ., էջ 187:

դիկ էին: Օրինակ՝ Կ. Զամշյանը, մեծաւարուստ մարդ էր և երբեք քաղաքականությունով չէր հետաքրքրվեր: Նրա հարստությանը տիրանալու համար ոստիկանները թաքուն նրա տունը զենք են նետում, ապա տանտիրոջ ձեռքերը կապած պտույտ են տալիս փողոցներում ու գոչում՝ «Հայաստանի թագավորը ձերբակալված է»: Նա 20 ուրիշ հայի հետ կախաղան հանվեց:

Քերիմ Ռեֆին՝ Դեր Զորի Ռաս-ուլ-Այն անկախ գավառի գայմագամը, որն այդ պաշտոնում փոխարինել էր մեղմաբարո և մարդսեր Յուսուֆ Զիային, մի թուրք սպայի ասել է, որ իրեն ենթակա տարածքում հայ զաղթականների շարայունների ոչնչացումը ի կատար է ածվել «Համաձայն Հրամանի»¹: Օսմանյան բանակի երկու արար աստիճանավորներ ցուցմունք են տվել, որ տեսել են սպանված կանանց բազմաթիվ խանձված, մերկ դիակներ՝ լցված Ռաս-ուլ-Այնի ճանապարհների եղբերին: Մարու անունով մի արար ենթասպա նույնպես ականատես է եղել այդ տարածքներում զանգվածային ջարդերի տեսարանների²:

Լեփսիուսի «Տեղեկագրում» տեղ է գտել նաև հետեւյալ նամակը՝ գրված Գերմանիայի արտաքին գործերի նախարարությանը. «Մենք չենք ուզում կանգ առնել այն արյունահեղ սարսափների վրա, որոնցով սովորաբար սկսվում են հայերի տեղահանումները: Մենք չենք պատմի այն մասին, թե ինչպես հազարավոր տղամարդկանց առանձնացնելով, երբեմն նույնիսկ իրենց հարազատների աչքերի առջև մորթում են, ոչ այն աղջիկների, կանանց և երեխանների մասին, որոնց բաժին ընկավ իրենց ուղեկցող պահակների և նրանց հանցակիցների հասցրած անարգանքն ու խեղումը և որոնց մերկ դիակներն ընկած են ճանապարհների վրա, որտեղով անցնելու էին աքսորականների նորանոր խմբեր: Մենք չենք պատմի նաև այն աննկարագրելի դաժանությունների, ծարավի, քաղցի մասին, որոնք ոչնչացնում են կենդանի մնացածներին՝ մեծ մասսամբ մինչև վերջը կողոպտված կանանց և որբերին, որոնք կմախք դարձած են հասնում այստեղ, որպեսզի հետո, վեցից կենդանի մնացած մեկը, նորից տեղահանվի և տառապանքների նույն ուղիով, առանց գոյության հնարավորության, քչվի անապատները, որ իսպառ վերանա հայ ցեղը...

Դրա փոխարեն թույլ ենք տալիս մեզ լույս աշխարհ հանել այս ժողովրդի բնաջնջման զանգվածային թշվառությունից մի փոքր հատված, մի հատված, որը գտնվում է անմիջապես մեր դպրոցի կողքին և բաժանված է նրանից միայն մի նեղ նրբանցքով:

Դա մի հին, մեծ իջևանատուն է, որը թուրքական իշխանությունները տրամադրել են հայ տարագիրներին, հիմնականում հիվանդներին: Պետք է ենթադրել, որ զա հիվանդանոցի նման մի բան է: Ներս մտնենք նեղ մուտքով: Մի քանի նկուղներ լեփ-լեցուն են թշվառ, ուժասպառ կերպարանքներով, որոնք ցնցուինների մեջ փաթաթված, մեկնվել են մերկ գետնին, լավագույն դեպքում՝ իրենց շարժական գույքի մի քանի խղճուկ մնացորդների վրա: Կանայք և երեխաններ, երբեմն՝ ծերունիներ: Տղամարդ չկա:

¹ «International Journal...», Տե՛ս Dadrian V. «The Naim-Antonian Documents on the World War I Destruction of Ottoman Armenians. The Anatomy of a Genocide», pp. 311-360.

² Նույն տեղում:

Անցնելով կեղտով ծածկված բակի միջով՝ մտնում ենք նկուղը: Մի դյուժին երեխա, կիսաքաղց, անզգա, նրանցից մի քանիսը մահամերձ, գուցե արդեն մահացած: Որևէ մեկը նրանց մասին հոգ չի տանում:

Մութ որմնախորշից տղայի մի կիսանեխած դիակ են դուրս բերում, որի վրա ուշադրություն էին դարձրել միայն նեխածության հոտի պատճառով: Նրանք այն որբերն են, որոնց մայրերը վերջին օրերին մահացել են այս նկուղներում: Որևէ բժիշկ չի երևում, որևէ դեղ թեթևացում չի բերում: Նրանք ևս դատապարտված են սարսափելի մահվան, նրանք սովամահ են լինելու: Կառավարությունը «Հիվանդանոցին» մատակարարում է ոսպ, բլղուր կամ զինվորական սև հաց: Հաճախ շաբաթներ, ամիսներ շարունակ, չոգին, առանց ջրի ղեպի հարավ քշված այս արարածների խաթարված ստամոքսները այդպիսի սննդի չեն դիմանում, որն առանց այդ էլ չէր բավարարում: Հետևում են դիղենստերիան, հյուծվածությունը, տիֆը:

Երևում են դագաղներով բեռնակիրներ: Վերջին օրերին մահացածների մի մասը դրվում է դագաղների մեջ, տարվում ամենամոտ եկեղեցու բակը և դատարկվում ընդհանուր գերեզմանոցում:

Դագաղներով տրանսպորտը (դրանք աղբ կրելու սայլերն են) չի բավականացնում: Զէ՞՞ որ այստեղ հասած կենդանի մնացածներից օրական մահանում է 100-150 հոգի: Դիակները դուրս են բերվում բեռնասայլակներով, իրար վրա լցված, մի բրեզենտով ծածկված: Ոտքեր, այստեղ-այնտեղ կախված գլուխները ճոճկում են փողոցով անցնող սայլակի ճոնչոցին համաչափ:

Մենք՝ գերմանացի ուսուցիչներս, այս տեսարանների թատերաբեմի անմիջապես կողքին ստիպված ենք մեր աշակերտներին գերմանական մշակույթ սովորեցնել: Դպրոց գալիս նրանք, հավանաբար, հանդիպել են դիակներով լի սայլակի կամ նկուղի բաց պատուհանից լսել թշվառ զոհերի տնկոցները, կամ էլ տեսել են խղճուկ կերպարանքները, որոնք նեղ փողոցով ներքև են սողացել օդ չնչելու համար, հաց են մուրացել իրենցից, և այժմ սաստիկ հյուծվածության պատճառով ի վիճակի չինելով վերադառնալ կացարան-նկուղ, մահամերձ, ճանճերով ծածկված ընկած են փողոցում»¹:

1915 թ. հուլիսի 9-ին Վանգենհայմը գրեց Բեռլին. «Թել Արմենում և մերձակա գյուղերում մեկ շաբաթ առաջ քրդերը ջարդեր են իրականացրել: Մեծ եկեղեցիներն ավերված են: Ինքը՝ Միկուչն է տեսել 200 դիակ: Ոստիկանությունն ու ժանդարմները այդ դաժանությունների առաջն առնելու համար բան չեն արել և, ինչպես երևում է, մասնակցել են ջարդերին:

Նիսիրինի և Թել Արմենի միջն լրացուցիչ ջոկատները (բանտերից ազատված հանցագործները) իրենց սպաների հետ փայլող աչքերով պատմել են, թե ինչպես են ամբողջովին կողոպտել ջարդի ենթարկված և քարուքանդ արված մի հայկական գյուղ:

Ջերաբլուսում իրար կապված բազմաթիվ դիակներ եփրատը քշել-տարել է»²:

¹ Lepsius J., Bericht..., s. 165.

² Նույն տեղում, փաստ. № 437.

Տասն օր անց, Հուլիսի 27-ին նա գրեց կանցլեր Բետման Հոլվեգին. «Զերդ գերազանցություն, ես կուղենայի հայտնել, թե թուրքական կառավարությունն ինչպիսի անմարդկային ձևով է իրականացնում բոնությունները հայերի դեմ»¹:

Հալեպով անցած կարավաններից որոշ կանայք իրենց երեխաներին ծածկոցների մեջ փաթաթել և այնտեղ են ժողել, որպեսզի չտանեն դեպի հավանական կամ հաստատ թշվառություն:

Բազմաթիվ կանայք ճանապարհին ծննդաբերել են, սաստիկ տառապել իրենց ուղեկցող թուրքերի և մյուսների դաժան վերաբերմունքից: Նրանք հարկադրված լքել են նորածիններին՝ նրանց թողել ճանապարհին:

Հայերի մի ուրիշ խումբ, որ Եփրատի արևելյան մասով անցնում էր Բաղդադի երկաթգծի երկայնքով, հիվանդացել է փորհարինքով... Հալեպում գտնվող տեղահանվածների շրջանում բոնկվել է տիֆի համաճարակ: Դեր ջորով անցած հայերի մի խումբ, հիվանդացել է ծաղկով: Կիզիչ արևի տակ հիվանդները սաստիկ տառապել են, նրանց համար որևէ օգնություն չի կազմակերպվել²:

Նույն օրը, նա կանցլերին ուղարկում է ավելի մանրամասն տեղեկանք, որում ասվում է, որ «վախի Զելալ բեյի աշխատանքից ազատվելուց հետո Հալեպի վիայեթի ծովափի երկայնքով աքսորն ընդլայնվել է: Ալեքսանդրետը, Հարերը, Բեյլանը, Չոքլուկը, Քեսարը և ուրիշ բնակավայրեր հայերից մաքրելը օրակարգի հարց էր դարձել:

Համաձայն Սսի կաթողիկոսի տվյալների՝ Դիարբեքիրից դեպի հարավ ուղարկված 800 տղամարդուց որևէ մեկը տեղ չի հասել: Ենթադրվում է, որ նրանք բոլորը ոչնչացվել են:

Եփրատում եղած դիակները, որ լուսանկարվել են Ռումկալեում, Բիրեջկում և Զերաբլուսում, 25 օր շարունակ քշվում էին գետի հոսանքով: Բոլորը նույն տեսքն ունեին՝ երկուական դիակ թիկունքով իրար կապված: Զարդի այս ձեր մատնանշում է, որ խոսքը ո՞չ թե պատահական կոտորածի, այլ՝ կառավարական մարմինների կանխատեսած սպանության մասին է:

Հավանաբար, դիակները զինվորները գետն էին նետել Աղբյամանում... Գետում դիակների հոսքը մի քանի օր զաղարեց, բայց չուտով նորից սկսվեց և այն էլ՝ ավելի մեծ չափերով. մեծ մասսամբ կանանց և երեխաների դիակներ էին»:

Թել Արիաղի հայերն իրենց 8-12 տարեկան դուստրերին վաճառել են նախ երկու մեջիղիեռով (մեկ մեջիղիեն հավասար էր մոտ 36,5 մարկի), ապա մեկ մեջիղիեռով կամ էլ ձրի էին տվել: Հավանաբար ցանկացել եին նրանց փրկել անպատի կլիմայից և բեղվիններից:

Նույն դյուդում թուրքերը տարագրվածների հետ սակարկել են երեխաների գնի շուրջը: Թել Արիաղով անցնողների առաջին խումբը, որն եկել էր Զելթունից, պետք է Ռաքքա գնար: Տարագիրները ցնորվել եին: Նրանք լուս

¹ Lepshis J., փաստ. № 81:

² Նույն տեղում:

տանում էին ամեն ինչ: Թել Արիաղից հարավ, որտեղ ջուր գրեթե չկար, երեխաները մահանում էին զանզվածաբար: Նույն պատճառով մի կարավան ամրողջությամբ նահատակվեց:

Գնալով շատանում էին այն դեպքերը, երբ իշխանությունները հայերի ջարդերն իրականացնում էին չերքեղների ու քրդերի միջոցով, նրանց դարձնում կոտորածի գլխավոր գործիքներ:

ԳֆՀ Հեռուստատեսությունը հարցազրույց ունեցավ փարիզաբնակ Արամ Կյուրեղյանի հետ: Նա եղեռնի վերապրածներից էր (1915 թվին եղել է 11 տարեկան):

Ա. Կյուրեղյանը պատմել է, որ իրենց ընտանիքը նույնպես բռնագաղթվեց: Գնում էին ոտքով: Զեթեները կարավանը «կանգնեցրին, պատրվակով, որ ուզում էին մի քիչ հաց տալ մեզ: Տղամարդկանց հեռացրին: Հորս տարան չասան-Չելերի կոչվող վայրը: Այլևս չտեսանք նրան, հետո իմացանք, որ ուրիշների հետ նրան էլ էին սպանել: Երբ հասանք անսպատ, մի զարհուրելի տեսարան բացվեց: Հազարավոր սպանվածներ՝ մայրեր, որոնք մահացել էին իրենց երեխաներին կուրծք տալիս, երեխաներ, որոնք գաղափար չունեին, որ իրենց մայրերը մեռել էին, մայրեր, որոնք խելազարվել էին իրենց երեխաների մահը տեսնելով: Աղջիկներից շատերին բռնաբարել էին, ուրիշներին տարել էին հարեմներ: Հետազյում իմացանք, որ բռնազաղթի ճանապարհները կանխամտածված էին ընտրվում, այն հաշվով, որ երբ հասնեինք ջրհորներին, մեզ թույլ չտային ջուր խմել: Հասանք մի գետի, և հարյուրավոր մարդիկ, որոնք ծարավից մեռնում էին, սուզվում էին ջրի մեջ, որտեղ նվազում և խեղդվում էին: Մեր հարազատների կեսը անսպատում կորավ...

Մենք պետք է դրամ վճարեինք եփրատ գետն անցնելու համար: Երբ կես ճանապարհին էինք, պահակներն սկսեցին գողանալ մեր հագուստները և ավելի շատ դրամ պահանջեցին: Զնայած մայրս ինչ որ ունեինք տվեց, պահակներից մեկը դարձյալ սկսեց ծեծել նրան, վիրավորել և յոթն ամսական քրոջս այնպես խփեց, որ նա մահացավ...

Մի գիշեր լուսաղեմին արթնացանք ահավոր ճիշերից: Արաբները և քրդերն էին հարձակվել, նրանք շրջապատել ու առևանգում և սպանում էին հայերին: Մեր ընտանիքի մի քանի անդամների ևս խլեցին, սակայն նրանք կարողացան մի կերպ վերադառնալ: Դա այն ժամանակ էր, երբ գտանք մեր յոթն ամսական քրոջ դիակը:

Մի օր երկու քուրդ եկավ: Նրանք բռնեցին եղբորս, որպեսզի ոչխարի պես մորթեն: Եղբայրս ո՞չ գոռաց, ո՞չ էլ բողոքեց: Նրանք սպանեցին Արմենակ եղբորս: Մերկ և զրեթե սովամահ հանդիպեցինք մի քուրդ մշակի, որը ջուր էր տալիս իր անասուններին և ոռոգում էր դաշտը: Հուսահատ մայրս մի քիչ ջուր խնդրեց: Քուրդը պատասխանեց: «Եթե տղայիդ ինձ տաս (նա նկատի ուներ ինձ)՝ ջուր կտամ»: Մայրս համաձայնվեց:

Բացի Հալեպից, Հյուսիսային Սիրիայում բնակվող հայերի բռնագաղթն սկսվեց 1915-ի մայիսին, երբ վալու պաշտոնում Զելալին փոխարինեց Բեքիր Սամին: Դատարկվեցին... Այնթապը, Անտիոքը, Խակենդերունը և Քեսարը:

«Ճեմալ փաշան կը հարածանգէ,- զրում է արար գործիչ Յուսեֆ ալ-Հաքիմը,- տեղահանել զանոնք եւ քշել դեպի Համա: Գիշեր ատեն զինուորները զանոնք իրենց տուներէն բռնի ոյժով հանելէ ետք, քաղաքէն դուրս կը քշեն, բայց հազի հեռացած քաղաքէն՝ թիւրք զինուորներու կողմէ կը սպաննուին հրացանազարկ, պատճառաբանելով, թէ անոնք կը փորձէին փախչիլ: Սակայն այդ բոլորն ալ անհիմ սուստ էին»¹:

Նայիմը պատմում է, որ Հալեպում ժանդարմերիան սկզբում գաղթականության գործերին չէր խառնվում, սակայն չուտով սկսեց այդ գործում սերտորեն համագործակցել ոստիկանության հետ: Սկսվեցին հայերի հանդեպ բռնի գործողություններ՝ քաղաքից նրանց հանելու համար: «Գաթմայի մէջ, Քիլիսի շրջանները եւ Հալէպի շուրջը խոնուած գաղթականները մաս առ մաս Ազթերին եւ անկէ Պապ կը զրկուէին... Անօթութենէն, ցուրտէն, հիւանդութենէն ամէն օր հարիւրավոր անձերու մենալուն լուրը կը հասնէր մեղի»: Էյուրը Ազագից վերադառնալով պատմում էր, թե ինչպես էին հայերի վրաններն այրում: Ամենուրեք մոլեզնում էր տիֆը²:

Հալեպից հայության հեռացնելը բռնագաղթի երկրորդ և ջարդերի զիսավոր փուլն էր: Ռեռակերը ծաղրելով, Հալեպից հայերի այդ հեռացնելն անվանում է «տեղափոխում բնակության վայրեր»:

Բոնագաղթի առաջին փուլում աքսորավայր համարվում էին սիրիական շրջաններ՝ Համա, Հոմս, Բար, Դամասկոս. իսկ հոկտեմբերից հետո՝ Ռաքա և Դեր-Էլ-Զորը, ինչպես նաև Արևմտյան Հառուրանը, ապա Ռաս-ուլ-Այնից մինչև Մոսուլը:

Ռեռակերը բերում է մի թուրք բարձրաստիճան պաշտոնատարի ասածը, թե մինչև 1915 թ. հոկտեմբերի կեսը պետք է Հալեպից «մշտական բնակավայր» 300.000 հոգի ուղարկվեր:

Սկզբում տարագիրներին տեղափոխում էին հիմնականում երկաթուղով, իսկ ապա՝ հետիւտն: Հոկտեմբերի վերջից տեղափոխությունը նորից սկսեցին կատարել գնացքով՝ տեղական բնակչությանը համաճարակ հիվանդություններից զերծ պահելու համար: Հիմնականում տանում էին Ռաս-ուլ-Այն. որից հետո կարավանները ճանապարհը շարունակում էին հետիւտն և ամենատարբեր ուղղություններով, ինչը, ճանապարհների անբարեկարգության, ջրի ու սննդի գրեթե բացակայության, մահեղական տարրերի ամենօրյա հարձակումների պատճառով շեշտակիորեն ավելացրեց մահացությունները: Դրանք ավելի ահազնացան «մշտական բնակության վայրերում», որտեղ նրանք լրված էին, առանց որևէ պաշտպանության, օգնության ու աջակցության:

¹ «Զարթոնք», 31 մարտի 1987 թ.:

² Անտոննեան Ա., նշվ. աշխ., էջ 52-53:

Իրավիճակին քաջատեղյակ մարդկանց հաշվարկներով՝ մինչև հոկտեմբերի վերջը մոտ 600.000 հոգի մահացավ¹:

Իսկ որ դեռ կենդանի էր գերազասում էր մեռնել: Մահմեղականների ընտանիքներում ապաստանածներն ավելի շուտ հոգեկան հիվանդներ էին: Նրանցից շատերն ականատես էին եղել, թե ինչպե՞ս էին թուրքերն սպանել կամ մեռցրել իրենց ծնողներին, եղայրներին և հարազատ մարդկանց:

Ալեքսանդրեսում ԱՄՆ-ի հյուպատոս Բրյուվատերը գրում է, որ Հալեպի մերձակայքի Կաթոմա վայրում 250.000 մարդու դիակներ սեղի էին վերածվել: Նրանց մեծամասնությունն սպանվել էր: Հազարավոր դիակներ նետվել էին Եփրատ: Կաթմայից ոչ հեռու փորված էր խոր փոս, որտեղ նետում կամ «թաղում» էին հայերի դիակները²:

Պատմում է Միջազետքից փախած բժիշկ Թորոյանը. «Միջազետք տարագրված իմ դժբախտ հայրենակիցները բաղկացած են մեծ մասսամբ կիներից ու աղջիկներից: Դժբախտները հազիվ են ցնցոտիներով ծածկում իրենց մերկությունը, եղանակի խստությունների դեմ պաշտպանուելու համար որևէ բան չունեն... Ավազուտների մեջ, ամեն տեղ, բարձրանում են հողաթմբեր, որոնց շուրջը գառնում են գաղաղած շներ: Դիակներից շատերը մնում են անթաղ: Հազարներ են փոս ընկած այտերով, մարած կամ շատ փայլուն աչքերով, խոսելու վարժությունից զրկուած, տառապանքից ապուշացած դեմքերով այդ կմախքացած դժբախտները»³:

Մի ուրիշ ականատես նկարագրում է Հալեպից մեկնած մի կարավան, որում մնացել էր ընդամենը 30-40 հոգի՝ բզկտված, մերկ, մարդկային կերպարանքը կորցրած և նվազած ձայնով ջուր աղերսող կանայք, «Հալեպից մինչև Մեսրենե՝ վեց օրվա կեսը լրիվ քաղցած քարշ եկողներ: Սովից ավելի զարհուրելին ծարավն էր... ժանդարմների հարվածների տակ անդադրում քայլք, հրակեղ արևի տակ, փոշու թանձր հորձանքների միջով»:

«Աշխարհ» թերթը 1985 թ. հունիսի 15-ին տպագրեց քաղվածքներ Ա. Անտոնյանի «Այն սեւ օրերուն» հուշագրությունից:

«... Կիներու կարաւան մըն էր եկածը, բայց ինչ զարհուրելի կարաւան... 30էն մինչեւ 50 տարեկաններու խումբ մըն էր..., աւելի ճիշդը՝ տարիք չունէին՝ մարդկային էակները բնորոշող ամէն մասնայատկութիւն կորսնցուցած էին. «Ուրկէ՝ կու գաք» հարցուցին ամէնէն առաջ հասնողներուն: «Զուր...» եղաւ պատասխանը... Քանի՞ օր կլլար, որ բերանինին պատառ մը չէին դրեր... Եւ նոյն միակ հարցումը կը խօսէր ամէնուն ալ բերնէն. «Հաց... Հաց...»... Անոնք այլեւս կարեւորութիւն չէին տար գիշերապահներու հարուածներուն: Անօթութիւնը ճոկաններէն չէր փախնար»:

Նույնիսկ բնակավայրերում գաղթվածներին շունչ քաշելու ժամանակ չէին տալիս, գրում է ժամանակակիցը: Այդ ծամանակակիցը: Այդ ծայրաստիճանի նոսրացած խմբերին,

¹ R 14093, Ab. 268918.

² Beylerian A., նշվ. աշխ., p. 356.

³ Թեհրեան Ս., նշվ աշխ., էջ 83:

ոտարորիկ, հյուծվածությունից և հիվանդություններից ուժասպառ եղած ու խոշտանգված մարդկանց այրող արևի տակ քշում էին հարյուրավոր մղոն քարքարոս կիրճերով և անանցանելի սարերով դեպի կիսահասարակածային ճահիճները, դեպի մահվան գիրկը: Այստեղ նրանք իրենց վերջն էին գտնում՝ քրդերի և ոստիկանների կողմից սպանված ու թալանված, գնդակահարված, կախաղան բարձրացված, թունավորված, խեղդամահ արված, սրախողիսողված, ծարավից ու ցրտից կործանված, համաձարակներից հնձված, ջրերում խեղդված:

Երեխանները մեռնում էին արցունքն աչքերին, տղամարդիկ նետվում էին ժայռերից, մայրերը իրենց նորածիններին զցում էին ջրհորները, զդի կանայք երգով նետվում էին եփրատի ջրերի մեջ: Նրանք մեռնում էին երկրային բոլոր մահերով, բոլոր ժամանակների մահերով:

Հալեպ հասնելուց հետո վերապրողները քշվում են կամ հարավ՝ Սիրիայի անապատը, կամ հարավ-արևելք Միջագետքի անապատը: Սիրիայի համակենտրոնացման ճամբարները շինված էին չոմսի մեջ, նաև Դամասկոսի մոտ: Այստեղ տեղավորվեցին շուրջ հարյուր քսան հազար ապաստանողներ, որոնց մեծ մասը պատերազմի ավարտին՝ 1919 թ. հայրենաղարձվեց Կիլիկիա: Իսկ եփրատի երկայնքին գտնվող հայերը, ընդհակառակը, պետք է քշվեին Դեր Զոր: Շուրջ երկու հարյուր հազար մարդ պիտի համեր այնտեղ: 1916 թ. մարտից-օգոստոս Պոլսից հրամաններ ստացվեցին բնաջնջելու եփրատի ու երկաթուղու երկայնքին տեղադրված ճամբարների վերջին վերապրողներին¹:

Այնուամենայնիվ, չհաջողվեց Հալեպի նահանգը լրիվ «մաքրազարդել» հայերից: Ուեսպերը 1917 թ. գարնանը նահանգում հայտնաբերեց 45.000 տարագիր, որոնցից «25.000-ը ծայրահեղ կարիքի մեջ էր, շատերը՝ սովամահության եղբին»:

Մի կողմից՝ հայերին բիրտ ուժ գործադրելով քշում էին հարավ, անապատների խորքերը, իսկ մյուս կողմից՝ բծախնդրությամբ հետևում, որ նրանք կայսրության սահմաններից դուրս չգան, Հալեպի փոխվալի Ղալիրը 1915 թ. օգոստոսի 21-ին, վկայակոչելով 4-րդ բանակի հրամանատարի օգոստոսի 12-ի հեռագիրը, Այնթապի քաղաքավետին հրամայում է. «Որևէ հայի, անկախ տարիքից ու սեռից, թույլ չտալ երկրից դուրս գալ»²:

1916 թ. հունիսին Վանգենհայմը տեղեկագրեց՝ որոշակի է, որ մոտ ժամանակներս «Հալեպից բոլոր դրսեցի հայերն աքաղաքելու են, Հալեպում մնալու նախկինում տրված արտօնագրերը երեկվանից չեղյալ են համարվել», ինչը ջեմալը բացատրում էր նրանով, որ այդ հայերը Հալեպում նույնպես «թուրքական կառավարության դեմ գաղտնի կոմիտե են ստեղծել»: Սկսած հունիսի 19-ից՝ անխնա աքսորեցին «ոչ միայն քաղաքականապես կասկածելիներին», այլև անգամ հալեպարնակներին³:

Փողովրդին քշում էին Հալեպից ու դրա մոտակայքից, հավաքատեղին

¹Տե՛ս Վեգներ Արմինը և Վեգներ Էռնեստը, Հայոց ցեղասպանության մասին, Ե., 1996:

²Լեփսիուս Յո., նշվ. աշխ., փաստ. № 333:

³Լեփսիուս Յո., նշվ. աշխ., փաստ. № 281. Վանգենհայմի 1916 թ. հունիսի 27-ի տեղեկագիրը:

Կարլըքի բարձունքն էր: «Արդէն Հալէպէն քայլ մը առաջ գտցողներուն համար ասպեկտ յոյսը այլեւս գոյություն չունէր: Գառլըքէն սկսեալ մինչեւ Տէր Զօր երկարող բովանդակ զիծը թշուառութեան բոյն մը դարձած էր: Գաղթականներու առաքման համար նշանակուած պաշտօնեաներէն վատահելիներուն պատուիրած էր, որ մահ պատճառող ամէն տեսակ խժդութեանց գործադրութենէն ետ չկենան»¹:

Բարձր Դուռը հրահանգ հրահանգի հետևից էր ուղարկում, պահանջում չհապաղել: «Ծանօթ անձնաւորութեանց (Հայերի) կողմէ ամէն տեսակ անձնական խնդիրներու մասին յարուցուելիք տրտունջներուն եւ դատերուն նկատառումը ո՛չ միայն անոնց (դէպի անապատ) առաքման յապաղման պատճառ պիտի ըլլայ, այլ նաեւ դուռ պիտի բանայ կարդ մը գործողութեանց, որոնք հաւանաբար յառաջիկային կրնան քաղաքական անպատեհութեանց ծնունդ տալ: Այդ պատճառով պէտք չէ նկատի առնել այս դիմումները, եւ այս իմաստով հրահանգ տալու է շահագրգուռող պաշտօնեաներու»²:

«Կը լսենք, որ ինթիլիի, Այրանի շրջականներեն սկսեալ մինչեւ Հալէպ երկարող զիծերու ճամբաններուն երկայնքը, մեծագոյն մասը կին եւ աղջիկներ՝ 40-50 հազար հայեր կը գտնուին: Ամենախստօրէն կը պատժուին այն անձերը, որոնք զինուորական առաքման համար մեծ կարեռութիւն ունեցող այդ դիրքերուն վրայ թշուառութեան համախմբման մը կազմուելուն պատճառ կ'ըլլան: Հետեւաբար, անմիջապես, առանց Հալէպ հանդիպեցնելու, հետիոտն իրենց տարագրութեան վայրերը զրկեցէ՛ք այդ հայերը» (Թալէաթ)³:

Տվյալ դեպքում Թալէաթը ղեկավարվում էր ո՛չ միայն տարագիր հայերին «իրենց տարագրութեան վայրերը զրկելու» մտահոգությամբ, այլև «շտկելու թոյլ տուած սխալը», որն այդպես էլ անվանել է Ռեոսլերը իր տեղեկագրերից մեկում:

Գերմանացիները թուրքերին շտապեցնում էին հայերին հեռացնել Հալեպի շրջանից, քանի որ անզիացիները Պաղետինի ուազմաճակատում առաջ էին շարժվում, իսկ ուազմավարական գոտիներում վստահություն չվայելող հայերի լինելը վտանգավոր էր համարվում: «Այլեւս Եփրատի աջ եղերքէն չպիտի զրկուին զաղթականները, - գրում է Անտոնյանը, - այլ ձախ ափունքն եւ ասիկա արդէն մահուան դատապարտութեան պէս բան մըն էր մեկնելիք կարաւաններուն համար, որովհետեւ այդ ափունքէն մինչեւ Ռաքքա մարդիկ պիտի բոնադատուէին անցնիլ բոլորովին անջրդի անապատներէ, որոնց մէջ անպայման պիտի մեռնէին տաքէն, ծարաւէն, անօժութենէն: Էլ Ճիզերի շրջանակը, ինչպէս կը կոչուի Եփրատի ձախ եղերքը, գերեզմանի ճամբան է»⁴:

Ըստ որում, բոլոր ծածկագրերը հանձնարարում էին «կարաւաններուն ընկերացնելով զրկեցէ՛ք», այսինքն՝ ուղարկել «Թեշքիլաթի մախսուսայի» ուղեկցությամբ:

¹ Անտոննեան Ա., նշվ. աշխ., էջ 52-53:

² Նույն տեղում, էջ 54:

³ Նույն տեղում, էջ 59:

⁴ Նույն տեղում, էջ 91:

Թալեաթը Հալեպի կուսակալին հրամայեց (Հեռագիր № 723) «Նախապէս Հալեպի շրջակաները բնակեցուած Հայերը անյապաղ դրկեցէ՛ք իրենց տարագրութեան վայրերը»¹:

«Այս Հեռագրին վրայ,- գրում է Նայիմ թեյր,- Հալեպի շրջակաները ձիաւոր ժանդարմաներ Հանուեցան, որոնք Հազար տեսակ կեղեքումներով սկսան զիւղերէն դուրս Հանել ժողովուրդը եւ քշեցին դէպի Մեսքենէ. ինչ որ անոնց մեծ մասին փշացումը եղաւ»²:

Հալեպ-Ռաս-ուլ-Այն-Մեսքենէ ճանապարհով, գրում է Նայիմը. ուղարկվեց 200 Հազար Հայ: Նրանցից միայն 5000-6000 հոգին ողջ մնաց: Երեխաներին եփրատը նետեցին: Կանայք ճանապարհների վրա ժանդարմների և մահմեղական ամբոխի խժություններով և վայրագություններով սպանվեցին³:

Ինժեներ Շպիկերը տեսել էր, որ թուրքերն իրար էին կապել Հայ տղամարդկանց, ապա որսորդական հրացաններից կրակ էին բացել ու հոհոալով Հեռացել:

Մի քանի տղամարդու ձեռները մեջքին կապեցին ու հրամայեցին ցած իջնել գրեթե ուղղահայաց լանջով: Իսկ ներքևում կանգնած թուրք կանայք դանակների հարվածներով դիմավորեցին նրանց ու մեոցրեցին:

Մոսուլում Գերմանիայի Հյուպատոսը պատմել է, որ Մոսուլի ու Հալեպի արանքում տեսել է երեխաների մեծ թվով կտրված ձեռքեր: Ուրֆայի Հոսպիտալում պառկած էր երկու ձեռքերը կտրած աղջնակ: Նույն Հյուպատոսը Հալեպի մերձակայքի արարական գյուղի մոտ տեսել է ոչ-խոր հորեր՝ Հայերի թարմ դիակներով: Գյուղացիներն ասել են, որ այդ Հայերին սպանել էին կառավարության հրամանով: Նրանցից մեկը Հայտարարեց, որ ինքը ուժ հայի է սպանել:

Ուրֆայի մերձակայքում թուրք զինվորները քրիստոնյա կանանց հարկադրեցին լրիվ մերկանալ և այդպես մերկ գեգերել 40 աստիճան ջերմության տակ: Մի թուրք մոր ձեռքից խլեց երեխային ու խփեց պատին: Հյուպատոսներից շատերը հավանական էին համարում, որ բռնությունների հետևանքով 1915 թ. վերջին ամիսներին զոհվել է մեկ միլիոն մարդ, որի կեսը՝ կանայք ու երեխաներ: Նրանք սպանվել էին կամ սովամահ եղել³:

Եզիպտոսում Ռուսաստանի դեսպանորդ Սմիռնովը Հունիսի 25-ին Սազոնովին գրեց. «Սիրիայում և Հարակից նահանգներում Հայերի Հանդեպ դաժանությունները աննախաղեա ծավալների են հասնում: Կողոպուտը, բռնությունը, կոտորածը և ոչ քիչ դեպքերում Հայկական գյուղերի բնակչության լիակատար ջարդը կրկնվում են մշտապես: Անխղճաբար բաժանվում են ընտանիքներ, կնոջը մեկուսացնում են ամուսնուց, երեխաներին՝ ծնողներից և նրանց բոլորին աքսորում են տարրեր կողմեր: Առանձնապես դաժան է հետապնդվում Հայ հոգևորականությունը, որին տանջում են, խոչտանգում, դուրս քաշում եղունգները»:

Գերմանացիների ազգեցությունն ակնհայտ էր և խնդիր ուներ թուրքերին

¹ Անտոնեան Ա., նշվ. աշխ., էջ 101:

² Նույն տեղում, էջ 114:

³ R 14092, Ab. 20411.

գրգոել Հայերի դեմ: Հալեպում գերմանացի առևտրական «Կոխի կինը, վերջերս մեկնեց Ռուֆա և Դիարբեքիր, որտեղ նա կապեր ունի քուրդ ցեղերի հետ: Նրա ուղևորության նպատակն էր քրդերին գրգոել Ռուսաստանի և Հայերի դեմ: Նա եղակի չէ, գերմանացի շատ ազիտատորներ Սիրիայում և Հայաստանում եռանդուն գործում են դաշնակիցների դեմ»¹:

Բոնազաղթի գաղափարն առաջ քաշողներից մեկը գերմանացի Փելզմարշալ Փոն դեր Գոլցը գրում է, որ Հալեպ գնալու ճանապարհին Տավրոսի Հարավային ատորուտներին փախստական Հայեր կային: «Մի ամբողջ ժողովրդի սարսափելի ողբերգություն: Հազարավոր ու Հազարավոր անպաշտպան մարդիկ գնում էին Հանդիպելու անհայտ ապագայի հետ, գնում էին առանց մննամթերքի և մատակարարման: Շատերը մեռնում էին ճանապարհին և նրանց դիակները երկար ժամանակ մնում էին ընկած»²:

Թուրքերն առանձնակի դաժան էին Արևմտյան Հայաստանում բնակվող Հայերի նկատմամբ: Ա. Անտոնյանն ականատես էր ու գրում է. «Հալածանքը մանաւանդ անոնց (Հայաստանաբնակների) դեմ էր եւ բազմիցս լուր չըջեցաւ, թէ անոնցմէ զատ մնացեալ բոլոր Հայերը պիտի վերադառնան իրենց տեղերը»³: 1915 թ. նոյեմբերի 23-ի № 691 ծածկագրով Թալեաթը Հանձնարարում էր. «Գաղտնի միջոցներով փչացուցէ՛ք Արեւելեան նահանգներու այն Հայերը, որոնք այդ կողմերը ձեռք պիտի անցուին»⁴:

«Այս հեռագրին վրայ Հալէպի ոստիկանութեան տնօրինութիւնը անմիջապէս Հետապնդումներ կատարեց եւ ակնարկուած Հայերը ձերբակալուելով յանձնուեցան զաղթականներու առաքման ընդհանուր պաշտօնատանը: Անոնք ապահովաբար սպաննուած են ճամբաները...»⁵:

Մի այլ Հեռագրով (№ 820, 4 Հունիսի 1916 թ.) Թալեաթը Հանձնարարում է. «Հիւսիսէն գալիք Հայերը այսուհետ առանց քաղաք կամ աւան մը Հանդիպեցնելու շիտկէ շիտակ իրենց տարագրութեան վայրերը դրկուելնին ընդհանուր կերպով կը յանձնարարեմ»⁶:

«Կառավարութիւնը, որ իմացեր էր այս անցքերը, կը հրամայէր, որ անոնք (կանայք) այդ վիճակին մէջ քշուին անապատ, եւ քաղաք կամ աւան չհանդիպեցուին, որպէսզի մարդ չտեսնէ»:

Արևմտյան Հայաստանից տարագրված Հայերի ոչնչացման մասին Նայիմ բեյը գրում է. «Հրամանը Հալէպէն տրուեցաւ Ռում Գալէի գայմազամին: Ասիկա քիւրտեր Հավաքելով Հրոսակախումք մը կազմեց եւ դէպի Սամուսաթ դրկելով՝ Պեհսնիի ու Ատրեամանի ճամբով եկող Հայ կարաւանները կոտորեց, փացուց: Դիակները Եփրատ նետուեցան: Պաշտօնական մերձաւոր տեղեկութիւններուն նայելով, միմիայն Սամուսաթի կողմերը այս քիւրտ Հրոսակախումբը 14 Հազար Հայ սպաննեց»⁷:

¹ АВПР, Политархив, д. 3804, л. 24.

² «Deutsche Allgemeine Zeitung», 28 ապրիլի 1927 թ.:

³ Անտոնեան Ա., նշվ աշխ., էջ 160:

⁴ Նույն տեղում:

⁵ Նույն տեղում, էջ 160-161:

⁶ Նույն տեղում:

⁷ Նույն տեղում, էջ 164:

Այսպիսով բռնագաղթի առաջին ամիսներին Հալեպ քաղաքն ու շրջակայքը համարվում էին տարագիրների առաջին կայանը, որտեղ նրանք փոքր-ինչ կանգ էին առնում և ապա ուղարկվում անապատի ամենատարրեր մասեր: Թալեաթը խստորեն արգելեց բռնագաղթվածների մուտքը Հալեպ, իսկ քիչ անց անթույլատրելի համարվեց Հայերի կանգ առնելը որևէ միջանկյալ բնակավայրում և պահանջնեց նրանց «ուղիղ քշել մշտական բնակատեղեր»:

Բռնագաղթի ընթացքում Հայերի միջն խտրություն չէր դրվում կամ զրեթե չէր դրվում. եթե Հայ էր՝ ուրեմն ենթակա էր նույն դաժան վերաբերմունքին: Բայց երբ Արևմտյան Հայաստանն արդեն դատարկված էր իր բնիկներից, նրանց ճնշող մեծամասնությունը ոչնչացված էր և սկսվել էր այս կամ այն պատճառներով վերապրածների մարդորսը, ինդիր առաջադրվեց՝ ոչնչացնել Արևմտյան Հայաստանի բնակիչ Հայերին: Այդ նշանակում էր, որ Բարձր Դուռը Հայկական հարցը թուրքավարի լուծերուց հետո եթե բացառում էր Հայի գոյությունը Հայաստանում, ապա չէր մերժում նրա գոյությունը կայսրության մյուս մասերում:

Այդ, իհարկե, չի նշանակում, թե այլևս իրականացվում էր Հայերի ընտրովի ոչնչացում: Կենտրոնի նոր կողմնորոշումը այդպես էլ Հասացրեց թուրքական պաշտոներության և մահմեղական խուժանի վարքագիծ դառնալ: Հայերին շարունակում էին ոչնչացնել ամենուրեք՝ առանց դատ ու դատաստանի, գտնելով, որ Հայ լինելն ինքնին խոչոր հանցագործություն է:

Հոլշտեյնը տեղեկագրում է, որ Մոսուլից Հալեպ իր ճանապարհորդության ժամանակ Մարդինից, Դիարբեքիրից եկած ժանդարմական օրապահները տեղական մահմեղական բնակչությանը գրգռում էին «Հայերի վերջը տալու»:

Նույն փոխհյուպատոսը Մոսուլի և Ռաս-ուլ-Այնի արանքում տեսել է լրիվ ավերված Հին Հայկական գյուղեր, գրանց թվում նաև Թել Արմենը, որը 2000 բնակիչ ուներ: Գյուղում, բոլոր Հայերը, բացի թաքնված 15-20 հոգուց, սպանվել էին: Նրանց դիակները կտրված գլուխներով ու մարմնի այլ մասերով, չոլշտեյնը տեսել էր եկեղեցում: Մյուս չորս գյուղերի բնակչության մեծ մասը նույնպես ոչնչացվել էր: Թել Արմենի ու Ռաս-ուլ-Այնի միջն Հոլշտեյնը տեսել է Հինգ ամբարներ լցված դիակներով: Նիսիրինից Հարավ ընկած ամբողջ տարածքում բոլոր մահմեղականները թուրք ձեռքները դեսուղեն էին վաղում Հայերին մորթելու համար:

Կարավանների մեծ մասում տղամարդիկ և բարձր տարիքի տղաներ չկային: Թուրքերը զա բացատրում էին նրանով, որ վերջինները զենքերը ձեռներին թաքնվել էին լեռներում: «Դա, - նկատում է գերմանացի դիվանագետը, - Հակասում է ընտանիքի Հանդեպ Հայերի մեծ սիրուն: Այնտեղ, որտեղ տղամարդիկ զանգվածաբար փախել են սարերը, ինչպես, օրինակ, Սուլեյմանը, իրենց հետ տարել են կանանց ու երեխաներին: Ինձ Հայտնի են դեպքեր, երբ Հայ զինվորները դասալիք են եղել ոչ թե լեռ բարձրանալու, այլ իրենց ընտանիքների հետ լինելու, միասին արտաքսվելու, չնայած շատ լավ գիտեին, թե բռնագաղթն ինչ է նշանակում¹:

¹ R 14090, Ab. 288918.

Հոնդոնում Ֆրանսիայի գինվորական կցորդ Փանուղը 1916 թ. դեկտեմբերի 1-ին գլխավոր հրամանատար գեներալ Ժոֆֆրին է ուղարկում Սիրիայի Ալիտա քնակավայրի բնակչի զեկուցագիրը, որտեղ ասվում էր, որ Հայերի զանգվածային կոտորածների մասին առաջին լուրերը 1915 թ. Հոկտեմբեր-դեկտեմբերին բերեցին Պաղեստինում քնակվող գերմանացի ֆերմերները: Սիրիայի և Պաղեստինի թերթերում այդ մասին բան չէր գրվում: Այս գերմանացիներն իրենց ընտանիքներին ուղարկեցին Հայրենիք, Հայտարարելով, որ թուրքերը մի օր նրանց նկատմամբ էլ կարող են կիրառել նույն միջոցները, ինչ Հայերի նկատմամբ կիրառեցին: Պաղեստինից անցնող երկաթուղու երկայնքով ընկած էին Հայերի Հարյուրավոր դիակներ:

Զեկուցագրի հեղինակի քույրը երկաթուղով երթևեկելիս կայարաններում տեսել է սոված, Հուսալրված, սալահատակներին ու երկաթուղու գծի վրա պառկած մեկնելու սպասող Հազարավոր Հայեր: Մոտեցող գնացքի տակ մնաց 50 մարդ և մեքենավարը բացականչեց. «Տեսա՞ք: Ես գնացքի տակ մեռցրեցի 50 Հայ խոզի»: Գնացքների վագոններում կուտակումները նույնպես մեծ թվով Հայերի կործանման պատճառ դարձան: Տիֆը հնձում էր նրանց և դիակներն օրերով չէին հավաքվում»¹:

“El Siglo”-ն 1915 թ. օգոստոսի 4-ին գրում է, որ Պաղեստինից վերադարձած մի միսիոներ պատմել է. թե այնտեղ վիճակը Հուսահատական էր: Սովն ուժանտախտը մարդկանց հնձում էին: Թուրքերը Հափշտակում էին բերքը, Հալածում ու չարչարում քրիստոնյաներին:

Դամասկոսի կողմերում 1917 թ. գարնանը կենդանի մնացած 30.000 Հայ ողբարի վիճակում էին, իսկ Մոսուլի շրջանում մնացել էին 3000 Հայ տարագիր՝ «մեծ մասսամբ կանայք ու երեխաներ»: Շատ կանայք ու աղջկներ ցեղերի մոտ գտնվում էին «կիսաստրուկի վիճակում»²:

Գերմանացի քույր Պաուլա Շեֆերը 1915-ի նոյեմբերի 15-ին գրում է. «Հենց նոր վերադարձա Բաղդադից... Դաշտերում ու ճանապարհներին թափված էին Հազարավոր տարագիրներ՝ Հանձնված ավագակ թափթփուկների կամայականություններին:

Երեկ գիշերվա ժամը 12-ի մոտերքին Հարձակման ենթարկվեց վրանային փոքրիկ ճամբարը: Հայերը 50-60 հոգի էին: Ես գտա ծանր վիրավոր տղամարդկանց ու կանանց. մարդկային մարմինները կտրտված էին և Հատկապես զաղանաբար ծակված էին դանակի Հարվածներով, գանգերը ջախջախված էին: Մի այլ ճամբարում մենք Հայտնաբերեցինք 30-40 Հազար Հայեր, որոնք սովամահ էին լինում: «Նրջապատում ընկած էին չժմաղված դիակներ և միայն փողով կարելի էր ժանդարմներից թույլտվություն ստանալ ժաղելու համար: ... Ամենուրեք տիֆի բոնկում է, յուրաքանչյուր 3-րդ վրանում հիվանդ կա: Գրեթե բոլորը տեղափոխվում են ոտքով, տղամարդիկ, կանայք և երեխաները շալակած տանում են իրենց ողորմելի փալասները: Ես Հաճախ էի տեսնում, թե նրանք ինչպես էին վայր ընկնում, բայց դիմուները կրկին ու կրկին սվիններով ու

¹ Beylerian A., նշվ. աշխ., էջ 298.

² Լեփախուս Յո., նշվ. աշխ., փաստ. № 333:

խզակոթերով նրանց բարձրացնում և քշում էին առաջ: Շատ երեխաներ կորցրել էին իրենց ծնողներին և լրիվ մենակ էին մնացել՝ զուրկ որևէ աջակցությունից, կանանց ու երեխաների անթաղ դիակները ընկած էին փոսերում:

Գերմանացի քույրերից մեկ ուրիշի՝ Բեատրիչե Ռոների 1915 թ. նոյեմբերի 26-ի գեկուցագրում կարդում ենք. «Անձրևներից և վրա հասած ցրտերից տանջանքներն աճեցին Հարյուր անգամ: Կարավաններն ամեն անգամ իրենցից հետո թողնում են մեռածների, փոքրիկ երեխաների և հիվանդների, որոնք մահվան են դատապարտված: Համաձարակը տարածված է ամենուրեք»:

Պ. Շեֆերի 1915 թ. գեկտեմբերի 1-ի հաղորդագրությունում նկարագրված է. «Երեք օր ու գիշեր անձրև էր գալիս, նույնիսկ մեր տներում արդեն զգացվում էին ուժեղ խոնավություն ու ցուրտ... Մամուրում պառկած մնաց մոտ 200 ընտանիք, նրանք ճանապարհը շարունակել չէին կարող, կարիքն ու հիվանդությունն այդ անհնար էր դարձրել: Նույնիսկ զինվորները անձրևին ցանկություն չունեին տարագիրներին բարձրացնելու, նրանք այդպես էլ պառկած մնացին անձրևից գոյացած լճում: Որպես անկողին ծառայող փալասները թրջվել էին մինչև վերջին թելը: Շատ կանանց ոտքերը ցրտահարված էին, սևացած վերջավորությունները հասել էին կտրելու վիճակի: Լացն ու կոծը սարսափելի էին: Մեռնողի վերջին շնչառություն, վրանների առաջ դիակներ:

Իսլահիեռում ճամբարն իմ տեսածներից ամենաողբալին էր: Ուղիղ մուտքին ընկած էին չժաղկած դիակներ, ես հաշվեցի 35, մյուս տեղերում՝ 22, իսկ նրանց կողքին՝ վրաններ, որոնցում եղած մարդիկ վարակված էին ծանր համաձարակով... Մի օրվա ընթացքում թաղման խումբը հողին հանձնեց 580 մեռածի... Դրանք ահավոր տեսարաններ էին»¹:

Բ. Ռոների 1915 թ. գեկտեմբերի 29-ի գեկուցագիրը պատմում է, որ Հալեպում գտնվող մի որբանոցում «երեխաների 50 տոկոսը մեռավ, իսկ նրանք, որոնք գեռ կենդանի են, աղետալի վիճակում են: Ամբողջ տունը վարակված է, կիսաքանդ, կեղտոտ:

Այժմ նոր բռնագաղթվողների համար կենտրոն է Հանդիսանում Բաբը: Այնտեղ հայերը հազարներով մեռնում են սովից ու համաձարակից: Ամբողջ օրը գերեզման են փորում»:

Մի գերմանացի քարոզիչ 1915 թ. գեկտեմբերին Հալեպից գրում է, որ ձմռան ցրտին Հազարավոր կանայք, երեխաներ և հիվանդներ սոված ու մերկ գտնվում էին անապատում ու ճանապարհներին: Սեպտեմբերին և հոկտեմբերին Համա, Հալեպից ոչ հեռու, եկան 20 հազար բռնագաղթվածներ: Միայն այդ երկու ամսվա ընթացքում 3000 հոգի մեռավ սովից, 2000 հոգի էլ վարակիչ հիվանդություններից: Ճանապարհներին մեռավ ավելի քան 500 երեխա, որոնք այնտեղ աղբի մեջ սնացորդներ էին փնտրում:

Երկու ամիս հետո այլևս ոչ մի պֆենիգ չտրվեց և մահվան դեպքերի թիվն աներևակայելիորեն աճեց: Ամենուրեք սով է: «Ակսած Կոնհայից՝ մինչև Մոսուլ և Հալեպ, ինչպես նաև մինչև Մաան (Մեոյալ ծովի մոտ) ճանապարհները, գյուղերը, տափաստանները լցված են չթաղված դիակներով: Անգղներն ու շնազայլերը հոգնել են մեռածներին ուտելուց: Սկզբում մարդիկ ինչ-որ բան իրենց

¹ Archiv Berlin-Mission, Archiv des Dr. Lepsius Orient Mission, 1916, s. 127.

մոտ ունեին, բայց ճանապարհին կողոպտեցին, շատերից խլեցին նույնիսկ ներքնաշորերը: Շատերը դրանք իրենք վաճառեցին սնունդ ձեռք բերելու համար: Այժմ նրանց մոտ բան չի մնացել: Բոնագաղթվածներից մեկն ինձ ասաց, «Ճանապարհին մենք գյուղացիներից օգնություն խնդրեցինք, բայց նրանք մերժեցին՝ ասելով, որ Հաց կտան, եթե նրանց վաճառեինք մեր երեխաներին»: Շատերն այդպես էլ վարվեցին, երեխաներին վաճառեցին երկու մեջիդիեով: Սոված ու հիվանդ երեխաների թիվը հսկայական էր ... Մի տղամարդ ասաց. «Իմ ընտանիքը բաղկացած էր 11 անձից, միայն ես եմ կենդանի մնացել», իսկ փոքրիկ աղջիկը, թե՛ «Մենք 10 հոգի էինք, մնացի մենակ ես»¹:

Հալեպի գերմանական դպրոցի ուսուցիչների վերը նշված դիմումում կան հետևյալ տողերը. «Բոնագաղթի նպատակը Հայ ժողովրդի զլիսովին ոչնչացումն է: Այս զիտավորությունը հստակ երևում է այնպիսի փաստից, որ կառավարությունը հետևողականորեն դիմադրում է երկրում գտնվող բոլոր այն միսիոներներին, գթության քուրերին և մյուս եվրոպացիներին, որոնք ձգտում են օգնել Հայերին:

Հենց միայն Դամասկոսով անցել են 50 Հազար բոնագաղթվածներ, գրում է Դամասկոսում Ավստրո-Հունգարիայի Հյուպատոսը: Նրանք այնքան շատ են, որ պետք է բնակեցվեն Հորդանանից ու Մեռյալ ծովից արևելք: Բայց Հազիվ թե ողջ մնան, քանի որ «սովոր Համաձարակն արդեն մոլեզնում են նրանց շրջանում»: Երեխաներին «մասսամբ բոնությամբ, մասսամբ էլ հօժարակամ վերցնում են Հարազատներից և Հանձնում թուրք ընտանիքներին»²:

Գերմանացիները «ճանապարհի որոշ Հատվածներում կանանց ու երեխաների անթիվ մերկ դիմակներ են տեսել: 2000 Հայերի մի տեղ են Հավաքել ու սպանել, ինչպես սպանում են գաղաներին: Խսկ երբ գերմանացիներից մեկը երեսը շրջել է այդ տեսարանից, թուրքերը նրան ասել են. «Ի՞նչ ես ուզում, չէ՞ որ կայզերիդ ցանկությունն է»³:

Նման վկայությունները բազմաթիվ են, բայց մենք մեջբերումներ կատարում ենք գերմանացիներից ու ավստրիացիներից՝ մատնանշելու, որ Թուրքիային դաշնակից երկրների պաշտոնատարներն ու քաղաքացիները ո՞չ թե մխտում, այլ՝ Հաստատում են Հայերի ծրագրավորված բնախնչումը:

«Ֆրանսիական տարեգրության» (1927 թ.) 196-րդ էջում նշվում է, որ Զեմալի իշխանության տակ գտնվող տարածքներում ջարդեր տեղի չունեցան: «Զեմալ փաշան թելաղրեց Հայերի կեղծ թլրացում, որը պետք է լիներ առերես, որովհետև ո՞չ կրօնափոխություն էր լինելու, ո՞չ մզկիծ գնալու կամ փաթթոց կապելու պարտավորություն, ո՞չ էլ թլպատում, խոսքը պարզ անվանափոխության մասին էր՝ առանց որևէ արարողության և ձևակերպման... Երվանդը դառնում էր Նուրի»: Զնայած Հայերը պաշտոնապես Համարվելու էին թրքացած, «ազատ էին Համայնքելու եկեղեցի»: Ա. Անտոնյանը նշված «Տարեգրությունում» Համա քաղաքում կուտակված մի քանի Հազար Հայերի թուրքացման մասին պատմում է, թե տեղի կառավարիչ Ֆիրուզան Հրամայեց, որ

¹ R 14090, Ab. 424016.

² Wien HHSTA PAXII 463 Damaskus, 7 November 1916.

³ Նույն տեղում:

բոլոր հայերը 12 ժամվա ընթացքում թրքանան: Հայերը պարզապես իրենց անունները փոխեցին և դարձան «քրիստոնյա թուրքեր»: Հաջորդ օրը, երբ ստացվեց Համայում եղած բոլոր հայերին Հառուրան քշելու Թալեաթի հրամանը՝ ֆիրուզան պատասխանեց. «Համայի ամբողջ շրջանում հայի անուն կրող անդամ կաթնակեր մանուկ չի մնացել»:

Դամասկոսում Գերմանիայի հյուպատոս Լոյտվեդը գրում է. «Երեք շաբաթ առաջ մտադրություն ունեի Դամասկոսի գերմանական առաքելության հանովերի վարչության հովանու տակ քաղաքի և մերձակայքի հայերի համար կազմակերպել հիվանդանոց, խոհանոց և բաղնիք: Սակայն, երբ այդ մասին տեղյակ պահեցին Զեմալ փաշային, նա մտերմորեն ասաց, թե ինքը կուղենար հայերի վիճակը հնարավորին չափ թեթևացնել, բայց խիստ հրաման ունի Կ. Պոլից՝ թույլ չտալ հայերի համար նպաստամատուց ձեռնարկ գերմանացիների և ամերիկացիների մասնակցությամբ, քանի որ դրանով կարող է խրախուսվել հայերի ընդդիմությունը թուրքական կառավարությանը, եթե նրանց հույս ներշնչվի, թե որևէ օտար կառավարությունից կարող են օգնություն ակնկալել»¹:

Լոյտվեդը նկատում է, թե օգնությունը հայերին հնարավոր է միայն այն վայրերում, որտեղ հյուպատոսություններն ի զորու են վերահսկելու թուրք պաշտոնատարներին²:

Մերժվեց նաև ԱՄՆ-ի հյուպատոսի դիմումը Ասորիքում գտնվող հայերին օգնելու վերաբերյալ³: Բոլոր նպաստամատուցները իշխանություններից թաքուն էին գործում, որովհետև հայերին օգնելու բոլոր ձեռնարկները խստորեն արգելվում էին⁴: Թուրքական նպաստամատուց հանձնաժողովի նախագահ Քյազրմի կարծիքով՝ հայերին օգնելու վրա դրված արգելքի պատճառն այն է, որ «... կառավարությունը ... նպատակ ունի բնաջնջելու տարագրյալներին», թերևս Հալեպում հավաքված հայերին Դեր Զոր և Մոսուլ քշելու նպատակն էլ այդ է՝ նրանց հանձնել բեղվիններին հոշոտվելու⁵: Դամասկոսի գերմանական հյուպատոսության տվյալներով տարածքում գեռևս 30.000 հայ կենդանի էր «ողբախ վիճակում»: Հյուպատոս Վուստրովի հաշվումներով՝ Մոսուլի շրջանում կար մոտ 8000 հայ, «մեծ մասամբ կանայք ու երեխաներ»⁶:

Նիպագեն ներկայացնում է գերմանացի ինժեներների պատմածները, որոնք վկայում են Բաղդադի շրջակայքում կատարված սաղիստական գործողությունների մասին: «Նրանցից մեկը՝ Հալեպցի պարոն Մ. Գրիեֆը պատմում է, որ Թել-Աբիհաղում և Ռաս-ուլ-Այնում տեսել է բոնարարված մերկ կանանց դիակներ, կիսված երկաթգծի վրա: Նրանցից շատերի հետանցքը փայտ էր խրած»⁷:

«Բողոքական քահանայի մատների եղունգները դուրս էին քաշել: Բաղ-

¹ Լեփսիուս Յո., նշվ աշխ., փաստ. № 261:

² Նույն տեղում:

³ Նույն տեղում, փաստ. № 294:

⁴ Նույն տեղում, փաստ. № 263:

⁵ Նույն տեղում, փաստ. № 275:

⁶ Նույն տեղում, փաստ. № 329, 333:

⁷ "Le Crime de Silence...". p. 127.

մաթիվ քրիստոնյա ընտանիքներում տեսա երիտասարդ հայուհիների,- պատմում է մի գերմանացի,- որոնք ինչ-որ հրաշքով փրկվել էին մահից: Նրանք կամ ուժասպառ ընկած են եղել և մեռած կարծելով թողել են ճանապարհին, կամ հնարավոր է, որ եվրոպացիները մի քանի մարկով հնարավորություն են ունեցել այդ թշվառ արարածներին գնելու նրանց վերջինը բռնաբարած թուրք զինվորներից: Բոլոր երիտասարդ աղջիկները հոգեկան խանգարվածության նշաններ էին ցույց տալիս: Մոտ 14 տարեկան մի աղջիկ օթևան էր գտել ոմն պարոն Կրոուզի Բաղդադ-Հալեպ երկաթգծի ղեպոյի պետի տանը: Գիշերը թուրք զինվորները նրան այնքան էին բռնաբարել, որ բացարձակապես կորցրել էր գիտակցությունը¹: Կահիրենում Ֆրանսիայի ղեսպանը Ա. Բրիտանին գրում է, որ ականատեսներից մեկն իրեն պատմել է, թե ինչպես 1916 թ. ապրիլի 15-ին Դամասկոսի մի հրապարակում վաճառում էին հայ աղջիկների և երիտասարդ կանանց: Նա մեջբերում է կատարում էնվեր փաշայից. «Կայսրությունը պետք է մաքրվի հայերից և լիբանանցիներից: Առաջիններին մենք կոչնչացնենք սպանելով, իսկ երկրորդներին՝ սովով»²:

Բացի Զեմալից և Էնվերից՝ Դամասկոսի հայության հաշվեհարդարին առնչվում է նաև երիտթուրք մի ուրիշ պարագլուխ՝ Խալիլ փաշան, որի գնդապետներից մեկը Հոլշտեյնին 1915 թ. նոյեմբերի 5-ին ասել է. «Ինքը (Խալիլը) Մոսուլում էլ հայերին կոտորելու գիտակցություն ունի... Վաղը կամ մյուս օրը այստեղ սպասվում են Խալիլի գնդերը, որոնք հայերին ջարդել են հյուսիսային շրջաններում»³:

Երկու օր անց Հոլշտեյնը գրեց. «Երեկ այստեղ հասավ Խալիլ բեյն իր սպայակույտով: Հիվանդության պատճառով նա մի քանի օր մնալու է անկողնում», նրա վերը նշված գնդապետը հայտարարեց, թե «գերմանացիներն ուրանում են թուրքերի հետ իրենց բարեկամությունը, որովհետև մտադիր են հայերի հանդեպ զլիսապարտություն գործադրել»⁴:

Հավանաբար Դամասկոսում գերմանացի դիվանագետների և թուրք գործիչների միջև հայերի հանդեպ մոտեցումների տարբերությունները խորացել էին: Նոյրատոն իր կառավարության անունից պահանջում էր՝ «Հայերի ղեմ որևէ բան չձեռնարկել»⁵: Դրան հետևում է Զեմալ փաշայի սպառնալիքը, թե մտադիր է Նիպագեին և Հրետերին «հայկական ղեպքերի մասին իրենց հրապարակումների համար հանձնել ուղմական դատարանին» և իսկապես ուստիկանությունն սկսեց փնտորել նրանց⁶:

«Թուրք իշխանությունները,- գրում է Մետերնիխը, - արգելել են անգամ հայ պատրիարքին օգնելու կարիքավոր տարագրյալներին... Նման փաստերն առաջցնում են այն կարծիքը, թե Բարձր Դուռը մերժում է կարուսյալներին ոգնություն, ում կողմից էլ որ դա առաջարկվի»⁷:

¹ «Le crime de silence...», p. 128:

² Beylenian A., նշվ. աշխ., էջ 223:

³ Լեփափուս Յո., նշվ. աշխ., փաստ. № 191:

⁴ Նույն տեղում, փաստ. № 190:

⁵ Նույն տեղում, փաստ. № 191:

⁶ Նույն տեղում, փաստ. № 305:

⁷ Նույն տեղում, փաստ. № 256:

Դեսպանը հեռագրեց Բեղլին, թե կառավարական մարմինները երկրի ներսում գտնվում են Միություն և առաջադիմություն կուսակցության կոմիտեի պատասխանատու ղեկավարների և ուրիշ տարրերի ազգեցության տակ. որոնք հոգ չեն տանում Հայերի ու տեղական քրիստոնյաների դեմ ուղղված անկարգությունների վերաբերյալ կենտրոնական կառավարության հրամանների կատարման մասին:

Ահա՝ Մետերնիխի ուրիշ հեռագիր՝ հասցեագրված Գերմանիայի արտաքին գործերի նախարարությանը.

Դամասկոսի կայսերական հյուպատոսը նոյեմբերի 17-ին հեռագրում է. «Զեմալ փաշայի Հրամանով այստեղ երկու նախկին կապիտանների, որոնք որպես Հրոսակախմբի առաջնորդներ Հայաստան էին գնացել, կախել են Հայերին կողոպտելու և դաժան վերաբերմունքի համար:

Զեմալ փաշայի քաղաքական ճկուն միջոցառումը մամուլի միջոցով տարածվել է: Թե որքանո՞վ է Հարմար Հօգուտ թուրքերի այս տեղեկատվությունը մեր մամուլում հրապարակել, թողնում եմ ձեր որոշմանը: Այստեղի մամուլում մենք չենք կարող դա հրատարակել»:

Հետաքրքիրն այն է, որ ինքը՝ Զեմալն էլ վերապահումով էր վերաբերվում այդ ավագակների, մասնավորապես կայսրության թիվ 1 կամ իթթիհաղական չեթեապետ Ահմեդի պատժելուն: Նա ծածկագիր ուղարկեց Թալեաթին. «Այստեղ են եկել չերքեզ Ահմեդը և նրա ընկեր Խալիլը: Խալիլի մոտ հայտնաբերվել է ավելի քան 1500 լիրա, երբ չերքեզ Ահմեդի մոտ չկար ոչ մի դուրուչ: Դրանից եղրակացնում եմ, որ նա մասնակցություն չի ունեցել կողոպուտին: Ես լրիվ համոզված եմ, որ նա (Հայերի) կոտորածին մասնակցել է Դիարբեքիրի վալի Ռեշիդի հրամանով:

Դուք ի՞նչ եք կարծում, անհրաժեշտություն կա՞ Ահմեդին վերացնելու: Կամ կարելի՞ է բավարարվել միայն Խալիլին մահապատճի ենթարկելով»¹:

Զեմալը ստում էր կամ աշխատում էր դուր գալ Թալեաթին, որովհետև Ահմեդը Թալեաթի «անձնական չեթեն էր», գործում էր նրա հանձնարարություններով ու գտնվում նրա հզոր հովանավորության տակ:

Բացի դա, Զեմալը չէր ցանկանում մի քանի ճակատով գործել: Գնալով սրվում էին թուրք-արաբական Հարաբերությունները, և նա գտնում էր, որ կայսրության անվտանգության շահերը թելադրում են առաջին Հարվածն իջնեցնել արաբների գլխին:

Մինչև 1916 թ. մարտը Սիրիայում և Լիբանանում քաղցից մահացավ բնակչության 40 տոկոսը²: Երիտթուրքական մեծապետականությունը մերժում էր արաբների ազգային ինքնությունը. «Բոլոր օսմանները թուրքեր չեն»: 1915 թ. փետրվար-Հունիս ամիսներին Բեյրութում, Դամասկոսում և Հայֆայում տեղի ունեցան բախումներ թուրքական զորքի, ժամադարմերիայի և արաբ բնակչության միջև:

¹ Zuya S., Yeni Tarihinden Onemli Devlet Adamlari. Talaat, Enver ve Cemal, Istanbul, 1944, s. 53.

² Лазарев М., Крушение турецкого господства на Арабском Востоке. 1914-1918 гг., М., 1960, с. 72-73.

Մեքքայի շերիֆի գլխավորությամբ արարքները ոտքի ելան թուրքական տիրապետության դեմ¹: Ապստամբությունը ճնշվեց ու աներևակայելի հաշվեհարդար սկսվեց: «Այն արարքներին, - սպառնացին թուրքերը, - որոնք ուղում են մեղնից հեռանալ ... մտադիր ենք վերացնել նախքան նրանք կկարողանան իրենց մտադրությունը գործողության վերածել»²:

Սակայն արարքների դեմ ծավալված պատժիչ գործողությունները հայերի հանդեպ թուրքական քաղաքականության մեջ որևէ փոփոխություն չառացցրեցին:

Հայերի բնաջնջումը Սիրիայում ու Միջազգետքում շարունակվեց ավելի մեծ ծավալներով, և դա ոչ միայն նրանց համար տաժանակիր պայմաններ ստեղծելու, այլև ուղղակի ոչնչացման միջոցով: Մի թուրք սպա հիշում է, որ քրեական տարրերն «արձակվել էին բանտերից և մեկշաբաթյա նախապատրաստությունից հետո ուղարկվեցին արևելք, որպես «Հատուկ կազմակերպության» ջոկատներ, որոնք ամենադաժան հանցագործություններ էին կատարում հայերի դեմ: 1914-1915 թթ. կոտորածները և դրանցում ավաղակապետներ չերքեզ Ահմեդի և լեյտենանտ Խալիլի դերը...» ավելի քան հաստատված է: «Իմթիհաղի նպատակն էր ոչնչացնել հայերին և դրանով վերջնականապես վերացնել արևելյան վիլայեթների հարցը»³:

Ջեմալը մասնակի նշանակության խաղերի միջոցով կարողացել էր ներկայանալ որպես «ինքնուրույն քաղաքականություն վարող» մասնավորապես «հայերին բարեկամ» գործիչ: Դա բխում էր ո՛չ միայն նրա բնավորությունից, անսանձ փառամոլությունից, այլև իր հանդեպ երիտթուրքական եռապետության մյուս երկու անդամների վերաբերմունքից, այդ եռապետությունում նրա «երկրորդական դերից»:

Հայերի հանդեպ քաղաքականության համակարգում ջեմալը ձգտում էր միայն մասնակի շտկումներ մտցնել, առաջին պլան մղել արարքների բնաջնջումը, քաջ գիտենալով, որ հայերից դատարկված Հայաստանն ու անապատներում գեգերող հայերն այլևս վտանգավոր չէին:

Արարքներին հաշվեհարդարի ենթարկելու ջեմալի կողմնորոշումը բացատրվում է նաև նրա պաշտոնական վիճակով և քաղաքական ծրագրի շահերով: Ջեմալը ո՛չ միայն թուրքական 4-րդ բանակի հրամանատարն էր, այլև Սիրիայի և Լիբանանի տիրակալը, փոխարքան: Նա այդ երկրներն ու բանակն ուղում էր պատվանդան դարձնել իր վերելքի, Օսմանյան կայսրության վերածնման և դրա թագին տիրանալու համար:

Այնուամենայնիվ, ջեմալի մասին հայկական շրջաններում եթե ոչ համական, ապա առանձնահատուկ մոտեցումը շարունակեց գոյատեսել: Ֆրանսիական արխիվներում պահպող փաստաթղթերից մեկում կարդում ենք, թե ջեմալը պնդում էր, որ եղեռնը դադարեցվի և հայերն օգտագործվեն որպես բանվորական ուժ: Նա հաջողեց 100.000 հայի կանք փրկել: Այդ կապակ-

¹ «The Outlook», 20 December 1916.

² «The Round Table» (London), June, 1917. p. 27.

³ Turkei 183. 40, A468, 20-ը գեկտեմբերի 1915 թ., նաև Turkei 158, 24, A1373, 3-ը հունվարի 1916 թ. Բաստենդորֆի 1915 թ. հունվարի 3-ի գեկուցումը, FO 608/244.

ցությամբ հայերը երեք ժամ շարունակ ջեմալի տան առաջով անցան «Հարգանքի լուսաթյամբ»: Նշանակություն չուներ, որ այդ փրկությունն այլ բան չէր, եթե ոչ հայերին քչել Սիրիայի և Պաղեստինի ամենահեռավոր ծայրամասերի ճամբարները, որտեղ նրանք ապրում էին բաց երկնքի տակ, զբաղվում հարկադիր աշխատանքով՝ ստանալով չորս սու վճար: Նրանց հաճախ դրկում էին անգամ ջրից, ցուցադրաբար տակառների ջուրը դատարկում էին գետնին, պապակած մարդկանց աչքի առաջ: Մի քանի շաբաթում այդ ճամբարների հայերի կեսը մահացավ քաղցից ու ծարավից: Նաև ջեմալն էր հայ ընտանիքների անդամներին միմյանցից բաժանում: Նա պարծենում էր, որ իրեն հաջողվեց հայերին հավաքել անսպատակին, ամոլ շրջաններում: Ջեմալը թույլ չէր տալիս, որ որևէ օտարերկրացի այցելեր գաղթականական այդ ճամբարները¹:

Անգամ Հր. Աճառյանը ջեմալի մասին գրում է, որ նա «ավելի հեռատես էր» և «զգում էր, որ ուշ թէ շուտ պատերազմը պիտի վերջանայ յօգուտ Անգլիայի եւ Ֆրանսիայի, եւ թէ վերջապէս հայերը Կիլիկիայի տէրը պիտի դառնան: Այս համոզմամբ նա դարձել էր հայամէր...»: Նա նաև միտք էր հղացել «Հայսիրիական մի նոր պետություն կազմելու եւ իրեն թափաւոր յայտարարելու»²:

Նման մտքերի ու պատկերացումների կարելի է հանդիպել ոչ փոքր թվով հայ և օտար հեղինակների մոտ, որոնք ոչ միայն թյուր տեղեկատվություն, այլև ցանկացած իրողության փոխարեն ներկայացնելու ձգտումն էին: Ջեմալը կազմակերպեց Ալեյի ու ազմական տրիբունալը՝ պետական դավաճանության մեջ մեղադեկով արար գործիչների մի մեծ խմբի, որոնք ընդդիմացել էին օսմանյան զերիշխանությանը և օրենքից դուրս էին հայտարարվել³: 1916 թվականի մայիսի 6-ին նրանցից 35-ը կախաղան հանվեց Դամասկոսում և Բեյրութում. 54-ը դատապարտվեց ցմահ բանտարկության, շատերն աքսորվեցին: Նրա օգնականի վկայությամբ՝ ջեմալ փաշան մտածում էր հայ գաղթականների կարավանների մի մասը վերաբնակեցնել Հառուանի շրջանի գյուղերում և շեներում (Հորդանան գետից արևելք): Անդրադառնալով նրանց մահմեղականացնելու ջեմալի մտադրությանը, ֆուազը գրում է. «Հնարավոր էր, որ կրօնափոխվածները քրդերի և չերքեղների նման կարողանային ապահովել թուրքիայի անվտանգությունն արաբներից»: Այդ նպատակով ջեմալը կազմեց հատուկ հանձնառողով («Հեյրթը մախսուսա»), որի հավաքներից մեկը տեղի ունեցավ ֆուազի գրասենյակում⁴:

Ջեմալը երկու թեկնածու էր հրավիրել ղեկավարելու այդ կազմակերպությունը: Նրանցից մեկը Հուսեյն Քյազլըն էր (Քաղրի)⁵ թուրքական «Թանին» լրագրի հիմնադիրը և Սալոնիկի ու Դամասկոսի նախակին կուսակալը: Նա «Հուսալի» մարդ էր: Ստամբուլի իր ղեսապանին ուղարկած ղեկույցում Դամասկոսում Գերմանիայի հյուպատոսը վերապատճում է իր գաղտնի զրույցը Քյազլը հետ. «Նախորդ օրը ջեմալ փաշայի կազմակերպած ճաշկերութում ես հան-

¹ АН Арм. ССР, Геноцид армян во французских архивах, с. 17.

² Աճառյան Հր., նշվ. աշխ., էջ 376-377:

³ "International Journal...", նշված համարը:

⁴ Նույն տեղում:

դիպեցի Քյազըմին: Երբ նա ինձ տեսավ, ասաց, որ շտապի խոսակցություն ունի: Նա անչափ հուզված հայտնեց, որ պատրաստվում է Հրաժարական տալ, քանի որ ի վիճակի չէ այլևս կատարել իր պաշտոնական պարտականությունները և որ գինվորականները ամեն ինչ անում են իր Հրահանգներին հակառակ, թե ինքը լրիվ հիամթափված է, չի հավատում, որ կառավարությունն իսկապես մտադիր է օգնել գաղթականներին: Նա նույնիսկ վախենում է, որ Բարձր Դուռն նպատակը ընաջնջումն է: Ոչնչացնելու այս դաժան քաղաքականությունը, հայտարարեց նա, մեր խայտառակությունն է և պատերազմից հետո շատ կվնասի թուրքիային: Նա ինձ խնդրեց խիստ գաղտնի պահել մեր միջև տեղի ունեցած խոսակցությունը»:

Զեմալը հանձնարարել էր թուրք կին գրող Խալիլի էղիբին նախաձեռնել ստեղծելու դպրոցական նոր համակարգ, որը կոչված լիներ վերացնելու ֆրանսիական ազգեցությունը Դամասկոսում, Բեյրութում և, ընդհանրապես, Լիբանանում ու դա փոխարինել թուրքականով: Էղիբը հանդիպել էր Քյազըմին և նրա մասին արտահայտվում էր որպես «իսկական մարդասերի», որը հրաժարական է տվել, քանի որ գաղթականների ճակատագրի հարցում «տարածայնություններ է ունեցել կենտրոնական իշխանությունների հետ»: Երուսաղեմում Գերմանիայի հյուպատոս Բրոոդը որոշ ժամանակ անց գրել է, որ Քյազըմի պաշտոնափոխությունից հետո Զեմալն սկսել է «զաժան միջոցներ» գործադրել: Արդյունքն այն եղավ, որ միայն Բեյրութում և Հերաթում 3500 հայ գաղթականներ բռնի մահմեղականացվեցին¹:

Զեմալի հրավիրած մյուս թեկնածուն Հասանն էր (Ամկա): Նա չերքեղ սպա էր, զինվորական մատակարարման խմբի անդամ: 1916 թվականի օգոստոսին եկել էր Հայուրան՝ ղեկավարելու հայ գաղթականների վերատեղափորումը: Դամասկոսում իթթիհաղականների պատասխանատու քարտուղար Նեշաղը խոչընդոտում էր այդ գործը: Այստեղ, ի տարբերություն Սիրիայի և Միջագետքի հյուսային շրջաններում կատարվող կոտորածների, բոլորին բռնի դավանափոխ էին անում: Ստամբուլում բրիտանական գերագույն լիազորի արտոնագրած մի փաստաթղթում Հասանը վկայություն է տվել, որ հայ որբերին նույն կերպ բռնի դավանափոխ էր անում Դամասկոսի կոտակալ Թահասինը, որն այնտեղ էր տեղափոխվել էրզրումից²:

Հայտնի հրապարակախոս Սուլեյման Նազիֆը՝ Մոսուլի (1915 թ.), հետագայում՝ Բաղդադի վալին, Ստամբուլ ճանապարհվելիս անցել էր Ռաս-ուլ-Այնով: Սարսափած իր տեսածից, նա թուրք պաշտոնատարներին գրեց. «Հայ ժողովրդի ընաջնջումը կղառնա Թուրքիայի պատմության ամենասև էջը»³: Բաղդադի երկաթուղու գերմանացի ծառայող Վ. Սփայքերը մեջբերում է բռնագաղթի թուրք լիազորի խոսքերը. «Այս անգամ մենք հայերի հետ հաշիվները կմաքրենք, ինչը վաղուց էինք ուզում անել»⁴:

Կատարված դաժանություններն ընդունել է նաև ներքին գործերի նախա-

¹ "International Journal...", նշված համարը:

² Նույն տեղում:

³ Նույն տեղում:

⁴ Նույն տեղում:

բարի տեղակալ Ալի Մունիֆը: Նա Լեռնալիքանանի մութասերիփ էր, երբ կոտորածները համատարած բնույթ ստացան ջեմալի վերահսկողության տակ գտնվող նահանգներում:

Դրանից հետո Ա. Մյունիֆին առաջ քաշեցին և հասարակական գործերի նախարար նշանակեցին: Նա անգլիացիների կողմից Մալթա կղզում մեկուսացված բարձրաստիճան իթթիչաղականներից միակն էր, որը բրիտանական հրամանատարությանը հղած իր նամակներում ընդունում էր «Հայերի բնաջնջման օսմանյան քաղաքականության իրողությունը», միաժամանակ նշելով, որ դրա համար ինքը պատասխանատու չէ: Իր «Հուշերում» ջեմալ փաշան գրում է, որ ինքը կենտրոնական կառավարությանն առաջարկել էր տեղահանվածներին տեղավորել Անկարայի, Կոնյայի և Կաստամոնուի նահանգներում, բայց Կ.Պոլիսը պատասխանել էր, որ չմիջամտի և այդ գործը թողնի քաղաքացիական պաշտոնյաներին¹: Նա գրեթե նույն բանն ասել էր նաև Գր. Թալթուլյանի հետ ունեցած գրուցի ժամանակ. «...Ես նախապէս ծրագրուած հայկական ջարդերուն դէմ էի, սակայն ի՞նչ կրնայի ընել. իմ դիմացս կային թալէաթը, էնվերը եւ ամբողջ իթթիհատական ջոլիրը:

Երբ Թուրքիոյ բոլոր նահանգներուն հայութիւնը տեղահան ըլլալէ առաջ, այրերը հաւաքելով ամելէ թարուրի ըսելով, կը տանէին կը ջարդէին ձորերու մէջ եւ վերջն ալ անոնց ընտանիքները տարագրելով, առեւանգելով, քաշքելով կը տանէին կը ջարդէին, ես այդ օրերուն կուսակալ էի: Իմ կուսակալութեանս շրջանին Ատանայի մէջ բան մը պատահեցաւ: Նոյնիսկ Համնոյ մէջ ձերբակալուող հնչակ-դաշնակ յեղափոխականները, որոնք ՎՃռաբեկ Ատեանին կողմէ մահուան դատապարտուած էին, ես անոնց մահավճիրը ցկեանս բանտարկութեան փոխեցի:

Եթէ գիտնայի որ այս սրիկաները հայ ազգին դէմ այսքան չարիք պիտի գործեն... կ'անցնէի հայոց կողմը իմ բանակովս եւ ուազմանիթով միանալով եւ կազմակերպելով Հաճըն, Զէյթուն եւ Կիլիկիոյ այլ շրջանները, կրնայի Կիլիկիայի մէջ անկախութիւն հռչակել: Սակայն ես ալ հայերուն նման շատ ուշ հասկցայ սարքուած դաւադրութիւնը: Էնվեր փաշան Դամասկոսի մէջ ինծի հետ տեսակցելէ ետք, մեկնեցաւ Սթամպուլ, ան հեռագիր հեռագրի ետեւէ ինծի կը հրահանգէր, «Ջարդեցէ՛ք հայերը, բնաջինջ ըրէ՛ք, ոչ ոքի խնայեցէ՛ք»: Ես այդ օրերուն մէկ միջոցի դիմեցի ազատելու համար հայերը իսկական բնաջնջումէ: Մարդիկ դրկեցի զանազան գիւղեր ու քաղաքներ պատուիրելով, որ հայերն իրենց անունը փոխեն եւ երբեմն ալ երեսանց կրօնափոխ ըլլան, որպէսզի ողջ մնան»²:

Դամասկոսում էնվերի հետ ջեմալի գրուցի նշված հատվածը հետևյալն է. «Ճեմալ դառնալով էնվերին՝ կ'ըսէ.

- Այս ճամբան շինողները բոլորն ալ հայեր են:

Էնվերի դեմքը կը մթագնի ու դառնութեամբ կը պատասխանէ.

- Ճեմալ, ես գիտեմ դուն հայ ժողովուրդին վրայ կը գթաս, կը ցաւիս անոր ենթարկուած վիճակին եւ այդ իսկ պատճառով կ'ուղես սիրտս շարժել,

¹ Տե՛ս «International Journal...» նշված համարը:

² Սահակեան Հ., Հայ դատ, Պէյրութ, 1974, էջ 42-44:

զիս կակուղցնել: Բայց լաւ գիտցիր, որ կը սխալիս, որովհետեւ այս ազգին զավակներէն եթէ մէկ հատ իսկ ողջ մնայ, ան կրնայ մեր գլխուն փորձանք բանալ: Պէտք չէ խղճահարուիլ, պէտք է ջարդել անոնց մինչեւ վերջին մարդը»¹:

Եղավ ժամանակ, երբ ոչ միայն Զեմալն, այլև Թալեաթը, Էնվերը, երիտթուրք մյուս պարագլուխները չքմեղանալու վարձեր կատարեցին: Սակայն դրանք միայն խոսքեր էին և ընդհանուր բան չունեին նրանց քաղաքական վարքագծի հետ:

Էնվերը և Թալեաթը գերմանացի երեսփոխան Մ. Երցրերգերի հարցերին (1916 թ. փետրվարի 10-ին) պատասխանեցին.

Էնվեր. «Հայերի դեմ այլևս միջոցներ չեն ձեռնարկվի, իսկ քշված հայերը կրնակեցվեն փակ բնակավայրերում»:

Թալեաթ. «Հայկական եկեղեցիները կրացվեն: Քրիստոնյաների արտաքսումները կամ բռնությունները Սիրիայում բացառվում են: Հոգևոր ճեմարանները և ուսումնական հաստատությունները կարող են նորից բացվել, միայն թե դրանից չպետք է տուժեն Թուրքիայի պետական շահերը»²:

Այդ նույն օրերին, 1916 թ. փետրվարի 26-ին Ա. Նուրին ծածկագրեց. «Տեղեկութեան համար կը հաղորդեմ, թէ արհեստաւորի հանգամանքով Սուրիա մեկնողները բացառութիւն ըլլալով, մինչեւ հիմա (անապատները) դրկուած հայերուն հազիւ մէկ քառորդը տարագրութեան վայրերը հասած է: Մնացածները բնական պատճառներու բերմունքով, ճամրաները մեռած են: Կարգ մը պատճառներու հետեւանքով մինչեւ հիմա Հալէպէն չհանուղներն ալ շուտով դրկելու համար հարկ եղած միջոցները ձեռք առնուած են»³:

Նորից ձայն տանք Ալի Ֆուադին. «Զեմալ փաշայի հետ հրահանգավորման նպատակով գտնվում էինք Զերել Դրուզի լեռներում: Մի անգամ երեկոյան գնացինք ամայացած գյուղը... փաշային ծափահարություններով ընդունող բնակչության մեջ տեսանք մերկ, հյուծված, կմախք հիշեցնող մարդկանց: Նրանք լոռում էին ու ծափահարում: Խոսելու համար ուժ չունեին: Ովքե՞ր են այս մարդիկ, հետաքրքիցի ես և իմացա՝ տեղահանվածներ էին...»

Բերքահավաք էր: Շրջապատում ցորենի շեղջերի լեռներ էին... Խնդրեցի Զեմալին այդ խեղճերին տրամադրել մի քանի տոննա ցորեն: «Ֆուադ բեյ, ասաց Զեմալ փաշան,- այդպես էլ ոչինչ չհասկացար»⁴:

Զեմալի բանակի ստորաբաժանումներից մեկի հրամանատար Պեյսը հրաման արձակեց. «Նախ կը ձերբակալէք Նուսէյալինի մեր մթերանոցին պատասխանատու կեավուրները... Զանոնք նեղը կը դնէք ու կը ստիպէք, որ խորհուրդ տան իրենց ազգակիցներուն հեռանալ Համզա աղայի հողերէն եւ ապահովութեան համար ապաստանի զինուորական մթերանոցները... Մինչ այդ կը հասնին մեր ներկայացուցիչները, շարժման կը մղեն ջարդարար խումբերը, միս կողմէ, կրակի կու տան քարիւղով օծուած մթերանոցները...»

¹ Սահակեան Հ., նշվ. աշխ., էջ 40:

² Wien, Diözesan Archiv; Maria Empfangnis. Verein, 10 Februar 1916.

³ Անտոննեան Ա., նշվ. աշխ., էջ 169:

⁴ Ali Fuad Erden, նշվ. աշխ., էջ 120-123:

Այսպես գործելով կը փակեն հաշիւր նուսէյպինի 12.000 հայերուն...»¹:

«Բար, Մեսքենե և Դեր Զոր,- զրում է «Literary Digest»-ը 1917 թ. սեպտեմբերի 1-ին,- այս երեք վայրերը երբեք չեն մոռանա հայերը: Դուք գիտե՞ք, թե ինչ է կատարվել այդ վայրերում մի քանի ամիս առաջ: Գավառապետ Աթրֆի Հրամանով մոտ հարյուր հազար հայ կոտորվեց»:

Պատմել է ականատեսը. «Բողանթիում ես տեսա վեց բաց ապրանքատար վագոն հայ երեխաներով լեցուն, որը մեկնում էր «անհայտ ուղղությամբ»: Ի՞նչ կլինի այդ երեխաների ճակատագիրը: Արդյո՞ք հույս կա, որ մեր դժրախտ աղջիկ երեխաները կենդանի մնան:

Մի օր հանդիպեցի հազարավոր անմեղ կանանց, աղջիկների և երեխաների բացօյյա կացարանի, որտեղ նրանք տառապում էին անսկարագրելի տանջանքներից: Ես առաջ անցա, որովհետեւ այլևս տանել չէի կարող նրանց անմարդկային տանջանքները: Բարձրանալով մի փոքրիկ բլուրի վրա, տեսա 5-6 տարեկան մի երեխայի: Ես թուրքական համազգեստով էի: Երեխան մոտեցավ ինձ ու թուրքերեն բացականչեց. «Ի սեր Աստուծո, ինձ մի կտոր հաց տվեք: Ճինգ օր բան չեմ կերել, բացի սրանից»: Նա ցույց տվեց սեխի կեղևը, որը գտել էր ճանապարհին: Ես նրան պատասխանեցի հայերեն: Խեղճ տղան նետվեց գիրկս՝ ասելով. «Դուք հայ եք»: Նա իմ գրկում մնաց մի քանի րոպե, այլևս որեւէ մեկ բառ չասելով: Բայց ես զգում էի տաք արցունքները, որ թափվում էին իմ այտերի ու վզի վրայով:

Եփրատի ջրերը, անապատի ավազները դարձել էին հայ աղջի գերեզմանները: Ես այլևս չեմ կարողանում ողբալ: Արցունքներս քարացել են աչքերիս»:

“The New York Times”-ը 1919 թ. մարտի 18-ին հաղորդեց, որ Թևֆիկ փաշան Հոռոմում տեղի ունեցած հարցագրույցի ժամանակ ասել է. «Ես խնդրել եմ միջազգային հանձնաժողով կազմել հաստատելու հայկական կոտորածների մասին եղած փաստերը: Այդ գեղագում եկրոպան կիմանա ճշմարտությունը: Մենք ո՛չ միայն չերքում այդ ցավալի պատահարը, այլ նաև խորապես ցավում ենք դրա համար: Մուսուլման հանցագործները կպատժվեն: Միաժամանակ ես ուզում եմ, որ հայկական ավազակախմբերի պարագլուխները, որոնք մեղավոր են հազարավոր մուսուլմանների բնաջնջման համար, նույնպես դատվեն ու պատժվեն: Արդարադատությունը չպետք է տարբերություն դնի քրիստոնյաների ու մուսուլմանների միջև: Նա պետք է ընդհանուր լինի բոլորի համար»:

Նույն թերթը 1919 թ. ապրիլի 19-ին գրեց. «Երբ անզլիական ու ֆրանսիական զորքերն առաջ էին շարժվում Փոքր Ասիայում, թուրքերը դեռևս հետապնդում էին հայերին: Փաստն այն է, որ ստորագրված դինադադարը որևէ դեր չի խաղում: Այս կամ այն ճանապարհով, միայնակ կամ խմբերով, հայերն սպանվում էին: Ես մի դեպք գիտեմ, երբ հարյուր հոգի մորթվեց և մեկ ուրիշը, երբ 40 հոգի գնդակահարվեց»: Այդ թերթի 1919 թ. հունիսի 7-ի համարից.

¹ Շաւարչեան Ա., Մեծ եղեռնը Հայոց, Պուէնոս Այրէս, 1987. էջ 475:

«Գնդապետ Հառլիսերը՝ Բեյրութի զինվորական կառավարիչը, ասաց, որ վերջին տվյալներով՝ Հայերի միայն 30 տոկոսն է ողջ»:

Հայ սպա Հ. Գարասեֆիլյանին Բողանթիի մերձակայքում ցույց են տալիս մի լեռնալանջ ու կիրճ, որտեղ սպանված թափված էր 10.000 մարդ՝ հիմնականում կին և երեխա: Դիակներն այլանդակել էին թե՛ ջարդարարների հարվածները և թե՛ անգղներն ու բորենիները: Եվ ժուրք պաշտոնատարներն անցրոնելի դաժանությամբ «զանգերու եւ ոսկորտիքի բուրգեր կազմած, կը ցուցադրէին որպէս իրենց հաւատարմութեան ապացոյց սուլթանական բարբարոս կառավարութեան»¹:

«Իսլահիեում թշվառ վիճակում գտնվող տարագրվածների սոսկալի կուտակում կար, իսկ Հայեալի կայարանում հարկադրված էինք 15 օր մնալ նույն պատճառով»:

Խոսքն այն մասին է, որ «Հայասեր Ջեմալի կայսրությունում» Հայերը բնաջնջվում էին անգամ Մուղրոսի զինադադարից հետո: Ինչ վերաբերում է մինչև զինադադարն ընկած ժամանակաշրջանին, մասնավորապես 1916 թվին, ապա դա Հանդիսացել է Հայերի գլխավոր սպանդանոցը:

Բաղդադի երկաթուղու շինարարները Հաճախ էին բանում այնպիսի տարածքներում, որոնք «մի քանի շաբաթ առաջ եղել էին սարսափելի եղեռնի հրապարակներ»: 1916 թ. փետրվարին Օսմանիեի մոտակայքում Ֆիրբյուխերին ցույց են տվել մի դաշտ, որտեղ մորթել էին մոտ 1000 տղամարդու, կնոջ ու երեխայի: «Իսլահիեից ոչ հեռու ես տեսա կանանց ու երեխաների ամբոխներ, որոնք պարսերի նման փակեցին մեր գնացքը: Դրանք կմախքներ էին՝ քրջերով ծածկված անասնական վայրենություն, խելագարություն էր փայլատակում նրանց Հայացքներում»:

Հարավում ընդհուպ մինչև Երուսաղեմ և արևելքում՝ մինչև Մոսուլ հեղվում էր տանջահար Հայ ժողովրդի արյունը... Դամասկոսում առավոտները նրբանցքներում Հավաքում էին քաղցից մեռած երեխաների դիակներ, երբեմն՝ 80 դիակ: Մեսքենեի մոտ կար մի խոշոր Համակենտրոնացման ճամբար, որտեղ Հայերը դատապարտված էին սովամահության: Թուրքական տվյալներով՝ այստեղ Հորված էր 55.000 հոգի: Դեր-Էլ-Զորի անապատ ուղարկված 60.000 Հայերից գրեթե ոչ ոք կենդանի չմնաց: Բարում 1029 Հայ քաղցից մեռավ 2,5 օրում²:

“Deutsche Allgemeine Zeitung”-ի 1927 թ. ապրիլի 28-ի Համարում տպագրվեց Գոլցի 1915 թ. նոյեմբերի 22-ի նամակը ուղարկված Հայեալից. «... Հաջորդ առավոտ անցա գլխավոր թունելն ու դուրս եկա Հյուսիսային Սիրիական Հարթավայրը: Այստեղ մեր Հայացքին Հառեց ողորմելի տեսարան՝ փախստական Հայերը Հաստատվել էին Տավրոսի Հարավային ստորոտում, անսահման թշվառության մեջ... Մի ամբողջ ժողովրդի սարսափելի ողբերգություն: Հազարավոր ու Հազարավոր անպաշտպան մարդիկ գնում էին Հանդիպելու անհայտ ապագային, առանց սննդամթերքի, առանց մատակարարման: Շատերը մեռ-

¹ «Յուշամատեան Մեծ եղեռնի», էջ 624:

² Փարբեկը Ռ., նշվ. աշխ., էջ 61:

նում էին ճանապարհին և նրանց դիակներն ընկած էին մեռնելու տեղերում»:

Գերմանացի մարշալը, «Թուրքական բանակի հայրը», ինքը նույնպես զոհ դարձավ իր «Հավատարիմ» աշակերտների դաժանության: Նա հանկարծամահ եղավ 1917-ին Կուտ-Էլ-Ամարայում: Նոգալեսի վկայությամբ՝ նրան կործանեց Խալիլ փաշան, մարշալին տեղափորելով վարակված վրանում՝ պահելով քաղցած¹:

Պալավիչինին 1916 թ. մարտի 10-ին հեռագրեց Վիեննա, որ 700.000 հայ քշվել է Դեր Զոր՝ անապատ, Ձեզիրեի գայմազամ ինքն է ղեկավարում Հրոսակախմբերին ու հարձակումներ գործում հայերի քարավանների վրա²:

Նոյըմ բեյի հիշողությունների մեջ կարդում ենք, որ 1916 թ. երեք վիթխարի ջարդեր էին տեղի ունեցել: Առաջինը՝ Ռաս-ուլ-Այնում՝ 70 հազար հոգի, երկրորդը՝ Ինթիլիիում՝ 50 հազար և Դեր Զորում, որտեղ Զեքի փաշան ոչնչացրեց 200 հազար հայ: «Եթէ այդ երեք տեղերուն, մասնաւրաբար Ռաս-ուլ-Այնի եւ Տէր Զօրի մէջ, մասնակի սպանութեանց, թշուառութեան, հիւանդութեան եւ անօթութեան զոհերն ալ հաշուենք, անապատներուն մէջ մեռած կամ սպաննուած հայերուն թիւը մէկ միլիոնը կ'անցնի: Միմիայն թիֆուսէն զոհուեցան 150 հազար հոգի Խալահիէի մէջ, 60 հազար՝ Կասթմայի եւ Ազազի մէջ, մօտաւրապէս 80 հազար՝ Պապի մէջ, աւելի քան 100 հազար հոգի՝ Մեսքենէի մէջ (Անտոնյանը նշում է, որ այս թվերը իրեն հայտնել են մեռել թաղողները)... առանց հաշուելու Հալէպի, Եփրատի երկայնքը գտնուող միւս կայքերուն եւ Ռաս-ուլ-Այնի ու Տէր Զօրի մէջ մեռածները: Իմ Մեսքենէ գտնուած ատենա, - շարունակում է Ա. Անտոնյանը, - օրական մահերու միջին թիւը 300-500 էր: Պապի մէջ՝ միակ օր մը 1111 ինկեր էին: Եւ այս դիակները անթաղ կը մնային, կը հոտէին, կ'որդնոտէին»³:

* * *

Դեր-Էլ-Զորը Եփրատի աջ ափին է՝ Ռաքքա-Բաղդադ ուղու վրա, Հալեպից 150 մղոն հարավ-արևելք և Բաղդադից 330 մղոն հյուսիս-արևմուտք: Համանուն սանջակի կենտրոնն էր, որի մեջ մտնում էին Սարուկան, որ վերածվեց մի վիթխարի բացօպյա համակենտրոնացման ճամբարի և Ռես (Ռաս)-ուլ-Այնը, որը նույնքան վիթխարի սպանդանոց դարձավ: Արյունուշտ հաշվեհարդարի օջախների վերածվեցին նաև Մեսքենեն, Ամմանը, Ռաքքան, Զիարեթը:

Երբ պատերազմն սկսվեց՝ Դեր Զորի մութեսարիֆը Ալի Սուադն էր, որը դեմ էր հայերի բնաջնջմանը, մասնավորապես Ռաս-ուլ-Այնում մարդկանց հյուծելու միջոցով մեռցնելուն: Գաղթականական տնօրինության ղեկավար Ա. Նուրին Սուադի այդ «Թուրքությունը» շուտ նկատեց և բողոքեց վալի Աբդուլ-Խալիկին: Վերջինս Սուադին կարգադրեց կատարել «կառավարության սուրբ

¹ **Փարբիոխեր Գ.**, նշվ. աշխ., էջ 62-63:

² Wien, HHSTA RA XII 463, Damaskus, 10 մարտի 1916 թ.:

³ Անտոննեան Ա., նշվ. աշխ., էջ 31:

ձեռնարկումը»: Սուաղը հրաժարվեց: Հարցը լուծվեց նրան աշխատանքից ազատելով: Դեր Զորի մութեսարիփ նշանակվեց էվերեկի գայմագամ, տեղի հայության դաշիճ Սահիդ Զեքին¹: «Զափազանց չար էր բնաւորութեամբ,- զրում է Ա. Անտոնյանը,- եւ արդէն կեսարիոյ հայերը ջարդ ու փշուր ըրած էր զարհուրելի պայմաններու մէջ»²: Նրան աշխատանքի տեղափորելը Դեր Զոր պատահական չէր: Որոշված էր այդ սանջակը վերածել հայության զլիսավոր սպանդանոցի ու գերեզմանատան: Դեռ մինչև նրա նշանակումը Նայիմը հայերին ասել էր. «Տէր Զօր դրկուելիք գաղթական հայերը, առանց բացառութեան, պիտի կոտորուին հոն չհասած, ճամբու ընթացքին»³: Զեքիի Դեր Զոր գալուց մեկ շաբաթ անց սկսվեց ջարդը, ոչնչացվեց 150.000 հոգի:

Մի եվլոպացի, որ անձամբ եղել էր Դեր Զորում, այդ մասին զրում է. «Մի քանի ամիս առաջ [Դեր] Զորում, քաղաքից դուրս գտնվող ճամբարներում, տեղափորվել էին 30 հազար հայեր, Հանձնված մութեսարիփ Ալի Սուղաղ բեյի պահպանությանը... տարագիրները չնորհակալ էին նրանից, քանի որ փորձեց թեթևացնել իրենց թշվառությունը: Նրա չնորհիվ էր, որ գաղթականներից ոմանք փողոցային առևտրի միջոցով կարող էին որոշ վաստակ ունենալ: Դա ապացուցում է, որ եթե անգամ մի պահ հավատանք, թե ինչ-որ պատճառ պահանջել էր հայերի զանգվածային արտաքսում՝ Հայկական հարցի լուծման հետ առնչվող դժվարությունները կանխելու նպատակով, այնուհանդերձ թուրքական իշխանությունները, ելնելով սեփական պետության շահերից ստեղու կարիք չէին ունենա, եթե հայերին այնպիսի տեղեր փոխադրեր, որտեղ նրանք կարողանային աշխատանք գտնել և զբաղվել արհեստով կամ առևտրով: Նրանք կարող էին ուղարկել մշակովի հողեր ունեցող վայրեր, որտեղ հիմա, երբ երկրագործությունը անտերության է մատնված, հայերը գործ կգտնեին: Բայց ոչ: Սա կանխամտածված ծրագիր է. ոչնչացնել հայ ցեղը և այսպիսով մեկ հարվածով վերացնել Հայկական հարցը: Գործողության ուրիշ եղանակով այս նպատակին հասնել չէին կարող:»

Նպաստավոր պայմանները, որոնցից օգտվում էին Դեր-Էլ-Զորի հայերը, մատնություն անելու առիթ հանդիսացան Կ. Պոլիսի կենտրոնական գերատեսչությունում: «Մեղավոր» Ալի Սուղաղ բեյին ուղարկեցին թաղղաղ և նրան փոխարինեցին Զեքի բեյով, որը հայտնի էր իր դաժանությամբ և բարբարոսությամբ: Ինձ սարսափելի բաներ են պատմել, որոնք տեղի էին ունեցել նրա օրոք, բանտարկությունները, հրեշավոր խոչտանգումները, կախաղանները սովորական երեսութներ էին... Զահել աղջիկներին բռնաբարում և թողնում էին տեղի արար քոչվորներին: Երեխաններին չարտում էին զետրը: Ալի Սուղաղ բեյը, այս հազվագյուտ թուրք պաշտոնյան 2000 որը երեխա տեղափորել էր մի մեծ տան մեջ և նրանց կերակրում էր քաղաքային վարչության հաշվին: Զեքի բեյը

¹ Նրա հայրը եղել է Վանի փալի: Արյունուուշտ հայատոյաց էր: ՀՅԴ տեղի մարմնի զգուշացումներին չանաց և որոշում ընդունվեց նրան ահարեկչության հնթարկել: Երբ լուրը հասավ Ալուն, նա փախուստի դիմեց՝ փորձեց Սև ծովով անցնել Կ. Պոլիս, բայց նավահանգիստներից մեկում սպանվեց հայ վրիժառուի կողմից:

² «Յուշամատեան Մեծ Եղեռնի», էջ 225:

³ Նույն տեղում. էջ 226:

այդ երեխաներին փողոց շպրտեց, որոնցից շատերը չների պես մահացան քաղցից և սարսափելի զրկանքներից»¹:

Դեր Զոր աքսորվածների թվում էր նաև Գր. Պալաքյանը, որի «Հայ գող-գոթան» հուշագրությունում ներկայացված է տարագիրների վիճակը նաև այդ սանջակում:

Նա գրում է. «Հազարավոր հայերի հալեպից քշեցին Դեր Զորի ուղղությամբ, որոնց 5 տոկոսը կարողացավ ողջ տեղ հասնել, զոհ դարձավ անապատի էնենէզե ավազակախմբերին, ովքեր հեծյալ էին, զինված նիզակներով։ Նրանք հարձակվեցին անպաշտպան մարդկանց վրա, սպանեցին, կողոպտեցին, առևանգեցին։ Հայերիս արգելված էր հետ գնալ և նրանք շարունակեցին մահվան երթը մշտապես ենթակա քոչվոր ավազակների հարձակումներին։ Երկու հայ զինվորներ անցել էին այդ ճանապարհով, տեսել բեղվինների «քաջագործությունների» հետքները «հազարավոր դիակներ լրիվ մերկ, աչքերը փորված, օրգանները կտրված, ուռած, փորոտիքը դուրս թափված, ցերեկն անգղներն էին այստեղ խրախճանք սարքում, զիշերները՝ վայրի կենդանիները»²։ Ամբողջ անապատով ցրված էին կանայք ու երեխաներ, ցրված խմբերով կամ միայնակ, կիսամերկ, հյուծված, հավաքված սատկած ու հոտած կենդանիները կամ ուղտերի շուրջը և ուտում էին դրանց դիակները։ «Տեսել են կանաց, ովքեր եփել են իրենց երեխաներին ու միաը կերել և ապա խելազարվել, տեսել են նեխած դիակներից թունավորված ու մեռած հարյուրավոր հայեր»։

Այս հրեշավոր արարքների խթանողը նույնպես թուրքական իշխանություններն էին, որոնք փոխանակ ապահովելու կարավանների անվտանգությունը, «կապի մեջ էին անապատի ավազակարարո ցեղերի հետ և նրանց տեղեկություններ էին հայտնում, թե կարավանները երը, որտեղ էին լինելու։ Ոչ քիչ դեպքերում ուղեկցող ոստիկանները միանում էին ավազակներին ու հարձակվում կարավանների վրա»³։

Իսկ տեղ հասաձները 1916 թ. սկզբներին ու ամռանը զոհ գնացին Ռասուլ-Այնի և Դեր Զորի ահավոր ջարդերին՝ «առաջինում սպանվեց 50.000, իսկ երկրորդում՝ 160.000 հայ»։

Զեքին 30 հազար հայի քշեց Խարուր գետի կողմերը, որտեղ նրանք սովամահ եղան կամ կոտորվեցին չեչենների կողմից։

Դեր Զորի վարչությունը ներքաշված էր նաև հայ քաղաքական և մշակութային գործիչներին ահարեկչության ենթարկելու ծրագրերի իրականացման գործերում։

Երբ Բարձր Դուռը փակեց Կ. Պոլսի հայոց պատրիարքարանն ու որոշեց պատրիարք Զավեն Տեր-Եղիայանին աքսորել Բաղդադ (1916 թ. հունիսի 28), սուլթան Ռեշադի անձնական բժիշկ Վահան Թորգոմյանը և կաթոլիկ եկեղեցու պատվիրակը դիմեցին Մետերնիսին, Պալաքիչինին և ամերիկյան դեսպանատանը պատրիարքին փրկելու խնդրանքով, որովհետև իշխանության հանձնա-

¹ АН Арм. ССР, Бюллетень, 1984, № 4.

² Պալաքյան Գր., նշվ. աշխ., էջ 378:

³ Նույն տեղում, էջ 378-379:

կատար անձանց ուղեկցությամբ նրան Բաղդադ ուղարկելը համազոր էր սպանության: Պատրիարքը օգոստոսի 10-ին Վ. Թորգոմյանին գրում է. «Կ'իմանամ, թէ կաթողիկոսը ընդունած է իրեն տրուած պաշտօնը եւ փոխանորդ ալ նշանակած է... Ինչպէս կը տեսնուի, կառավարութիւնը զիս Պաղտատ աքսորել որոշած է՝ վերջին հարուած մըն ալ տալու համար հայ ազգին: Այնպիսի ժամանակ մը, երբ Հալէպէն Պաղտատ եղած ընդարձակ անապատին մէջէն հայ մը մահը առնելով միայն կրնայ անցնիլ: Գիտեմ, թէ ինծի պէս եկեղեցական մը ամէն պարագայի մէջ ողջ չի կրնար մնալ, եթէ նոյնիսկ կառավարութեան այս կարգադրութիւնը դաւադրութիւն մը չէ եւ կասկած չկայ թէ այդպէս է»¹:

Պատրիարքին, բացի ոստիկաններից, ուղեկցելու մեկնեց հայախոս, կարգաթող կաթողիկ վարդապետ Հիղայեթը:

Զավեն պատրիարքը Դեր Զոր հասավ սեպտեմբերի 10-ին: Մինչ այդ Զեքին ոստիկանապետ Մուստաֆայի և նրա տեղակալ Բեղրիի հետ պատրիարքի սպանության պլան մշակել էր: Ըստ այդ պլանի՝ Բաղդադ ուղևորության ժամանակ պատրիարքին ուղեկցելու էր նաև Բեղրին: Ճանապարհի ինչ-որ հատվածում հրոսակները հարձակում էին գործելու Զ. Տեր-Եղիայանին տանող կառքի վրա և այդ խառնաշփոթի ժամանակ Բեղրին պատրիարքին պաշտպանելու դիմակի տակ սպանելու էր նրան:

Բայց երբ հասան Անա գյուղաքաղաքը և Բեղրին տեղի գայմագամ Սայիդին տեղյակ պահեց ահարեկչական ծրագրի մասին, վերջինս հրաժարվեց գործակցել նրա հետ, ինչը և փրկեց պատրիարքին:

Զավեն պատրիարքի հանդեպ Բ. Դուան չարաղետ վերաբերմունքի և Կիլիկիայի կաթողիկոսի հանդեպ բարյացակամության պատճառն այն էր, որ Բարձր Դուռը հաջողել էր Զեմալ փաշայի օգնությամբ, որի հետ Սահակ Խապայանը մտերիմ հարաբերությունների մեջ էր, համաձայնության գալ՝ ամբողջությամբ խզել հարաբերությունները էջմիածնի հետ, վերացնել չայ ազգային սահմանադրությունը և ղեկավարվել թուրքիայի արդարադատության նախարարության պատրաստած կանոնադրությունով, վերացնել երուսաղեմի և Կ. Պոլսի հայոց պատրիարքությունները, ինչպես նաև Կիլիկիայի և Աղթամարի կաթողիկոսությունները:

Այդ բոլորի փոխարեն ստեղծվեց Օսմանյան պետության հայերի կաթողիկոս-պատրիարք պաշտոնը, որը մարմնավորվելու էր Սահակ Խապայանի անձով: Նրա նստատեղին լինելու էր Երուսաղեմի Ս. Հակոբյանց վանքը և տեղապահ էր ունենալու Կ. Պոլսում: Պատահական և թուրքահաճող հոգևորականներից կազմվեց Հոգևոր խորհուրդ:

Պատրիարքին ահարեկելու փորձը ձախողվեց, իսկ նրա հոտի բնաշնչումն առաջ էր տարվում ահագնացող թափով և ճիվաղ եղանակներով:

Զեքին նշանակվել էր Դեր Զորի կառավարիչ՝ հստակ հանձնարարությունով՝ բնաշնչել հայերին:

Թուրքական «Թասվիրի էֆքար» լրագրի նախկին խմբագիրը մի քանի տարի անց Զեքիին հարցրել էր, թե արդյոք ճի՞շտ է, որ նա տասը հազար հայի

¹ «Վեմ», 1937, № 2,էջ 50-51:

Է սպանել: Ռազմական դատարանի մեղադրական եղբակացությունում արձանագրված է Սալիհ Զեքիի պատասխանը. «Դուք անպատճում եք ինձ: Ես արժանապատճումից ցածր եմ համարում տասը հազար թիվը: Դե, ավելացրե՞ք»¹:

Զ. Զեքսոնը Վաշինգտոնին տեղեկացրեց. «Ես մեծ հեղինակություն էի վայելում մինչև Զեքիի ժամանումը, երբ ամենազարհութելի կոտորածն սկսվեց... Փոքրաթիվ կենդանի մնացածները ծվարեցին բարեկամաբար տրամադրված արարների մոտ: Կոտորածներն ի կատար էին ածվում մութեսարիֆի հրամանով, որն անձամբ էր ղեկավարում կողոպուտը»: Զարդարարները «թուրք, չերքեղ և քուրդ քրեական տարրերն էին, որոնք ազատ էին արձակվել բանտերից և ուղարկվել էին սպանելու»:

Ա. Բերնոն՝ «American Vacuum Oil Company»-ի գերմանազգի աշխատակիցը, 1916 թ. օգոստոսի 24-ից սեպտեմբերի 4-ը ըրջել է Դեր Զորում, եղել է Հալեպի և Դեր Զորի միջև գտնվող համակենտրոնացման ճամբարում: Նա նկարագրել է Սալիհ Զեքիի «աչք ծակող անմարդկայնությունն ու բարբարությունը». Նա մեծ թվով երեխաներ էր խեղդել գետում, «չխնայելով ոչ ծծկերներին և ոչ էլ տկարներին»²: Ալեքսանդրեսի փոխհյուպատոս Հոֆմանը, որը ժամանակավորապես տնօրինում էր Հալեպում գերմանական հյուպատոսարանի գործերը, իր երկրի ղեսպանին տեղեկացրել է, որ Սալիհ Զեքիի ժամանումից հետո իշխանություններն այլևս իրենց նեղություն չէին տալիս գաղթականների խմբերը անապատով քշելու Մոսուլ, այլ՝ «Եփրատ և Խարուր ղետերի միացման տեղում նրանցից արագորեն ազատվում էին»:

1918 թվականի նոյեմբերի 18-ին օսմանյան խորհրդարանում մտքերի փոխանակության ժամանակ հայազգի խորհրդարանականը ելույթ ունեցավ: Հայտարարելով, որ թուրք ժողովուրդը մեղավոր չէ այդ «մեծ հանցագործության» մեջ, ինչի համար նա արժանացավ «բրավո» բացականչությունների, Սալիհ Զեքիի գործունեությունը գնահատեց որպես «օսմանյան պատմության ամենասարտամորմոք էջը՝ լի հայերի հանդեպ աներեսակայելի դաժանություններով»³: Ս. Զեքին պարծեցել էր երկու գործընկերների մոտ, թե «ինքը կոտորել է անխատիր բոլոր հայերին՝ ծծկեր երեխայից մինչև 70-80 տարեկանները», որից հետո ներկա գտնվող մի քաղաքացիական պաշտոնատար թքել էր նրա դեմքին⁴: Երբ 1916 թվականի նոյեմբերին Ս. Զեքիին կանչեցին Ստամբուլ, նա հետո մեծ թվով թիթեղյա տուփեր տարավ՝ լի տասնյակ հազարավոր ոսկե դրամով՝ կողոպտված հայ զոհերից»⁵:

Մազհարի հանձնաժողովը Ս. Զեքիի գործը հանձնեց ուազմական դատարան, բայց նրան նոյնպես կարողացավ խույս տալ պատժից:

Ռեսուլերը գտնում էր. «Որևէ կասկած չկա, որ Եփրատին հարող տարածքներ աքսորվել են հարյուր հազարավոր հայեր», բայց նրանց թիվը փոքր

¹ՄԵ 3540, էջ 7, քաղվածք 6ու սերիայից, փաստաթղթեր № 4, 14 և սերիա 11, փաստ. № 1:

² “International Journalal...”, նշվ. համարը:

³ Նույն տեղում:

⁴ Նույն տեղում:

⁵ Նույն տեղում:

Էր թվում, որով հետեւ Հայերի հետ կատարվածը կողմնակի աչքից թաքցնելու համար նրանց ճամբարները ստեղծվում էին Եփրատի արևելյան ափի երկայնքով, իսկ կարավանային ճանապարհներն անցնում էին արևմտյան ափով, այդ վայրերն ուղարկված Հայերի ճիշտ թիվն այդպես էլ մնաց անհայտության մեջ: Ըստ Դեր Զորից Հյուսիս ընկած բոլոր ճամբարներն այցելած Բերնապուի տվյալների՝ արդեն օգոստոսի վերջին Մեսքենեի և Դեր Զորի արանքում կար միայն 15.000 հայ:

Դեր Զորում և դրանից հարավ Հայերի թիվը գնալով պակասում էր: Հոկտեմբերի 5-ին Ռաքբայամ տեղի ունեցած սպանդին զոհ գնաց 30.000 հայ: Եվ դա միայն մի օրում և միայն մի վայրում:

Ինուսլերը ներկայացնում է մի քանի կիլիկիահայերի պատմածները, որոնք նա «միանգամայն հավաստի է համարում»:

Հ. Սարգսյան (Այնթապից). «Զեքի բեյի հրամանով Հուլիս-օգոստոսին Սարխի, Դեր Զորի, Միաղինի, Անայի և այլ վայրերի Հայերին՝ թվով 150 հազար, տեղափոխեցին Մերադ գյուղ, որտեղից նրանց 2000-4000 հոգանոց կարավաններով հարավ ուղարկեցին»: Իրենց կարավանը 1700 հոգուց էր, որը բազմօրյա երթից հետո կանգ առավ Խարար գետի ափին Շեղդաղե գյուղի մերձակայքում: Հաջորդ օրը չերքեղները շրջապատեցին կարավանը և լրիվ կողոպտեցին, ապա բոլորին մերկացրեցին և այդպես քշեցին մինչև Ղարաղաղ, որտեղ նրանք նորից հարձակվեցին և այս անգամ արդեն ջարդեցին կացիներով, սրերով ու դաշույններով: Այդ ընթացքում Զեքի բեյը կառից դիտում էր կատարվածն ու «կեցցե» էր գոչում: Կենդանի մնաց միայն 31 մարդ: Ի դեպ, այս փաստը հաստատում են նաև օտար ականատեսները:

Մ. Քիրմենիկյան (Մարաշի Ալաբաշ գյուղից). «Զեքի բեյը Հուլիսին հայտարեց, թե ով անցնի զինվորական ծառայության, նրա ընտանիքին կթույլատրվի մնալու Դեր Զորում»: 2400 երիտասարդներ ներկայացնում, մյուսներին տեղահանեցին: Զորակոչված Հայ երիտասարդներին ուղարկեցին ճանապարհաշինության վրա աշխատելու, սակայն մեկնելու օրը տեղահանեցին նաև նրանց ընտանիքներին: Տարան Մերադ գյուղը, որտեղ կայսրության բոլոր ծայրերից հազարավոր Հայերի էին հավաքել: Կարավանները Խարուր գետի երկայնքով հասան Սուվար: Այստեղ առանձնացվեց 400 ընտանիք, որոնք համաձայնվել էին մի տարի ապրել առանց պետության օգնության: Այդ 400 ընտանիքից 2000 լիրա փրկազին պահնջեցին, սակայն հավաքվեց 840 լիրա ու տրվեց մյուղիրին: որը երեք օր անց փողը վերադարձեց ու պահանջեց 10.000 լիրա: Հայերն ամեն ինչ վաճառելով 2000 լիրա հավաքեցին: Մյուղիրը դրամը վերցրեց, բայց նաև ձերբակալեց ազդեցիկ դեմքերին: Մնացած Հայերին, առանց նախապես զգուշացնելու, ճանապարհ հանեցին: Զերքեղներն ու արաբները անմիջապես շրջապատեցին կարավանը և սկսվեց կողոպուտը: Խլեցին ամեն ինչ, ապա տղամարդկանց տարան բարձունքի մյուս կողմը և սպանեցին, իսկ կանանց ու երեխաներին թողեցին բախտի քմահաճույքին:

Սահի կաթողիկոսը հաջողեց ստանալ Զեմալ փաշայի համաձայնությունը Դեր Զոր ուղարկելու մի Հոգևորականի՝ պարզելու այնտեղ տարագրված Հայերի իրական վիճակը: Այդ Հոգևորականի տվյալներով՝ Դեր Զոր էին տար-

վել Զեյթունի, Յարպուսի, Ալաբասկի և Ալբիստանի Հայերը, թվով 15398 հոգի: 10.000-ին տեղափորել էին քաղաքում, իսկ մյուսներին՝ մերձակայքում, բաց երկնքի տակ: 300 հոգի մեռել էր ճանապարհի դժվարություններից, 98-ին խեղդել էին Եփրատում: Սնունդը շատ անբավարար էր: Սովամահ չլինելու համար տարագիրները ավելի քան 30 երեխա վաճառել էին: Նույն վայրերից մինչեւ հուլիսի 30-ը Հայեալ էին հասել 14.000 հայեր, որոնցից 4000-ին հարավ էին քշել:

Հրաման ստացվեց դատարկելու Այնթապը, Քիլիար և Աղանայի վիլայեթի ծովախնյա շրջանները, այսինքն՝ տարագրելու և 50.000 հոգի, իսկ քանի որ վերը նշված վայրերը նախապատրաստված չէին մեծաթիվ տարագրյալներ ընդունելու, կառավարությունը հրամայեց այլևս աքսորել ո՛չ թե Միջազետք, այլ՝ Սիրիա, այսինքն Դամասկոս¹:

Ստանալով վերը նշված հոգեսորականի ուսումնասիրության արդյունքները՝ «Սահակ կաթողիկոսը խնդրում է Զեմալ փաշայից հանձնաժողով ուղարկել Դեր Զոր՝ Հայերի հանդեպ գործադրված անօրինականություններն ուսումնասիրելու: Փաշան համաձայնվում է: Նրա ստեղծած հանձնաժողովի ուսումնասիրությունների արդյունքների մասին տեղեկագիրը ուղարկվում է ՆԳ նախարարություն:

«1915-ի դեկտեմբերին մենք գնացինք Դեր Զոր, - նշվում է այդ տեղեկագրում, - նպատակ ունենալով ուսումնասիրել փախստականների վիճակը և հետաքննել այն անօրինականություններն ու չարաշահումները, որոնք տեղ էին գտել Հայերի տեղահանման ժամանակ...»

Մեր խնդրի իրականացմանը ձեռնամուխ եղանք՝ բացատրություններ պահանջելով մութեսարիֆից՝ Դեր Զորի սանջակում հաշվառված Հայերի մասին, որոնք այլ վիլայեթներից ու սանջակներից այստեղ էին բերվել: Նրանք ինչպես էին տեղաբաշխվել ու բնակեցվել, ինչպիսի՞ հանցագործություններ էին կատարել Հայերի դեմ ճանապարհին կամ նրանց հատկացված բնակավայրում: Հստ մութեսարիֆի ներկայացրած տեղեկանքի՝ Դեր Զորի սանջակում տարրեր վիլայեթներից ու սանջակներից ուղարկված 29.673 Հայեր բաշխված էին հետեւյալ կերպ. Սանջակի կենտրոնում՝ 15000 հայ, կազաներում՝ Անայի՝ 3000, Արու Քեմալի՝ 2411, Աշխարհայի՝ 4000, նահիյեներում՝ Սուարի՝ 331, Մուհաչի՝ 567, Կեսրեի՝ 323, Մերաղի՝ 479, Քեֆքերի՝ 62, Սերկայի՝ 2500 հայ»:

«Մեզ նաև իրազեկ պահեցին, որ տասն օրվա մթերք պահեստավորված է, կեսր՝ փողով, մյուս կեսր՝ մթերքով տրամադրելու Հայկական այն կարավաններին, որոնք շարունակելու են իրենց ճանապարհը, անցնելով Բայիղիի և Սուարի նահիյեների շրջակայքով և գտնվում էին սանջակի տարածքում...»

Մոսուլի վիլայեթի Սինճար կաղա մեկնելու ընթացքում կարավաններին ուղեկցում էին բավարար թվով պահակային զորամասեր»²:

Թուրքական պաշտոնական հանձնաժողովից ուրիշ բովանդակությամբ տեղեկագիր սպասելը միամտություն կլիներ, որովհետև դա ուղարկված էր ո՛չ թե իրական պատկերը պարզելու, այլ թուրքական քարոզչությանը սնունդ մատակարարելու համար: Սակայն տեղեկագիրը նաև հաստատում է, որ

¹ R 1410,5. Ab. 149683.

² Կիրակոսյան Ջ., նշվ. աշխ., էջ 220-221:

բռնագաղթված հայերի հիմնական մասը Դեր Զոր է տեղափոխվել 1916 թ. սկզբին, որովհետև եթե ընդունենք, որ մինչև 1915 թ. վերջը Դեր Զոր էր տարվել 30.000 հայ, ապա 1916 թ. կեսերին այդ սանջակում ոչնչացված հայերի թիվը հասավ 300.000-ի:

Մի արար պատմել է, որ Դեր Զորի մերձակայքում ինքը տեսել է, թե խուժանն ինչպես էր «քաշքում, պատառտում հայ կանանց չորերը, նրանց թողնելով միանգամայն մերկ: Կանայք մահը գերադասել էին խայտառակությունից և նետվել գետը:

Դեր Զորում կատարվածների մասին հարուստ նյութեր կան նաև եվրոպացի, մասնավորապես գերմանացի դիվանագետների, զինվորականների և միակոներների տեղեկագրերում ու նամակներում:

Հալեպի գերմանական հյուպատոսության աշխատակից Վիլհելմիտտենը Բաղդադից Հալեպ կատարած ճանապարհորդության ընթացքում իր տեսաձները մանրամասն շարադրել է 1916 թ. վետրվարի 6-ին Ռեսլերին հասցեագրված նամակում: Նա հավաստիացնում է, թե սղագրական ճշտությամբ է վերարտադրել իրականությունը: Բաղդադից Հալեպ անցել է Արու Մեսաիր, Ֆալուջա, Ռամադի, Հիտ, Բաղդադ, Հաղիսե, Ֆահրմե, Անա, Արու Քեմալ, Սելյահիե, Միաղին, Դեր Զոր, Թիրնի, Սարկա, Համամ. Արու Հուրեյրա, Մեսքենե, Դեր Հեֆիր կայարաններով, որոնք միմյանցից մոտավորապես 60 կմ հեռավորության վրա են և մի կայարանից մյուսն անցնում էր 6-8 ժամում: Կայարաններից մի քանիսը գտնվում էին անմարդաբնակ անսապատում: Ճանապարհն անցնում էր Եփրատի երկայնքով, բայց ոչ բոլոր կայարաններն էին մոտ նրա ափերին: Ով ոտով մի կայանից գնում էր մյուսը, պետք է անպայման հետը ջուր վերցներ:

Գերմանացին ճամփորդությունն սկսեց 1916 թ. հունվարի 17-ին, նույն ամսվա 23-ին հասավ Հաղիսե, որտեղ տեսավ հայերի կարավան կազմված 50 հոգուց՝ հիմնականում տղամարդիկ: Անայի ճանապարհին՝ տեսավ 30 հայ՝ ժանդարմների ուղեկցությամբ, բուն Անայում հանդիպեց ևս 40 հայի: Հունվարի 25-ին տեսավ 50 տղամարդուց կազմված մի կարավան, որոնց տանում էին Դեր Զոր: Սառնամնիք էր: Հաջորդ օրը եկավ 50 տղամարդուց կազմված ևս մի կարավան: Արու Քեմալում Վիլհելմիտտենին սպասարկել էր զեյթունցի 16-ամյա հայ պատանի: Իջևանատունը, անասնագոմերը և այլնայլ տեղեր լեփլեցուն էին հայերով: Իջևանատանը փակվածների մեջ կանանց ու աղջկների թիվը փոքր էր: Տեղում ծառայող գերմանացի չորս սպաներ հավաստիացրել են իրենց հայրենակցին, թե իրենք շատ կոփներում են եղել, սակայն այն ինչ տեսել են Հալեպ-Դեր Զոր ճանապարհին ամենասարսափելին էր: Ամենուրեք թափված էին դիակներ, դրանց քայլայվելուց ամենուրեք գարշահոտություն էր: Ամսի 30-ին նա հասել էր Դեր Զոր, որտեղ մոտ 2000 հայ կար: Իջևանատանը կուտակված էին մեծ թվով հայեր, այդ թվում՝ շատ կանայք ու երեխաներ: Նրանք թափված էին նաև փողոցներում: Դեր Զորում ծառայող գերմանացի սպաները պատմել են, որ Հալեպ-Դեր Զոր ճանապարհին շատերը մեռել էին բծավոր տիֆից: Նրանք երեք ժամում հաշվել էին ընկած ճանապարհին 64 դիակ, այդ թվում՝ մի կնոջ՝ իր երեքամյա երեխայի հետ:

Հայերից շատերը բերվել էին Կ. Պոլսից: Նրանք աննշան գներով վաճառում էին ուկյա ժամացույց, զարդեր և այլ իրեր: Դրանց դիմաց ստացած փողերը նրանց կյանքը մի քանի օր երկարացնելու էր: Դեր Զորից Սարկա ճանապարհին դիակներ էին ու դիակներ, դրանց քայլայման աստիճանն ու հագուստի վիճակը, սպիտակեղենի կտորտանքը, տնային առարկաները հնարավորություն էին տալիս պատկերացում կազմելու, թե ինչեր էին այստեղ տեղի ունեցել: Հայերի մի մասը անապատում ուժաթափ լինելուց մեռել էր: Մեռել էին նաև սառնամանիքից, ավաղակները շատ դիակների լրիվ մերկացրել էին, ուրիշների հագուստները բղկտել էին չներն ու անգղները:

Սարկայում մի կարավան արագ անցավ ժանդարմների հարվածների տակ: «Ես տեսա քաղցած, ծարավ, հիվանդ, մեռնող, հենց նոր մեռած, թարմ դիակների կողքին ողբացող թշվառների, որոնք գնում էին օրորվելով ու ապա ընկնում ու մնում: Տեղացիները մի բաժակ ջուրը վաճառում էին չորս մարկով»:

Այնուհետև Վիլհելմիտանը թվարկում է իր տեսածները: Նա Դեր Զորից դուրս եկավ ժամը 13.00-ին... ճանապարհի կողքին պառկած էր մերկ կին: 13.30-ին՝ մերկ ծերուկ, կողքին՝ մերկ պատանի, որի մարմինը հոշոտված էր: 14.00-ին՝ հինգ թարմ դիակ: 14.05-ին՝ սպանված ու խոշտանգված տղամարդ: 14.07-ին՝ տղամարդու քայլայված դիակ: 14.08-ին՝ տղամարդու դիակ՝ ցավից տանջահար դեմքով: 14.10-ին՝ կիսամերկ տղամարդու դիակ: 14.15-ին՝ հագուստների բազում կտորտանքներ: 14.25-ին՝ կնոջ հոշոտված դիակ: 15.10-ին՝ ճամբարի հետքեր, ուտելիք պատրաստելու օջախ, հագուստի բազում կտորներ, ուկորներ, տղամարդու վեց դիակ: 15.22-ին՝ թարմ դիակ: 15.25-ին՝ տղամարդու հոշոտված դիակ: 15.45-ին՝ մոտ 10 տարեկան աղջնակի արյունլվա դիակ: 15.50-ին՝ սպիտակեղենի բազում կույտեր: 15.55-ին՝ տղամարդու դիակ: 16.04-ին՝ մեռած կին, կողքին՝ մեռած երեք տարեկան երեխա: 16.10-ին՝ 17 թարմ գերեզման: 17.02-ին՝ չները կրծում են դիակները:

01.02.1916 թ. ժամը 8.33-ին՝ երեխայի մերկ դիակ, կողքին՝ ճամբարի հետքեր՝ կանացի և երեխայի կոչիկներ, անդրավարտիքներ և այլն, ցրված ամբողջ ճանապարհին: 9.04-ին՝ քայլայված դիակ: 11.30-ին՝ արյունաշաղախ կմախք, նույնը 11.03-ին և 11.33-ին: 12.05-ին՝ ճամբարի հետքեր: 14.07-ին՝ կմախք: Ուժեղ քամի էր, որը կառքի աջ կողմի վարագույրը փակեց և Վիլհելմիտանը չկարողացավ դիակներ տեսնել:

16.30-ին հասավ Սարկա: Այն լիբն էր հայերով, որոնք հավանաբար վաղուց էին այստեղ ու իրենց համար փոքրիկ տներ էին կառուցել: Գյուղի շուրջը բոլորը վրաններ ու հյուղակներ էին՝ 150 վրան: Հյուղակները փայտի կտորներից էին: Թանկություն էր, մթերքների գներն աճել էին բազմաթիվ անգամներ:

02.02.1916 թ. ժամը 9.45-ին՝ մարդկային գանգ: 13.55-ին՝ հայերի կարավան 20 սալերի հետ, որոնք տանում էին տնային իրեր, ինչպես նաև կանանց ու երեխանների, շատերը պարկերը շալակած էին գնում: Դրանցից մեկի մեջ հանգչող կին էր: Ժանդարմը ճիպոտով քշում էր կարավանը, 14.05-ին՝ զետին տապալվեց շալակավոր պատանի: 14.07-ին՝ թշվառ պառավ երեխայի հետ: 14.08-ին՝ ծանր բեռի տակ քայլող տղա՝ ուժասպառ ծերուկի հետ: 14.30-ին ճարավից մեռնող տղամարդ, 14.31-ին՝ ձիասայլ առանց սալլապանի, վրան՝

մեռնող կին: 14.32-ին և 14.33-ին՝ ամենաթշվառ վիճակում լրված հայեր: 14.34-ին՝ նոր մեռած ամուսնու վրա սպացող կին: 14.57-ին՝ ոտք կտրված ծերուկ, լրիվ մերկ: 15.33-ին՝ բաց գերեզման: 15.36-ին՝ 500 վրան ունեցող ճամբար, 200 թարմ դիակ, մեռած կին՝ մեռած երեխան կրծքին: 15.37-ին՝ հինգ թարմ գերեզման, մեռած տղամարդ: Համամում 5000 հայ կար, որոնք տեղափորված էին վրաններում: Դրանց արանքում ընկած էր տղամարդու դիակ: Տեղի ժանդարմները բողոքել են, թե ամեն օր նոր հայեր են գալիս, բայց ուտելու բան չկար, դրա համար էլ աշխատում էին սովորական մերին, որքան հնարավոր էր հեռու ուղարկել, որպեսզի դիակները մերձակայքում չթափվեին: Հայերն այլևս անուժ էին անգամ մեռածներին թաղելու, մանավանդ, որ գետինը սառած էր: Նրանց մեծամասնությունը տառապում էր բծավոր տիֆով: Ժանդարմներից մեկը, որը 25 օր գտնվել էր Համամում, ասել էր. «Եթե տեղում երկար մնամ, կիսելագարվեմ ականատես լինելով այդ անսահման դժբախտությանը», թե բողոքելն անհնար էր, որովհետև կառավարության հրամանով էր ամեն ինչ կատարվում:

03.02.1916 թ. ժամը 8.20-ին՝ սառնամանիք, երեք տղամարդ նստած տեղը սառել, մեռել էին: 8.50-ին՝ քայլայված դիակ: 9.11-ին՝ կմախք գուլպաներով, 9.40-ին՝ թարմ դիակ, նույնը՝ 10.10-ին, 10.20-ին, 10.26-ին, 10.30-ին, 10.57-ին, 11.48-ին, 12.05-ին, 12.25-ին՝ տասը թարմ գերեզման: 12.35-ին՝ տղա, որի գլխից մնացել էր միայն գանգը: 12.45-ին՝ վեց սայլեր հայ ընտանիքներով ու բեռներով, ինչպես նաև մեծաթիվ հետիւտներ, 600 վրան ունեցող ճամբար 6000 մարդով: Երեխաներ, կանայք, հանգուցյալներ, հիվանդներ՝ բոլորն էլ իրար հետ, աղտեղություն: Մի քանի տղամարդ շրջում էին ճամբարում, ոտով հարվածում գետնին պառկածներին, ստուգելու ո՞ղջ էին, թե՞ մեռած:

13.00-ին՝ Աբու Հուրեյրայրի հումք եփրատի ափ էին իջնում երկու հայ աղջիկներ դույլերով: Սառը ջրում անսովոր աշխատանքից նրանց ձեռքերը սառել, դարձել էին մուգ-կարմիր: Ճամբարում հացը լրիվ սպառվել էր: 14.27-ին՝ սպիտակ կտորի մեջ փաթաթված դիակ: 14.30-ին՝ հոչոտված երեք դիակ: 14.35-ին՝ մեռնող տղամարդու վրա լացող երկու աղջիկներ: 14.36-ին՝ մեռած աղջնակ: 14.47-ին՝ փոքր աղջկա դիակ հոչոտված զաղանների կողմից, դիակի վրա պտտվող անգղներ: 14.52-ին՝ ոտները կրծված դիակ: 14.53-ին՝ մեռնող տղա, որի կողքին շուն ուտում էր ինչ-որ դիակ: 14.55-ին՝ երեք դիակ: 14.58-ին՝ մարդկային երկու զանգեր և հոչոտված կմախքներ, 14.59-ին՝ տղամարդու դիակ: 15.00-ին՝ կատաղած շուն, հագուստի կտորների կույտեր: 15.01-ին՝ ծերունու դիակ, կրծված ոտքերով ու ողնաշարով: 15.02-ին՝ մարդու ողնուղեղ և զանգ: 15.03-ին՝ կող դիակ. 15.09-ին՝ դիակ, որի գլուխն էր միայն անվնաս: 15.13-ին՝ շունը հոչոտում է դիակը: 15.15-ին՝ կմախք, առանց ոտքերի: 15.24-ին՝ երկու դիակ, անթե աղջկա դիակ: 15.25-ին՝ երկու, իսկ 15.30-ին՝ մերկ դիակներ: 15.34-ին՝ գանգ և հագուստներ: 15.37-ին՝ դիակ կողքին շուն: Նույնը 15.43-ին: 15.45-ին՝ վրանային ճամբար՝ 600 վրան, 6000 մարդ: 15.53-ին՝ դիակ, նույնը 15.59-ին և 16.03-ին: 16.04-ին՝ կմախք ու մի կերպ քայլող երեխա: 16.08-ին՝ դիակ: Նույնը 16.12-ին, 16.13-ին, 16.23-ին, 16.24-ին, 16.37-ին, 16.50-ին. 16.55-ին: Մեսքենեի դիմացը խոչոր ճամբար՝ 2000 վրան և 10.000 մարդ, ամենուրեք կեղտ, կղկղանք:

Փաստերը շարադրելուց հետո արվում է հետեւյալ ընդհանրացումը. «Ես սեփական աչքերով տեսա մոտ 100 դիակ, նույնքան թարմ գերեզմաններ Դեր Զոր-Մեսքենե ճանապարհաւատվածում: Այդ թվերի մեջ չեն մտնում բնակավայրերում խմբով թաղվածները: Տեսա 20 հազար հայ: Իհարկե, բռնագաղթվածների թիվը շատ ավելի մեծ էր, քան ես տեսա: Ես չեմ տեսել եփրատի ձախ ափում եղած հայերին: Եփրատի ջրերը, անապատի ավազները դարձել էին հայ ազգի գերեզմաններ»: Ընտանիքների քայլայելը, դրանց պաշտպանելու ընդունակ տարրի՝ տղամարդկանց, նախապես ոչնչացնելը, անպաշտպան կանանց, երեխաններին ու ծերերին սաղիստական միջոցներով հետևողականորեն ոչնչացնելը, կտտանքի, արհեստականորեն ստեղծած տաժանակիր պայմանների, սովի, ծարավի, համաձարակների, հյուծվածության միջոցով հարյուր հազարների մեղքնելը, մեծ ու փոքր ապաստանոցներում հոչոտելն ու մորթելը չայոց ցեղասպանության բովանդակությունն է ու, միաժամանակ, թուրք այլամերժների հետապնդած նպատակների իրականացման միջոցները: Անգամ բանտն էր շատ համարվում հայի համար: Նրա կործանման «ամենաարտադրողական» միջոցը համարվեց անապատը: «Նույնիսկ ոճրագործության համար դատապարտված հայերին բանտերում մի՛ պահեք, անմիջապես առաջ (Դեր Զոր) ուղարկե՛ք», - հրամայում էր Թալեաթեր¹: Նրա մի այլ ծածկագիր հանձնարարում էր ինթիլիում և Այրանում երկաթուղու շինարարության վրա աշխատող հայերին ժամանակավորապես, մինչև շինարարության ավարտը, անապատ չքշել, բայց անթույլատրելի էր համարում նրանց կանանց ու երեխաններին տեղում թողնել և պահանջում էր «անմիջապես ուղարկել» անապատ²:

Եվ ապա. «Պապի մէջ ոչ մէկ հայու մնալը պիտի արտօնէք: Գաղթական-ներու առաքման առթիւ ձեր կողմէ ցոյց տրուելիք խստութիւնն ու արագութիւնը միայն կրնան ապահովել այն նպատակը, զոր կը հետապնդենք: Միայն թէ պէտք է ուշադրութիւն ընէք, որ ճամբանները դիակներ չմնան ... Փոխադրութեան միջոցներ հայթայթելով մի՛ զբաղիք: Գաղթականները հետիւոտն ալ կրնան երթալ:

Այս օրերս մեզի դրկուած շաբաթական մահերու ցուցակը գոհացուցիչ չէ: Ատկէ կը հասկցուի, որ այդ մարդիկ (հայերը) հող շատ հանգիստ կ'ապրին: Գաղթականներու առաքումը պէտք չէ, որ ճամբորդութեան մը նմանի: Բողոքի, ողբի կարեւորութիւն մի՛ տաք» (Ա. Նուրի)³:

Մեսքենեից հյուսիս Պապի ուղղությամբ և նաև Դեր Զորից Ռաս-ուլ-Այնի ուղղությամբ գտնվող հայկական խոշոր ճամբարները հարկադրված են սպասել իրենց տեղափոխությանը: Թուրքիայում ամենուրեք, որտեղ անապատը գտնվում էր բնակավայրերի հարևանությամբ, նույն տեսարաններն էին՝ հարյուր հազարավոր ողբերգություններով:

«Թուրքերը հայերին անվանում են ո՛չ թե գերիներ, այլ՝ «տեղահան-

¹ Անտոնեան Ա., նշվ. աշխա., էջ 81:

² Նույն տեղում, էջ 60:

³ Նույն տեղում, էջ 91-92:

ქადანები (მოლივების ქადანები): ხელი მარტივი ამნიასარისა და ქადანის უაღმითონა კანი აღმოჩენის შემთხვევაში მომდევნო დროს განვითარებული არის ასეთი კონკრეტური მოვალეობა:

- Ի՞նչ է կատարվելու նրանց հետ, - Հարցնում էին թուրքերին:
 - Նրանք կմեռնեն, - լինում էր պատասխանը¹:

Պապում գաղթականների առաքումը գլխավորում էր գաղթականական տնօրինության ծառայող Մուհարրեմը՝ Բաղդադի նախկին ոստիկանապետը, որն արյունաբրու ընչափաղց էր: Որպեսզի ընչափաղցության պատճառով ներողամտություն չդրսենորեք Հայերի Հանդեպ, նրան 150 ուկի աշխատավարձ էին նշանակել: Նայիմը նկատում է, որ «այդ մարդը հաղարավոր Հայեր կոտորեց»:

Գերմանական մի գործակալ Հայտնում է, որ Զերաբլուսի ու Դեր Զորի արանքում Եփրատի ափին կուտակվել էր 150-200 հազար հայ, գրեթե ամբողջությամբ կանայք ու երեխաներ: «Անհնար է բառերով ներկայացնել այդ խեղճ մարդկանց տանջանքները, որոնց մեծ մասը հրվանդ է սննդի անբավարության և չարչարանքների պատճառով... Մեսքենեռում 4000 հայ տեղափորվել էր վրաններում, որոնցից յուրաքանչյուրում կային հիվանդներ ու հոգեվարքի մեջ գտնվողներ, շատերն անօգնական պառկած են կիզիչ արևի ձառագայթների տակ: Շատերը կենդանի նետվում էին ընդհանուր գերեզմանափոսերը՝ խնդրելով իրենց նույնականացներից ազատվելու համար»:

Իսկ ձմունը Պապի գաղթականներին 24 ժամ ժամանակ տրվեց ճամփա ելնելու, վկայում է Նայիմը. «Եղանակը՝ ձմեռ, ոտքերնէն մինչեւ զլուխնին՝ մերկ, այս վիճակին մէջ... Ճամբաներուն եզերքը կ'ինային կը մեռնէին: Պապէն մինչեւ Մեսքենէ ճամբուն երկայնքը, արտերը հայու դիակներով լեցուեցան»: Այդ մասին լսելով, «կառավարութիւնը իրար անցաւ» և հրամայեց շտապ թաղել, որ օտարերկրացիները չտեսնեն:

Ականատեսը պատմում է, որ երկու ու կես օրվա ընթացքում որ ինքը անցկացրեց Պապում, 1029 հայ մեռավ սովից²:

«Մեռելներուն քանակութիւնն ամէն 15 օրը անզամ մը ծածկագրով կը տեղեկագրուէր Պոլիս»³:

Սակայն ոչնչացման ընթացքը Ա. Նուրիխն դանդաղ էր թվում և նա մեկնեց Պապ՝ այդ գործն անձամբ ղեկավարելու: «Ամենազարհուրելի տեղահանութիւն մը կատարեցին Հռն, վրանները այրելով, գաղթականներու վրայ զէնք պարպելով: Միակ օրուան մը մէջ էյուալ պէյը 17,5 Հազար գաղթական քշեց առանց կառքի, առանց ջորիի, հետիւոտն, անձրեւուն տակ: Հարիւրաւորներ, որոնք հիւանդ էին, չէին կրնար քալել, ինկան ու մեռան եւ իրենց դիակները մնացին ցեխի մէջ»: Բնիկները խոշտանգում էին մեռնողների մարմինն ու մեռածների դիակները:

¹ Сл/и "Армянский вопрос и геноцид армян в Турции (1913-1919). Материалы Политархива МИД Кайзеровской Германии", сост. В. Микаелян. Еր., 1998, с. 306-318.

² Ապահովեն ֆ.. ն,վ. ա,իս.. էջ 259-260:

³ Անտոնեան Ա., նշվ. աշխ., էջ 106-107:

**Մումբուջի թաղապետության տնօրեն Հյուսեին Ֆեհմին մի 10 տարեկան
երեխայի գաղանաբար ծեծեց ու կենդանի թաղեց¹:**

«Կառավարությունը- գրում է Նայիմը,- կը պահանջէր, որ հայուն կեանքն
ու պատիւը փճացուին: Այլեւս անոնց համար ապրելու իրաւունք, գոյութեան
իրաւունք չէր մնացած»:

Պապից եկող աքսորյալների գնացքակազմը ողբալի վիճակում էր:
Մահացությունը շատ բարձր էր և գնալով աճում էր: Մարդիկ ազահությամբ
ուտում էին վայրի բույսեր, արմատապտուղներ, կուլ էին տալիս անգամ
ընտանի շների ու կենդանիների մսեր: Եվ այդ ամենը՝ նրանց ուղեկցողների
դաժան վերաբերմունքի պայմաններում, ժանդարմները չէին քաշվում այդ
դժբախտներից շորթելու վերջին ունեցվածքը: Ռաքքայում տարագրյալներով
բեռնված 50 նավակներից Դեր Զոր հասավ միայն 20-ը: Դեր Զորում մի քանի
օրում հավաքվեց 40 հազար հայ, որոնք հարավ ուղարկվելու էին:

Բ. Ռոները 1916 թ. հունիսի կեսերին Հալեպից գրում է. որ սկսած ապրիլի
29-ից Մարաշում ամբողջ թափով տեղահանում են քաղաքում մնացած 9000
հայերին: Ռաս-ուլ-Այնի համակենտրոնացման ճամբարում ապրիլի վերջերին
կար 2000 ձերբակալված, իսկ այժմ գրեթե դատարկ է: Ոմանք դեռևս կենդանի
են: Հալեպ հասած հայերի բախտը դեռևս անորոշ է: Վալին հայտարարում է,
թե տեղի որբանոցներից շատ երեխաների ուղարկել է Կոնիայի, Էսքիշեհիրի և
Կ. Պոյսի որբանոցները²:

Հալեպում դեռ 1915 թ. գործում էին մի քանի որբանոցներ, որոնց մասին
հոգ էին տանում կրոնական տարբեր կազմակերպություններ: Այդ քաղաքում
1916 թ. հունիսի 1-ին կար 4000-5000 տեղահանված հայ, որոնք թշվառ կյանք
էին վարում և մշտապես փախուստի մեջ էին: Նրանց անվերջ տեղից տեղ էին
քշում, մասսամբ տեղափորում քաղաքից դուրս գտնվող բռնազաղթի ճամբար-
ներում: Հազարավորներ աքսորվեցին և քաղցից մեռնում էին ճանապարհնե-
րին: Բ. Ռոների գլխավորած հաստատությունը 1400 որբ էր պահում: Համա-
մում կար 200 երեխա: Տեղում եղած 20 հազար բռնազաղթվածների ճնշող մե-
ծամասնությունը մեծ կարիքի մեջ էր: Համամում 1000 և մերձակա գյուղերում
6000 հայեր մի կտոր հաց չունեին: Այստեղ ևս շատերը մեռնում էին քաղցից:
Դեր Զորում և ավելի հարավ՝ Մեջինում, կարիքն ահավոր էր: Հազարավորներ
Դեր Զորից ուղարկվում էին Մոսուլ, իսկ այնտեղից՝ Անա: Ճանապարհները
լեցուն էին դիակներով: Քարողիչ Վարդան Երեմեյը Համամից գրում է. «Ճանա-
պարհին մնացած բռնազաղթվածների բոլոր խմբերը հարավ են քշվում: Դա
նման է մարդկային անընդմեջ հոսքի: Պատահում է, որ այդ սովորական խորո-
վում են դիակները, ձիու փթիրի մեջ գարու հատիկներ որոնում: Ռաքքայում
մոտ 5000 բռնազաղթված կար: Բոլոր արաբների տներում կարելի էր հայ
կանանց և աղջիկների գտնել: Մեր գայմազամը յոթ աղջկա էր տիրացել: Արու
Հերեյրայում 2500 վրան կար, սակայն բոլորը պարտադրված էին անընդհատ
քայլել, առաջ գնալ, հաճախ՝ առանց մի կտոր հացի»³:

¹ Անտոնեան Ա., նշվ. աշխ., էջ 107-108:

² Archiv Berlin-Mission, Archiv des Dr. Lepsius Orient Mission, 1916, № 127.

³ R 14092 Ab 17939.

Ռեռուլերի ունեցած տվյալներով՝ Ռաքքայում «6600 հայեր դատապարտված էին սովամահության»: Դա հաստատեց նաև Քյունցլերը՝ ճամբարներ այցելելուց հետո¹:

Ռաքքան փոքրիկ քաղաք է Եփրատի ափին, Դեր-Էլ-Զորից հյուսիս: Հայ գաղթականները Ռաքքա քշվեցին նույնպես Եփրատի ձախ ափի անջուր անապատով: Նպատակը, ինչպես խոստովանել էր Մեսքենեի մյուղիր Հուսեինը, որպեսզի հայերը «մեծ մասամբ փանային և Դեր Զորի մեջ նրանց ամբողջությունը ջարդելու ծրագիրը հեշտանար»:

Իսկ թե գաղթականնությունն ի՞նչ արագությամբ էր կուտակվում Մեսքենեություն, վկայում են Ա. Անտոնյանի անտիպ տետրակներից մեկի հետեւյալ տողերը. «Մինչեւ Հիւսէին էֆէնտի պաշտօնի անցած ատենը հաղի 20.000 գաղթական կար այստեղ, մէկ օրէն միւսը 100.000-էն անցաւ գաղթականներուն թիւը»:

Սակայն Մեսքենեն գաղթականներով որքան արագ լցվում, նույնքան արագ էլ դատարկվում էր՝ գաղթականներին անմիջապես քշում էին ավելի հարավ կամ պարզապես ոչնչացնում էին:

Օգոստոսի 20-ի շրջանում Պապի խուժանը կեղծ լուրերի պատրվակով հարձակվեց 30 հայ ընտանիքների վրանների վրա և 12 հոգու վերքեր հասցրեց:

Նույն ամսվա 13-ին տեղի կառավարիչը հայտարարել էր, թե հայերից ով ցանկանում է արտասահման գնալ, կարող է մեկնել, պայմանով, որ այս չպետք է վերադառնա: Եվ յուրաքանչյուրը պետք է ունենա Ձեմալ փաշայի թույլտվությունը: Հայերը հասկացան, որ դա ծուղակ էր՝ ով թույլտվություն խնդրեր՝ փանգվելու էր: Որոշ ժամանակ անց նոր հրաման եղավ՝ որևէ մեկը 4-րդ բանակի տեղակայման գոտուց հեռանալ չի կարող առանց էնվեր փաշայի թույլտվության:

Սկզբում Հալեպից բռնագաղթեցնում էին Համա, ապա հայերին տանում էին Ռաքքա՝ Դամասկոս ուղարկելու համար, որից մինչև Մեռյալ ծովից հարավ-արևելք ընկած Կարակի տարածքները համարվում էին վերջնական գաղթական:

Մի բողոքական հայ մեկ առ մեկ գրանցում էր էրզրումի, Սեբաստիայի, Դիարբերիրի և Խարբերդի վիլայեթներից Հալեպ հասած հայերին: 35-45.000 բռնագաղթվածներից տեղ էին հասել 13.000-ը, որոնց մեջ չկար 11 տարեկանից բարձր արական սեռի որևէ մեկը: Ոչ ոք չկարողացավ հերքել նրա տվյալները:

Ռաս-ուլ-Այնի երկաթուղում աշխատող եվրոպացի երկու ինժեներներ Բաղդադի երկաթուղու ղեկավարությանը տեղյակ պահեցին, որ գնացքը Ռաս-ուլ-Այն հասցրեց 300-400 մերկ կին: Այստեղ ևս հայերը թալանվում էին չեչենների ու ժանդարմների կողմից: Մի կնոջ բռնաբարեցին ուժ հոգի, կինը նետվեց երկաթուղու ռելսի վրա՝ իր կյանքին վերջ տալու համար:

Լեռ ինժեներներից մեկը նկարագրում է Մոսուլից Ռաս-ուլ-Այն ընկած տարածքները՝ լրաց գյուղեր, դիակների հոտ, ավագի վրա արյան հետքեր:

Համաձայն երկաթուղային վարչության տեղեկանքի՝ 1915 թ. օգոստոսին ամեն օր տեղ էր հասնում մի գնացք, շաբաթը երկու գնացք հյուսիս-արևելքից,

¹ R 14096 Ab 16719.

որոնք Մարաշի ու Այնթապի հայերին հասցնում էին Ակչե Կոյունլի կայարան, երկու գնացք հյուսիս-արևմուտքից՝ Ալեքսանդրետի, Բեյլանի և մերձակա բնակավայրերի հայերին հասցնում էին Կաթմա կայարան։ Այս չորս գնացքներն անցնում էին Հալեպով և երկար կանգ էին առնում տեղի կայարանում, սակայն ուղևորներին խստագույնս արգելված էր քաղաք մտնել։ Հալեպից շարաթը մեկնում էր երեք գնացք՝ արևելքից եկած աքսորյալներին տեղափոխելու համար։

Նայիմը գրում է. «Աղէտներու, թշվառութեան, հիւանդութեան հետեւանքով օրական 7-800 հայ կը մեռնէր։ Ասոնց դիակները ճամբաները, ցեխի մէջ կը լցուէին եւ գիշատիչ թռչուններ ծակ-ծակ ըրած էին զանոնք։ Գերման և ավստրիացի ականատես սպաներ այդ տեսարանները լուսանկարելով կը դրկէին իրենց երկիրները»¹։

Ռաս-ուլ-Այնում չերքեղներն իրենց իսկ սպանած հայ կանանց մազերից 25 մետր երկարությամբ պարան հյուսեցին և նվիրեցին դիարբեքիրցի խորհրդարանական Ֆեյզին, որն այն դարձրել էր սենյակի զարդ, որպես փառապատճեն իր ոճագործությունների։

Արար երկու սպաներ 1916 թ. փետրվարին այցելեցին Ռաս-ուլ-Այնի համակենտրոնացման ճամբարը։ Նրանք այնտեղ 1200 հայ գտան։ Շուտով նրանցից ոմանց այնտեղից հեռացրեցին սպանելու համար և փոխարենը ուրիշ հայեր բերեցին։ Զեթենները «պաշտօնական հրաման» էին ստացել հայերին երկու տարբեր վայրեր տանելու, գաղտնի հրամանն էլ պահանջում էր տղամարդկանց վերացնել։ Նույն ճակատագրին պետք է արժանանային նաև երեխաներն ու տարեց կանայք, իսկ երիտասարդ կանայք բաժանվելու էին Ուրֆայի հարթավայրի մահմեղական տղամարդկանց։ Ոստիկաններից մեկը խոստովանեց, որ տարագիրներին ուղեկցելու ընթացքում տարբեր ճանապարհներին սպանել է 100 հայ²։

Ովքեր ավելի քիչ են հետիոտն քայլել, - գրում է Ռեոպերը 1915 թ. սեպտեմբերի 27-ին, - դեռևս ունեին իրեր ու դրամ։ Սակայն նրանց այդ վիճակը ևս երկար չտևեց, մանավանդ, երբ հրաման ստացվեց հայերին ուղարկել Դոր Զոր և Մոսուլ։ Փրկվեցին քչերը, այն էլ տեղական հողատերերի օգնությամբ։ Շատ կանայք անհետացան հարեմներում, իսկ երեխաները մեծացան մահմեղական։ «Կ. Պոլիսը լուրջ սխալ է թույլ տալիս եզիպտոսի դեմ պատերազմելու միակ տանելի ճանապարհը լցնելով տասնյակ հազարավոր մարդկանցով՝ տարագրվածներով»³։

Պ. Շեֆերի 1915 թ. նոյեմբերի 16-ի տեղեկագրում կարդում ենք, որ նախորդ օրը 50-60 հոգի հարձակվել են Օսմանիեի վրանային ճամբարի վրա և դանակներով խոշտանգել շատ տարագրյալների, վրանի շուրջն անթաղ դիակներ էին։ Տիփով հիվանդ էր յուրաքանչյուր երրորդ վրանը։ Տարագիրները տեղից տեղ փոխադրվում էին հիմնականում հետիոտն զինվորների ու

¹ Անտոնեան Ա., նշվ. աշխ., էջ 154:

² "Le crime...", p. 98-99.

³ R 14088 Ab. 30049.

ոստիկանների հրացանների խզակոթերի հարվածների տակ: Շատ երեխաներ կորցրել էին ծնողներին ու միանգամայն անպաշտպան մնացել:

Բ. Ռոները պատմում է Մամուրի վրանային քաղաքը 1915 թ. նոյեմբերի 26-ին կատարած այցելության մասին: Բարակ կտորից կարված հազարավոր վրաններ, տարբեր սեռի ու տարիքի անհամար թվով մարդիկ: Սովալլուկ երեխանների ու կանանց մի խումբ կրնկակոխ հետևում է մեզ՝ թախանձագին կանչելով. «Խանում Հաց», «Խանում, արդեն երկու օր է բան չենք կերել»: Նոր էինք հաց բերել, երբ հանկարծակի հրաման հնչեց՝ շարժվե՛լ, մեկնում ենք: Ով չէր հասցնում արագ հավաքել վրանը՝ սվինով պատառուում էին: Ականջ էր խլացնում ծերերի, հիվանդների ու աղքատների ողբը. «Մենք այլևս չենք կարող, թողե՛ք այստեղ մեռնենք»: Կարավանը շարժվեց հետևում թողնելով 57 դիմակ, մի ամբողջ վրան ծանր հիվանդներ: Եղավ մի օր, երբ այս ճամբարում 580 դիմակ թաղեցին¹:

Գերմանացի պաշտոնատար Բաստենդորֆը 1915 թ. գեկտեմբերի 18-ին գրեց Ռեուլերին, թե հունիսի 12-ին աշխատավարձ ստանալու ժամանակ ժանդարմներն ու չերքեղները հայերին կողոպտեցին ու խոշտանգեցին: Զնայած նրանք հանդես եկան գայմագամի անունից, բայց վերջինս հրաժարվեց և պահանջեց հայերին ազատ արձակել: Հետագայում պարզվեց, որ գայմագամը ստել էր և բաժին էր ստացել հայերից կողոպուտից:

Ռաս-ուլ-Այն հասավ կարավան ոռուս-պարսկական և ոռուս-թուրքական սահմանամերձ շրջաններից: Կանայք ու երեխաններ էին, քրդերի կողմից կողոպտված, առանց ապրուստի որևէ միջոցի: Նրանց հավաքեցին լճափին՝ բաց երկնքի տակ: Ամեն օր նոր կարավաններ էին գալիս և շուտով տարագրյալների թիվը 10.000-ի հասավ: Սկսեցին նրանց մաս-մաս Դեր Զոր ուղարկել: Գեղեցիկ կանանց ու աղջիկներին չեչեններն ու արաբները տարան; Հենց Ռաս-ուլ-Այնում ժանդարմները կանանց աշխատյա առևտուր սկսեցին: Հայերի վրա վերահսկիչ կարգված ոմն նուրի Շահան բացեիրաց հպարտանում էր, որ երանություն է ապրում, երբ 12 տարեկանից փոքրերին զրկում է կուսությունից:

Թել Արփաղում զինվորները ծեծեցին ու կողոպտեցին բոլոր հայերին: Մի իշխանատան մեջ լցրել էին 3000 կին և երեխա, որոնք եկել էին Ամասիայից, 3-4 ամիս գտնվել էին ճանապարհին, քաղցած էին, հիվանդացել էին դիղենտերիայով ու տիֆով: Գայմագամը նրանց սնունդ չտվեց: Մոտ 1000 մարդ մեռավ մի ամսվա ընթացքում:

Տիֆի տարածման առաջն առնելու համար հայերին տեղափոխեցին Ահնէլ-Արուս, որը 5 կմ հեռավորության վրա էր: Սակայն չուրջ 100 հոգի այնքան հյուծված էին, որ քայլել չկարողացան: Նրանք բոլորը մեռան «նոր բնակավայրում»:

«Ես տակաւին... Ռաս-ուլ-Այնի Ռեժիփի քարտուղար էի, - գրում է Նայիմը, - գիւղին գէմը, գետին եղերը թափուած հարիւրաւոր կիներէ ու մանուկներէ բաղկացեալ թշուառներու կարաւան մը տեսայ: Ասոնք ամէն օր, առաւօտուն, գիւղ գալով կը մուրային...»

¹ Archiv Berlin-Mission.

... Երբ ձմեռը վրա հասաւ, այլեւս շարունակ գիշերուան խոր լոռութեան մէջ կը լսուէին ցուրտէն եւ անօթութենէ հոգի տուողներու հեծեծանքները...

Եղերական բան մըն էր անոնց մահը, բայց անհատապէս աւելի հոգեյոյդ տեսարան մը կը դառնար, երբ շուներ կը յօշոտեին անոնց դիակները:

5-6 նահանգներու մօտաւորապէս մեկ միջիոն բնակչութիւնը տեղահան կ'ըլլար: Մինչեւ որ իրենց աքսորավայր գային՝ իւրաքանչիւր կարաւանէ հաղիւ 100-150 կիներ ու տղայք կը մնային, ինչ որ կ'ապացուցանէր թէ անոնք կոտորուելով կը բերուէին»¹:

Նայիմին տեղափոխում են Հալեպ՝ աշխատելու գաղթականության կոմիտեում:

Նա հիշում է. «Մինչդեռ Ռաս-ուլ-Այն կը գտնուէի, աչքովս տեսնելով հանդերձ, չէի հասկցած այն ոճիրներուն նպատակը: Անոնց բնոյթն ու հոգին ետքէն կրցայ ըմբռնել: Հասած գաղտնի ծածկագիրները, քանի կ'արձանագրէի, դող կու գար վրաս: Մեծ ազգ մը իր կիներով եւ ձագուկներով մահուան դատապարտուած էր»²:

Պոլիսը տվյալներ էր պահանջում նաև որոշակի անձանց ոչնչացման մասին: Ա. Նուրին նման մի պահանջի 1915 թ. զեկտեմբերի 13-ին (№ 51) պատասխանում է, որ Պոլսին հետաքրքրող անձինք. «Ռաս-ուլ-Այն կը գտնուին, այս տեղէն զրկուած պաշտօնեայի մը ձեռքով, նախարարական հրամանին համաձայն, անոնց մասին հարկ եղած գործողութիւնը կատարուած ըլլալը եւ եղելութիւնը կուսակալութեան կողմէ նախարարութեան տեղեկագրուած ըլլալը կը ծանուցանենք»³:

Մի զեկուցագրում կարելի է կարդալ հետևյալ նկարագրությունը. «Ձերարլուսի և Դեր-էլ-Զորի միջն կային երկի 150.000-200.000 հայեր, գրեթե միայն կանայք ու երեխաներ: Բառերն անուժ են նկարագրելու համար այս թշվառների տառապանքները: Նրանք թուլացել էին հիմնականում զրկանքներից ու վատ վերաբերմունքից: Մեսքենեի շրջանում մեր վստահելի անձը հանդիպել է մոտավորապէս 4000 հայերի, որոնցից ոմանց տեղավորել էին վրանների տակ: Յուրաքանչյուր վրանում կային հիվանդներ և մահամերձներ: Շատերը պառկած էին բարկ արևի տակ և նրանց ոչինչ չէր պատսպարում...

Կառավարության նշանակած սնունդն առավել քան անբավարար քանակությամբ էր: Մարդիկ ագահորեն մորեխներ, եփած կամ հում խոտի արմատներ, նոյնիսկ թափառական չներ ու սատկած անասուններ էին ուստում»⁴:

1916 թ. ապրիլի 6-ին Ռետուլերը տեղեկացնում էր, որ չերքեզները (իրականում՝ չեչենները) կոտորել են Ռաս-ուլ-Այնի համակենտրոնացման ճամբարում գտնվող 1400 հայերի մեծ մասին, որոնք անզեն են եղել⁵:

1916 թ. ապրիլի 22-ին մի գերմանացու՝ տեղում անցկացրած քննությունը հնարավորություն տվեց հաստատելու հետևյալ փաստերը. «Ամեն օր կամ

¹ Անտոննեան Ա., նշվ. աշխ., էջ 152:

² Նույն տեղում, էջ 153:

³ Նույն տեղում, էջ 174:

⁴ "Le crime...", p. 132.

⁵ Լեփսիուս Յո., նշվ. աշխ., փաստ. № 157, 345:

գրեթե ամեն օր, մի ամիս շարունակ, 300-500-ական աքսորականների հեռացրել են ճամբարից և ոչնչացրել Ռաս-ուլ-Այնից մի քանի տասնյակ կիլոմետրի վրա: Դիակները նետվել են Կիեպրի՝ Փոքր Ասիայի քարտեզի վրա Զիրջիր էլ Համուր անունը կրող գետը, որի ջրերը տարվա այդ եղանակին բարձրանում են: Մի սպա Ռաս-ուլ-Այնի գայմագամից բացատրություն է պահանջել այդ սարսափելի արարքների համար: Վերջինս անկեղծորեն պատասխանել է. «Ես ենթարկվում եմ հրամաններին»:

1916 թ. ամրիի ջարդերից փրկված 2000 հայեր ոչնչացվեցին Դեր-էլ-Զորի ճանապարհի վրա¹:

Որպես կանոն աքսորյալներն այնքան ժամանակ իրավունք ունեին մնալու համակենտրոնացման ճամբարներում, որքան դեռևս դրամ ունեին: Հենց որ դրամական միջոցներն սպառվում էին, նրանց ավելի հեռու էին քշում, դեպի ամայի վայրեր, որտեղ նրանք դատապարտված էին սովամահ լինելու: 1916 թ. մայիսի 4-ին, Մոսուլի գերմանական հյուպատոսությունը տեղեկացնում է, որ «թուրքական հատուկ հանձնաժողովները», առանց խղճի խայթի, առանց աքսորականներին ամենաչնչին հանգստի հնարավորություն տալու նրանց անդադար մի վայրից մյուսն էին քշում²:

1916 թ. ամռան վերջին Եփրատի երկայնքով տեղափորված ճամբարները մեծ մասամբ «դատարկված» էին: Բոլոր տարագիրները սպանված կամ մեղքած էին³:

Ջարդերը հիմնականում տեղի ունեցան Դեր Զորի և Ռաս-ուլ-Այնի միջև ընկած տարածքներում: Հայերին հաշվեհարդարի ենթարկող գլխավոր ուժը չեչեններն էին:

Դեր Զորի համակենտրոնացման ճամբարների մասին Գերմանիայի հյուպատուր գրում է. «Անհնար է նկարագրել այն սարսափելի տպափորությունը, որ ինձ վրա թողեցին հայկական այդ ճամբարներ իմ այցելությունները: Դրանք տեղափորված էին Եփրատ գետի երկայնքով, հատկապես գետի աջ ափին, Մեսքենեի ու Դեր Զորի միջև: Հազիվ թե նրանց կարելի լինի ճամբար անվանել, որովհետև այդ դժբախտների մեծ մասը, բռնությամբ պոկված իրենց օջախներից, ուժով քշված հայրենի երկրից, բաժանված իրենց ընտանիքներից, զրկված իրենց ողջ ունեցվածքից, տեղափորված էր փարախի մեջ բաց երկնքի տակ, անասունների նման, առանց որևէ ծածկի, գրեթե առանց հագուստի: Նրանց կերակրում էին ոչ միշտ և չնչին ուտելիք էին տալիս⁴:

“The Missionary Review of the World”-ի 1916 թ. հոկտեմբերի համարում կարդում ենք. «Մեսքենեում 3.500 աքսորված հայերի և ավելի քան 100 որբերի հանդիպեցի: Զկար մի վրան, որտեղ մահամերձներ և հիվանդներ չինեին: Ով չէր կարողանում մուրալով մի կտոր հաց ձեռք բերել, ուտում էր ինչ խոտ որ պատահեր: Հարյուրավոր հիվանդներ մնացել են առանց ծածկի, այրող արևի տակ: Տեսա մի քանի հուսահատվածների, որոնք նետվեցին իրենց զերեզման-

¹ Լեփսիուս Յո., նշվ. աշխ., փաստ. № 287:

² Նույն տեղում, փաստ. № 263:

³ Նույն տեղում, փաստ. № 290:

⁴ ԱՀ Արմ. ՀՀ Արմ. ԱՊՀ, Եկոլլետեն, 1984, № 4.

խրամատի մեջ և խնդրեցին թաղել իրենց»:

«Դեր Զորում և նրա շրջակայրում չուրջ 30.000 հայ կար: Դրությունը հատկապես սարսափելի էր Դեր Զորի կազայում»:

Հալեպից արևելք, Եփրատի ափին Մեսքենեի ճամբարում,- զրում է ֆ. Նանսենը,- իրենց՝ թուրքերի, ասելով, հողի մեջ խրված էր սովից մեռած 55 հազար հայ:

Սիրիայի և Միջազգետքի սահմանի վրա գտնվող Մեսքենեն հանդիսանում էր անատոլիական վիլայեթներից աքտորված հայերի փոխադրումների համակենտրոնացման կետը: Այստեղից հայերին բաժանում էին Եփրատի երկայնքով մեկ: Նրանք գալիս էին տասնյակ հազարներով և մեծ մասը իր մահը գտնում էր այդ տարածքներում: «Մեսքենեի մեծ դաշտավայրը խիստ տիսուր և ձնչող տպավորություն է թողնում»:

Տեղեկությունները,- պատմում է տեղում ուսումնասիրություններ կատարած մի եվրոպացի,- որ ես ստացա տեղում, իրավունք են տալիս ասելու, որ այստեղ թաղված է մոտավորապես 60.000 հայ, որոնք զոհ են գնացել սովին, զրկանքին, դիզենտերիային և տիֆին: Ինչքան մարդու աչքը կտրում է՝ կարող է տեսնել հողաթմբեր, յուրաքանչյուրի տակ՝ մոտավորապես 200-300 դիակ՝ կանայք, ծերունիներ, երեխաներ, բոլորն իրար խառնված, տարբեր տեղերից և ընտանիքներից:

«Մի վրանի տակ, որը ծածկում էր ընդամենը 30 քառ. մետր տարածք, տեսա մոտավորապես 400 սովալլուկ որը երեխաների: Այս դժբախտ երեխաները օրական ստանում են 150 գրամ հաց: Հաճախ պատահում է, որ նրանց 2-3 օր թողնում են առանց սննդի: Բնական է, որ մահերը սարսափելի շատ էին: Ութ օրվա ընթացքում, ինչպես անձամբ կարողացա պարզել, փորհարեքը 70 երեխա տարավ»:

Արու Հարարը մի փոքր տեղանք է, ընկած Մեսքենեի հյուսիսային մասում՝ Եփրատի ափին: Դա անապատի ամենավատառողջ տեղն էր: «Գետից երկու հարյուր մետր հեռու ընկած մի բլուրի վրա տեսա 240 հայ՝ երկու ժանդարմի հսկողության տակ, որոնց անկարեկից հայացքի առաջ քաղցի զարհուրելի տանջանքներից մեռնում էին: «Այն տեսարանները, որոնց ես ականատես եղա, վեր են դաժանության մասին ամեն տեսակի պատկերացումից: Այստեղ, որտեղ կանգ առավ իմ կառքը, տեսա կանանց, որոնք մեր մոտենալուն պես, իրենց զցեցին ձիերի թրիքի վրա և սկսեցին քթթել ու հանել այստեղ գտնվող չմարսված զարու հատիկները, որպեսզի ուտեն: Ես հաց տվեցի նրանց: Սովոր չների նման նրանք հարձակվեցին հացի վրա և ատամներով, դողողալով ու ընկնավոր ցնցումներով սարսափելի ազահությամբ պատառուեցին հացը: Եվ երբ ինչ-որ մեկը այդ 240 դժբախտներին, ավելի ճիշտ՝ յոթ օր բան չկերած 240 սովյալ գայլերին, հայտնեց իմ ժամանակն մասին, ողջ ոհմակը բլրի վրայից ներքե սուրալով հարձակվեց ինձ վրա: Դեպի ինձ էին երկարում կմախքացած ձեռքերը, խոպոտ աղաղակով ու հեծլտանքներով ինձնից մի կտոր հաց աղերսում: Նրանք միայն կանայք և երեխաներ էին: Հազիվ 20 ծերունի կար: Վերադարձին ես նրանց հաց բերեցի, և մեկ ժամից ավելի եղա կարեկցող, սակայն նաև անզոր ականատեսը հանուն մի կտոր

Հացի մղվող իսկական ճակատամարտի...»¹:

Միայն 1915 թվին 60 հազար հայ քշվեց Դեր Զոր և գրեթե բոլորը ոչնչացան: 1916 թ. ապրիլի 15-ին Մոսուլ ուղարկվեց 19 հազար հայ... Մայիսի 22-ին այնտեղ հասավ միայն 2500 մարդ: Ճանապարհին կանանց և աղջկների մի մասը վաճառվեց բեղվիններին, մյուսները մեռան սովից ու ծարավից: 1916 թ. հուլիսին Դեր Զորում կար 20 հազար գաղթական: Ութ շաբաթ անց գերմանացի մի սպա այնտեղ միայն մի քանի հարյուր արհեստավոր հայտնաբերեց ... Մարդկանց մեծ մասը մեռնում էր սովից:

Թուրքերն աշխատում են բռնագաղթի ժամանակ հայերի վրա հարձակումների ամբողջ պատասխանատվությունը գցել քրդերի վրա: Նրանք ասում են, որ այդ հարձակումները կատարվել են միայն այն վիլայեթներում, որոնք հիմնականում քրդաբնակ էին, իսկ հարավում՝ Սիրիայում, նման հարձակումներ չեղան, որովհետեւ այդ տարածքում քուրդ ազգաբնակչություն գրեթե չկար:

Ականատեսները միանգամայն հակառակ կարծիքին են:

«Մինչ Ռաս-ուլ-Այնի և Խնթիլիի ջարդերն ավարտելու վրա էին, դրանցից հարավ սկսվեցին ահավոր կոտորածներ, որոնց միջոցով Զեքի բեյը պետք է բնաջնջեր Դեր Զորում հավաքված 200 հազար հայ գաղթականներին...»

Այս կողմերը մնացած հայությունը այլևս ժողովուրդ չէր, ավելի չուտ՝ մարդկային փշրանքներ էին, որոնք համառում էին չմեռնել, նրանց մեջ կենդանի որևէ բան չէր մնացել: Իսկական արհավիրք ծավալվեց, երբ սկսեցին դատարկել Հալեպն ու շրջապատը և այնտեղ եղած հայ ժողովուրդին իջեցնել Մեսքենե: Կարավաններին վերջ չկար... Ցուրտ եղանակին, ծեծելով, մեծ մասամբ հետիոտն, քիչ զեպքերում ուղտերով կամ էշերով քշկում էին Մեսքենե: Այստեղ էլ մնալ չէր կարելի: Դեպի Դեր Զոր: Ռաս-ուլ-Այնի ջարդերի լուրը հասել էր նաև Մեսքենե: Ամիսներ շարունակ տևող կոտորածները չէին կարող գաղտնի մնալ նույնիսկ անսապատում...»

Ոստիկանությանը հրամայված էր ճանապարհին քաղցածներին ու ծառավներին թողնելու միջոցով, «որքան հնարավոր է փոքրացնել գաղթականների թիվը»:

Պատմում է Դեր Զորի ջարդարաններից Մահմուդը. Ռաս-ուլ-Այնի գայմագամը 2000 գյափուրներ ինձ հանձնեց: Դրանք կողոպտված մարդիկ էին: Որևէ շահի հույս չունեինք, բացի նրանց վրայի հագուստներից, քիչ թե շատ զարդեղներից ու ոսկի ատամներից... Տղամարդկանց կանանցից առանձնացրինք: Նրանք թվով 500 էին: Կանանց էլ մերկացրեցինք, ոսկե ատամները քաշեցինք բերաններից: Պետք է ասեմ, որ կատարյալ ատամնաբույժներ ենք դարձել: Մինչ մենք կողոպուտը ձիերի վրա էինք բառնում, կանանց ու մանուկների աղաղակները օդն էին թնդացնում: Ամեն տեսակ գործիքներ ունեինք՝ կացին, սուր և այլն, և այլն: Մանուկները օդը նետելով ճիշտ գետին ընկած պահին ցցված սրի վրա բերողը, բոռնցքի մի հարվածով մանկան գանգը փշրողը, մանկան վիզը կծելով նրա գլուխը կտրողները պարզեատրության էին

¹ АН Арм. ССР, Бюллетень, 1984, № 4.

արժանանում: Կանայք մանուկներից ավելի ուժեղ էին: Չնայած նրանք արևից, սովոր ու ծարավից դալկացած էին, բայց մեր քաջերի ախորժակը մեծ էր: Ամեն ինչ զինվորական ձևով գործադրեցինք...

Ըմբռուտացողների ստինքները կտրում էինք և շպրտում նրանց բերաններին և աչքերին: Այսպիսով, ըմբռուտացողը անպատճությունից չէր խուսափում, նույնիսկ եթե մեռներ:

Հղի կանայք էլ կային, որոնց համար դայակ էր պետք: Իմ քաջերը այս արհեստին էլ էին տիրապետում: Մրի մի հարգածը բավական էր, առանց որևէ ուրիշ գործողության, մանկանը մոր փորից դուրս հանելու համար: Ամեն ինչ վերջանալուց հետո ողջ մնացածներին զանազան չարչարանքներով սպանեցինք:

Հայ տղամարդկանց հեռացրեցինք, տարանք մի բաց դաշտ ու այնտեղ շարք կանգնեցրինք գիշերվա լուսնի լույսով նշան բռնելու համար: Երեք ժամ տևած մեր այս նշանառությունից ձանձրացած՝ անցանք սրի, և երբ համոզվեցինք, որ բոլորը մեռած էին, մեր մոտ եղած երեք թիթեղ վառելիքը լցրեցինք նրանց դիակների վրա ու այրեցինք: Համբավավոր մի ընթրիք արեցինք, երգեցինք, պարեցինք այդ մարդկային լուսավառության բոցերի մոտ: Լուսաբացին մեկնեցինք, երբ տակավին բոցերը աղոտ լույսեր էին արձակում ու մի ճարպային հեղուկ արտի երեսով հոսում էր չորացնելով ամեն բույս»¹:

Պատմում են Դեր Զորի գեհենից փրկված Մ. Տեմիրճյանն ու Փ. Պոյամյանը «500-600 հոգի, բոլորս այր մարդիկ, Խապուր գետի եղերքը իջևանած էինք, ուր պաշարած են մեզ չէչէն ոստիկան զինուորները: Ութ օր այդտեղ, գետին եղերքը՝ անօթի, թշուառ, այլազան տանջանքներու ենթարկուելով ապրեցանք: Ամէն առտու չէչէնները մեր վրաններէն ներս մտնելով խումբ մը կը զատէին եւ կը տանէին գետին միւս կողմը: Զէինք գիտեր, թէ ո՞ւր կը տանէին զանոնք: Գացողը չէր վերադառնար այլեւս: Մեզ նոյնպէս տարին գետի միւս ափը: Բոլորիս մերկացուցին, որպէսզի սպաննեն ու նետեն մեծ հորը: Հագուստներու դէզը բլուր մըն էր կազմած... Մահուան փոսր 3-4 քմ. Երկարութեամբ քարայրանման տարածութիւն մըն էր, որ լեցուած էր մարդկային դիակներով եւ վիրավոր ու խելագարուած խելակներով: Դիակներու գարշահոտութիւնը ամբողջ քարայրը անշնչելի դարձուցած էր: Կենդանի գերեզման մը... Երբ սպանդը կը վերջանար, խարոյէ մը կը վառէին, որպէսզի կենդանի մնացողները շնչահեղձ ըլլային...»²:

Գերմանացի զինվորական բժիշկ Մակնուս Զիրշֆելդը 1915 թ. գնում է Բաղդադ և իր «Համաշխարհային պատերազմի սեռային պատմություն» գրքի 259-264 էջերում պատմում է իր տեսած զարհուրելի արարքների մասին, որ թուրք զինվորականները գործադրում էին հայ տարագրյալների նկատմամբ Ռաս-ուլ-Այնի և Մոսուլի շրջանում: Նա գրում է. «Անապատում վրաններ էին: Հայ կանանց ու աղջիկների մի կարավան կար մեր հարևանությամբ: Գիշերը

¹ Գարիկեան Կ., նշվ. աշխ., էջ 548-550:

² Նորաշխարհեան Լ., նշվ. աշխ., էջ 78-79:

դժոխային աղմուկ բարձրացավ։ Այդ գիշեր գերմանացի զինվորներն ու սպաները քնել չկարողացան հափշտակված կանանց ու աղջիկների սիրտ բզկոտող ճիշերի ու ողբի պատճառով։ Մեր զինվորները չցանկացան միջամտել «թուրքերի ներքին գործերին»։ Երբ լույսը բացվեց, պարզվեց մի սարսափելի տեսարան։ Վայրենի բռնակալների կողմից չարչարված ու բռնարարված այդ աղջիկների կոկորդները կտրված էին...»։

Ապա շարունակում է. «Սարսափելի դեպքերի ականատես եղա 1915 թ. վերջերին Թել Արփաղի և Ռաս-ուլ-Այնի արանքում, որտեղ մերկ, բռնարարված կանանց դիակների բազմություն էր հավաքված, իրար վրա դիզված և հետևները փայտեր մտցրած»¹։

Ընթերցողը նկատած կլինի, որ խոշտանգման ու վայրագությունների նկարագրություններն այնքան են իրար նման, որ կարծես խոսքը ո՞չ թե տարրեր դեպքերի, այլ միևնույն դեպքի մասին է։ Այդ ևս հաստատում է կատարվածների իրական լինելը։ Մանավանդ, որ վկայությունների հեղինակները հիմնականում թուրքերն ու թուրքամետ պետությունների ներկայացուցիչներն էին։

Նիպագեն և գերմանացի սպաները Դեր Զորի գաղթականական կացարաններն անվանեցին համակենտրոնացման ճամբարներ։ «Անհնար է նկարագրել այն ահավոր տպավորությունը, որ իմ վրա գործեց այցելությունը Եփրատի երկայնքով, մասնավորապես գետի աջ ափին Մեսքենեից Դեր Զոր տեղավորված հայկական ճամբարները...»

Եփրատի ափերին ցիրուցան արված հայ ազգից մնացել էին միայն ծերերը, կանայք ու երեխաները։ Այն տղամարդիկ, որոնց գեռ չէին հասցրել սպանել, աշխատում էին շինարարական գումարտակներում։ Աղջիկները, ավելի հաճախ աղջնակները, որս էին դարձել մահմեղականներին։ Նրանց զավթել էին թուրքերն ու քրդերը, վաճառել էին հարևաններին, վերածել ստրուկի։

Հեծյալ ժանդարմները պատվում էին ճամբարների չուրջը, որպեսզի բռնեն ու պատժեն փախչողներին։ Ես անապատի տարրեր մասերում հանդիպեցի վեց փախածների, որոնք քաղցից մահմերձ վիճակում էին, շրջապատված սոված շներով, որոնք սպասում էին նրանց մահվանը՝ մարմինը հոչուելու համար մեռածի... Ինձ թվում էր, որ ես դժոխքում էի»²։

Շատ ավելի խոսուն են Ա. Վեգների ներկայացրած նյութերը։ Նա լուսանկարել էր հայերի դժոխային վիճակի տեսարանները։ Ավելի քան 200 լուսանկար, որոնց մի մասը թուրքերը խլում են, բայց հիմնական մասը հաջողվում է փրկել ու ցուցադրել Գերմանիայում, իսկ ապա նաև եվրոպական մի քանի երկրներում։

«Բոկոտն, հյուծված, տենդից ու այլ հիվանդություններից ուժասպառ մարդկանց ծանր աստիճանի նոսրացած խմբերին,- պատմում է Ա. Վեգները,- արևի կիզիչ ճառագայթների տակ, ժայռոտ կիրճերով ու անանցանելի լեռներով քշում էին հարյուրավոր մղոններ, դեպի կիսարևադարձային ճահիճները՝

¹ Hirschfeld M., Andreas G., Sittengeschichte des I Weltkriege, Leipzig, 1929. s. 261-263.

² Carzou J.-M., Première. 1915. Le Genocide des Arméniens, Paris, 1980. p. 103-105.

մահվան գիրկը: Այստեղ նրանք գտնում էին իրենց վախճանը, սպանվելով ու կողոպտվելով քրդերի ու ժանդարմների ձեռքով, զնդակահարվելով, դաշունահարվելով, նահատակվելով ծարավից ու ցրտից, մեռնելով համաձարակներից, սառչելով, ջրահեղձ արվելով և կեր դառնալով չնազայլերին: Երեխաները մեռնում էին արցունքներն աչքերին: Տղամարդիկ նետվում էին ժայռերից: Մայրերն իրենց փոքրիկներին նետում էին ջրհորներ, հղի կանայք երգելով նետվում էին եփրատի ջրերը: Ես տեսել եմ խելագարվածների, որոնք ուտում էին իրենց մարմնի խորխը, կանանց, որոնք եփում էին իրենց նորածինների մարմինները, աղջկների, որոնք կտրատում էին իրենց մայրերի տաք մարմինները, որպեսզի նրանց աղիներում գտնեն այն ոսկին, որ նրանք կուլ էին տվել ավազակ ժանդարմների սարսափից:

Ավերակ կարավան-վրաններում տարաբախտները անօգնական ու անկարեկից պառկում էին կիսանեխած դիակների կողքին, սպասելով իրենց անխոսափելի մահվանը»¹:

Գտնվելով Ռաս-ուլ-Այնում, Արմին Վեգները Գերմանիայում բնակվող իր հարազատներին նոյեմբերի 1915թ. 26-ին գրում է. «Բոլոր լեռնահովիտները, բոլոր գետակները լցված են թշվառության ճամբարներով: Տավրոսի և Ամանոսի կիրճերով ձգվում է մի տեղահանված ժողովրդի, հարյուր հազարավոր տարաբախտների ահազին հեղեղը, որ հորձանք է տալիս լեռների ստորոտով, որպեսզի նվազելով ու նվազելով՝ անվերջանալի թափորներով գահավիժի դեպի հարթավայր և ցրվելով կորչի անապատում... Դա այն ճանապարհն է, որից այլևս տունդարձ չկա»²:

Հոկտեմբերի 19-ի նամակում պատմում է. «Որովհետեւ Զեմալ փաշան արգելել է ճամբարներում լուսանկարել, մի ճամբարում լուսանկարածս սոսկումի ու մեղաղրանքի պատկերները ևս թաքցրել եմ վարտիքիս մեջ»: Մեսքենեում հայ գաղթականների «Հայացքները ճնշում էին: «Դու ինքդ գերմանացի ես,- ասում էին նրանք,- և թուրքերին դաշնակից... Ուրեմն ճիշտ է, որ դուք էլ այդ էիք ուզում»: Ես խոնարհում եմ աչքերս: Ի՞նչ կարող եմ պատասխանել նրանց առարկելու համար»:

Հաղարավոր մարդիկ, մեծ մասամբ կանայք ու երեխաներ, քարշ էին գալիս ամայի դաշտերում ու ձորերում, մեռնում ոչ միայն սովից, տանջանքներից ու հիվանդություններից, այլև թուրք ոստիկանների ու գինվորների դաժանություններից: «Ես հաճախ եմ տեսել,- գրում է Պ. Շեֆերը,- թե ինչպես նրանք ընկնում էին զետոնին, բայց նորից ու նորից ոտքի էին կանգնեցնում խղակոթերով ու սվիններով և քշում հեռու»: «Ով չի կարողանում արագ ոտքի կանգնել,- շարունակում է Բ. Ռոները,- սվինահար են անում... Կարավանները միշտ էլ իրենց հետեւից թողնում են մեռածների, երեխաների ու հիվանդների, որոնք դատապարտված են կործանման... Նրանք մեռնում են հազարներով»³:

¹ «Արմին Վեգները և...», էջ 25-26

² «Ալիք», 10 մայիսի 1981թ.:

³ «Լրաբեր» (ԳԱ), 1987թ., № 7, էջ 88, 90:

Հիվանդությունների համաճարակը հնձում էր տարագրյալներին: Հալեպի վալի Մ. Աբղուլ Հակիկի ու տեղի գաղթականական գրասենյակի տնօրեն Ա. Նուրիի ջանքերով ոչնչացվեց 300.000 հայ:

Միջազետքը դարձավ Հայերի գերեզմանոց. «Անապատներու հրակէղ աւաղի անծայրածիր տարածութեան մէջ 400.000 հայ տարագիրներ բնաջնջուեցան սպանդով կամ սովամահութեամբ»¹:

Մ. Նեղիմը շարունակում է. «... Ներուեցաք ըսելով Եփրատի Հանդիպակաց ափին անցկացնել 40-50 հազար դժբախտներ եւ հոն զանոնք սպառսպուր կոտորել, փոսը լեցնել 10 հազարէն աւելի տղաքը, քարիւղ թափել անոնց վրայ եւ այրել...

Տէր Զօրի մէջ ամէն երկրէ հաւաքուած էին շուրջ 160 հազար անհատներ... Տարակոյս չկայ, որ այնտեղ հաւաքուած 160 հազար Հայերը ասոր տասնապատիկն էին, երբ վտարուեցան իրենց օջախէն. անսուազութիւնը, թշուառութիւնը, ճամբու տառապանքները հալեցուցեր, այս քանակին իջեցուցեր էին զանոնք»²:

Եթե Հավատանք Նեղիմին, Դեր Զորում,- ինչն ասելով նա նկատի ունի ամբողջ Սիրիան և Միջազետքը,- Հավաքել էին 1.600.000 հայ, ինչը Հավանական չէ: Խոսք կարող է լինել 1-2 միլիոն հոգու մասին:

Ընթերցողի ուշագրությանն ենք ներկայացնում չեզոք ականատեսի պատմածը, որ տեղ է գտել Յո. Լեփսիուսի «Տեղեկանքներում». «Ես թույլտվություն էի ստացել այցելելու Հայերի ճամբարները, որոնք ընկած են Եփրատի երկայնքով՝ Մեսքենեից մինչև Դեր Զոր և Հաշվետվություն ներկայացնել այնտեղ արտաքսվածների վիճակի, նրանց կենսապայմանների մասին, եթե Հնարավոր էր՝ իմանալ նաև արտաքսվածների մոտավոր թիվը».

Անհնար է տալ այն զարհուրելի տպագորությունների նկարագիրը, որոնք ես վերապրեցի Եփրատի աջ ափի երկայնքով ցրված ճամբարներով անցնելիս: «Ճամբարների» մասին խոսեն ուղղակի անհնար է: Այս դժբախտների մեծ մասին դեռ երթուղու սկզբին կողոպտել էին, ճանապարհին էլ թալանել այնքիցը, ինչ կարողացել էին թաքցնել բաց երկնքի տակ անսառւնների նման իրար վրա լցված, բոլորովին անպաշտպան շողի ու ցրտի դեմ, համարյա առանց շորերի, ավելի քան անկանոն և անբավարար սնունդով, հանձնված եղանակի քմահաճույքին ամուսնը՝ անապատի կիզիչ արևայրուքին, գարնանը և աշնանը՝ քամուն ու անձրևին, ձմուսնը՝ ցրտին, ահավոր զրկանքների ենթարկվելուց հյուծված, անվերջ քայլելուց ուժասպառ եղած, ենթակա ամենավատ վերաբերմունքի, սոսկալի կտտանքների և մշտապես սպառնացող մահվան սարսափին: Ովքեր դեռ պահպանել են իրենց ուժերի մնացորդները, գետափի երկայնքով ծմակներ էին փորել, որտեղ և թաքնվում էին:

Ում Հաջողվել էր պահել մի քանի կտոր շոր և մի քիչ փող, և ի վիճակի էր մի քիչ այլուր զնել, Համարվում էր երջանիկ և Հարուստ մարդ: Երջանիկ էին

¹ Պալաքեան Գր., նշվ. աշխ., էջ 62:

² Նետիմ Մ., նշվ. աշխ., էջ 112-113:

նաև նրանք, որոնք կարող էին գյուղացիներից մի քանի ձմեռուկ կամ մի հիվանդ ու նիհար այծ ձեռք բերել, որոնց դիմաց քոչվորները դրանց քաշի չափ ուկի էին չորթում»:

Ամենուրեք միայն դալուկ դեմքեր էին, հյուծված կերպարանքներ, թափառող կմախքներ, որոնց քայլայել էին հիվանդությունները և որոնք բոլորը քաղցի զոհեր դարձան:

Բոլորովին հոգ չէր տարվել տարագիրներին կերակրելու մասին: «Ընդհակառակը, բացահայտ երևում էր, որ կառավարությունը նրանց սովամահ անելու նպատակ է հետապնդել: Անգամ կազմակերպված զանգվածային կոտորածները, շատ ավելի մարդկային կյինեին, քանզի կարեկցանքի արժանի այս ժողովուրդը կազմատվեր դանդաղ սովամահ լինելու սարսափից և մշակված խոշտանգումներից առաջացած այն սոսկալի ցավերից, ինչպիսին հղանալ չէին կարող անգամ վայրագ մոնղոլները»:

Երիտասարդ աղջիկները, հաճախ դեռ երեխաներ, դարձել էին մահմեղականների ավարը: Տեղափոխման երկար երթերի ժամանակ նրանց քաշը շուրջում էին, հարմար պահին՝ բռնաբարում, վաճառում՝ եթե նրանց չէին սպանել այն ժանդարմները, որոնք ուղեկցում էին մոռայլ կարավանները: Շատերին քարշ էին տալիս հարեմներ՝ ստրկության:

Ինչպես Դանթեի դժոխքի դարպասին էր գրված, այնպես էլ համակենտրոնացման ճամբարների մուտքերին կարելի էր գրել. «Ովքեր մտնում են այստեղ, թող որևէ հույս չունենան փրկվելու»:

Հեծյալ ժանդարմները շուրջկալներ էին կազմակերպում, որպեսզի բոլոր նրանց, որոնք կիրածեին փախչել, բռնեին և զավագանազարկ անեին: Բոլոր ուղիները տանում էին անապատ, որտեղ նրանց նորից մահ էր սպասում:

«Ճամփեղրին ամենուրեք կարելի է տեսնել հայերի բեկորներ... Հարյուրավոր հողաթմբերի տակ վայրագ բարբարոսության այս զոհերը հանգչում էին անանուն»:

Մի կողմից, նրանց արգելում են ուտելիք ճարելու համար հեռանալ համակենտրոնացման ճամբարներից, մյուս կողմից՝ զրկում էին իրենց ընդունակություններն օգտագործելու հնարավորությունից:

Մահկան սպառնալիքի ներքո նրանց անվերջ քշում էին մի տեղից մյուսը, որպեսզի «տանջանքների մեջ բազմազանություն մտցնեն»: Նրանց ամեն անգամ ստիպում են նոր երթեր կատարել, առանց հացի, առանց ջրի, իրենց հալածողների գավազանների ներքո մատնված նոր տառապանքների, նոր զածանությունների, «ինչպիսիք չէին կիրառում անգամ Սուլանի ստրկավաճառները իրենց զոհերի հանդեպ»:

Ում մոտ դեռևս փող էր մնացել, անընդհատ կողոպտվում էին կարավանն ուղեկցողների կողմից, որոնք ահարեկում էին է՛լ ավելի հեռուն քշել նրանց: «Եվ երբ արդեն այդ փոքր միջոցներն էլ վերջանում էին, սպառնալիքներն իրագործվում են: Ինձ թվում էր, որ ես իրոք քայլում եմ դժոխքի միջով: Այն փոքր թվով տեղահանությունները, որոնք ուղում եմ վերարտադրել, պատահական են և շտապ ի մի բերված: Դրանք կարող են միայն թյուր պատկերացում տալ ալն սարսափելի և դաժան իրականության մասին, որ տեսել եմ սեփական

աչքերով: Ամենուրեք տիրում է բարբարոսության սարսափելի իշխանությունը, որի նպատակը հայ ազգի հետևողական բնաջնջումն էր:

Մեսքենեից մինչև Դեր-Էլ-Զոր, ամենուրեք եփրատի ափերը, նույն հրեշավորության վկաններն էին»:

Համամը փոքր զյուղ էր, որտեղ շրջափակման մեջ էր 1600 հայ: Այստեղ ևս ամեն օր սովի ու սարսափի նույն ներկայացումն էր: Տղամարդիկ բռնի կերպով քշվել էին բանվորական զորամասեր՝ հողային աշխատանքներ կատարելու: Որպես աշխատավարձ նրանք օրական ստանում են մի կտոր ուտելու համար ոչ պիտանի և անմարսելի հայ: Մահացությունը հսկայական էր, առանձնապես երեխանների շրջանում:

«Եփրատի ափին Ռաքբայի դիմաց ես գտա վրանների տակ խցկված հազարավոր հայեր, որոնց հսկում էին զինվորները: Նրանք նույնպես քաղցի էին մատնված և սպասում էին ուրիշ տեղեր փոխադրվելուն, որտեղ լրացնելու էին մահացած նախորդների շարքերը»:

Կանանց և երեխանների խմբերը քարշ էին զալիս գետի երկայնքով, խոտ և արմտիք էին փնտրում, որպեսզի հագեցնեին քաղցը: Ուրիշներն ուժասպառ տապալվում էին իրենց անտարբեր հսկիչների աչքերի առաջ:

Դեր Զորում Զեքին սկզբում փորձեց հայերին ոչնչացնել արարների միջոցով, բայց վերջինները հրաժարվեցին. «Մեր խիղճը չենք կրնար բեռնավորել անմեղներու արիւնով»¹:

Ֆրանսիական դիվանագիտական մի փաստաթուղթ նույնպես վկայում է, որ «Թուրքերը որոշակի հույսեր ունեին, որ արարները կսպանեն կենդանի մնացածներին: Բայց նրանք սխալվեցին, քանզի արարները դրսորեցին մեծ համակրանք հայերի հանդեպ»²: Ականատեսներից Հ. Թորոսյանը գրում է. «Եթե ըրլար արար ազնիւ ժողովուրդին մարդասիրութիւնը՝ Սուրբոյ եւ Միջագետքի հայութեան մեծ մասը գոյութիւն չէր ունենար»³: Արար հասարակական գործիչ Յուսուփ Էլ-Հաքիմը գրում է. «1915-ին որեւէ ճամբորդ, Պէյրութէն դէպի Դամասկոս երկարող ճամբուն վրայ եւ Պեքաայի դաշտերուն մէջ կը հանդիպէր եւ ականատես կ'ըլլար տասնեակ հազարաւոր հայ մանուկներու, կիներու եւ ծերերու, որոնք երկինքը վերմակ ու հողը անկողին ըրած՝ ամէն կողմ տարածուած էին այնպիսի խղճակի վիճակով մը, որ դիտողին սիրտը կտոր-կտոր կ'ընէր... Պետութիւնը հսկայ ջարդեր կազմակերպեց ... Անոնք (Հայերը) գտան արար ժողովուրդին եղբայրական ու մարդկային վերաբերմունքն ու օգնութիւնը»⁴:

Օսմանյան խորհրդարանի անդամ Մ. Էմինը 1918 թ. նոյեմբերին հանդես գալով խորհրդարանում, հայտարարեց. «Ճեղեթ բեյը Դեր Զորի մերձակայքում ավերել տվեց բռնագաղթված հայերի վրանային ավանը և 70 հազար հայ գաղանարար ոչնչացրեց: Դեր Զորի և Ռաս-ուլ-Այնի միջև ընկած տարածքներում

¹ «Տէր Զօր: Աղէտէն վերապրողներ», Փարիզ, 1922, էջ 28:

² Beylerian A., նշվ. աշխ., էջ 388:

³ «1915. Աղէտ եւ վերաճունդ», Փարիզ, 1915, էջ 16:

⁴ «Զարթօնք», 31 մարտի 1987 թ.:

գայլերի և անգղների հոչոտումներից առաջացած հայերի ոսկորներից ըլուրներ էին գոյացել:

Հայերից շատերի տները քանդել են, ավերել, մեծ ու փոքր, ծեր ու երեխա բոլորը մեռած են»¹:

Մեր օրերում նույնպես օգտագործվում է «Հայկական ապստամբության» վերաբերյալ թալեաթյան քարոզչության հին լամբը օսմանյան վարչակարգի ցեղասպան բնույթը քողարկելու համար: Ա. Անտոնյանը նշում է, որ այդ լամբը ըստ ամենայնի գործածվում էր ցեղասպանության ամբողջ ընթացքում:

«Էրզրումի վերագրաւումն ետքը.- գրում է նա,- թուրք հրամանատարները, մասնաւոր թելազրութեան համեմատ, տեղեկագիր տեղեկագրի վրայ կը հասցնէին Պոլիս, թէ նահանջող հայերը հսկայ ջարդի մը մէջ փճացուցած են այդ կողմերու բոլոր իալամ բնակչութեանը: Թիւրք մամուլը ամենասոխերիմ պայքար մը սկսած էր հայոց դէմ: ...Լկուած իալամ աղջիկներու, փորերնին պատուած յղի կիներու, սուիններու ծայրը շամփրուած նորածիններու, ծիծերնին կտրտուած գեղջկուհիներով սրունքներէն երկու կտոր եղած մանուկներու, խոշոր խարույկներու մէջ տապկուած ծերերու եւ պառաւներու, ցցահան եղած եւ կամ կտոր-կտոր մանրուած դիակներու, քանդուած օճախներու առասպելները սիւնակ սիւնակ իրարու կը յաջորդէին թուրք մամուլին մէջ եւ վերջը չէր գար»²:

Մինչդեռ «Հայկական նահանջին առթիւ կատարուած մանր-մունր անցքերու եւ թուրք թերթերուն կողմէն նկարագրուած զարհուրելի դէպքերու միջեւ կար անսահման անդունդ մը, զոր լոկ թուրքերու ստախօսութեան հանձարը կրնար լեցնել...»³:

Թուրքական մամուլի ստահող հրապարակումները նպատակ ունեին «Նոր գրգոռութիւն մը առաջ բերելու համար հայոց դէմ, անոնցմէ մնացող վերջին բեկորներէն ալ, այս անգամ թերեւս Պոլսոյ եւ Իզմիրի հայութիւնն ալ կոտորել տալու մտածողութեամբ»⁴:

Թուրքերի նոր բորբոքման պատճառներից մեկը Պաղեստինում նրանց անհաջողություններն էին, որոնք վտանգի տակ էին դնում Արաբիայի և Սիրիայի մնալը կայսրության կազմում, իսկ անզիւական բանակի շարքերում կովում էին նաև հայեր:

Դամասկոսի կուսակալ Թահամինը Կիլիկիայի կաթողիկոսին ասաց. «Կառավարութիւնը փաստեր ունի, թէ հայեր կը գտնուին անզիւացւոց եւ Շերիֆին բանակին մէջ, եւ այս հայերը ասկէ փախչողներ են. զգուշացո՞ւր ժողովուրդդ, որովհետեւ կրնայ շատ ծանր ըլլալ հետեւանքը»⁵:

Հայերի գեմ զրգուում էին մասնավորապես բանակը: Հայերի ոճիրների մասին թերթերում տպված նյութերը «ամէն իրիկուն իր օրակարգ կը կարդացուէին թուրք զինուորներուն...»⁶:

¹ «Ժամանակ», 27 նոյեմբերի 1918թ.:

² Անտոնեան Ա., նշվ. աշխ., էջ 224:

³ Նույն տեղում:

⁴ Նույն տեղում:

⁵ Նույն տեղում, էջ 225:

⁶ Նույն տեղում, էջ 226:

«...Զէչնները արդէն իսկ եկեր բանակեր էին Հալէպէն չորս ժամ անդին... Ամէն բան ցոյց կու տար, որ Հալէպի հայ ժողովուրդը յանկարծ տեղահան ընելով պիտի յանձնէին չէչններուն... Հալէպի ոստիկանութեան տնօրէնը Սաատէտտին պէջ ... ըսեր էր, որ այս անգամ «ընդհանուր պիտի ըլլայս»... Մինչեւ Դամասկոս նոյն դրությունն էր, եւ ամէն իսլամ, ամէն զինուոր, ամէն ժանտարմա ... կը պատրաստուէր այդ գերազոյն կոտորածին»¹:

Իսկ Թալեաթի հավաստիացումը, «որ այլևս որևէ տեղ տեղահանություններ չեն լինի», սոսկ բառախաղ էր: Իշարկե, աքսորումներ չէին լինելու, քանի որ այլևս մարդ չէր մնացել տեղահանելու, բայց կային աքսորյալներ, հարավում շարունակվում էին գանգվածային կոտորածները, մոլեգնում էր սովամահությունը, օգնության անվան տակ տեղի էին ունենում նաև մասնակի ջարդեր: Այսինքն, թուրքերը շարունակում էին գործել այն ուղղությամբ, որպեսզի ձեռնարկած սև գործը հասցվեր իր տրամաբանական ավարտին:

Ամփոփենք, թե ինչ կատարվեց հարավային նահանգներում:

Նախնական հաղորդումներից հետևում էր, որ Միջագետքը շարունակում էր դիտվել որպես նոր տեղահանությունների «նպատակակետ», չնայած 1915 թ. աշնանից սկսել էին հայ ազգարնակչության աքսորումները նաև Միջագետքի քաղաքներից: Սեպտեմբերի 2-ին Ջեղիբերի քրիստոնյաներին, կաթոլիկներին և սիրիացի հակորիկյաններին կոտորեցին: Հոկտեմբերի 16-ին Ուրֆայի հայ ազգարնակչության մի մասին կոտորեցին (չուրջ 20 հազար հոգի), իսկ մնացածին աքսորեցին: Հոկտեմբերի 18-ին Հալեպից հաղորդեցին. «Ըստ վիլայեթի քաղաքական գործերի գծով տնօրենի տվյալների՝ Ռաջոյի և Կաթմայի մոտակայքում 40 հազար աքսորյալներ էին կենտրոնացրել: Հետագայում եկան բազմաթիվ կարավաններ»:

Տարագրումը գեպի ավելի հարավ (արևմտյան Հառուան, Ռաքքա, Դեր Զոր) շարունակվեց և ներառավ մոտ 600.000 հայի: Նոր վայրերում բնակեցման համար պակասում էր ամեն ինչ՝ վառելիք, սննդամթերք, ճամբարի համար վրաններ և այլ ամենասանհրամեշտ բաններ:

Աքսորյալ գյուղացիները գյուղատնտեսական որևէ գործիք չունեին: Ընդհանուր կարծիքը մեկն էր՝ բոլոր տարագիրները ծրագրավորված մահվան էին դատապարտված: Ինչպես Հյուսիսային Միջագետքից, այնպես էլ հարավի մնացած քաղաքներից և գյուղերից ու Հյուսիսային Միրիայից հայերը տեղահանվեցին ու կոտորվեցին: 1916 թ. հունվարի սկզբին 5-6 հազար հայերի Այնթապից քշեցին դեպի անապատները: Փետրվարի կեսերին Քիլիսի բոլոր երեխաներին աքսորեցին:

Ապրիլի 6-ին Ռաս-ուլ-Այնի ճամբարների 14.000 տարագիրներից 12.000-ին մորթեցին:

Եվ այսպես մինչև անգլիական բանակի մուտքը Սիրիա և Միջագետք, որի շնորհիվ փրկվեցին այդ տարածքները քշված հայերի խլակներն ու տեղաբնակ հայերի զգալի մասը:

Վերևում ասվեց, որ հայերի ջարդերին ամենաեռանդուն մասնակցություն

¹ Անտոնեան Ա., նշվ. աշխ., էջ 224:

ունեցել է նաև թուրքական բանակը: Հանրահայտ իրողություն է, որ նոր ժամանակների բանակները (բացառությամբ Փաշխատականից), որպես կանոն, խուսափում էին խաղաղ բնակչությանը խժդությունների ենթարկելուց: Արդ, ինչո՞վ է բացատրվում հայերի հանդեպ թուրքական բանակի ավազակարարո վերաբերմունքը: “Դեռ” թերթի 1915 թ. սեպտեմբերի 6-ի համարում կարդում ենք, թե թուրքական մի դիվիզիա Միջազետքից շարժվում էր դեպի Հյուսիս: Այդ դիվիզիան, երբ դուրս էր գալիս Սիրիայից, ուներ 7-8 հազար սվին, բայց կարձ ժամանակ անց մնաց 3000 սվին: Պատճառը ոչ թե մարտական զործողություններն էին, այլ սովոր: Զորքերը «կերակրվում էին գրեթե բացառապես ավազակության միջոցով... Ասկարները օրը ուտում էին մեկ անգամ՝ միս, եթե մերձակայքում անառուն կար, կամ հացի հում բոքոններ, որոնք զինվորներն իրենք պետք է եփեին: Երբեմն խմում էին այնպիսի ջուր, որից անգամ անասուններն էին հրաժարվում»: Դրանով է բացատրվում տիֆ, դիղենտերիա, տենդ հիվանդությունների տարածված լինելը և դրանցով հիվանդներին ու ծանր վիրավորներին... Հաճախ ճանապարհին թողնելը:

Թուրքական բանակի զինվորներին ներշնչել էին, որ այդ ամենի պատճառը հանդիսացող պատերազմի համար մեղավորը հայերն էին, որ նրանց կեցվածքի հետևանքով թուրքիան ներքաշվեց պատերազմի մեջ: Դրան գումարվեց «սրբազն պատերազմ» հայտարարելը, որ միավորեց մահմեղականներին քրիստոնյաների դեմ: «Այստեղից անպաշտպան հայերի հանդեպ գաղանությունների ու բռնությունների այն աներևսակայելի պատկերը», որին ականատես եղավ աշխարհը: Դա չէր կարող չղաժանացնել նաև հայերին, որոնք «երբեմն ցանկանում էին թշնամուց վրեժ լուծել անգամ իրենց կործանման գնով»: Այս միտքը հաստատելու համար Ն. Օգանովսկին բերում է հետևյալ օրինակը: Բանտի խցում մի քանի տասնյակ մահմեղականի հետ բանտարկված էր նաև մի հայ: Այդ հայը թաքուն նավթ է ճարում և հրղեհում խուցը: Այդ մահմեղականներին ոչնչացնելու համար նա չի խնայում սեփական կյանքը:

Ո՛չ միայն հայի ու քրդի, այլև հայի ու թուրքի թշնամությունը կենսաբանական չէր, այլ՝ իրական կյանքի հանգամանքների հետևանքը: Հետևաբար հարկ է կողմնորոշվել ո՛չ թե դեպի ճակատագրական անխոսափելիությունը, այլ թշնամություն ծնող հանգամանքների վերացման անհրաժեշտությունը:

“**Արմահական աշխարհ**”-ի 1916 թ. № 1-ում ներկայացված է սպանված, տեղահանված, մահմեղականացված հայերի վերաբերյալ հետևյալ տվյալներն ըստ քաղաքների ու սանջակների. Արմաշ՝ 500, Նիկոմեդիա՝ 65.000, Բուրսա՝ 25.000, Բանդրմա՝ 15000, Կեսարիա՝ 40000, Սամսուն՝ 20.000, Տրավրիզոն՝ 32700, Հալեպ՝ 15800, Սիս, Հաճըն՝ 30300, Ջելմուն-Ֆըռոնուղ՝ 28.000, Սեբաստիա՝ 81.000, Եղովիկիա՝ 23.000, Ամասիա՝ 25.000, Շապին-Կարահիսար՝ 25.3000, Էրզրում՝ 72.000, Երզնկա՝ 25.000, Բայրուրդ՝ 17.000, Դերջան՝ 15.000, Քեմախ՝ 10.000, Խարբերդ՝ 45.000, Քդի՝ 27.000, Սղերդ՝ 25.000, Դիարբերիր՝ 55100, Բասեն՝ 10500, Ակս՝ 10200, Առարջեր՝ 19500, Ջմշկածագ՝ 9000, Թղրիկ՝ 11300, Բիթլիս-Մուշ՝ 51500 հոգի: Ընդամենը՝ 835600 հոգի, որից Արևմտյան Հայաստանում՝ 548100, իսկ Անսատոլիայում և Սիրիայում՝ 272300: Իհարկե, այս թվերը թուրքական վայրագությունների ամբողջական ու լրիվ պատկերը չեն:

Այստեղ բացակայում են, օրինակ, Կ. Պոլիսը (մոտ 40.000), Միջագետքը, Կաստամոնուն, Կոնֆան և այլն: Բիթլիս-Մուշի կորուստը նշված է 51500, մինչդեռ դա հասնում էր 120.000 Հոգու: Լրիվ բացակայում են Վանն ու Վասպուրականը (30-40.000): Կարելի է շարունակել բացթողումների ցուցակը: Բայց զլսավորն այդ չէ, որովհետև ներկայացված տվյալները վերաբերում են մինչև 1916 թիվն ընկած ժամանակաշրջանին: Դրանցում բացակայում են Հյուսիսային Սիրիայում և Միջագետքում 1916 թվի առաջին կեսին տեղի ունեցած ջարդերը (600.000), որի հետ միասին Մեծ Եղեռնի զոհերի թիվը հասնում է 1,5 միլիոնի: Դրա մեջ չի մտնում Կիլիկիայում և Զմյուռնիայում 1919-1922 թթ. և Կովկասում 1918-1920 թթ. տեղի ունեցած ջարդերի թիվը (500.000):

Իվ Թերնոնը գրում է, որ 1917 թ. Հունվարի 1-ին օսմանյան կառավարությունը վերջակետ դրեց Հայկական Հարցին, այսպիսով դեմ դուրս գալով Բեռլինի դաշնագրին և դրա 61-րդ Հոգվածին, որն այլևս արժեք չուներ, քանի որ Հայ ժողովուրդը դադարել էր գոյություն ունենալուց Օսմանյան կայսրության սահմաններում:

Եվ իրոք. 1916 թ. վերջում Հալեպում մնացել էր ընդամենը 45 հազար աքսորական, որի 2/3-ը ծայրահեղ Հուսահատ վիճակում էր: Եփրատի ճամբարները «մաքրված էին»: Ըստ ԱՄՆ-ի Հյուպատոսի տվյալների, Մոսուլում կենդանի էր մնացել 8000 հայ: Գերմանիայի Հյուպատոսը նշում է, որ Դամասկոսի շրջանում կենդանի էր մնացել 30 հազար հայ և այլն: Հայերին օգնող բարեգործական ընկերությունները, որոնց հովանավորում էին ԱՄՆ-ի, Գերմանիայի և Ավստրո-Հունգարիայի Հյուպատոսները, փրկվածների թիվը նշում են՝ Մարդում՝ 20.000, Կոնիայում՝ 2000, Սրբազում՝ 25.000 Հոգի: Այս մասերում էին Հավաքվել ծովախնյա շրջանների բնակիչները, որոնց համար մի քանի հարյուրը Անատոլիայի խորքերի քաղաքներից էին: Եթե այս թվերին ավելացնենք Սիրիայի Համակենտրոնացման ճամբարներից փրկվածներին, Կոստանդնուպոլսի և Զմյուռնիայի 150 հազար հայերին, Կովկասում ապաստանած 300.000 հայերին, փրկվածների թիվը հասնում է 700.000-ի: Առևանգված կամ թուրքական ընտանիքներում ու քրդերի մոտ տեղափորված կանանց ու երեխաների թիվը դժվար է ճշգրիտ նշել. դա մոտավորապես կազմում է 200.000 Հոգի: «Ուրեմն, գրում է Թերնոնը, - ճշտությամբ կարելի է հաշվարկել, որ երկու միլիոն 100.000 հայ ընակչությունից 600.000-ը (700.000-ը) փրկվել է, 700.000-ը ոչնչացվել արևելյան վիլայեթներում, 600.000-ն անհայտ կորել աքսորի ժամանակ, 200.000-ը փոխել ինքնությունը (ուժացել է): Սրանք, իհարկե, մոտավոր թվեր են: Ոչ պետական վիճակագրական տվյալներ կան, ոչ աքսորների մատյաններ, ոչ էլ զոհերի ցուցակ»: Սակայն Եղեռնի արհավիրքը հակիրճ արտահայտված է երկու հավաստի թվերում: 1917 թվին հայերի 2/3-ը ոչնչացած էր, իսկ 1/3-ը աքսորի, թշվառության և աղետների մեջ էր¹:

Ս. Թեհրիյանն արևմտահայության գողգոթան ու բնաջնջումը ներկայացնում է հետեւյալ կերպ. «Կարաւանները ամէն կողմէ կը քալէին դէպի հարաւ, մտրակի եւ հրացանի կոթերու հարուածին տակ: Տրավիզոնի եւ Բարձր

¹ «Le crime...», p. 187-188.

Հայքի շրջաններէն եկողները հետեւեցան վերին Եփրատի հոսանքին, մինչեւ Մալաթիա, ապա Հայէպ: Նոյն կենդրոնացման կէտին յանգեցաւ արեւմուտքէն Սեբաստիոյ եւ արեւելքէն Խարբերդի ու մասամբ Տիարպէքիրի նահանգներու կոտորակուած ամբողջ Հայութիւնը: Ասոնց հետևեցաւ Արեւմտեան Անատոլիայի եւ Կիլիկիոյ Հայութիւնը: Բայց արդէն մինչեւ Հոն՝ տեղահանութեան ահաւոր պայմանները, անօթութիւնը, սպառումը, Հիւանդութիւններն ու յափշտակութիւնները ջարդուկոտոր ըրած էին կիներու եւ երեխաններու կարաւանները: Եփրատի զոյգ ճիւղերը ամիսներ ամբողջ ափ նետեցին անոնց խեղղամահ դիակները: Այսուհանդերձ, ինչպէս կ'ըսէ նաեւ Ա. Թոյնափի, անոնք աւելի բախտաւոր եղան, քան վերապրողները՝ պառաւ, ընտանիքի մայր, յղի կին, որոնք քշուեցան դէպի իրենց սպասող չարչարանքի գողգոթան:

Պետութիւնը եւ թուրք բնակչութիւնը իրենց առաւելագոյնը ըրին, որպէս-զի տարագրեալներու կարելի եղածին չափ փորբ թիւ մը հասնի այդ վայրերը»:

Դեր-Զորն էր սպանդի վերջին արարվածը. «Հարյուր հազարավոր գաղթականներ հասան եւ դիզուեցան անապատի ... ահաւոր պայմաններուն մէջ. անապատի կիզիչ ամառէն ետք, անոնց բացօղեայ կայքերուն վրայ իջան ձմեռն ու հիւանդութիւնները: Օրական շուրջ 1000 անձ կը մեռնէր սովէն ու հիւանդութենէն...»

1916 թ. գարունը եւ ամառը բերին վերջին ահաւոր հարուածը Հիւսիսային Սուրիոյ մէջ հաւաքուած աւելի քան 0,5 միլիոն հայ գաղթականութեան գլխուն: Ապրիլին տեղի ունեցան Ռաս-ուլ-Այնի ջարդերը, ոչ ոք ազատեցաւ զիւղաքաղին շուրջ կայք հաստատած 70 հազար գաղթականներէն: Յունիսին, սկսաւ կեղրոնացումը Տէր-էլ-Զօրի շուրջը, Հալէպէն, Մեսքենէն եւ Ռաքայէն քշուած աւելի քան 200 հազար հոգինոց հսկայ, թշուառ բազմութիւն մը խմբուեցաւ քաղաքին դիմաց եւ խումբ-խումբ ճամբայ հանուեցաւ դէպի Մոսուլ, անապատին խորը, բայց Մոսուլ հասնող չեղաւ: Եւ քանի որ դիւրին չէր 200 հազար հոգի ջարդելը, Տէր-էլ-Զօրի նոր գայմագամը դիմեց զանազան ձեւերու. սով առաջացուց, եւ դիակները կերուեցան ողջերուն կողմէ, շատեր թոյն գտան եւ անձնասպան եղան: Մեծ թիւով երախաններ բանակային ձիերու սմբակներով կոխսկոտուեցան, ուրիշներ այրուեցան, բազմութիւններ ալ կենդանի թաղուեցան աւազներուն տակ»¹:

¹ «Թեհլիրեան արդարահատոյցը», էջ 21-24:

ՍՏԵՓԱՆ ՊՈՂՈՍՅԱՆ

ՀԱՅՈՑ ՑԵՂԱՍՊԱՆՈՒԹՅԱՆ ՊԱՏՄՈՒԹՅՈՒՆ

ՄԵԾ ԵՂԵՐՆԸ ԱՐԵՎԱՄՏՅԱՆ ՀԱՅԱՍՏԱՆԻ ՆԱՀԱՆԳՆԵՐՈՒՄ

Կազմի ձեսվորումը՝ Կ. Հ. Ավագյանի
Հրատ. խմբագիր՝ Մ. Գ. Թափյան
Տեխ. խմբագիր՝ Վ. Զ. Բղոյան
Սրբագրիչ՝ Վ. Վ. Դերձյան
Համակարգչային ձեսվորումը՝ Ա. Խ. Աղուլումյանի

Ստորագրված է տպագրության 01.03.2011թ.:
Զափում՝ 70x100 1/16; Թուղթ՝ օֆսեթ;
Հրատ. 50.0 մամուլ, տպագր. 42.0 մամուլ = 54.6 պայմ. մամուլի:
Տպագանակ՝ 500; Պատվեր՝ 113:

ԵՊՀ հրատարակչություն, Երևան, Ալ. Մանուկյան 1

ԵՊՀ տպագրատուն, Երևան, Աբովյան 52